

ნარკვევები
საქართველოს ისტორიიდან



აფხაზეთი



აფხაზეთის განათლებისა და კულტურის სამინისტრო
ივ. ჯავახიშვილის ისტორიისა და ეთნოლოგიის ინსტიტუტი

ნარკვევები საქართველოს ისტორიიდან

აფხაზეთი

უძველესი დროიდან დღემდე

თბილისი
ინტელექტი
2007

სარედაქციო კოლეგია: პროფესორი ჯემალ გამახარია
(მთავარი რედაქტორი), პროფესორი თამაზ ბერაძე,
პროფესორი თეიმურაზ გვანცელაძე

ავტორთა კოლექტივი: ჯემალ გამახარია (პროექტის ხელმძღვანელი), ლია ახალაძე, მალხაზ ბარამიძე, თამაზ ბერაძე, ლია ბითაძე, ირაკლი გელენავა, თეიმურაზ გვანცელაძე, ბადრი გოგია, კობა ოკუჯავა, გურანდა ფხაკაძე, რეზო ხვისტანი, ბეჟან ხორავა, დაზმირ ჯოჯუა.

რეცენზენტები: პროფესორი ოთარ ჟორდანი
პროფესორი მანანა სანაძე
პროფესორი ტარიელ ფუტკარაძე

წიგნი წარმოადგენს პირველ განმზოვადებელ მეცნიერულ ნაშრომს აფხაზეთის ისტორიის საკითხებზე უძველესი დროიდან დღემდე. მისი მეშვეობით მკითხველი გაეცნობა ქართველი და აფხაზი ისტორიკოსების შეხედულებებს სადავო საკითხებზე, რაც, თავის მხრივ, მკითხველს საშუალებას მისცემს დარწმუნდეს ამა თუ იმ დებულების სისწორეში. ნაშრომი შეიძლება გამოყენებულ იქნეს დამხმარე სახელმძღვანელოდ უმაღლეს სასწავლებლებში საქართველოს ისტორიის, პოლიტოლოგიის, გეოპოლიტიკის, კონფლიქტოლოგიის და სხვა კურსების შესწავლისას. იგი დაეხმარება პედაგოგებს კვალიფიკაციის ამაღლებაში.

გარეკანზე გამოსახულია გუდაუთის რაიონის სოფელ ანუხვის მიქაელ და გაბრიელ მთავარანგელოზების ეკლესიის სვეტზე ამოკვეთილი გიორგი ბასილის ძის ქართული წარწერა (XI ს.).

სარჩევი

შესავალი (ჯემალ გამახარია).....	5	
თავი I. ისტორიულ-გეოგრაფიული მიმოხილვა (თამაზ ბერაძე, ბეჟან ხორავა).....	6-10	
თავი II. წინარეანტიკური ხანის არქეოლოგიური ძეგლები თანამედროვე აფხაზეთის ტერიტორიაზე (მალხაზ ბარამიძე, გურანდა ფხაკაძე)		
1. ქვის ხანა (ძვ.წ. 1 800 000 – 50 000)	11-14	
2. ენეოლით-შუაბრინჯაოს ხანა (ძვ.წ. V-II ათასწლეულის შუახანები)	15-22	
3. გვიანბრინჯაო – აღრეკინის ხანა (ძვ.წ. XVI-VIII სს.)	22-29	
თავი III. თანამედროვე აფხაზეთის მიწა-წყალი - ძველი ეგრისის (კოლხეთის) შემადგენლობაში ძვ.წ. I საუკუნემდე (ჯემალ გამახარია)		
1. მონაცემები წინარეანტიკური პერიოდის შესახებ	30-40	
2. ეთნოპოლიტიკური ვითარება ძვ. წ. VI-I სს.	40-57	
თავი IV. თანამედროვე აფხაზეთის ტერიტორია I საუკუნიდან VIII საუკუნის შუა ხანებამდე (ჯემალ გამახარია)		
1. ეთნიკური ვითარება	58-77	
2. ქრისტიანობის გავრცელება.....	77-80	
3. აფხაზეთი ეგრისის (ლაზიკის) შემადგენლობაში.	80-92	
თავი V. აფხაზეთი „აფხაზთა სამეფოს“ შემადგენლობაში. VIII ს. მეორე ნახევარი – X ს. (ლია ახალაძე)		93-112
თავი VI. აფხაზეთის საეკლესიო ხუროთმოძღვრება (რევაზ ხვისტიანი)		113-118
თავი VII. თანამედროვე აფხაზეთის ტერიტორია გაერთიანებული საქართველოს შემადგენლობაში. XI – XV სს.		
1. აფხაზეთი XI საუკუნიდან XIII საუკუნის 40-იან წლებამდე (ლია ახალაძე).....	119-130	
2. აფხაზეთი XIII ს-ის 40-იანი წლებიდან XV ს-ის 90-იან წლებამდე (თამაზ ბერაძე)	130-140	
3. გენუელთა სავაჭრო ფაქტორია სავანსტოპოლ-ცხომში//ცხუმში (თამაზ ბერაძე)	141-147	
თავი VIII. თანამედროვე აფხაზეთის ტერიტორია XVI საუკუნეში (თამაზ ბერაძე)		148-152
თავი IX. თანამედროვე აფხაზეთის ტერიტორია XVII საუკუნეში (კობა ოკუჯავა)		
1. პოლიტიკური ვითარება	153-161	
2. ეთნიკური პროცესები	161-171	
3. რელიგიური ვითარება.....	171-174	
თავი X. ანთროპოლოგიური მონაცემები აფხაზთა ეთნოგენეზისის საკითხისათვის (ლია ბითაძე)		175-179
თავი XI. აფხაზეთის ეთნიკური ისტორიის ლინგვისტური საფუძვლები (თეიმურაზ გვანცველაძე)		180-198
თავი XII. აფხაზეთი XVIII საუკუნის დასაწყისიდან 80-იან წლებამდე (ბეჟან ხორავა).....		199-204
თავი XIII. აფხაზეთი XVIII ს. მიწურულსა და XIX ს. დამდეგს. აფხაზეთის შესვლა რუსეთის „მფარველობაში“ (ბეჟან ხორავა)		205-220

თავი XIV. აფხაზეთი 1810-1880 წლებში (ბეჟან ხორავა)	
1. რუსეთის ბატონობის განმტკიცების მცდელობანი. 1810-1820წწ.	221-228
2. სახალხო აჯანყებები და რუსეთის მიერ გატარებული სამხედრო-დიპლომატიური ღონისძიებები.	
XIXს. 20-იანი წლები.	228-241
3. აფხაზეთის სამთავრო XIXს. 30-50-იან წლებში	242-251
4. რუსეთ-კავკასიის ომის დასრულება და აფხაზეთის სამთავროს გაუქმება	251-260
5. აფხაზეთის კოლონიზაცია XIX ს. 60-70-იან წლებში.....	260-265

თავი XV. აფხაზეთი 1881 წლიდან 1917 წლის თებერვლამდე (ირაკლი გელენავა)	
1. რუსული კოლონიალური პოლიტიკის გამკაცრება აფხაზეთში. 1880-1905წწ.	266-276
2. აფხაზეთი დემოკრატიული რევოლუციის, რეაქციისა და პირველი მსოფლიო ომის პერიოდში. 1905 - 1917 წლები	277-286

თავი XVI. აფხაზეთი – საქართველოს დემოკრატიული რესპუბლიკის შემადგენლობაში (ჯემალ გამახარია)	
1. აფხაზეთის საკითხი საქართველოს სახელმწიფოებრივი დამოუკიდებლობისათვის ბრძოლის პერიოდში. 1917წ. თებერვალი – 1918წ. მაისი	287-292
2. აფხაზეთი – საქართველოს დემოკრატიული რესპუბლიკის ავტონომიური ერთეული. 1918წ. ივნისი – 1919წ. მარტი	292-301
3. პოლიტიკური ვითარება ავტონომიურ აფხაზეთში და მისი ოკუპაცია საბჭოთა რუსეთის მიერ. 1919წ. მარტი – 1921წ. მარტი	301-311

თავი XVII. აფხაზეთის პოლიტიკური სტატუსი საბჭოთა საქართველოს შემადგენლობაში. 1921-1937წწ. (ჯემალ გამახარია)	312-324
--	---------

თავი XVIII. აფხაზეთი საბჭოთა სოციალიზმის ეპოქაში. 1938-1990წწ. (დაზმირ ჯოჯუა)	325-344
--	---------

თავი XIX. აფხაზეთი საქართველოს სახელმწიფოებრივი დამოუკიდებლობის აღდგენის პირველ წლებში. 1990-1992წწ. (დაზმირ ჯოჯუა)	345-354
---	---------

თავი XX. აფხაზეთი 1992-2007 წლებში (დაზმირ ჯოჯუა)	
1. ომი აფხაზეთში. 1992-1993წწ.....	355-366
2. აფხაზეთი ომისშემდგომ წლებში. 1993-2007წწ.	366-369

თავი XXI. ძველი რუკები საქართველოს ჩრდილო-დასავლეთ საზღვრების შესახებ (ბადრი გოგია)	370 - რუკ. №№1-16
---	-------------------

პირთა საძიებელი	371-377
-----------------------	---------

შესავალი

აფხაზეთის ისტორიის საკითხებზე განმაზოგადებელი მეცნიერული ნაშრომის მომზადება და სხვადასხვა ენებზე გამოცემა მეტისმეტად გაჭიანურდა. ასეთი ნაშრომის შექმნის აუცილებლობა კი მრავალი გარემოებით არის ნაკარნახევი. პირველ რიგში, ხაზგასმით უნდა აღინიშნოს, რომ რუსეთის სახელმწიფოს მუდმივი მცდელობა, ჩამოაშოროს საქართველოს თავისი ჩრდილო-დასავლეთი ნაწილი, ჯერ კიდევ საუკუნეზე მეტი ხნის წინ გახდა აფხაზეთისა და მასთან ერთად მთლიანად დასავლეთ საქართველოს ისტორიის პოლიტიზაციის, შესაბამისად, ისტორიული წარსულის უხეში ფაღსიფიკაციის მიზეზი. სწორედ გაყალბებული ისტორიის საფუძველზე, ლოზუნგით „აფხაზეთი – საქართველო არ არის“, XX ს. დასაწყისში აღმოცენდა თანამედროვე აფხაურ-აფხაზური პოლიტიკური სეპარატიზმი – რუსული იმპერიალიზმის ერთ-ერთი ნაირსახეობა და მისი დასაყრდენი საქართველოში. საქმე იქამდეც კი მივიდა, რომ აფხაზეთში დღეს არსებული უკანონო რეჟიმი და მისი მფარველები ოდითგანვე ქართული რეგიონის „სახელმწიფოებრივი დამოუკიდებლობის“ საფუძველად „ხალხის ნებასთან“ ერთად, ისტორიას, „ისტორიულ უფლებას“ (!) ასახელებენ. ამ „უფლების“ დასაცავად სეპარატისტულად განწყობილმა ავტორებმა (ს. ლაკობა, ო. ბლაჟბა, ვ. ჩირიკბა, მ. გუნბა, ვ. ჰაგბა, გ. ოთირბა, ნ. აკაბა, ე. აჯინჯალი, ი. მარუხბა, თ. აჩუგბა, დ. დობარი, ს. შამბა, თ. ძაფშბა და სხვებმა) რუსულ და ინგლისურ ენებზე გამოაქვეყნეს ათობით ტენდენციური ნაშრომი, მათ შორის სახელმძღვანელოები. სხენებულ ავტორთა გამოცემებს მეცნიერული ღირებულება პრაქტიკულად არ გააჩნია. სეპარატისტები თავიანთი ფანტასტიკური „დასკვნებით“ უფრო ილუზორულ პოლიტიკურ მიზნებს ემსახურებიან, ვიდრე მეცნიერებას. ყალბი ისტორიოგრაფია სეპარატისტული ხელისუფლების განსაკუთრებული მზრუნველობისა და ყურადღების ქვეშ იმყოფება.

ქართული ისტორიოგრაფია კი, სამწუხაროდ, ძლიერ ჩამორჩა მოვლენებს. მიუხედავად დიდი პოტენციალისა, დამოუკიდებელ საქართველოში მან ჯერ ვერ დაიმკვიდრა ღირსეული ადგილი. სათანადოდ არ არის გაცნობიერებული ისტორიოგრაფიის მნიშვნელობა ეროვნული სახელმწიფოს მშენებლობის, პოლიტიკური და იდეოლოგიური საფრთხეებისაგან ქვეყნის დაცვის, აწმყოსა და მომავლის უკეთესად გააზრების საქმეში. ამ პირობებშიც აფხაზეთის ისტორიისადმი მიძღვნილმა არაერთმა საყურადღებო ნაშრომმა იხილა მზის სინათლე. თუმცა აშკარაა, რომ ქართულმა ისტორიოგრაფიამ დღემდე ვერ შეიმუშავა ერთიანი მიდგომა ცალკეული საკანძო პრობლემებისადმი; ბოლომდე არ არის დაძლეული საბჭოთა ისტორიოგრაფიის ნეგატიური გავლენა ისეთ პრობლემათა კვლევისას, როგორებიცაა ანტიკური ხანის კოლხეთის//გურისის სამეფოს ეთნოპოლიტიკური ისტორია, ქართველი და აფხაზი ხალხების ეთნოგენეზისი და ა.შ. ეს კი, თავის მხრივ, გარკვეულ ზემოქმედებას ახდენს სხვა მნიშვნელოვანი საკითხებისა და შემდგომი პერიოდის ისტორიის გაშუქებაზეც.

ავტორთა კოლექტივის ამოცანას წარმოადგენდა აფხაზეთის თანამედროვე ტერიტორიის (და არა მხოლოდ საკუთრივ აფხაზეთის, რომლის საზღვრები ყოველთვის არ ემთხვეოდა მის ამჟამინდელ ფარგლებს) უპირატესად ეთნოპოლიტიკური ისტორიის გაშუქება, არგუმენტირებული პასუხის გაცემა სეპარატისტ-ფაღსიფიკატორებისათვის. მთავარი არგუმენტი კი ქართული და უცხოური ისტორიული წყაროებია, რომელთა ცნობებითაც გაჯერებულია წარმოდგენილი ნაშრომი. გამოკვლევის ერთ-ერთი თავისებურება იმაში მდგომარეობს, რომ მასში გამოყენებულია როგორც ისტორიკოსებისა და არქეოლოგების, ისე ანთროპოლოგების, ისტორიული გეოგრაფიის სპეციალისტებისა და ლინგვისტების უკანასკნელი მეცნიერული მიღწევები.

წინამდებარე ნაშრომს არანაირი კავშირი არა აქვს და არც შეიძლება ჰქონდეს მიმდინარე პოლიტიკასთან, აფხაზეთის მომავალი სტატუსის განსაზღვრასთან. ნარკვევის მიზანს წარმოადგენს არა ქართულ-აფხაზურ ურთიერთობაზე ზემოქმედება მისი გაუმჯობესების, მით უმეტეს გაუარესების თვალსაზრისით, არამედ ისტორიული სინამდვილის აღდგენა. ვინაიდან ქართველ და აფხაზ ისტორიკოსთა მოსაზრებები ამ ეტაპზე სრულიად შეუთავსებელია, თანამშრომლობა მათ შორის ვერ ხერხდება. მიუხედავად ამისა, ავტორები გამოთქვამენ მზადყოფნას, მომავალში ითანამშრომლონ მეორე მხარესთან.

წიგნის მომზადებაში გაწეული სხვადასხვა სახის კვალიფიციური დახმარებისათვის ავტორები მადლობას მთავსებენ სიმონ გოგიძეს, ნანა კვარაცხელიას, დინარა დარსალიას, ლიკა (თუნა) ნუცუბიძეს, ხვიჩა ქარდავას, დავით ყვანიას.

ნაშრომი შეიძლება გამოყენებულ იქნეს დამხმარე სახელმძღვანელოდ უმაღლეს სასწავლებლებში საქართველოს ისტორიის, პოლიტოლოგიის, გეოპოლიტიკის, კონფლიქტოლოგიის და სხვა კურსების შესწავლისას. იგი დაეხმარება პედაგოგებს კვალიფიკაციის ამაღლებაში.

თავი I. ისტორიულ-გეოგრაფიული მიმოხილვა

საქართველოს ჩრდილო-დასავლეთ ნაწილში, შავი ზღვის სანაპიროზე, მდინარეებს – ენგურსა და ფსოუს შორის მდებარეობს ქვეყნის ერთ-ერთი მხარე აფხაზეთი, რომელიც არის ავტონომიური რესპუბლიკა საქართველოს შემადგენლობაში.

აფხაზეთის ავტონომიურ რესპუბლიკას მდ. ფსოუ და კავკასიონის მთავარი წყალგამყოფი ქედი რუსეთის ფედერაციისაგან გამოყოფს, ხოლო მდ.ენგური და კავკასიონის გვერდითი კოდორისა და აფხაზეთ-სვანეთის ქედები - მეზობელი სვანეთისა და სამეგრელოს მხარეებისაგან. აფხაზეთის ფართობია 7600 კვ.კმ, რაც საქართველოს ფართობის 12,3% შეადგენს; დედაქალაქია – ქსოხუმი, საქართველოს ერთ-ერთი უძველესი და სახელგანთქმული ქალაქი.

სახელწოდება „სოხუმი“ ქართული ცხომი//ცხუმისაგან მოდის, რაც რცხილას ნიშნავს. ძველ ბერძნულ წყაროებში (ფსევდო სკილაქს კარიანდელი - ძვ.წ. IV ს. და სხვ.) მას დიოსკურია ეწოდება. ანტიკური ტრადიციით, ეს სახელწოდება მითიური დიოსკურებიდან მომდინარეობს. დიოსკურები (ბერძნ. იოსკუროი, ზედმიწევნით – ზევსის ვაჟიშვილები) იყვნენ ტყუპი ძმები კასტორი და პოლიდეკკე. თითქოს, დიოსკურთა მეეტლეებმა, არგონავტებმა ტელხისმა და ამფისტმა დააარსეს ქდიოსკურია. თუმცა, ქალაქის სახელი დიოსკურია ძველი ქართული სახელწოდების ბერძნულ გააზრებას უნდა წარმოადგენდეს. აღსანიშნავია, რომ „ღია“ ქართული ენის რამდენიმე დიალექტზე, მათ შორის მეგრულად დედას ნიშნავს, ხოლო „სკური“ – წყალს. რომაელებმა ძვ.წ I საუკუნეში მას სებასტოპოლისი უწოდეს რომის იმპერატორის გაიუს ოქტავიანე ავგუსტუსის (ძვ.წ. 43 – ახ.წ. 14წწ.) პატივსაცემად, რომელიც ავგუსტუსთან ერთად სებასტოსის („ღიდი“) ტიტულსაც ატარებდა. მთელი შუა საუკუნეების მანძილზე ქართულ წყაროებში ქალაქის სახელწოდება ორი ფორმით – ცხომი და ცხუმი - გვხვდება. XIV ს. დასაწყისში არაბი ავტორი აბუ-ალ-ფედა პირველად იხსენიებს ქალაქს სახელწოდებით „სუხუმ“, რაც მისი ქართული სახელისაგან „ცხუმი“ მომდინარეობს. სუხუმ//სოხუმს ეძახდნენ მას თურქ-ოსმალებიც, რომლებიც შავიზღვისპირეთში XV ს. II ნახევრიდან გამოჩნდნენ. აღმოსავლურ ენებში (არაბული, თურქული) ც ბგერა არ არის, ამასთან ორი თანხმოვნის ერთად გამოთქმაც ჭირს. ასე მივიდეთ ქართული ცხომი//ცხუმიდან სუხუმ//სოხუმი. ეს სახელწოდება ქართულში სოხუმის, ხოლო რუსულში სუხუმის ფორმით დამკვიდრდა. საკუთრივ აფხაზეთი ამ ქალაქს „აყვას“ უწოდებენ. ეს აფხაზეთი გეოგრაფიული სახელი პირველად იტალიელი კარტოგრაფის ჯ.გასტალდის 1561 წლის რუკაზეა დაფიქსირებული „აყვა“ ფორმით მდ.ყუბანის შუა წელზე, ხოლო შემდეგ, 1737წ. ქართულად შედგენილ დასავლეთ საქართველოს რუკაზე დღევანდელ ქალაქ სოხუმის ადგილას დაფიქსირებულია „აყუ“ ფორმით, თუმცა იქვე მახლობლად აღნიშნულია „ცხუმის ციხეც“.

* * *

აფხაზეთს ჩრდილოეთით კავკასიონის მთავარი წყალგამყოფი ქედი საზღვრავს, რომელიც ჩრდილო-დასავლეთიდან სამხრეთ-აღმოსავლეთისკენაა გადაჭიმული. აფხაზეთის ფარგლებში კავკასიონის მთავარი წყალგამყოფი ქედის, აფხაზეთის კავკასიონის, მწვერვალებია: დომბაიულგენი (4046 მ), გვანდრა (3985 მ), ერცახუ (3910 მ), ფშიში (3790 მ), აღეფსთა (3257 მ). სანჩაროს (2292 მ), აძაფშის (2497 მ), ალაშთრახუს (2723 მ), ხიდას (2632 მ), ნაპარის (2931 მ), მარუხის (2746 მ) და ქლუხორის (2781 მ) უღელტეხილებზე გადადის საცალფეხო გზები ჩრდილოეთ კავკასიაში. კავკასიონის მთავარი წყალგამყოფი ქედი ციცაბოდ ეშვება მდინარეების ბზიფის, ჩხალთის, საკენის ხეობებისაკენ. აფხაზეთის მთიანი შუა ნაწილი უჭირავს კავკასიონის გვერდით – გაგრის, ბზიფის, ჩხალთის ანუ აფხაზეთის, კოდორის ანუ ფანავის ქედებს, რომლებსაც, თავის მხრივ, მრავალი განშტოება აქვთ.

აფხაზეთი მთავორიანი მხარეა. მისი ტერიტორიის 74% მთასა და მთისწინეთს უჭირავს, დანარჩენი – ვაკე-დაბლობებს. ზოგან მთა უშუალოდ ადგება ზღვას, ზოგან მათ შორის შედარებით დიდი მანძილია. ჩრდილო-დასავლეთით, მდ.ფსოუს მარცხენა

ნაპირზე, 10-15კმ. მანძილზე, ზღვასა და კავკასიონს შორის ზღვის პირას მოზრდილი ვაკეა. სამხრეთ-აღმოსავლეთით, გაგრის ქედი უშუალოდ ადგება ზღვას. გაგრის სამხრეთ-აღმოსავლეთით მთის მასივი თანდათან უკან იხევს და ზღვისპირა ვიწრო ვაკე ზოლი ბიჭვინთის დაბლობში გადადის. ბიჭვინთის სამხრეთ-აღმოსავლეთით მთა კვლავ ზღვისკენ მიიწევს და ახალი ათონის მიდამოებში უშუალოდ ზღვას ადგება. სოხუმის სამხრეთ-აღმოსავლეთით ზღვისპირა ვაკე ზოლი თანდათან ფართოვდება და მდ.კოდორის მარცხენა ნაპირიდან კოლხეთის დაბლობში გადადის. სანაპირო ზოლი სწორხაზოვანია; აღსანიშნავია სოხუმისა და გაგრის უბეები, ბიჭვინთისა და სოხუმის კონცხები.

კოდორის ქედის ჩრდილოეთით, მდ.კოდორის შუა წელში მდებარეობს მთიანი მხარე წებელი, ხოლო მის ზემო წელში – მთიანი მხარე დალი (აფხაზეთის სვანეთი); მდ.ბზიფის ზემო წელში, კავკასიონის ქედსა და ბზიფის ქედს შორის ქვაბულში – მთიანი მხარე ფსხუ.

აფხაზეთში ბევრი ტბაა: რიწა, აღუედა აძივი, დერიკვარა აძიში, ყვარაში, პატარა რიწა, ამტყელი, ცისფერი ტბა, ინკითი, ბუბესირი, პაპანწყვილი და სხვ.

აფხაზეთის მდინარეთა ქსელი ხშირია. მთავარი მდინარეებია: ფსოუ, ბზიფი, კოდორი, გუმისთა, კელასური, ღალიძგა, მოქვი, ენგური, რომლებიც შავი ზღვის აუზს მიეკუთვნებიან.

საქართველოს, და შესაბამისად აფხაზეთის, სასაზღვრო მდინარე ფსოუ სათავეს აიბგის ქედზე იღებს და შავ ზღვას სოფ.ღესელიძესთან ერთვის. მის სამხრეთ-აღმოსავლეთით მდ.მეჭადირი მოედინება, რომელსაც სათავე გაგრის ქედის სამხრეთ-დასავლეთ კალთაზე აქვს და შავ ზღვაში დაბა განთიადთან ჩაედინება. დაბა განთიადის სამხრეთ-აღმოსავლეთით შავ ზღვას პატარა მდინარე ბელერეფსთა, იგივე ხოლოდნაია რეჩკა ერთვის. აფხაზეთის ყველაზე გრძელი მდინარეა ბზიფი. იგი სათავეს კავკასიონის ქედის სამხრეთ კალთაზე, უღელტეხილ ადანგესთან იღებს. მისი სიგრძეა 110კმ. თავისი დინების უმეტეს ნაწილში, მდ.იუფშარას შესართავამდე, ზოგადად დასავლეთის მიმართულება აქვს, შემდეგ გეზს იცვლის და სამხრეთისაკენ უხვევს. ზემო დინებაში ხეობა ვიწრო და ღრმაა; სოფ.ფსხუსთან ხეობა განიერდება და მდინარე იტოტება; ქვემოთ ხეობა ვიწრო, ზოგან კანიონისებურია, დაბა ბზიფთან დაბლობზე გამოდის და ბიჭვინთის კონცხთან შავ ზღვას ერთვის. აღსანიშნავია, რომ „ბზიფი“ ამ მდინარის შედარებით ახალი სახელწოდებაა. XIX ს. 20-იან წლებამდე მას კაპოეტის წყალი (კაპოეტის მდინარე) ერქვა. სახელწოდება ქართულია და მომდინარეობს თევზის სახელიდან კაპოეტი. თევზი კაპოეტი კალმახ-ორაგულის ჯიშს ეკუთვნის; იგი მოზრდილი სახის კალმახია და სწორედ ამ მდინარეში გვხვდება. გამოთქმულია მოსაზრება, რომ ქართულია სახელწოდება ბზიფიც (ბზიბი), რაც დაკავშირებულია მცენარის სახელთან – ბზა. აფხაზეთის მთავარ მდინარეს, რომელიც ბზების ხეობაზე მოედინება ბზიფის (ბზების) წყალი ეწოდება.

ბზიფის მარჯვენა შენაკადის იუფშარას ხეობაში, ზღვის დონიდან 884 მ-ზე უმშვენიერესი რიწის ტბა მდებარეობს. იგი მთა ფშეგიშხის ჩამოქცევისა და მდ.ლაშიფსას დაგუბების შედეგად გაჩნდა. რიწის სანაპიროები გარშემორტყმულია წიწვიანი და შერეული ტყეებით დაფარული მთის ფერდობებით, რის გამოც ის კავკასიაში ერთ-ერთ ულამაზეს ტბად ითვლება.

საკუთრივ ბზიფის მარჯვენა ნაპირზე, ზღვასთან ახლოს, პატარა, მაგრამ უაღრესად ლამაზი ცისფერი ტბა მდებარეობს.

ბზიფის სამხრეთ-აღმოსავლეთით მოედინება მდ.მჭიშთა ანუ შავწყალა, რომელიც სათავეს ბზიფის ქედის სამხრეთ კალთაზე იღებს და შავ ზღვას გუდაუთის დასავლეთით ერთვის. ის კარსტული მდინარეა. შუა საუკუნეებში „მიწის წყალი“ ანუ მიწის წყალი ეწოდებოდა, რადგან დიდ მანძილზე მიწის ქვეშ მოედინება. მისი აფხაზური (მჭიშთა) და რუსული (ჩორნაია რეჩკა) სახელები შავწყალას ირიბ თარგმანს წარმოადგენს.

მჭიშთას სამხრეთ-აღმოსავლეთით მოედინება მდ. ხიფსთა, რომელიც სათავეს ბზიფის ქედის სამხრეთ კალთაზე იღებს და შავ ზღვას გუდაუთასთან ერთვის. მისი რუსული სახელი – ბელაია რეჩკა, ქართული თეთრწყალას პირდაპირი თარგმანია. შუა

საუკუნეებში ამ მდინარეს ზუფუ (ზუფუს მდინარე) ერქვა, მის ნაპირზე იყო სოფ. ზუფუ (ამჟ. ლიხნი), საიდანაც მან სახელწოდება მიიღო.

ხიფსთას სამხრეთ-აღმოსავლეთით მდ. ააფსთა მოედინება, რომელიც სათავეს ბზიფის ქედის აღმოსავლეთ ნაწილში იღებს, სამხრეთ კალთას მიუყვება და გუდაუთასა და ახალ ათონს შორის შავ ზღვაში ჩაედინება. მას ბაკლანოვკასაც ეძახიან, თუმცა მისი ისტორიული სახელია ალაცოს წყალი, რომელიც სოფლის სახელიდან „ალაცო“ მომდინარეობს. XIX საუკუნეში ამ მდინარეს ააცს ეძახდნენ, რაც ქართული ალაცოს წყლის აფხაზური ფორმაა; სოფელ ალაცოს კი დღესაც ააცი ეწოდება. მდ.ხიფსთას მარჯვენა შენაკადია პატარა მდინარე ვერი.

ახალი ათონის ჩრდილო-დასავლეთით შავ ზღვაში პატარა მდინარე ფსირცხა ჩაედინება. შუა საუკუნეებში მას ანაკოფიის მდინარე ეწოდებოდა ძველი ციხე-ქალაქის, ანაკოფიის (ამჟ. ახალი ათონი) სახელის მიხედვით.

ფსირცხას სამხრეთ-აღმოსავლეთით მდ.გუმისთა მოედინება. იგი მდინარეების აღმოსავლეთ გუმისთის და დასავლეთ გუმისთის შეერთებით წარმოიქმნება. ეს მდინარე შავ ზღვას სოხუმის დასავლეთით ერთვის. დღევანდელი ქ.სოხუმის ფარგლებში შავ ზღვაში მდ.ბესლეთი (ბასლა) ჩაედინება. იგი კარსტული მდინარეა, სათავეს კარსტული წყაროებიდან იღებს. შუა საუკუნეებში მას ცხომის, იგივე ცხუმის მდინარე ეწოდებოდა ქ.ცხომის (ამჟ. სოხუმი) სახელის მიხედვით. ბესლეთი 4კმ-იანი კარსტული გვირაბით დაკავშირებულია მდ.კელასურთან, რომელიც სოხუმის აღმოსავლეთით, სოფ.კელასურთან ერთვის შავ ზღვას. იგი სათავეს ბზიფის ქედის სამხრეთ კალთაზე, ხიმის მყინვარზე იღებს. სახელწოდება „კელასური“ ბერძნული „კლისურადან“ მომდინარეობს, რაც გასასვლელ ადგილს, ვიწრობს ნიშნავს.

კელასურის სამხრეთ-აღმოსავლეთით ყველაზე დიდი მდინარეა კოდორი, რომელიც სივრძით აფხაზეთის მეორე მდინარეა. იგი დალის ხეობაში იღებს სათავეს, იქმნება მდინარეების გვანდრისა და საკენის შეერთების შედეგად. კოდორი ჯერ დასავლეთით, შემდეგ კი სამხრეთ-დასავლეთით მიედინება და სოფ.ადიუბუას (ისტორიული სოფ. შქაწყარი, იგივე შუაწყალი, რომლის თარგმანია აფხაზური ადიუბუა) სამხრეთით შავ ზღვას ერთვის. მისი სიგრძეა 84კმ. მდ.კოდორის მარჯვენა ნაპირზე მდებარეობს დრანდის ტაძარი, X-XVIII სს. დასავლეთ საქართველოს ერთ-ერთი საეკლესიო ცენტრი. დიდი ქართველი ისტორიკოსისა და გეოგრაფის ვახუშტი ბაგრატიონის (1696-1758წწ.) ცნობით, კოდორი თავდაპირველად დაბის სახელწოდება ყოფილა და აქედან დარქმევია შემდეგ ეს სახელი მდინარეს. სოფ. კოდორი სკოტორის ფორმით ჯერ კიდევ VII საუკუნეში ბიზანტიელ ავტორთან თეოდოსი განგრელთან იხსენიება. სახელწოდება „კოდორი“ ქართულია, როგორც ფუძე სიტყვით, ისე გრამატიკული გაფორმებით. კოდორის უმთავრესი შენაკადებია: ჩხალთა (აფხაზურად აწგარა), მრამბა, ჯამპალი ამტყეღით. მდ. ამტყეღის ხეობაში ამტყეღის ანუ აზანთის ტბა მდებარეობს, რომელიც 1891წ. წარმოიშვა მიწის უზარმაზარი მასის მიერ მდ. ამტყეღის დაგუბების შედეგად.

კოდორის აღმოსავლეთით, ერთ პატარა მდინარეს ცხენისწყალი ეწოდება. ამ მდინარის ბერძნულად თარგმნილი სახელწოდება ჯერ კიდევ II საუკუნის ბერძენი ისტორიკოსისა და რომის იმპერიის დიდმოხელის ფლავიუს არიანეს თხზულებაში გვხვდება.

აფხაზეთის მნიშვნელოვანი მდინარეა აგრეთვე მოქვი, რომელიც სათავეს კოდორის ქედის სამხრეთ კალთაზე იღებს და შავ ზღვას ოჩამჩირის მახლობლად ერთვის. მდ. მოქვთან მისი მარჯვენა შენაკადის მდ.დვების შეერთების ადგილას მდებარეობს მოქვის ტაძარი, X-XVIII სს. დასავლეთ საქართველოს ერთ-ერთი საეკლესიო ცენტრი; ქ.ოჩამჩირის აღმოსავლეთით შავ ზღვას ერთვის მდ.ღალიძგა (სახელი ღალიძგა - „ღელის ნაპირი“ თავიდან ამ მდინარისპირას მდებარე სოფელს ერქვა), რომელიც სათავეს კოდორის ქედის სამხრეთ კალთაზე, მწვერვალ ხოჯაღის მახლობლად იღებს. შუა საუკუნეებში მას ეგრისწყალი ეწოდებოდა; კოდორის ქედის სამხრეთ კალთაზე იღებს სათავეს მდ.ოქუმიც, რომელიც შავ ზღვას სოფ.გუდავასთან ერთვის. მის მარჯვენა ნაპირზეა ისტორიული სოფელი ოქუმი, საიდანაც მდინარემ ეს სახელი მიიღო. ოქუმის მარჯვენა შენაკადებია: მდ.წარჩე - ისტორიული წყაროების დადისწყალი - და მდ.ოხოჯე, რომლის ნაპირზეც მდებარეობს დასავლეთ საქართველოს ერთ-ერთი საეკლესიო

ცენტრი X-XVIII სს. ბედიის ტაძარი; მარცხენა შენაკადია მდ.დიდი ერისწყალი, ისტორიული წყაროების ერთსწყალი. მდ.ოქუშის აღმოსავლეთით სწრაფი და წყალუხვი მდ.ენგური მოედინება. იგი სათავეს სვანეთში, ზღვის დონიდან 2614მ-ზე, მყინვარ ენგურზე იღებს და შავ ზღვას სოფ.ანაკლიასთან ერთვის. მისი ქვემო დინება აფხაზეთის ავტონომიურ რესპუბლიკას სამეგრელოსგან გამოყოფს.

აფხაზეთი სუბტროპიკული სარტყლის ყველაზე ჩრდილოეთ საზღვარზე მდებარეობს. კავკასიონის მთავარი წყალგამყოფი ქედი მას ჩრდილოეთის ცივი ქარების შემოჭრისაგან იცავს. თბილი ზღვა, რომელიც არასოდეს იყინება, მშფოთვარე მთის მდინარეები რბილ, ტენიან სუბტროპიკულ კლიმატს ქმნიან. აფხაზეთში ძირითადად ზღვის ნოტიო სუბტროპიკული ჰავაა გავრცელებული. მისი ტერიტორიის დიდი ნაწილი, დაახლოებით 55% ტყით არის დაფარული. აქ 2 ათასზე მეტი სახეობის მცენარეა გავრცელებული, მათ შორის, 150 სახეობის ხე და ბუჩქოვანი მცენარე. ხე-მცენარეებიდან აღსანიშნავია: მუხა, რცხილა, ნეკერჩხალი, ცაცხვი, წიფელი, წაბლი, კაკალი, ნაძვი, ფიჭვი, სოჭი, ბზა და სხვ. აქ გვხვდება როგორც ბარისა და მთის ტყის, ისე მაღალი მთის ცხოველთა სახეობები. ბინადრობს: ჯიხვი, შველი, არჩვი, რიწის ტყეებში – კავკასიური ირემი. გვხვდება: დათვი, მგელი, ტურა, მელა, მაჩვი, კვერნა, ციყვი, კურდღელი და სხვ. XX ს. დასაწყისში მოისპო კავკასიური დომბა. ფრინველებიდან გავრცელებულია: არწივი, მიმინო, ორბი, შვეარდენი, კავკასიური შურთხი, ხოხობი, მწყერი, თოლია, ოფოფი და სხვ. მდინარეებსა და ტბებში არის კალმახი, კოლხური წვერა, ლოქო, ზოგან შავი ზღვიდან – ორაგული და ზუთხი. სასარგებლო ფლორისა და ფაუნის დასაცავად შექმნილია: რიწა-ავადჰარის, ფსხუს, ბიჭვინთის, გუმისთის, მიუსერის ნაკრძალები.

აფხაზეთი მდიდარია სასარგებლო წიაღისეულით. აღსანიშნავია ტყვარჩელისა და ბზიფის ქვანახშირის საბადოები. ბევრგანაა ტყვიის, თუთიის, სპილენძის საბადოები; თაბაშირი, კირქვა, სააგურე თიხა და სხვ. განსაკუთრებით უხვად არის სამკურნალო მინერალური წყლები მდინარეების კოდორის, საკენის, ბზიფის, ავადჰარის და სხვ. ხეობებში, ხოლო თერმული სამკურნალო წყლები – ტყვარჩელის, სოხუმის, ახალი ათონის და გაგრის მიდამოებში. შესანიშნავი ბუნება და ძვირფასი სამკურნალო წყაროები აფხაზეთს უმდიდრესი კლიმატოლოგიური ჯანმრთელობის კერად აქცევენ.

აფხაზეთის ძირითად მოსახლეობას ქართველები და აფხაზები შეადგენენ. ამჟამინდელი აფხაზები (აფსუები) ეთნიკურად აფხაზურ-ადიღური ჯგუფის ხალხებს მიეკუთვნებიან, მათი ენა – აფხაზური, იბერიულ-კავკასიური ენათა ოჯახის ჩრდილო-დასავლურ, აფხაზურ-ადიღურ ენათა ჯგუფში შედის. ამ ჯგუფში აფხაზურთან ერთად შედის აბაზური, ადიღური, ყაბარდოული, უბიხური ენები, რომლებზეც ჩრდილოეთ კავკასიის მონათესავე ხალხები – აბაზები, ადიღელები, ყაბარდოელები, ჩერქეზები მეტყველებენ.

გვიან შუა საუკუნეებამდე აფხაზები ეთნოკულტურული თვალსაზრისით ისეთივე ქართველები იყვნენ, როგორც საქართველოს სხვა ისტორიული პროვინციების მოსახლეობა (ქართლები, კახელები, მეგრელები, სვანები და სხვ.) და ქართული სახელმწიფოსა და ქართული კულტურის ჩამოყალიბებაში აქტიურად მონაწილეობდნენ. გვიან შუა საუკუნეებში მთის ჩამოწოლის – დასავლეთ კავკასიის მთის მოსახლეობის აფხაზეთში მოძალებისა და ჩამოსახლების შედეგად ამ მხარეში რადიკალური ეთნიკური ცვლილება მოხდა. ჩამოსახლებულ მთიელთა ადგილობრივ ქართულ მოსახლეობასთან შერწყმის შედეგად თანამედროვე აფხაზური (აფსუა) ეთნოსი ჩამოყალიბდა.

1989 წლის აღწერის მონაცემებით, აფხაზეთის მოსახლეობა 525 061 შეადგენდა. ეროვნული შემადგენლობა ასეთი იყო: ქართველი – 239 872 (45,7%), აფხაზი – 93 267 (17,8%), სომეხი – 76 541 (14,6%), რუსი – 74 913 (14,2%), ბერძენი – 14 664 (2,8%), სხვა ეროვნების წარმომადგენელი – 25 804 (4,9%).

1991 წლის ადმინისტრაციულ-ტერიტორიული დაყოფით აფხაზეთის ავტონომიურ რესპუბლიკაში შედის 5 ადმინისტრაციული რაიონი – გაღის, ოჩამჩირის, გულრიფშის, სოხუმის, გუდაუთის; 1 – გაგრის საქალაქო საბჭოსადმი დაქვემდებარებული

ტერიტორია, 6 ქალაქი – გალი, ოჩამჩირე, ტყვარჩელი, სოხუმი, გუდაუთა, გაგრა; 4 დაბა – ახალი ათონი, ბიჭვინთა, განთიადი, გუღრიფში.

აფხაზეთის დღევანდელ საზღვრებში ჩამოყალიბება რთული ეთნო-პოლიტიკური პროცესების შედეგია, რომელიც საუკუნეების განმავლობაში მიმდინარეობდა და მხოლოდ XX საუკუნის 20-იანი წლების ბოლოს დასრულდა.

იყო დრო, როდესაც აფხაზეთი, როგორც ცალკე ადმინისტრაციულ-ტერიტორიული ერთეული არ არსებობდა. ძვ.წ. XV-III სს. დღევანდელი აფხაზეთის ტერიტორია კოლხეთის სამეფოში შედიოდა და მთლიანად ქართული მოდგმის ტომებით იყო დასახლებული.

ძვ.წ. I – ახ.წ. III სს. ამ ტერიტორიაზე ჩანან კვლავ ქართველური თემები ამჯერად სანიგების, აფშილეებისა და აბაზგების სახელწოდებით. II-VIII სს. თანამედროვე აფხაზეთის ტერიტორია ეგრისის სამეფოს შემადგენლობაში შედიოდა. საისტორიო წყაროების მიხედვით, VI-VIII სს. ამ ტერიტორიის სამხრეთ-აღმოსავლეთი ნაწილი მდ.კოდორსა და მდ.ენგურს შორის ეგრისის სამეფოს ოდიშის ერისთავებს ექვემდებარებოდა. კოდორის სათავეებში – დაღის ხეობაში მისიმიანთა სვანური ტომი ცხოვრობდა, რომელიც უშუალოდ ეგრისის მეფეს ემორჩილებოდა. უშუალოდ ლაზეთის სამეფო ადმინისტრაციას ემორჩილებოდა აგრეთვე აფშილეთიც, რომელიც შავი ზღვის პირას, მდინარეების კოდორისა და ანაკოფიისწყალს შორის მდებარეობდა. უფრო ჩრდილო-დასავლეთით, მდ.აქეუნტამდე (ამჟამად მდ.შახე), ლაზთა სამეფოს დაქვემდებარებული აბაზგების ორი საერისთავო მდებარეობდა.

IX-X სს. დღევანდელი აფხაზეთის ტერიტორია დამოუკიდებელ დასავლურქართულ სამეფოში შედიოდა, რომელსაც სამეფო დინასტიის მიხედვით, საისტორიო ტრადიციით, „აფხაზთა სამეფოს“ უწოდებენ. ამ სამეფოში, მდინარეებს კოდორსა და ენგურს შორის ტერიტორია, ისევე როგორც ადრე, ოდიშის საერისთავოში შედიოდა; დაღის ხეობა სვანეთის ერისთავს ემორჩილებოდა; ძველი აფშილეთის ტერიტორიას ცხუმის საერისთავო მოიცავდა, მის ჩრდილო-დასავლეთით კი საკუთრივ აფხაზეთის საერისთავო მდებარეობდა, რომელიც შავი ზღვის სანაპიროზე მდ. ნიკოფსიამდე (ამჟ. ნეგოფსუხო) აღწევდა.

საქართველოს გაერთიანების შემდეგ, დაახლოებით 2,5 საუკუნეზე მეტ ხანს დღევანდელი აფხაზეთის ტერიტორიის ადმინისტრაციულ-ტერიტორიული დაყოფა არ შეცვლილა. XIV ს. დასაწყისში ცხუმის საერისთავო ოდიშის საერისთავოს შეუერთდა. ამის შემდეგ ოდიშისა და აფხაზეთის საერისთავოებს შორის საზღვარი მდ. ანაკოფიისწყალზე გადიოდა.

XV ს. 70-90-იან წლებში ერთიანი ქართული სამეფო დაიშალა. დღევანდელი აფხაზეთის ტერიტორია ისეთივე ადმინისტრაციულ-ტერიტორიული დანაწილებით დასავლურქართულ იმერეთის სამეფოში გაერთიანდა. აფხაზეთის ერისთავები იმერეთის მეფეების და იმავდროულად ოდიშის ერისთავების ვასალები იყვნენ.

XVII ს. 50-იან წლებში იმერეთის სამეფოს გურია, ოდიში და აფხაზეთი განუდგნენ. თავდაპირველად აფხაზეთსა და ოდიშს შორის საზღვარი მდ.ანაკოფიისწყალზე გადიოდა, მაგრამ XVII ს. 80-იანი წლების შემდეგ საზღვარმა უფრო სამხრეთ-აღმოსავლეთით, მდ.კელასურზე გადაინაცვლა. ამ დროისათვის აფხაზეთის გამგებლები ჯერ კიდევ ოდიშის მთავრების უზენაესობას აღიარებდნენ.

XVI-XVIII სს. აფხაზეთში, როგორც ზემოთ ითქვა, რადიკალური ეთნიკური ცვლილებები მოხდა, რაც დაკავშირებული იყო დასავლეთ კავკასიის ტომების ჩამოსახლებასთან. მათზე დაყრდნობითა და ოსმალეთის გადამწყვეტი მხარდაჭერით XVII-XVIII სს. მიჯნაზე აფხაზეთის მთავრებმა საზღვარი სამხრეთ-აღმოსავლეთით მდ.ეგრისწყალზე (ამჟ. ლალიძგა), მოგვიანებით კი მდ.ენგურზე გადაიტანეს. თანდათანობით მდ.ენგურსა და მდ.ლალიძგას შორის ჩამოყალიბდა მცირე ფეოდალური სამფლობელო – სამურზაყანო. 1702 წლიდან 1840 წლამდე ეს ოლქი ოდიშის (სამეგრელოს) სამთავროში შედიოდა, გარდა დროის პატარა მონაკვეთისა XVIII ს. 80-იანი წლებიდან 1805 წლამდე, როცა ის აფხაზთა მთავარს ემორჩილებოდა.

1810წ. რუსეთის იმპერიამ აფხაზეთის სამთავრო (მდ.ბზიფიდან მდ.ლალიძგამდე წებელისა და სხვა მთის საზოგადოებების გარეშე) მისი ოკუპაციის მიზნით თავისი

„მფარველობის“ ქვეშ შეიყვანა. 1864წ. რუსეთის ხელისუფლებამ აფხაზეთის სამთავრო გააუქმა და ტერიტორია მდ.ენგურიდან გაგრის ჩათვლით „სოხუმის სამხედრო განყოფილებაში“ შეიყვანა, რომელსაც შემდეგ სოხუმის ოლქი ეწოდა.

აფხაზეთის ტერიტორიას თითქმის თანამედროვე საზღვრებში (მეჰადირ-ფსოუს მონაკვეთის გარეშე) ოფიციალურად აფხაზეთი პირველად 1919 წლის მაისში ეწოდა მას შემდეგ, რაც საქართველოს დემოკრატიული რესპუბლიკის მთავრობამ აფხაზეთის ავტონომია აღიარა და აფხაზეთის სახალხო საბჭომ რეგიონის სახელის გადარქმევასთან დაკავშირებით სპეციალური გადაწყვეტილება მიიღო. აფხაზეთის ავტონომია დღევანდელ საზღვრებში საბოლოოდ XXს. 20-იანი წლების ბოლოს ჩამოყალიბდა, როდესაც რუსეთის საბჭოთა ფედერაციულმა სოციალისტურმა რესპუბლიკამ საქართველოს საბჭოთა სოციალისტურ რესპუბლიკას მდ.მეჰადირსა და მდ.ფსოუს შორის მდებარე ტერიტორია დაუბრუნა.

თავი II. წინარეანტიკური ხანის არქეოლოგიური ძეგლები თანამედროვე აფხაზეთის ტერიტორიაზე

1. ქვის ხანა (ძვ.წ. 1 800 000 – 50 000)

ქვის ხანა კაცობრიობის განვითარების უძველესი და ყველაზე ხანგრძლივი პერიოდი, რომლის ადრეულ ეტაპზე მკვლევარები ძირითადად 2 – შელის და აშელის საფეხურებს გამოყოფენ. მათ წინ უნდა უსწრებდეს უძველესი საფეხური, რომელიც ოლდევის კულტურის სახელით არის ცნობილი. ამ საფეხურისთვის ნიშანდობლივია ქვის იარაღების გამოყენება დამუშავების გარეშე, რომლებსაც ეოლითებს უწოდებენ. ეს პერიოდი მეოთხეული პერიოდის საწყისს, დაახლოებით 1 800 000 წლის ფარგლებშია საგულისხმებელი.

მეოთხეული პერიოდი, რომელსაც ზოგჯერ ანთროპოგენურ (ადამიანის წარმოშობასთან დაკავშირებულ) პერიოდსაც უწოდებენ. შეინიშნება გამყინვარების ოთხი და გამყინვარებათაშორისი სამი პერიოდი. კავკასიაში გამყინვარების კვალი შედარებით სუსტია და იგი ძლიერი არ უნდა ყოფილიყო. კავკასიაში მისი ვერტიკალური ზონალობის გამო ფაქტობრივად ყოველთვის იყო პირობები ადამიანის განსახლებისთვის. კლიმატის აცივებასთან ერთად ადამიანი ინაცვლებს დაბლობ, შედარებით თბილ ზონაში, ხოლო დათბობასთან ერთად ადამიანი კვლავ ითვისებს მაღლივ ზონებს. ადამიანის საცხოვრის ვერტიკალური ცვლილება მარტო ქვის ხანისთვის არ არის დამახასიათებელი და შეინიშნება მომდევნო ხანებშიც. ამგვარად, აშკარაა, რომ გეოგრაფიული გარემო და კლიმატი არის ის გადამწყვეტი პირობა, რომელიც მხედველობაშია მისაღები ადამიანის განსახლების პროცესის შესწავლის დროს. აფხაზეთის ტერიტორიაზე ყველა ვერტიკალური ზონა არის წარმოდგენილი: კოლხეთის დაბლობის სანაპირო ვიწრო ზოლი, მთისწინა, 80-110მ. სიმაღლის ტერასები, მთა-ბორცვოვანი და ალპური ზონა. ეს გარემოება კი კლიმატის ცვლილებასთან ერთად ქმნიდა საფუძველს მოსახლეობის შიდა მიგრაციისთვის.

აფხაზეთის თანამედროვე ტერიტორია ქვის ხანის ძეგლებით საკმაოდ ადრიდან გახდა ცნობილი. ამ მიმართულებით განსაკუთრებით აღსანიშნავია ს.ზამიატნისის, ბ.კუფტინის, ლ.სოლოვიოვის, ალუკინის, ივორონოვის, ვბუჯანას, ნბერძენიშვილის, ალ.კალანდაძის, ლ.წერეთლის, გ.გრიგოლიას, ლ.ქორქიას შრომები. მათ მიუძღვით განსაკუთრებული წვლილი ძეგლთა გამოვლენის, გათხრისა და მეცნიერული განზოგადებისთვის.

ამ კვლევების შედეგად სადღეისოდ აფხაზეთის ტერიტორიაზე ქვის ხანის რამდენიმე ათეული ძეგლია დაფიქსირებული. მათ შორის განსაკუთრებულ ყურადღებას იმსახურებს იაშთხვის სადგომი. იგი განფენილია სოხუმის ჩრდილო-აღმოსავლეთ ნაწილში იაშთხვას მთის ფერდებსა და ძირში. ნასახლარის მთელი ტერიტორია (ფართობი 70 ჰა) მოფენილია კულტურული ნაშთებით. იარაღისთვის საჭირო ნედლეული, კარგი კლიმატი და მდებარეობა საუკეთესო პირობებს ქმნიდა პირველყოფილი ადამიანის განსახლებისთვის. იაშთხვის ფერდობები მოფენილია საწარმოო ნაშთებით, ანატექცებით. მათთან ერთად ვხვდებით ნუკლეუსებს, უხეშ ლამელებს, წვეტანისებრ სახოკებს. იშვიათია ხელცულები, დამზადებული ბიფასური ტექნიკით, რომელიც ფართოდაა გავრცელებული ამ პერიოდის ძეგლებზე და ფაქტობრივად ძირითად სამეურნეო და საბრძოლო იარაღს წარმოადგენს. ჩვეულებრივ, იგი მოგრძო ოვალური, ზოგჯერ წაწვეტებული ფორმისაა. მონაპოვარი მასალა აშკარად **აშელური ხანისაა**, ზოგიერთ ნიმუშს ემხნევა უფრო არქაული **წინააშელური** ნიშნები, თუმცა ეს საკითხი ჯერ კიდევ დასაზუსტებელია.

1. С. Н. Замятнин. Палеолит Абхазии. Сухуми, 1937; მისივე: Очерки по палеолиту. М.-Л., 1961.

2. Б.А. Куфтин. Материалы к археологии Колхиды, т.1. Тб., 1949; А.И. Лукин. Неолитическое селище Кистрик близ Гудаута. - С.А., XII. М., 1950; Ю.Воронов. Археологическая карта Абхазии. Сухуми, 1969; В.Бжания. Древнейшая культура Абхазии. Автореферат канд. диссертации. М., 1966; Л.Н.Соловьев. Первобытное общество на территории Абхазии. Сухуми, 1971.

3. ნ. ბერძენიშვილი, ალ.კალანდაძე და სხვ. საქართველოს არქეოლოგია. თბ., 1959.

Н.З.Бердзенишвили. Новые данные по палеолиту Абхазии. - ТАИ, т. XXX, 1959; А.Н.Каландадзе. Разыскания по археологии до-античной Грузии. Автореферат. Тб., 1969; ლ.წერეთელი, ლ.ქორქია, გ.გრიგოლია, მ.პარამიძე. დაზვერვითი არქეოლოგიური სამუშაოები ენგურპის სამშენებლო ტერიტორიაზე. - აკმ. 1963 წელს საქართველოში. თბ., 1964.

4. სადღეისოდ ქვის ხანის ყველა ეტაპის დაახლოებით 150-მდე ძეგლია ცნობილი. აქედან ქვედა პალეოლითს განეკუთვნება 15-20.

5. Л.Н. Соловьев. დასახ. ნაშრომი, გვ. 27, 35.

6. И.И. Коробков. Итоги пятилетних исследований Яштухского палеолитического местонахождения. - С.А.У. М., 1967, გვ. 201; ო. ჯაფარიძე. ქართველ ტომთა ეთნიკური ისტორიის საკითხისათვის. თბ., 1976, გვ. 12-13.

ქვედა პალეოლითური ძეგლები კავკასიაში სადღეისოდ საკმაოდ მრავალრიცხოვანია და, შეიძლება ითქვას, თითქმის ყველა კლიმატურ ზოლშია ფიქსირებული, მათ შორის იაშთხვამი. ეს პერიოდი ძეგლების განსაკუთრებული სიმრავლით გამოირჩევა. მარტო აფხაზეთის ტერიტორიაზე **მუსტიური** იარაღ-ნაკეთობები 100-მდე პუნქტშია მოპოვებული. ისინი განლაგებულია ფაქტობრივად ყველა ვერტიკალურ ზოლში დაბლობიდან დაწყებული მაღალმთიანი ზონის ჩათვლით. აშკარაა, მოსახლეობამ იმდენად მოიმატა, რომ საჭირო გახდა ახალი სასიცოცხლო ტერიტორიების ათვისება. გვიანშელისა და ადრე მუსტიეს ხანაში, როგორც ჩანს, ჰავა მკვეთრად შეიცვალა და მოსახლეობა ტოვებს მაღალმთიან ზოლს. გვიანმუსტიეს ხანაში საკმაოდ დათბა და მოსახლეობა კვლავ უბრუნდება მთიან რეგიონს. განვითარებული და გვიანმუსტიეს მასალები ჩანს კოდორის ხეობაში სოფაჯარის ზემოთ, ფაქტობრივად ალპურ ზონაში მაშინ, როდესაც გალის, ოჩამჩირის, კელასურის, ბზიფის ეხის და სხვა ადრემუსტიეს და მომდევნო ხანის ძეგლები ძირითადად დაბლობ და მთისწინა ზოლშია განფენილი. მხარის ისტორიის თვალსაზრისით, განსაკუთრებული მნიშვნელობა ენიჭება იმ ფაქტს, რომ მუსტიური ხანის ძეგლები მრავლადაა გამოვლენილი აფხაზეთის მიმდებარე სოჭის რეგიონში. აფხაზეთისგან განსხვავებით, აქ ღია სადგომები არ ჩანს და **მუსტიეს ხანა** ფიქსირდება ნავალიშენის, ახშტირის, ვორონცოვის, ხოსტის და სხვა გამოქვაბულებში, რაც, შესაძლოა, კლიმატის გავლენით იყო გამოწვეული.

აქვე უნდა აღინიშნოს, რომ აფხაზეთის ძეგლებზე კრანოლოგიური მასალა ფაქტობრივად არ არის, რაც აძნელებს მსჯელობას ანთროპოგენეზის პროცესებზე. ერთადერთი ხელმოსაჭიდი ამ თვალსაზრისით არის ახშტირის გამოქვაბულში გვიანმუსტიეს ფენაში ნაპოვნი ანთროპოლოგიური ნაშთები. გამოთქმულია მოსაზრება, რომ ახშტირის პალეოანთროპი ახლოს დგას თანამედროვე ადამიანის ტიპთან და განეკუთვნება ე.წ. პალესტინელ ადამიანებს, რომლებსთვისაც დამახასიათებელია თანამედროვე ადამიანის ზოგიერთი ნიშნები. საკაჟიას, ჯრუჭულას, ცუცხვათის და განსაკუთრებით ახშტირის მცირერიცხოვანი ანთროპოლოგიური მასალა თითქოს იმის მანიშნებელია, რომ სწორედ ამ ჯგუფიდან უნდა განვითარებულიყო თანამედროვე ფიზიკური ტიპის ადამიანი ომო შაპინსი–ი. მაგრამ ეს მოსაზრება არ იქნა გაზიარებული რიგი მკვლევარების მიერ. მდგომარეობა რადიკალურად შეიცვალა დმანისის აღმოჩენების შემდგომ, რომლის მიხედვით, გონიერი ადამიანის ფორმირების პროცესის ერთ-ერთ ძირითად კერად სამხრეთ საქართველო, უფრო ფართოდ კი დასავლეთ ამიერკავკასია უნდა იქნეს მიჩნეული. კერძოდ, აფხაზეთის, აჭარისა და ზემო იმერეთის რეგიონებია საგულისხმებელი.

პრიმიტიული იარაღის არსებობის პირობებში პირველყოფილ ადამიანებს პატარა ჯგუფებად უნდა ეცხოვრათ და საკმაოდ უნდა ემოძრავათ საკვების მოსაპოვებლად. განვითარებული მუსტიეს პერიოდში კი აშკარად შეინიშნება მოსახლეობის რიცხვის მატება, პირველყოფილი საზოგადოების უადრეს საფეხურს საზოგადოებრივი ურთიერთობის თვალსაზრისით ბზარი უჩნდება და იქმნება გვაროვნული საზოგადოების ჩამოყალიბების წინაპირობა.

პალეოლითის დასაწყისში მთელი კავკასიის ტერიტორიაზე შეინიშნება კლიმატის მკვეთრი აცივება, რაც გარკვეულ გავლენას ახდენს მცენარეულ საფარზე და ცხოველთა სამყაროზე. ადამიანი ტოვებს მთიან რეგიონს და იკავებს უფრო თბილ, დაბლობ და ღრმა ხეობებს. ამის გამო კულტურულ ფენებში მოპოვებული ძეგლოვანი და მცენარეული ნაშთები ტიპურია ზედა ვიურმის გამყინვარების პერიოდისათვის. შეინიშნება მოსახლეობის კონცენტრაცია ორ ძირითად რეგიონში – რიონ-ყვირილას აუზსა და ჩრდილო-დასავლეთ კოლხეთში. შემუშავებულია ქრონოლოგიური შკალა¹. ეს ხანა უფრო ხანმოკლეა და გრძელდება დაახლოებით 25 ათასი წლის განმავლობაში. იცვლება ქვის დამუშავების ტექნიკა. ჩნდება სრულიად ახალი ფორმები – საფხეკები, საჭრისები, წვეტანები, მოგრძო ლამელები, ნუკლეუსები. განსაკუთრებით საყურადღებოა მიკროლითური გეომეტრიული ჩასართების და ძვლის დამუშავებული იარაღების გამოჩენის ფაქტი. ზოგიერთ ძეგლზე (მღვიმევის ეხი) შეინიშნება კვდელზე საჭრისით გამოყვანილი გრავირებული უსისტემო ხაზები.

აფხაზეთის ტერიტორიაზე **ზედაპალეოლითური** მასალები ყველაზე სრულად სამ პუნქტშია შესწავლილი – აფიანა, სუფინიფმაჰვა (კვიე მღვიმე), ოქუმი. საინტერესო ძეგლები მიკვლეულია, სოჭი-ადღერის მხარის გამოქვაბულებში: ახშთირი, ნოვოლიშენი, ხოსტა, აწი და სხვა. მნიშვნელოვანია ის გარემოება, რომ ახშთირის გამოქვაბულის ზედაპალეოლითური ფენა რადიონახშირბადით 19500 500წ. არის დათარიღებული (კალიბრირებული მეთოდით თარიღი კიდევ

¹ С. Н. Замятнин. О локальных различиях в культуре палеолитического периода. - ТИЭ, XVI. М., 1951, გვ. 131.

უფრო აძველებს მას). სწორედ ეს ძეგლები ქმნიან ჩრდილო-დასავლეთ კოლხეთის ზედაპალეოლითურ ძეგლთა რეგიონს, თუმცა რაიმე ლოკალურ განსხვავებაზე ლაპარაკი ჯერჯერობით სათუაოა.

აფხაზეთის ძეგლებიდან განსაკუთრებით მნიშვნელოვანი და სრულად შესწავლილია აფიანჩას გამოქვაბული². კულტურულ ფენათა საერთო სიმძლავრე 16მ. აღწევს. ადამიანი მასში დასახლებულა ზედა პალეოლითის ადრეულ ეტაპზე და ცხოვრობდა ნეოლითის ხანის ჩათვლით. ამდენად, საქმე გვაქვს ქვის ხანის სამი საფეხურის უწყვეტი განვითარების სურათთან. ამ თვალსაზრისით აფიანჩას სტრატოგრაფიული ჭრილი ფაქტობრივად ერთადერთია და ეტალონური ზოგადად კავკასიის ქვის ხანის შესწავლისათვის.

აფიანჩას ზედაპალეოლითურ ფენებში (2 ღონე) ყველა ზემოთნახსენები იარაღია მოპოვებული. განსაკუთრებით საყურადღებოა მიკროლითური იარაღების სიმრავლე და ნაირგვარობა. ამ ფენებში ჩნდება ძვლის ნაპრიალფეი იარაღები: ნემსები, საკინძები, დანისებრი, ჰარპუნისებრი და სხვა.

მსგავსი მასალები მოპოვებულია მდ.კოდორის და ამტყელის შესართავთან ცივი მღვიმის ორფენიან ებში (ხუფინიფშაჰვა). განსაკუთრებით აღსანიშნავია ცხოველთა ძვლების ნაშთები. მათში გამოირჩევა გამოქვაბულის დათვი, კეთილშობილი ირემი, ტახი, ფრინველთა ნაირსახეობა. აშკარაა, რომ მონადირეობა ჯერ კიდევ მეურნეობის ძირითადი სახეობაა. შესაძლოა, გარკვეული წილი უკავია მეთევზეობასაც. ზედაპალეოლითი სოციალურად არ არის ის საზოგადოება, სადაც უკვე უნდა იყოს გამოყოფილი ბელადი ან წინამძღოლი. ეს პირველყოფილი გვაროვნული საზოგადოებაა ყოველგვარი დიფერენციაციის გარეშე.

ამრიგად ჩანს, რომ გვიანპალეოლითის ადამიანი ძირითადად დასავლეთ საქართველოს ტერიტორიაზე განსახლებული და, შესაძლებელია, სწორედ აქედან ხდება მისი გადაადგილება კავკასიის სხვა რეგიონებში. ამ თვალსაზრისით საყურადღებოა ამ მასალების მსგავსება ჩრდილოეთ კავკასიის ძეგლებთან. მნიშვნელოვანი ჩანს კონტაქტები და ტიპოლოგიური მსგავსება ირან-ერაყის და აზოვისპირეთის მასალებთან. აღნიშნული გარემოება მიგვანიშნებს კავკასიის, მათ შორის აფხაზეთის, ზედაპალეოლითის ერთიან ხასიათზე, რაც ერთგვაროვანი ისტორიული პროცესებითაა განპირობებული.

კრანიოლოგიური მასალების სიმცირე არ იძლევა საშუალებას იმ პერიოდის ადამიანის ფიზიკური ტიპის, მით უფრო ეთნიკური კუთვნილების გარკვევისათვის. სავარაუდოა, რომ ეს ადამიანი ქვედა პალეოლითში მოსახლე გონიერი ადამიანის, ნეანდერტალელის განვითარების შემდგომი ეტაპი იყოს, რისთვისაც ჩრდილო-დასავლეთ საქართველოში ყველა პირობა არსებობდა.

გვიანპალეოლითური კულტურის განვითარების შემდგომი ეტაპი მეზოლითის სახელითაა ცნობილი. ეს პერიოდი, უპირველეს ყოვლისა, ხასიათდება იმ გარემოებით, რომ კვლავ მკვეთრად იცვლება კლიმატი, მთავრდება გამყინვარების პერიოდი და დგება თანამედროვე გეოლოგიური პერიოდი, ჰოლოცენი.

მეზოლითი აღმოცენებულია ადგილობრივი ზედა პალეოლითის საფუძველზე. ამაზე აშკარად მიუთითებს ის გარემოება, რომ ზემოთხსენებულ რიგ ძეგლებზე (აფიანჩა, თეთრი მღვიმე, რიონ-ყვირილას აუზი) მეზოლითი ზემოდან ადევს ზედა პალეოლითს¹. მონაპოვარი მასალების ტიპოლოგიური ანალიზი აშკარად მიუთითებს თანდათანობითი განვითარების ევოლუციურ სურათს. ზედა პალეოლითში ჩასახული ქვის დამუშავების მიკროლითური ინდუსტრია თანდათან იხვეწება და სრულყოფილ სახესღებულობს. ადამიანი ჯერ კიდევ ძირითადად სახლობს გამოქვაბულში, თუმცა კლიმატის დათბობა შესაძლებლობას აძლევს, ბარისა და მთის რეგიონების ხელახალი ათვისება დაიწყოს. ამის გამო მეზოლითის ხანაში ფაქტობრივად ათვისებულია ყველა ლანდშაფტურ-კლიმატური ზოლი, თუმცა უპირატესობა კვლავ რიონ-ყვირილას აუზსა და აფხაზეთს უკავია. ამ უკანასკნელის ტერიტორიაზე დაფიქსირებულია და ნაწილობრივ შესწავლილი ისეთი პირველხარისხოვანი ძეგლები, როგორიცაა ქვანარა (ქვანარა), ცივი მღვიმე, ჯამაღლი, იაშთხვის ღია სადგომი და სხვა. მასალის შესწავლა საშუალებას იძლევა ამ ძეგლებში გამოიყოს ორი პერიოდი: ადრეული ეტაპი და მოგვიანო. დამახასიათებელია ადრეულ ეტაპზე მაკროლითური ტექნიკის შემდგომი აღმავლობა და გეომეტრიული ფორმების

² ლ. წერეთელი. მეზოლითური კულტურა კავკასიის შავიზღვისპირეთში. თბ., 1973, გვ. 37 და შმდ.

¹ ო. ჯაფარიძე. საქართველოს არქეოლოგია, გვ. 34-39; მისივე: ქართველ ტომთა..., გვ. 25-29; ლ. წერეთელი. დასახ. ნაშრომი, გვ. 77 და შმდ.

გაჩენა (სეგმენტი, ტრაპეცია, სამკუთხედი). ამასთანავე ჩნდება კომბინირებული იარაღები, რომლებსაც ამზადებდნენ ხისგან ან ცხოველის ძვლისგან. სპეციალურ ნაპრალში წებოვანი ნივთიერების გამოყენებით მაგრდებოდა ჩასართები, გეომეტრიული ფორმის მიკროლითები. ჩასართის დაზიანების შემთხვევაში იგი ადვილად იცვლებოდა და იარაღი ახლდებოდა. სავარაუდოა, რომ აღნიშნულ პერიოდში კომბინირებული იარაღი გამოიყენებოდა შემგროვებლურ მეურნეობაში მცენარეული საკვების მოპოვების დროს. არაა გამორიცხული მათი გამოყენება ცხოველური ნაწილების (მაგალითად, ტყავის) დამუშავების დროსაც.

მეზოლითის ადამიანის მეურნეობა მიმოვისებლური ხასიათისაა და დამყარებულია შემგროვებლობა-მონადირეობაზე, რაზეც მიუთითებს ზემოთაღნიშნული ძვლოვანი ნაშთები. მცენარეული საკვების მოპოვებაში, როგორც ჩანს, გამოიყენებოდა ძვლის წვერწამახული და ნაშუშეკარი თოხისებრი იარაღი. ეს გარემოება შეიძლება ჩაითვალოს მომპოვებელი მეურნეობის პრიმიტიულ, ჩანასახოვან სახედ. ამ თვალსაზრისით აფიანჩას (თანამედროვე გულრიფშის რაიონი) აღმოჩენებს არსებითი და გადამწყვეტი მნიშვნელობა ენიჭებათ.

გარკვეული ძვრები მეურნეობის ხასიათში იწვევს ცვლილებებს საზოგადოების სოციალურ სფეროში. ამ პერიოდისთვის პირველყოფილ ადამიანთა ჯგოფი, როგორც ერთეული, დაშლილი და გამქრალი ჩანს და საფუძველი ეყრება გვაროვნულ წყობილებას, მის უადრეს საფეხურს - ადრემატრიარქალურ გვარს. შესაძლებელია, ამავე პერიოდში ვივარაუდოთ ადრეტომობრივი გაერთიანებებიც. აშკარაა, რომ მოსახლეობა ხანგრძლივად დასახლებული ერთ ადგილზე, რაც საკმაოდ ორგანიზებული და მჭიდრო კავშირში მყოფი ერთეულების არსებობის გარეშე შეუძლებელია. პირველი ასეთი ორგანიზაცია კი მხოლოდ მატრიარქალურ პრინციპზე დამყარებული გვაროვნული თემი უნდა ყოფილიყო. ეს თემები ერთიანდებოდა ტომობრივ გაერთიანებებაში, რისი ჩანასახიც უკვე ზედა პალეოლითიდან შეინიშნება. სავარაუდოა ზედა პალეოლითის ხანაში საქართველოს შავიზღვისპირეთში რამდენიმე ტომობრივი გაერთიანების არსებობა. მონათესავე ტომები შემდგომში იფანტებიან მთელი დასავლეთ ამიერკავკასიის ტერიტორიაზე, რამაც გამოიწვია საერთოკავკასიური ერთიანი კულტურული ერთობის დაშლა, რისი ასახვა ლოკალური რეგიონების ჩასახვა უნდა იყოს. მატერიალური კულტურის ძირითადში ერთგვაროვანი ხასიათი თითქოს იმისკენ მიგვიანიშნებს, რომ დასავლეთ ამიერკავკასიაში მოსახლე ტომებში საგრძნობი ეთნიკური ცვლილება არ მომხდარა. ფართო ტერიტორიაზე განსახლებას კი უნდა გამოეწვია ენობრივი ერთობის თანდათანობითი დაშლა. ეს პროცესი სწორედ პალეოლითის ბოლო და მეზოლითის ეტაპზე უნდა დაწყებულიყო.

ნეოლითი ანუ ახალი ქვის ხანა (ძვ.წ. IX-VI ათასწლეულები) საზოგადოების განვითარების ერთ-ერთი უმნიშვნელოვანესი პერიოდია. ამ დროს ხდება ძირეული ძვრები მეურნეობის ხასიათში, როდესაც პალეოლითური მითვისებითი მეურნეობა მწარმოებლურ საფუძველზე გადადის. ნეოლითში ხდება წარმოებითი მეურნეობის ძირითადი სახეების - მიწათმოქმედების და მესაქონლეობის ჩასახვა-განვითარება.

მეურნეობის ახალი ფორმების ჩამოყალიბებამ გამოიწვია დიდი ძვრები საზოგადოებრივ ურთიერთობათა თითქმის ყველა სფეროში. ადამიანი მკვიდრად უკავშირდება მიწას და მყარად სახლდება მასზე. ჩნდება სოფლის ტიპის დასახლებანი ხელოვნური საცხოვრისით. ჩნდება ახალი ტიპის იარაღები, ახალი ტექნიკური ჩვევები: გახეხვა-გაპრიალება, გახერცვა, გახეხვა, მაკროლითური ტექნიკა. ამ ტექნიკით არის დამზადებული ნეოლითური ცულები, რომლებიც საკმაოდ ეფექტური და პროდუქტიული იარაღია და გვიან საფეხურზე ჩნდება.

მწარმოებლური მეურნეობის გაჩენამ საზოგადოებრივი ცხოვრების ყველა სახეობაზე მოახდინა გავლენა. სწორედ ამის გამო ამ მოვლენას „ნეოლითურ რევოლუციას“ უწოდებენ. ეკონომიკური რევოლუცია უნდა მომხდარიყო იქ, სადაც ამისთვის ხელსაყრელი პირობები არსებობდა. ამის გამო ნეოლითური კულტურა ყველგან ერთდროულად არ ჩამოყალიბებულა. ამ თვალსაზრისით ყველაზე მოზადებული წინააზიური რეგიონი აღმოჩნდა, რომელშიც ექცევა დასავლეთ ამიერკავკასია აფხაზეთის ჩათვლით. ნეოლითური კულტურის ფორმირება აქ მოხდა ადგილობრივი მეზოლითის ევოლუციური განვითარების შედეგად, რაც განსაკუთრებით კარგად ჩანს ქვის მიკროლითურ ტექნიკაში.

ნეოლითური კულტურის ძეგლები ნაკლებადაა შესწავლილი. აშკარაა, რომ მათი კონცენტრაცია ძირითადად დასავლეთ საქართველოს ტერიტორიაზე ხდება. მათში ორ საფეხურს გამოყოფენ - ადრეული და გვიანდელი ნეოლითი. მწარმოებლურ მეურნეობაზე გადასვლა აშკარად გვიანი პერიოდის ძეგლებზე შეინიშნება. აფხაზეთის ტერიტორიაზე ნეოლითური

ძეგლები რამდენიმე პუნქტშია დაფიქსირებული. ყველაზე ადრეული ჩანს ღუმურიშის ნასახლარი, რომელიც „უკერამიკო ნეოლითურ“ ძეგლთა რიგს უნდა მიეკუთვნოს. ქრონოლოგიურად მასთან ყველაზე ახლოს დგას გალი I-ის ნასახლარი, შემდგომ მოდის ლემსა, კისტრიკხორთოლი, ათარა.

განსაკუთრებით სიახლოვე შეინიშნება ყუბანისპირეთის მასალებთან (კამენომოსტკოე) და, შესაძლოა, მათთან ერთად ერთ ლოკალურ ვარიანტს ქმნიდეს. მეორე ასეთი ლოკალური ვარიანტი ისახება დასავლეთ საქართველოს დაბლობის ძეგლების სახით (ანასეული I და II, ოდიში, გურიანთა, პალური, მამათი, თეთრამიწა, სათაფლია და სხვ.). ყოველი მათგანი სპეციფიკური ნიშნებით ხასიათდება, რაც ეტაპების მიხედვით მათი ქრონოლოგიური დაჯგუფების საშუალებას იძლევა. მასალის ძირითადად ერთგვაროვანი ხასიათი საფუძველს იძლევა დასავლეთ ამიერკავკასიის ტერიტორიაზე ერთიანი მატერიალური კულტურის ორი ლოკალური ვარიანტი ვიგულისხმობ.

2. ენეოლით-შუაბრინჯაოს ხანა (ძვ.წ. V-II ათასწლეულის შუახანები)

„ენეოლითი“ ლათინური სიტყვაა და ნიშნავს სპილენძ-ქვის ხანას, ხშირად მას „ხალკოლითსაც“ უწოდებენ (ბერძნულად ხალკოს „სპილენძი“). სპეციალურ ლიტერატურაში ბოლო დროს ენეოლითურ ხანასა და კულტურას უფრო ხშირად ადრესამიწათმოქმედო კულტურას უწოდებენ.

ამ კულტურის ძეგლები კარგადაა წარმოდგენილი აფხაზეთის ტერიტორიაზე, მაგრამ უნდა ითქვას, რომ არცერთი მათგანი ბოლომდე არ არის გათხრილი, რაც ძალიან აძნელებს მისი ნასახლარების, მშენებლობის ტექნიკისა და სხვა სამეურნეო მნიშვნელობის ფაქტების სრულად დადგენას¹. ადრესამიწათმოქმედო ხანის ძეგლები (ენეოლითი) აფხაზეთის ტერიტორიაზე დასახლების ორი ტიპით არის წარმოდგენილი: ღია სადგომები და მღვიმე-ნაბინავარი. აფხაზეთის ენეოლითური ძეგლები ძირითადად ერთგვაროვან მასალას შეიცავს: ქვა, ძვალი, თიხის ჭურჭელი; ამ ეპოქაში გამოჩენას იწყებს ლითონის პირველი ნივთები, რომლებიც თვითნაბადი სპილენძისაგანაა დამზადებული ცივი გამოჭედვის გზით.

აფხაზეთის ენეოლითური კულტურა გენეტიკურად უკავშირდება წინამორბედ ნეოლითს. ნეოლითური კულტურის ტრადიციების გაგრძელება-განვითარება მკაფიოდაა გამოსახული ისეთ წამყვან ელემენტებში, როგორცაა დასახლების ტიპი, მეურნეობის სახეობანი, ქვის ინდუსტრია, კერამიკული ნაწარმი და შემკულობა.

ენეოლითის ხანაში დასახლების ორი ტიპი დგინდება: მღვიმეები და ღია ნასახლარები. მღვიმეებს მიეკუთვნება: ოჭუმო², ვორონცოვის მღვიმის ფარდული „ონაუნი“³, ახშიორ⁴. ღია ნასახლარებია: ფსოფ⁵ ათარა⁶, მაჭარა⁷, გვანდრა⁸ და სხვ. ნასახლარებზე მყარი ნაგებობის ნაშთი აღმოჩენილი არ ყოფილა, თუმცა გამოხრელები ვარაუდობენ, მაჭარასა და გვანდრაზე მიწურები და ნახევრადმიწურები უნდა ყოფილიყო, რომელთა ზედა ნაწილი სარ-ლასტზე მოწნული და ხშირად თიხით შელესილი „ფაცხისებური“ ტიპისა უნდა ყოფილიყო.

¹ . ლ. ნებიერიძე. დასავლეთ ამიერკავკასიის ნეოლითი. თბ., 1972; ო. ჯაფარიძე. ქართველ ტომთა..., გვ. 35-44; მისივე: საქართველოს არქეოლოგია, გვ. 41-56; კ. კალანდაძე. დასავლეთ საქართველოს ნეოლითური კულტურა. თბ., 1986; Ю. Воронов. Археологическая карта, გვ. 17; О.Бгажба, С. Лакоба. История Абхазии. Сухуми, 2006, გვ. 26.

² . გ. ფხაკაძე. აფხაზეთის ენეოლითური ძეგლები. - აფხაზეთი. I თბ., 2006, გვ. 20-29.

³ . გ. ფხაკაძე. ოჭუმის გამოქვებულის ენეოლითური ნაშთები. - მასალები საქართველოს და კავკასიის არქეოლოგიისათვის, VII. თბ., 1979, გვ. 68-76.

⁴ . Л.Н. Соловьев. Новый памятник культурных связей Кавказского причерноморья эпохи неолита и бронзы – стоянки Воронцовской пещеры. - Труды Абх. ИЯЛИ, 29. Сухуми, 1958, გვ. 115-135.

⁵ . ს. ზამიატინის გათხრები. მასალა ინახება პეტერბურგში. ეთნოგრაფიის და ანთროპოლოგიის მუზეუმში.

⁶ . Л.К. Соловьев. დასახ. ნაშრომი, გვ. 120.

⁷ . М.В. Барамидзе, Г.Г. Пхакадзе, А.З. Орджоникидзе. Раскопки в С. Атаря. - Арх. открытия. 1977 г. М., 1977, გვ. 174-175.

⁸ . В.В. Бжания. Поселение Мачара эпохи неолита и ранней бронзы в Абхазии. – Совет. Археология, I. М., 1966, გვ. 113-126.

⁹ . И.И. Цвинария. Поселение Гуандра. Тб., 1978.

ნასახლარებზე აღმოჩენილი არქეოლოგიური მასალა ძირითადად ერთგვაროვანია. ესაა ქვა, კაჟი, კერამიკა. იშვიათია ძვლისა და რქის ნივთები. მასალა თავმოყრილი იყო სავარაუდო საცხოვრებელთა იატაკებზე, ან ქვით შემოწობილი ნაცროვანი ორმოების (კერების) გარშემო.

ქვის ინდუსტრია ენეოლითური საზოგადოების მეურნეობის საფუძველს წარმოადგენს. ქვის იარაღების ტიპოლოგიურ-მორფოლოგიური ანალიზი აშკარად ადასტურებს, რომ ინდუსტრია ძლიერი ნეოლითური ტრადიციების კვალს ატარებს. ფართოდ იხმარება რიყის ქვის, ბაზალტის, სერპანტინის და ქვის სხვა ჯიშებისაგან დამზადებული იარაღები. განსაკუთრებით აღსანიშნავია რიყის ქვის გახეხილ-გაპრიალებული ცალპირღესილი და სოლისებური ცულები, სათლელები, სატეხები და სხვ. ნეოლითშივე იწყებს გამოჩენას ქვის იარაღების დამუშავების ახალი ტექნიკა – ატკეცვა და მოკოდვა, რომლებიც ენეოლითსა და შემდეგ ადრებრინჯაოს ხანაში ვითარდება და უნივერსალურ ხასიათს იღებს.

ატკეცვა-მოკოდვითაა დამზადებული ენეოლითური იარაღების უმრავლესობა: ცულები, სატეხები, სათლელები, თოხები, „პიკის“ ტიპის იარაღები. ფართო ხმარებაში იყო სიბრტყით გაპობილი რიყის ქვები, რომელთა ნაპირების დამატებით ჩამოტეხისა და წამახვილების შედეგად ისინი გამოიყენებოდა საფხეკებად, საჭრისებად და სხვ. ქვის ინდუსტრიაში განსაკუთრებული ადგილი უჭირავს ქვის თოხებს, ე.წ. სოჭი-ადლეურის ტიპის თოხები სოჭი-ადლეურის რეგიონის ძეგლებს ახასიათებს. ხოლო სოხუმის რეგიონში კი თოხები განსხვავებული ფორმისაა და მათ „სოხუმის ტიპის“ თოხებს უწოდებენ. თოხის ეს ორივე ტიპი ადრებრინჯაოს ხანაში განაგრძობს არსებობას.

კაჟის იარაღები უმნიშვნელოდაა წარმოდგენილი. ესაა ანატკეცვები და უხეში ლამელები რეტუმის გარეშე, ზოგჯერ ნაშუშევრობის კვლით. გამოჩნდის წარმოადგენს ოქუმის და ახშითრის მღვიმეები. აქ ნაპოვნია გეომეტრიული მიკროლითები, ტრაპეციები და სეგმენტები; ასეთივე კომპლექსითაა კაჟის იარაღები წარმოდგენილი ახშითრის მღვიმეში. ნეოლითური ტრადიციები თავს იჩენს კერამიკულ ნაწარმშიც. თიხის შემადგენლობა, ფორმები და ორნამენტი ამის აშკარა საბუთია.

კაჟის ორმხრივ დამუშავებული ისრისა და შუბისპირების სიმრავლით გამოირჩევა ფარდული „ოჩაჟნი“. ზემოთაღნიშნული იარაღები მიგვითითებენ, რომ მღვიმეთა ენეოლითური კულტურული ფენები ამავდროულ ღია ნასახლარებზე (მაჭარა, გუანდრა) უფრო ადრეულებია. ამას მოწმობს არა მარტო კაჟის ინდუსტრიის დეგრადაცია, არამედ კერამიკული პროდუქციაც.

აფხაზეთის ენეოლითური ძეგლების ასაკის განსაზღვრისათვის არსებობს ერთი თარიღი ჩ¹⁴ მაჭარის ნასახლარის ძირა IV ფენიდან 3810 90, მაგრამ შესწორებული, კალიბრებული დათარიღებით ეს კულტურა უკვე ძვ.წ. V ათასწლეულში გადადის.

ქვისა და კაჟის იარაღების მორფოლოგიური ანალიზი ცხადყოფს რომ სხვადასხვა ჯგუფების ნასახლარებზე მეურნეობის განსხვავებული ხასიათი ფიქსირდება.

ღია ტერასულ ნასახლარებზე (მაჭარა, გვანდრა, ფსოუ, გვადიხუ) „პიკის“ ტიპის წერაქვისებური იარაღების სიჭარბე სამიწათმოქმედო საქმიანობასთანაა დაკავშირებული.

მიწათმოქმედებას უკავშირდება ასევე „სოხუმისა“ და „სოჭი-ადლეურის“ ტიპის თოხები და ხელსაფქვავეები. ამავე ძეგლებზე ნანახი ქვის მრგვალი ან ოვალური ფორმის ბადის საწაფები მეთევზეობის მნიშვნელოვან როლზე მიგვითითებს.

მღვიმურ ნასახლარებზე (ოქუმი, ოჩაჟნი, ახშითრი) სამიწათმოქმედო ხასიათის იარაღები არ ჩანს. „ოჩაჟნისა“ და ახშითრიში ისრისა და შუბისპირების არსებობა ადასტურებს, რომ ამ ძეგლების მეურნეობაში მნიშვნელოვანი ადგილი მონადირეობას ეჭირა.

აფხაზეთის ენეოლითური მასალები, ქვის იარაღები და განსაკუთრებით თოხები ახლო მსგავსებას პოულობენ წინა აზიის ძეგლებში (ხასუნა, სიალკი, ჯემდე-ნასრი, სუზა და სხვ.). ეს მასალები მჭიდრო კავშირს ავლენენ აგრეთვე რიონ-ყვირილას აუზის მღვიმეების თანადროულ მასალებთან. დასავლეთ ამიერკავკასიის ამ ორივე რეგიონის მასალები კულტურის მთელი რიგი წამყვანი ელემენტებით გარკვეულ ურთიერთობაშია ჩრდილოეთ კავკასიის – ყუბანისპირეთის ცნობილ ადრემიკოპურ კულტურასთან. ენეოლითური კულტურის უშუალო მემკვიდრეა ბრინჯაოს ხანა, რომელიც ადრე, შუა და გვიანი ბრინჯაოს ხანად იყოფა.

IV ათასწლეულის ბოლოსათვის მთელი დასავლეთ ამიერკავკასიის მოსახლეობის ცხოვრებაში თავს იჩენს პროგრესული ცვლილებანი, რომლებიც ისტორიული განვითარებით იყო

¹ . А.А. Формозов. Каменный век и энеолит Прикубанья. М.,1965.

განპირობებული. მთელი მომდევნო ათასწლეულის მანძილზე ეს ცვლილებები მატულობს. მიწათმოქმედების ინტენსიფიკაცია, მესაქონლეობის ახალი ფორმები, ხელოსნობის, პირველ რიგში მეტალურგიის განვითარება, განაპირობებდნენ საწარმოო ძალების შემდგომ განვითარებას და ახალ საწარმოო ურთიერთობებს, რომლებიც ასახვას პოულობდა მატერიალურ კულტურაში.

მიწათმოქმედებამ და მესაქონლეობამ მალაღგანვითარებულ მეტალურგიასთან ერთად შექმნა ახალი ეკონომიკის მყარი საფუძველი, რომელმაც თავის მხრივ გამოიწვია მნიშვნელოვანი სოციალური ძვრები საზოგადოებრივ ცხოვრებაში.

ამ დროისათვის საბოლოოდ მთავრდება დასავლეთ ამიერკავკასიის, მათ შორის აფხაზეთის, მთელი ტერიტორიის ათვისება. თუმცა ბუნებრივია, რომ კულტურული ფენები ყველა ძეგლზე ერთნაირი სიძლიერით არ არის წარმოდგენილი. მღვიმე-ნასახლარებზე ადრებრინჯაო-ენეოლითის უშუალო გაგრძელებას წარმოადგენს (ვორონცოვის მღვიმე, ზღვისპირა და მდინარისპირა ტერასებზე განლაგებული ნასახლარები მაჭარა, გვანდრა). კულტურული ფენები უფრო ინტენსიურად ჩანს ბუნებრივი შემაღლებების ფერდობებზე და ხელოვნურ გორა-ნამოსახლარებზე (ოჩამჩირე, ფიხორი).

ძვ. წ. III ათასწლეული არის ადრებრინჯაოს ქრონოლოგიური ჩარჩო. იმ პერიოდში საზოგადოების ეკონომიკური, კულტურული და სოციალური დაწინაურების ძირითად საფუძველს მეტალურგია წარმოადგენს.

ლითონი (სპილენძი თავისი ბუნებრივი შენარევებით), რომელიც ერთეული ცივი ჭედვით დამზადებული ნივთებით იყო ცნობილი წინამორბედ ენეოლითურ ეპოქაში, სწრაფ აღამგლობას განიცდის. ადამიანებმა ისწავლეს მადნიდან სპილენძის გამოდნობა, მასში სასურველი რაოდენობით სხვადასხვა მინარევის შეტანა ჯერ დარიშხანისა ან ანთიმონისა, ხოლო შემდეგ უკვე კალისა.

ლითონის გამოდნობის მიგნებამ ადრებრინჯაოს საზოგადოებას საშუალება მისცა მრავალგვარი იარაღები დაემზადებინა როგორც სამეურნეო, ასევე საბრძოლო მიზნებისათვის. შეიქმნა და გამოიყო ცალკე ჯგუფი ადამიანებისა, რომლებიც ლითონის წარმოება-ჩამოსხმაში იყო დახელოვნებული. ადრებრინჯაოს ხანის ერთ-ერთი ძირითადი მახასიათებელია იარაღების წარმოების სერიული ხასიათი. ამის დამადასტურებელია ის მრავალრიცხოვანი ღია და ორსაგდულიანი ყალიბები, რომლებიც მრავალადაა ნასახლარებზე აღმოჩენილი (ფიხორი).

მადანი აფხაზეთის ტერიტორიაზე მცხოვრებ მოსახლეობას მოჰქონდა მდ. ბზიფის ზედა წელზე არსებული სპილენძის საბადოებიდან. ბაშკაფსარის სპილენძის საბადოებზე დადასტურებულია როგორც ღია გამონამუშევრები, ასევე შახტები და შტოლნები, რომლებიც, როგორც თვლიან, ფუნქციონირებდნენ ძვ.წ. III ათასწლეულიდან ძვ.წ. VIII ს.-მდე. დასავლეთ ამიერკავკასიაში ამ პერიოდში დაფიქსირებულია მეორე მძლავრი მეტალურგიული კერა რიონ-ყვირილას ზედა წელზე.

ადრებრინჯაოს ადრეულ საფეხურზე საცხოვრებლად ისევ გამოიყენება კარსტული გამოქვაბულები (ვორონცოვის მღვიმის „კოლოკონი“ და „ზალოჟენი“ გროტები); ამ მღვიმეებში თიხატკეპნილი იატაკების ნაშთებიცაა შემორჩენილი, რომლებშიც ზოგჯერ კერებია ჩალესილი. ჩრდილო-დასავლეთ კოლხეთის ზღვისპირა ნასახლარებზე - მაჭარასა² და გვანდრაზე მიწურები და ნახევარმიწურები გვხვდება. ისინი მრგვალგეგმიანი ან ოთხკუთხა ძირბრტყელი ორმოებია, რომელთაც გარშემო სარების ჩასამაგრებელი ორმოები შემოუყვება. ვარაუდობენ, რომ ხის კარკასები ლერწმის ტიპის სპეციალური მცენარით იყო შემოწნული. მთელი ეს კონსტრუქცია შემდეგ შიდა და გარე მხრიდან თიხით იყო შემოლესილი. სათავსოების ასაგებად მოედნები წინასწარ იყო მომზადებულ-მოტკეპნილი³.

სულ სხვა სურათია განვითარებული ფინალური ეტაპის ძეგლებზე, გორა-ნასახლარებზე. ისინი დაბალი ხელოვნური ან ბუნებრივი გორაკებია, რომელთაც გარშემო სადრენაჟო თხრილები უვლის. ასეთი ბორცვები საკმაოდ ახლო-ახლოსაა განლაგებული და ერთმანეთს თხრილებით უკავშირდებიან (ოჩამჩირე, ფიხორი).

აფხაზეთის ადრებრინჯაოს პირველი ძეგლი აღმოჩენილ იქნა ოჩამჩირის რაიონში მდ. ჯუქურის ზღვასთან შერთვის ადგილას. 3 ნასახლარი ბორცვიდან ერთ-ერთზე – დასავლეთის

² . იხ. ვრცლად გ. ფხაკაძე. დასავლეთ საქართველოს ადრებრინჯაოს ხანისა და მაიკოპის კულტურის ურთიერთობის საკითხები. – საქართველოს არქეოლოგიის საკითხები, III. თბ., 1975.

³ . В.В. Бжания. Поселение Мачара... - Совет.Археология, I. М., 1966.

⁴ . И.И. Цвинария. Поселение Гуандра. Тб., 1978.

ბორცვზე (მივაშენე, ლ.სოლოვიოვი⁵ ბ.კუფტინი⁶) ნასახლარი ფენა ზღვის დონეზე დაბლა ჩადიოდა. დაფიქსირდა რიყის ქვით მოკონკრეტილი თიხით გადაღესილი მოედნები, რომლებზეც მოწნული და თიხით შეღესილი „ფაცხის“ ტიპის ნაგებობები იდგა.

მეორე ძეგლზე, გუმისთაში (სოხუმის რაიონი) ნაგებობის არანაირი კვალი არ აღმოჩენილა. აქვე გაითხარა ყორღანი, სადაც მიცვალებულები მოკრუნხულ მდგომარეობაში გვერდზე იყვნენ დასვენებულნი.⁷

ოჩამჩირესა და გუმისთის ნასახლარებზე მოპოვებული მასალა – კერამიკა და ქვის იარაღები სავსებით იდენტურია ამავე დროისა და ასეთივე ტიპის კერამიკული თუ ქვის მასალებისა. ადრებრინჯაოს კულტურას მისი პირველი აღმოჩენის პუნქტის მიხედვით ოჩამჩირული კულტურა უწოდეს და ასეა ცნობილი ლიტერატურაში. მაგრამ ამავე ეპოქას „პროტოკოლხურ კულტურასაც“ უწოდებენ⁸. ამ ბოლო დროს აღმოსავლეთ შავიზღვისპირეთის ყველა ამ პერიოდის ძეგლთა შესწავლამ ნათელყო, რომ ერთგვაროვანი ადრებრინჯაოს კულტურა მთელ სანაპირო ზოლსა და ბორცვოვან ზოლზეც ვრცელდება, ამიტომ ლიტერატურაში შეხვედებით ტერმინს „კოლხეთის ადრებრინჯაოს ხანის კულტურა“ (გ. ფხაკაძე⁹), რომელშიც ძირითადი ერთგვარონების მიუხედავად სამი ლოკალური რეგიონი გამოიყოფა: ჩრდილო-დასავლეთ კოლხეთი (აფხაზეთი), ცენტრალური კოლხეთი და სამხრეთ-დასავლეთ კოლხეთი (აჭარა-გურია). ადრებრინჯაოს ხანის ნასახლარებს შორის განსაკუთრებული ადგილი დაიმკვიდრა ფიჩორის ნასახლარმა (გალის რ-ნი). იგი შეიძლება ეტალონურად ჩაითვალოს, რადგან ცენტრალურ ბორცვზე დაფიქსირდა 8 კულტურული ფენა: ძვ.წ. III ათასწლეულის მეორე ნახევარი - ძვ.წ. III. დასაწყისი¹⁰, აქედან ადრებრინჯაოს VII და VIII ფენები განეკუთვნება. სისქით 3მ. ქვედა მე-8 ფენაში დაფიქსირდა ხიმინჯებზე დაყრდნობილი ხის ბაქნიანი სათავსოების ნაშთები, რომელთა იატაკები თიხით იყო მოღესილი. წნელის ანაბეჭდიანი ბათქაშების მიხედვით კედლები მოწნული და თიხით შეღესილი უნდა ყოფილიყო. ნასახლარის მე-8 ფენაშივე აღმოჩნდა „საკულტო“ სათავსო, რომლის იატაკზე კერის გარშემო თავმოყრილი იყო მრავალგვარი თიხის ჭურჭელი, ქვის იარაღები, ხის სახნისები, ლითონის ნივთები და თიხის ორსაგდულიანი 60 ყალიბი. ფიჩორის ნასახლარისა და აქ აღმოჩენილი არტეფაქტების შესწავლამ საფუძველი მისცა მკვლევარებს (მბარამიძე, გ.ფხაკაძე, ლ.ჯიბლაძე) სრულად აღედგინათ ადრებრინჯაოს ხანის საზოგადოების ცხოვრების, მეურნეობის, ეკონომიკის, სწარმოო იარაღებისა და საკულტო წესჩვეულებათა განვითარების სურათი.

აფხაზეთის ადრებრინჯაოს ხანის კულტურა ენეოლითის მემკვიდრეა. ქვის ინდუსტრიას ძლიერი ენეოლითური ტრადიციები ეტყობა: რიყის ქვის იარაღები ატკეცვისა და მოკოდვის გზით არის დამზადებული.

კაჟის წარმოება დაცემულია, ნუკლეუსები ამორფულია, ამორფულია ანატკეცთა უმრავლესობაც. ლამელები არ არის. საფხეკები, საჭრისები და სახოკებიც ძალზე მცირე და ატიპურია. კაჟის ისრისწვერი სულ სამია; სამივე ასიმეტრიული, ფრთებდაშვებული, ერთი მათგანი ყუნწიანია. ასეთი ფორმისაა ხელშუბისპირებიც. საყურადღებო ფაქტია ნასახლარზე კაჟის ნამგლისპირების არსებობა, რომლებიც ორმხრივ დამუშავებულია, გვერდებდაკბილული.

ჭურჭელთა უმეტესობა ხელით ნამქროია. თიხის ცომს ურევია კალციტი, შამოტი, ქარსი, კირი, კვარცი; გამოიწვარია მურა-მოვარდისფროდ, მურა-მოწითალოდ, ლევა და მოყავისფროდ; ფორმები: ქილები, ქოთნები, ღერგები, ჯამები, კოჭბის ტიპის და კასრისებური ჭურჭლები. უმრავლესობას ზედაპირზე ნაფოტით მოსწორებული პარალელური ზოლები ეტყობა. ფუნქციურად ისინი სამზარეულო და სამეურნეო (სანოვაგისა და სითხის შესანახ) ჭურჭლებს წარმოადგენდნენ.

ყური ჭურჭლის ყველა ტიპს ახასიათებს. უპირატესია პირსა და მხარზე დამაგრებული ყურები, განსაკუთრებით დიდი ზომის ჭურჭელზე (ქოთანი) და ჯამ-ფიალებზე. დანარჩენებს ყური

⁵ . Л.Н. Соловьев. Энеолитическое селище у Очамчирского порта в Абхазии. - Труды Абх. Института Я.Л.И. Сухуми, 1939; Л.Н. Соловьев. Археологические раскопки близ Очамчир в Абхазии. - С.А., IV. 1937, გვ. 323.

⁶ . Б. А. Куфтин. Материалы к археологии Колхиды, II, Т. 5. 1950, გვ. 267.

⁷ . В.В. Бжания. Результаты исследования Гумистинского поселения в 1967 г. - КСИЯ, 15. М., 1969.

⁸ . თ. მიქელაძე. ძიებანი კოლხეთისა და აღმოსავლეთ შავიზღვისპირეთის უძველესი მოსახლეობის ისტორიიდან. თბ., 1974, გვ. 41; მ. ბარამიძე. დასახ. ნაშრომი; ლ. ჯიბლაძე. კოლხეთის დაბლობის ძვ.წ. III-II ათასწლეულების ნამოსახლარები, თბ., 2007, გვ. 7-12.

⁹ . გ. ფხაკაძე. დასავლეთ ამიერკავკასია ძვ.წ. III ათასწლეულში. თბ., 1993, გვ. 120-121.

¹⁰ . ითხრობდა 1980-1991 წწ. საქ. მეცნ. აკად. არქეოლოგიური კვლევის ცენტრის ექსპედიციის მიერ, ხელმძღვანელი მ. ბარამიძე. იხ.: მ. ბარამიძე. ფიჩორის ნასახლარი და კავკასიის არქეოლოგიის ზოგიერთი საკითხი. თბ., 1977.

ყელსა და ტანზე აქვთ მიძერწილი. შემკულობის ყველაზე გავრცელებულ სახეობას სხვადასხვა ფორმის შვერილ-კოპები წარმოადგენს: ძუძუსებური, ქიმისებური, მოგრძო, ოვალური, უნაგირისებური, ჯიბისებური, ყელზე ან მხარზე დაძერწილი რელიეფური სარტყელი.

ფიჩორის და ოჩაჩირის ნასახლარებზე ამ ზემოთ აღწერილი ტრადიციული კერამიკის გვერდით არის მისგან სრულიად განსხვავებული თხელი, განლექილი თიხისაგან ნაძერწი, მუქი პრიალა ზედაპირიანი თიხის ჭურჭელი, რომელიც ადგილობრივი არ არის და უკავშირდება აღმოსავლეთ საქართველოში გავრცელებულ ადრეკორღანულ კულტურაში (თრიალეთი, ბედენი) ცნობილ ნაწარმს.

ადრებრინჯაოს ასაკს განსაზღვრავს ფიჩორის ნასახლარის მე-8 ფენის ჩ-14 თარიღი 2290 60, რომელიც კალიბრების შემდეგ ძვ. წ. III ათასწ. I ნახევრამდე ჩადის.

ამ პერიოდში მალაღ განვითარებას აღწევს მიწათმოქმედება. მიწის დამუშავება ხდება უკვე ხის სახნისის საშუალებით. ფიჩორაში აღმოჩენილია ხის ორი სხვადასხვა ტიპის სახენელი; ე.ი. მიწათმოქმედება უკვე გუთნურ ხასიათს იღებს, რაც თავისთავად გულისხმობს გამწვევი ძალის გამოყენებას. ამის დადასტურებაა მთელ ამიერკავკასიაში ამ დროს გავრცელებული ხარის ფიგურები, რომელთა ნაწილი კისერთან გახვრეტილია. ამავე პერიოდს უკავშირდება ბორბლისა და საზიდარი ტრანსპორტის გაჩენა.

ფიჩორის ნასახლარზე დიდი რაოდენობით აღმოჩნდა კულტურული მარცვლეულის ნაშთები: ხორბალი, ქერი, შერია და სხვ. ოჩაჩირის ნასახლარზე აღმოჩენილია მსხვილფეხა რქოსანი პირუტყვის (ხარის, ძროხის), ასევე წვრილფეხა რქოსნების, ღორისა და სხვა ძეგლები, რომლებიც მეტყველებენ მესაქონლეობის დიდ როლზე იმდროინდელი ადამიანების მეურნეობაში.

საზოგადოების ეკონომიკური ცხოვრების აღმავლობის რეალურ საფუძველს წარმოადგენდა მეტალურგია. ადრებრინჯაოს ეპოქაში ხდება ლითონის წარმოების მკვეთრი და სწრაფი განვითარება. სერიულად ჩამოსხმება სამეურნეო და საბრძოლო იარაღები. ფიჩორის ნასახლარმა მეტალურგიის უნიკალური ნიმუშები მოგვცა: 60 ორსაგდულიანი ყალიბი ყუამილიანი ცულებისა და სამკუთხა თოხებისათვის, ოთხმხრივი ღია ყალიბი ოთხი სხვადასხვა ნივთისათვის (კოვზი, სატევარი, შუბისპირი და უცნობი ნივთი). ამასთან ერთად აღმოჩენილი იყო საქშენი მიღები, ციცხვები, კოვზები, ჭურჭელი ფსკერზე ლითონის ნაშთით და სხვა, რაც იმის დამადასტურებელია, რომ ნივთების დამზადება ნასახლარზევე ხდებოდა; ამ ნივთებმა საშუალება მისცა მკვლევარებს, ლითონის იარაღის წარმოების მთელი პროცესი აღედგინათ. სავარაუდოა, რომ ბრინჯაოს მეტალურგიაში გამოიყენებოდა აფხაზეთსა და ზემო რაჭაში მოპოვებული სპილენძის მადანი.

შესანიშნავი ლითონის ნივთები აღმოჩნდა აგრეთვე საშუალო ზომის დოლმენებში, რომლებიც ადრებრინჯაოს ხანას განეკუთვნება: ყუადაქანებული ცულები, ფოთლისებრი სატევარი, მასრაგახსნილი და მასრაშეკრული კავები ზედწნული ორნამენტით, ქინძისთავები და სხვა. ამათ დასამზადებლად გამოიყენებოდა ჩამოსხმის, ცივად ჭედვისა და ცვილის მოდელის დაკარგვის წესი. ზოგიერთი ნივთი ჯერ ჩამოსხმულია ყალიბში და შემდეგ დამატებით არის გამოჭედილი¹¹. ლითონის ნივთები დარიშხანიანი სპილენძისაგან იყო დამზადებული. სხვადასხვა დანიშნულების მიხედვით დარიშხანის მინარევი მერყეობდა 2,7%-დან 6,73%-მდე.

მეტალურგიის განვითარებამ, მეურნეობის ინტენსიურმა ზრდამ ოჯახში წინ წამოსწია მამაკაცის წამყვანი როლი და საბოლოოდ ჩამოყალიბდა პატრიარქალური საზოგადოება.

ენეოლითის და განსაკუთრებით ადრებრინჯაოს ხანაში მთელ აღმოსავლეთ შავიზღვისპირეთსა და მიმდებარე ბორცვიან ზოლში ერთგვაროვანი კულტურა იყო გავრცელებული. ძნელია ამ კულტურის მატარებელი ტომების ეთნიკური ვინაობის განსაზღვრა, მაგრამ არქეოლოგიური მასალების მიხედვით, ეს ტერიტორია იმ დროს ერთი ტომით თუ არა, ერთმანეთის მონათესავე ტომებით უნდა ყოფილიყო დასახლებული. ამ ერთგვაროვან კულტურაში ლოკალური რეგიონები გამოიყოფა.

აფხაზეთი სწორედ ერთ-ერთ ასეთ თავისებურ ლოკალურ რეგიონს წარმოადგენს, რომლის ძირითადი დამახასიათებელი და განმასხვავებელი ნიშანი არის დოლმენები. ძვ. წ. III ათასწლეულის შუახანებს განეკუთვნება ადრეული დოლმენები, რომლებიც პატარა ზომებით გამოირჩევა. როგორც ზღვასთან ახლოს, ასევე მთის ზოლში (ეშერა, ახანთა, ოთჰარა,

¹¹ . Г.Г. Пхакадзе. Восточное причерноморье во второй половине IV-III тысяч. до н. э. (К проблеме культурных контактов). Петербург, 2000, გვ. 50-59.

ყვლანურხვა, შრომა, დოუ). მათ გათხრასა და შესწავლაში დიდი ღვაწლი მიუძღვით ა. ლუკინს, ლ. სოლოვიოვს, ბ. კუფტინს, ო. ჯაფარიძეს, ი. წვინარიას¹². დღემდე ცნობილი ყველა დოღმენი დაახლოებით ერთი ტიპისაა. ისინი წარმოადგენენ მეგალითურ სამარხ ნაგებობებს, რომელთაც გეგმაში ტრაპეციის ფორმა აქვთ. აგებულია ოთხი ვერტიკალურად დადგმული მასიური ბრტყელი ქვისაგან და მესუთე ქვითაა გადახურული. ზოგ დოღმენს იატაკადაც ქვის ფილა აქვს. წინა კედელში, რომელიც ყოველთვის სამხრეთით ან სამხრეთ-აღმოსავლეთითაა მიქცეული, მრგვალი ხვრელი აქვს, რომელიც ქვის საცობით იხურებოდა.

დოღმენი კოლექტიური საგვარეულო სამარხია. მასში მეორადი დამარხვის წესი იყო გამოყენებული. მიცვალებულებს ხეებზე კიდებდნენ და დროთა განმავლობაში ხორცისაგან განთავისუფლებული ძვლები დოღმენში წინა ხვრელით შეჰქონდათ. ადრებრინჯაოს ხანას მცირე და საშუალო ზომის დოღმენები განეკუთვნება, დიდი ზომის დოღმენები უკვე მომდევნო ხანაშია აგებული და გვიანბრინჯაოს ეპოქამდე იყო გამოყენებული.

როგორც ცნობილია, დოღმენები ფართოდ არის გავრცელებული ჩრდილოეთ კავკასიაშიც, განსაკუთრებით ნოვოსვობოდნიას ეტაპზე, მაგრამ დოღმენთა აგებულებისა და შიგთავის მასალის შედარებამ ცხადი გახადა, რომ აფხაზეთის დოღმენები უფრო ადრეულია, ვიდრე ჩრდილოეთ კავკასიისა¹³.

აფხაზეთის ადრებრინჯაოს ხანის ძეგლები და კულტურა თავისი ტრადიციების გაგრძელებას შუა ბრინჯაოს ეპოქაში პოულობს. ეს ხანა ერთ-ერთი ყველაზე ნაკლებ შესწავლილი პერიოდია. ამის მიზეზი, უპირველეს ყოვლისა, შესაბამისი ძეგლების ნაკლებობაში, ან მათ არასწორ შეფასებაში უნდა ვეძებოთ. პროფ. თ. მიქელაძემ ფაქტობრივად პირველმა დიხაგუძემა I-ის და II-ის მონაცემებზე დაყრდნობით დაასაბუთა დასავლეთ საქართველოს მასალებში შუა ბრინჯაოს ხანის არსებობა, რომელიც განისაზღვრა პროტოკოლხური II-ით.¹⁴ ფიხორი I-ის სტრატეგრაფიულმა ჭრილმა ძირითადად დაადასტურა თ. მიქელაძის კლასიფიკაცია, თუმცა შუა ბრინჯაოს ხანის 2 კულტურული ფენის გამოვლენამ არსებული სქემა დააზუსტა. გამოყოფილ იქნა შუა ბრინჯაოს ხანის ორი ქრონოლოგიური ეტაპი, რომელიც პროტოკოლხური II ა და ბ ფაზებად იქნა დაყოფილი.¹⁵

აღმოსავლეთ შავიზღვისპირეთის შუა ბრინჯაოს ხანის ძეგლებს მიეკუთვნება ფიხორი I-ს VI-V ფენების, ფიხორი VI-ს ნაკარდალის III-VI ფენები, ისპანის (აჭარა) ზედა ჰორიზონტი, ანაკლია II, ანაკლია I-ის მეორე-მესამე ფენები, ნოსირის პირველი და მეორე ფენა.

პროტოკოლხურ კერამიკაში გამოიყოფა 3 ჯგუფის ნაწარმი. პირველ ჯგუფში გაერთიანებულია ე.წ. შავპრიალა ან ყავისფერპრიალა ნაწარმი. ფორმათა შორის აღსანიშნავია კვერცხისებურტანიანი მოზრდილი ჭურჭელი პირთან მიერთებული ბრტყელი ლენტური ყურებით, პირგაშლილი კოჭბები, მაღალქუსლიანი ვაზები, ბრტყელძირიანი ჯამები, ზიარი ჭურჭელი და სხვა. თხელკეციანი ჭურჭლის ფრაგმენტები, განსაკუთრებით ყურები ნაკაწრი, გეომეტრიული, ტალღური ან ტეხილხაზოვანი ორნამენტით არის შემკული.¹⁶

შავპრიალა ჭურჭლის ნიმუშები ნაპოვნია ოჩამჩირესა და ფიხორის I-ს VIII-VII ფენებში, ისპანის ქვედა ფენაში. ჩვენთვის საინტერესო პერიოდის შავპრიალა ნაწარმი აღმოჩენილია ფიხორი I-ს VI-IV ფენებში, ფიხორი VI-ში, ნაკარდალში, ანაკლია I-სა და II-ში, ისპანის ზედა ფენაში და სხვა. თითქმის ყველა ამ ძეგლზე შავპრიალა და ყავისფერპრიალა ნაწარმი ერთეულების სახითაა წარმოდგენილი და თვით ფიხორში, სადაც ამ ტიპის კერამიკა ყველაზე მრავალფეროვანია, საერთო რაოდენობის 1%-ს აღწევს. აქდან გამომდინარე, საუკეთესო ამ ჯგუფის ადგილობრივ კოლხურ ნაწარმად მიჩნევა (თ. მიქელაძე), რადგან საზოგადოება თუ ფლობს ამ დონის მაღალხარისხოვანი ნაწარმის დამზადების ტექნოლოგიას, ბუნებრივია, უპირატესად მას აწარმოებს და მოიხმარს კიდევ. ამავე დროს მასიური კერამიკა (99%) ძალზე უხეში, მდარე ხარისხის და სრულიად სხვა ფორმებითაა წარმოდგენილი. მკვლევართა ნაწილი მას შემოტანილ ნაწარმად მიიჩნევს (ლ. სოლოვიოვი, ბ. კუფტინი, მ. ბარამიძე, ლ. ჯიბლაძე, ე. გოგაძე)¹⁷. ამ კერამიკის პირველად კერად ზოგჯერ მაიკოპის კულტურა მიიჩნევა. თუმცა მასში არ

¹² . ო. ჯაფარიძე. დოღმენური კულტურა საქართველოში. – თსუ-ს შრომები, 1955; ო. ჯაფარიძე. ქართველ ტომთა ისტორიისათვის ლითონის წარმოების ადრეულ საფეხურზე. თბ., 1961.

¹³ . გ. ფხაკაძე. აფხაზეთის დოღმენების კვლევის ზოგიერთი ასპექტი. – აფხაზეთი, I, 2006, გვ. 138-142.

¹⁴ . თ. მიქელაძე. ძიებანი, გვ. 41.

¹⁵ . მ. ბარამიძე. აღმოსავლეთ შავიზღვისპირეთი..., გვ. 117-145; ლ. ჯიბლაძე. დასახ. ნაშრომი, გვ. 103-126.

¹⁶ . მ. ბარამიძე. აღმოსავლეთ შავიზღვისპირეთი..., გვ. 117-126.

¹⁷ . იქვე.

დასტურდება ვაზისებური სასმისები, მსგავსი პროფილის ჯამები, გრძელი ლენტური ყურები, ნაკაწრი ორნამენტი. მკვლევართა მეორე ნაწილი (ლ.სოლოვიოვი, ი. ვორონოვი, ჯ. აფაქიძე)¹⁸ ამ კერამიკის სათავეებს წინააზია-ანატოლიის ძეგლებზე ხედავს. აღსანიშნავია, რომ არც ამ რეგიონში ჩანს გავრცელებული მსგავსი პროფილის თისის ნაწარმი, ნაკაწრი ორნამენტი; იქ ძირითადად გავრცელებულია ყაფისფერპირი ნაწარმი, შავპირი კი ერთეულია.

შავპირი კერამიკის წარმომავლობის თვალსაზრისით ყველაზე რეალური გზები ისახება აღმოსავლეთ საქართველოს ტერიტორიაზე. ფიჩორის კერამიკის ზედმიწევნითი მსგავსება ბედენური იერის ნაწარმთან, კერძოდ, ფორმათა მსგავსება (ჯამები, ვაზისებური სასმისები, ზიარი ჭურჭელი, ლენტისებური ყურები), ნაკაწრი ორნამენტი, კეცი და ზედაპირის მეტალური ბზინვარება ის ელემენტებია, რომლებიც ერთმანეთს უკავშირებს ამ ორ რეგიონს და სვამს საკითხს მათი ერთი კერიდან მომდინარეობის შესახებ. კოლხეთში შავპირი კერამიკის გამოჩენა ფაქტობრივად ემთხვევა ბედენ-მარტყოფის კულტურის აყვავების საფეხურს.

კერამიკის მეორე ჯგუფში ერთიანდება უხეში კვარც - და ქარსნარევი ცომის ნაკეთობები. გამოიწვევია რუხად, მონაცრისფროდ და ყაფისფრად, იშვიათად შავად. ეს არის ტიპური პროტოკოლხური ნაწარმი, რომელიც გავრცელებული ჩანს კოლხეთში ძვ.წ. III ათასწლეულის შუა ხანებიდან ძვ.წ. II ათასწლეულის შუა ხანებამდე. ბუნებრივია, მთელი ამ ხანის განმავლობაში შეინიშნება ცალკეულ ფორმათა განვითარების სურათი, თუმცა საერთო იერით ეს პრინციპულად ერთგვაროვანი ნაწარმია.

ფორმებიდან აღსანიშნავია ჰორიზონტალურ ყურებიანი მოზრდილი, პირგაშლილი დერგები, თითისებრი ან ჭრილი ანაბეჭდიანი რელიეფური სარტყლებით, ზოგჯერ „ჯიბისებური“ რელიეფური დანაძერწებით, რაც ძირითადად დამახასიათებელი ჩანს ჩრდილო-დასავლეთ კოლხეთისათვის; სამყურა ჭურჭელი, ვერტიკალურნახვრეტის ან ძუძუსებრკობიანი ჯამები, ცილინდრულტანიანი ქილები ვერტიკალური, ხშირად დუბლირებული ყურით, უპირატესად ზედა ნაწილში ნაჭდევი ორნამენტით; თხელკედლიანი ხელალები, მცენარის ან ჭილობის ანაბეჭდებით შემკული ძირები. ვხვდებით რქისებურ სადგრებსაც.

შუა ბრინჯაოს ხანის მოგვიანო საფეხურზე ვხვდებით მესამე ჯგუფის კერამიკულ ნაწარმსაც. ამ ჯგუფისათვის დამახასიათებელია ჯამისებრი ფორმები, მოშავო ფერი, ზოგჯერ ნაპრიალევი ზედაპირი, შედარებით უკეთესად დამუშავებული კეცი. ისინი შემკულია კობის ან პატარა ცრუ ყურის ირგვლივ დატანილი კონცენტრული წრეებით, ნახევარკალეებით, შევრთებით. ამ ჯგუფის კერამიკას გარკვეული შეხების წერტილები აქვს ტერამარების კულტურის ნაწარმთან ვეროპაში¹⁹ და, შესაძლოა, საქმე გვაქონდეს კულტურულ გავლენასთან აღმოსავლეთ ევროპის მხრივ. აღსანიშნავია, რომ ბულგარეთის ადრეთრაკიული ნამოსახლარებიდან იგრძნობა გარკვეული იმპულსები ძვ. წ. VII-VI სს. კოლხურ კერამიკაზე, რაც იმის მანიშნებელია, რომ აღმოსავლეთ ევროპიდან კავკასიისაკენ პერიოდული კავშირები ასახვას პოულობს მატერიალურ კულტურაში.

ეს კერამიკა თავს იჩენს ფიჩორი I-ის IV ფენაში, სადაც მას ახლავს მეორე ჯგუფის, უხეში რელიეფურჭრილი ორნამენტით შემკული კერამიკა და გვიანბრინჯაოს საწყისის ისეთი ტიპური მასალა, როგორცაა ფრინველისმკერდისებრი და პირთან მიერთებული ორფერდა ყურები. აშკარაა, რომ საქმე გვაქვს შუა და გვიანბრინჯაოს ხანებს შორის გარდამავალ საფეხურთან, რომლის მიკუთვნება რომელიმე ამ პერიოდისადმი საფუძველს მოკლებულია. საჭურადლებოა, რომ მსგავსი ნარევი მასალა დაფიქსირებულია ნამჭედურის ქვედა (VI) ფენებში, ანაკლია I-ის III ფენაში, ნოსირის I ფენაში, ერგეტის IV-V ფენებში. ამგვარად, კოლხურ ნამოსახლარებზე გამოიყოფა მთელი პლასტი, რომელიც აშკარად შუიდან გვიანბრინჯაოზე გარდამავალ ეტაპში უნდა გაერთიანდეს. ამ მოსაზრებას მხარს უჭერს ინტერდისციპლინარული მეთოდებით შესაბამისი ფენების დათარიღება (ძვ.წ. II ათასწლეულის შუა ხანები).

პროტოკოლხური II ეტაპის კერამიკის შესწავლა სტრატეგრაფიულ ჭრილში, როგორც ზემოთ ითქვა, საშუალებას იძლევა შუაბრინჯაოს ხანის ნაწარმი პირობით ორ ქრონოლოგიურ საფეხურად გაიყოს: პროტოკოლხური IIა და IIბ. პროტოკოლხური IIა საფეხურს განეკუთვნება ფიჩორი I-ის VI კულტურული ფენა, მაჭარა III-ის ფენა, გუმისთა I, გვანდრა - ზედა ფენა, ახრა ყაში და პალი. ამ პერიოდის განმსაზღვრელად ჩანს გრძელი ლენტური ყურები, რომლებიც სათავეს VIII-VII ფენებში იღებს, მაგრამ აღარაა V ფენაში; ქრონოლოგიურად პროტოკოლხური

¹⁸ ჯ. აფაქიძის მოხსენება სიღნაღის საერთაშორისო სიმპოზიუმზე. 1995.

¹⁹ Б.А.Куртин. დასახ. ნაშრომი, გვ. 237-240; თ. მიქელაძე. ძიებანი, გვ. 21.

IIა მოიცავს პერიოდს ძვ.წ. XXს. მეორე ნახევრიდან XVIIIს. ჩათვლით. პროტოკოლხური IIბ საფეხურს მიეკუთვნება ფიზიკური I-ის V ფენა, ფიზიკური VI, ნაკარდალის IV–VI პორიზონტები, ანაკლია II-ის ზედა ფენა; ანაკლია I-ის III ფენა; ამ საფეხურისათვის დამახასიათებელი ჩანს ჭილოფის ანაბეჭდიანი ან ღრუქუსლიანი ძირები, პორიზონტალური, წყვილადი ან ზემოდან დაკეჭნილი ყურები, ვერტიკალურხერვლიანი ან ძუძუსებრი კობით შემკული ჯამები, რქისებური სადგრები, შავპრიადლა ჭურჭლის მინაბადები ჭრილი ორნამენტით, ლენტური ყურები, ფართო, ბრტყელი ყურები და სხვა. აღსანიშნავია, რომ არის ფორმები, რომლებიც ახასიათებს ორივე საფეხურს. ქრონოლოგიურად IIბ მოიცავს ძვ.წ. XVII-XVIIIს., შესაძლოა, XVIს. პირველ ნახევარს.

შუა ბრინჯაოს ხანის კულტურის ერთ-ერთ ძირითად კომპონენტს ყუამილიანი ცულების რამდენიმე ვარიანტი წარმოადგენს. პირველ ვარიანტში ე.წ. საჩხერული ცულები გავრცელებული ჩანს ადრებრინჯაოს ხანის დასასრულის საფეხურზე და ძირითადად კოლხეთის მთიანი და მთისწინა ზოლშია გავრცელებული. მეორე ვარიანტში ერთიანდება ცულები აფხაზეთის დოლმენებიდან და თრიალეთის ადრეული ყორღანებიდან. პირველი ვარიანტისაგან განსხვავებით, მათ შედარებით მოკლე სატარე მილი, მოხრილი, მაგრამ საკმაოდ მასიური ტანი და ოდნავ გაფართოებული პირი ახასიათებს.

ფიზიკურად აღმოჩენილი ცულის ყალიბების თუ ცულების ქრონოლოგიური დიაპაზონი ხანგრძლივია და მოიცავს ძვ.წ. XXIII-XVსს. ამ ცულებს ახასიათებს სწორი ექვსწახნაგა ტანი, ზემოდან რელიეფური ზოლებით შემკული მოკლე სატარე, მომრგვალებული პირი. მათი ორიგინალური ფორმა საშუალებას იძლევა ისინი ცალკე ყუამილიანი ცულების „ფიზიკურ“ ვარიანტში იქნენ გაერთიანებული. ამ ტიპის მეტ-ნაკლებად მსგავსი იარაღი ცნობილია კრასნოდარიდან, განთიადიდან და სვანეთიდან. შეინიშნება გარკვეული მსგავსება ურუპის და ფასკაუს იარაღთან. ჩრდილოკავკასიური იარაღების სამხრეთული პროტოტიპები სწორედ „ფიზიკურ ვარიანტშია“ საძებნელი, რაზეც მიგვითითებს სწორი ტანი და მორკალური პირი.

ქვის ცულებს ახასიათებს მოგრძო, ცილინდრული ფორმა, მომრგვალებული ყუა, სოლისებური ფართო პირი. შუა ნაწილში დატანილია ხეხვით შესრულებული სატარე. მათი გამოჩენა ხდება ადრებრინჯაოს ხანის დასასრულს, უდიდესი რაოდენობა ჩრდილო-დასავლეთ კოლხეთშია მოპოვებული და, შესაძლოა, რეგიონის ლოკალურ ნიშნად იყოს მიჩნეული.

სატევრისპირი ერთ-ერთი ყველაზე ნაკლებადგავრცელებული იარაღია. გვაქვს რამდენიმე ცალი საჩხერიდან, დოლმენებიდან და 2 ც ფიზიკური I-დან. მათი გამოჩენა ხდება ადრებრინჯაოს ხანაში, თუმცა VI ფენაში მისი აღმოჩენა გვიჩვენებს, რომ ისინი შუაბრინჯაოს ხანის ადრეულ ეტაპზეც გამოიყენება, როგორც ჩანს, გავრცელებული უნდა ყოფილიყო მეორე ტიპის სატევრისპირიც, რაზეც ფიზიკური I-ის კომბინირებული ყალიბის ერთ-ერთ წახნაგზე ამოკვეთილი ფორმა მიგვითითებს. იგი ბრტყელი, ტოლფერდა სამკუთხედისებურია, უყუნწო. ტიპოლოგიურად უფრო მოგვიანო იერისაა.

ბრინჯაოს თოხი აღმოსავლეთ შავიზღვისპირეთის რამდენიმე პუნქტშია ფიქსირებული. ფიზიკური I-ის, VIII ფენაში აღმოჩენილი 10-მდის ყალიბის და 3 თოხის მიხედვით ირკვევა, რომ ძირითადად 3 ვარიანტის თოხია გამოყენებული. მათი გაჩენა ძვ.წ. III ათასწლეულის უკანასკნელ მეოთხედში ხდება, თუმცა არსებობენ შუაბრინჯაოს ხანაში.

კაჯის იარაღი წარმოდგენილია ნამგლის ჩასართებით და შუბის თუ ისრისპირებით. შუა ბრინჯაოს ხანისათვის დამახასიათებელი ჩანს ცალგვერდდაკბილული, ზოგჯერ ზურგის მხრიდან მორკალული, ვიწროტანიანი ჩასართების ფორმები. ისინი ჩანს უკვე ადრებრინჯაოს ხანაში.

სამკუთხა, სიმეტრიულად ქუსლამოდარული ისრისპირთა ფორმები დამახასიათებელია გვიანბრინჯაო-ადრერკინის ხანის ძეგლებისათვის, ხოლო ასიმეტრიულად ქუსლამოდარული ფორმები გავრცელებულია ე.წ. პროტოკოლხური კულტურის ორივე საფეხურზე.

მატერიალური კულტურის ანალიზი გვიჩვენებს, რომ პროტოკოლხური კულტურის II ეტაპი გენეტიკურ კავშირშია წინარე და მომდევნო საფეხურებთან და მათი გათიშვა შეუძლებელია. შუა ბრინჯაოს ხანის ეს მცირერიცხოვანი მასალა აშკარად გვიჩვენებს, რომ პროტოკოლხური II-ის ორ, ადრეულ და მოგვიანო საფეხურებად დაყოფა რეალურ საფუძველს მოკლებული არ უნდა იყოს.

საყურადღებოა საკითხი კოლხეთის შუა და გვიანბრინჯაოს ხანის კულტურათა კავშირითიერთობის შესახებ. უკანასკნელ ხანებამდის ეს კავშირი საკმაოდ პრობლემატური ჩანდა. ფიზიკურის ნასახლარის გათხრებმა მოგვცა ერთგვარი გასაღები ამ საკითხის

გადასაწყვეტად. ცენტრალური ბორცვის IV ფენაში გამოვლინდა ნარევი მასალა, რაც იმაზე შეიძლება მიანიშნებდეს, რომ მომხდარა კოლხური კულტურის ერთი ქრონოლოგიურ-ლოკალური ვარიანტის შეჭრა – შერწყმა იმავე კულტურის იმავე ქრონოლოგიურ-ლოკალურ ვარიანტში. ამ მხრივ ფიჩორი გამონაკლისი არ არის. ასეთივე ნარეობა ახასიათებს ერგეტის ნასახლარს, ანაკლია I-ის III ფენას, ნაკარღალის (აჭარა) VI ფენას, ნამგედურის VI ფენას, ნოსირის II ფენას. ეს გარემოება საფუძველს იძლევა, რომ დასახლებული ძეგლები განეკუთვნოს შუა ბრინჯაოსა და გვიანი ბრინჯაოს ხანების გარდამავალ პერიოდს, როცა მოსახლეობის ერთი ნაწილი ინტენსიურად ითვისებს მთას, მეორე ნაწილი კი რჩება ბარში და აგრძელებს კოლხური კულტურის ტრადიციებს. რაღაც ეტაპზე, როგორც ჩანს, ბარში დამკვიდრებული მოსახლეობის ნაწილი მიდის მთაში, სამხრეთელები ინაცვლებენ ამუამინდელი გალის რაიონისაკენ, რაც იწვევს მიკროკულტურათა ერთმანეთში უმტკივნეულო შერწყმას. ეს პროცესი ასახულია კერამიკაში, მაგრამ ამ კულტურათა მჭიდრო გენეტიკური კავშირი უკეთესად ჩანს ლითონის ნაწარმში, რაც განსაკუთრებით მკაფიოა გარდამავალი ეტაპის მასალებში. ამ თვალსაზრისით საყურადღებოა კოლხური ცულებისა და სხვა იარაღების (თოხის, შუბისპირის, სატევრის) მონაცემები. ისინი ადასტურებენ, რომ ჩრდილო-დასავლეთ კოლხეთში მოსახლეობის ეთნიკური შემადგენლობა არ შეცვლილა შუა და გვიანი ბრინჯაოს ხანების გარდამავალ პერიოდში.

გარდამავალი პერიოდის ძეგლებზე შენიშნული ძვრები დაკავშირებული უნდა იყოს კიდევ ერთ მოვლენასთან, რომლის შესწავლას უდიდესი მნიშვნელობა აქვს კავკასიაში მიმდინარე ისტორიული პროცესების გარკვევისათვის. ჩრდილო-დასავლეთ კოლხეთში ადრე და შუა ბრინჯაოს ხანაში, როგორც უკვე ითქვა, გავრცელებულია დოლმენური კულტურა სპეციფიკური ნაგებობით, დაკრძალვის წესით და ინვენტარით. დოლმენი, როგორც სამარხი, მოულოდნელად წყვეტს არსებობას ძვ.წ. II ათასწლეულის შუა ხანებისათვის და ადგილს უთმობს სამარხთა ახალ ტიპებს (კრომლეხი, ოსუარიუმი), თუმცა შეინიშნება გენეტიკური კავშირი დაკრძალვის რიტუალსა და სამარხულ ინვენტარში. როცა მოსახლეობის ნაწილი ტოვებს ბარის ტერიტორიას, ხდება ამ დოლმენური, მოსახლეობის ნაწილის გადაადგილება მთის ზოლისაკენ. ამის საბუთად გამოდგება ბრილის სამაროვანზე გათხრილი ერთი აკლდამა,³ რომელიც ნაგებია მშრალი წყობით თიხა-ფიქალით ნაგები ქვებიდან. თავისი არქიტექტურული დეტალებით, დაკრძალვის რიტუალით და სამარხეული ინვენტარით (ძირითადად სამკაულით) იგი იმეორებს აფხაზეთის დოლმენების გვიანდელ ფენებსა და შუაბრინჯაოს ხანის დასასრულის ზოგიერთ კომპლექსს (ღარი, თლი, საჩხერე, ნული). განსაკუთრებული მსგავსება შეინიშნება ზემო რუთხის №16 სამარხთან,⁴ რომელიც ნაგებობით, დაკრძალვის წესითა და ინვენტარით იმეორებს ბრილის აკლდამას. მისი შედარება ბრილისა და თლის კომპლექსებთან გვიჩვენებს, რომ იგი გარდამავალი პერიოდის ძეგლებთან უნდა იქნეს გაერთიანებული და მისი ზედა საზღვარი ძვ.წ. XIVს. საწყისზე მოგვიანო არ უნდა იყოს. ამავე დროს, ზემო რუთხის №16 სამარხის ქვედა ზღვარი ძვ.წ. XIIIს. ქვემოთ არ მიდის. ამგვარად, ისახება გზა აფხაზეთის დოლმენებიდან რაჭის გავლით ყობანის ტერიტორიაზე არქეოლოგიურად დადასტურებული ეს მოვლენა გვიჩვენებს სამხრეთულ იმპულსებს და ნოვაციებს, რომელსაც ადგილი აქვს ჩრდილოეთ კავკასიაში⁵ ფაქტობრივად ეს არის სამხრეთული გავლენის გავრცელების პირველი საფეხური, რომელიც ზემოთ აღნიშნულ ეთნოკულტურულ ძვრებთან არის დაკავშირებული. ამ გარემოებას კი გადამწყვეტი მნიშვნელობა უნდა ჰქონდეს ყობანური კულტურის სამხრეთული ფესვების ძიების საქმეში.

3. გვიანბრინჯაო – ადრერკინის ხანა (ძვ.წ. XVI-VIIIსს.)

ძვ.წ. II ათასწლეულის მეორე ნახევრიდან ფაქტობრივად მთელ კავკასიაში შეინიშნება მნიშვნელოვანი ძვრები და გარდაქმნები ადგილობრივი მოსახლეობის ყოფასა და კულტურაში. ამკარად მცირდება კულტურული კონტაქტები გარე სამყაროსთან და იქმნება ერთგვარი „კულტურული იზოლაცია“. კავკასიის შიგნით შეინიშნება განვითარების ერთგვაროვანი და ამავე

1. Т. Микеладзе и др. О работах колхидской археологической экспедиции. – ПАИ в 1984-85гг. Тб., 1987, გვ. 40.

2 . მ. ბარამიძე. აღმოსავლეთ შავიზღვისპირეთი, გვ. 102-117.

3 . იქვე, გვ. 142.

4 . Е.И. Крупнов. Материали по археологии Северной Осетии докобанского периода. – ЛИА, 23. М., Л. 1951, გვ. 49-60; В. И. Козенкова. Культурно-экономические процессы на Северном Кавказе. М., 1966, გვ. 74-103.

5 . მ. ბარამიძე. კოლხურ-ყობანურ კულტურათა ურთიერთობის საკითხისათვის კერამიკული ნაწარმის მიხედვით. – აფხაზეთი I, თბ., 2006, გვ. 49-61.

დროს თავისებური განვითარების ხაზი. საქართველოს ტერიტორიაზე ამ პერიოდშიდან, წინარე ხანების მსგავსად, ყალიბდება ორი სხვადასხვა არქეოლოგიური კულტურა: აღმოსავლეთში – ცენტრალურ ამიერკავკასიური, დასავლეთში კი – დასავლურ-ქართული (კოლხური). თითოეულ ამ კულტურაში ერთიანი მატერიალური კულტურა და განვითარების ერთიანი სურათი შეინიშნება. ამასთანავე ამ კულტურებში შესაძლებელი ხდება ლოკალური რეგიონებისა და მათ შიგნით მიკრო-ლოკალური სამრეწველო კერების გამოყოფა. ჩრდილო-დასავლეთ კოლხეთი (თანამედროვე აფხაზეთის ტერიტორია) ამ ერთიანი კოლხური კულტურის ლოკალურ ვარიანტად არის მიჩნეული.²⁰ საყურადღებოა აღვნიშნოთ, რომ აღნიშნული პერიოდი ზოგადად ხასიათდება ძეგლთა განსაკუთრებული სიმრავლით. ამკარაა, რომ მეურნეობის სხვადასხვა დარგების, განსაკუთრებით ბრინჯაოს და რკინის მეტალურგიის მკვეთრი აღმავლობის შედეგად ხდება ერთგვარი „დემოგრაფიული აფეთქება“, რომელმაც მოიცვა ისტორიული კოლხეთის როგორც დაბლობი, ისე მთიანი კავკასიონის ზოლიც. ამ პერიოდში უკვე შესაძლებელი ხდება ვილაპარაკოთ ხელოსნური წარმოების აღმავლობაზე, განსაკუთრებით კერამიკულ წარმოებასა და მეტალურგიაში, მოზრდილ სამაროვნებსა და ნასახლარებზე, პროტოურბანისტულ დასახლებებზე და სხვა. ეს ყოველივე წინაპირობაა კოლხეთის სახელმწიფოს განვითარების უფრო მაღალ საფეხურზე მიგვანიშნებს. განსაკუთრებით კარგად ეს მოვლენები შეინიშნება ფიჩორის მრავალფენიან ნასახლარზე.

აფხაზეთის ტერიტორიაზე საკვლევი პერიოდის 300-მდის ობიექტია დაფიქსირებული. ისინი წარმოდგენილია ნასახლარებით, სამაროვნებით, საწარმოო კერებით და განძებით, ე.ი. კულტურის ყველა იმ კომპონენტით, რომლებიც საერთოდ არქეოლოგიური ძეგლებისთვის არის დამახასიათებელი. ბუნებრივია, რომ ყველა მათგანი არ გამხდარა (და ვერც გახდებოდა) მეცნიერული კვლევის ობიექტი, თუმცა რაც შესწავლილია შემთხვევითი აღმოჩენების გათვალისწინებით საშუალებას იძლევა ამ პერიოდის ზოგადი სურათის აღსადგენად. ერთი რამ კი ამკარაა: კოლხური კულტურა აღმოცენებულია ადგილობრივი, თვითმყოფადი კულტურის საფუძველზე და რაიმე კატაკლიზმები ან კულტურულ-ეთნიკური ცვლილებები არ შეინიშნება.

აფხაზეთის ნამოსახლართა შესწავლის დღევანდელ საფეხურზე კოლხური კულტურის აფხაზეთის ლოკალურ ვარიანტში შეიძლება გამოიყოს 3 მიკრორეგიონი. I მიკროლოკალურ ვარიანტს წარმოადგენს მდ. ენგურის ქვემო წელის ნამოსახლარები, ფიჩორის ნასახლარის II-III ფენები და მიმდებარე №2-10 ბორცვები, მზიურის, აბაჟუს, თავილონის და წარჩეს ხელოვნური ნამოსახლარი ბორცვები, რომელთა არქეოლოგიური მონაპოვარი ძირითადად იმეორებს კოლხეთის დაბლობისა და სამხრეთ-დასავლეთ კოლხეთის ნამოსახლართა მონაპოვარს, ზოგიერთი თავისებური ელემენტით. II ლოკალურ ვარიანტს წარმოადგენს მოქვისა და ტამიშის ნამოსახლარები. აქ გვაქვს როგორც ხელოვნურ ნამოსახლართა კომპლექსი ტამიშის სახით, ისე ბუნებრივ ზღვისპირა ტერასაზე განფენილი დასახლება. არქეოლოგიური მონაპოვარი, ერთი მხრივ, მსგავსია I ლოკალური ვარიანტის ნაწარმისა და, მეორე მხრივ, გარკვეულად უკავშირდება III ვარიანტის ნასახლართა მონაპოვარს.

III ლოკალური ვარიანტის ნასახლარები (კისტრიკი, ბომბორა) წარმოდგენილია ზღვისპირა დაბალ ტერასაზე გამოვლენილი კულტურული ფენებით და ნახევრად მიწური წნული, ფაცხისებური ნაგებობებით, რომელიც გვხვდება მეორე ვარიანტის ნასახლარებზე. I ლოკალური ვარიანტის ნაგებობანი ძეგური, „ჯარგვალური“ ტიპის ნაგებობებითაა წარმოდგენილი, რაც ტიპურია დასავლეთ საქართველოს ეთნოგრაფიული ყოფისათვის. ამკარაა, რომ ხის არქიტექტურა ფაქტობრივად ერთგვაროვანია და არ იცვლება კოლხეთის მთელი ისტორიის განმავლობაში. ფაქტობრივად იგივე შეიძლება ითქვას წნულკედლებთან, ბათქაშით შელესილ „ფაცხაზე“²¹ ხის არქიტექტურის პარალელურად სხვა სახის ნაგებობანი თანამედროვე აფხაზეთის ტერიტორიაზე, თითქოს არ დასტურდება. ერთგვარ გამონაკლისს წარმოადგენს „აბაჟუს“ ნამოსახლარი სოფ. პირველ გაღში, სადაც ქვედა, ძვ.წ. VIII-VIII სს. ფენაში გათხრილია კლდეში (თირი) ჩატრილი სწორკედლიანი (სიმაღლე 3-1,6მ), დასავლეთით გახსნილი ნაგებობის ნაშთები საერთო ფართით დაახლოებით 400მ² მეტი.²² მსგავსი ნაგებობა სადღეისოდ უცნობია კოლხეთის

²⁰ . თ. ჯაფარიძე. საქართველოს არქეოლოგია, გვ. 200; მ. ბარამიძე. აღმოსავლეთ შავიზღვისპირეთი, გვ. 217; მისივე კოლხურ-ყობანურ კულტურათა ურთიერთობის საკითხისათვის, გვ. 49 და სხვა.

²¹ . მ. ბარამიძე. აღმოსავლეთ შავიზღვისპირეთი ... გვ. 57-72; თ. ჩიგოშვილი. ენგურ-კოდორის ორმდინარეთის ნამოსახლართა კულტურა. ... აფხაზეთი I, თბ. 2006, გვ. 133-136.

²² . მ. ბარამიძე. აღმოსავლეთ შავიზღვისპირეთი, გვ. 38-40; იხ. აგრეთვე ექსპედიციის ანგარიშები 1983-1990წწ.

არქეოლოგიაში. გაურკვეველია მისი დანიშნულებაც, თუმცა გამოთქმულია მოსაზრება, რომ იგი წარმოადგენდა საქონლის გადარევის დროს დროებით სადგომს²³. ასეთ შემთხვევაში ერთგვარად გაურკვეველია მისი ორიგინალური კონსტრუქცია, განსაკუთრებული ზომები, გადახურვაში ხის სვეტების გამოყენება და სხვა. იგი უფრო შეიძლება იყოს ხეობის ჩამკეტი, სათვალთვალო, სასიმაგრო სისტემა.

აფხაზეთის ნამოსახლართა სისტემაში შეინიშნება კიდევ ერთი კანონზომიერება. ენგურ-კოდორის ორმდინარეთში, დაბლობ ზოლში, სადაც მრავლადაა ჭაობიანი, ნესტიანი ნიადაგი, ნამოსახლარები გამართულია ხელოვნურად მოზინულ ბორცვებზე მდინარეების ან ძველი ნამდინარევი კალაპოტების გასწვრივ. მსგავსი სურათი ფიქსირდება კოლხეთის დაბლობის გავრცელების მთელ ტერიტორიაზე²⁴.

საყურადღებოა, რომ ხელოვნურ ბორცვთა განლაგებაშიც შეინიშნება თავისებურება. ერთ-ერთი ბორცვი იყო ცენტრალური და ნასახლარის არსებობის პირველ ეტაპზე ჰეგემონი. ფიჩორის ნასახლარის მაგალითზე ჩანს, რომ ცენტრალური ბორცვი არსებობს ძვ.წ. III ათასწლეულის ბოლოდან და ცხოვრება მასზე გრძელდება უწყვეტად მთელი 20 საუკუნის განმავლობაში, ვიდრე ძვ.წ. IIIს. დასაწყისამდე (ფენები I-VIII). მხოლოდ ძვ.წ. I ათასწლეულის პირველ ნახევარში (ფენები III-II) მოსახლეობა იწყებს ბორცვის მიმდებარე ტერიტორიის ათვისებას. ძვ.წ. IX-VIII ს-თვის ცენტრალური ბორცვის ირგვლივ ორ რიგად 10 ხელოვნური ბორცვის ათვისება ხდება, სადაც ძირითადად წინარეანტიკურ-ადრეელინისტური (ძვ.წ. VIII-IIIსს) ხანის ფენებია წარმოდგენილი. ამ პერიოდში უკვე ნასახლარს უკავია დაახლოებით 10 ჰექტარი ფართობი. ეს არის მოზრდილი სოფელი, თანამედროვე ტერმინოლოგიით დაბის ტიპისა.

მსგავსი სურათი შეინიშნება კოლხეთის რიგ ძეგლებზეც: ტამიში (აფხაზეთი), ნამარნუ, წყემი, ნოსირი, ნამჭელური, ნაკარდალი და სხვა (კოლხეთის დაბლობი).

ყოველ ბორცვს და ბორცვების მთელ ამ სისტემას შემოუყვება ხელოვნური თხრილი (არხი), რომელიც, როგორც ჩანს, იგნებოდა მდ. ზორღათის წყლით და სამხრეთ-დასავლეთით გადადიოდა ზღვაში. საყურადღებოა, რომ ძვ.წ. IVს. ბერძენი ავტორის ჰიპოკრატეს ცნობა პირდაპირ ადასტურებს კოლხეთში არხების, როგორც საგზაო არტერიების არსებობას. იგი ამბობს: „მათი (კოლხების - ავტ.) სახლები გაკეთებულია წყალზე და მასალად გამოყენებულია ხეები ან ლერწამი. ისინი ცოტას დადიან ფეხით და ისიც მხოლოდ ქალაქში ან ბაზარში. ჩვეულებრივ მოგზაურობენ ნავებით, რომლებითაც ზემოთ და ქვემოთ მიუყვებიან არხებს. არხები კი იქ ბევრია“²⁵ აშკარაა, რომ ეს არხები ძირითადად სამიმოსვლო არტერიაა, თუმცა მას, როგორც ჩანს, სხვა ფუნქციაც ჰქონდა. კერძოდ, გამოიყენებოდა თავდასაცავად, სამეურნეოდ და სადრენაჟოდ. ამგვარად, იგი მრავალპროფილიანი დანიშნულების სისტემას წარმოადგენდა.

საყურადღებოა, რომ ფიჩორის ნასახლარის საარხო სისტემა ძალზე კარგადაა შემორჩენილი. ნასახლარიდან არხის კვალი მიემართება ჩრდილოეთით 4 კილომეტრის მანძილზე. 2 კილომეტრში აღმართულია ხელოვნური ბორცვი, „ჯვარალები“, ხოლო 4 კილომეტრში „ნაკარდალი“. აქედან არხის (ღალი-ს) ერთ შტოდ, სავარაუდოდ (შუალედი მონაკვეთი დაზიანებულია სამეურნეო სამუშაოების დროს) უხვევს სამხრეთ-აღმოსავლეთით და 3 კილომეტრში მიადგება განმუხურის ნამოსახლარ კომპლექსს (5 ბორცვი). აქედან კი არხი მიდის სამხრეთით, ზღვისკენ. ამგვარად, აშკარაა, რომ ერთ საარხო სისტემაში განლაგებულია 4 ერთმანეთის სინქრონული ნამოსახლარი (სოფელი). საყურადღებოა, რომ მსგავსი საარხო სისტემები ფიქსირდება ცენტრალურ კოლხეთში აბაშა-სენაკის რაიონში (წყემი-ძიგურა-კეთილარი და საგვიჩიოს ბორცვები, აგრეთვე ნამარნუს სისტემა ლანჩხუთის რაიონში).

ნასახლარ ბორცვთა აღნიშნული სურათი აშკარად გვიჩვენებს, რომ გვიანბრინჯაოს ხანის დასასრულისთვის კოლხეთის – დასავლეთ საქართველოს მთელი ტერიტორია ძალზე მჭიდროდ არის დასახლებული. ნამოსახლართა დიდი ფართობი, გამაგრების სისტემა, მეურნეობის მწარმოებლური ხასიათი, სავარაუდოდ, ცალკეულ ხელოსანთა ჯგუფები (კერამიკა, ლითონის იარაღი და სამკაული) თითქოს იმაზე მიგვანიშნებს, რომ საქმე გვაქვს პროტოურბანისტულ ცივილიზაციასთან, რომელიც აუცილებლად სახელმწიფოებრივი პოლიტიკური ერთეულის სახით უნდა ყოფილიყო წარმოდგენილი.

23 . თ. ჩიგოშვილი. დასახ. ნაშრომი, გვ. 134.

24 . გ. გრიგოლია. ეგრის-ლაზიკის სამეფოს ისტორიული გეოგრაფიის პრობლემები. თბ., 1978, გვ. 4-5.

25 . В.В. Латышев. Известия древних писателей о Скифии и Кавказе, т. I, вып. I. СПб., 1895, გვ. 58.

აფხაზეთის ტერიტორიაზე რამდენიმე ათეული სამაროვანია მოკვლეული და ნაწილობრივ შესწავლილი. მათ შორის აღსანიშნავია ისეთი ცნობილი საგვარეულო სამაროვნები, როგორცაა წითელი შუქურა, გვადისუ, ეშერა, ჯანტუხა, აყარმარა, მერხეული, ფიხორი და სხვა. საყურადღებოა, რომ ყველა მათგანი თითქმის სინქრონულია და ძვ. VIII-V სს. ფარგლებში ექცევა. ისინი ძირითადად ტიპოლოგიურად და არქეოლოგიური მასალებით ზუსტად ჯდებათ ე.წ. კოლხური სამაროვნების რიგებში, რომლებიც უკანასკნელ რამდენიმე ათწლეულში იქნა მოკვლეული (პალური, ლარილარი, ბრილი, მუხურჩა, ურეკი, ერგეტა და სხვა). შეინიშნება ერთი საერთო ნიშანი ამ სამაროვნების დათარიღების საკითხში. გვიანი ბრინჯაოს ხანის სამაროვნები ადრეული საფეხურის (ძვ. II ათასწლეულის მეორე ნახევარი) კოლხეთის დაბლობზე ფაქტობრივად ჯერჯერობით უცნობია და ეს პრობლემა ერთ-ერთი ძირითადი და საკვანძოა არქეოლოგიაში. გვაქვს ნამოსახლარი ფენები, განძები, შემთხვევითი მონაპოვარი, სამარხეული კომპლექტები მთიან რეგიონში, მაგრამ არ ჩანს მათი სინქრონული სამაროვნები კოლხეთის დაბლობზე. რით აიხსნება ეს გარემოება, ძნელი სათქმელია და ამ მიმართულებით კვლევა კოლხეთის არქეოლოგიის ძირითადი პრობლემაა. ამ პრობლემის გადაწყვეტის გარეშე კი ქრონოლოგიის გარკვევა შეუძლებელია. აქედან გამომდინარე, მთელი ზემოთ აღნიშნული სამაროვნები ზოგჯერ ზოგადად საკვლევი პერიოდით არის დათარიღებული, რაც გაურკვეველობას იწვევს.²⁶ საყურადღებოა, რომ აფხაზეთის დღევანდელ ტერიტორიაზე აღმოჩენილი სამაროვნები განსაკუთრებული მრავალფეროვნებით გამოირჩევა. არის ორმო-სამარხები სხვადასხვა მდგომარეობაში დაკრძალული მიცვალებულებით, მეორადი დაკრძალვის რიტუალით, კრემაციითა და ნახევრადკრემაციით და სხვა. განსაკუთრებით აღსანიშნავია მეორადი დაკრძალვის რიტუალი, რაც ძალზე დამახასიათებელია კოლხური სამაროვნებისთვის და გავრცელებულია კოლხეთის მთელ ტერიტორიაზე.²⁷ სამეგრელოს, იმერეთისა და აფხაზეთის ეთნოგრაფიულ ყოფაში დადასტურებულია, რომ დაკრძალვის ეს რიტუალი ერთნაირად დამახასიათებელია მთელი დასავლეთ საქართველოსთვის, რაც აღნიშნულ ტერიტორიაზე მოსახლეობის ერთგვაროვნებაზე უნდა მიუთითებდეს; იმავედროულად იგი ეთნიკური ვინაობის საკითხების კვლევისათვის ერთ-ერთ საყურადღებო წყაროს წარმოადგენს.

განსაკუთრებით საყურადღებო ჩანს სამარხის ერთი ტიპი, რომელიც გავრცელებულია მხოლოდ სოხუმის ჩრდილო-დასავლეთით და ცნობილია თიხის ოსუარიუმებით. დაკრძალვის წესი აქაც მეორადია. აღნიშნული გარემოება აშკარად მიგვითითებს, რომ კოლხური კულტურის აფხაზეთის ლოკალური რაიონის ერთ-ერთი მიკროლოკალური ვარიანტი სწორედ ამ რეგიონს მოიცავს. საყურადღებოა, რომ სწორედ ამ ვარიანტს ახასიათებს ბრინჯაოს სამკაულის ერთი ჯგუფი ჭვირული მიწები, სარტყლები ცხოველის თავით, ფრინველის ფორმის საკიდები და სხვა. ამავე ჯგუფისთვის ტიპურია არქაული იერის აგურისფერი ან მონაცრისფრო კერამიკა რელიეფურ-ჭრილი ან ტეხილი სახეებით. ძალზე მცირეა ტიპური კოლხური ნაირგვარი ორნამენტით შემკული თიხის ნაწარმი. შედარებით მრავლადაა კაჟის ისრისპირი, ნამგლის ჩასართი, რიყის ქვის სალესები, საბეგველი, ხელსაფეკვაი. რეგიონის სპეციფიკა, შესაძლოა, კოლხურ კულტურაში პერიფერიული მდგომარეობით აიხსნას. არქეოლოგიური მასალების ამ ჯგუფის გავრცელების ჩრდილოეთ ნაწილი გარკვეულად მოიცავს დღევანდელი ადღერის რაიონს, რაც კოლხური კულტურის გავრცელების ჩრდილო-დასავლურ საზღვრად უნდა იქნეს მიჩნეული.

კოლხური კულტურის ერთ-ერთ სპეციფიკურ კომპონენტს ე.წ. დიუნური დასახლებანი წარმოადგენს. ისინი ვრცელდება ფაქტობრივად მთელ დასავლეთ შავი ზღვისპირეთში აჭარიდან მოყოლებული აფხაზეთის თანამედროვე ტერიტორიის ჩათვლით ზღვის სანაპირო ზოლის გასწვრივ თითქმის უწყვეტად. ამგვარი დასახლებები ცნობილია და ნაწილობრივ შესწავლილი ბათუმში, ურეკში, ქობულეთში, ყულევში, გაგიდაში, ოჩამჩირეში, გულრიფშში, სოხუმში, ახალ ათონში, ქვემო ეშერაში და სხვაგან. ისინი წარმოადგენენ 1,5-3,5მ. სიმაღლის ქვიშაზინურებს, რომლებზეც დასტურდება უძველესი ადამიანის საქმიანობის რამდენიმე (2-3-დან 12 დონემდის) ფენა, რომლებიც ჭრილში მოშავო-მონაცრისფრო ფერით გამოიყოფა. ეს შრეები მოზრდილ ლაქებადაა ფიქსირებული (სიგრძე 40-50 მ-მდის, სისქე 10-15სმ). გამონაკლისის სახით რიგ

²⁶ . ამაში სცოდავენ სეპარატისტები. იხ.: О. Бражна, С. Лакоба. История Абхазии, გვ. 39-41. ნაშრომში ფაქტობრივად მოგვიანო კომპლექსები ხელალებით აღრეულადაა აღიარებული. ხდება სრული აღრევა ცალკეული, კარგად განსაზღვრული ტიპის ნაკეთობების ქრონოლოგიისა.

²⁷ . მ. ბარამიძე. მერხეულის სამაროვანი. თბ., 1997, გვ. 13-14.

ძველებზე ფიქსირდება თიხატკეპნილი იატაკი (გუდავა II). ფენებში გამოვლენილი არქეოლოგიური მასალა მრავალრიცხოვანია და ერთგვაროვანი. წარმოდგენილია ძირზე ქსოვილის ანაბეჭდიანი ოთხკუთხა ან ოვალური ფორმის „აბაზანისებრი“ ჭურჭლები და რქისებური ან წაწვეტებულთავიანი სადგრები. კერამიკა უხეშია, ხრემნარევი, ფერად მოწითალო. თითქმის უკლებლივ ყველა აბაზანისებრი ჭურჭელი ატარებს ცეცხლში ყოფნის კვალს. თანმხლები კოლხური კერამიკისა და იშვიათად ბრინჯაოს ნაკეთობათა მიხედვით ირკვევა, რომ დიუნური დასახლებები გაჩნდნენ ძვ.წ. VIII საუკუნის დასაწყისისათვის და წყვეტენ არსებობას ძვ.წ. VI საუკუნის შუა ხანებისთვის. სამეცნიერო ლიტერატურაში გამოთქმულია მოსაზრება, რომ ეს დასახლებები მარილის სარეწ სახელოსნოებს თუ სხვა დანიშნულების სადგომებს წარმოადგენდნენ²⁸. მკვლევართა ნაწილი ამ მოსაზრებებს დღემდე იზიარებს.²⁹ ამ დროს სრულიად უგულებელყოფილია ქართველ არქეოლოგთა უკანასკნელი გამოკვლევები ამ სადგომების დანიშნულების შესახებ³⁰. ისტორიულ წყაროებზე დაყრდნობით და არქეოლოგიური მასალის შესწავლის ახლებური ინტერპრეტაციის შედეგად დიუნური დასახლებები რკინის საწარმოო ობიექტებად არის მიჩნეული.³¹

უფრო მისაღებია დიუნურ სადგომთა რკინის მეტალურგიასთან დაკავშირება. ირკვევა, რომ უკლებლივ ყველა სადგომი შეიცავს რკინას მაგნეტიტის სახით და მისი მიღება ქვიშაზინულიდან სავსებით შესაძლებელია.³² ა. რამიშვილის მიერ აღდგენილი ეს პროცესი, შესაძლოა, იწვევს გარკვეულ კითხვებს, მაგრამ საერთო სურათი მაინც მისაღებია და გასაზიარებელი. ამასთანავე ფაქტია, რომ უკვე ძვ.წ. VIII საუკუნიდან რკინის იარაღი კოლხური კულტურის წამყვანი და გადამწვევტი ელემენტია. თუმცა მისი პირველი ნაკეთობების გაჩენა აფხაზეთის ტერიტორიაზე, შესაძლოა, რამდენადმე წინაც უსწრებდეს ამ თარიღს. საყურადღებოა, რომ რკინის პირველი ნაკეთობები ზუსტად იმეორებენ ბრინჯაოს ნაკეთობათა ფორმებს და ჩამოყალიბებული ჩანან ადგილობრივი, კოლხური ბრინჯაოს ფორმების მიბაძვით.³³ არ არის გამორიცხული, რკინის მადნის ნაწილი, მისი მასშტაბურობის გამო, წარმოადგენდა იმპორტის ერთ-ერთ სახეს და სპილენძის მადნის პარალელურად საცვლელ პროდუქტად იყო გამოყენებული. მხედველობაშია მისაღები ის გარემოებაც, რომ ფაქტობრივად მკვლევართა უდიდესი ნაწილი რკინის მეტალურგიის ჩამოყალიბებას ქართველური ტომის, ხალიბების სახელთან აკავშირებს. აღნიშნული საკითხები დეტალურად შეისწავლა აკად. დ.ხახუტაიშვილმა. მხოლოდ აღვნიშნავთ, რომ სამხრეთ საქართველოს ტერიტორიაზე (გურია-აჭარა, ქვემო ქართლი) წარმოქმნილი მეტალურგიული წარმოების პროცესის უადრესი საფეხურები ძვ.წ. XIV საუკუნით მაინც უნდა განისაზღვროს.³⁴ როგორც ჩანს, სწორედ აქედან გავრცელდა რკინის მეტალურგია საქართველოს სხვა რეგიონებში, თანაც არასინქრონულად, სხვადასხვა პერიოდში. აფხაზეთის დღევანდელ ტერიტორიაზე მისი გავრცელება ძვ.წ. I ათასწლეულის დასაწყისით არის განსაზღვრული.³⁵ დიუნურ სადგომთა გვერდით რკინის მეტალურგიის მაღალ დონეს აჭარა-სამეგრელოს ტერიტორიაზე შესწავლილი რკინის ქურა-სახელოსნოები ადასტურებენ. აღსანიშნავია, რომ მსგავსი ქურები შესწავლილია აფხაზეთში, თანამედროვე გალის რაიონში, კერძოდ მზიურის ტერიტორიაზეც, რომელიც აშკარად სინქრონულია დიუნური სადგომებისა და განეკუთვნება წინარეანტიკურ ხანას.

კოლხური კულტურის გავრცელების მთელ ტერიტორიაზე (თანამედროვე აფხაზეთის რეგიონის ჩათვლით) მატერიალური კულტურის ერთ-ერთ სპეციფიკურ და დამახასიათებელ კომპონენტს ბრინჯაოს ნივთების განძები წარმოადგენენ. სადღესოდ სამეცნიერო

28 . Л. Соловьев. Следы древнего соляного промысла в близ г. Очамчире и Сухуми. - Труды Абхазского Гос. Музея, I. Сухуми, 1947.

29 . О. Бгажба, С. Лакоба. История Абхазии, გვ. 41; И.И. Цвинария. Поселение Гуандра. Тб., 1978.

30 . Г. Ианишвили. Железо-плавильное дело в центральном и западном Закавказье в XIII – I веках до н.э. Тб., 1997.

31 . Н.В. Хоштария. Археологические исследование в с. Уреки; А.Т. Рамишвили, И. Грдзелишвили. Железоплавильное дело в древней Грузии. Тб., 1964, გვ. 17; Д. А . Хахутаишвили. Производство железа в древней Колхиде. Тб., 1987, გვ. 6-39.

32 . რ. აბრამიშვილი. რკინის წარმოების ათვისების საკითხებისათვის. – სსმმ XXIII- . თბ., 1967.

33 . იქვე

34 . იქვე

35 . იქვე

ლიტერატურაში ცნობილია დაახლოებით 200-მდე ამგვარი კომპლექსი.³⁶ მათ შორის 65 სწორედ დღევანდელი აფხაზეთის ტერიტორიაზეა ფიქსირებული.³⁷ ისინი შეიცავენ ბრინჯაოს წუნდებულ, ხმარებიდან გამოსულ იარაღებს (კოლხური ცულები, სეგმენტისებური იარაღი, თოხი, ზოდები), იშვიათად სამკაულს, კომბინირებულ იარაღს და „მელითონეთა“ განძების სახელითაა ცნობილი. სავარაუდოდ, ისინი ხელმეორედ გადასადნობად და ახალი იარაღის ჩამოსასხმელად იყო განკუთვნილი. მათი გაჩენა ძირითადად ძვ.წ. II ათასწლეულის შუა ხანებში ხდება (გალი, ურეკი, ბიჭვინთა/ლძავა, განთიადი), ე.ი. პერიოდში, რომელიც უშუალოდ უსწრებს წინ კოლხურ კულტურას და წარმოადგენს ერთგვარ გარდამავალ ეტაპს. განძები გვხვდება გვიანბრინჯაო-ადრერკინის ხანის ყველა ეტაპზე და, როგორც ჩანს, წყვეტს არსებობას ძვ.წ. I ათასწლეულის შუა ხანებისთვის. ჩვეულებრივ, ისინი დაკავშირებული არიან იმ პერიოდის ნამოსახლართა საწარმოო უბნებთან (ფიჩორი, გალი). მათი გაქრობა დაკავშირებული უნდა იყოს ბრინჯაოს ნაწარმის წარმოების შემცირებასთან რკინის მეტალურგიაზე სრული გადასვლის შემდგომ.

კოლხური კულტურა³⁸ დროის დიდ მონაკვეთს მოიცავს და ქრონოლოგიურად ძვ.წ. II ათასწლეულის მეორე და I ათასწლეულის პირველ ნახევარს მოიცავს. არქეოლოგიური მასალების ტიპოლოგიურ-ქრონოლოგიური შესწავლა გვიჩვენებს, რომ მასში ძირითადად ორი ეტაპია წარმოდგენილი. პირველი ეტაპი ხასიათდება ბრინჯაოს ინდუსტრიის მაღალი დონით და წარმოდგენილია ყველა იმ იარაღით, რაც საერთოდ ამ კულტურას ახასიათებს არსებობის მთელ მანძილზე. მეორე ეტაპი კი ამ კულტურის აყვავების ხანაა, როცა ბრინჯაოს მეტალურგიასთან ერთად რკინის წარმოება წამყვანი დარგი ხდება.³⁹ თითოეული ამ ეტაპის შიგნით შესაძლებელი ხდება რამდენიმე ქრონოლოგიური საფეხურის გამოყოფა.⁴⁰

კოლხური კულტურის ხასიათი განპირობებულია მისი სამეურნეო თავისებურებით. იგი ძირითადად მიწათმოქმედი მოსახლეობის კულტურაა და იარაღებიც სწორედ ამ ფუნქციის მატარებელია. უკვე ადრებრინჯაოს ხანიდან კოლხეთის ტერიტორიაზე გუთნური მიწათმოქმედება იყო მეურნეობის წამყვანი დარგი, რისთვისაც გამოიყენებოდა ხის სახენელები. ისინი აგრძელებენ არსებობას საკვლევ პერიოდშიც, რაზეც უნდა მიგვიჩვენებდეს ფიჭვნარის გვიანბრინჯაოს ხანის ფენებში აღმოჩენილი ხის სახნისები.⁴¹ შესაძლოა, სახნისს ამ პერიოდში უკვე ჰქონდა ლითონის დამცავი. ყოველ შემთხვევაში, ძვ.წ. I ათასწლეულის შუა ხანებში (ძვ.წ. VII-VI სს.) კოლხეთში დასტურდება რკინის სახნისების არსებობა, რომლებიც ხის სახნისზე წამოსაგებად იყო განკუთვნილი (ნიგვზიანის და ფიჩორის სამაროვნები).⁴² მიწის დასამუშავებლად გამოიყენებულია ბრინჯაოს თოხები, რომლებიც ხასიათდება სიმრავლით და ნაირგვარობით. ისინი გავრცელებულია ფაქტობრივად მთელ კოლხეთში, თუმცა შეინიშნება ერთი გარემოება - აფხაზეთის ტერიტორიაზე ისინი შედარებით მცირე რაოდენობითაა ცნობილი. თოხების გავრცელების ჩრდილოეთი პუნქტი ქვემო ეშერაა. მის სამხრეთით კი თოხები რამდენიმე პუნქტშია გამოვლენილი.⁴³ აშკარაა, რომ ქვის იარაღის (თოხების) ფართოდ გავრცელების გამო მდ. გუმისთის ჩრდილოეთით ლითონის თოხი უფრო გვიან შედის, რაც ამ მიკროლოკალური კერის⁴⁴ ერთ-ერთი თავისებურებით უნდა აიხსნას.

კულტურის ერთ-ერთ ძირითად და განმსაზღვრელ იარაღად კოლხური ცულებია აღიარებული. აფხაზეთის ტერიტორიაზე ვხვდებით ამ იარაღის სამივე ძირითად სახეობას - შეგვიტანინი, მახვილი ყუით, სწორტანინი დაწახნაგებული ყუით და ტანში ორგზის

³⁶ . დ. ქორიძე. კოლხეთის მატერიალური კულტურის ისტორიიდან. თბ., 1965; აღ. რამიშვილი. კოლხეთის მატერიალური კულტურის ისტორიიდან. თბ., 1974 წ.; ლ. სახაროვა. ბრინჯაოს განძები ლეჩხუმიდან; Ю.Н. Воронov. დასახ. ნაშრომი; მ. ბარამიძე. აღმოსავლეთ შავიზღვისპირეთი... და სხვა.

³⁷ . ჯ. აფაქიძე. აფხაზეთის გვიანბრინჯაოსა და ადრერკინის ხანის განძები. - აფხაზეთი, I, თბ., 2006.

³⁸ ტერმინი „კოლხური კულტურა“ სამეცნიერო ლიტერატურაში იხმარება გვიანბრინჯაო-ადრერკინის პერიოდის აღსანიშნავად და ერთგვარად პირობითი ცნებაა, რადგან შინაარსობრივად როგორც მისი წინარე, ისე მომდევნო კულტურებიც ასევე კოლხურია.

³⁹ . ო. ჯაფარიძე. საქართველოს არქეოლოგია, გვ. 202.

⁴⁰ . მ. ბარამიძე. აღმოსავლეთ შავიზღვისპირეთი..., გვ. 147-159.

⁴¹ . ლ. ძიბიგური. უძველესი სახენელი იარაღები ჩრდილო-დასავლეთ კოლხეთიდან. - აფხაზეთი, I, თბ., 2006, გვ. 40; ი. ჩაგლიშვილი. უძველესი სახენელი იარაღები ფიჭვნარიდან. - ბათუმის არქეოლოგიური მუზეუმის შრომები, III, თბ., 2005.

⁴² . მ. ბარამიძე. დასახ. ნაშრომი.

⁴³ . ჯ. აფაქიძე. აფხაზეთის გვიანბრინჯაოსა და ადრერკინის ხანის განძები, გვ. 66-85.

⁴⁴ . ო. ჯაფარიძე. კოლხური ცული. - საქართველოს სახ. მუზეუმის მოამბე, XVI - . თბ., 1955; დ. ქორიძე. დასახ. ნაშრომი; ლ. სახაროვა. დასახ. ნაშრომი.

მოხრილი.⁴⁵ კულტურის განვითარების მეორე ეტაპზე მათი ფორმები უფრო დახვეწილია, კონტა და მსუბუქი. ზოგიერთი მათგანი ორნამენტირებულია. როგორც ჩანს, ძირითადად საბრძოლო იარაღის ფუნქცია ჰქონდა, თუმცა, შესაძლოა, უხეში, მასიური ეგზემპლარები სამეურნეო დანიშნულებისა იყო.

კოლხური კულტურის ერთ-ერთ ძირითად ელემენტს წარმოადგენს სეგმენტისებური იარაღი, რომელიც საკმაოდ რაოდენობითაა აღმოჩენილი აფხაზეთში, ძირითადად გუმიხის სამხრეთ ზოლში. მათი დანიშნულების შესახებ აზრთა სხვადასხვაობაა. მკვლევართა ნაწილს მოხრდილი ნიმუშები ბარის ფუნქციის მატარებლად მიაჩნია, ნაწილს – ხვეწისა, ნაწილს კი – ხის სახნისის გარსაკრავად. გამოთქმულია მოსაზრება საცვლელ ერთეულად მათი გამოყენების შესახებ.

კოლხური კულტურის ადრეულ საფეხურებზე სამაროვანთა ნაკლებად შესწავლილობის გამო ნაკლები ინფორმაცია გვაქვს სხვა რიგის (საბრძოლო, სამკაული) მასალების შესახებ. განძების შემადგენლობაში ეს ნაკეთობანი იშვიათი გამონაკლისის სახითაა წარმოდგენილი. მეორე ეტაპზე (ძვ.წ. I ათასწლეულის პირველი ნახევარი) უკვე მრავლადაა ამ რიგის მასალაც: სხვადასხვა ტიპის ბრინჯაოს შუბისპირები, სატყვერები, ლითონის სამკაული. საყურადღებოა, რომ ამ ნაკეთობათა ერთგვაროვნების ფონზე მათ შორის გამოიყოფა აფხაზეთის ლოკალური რეგიონისთვის დამახასიათებელი სპეციფიკური ფორმებიც, მაგალითად, გრძელქუნწიანი, სამკუთხაპირიანი შუბისპირები, ცხოველის გამოსახულებიანი ბრტყელი ბალთები, ჭვირული და ბრტყელი სამაჯურები, კირკალის თავისებური ფორმები, თავდაფანჯრული და ფუყე მძივები, ცხოველისა და ფრინველის ფორმის საკიდი ამულეტები და სხვა. კოლხური კულტურის ბრინჯაოს ნაწარმი აშკარად მიგვითითებს ბრინჯაოს მეტალურგიის მაღალ დონეზე. უკვე ადრე ბრინჯაოს ხანიდან სპილენძის მოპოვება კოლხური ტომების სამეურნეო ყოფაში ერთ-ერთი პრიორიტეტული მიმართულებაა. კავკასიონის სამხრეთი კალთების ტერიტორიაზე სადღეისოდ ცნობილია რამდენიმე პუნქტი, სადაც დასტურდება ლითონის მოპოვებისა და დამუშავების მთელი პროცესი (ბაშკაფსარა, ჩხალთა – აფხაზეთში, ბრილი, გონა – რაჭაში, მესტია – სვანეთში, თლია და მისი შემოგარენი – ცხინვალის რეგიონში). მიკვლეულია უძველესი სამთომადნო გამონამუშევრები და მასთან დაკავშირებული საწარმოო კერები. ამ ძეგლებიდან ყველაზე უკეთ რაჭის სამთო-მეტალურგიული ცენტრია შესწავლილი.⁴⁶ განსაკუთრებულ აღმაშენებლობას ეს დარგი განიცდის გვიანბრინჯაოს ხანაში. ამ პერიოდის შტოლნები, შტრეკები, საძიებო თხრილები, კამერები და ფუძე ქანების გადანაყარი აშკარად გვიჩვენებენ, რომ მოპოვებულია რამდენიმე ასეული ათასი ტონა სპილენძის მადანი; იგი საკმარისი იყო არამარტო ადგილობრივი წარმოებისათვის, არამედ სრულიად რეალურია მათი ექსპორტი წინა აზიაში და ანატოლიის საშუალო ვაჭრობის გზით უფრო სამხრეთითაც კი.⁴⁷ სწორედ რაჭაში, ბრილის სამაროვნის ძვ.წ. VHVს ფენის სამარხებში ეხვდებით კილოგრამობით ლურჯი მინის ნაგერატისულ მძივებს, ეგვიპტურ სკარაბებს, სანელსაცხებლებს, თევზის გამოსახულებიან ბრინჯაოს ფინიკიურ (?) მონეტებს. ეს უკანასკნელი საშუამავლო ვაჭრობაში ფინიკიური ქალაქების (მაგ. პუნეის) როლზე უნდა მიგვითითებდეს.⁴⁸ შემთხვევითი არ უნდა იყოს ის გარემოებაც, რომ ეგვიპტური იმპორტი თითქმის არ ჩანს კოლხეთის დაბლობის ამ პერიოდის ძეგლებზე და იგი მხოლოდ რაჭის სამთო-მეტალურგიული ცენტრის ზოლშია დადასტურებული. ამით უნდა აიხსნას კოლხური კულტურის გავრცელების მთელ არეალში (მათ შორის აფხაზეთშიც) ბრინჯაოს ზოდების განსაკუთრებული სიმრავლე, რომელთა ფორმა ტრანსპორტირებისათვის საკმაოდ მოხერხებულია.

ბრინჯაოს მეტალურგიის მაღალმა დონემ და საწარმოო ჩვევებმა მოამზადა ახალ, უფრო პროგრესულ და სრულყოფილ რკინის მეტალურგიაზე გადასვლა. ამიტომ შემთხვევითი არ უნდა იყოს რკინის მეტალურგიაში ქართველურ ტომთა განსაკუთრებული როლის აღიარება. სამწუხაროდ, სეპარატისტი მკვლევარები სრულიად უარყოფენ ამ თვალსაზრისს და ცდილობენ

⁴⁵ . დ. ქორიძე. დასახ. ნაშრომი; ლ. სახაროვა. დასახ. ნაშრომი; ლ. ჯაფარიძე. მიწათმოქმედების იარაღები დასავლურ-ქართულ კულტურაში. – თსუ შრომები, ტ. 49, თბ., 1953.

⁴⁶ . გ. გობეჯიშვილი. არქეოლოგიური გათხრები..., გვ; ა. აფაქიძე, აღ. კალანდაძე, გ. გობეჯიშვილი. საქართველოს არქეოლოგია. თბ., 1959.

⁴⁷ . მ. ბარამიძე. აღმოსავლეთ შავიზღვისპირეთი..., გვ. 175-184; მისივე: აღმოსავლეთ შავიზღვისპირეთის ბრინჯაოს მეტალურგიის ისტორიის ძირითადი საკითხები. – ზღვა და ადამიანი. თბ., 1995, გვ. 26-27.

⁴⁸ . ყურადღება ამ მიმართულებით გაამახვილა კ. კუშნარიოვამ სიღნაღის საერთაშორისო (საქართველო, რუსეთი, აშშ) კოლოკიუმზე, 1995 წ.

რკინის მეტალურგიის აფხაზეთში შემოსვლა, გავრცელება ჩრდილოელი სკივთური ეთნოსის გავლენით ახსნან⁴⁹.

კიმერიელთა და სკვითთა ტომები ძვ.წ. I ათასწლეულის პირველ ნახევარში განსახლებული ჩანან ჩრდილო შავიზღვისპირეთისა და, სავარაუდოდ, სტეპების ზოლში. წყაროების მიხედვით, კიმერიელები სკვითებმა განდევნეს ამ ზოლიდან და ისინი ძვ.წ. VIIIს. დასაწყისისათვის გადადიან წინა აზიის ტერიტორიაზე. მათ უკან მისდევს სკვითური მასა, რომელიც ამ რეგიონში ჩანს ძვ.წ. VIIIს. 90-იანი წლებისათვის. ორივე ამ ეთნოსმა გარკვეული როლი ითამაშა წინა აზიის პოლიტიკური სიტუაციის შექმნაში და ხან დამოუკიდებლად, ხან დაქირავებული რაზმების სახით მონაწილეობა მიიღო რიგ სახელმწიფოთა განადგურებაში. ჩვენთვის საინტერესოა, რა გზით უნდა მოხვედრილიყვნენ ეს ხალხები წინა აზიაში. მკვლევართა ნაწილი (მათ შორის აფხაზი სეპარატისტები) ამ გზად შავი ზღვის აღმოსავლეთ სანაპიროს, ე.წ. მეოტიდა-კოლხეთის გზას აღიარებენ. ეს დასკვნა ძირითადად წყაროთა არასწორი ინტერპრეტაციის შედეგად არის მიღებული და სრულად უარყოფილია არქეოლოგიური მონაცემები. ძვ.წ. I ათასწლეულის მეორე მეოთხედი არის კოლხური კულტურის აყვავების ხანა. უმაღლეს დონეზე ასული ბრინჯაოს და რკინის მეტალურგია, დემოგრაფიული აფეთქება, პროტოურბანისტული ცივილიზაცია და სხვა გვაძლევს უფლებას აღვნიშნოთ, რომ ამ პერიოდის კოლხეთი (აფხაზეთის ჩათვლით) არის ძლიერი სახელმწიფოებრივ-პოლიტიკური ერთეული, რომლის ტერიტორიის გადალახვა არც ისე იოლი უნდა ყოფილიყო. აღსანიშნავია, რომ კოლხურ ნასახლარებზე არავითარი კვალი უცხო ეთნოსის შემოჭრისა არ შეინიშნება. წარმოუდგენელია, ამოდენა მომთაბარე ტომთა გავლას არ დაეტოვებინა რაიმე კვალი ხანძრის, შეტაკებების, ანდა უბრალოდ ტიპური კიმერიულ თუ სკვითურ ნაკეთობათა სახით. დასავლეთ საქართველოს მთელ ტერიტორიაზე მხოლოდ ერთადერთი კიმერიული ბრინჯაოს კვლევა ნაპოვნი (თხმორის განძი, ქვემო რაჭა). ამგვარად, კიმერიელთა მიერ კოლხეთის გზით წინა აზიაში მოხვედრა არქეოლოგიური მონაცემებით არ დასტურდება.

წყაროს მიხედვით, კიმერიელებს მოსდევენ სკვითური ტომები (ძვ.წ. VIIIს.), თუმცა არავითარი კვალი შეტაკებისა ან ნივთიერი მასალისა არ ფიქსირდება არც კოლხეთში და არც საკუთრივ აფხაზეთში. ამგვარად, აშკარაა, რომ ჩრდილოეთ შავიზღვისპირეთიდან მომავალ სკვითებს კოლხეთის ტერიტორია არ გადაულახავთ და, სავარაუდოა, რომ ვერც გადალახავდნენ ძლიერი სახელმწიფოსა და ნაირგვარი საბრძოლო იარაღის არსებობის პირობებში. ამასთანავე კოლხეთის ჭაობიანი ტერიტორია და კლიმატი ნაკლებად მოსახერხებელია უცხოელთა ლაშქრობისათვის.

რამდენადმე განსხვავებული სურათი გვაქვს ძვ.წ. VIს. შუა ხანებისათვის. წინააზიური ლაშქრობების შემდგომ სკვითთა ერთი ნაწილი, როგორც ჩანს, ძალზე მცირერიცხოვანი მასა, უკან დასაბრუნებლად იყენებს კოლხეთის გზას. ამ შემთხვევაშიც არავითარი შეტაკებების კვალი არ ჩანს. სწორედ ამ პერიოდიდან ჩნდება წინააზიური მახვილების მიბადებით და გავლენით წარმოქმნილი ე.წ. სკვითური აკინაკები, რომლებიც კოლხეთში გარკვეულ მოდიფიკაციას განიცდიან და ამ იარაღის კავკასიურ ვარიანტად ყალიბდებიან. ამავ პერიოდში ჩნდება ე.წ. სკვითური ცხოველურმოტივებიანი ნაკეთობანი, რომლებიც აშკარად წინააზიური გავლენითაა ჩამოყალიბებული. მესამე კომპონენტი, რომელიც სკვითური კულტურის ელემენტად არის მიჩნეული, არის ე.წ. სკვითური ისრისპირი. მისი გამოჩენა ხდება ძვ.წ. VIIIს-ის ბოლოსათვის და VII-VIსს. ფაქტობრივად გავრცელებულია ციმბირიდან დაწყებული სამხრეთ რუსეთის სტეპების, ევროპის ნაწილის, კავკასიის და წინა აზიის ტერიტორიაზე. აღნიშნულის გამო რომელიმე რეგიონის მიჩნევა მის შემქმნელად, მით უფრო ეთნიკური კუთვნილების დადგენა შეუძლებელია.

სკვითების ჩრდილოეთ შავიზღვისპირეთიდან წინა აზიისაკენ ლაშქრობის თვალსაზრისით გარკვეული პერსპექტივები ისახება აღმოსავლეთ ამიერკავკასიის ტერიტორიის სახით, სადაც, სავარაუდოდ, დერბენტის გასასვლელის გამოყენებით ჩანს მოხვედრილი სკვითური ნაკეთობანი, მაგრამ ძირითადად ეს მასალაც უკანმობრუნებულ მოსახლეობას ეკუთვნის.

ამრიგად, რაიმე საბუთი კოლხეთის გზის კიმერიელთა და სკვითების მიერ გამოყენების შესახებ ყოველგვარ საფუძველს არის მოკლებული. უსაფუძველოა რკინის მეტალურგიის სკვითებთან დაკავშირება, თუნდაც იმიტომ, რომ უძველესი სკვითური ნაკეთობანი ძვ.წ. VIIIს. უადრესი არ არის. ამ დროს კი კოლხეთში (აჭარაში, ასევე ქვემო ქართლში) უკვე ძვ.წ. XIV-XIII სს-დან ჩნდება რკინის პირველი ნივთები და უმაღლესი დონის ცემენტაციის წესით მიღებული

⁴⁹ . О. Бгажба, С. Лакоба. История Абхазии, гл. 48, 50-54.

ფოლადი. აქედან იგი ვრცელდება საქართველოს მთელ ტერიტორიაზე. აფხაზეთში მათი გამოყენება ძვ.წ. I ათასწლეულის დასაწყისზე მოდის, რაც სკვითებთან ვერანაირად ვერ იქნება დაკავშირებული.

**თავი III. თანამედროვე აფხაზეთის მიწა-წყალი კვლევი ებრისის
(კოლხეთის) შემადგენლობაში ძვ.წ. I საუკუნემდე
1. მონაცემები წინარეანტიკური პერიოდის შესახებ**

თანამედროვე საქართველოს ტერიტორიის მეტი ნაწილის მომცველი და ძვ.წ. II ათასწლეულის შუახანებიდან უწყვეტად არსებული პირველი ქართული სახელმწიფოს –

კოლხეთის სამეფოს შესახებ ცნობებს შეიცავს ძველბერძნული თქმულება არგონავტების შესახებ⁵⁰. მასში გაშუქებული ცალკეული მოვლენები რიონის ხეობაში ვითარდება. ზოგიერთი ავტორის მონაცემებით, არგონავტები თითქოს დიოსკურიაში (სოხუმში) მოვიდნენ. ასე, მაგალითად, აპიანე (III ს.) წერდა: „კოლხებს ეს ქალაქი (დიოსკურია – ავტ.) მიაჩნიათ არგონავტებთან ერთად დიოსკურების აქ ყოფნის საბუთად“⁵¹. ნიკონორ ალექსანდრიელის (VIII ს.) მტკიცებით, დიოსკურიას „ადრე აია ერქვა“⁵². დღევანდელი აფხაზეთის ტერიტორიასთან არგონავტების კავშირზე წერდა ზოგიერთი მკვლევარი⁵³. რუსმა ენათმეცნიერმა გ.ტურჩანინოვმა ქ.მაიკოპში აღმოჩენილი, ვითომ, აფხაზური დამწერლობის უძველესი ნიმუშის საფუძველზე ქაიას ლოკალიზება ჩრდილოეთ კავკასიაში მოახდინა⁵⁴. ცნობილია, რომ ე.წ. მაიკოპის წარწერასთან დაკავშირებით გ.ტურჩანინოვის მოსაზრებები თავის დროზე თვით ცნობილმა რუსმა მეცნიერებმაც კი (ი.დიაკონოვი, ლ.ლაგროვი, ე.კრუპნოვი, პ.აუტლევი და სხვ.) არ გაიზიარეს⁵⁵ და არც ამჟამად იზიარებენ⁵⁶. არგონავტების შესახებ მითის აფხაზეთთან (და არა კოლხეთთან) კავშირზე სეპარატისტული ისტორიოგრაფია დღეს მხოლოდ მინიშნებით წერს, არგუმენტად იყენებს მედეას ძმის – აფსირტეს სახელის ვითომ აფხაზურ (აფსურ) უღერადობას⁵⁷. მსგავსი უღერადობის გვარ-სახელები კი მრავლად გვხვდება ძველ მსოფლიოში⁵⁸. ამდენად, მხოლოდ აფსურებისადმი მათი მიკუთვნება უსაფუძვლოა, მით უმეტეს, მსგავსი სახელები დამაჯერებლად არ იხსნება აფხაზურ ენაზე. თანამედროვე აფხაზეთის ტერიტორიაზე არგონავტთა ყოფნის შესახებ არსებულ ცნობებს ის მნიშვნელობა აქვთ, რომ მათი ავტორები სოხუმს კოლხთა ქალაქად, აიეტის სამეფოს ნაწილად მიიჩნევენ.

კოლხეთის სახელმწიფოს ჩამოყალიბების დროის, პოლიტიკური და სოციალური წყობის საკითხებზე განსხვავებული მოსაზრებები არსებობს⁵⁹. ლ.სანიკიძეს მიაჩნდა, რომ იგი ძვ.წ. XVII-XV სს. წარმოიშვა⁶⁰. დაახლოებით იმავე აზრისაა თ.გამყრელიძეც, რომელიც წერს: „უახლესი გამოკვლევების მიხედვით, კოლხური სახელმწიფოებრიობის არსებობა ჩვენ უკვე ძვ.წ. მე-15 საუკუნისათვის უნდა ვივარაუდოთ, რამდენადაც მიკენური ეპოქის ბერძნულ წარწერებში (ძვ.წ. XV-XIV სს.) დოკუმენტურად დასტურდება მრავალი სახელი, რომლებიც „არგონავტების მითიდან“ იყო ჩვენთვის ცნობილი, მათ შორის ისეთი სახელები, როგორცაა „(ქვეყანა) აია“, „კოლხიდა“, „იასონი“ და სხვ.“⁶¹ ძველი ეგრისის სახელმწიფოს წარმოშობას თბერაძე ძვ.წ. XV-XIV საუკუნეებით ათარიღებს, მ.ლორთქიფანიძე – ძვ.წ. I ათასწლეულის დასაწყისით⁶². ძველბერძენ

50. აპოლონიოს როდოსელი. არგონავტიკა. თარგმანი და შესავალი აკაკი გელოვანისა. რედაქცია, ნარკვევი, შენიშვნები და საძიებლები აკაკი ურუშაძისა. თბ., 1975; ა.ურუშაძე. ძველი კოლხეთი არგონავტების თქმულებაში. თბ., 1964წ.

51. აპიანე. მითრიდატეს ომების ისტორია. ბერძნული ტექსტი ქართული თარგმანითურთ გამოსცა, შესავალი და საძიებლები დაურთო თ. ყაუხჩიშვილმა. თბ., 1958, გვ. 195.

52. . IV. ტბ., 1884, გვ. 212-213.

53. მ. ბროსე. საქართველოს ისტორია, ნაწ. I. თბ., 1895, გვ. 13; П. К. Услар. Древнейшая сказания о Кавказе. Тб., 1881, გვ. 378; . 1926, . 39, 41-42 და ა.შ.

54. Г. Ф. Турчанинов. Памятники письма и языка народов Кавказа и Восточной Европы. Л., 1971, гв. 11-34.

55. Вестник Древней Истории, 1966, №2; Советская Этнография, 1967, №2; Вопросы Истории, 1964, №8; 1965, №4 და ა.შ.

56. გ.ტურჩანინოვი ცდილობდა აფსურ-აფხაზებისათვის „დიდი ისტორიის“ შექმნას. მან მაიკოპის წარწერა ხეთურ იეროგლიფებს მიახლოავს, დაათარია ძვ.წ. XIII-XII საუკუნეებით და აფხაზურად „წაიკითხა“; გამოდიოდა, რომ კოლხები ვითომ აფხაზები არიან, ისინი (აფხაზები) ცხოვრობდნენ მცირე აზიიდან ყუბანამდე, ჰქონდათ თავიანთი დამწერლობა და სახელმწიფო ქალაქ აიათი; გ.ტურჩანინოვის მიზანი კოლხეთის სახელმწიფოს შესახებ ქართული ეგრისის განეიტრალება იყო; მისმა „აღმოჩენამ“ სერიოზული გავლენა მოახდინა სეპარატისტულ ისტორიოგრაფიაზე (. 2003, გვ. 349-354).

57. О. Г. Бражба, С. З. Лакоба. История Абхазии, гв. 59. აფსირტე სახელის წარმოშობის შესახებ არსებობს საკმაოდ საინტერესო მოსაზრება, რომლის მიხედვითაც იგი იხსნება ქართველურ ენობრივ ნიადაგზე (მ. ჩუხუა. ქართველურ ენა-კოლოთა შედარებითი ლექსიკონი. თბ., 2000-2001, გვ. 206).

58. ეგვიპტის ძვ.წ. VII-VI საუკუნეების სამი ფარაონი – ფსამტიხები, ოფსიტე VII ს. ლაზიკასა და აფხაზეთში, მწერალი მიხეილ ფსელოსი (XII ს.).

59. იხ. ამის შესახებ: გ.ყორანაშვილი. საქართველოში სახელმწიფოს წარმოშობის საკითხი. თბ., 2000; წიგნში მოტანილია ქართველ და უცხოელ მკვლევართა მოსაზრებები აღნიშნულ საკითხზე. თავად ავტორს უძველესი კოლხეთის სამეფოს არსებობისა არ სჯერა.

60. ლ. სანიკიძე. არანაკლებ 3500 – მეტი!!! – საქართველოს რესპუბლიკა, 1997, 16 თებერვალი.

61. თ. გამყრელიძე. საქართველო ევროპა თუ აზია? – ლიტერატურული საქართველო, 1999, 18-25 ივნისი, გვ. 4.

62. თ. ბერაძე. ძველი ეგრისის (კოლხეთის) სამეფო. – აია, 2001, №9-10, გვ. 32; მ. ლორთქიფანიძე. ქართული სახელმწიფოს არსებობის უწყვეტი ხაზი. – ქართული სახელმწიფოებრიობის სათავეებთან. თბ., 2001, გვ.140.

მწერალთაგან „კოლხეთის ქვეყანა“-ს პირველად ევმელოს კორინთელი (ძვ.წ. VIII ს.) ახსენებს არგონავტებთან დაკავშირებულ კონტექსტში.⁶³ რა თქმა უნდა, ამჟამად შეუძლებელია ამ სახელმწიფოს ფორმირების ზუსტი თარიღის დადგენა, მაგრამ ძვ.წ. II ათასწლეულის შუა ხანებიდან მისი არსებობა სავსებით რეალურია.

„არგონავტიკის“ მიხედვით, აია დამოუკიდებელი, ძლიერი და ცივილიზებული სახელმწიფოა⁶⁴. კოლხეთის ხალხი და მეფე, რომლებმაც გულთბილი მიღება მოუწვეს არგონავტებს, – წერდა დიუბუა დე მონპერე, – „ცივილიზაციის გაცილებით უფრო მაღალ საფეხურზე იდგნენ, ვიდრე ის ფათერაკების მაძიებელი და მათი მოლაშქრენი, რომლებიც, შუა საუკუნეების ნორმანების მსგავსად, მათთან საძარცვავად მოვიდნენ და დაარღვიეს სტუმართმოყვარეობის ყველა კანონი“⁶⁵. ოქროს საწმისისა და მედეას გამტაცებელ ბერძნებს, – წერს აპოლონიოს როდოსელი, – აიეტ მეფის შიში აქვთ; ფიქრობენ, „მალე ჩამოვა ის ელადაში, რომ შვილისათვის იძიოს შური“⁶⁶; კოლხთა მბრძანებლის გადაკიდება, ბერძნების აზრით, არ ივარგებს, რადგანაც

„ქვეყნად ვერავინ გაუტოლდება ძლევაძლიერ კოლხეთის მეფეს.
თუმცა შორს არის, თუ მოინდომა, ელადაშიც წავა სალაშქროდ“⁶⁷.

ქვეყნის ძლიერება და მისი წარმატებული ეკონომიკური მდგომარეობა ასახულია კოლხეთის მეფის ეპიტაფიაში, რომელიც მოყვანილი აქვს არისტოტელეს: „ოქროთი მდიდარი კოლხეთის მეფე აიეტი ღმერთების ყოვლისმძლე სვემ აქ გააპატიოსნა“⁶⁸.

არგონავტების შესახებ მითის თანახმად, ძველი კოლხეთი კულტურულადაც დაწინაურებული ქვეყანა ყოფილა, ჰქონია თავისი დამწერლობაც კი:

„შენახული აქვთ მამაპაპური ძველი კირბები
და ამ კირბებშია ნახვენები გზები ყოველთა ზღვათა და ხმელთა“⁶⁹.

ეს არის უძველესი ცნობა ქართული დამწერლობისა და კარტოგრაფიის არსებობის შესახებ. აია-კოლხეთში საკუთარ ენაზე ურთიერთობდნენ. იგივე მედეა „თავის კოლხურ ენაზე“⁷⁰ საუბრობდა, თუმცა ფლობდა ტავრების ენასაც⁷¹.

კოლხეთი ნამდვილად ოქროთი მდიდარი სახელმწიფო ჩანს. განსაკუთრებული ბრწყინვალეობითა და სიმდიდრით დედაქალაქი კუტაისი გამოირჩეოდა. როცა ფაზისში შემოსული არგონავტები გემით მდინარეს აღმა აუყვნენ, მათ ხელმარცხნივ აღმოჩნდა „მაღალი კავკასიონი, აიას ქალაქ კუტაისის“⁷².

კოლხეთის სამეფოს საზღვრები მართლაც კავკასიონამდე უნდა ყოფილიყო გადაჭიმული. ამაზე მიუთითებს ჰომეროსის (ძვ.წ. VIII ს.) „ოდისეაც“ (მასში ჩართულია ცნობა არგონავტების შესახებ, აია კი მოქცეულია ოდისევსის მოგზაურობების სფეროში), რომლის მიხედვით, აიეტის სამეფო სარმატიაში მდებარე კიმერიელებს ესაზღვრებოდა⁷³. ოვიდიუს ნაზონთან (ჰეროდოები, XII, 25-28) მედეა ამბობს: „ჩემი მამა სახელგანთქმულია, მას უპყრია თოვლიანი სკვითეთი, რაც კი პონტოს სანაპიროა“⁷⁴. ამრიგად, აიეტის დროინდელი კოლხეთის სამეფოს ჩრდილო-დასავლეთი საზღვარი, შესაძლოა, აზოვის ზღვასთან ახლოს გადიოდა; ამასვე ადასტურებს დიოდორე სიცილიელის (ძვ.წ. II ს.) ცნობაც კოლხთა ტომის 33 საუკუნის წინ მეოტის ტბის (აზოვის

63 . აკ. ურუშაძე. ძველი კოლხეთი არგონავტების თქმულებაში, გვ.195.

64 . ო.ლორთქიფანიძის აზრით, ძვ.წ. XII ს. ის უკვე არსებობდა, მაგრამ საეჭვოა, „არგონავტიკაში“ აღწერილი საზოგადოებრივ-ყოფითი ფონის ძვ. წ. II ათასწლეულის მეორე ნახევრით დათარიღება; მეცნიერი ვარაუდობს, რომ იგი უფრო ძვ. წ. VI-IV სს. რეალობას შეესაბამება (O. Лорткиანიძე. Наследие древней Грузии. Тб., 1989, გვ. 210, 217).

65 . Фредерик Дюбуа де Монпере. Путешествие вокруг Кавказа, т. 1. Сухуми, 1937, გვ. 12.

66 . აპოლონიოს როდოსელი. არგონავტიკა, წ. 4, სტრ. 740-741.

67 . იქვე, სტრ. 1100-1103.

68 . აკ. ურუშაძე. ძველი კოლხეთი არგონავტების თქმულებაში. თბ., 1964, გვ. 294.

69 . აპოლონიოს როდოსელი. არგონავტიკა, წ. 4, სტრ. 278-280; ძველკოლხური დამწერლობის შესახებ იხ.: Г. А. Меликишвили. К истории древней Грузии. Тб., 1959, გვ. 215; აკ. ურუშაძე. ძველი კოლხეთი არგონავტების თქმულებაში, გვ. 145-168.

70 . აპოლონიოს როდოსელი. არგონავტიკა, წ. IV, სტრ. 730.

71 . თ. ყაუხჩიშვილი. ბერძენი მწერლების ცნობები საქართველოს შესახებ, წ. III, თბ., 1976, გვ. 90, 91.

72 . აპოლონიოს როდოსელი. არგონავტიკა, წ. II, სტრ. 1265-1266.

73 . ჰომეროსი. ოდისეა. რედაქტორი რ.გორდეზიანი. თბ., 1979, სიმღერა XI, 10.

74, 1973, გვ. 125; ფლავიუს არიანე. მოგზაურობა შავი ზღვის გარშემო. თარგმანი, გამოკვლევა, კომენტარები და რუკა ნათელა კეჭაყმაძისა. თბ., 1961, გვ. 9.

ზღვის) მიდამოებში ფორმირების შესახებ⁷⁵. ეს ყოველივე სრულ თანხმობაშია „ქართლის ცხოვრებასთან“ – ლეონტი მროველის თხზულებასთან, რომლის მიხედვითაც „ეგროსს ერგო აღმოსავლით მთა მცირე, რომელსა აწ ჰქვიან ღიხი; დასავლით ზღუა; მდინარე მცირისა ხაზარეთისა (ყუბანი – ავტ.), სადა წარსწუთების წუერი კავკასისა“⁷⁶. ძველი ეგრისის საზღვრები თბერადის აზრითაც ჭოროხის აუზიდან მცირე ხაზარეთის მდინარემდე ვრცელდებოდა⁷⁷.

აია-კოლხეთის სამეფოს მკვიდრთა ეთნიკური კუთვნილების დასადგენად პირველ რიგში უნდა მივმართოთ „ქართლის ცხოვრებას“, ასევე არქეოლოგიურ და არსებულ მწიბრ, მაგრამ საინტერესო ლინგვისტურ მასალას. „ქართლის ცხოვრების“ მიხედვით, დასავლეთ საქართველო არის თანამედროვე აფხაზეთისა და მისი ჩრდილო-დასავლეთ რეგიონების ჩათვლით ეგრთა – უძველეს ქართველთა სამკვიდრო. ამას ადასტურებს არქეოლოგთა დასაბუთებული დასკვნა ძვ.წ. II ათასწლეულის მეორე ნახევარში მთელ დასავლეთ საქართველოში ერთიანი კოლხური კულტურის ჩამოყალიბების შესახებ⁷⁸. სერიოზული დასკვნებია გაკეთებული ენობრივი მონაცემების მიხედვითაც. თ.გამყრელიძისა და ვიან. ივანოვის ერთობლივ ნაშრომში („ინდოევროპული ენები და ინდოევროპელები“) სპეციალური პარაგრაფი ეძღვნება თემას – „ბერძნულ-ქართველური ლექსიკური კავშირები და „მითი არგონავტების შესახებ“. ავტორები ასაბუთებენ, რომ ბერძნულ ენაში ჯერ კიდევ უძველეს ხანაში ნასესხები რამდენიმე ათეული ქართველური სიტყვაა შესული, მათ შორის „ტკოვ“ (ტყავი), რაც ეგრისში, მათ შორის თანამედროვე აფხაზეთის ფარგლებში ქართველთა წინაპრების მოსახლეობაზე მიუთითებს⁷⁹. ამასვე მოწმობს „ოღისეაში“ დაფიქსირებული სამკურნალო ბალახის სახელწოდება – „მოლი“⁸⁰, რომელიც აიაში ხარობდა. მსგავსი ტერმინი სხვა ბერძნულ ტექსტში არ გვხვდება და მისი ახსნა ინდოევროპულ ენობრივ საფუძველზე შეუძლებელია. სპეციალისტთა აზრით, მოლი ბერძნების მიერ ნასესხები ქართული სიტყვაა⁸¹. ტანზე წასასმელი წამლის თუ წამოსასხამის მნიშვნელობით იგი შოთა რუსთაველის „ვეფხისტყაოსანშიც“ არის გამოყენებული⁸². პროფესორ მერაბ ჩუხუას აზრით, „არგონავტიკაში“ და სხვა ბერძნულ წყაროებში ფიქსირებული „კირბოს“ წარმომავლობით არის მეგრულ-ლაზური სახეობა საერთოქართველური „კერბ“ სამწერლო ტერმინისა, რომელიც შემონახულია ს.ს.ორბელიანის ლექსიკონში „კეფი“ („მთელი ფურცელი არს წერილისა“) ფორმის სახით.

ქართული საისტორიო ტრადიცია, ძველბერძნული მითოლოგიიდან მოხმობილი ცნობები, ლინგვისტური მონაცემები, ასევე წინა თავში მოტანილი არქეოლოგიური

⁷⁵ . თ. ყაუხჩიშვილი. ბერძენი მწერლების ცნობები... წ. III, გვ. 75. დიოდორე სიცილიელი იმეორებს პეროდოტეს ცნობას კოლხების ეგვიპტური წარმოშობის შესახებ. ქართული ისტორიოგრაფია ამ თეორიას, რომელიც „პეროდოტეს ნასიბრძნი უნდა იყოს“ (ივ. ჯავახიშვილი. საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები. თბ., 1950, გვ. 17), არ იზიარებს, თუმცა იმ უძველესი ხანის ქართველთა და ეგვიპტელთა ნათესაობისა და კულტურული კავშირების დამადასტურებელი უამრავი მასალაა დაგროვილი (მ. ჯანაშვილი. საქართველოს ისტორია, ტ. I. თბ., 1906, გვ. 4, 28-32; ს. კაკაბაძე. ქართული სახელმწიფოებრიობის გენეზისის საკითხები. – საისტორიო მოამბე, 1924, წ. I, გვ. 61-62; ამ კონკრეტულ შემთხვევაში მნიშვნელოვანია დიოდორე სიცილიელის ცნობა კოლხთა ტომის არა ფაზისის, როგორც პეროდოტე მიიჩნევდა (თ. ყაუხჩიშვილი. პეროდოტეს ცნობები საქართველოს შესახებ. თბ., 1960, გვ. 71), არამედ აზოვის ზღვის ნაპირებზე ფორმირების და, შესაბამისად, იქ მკვიდრობის შესახებ.

⁷⁶ . ქართლის ცხოვრება. ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, ტ. I. თბ., 1955, გვ. 5.

⁷⁷ . თ. ბერაძე. ძველი ეგრისის (კოლხეთის) სამეფო, გვ. 34. იხ. აგრეთვე: თ. ბერაძე, მ. სანაძე. საქართველოს ისტორია, წ. I. თბ., 2003, გვ. 45-46. როგორც ქვემოთ იქნება ნაჩვენები, XVIII საუკუნის ბოლომდე (მიუხედავად აღმოსავლეთ შავიზღვისპირეთის ეთნიკური სურათის მკვეთრი ცვლილებისა) მთელ რიგ უცხოურ (მათ შორის რუსულ) წყაროებში, რუკებზე საქართველოს სახელმწიფოებრივი საზღვარი, ისტორიული ტრადიციისამებრ, სწორედ ყუბანთან, აზოვის ზღვასთან, ან მათთან ახლოს ფიქსირდებოდა (იხ. აქვე რუკები №№1, 10, 16 და ა.შ.).

⁷⁸ . ო.ჯავახიშვილი. საქართველოს ისტორიის სათავეებთან. თბ., 2003, გვ. 203 (იხ. აქვე, თავი II).

⁷⁹ . თ.გამყრელიძე. . II. ., 1984, გვ. 904-909; თ. გამყრელიძე. ძველი კოლხეთის სატომო სახელთა ისტორიიდან. – საქართველოს და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 588. თ. გამყრელიძისაგან განსხვავებით, ტ. ფუტკარაძეს სიტყვა „ტკოვ“ არ მიაჩნია ძვ. წ. II ათასწლეულში ზანურის არსებობის დამადასტურებლად (ტ. ფუტკარაძე. ქართველები, გვ. 282-284). ის, ალბათ, უფრო საერთოქართველური სიტყვაა, საიდანაც შემდგომში მივიღეთ ტყეები (მეგრ.) და ტყავი.

⁸⁰ . პომეროსი. ოღისეა. გვ. 218 (X, 303-306); P. B. Гордезиани. Проблемы Гомеровского эпоса. Тб., 1978, გვ. 209.

⁸¹ . „მოლი“ – ახალი ბალახი“. იხ.: – ს. ორბელიანი. ლექსიკონი ქართული, ტ. I. თბ., 1991, გვ. 500; ეს სიტყვა დღესაც არსებობს.

⁸² . შოთა რუსთაველი. ვეფხისტყაოსანი. – ქართული მწერლობა, ტ. 4. თბ., 1988, გვ. 262 (266-ე სტროფი); III. B. Дзидიგური. Грузинский язык. Тб., 1968, გვ. 69.

მასალა იძლევიან საკმაოდ მყარ საფუძველს ვარაუდისათვის, რომ ძვ.წ. II ათასწლეულის შუა ხანებიდან მაინც აფხაზეთის თანამედროვე ტერიტორია აია-კოლხეთის სამეფოს, ანუ ძველი ქართული სახელმწიფოს ორგანულ ნაწილს შეადგენდა და მხოლოდ ქართველთა წინაპრებით, საერთოქართველური ენის მატარებელი ხალხით იყო დასახლებული. ო.ლორთქიფანიძის მტკიცებით, ძვ.წ. VIII საუკუნიდან კოლხეთი მოიცავდა მთლიანად დასავლეთ საქართველოს და უძველეს ქართველთა სამკვიდრებელს წარმოადგენდა.⁸³ ამ სამეფოს არსებობის პერიოდში მეგრულ-ჭანებსა და ქართველ შორის ენობრივი განსხვავება ჯერ არ უნდა ყოფილიყო, – სამართლიანად ვერს გმელიქიშვილი. მისი აზრით, „კოლხი“ სახელი მაშინ „საერთოქართველური თუ ქართი-ზანური (მეგრულ-ჭანური) ელემენტის აღმნიშვნელი უნდა ყოფილიყო. იონიელი ბერძნები ქართველ ტომებს ჯერ კიდევ ქართულ-ზანური ერთობის არსებობის „კოლხურ“ ხანაში გაეცნენ და „კოლხი“ სახელსაც, უნდა ვიფიქროთ, ამ ერთობის აღსანიშნავად ხმარობდნენ“⁸⁴. ყველა წინაპირობა არსებობდა მაშინ, რათა ინტენსიურად განვითარებულიყო ერთიანი ქართული ეთნოსის ჩამოყალიბების, ალბათ, ბევრად ადრე დაწყებული პროცესი. ასეთი წინაპირობები გახლდათ მრავალი საუკუნის განმავლობაში არსებული ეკონომიკურად მდიდარი („ოქრომრავალი“), სამხედრო თვალსაზრისით ძლიერი (ელადის დალაშქვრის შემძლე), კულტურულად დაწინაურებული (დამწერლობისა და კარტოგრაფიის მქონე), ტერიტორიულად ვრცელი კოლხეთის სახელმწიფო, რომლის საზღვრები თავდაპირველად აშკარად სცილდებოდა ქართული წყაროების ეგრისის ფარგლებს და აღმოსავლეთ საქართველოს დიდ ნაწილსაც მოიცავდა (შემდგომში „კოლხეთი“ და „ეგრისი“ იდენტური ცნებებია). მის შემადგენლობაში მოქცეული ენგურ-ფსოუს მონაკვეთიც იყო ის მხარე, სადაც ქართველთა ეთნოგენეზის ხანგრძლივი პროცესი მიმდინარეობდა. სრული საფუძველი გვაქვს, ვიფიქროთ, რომ ქართველობამ სწორედ აია-კოლხეთის ეპოქაში მიაღწია კონსოლიდაციის ისეთ მაღალ ხარისხს, რომელმაც ისტორიის ქარტეხილებს გაუძლო. რაც მთავარია, შენარჩუნდა საერთოეოროვნული თვითშეგნება, რომელიც ეფუძნებოდა საერთო კულტურული ენის (მიუხედავად ფუძემდებლის რღვევისა), საერთო სახელმწიფოებრივი განცდის (მიუხედავად ტერიტორიული დაქუცმაცებისა) არსებობას. მართალია, ერის კონსოლიდაციის პროცესი შემდგომშიაც გრძელდებოდა (ამ მხრივ განსაკუთრებული როლი ქრისტიანობას მიუძღვის), მაგრამ ქართველი ხალხის მყარი სულიერი ერთობა მაინც აია-კოლხეთის ხანაში ჩამოყალიბდა. სხვა ახსნა ქართველთა სამი ძირითადი შტოს (მეგრულ-სვანურ-ქართლური) მტკიცე ერთობის უნიკალური ფაქტისა შეუძლებელია იმის გათვალისწინებით, რომ შემდგომ ეპოქებში ქართველი ხალხის არსებობის ბევრად მეტი ხნის განმავლობაში უკვე გარეშე ფაქტორებით განპირობებული უპირატესად დეზინტეგრაციის ხელშემწყობი პროცესები მოქმედებდნენ.

ძვ.წ. III-II ათასწლეულების მიჯნაზე და უფრო შორეულ წარსულში დასავლეთ საქართველოს, მათ შორის ენგურ-ფსოუს მონაკვეთის მოსახლეობაზე, კონკრეტულ ეთნიკურ ჯგუფზე არსებითი „მსჯელობის შესაძლებლობა გამორიცხულია“⁸⁵ საკმარისი წყაროთმცოდნეობითი ბაზის უქონლობის გამო. მიუხედავად ამისა, არსებობს სრულიად განსხვავებული მოსაზრება აღმოსავლეთ შავიზღვისპირეთის უძველესი მოსახლეობის ეთნიკური კუთვნილების შესახებ. იგი ეფუძნება უსაბუთო ჰიპოთეზას, რომლის თანახმადაც III-II ათასწლეულებში მცირე აზიაში მოსახლე ქაშქა-აბემლას ტომები თითქოს აფხაზ-ადიღთა წინაპრები არიან. ამ მოსაზრებას იზიარებდნენ პ.უსლარი, ნ.მარი, პ.უშაკოვი, დ.გულია, ვ.სტრუვე, მ.დიაკონოვი და სხვები⁸⁶. ნ.მარი აფხაზთა პირვანდელ სამშობლოს კოლხეთის სამხრეთით და წინა აზიაში ეძებდა; თანამედროვე გეოგრაფიული სახელები – გუბაზოული, ჩიბათი, ანჩა (გურია), აგრეთვე აჭარა, ფაზისი და ა.შ. მან აფხაზურ ტოპონიმებად მიიჩნია⁸⁷. დ.გულიამ ყოველგვარი დასაბუთების

⁸³ . ო. ლორთქიფანიძე. კოლხური ეთნოკულტურული სისტემის განვითარება. – ქართველი ხალხის ეთნოგენეზი. თბ., 2002, გვ. 18-28.

⁸⁴ . საქართველოს ისტორიის ნარკვევები, ტ. 1. თბ., 1970, გვ. 295.

⁸⁵ . მ. ლორთქიფანიძე. აფხაზები და აფხაზეთი. თბ., 1990, გვ. 5.

⁸⁶ . Всемирная история, т. 1. М., 1965, გვ. 379, 515.

⁸⁷ . Н. Я. Марр. История термина «абхаз». – Известия Императорской Академии Наук. VI серия, 1912, №11, с. 697-706; მისივე: Лингвистическая поездка в Абхазию (к этимологическим вопросам). – Известия..., 1913, №6, გვ. 303-337; მისივე:

გარეშე კოლხები აფხაზთა (აფსუათა) წინაპრებად შერაცხა და დაასკვნა, თითქოს, ახალ წელთაღრიცხვამდე მთელი კოლხეთი, მცირე სომხეთი, ჩრდილოეთ მესოპოტამია და კოლხეთის მიმდებარე სხვა რეგიონები როგორც ამიერკავკასიაში, ისე ჩრდილოეთ კავკასიაში აფხაზურ-ჩერქეზულენოვანი ხალხით იყო დასახლებული⁸⁸; უფრო მეტიც, მან თავისი წიგნის მთელი თავი (თავი IV) მიუძღვნა იმის „დამტკიცებას“, „რომ აფხაზები ეგვიპტიდან და აბისინიიდან, ე.ი. აბასიიდან არიან გამოსულები“⁸⁹. დ.გულია ემყარებოდა XIX-XX საუკუნეების ევროპელ და ქართველ მეცნიერთა შეხედულებებს ქართველთა და სხვა კავკასიელ ხალხთა წინაპრების სამხრეთიდან გადმოსახლების შესახებ⁹⁰, კოლხთა ეგვიპტური წარმოშობის ჰეროდოტესეულ თეორიას. მოსაზრება ქართველთა სამხრეთული წარმომავლობის შესახებ ეჭვქვეშ დადგა, როგორც კი დასავლეთის მეცნიერებმა (ბ.გროზნი ჩეხეთიდან და სხვ.) თუბალები, მუშქები (ქართველების სავარაუდო წინაპრები) ინდოევროპელებად აღიარეს. ამის შემდეგ ივ. ჯავახიშვილმა, რომელიც ქართველების სამხრეთიდან გადმოსახლების თეორიას უჭერდა მხარს, პოზიცია რამდენადმე შეცვალა. იგი შეუდგა ქართველი და სხვა კავკასიელი ხალხების ნათესაობის იდეის დამუშავებას. ეპიგრაფიკული წყაროების, ტომობრივი სახელწოდებებისა და ტოპონიმების ანალიზის საფუძველზე ი.ჯავახიშვილმა ირანულენოვანი ხალხებად აღიარებული სკვითები და სარმატები აღიღების, ჩენებისა და ლეკების წინაპრებად გამოაცხადა. ჩრდილოეთ კავკასიელთა კვალი, მისი აზრით, საქართველოსა და მეზობელ ალბანეთშიც მოიპოვებოდა; ტოპონიმებისა და ეთნონიმების ეს კვალი მცირე აზიამდე აღწევდა, - წერდა მეცნიერი. საკუთარი მონაცემების საფუძველზე ი.ჯავახიშვილი ოდნავი განსხვავებით, მაგრამ მაინც ტრადიციულ თვალსაზრისს დაუბრუნდა. ამჯერად, მისი მტკიცებით, „მონათესავე ქართული, ქართველური და სკვითურ-სარმატული ტომები“ გადაადგილდნენ სამხრეთიდან ჩრდილოეთისაკენ; ამიტომ უშუალოდ ქართველთა წინაპრები თუბალები და მუშქები/მეშქები, ივ.ჯავახიშვილის აზრით, ინდოევროპელები ვერ იქნებოდნენ⁹¹.

აკად. ს.ჯანაშიამ სრულიად ახალი თეორია წამოაყენა. „ქართველები წარმოშობით წინა აზიის ძველს მკვიდრ მოსახლეობას ეკუთვნიან“ და ხეთა-სუბარების შთამომავლები არიან, - წერდა მეცნიერი; 6 ათასი წლის წინ უზარმაზარ ტერიტორიაზე (წინა აზია, ბალკანეთი, აპენინისა და პირენეის ნახევარკუნძულები) განფენილი ეს მოსახლეობა თანდათანობით შევიწროვდა, ძვ.წ. XIII საუკუნიდან (ხეთების სახელმწიფოს დამსობის შემდეგ) წვრილ-წვრილ სახელმწიფოებად დაქუცმაცდა; პირველი ათასწლეულის პირველ საუკუნეებში საქართველოს თანამედროვე ტერიტორიაზე დასავლური და აღმოსავლური კულტურული წრე ჩამოყალიბდა, რომელიც ქართველთა ორ გაერთიანებას - დასავლურქართულს და აღმოსავლურ ქართულს - შეესაბამებოდა; „დასავლური კულტურული წრე შეიცავდა მთელს დასავლეთ საქართველოს, ჩრდილოეთ კავკასიის მთიანეთს მდ.თერგის დასავლეთით, მდ. ჭოროხის ხეობასა და შავი ზღვის სამხრეთ სანაპიროსაც“; ძვ.წ. VI საუკუნისათვის, როცა ურარტუს სამეფო დაეცა, სახელმწიფოებრივმა ცენტრებმა ჩრდილოეთისაკენ გადაინაცვლეს⁹². ს.ჯანაშიას თეორიამ დიდი პოპულარობა და მხარდაჭერა მოიპოვა. დღის წესრიგიდან მოიხსნა ქართველთა წინაპრების სხვაგან ძებნისა და მათი გადმოსახლების საკითხი; ყოველგვარი აზრი დაკარგეს დ.გულიას მოსაზრებებმაც. უნდა ვივარაუდოთ, რომ სწორედ ს.ჯანაშიას თეორიის გავლენით თქვა მან უარი თავის

ტერმინ „აფხაზის“ ნ. მარისეული ეტიმოლოგიზების ცდის შესახებ. - არნოლდ ჩიქობავას საკითხავები - 12. მასალები. თბ., 2001, გვ. 33-34 (იხ. აქვე, თავი XI).

⁸⁸ . დ. ი. გულია. *История Абхазии*, т. 1. Тб., 1925, გვ. 76.

⁸⁹ . იქვე, გვ. 79-134.

⁹⁰ . საკითხის მოკლე ისტორიოგრაფიული მიმოხილვა იხ.: გ. მელიქიშვილი. საქართველოს, კავკასიისა და მახლობელი აღმოსავლეთის უძველესი მოსახლეობის საკითხისათვის. თბ., 1965, გვ. 18-26..

⁹¹ . ივ. ჯავახიშვილი. ქართული და კავკასიური ენების თავდაპირველი ბუნება და ნათესაობა. თბ., 1937; მისივე: , 1939, 4, გვ. 47-48; მისივე: საქართველოს, კავკასიისა და მახლობელი აღმოსავლეთის ისტორიულ-ეთნოლოგიური პრობლემები. თბ., 1950, გვ. 250.

⁹² . საქართველოს ისტორია. აკად. ს. ჯანაშიას რედაქციით. თბ., 1943, გვ. 14, 16, 21, 45-48.

აღნიშნულ თემას შეეხო კ.შაყრილი. მას მიაჩნდა, რომ ქაშქები ადიღთა წინაპრები არიან, აბეშლა კი – აფსუა-აფხაზებისა; დაახლოებით III-II ათასწლეულების მიჯნაზე ისინი თითქოს ნელ-ნელა დაიძრნენ კავკასიისაკენ და ძვ.წ. I ათასწლეულში თანამედროვე აფხაზეთის ტერიტორიამდე მოაღწიეს; ავტორის აზრით, მოსული აფხაზურ-ადიღური ტომები განვითარების უფრო მაღალ საფეხურზე იდგნენ, ვიდრე ადგილობრივი მოსახლეობა, რომელსაც თავს მოახვიეს თავიანთი ენა და კულტურა¹⁰³. ამასთანავე კ.შაყრილი არაფერს ამბობს (და ვერც იტყოდა) იმის შესახებ, თუ რაში გამოიხატებოდა ვითომ მცირე აზიიდან გადმოსახლებულთა კულტურული უპირატესობა და სად გაქრა იგი შემდგომში. ამასთანავე უნდა აღინიშნოს, რომ არქეოლოგიური მასალა არ ადასტურებს მოსახლეობის შემადგენლობის რადიკალურ ცვლას ძვ.წ. I ათასწლეულში, ან მის გადაადგილებას მცირე აზიიდან ჩრდილოეთ კავკასიის მიმართულებით.

ქაშქა-აბეშლას ტომების მცირე აზიიდან კავკასიაში, მათ შორის დასავლეთ საქართველოში გადმოსახლების თეორიას მხარს უჭერდა არქეოლოგი ლ.სოლოვიოვი. მისი აზრით, დოლმენები აფხაზეთში ქაშქებმა დაამკვიდრეს, თუმცა თვითონვე აღნიშნავდა, რომ შავიზღვისპირეთში ეს დოლმენები მცირეაზიელი ტომების სავარაუდო გადმოსახლებამდეც არის დაფიქსირებული¹⁰⁴. აღნიშნულ მოსაზრებას ემხრობოდა ზ.ანჩაბაძეც; იგი ამტკიცებდა, რომ აფხაზური ეთნოსის ჩამოყალიბება მოხდა კავკასიის შავიზღვისპირეთში ადგილობრივი აბორიგენული მოსახლეობისა და ჩრდილო-დასავლეთ მცირე აზიიდან მოსული ტომების კონსოლიდაციის ხანგრძლივი პროცესის (ნეოლითის ხანიდან წინა ანტიკური ხანის ბოლო საუკუნეებამდე) შედეგად;¹⁰⁵ შემდგომში ზ.ანჩაბაძემ რამდენადმე განსხვავებული მოსაზრება წარმოადგინა. მისი მტკიცებით, აფხაზურ-ადიღურ-ქართველურ ტომებს უხსოვარი დროიდან ეკავათ კავკასიის დასავლეთი ნაწილი და მიმდებარე რაიონები მცირე აზიაში. ე.წ. დოლმენური კულტურის აყვავების პერიოდი, III ათასწლეულის დასასრული - II ათასწლეულის პირველი ნახევარი, უნდა განვიხილოთ, – წერდა მეცნიერი, – როგორც ძველაფხაზური ეთნოსის ჩამოყალიბების პერიოდი, ვინაიდან უფრო მეტად სწორედ მაშინ მოხდა პროტოაფხაზურ-ადიღური ეთნიკური ერთობის საბოლოო რღვევა¹⁰⁶. ზ.ანჩაბაძესთან ვერ ვპოულობთ სარწმუნო მონაცემებს III-II ათასწლეულებში დასავლეთ საქართველოში, კერძოდ, ენგურ-ფსოუს მონაკვეთზე მაინცდამაინც ძველაფხაზური ტომების მკვიდრობის შესახებ. შინაღ-იფას აზრითაც, ხათურ-აფხაზურ-ადიღური ტომები სამხრეთიდან ჩამოსულნი კი არ არიან, არამედ III-II ათასწლეულებში სახლობდნენ ტერიტორიაზე ჩრდილოეთ კავკასიიდან მცირე აზიამდე¹⁰⁷.

ეთნიკური ისტორიის საკითხებს შეეხო ო. ჯაფარიძეც. კავკასიის კულტურულ-ენობრივი დაშლის შემდეგ (IV-III ათასწლეულები) მის დასავლეთ ნაწილს (აფხაზეთის ჩათვლით) ხათურ-აფხაზურ-ადიღური ტომები იკავებენ, – წერდა იგი, – ქართველური ტომები კი ამ დროს ამიერკავკასიის დასავლეთ და ცენტრალურ ოლქებში არიან. დასავლეთ კავკასიაში აღმოჩენილი კულტურა ო.ჯაფარიძემ აფხაზ-ადიღთა კუთვნილებად მიიჩნია¹⁰⁸. სამწუხაროდ, იმავეს ამტკიცებდა მეცნიერი მოგვიანებითაც¹⁰⁹. ო.ჯაფარიძის პოზიცია ამჟამადაც თითქმის უცვლელი რჩება – გვიანნეოლითის ხანაში (III ათასწლეული) აფხაზ-ადიღთა წინაპრები ყუბანისპირეთში არიან, მაგრამ დასავლეთ კოლხეთში მათი ყოფნა გამორიცხული არ არის; აქ ისინი ვითომ ქართველური ტომების მეზობლად მოსახლეობდნენ, რამაც, შესაძლოა, განაპირობა აფხაზურ-ადიღურ და ქართ-

¹⁰³ . К. Шакрыл. К вопросу об этногенезе абхазско-адыгских народов. – Ученые записки Адыгейского НИИ, IV. Краснодар, 1965, с. 205-221.

¹⁰⁴ . Л. Н. Соловьев. Новый памятник культурных связей Кавказского Причерноморья в эпоху неолита и бронзы – стоянки Воронцовской пещеры. – Труды АБНИИ, т. XXI . , 1958, . 163-165.

¹⁰⁵ . З. Анчабадзе. История и культура древней Абхазии. М., 1964, с. 121.

¹⁰⁶ . З. Анчабадзе. Очерк этнической истории абхазского народа. Сухуми, 1976, с. 21

¹⁰⁷ . Ш. Д. Инал-ипа. Вопросы этнокультурной истории абхазов. Сухуми, 1976, с. 423-424.

¹⁰⁸ . ო. ჯაფარიძე. ქართველ ტომთა ეთნიკური ისტორიის საკითხისათვის არქეოლოგიური მასალების მიხედვით. თბ., 1976, გვ. 61, 266, 305.

¹⁰⁹ . О. Джапаридзе. На заре этнокультурной истории Кавказа. Тб., 1989, с. 393.

ველურ ენებში ასახული შეხვედრები¹¹⁰. სინამდვილეში ასეთი შეხვედრები ბევრად უფრო გვიანდელი ხანისაა.

არსებობს საპირისპირო შეხედულებებიც. მცირე აზიიდან დასავლეთ კავკასიაში ქაშქების გადასახლება, არ დასტურდება არქეოლოგიური მასალებით¹¹¹, მათ შორის დოღმენებით, რომლებიც არ არიან დაფიქსირებული მცირე აზიაში¹¹². მხედველობაშია მისაღები ის გარემოებაც, რომ ქაშქების ეთნიკური ჯგუფი დღემდე არსებობს ირანში¹¹³.

აფხაზ-ადიღთა ლინგვისტურ კავშირებს ხათებთან უარყოფს გერმანელი მეცნიერი ა.კამენჰუბერი. იგი მიიჩნევს, რომ ხათური და კავკასიური ენების გენეტიკურად ერთმანეთთან დაკავშირების მცდელობა წარუმატებელი იქნება იმის გამო, რომ ხათურის კვლამიდან კავკასიური ენების წერილობით ფიქსაციაზე 3000 წელიწადია გასული; შესაბამისად, დასკვნების გამოსატანად აუცილებელი მასალა არ დარჩა; აქედან გამომდინარე, იგი უარყოფს ი.დუნაევსკაიას პრეტენზიებს იმის თაობაზე, რომ ჯეროვნად არ მიმდინარეობს ხათურ და აფხაზურ-ადიღურ ენებს შორის სტრუქტურული თუ შესაძლო გენეტიკური კავშირების შესწავლა; მეცნიერი დარწმუნებულია, რომ ამ ენებში არსებულ მსგავსი ქვეყნობის სიტყვებს კავშირი ერთმანეთთან არა აქვთ¹¹⁴.

გენეტიკური კავშირის არსებობა ჩერქეზ-ადიღთა წინაპრების აღმნიშვნელ „ქასაგ“, „ქაშაგ“ ტერმინებსა და ქაშქას შორის გამორიცხულად მიაჩნია ნ.ვოლკოვას, ვინაიდან წყაროებში ისინი ორი ათასი წლის ინტერვალით მოიხსენიებიან¹¹⁵. ასეთივე შუალედია ლურსმული წარწერების „აბეშლასა“ და „ქართლის ცხოვრების“ „აფშილს“ შორის.

მარტო დიდ წყვეტილობას დროსა და აგრეთვე სივრცეშიც დამაჯერებელ არგუმენტად არ მიიჩნევს გრ.გიორგაძე. მეცნიერის აზრით, უფრო მთავარი ის გახლავთ, რომ „ქაშაგ“ – „ქაშქას“ იგივეობის დასადგენად მხოლოდ ტერმინთა ფონეტიკური მსგავსება (რომელიც შეიძლება შემთხვევითი იყოს) საკმარისი არ არის; ხეთური წყაროების „ქასქა“ მსგავსი ან იდენტურია სხვადასხვა ეპოქის ხალხთა სახელწოდებებისა, რომლებიც ცხოვრობდნენ (ზოგ შემთხვევაში ახლაც ცხოვრობენ) მსოფლიოს სხვადასხვა მხარეში (კამერუნში არის ტომი „ქასქა“, ინდოეთში – გაშქა, პამფილიაში – სამხრეთ მცირე აზიაში – ცხოვრობდა ქერქოი და ა.შ.); გრ.გიორგაძე ყურადღებას აქცევს იმ გარემოებასაც, რომ „ქაშაგი“ ს.-ს. ორბელიანთან განმარტებულია როგორც „მოზრდილი ტყვე“, ხოლო ზაზა ფანასკერტელთან სიტყვა „ქაშქი“ – ნიშნავს „წუენი ქერის კორკოტისა“ (გამოიყენებოდა ლუდის აღსანიშნავადაც)¹¹⁶. უფრო ზუსტად, ს.-ს. ორბელიანი ასეთ განმარტებას იძლევა: „ქაშაგი მოზრდილი ტყვე, და ბაღანა-ჩვილი“¹¹⁷. დ.ჩუბინაშვილი უფრო აკონკრეტებს ამ ქართული სიტყვის მნიშვნელობას: „ქაშაგი, ტყვედ გასაყიდად დანიშნული მოზრდილი ყრმა“¹¹⁸. აქვე, განსჯისათვის შეგვიძლია დავსძინოთ, რომ ჩინგიზ-ხანის პირად გვარდიას ქეშივი ერქვა. ამრიგად, მტკიცებას „ქაშაგ“-„ქაშქას“ იდენტურობის შესახებ მტკიცე საფუძველი არ გააჩნია.

გრ.გიორგაძემ შეისწავლა ქასქების ეთნიკური ვინაობა; მან არ გაიზიარა მოსაზრება ხათებთან მათი იდენტიფიცირების შესახებ იმ მიზეზით, რომ ეს ტომები განვითარების სხვადასხვა საფეხურებზე იმყოფებოდნენ; აფხაზურ-ადიღურ ტომებთან ქასქების დაკავშირებაც არაღამაჯერებლად მიიჩნია ტომთა სახელების ბგერითი სიახლოვის გარდა სხვა არგუმენტების უქონლობის გამო; არ არსებობს აგრეთვე ქასქების გადასახლება-გადმოსახლების დამადასტურებელი რაიმე მასალა. ხეთურ და ლურსმულ

110 . ო. ჯაფარიძე. ქართველი ერის ეთნოგენეზის სათავეებთან. თბ., 2006, გვ. 248.

111 . Е. Алексеева. Древняя и средневековая история Карачаево-Черкессии. М., 1971, с. 186-198.

112 . В. Марковин. Дольменная культура и вопросы раннего этногенеза абхазо-адыгов. Нальчик, 1974, с. 29.

113 a
 , 1980, . 166.

114 . А. Камменхубер. Хатский язык. – Древние языки Малой Азии. Под редакцией И. М. Дьяконова и Вяч. Вс. Иванова. М., 1980, с. 23-98.

115 . Н. Г. Волкова. Этнонимы и племенные названия Северного Кавказа. М., 1973, с. 22.

116 . გრ. გიორგაძე. უძველესი ახლოაღმოსავლური ეთნონები და ქართველთა წარმომავლობა. თბ., 2002, გვ. 96-97.

117 . სულხან-საბა ორბელიანი. ლექსიკონი ქართული, II. თბ., 1993, გვ. 218.

118 . დ. ჩუბინაშვილი. რუსულ-ქართული ლექსიკონი. თბ., 1984, გვ. 1330.

ტექსტებში ასახული ქასქური ტოპონიმების¹¹⁹, საკუთარი სახელებისა¹²⁰ და ცალკეული სიტყვების¹²¹ პირველადმა ანალიზმა მეცნიერი იმ დასკვნამდე მიიყვანა, რომ ქასქები მეტ ერთობას ავლენენ ქართველებთან (მეგრულ-ლაზებთან და სვანებთან), ვიდრე აფხაზ-ადილებთან¹²².

გრ.გიორგაძე განიხილავს აბეშლაელთა¹²³ ვინაობის საკითხსაც. ასურეთის მეფის ტიგლათფალასარ I-ის (ძვ.წ. 1115-1077წწ.) სახელით შედგენილ ტექსტებში ისინი მოხსენიებული არიან ქასქების ვარიანტად, რაც იმას უნდა ნიშნავდეს, რომ ლურსმული ტექსტების ქაშქაც ასევე სინონიმია იმავე აბეშლასი, – წერს მეცნიერი და დაასკვნის: „თუკი ამ შეხედულებას („ქაშქა“ – „აბეშლას“ სინონიმობის შესახებ) გავიზიარებთ, მაშინ ხეთური და ასურული წყაროების ქასქები (ქაშქები) და ასურული ტექსტების აბეშლაელები (საერთო ჯამში აფსილებიც – „აბეშლა“ და „აფსილი“ ტერმინების გაიგივების შემთხვევაში) ერთი და იმავე ჩამომავლობის – სამხრეთკოლხური წარმოშობის ტომებია“¹²⁴.

მთელი რიგი არგუმენტების მოშველიებით (უზუსტობები ასურულ ტექსტებში, აბეშლაელთა ლოკალიზაცია, ხეთურ ტექსტებში მათ შესახებ ინფორმაციის უქონლობა, პოლიტიკურ ასპარეზზე შედარებით გვიან გამოჩენა და ა.შ.) გრ. გიორგაძე უარყოფს „ქაშქა“ – „აბეშლას“ იგივეობას და გამოთქვამს ვარაუდს, რომ აბეშლაელები ქაშქებთან და მუშქებთან ერთად დასავლურქართველური წარმოშობისანი არიან; ამასთანავე, ჰიპოთეზურს უწოდებს „აბეშლა“ – „აფსილი“ – „აფსუას“ – სულ სხვადასხვა ეპოქისა და რეგიონის ხალხების გაიგივების მცდელობას, რომელიც მხოლოდ და მხოლოდ ტერმინთა მიახლოებით მსგავსებას ეფუძნება; თუკი ასეთ იგივეობას დავუშვებთ, „მაშინ აფსილებიც კოლხური (მეგრულ-ლაზური) წარმომავლობის ტომად უნდა ჩავთვალოთ, რადგან აბეშლაელები ქაშქებთან ერთად სწორედ ასეთ ტომად მიგვაჩნია“¹²⁵. ასეთია გრ.გიორგაძის მოსაზრება, რომელიც პრინციპულად განსხვავდება ამ საკითხზე სხვა მეცნიერების, მათ შორის გ. მელიქიშვილის¹²⁶ დასკვნებისაგან. იმედია, მომავალში ეს მოსაზრება დამატებითი არგუმენტებით გამყარდება.

მცირე აზიის ჩრდილო-დასავლეთიდან აფხაზურ-ადილური ტომების წინაპართა დასავლეთ კავკასიაში გადასახლების თუ ამ ტომების კავკასიიდან მცირე აზიამდე გავრცელების თეორიის დასაბუთებას დასავლეთ საქართველოში ამჟამად არსებულ ტოპონიმებითაც ცდილობენ. როგორც უკვე ითქვა, ერთ-ერთი პირველი იყო ნ.მარი, რომელმაც დასავლეთ საქართველოს ზოგიერთ რეგიონში (აჭარა, გურია, სვანეთი, რაჭა) არსებული ცალკეული ტოპონიმები ვითომ აქ 3 ათასზე მეტი წლის წინ მოსახლე აფხაზთა წინაპრებს მიაკუთვნა. საბჭოთა პერიოდში ეს მოსაზრება განავითარეს დ. გულიამ, ს. ჯანაშიამ, ივ. ჯავახიშვილმა და სხვებმა. „აფხაზურ-ჩერქეზული ეტიმოლოგიის მდინარეთა და პირთა სახელების“ საფუძველზე დ. გულიამ მთელი

¹¹⁹ ასხარბაია/აშხარბაია, ელური/ილური, ცითახარია (მთა), გახარია/ქახარია (დასახლება), ფათხარია, ფათალია, სუსური/შუსური, თიფია, ციხარია (ქვეყანა), სარია/შარია (მდინარე), თეხულია/თიხულია, თასქულია/თაშქურია (დასახლება), თიმია (დასახლება), ცულია (მდინარე), დუდუსქა/დუდუშქა (ქასქების მთავარი დასახლება), მუნისქა/მუნისქა, თათისქა/თათიშქა, ციანთისქა/ციანთიშქა, ხათენცუვა, ქარანსუვა, თაფასავა, ქათალადუვა, ქათითიშუვა და ა. შ.

¹²⁰ ასხაფალა, ხაცინა, ქასქაშუვა, ფათა (პათა), ფათალია, ფიხუნია, ფია (ბია), სუისმელი (შუიშმელი), დადი (დათა, თათა), დადიდუ, თემეთი, თითა (ლითა), ქასქაილი (ქასქელი), სამეთილი (სამთელი), დადილუ (დადიელი) და ა. შ.

¹²¹ ფეგაფილუ, ფიგურიალი, ფიფალადა, ფითაურია, ფითუნთუშ და ა. შ. (მათი მნიშვნელობა უცნობია)

¹²² გრ.გიორგაძე. დასახ. ნაშრომი, გვ. 108-111; ნ. ხაზარაძე თვლის, რომ ურთიერთკავშირი მუშქებსა და მოსხებს, მუშქებსა და ქაშქებს, ქაშქებსა და მოსხებს შორის აშკარაა, რაც მოსხებისა და მუშქების აღმნიშვნელი ტერმინების იგივეობის ერთ-ერთ მოწმობად შეიძლება ჩათვალოს (ნ. ხაზარაძე. მესხი ეთნიკური ტერმინის ისტორიისათვის. საქართველოს და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 39).

¹²³ ი. გელები „აბეშლა“ ტერმინს აკავშირებდა მესოპოტამიური წყაროების „აფშილ“ („აბშილ“) სახელწოდებასთან, ხოლო აბეშლაელების ტერიტორიას – მდ. ტიგროსისა და ვანის ტბას შორის მდებარე რაიონებთან. სიტყვა „აბეშლა“ თავისი ფონეტიკური შემადგენლობით ახლოს დგას აგრეთვე ერთ-ერთი ასურული მეფის სახელთან – აბიაშალ (აფიაშალ); იგივე სიტყვა შეიძლება გაგებულ იქნას როგორც მამაკაცის სახელი „აბიშალამ“. გრ.გიორგაძე დასაშვებად მიიჩნევს, რომ აბეშლაელები სემიტური წარმოშობისა იყვნენ (გრ. გიორგაძე. დასახ. ნაშრომი, გვ. 119)

¹²⁴ გრ. გიორგაძე. დასახ. ნაშრომი, გვ. 115. გასათვალისწინებელია ის გარემოება, რომ ძვ.წ. III-II საუკუნეებში წინარე ქართველური ენა ჯერ კიდევ არ იყო დიალექტებად დაყოფილი.

¹²⁵ იქვე. გვ. 121.

¹²⁶ გ. მელიქიშვილი. ძიებანი ... გვ. 93-96.

დასავლეთ კავკასია, სომხეთი და თურქეთი, როგორც ზემოთ ითქვა, აფხაზთა წინაპრების ისტორიულ საცხოვრისად გამოაცხადა¹²⁷.

ს.ჯანაშიას მოხსენებაში „ჩერქეზული (ადიღური) ელემენტი საქართველოს ტოპონიმიაში“ (1933წ.) „არაქართული“ სახელწოდებების (აკამფსი, სუფსა, ავიდაყვა, აჭყვა, მალთაყვა, ბობოყვათი, ბერეყვა და ა.შ.) ანალიზის საფუძველზე გაკეთებულია დასკვნა: „საქართველოს ტერიტორიის გარკვეულ ნაწილში ჩერქეზული ტოპონიმია უდავოდ დადასტურებულად უნდა ჩაითვალოს... ეს კი აქ ჩერქეზული მოსახლეობის ოდინდელი მოსახლეობის ნაკვალევია“¹²⁸. იგივე მოსაზრება გამოთქვა ივ.ჯავახიშვილმა. ფს-ბოლოკიდურიანი ჰიდრონიმები მან ჩერქეზულად აღიარა, ხოლო ფს-ბოლოკიდურიანი სახელების სახელმძღვანელოდ ყაბარდოელები მიიჩნია, ყვა, ყუარა კი აფხაზებს მიაკუთვნა¹²⁹. მანვე საბჭოთა კავშირის მეცნიერებათა აკადემიაში 1939წ. მაისში წაკითხულ მოხსენებაში იმ მოტივით, რომ ჩერქეზულად ყვა ძე-ს ნიშნავს, ქართული გვარები ინგორო-ყვა, ჭანუ-ყვა-ძე, დელე-ყვა ადიღური წარმოშობის გვარებად გამოაცხადა. ასევე ადიღურ ტოპონიმებად ჩათვალა ხოფა, სინოპი. სოფელ ბუნივეის (ხარაგაულის რ-ნი) სახელწოდებაც ჩერქეზულად (ნიშნავს ნიორს) იქნა ახსნილი. „ამრიგად, – ასკენის ივ.ჯავახიშვილი, – ისტორიამდელ ხანაში ადიღეელები უნდა ყოფილიყვნენ დასახლებული დასავლეთ ამიერკავკასიაში, ისტორიული ხანის საქართველოს ტერიტორიაზე“¹³⁰.

ფს-, ფშ-, ყვა- ელემენტების შემცველი ონომასტიკა, მთელ რიგ გარემოებათა გამო, ჩერქეზ-ადიღთა წინაპრების ნაკვალევად ვერ ჩაითვლება. პირველ რიგში, მოყვანილი ტოპონიმები და ჰიდრონიმები ლათინური, ბერძნული და ქართული წარმოშობისაა, რაზეც ყურადღებას ივ.ჯავახიშვილიც ამახვილებდა¹³¹; მეორეც, მათი ნაწილი ეკუთვნის არა 3-5 ათასი წლის წინანდელ პერიოდს, არამედ გვიანანტიკური, ან, შესაძლოა ადრეული შუა საუკუნეების ხანას, როცა მდ.რიონის სამხრეთით მდებარე თითქმის უკაცრიელ ტერიტორიებზე (თანამედროვე გურია, იმერეთისა და აჭარის ნაწილები) კვლავ ქართული მოსახლეობა დამკვიდრდა¹³²; მეორე ნაწილი ძველ წერილობით წყაროებში საერთოდ არ იხსენიება. ჩერქეზ-ადიღთა ნაკვალევად მიჩნეული სახელწოდებების დათარიღების აუცილებლობაზე კი საკვებით სამართლიანად გაამახვილა ყურადღება მ.ინაძემ¹³³; მესამეც, მსგავსი ტოპონიმები მრავლად გვხვდება როგორც საქართველოში, ისე ევრაზიისა და აფრიკის კონტინენტებზე¹³⁴. ყვა- (კვა), ფს-, ფშ- კომპონენტების შემცველი სიტყვებიც საკმარისად მოიპოვება სხვადასხვა ენებში,

¹²⁷ . Д. Гулиа. დასახ. ნაშრომი, გვ. 76-77.

¹²⁸ . ს. ჯანაშია. შრომები, ტ. III. თბ., 1949, გვ. 120-122.

¹²⁹ . ი. ჯავახიშვილი. ქართველი ერის ისტორიის შესავალი. საქართველოს, კავკასიის და მახლობელი აღმოსავლეთის ისტორიულ-ეთნოლოგიური პრობლემები. თბ., 1950, გვ. 43-46.

¹³⁰ . Вестник Древней Истории, 1939, №4, с. 35-46.

¹³¹ . ივ. ჯავახიშვილი. საქართველოს, კავკასიის..., გვ. 34-38. მოგვიანებით გ. ახვლედიანმა უარყო ქ. ლომთათიძის მიერ გამოთქმული შეხედულებები და აღნიშნა, რომ, სავარაუდოდ, ფს- და ყვა- კომპლექსები საერთო უნდა ყოფილიყო ადიღურსა და ქართველურ ენებში. – გ. ახვლედიანი. აფხაზეთის ისტორიული ტოპონიმის ზოგიერთი საკითხისათვის. – მნათობი, 1957, №2, გვ. 113-114.

¹³² . ბიზანტიელი ისტორიკოსი პრ. კესარიელი (VI საუკუნე) აღნიშნავდა, რომ მდ. ფაზისის მარცხენა მხარეს ლაზებს პეტრას გარდა სხვა დასახლებული პუნქტები არ ჰქონდათ, რომ ეს მხარე მოკლებულია მნიშვნელოვან სამოსახლოებს, ან მთლიანად დაუსახლებელია (გეორგიკა, ტ. 2, გვ. 101, 182). ეს სარწმუნო ცნობა (დ. მუსხელიშვილი მას შეცდომად მიიჩნევს. – იხ. მისი: საქართველოს ისტორიული გეოგრაფიის ძირითადი საკითხები, I. თბ., 1977, გვ. 102-104) აღწერილი ვითარების თანამედროვე კომპეტენტური ავტორისა გვეხმარება საკითხის ქრონოლოგიის გარკვევაში. სადავო გეოგრაფიული სახელწოდებები უძველეს ხანაში მათი წარმოქმნის შემთხვევაში უეჭველად გაქრებოდნენ (ისედაც არც ერთ წყაროში არ მოიხსენიებიან), მათი გავრცელების თითქმის მთელი არეალის დიდი ხნით მოსახლეობისგან დაცლის გამო. ახალი, მათ შორის ჩვენთვის საინტერესო ონომასტიკის ფორმირება ლაზეთის ხსენებულ ნაწილში VI საუკუნის შემდგომ პერიოდს უნდა მივაწეროთ.

¹³³ . მ. ინაძე. ძველი აფხაზეთის ეთნო-პოლიტიკური ისტორიის საკითხები. – მაცნე. ისტორიის... სერია, 1992, №2, გვ. 52.

¹³⁴ . აფში (სოფ. დუშეთის რ-ში), აკვი/აკვი (ამფ. ქ. ექსე საფრანგეთი), ქ. აკანენდენტე (იტალია), ქ. აკვილეა (ძველი იტალია), კვანჯოუ (სამხრეთ კორეა), კვალეია (კუნძ. ნორვეგიაში), ფსახია, ფსერემოსი (კუნძ. საბერძნეთში), ქ. ფსკოვი (რუსეთი), ქ. ფსოდორიტოსი (საბერძნეთი), ფსატურა, ფსარა/ფსარა/ფსარა (კუნძ. საბერძნეთში), ფსელეცკოე (სოფ. კურსკის ოლქში), ფსკენტი (რაიონული ცენტრი უზბეკეთში), ფშემისლი (თანამედროვე პერემიში პოლონეთში); ფშია (მდ. ქართლში), აკვიტანის აუზი (საფრ.), კვა (მდ. ზაირში), კვანგო, კვანზა (მდ. ანგოლაში), კვანდო (მდ. ნამიბია-ზამბია-ანგოლა-ბოტსვანაში), კვარკენი (სრულტე ბალტიის ზღვაში), კვალფორდო (უბე ჩრდ. ყინულოვან ოკეანეში), კვარნგრო (ადრიატიკის ზღვის ყურე), მდინარე და ქალაქი მოს- კვა (მოსკოვი), ფსიოლი (მდ. დნეპრის შენაკადი), ფსკენი (მდ. უზბეკეთში), ფსკოვა (მდ. რუსეთში) და ა. შ.

მათ შორის ქართულშიც¹³⁵; მეოთხეც, დაუჯერებელია, რომ დაახლოებით 3-4 ათასი წლის წინ აფხაზ-ადილებს საქართველოში ჰქონოდათ სოფლები, რომელთა სახელწოდებები უცვლელად დღემდე შემორჩა; იგივე ეხება ჰიდრონიმებს, მით უმეტეს – გვარებს¹³⁶, რომელთა ჩამოყალიბება გვიანდელი (ახ.წ. VII საუკუნისა და შემდგომი პერიოდის) მოვლენაა; მეხუთეც, შეუძლებელია ფს-, ფშ-, ყვა- ელემენტებიანი ონომასტიკა აფხაზ-ადილთა წინაპრებს იმ შორეულ წარსულში დაეტოვებინათ ტერიტორიაზე, რომელიც ვითომ გამოიარეს (ან დროებით ეკავათ) მაშინ, როცა ასეთი სახელწოდებები შესაბამისი უძველესი ხანისა არ გვხვდება სეპარატისტული ისტორიოგრაფიის მიერ აფხაზთა მუდმივ საცხოვრებლად მიჩნეულ ადგილებში – მცირე აზიასა¹³⁷ და აფხაზეთში, აგრეთვე მის ჩრდილო-დასავლეთით მდებარე რაიონებში. გამოდის, რომ აფხაზურ-ადილურად თუ ჩერქეზულად გამოცხადებული ტოპონიმიკა შორეულ წარსულში არსებობდა ყველგან, გარდა დასავლეთ საქართველოს ენგურ-ფსოუს მონაკვეთისა. ფს- კომპლექსის შემცველი სახელი ჩრდილო-დასავლეთ კავკასიაში პირველად კლავდიოს პტოლემეაიოსთან (ახ.წ. II.) გვხვდება – ქამფსალიდა, რომელიც დაახლოებით მდ.შახეს ნაპირას, გოლოვინის კონცხთან მდებარეობდა¹³⁸; V საუკუნის ანონიმი ავტორი ასევე თანამედროვე აფხაზეთის ფარგლებს გარეთ ახსენებს „ნიკოფსიას“ (ყოფილი „ძველი ლაზიკა“ მდებარეობდა დღევანდელი ტუაფსეს ჩრდილო-დასავლეთით), „ფსახაფსს“ (მდინარეა ქ.ნიკოფსიასთან), „ტოფსიდას“ (მდ.ტუაფსე)¹³⁹. სავარაუდოდ, ლათინურ, ბერძნულ, ან ქართულ ენებთან დაკავშირებული ეს სახელები გაითავისეს V საუკუნისათვის ნიკოფსიაში დამკვიდრებულმა ჯიქებმა, სხვა ჩრდილოეთ კავკასიელმა ხალხებმა. შეუძლებელია, პირიქით მომხდარიყო: იგივე ყვა – XIX-XX საუკუნეებამდე უდამწერლობო აფსურ-აფხაზურიდან შესულიყო ლათინურში, ბერძნულში და მსოფლიოს სხვადასხვა ხალხთა ენებში.

ასეა თუ ისე, მოსაზრება დასავლეთ საქართველოში წინარე აფხაზურ-ადილურ ტომთა მოსახლეობის შესახებ საფუძველს მოკლებულია. აკად. სიმონ ჯანაშიამ ქართველთა ეთნოგენეზის ახალი თეორიის შემუშავებით ფაქტობრივად თავადვე უარყო იგი. აფხაზურ-ადილურ ტომთა წინაპრების დასავლეთ საქართველოში ყოფნას „თავისთავად საკმაოდ საეჭვოდ“ მიიჩნევს ნ. ლომოური¹. აღნიშნული შეხედულება უარყოფილია თანამედროვე ენათმეცნიერებაში (იხ. აქვე, თავი XI).

ისტორიამდელ ხანაში დასავლეთ საქართველოს (აფხაზეთის ჩათვლით) მოსახლეობის შესახებ სარწმუნო ცნობების შემცველი ძველბერძნული თქმულებები და სხვა მასალები აღნიშნულ ტერიტორიაზე, როგორც ზემოთ დავინახეთ, მხოლოდ ქართველთა წინაპრებს და ძველ ქართულ სახელმწიფოს აფიქსირებენ.

ვარაუდობენ, რომ ძვ.წ. VIII ს. ბოლოს ჩრდილოეთ კავკასიიდან სამხრეთის მიმართულებით სალაშქროდ დაძრულმა კიმერიელებმა კოლხეთის სამეფოს ტერიტორიაზე გამოიარეს და თითქოს ქვეყანას მძიმე დარტყმა მიაყენეს. როგორც ო.ლორთქიფანიძე მიიჩნევს, თუ მართლა განხორციელდა კიმერიელთა შემოსევები, მაშინ, ალბათ, მხოლოდ სამხრეთ-აღმოსავლეთ კოლხეთი დაზარალდა². თ.ბერაძე ასევე

¹³⁵ . ამფსონი, აფსიდა, აფსინდი, აფსიორება, აფსიკი, აკვალანგი, აკვამარინი (მინერალი), აკვაპარკი, აყვა (ლათ. წყალი), აყვაგითი (მაცოცხლებელი წყალი), ელიფსისი (ბერძნ.), ელიფსოიდი (ბერძნ.), ფსალმუნი, ფსალტირი, ფსატი, ფსეფდონიმი, ფსელი, ფსენი, ფსონი, ფსიადი (სასამეველე), ფსიტი (არჩვი), ფსილები (მსუბუქი ქვეითი ჯარი საბერძნეთში), ფსოლეფიტი (მცენარე), ფსილომელანი (მინერალი), ფსილოსი (ბერძნ. შიშველი), ფსინი, ფსიქო, ფსეკერი, ფსოვი, ფსორიაზი, ფსტინი, ფშანი, ფშატი, სი-ყვა-რული, ყვაგი, ყვაგილი, ყვანჩალა და ა. შ.

¹³⁶ . ყვა-ს შემცველი გვარების ჩერქეზულ-ადილურ წარმოშობას თუ დაუუშვებთ, ეს მხოლოდ იმას ნიშნავს, რომ ასეთი გვარების მატარებელთა წინაპრები სხვადასხვა სოციალური მიზეზების გამო არც თუ ისე შორეულ წარსულში ჩრდილოეთ კავკასიიდან საქართველოში ჩამოსახლებულან (შდრ. გრუზინოვები რუსეთში, სოკოლოვები, გოგოლები საქართველოში, გვარი აფხაზი კახეთში, მარშანიები გურიაში, და ა. შ.).

¹³⁷ . გრ. გიორგაძე ახლოაღმოსავლურ ეთნოსებს უშემერების ჩათვლით, საკმაოდ დასაბუთებულად, არა აფსუა-აფხაზებთან, არამედ დასავლურ-ქართულ სამყაროსთან აკავშირებს (გრ. გიორგაძე. დასახ. ნაშრომი, გვ. 22-26 და ა. შ.).

¹³⁸ . ნ. ლომოური. კლავდიოს პტოლემეაიოსი, „გეოგრაფიის სახელმძღვანელო“, ცნობები საქართველოს შესახებ. – მასალები საქართველოსა და კავკასიის ისტორიისათვის, ნაკვ. 32. თბ., 1955, გვ. 52.

¹³⁹ . გეორგიკა, ტ. 2. თბ., 1965, გვ. 11.

1. ნ. ლომოური. ძველი აფხაზეთის ეთნო-კულტურული ისტორიიდან. თბ., 1998, გვ. 5; იხ. აგრეთვე მისივე: *Некоторые вопросы ранней истории Абхазии (Ответ проф. Ш. Д. Инал-ипа)*. – მაცნე ისტორიის... სერია, 1990, №3, გვ. 165-166.

2. ო. ლორთქიფანიძე. „ოქრომრავალი კოლხეთი“ (მითი და რეალობა). – სამეგრელო, კოლხეთი, ოდიში. თბილისი-ზუგდიდი, 1999, გვ. 61.

არ ეთანხმება მოსაზრებას ძვ.წ. VIII ს. ბოლო მეოთხედში კოლხეთის სამეფოს არსებობის უწყვეტის შესახებ და ვარაუდობს, რომ კიმერიელთა შესაძლო შემოსევას კატასტროფული შედეგები არ მოჰყოლია; წინააღმდეგ შემთხვევაში, ეს ფაქტი აისახებოდა არქეოლოგიურ მასალაშიც (იხ. აქვე, გვ. 26-27) და ბერძნულ-სომხურ მწერლობაშიც³. უნდა ითქვას, რომ პირდაპირი თუ ირიბი მონაცემები სხვა ვარაუდებისათვის – კიმერიელების მიერ კოლხეთის სრული განადგურების, სამეფოს ტერიტორიაზე მეზობელი მთიელების შემოღწევისა და დამკვიდრების, „ძალთა თანაფარდობის შეცვლის“ შესახებ⁴ არ არსებობენ. როცა დანამდვილებით ისიც კი არ არის ცნობილი, კიმერიელებმა აღმოსავლეთ შავი ზღვისპირეთი მართლაც გამოიარეს და მიაყენეს თუ არა დარტყმა ჩრდილო-დასავლეთ კოლხეთს, ყოველგვარ აზრს კარგავს შემდგომი ვარაუდების მთელი სერიალი ამ „დარტყმის“ ნეგატიური შედეგების თაობაზე. მეტი საფუძველი არსებობს სხვა ვარაუდისათვის – კოლხეთის სამეფომ განსაკუთრებულ ძლიერებას სწორედ ძვ.წ. VIII საუკუნიდან მიაღწია (დიაუხის სამეფოს განადგურება და შემოერთება და ა.შ.). იმ დროიდან დაიწყო და მომდევნო საუკუნეებში უფრო ინტენსიურად მიმდინარეობდა შავი ზღვის სანაპიროების ბერძნული კოლონიზაცია, რამაც გავლენა იქონია პოლიტიკური პროცესების შემდგომ განვითარებაზე. მართებულია მ. ლორთქიფანიძის მოსაზრება ქართული სახელმწიფოს ისტორიის უწყვეტი ხაზის არსებობის შესახებ⁵. ეს უწყვეტობა დადასტურებულია თ.მიქელაძისეული პერიოდიზაციითაც⁶, რომლის თანახმად, ძვ.წ. XIII ს-დან დაწყებული კოლხეთის სამეფოს ისტორიის პირველი პერიოდი ძვ.წ. VI ს. შუა ხანებში დასრულდა. მეცნიერი მას „ძველი სამეფოს პერიოდს“ უწოდებს; ამის შემდეგ იწყება და ძვ.წ. I საუკუნემდე გრძელდება „შუა სამეფოს“ ახალი პერიოდი, რომელიც გვიანდელი (I-IV სს.) სამეფოს პერიოდმა შეცვალა⁷.

2. ეთნოპოლიტიკური ვითარება ძვ. წ. VI-I სს.

ძვ.წ. VI საუკუნის დასასრულისათვის შავი ზღვის სანაპიროები ბერძნული კოლონიებითაა დაფარული. ეს საკითხი დეტალურადაა შესწავლილი ქართულ

³ თ. ბერაძე. ძველი ეგრისის (კოლხეთის) სამეფო, გვ. 34.

⁴ . საქართველოს ისტორიის ნარკვევები, ტ. I, გვ. 392-393; Н. Борулава. Город Диоскурия-Севастополис и район Сухумской бухты в античную эпоху (VI в. до н. э. и III в. н. э.). Тб., 2005, გვ. 28.

⁵ ქართული სახელმწიფოებრიობის სათავეებთან, გვ. 136-141.

⁶ თ.მიქელაძე. ძიებანი კოლხეთისა და სამხრეთ-აღმოსავლეთ შავი ზღვისპირეთის უძველესი მოსახლეობის ისტორიიდან (ძვ. წ. II-I ათასწლეულები). თბ., 1974, გვ. 179-182.

⁷ ე. შნირელმანი პირველი ძველქართული სახელმწიფოს ისტორიას, მოსაზრებას სახელმწიფოებრიობის უწყვეტობის შესახებ „კოლხიდის მირაჟს“, ხოლო თ. მიქელაძის პერიოდიზაციას ფანტასტიკურს, ძველი ეგვიპტის ისტორიის პერიოდიზაციის განმეორებას უწოდებს, მაგრამ ქართველ მეცნიერთა არგუმენტებს ღვარძლიანი შეფასებების გარდა ვერაფერს უპირისპირებს (. . . , გვ. 336-349).

ისტორიოგრაფიაში¹⁴⁰. დადგენილია, რომ აფხაზეთის თანამედროვე ტერიტორიაზე ძვ.წ. VII ს. წარმოიშვნენ ახალშენები დიოსკურიასა (სოხუმი) და გიენოსში (მდ.მოქვის შესართავთან)¹⁴¹; ძვ.წ. I ათასწლეულის მეორე ნახევრით თარიღდება ეშერის ნაქალაქარი, სადაც ასევე არსებობდა ბერძნული ფაქტორია. ახალშენების დაფუძნება მოხდა ადრე არსებულ სავაჭრო-ეკონომიკურ ცენტრებში, ქალაქებში, რასაც ჯერ კიდევ დიუბუა დე მონპერემ მიაქცია ყურადღება¹⁴²; ბერძნული კოლონიები, მიუხედავად დამფუძნებელთა დამპყრობლური მიზნებისა, ადგილობრივთა მხრიდან მედგარი წინააღმდეგობის გამო ჩამოყალიბდნენ არა დამოუკიდებელ პოლისებად, არამედ სავაჭრო ფაქტორიებად. ნ.ლომოური დამაჯერებლად ასაბუთებს, რომ დასავლეთ საქართველოში არსებული და „ბერძნულად მიჩნეული ახალშენები თავიდანვე არ წარმოადგენდნენ წმინდა ბერძნულ ქალაქებს და ერთგვარ „შერეულ ხასიათს“ ატარებდნენ: ბერძენ კოლონისტთა გვერდით ამ ქალაქებში, სხვა ბერძნულ კოლონიებთან შედარებით, მნიშვნელოვან როლს ასრულებდა ადგილობრივი, ქართული მოსახლეობა“¹⁴³. ბერძნული კოლონიები ძირითადად საშუამავლო ვაჭრობით იფარგლებოდნენ, რაც, ო.ლორთქიფანიძის აზრით, იმას ნიშნავდა, რომ ისინი სწორედ ემპორიონებს, ე.ი. სავაჭრო ქალაქებს წარმოადგენდნენ; მათ ვერ მოახერხეს მსხვილ ბერძნულ ქალაქებად ჩამოყალიბება, რისი ძირითადი მიზეზი გახლდათ „პოლიტიკური ვითარება – კოლხური სახელმწიფოებრიობა და ადგილობრივი დემოგრაფიული სიტუაცია. ამ უკანასკნელი ფაქტორის საგანგებო შესწავლამ გვიჩვენა სწორედ, რომ ბერძნული კოლონიზაციის დაწყებამდე შავი ზღვის აღმოსავლეთ სანაპირო მთლიანად იყო სამეურნეო თვალსაზრისით ადგილობრივი მოსახლეობის მიერ ათვისებული და ასევე ყოველგვარი დემოგრაფიული ძვრების გარეშე დარჩა იგი იმავე ტერიტორიაზე“¹⁴⁴.

ამასთან დაკავშირებით, დამატებით არგუმენტაციას მოითხოვს მოსაზრება მხოლოდ ძვ.წ. VII ს. უკანასკნელ მეოთხედში კოლხური ტომების სახელმწიფო გაერთიანების საბოლოო ფორმირების, ფაქტობრივად სახელმწიფოს აღდგენის შესახებ, რასაც ნიადავი, თითქოს, უკანასკნელი პერიოდის ეკონომიკურმა და კულტურულმა აღმავლობამ მოუმზადა (მ. ინაძე), აგრეთვე მტკიცება, ვითომ ბერძნული კოლონიების დაარსება ემთხვევა ჯერ კიდევ „გასახელმწიფოებრიობის გზაზე“ შემდგარი „მძლავრი და ფართო გაერთიანების არსებობას“ (ნ.ლომოური)¹⁴⁵. მოვლენათა განვითარების ლოგიკიდან და მკვლევართა ხელთ არსებული მწირი მონაცემებიდან გამომდინარე, პირველ რიგში, უნდა ითქვას, რომ ჯერ არავის დაუმტკიცებია აია-კოლხეთის სამეფოს არსებობის შეწყვეტის ფაქტი; ძვ. წ. VIII-VII სს. სახელმწიფოებრიობის წყვეტას თუ დაეუშვებთ, მაშინ უნდა გვეკონდეს პასუხი კითხვაზე: ვინ მართავდა, რომელ დამპყრობელს ეკუთვნოდა ამ პერიოდში ისტორიული კოლხეთი? მეორეც, იმჟამინდელი საკმაოდ მდიდარი არქეოლოგიური მასალა დასავლეთ საქართველოს (აფხაზეთის ჩათვლით) ეკონომიკური, კულტურული და სოციალური განვითარების ისეთ მაღალ დონეს აფიქსირებს, რომლის მიღწევა სახელმწიფო ორგანიზაციის გარეშე წარმოუდგენელია; მესამეც, ბერძენ კოლონიზატორებთან გამკლავება, ახალშენების თვითმმართველ პოლისებად ჩამოყალიბებისათვის ხელის შეშლა ასევე შეუძლებელი იქნებოდა ძლიერი სახელმწიფო ხელისუფლების გარეშე; ჩრდილო-დასავლეთ შავიზღვისპირეთში ბერძნებს სახელმწიფო რომ არ დახვედროდათ, ისინი აუცილებლად დამოუკიდებელ პოლისებს შექმნიდნენ (როგორც ეს ჩრდილოეთ და სამხრეთ-აღმოსავლეთ შავიზღვისპირეთში გააკეთეს) და შემდგომში მათი უფლებების შემზღვევა სახელმწიფოს ფორმირებას ნებით არ დაუშვებდნენ; ძვ.წ. VII ს. უკანასკნელი მეოთხედიდან მთელ კოლხეთში სახელმწიფოს მიერ მოჭრილი ვერცხლის

¹⁴⁰ . ნ. ლომოური. კოლხეთის სანაპიროს ბერძნული კოლონიზაცია. თბ., 1962; მ. ინაძე. აღმოსავლეთ შავიზღვისპირეთის ბერძნული კოლონიზაცია. თბ., 1982; Н. Берулава. Город Диоскурия-Севастополис და ა. შ.

¹⁴¹ . ნ. ლომოური სავესებით დამაჯერებელს უწოდებს მ. ინაძის მოსაზრებას დიოსკურიისა და გიენოსის ძვ. წ. VI ს-ში დაარსების შესახებ, თუმცა თვითონ მათ დაფუძნებას ძვ. წ. V ს-ზე ადრე არ ვარაუდობს (ნ. ლომოური. კოლხეთის სანაპიროს..., გვ. 46-52; მ. ინაძე. აღმოსავლეთ შავიზღვისპირეთის ..., გვ. 100, 101, 105-106 და ა. შ.).

¹⁴² . Фредерик Дюбуа де Монпере. დასახ. ნაშრომი, გვ. 11.

¹⁴³ . ნ. ლომოური. კოლხეთის სანაპიროს..., გვ. 57.

¹⁴⁴ . ო. ლორთქიფანიძე. იყო თუ არა სახელმწიფო კოლხეთი? – ქართული სახელმწიფოებრიობის სათავეებთან, გვ. 68, 72.

¹⁴⁵ . ნ. ლომოური. კოლხეთის სანაპიროს..., გვ. 54; მ. ინაძე. აღმოსავლეთ შავიზღვისპირეთის..., გვ. 126-127.

მონეტების (კოლხური თეთრის) მიმოქცევა¹⁴⁶ ბერძნების მოსვლამდე აქ ძლიერი სამეფო ხელისუფლების არსებობაზე მიუთითებს. ამრიგად, ძვ.წ. VIს-ში კოლხეთის სამეფო კი არ ჩამოყალიბდა¹⁴⁷, არამედ გადავიდა განვითარების უფრო მაღალ საფეხურზე, რაც შავიზღვისპირეთის ბერძნული კოლონიების მეშვეობით მთელ ანტიკურ სამყაროსთან ეკონომიკურმა და კულტურულმა დაახლოებამ, ასევე შედარებით ხელსაყრელმა საგარეო პირობებმა (მშვიდობიანი და გარკვეულწილად მეგობრული ურთიერთობა აქმენიდურ სპარსეთთანაც) განაპირობეს¹⁴⁸.

ადრეანტიკური ხანის თანამედროვე აფხაზეთის ტერიტორიაზე არსებული ეთნოპოლიტიკური სიტუაცია ასახულია წერილობით წყაროებში. განსაკუთრებული მნიშვნელობა ენიჭება ბერძენი ლოგოგრაფოსების¹⁴⁹ ჰეკატე მილეთელის (ძვ.წ. VIს), სკილაქს კარიანდელის (ძვ.წ. VIს.; მისი ცნობები შემონახულია ძვ.წ. IVს. შუა ხანების ავტორთან – ფსევდო სკილაქს კარიანდელთან), ჰელანიკე მიტილენელის (ძვ.წ. Vს. მეორე ნახევარი), „ისტორიის მამის“ – ჰეროდოტეს (ძვ.წ. Vს.) და სხვათა ცნობებს.

ჰეკატე მილეთელის თხზულების („დედამიწის აღწერილობა“) ფრაგმენტები, რომლებიც ახ.წ. VIს. ავტორის – სტეფანე ბიზანტიელის ლექსიკონ „ეთნიკაში“¹⁵⁰ არის შემორჩენილი, შემდეგნაირად გვიხატავენ ჩრდილო-დასავლეთ საქართველოს ეთნიკურ სურათს: „კორაქსები, კოლხური ტომი, კოლების მეზობლად; ჰეკატე „აზიაში“ (ამბობს) „კორაქსების კედელი და კორაქსიკეს მხარე“.

კოლები, ტომი კავკასიონთან; ჰეკატე „აზიაში“ (ამბობს): „ხოლო კავკასიონის ქვედა ფერდებს ეწოდება კოლიკის მთები; ქვეყანა (იწოდება) კოლიკად“¹⁵¹.

სკილაქს კარიანდელის ნაშრომში „დასახლებული ევროპის, აზიისა და ლიბიის ზღვის ირგვლივ მოგზაურობა“¹⁵² აღმოსავლეთ შავიზღვისპირეთი აღწერილია ჩრდილოეთიდან – მდ.ტანაისიდან (დონი) სამხრეთისაკენ, დასახლებულია აქ მაცხოვრებელი ხალხები, აგრეთვე ქალაქები და მდინარეები. იგი წერდა:

„70. საგრომატები. მდინარე ტანაისიდან იწყება აზია და მისი პირველი ტომი პონტოსთან არის საგრომატები, ხოლო საგრომატთა ტომი არის ქალთა მიერ მართული.

71. მაიოტები. ქალთა მიერ მართულთა შემდეგ არიან მაიოტები.

72. სინდები. მაიოტების შემდეგ არის ტომი – სინდები. მათი (საცხოვრისი) ვრცელდება ტბის იქითაც. მათში არის შემდეგი ელინური ქალაქები: ფანაგორიის ქალაქი, კეპო, სინდის ნავსადგური, პატუსი.

73. კერკეტები. სინდის ნავსადგურის შემდეგ არის ტომი კერკეტები.

74. ტორეტები. კერკეტების შემდეგ არის ტომი – ტორეტები, ელინური ქალაქი ტორიკოსი და ნავსადგური.

75. აქაიები. ტორეტების შემდეგ არის ტომი – აქაიები.

76. ჰენიოქები. აქაიების შემდეგ არის ტომი – ჰენიოქები.

77. კორაქსები. ჰენიოქების შემდეგ არის ტომი – კორაქსები.

78. კოლების (ტომი). კორაქსების შემდეგ არის კოლების ტომი.

79. მელანქლაინები. კოლების (ტომის) შემდეგ არის ტომი – მელანქლაინები. მათში არის მდ. მეტასორისი და მდინარე აიგიპოსი.

80. გელონები. მელანქლაინების შემდეგ არიან გელონები.

81. კოლხები. ამათ შემდეგ არის ტომი კოლხები, ქალაქი დიოსკურიისი, ელინური ქალაქი გიენოსი, მდინარე გიენოსი, მდინარე ქერობოსი, მდინარე ქორსოსი, მდინარე არიოსი, მდინარე ფასისი და ელინური ქალაქი ფასისი, მდინარის ზევით აყოლებით 180 სტადიონის მანძილზე

¹⁴⁶ . Д. Капанадзе, К. Голенко. К вопросу о происхождении колхидок. – Вестник Древней Истории , 1957, №4, გვ. 88-95; ო. ლორთქიფანიძე. ძველი ქართული ცივილიზაციის სათავეებთან. თბ., 2002, გვ. 206.

¹⁴⁷ . З. В. Анчабадзе. Очерк, გვ. 27 და სხვ.

¹⁴⁸ . იხ. უფრო ვრცლად: ო. ლორთქიფანიძე. ანტიკური სამყარო და ძველი კოლხეთი. თბ., 1966; მისივე: არგონავტიკა და ძველი კოლხეთი. თბ., 1986.

¹⁴⁹ . ისტორიკოსები, რომლებიც პროზით წერდნენ. იხ.: ნ. ლომოური. ბერძენი ლოგოგრაფოსების ცნობები საქართველოს შესახებ. – მასალები საქართველოსა და კავკასიის ისტორიისათვის, ნაკვ. 35. თბ., 1963, გვ. 3-35.

¹⁵⁰ . გეორგიკა, ტ. III. თბ., 1936, გვ. 272-289.

¹⁵¹ . ნ. ლომოური. ბერძენი ლოგოგრაფოსების ცნობები..., გვ. 29.

¹⁵² . სკილაქს კარიანდელის პიროვნებისა და ნაშრომის შესახებ იხ.: ნ. ლომოური. ბერძენი ლოგოგრაფოსების ცნობები...; აკ. ურუშაძე. ძველი კოლხეთი არგონავტების თქმულებაში. თბ., 1964; უფრო ვრცლად: თ. ყაუხჩიშვილი. ბერძენი მწერლების ცნობები საქართველოს შესახებ, I (სკილაქს კარიანდელი, სკიმნოს ქიოსელი, დიონისიოს პერივეტი). თბ., 1967.

არის დიდი ბარბაროსული ქალაქი, საიდანაც იყო მედეა. აქ არის მდინარე რისი, მდინარე ისისი, მდინარე ლესტონი (ყაჩადთა წყალი) და მდინარე აფსაროსი“¹⁵³.

ჰელანიკე მიტილენელის „ტომთა და ქალაქთა დაფუძნება“, აგრეთვე პალეფატე აბიდოსელის (ძვ.წ. IV ს.) თხზულებები სინდებისა და მეოტელი სკვიტების სამხრეთით მაცხოვრებელ ხალხებზე ასეთ ინფორმაციას გვაწვდიან:

„ქარიმატები – ტომი პონტოს გაყოლებაზე. პალეფატე „ტროიკის“ მეშვიდე წიგნში (ამბობს): „კერკეტებს ესაზღვრებიან მოსხები და ქარიმატები, რომლებმაც აიღეს პართენიონი ექსინის პონტოსთან. (მოიხსენებს) ჰელანიკეც „ტომთა და ქალაქთა დაფუძნებებში“: „კერკეტების ზემოთ ცხოვრობენ მოსხები და ქარიმატები, ქვემოთ ჰენიოხები, ზემოთ კი კორაქსები“¹⁵⁴

უაღრესად მნიშვნელოვან ცნობებს შეიცავს ჰეროდოტეს „ისტორია“:

„ხოლო მეოტიდის ტბიდან მდ. ფაზისამდე და კოლხებამდე არის 30 დღის სავალი მსუბუქად შეიარაღებული (კაციისათვის), ხოლო კოლხიდიდან მიდიაში დიდი არაა გადასავალი (1. 104)...

ცხადია, რომ კოლხები ეგვიპტელები არიან. ამას მე თვით მივხვდი უწინ, ვიდრე მოვისმენდი... შევეკითხე ორივეს, კოლხებს უკეთ ახსოვდათ ეგვიპტელები, ვიდრე ეგვიპტელებს კოლხები. ეგვიპტელები ამბობენ, რომ მათ მიაჩნიათ, რომ კოლხები არიან სესოსტრისის ლაშქრიდან, ხოლო თვით მეც ასე მეჩვენებოდა, რადგან (კოლხები) არიან შავგვრემანები და ხუჭუჭთმიანები..., მაგრამ ამასთანავე და უფრო მეტად (ამას მოწმობს ის), რომ ყველა ხალხთაგან მხოლოდ კოლხები, ეგვიპტელები და ეთიოპელები არიან, რომლებიც იმთავითვე მისდევენ წინადაცვეთას...

კიდევ სხვა რამეც შეიძლება, რომ კოლხების შესახებ ვთქვა მათი ეგვიპტელებთან მსგავსების შესახებ: მხოლოდ ესენი და ეგვიპტელები ამუშავებენ სელს ერთნაირად; მთელი ცხოვრება და ენა მსგავსი აქვთ ერთმანეთისა... (2. 104).

კოლხებმაც დაიწესეს საჩუქრები და მათმა მეზობლებმაც, ვიდრე კავკასიონის მთებამდე (რადგან ამ მთებამდე ვრცელდება სპარსეთის მმართველობა, ხოლო კავკასიონიდან ჩრდილოეთისაკენ მდებარე ქვეყნებს არაფერი უნდათ იცოდნენ სპარსელებისა), ამათ საჩუქრად დაიწესეს ჩვენ დრომდე, ყოველ მეხუთე წელს რომ გადაიხადონ ასი ყრმა და ასი ქალწული... (III. 97).

სპარსელები ცხოვრობენ და აღწევენ სამხრეთის ზღვამდე, რომელსაც უწოდებენ მეწამულს. ამათ ზემოთ ჩრდილოეთის მიმართულებით ცხოვრობენ მიდიელები, მიდიელებს ზემოთ სასპეირები, სასპეირებს ზემოთ კოლხები, რომლებიც აღწევენ ჩრდილოეთის ზღვამდე, რომელსაც ერთვის მდ. ფაზისი. ეს ოთხი ტომი მოსახლეობს ზღვიდან ზღვამდე (4. 37).

ყველა ადამიანებზე უფრო ველური ჩვეულებები ანდროფაგებსა აქვთ. ისინი არც სამართალსა სცნობენ და არც რაიმე კანონს იყენებენ. ისინი მომთაბარეები არიან. ტანისამოსს ატარებენ სკვიტურის მსგავსს, ხოლო ენა კი საკუთარი აქვთ. ამ ხალხებიდან მხოლოდ ესენი ჭამენ ადამიანის ხორცს (4. 106).

ყველა მელანხლენები შავ ტანსაცმელს ატარებენ, აქედანა აქვთ მათ ეს სახელიც, ხოლო ჩვეულებებს სკვიტებისას მისდევენ (4. 107).

მარებს ჰქონდათ თავებზე ადგილობრივი მოწნული მუზარადები, ტყავის პატარა ფარები და ხელშუბები. ხოლო კოლხებს თავებზე ხის მუზარადები ჰქონდათ. გამოუქნელი ტყავის პატარა ფარები და მოკლე შუბები, ამას გარდა – დანები. მარებსა და კოლხებს განაგებდა ფარანდატე ტყასპის ძე. აღაროდიელები და სასპეირები ლაშქრობენ კოლხების მსგავსად შეიარაღებულები. მათ წინამძღოლობდა მასისტოს სირომიტრესის ძე (7. 79)¹⁵⁵.

მივმართოთ კიდევ ერთი ავტორის – ჰეროდოტე ჰერაკლელის (ძვ.წ. V-IV სს.) ცნობას, რომელიც კოლხეთის მიახლოებით ლოკალიზაციაში დაგვეხმარება: „კავკასია არმენიელთა ქვეყნიდან კოლხთა (მხარემდე) გადაჭიმული“¹⁵⁶.

მოტანილი ცნობების მიმოხილვამდე, სხვადასხვა ტომების ვინაობის გარკვევამდე უპრიანია, გავერკვეთ „ტომი“-ს ცნებაში, გავერკვეთ, რას აღნიშნავდნენ ძველი ავტორები

¹⁵³ . თ. ყაუხჩიშვილი. ბერძენი მწერლების ცნობები..., I, გვ. 46-49; თ. ყაუხჩიშვილის, ნ. ლომოურისა და აკ. ურუშაძის თარგმანებს შორის უმნიშვნელო განსხვავებაა, ისიც მხოლოდ სტილისტური ხასიათისა; არის მცირე სხვაობა სახელების ტრანსკრიფციაშიც. მაგალითად, „მაიოტები“, „კეპო“, „მელანქლანები“, „აიგიპოსი“ (ნ. ლომოური, თ. ყაუხჩიშვილი) და „მეოტები“, „კეპები“, „მელანქლენები“, „ეგიპოსი“ (აკ. ურუშაძე); „ჰენიოქები, კოლხები“ (თ. ყაუხჩიშვილი) და „ჰენიოხები“, „კოლიკე“ (ნ. ლომოური, აკ. ურუშაძე); „აქაიები“ (თ. ყაუხჩიშვილი), „ახაიები“ (ნ. ლომოური), „აქეელები“ (აკ. ურუშაძე) და ა. შ. იხ. ნ. ლომოური. ბერძენი ლოგოგრაფოსების ცნობები..., გვ. 33-34; აკ. ურუშაძე. ძველი კოლხეთი..., გვ. 288-289.

¹⁵⁴ . აკ. ურუშაძე. ძველი კოლხეთი..., გვ. 278; იხ. აგრეთვე ნ. ლომოური. ბერძენი ლოგოგრაფოსების ცნობები..., გვ. 32.

¹⁵⁵ . თ. ყაუხჩიშვილი. ჰეროდოტეს ცნობები..., გვ. 65, 71-73, 76, 82, 88, 113.

¹⁵⁶ . ნ. ლომოური. ბერძენი ლოგოგრაფოსების ცნობები..., გვ. 32.

ამ ტერმინით და ყოველთვის მართებულად გამოიყენება თუ არა იგი ისტორიოგრაფიაში.

ძველქართულ ლიტერატურაში, ასევე „ქართლის ცხოვრებაში“ ტერმინი „ტომი“ სამი მნიშვნელობით იხმარება: ზოგადად ადამიანთა მოდგმის; კონკრეტული ეთნოსის (ერი, ხალხი); ერის ნაწილის, განშტოების – ნათესაური, ადმინისტრაციულ-ტერიტორიული და სხვა ნიშნით გამოყოფილი ერთობის¹⁵⁷. ბიბლიის სხვადასხვა დროის ქართულ თარგმანებში „ტომი“ ძირითადად ხალხისა (ერის) და მისი განშტოების მნიშვნელობებით გამოიყენება¹⁵⁸. სულხან-საბა ორბელიანი კი ამ ტერმინს ასე განმარტავს: „ნათესავი, რომლის ნათესავისაგანაცაა, ვიტყვით ისრაელისა; შემდგომად ვიტყვით: რომელი ტომისაგან? ვიტყვით: რუბენის ტომისაგან, გინა ლევისა, გინა სხვათა; რამეთუ ერთი ნათესავი განიყოფების ტომ-ტომად, ტომი განიყოფების სახლად-სახლად და სახლი განიყოფების კაცად-კაცად; ტომად ითქმის გვამოვანთა განყოფილებაცა სიმრავლედ-დასდასობათა... ტომად ითქმის გვამოვანთა განყოფილებაცა სიმრავლედ დას-დასობათ“¹⁵⁹. მოკლედ, ტომი არის ხალხის, ერის გარკვეული ნაწილი და შედგება რამდენიმე სახლისაგან – ჯგუფისაგან, სათავადოსაგან, სანათესაოსაგან, გვარისაგან. როგორც ვხედავთ, ს.-ს. ორბელიანის მიხედვით, ტომი არ წარმოადგენს ეთნიკურ კატეგორიას. ძველქართულად „ტომები“ ნიშნავს ნათესაობას, „ტომებით“ – იგივეა, რაც „შთამომავლობით“¹⁶⁰.

შემდგომში ცნება „ტომი“ (племя) უპირატესად ეთნოსის, ხალხის მნიშვნელობას იმკვიდრებს; ამ ტერმინით აღინიშნება ეთნიკური ერთობა მისი პირველყოფილი ფორმით – გვარით დაწყებული და ზოგჯერ ერთაც დამთავრებული. დასავლური სოციოლოგიური და ისტორიული მეცნიერება ერის წარმოშობას განიხილავს როგორც გვარტომობრივი კავშირების გაგრძელება-განვითარებას¹⁶¹. საბჭოთა სოციოლოგიისა და ისტორიოგრაფიისათვის ტომი ასევე იყო ეთნიკური ერთობისა და კლასობრივადელი საზოგადოების სოციალური ორგანიზაციის ტიპი, ეთნოსის პირვანდელი ფორმა, წინარეეთნოსი; მომდევნო ფორმად განიხილებოდა ხალხი (ეროვნება), ბოლოს – ერი.

ქართულ-აფხაზური ისტორიოგრაფია ხშირად ამ საბჭოური¹⁶² კატეგორიებით (სამსაფხურიათი ეთნოგენეზი) უდგებოდა (არც თუ ისე იშვიათად, ამჟამადაც უდგება) ანტიკური წყაროების მიხედვით აღმოსავლეთ შავიზღვისპირეთში დაფიქსირებული მოსახლეობის ვინაობის დადგენის საკითხს და განიხილავდა მათ ცალკე ეთნოსებად. ასე, მაგალითად, ზ.ანჩაბაძეს მხედველობაში ჰქონდა კოლხეთის სამეფოში არსებული ვითარება და აღნიშნავდა, რომ ტომები წარმოადგენდნენ ტერიტორიულ-ეთნიკურ ჯგუფებს, რომლებიც ქვეყნის ადმინისტრაციული დაყოფისას არ იყვნენ ერთმანეთში ორგანულად შერწყმულნი; მას მიაჩნდა, რომ ტერმინი „ტომები“ ყოველ კონკრეტულ შემთხვევაში გარკვეული მნიშვნელობით უნდა გამოიყენებოდეს. ერთ შემთხვევაში ესენი იყვნენ პირველყოფილი თემური წყობილების ეთნიკური ერთეულები, მეორე შემთხვევაში

¹⁵⁷ . გამოთქმებში – „მისგან კიდევ სანახავად არა უნდა კაცთა ტომი“ (შოთა რუსთაველი. ვეფხისტყაოსანი. – ქართული მწერლობა, ტ. 4. თბ., 1988, სტრ. 990, გვ. 207), აგრეთვე „ნათესავი ადამისი და ტომნი ნოესნი“ (ქართლის ცხოვრება, ტ. IV. თბ., 1973, გვ. 14) ადამიანთა მოდგმა იულისხმება („ტომნი ნოესნი“ შეიძლება გავიგოთ აგრეთვე როგორც ცალკეული ერები). კონკრეტული ერი (ერები) ივარაუდება ფრაზებში: „ყოველი ტომნი ქვეყანისანი“ (გიორგი მერჩულე. გრიგოლ ხანძთელის ცხოვრება. – ქართული მწერლობა, ტ. I. თბ., 1987, გვ. 536.); „ვინ ხარ, მზეო, ანუ შვილი ვისთა ტომთა“ (შოთა რუსთაველი. იქვე, სტრ. 1130, გვ. 236); „შეიძრა რაზმი ინდოთა ტომისა“ (იქვე, სტრ. 1336 გვ. 276); „ტომმან ებრაელთამან“ (ქართლის ცხოვრება, ტ. II. თბ., 1959, გვ. 8.); „აღწერეთ ტომობა და ჩამომავლობა ქართველთა“ (იქვე, ტ. IV, გვ. 14.). ერის ნაწილის განშტოების მნიშვნელობით ტერმინ „ტომი“-ს გამოყენების მაგალითებია: „აგინებდა ვარსქენ თესლ-ტომსა მისსა“ (სანათესაოს – ავტ.). – იხ.: იაკობ ხუცესი. შუშანიკის წამება. – ქართული მწერლობა, ტ. I, გვ. 230; „ტომნი დიდისა ეფრემ მაწყვერელ ეპისკოპოსისანი“ (გიორგი მერჩულე. გრიგოლ ხანძთელის ცხოვრება. – ქართული მწერლობა, ტ. I, გვ. 611); „მუნ ხელ-ყოს განბრწყინებად ხელმწიფობასა და შარავანდედობასა ტომის-გუარისა თქუნისა“, „აწ ისმინეთ ჩემი, ტომნო და ერთ-ნებანნო“, „აწ ისმინეთ ჩემი, ტომნო და ერთ-ნებანნო“ (ქართლის ცხოვრება, ტ. II, გვ. 26, 312.); „ხოლო ესე ქართველთა ტომნი...“ (იქვე, ტ. IV, გვ. 14.); „შემდგომად მოკუდა დედოფალი თამარი, ცოლი მეფისა, რომელი იყო კახთა—ბატონთა ტომისა“ (იქვე, გვ. 459.) და ა.შ.

¹⁵⁸ . იხ. ამის შესახებ: დ. მელიქიშვილი. ძველი ქართული ფილოსოფიურ-თეოლოგიური ტერმინოლოგიის ისტორიიდან. თბ., 1999, გვ. 208-229. გამოთქმა „ვეფხისტყაოსნის“ პროლოგში „ტომი გვართა ზენათა“ (სტრ. 20), ზ.გამსახურდიას აზრით, სამებას გულისხმობს (ზ.გამსახურდია. ვეფხისტყაოსნის სახისმეტყველება. თბ., 1991, გვ. 124).

¹⁵⁹ . ს.-ს. ორბელიანი. ლექსიკონი ქართული, II. თბ., 1993, გვ. 142.

¹⁶⁰ . ზ. სარჯველაძე. ძველი ქართული ენის ლექსიკონი. თბ., 1995, გვ. 197.

¹⁶¹ . რ. თოფჩიშვილი. ქართველთა ეთნიკური ისტორია და საქართველოს ისტორიულ-ეთნოგრაფიული მხარეები. თბ., 2002, გვ. 162.

¹⁶² . იხ.: ი. ბ. სტალინი. მარქსიზმი და ნაციონალური საკითხი. თხ. ტ.2.

– ადრეკლასობრივ ურთიერთობათა დონეზე მყოფი ეთნიკური ერთობა, მცირე ეროვნება. სრულიად უსაფუძვლოდ, მაგრამ კონკრეტული მიზნებიდან გამომდინარე, საქართველოს დიდი ნაწილის მომცველი კოლხეთის სამეფო მეცნიერმა „ეთნიკურად დაქუცმაცებულ“ სახელმწიფოდ გამოაცხადა, სადაც კოლხების გარდა, ვითომ ცხოვრობდა ეთნიკური ინდივიდუალობით გამორჩეული ბევრი სხვა ხალხი; ამ სამეფოს ჩრდილო-დასავლეთი ნაწილი – თანამედროვე აფხაზეთიც, ზ.ანჩაბაძის აზრით, ეთნიკური სიჭრელით გამოირჩეოდა¹⁶³.

მოვიყვანოთ კიდევ ერთ მაგალითს. მინაძე წუხს იმის გამო, რომ ბერძენ-რომაელი ავტორები შავი ზღვის აღმოსავლეთ სანაპიროზე სხვადასხვა ტომებს მათი ეთნიკური ვინაობის მითითების გარეშე ასახელებენ, რაც ართულებს აფხაზეთის ძველი მოსახლეობის ეთნოპოლიტიკური პროცესების კვლევას და ხელსაყრელ პირობებს ქმნის ამ საკითხზე მსჯელობისას აზრთა სხვადასხვაობის გაჩენისათვის. პატივცემული მეცნიერი არ ითვალისწინებს იმ გარემოებას, რომ აღმოსავლეთ შავიზღვისპირეთში, ყოველ შემთხვევაში, ისტორიული საქართველოს ფარგლებში მოსხენიებული ტომები, შესაძლოა, სულაც არ წარმოადგენდნენ ცალკე ეთნიკურ ჯგუფებს. აქვე უნდა დავაზუსტოთ, რომ ანტიკურ პერიოდში კი არ დაიწყო „სატომო ერთეულებიდან ეროვნების ჩამოყალიბების რთული პროცესი“¹⁶⁴, არამედ იმ დროისათვის ეს პროცესი ძირითადად დასრულდა.

როგორც ზემოთ უკვე ითქვა, ქართველი ერი ანტიკურ ხანაში, კერძოდ, II ათასწლეულის მეორე ნახევარში რომ არ ყოფილიყო საკმაოდ მყარ ერთობად (საერთო თვითშეგნებით, ენით, კულტურით, სახელმწიფოებრიობით) ჩამოყალიბებული, გარდაუვალი იქნებოდა სხვადასხვა ეთნოსებად მისი დაშლა,¹⁶⁵ რადგანაც ხელსაყრელი პირობები მონათესავე ქართველურ ტომთა კონსოლიდაციისა და ისტორიული საქართველოს მთელ სივრცეზე განფენილ ერთიან ეთნოსად ფორმირებისათვის შემდგომში ახ.წ. VIII-X საუკუნეებამდე მხოლოდ ეპიზოდურად (ძვ.წ. III ს., ახ.წ. V ს.) თუ არსებობდა. გარეშე ფაქტორების ზეგავლენით, ანტიკური ხანა, სინამდვილეში იყო ერთი დეზინტეგრაციული პროცესების მიმდინარეობის, განშტოებებად მისი დაყოფის პერიოდი; როგორც ტ.ფუტკარაძე ასაბუთებს, საერთოქართველური ენის დივერგენციაც იმ ეპოქაში – წელთაღრიცხვათა მიჯნაზე ხდება¹⁶⁶. გამომდინარე აქედან, დროა, უარი ვთქვათ თეორიაზე სამი ვითომ სხვადასხვა ტომის (ქართების, მეგრელებისა და სვანების) შერწყმის შედეგად ქართველი ერის ფორმირების შესახებ. სამივე განშტოება, პირიქით, ერთი მთლიანის ნაწილობრივი დეზინტეგრაციის გზით ჩამოყალიბდა; ამასთანავე რღვევის პროცესი შორს არ წასულა, არ გაღრმავებულა, ზოგადქართული თვითშეგნებისა და საერთო კულტურული ენის დაშლა არ გამოუწვევია. ეს კი ხელსაყრელ ვითარებაში ძლიერ ქართველ მეფეებს დროებით ან ხანგრძლივი პერიოდით ქვეყნისა და ერის მთლიანად თუ ნაწილობრივ გაერთიანების საშუალებას აძლევდა.

გარეშე მტრული ძალები როგორც ერის, ისე მისი ამა თუ იმ განშტოების მცირე „ეთნოსებად“ დაშლას ცდილობდნენ. განსაკუთრებით რთული ვითარება შეიქმნა ამ მხრივ დამპყრობთათვის ყველაზე მიმზიდველ საქართველოს შავიზღვისპირეთში, სადაც, რომაულ-ბიზანტიური წყაროების მიხედვით, მრავალი „ეთნოსია“ დაფიქსირებული. მსგავსი „ტომების“ თუ „ხალხების“ ვინაობა თავიდანვე აინტერესებდათ მწერლებს, მემატრიანეებს. ჯერ კიდევ სტრაბონი (II ს.) აკრიტიკებდა ჰელანიკეს, ჰეროდოტეს და ევდოქსეს ჩრდილო-დასავლეთ შავიზღვისპირეთის სატომო სახელების დამახინჯებისათვის¹⁶⁷. XIX საუკუნის რუსი ისტორიკოსი პ.ბურაჩკოვი წერდა, რომ

¹⁶³ . З. В. Анчабадзе. Очерк..., გვ. 27-28.

¹⁶⁴ . მ. ინაძე. ძველი აფხაზეთის ეთნო-პოლიტიკური ისტორიის საკითხები. – მაცნე. ისტორიის... სერია, 1992, №1, გვ. 7.

¹⁶⁵ . შედარებისათვის შეიძლება ებრაელი ხალხის მაგალითი მოვიტანოთ. ძვ.წ. 722 წელს ისრაელის სამეფოს, ხოლო ძვ.წ. 586წ. იუდეველთა სამეფოს განადგურებამდე და მსოფლიოს სხვადასხვა ქვეყნებში განსახლებამდე ებრაელები მყარ, ერთიან ერად რომ არ ყოფილიყვნენ ჩამოყალიბებული, ვერ შეინარჩუნებდნენ ერთიანობას და 1948წ. ვერ აღადგენდნენ ისრაელის სახელმწიფოს.

¹⁶⁶ . ტ. ფუტკარაძე. ქართველები, გვ. 50-51; საერთოქართველური ენის არსებობის დროის შესახებ იხ. გვ. 280-297.

¹⁶⁷ . სტრაბონის რუსულ გამოცემაში ნათქვამია, რომ ეს დამახინჯებული სატომო სახელები „нам наболтали Гелланик, Геродот и Евдокс“.

რუსეთის სამხრეთით დაფიქსირებული ახალი გეოგრაფიული სახელები, ასევე ეთნონიმები წარმოადგენდნენ ერთი და იმავე სახელის სხვადასხვა ენაზე თარგმანს; ზოგჯერ კი ტოპონიმისა და ეთნონიმის ცვლილებები საცხოვრებელი ადგილების თუ მმართველთა გამოცვლას უკავშირდებოდა. თავის მოსაზრებას იგი განამტკიცებდა ცნობით ერთ-ერთი რუსული მატინანდან, რომელშიც ნათქვამია, რომ ძველ ტომებს „სახელები დაერქვათ იმ ადგილების მიხედვით, სადაც ისინი დამკვიდრდნენ“¹⁶⁸. ყაბარდოელი ისტორიკოსი გ. კოკიევი ასევე ამტკიცებდა, რომ ძველი ავტორები „ერთი და იმავე ტომის ნაწილებს, საცხოვრებელი ადგილის ცვლილებისა და მათ მიერ დაკავებული მიწების გეოგრაფიული თავისებურებების მიხედვით, სხვადასხვა სახელე-ბით მოიხსენიებდნენ“¹⁶⁹.

სატომო სახელების მიკუთვნება სხვა მიზეზებითაც ხდებოდა, კერძოდ, საქმიანობის, პროფესიის, გარეგნობის, ამა თუ იმ დასახლებისათვის („ტომისათვის“) მინიჭებული ფუნქციის მიხედვით და ა.შ. იგივე კორაქსები ძველბერძნული ენიდან ითარგმნება როგორც ყვავები; ჰენიოხები – მეეტლეები, მხედრები, სადავის დამჭერები; სავრომატები – ხვლიკისთვალიანები; მელანქლენები – შავებში (ნაბადში) ჩაცმულები; კერკეტები – მესაჭეები; ხარიმატები – სასიამოვნო თვალებიანები; ტელონები – ხარკის ამკრეფნი; ფტეროფაგები – გირჩის მჭამელები, ტილის მჭამელები; მაკროცეფალები – გრძელთავიანები და ა.შ.¹⁷⁰ ამის თაობაზე ადიაჩოვ-ტარასოვი წერდა: „საერთოდ ელინები არ ერიდებოდნენ ადგილობრივი ტომებისათვის სახელების მოძებნას: შეამჩნიეს უსუფთაობა ტომს, დაარქვეს ფთიროფაგები (ტილისმჭამელები), უნახეს გრძელი წვერები – მაკროპოტონები; ჰენიოხების ერთ-ერთ მეზობელ ტომს, შეიძლება თვით ჰენიოხთა ერთ-ერთ ტომს უბრალოდ კეფალოტომები (თავის მჭრელები, ბაშიბუზუკები) უწოდეს. თვით „ჰენიოხი“ ბერძნული სახელწოდებაა, რომელიც მიღებულია დიოსკურიადის სახელის ასოციაციით“¹⁷¹. ზოგჯერ ხდებოდა ადგილობრივი სახელის ბერძნულ-რომაული გააზრება და ამის შესაბამისად სახელის შეცვლა.

როგორც ვხედავთ, უმეტეს შემთხვევაში სატომო სახელების ეტიმოლოგია მათი მატარებელი ხალხების ეთნიკურ თავისთავადობაზე სულაც არ მიუთითებს. გარკვეულ პრობლემას და გაუგებრობას ქმნის ის გარემოება, რომ ბერძენ-რომაელი ავტორების „ტომს“ მკაცრი დეფინიცია არ გააჩნია. ის ხან ერს, ეთნოსს ნიშნავს¹⁷², ხან კიდევ, როგორც ზემოთ იყო ნაჩვენები, სხვადასხვა ნიშნით მისგან გამოყოფილ ნაწილს (ნაწილებს) თუ ადმინისტრაციულ-ტერიტორიულ ერთეულს (ერთეულებს). ძველბერძნულში ტერმინ „ეთნოსს“ მრავალი მნიშვნელობა ჰქონდა; იგი აღნიშნავდა არა მხოლოდ „ტომს“ ან „ხალხს“, არამედ მას ჰქონდა ზოგადმადიფერენცირებელი მნიშვნელობა და აღნიშნავდა სახელმწიფოს, „ბარბაროსულ“, არაელინურ საზოგადოებას¹⁷³ და ა.შ. სტეფანე ბიზანტიელის ცნობილ „ეთნიკა“-შიც ამ ტერმინით, გარდა ეთნიკური ერთეულებისა, აღინიშნება სახელმწიფოები, ქალაქები, კუნძულები, მთები, უბრალოდ ადგილები, დასახლებები და ა.შ. მაგალითად: „გოგარენე, ადგილი კოლხებსა და აღმოსავლეთის იბერებს შუა. ეთნიკურია გოგარენი“; „ტიენოსი, კოლხთა ქალაქი... ეთნიკურია ტვიენიტეს“¹⁷⁴ (იგულისხმება ქვიენოსი). ამ საკითხს ყურადღება მიაქცია გ.მელიქიშვილმაც. იგი მართებულად მიუთითებდა, რომ მრავალი სატომო სახელის არსებობა ჯერ კიდევ არ ნიშნავს სხვადასხვა ეთნიკური წარმოშობის ტომების არსებობას. „ზოგიერი სახელწოდება ზოგადი (აღწერილობითი) ბერძნულია (მაგალითად, „მაკროცეფალები“ – „გრძელთავიანები“) და არ უნდა განიხილებოდნენ

¹⁶⁸ . П. Бурчков. О местоположении древняго города Каркинитеса и монетах ему принадлежащих. – Записки Императорского Одесского Общества Истории древностей, т.IX. Одесса, 1875, გვ. 118.

¹⁶⁹ . Г. А. Кокеев. Некоторые сведения из древней истории адыгов (кабардинцев). Нальчик, 1946, გვ. 7.

¹⁷⁰ . Дж. Гамахрия, Б. Гогия. დასახ. ნაშრომი, გვ. 28-30; ბ. გოგია. ძველი კოლხეთის ზოგიერთი ტომის ეთნონიმებთან დაკავშირებით. პარიზი, 2003, გვ. 51-54.

¹⁷¹ . ა. დიაჩოვ-ტარასოვი. გაგრა და მისი შემოგარენი. რუსულიდან თარგმნეს და კომენტარები დაურთეს ზ. პაპასქირმა და ბ.ხორავამ. თბ., 2003, გვ. 63. შედარებისათვის გავიხსენოთ, რომ თურქები იმერლებს „ბაშიაჩუკებს“ (თავშიშველებს) ეძახდნენ; ყიზილბაში ნიშნავს წითელთავიანს და ა.შ.

¹⁷² . იხ. მაგალითად, „სტრაბონის ტერმინოლოგია“. – თ. ყაუხჩიშვილი. სტრაბონის გეოგრაფია. ცნობები საქართველოს შესახებ. თბ., 1957, გვ. 26-30.

¹⁷³ . ო. ლორთქიფანიძე. იყო თუ არა სახელმწიფო კოლხეთი? გვ. 41-43.

¹⁷⁴ . გეორგიკა, ტ. 3, გვ. 277, 286.

როგორც სახელები გარკვეული ტომებისა, რომლებსაც სხვა შემთხვევაში შეეძლოთ სხვა სახელებით გამოჩენა, – წერდა გამელიქიშვილი. – რიგ შემთხვევაში საქმე გვაქვს სატომო სახელების დამახინჯებასთან ან მოდიფიკაციასთან... ერთი და იგივე ეთნიკურ კოლექტივს შეეძლო წყაროებში გამოჩენილიყო სხვადასხვა სახელებით ამ უკანასკნელთა სხვადასხვაენოვანი წყაროებისა ან სხვადასხვა მეზობლებისაგან გადმოღების შედეგად. ამიტომ ჩვენ, რა თქმა უნდა, არ შეგვიძლია ანტიკურ წყაროებში ჩვენამდე მოღწეული შავიზღვისპირა ტომთა სახელები განვიხილოთ როგორც სხვადასხვა ტომთა რეალური სახელები და მათი გაქრობის შემთხვევაში ვისაუბროთ ამ ეთნიკური ჯგუფების რაღაცნაირ გადაადგილებებზე ან განადგურებაზეც კი და ა.შ.¹⁷⁵ ეს აბსოლუტურად სწორი დასკვნა იშვიათად თუ არის მკვლევარების მიერ გათვალისწინებული; სამწუხაროდ, ისტორიოგრაფიაში კვლავაც გრძელდება ნებისმიერი „ტომის“ ეთნიკურ წარმონაქმნად განხილვა, შესაბამისად, კვლავაც მიმდინარეობს უსაფუძვლო და სიმართლის დადგენის თვალსაზრისით სრულიად უპერსპექტივო დაგა-კამათი (განსაკუთრებით ქართველ და აფხაზ ისტორიკოსებს შორის), „ვარაუდების“ წამოყენება მათ ეთნიკურ კუთვნილებასთან დაკავშირებით. „ტომის“ არასწორი გაგება ხდება საფუძველი არასწორი დასკვნებისა ისტორიოგრაფიაში კოლხეთის „მრავალტომიანობის“, მთიელთა „თავდასხმების“, ჩრდილოეთკავკასიიდან მულმივი „შემოსევების“, ხალხთა „გადასახლებების“ შესახებ. საკითხისადმი ამგვარი მცდარი მიდგომა საშუალებას აძლევს სეპარატისტებს გააყაღებონ და „მიითვისონ“ კოლხეთის ისტორია.

ტერმინ „ტომის“ ხმარებისას მუდამ უნდა გვახსოვდეს ყველა ეს მომენტი და არა საზოგადოებრივ-პოლიტიკური ფორმაციები, როგორც ამას მკაცრად მოითხოვდა საბჭოთა იდეოლოგია. ანტიკური ხანის ბოლომდე და ადრე შუა საუკუნეებშიც დასაშვებია საქართველოს შავიზღვისპირეთში მოსახლე კოლხების (ლაზ-მეგრელების, სვანების) მიმართ ტერმინ „ტომის“ გამოყენება ერის განშტოების მნიშვნელობით, თუმცა თანამედროვე გაგებით „ტომი“ ნამდვილად არის წინარეეთნოსი¹⁷⁶. საუბარია მხოლოდ ანტიკური წყაროების „ტომის“ სწორ დეფინიციაზე. აქვე უნდა აღინიშნოს, რომ ხშირად ტერმინებს „ტომი“, „შტო“ (განშტოება) პარალელური მნიშვნელობით იყენებდნენ ივ. ჯავახიშვილი, ს. ჯანაშია, პინგოროყვა და სხვები¹⁷⁷. დასავლურქართული ტომებისაგან (ლაზ-მეგრელებისა და სვანებისაგან) გამოყოფილ და წყაროებში ცალკე დასახელებულ წვრილ ადმინისტრაციულ ერთეულებს უფრო მიესადაგება ტერმინი „თემი“. ამ ტერმინს ზოგჯერ ხმარობდა ივ.ჯავახიშვილი¹⁷⁸. თეზისებში „ქართული სახელმწიფოებრიობის გენეზის ისტორიიდან“ ს.ჯანაშია კოლხეთის სამეფოს შესახებ წერდა: იგი შეიცავს „მრავალტომიანს თუ მრავალთემიან მოსახლეობას“; „მრავალტომიანი (თუ მრავალთემიანი) კოლხური სამყაროს მთლიანობა...; „კოლხეთის სამეფოსათვის დამახასიათებელი მრავალტომიანობა (მრავალთემიანობა)...“¹⁷⁹ და ა.შ. თანამედროვე საქართველოს სხვადასხვა კუთხეების მოსახლეობის აღსანიშნავად ტერმინ „თემის“ გამოყენების მიზანშეწონილობა დაასაბუთა ტ.ფუტყარაძემ. მისი აზრით, ტერმინი „ტომი“ მხოლოდ წინარეეთნოსის აღსანიშნავად უნდა იყოს გამოყენებული, სხვა შემთხვევაში კი – თემი¹⁸⁰. რ თოფნიშვილისათვის ასევე მისაღებია „თემის“ იმავე მნიშვნელობით ხმარება, თუმცა სხვა ვარიანტებსაც („ეთნოგრაფიული ჯგუფი“, „ეთნოგრაფიული-დიალექტური ერთეული“ და ა.შ.) გვთავაზობს¹⁸¹. აღნიშნული მოსაზრებები ძირითადად გასაზიარებელია, მაგრამ ანტიკურ ხანასთან მიმართებაში გარკვეული კორექტივებია საჭირო. მაგალითად, კოლხთა მიმართ ტერმინ „თემის“ გამოყენების შემთხვევაში მართებული არ იქნებოდა იმავე ტერმინით მისი განშტოებების აღნიშვნა. ამიტომ

175 . გ. Меликишвили. К истории древней Грузии, გვ. 83.

176 . ტ. ფუტყარაძე. ქართველები, გვ. 37.

177 . ივ. ჯავახიშვილი. ქართველი ერის ისტორია წ. I-II. თბ., 1913, გვ. 59; ს. ჯანაშია. შრომები, II. თბ., 1952, გვ. 21; პ. ინგოროყვა. გიორგი მერჩულე, გვ. 143, 145.

178 . ივ. ჯავახიშვილი. საქართველოს კავკასიისა..., გვ. 12.

179 . ს. ჯანაშია. შრომები, II. თბ., 1952, გვ. 19,20.

180 . ტ. ფუტყარაძე. ქართველები, გვ. 37-41.

181 . რ. თოფნიშვილი. ქართველთა ეთნიკური ისტორია..., გვ. 26, 28, 78, 83, 90 და ა. შ.; მისივე: ეთნოისტორიული ეტიუდები, წ. I. თბ., 2005, გვ. 53.

ანტიკურ წყაროებში დაფიქსირებულ მოსახლეობას საუკეთესოდ მიესადაგება ტერმინები „ტომი“ და „თემი“ (სხვა წვრილი ერთეულები).

ადრეანტიკური ხანის ავტორთა ზემოთმოყვანილი ცნობები საქართველოს შავიზღვისპირეთში კოლხებს და კოლხურ თემებს ათავსებენ. აფხაზეთის თანამედროვე ტერიტორიაზე და მის მეზობლად დაფიქსირებული არიან კორაქსები, კოლები, ჰენიოხები, მოსხები, კერკეტები. ქართულ ისტორიოგრაფიაში გარკვეულია ჰეკატე მილეტელთან მოხსენიებული კორაქსებისა და კოლების ვინაობა. კორაქსების კოლხებისადმი კუთვნილება პირდაპირ წყაროშია მითითებული და მის სიზუსტეში ეჭვი არავის ეპარება. კოლებთან ერთად მათ კოლხებთან აიგივებდნენ ივ.ჯავახიშვილი¹⁸², პ.ინგოროყვა¹⁸³, ნ.ლომოური¹⁸⁴, მ.ინაძე¹⁸⁵ და მრავალი სხვა. ზ.ანჩაბაძე ცდილობდა, მაგრამ ვერ მოახერხა კორაქსების სანიგებთან ან აფსილებთან დაკავშირება. საბოლოო ჯამში, მან ის ზოგადი დასკვნა გააკეთა, რომ არ არსებობს საკმარისი საფუძველი კორაქსებისა და კოლების ეთნიკურ კოლხებთან გაიგივებისათვის¹⁸⁶. საინტერესოა, რომ თვით დ.გულიაძე კი კორაქსებს ქართველებად, კერძოდ, სვანებად მიიჩნევდა¹⁸⁷.

ჰეკატე მილეტელთან მოხსენიებული „კორაქსების კედელი“ სხვადასხვა ავტორების მიერ ლოკალიზებულია კოდორთან (ფრედერიკ დიუბუა დე მონპერე)¹⁸⁸, კელასურთან (კ.კუდრიავცევი, პ.ინგოროყვა)¹⁸⁹. მკვლევარებისათვის ჯერ კიდევ XIX ს. დასაწყისში იყო ცნობილი, რომ ბიჭვინთიდან ვიწრო გასასვლელი ზღვასა და მთას შუა უძველეს ხანაში ბერძენებმა ჩაკეტეს კედლით; იგი ბიჭვინთასთან იწყებოდა¹⁹⁰. სწორედ ეს არის „კორაქსის კედელი“. ავტორთა უმეტესობა (ბ.კუფტინი, ნ.ლომოური, დ.კაჭარავა, გ. კვიციანი, ბ.გოგია და ა.შ.) მის ლოკალიზაციას ახდენს მდ. ბზიფის ხეობაში, სადაც უძველესი ნაგებობის კედლის ნაშთებია აღმოჩენილი¹⁹¹. შესაბამისად, მდ. ბზიფისა და გაგრის მიდამოებში უნდა მოხდეს „კორაქსიკეს მხარის“, „კოლიკეს ქვეყნისა“ და „კოლიკეს მთების“ ლოკალიზაცია. პ.ინგოროყვას აზრით, კოლხეთის (კოლიკეს) მთები ერქვა კავკასიონის ქედის ქლუხორის ზონას; მისი სახელწოდება იყო კოლხორი, საიდანაც მომდინარეობს ამ ტერმინის გვიანდელი სახენაცვალი ფორმა ქლუხორი¹⁹².

მეცნიერთა განსაკუთრებულ ყურადღებას იპყრობენ ჰენიოხები (ჰენიოქები), რომლებიც ძვ.წ. VI-V საუკუნეებიდან (სკილაქს კარიანდელი, ჰელანიკე მიტილენელი) ახ.წ. I საუკუნემდე უამრავ ავტორთან ჩრდილო-დასავლეთ კოლხეთში მოიხსენიებიან¹⁹³. არიანე (III ს.) ჰენიოხებს სამხრეთ-აღმოსავლეთ შავიზღვისპირეთში ათავსებს. პლინიუს უფროსის (II ს.) ცნობით, მეტლეს სანები – ჰენიოხები ტრაპიზონის ჩრდილოეთით ცხოვრობდნენ; იგივე ავტორი სხვადასხვა სახელების მატარებელ ჰენიოხებს ჩრდილო-დასავლეთ შავიზღვისპირეთში მოიხსენიებს¹⁹⁴. ფლავიუს არიანე (III ს.) კი ჰენიოხებს

182 . ივ. ჯავახიშვილი. საქართველოს, კავკასიის... გვ. 12.

183 . პ. ინგოროყვა. გიორგი მერჩულე... გვ. 132, 141.

184 . ნ. ლომოური. ბერძენი ლოგოგრაფოსების ცნობები... გვ. 8, 10.

185 . მ. ინაძე. ძველი აფხაზეთის... მაცნე, 1992, №1, გვ. 9-10.

186 . ვ. В. Анчабадзе. Очерк..., გვ. 30-31.

187 . გ. გასვიანი. აფხაზეთი. ძველი და ახალი აფხაზეთი. თბ., 1998, გვ. 17-18.

188 . Фредерик Дюбуа де Монпере. Путешествие вокруг Кавказа. Сухуми, 1937, გვ. 148. აქვე უნდა აღინიშნოს, რომ კათოლიკე მისიონერები ქრ. კასტელი და არქ. ლამბერტი მდ. კოდორს კორაქსთან აიგივებდნენ. – Дж. Гамахария, Б. Гогия. დასახ. ნაშრომი, გვ. 251, 252.

189 . К. Кудрявцев. Сборник..., გვ. 28-29; პ. ინგოროყვა. გიორგი მერჩულე, გვ. 141.

190 . Новейшие географические и историч. известия о Кавказе, собранные и пополненные С. Броневским, ч. I. М., 1823, გვ. 293.

191 . Б.А.Куртин. Материалы по археологии Колхиды, т.1. Тб., 1949, გვ.124; ნ.ლომოური. ბერძენი ლოგოგრაფოსების ცნობები, გვ.9; Д.Качаравა. Города и поселения Причерноморья антической эпохи. Тб., 1991, გვ. 141; ბ.გოგია. ძველი კოლხეთის, გვ. 49-50.

192 . პ. ინგოროყვა. გიორგი მერჩულე, გვ. 143.

193 . იხ. Дж. Гамахария, Б. Гогия. დასახ. ნაშრომი, გვ. 168 (სტრაბონი), 170 (პომპონიუს მელა), 171 (პლინიუსი), 175 (დიონისე პერიეგეტი), 177 (ამიანე მარცელინუსი), 182 (V ს. ანონიმი), 189 (სტეფანე ბიზანტიელი); ნ.ლომოური. კლავდიოს პტოლემეოსის, გვ. 44. I საუკუნის ავტორი ვალერიუს ფლავიუსი ახსენებს მრისხანე ჰენიოხებს მედეასთან კავშირში. მისი ცნობით, მედეას ჰყოლია ძიძა – ჰენიოხი ქალი (თ. ყაუხიშვილი. კავკასიური ტომების საკითხისათვის ანტიკური წყაროების მიხედვით. 2. ჰენიოხები. – მაცნე, ისტორიის... სერია, 1980, №4, გვ. 68).

194 . ლ. არბოლიშვილი. პლინიუს უფროსის „ბუნების ისტორია“ როგორც საქართველოს ისტორიის წყარო. თბ., 2006 გვ.146, 148.

სამხრეთით ათავსებს¹⁹⁵. V ს. ანონიმის მიხედვითაც ჰენიოხები ფიქსირდებიან როგორც ჩრდილო-აღმოსავლეთ, ისე სამხრეთ-აღმოსავლეთ შავი ზღვის სპირეთში¹⁹⁶. არისტოტელე (ძვ.წ. V ს.), II საუკუნის ალექსანდრიელი სწავლული ჰერაკლიდე ლემბუსი (ქართულ ისტორიოგრაფიაში იგი მინეული იყო ძვ.წ. III-IV სს. ბერძენ მწერალ ჰერაკლიდე პონტოელად) ჰენიოხებს ფაზისის მაცხოვრებლებად თვლიან, რომლებიც შემდგომში მიღებულია შეცვალეს¹⁹⁷.

ერთ-ერთი პირველი მეცნიერი, რომელმაც სპეციალური ნაშრომი მიუძღვნა ჰენიოხებს, გახლდათ ი. ორბელი. წერილში „ტყუპების ქალაქი დიოსკურია და ჰენიოხთა მეეტლე ტომი“ (რუს. ენ.) ავტორის მიერ ჩამოყალიბებული მოსაზრების თანახმად, სოხუმი უძველესი დროიდან ქართველების (ან მათ მონათესავეთა) კუთვნილება იყო, ხოლო ქალაქის (დიოსკურიის) დაარსებასთან კავშირის მქონე მეეტლეები – ჰენიოხები („ჰენიქი“) იგივე სანიგები ანუ სვანები არიან¹⁹⁸. ამ თემას ნ. მარიც შეეხო. მან მხარიც დაუჭირა ი. ორბელის იმ დასკვნას, რომ „ჰენიოხი“ არის სწორი პირველადი ფორმის – „ჰენიქი“//„სანიგო“-ს ბერძნული დამახინჯება; სუფიქს „ქ“-ს გათვალისწინებით, ეს სიტყვა, თითქოს, ეკუთვნის იაფეტურ ენათა იმ შტოს, რომლის წარმომადგენელიცაა აფხაზური. ნ. მარი არ ეთანხმება ი. ორბელს იმაში, რომ ძველქართულ „ჰუნე“-ს (ცხენი) კავშირი არა აქვს „ჰენიოქ“-ებთან//ჰენიოხებთან¹⁹⁹, რომლებიც ბერძნულ-რომაული წყაროების მიხედვით, განთქმული იყვნენ ყაჩაღობით, ავაზაკობით, მეკობრეობით; სომხური „ჰუნე“, – დასძენს ნ. მარი, – ნიშნავს ასევე ყაჩაღს, მეკობრეს, ავაზაკს; ეს უკანასკნელი სიტყვა ქართულში შესულა, ვითომ მისგან ყოფილა ნაწარმოები ავაზგი/აბაზგი/აფხაზი²⁰⁰. ამრიგად, ხელოვნური ლინგვისტური კომბინაციებით ნ. მარი „ჰენიოხი“ („ჰენიოქი“) მაინც აფხაზებს დაუკავშირა.

„აფხაზეთის ისტორიის“ II თავი („ჰენიოხები–ინიოხები=აბასგების–აბასების–აფხაზების წინაპრები“) დგულიამ ჰენიოხებს მიუძღვნა და ისინი კოლხებთან გააიგივა, ორივე ერთად აფსუა-აფხაზთა წინაპრებად გამოაცხადა²⁰¹. ზ. ანჩაბაძე ჰენიოხებს//სანიგებს ჯიქ-საძებად მიიჩნევდა²⁰². ამ მოსაზრებას, რომელიც პირველად 1903 წელს ადიაჩკოვ-ტარასოვმა გამოთქვა²⁰³, იზიარებდა²⁰⁴ და იზიარებს სეპარატისტული ისტორიოგრაფია²⁰⁵.

ჰენიოხებს შესაქმეთა წიგნის ენოქს²⁰⁶//ჰენოხს უკავშირებდა და ჭან-მეგრელებად მიიჩნევდა ივ. ჯავახიშვილი²⁰⁷. ასეთივე მოსაზრება ჰქონდა ს. ჯანაშიას²⁰⁸. პინგოროფას აზრით, ჰენიოხები, იგივე სანიხები ანუ სანები, მეგრულ-ლაზურ შტოს ეკუთვნოდნენ; „მათი განსახლების ტერიტორია სამი ნაწილად იყოფოდა: ძველი სამხრეთ ჰენიოხეთი –

¹⁹⁵ . ფლავიუს არიანე. მოგზაურობა შავი ზღვის გარშემო. თარგმანი, გამოკვლევა, კომენტარები და რუკა ნ. კეჭაყაძისა. თბ., 1961, გვ. 42.

¹⁹⁶ . გეორგიკა, ტ. 2. თბ., 1965, გვ. 3-4, 11.

¹⁹⁷ . თ. მიხეიანი. დასავლეთ საქართველოს ქართველ მთიელთა ეთნოგენეზის, განსახლებისა და კულტურის ისტორიიდან. თბ., 1989 გვ. 51; ბ. გოგია. ძველი კოლხეთის..., გვ. 83-93.

¹⁹⁸ .

¹⁹⁹ . XXIII, 1911, май. СПб., 1911, გვ. 202-215. კისლინგი ჰენიოხებს ქართველურ ტომად მიიჩნევდა, აკავშირებდა მათ სანებსა და ლაზებთან, ამ უკანასკნელებს კი – კერკეტებთან (თ. ყაუხჩიშვილი. კაკეასიის ტომების საკითხისათვის... 2. ჰენიოხები. – მაცნე, ისტორიის... სესია, 1980, №4, გვ. 72).

²⁰⁰ . ი. ორბელის ზოგიერთ მოსაზრებასთან დაკავშირებით მ. ინაძე წერს: „სატომო სახელწოდებას, „ჰენი“ და მის ვარიანტებს „ჰონი“, „ჰუნე“ ძველქართულ სახელწოდებას „ჰუნე“ უკავშირებდა ი. ორბელი... ეთნონიმ „ჰენის“ ვარიანტული სახესხვაობიდან „ჰენი“ შესაძლებელია ნაწარმოები იყოს ზმნა „ჰენება“ (მ. ინაძე. ძველი აფხაზეთის..., მაცნე, 1992, №1, გვ. 14). ასეთ დაკავშირებას ახდენდა არა ი. ორბელი, არამედ ნ. მარი. „Нельзя однако решительно примкнуть к мнению И. А. Орбели, – წერდა იგი, – что с *hēniok*-ами не имеет ничего общего древнегрузинский *ჰონე* *ჰონე*ჰუნე *ჰუნე* конь... Трудно отказаться от мысли о связи древне-грузинского названия лошади *ჰონე* *ჰონე*ჰუნე *ჰუნე*-с этническим термином *hēniok*...“. „ჰენი“, „ჰენი“, „ჰენება“-ს ერთმანეთთან დაკავშირებასაც ნ. მარი ახდენდა (Н. Марр. Из лингвистической поездки в Абхазию..., გვ. 327).

²⁰⁰ . Н. Марр. Из лингвистической поездки в Абхазию, гв. 325-330.

²⁰¹ . Д. Гулия. История Абхазии, т. 1, гв. 35-52.

²⁰² . З. Анчабадзе. Очерк..., гв. 31-36.

²⁰³ . ა. დიაჩკოვ-ტარასოვი. გაგრა და მისი შემოგარენი, გვ. 74-75.

²⁰⁴ . Ю. Воронов. Материальная культура гениокских племен в VI-I вв. до н. э. – Сборник работ молодых ученых-историков Абхазии. Сухуми, 1974; მისივე: Диоскурия-Сébastopolis – Цхум. М., 1980 და ა.შ.

²⁰⁵ . О. Х. Бражба, С. З. Лакоба. История Абхазии, гв. 62-68.

²⁰⁶ . დაბადება, IV. 17, 18; V. 18, 19, 21-24.

²⁰⁷ . ივ. ჯავახიშვილი. ქართველი ერის ისტორია, I. თბ., 1981, გვ. 401, 403.

²⁰⁸ . ს. ჯანაშია. შრომები, III. თბ., 1959, გვ. 8.

შემდგომი ზღვისპირა აფხაზეთი სოსხმიდან აღდგომად; შიდა ჰენიოხეთი (სოჭის რაიონი) და ჩრდილო ჰენიოხეთი – შემდგომში აფხაზეთის ჯიქეთი (ტუაფსეს რაიონი)“. საკუთარ შეხედულებას პინგოროყვა ჰენიოხთა განსახლების ტერიტორიაზე მხოლოდ ქართველური ტოპონიმების არსებობითაც ასაბუთებდა²⁰⁹.

ჰენიოხთა ვინაობის საკითხს შეეხო გ.მელიქიშვილი. იგი იზიარებდა პ. უშაკოვის შეხედულებას მათი ურარტული წარმოშობის იგანიეხთან გაიგივების შესახებ²¹⁰. გ.მელიქიშვილი ჰენიოხებს ქართველთა დასავლური შტოს – ჭანებისა და სვანების წინაპრებად თვლიდა²¹¹. სპეციალურ გამოკვლევებში ჰენიოხები ქართველებად ჰყავთ გააზრებული აკ. ურუშაძეს²¹² და ბ. გიგინეიშვილს²¹³. ეს უკანასკნელი უარყოფს „ჰენიოხის“ კავშირს ენოს/ენუქთან (ივ. ჯავახიშვილი) და აგრეთვე იგანიეხთან (პ. უშაკოვი, გ. მელიქიშვილი).

ჰენიოხებისადმი მიძღვნილ გამოკვლევათა შორის დღემდე საუკეთესოდ რჩება თ.ყაუხჩიშვილის ნაშრომი²¹⁴. მასში მოყვანილი, შეჯერებული და ღრმად გაანალიზებულია თითქმის ყველა უძველესი ცნობა ამ ჯგუფის შესახებ, გათვალისწინებულია ქართველ და უცხოელ (კისლინგი და სხვ.) სპეციალისტთა ნააზრევები; ნაჩვენებია, რომ „წყაროების უმრავლესობის მიხედვით, ძვ.წ. V-IVსს-დან II-მდე ჰენიოხები ცხოვრობდნენ სოჭიდან პიტიუნტ-დიოსკურიამდე“; წარმომავლობით კი ეს ხალხი არის „ტეშმარიტად ერთ-ერთი უძველესი ქართული ტომი“; ავტორი მიიჩნევს, რომ მხოლოდ I საუკუნიდან ხდება ჰენიოხთა სამხრეთით გადაადგილება ჯიქთა მოწოლის თუ სხვა მიზეზების გამო²¹⁵.

ჰენიოხებს ეძღვნება ვრცელი პარაგრაფი თ.მიბჩუანის მონოგრაფიაში. ავტორი მათ ქართულ სამყაროს მიაკუთვნებს²¹⁶. სერიოზული ისტორიოგრაფიული ანალიზის შემდეგ იმავე დასკვნას აკეთებს გ.გასვიანი²¹⁷. ჰენიოხების თემას რამდენიმე ნაშრომში საინტერესოდ ავითარებს მ.ინაძე და მოჰყავს გარკვეული არგუმენტები ქართველთა ამა თუ იმ შტოსადმი მათი კუთვნილების შესახებ²¹⁸. ნ.ბერულავას აზრით კი ჰენიოხებს შორის იყვნენ სვანები, მეგრელები, ქართველი (მოსხების სახით) და აფხაზთა წინაპრებიც²¹⁹.

ჰენიოხთა ვინაობისა და განსახლების საკითხს ვრცლად ეხება ბ.გოგია. „საბოლოო ჯამში უნდა დავასკვნათ, – წერს იგი, – რომ არსებობდა ჰენიოხთა ძირითადი კოლხური ტომი დიოსკურიასა და მის მიმდებარე ტერიტორიებზე, ხოლო ჰენიოხთა რამდენიმე ტომი (კოლონია) კი აქედან წასულა და დამკვიდრებულა: კიმერიულ ბოსფორთან, ტუაფსესთან, რიზესთან და ფაზისთან“²²⁰. თავის დასკვნას ის აფუძნებს ქართველ და ევროპელ მეცნიერთა შრომებზე, აგრეთვე პირველწყაროებზე.

ყველასაგან განსხვავებული მოსაზრება აქვს ნ. ლომოურს. ადრე გამოქვეყნებულ წერილებში მან დამაჯერებლად არ მიიჩნია ჰენიოხებისა და სანიგების იდენტურობა, თანამედროვე აფხაზეთის ტერიტორიაზე ჰენიოხთა მკვიდრობა, ქართველური შტოს (განსაკუთრებით სვანების) წარმომადგენლებად მათი გამოცხადება, თუმცა ადრე არ გამორიცხავდა, „რომ ჰენიოხები თავდაპირველად დას. საქართველოს სამხრეთ ნაწილში ბინადრობდნენ და შემდგომ თანდათან გადაიწიეს შავი ზღვის ჩრდილო-აღმოსავლეთ სანაპიროზე“²²¹; ამასთანავე ნ.ლომოური უშვებდა ჰენიოხების „კუთვნილებას მეგრულ-

209 . პ. ინგოროყვა. გიორგი მერჩულე, გვ. 129, 134-136.

210 . П. Ушаков. К походам урартийцев в Закавказье. – Вестник Древней Истории, 1946, №2, с. 38.

211 , გვ. 91, 93, 115, 210, 214, 223, 373-734; გ. მელიქიშვილი. საქართველოს,

კავკასიის... გვ. 67.

212 . აკ. ურუშაძე. ჰენიოხების შესახებ. – თსუ-ს შრომები, ტ. 96. თბ., 1963, გვ. 243-248.

213 . ბ. გიგინეიშვილი. ეთნონიმ ჰენიოხის წარმომავლობისათვის. – მაცნე. ისტორიის. სერია, 1975, №1, გვ. 115-124.

214 . თ. ყაუხჩიშვილი. კავკასიის ტომების საკითხისათვის ანტიკური წყაროების მიხედვით. – მაცნე. ისტორიის...

სერია, 1980, №4, გვ. 57-77.

215 . იქვე, გვ. 69, 75, 76.

216 . თ. მიბჩუანი. დასავლეთ საქართველოს... გვ. 48-83; იხ. აგრეთვე მისივე: აფხაზეთის ავტონომიური რესპუბლიკის ისტორია. თბ., 2003, გვ. 36-44.

217 . გ. გასვიანი. აფხაზეთი, გვ. 21-25.

218 . მ. ინაძე. ძველი აფხაზეთის... – მაცნე, 1992, №1, გვ. 10-14.

219 . Н. Берулава. Диоскурия-Севастопольс, გვ. 129.

220 . ბ. გოგია. ძველი კოლხეთის... გვ. 93.

221 . ნ. ლომოური. კლავდიოს პტოლემეის... გვ. 54.

ჭანური შტოსადმი“²²². ბოლო პერიოდში მისი პოზიცია უფრო კატეგორიული გახდა. „არსებითად გამორიცხულია, – წერს ნ.ლომოური, – ჰენიოხების მოსახლეობა კოლხეთის და ე.ი. აფხაზეთის ტერიტორიაზე, მათი ქართველობა, მეგრულ-ჭანური თუ სვანური წარმომავლობის ტომად გამოცხადება, ისევე დაუსაბუთებელია მათი კავშირი სანიგებთან“²²³. მეცნიერი ფიქრობს, რომ მხოლოდ ამგვარი პოზიციის დაცვით არის შესაძლებელი აფხაზეთში ქართველთა ყოფნის დასაბუთება და მოგერიება სეპარატისტულად განწყობილი ისტორიკოსებისა, რომლებიც ჰენიოხებს (ასევე სანიგებს) აფხაზეთად მიიჩნევენ და მათი განსახლების არეალად მთელ კოლხეთს მოიაზრებენ; ჰენიოხებს აფხაზეთიდან თუ „გაგასახლებთ“, მიაჩნია ნ.ლომოურს, ყველა პრობლემა თითქოს მოგვარდება²²⁴. ძნელია, დაეთანხმო ამ, ერთი შეხედვით, კეთილშობილური მიზნებით ნაკარნახევ, მაგრამ მცდარ და თანაც მიაშიტურ მოსაზრებას. ნ.ლომოურის შეხედულებები ჰენიოხებთან მიმართებაში დეტალურადაა განხილული და უარყოფილია ბ. გოგიას მონოგრაფიაში²²⁵. ამჯერად კი უპრიანია ვახვენოთ, რამდენად არის დასაბუთებული მეცნიერის ერთ-ერთი მთავარი არგუმენტი: „ერთადერთი ცნობა, რომელიც განცალკევებით დგას და ჰენიოხების ლოკალიზაციას დიოსკურიის ოლქში ახდენს, ეკუთვნის ახ.წ. I საუკუნის გეოგრაფს, პომპონიუს მელას“, რომელიც ვითომ „საკმაოდ ზერელე“ ავტორიც ყოფილა²²⁶.

ნ. ლომოურის თარგმანის მიხედვითაც, ფსევდო-სკილაქს კარიანდელთან „ჰენიოხების იქით (სამხრეთით – ავტ.) არის კორაქსების ტომი“²²⁷. როგორც ზემოთ იყო ნახელები, ნ.ლომოური არის ერთ-ერთი, ვინც დამაჯერებლად მოახდინა კორაქსების ლოკალიზება ბზიფის მიდამოებში. ამ ვერსიას თუ მივიღებთ, ცხადია, ფსევდო-სკილაქს კარიანდელის ჰენიოხები თანამედროვე აფხაზეთის ფარგლებში – გაგრაში და მის ჩრდილო-დასავლეთით არიან სავარაუდებელი.

სტრაბონთან დამოწმებული არტემიდორეს (II-ის.) ცნობით, კერკეტებისა და აქაველების შემდეგ მოდიან ჰენიოხები, რომელთა 100 სტადიონის სიგრძის სანაპირო დიდ პიტიუნტამდე აღწევს (XI. 2,14)²²⁸. ნ.ლომოურის მიერ დაწუნებული პომპონიუს მელას თანამედროვე პლინიუსი, როგორც უკვე ითქვა, ჰენიოხებს კოლხეთის სამხრეთით (VI. 12) და ასევე ჩრდილოეთითაც (VI. 14) ათავსებს. იგი წერდა: „ზოგიერთთა აზრით, ეს ქალაქი (დიოსკურია) დასახლებული იყო ტყუპი ძმების, კასტორისა და პოლუქსის, ამფიტის და ტელხიუსის მიერ, რომელთაგან, როგორც იუწყებიან თითქმის სრულიად სანდო (წყაროები), თავის წარმომავლობას იღებს ჰენიოხთა ტომი“²²⁹. მსგავსი ცნობა აქვს სოლინუსსაც (III.): „კოლხიდის ქალაქი დიოსკურიადა დააარსეს კასტორისა და პოლუქსის მეეტლეებმა, რომელთაგანაც წარმოსდგა ჰენიოხთა ტომი“²³⁰.

მივმართოთ ნ. ლომოურის ნაშრომს – კლავდიოს პტოლემეაიოსის (III.) „გეოგრაფიული სახელმძღვანელოს“ მისეულ თარგმანს შესაბამისი წინასიტყვაობითა და კომენტარებით. ამ წყაროში ჰენიოხები ჩრდილო-აღმოსავლეთ შავი ზღვისპირეთში სუანო-კოლხების სამხრეთით არიან დასახლებული²³¹. ეს კი უტყუარი მტკიცებაა იმისა, რომ ჰენიოხები კოლხეთის (მათ შორის აფხაზეთის) ფარგლებში არიან მოქცეულნი. ნ.ლომოური ფაქტობრივად უარყოფს საკუთარ თეორიას ჰენიოხების აფხაზეთის მიღმა (ჩრდილოეთით) მკვიდრობის შესახებ, როცა სვანო-კოლხების ლოკალიზაციას სწორად ახდენს „მდ.ბზიფის (პტოლემეაიოსის კორაქსი) გასწვრივ“²³². გამოდის, რომ ჰენიოხები სადღაც დიოსკურიასა და მდ. ბზიფს შორის არიან. ნ.ლომოური აღნიშნავს და ასეც არის, აპიანე (III.) ჰენიოხებს უშუალოდ დიოსკურიის შემდეგ (ჩრდილოეთით)

222 . ნ. ლომოური. ბერძენი ლოგოგრაფოსების ცნობები..., გვ. 24.

223 . ნ. ლომოური. ძველი აფხაზეთის ეთნოკულტურული ისტორიიდან. თბ., 1998, გვ. 20.

224 . იქვე. პირიქით, ჰენიოხთა „გასახლება“ უფრო წამგებიანია.

225 . ბ. გოგია. ძველი კოლხეთის..., გვ. 36-39, 54-60, 77-93. იხ. აგრეთვე: ჯ. გამახარია. აფსილ-აბაზგთა ეთნიკური ვინაობის საკითხისათვის. თბ., 1989, გვ. 34-36.

226 . ნ. ლომოური. ძველი აფხაზეთის..., გვ. 12.

227 . ნ. ლომოური. ბერძენი ლოგოგრაფოსების ცნობები..., გვ. 33.

228 . თ. ყაუხჩიშვილი. სტრაბონის გეოგრაფია. ცნობები საქართველოს შესახებ. თბ., 1957, გვ. 120.

229 . ლ. არბოლიშვილი. პლინიუს უფროსის „ბუნების ისტორია“, გვ. 149.

230 . თ. ყაუხჩიშვილი. კავკასიის ტომების საკითხისათვის... – მაცნე, 1980, №4, გვ. 58.

231 . ნ. ლომოური. კლავდიოს პტოლემეაიოსის..., გვ. 44.

232 . ნ. ლომოური. ძველი აფხაზეთის..., გვ. 33.

ათავსებს²³³. ამიანუს მარცელინუსი (IV ს.) ქდიოსკურთას, გადმოცემების საფუძველზე, კასტორ-პოლუქსის მეეტლეებისა და ჰენიოხების წინაპრების დაარსებულად მიიჩნევს (XXII. 24)²³⁴.

ამრიგად, ნ.ლომოურის მტკიცება, თითქოს „ხერედე“ პომპონიუს მელას გარდა თანამედროვე აფხაზეთის ტერიტორიაზე არავინ ახდენს ჰენიოხთა ლოკალიზაციას, სინამდვილეს არ შეეფერება. ხშირად ჰენიოხები ნამდვილად მოიხსენიებიან გაგრის ჩრდილო-დასავლეთითაც, მაგრამ არა აფხაზ-ადილთა გარემოცვაში, როგორც ნ. ლომოური წერს, არამედ უეჭველად ქართული ქალაქის – ძველი ლაზიკის მიდამოებში, რაც თავისთავად მრავლისმთქმელია და იმ მეცნიერთა მოსაზრებას ამყარებს, ვინც შავიზღვისპირა მოსახლეობის ამ ჯგუფს ქართველთა დასავლურ შტოს მიაკუთვნებს.

ჰენიოხების ვინაობასთან დაკავშირებით ნ.კვეციველ-კოპაძეს მიიჩნევს, რომ ისინი არ წარმოადგენდნენ განსაკუთრებულ ეთნიკურ ჯგუფს; ისინი იყვნენ პროფესიონალი მზიდაეები (თუ გამცილებლები)²³⁵, რომლებიც ვაჭრებს ემსახურებოდნენ ერთი ადგილიდან მეორეზე გადასვლისას²³⁶. მართალია, ეს მოსაზრება მეცნიერების მიერ გაზიარებული არ არის²³⁷, მაგრამ მხოლოდ მისი მეშვეობით (და არა იმდენად გადასახლებებით) შეიძლება აიხსნას ჰენიოხთა ერთდროული მოხსენიება აღმოსავლეთ შავიზღვისპირეთის რამდენიმე რეგიონში, მათ შორის სამხრეთ-აღმოსავლეთ შავიზღვისპირეთში.²³⁸ სხვა ქართული თემებისაგან პროფესიული ნიშნით განცალკევებულობაზე მიუთითებენ „ჰენიოხის“ ეტიმოლოგია, „მრავალტომიანობა“ (ანუ მრავალი დასახლების მქონე), აგრეთვე ისტორიული არენიდან შეუმჩნეველი გაქრობა რეგიონში რომაელთა პოზიციების განმტკიცების, ადგილობრივი პოლიტიკური წარმონაქმნების გაძლიერებისა და ვაჭართა მომსახურება-დაცვის ფუნქციის საკუთარ თავზე აღების კვალობაზე.

არსებობს საფუძველი „სხვადასხვა სახელწოდების“ ჰენიოხებს მივაკუთვნოთ არა მხოლოდ სანები (პლინიუსი), არამედ კერკეტებიც. დამკვიდრებული მოსაზრება, რომ ისინი ჩერქეზები არიან, ეყრდნობა მხოლოდ თითქმის არარსებულ ან ძალიან მიახლოებით ფონეტიკურ მსგავსებას. თ.ყაუხჩიშვილი ყურადღებას ამახვილებს იმ გარემოებაზე, რომ ჰენიოხთა ლეგენდარული წინაპრები – დიოსკურთა მეეტლეები წყაროებში სხვადასხვა სახელებით მოიხსენიებიან. ერთს ჰქვია ამფისტრატოსი (სტრაბონი, ტროგუს იუსტინუსი), ან ამფიტოსი (პლინიუსი, ამიანუს მარცელინუსი); მეორე სახელის ოთხი ვარიანტია ცნობილი – რეკასი ან კრეკასი (სტრაბონი), თელხოსი (პლინიუსი), ფრიგიასი (ტროგუს იუსტინუსი) და კერკიოსი (ამიანუს მარცელინუსი). „კრეკასი“ და „კერკიოსი“ „შეიძლება ერთი სახელის გადასხვაფერება იყოს და მასშიც „კერკეტების“ ეპონიმი იმალებოდეს“²³⁹, – წერს თ.ყაუხჩიშვილი.

კერკეტების ვინაობასთან დაკავშირებით გ.მელიქიშვილი მართებულად შენიშნავდა, რომ „ჩერქეზი“ არ არის ადგილობრივ ნიადაგზე წარმოქმნილი სახელი (მართლაც, „ჩერქეზი“ თურქულად „შარა-გზის ყაჩაღს“ ნიშნავს) მაშინ, როცა „კერკეტები“ შეიძლება დაეუკავშიროთ „ეგრ“-ს, რომელიც პლინიუსთან (VI. 14) „კეგრიტიკი“-ს, ხოლო პტოლემეოსთან (9. 4) „კერკეტკას“ სახელით იხსენიება. ამ მოსაზრებას ადასტურებს, – თვლის გ.მელიქიშვილი, – კერკეტების ტერიტორიაზე ქ. ძველი ლაზიკის არსებობაც²⁴⁰.

აღნიშნულ შეხედულებას არსებობის სრული უფლება აქვს. გარდა ამისა, კერკეტების სემანტიკა ამ სახელის ჰენიოხებთან დაკავშირების საშუალებასაც იძლევა.

²³³ . ამიანე. მითრიდატეს ომების ისტორია, გვ. 195.

²³⁴ . გეორგიკა, ტ. I. თბ., 1961, გვ. 112.

²³⁵ . დ. გულიას აზრით, მეკობრე ჰენიოხების დაცვის თანხლების გარეშე შეუძლებელი იყო აღმოსავლეთ შავიზღვისპირეთში მოგზაურობა და ამიტომაც უწოდეს მათ ბერძნებმა მეეტლეები. – Д. Гулия. История Абхазии, т.1, გვ. 45-46.

²³⁶ . Н. Квезерели-Копадзе. Дорожные сооружения древней Абхазии. Сухуми, 1955, გვ. 30-55.

²³⁷ . თ. ყაუხჩიშვილი. კავკასის ტომების საკითხისათვის... – მაცნე, 1980, №4, გვ. 71; მ. ინაძე. ძველი აფხაზეთის..., მაცნე, 1992, №1, გვ. 13-14.

²³⁸ . ახ. წ. I ს. სამხრეთ-აღმოსავლეთ შავიზღვისპირეთში დაფიქსირებულმა ჰენიოხებმა, შესაძლოა, ჩაანაცვლეს ძვ. წ. 64 წ. პომპეუსის მიერ განადგურებული კილიკიელი ყაჩაღები და მეკობრეები.

²³⁹ . თ. ყაუხჩიშვილი. კავკასის ტომების საკითხისათვის... – მაცნე, 1980, №4, გვ. 58-59.

²⁴⁰ . Г. А. Меликишвили. История древней Грузии, გვ. 89.

როგორც ზემოთ აღინიშნა, „კერკეტი“ ბერძნულად ნიშნავს „მესაჭე“-ს (შდრ. ჰენიოხი – მეეტლე, მხედარი, სადავის დამჭერი). განსაკუთრებით საინტერესოა მისი ქართული განმარტება: „კერკეტი... ესენი არიან კაცნი ღამის მცველნი, რათა ბოროტად მავალნი შეიპყრან. კერკეტი არიან კაცნი ღამეთა მცველნი, რათა ბოროტად მოქმედნი არა უტყონ“²⁴¹. ამრიგად, „კერკეტის“ ბერძნულ და ქართულ სემანტიკაში ასახულია საკმაოდ მჭიდრო კავშირი ჰენიოხებთან²⁴², ორივესი ერთად კი – ქართულ სამყაროსთან. არსებობს ასეთი განმარტებაც – კერკეტი – მაღალი და ჩასხმული კაცი²⁴³, რაც ასევე ამყარებს გაკეთებულ დასკვნას. კერკეტები ახ.წ. II. ავტორების – სტრაბონის (XII. 3, 18)²⁴⁴, კვინტუს კურციუს რუფუსის²⁴⁵ მიერ სამხრეთ-აღმოსავლეთ შავიზღვისპირეთში მოიხსენიებიან. ეს გარემოება კიდევ უფრო საფუძვლიანს ხდის კერკეტების ქართველურ სამყაროსთან, მათ შორის ჰენიოხებთან დაკავშირების ალბათობას. მინაძე, პირიქით, ცდილობს ვითომ ჩერქეზული წარმოშობის კერკეტების II. სამხრეთ საქართველოში ყოფნა ყვა-თი წარმოებულ ტოპონიმებს დაუკავშიროს²⁴⁶ მაშინ, როცა იმ პერიოდში მსგავსი ტოპონიმები სამხრეთ საქართველოში დაფიქსირებული არ არის. ასეთი სახელები კერკეტებს არ დაუტოვებიათ ჩრდილო-აღმოსავლეთ შავიზღვისპირეთშიც, სადაც ადრე მრავალი საუკუნის განმავლობაში მკვიდრობდნენ.

Vს. ანონიმის მიერ კერკეტებთან გაიგივებული ტორეტებიც²⁴⁷, სავარაუდოდ, ჰენიოხთა ერთ-ერთ ჯგუფს და ქართულ თემს მიეკუთვნება²⁴⁸. ბ.გოგიას საკმაოდ დასაბუთებული მოსაზრებით, ჰენიოხები არიან ტელონებიც („ხარკის ამკრეფნი“, „მოძალადენი“), რომელთა სახელწოდება მეეტლე ტელქიუსის სახელს უკავშირდება²⁴⁹.

ადრეანტიკური ხანის აფხაზეთის ტერიტორიაზე, ჰელანიკე მიტილენელისა და პალეფატე აბილოსელის ზემოთ მოყვანილი ცნობების თანახმად, სახლობდნენ მოსხებიც²⁵⁰. ამას ადასტურებენ სტრაბონთან დაცული მითრიდატე დიდის ომების ისტორიკოსებიც, „რომელთაც მეტად დაეჯერებათ. ამბობენ, რომ ჯერ არიან ზიგები, მერე ჰენიოხები, კვლავ კერკეტები, მოსხები, კოლხები, შემდეგ ამათ ფთიროფაგები, სვანები და სხვა პატარა ტომები კავკასიონთან“ (XI. 2,14)²⁵¹. სარწმუნო ცნობები („რომელთაც მეტად დაეჯერებათ“) ხელს არ უშლიან სტრაბონს სამ ნაწილად (კოლხების, იბერებისა და არმენიელების) გაყოფილი „მოსხების ქვეყანა“ სამხრეთ საქართველოშიც დააფიქსიროს თავისი „მოსხური მთებით“ (XI. 2, 15, 17; XI 12, 4; XI. 14, 1; XII. 3, 18)²⁵². მოტანილ ცნობებში სტრაბონი წინააღმდეგობას ვერ ხედავს. მოსხების სამხრეთში ყოფნა არავითარ ეჭვს არ იწვევს. მათ ჯერ კიდევ პეროდოტე დ მოიხსენიებდა არიოსის XIX სატრაპიის შემადგენლობაში²⁵³.

დისკუსიის საგანია ჩრდილოეთში, მათ შორის თანამედროვე აფხაზეთის ფარგლებში მოსხების მოსახლეობა-არმოსახლეობის საკითხი. პომპონიუს მელას მონაცემებით, მოსხური მთები უკვე ჩრდილოეთით (კავკასიაში) არიან დასახელებული²⁵⁴. ახ.წ. VIს. ისეთი კომპეტენტური ავტორი, როგორც იყო პროკოპი კესარიელი, მოსხების ქვეყანას კავკასიის მთიანეთში ათავსებს და იქაური მოსახლეობის სამეურნეო საქმიანობასაც აღწერს²⁵⁵.

241 . ს.-ს. ორბელიანი. ლექსიკონი ქართული, I, გვ. 367.

242 . თ. ყაუხჩიშვილისეული ქართული თარგმანის მიხედვით (მაგრამ არა რუსული თარგმანით), ჰენიოხები და კერკეტები სტრაბონთან ერთი და იგივე ხალხი ჩანს: „ამის შემდეგ (არიან) აქელები, ზიგები, ჰენიოხები – კერკეტები“ (XI. 2,1). – თ. ყაუხჩიშვილი. სტრაბონის გეოგრაფია, გვ. 111; Дж. Гамахария, Б. Гогия. დასახ. ნაშრომი, გვ. 168.

243 . დ. ჩუბინაშვილი. ქართულ-რუსული ლექსიკონი, გვ. 604.

244 . თ. ყაუხჩიშვილი. სტრაბონის გეოგრაფია, გვ. 203.

245 . თ. ყაუხჩიშვილი. კავკასიის ტომების საკითხისათვის... – მაცნე, 1980, №4, გვ. 75.

246 . მ. ინაძე. ძველი აფხაზეთის... – მაცნე, 1992, №1, გვ. 15-16.

247 . გეორგიკა. ტ. 2. გვ. 12.

248 . ს. ყაუხჩიშვილი თვლიდა, რომ ტორეტებს, ედუსინებს და სხვებს „ქართველურ ელემენტთან შეიძლება ძალიან შორეული კავშირი ჰქონდეთ“ (გეორგიკა, ტ. 2, გვ. 28).

249 . ბ. გოგია. ძველი კოლხეთის... გვ. 57.

250 . ტერმინის ისტორიის შესახებ იხ.: ნ. ხაზარაძე. „მესხი“ ეთნიკური ტერმინის ისტორიისათვის. – საქართველოს და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 21-42.

251 . თ. ყაუხჩიშვილი. სტრაბონის გეოგრაფია, გვ. 120.

252 . იქვე, გვ. 121, 124, 125, 174, 185-186, 203.

253 . თ. ყაუხჩიშვილი. პეროდოტეს ცნობები, გვ. 45.

254 . Дж. Гамахария, Б. Гогия. დასახ. ნაშრომი, გვ. 170.

255 . გეორგიკა, ტ. 2. გვ. 127.

ასეთია წყაროთა ცნობები, რომელთა მიხედვითაც მოსხები არიან როგორც ჩრდილოეთით, ისე სამხრეთით. ნ.მარმა ისინი, პირველ რიგში, აფხაზებთან დააკავშირა. სახელწოდება „მცხეთა“, – წერდა იგი, – „ეტყობა დანერგილია აბხაზ-აბაზხების, სახელდობრ, მათი წინაპრების – მოსხებისა და არა ქართველის მიერ“²⁵⁶.

საინტერესო მოსაზრება გამოთქვა ივ.ჯავახიშვილმა. „პრ. ნ.მარი მართალი უნდა იყოს, – წერდა იგი, – როდესაც აფხაზების ძველ სახელწოდებას „აბასხი“-ს ამ „მასხი“-ს უკავშირებს, მხოლოდ მას თავში ჩვეულებრივი აფხაზური თავსართი „ა“ უხის... ამგვარად, აფხაზებს და მესხებს ერთი და იგივე ტომობრივი სახელი აქვთ, მაგრამ მარტო ამით, რასაკვირველია, ტომობრივი იგივეობა ვერ დამტკიცდება, მეტადრე სანამ ამ სიტყვის „მას“, „მოს“, „მეს“-ხის ძირითადი მნიშვნელობა გამორკვეული არ არის. პირიქით, შესაძლებელია იგი საზოგადო სახელი იყოს. მაინც და მაინც საგულისხმოა, რომ ეს სახელი მარტო ამ ორ ტომს – აფხაზებს და მესხებს კი არ რქმევიათ, არამედ ლეკები თუშებიც ახლაც „მოსეკებს“, ე.ი. „მოსხებს“ ეძახიან“²⁵⁷. ივ.ჯავახიშვილის მსჯელობაში განსაკუთრებით მნიშვნელოვანია ვარაუდი „მესხი“-ს საზოგადო მნიშვნელობის შესახებ, რაც იმას გულისხმობს, რომ მსგავსი სახელი შეიძლება შეგვხვდეს ქართველთა განსახლების ფართო არეალში – აფხაზეთში, სამხრეთ საქართველოში, თუშეთში და ა.შ.

პ. ინგოროყვამ გაიზიარა ნ.მარისა და ივ.ჯავახიშვილის მოსაზრებათა ის ნაწილი, რომელიც მოსხისა და აბასხის იდენტურობას შეეხებოდა; რადგანაც მესხები სახელდებოდნენ, მეცნიერის აზრით, კელასურის ხეობაში (სინამდვილეში კი ბზიფის მხარეში) მცხოვრები კორაქსების შემდეგ, მათი განსახლების არეალად საკუთრივ აფხაზეთი (დიოსკურია-ბზიფის მონაკვეთი) მიიჩნია²⁵⁸. ვინაიდან მესხების ქართველობა ეჭვს არ იწვევდა (და არც იწვევს), პ.ინგოროყვამ გააკეთა ორიგინალური დასკვნები (მესხისა და აფხაზის იგივეობის შესახებ), რომელთა შესახებ ქვემოთ იქნება საუბარი.

პ.ინგოროყვას წინააღმდეგ ზ.ანჩაბაძემ გაილაშქრა. მან აღნიშნა, რომ დამოწმებულ წყაროებში (ჰელანიკე, პალეოგრაფიკა, მითრიდატეს ომების ისტორიკოსები) მოსხების განსახლების ზუსტი ადგილი მითითებული არ არის, ამიტომ ამ „ერთეული ავტორების საეჭვო ცნობებზე“ დაყრდნობით აფხაზეთის თანამედროვე ტერიტორიაზე მათი ლოკალიზება არ შეიძლება; მოსხების ნამდვილი საცხოვრისი კი სამხრეთ-აღმოსავლეთ შავიზღვისპირეთშია, სადაც ნ.მარის მტკიცებით, შესაძლოა, აფხაზებიც მოსახლეობდნენ²⁵⁹.

ნ.ლომოურმაც ჩათვალა, რომ ჰელანიკეს ცნობები ზოგადია, სიზუსტით არ გამოირჩევიან, ამიტომ მის მიერ დასახელებულ ტომთა სამოსახლო ტერიტორიის განსაზღვრისათვის არ გამოდგებიან²⁶⁰. რადგანაც პალეოგრაფიკა აბილოსელის ფრაგმენტის თანახმად, მოსხების მეზობელი ხარიმატები ფლობდნენ მდ.პართენიონს მცირე აზიაში²⁶¹, ნ.ლომოურმა მხარი დაუჭირა ნ.ხაზარაძის შეხედულებას²⁶² მოსხების მცირე აზიაში, მატიენების მეზობლად მოსახლეობის თაობაზე და გააკეთა კატეგორიული დასკვნა: „აბსოლუტურად გამორიცხულია მოსხების მოთავსება აფხაზეთის ტერიტორიაზე“; ამასთანავე დასძინა, რომ „თუ ჩვენ ვაღიარებთ აფხაზეთის ტერიტორიაზე მესხთა ოდესმე მოსახლეობას, პ.ინგოროყვას მომხრე-მიმდევართა პოზიცია შეიძლება ერთგვარად განმტკიცდეს“²⁶³.

ხაზგასმით უნდა აღინიშნოს, რომ ქართველურ თემთა ზოგადი სახელი „მესხი“ (ივ.ჯავახიშვილი) რომელ რეგიონშიც არ უნდა დაფიქსირდეს, ამით არანაირად არ გამოირიცხება ამ სახელის მატარებელი ხალხის აფხაზეთშიც ყოფნა; იმავედროულად,

²⁵⁶ . Н. Марр. История термина «Абхаз», გვ. 704.

²⁵⁷ . ივ. ჯავახიშვილი. ქართველი ერის ისტორია, წ. I-II, გვ. 21-22.

²⁵⁸ . პ. ინგოროყვა. გიორგი მერჩულე, გვ. 137-140.

²⁵⁹ . З. В. Анчабадзе. Вопросы истории Абхазии в книге П. Ингорюкв «Георгий Мерчуле – грузинский писатель X века». –

Труды Абхазского института языка, литературы и истории им. Д. И. Гулия. XXVII. Сухуми, 1956, гв. 262-264.

²⁶⁰ . ნ. ლომოური. ბერძენი ლოგოგრაფოსების ცნობები, გვ. 10-12, 26.

²⁶¹ . როგორც ბ. გოგია წერს, პართენიონი არსებობდა არა მხოლოდ მცირე აზიაში, არამედ ხერსონესთან და ფეოლოსთანაც (ანუ ხარიმატების სიახლოვეს). – ბ. გოგია. ძველი კოლხეთის..., გვ. 127.

²⁶² . ნ. ხაზარაძე. საქართველოს ძველი ისტორიის ეთნო-პოლიტიკური პრობლემები. თბ., 1984, გვ. 34.

²⁶³ . ნ. ლომოური. ძველი აფხაზეთის..., გვ. 24, 25.

აფხაზეთში მოსხთა მოსახლეობის დაშეება-არდაშეებაზე ნაკლებად არის და-
მოკიდებული პინგოროყვას კონცეფციისა და მისი მიმდევრების პოზიციის სიმტკიცე თუ
სისუსტე. ეს მარტივი ჭეშმარიტება კარგად ესმით მეცნიერებს. გ.ჩიტაიამ ჯერ კიდევ
1955წ. პინგოროყვას „გიორგი მერჩულე“-ზე დაწერილ რეცენზიაში არ გაიზიარა
„მესხისა“ და „აფხაზის“ ურთიერთკავშირი, მაგრამ მხარი დაუჭირა ისტორიულ
აფხაზთა ქართველობის იდეას²⁶⁴. თ.მიქელაძემ, რომელიც არ უნდა იყოს პინგოროყვას
მიმდევარი, შესანიშნავად დაასაბუთა მესხების აფხაზეთში ყოფნა²⁶⁵. ადრე მინაძე
თვლიდა, „რომ მოსხთა ბინადრობა ძვ.წ. I – ახ.წ. I სს-ში შავი ზღვის ჩრდილო-
აღმოსავლეთ სანაპიროზე საკმაოდ საეჭვოდ გამოიყურება და მეტ დასაბუთებას
მოითხოვს“²⁶⁶. დამატებით საბუთებად შემდგომში მან გამოიყენა სტრაბონის,
განსაკუთრებით პროკოპი კესარიელის ცნობები და გააკეთა დასკვნა მესხების ერთი
ჯგუფის აფხაზეთის მთიანეთში მოსახლეობის შესახებ; ამასთანავე, მინაძე ადასტურებს
ძვ.წ. VII ს. მესხების მცირე აზიაში ბინადრობის ცნობილ ფაქტსაც²⁶⁷. ბ.გოგია ასევე
აღნიშნავს, რომ უძველეს წყაროებში არსებობს მოსხთა ბინადრობის ორი
(ჩრდილოეთსა და სამხრეთში) განსხვავებული ტრადიცია²⁶⁸.

ამრიგად, ადრეანტიკურ ხანაში ზოგადი სახელის მატარებელი ერთ-ერთი ქართული
თემის – მოსხების აფხაზეთის თანამედროვე ტერიტორიაზე ყოფნა დადასტურებულად
უნდა ჩაითვალოს, თუმცა ამ ფაქტის მხოლოდ აღიარებით დამაჯერებლად ვერ
დგინდება მოსხისა და აბასხის იდენტურობა.

აფხაზეთის სიახლოვეს დასახლებული არიან აქაიები²⁶⁹ და მელანქლენები²⁷⁰,
რომელთა შესახებ ცოტა რამ არის ცნობილი; ს.ყაუხჩიშვილი ამ თემებსაც ქართულ
სამყაროს მიაკუთვნებს²⁷¹.

ადრეანტიკური ხანის წყაროების მიხედვით, აფხაზეთის მთელი თანამედროვე
ტერიტორია კოლხეთის სამეფოს შემადგენლობაშია და კოლხებითაა დასახლებული.
მიუხედავად აქემენიდური სპარსეთის ექსპანსიისა და ძვ.წ. VII ს. ქვეყნის სამხრეთ
რაიონების დამორჩილებისა, კოლხეთი ინარჩუნებდა დამოუკიდებლობას, თუმცა
ჰეროდოტეს ცნობით, ყოველ მეხუთე წელს ნებაყოფლობითი საჩუქრის სახით
სპარსეთში 100 ჰაბუკს და 100 ქალწულს აგზავნიდა (III. 97). სამეფოს ქართველური
მოსახლეობა ძველი ავტორების მიერ კოლხებად მიჩნეულ კორაქსებთან და კოლებთან
ერთად ბზიფამდე თუ კავკასიონის ქედამდეა გავრცელებული. ჰეროდოტეს ცნობით კი
კოლხებს ეჭირათ უზარმაზარი სივრცე მეოტის ტბამდე (აზოვის ზღვამდე)²⁷²; სამხრეთის
საზღვარი აფსაროსთან (ჭოროხი) თუ ტრაპეზუნდ-კერასუნტის მიდამოებშია
სავარაუდებელი²⁷³. წყაროთა მონაცემებით, აღნიშნულ ტერიტორიაზე უცხო ეთნიკური
ჯგუფები დასახლებული არ არიან. განსაკუთრებით ნათელია სიტუაცია ენგურ-ფსოუს
მონაკვეთზე, სადაც სხვა ეთნოსის კვალი არ ჩანს..

სეპარატისტთა პოლიტიკური ამბიციების დაკმაყოფილებას ემსახურება ვერსია
ტერმინ „კოლხეთი“-ს კრებითი ანუ ფართო (გეოგრაფიული) და ვიწრო (ეთნიკური)
მნიშვნელობის შესახებ. ტერმინებს „კოლხეთი“, „კოლხი“ ზოგჯერ მართლაც აქვთ
კრებითი მნიშვნელობა; მათში იგულისხმება ქართული რეგიონები, ქართველი ერის
სხვადასხვა განშტოებები და თემები. ასე ესმოდა ივანე ჯავახიშვილს „კოლხეთის

²⁶⁴ . გ. ჩიტაია. ძველი აფხაზეთის მოსახლეობის ეთნიკური ჩამომავლობის შესახებ. – შრომები ხუთ ტომად, II. თბ.,
2000, გვ. 119.

²⁶⁵ . თ. მიქელაძე. ძიებანი..., გვ. 21-24.

²⁶⁶ . მ. ინაძე. ანტიკური ხანის..., მოამბე, 1960, №2, გვ. 148.

²⁶⁷ . მ. ინაძე. აფხაზების..., – მაცნე, 1992, №1, გვ. 16-20; . . .

– // . . ., 1999. გვ. 66.

²⁶⁸ . ბ. გოგია. ძველი კოლხეთის..., გვ. 127-130.

²⁶⁹ . თ. ყაუხჩიშვილი. კავკასიის ტომების საკითხისათვის ანტიკური წყაროების მიხედვით. I. აქაიები. – მაცნე, 1980,
№3, გვ. 31-40.

²⁷⁰ . ნ. ლომოური. ბერძენი ლოგოგრაფოსების ცნობები..., გვ. 32, 33.

²⁷¹ . გეორგიკა, ტ. 2, გვ. 28.

²⁷² . ჰეროდოტე ახსენებს კოლხთა მეზობლებს ვიდრე კავკასიონის მთებამდე. მ. ინაძემ სხვა წყაროთა მონაცემების
გათვალისწინებით კოლხთა მეზობლებად, სავსებით მართებულად, ისევ კოლხები – კოლები და კორაქსები მიიჩნია (თ.
ყაუხჩიშვილი. ჰეროდოტეს ცნობები, გვ. 76; М. Инадзе. Вопросы..., გვ. 63).

²⁷³ . З. В. Анчабадзе. Очерк, გვ. 27; თ. ყაუხჩიშვილი. ბერძენი მწერლების ცნობები, I, გვ. 31; დ. მუსხელიშვილი.
საქართველოს ისტორიული გეოგრაფიის ძირითადი საკითხები. თბ., 1977, გვ. 46 და სხვ.

სახელის ზოგადი შემკრებლობითი მნიშვნელობა²⁷⁴. თვით საბჭოთა ისტორიულ ენციკლოპედიაში „კოლხები“ („Колхи“) განმარტებულია როგორც „ქართველურ ტომთა კრებითი სახელწოდება“²⁷⁵.

სრულიად განსხვავებული მოსაზრება განავითარა გ.მელიქიშვილმა. ადრეანტიკური ხანის ავტორების მიერ დიოსკურია-ბიჭვინთის ნაწილში და კავკასიონამდე მითითებული კოლხეთის საზღვარი ყოველგვარი დასაბუთების გარეშე ჩათვალა გეოგრაფიულ და არა ეთნიკურ საზღვრად²⁷⁶. ამაში მას მხარი დაუჭირა ზ.ანნაბაძემ²⁷⁷. აღნიშნული შეხედულება გაიზიარა ნ.ლომოურმა²⁷⁸. ანტიკური დროის ავტორები, – წერს იგი, – აღმოსავლეთ შავიზღვისპირეთში „მხოლოდ ერთ ხალხს – კოლხებს ასახელებს (პეროდოტე, ფსევდო-სკილაქს კარიანდელი, სტრაბონი და სხვ.). არაა გამორიცხული, რომ ეთნონიმი კოლხი ამ შემთხვევაში პოლიტიკური შინაარსისაა და მას კრებითი ხასიათი აქვს. ე.ი. ფარავს ყველა იმ ტომს, რომელიც კოლხეთის სამეფოს ტერიტორიაზე სახლობდა და ბერძნულ-რომაული წყაროებისათვის გვიან გახდა ცნობილი, თუმცა ასეთი ვარაუდებისათვის პირდაპირი ცნობები არ მოგვეპოვება“²⁷⁹. სწორედ, ცნობების არარსებობის გამო ვარაუდები ადრეანტიკურ ხანაში აფსუ-აფხაზების დღევანდელი მათი განსახლების ტერიტორიაზე ყოფნის შესახებ²⁸⁰ ყოველად უსაფუძვლო და არარეალურია. შესაბამისი უტყუარი მონაცემების გარეშე, გაუგებარია, როგორ უნდა დაადგინო, თუნდაც ივარაუდო აფხაზთა წინაპრების აფხაზეთში ყოფნა, როცა ხშირად ჭირს, შეუძლებელიც კი ხდება წყაროებში არაერთგზის მითითებული ზოგიერთი ტომის თუ თემის ვინაობის გარკვევა.

ტერმინების „კოლხეთი“, „კოლხი“ მნიშვნელობის დამახინჯებას სათავისოდ იყენებდა და ამჟამად იყენებს სეპარატისტული ისტორიოგრაფია, რომელიც საერთოდ გამორიცხავს ქართველთა განსახლებას აფხაზეთის ტერიტორიაზე²⁸¹; წყაროები კი, როგორც დავინახეთ, სრულიად საპირისპიროს ამტკიცებენ. ზემოხსენებულ ტერმინებს უძველესი დროიდან ჰქონდათ კონკრეტულად ისტორიული კოლხეთის (ძველი საქართველოს) და ეთნიკური კოლხის (ქართველის) მნიშვნელობა. უცნობია სხვა არაქართველ ეთნოსებზე ამ ტერმინების გავრცელების თუნდაც ერთი ფაქტიც კი. პირიქით, ბერძნულ-ბიზანტიური წყაროები ასახავდნენ „გათიშე და იბატონეს“ ოფიციალურ სახელმწიფო პოლიტიკას ან სხვადასხვა მიზეზებით გამოწვეულ ამა თუ იმ ეტაპზე არსებულ რეალურ მდგომარეობას (პოლიტიკურ დაქუცმაცებას და ა.შ.) და ერთიან ტომს უმეტეს შემთხვევაში წვრილ-წვრილი ერთეულების სახით (და არა „ფართო“ გეოგრაფიული გაგებით) წარმოგვიდგენენ. ამ ვითარებაში „კოლხის“ „კრებით მნიშვნელობაზე“ საუბარს აქვს მხოლოდ პოლიტიკური მიზანი: ძველი კოლხეთის ტერიტორიაზე თანამედროვე აფსუ-აფხაზთა წინაპრებს როგორმე მიუჩინონ ადგილი, რომელიც ისტორიული წყაროებით დადასტურებული არ არის. მკვლევარ-სეპარატისტებს ეს აძლევს მთელი კოლხური ცივილიზაციის მითვისების მცდელობის საშუალებას.

ისტორიოგრაფიაში ტენდენციურად არის გაშუქებული ძვ.წ. III-I საუკუნეების ეთნო-პოლიტიკური მოვლენები. როგორც ცნობილია, ძვ.წ. IIIს. პირველი ნახევრიდან, ქართული საისტორიო ტრადიციის თანახმად, დასავლეთ საქართველო ქართლის სამეფოს ნებაყოფლობით შეუერთდა²⁸² და ერთიანი ქართული სახელმწიფოს ნაწილს წარმოადგენდა. ეს არ ყოფილა გამოწვეული ეგრისის სამეფოს დასუსტებითა და

²⁷⁴ . ივ. ჯავახიშვილი. საქართველოს, კავკასიისა..., გვ. 12.

²⁷⁵ . Советская Историческая Энциклопедия , т. 7. М., 1965, გვ. 546.

²⁷⁶ . Г. Меликишвили. К истории древней Грузии, გვ. 62-63; მისივე: საქართველოს, კავკასიის..., გვ. 87.

²⁷⁷ . З. В. Анчабадзе. Очерк..., გვ. 29; მისივე: История и культура..., გვ. 132.

²⁷⁸ . ნ. ლომოური. ბერძენი ლოგოგრაფოსების ცნობები..., გვ. 25; მისივე: „კოლხიდის“ და „კოლხების“ გაგებისათვის.

– თსუ შრომები, ტ. 1. . 1971, გვ. 19-31. დაახლოებით იგივე პოზიცია აქვს მ. ინაძესაც (ძველი აფხაზეთის..., მაცნე, 1992, №1, გვ. 8; მისივე: Вопросы..., გვ. 63).

²⁷⁹ . ნ. ლომოური. ძველი აფხაზეთის..., გვ. 6.

²⁸⁰ . იქვე. იხ. აგრეთვე: Н. Ломоури. Некоторые вопросы ранней истории Абхазии (Ответ проф. Ш. Д. Инал-Ипа), – მაცნე, ისტორიის..., სურია, 1990, №3, გვ. 161.

²⁸¹ . Ш. Д. Инал-Ипа. Вопросы..., გვ. 200; მისივე: О моем народе, его истории и отечестве. – Советская Абхазия, 1989, 16 сентября; О. Х. Бгажба, С. З. Лакоба. История Абхазии, გვ. 60-84 და სხვ.

²⁸² . ქართლის ცხოვრება, ტ. 1, გვ. 22-24.

დაშლით. ფარნავაზმა დახმარებისათვის ქუჯის იმიტომ მიმართა²⁸³, რომ ეგრისი იმ დროისათვის კვლავ ძლიერ სახელმწიფოს წარმოადგენდა. აღმოსავლეთ-დასავლეთ საქართველოს მაშინდელი გაერთიანება იყო, როგორც უკვე ითქვა, ნებაყოფლობითი, საერთო ეროვნული ინტერესებით განპირობებული ისტორიული აქტი, რომლის რეალიზებას ხელს უწყობდა საერთაშორისო ვითარებაც—ელინური სახელმწიფოების რღვევისა და ურთიერთდაპირისპირების ხანგრძლივი პროცესის დაწყება²⁸⁴. ამ პროცესს არ შეეძლო არ გამოეწვია საერთაშორისო ეკონომიკური აქტიურობისა და კავშირების შესუსტება, ახალ სახელმწიფოთა წარმოშობა თუ აღდგენა, სერიოზული გეოპოლიტიკური ძვრები. შექმნილ ვითარებაში ქართლ-ეგრისის გაერთიანება და ძლიერი გაერთიანებული ქართული სახელმწიფოს ჩამოყალიბება არსებული რეალობით ნაკარნახევ ობიექტურ აუცილებლობას წარმოადგენდა. როგორც ნ.ბერულავა ასაბუთებს, მაშინ ქართლს შეუერთდა არა მხოლოდ ცენტრალური ეგრისი მდ.ღალიძგამდე²⁸⁵ არამედ მთელი სამეფო დიოსკურიის ჩათვლით²⁸⁶. დაქუცმაცებული და გამუდმებული შინაომებით დაკავებული საბერძნეთის მდგომარეობის გათვალისწინებით, ნამდვილად საეჭვოდ გამოიყურება ლეონტი მროველის ცნობა ეგრისწყლის (ღალიძგის) ჩრდილო-დასავლეთით მდებარე ტერიტორიის ბერძნების (თუნდაც, ძვ.წ. III საუკუნის განმავლობაში გალატიასთან მიმე ბრძოლებში დასუსტებული პონტოს სამეფოს) ხელში გადასვლის შესახებ.

ძვ.წ. III. დასაწყისიდან, როცა ქართლზე სელევკიდების სახელმწიფოს რღვევის შედეგად წარმოქმნილი სომხეთი გაბატონდა, ეგრისი ისევ ცალკე სამეფოდ ჩანს, რაზეც იმავე საუკუნის მეორე ნახევრის მეფე სავლაკის მონეტები მოწმობენ²⁸⁷ სოხუმის რაიონში მისი აღმოჩენა სამეფოს კვლავ ძველ საზღვრებში აღდგენაზე უნდა მიუთითებდეს²⁸⁸. პლინიუსის ცნობით, „კოლხეთში მეფობდა აიეტის შთამომავალი სავლაკი, რომელმაც მიიღო სამთავროდ მთელი მიწა; ამბობენ, მას შემოსდიოდა დიდი რაოდენობით ოქრო და ვერცხლი სვანთა ტომების მიწიდან და საერთოდ მთელი თავისი სამფლობელოდან, რომელიც სახელგანთქმული იყო ოქროს საწმისებით“²⁸⁹. აქედანაც ირკვევა, რომ სავლაკი მთლიანად ფლობდა ეგრისს („მთელ მიწას“) თანამედროვე აფხაზეთის ტერიტორიისა და სვანეთის ჩათვლით.

ძვ.წ. II-I სს. მიჯნაზე პონტოს მეფე მითრიდატე VI ევპატორმა (111-63წწ.) მთელი აღმოსავლეთ შავიზღვისპირეთი, საკუთარი სამეფოს შემადგენლობაში მოაქცია²⁹⁰. ეგრისი აგრძელებდა არსებობას ცალკე ერთეულის სახით. მისი მმართველი გახდა მითრიდატე უმცროსი (მეფის ვაჟი), რომელიც მალე ღალატში იქნა ეჭვმიტანილი და სიკვდილით დასაჯეს²⁹¹. მმართველებად კოლხეთში მითრიდატე VI-თან დაახლოებული პიროვნებები იგზავნებოდნენ. ასეთი იყო სტრაბონის „დედის ბიძაც მამის მხრიდან“ – მოაფერნე; პონტოს მეფეს ეგრისიდან „მოსდიოდა მეტი წილი ძალებისა სანაონო სამსახურისათვის“²⁹².

ძვ.წ. I საუკუნის შუახანებიდან, როცა რომაელებმა დაამარცხეს მითრიდატე VI, თვითონ დაეუფლნენ ყოფილი კოლხეთის სამეფოს და აღმოსავლეთ შავიზღვისპირეთს, მათ შორის აფხაზეთის თანამედროვე ტერიტორიას. რომაელთაგან დევნილმა

²⁸³ . იქვე, გვ. 22.

²⁸⁴ . ფარნავაზ მეფეს მეგობრული ურთიერთობა ჰქონდა დასუსტებულ სელევკიდებთან (სირია), „მსახურებდა იგი ანტიოქოსს“ (ქართლის ცხოვრება, ტ. I, გვ. 25).

²⁸⁵ . ქართლის ცხოვრება, ტ. I, გვ. 24.

²⁸⁶ . . . დასახ. ნაშრომი, გვ. 90.

²⁸⁷ . Г. Меликишвили. К истории древней Грузии, გვ. 305.

²⁸⁸ . მ. ინაძის მოსაზრებას კოლხეთის სამეფოს მხოლოდ ღალიძგამდე აღდგენის შესახებ საკმაო დამაჯერებლობით უარყოფს ნ. ბერულავა (. . . დასახ. ნაშრომი, გვ. 89-90).

²⁸⁹ . ლ. არბოლიშვილი. პლინიუს უფროსის „ბუნების ისტორია“, გვ. 154.

²⁹⁰ . ძვ.წ. IV ს. ბოლოს შექმნილ და ძვ.წ. III. გაძლიერებულ პონტოს სამეფოს ქართული ისტორიოგრაფია განიხილავდა ქართული სამყაროს ნაწილად, რომლის მოსახლეობას შეადგენდნენ მესხები, ტაბალ-ტიბარენები (იბერები), ხალდეები, ხალიბები, კოლხები, მოსინიკები და სხვები; ამ სამყაროს ღვიძლი შვილის, – მითრიდატე VI-ის ხელმძღვანელობით წარმოებული ომი კი, ზოგიერთი მეცნიერის აზრით, იყო დიდი ქართული სახელმწიფოს ბრძოლა თავისუფლებისა და დამოუკიდებლობისათვის (ლ. სანიკიძე. პონტოს სამეფო. თბ., 1956, გვ. 3; საქართველოს ისტორია, I. თბ., 1958, გვ. 58; გ. გოზალიშვილი. მითრიდატე პონტოელი. თბ., 1965, გვ. 278-279).

²⁹¹ . საქართველოს ისტორიის ნარკვევები, ტ. I, გვ. 475.

²⁹² . თ. ყაუხჩიშვილი. სტრაბონის გეოგრაფია, გვ. 124-125.

მითრიდატემ 66/65წწ. ზამთარი დიოსკურიაში გაატარა და აქ შეიმუშავა გრანდიოზული სამოქმედო გეგმები, რომელთა განხორციელება ვერ მოახერხა²⁹³.

კოლხეთი/ეგრისი აქტიურად იყო ჩაბმული ელინისტურ სამყაროსთან გაცხოველებულ სავაჭრო-ეკონომიკურ ურთიერთობებში. ელინისტურ ხანას განეკუთვნება სტრაბონის ცნობაც დიოსკურიაში ათობით ეროვნების წარმომადგენელთა, ძირითადად კავკასიელების თავმოყრის შესახებ.²⁹⁴ ნ.ბერულავას ვარაუდით, ეს ცნობა ეხება კოლხეთში რომაელთა ბატონობის, კერძოდ, არისტარხის მმართველობის პერიოდს; როგორც ენერგიულმა მმართველმა, მან გააერთიანა კოლხეთი, ჭრიდა მონეტებს დიოსკურიაში, სადაც ერთ-ერთი, თუ ერთადერთი (გ.გამყრელიძე, თ.თოდუა) რეზიდენცია ჰქონდა; მოახერხა ვაჭრობის გამოცოცხლება აღებ-მიცემობაში რომაელთა ჩართვის გზით.²⁹⁵ ძვ.წ. 48წ. პომპეუსის დაღუპვითა და არისტარხის პოზიციების შესუსტებით ისარგებლა ბოსფორის მეფე ფარნაკემ (მითრიდატეს ვაჟმა) და მძიმე ბრძოლების გადახდის შემდეგ კოლხეთს დაეუფლა, დაიბრუნა პონტოს სამეფო და თავი აზიის მეფედ გამოაცხადა. 47წ. იულიუს კეისარმა (ძვ.წ. 49-44წწ.) იოლად დაამარცხა ფარნაკე²⁹⁶; კოლხეთი კვლავ რჩებოდა რომის პროვინციად.

არ არსებობს არქეოლოგიური მასალა ან წერილობითი ცნობები ძვ.წ. II-ის-ში აფხაზეთის ამჟამინდელ ფარგლებში და მის სიახლოვეს ეთნიკური სიტუაციის შეცვლის შესახებ. მიუხედავად ამისა, გ.მელიქიშვილი წერს აფხაზეთის მთიანეთში ვითომ მცხოვრებ მეომარ ტომებზე, ჩრდილოეთ კავკასიიდან მთიელთა შემოღწევაზე, ჯიქების შემოსევაზე და კერკეტების მიწების მიტაცებაზე, ბარის მოსახლეობის აწიოკებაზე და ა.შ.²⁹⁷. ეს დასკვნა აგებულია სტრაბონის ცნობაზე ზიგების ჩრდილო-აღმოსავლეთ შავიზღვისპირეთში პირველად გამოჩენის თაობაზე; ბერძენი მწერალი საუბრობდა კარგად ცნობილ თემაზე – აქელების, ზიგების და ჰენიოხების ყაჩაღობა-მეკობრეობაზე, მოსახლეობის შევიწროებაზე, ხალხის გატაცებაზე (XI. 2, 12)²⁹⁸. სტრაბონთან არ არის ცნობა მთიელთა შემოსევების, კერკეტების ზიგებით ჩანაცვლების, მთისა და ბარის დაპირისპირების, ეთნიკური და, აქედან გამომდინარე, პოლიტიკური ვითარების შეცვლის შესახებ. გაუგებარია, რატომ ანიჭებს გ.მელიქიშვილი გადამწვევტ მნიშვნელობას წყაროში ზიგების გამოჩენას. ეს ხალხი მითრიდატე VI-ს დროს უკვე ცხოვრობდა აღმოსავლეთ შავიზღვისპირეთში²⁹⁹. ზიგის სემანტიკა („უღელში შებმულნი“ – ბერძნ.) რაღაცნაირად მოსახლეობის საქმიანობაზე უნდა მიგვანიშნებდეს; ჩრდილო-აღმოსავლეთ შავიზღვისპირეთში ამ ხალხის გამოჩენას არავითარი პოლიტიკური თუ ტერიტორიული ცვლილებები არ მოჰყოლია, არც მათი ეთნიკური ვინაობაა (ძველი წყაროებით, პელაზგური წარმოშობისანი არიან) საბოლოოდ დადგენილი, ხოლო დამკვიდრებული მოსახლეობა ზიგების ადიდებლობის შესახებ დამაჯერებლად დასაბუთებული არ არის. ასეც რომ იყოს, რა შუაშია აქ აფხაზეთი? ზიგები ხომ აქედან შორს – თანამედროვე ტუაფსეს მიდამოებში სახლობდნენ და მხოლოდ V-ში დაეუფლნენ ქ.ძველ ლაზიკას¹.

მძიმე, მაგრამ ასევე არარეალურ სურათს გვიხატავს მ.ინაძეც, რომლის აზრით, სტრაბონისეული „სკეპტუხიები“² წარმოადგენდნენ ჯერ კიდევ ადრეკლასობრივი საზოგადოების წინა ხანაში არსებულ სატომო ორგანიზაციათა საფუძველზე წარმოქმნილ ადმინისტრაციულ ერთეულებს, რომლებმაც საუკუნეების მანძილზე შეინარჩუნეს ეთნიკური თავისთავადობა, მიდრეკილება სამეფოსაგან განდგომისა, რითაც, საბოლოო ჯამში, ძირი გამოუთხარეს კოლხეთის სახელმწიფოს და

²⁹³ . აპიანე. მითრიდატეს ომების ისტორია, გვ. 195-196, 261; გ. გამყრელიძე, თ. თოდუა. რომის სამხედრო-პოლიტიკური ექსპანსია საქართველოში. თბ., 2006, გვ. 28-32.

²⁹⁴ . თ. ყაუხჩიშვილი. სტრაბონის გეოგრაფია, გვ. 122-123.

²⁹⁵ . Н. Берулава. დასახ. ნაშრომი, გვ. 97-98; გ. გამყრელიძე, თ. თოდუა. დასახ. ნაშრომი, გვ. 40.

²⁹⁶ . გ. გამყრელიძე, თ. თოდუა. დასახ. ნაშრომი, გვ. 41-42. გამარჯვებულმა იულიუს კეისარმა რომს სასწრაფოდ უპატაკა: „მიველი, ვნახე, გაემარჯვე“ (. P . . . , 1998, გვ. 604).

²⁹⁷ . Г. Меликишвили. К истории древней Грузии, гв. 307-310; საქართველოს ისტორიის ნარკვევები, ტ. 1, გვ. 478-482.

²⁹⁸ . თ. ყაუხჩიშვილი. სტრაბონის გეოგრაფია, გვ. 118-119.

²⁹⁹ . იქვე, გვ. 119.

¹ . გეორგიკა, ტ. 2, გვ. 11.

² . თ. ყაუხჩიშვილი. სტრაბონის გეოგრაფია, გვ. 124.

ადრეანტიკური ხანის დასასრულისათვის იგი თითქოს წვრილ პოლიტიკურ ერთეულებად დაქუცმაცდა.³ შემდგომში მინაძემ ოდნავ შეარბილა პოზიცია, მაგრამ „სკეპტუხიების“ არსი (ვითომ, ეთნო-ტერიტორიული ერთეული) უცვლელი დატოვა.⁴ კოლხეთის სამეფოს ეთნო-ტერიტორიულ ერთეულებად დაშლის თემა ხელოვნურადაა შექმნილი და მიზნად ისახავს ახ.წ. პირველ საუკუნეებში დასავლეთ საქართველოში დაფიქსირებული „მრავალტომიანობის“ მიზეზების „ახსნას“; მინაძე ამ მოვლენის მიზეზებს მთიელთა ეტაპობრივ ჩამოსახლებებში, ხან კიდევ კოლხეთის ვითომ მრავალტომიანობაში, სკეპტუხიებში ხედავს.⁵

აღნიშნულ პრობლემას საკმაოდ ვრცლად შეეხო ო. ლორთქიფანიძე. კოლხეთის სამეფოს მრავალტომიანობა „ძნელად სარწმუნოა, – წერს მეცნიერი. – ყველა წყარო, რომელიც კი ჩვენთვის საინტერესო ხანას ეხება... დღევანდელ დასავლეთ საქართველოს ტერიტორიაზე ზღვისპირეთში ჩრდილოეთიდან სამხრეთისაკენ (რომელიც სტრაბონთან „კოლხეთის ზღვად“ იწოდება... XI. 1, 6) პიტიუნტიდან (დღევანდელი ბიჭვინტა) მდ. აფსაროსამდე (მდ. ჭოროხი) და აღმოსავლეთით იბერიაში – ასახელებს ყოველთვის და მხოლოდ (!) ერთ ხალხს – კოლხებს (სხვა არცერთი ტომი ამ ტერიტორიაზე არიანემდე არ იხსენიება)“⁶. სკეპტუხიებს ეთნოპოლიტიკურ ერთეულებად არ მიიჩნევს თ. ბერაძე. მისი დასკვნით, სკეპტუხია არის საერისთავო, რომელიც ზოგ შეთხვევაში მხოლოდ ტერიტორიულ-ადმინისტრაციულ ერთეულს წარმოადგენდა, ზოგჯერ კი მათში ერთი ქართული მოდგმის ტომი იყო გაერთიანებული⁷.

ამრიგად, წყაროთა მონაცემებით, ძვ.წ. VI – II სს. აფხაზეთის თანამედროვე ტერიტორიაზე ეთნოპოლიტიკური ხასიათის ცვლილებები არ მომხდარა, იგი კვლავ ქართულ რეგიონად რჩებოდა. აღმოსავლეთ შავიზღვისპირეთის დიდი ხნით რომაელთა ხელში გადასვლამ განაპირობა მნიშვნელოვანი პოლიტიკური ძვრები მომავალში.

თავი IV. თანამედროვე აფხაზეთის ტერიტორია I საუკუნიდან VIII საუკუნის შუა ხანებამდე

³ . მ. ინაძე. კოლხეთის სამეფოს სკეპტუხიათა საკითხისათვის. – საქ. სსსრ მეცნ. აკადემიის მოამბე, ტ. 26, №6, 1961, გვ. 783-789; მისივე: ძველი კოლხეთის საზოგადოება. თბ., 1994, გვ. 54.

⁴ . მ. ინაძე. კიდევ ერთხელ ეთნო-ტერიტორიული ერთეულის შესახებ. – ქართველი ხალხის ეთნოგენეზი. თბ., 2002, გვ. 93-111; სკეპტუხიების „სეპარატიზმზე“ და „შიდადაპირისპირებებზე“ საუბრობს ნ. ბერუღავაძე (. . დასახ. ნაშრომი, გვ. 87, 88, 121, 131 და ა. შ.).

⁵ . მ. ინაძე. ძველი აფხაზეთის... - მაცნე, 1992, №2, გვ. 47, 48, 58; მისივე: ... გვ. 64, 71, 77-78, 80 და ა. შ.

⁶ . ო. ლორთქიფანიძე. იყო თუ არა სახელმწიფო კოლხეთი, გვ. 49-50.

⁷ . თ. ბერაძე. სამეგრელოს ისტორია. – აია, 2001, №9-10, გვ. 39.

1. ეთნიკური ვითარება

წელთაღრიცხვათა მიჯნაზე კოლხეთი თანამედროვე აფხაზეთის ჩათვლით წარმოადგენდა რომთან ვასალურ დამოკიდებულებაში მყოფი პონტოს სამეფოს შემადგენელ ცალკე ადმინისტრაციულ ერთეულს. ძვ.წ. 14 წლიდან პონტოში (შესაბამისად ეგრისში) მეფობდნენ ჯერ პოლემონ I, შემდეგ მისი მეუღლე პითოდორისი; ახ.წ. 38წ. ტახტი, რომის ნებით, მათმა შვილიშვილმა პოლემონ II-მ დაიკავა. 63 წელს იმპერატორმა ნერონმა (54-68წწ.) უარყო ბუფერულ ქვეყნებზე დაყრდნობის პოლიტიკა, ამიტომ პონტოს სამეფო გააუქმა, გადააქცია იგი იმპერიის პროვინციად და ეგრისთან ერთად გალატიის შემადგენლობაში შეიყვანა. 72 წლიდან იმპერატორ დომიციანეს (81-96წწ.) მმართველობამდე ეგრისი შედიოდა „კაპადოკიურ კომპლექსში“ – კაპადოკიისა და გალატიისაგან შემდგარ ერთიან პროვინციაში, მოგვიანებით კი იგი კაპადოკიის ნაწილი გახდა³⁰⁰.

კოლხეთის ზღვისპირა ქალაქებში – ფაზისსა და დიოსკურიაში I საუკუნის 60-ნი წლებიდან რომაული სამხედრო გარნიზონები იდგნენ. ეს ქალაქები იმავდროულად ითვლებოდნენ იმპერიის საზღვაო ფლოტის საყრდენ პუნქტებად. იოსებ ფლავიუსის სიტყვებით (66წ.), იუდეველთა მეფეს ჰეროდე აგრიპას (29-93წწ.) განუცხადებია, რომ ჰენიოხები და კოლხები, ტავრები და ბოსფორელები, საერთოდ პონტოსა და მეოტიდის გარშემო მცხოვრები ხალხები, „რომლებიც უწინ საკუთარ მფლობელებსაც კი არ სცნობდნენ, ახლა 3000 ჰოპლიტს ჰყავთ ისინი მორჩილებაში და 40 ხომალდი იცავს მშვილობას ზღვაზე, რომელზედაც უწინ ცურვა არ შეიძლებოდა და შემადრწუნებელი იყო“³⁰¹. აქედან შეიძლება დავასკვნათ, რომ რომაელები საკმაოდ მტკიცედ აკონტროლებდნენ აღმოსავლეთ შავიზღვისპირეთის დიდ ნაწილს, განსაკუთრებით სამხედრო გარნიზონების მიმდებარე რეგიონებს, მათ შორის აფხაზეთის თანამედროვე ტერიტორიას.

ეთნოპოლიტიკური ისტორიის თვალსაზრისით მნიშვნელოვან ცნობებს გვაწვდიან სტრაბონი (I საუკუნის დასაწყისი), პომპონიუს მელა (II ს. პირველი ნახევარი), პლინიუს უფროსი (79 წ-მდე), ფლავიუს არიანე (131წ.), კლავდიოს პტოლემეაიოსი (III ს. 20-60-ანი წლები) და სხვები.

სტრაბონის „გეოგრაფიაში“ კოლხეთთან დაკავშირებით ძირითადად წინა საუკუნეების მწერალთა წყაროებია გამოყენებული, მაგრამ მასში არის ავტორის თანადროული მონაცემებიც. მხედველობაში გვაქვს პონტოს მეფეების პოლემონ I-ისა და პითოდორისის მმართველობის პერიოდი (XI. 2, 18)³⁰²; კოლხეთის ფარგლებშია მოხსენიებული დიოსკურია და ბიჭვინთა (XI. 2, 14)³⁰³. უადრესად დიდი მნიშვნელობა აქვს ცნობას დიოსკურიის თავზე და მის ირგვლივ სვანთა ძლიერი ტომის დომინირების შესახებ. სტრაბონი წერს, რომ სვანები „თითქმის საუკეთესონი არიან სიმამაცისა და ძალის მხრივ; ფლობენ ისინი ირგვლივ (ყველაფერს) და უპყრიათ კავკასიონის მწვერვალები, რომლებიც დიოსკურიის ზემოთ არის: ჰყავთ მათ ბასილევსი და საბჭო 300 მამაკაცისაგან შემდგარი და, როგორც ამბობენ, ჰკრებენ ლაშქარს 200000 (კაცის რაოდენობით): მართლაც მთელი ხალხი მეომარია, მაგრამ არაა ორგანიზებული“ (XI. 2,19)³⁰⁴. არა აქვს პრინციპული მნიშვნელობა, რამდენად შეესაბამება სინამდვილეს სვანური ლაშქრის სავარაუდო რაოდენობა. აშკარაა, რომ დიოსკურიის მხარე და კავკასიის ზეკარები კვლავ ქართველთა ხელშია. ამასთანავე, საზგასმით უნდა აღინიშნოს, რომ არანაირ პირდაპირ თუ ირიბ ცნობებს თანამედროვე აფხაზეთის ტერიტორიაზე ეთნიკური სიტუაციის შეცვლის შესახებ სტრაბონის „გეოგრაფია“ არ შეიცავს. იგივე შეიძლება ითქვას II. პირველი ნახევრის მოღვაწის – პომპონიუს მელას

³⁰⁰ . Г. Меликишвили. К истории древней Грузии, გვ. 363-364; საქართველოს ისტორიის ნარკვევები, ტ. 1, გვ. 537-538; თ. თოდუა. რომაული სამყარო და კოლხეთი. I-IV სს. თბ., 2003, გვ. 7-8.

³⁰¹ . გეორგიკა, ტ. 1, გვ. 274; თ. თოდუა. დასახ. ნაშრომი, გვ. 6.

³⁰² . თ. ყაუხჩიშვილი. სტრაბონის გეოგრაფია, გვ. 120-121, 125 – 126.

³⁰³ . იქვე, გვ. 120-121.

³⁰⁴ . იქვე, გვ. 125-126.

„ქვეყნის აღწერილობაზე“. ამ ნაშრომის პირველ წიგნში მოყვანილია ცნობები აღმოსავლეთ შავიზღვისპირეთის შესახებ; ფაზისის შემდეგ მითითებულია ქალაქი, რომელიც „ბერძენი ვაჭრების დაარსებულია და კიკნოსი ჰქვია“³⁰⁵. თ.ყაუხჩიშვილის აზრით, საუბარი უნდა იყოს ქ.გიენოსზე³⁰⁶ (ონამირესთან), რომლის შემდეგაც პომპონიუს მელა ასახელებს „ველურ და გაუნათლებელ ტომებს, ფართო ზღვასთან მცხოვრებთ – მელანხლენებს, ტორეტიკას, ექვს კოლიკს, კორაქსიკებს, ფთიროფაგებს, ჰენიოხებს, აქეებს, კერკეტებს და, უკვე მეოტიდის ახლოს – სინდონებს. ჰენიოხთა საზღვრებშია დიოსკურია...“³⁰⁷ ამ ცნობის შეფასებისას უნდა გავითვალისწინოთ, რომ პომპონიუს მელა, როგორც აღ. გამყრელიძე წერდა, მართალია, „საპატიო ადგილს იკავებს ანტიკური გეოგრაფიის წარმომადგენელთა შორის“, მაგრამ მისი ნაშრომისადმი მაინც „დიდი სიფრთხილით მიდგომაა საჭირო, რადგან სხვადასხვა დროის ავტორების ცნობები ხშირად ერთმანეთის გვერდით აქვს მოთავსებული“³⁰⁸. სწორედ, ეს არის მიზეზი დასახელებულ „ტომთა“ თანმიმდევრობის აღრევისა, თუმცა ქართველური წარმომავლობის ჰენიოხთა საზღვრებში დიოსკურიის მოქცევას გარკვეული სიცხადე შეაქვს დანარჩენთა ლოკალიზაციის საკითხშიც. შეუძლებელია მელანქლენები, რომლებიც, ზოგიერთი მკვლევრის აზრით, დღევანდელ მოსკოვთან, ხარკოვთან, ზოგადად, სკვითების ჩრდილოეთით ფიქსირდებიან³⁰⁹, სხვებთან ერთად ჰენიოხების სამხრეთით ყოფილიყვნენ. პომპონიუს მელას მიერ დასახელებული „ტომებიდან“ აფხაზეთის თანამედროვე ტერიტორიაზე უნდა ვივარაუდოთ ჰენიოხები, კოლიკები, კორაქსები და, ალბათ, ფთიროფაგებიც, რომლებსაც სვანებთან აიგივებენ³¹⁰.

საკმაოდ რთულ სურათს გვიხატავს პლინიუს უფროსი. მისი მონაცემებით, მდ. ფაზისის „შემდეგ არის სხვა მდინარე ქარიენტი, სალტიების ტომი, რომელთაც ძველად ფთიროფაგები ეწოდებოდა და სხვები სანნები. სვანების გავლით კავკასიონიდან მოედინება მდინარე ხობუსი, შემდეგ – როანი, კეგრიტიკეს მხარე. მდინარეები: სიგანია, თერსოსი, ასთელეფოსი, ქრისოროასი. აბსილთა ტომი, ციხესიმაგრე სებასტოპოლისი, ფასისიდან 100000 ნაბიჯია; სანიკების ტომი, ქ. კიგნუმი, მდინარე და ქალაქი პენიუსი და ბოლოს ჰენიოხთა ტომები, რომლებიც განირჩევიან ბევრი სახელწოდებებით.

მათ (ჰენიოხებს) ესაზღვრება პონტოს მხარე კოლიკა, რომელშიც, როგორც ნათქვამია, კავკასიის მთები მიბრუნებულია რიფეების მთებისაკენ... დანარჩენი სანაპირო უჭირავთ ტომებს: მელანქლენებსა და კორაქსებს, კოლხური ქალაქით დიოსკურიადით, რომელიც მდებარეობს მდინარე ანთემუნტთან, ახლა ის გაუკაცრიელებულია... დიოსკურიადიდან შემდეგი ქალაქია ჰერაკლეა. სებასტოპოლისიდან ის დაშორებულია 70000 ნაბიჯით. აქ ცხოვრობენ აქაელები, მარდები, კერკეტები, მათ მიღმა არიან – სერები, კეფალოტომები; ამ სივრცის შიგნით არის უმდიდრესი ქალაქი პიტიუნტი, გამარცვული ჰენიოხების მიერ. მის უკან კავკასიის მთებში ცხოვრობენ სავრომატების ხალხი – ეპაგერიტები, ხოლო მათ შემდეგ სავრომატები“ (VI. 14-16)³¹¹.

აშკარად ჩანს, რომ პლინიუსი, მსგავსად პომპონიუს მელასი, სხვადასხვა დროის მწერალთა ცნობებს იყენებს³¹², ამიტომაც გეოგრაფიული პუნქტებისა და მოსახლეობის ამა თუ იმ ჯგუფის ლოკალიზაციას არასწორად იძლევა. ავტორი სხვადასხვა ქალაქებად წარმოგვიდგენს სებასტოპოლისსა და დიოსკურიას; ცნობა მელანქლენებისა და კორაქსების შესახებ კოლხური ქალაქით დიოსკურიადით აშკარად ძველია და ის მდგომარეობას არ ასახავს; სიმართლეს უნდა შეესაბამებოდეს მტკიცება დიოსკურიის გაუკაცრიელების შესახებ, რაც გამომწვეული იყო, ალბათ, როგორც კოლხეთის სამეფოს გაუქმებით, სავაჭრო ფაქტორიების მოშლით, ისე ფაქტობრივად ახალი ქალაქის –

³⁰⁵ . აღ. გამყრელიძე. პომპონიუს მელას ცნობები საქართველოს შესახებ. – ქართული წყაროთმცოდნეობა, კრ. I. თბ., 1965, გვ. 29.

³⁰⁶ . თ. ყაუხჩიშვილი. კავკასიის ტომების საკითხისათვის... – მაცნე, 1980, №4, გვ. 64; მ. ინაძის აზრით, კიკნოსი მდ. ხობის შესართავთან მდებარე სოფ. ყულგეია (მ. ინაძე. ძველი კოლხეთის ქალაქები კიგნუმი და ეპ-აია. – ქართული წყაროთმცოდნეობა. X. თბ., 2004, გვ. 36-42)..

³⁰⁷ . აღ. გამყრელიძე. დასახ. ნაშრომი, გვ. 29.

³⁰⁸ . იქვე, გვ. 12, 13.

³⁰⁹ . თ. ყაუხჩიშვილი. ფსევდო-სქილაქსის ზოგიერთი ცნობის შესახებ. – ქართული წყაროთმცოდნეობა, კრ. I, გვ. 6.

³¹⁰ . დ. ჯ. Гамахария, Б. Гогия. დასახ. ნაშრომი, გვ. 527.

³¹¹ . ლ. არბოლიშვილი. პლინიუს უფროსის „ბუნების ისტორია“, გვ. 147-149.

³¹² . იხ. ამის შესახებ: მ. ინაძე. კოლხეთის აღწერილობა პლინიუს უფროსის „ბუნების ისტორიაში“. – კავკასიურ-ახლოაღმოსავლური კრებული, X. თბ., 2001, გვ. 211-212, 218; ლ. არბოლიშვილი. დასახ. ნაშრომი, გვ. 10, 13-14.

სებასტოპოლისის გაშენებით თავისი სამხედრო გარნიზონით, საითკენაც გადაინაცვლა აქტიურმა ცხოვრებამ. სებასტოპოლისის ჩრდილო-დასავლეთით შეცდომით მითითებული ქ.კიგნუმი, სავარაუდოდ, უნდა იყოს პომპონიუს მელას კიკნოსი//გიენოსი. გასაზიარებელია გლორთქიფანიძის მოსაზრება პენიუსისა და პიტიუნტის იდენტიურობის შესახებ; ამ ვერსიის თანახმად, მდ.პენიუსი შეიძლება მდ.ზიფთან გაიგივდეს³¹³.

დიოსკურიის ჩრდილო-დასავლეთით დასახელებული ქ.ჰერაკლეა იდენტიფიცირებული უნდა იყოს ფლავიუს არიანეს ჰერაკლეს კონცხთან³¹⁴, რომლის ლოკალიზაციას ს.ჯანაშია ხოსტასთან ახდენს³¹⁵.

აშკარა შეცდომაა, როდესაც პლინიუსი ფთვიეროფაგებს (სალტიებს) ამჟამინდელ სამეგრელოში (კეგრიტიკეს მხარეში) იხსენიებს მაშინ, როცა ისინი უფრო ადრინდელ (სტრაბონი)³¹⁶ და გვიანდელ (ფლავიუს არიანე)³¹⁷ ავტორებთან გაგრის მიდამოებში არიან დაფიქსირებული. სინამდვილეს უნდა შეესაბამებოდეს მდიდარი ქალაქის – ბიჭვინთის II. გაპარცვა ჰენიოხების მიერ. ამავე დროს, გაუგებარია ამ ფაქტის, ასევე დიოსკურიის დაცარიელების ახსნა კავკასიელ მთიელთა „თავდასხმებით“, რაზეც სრულიად უსაფუძვლოდ მუდმივად ამახვილებს ყურადღებას გ.მელიქიშვილი³¹⁸. ბიჭვინთის უკან კავკასიის მთებში (არსებითად, აფხაზეთის ფარგლებს გარეთ) სავრომატული ტომების მოხსენიება არანაირად არ გამოდგება აფხაზეთში ეთნიკური სიტუაციის შეცვლის დასადასტურებლად. პლინიუსის ცნობა პრინციპული მნიშვნელობის ერთადერთ სიახლეს შეიცავს. ეს არის ისტორიაში აბსილთა პირველად მოხსენიება. მათ ლოკალიზაციასთან და ვინაობასთან დაკავშირებული დისკუსიები დღემდე გრძელდება (იხ. ქვემოთ).

აფხაზეთის ისტორიის უმნიშვნელოვანესი წყაროა კვინტუს ეპიუს ფლავიუს არიანეს „მოგზაურობა შავი ზღვის გარშემო“³¹⁹. ნაშრომი წარმოადგენს მოხსენებას, რომელიც ავტორმა (კაპადოკიის მმართველმა) მიართვა რომის კეისარ ადრიანეს (117-138წწ.) მას შემდეგ, რაც მისი დავალებით 134წ. მონახულა შავი ზღვის სანაპირო ზოლი (ტრაპიზონიდან სებასტოპოლამდე) და ჩაატარა რომაული გარნიზონების ინსპექცია. დანარჩენი სანაპირო აღწერილია სხვათა ზეპირი გადმოცემების, ან ადრინდელი მწერლების ცნობათა საფუძველზე. ტრაპიზონის ჩრდილო-დასავლეთით ფლავიუს არიანე ასახელებს კოლხებს, დრილებს ანუ სანებს და წერს: „მათ გვერდით არიან მაკრონები და ჰენიოხები, მათი მეფე ანქიალეა. მაკრონებისა და ჰენიოხების მეზობლები ძიდრიტები არიან, ესენი ფარსმანის ქვეშევრდომნი არიან. ძიდრიტების გვერდით ლაზები არიან. ლაზების მეფე მაღასაა, რომელსაც ტახტი შენგანა აქვს მიღებული. ლაზების მეზობლები აფსილები არიან, მათმა მეფემ იულიანემ მეფობა შენი მამისაგან მიიღო. აფსილების მეზობლები აბასკები არიან. აბასკთა მეფე რესმაგაა, ამასაც ტახტი შენგანა აქვს მიღებული. აბასკთა მეზობლები სანიგები არიან, მათ მიწაზე იმყოფება სებასტოპოლისი. სანიგთა მეფე სპადაგამ შენგან მიიღო ტახტი... ჰიპოსიდან დაწყებული ასტელეფამდე და დიოსკურიამდე ჩვენ ვხედავდით კავკასიონის მთას, რომელიც სიმაღლით წააგავს ყველაზე მეტად კელტურ ალპებს. გვიჩვენებს ერთ-ერთი მწვერვალი კავკასიონისა – სტრობილი, რომელზედაც მითის მიხედვით ზევსის ბრძანებით პრომეთეოსი ჩამოკიდებულ იქნა ჰეფესტოს მიერ“³²⁰. დიოსკურია უკვე აღარ არის დაცარიელებული ქალაქი: „სებასტოპოლისი ძველად დიოსკურიად იწოდებოდა, მილეთის ახალშენია“, – ნათქვამია „მოგზაურობაში“; ტრაპიზონიდან იგი 2260 სტადიონითაა³²¹ დაშორებული, სებასტოპოლისიდან ბიჭვინთამდე კი 350 სტადიონია; აქედან სტენტიკის მხარემდე (ძვ. ტრიგლიტი) იყო 150 სტადიონი; ამ მხარეში

313 . გ. ლორთქიფანიძე. ბიჭვინთის ნაქალაქარი. თბ., 1991, გვ. 12; იხ. აგრეთვე: ლ. არბოლიშვილი. დასახ. ნაშრომი, გვ. 35-36 (სხვა მდინარეების ლოკალიზაციის შესახებ იხ. იქვე, გვ. 32-35).

314 . ფლავიუს არიანე. მოგზაურობა შავი ზღვის გარშემო, გვ. 92.

315 . ს. ჯანაშია. შრომები, ტ. 6. თბ., 1988, გვ. 267.

316 . თ. ყაუხჩიშვილი. სტრაბონის გეოგრაფია, გვ. 111.

317 . ფლავიუს არიანე. მოგზაურობა შავი ზღვის გარშემო, გვ. 52.

318 . Г. А. Меликишвили. К истории древней Грузии, გვ. 364.

319 . ვეყერდნობით ნ. კეჭაღმაძის გამოცემას: „მოგზაურობა შავი ზღვის გარშემო“ არიანეს სხვა შრომებთან ერთად თარგმნა და წინასიტყვაობა-კომენტარებით გამოაქვეყნა თ. ყაუხჩიშვილმა. იხ.: ბერძენი მწერლების ცნობები საქართველოს შესახებ, V. თბ., 1983.

320 . ფლავიუს არიანე. მოგზაურობა შავი ზღვის გარშემო, გვ. 42-44.

321 . ერთი სტადიონი უდრიდა დაახლოებით 178-180 მეტრს. იხ.: Н. Ломоурн. Из исторической географии древней Колхиды. – Вестник Древней Истории, 1957, №4, გვ. 97.

გირჩისმჭამელები (ფთეიროფაგები) ცხოვრობდნენ. მანძილი სტენტიკიდან მდ. აბასკოსამდე³²² (ფსოუ თუ მძიმთა) 90 სტადიონს შეადგენდა, აქედან მდ.აქეუნტამდე (შახე) – 420 სტადიონს. ამ მდინარეზე გადიოდა სანიხების საზღვარი ზიხებთან, რომელთა მმართველს „მეფობა“ ადრიანესაგან მიუღია. ეს ფაქტი კი იმაზე მიუთითებს, რომ რომაელთა ბატონობა არ მთავრდებოდა დიოსკურიასთან, სადაც უკანასკნელი გარნიზონი იდგა. მანძილი მდ. შახედან ქვევლ ლაზიკამდე 450 სტადიონს შეადგენდა; აქედან ძველ აქაიამდე – 150 სტადიონს³²³.

მთელ სივრცეზე ტრაპიზონიდან ძველ ლაზიკამდე ფლავიუს არიანესთან აშკარად ერთი – ქართული სამყაროა წარმოდგენილი, მაგრამ, გარემოებათა გამო, წვრილ-წვრილ პოლიტიკურ ერთეულებად არის დაყოფილი. განსაკუთრებულ ინტერესს იწვევენ წყაროებში პირველად მოხსენიებული აბასკები, ასევე აფსილები. საყურადღებო ფაქტია აგრეთვე ჩრდილო-დასავლეთ კოლხეთში ჰენიოხთა ჩანაცვლება პლინიუსთან და არიანესთან მოხსენიებული სანიკებით (იხ. ქვემოთ).

ფლავიუს არიანეს ტექსტთან თავისი შინაარსით ახლოს დგას V ს. ანონიმის „მოგზაურობა შავი ზღვის გარშემო“. ზოგჯერ იგი სიტყვა-სიტყვით მიჰყვება წინამორბედის ტექსტს, განსაკუთრებით მაშინ, როცა აღწერს ტრაპიზონიდან დიოსკურიამდე, აგრეთვე ქალაქ „ძველ ლაზიკამდე“ და „ძველ აქაიამდე“ მცხოვრებ მოსახლეობას. ანონიმი ასახელებს იმავე პოლიტიკურ ერთეულებს და მმართველებსაც კი (პარაგრაფი 8-9, 13-17)³²⁴. განსხვავებით ფლავიუს არიანესაგან, მან „ტომთა“ აღწერას წინ ასეთი ცნობა დაურთო: „დიოსკურიიდან (რომელსაც აგრეთვე სებასტოპოლი ეწოდება) ვიდრე აფსარის წყლამდე (ჭოროხი) წინათ ცხოვრობდა ის ხალხი, რომლებსაც კოლხები ეწოდებოდნენ და (მერე) გადაერქვათ ლაზები“³²⁵. ამრიგად, ანონიმის ცნობით, დიოსკურია-ჭოროხის მონაკვეთი, მიუხედავად აქ არსებული სამი პოლიტიკური ერთეულისა (ლაზეთი, აფსილეთი, აბაზგია), ეთნიკურად ერთფეროვანია.

ძველ აქაიამდე ტერიტორიის აღწერის შემდეგ ავტორი განმარტავს: „ძველი აქაიიდან“ ვიდრე „ძველ ლაზიკამდე“ და შემდეგ ვიდრე აქეუნტის მდინარემდე წინათ ცხოვრობდნენ ტომები, რომელთაც ეწოდებოდნენ ჰენიოხები, კორაქსები და კოლიკები, მელანქლენები, მაქელონები, კოლხები და ლაზები, ამჟამად კი ცხოვრობენ ჯიქები“³²⁶. ანონიმი არ უთითებს, აქაც უბრალოდ სახელის გადარქმევა მოხდა (რაც არ არის გამორიცხული), თუ ადრინდელი მოსახლეობის აყრა მათი საცხოვრებელი ადგილებიდან (ასეთი რამ კი წყაროებში არ არის დაფიქსირებული) და სხვა ტომის დასახლება.

აფხაზეთის ეთნოპოლიტიკური ისტორიისათვის ახალ და უაღრესად მნიშვნელოვან ცნობებს შეიცავს კლავდიოს პტოლემეაიოსის „გეოგრაფიის სახელმძღვანელო“, რომელიც თარგმნა და წინასიტყვაობა-კომენტარებით გამოსცა ნ. ლომოურმა. მესუთე წიგნის მერვე თავში – „აზიის სარმატიის მდებარეობა“ – გეოგრაფიული პუნქტების დასახელება იწყება ჰერმონასადან³²⁷ და მთავრდება მდ. კორაკოსის (ბზიფის) შესართავთან. მითითებულ პუნქტებს შორისაა ქ.ტადოსი (ქ. ძველი ლაზიკა), მდ. ბურკას (მზიმთას) შესართავი, ოინანთეა (არიანეს ნიტიკა//გაგრა), კარტერონ ტეიხოსი (კორაქსის კედელი)³²⁸. აღნიშნულ ტერიტორიაზე „პონტოს გასწვრივ“, კლავდიოს პტოლემეაიოსის მიხედვით, ცხოვრობდნენ ახაიელები, კერკეტები, ჰენიოხები და სხვა იმჟამინდელი წყაროებისათვის უცნობი სუანო-კოლხები³²⁹.

³²² . სანიგების ტერიტორიაზე, კერძოდ, გაგრის ზევით დასახელებული მდ. აბასკოსის სახელის დაკავშირება იმავე სანიგთა ქალაქ დიოსკურიის სამხრეთით ლოკალიზებულ აბასკებთან (მ. ინაძე. ძველი კოლხეთის..., – მაცნე, 1992, №2, გვ. 49) ვერანაირ კრიტიკას ვერ უძლებს. პირიქით, აღნიშნულმა მდინარემ აბასკებისაგან კი არ მიიღო, არამედ სწორედ მათი მოსვლის შემდეგ დაკარგა თავისი სახელწოდება.

³²³ . ფლავიუს არიანე. მოგზაურობა შავი ზღვის გარშემო, გვ. 52-53.

³²⁴ . გეოგრაფიკა, ტ. 2, გვ. 6-11.

³²⁵ . იქვე, გვ. 6.

³²⁶ . იქვე, გვ. 11.

³²⁷ . სავარაუდებელია ტამანის ნახევარკუნძულზე; აქ და ქვემოთ, თუ სხვა არ არის მითითებული, გეოგრაფიული პუნქტების ლოკალიზაცია ნაჩვენებია ნ. ლომოურის კომენტარების მიხედვით. – ნ. ლომოური. კლავდიოს პტოლემეაიოსის, გვ. 52-57.

³²⁸ . Д. Качарава, Г. Квирквелия. დასახ. ნაშრომი, გვ. 141-142.

³²⁹ . შეესაბამება ფავსტოს ბუზანდის ეგერსვანებს (История Армении Фавста Бузанда. Перевод с древнеармянского М. А. Геворкяна, 1953, გვ. 15).

„გეოგრაფიის სახელმძღვანელოს“ მეხუთე წიგნის მეცხრე თავი ეძღვნება კოლხეთს, რომელიც მდ. ბზიფიდან იწყება³³⁰. დასახელებულია „დიოსკურია ანუ სებასტოპოლისი“, მდ. ჰიპოსის (აქ კოდორის) შესართავი, მდ. კიანეოსის (მოქვისწყალი) შესართავი, სიგანეონი (ერისწყალი), ნეაპოლისი (ლოკალიზაცია უცნობია), აია³³¹ და ა.შ. საყურადღებოა ის ფაქტი, რომ, მიუხედავად პლინიუსისა და არიანეს შრომების გამოყენებისა, კლავდიოს პტოლემეოსმა არ დაასახელა წვრილ-წვრილი პოლიტიკური ერთეულები და კოლხეთის (ე.ი. მდ. ბზიფიდან კაპადოკიამდე) მთელი მოსახლეობა ქართველებად წარმოადგინა: „კოლხეთის ზღვისპირა ნაწილში მოსახლეობენ ლაზები, ზევით მდებარე ადგილებში მანრალები და ეკრეკტიკის ქვეყნის მცხოვრებნი³³²“. საყოველთაო აღიარებით, მანრალები – მეგრელები არიან, ეკრეკტიკის ქვეყანა – ეგრისია³³³.

ეგრისის ტერიტორიაზე I-II საუკუნეების მიჯნაზე წვრილ-წვრილ პოლიტიკურ ერთეულთა წარმოქმნის მიზეზებთან დაკავშირებით ქართულ ისტორიოგრაფიაში ერთიანი მოსაზრება არ არსებობს. ივ. ჯავახიშვილი განსაკუთრებული ყურადღების ღირსად იმ გარემოებას მიიჩნევდა, „რომ მთლიანი დასავლეთ საქართველოს მაგიერ I34წ. ქრ. შ. ქვეყანა უკვე ოთხ სამეფოდ დაქუცმაცებული ყოფილა. როგორც ჩანს, რომაელებს თავიანთი საყვარელი პოლიტიკური მცნება divide et impera აქაც განუხორციელებიათ და გაერთიანებული კოლხეთის მაგიერ ოთხი სამეფოს შექმნისათვის შეუწყვიათ ხელი³³⁴“.

სხვა მოსაზრება ჰქონდა ს. ჯანაშიას. მისი აზრით, „არიანესდროინდელი ზოგიერთი სამთავრო წარმოადგენს უწყებულ სკეპტუხიების შემდგომ განვითარებას“³³⁵. სტრაბონისეულ სკეპტუხიებს (აქვე, გვ. 55) – კოლხეთის სამეფოს ადმინისტრაციულ-ტერიტორიულ ერთეულებს – ს. ჯანაშია სატომო ორგანიზაციებად, კოლხეთს კი „მრავალტომიან სამეფოდ“ მიიჩნევდა³³⁶. „სკეპტუხიების შემდგომ განვითარებაში“ იგულისხმებოდა არიანეს „სამეფოების“ პრიმიტიული „სოციალური დიფერენციაციის“, ფეოდალიზაციის ნიადაგზე აღმოცენება³³⁷. აფსილების, აბასკების, სანიგების (და სხვა) პოლიტიკურ წარმონაქმნებს ს.ჯანაშია „ტომობრივ სამთავროებს“ (племенные княжества) უწოდებდა, რომელთა შექმნა, თითქოს, დამოუკიდებლობისათვის მებრძოლი ადგილობრივი ძალების წინაშე რომის იძულებითმა დათმობამ განაპირობა³³⁸.

III. ეგრისის პოლიტიკური ერთეულები „ტომობრივი სამთავროები“ რომ ყოფილიყვნენ, ს.ჯანაშიას მიერ აფსუა-აფხაზთა წინაპრებად მიჩნეული, ერთმანეთის მეზობლად მცირე ტერიტორიაზე მცხოვრები აფსილები და აბაზგები ერთ გაერთიანებას შექმნიდნენ. ასე იმიტომ არ მოხდა, რომ, ეტყობა, იმპერიის ინტერესებში მართლაც შედიოდა მრავალსაუკუნოვანი სახელმწიფოებრიობის მქონე და ამ სახელმწიფოებრიობის დაკარგვით აშკარად უკმაყოფილო კოლხების პოლიტიკური დაქუცმაცება, რათა გამორიცხულიყო სამეფოს კვლავ აღდგენა³³⁹.

ს.ჯანაშიას მოსაზრება სხვადასხვა ფორმით არაერთმა ავტორმა გაიმეორა. ნიკო ბერძენიშვილი თვლიდა, რომ კოლხეთის სამეფო წარმოადგენდა ტომთა დიდ გაერთიანებას, რომლის დაშლის შემდეგ „თავშემონახული“ აღმოჩნდნენ სხვა ტომებიც – აფსილები, აფხაზები და ა. შ.³⁴⁰ გ. მელიქიშვილი წერდა ჩრდილოეთ კავკასიიდან I ს. ახალი „მრისხანე სტიქის“ მოძალების, ცენტრალური კოლხეთიდან უძველესი

330 . კლავდიოს პტოლემეოსის კოლხიდას მსოფლიოს დიდ ქვეყნებს შორის მოიხსენიებდა („ტეტრაბიბლოსი“) და კავკასიის ქედის ქვემოთ ათავსებდა. – Дж. Гамахария, Б. Гогия. დასახ. ნაშრომი , გვ. 532.

331 . ნ. ლომოური. კლავდიოს პტოლემეოსის, გვ. 43-45.

332 . იქვე, გვ. 45.

333 . იქვე, გვ. 57; Дж. Гамахария, Б. Гогия. დასახ. ნაშრომი , გვ. 523.

334 . ივ. ჯავახიშვილი. თხზ., ტ. I . თბ., 1979, გვ. 214.

335 . ს. ჯანაშია. შრომები, ტ. II. თბ., 1952, გვ. 311.

336 . იქვე, ტ. I. თბ., 1949, გვ.210; ტ. II, გვ. 311.

337 . იქვე, ტ. II, გვ. 312.

338 . С. Н. Джанашиа. Абхазия в составе Колхидского царства и Лазики. Образование «Абхазского царства» –მაცნე, ისტორიის... სერია, 1991, №2, გვ. 23.

339 . ამიტომაც მცდარია ნ. კეჭაყმაძის მტკიცება იმის შესახებ, რომ იმპერიას არც აინტერესებდა და არც განსწენია კოლხეთში „ახალი წყობის დამყარების სურვილი“. – ფლაკიუს არიანე. მოგზაურობა შავი ზღვის გარშემო, გვ. 13.

340 . ნ. ბერძენიშვილი. საქართველოს ისტორიის საკითხები, წ. VIII. თბ., 1975, გვ. 245-246, 251; მისივე: საქართველოს ისტორიის საკითხები. თბ., 1990, გვ. 554.

მოსახლეობის განდევნისა და „უეჭველად“ იმ „სტიქიის“ შემადგენელი აფშილების, აბაზგებისა და სანიგების იქ დამკვიდრების შესახებ. ეს იქცა, მისი აზრით, კოლხეთში წვრილი პოლიტიკური ერთეულების ჩამოყალიბების მთავარ მიზეზად. აღნიშნული წარმონაქმნები თითქოს წარმოადგენდნენ ტომთა კავშირებს „სახელმწიფოებრიობის ძლიერი ჩანასახით“, „მეფეები“ კი – ტომთა კავშირების ბელადებს.³⁴¹

გ. მელიქიშვილის მთელი ეს მსჯელობა და დასკვნები ეფუძნება არა წყაროთა მონაცემებს, არამედ I საუკუნიდან კოლხეთის ტერიტორიაზე მის მიერ მთიელ აფსუ-აფხაზებად მიჩნეული „ტომების“ გამოჩენის ფაქტის თავისებურ ინტერპრეტაციას. გაუგებარია, ჰენიოხებს (რომელთაც მეცნიერი სვანებად და მეგრელებად თვლის) რატომ მიაკუთვნებს ჩრდილოკავკასიურ „მრისხანე სტიქიას“, რატომ აცხადებს ამ „სტიქიის“ ნაწილად ასევე ქართველებად აღიარებულ სანიგებს? სხვათა შორის, არც პირველი საუკუნეების ჯიქები („მრისხანე სტიქიის“ ვითომ ავანგარდი) ჩანან უცხო ძალად და არ წარმოადგენენ განსაკუთრებულ საფრთხეს. არიანეს მიხედვით, მათაც რომელთა დანიშნული მეფე ჰყავდათ; ჯიქთა ტერიტორიაზე მდებარეობდა ქართული ქალაქი ძველი ლაზიკა. „მრისხანე სტიქიის“ კიდევ ერთი „მთავარი ძალა“ – აქელები გ.მელიქიშვილის მიერ აღწერილი ვითომ მასობრივი შემოტევების შემდეგ ჰენიოხებთან ერთად მალე საერთოდ ქრებიან ისტორიული ასპარეზიდან. ეს ყოველივე დასტურია იმისა, რომ ახალი წელთაღრიცხვის დასაწყისში არავითარი „მრისხანე სტიქია“ არ არსებულა.

გ.მელიქიშვილის მოსაზრებას „მეტად მერყევე საფუძველზე“ დამყარებულად თვლის ნ. ლომოურიც, მაგრამ ავითარებს არანაკლებ მცდარ და უკვე ნაცნობ შეხედულებას (ს. ჯანაშია) კოლხეთის სამეფოში დამოუკიდებლობისაკენ მისწრაფების ტენდენციების მქონე ტერიტორიულ-ტომობრივი ერთეულების (სკეპტუხიების) არსებობის შესახებ. ადრე ძლიერი სამეფო ხელისუფლება (ჯერ კოლხეთის, მერე რომისა) ბოჭავდა პარტიკულარიზმს, მაგრამ ახ. წ. პირველ საუკუნეებში, როცა ვითარება შეიცვალა, რომი იძულებით დათმობაზე წავიდა და ცნო „კოლხეთის ცალკეულ ტერიტორიულ-ეთნიკურ ერთეულთა ბელადების პრეტენზია, მათ მიერ ფაქტიურად დამოუკიდებლობის მოპოვება, რათა ფორმალურად სუბერენობა და ერთგვარი გავლენა მაინც შეინარჩუნოს კოლხეთში“, - წერს ნ. ლომოური; მთავარი დასკვნა კი, რომელიც წყაროთა მონაცემებს არ ეყრდნობა და, ამდენად, მიუღებელია, ასეთია: „კოლხეთის სამეფოს არსებობის ხანაშივე მოქმედი ტენდენციების გაძლიერების წინააღმდეგ ბრძოლის შეუძლებლობა, გამოწვეული ამიერკავკასიაში საერთო პოლიტიკური სიტუაციის რომის საზიანოდ შეცვლით, კოლხეთის ცალკეულ „სკეპტუხიათა“ გააქტიურებით და იბერიის მომძლავრება-გააგრესიულობით, არის, ჩვენი აზრით, კოლხეთის ტერიტორიაზე ცალკეულ სამეფოთა წარმოქმნის ობიექტური პირობები და რეალური მიზეზები“³⁴². ნ.ლომოური ფაქტობრივად იმეორებს გ.მელიქიშვილის შეხედულებას გაძლიერებული და დასავლეთის მიმართულებით გააქტიურებული იბერიის ფაქტორის შესახებ³⁴³. ვითომ ეს ფაქტორი აიძულებდა შავიზღვისპირა წვრილ „ეთნიკურ“ ერთეულებს რომთან გარკვეული კავშირის დამყარებას; ამ თვალსაზრისით, რომაული გარნიზონების ფაზისსა და დიოსკურიაში განლაგებაც აღნიშნულ ერთეულთა მმართველობისათვის ყოფილა სასარგებლო; ნ.ლომოურის აზრით, რომის ხელქვეითობა ეგრისში წარმოქმნილ „სამეფოებს“ საქართველოს ჩრდილო-დასავლეთ პერიფერიაზე მცხოვრებ ტომთა თავდასხმებისაგან იცავდა და ა.შ.³⁴⁴

VI საუკუნეში აფხაზეთის თანამედროვე ტერიტორიაზე დაფიქსირებულია კიდევ ერთი პოლიტიკური ერთეული – მისიმიანეთი. აგათია სქოლასტიკოსი (VI ს.) გვაწვდის ვრცელ ინფორმაციას ბიზანტიელთა წინააღმდეგ მისიმიელების აჯანყებისა და იმპერიის მიერ მისი სასტიკად ჩახშობის შესახებ³⁴⁵.

341 . გ. Меликишвили. К истории древней Грузии, გვ. 365, 373-375.

342 . ნ. ლომოური. ეგრისის სამეფოს ისტორია. თბ., 1968, გვ. 21-23.

343 . გ. Меликишвили. К истории древней Грузии, გვ. 369.

344 . ნ. ლომოური. ეგრისის სამეფოს ისტორია, გვ. 24, 25, 27.

345 . გეორგიკა, ტ. 3. თბ., 1936, გვ. 85-90; 154-157; 159-174.

ამრიგად, გვიანანტიკურ ხანაში და ადრეულ შუა საუკუნეებში ენგურიდან ფსოუმდე მონაკვეთზე (მის ჩრდილო-დასავლეთითაც) გარდა ლაზებისა მკვიდრობდნენ აფსილები, აბაზგები, სანიგები, სვანოკოლხები და მისიმიანები. მათი ეთნიკური ვინაობის გარკვევა წარმოადგენს რეგიონის ეთნოპოლიტიკური ისტორიის საკვანძო საკითხს.

უძველეს მოსახლეობას მიეკუთვნებიან სანიგები. მათი ვინაობა ისტორიოგრაფიაში ფაქტობრივად დადგენილია, თუ მხედველობაში არ მივიღებთ აფხაზ ისტორიკოსთა აკვიტებულ აზრს მდ.ენგურიდან (უფრო სამხრეთიდანაც) ფსოუმდე მხოლოდ აფხაზთა მკვიდრობის შესახებ. ზ.ანჩაბაძეს, ასევე შინალ-იფას და სხვა ავტორებს სანიგები სათანადო დასაბუთების გარეშე საძებნის წინაპრებად მიაჩნდათ³⁴⁶ მაშინ, როცა მათი (საძებნის) სახელი არა ანტიკურ, არამედ მხოლოდ გვიანდელი შუა საუკუნეების წყაროებში ჩნდება.

ძვ.წ. I საუკუნის შუახანების მოვლენებთან კავშირში სანიგებს ახსენებს მემნონი (I-III სს.). იგი წერდა, რომ „პონტოს უკიდურეს აღმოსავლეთ მხარეში“, საითკენაც „გაიქცნენ მითრიდატეს მომხრეები..., სახლობდნენ სანიგები და ლაზები“³⁴⁷.

თუ გავითვალისწინებთ პომპეუსისაგან დევნილი მითრიდატე VI-ის ყოფნას დიოსკურიში და ამ ქალაქის სანიგთა მიწაზე მდებარეობას (არიანე), უნდა გავიზიაროთ თ. ყაუხჩიშვილის ვარაუდი ძვ.წ. I საუკუნეში სანიგების დიოსკურიის მიდამოებში მკვიდრობის შესახებ³⁴⁸. არიანეს ცნობით, ისინი მდ.შახემდე – ჯიქთა საზღვრებამდე სახლობდნენ. ზემოთ უკვე ითქვა, რომ ჯერ კიდევ ი.ორბელმა „ჰენიოხი“ („ჰენიხი“) დააკავშირა „სანიგ“-თან და ორივე ქართველურ (სვანურ) ტომს მიაკუთვნა (აქვე, გვ. 46). სანიგებს ქართველთა ამა თუ იმ შტოს (მეგრულ-ჭანურის, სვანურის ან ორივეს) წარმომადგენლებად მიიჩნევენ ნ.მარი, ს.ჯანაშია, ს.ყაუხჩიშვილი, პ.ინგოროყვა, გ.მელიქიშვილი, ნ.კეჭაყმაძე, მ.ინაძე, ნ.ლომოური, თ.მიბჩუანი, გ.გასვიანი, ბ.გოგია, დ.ლეთოლიანი და მრავალი სხვა³⁴⁹. ქართული ისტორიოგრაფია ამ საკითხის გადაწყვეტისას, პირველ რიგში, წყაროთა ზუსტ მონაცემებს ეფუძნება. ასე, მაგალითად, იპოლიტე რომაელი (III სს.) წერს, რომ კაპადოკიის შემდეგ არიან „მარცხენა მხარეებში სკვიტები, კოლხები და ბოსფორელები... სავნები, ეგრეთწოდებული სანიგები, რომლებიც გადაჭიმული არიან ვიდრე პონტომდე, იმ ადგილამდე, სადაც არის აფსაროსი (და სებასტოპოლისი), ჰისოს ნავსადგური და მდინარე ფაზისი. და ვიდრე ტრაპეზუნტამდე ცხოვრობენ და გადაჭიმული არიან ეს ტომები“³⁵⁰. ამრიგად, მოტანილ წყაროებში ისტორიული კოლხეთის ტერიტორიაზე, სადაც ვითომ მრავალი „სამეფო“ არსებობდა და მრავალი „ტომი“ ცხოვრობდა, სახელდებიან მხოლოდ კოლხები და სავნები (სვანები)/სანიგები. ამ ტომებს მცირედი კორექტივით უკლებლივ ასახელებს ევსტათი კესარიელი (260-340წწ.). იგი საუბრობს სანებზე, „რომელთაც სანნიგები ეწოდებათ“³⁵¹. აღნიშნული ავტორის მიხედვითაც, ისტორიული კოლხეთი მხოლოდ სანნების//სანნიგებისა და კოლხების სამკვიდროა.

VI საუკუნის ავტორი პროკოპი კესარიელი ეყრდნობა წინა ეპოქების ავტორთა სარწმუნო ცნობებს და არაერთხელ ახსენებს სანიგებს//სავნებს, რომელთა „ქვეყნამდე დაფუძნებულ იქნა რომაელ ჯარისკაცთა რაზმები“ რომის „თვითმპყრობელ ტრაიანეს დროს“ (98-117წლები); სანიგების//სავნების „მიწა-წყლის, ზღვისპირა ნაწილი, – აგრძელებს პროკოპი კესარიელი, – ძველთაგანვე ეპყრათ რომაელებს. რომაელებმა აქ ზღვის პირას ორი სიმაგრე გააშენეს: სებასტოპოლისი და პიტიუნტი... და იმთავითვე ჩააყენეს იქ მცველი რაზმი“³⁵².

³⁴⁶ . З. В. Анчабадзе. Очерк..., გვ. 34-36; III. Инал-Ипа. Абхазы..., გვ. 97-98.

³⁴⁷ . ბერძენი მწერლების ცნობები საქართველოს შესახებ, VI. ძველი ბერძნულიდან თარგმნა, გამოკვლევა და საბიბლიოგრაფიული დაურთო თ. ყაუხჩიშვილმა. თბ., 1987, გვ. 46.

³⁴⁸ . იქვე, გვ. 22-23.

³⁴⁹ . ლიტერატურის მიმოხილვა ამ თემაზე იხ.: თ. მიბჩუანი. დასავლეთ საქართველოს... გვ. 83-94; მ. ინაძე. ძველი აფხაზეთის... მაცნე, 1992, №2, გვ. 45-47; З. В. Анчабадзе. Очерк... გვ. 34. იხ. აგრეთვე: დ. ლეთოლიანი. აფხაზეთის, აფშილეთის და სანიგეთის პოლიტიკური დამოკიდებულება ეგრისთან (ლაზიკასთან) IV-VIII სს-ში. თბ., 1991, გვ. 120-140.

³⁵⁰ . გეორგიკა, ტ. I, გვ. 19-20.

³⁵¹ . იქვე, გვ. 32.

³⁵² . იქვე, ტ. 2, გვ. 125, 126.

სანიგებთან დაკავშირებულ ცნობას შეიცავს VII საუკუნის წყარო - „პასქალური ქრონიკა“, სადაც საუბარია მიწა-წყალზე „ეგრეთწოდებული საღვთისა, რომლებსაც სანიტებსაც ეძახიან“³⁵³. საღვთები უნდა იყვნენ ფაზისის ჩრდილოეთით ღოკალიზებული პლინიუსის საღვთები, რომლებსაც ძველად ფთვიროფაგები ერქვათ, სხვები კი უწოდებდნენ სანებს (აქვე, გვ. 57). აქ არ შეიძლება არ გავიხსენოთ პლინიუს უფროსის „სანთა ჰენიოსთა ტომი“ (VI. 12), აგრეთვე მაკრონებისა (სტეფანე ბიზანტიელის მიხედვით – სანები³⁵⁴) და ჰენიოსების „სამეფო“ ფლავიუს არიანესთან (აქვე, გვ. 58), რათა კიდევ ერთხელ გავუსვათ ხაზი სანების//სანიგების და ჰენიოსების როგორც იდენტურობას, ისე მათ ქართველობას. სავნებზე//სვანებზე და სანებზე „პრეტენზია“ თვით სეპარატისტულად განწყობილ მკვლევარებსაც არა აქვთ, ვინაიდან მათი (შესაბამისად, სანიგების) ქართველობა უდავოა. პროკოპი კესარიელი წერდა, რომ „ტრაპეზუნტელთა მოსახლდრენი არიან სანები, რომელთაც ახლა ჭანები ეწოდებათ, ან კოლხები, სხვანაირად ღაზებს რომ ეძახდნენ, რომელნიც ახლა იმავე სახელს ატარებენ“³⁵⁵. ამრიგად, ისტორიული წყაროების მიხედვით, სანიგები, იგივე სანები//ჭანკოლხები და სვანები, ქართველები არიან. აღსანიშნავია, რომ ამ უეჭველ ფაქტს, თანამედროვე სეპარატისტებისაგან განსხვავებით, აღიარებდა თვით დ.გულია³⁵⁶.

სანიგების ქართველობის უტყუარი საბუთია თანამედროვე გაგრის ზონაში კლ.პტოლემეაოსის მიერ სვანოკოლხების მოხსენიება (აქვე, გვ. 59), აგრეთვე ფლავიუს არიანესთან და V საუკუნის ანონიმთან თანამედროვე ტუაფსეს ჩრდილო-დასავლეთით ხსენებული ქვეელი ღაზიკა (აქვე, გვ. 58,59), V საუკუნიდან – ნიკოფსია³⁵⁷. ამ ფაქტებთან დაკავშირებით სეპარატისტული ისტორიოგრაფია სრულ დუმილს ამჯობინებს, ვინაიდან ისინი მთლიანად არღვევენ აფსუა-აფხაზთა ავტოქთონობის ყალბ კონცეფციას. ქ. ქველი ღაზიკის არსებობას მ. ინაძე სავსებით ლოგიკურად და დამაჯერებლად უკავშირებს უძველეს საისტორიო ტრადიციას ეგროსის სამფლობელოს გავრცელების შესახებ ზღვამდე, „სადა წარსწუთების წუერი კავკასისა“ და აღნიშნავს, რომ კავკასიონის ქედის დასავლეთი კალთები სწორედ ძველ ღაზიკასთან ეშვებიან ზღვაში.³⁵⁸

სანიგთა ქართველობის სასარგებლოდ მოყვანილ ისტორიულ მტკიცებულებებს ვერ უარყოფს აფხაზ ავტორთა ყველაზე მთავარი არგუმენტი – „სანიგ“-ისა და „საძ“-ის ფონეტიკური მსგავსება, რომელიც იოლად გააბათილეს მ. ინაძემ და ნ. ლომოურმა³⁵⁹.

ბევრად უფრო რთული აღმოჩნდა აფსილ-აბაზთა ვინაობის გარკვევა. ამ საკითხზე თვით ქართულ ისტორიოგრაფიაშიც არ არის აზრთა სრული ერთიანობა, რომ არაფერი ვთქვათ აფხაზ ისტორიკოსებზე. სპეციალისტთა ერთი ნაწილი აფსილ-აბაზებს აფხაზთა წინაპრებად მიიჩნევს იმ მოტივით, რომ „აფსილი“, თითქოს, არის „აფსუს“ - აფხაზის თვითსახელწოდების იდენტური, „აბაზგი“ – „აფხაზისა“. სხვა უფრო სერიოზული არგუმენტები ამ შეხედულების ავტორებს არ გააჩნიათ. არსებობდა და არსებობს საპირისპირო მოსაზრება, რომლის თანახმადაც ისტორიული ენგურ-ფსოუს მონაკვეთი უძველესი დროიდან გვიან შუა საუკუნეებამდე ქართველებით იყო დასახლებული; ისტორიული აფხაზი იგივე ქართველია, თანამედროვე აფსუა-აფხაზები კი XVI-XVIII სს. ჩამოსახლებული ჩრდილოკავკასიური მოდგმის ხალხია. ეს მოსაზრება XVI საუკუნიდან თანდათანობით იხვეწებოდა და დასრულებული სახე XX ს. მიიღო.

აფხაზეთის უძველეს ისტორიას, მათ შორის აფსუა-აფხაზთა წარმოშობის თემას გვიან შუა საუკუნეებიდან ეხებოდნენ მოგზაურები, მისიონერები, დიპლომატები, მეცნიერები. გერმანელი დიპლომატი ს.გერბერშტაინი, რომელიც XVII ს. პირველ მეოთხედში სავანგებო მისიით ორჯერ იმყოფებოდა რუსეთში, მდ.ყუბანის სამხრეთით

353 . იქვე, ტ. 4, წ. 1, გვ. 10.

354 . იქვე, ტ. 3, გვ. 281.

355 . იქვე, ტ. 2, გვ. 120.

356 . «Санны (санги, суани, нынешние свани) родственное племя абазгов, до Рождества Христова долгое время и после Р. Хр. жили около Диоскурии». – Д. И. Гулиа. Собр. соч., т. 6, გვ. 100-101.

357 . საქართველოს ისტორიული სასაზღვრო პუნქტი XIV ს. მეორე ნახევრამდე მაინც. – ქართლის ცხოვრება, ტ. 4, თბ., 1973, გვ. 201.

358 . მ. ინაძე ძველი აფხაზეთის... მაცნე, 1992, №2, გვ. 47.

359 . მ. ინაძე. ანტიკური ხანის..., მოამბე, 1960, №2, გვ. 148-156; ნ. ლომოური. ძველი აფხაზეთის... გვ. 31-33.

მდებარე ტერიტორიებს, რუსების მიერ მიწოდებული ინფორმაციის საფუძველზე, სამეგრელოს მიაკუთვნებდა; იქვე აღნიშნავდა, რომ „მდინარე ყუბანთან ცხოვრობდა აფხაზი ხალხი“³⁶⁰.

XVIII. შუა ხანების თურქი ისტორიკოსი ქათიბ ჩელები აფხაზებს ებრაული წარმოშობის ხალხად მიიჩნევდა; ებრაელებში ის, სავარაუდოდ, გულისხმობდა ხაზარებს, რომელთა უმეტესობა იუდაიზმს მისდევდა; აფხაზთა უშუალო წინაპრებად თურქი ისტორიკოსი ყარა აუდაჰანის (ასტრახანის) მოსახლეობას (სადაც ყველაზე მეტად იყო იუდაიზმი გავრცელებული ხაზართა შორის) თვლიდა³⁶¹. ქათიბ ჩელების მოსაზრებას ამყარებს პლინიუსის ცნობა აბზოას ტომის კასპიის ზღვის ჩრდილოეთით ბინადრობის შესახებ.

კათოლიკე მისიონერი არქანჯელო ლამბერტი, რომელიც 1633-1649 წლებში სამეგრელოს სამთავროში იმყოფებოდა და კარგად იცოდა საქართველოს ისტორია, წერდა: „...საქართველოს სამეფო მიდიოდა კაფამდი“³⁶². მნიშვნელოვანია, რომ 1672წ. საქართველოში ჩამოსული ჟან შარდენი სამეგრელოს მკვიდრთა ისტორიულ მესხიერებაზე დაყრდნობით წერდა: „კოლხთა სამეფოს ასეთი მცირე ტერიტორია როდი ეჭირა, როგორც დღეს. იგი ერთი მხრივ განვრცობილი იყო მეოტიდის (აზოვის – ავტ.) ჭაობამდე, მეორე მხრივ კი – იბერიამდე“³⁶³.

ქართულ საისტორიო ლიტერატურაში პირველად XVIIIს. გაჩნდა ტერმინი „აფხარი“//„აფსუა“, რომელიც ჩანართის სახითაა შეტანილი XIIIს. თხზულებაში „ისტორიანი და აზმანი შარავანდედთანი“³⁶⁴. „ქართლის ცხოვრების“ ტექსტების დამდგენისა და გამომცემლის – სეაუხნიშვილის განმარტებით, „აფხარი“ არის „ერთ-ერთი ქართველი ტომი დასავლეთ საქართველოში“³⁶⁵. ვახუშტი ბატონიშვილის მიხედვით, „ანაკოფიის დასავლეთი არის აფხაზეთი, პირველად წოდებული ეგრეთვე ეგრისი“. ეს ტერიტორია, „დაიპყრეს რა ბერძენთა, უწოდეს აბასა, ხოლო ქართველთა – აფხაზეთი. გარნა უმეტეს საგონებელი არს ძეთაგან ანუ ძის ძეთაგან ეგროსისათა ეწოდა სახელი ესე“³⁶⁶. ამრიგად, აბაზგთა განსახლების ტერიტორია არის არა მთიულ კავკასიანთა, არამედ ეგროსიანთა კუთვნილება. თანამედროვე აფსუა-აფხაზებმა, როგორც ვახუშტი წერდა, მიწები „ეგრისის მდინარემდე“ დაიპყრეს XVIIIს. ბოლოს³⁶⁷.

აფხაზეთის თემას შეეხო პირველი რუსი პროფესიონალი ისტორიკოსი და სახელმწიფო მოღვაწე ვ.ტატიშჩევი (1686-1750წწ.), რომლის შრომებს რუსულ ისტორიოგრაფიაში წყაროს მნიშვნელობა ენიჭება. მისი სიტყვებით, თანამედროვე აფხაზეთის ტერიტორია – ჩრდილოეთ სამეგრელოა, რომლის „მეტი ნაწილი“ ამჟამად სხვა ხალხით – ყუბანელებით გაივსო³⁶⁸ (кубанцы наполняют). ვ.ტატიშჩევა ტერმინი „აფხაზოს“ რუსულ მატინათა „ობეზებს“ დაუკავშირა და ეს უკანასკნელი ქართველებთან გააიგივა. „ობეზთა ქვეყნიდან ანუ ქართველი დედოფალი“³⁶⁹, – ასე უწოდებს იგი კიევის მთავრის იზიასლავ II-ის (1146-1154წწ.) მეუღლეს. შეხედულება, რომ აფხაზეთი სამეგრელოს ჩრდილოეთი ნაწილია, ანუ იგივე სამეგრელოა, XVIIIს. ბოლომდე და XIXს. დასაწყისამდე მყარად იყო გაბატონებული რუსულ მეცნიერებასა და პოლიტიკურ აზროვნებაში.

გენერალი პიეტრო – სიმეონ პალასი (1741-1811წწ.), პეტერბურგის მეცნიერებათა აკადემიის წევრი, რომელმაც 1794წ. კავკასიაში იმოგზაურა, აფხაზებს („აბსნე“) აბაზებად მოიხსენიებდა და მათ შესახებ წერდა: „ეს ხალხი, როგორც ჩანს,

³⁶⁰ . С. Герберштейн. Записки о Московии. М., 1988, გვ. 181.

³⁶¹ . ქათიბ ჩელების ცნობები საქართველოს და კავკასიის შესახებ. თურქულიდან თარგმნა, შესავალი, შენიშვნები და საძიებლები დაურთო გ. ალასანიამ. თბ., 1973, გვ. 132, 133.

³⁶² . ა. ლამბერტი. სამეგრელოს აღწერა. თბ., 1938, გვ. 9-10.

³⁶³ . ჟან შარდენის მოგზაურობა სპარსეთსა და აღმოსავლეთის ქვეყნებში. ცნობები საქართველოს შესახებ. ფრანგულიდან თარგმნა, გამოკვლევა და კომენტარები დაურთო მ. მგალობლიშვილმა. თბ., 1975, გვ. 108.

³⁶⁴ . ქართლის ცხოვრება, ტ. 2. თბ., 1959, გვ. 58.

³⁶⁵ . იქვე, გვ. 636.

³⁶⁶ . იქვე, ტ. IV, გვ. 783, 784.

³⁶⁷ . იქვე, გვ. 845.

³⁶⁸ . В. Н. Татищев. История Российская, т. 1. М., - Л., 1962, გვ. 171.

³⁶⁹ . იქვე, გვ. 422..

წარმოშობით არის კავკასიის მთების ჩრდილო-დასავლეთი ნაწილიდან³⁷⁰. ამდენად, პალასის მიხედვით, შეუძლებელია თანამედროვე აფხაზები აფსილ-აბაზგთა შთამომავლები იყვნენ.

აფსილების ლოკალიზაცია სამეგრელოში მოახდინა და მეგრელებად მიიჩნია ისტორიკოსმა და გეოგრაფმა, რუსეთის საგარეო უწყების თანამშრომელმა ჟან (იან) პოტოცკიმ (1761-1815წწ.), რომელმაც კავკასია 1799 წელს მოინახულა³⁷¹.

აბაზების სახელით იცნობს აფხაზებს მინას მედიჩი-ბუიშკიანი, რომელმაც აღმოსავლეთ შავი ზღვისპირეთში 1815-1819წწ. იმოგზაურა. მისი დასკვნით, „აბასი სკვითური ტომია, როგორც ჩანს, დიდი სათათრეთიდან მოსული და აქ დასახლებული და, ცხოვრობდნენ რა მეგრელების მეზობლად, მათ ჟამთა განმავლობაში მიიღეს ქრისტიანობა და შეერივნენ მეგრელებს შავი ზღვის სანაპიროზე. შემდგომ მათ, აბასებმა, დაუტევეს ქრისტიანობა და ხის თაყვანისმცემლები შეიქმნენ“. მ.მედიჩი-ბუიშკიანის დაკვირვებით, „უთუოდ სოხუმელი აბასებიც ამ ტომებს (მეგრელებს – ავტ.) ეკუთვნიან. შემდგომში ისინი, გახდნენ რა ხის თაყვანისმცემლები, შეუერთდნენ ძირითადად აბასებს“.³⁷²

აფხაზეთს და აფხაზებს (აბაზიებს) კარგად იცნობდა გერმანელი მოგზაური და ენათმეცნიერი ჰაინრიხ იულიუს კლაპროთი (1783-1835წწ.); კავკასიაში მოგზაურობის (1807-1808წწ.) შემდეგ მან გამოსცა რამდენიმე ნაშრომი გერმანულ და ფრანგულ ენებზე. აფხაზთა („აბსნე“) შესახებ 1812წ. იგი წერდა: „ფიქრობენ, რომ ისინი ჩრდილო-დასავლეთ კავკასიის აბორიგენები არიან და მოგვიანებით გავრცელდნენ სხვა რაიონებში...“³⁷³ კლაპროთი, როგორც ვხედავთ, ეყრდნობა იმ დროისათვის გაბატონებულ მოსაზრებას („ფიქრობენ“ სხვებიც) აფსუა-აფხაზთა ჩრდილოეთ კავკასიიდან ჩამოსახლების შესახებ. მორიგ ნაშრომში (1823წ.) კი მან აღნიშნა: აბაზები („აბსნე“), „როგორც ეტყობა, მთელი ანტიკური ეპოქა ცხოვრობდნენ კავკასიის ჩრდილო-დასავლეთ ნაწილში“, საიდანაც გამოდევნეს ჩერქეზებმა³⁷⁴. ეს დასკვნა განსაკუთრებულად მნიშვნელოვანია. თანამედროვე აფხაზთა წინაპრებს ანტიკურ ხანაში დასავლეთ საქართველოში რომ არ უცხოვრიათ და ეს წინაპრები აფსილ-აბაზგები არ არიან, დამაჯერებლად მტკიცდება აფხაზური ენობრივი მასალისა და ხალხის ზნე-ჩვეულებების ანალიზის საფუძველზე. სხვებისაგან განსხვავებით³⁷⁵, ამას იოლად მიხვდა გერმანელი მეცნიერი. 1827 წელს გამოქვეყნებულ ნაშრომშიც ი.კლაპროთმა კიდევ ერთხელ დაადასტურა: აფსუა-აფხაზები „ძალიან დიდხანს ცხოვრობდნენ კავკასიის ჩრდილო-დასავლეთ ნაწილში“³⁷⁶. კავკასიაში, საქართველოში, მათ შორის აფხაზეთში მოგზაურობას (1833წ.) სერიოზული მეცნიერული გამოკვლევა მიუძღვნა შვეიცარიელმა ფრანგმა, პარიზის მეცნიერებათა აკადემიის წევრმა ფრედერიკ დიუბუა დე მონპერემ. ავტორი პარალელური მნიშვნელობით ხმარობდა ტერმინებს „აფხაზეთი“ და „ლაზიკა“; აღნიშნავდა, რომ მთიელთა შემოტევების შედეგად სამეგრელოს საზღვარმა ორი საუკუნის წინ ჯერ ანაკოფიამდე, შემდგომში კი მდ.დალიძგამდე გადაინაცვლა³⁷⁷; ეხებოდა რა უძველეს ისტორიას, კერძოდ, არიანესთან დასახლებულ „ტომებს“, დიუბუა დე მონპერე კოლხეთში ეთნიკურ ცვლილებებს ვერ ხედავდა³⁷⁸. ის სპეციალურად არ იკვლევს აღნიშნულ „ტომთა“ ეთნიკური ვინაობის საკითხს, მაგრამ კომენტარებში

370 . Дж. Гамахария, Б. Гогия. დასახ. ნაშრომი, გვ. 285.

371 . Б. Гогия, Абхазия, გვ. 7.

372 . ციტირებულია ნაშრომიდან: გ. ჩიტაია. ძველი აფხაზების ეთნიკური ჩამომავლობის შესახებ. – შრომები ხუთ ტომად, II. თბ., 2000, გვ. 118.

373 . Дж. Гамахария, Б. Гогия. დასახ. ნაშრომი, გვ. 289-290.

374 . იქვე, გვ. 298.

375 . რუსი ისტორიკოსი მ. სელეზნიოვი გაოცებას ვერ მალავდა, მისი თქმით, ნიჭიერ აფხაზთა ჩამორჩენილობის გამო. „საოცარია, – წერდა იგი, – რომ აფხაზებმა, რომლებსაც მუდმივი ურთიერთობა ჰქონდათ ბერძნებთან, რომაელებთან, ბოსფორელებთან, გენუელებთან, არ გადმოიღეს იმათგან არც სამოქალაქო მოწყობა, არც განათლება, ან მიიღეს იგი და ვერ შეითვისეს თავის ზნე-ჩვეულებებში“ (М. Селезнев. Руководство к познанию Кавказа, кн. II. СПб, 1847, с. 203).. მ. სელეზნიოვი ვერ მიხვდა, რომ აფსუა-აფხაზებს არასოდეს ჰქონიათ უშუალო მჭიდრო ურთიერთობა ბერძნებთან და რომაელებთან. შდრ. Т. Гванцеладзе. О пути заимствования греческой христианской лексики в абхазском языке. – Roscnik orientalistychny. Т. L. I, z. 2, Wafszawa, გვ. 130-134.

376 . Дж. Гамахария, Б. Гогия. დასახ. ნაშრომი, გვ. 301.

377 . იქვე, გვ. 312-313, 681.

378 . Фредерик Дюбуа де Монпере. Путешествие вокруг Кавказа, т. I. Сухуми., 1967, გვ. 148.

მითითებული აქვს: „აფხილები – მეგრული მოსახლეობა (ადრე ჰენიოხები ერქვათ)“³⁷⁹. იგი განმარტავდა, რომ ეგრისი არის კოლხეთის მკვიდრი გეორგიანების საცხოვრისი; მათ „ახსენებს პლინიუსი „ეკრეკტიკეს“ ფორმით და ამ სახელით თანამედროვე სამეგრელოს მოიხსენიებს“³⁸⁰. მოკლედ, ფრ. დიუბუა დე მონპერე ისტორიულ კოლხეთში, ეგრისში, სამეგრელოში არაქართველ ტომებს არ იცნობდა.

თეიმურაზ ბაგრატიონის მიხედვით, აფხაზეთი არის ქვემო ივერია, „რომელსაცა ეგრისი სახელსძევს“; სახელი „აფხაზი“, მისი აზრით, უკავშირდება ეგროსის შთამომავლის, გმირისა და აფხაზეთის პირველი მეფის – აფხაზოსის სახელს³⁸¹. როგორც ჩანს, თეიმურაზი ემყარება ვახუშტი ბატონიშვილის ვერსიას – ლეგენდას ეგროსისა და მისი შთამომავლების შესახებ (აქვე, გვ. 63). მაგრამ ეს არის ისტორიული რეალობის შემცველი ლეგენდა, რომელიც ხაზს უსვამს უძველეს აფხაზეთა ქართულ წარმომავლობას. ამ დროს, არსებობს კავკასიის ხალხების, მათ შორის აფხაზეთის აფხაზების ლეგენდა – ნართების ეპოსი, რომლის გმირების ძირითადი სამოქმედო არეალი ყუბანისპირეთია; აფხაზეთის თანამედროვე ტერიტორიასთან კი ისინი დაკავშირებული არ არიან. ეპოსის ყველაზე ძველი და მნიშვნელოვანი ნაწილი ყუბანისპირეთში მცხოვრები ხალხის შემოქმედების ნაყოფია“³⁸², – ასკენის ნანთელავა.

აფხილთა ეთნიკურ ვინაობაზე არის საუბარი პროკოპი კესარიელის თხზულების ფრანგულ გამოცემაში (1856წ.), რომელიც მ. ისამბერს ეკუთვნის. მასში ნათქვამია: „აფხილები არიან ლაზები, რომლებიც ჩრდილო-დასავლეთით ცხოვრობენ და აბაზგებს ესაზღვრებიან (ისინი უეჭველად, თანამედროვე მეგრელები არიან)“³⁸³.

ი.შოპენის აზრითაც, აფხილები (ჰენიოხებთან და სანიგებთან ერთად) ქართული (მეგრული) წარმომავლობისანი არიან, აბაზგ (абгасы)-აფხაზები კი „დიდხანს ცხოვრობდნენ მთის (კავკასიონის) ხეობებში“³⁸⁴.

დ.ბაქრაძე ახალი ეპიგრაფიკური და არქეოლოგიური მასალის გათვალისწინებით დაწერილ წიგნში ჩრდილო-დასავლეთის მხრიდან ქართული ენისა და მისი მეგრულ-სვანური დიალექტების გავრცელების არეალად თვლიდა თანამედროვე აფხაზეთს გაგრამდე, თუმცა „მეგრელებს ეკავათ, – წერდა იგი, – მთელი შავიზღვისპირეთი, ყუბანიდან ტრაპიზონამდე და თვით ტრაპიზონიც“³⁸⁵. ე.ი. დ.ბაქრაძე მთიელთა ყოფნას მეგრელებთან ერთად თანამედროვე აფხაზეთის ჩრდილო-დასავლეთით ვარაუდობდა. მოგვიანებით იგი კვლავ მიუბრუნდა აფხაზეთის თემას. „ჩვენ ვფიქრობთ, – წერდა დ. ბაქრაძე, – რომ აფხაზნი, შემდეგ იმათის გადმოხვეწნისა მთას-იქიდამ, როგორც უფრო ძლიერნი, მოაწვნენ მეგრელებს და ამ უკანასკნელებმა თავის სისუსტის გამო დაუთმეს მათ თავისი მიწაწყალი... ცხადი უნდა იყოს, რომ აფხაზური ენა ძველადგანვე ცოტა-ცოტად იჭერდა მეგრულის ენის ადგილს – მიწასა და, როგორც ჩვენ ვფიქრობთ, იმ დროს, რომელსაც ზემოთ ხსენებული ნაშთები ეკუთვნის, მთელი წებელდი და აფხაზეთი, მთლად თუ არა, მომეტებული ნაწილი მაინც, ჯერ ისევ მეგრულს ტომს ეჭირა. როგორც წინათაც გვითქვამს, ძველი გეოგრაფიული სახელწოდებანი შთებიან ადგილობრივ, თუმცა შეცვლით, შემდეგშიაც, როდესაც ამ სახელწოდებათა ენის ადგილი უცხო – ტომს ენას დაუჭერია. აი მიზეზი, რომ მთელს აფხაზეთში აქამომდე მრავალი მეგრული სახელწოდება ისმის; იმათ შორის თვით ისტორიული ცხუმი ანუ ცხომი (სოსუმი), რომელიც დიდი ხანია ხმარებიდამ გამოვიდა და რომელსაც აქამომდე აფხაზნი უწოდებენ ერთს ციხის ნანგრევს სოსუმის მახლობლად“³⁸⁶. დ. ბაქრაძის

379 . Б. Гогия. Абхазия – историческая провинция Грузии, გვ. 7.

380 . იქვე, გვ. 4.

381 . თეიმურაზ ბატონიშვილი. ისტორია დაწყებიდან ივერიისა, ესე იგი გიორგიისა, რომელი არს სრულიად საქართველოსა. სპბ., 1848, გვ. 56.

382 . ნ. ანთელავა. აფხაზური მითები, რიტუალები, სიმბოლოები. ენციკლოპედია. თბ., 2006, გვ. 56.

383 . Б. Гогия. Абхазия – историческая провинция Грузии, გვ. 7.

384 . Иван Шопен. Новые заметки на древняя история Кавказа и его обитателей. С-Пб., 1866, გვ. 282-283, 286.

385 . Д. Бакрадзе. История Грузии на основе новых изысканий. СПб., 1873, გვ. 2-3.

386 . დ. ბაქრაძე. ისტორია საქართველოსი. თბ., 1889, გვ. 272-273. „ცხუმი“, დ. ბაქრაძის აზრით, „ცხელს“ ნიშნავს (იქვე).

აზრით, აბაზგები კი არიან აფსუა-აფხაზთა წინაპრები³⁸⁷, მაგრამ ცხოვრობდნენ „მთას იქით“ და მხოლოდ მოგვიანებით (XVIII.) გავრცელდნენ მათი თანამედროვე განსახლების ტერიტორიაზე.

ორივე - აფსილები და აბაზგები აფსუა-აფხაზთა წინაპრებად, როგორც ირკვევა, პირველად მარი ბროსემ აღიარა. აბაზგია//აფხაზეთში, - წერდა იგი, - „გარდა აფხაზებისა ცხოვრობდნენ აბჟუელები=აფსილები“; მარი ბროსეს მტკიცებით, „აბჟუა=აფსილია ბიზანტიელებისა და სომეხი მწერლების „აფშელი“³⁸⁸ ნიშნავს „შუა“-ს იმიტომ, რომ აფსილები მისიმიანებსა და აბაზგებს შორის ცხოვრობდნენ ღალიძგასა და კოდორს შუა“³⁸⁹. უნდა ითქვას, რომ აფსილები ნამდვილად იყვნენ „შუა სოფლის“ (აფხ. აბჟუა) მკვიდრთა - ქართველთა წინაპრები. მარი ბროსემ, სამწუხაროდ, არ იცოდა, რომ ღალიძგა-კოდორის მონაკვეთი უძველესი დროიდან XVIII. ბოლომდე მეგრელებით იყო დასახლებული და მას „შუა სოფელი“ ერქვა. XVII-XVIII საუკუნეებში აქ დამკვიდრებულმა აფსუა-აფხაზებმა ეს სახელი უბრალოდ თავიანთ ენაზე თარგმნეს. მარი ბროსემ კი ქართული „შუა სოფლის“ მკვიდრთა წინაპრები - აფსილები ჩამოსახლებულ „აბჟუელთა“ წინაპრებად გამოაცხადა. უნდა ითქვას, რომ იგი სულაც არ თვლიდა აფხაზთა და ჩერქეზთა წარმოშობის საკითხს გადაწყვეტილად³⁹⁰.

XX საუკუნის დასაწყისამდე ისტორიულ მეცნიერებაში მაინც ის აზრი იყო გაბატონებული, რომ საქართველოს შავიზღვისპირეთის უძველეს მოსახლეობას ქართველები წარმოადგენდნენ. ამ მოსაზრების მომხრე გახლდათ აფხაზეთის მკვიდრი თედო ჟორდანიაც. მხოლოდ XVIII. ბოლოდან კელასურის სამხრეთით აფსუა-აფხაზთა გავრცელება მან შინააშლილობებს, თურქეთის ინტრიგებსა და მის გადამწყვეტ დახმარებას დაუკავშირა³⁹¹. მანამდე აფსუებს ამ ტერიტორიაზე (არიანეს აფსილ-აბაზგთა განსახლების არეალში), თედო ჟორდანიას აზრით, არ უცხოვრიათ.

შავიზღვისპირეთის ეთნიკური ისტორიის თემას შეეხო ილია ჭავჭავაძე თავის „ქვათა ღაღადში“, რომელიც რჩება მეცნიერული პუბლიცისტიკის ნიმუშად. მისი აზრით, ძველისძველ ქართველ ნათესაობას სჭერია მთელი სივრცე ღალისის მდინარიდგან მცირე აზიაში - შავი ზღვის პირამდე და მთელი აღმოსავლეთის მხარე ამ ზღვისა, აგრეთვე იგი ადგილები, რომელნიც მტკვარსა და არაქს შუა მდებარეობენ“. კ.პატკანოვის მსგავსი ანტიქართველები (მათ შორის ნიკო მარიც; ის მკაცრადაა გაკრიტიკებული „ქვათა ღაღადში“), რომელთაც ამ ადგილების დაჩემება სურთ ან „ქართულის კუთვნილების გაუქმება“, - აგრძელებს ილია ჭავჭავაძე, - ამტკიცებენ, თითქოს მესხები, ტიბარენები, კოლხები და ა.შ. „ქართველთა ნათესაობისა არც იყვნენ და არც არიან“³⁹². ასეთი იყო და დარჩა დღესაც საქართველოს ისტორიის ფალსიფიკატორთა მიზანი.

1899წ. გაზ. „ჩერნომორსკი ვესტნიკის“ ფურცლებზე გაიმართა პირველი ღია დისკუსია აფხაზეთის ისტორიის საკითხებზე³⁹³. ოპონენტებად გამოდიოდნენ კმაჭავარიანი და მამა ამბროსი ხელაია („სამურზაკანეც“). პირველი იმ პოზიციაზე იდგა, რომ სამურზაკანელები არიან აფსუა-აფხაზები, რომ აფხაზეთი საქართველო არ არის; ამასთან, იგი უსუსურ არგუმენტებს იშველიებდა (აფხაზურ გვარ სახელებს, უხუცესთა გამონათქვამებს). მეორე - ამბროსი ხელაია იმ დროისათვის ცნობილ ისტორიულ წყაროებზე დაყრდნობით მოწინააღმდეგეს სრულიად საპირისპიროს უმტკიცებდა. წყაროთა მოკლე მიმოხილვის შემდეგ ამბროსი ხელაია ოპონენტს ეკითხებოდა: „ხომ არ არის სწორი ისტორიკოსთა აზრი იმის შესახებ, რომ თანამედროვე სოხუმის ოლქი ფსირცხამდე დასახლებული იყო მეგრელებით, რომლებსაც სამურზაკანოს თანამედროვე

³⁸⁷ . დ. ბაქრაძე ასე იმიტომ წერდა, რომ მას ჯერ არ ჰქონდა პასუხი კითხვაზე: „ბერძნულის სახელწოდებიდან წარმოსდგა ქართული აფხაზი, თუ ქართულის სახელწოდებიდან - ბერძნული აბაზგი?“ (დ. ბაქრაძე. ისტორია საქართველოსი, გვ. 271-272). ამ კითხვაზე პასუხი თ. გამყრელიძემ გასცა (აქვე, გვ. 71).

³⁸⁸ . Дж. Гамахария, Б. Гогия. დასახ. ნაშრომი, გვ. 191, 547-548.

³⁸⁹ . Мари Броссе. О Сочинении г. Верещагина под заглавием: «Путевые заметки по Черноморскому округу». М., 1874, გვ. 2.

³⁹⁰ . იქვე, გვ. 3. იგივე მოსაზრებას იზიარებდა ვ. ჩერნიაკსკი. იხილეთ: . . . , გვ. 11, 15.

³⁹¹ . Ф. Жордания. Абхазские католикосы. Ставрополь, 1893, გვ. 21.

³⁹² . ილია ჭავჭავაძე. რჩეული ნაწარმოებები ხუთ ტომად, ტ. V. თბ., 1987, გვ. 40.

³⁹³ . წმინდა აღმსარებელი ამბროსი და აფხაზეთი. კრებული შეადგინა, გამოკვლევა და კომენტარები დაურთო ვ. გამახარიაშვილმა. თბ., 2006, გვ. 62-75; 425-439.

საზღვრამდე დაახვეწინეს³⁹⁴ ორივე მხარე, ღრმად იყო დაუფლებული ისტორიულ ლიტერატურას და წყაროებს აფხაზეთის შესახებ, ისინი აფხაზებს უყოყმანოდ მეგრელებად მიიჩნევდნენ. უთანხმოება იყო მხოლოდ მათი ლოკალიზაციის საკითხში. კმაჭავარიანის მტკიცებით, თანამედროვე სამეგრელოში აფხაზები მდ.ენგურამდე ვრცელდებოდნენ, შესაბამისად, მეგრელები ამ მდინარის მარჯვენა მხარეს არ ცხოვრობდნენ; მამა ამბროსი, პრ. კესარიელზე დაყრდნობით, პასუხობდა, რომ აფხაზები ფსირცხამდე თუ არა, კოდორამდე მაინც ვრცელდებოდნენ, შესაბამისად, ამ ტერიტორიის უძველესი მკვიდრი მეგრელები არიან. მბროსი ხელაია შემდგომშიც არაერთხელ შეეხო აფხილ-აბაზთა ვინაობის, აფხაზეთის საქართველოსადმი კუთვნილებისა და აფსუა-აფხაზთა გვიან ჩამოსახლების თემას³⁹⁵.

ალ. ხახანაშვილის აზრით, აფხაზეთის თანამედროვე ტერიტორიაზე XI ს. ბოლომდე მაინც მეგრელები ცხოვრობდნენ³⁹⁶. კავკასიაში კარგად ცნობილი რუსი ისტორიკოსი ა. დიაჩკოვ-ტარასოვი კი, რომელიც აფხაზეთში გაიზარდა და წებელდაში მამის (ნ. დიაჩკოვ-ტარასოვის) მიერ დატოვებულ მამულებსაც ფლობდა, 1903, 1905 და 1909-1910 წლებში შექმნილ სხვადასხვა ნაშრომში აფხაზეთის თანამედროვე ტერიტორიაზე აფსუა-აფხაზთა XVI-XVII სს. ჩამოსახლების ვერსიას ავითარებდა (აქვე, გვ. 167-168).

აფხაზეთის უძველესი ისტორიის საკითხებით დაინტერესებული იყო ივანე ჯავახიშვილიც. სტრაბონის, პლინიუსის, არიანეს, პტოლემეაიოსისა და პრ. კესარიელის ცნობების საფუძველიანი ანალიზის შედეგად მან შემდეგი დასკვნა გააკეთა: „როგორც ვხედავთ, კოლხეთის მოსახლეობა ქართველთა სამ შტოს ჰკუთვნებია: ლაზ-მეგრელებს, აფშილ-აფხაზებს და სვანებს“³⁹⁷. შემდგომში ივ.ჯავახიშვილმა რამდენადმე შეიცვალა აღნიშნული შეხედულება, მაგრამ დიდმა მეცნიერმა გარდაცვალებამდე ვერ მოასწრო ამ საკითხზე კვლევის დასრულება და არგუმენტირებული საბოლოო აზრის ჩამოყალიბება. ამიტომ ზემოხსენებული დასკვნა აფშილ-აფხაზების ქართველობის შესახებ შევიდა „ქართველი ერის ისტორიის“ პირველი ტომის 1951 და 1961 წლების გამოცემებში³⁹⁸. იმავე ტომის ბოლო გამოცემიდან (1979წ.) კი იგი ამოღებულია და დატოვებულია ივ.ჯავახიშვილის პასუხი ნ. მარის კრიტიკაზე აფხაზთა ეთნიკური ვინაობის თაობაზე: „აფხაზებს მე ქართველთა მონათესავედ ვთვლი, მაგრამ ქართველებს არ ვუწოდებ“³⁹⁹. ავტორი, როგორც ჩანს, შეგნებულად არ აკონკრეტებს, ვისზეა საუბარი – თანამედროვე აფხაზებზე, რომელთაც არავინ თვლის ქართველებად, თუ ისტორიულ აფხილ-აბაზებზე. გასათვალისწინებელია ის გარემოებაც, რომ ივ.ჯავახიშვილი ფაქტობრივად ერთადერთი აღმოჩნდა, ვინც არიანეს „სამეფოებში“ ცალკეული ეთნოსები კი არ დაინახა, არამედ „დაყავი და იბატონე“-ს რომაული პოლიტიკის გამოვლინება (აქვე, გვ. 60). ამით მან ირიბად მიანიშნა საკუთარი „ძველი“ პოზიციის სისწორეზე აფხილ-აბაზთა ქართველობის შესახებ.

ნიკო მარმა, რომელიც იყო აფხაზეთის სეპარატისტული ისტორიოგრაფიის ფუძემდებელი, აფხაზი ეროვნების ისტორიკოსების პირველი თაობის ერთგვარი სულიერი მოძღვარი, 1912წ. 23 მაისს რუსეთის საიმპერატორო მეცნიერებათა აკადემიის საისტორიო-ფილოლოგიურ განყოფილებას წარუდგინა მოხსენება „ტერმინ „აფხაზი“-ს ისტორიიდან“⁴⁰⁰. „აბასკი“ (არიანე), „ობეზი“ (რუსული მატინეები), „აფსილი“ (პლინიუსი, არიანე) ამ ნაშრომში აფსუათა აღმნიშვნელ სახელებადაა მიჩნეული; აფსილთა ლოკალიზაციას მომხსენებელი მდ.რიონის მარჯვენა მხარეს ახდენდა. უფრო მეტიც, ზაქარია მიტილენელის (V-VI სს.) „ისტორიის“ სირიული ტექსტის „ბაზგუნი, თავისი ენით, რომელიც ემიჯნება და ვრცელდება კასპიის კარებამდე და ზღვამდე“;

³⁹⁴ . იქვე, გვ. 423.

³⁹⁵ . იქვე, გვ. 330, 554-555, 593, 602, 667.

³⁹⁶ . А. Хаханов. Древнейшие пределы расселения грузин по Малой Азии. Тифлис, 1903, გვ. 62-63.

³⁹⁷ . ივ. ჯავახიშვილი. ქართველი ერის ისტორია. წ. I-II, თბ., 1913, გვ. 55.

³⁹⁸ . ივ. ჯავახიშვილი. ქართველი ერის ისტორია. ტ. I, თბ., 1951, გვ. 420; იქვე, თბ., 1961, გვ. 427.

³⁹⁹ . იქვე, თბ., 1979, გვ. 152; ივ. ჯავახიშვილმა „დაუთმო“ ნ. მარს ამ ერთ – აფხაზთა ეთნიკური ვინაობის საკითხში, მაგრამ კატეგორიულად არ დაეთანხმა მეგრელებისა და სვანების, ასევე ჭანების არაქართველებად გამოცხადების მოთხოვნას (იხ. იქვე).

⁴⁰⁰ . Н. Я. Марр. История термина «абхаз», гв. 697-706.

ნ.მარმა აფსუა-აფხაზებად გამოაცხადა, როგორც ეს მანამდე გააკეთეს ჰ.გელცერმა და უ.მარკვარტმა⁴⁰¹.

ნ.მარის კალამს ეკუთვნის მრავალი ნაშრომი აფხაზთა ენისა და ისტორიის შესახებ⁴⁰². მას ოფიციალურად არ უარუყვია თავისი არცერთი ადრინდელი დასკვნა, მაგრამ XX ს. 20-იანი წლებიდან აშკარად შეიმჩნევა პოზიციის გადასინჯვის მცდელობა. კერძოდ, იგი აფხაზთა ფესვებს უკვე არა სამხრეთ-დასავლეთ საქართველოსა და წინა აზიაში, არამედ ჩრდილოეთში, რუსეთის მეზობლად ეძებდა⁴⁰³. „აფხაზური ენაც, – წერდა მეცნიერი, – ძირითად თავის ფენებში ჩრდილოეთ კავკასიაში ჩამოყალიბდა“⁴⁰⁴. ამასთანავე, ნ.მარის მტკიცებით, მეგრულ-ჭანებს უძველესი დროიდან ეკავათ „მთელი შავიზღვისპირეთი სინოპიდან და ჰალისიდან ანაპამდე და პანტიკაპეამდე“⁴⁰⁵; აფხაზები ჩამოვიდნენ ჩრდილოეთ კავკასიიდან, შესაბამისად, მეგრულ-ჭანებმა დატოვეს ჩრდილო-დასავლეთ შავიზღვისპირეთი. ეს მოხდა არა ანტიკურ ხანაში, როგორც ნ.მარი წერდა, არამედ გვიან შუა საუკუნეებში. ნ.მარმა მშვენივრად იცოდა ისტორიული სიმართლე, მაგრამ მას ჯერ რუსეთის იმპერიის, შემდეგ საბჭოთა ხელისუფლების დაკვეთით მაინც აყალბებდა.

XX ს. 20-იანი წლების დასაწყისიდან ქვეყნდება აფხაზი ეროვნების ავტორთა წიგნები და ბროშურები აფხაზეთის ისტორიის საკითხებზე, რომლებსაც საფუძვლად ედო ნ.მარის ზემოხსენებული „ძველი“ იდეები, შოვინისტების მიერ შეთითხნილი წიგნარები⁴⁰⁶. მხედველობაში გვყავს ს.ბასარია, ს.აშხვაწა, დ.გულია⁴⁰⁷, რომელთა შრომებს ისტორიოგრაფიაში უკვე მიეცა სათანადო შეფასება⁴⁰⁸.

30-40-იან წლებში აფხაზეთის უძველესი ისტორიის საკითხებს ღრმა გამოკვლევები მიუძღვნა ს.ჯანაშიამ. აფსილ-აბაზებს იგი აფსუა-აფხაზთა წინაპრებად მიიჩნევდა⁴⁰⁹. მიუხედავად ამისა, 1950წ. ნიკო ბერძენიშვილი სულაც არ თვლიდა საბოლოოდ დადგენილად, „თუ ვინ იყვნენ აწინდელ აფხაზეთის ტერიტორიაზე მოსახლე ისტორიკოსები... საქართველოს ისტორიის მშენებლობაში ორგანულად რომ მონაწილეობდნენ ამ ისტორიის მთელს სიგრძეზე უძველესი დროიდანვე მოკიდებული“⁴¹⁰.

აფხაზეთის ეთნოპოლიტიკური ისტორიის თემაზე შექმნილ ნაშრომებს შორის საეტაპო მნიშვნელობისა აღმოჩნდა პავლე ინგოროყვას „გიორგი მერჩულე“ (თბ., 1954), აფხაზთა ვინაობისა და ეთნოგენეზის საკითხებისადმი მიძღვნილი მისი IV თავი: „დასავლეთ საქართველოს ფეოდალური სახელმწიფო (აფხაზეთის სამეფო) და ცნობები მის შესახებ გიორგი მერჩულეს ძეგლში“. პ.ინგოროყვამ, არსებითად, ალაღვინა და დამაჯერებლად დაასაბუთა ვითარებათა გამო მივიწყებული წინა საუკუნეების ევროპელი, რუსი, ქართველი მეცნიერების ზემოთმოტანილი დასკვნები აღმოსავლეთ შავიზღვისპირეთში ქართველთა მკვიდრობისა და აფსუა-აფხაზთა გვიან ჩამოსახლების შესახებ⁴¹¹. ამით მყარი მეცნიერული საფუძველი ჩაეყარა აფხაზეთის ისტორიოგრაფიას.

401 . გეორგიკა, ტ. 3, გვ. 18; Дж. Гамахария, Б. Гогия. დასახ. ნაშრომი, გვ. 187-188, 542-544. ნ. მარის ლინგვისტური ჰიპოთეზების კრიტიკა იხ. ქვემოთ (თავი XI).

402 . Н. Я. Марр. О языке и истории абхазов. М.,-Л., 1938.

403 . იქვე, გვ. 167-211.

404 . იქვე, გვ. 247.

405 . Н. Я. Марр. Избранные работы, т. V. М., - Л., 1935, გვ. 24-25. ნ. მარის მტკიცებით, მეგრულ-ჭანები და იბერები არიან სკვითთა შთამომავლები; სკვითების შიგნით სოლისებურად შეჭრილმა აფხაზებმა თითქოს გაყვეს ისინი ჩრდილოეთ სკვითებად და სამხრეთ კოლხებად, მოგვიანებით, იბერიელებად (Н. Я. Марр. О языке и истории абхазов, გვ. 240-241).

406 . Л. Воронов. - . . . 1907; . . . - б., 1908; . . .

й () . , 1919, და ა.შ.

407 . С. Басария. Абхазия в географическом, этнографическом и экономическом отношении. Сухуми, 1923; С. Ашхацава. Пути развития абхазской истории. Сухуми, 1925 (რედაქტორი ნ. მარი); Д. Гулия. История Абхазии., т. 1. Тб., 1925.

408 . თ. მიბჩუანი. დ. გულია აფხაზთა ეთნოგენეზის შესახებ. – აფხაზეთის ისტორიის პრობლემები. თბ., 1998, გვ. 167-179; გ. გასვიანი. ქართველი მეცნიერები პავლე ინგოროყვას შეხედულებებზე აფხაზეთისა და აფხაზების შესახებ. თბ., 2003, გვ. 41-53; ზ. პაპასქირი. ნარკვევები თანამედროვე აფხაზეთის ისტორიული წარსულიდან, ნაკვ. II. თბ., 2007, გვ. 110-111. იხ. აგრეთვე: Шнирельман. Войны памяти, გვ. 280-289.

409 . ს. ჯანაშიას შრომების მიმოხილვა იხ.: ე.ხოშტარია-ბროსე. აფხაზეთის ისტორიის საკითხები ქართულ ისტორიოგრაფიაში. თბ., 2000, გვ. 7-9.

410 . ნ. ბერძენიშვილი. საქართველოს ისტორიის საკითხები, წ. III. თბ., 1966, გვ. 278.

411 . განსხვავებული მოსაზრება იხ.: ზ. პაპასქირი. ნარკვევები თანამედროვე აფხაზეთის ისტორიული წარსულიდან, ნაკვ. I. თბ., 2004, გვ. 28.

როგორც მოსალოდნელი იყო, პინგოროყვას მონოგრაფიის გამოსვლამ აფხაზ სეპარატისტთა უკმაყოფილება გამოიწვია, თუმცა პირველი ორი-სამი წლის განმავლობაში (1954-1956წწ.) ის არ იგრძნობოდა. სეპარატისტთა ღია გამოსვლებს ბიძგი მისცა სკკპ ცენტრალური კომიტეტის 1956 წლის 10 ივლისის ცნობილმა დადგენილებამ, რომელშიც საუბარი იყო საქართველოში აფხაზი, სომეხი და ოსი ხალხების ვითომ დისკრიმინაციის შესახებ (აქვე, გვ. 33). სეპარატისტებმა „დისკრიმინაციის“ ერთ-ერთ გამოვლინებად მიიჩნიეს პინგოროყვას „გიორგი მერჩულე“. ამ წიგნის შესახებ 1956წ. საქართველოს კომპარტიის ცენტრალურ კომიტეტს მისივე მოთხოვნით წარედგინა საკმაოდ ზომიერად შედგენილი მოხსენებითი ბარათი საქართველოს მეცნიერებათა აკადემიის ისტორიის ინსტიტუტის დირექტორის ნ.ბერძენიშვილის ხელმოწერით⁴¹². ამის შემდეგ გადაწყდა, გამართულიყო დისკუსია საქართველოს მწერალთა კავშირის ჟურნალ „მნათობი“-ის ფურცლებზე. უნდა აღინიშნოს, რომ 1956 წლამდეც პინგოროყვას ნაშრომის ის ნაწილი, რომელიც აფხაზეთის ისტორიას ეხება, ისტორიკოსმა და ეთნოგრაფმა გიორგი ჩიტაიამ შეაფასა⁴¹³ (1955წ). მან გაიზიარა „გიორგი მერჩულეს“ მთავარი დებულება, რომლის თანახმადაც აფხაზეთი ძირეული ქართული ქვეყანაა; უძველესი დროიდანვე, მათ შორის ანტიკურ ხანაში იგი ქართველებით იყო დასახლებული. მიუხედავად იმისა, რომ დასაბუთებულად არ მიაჩნდა „აფხაზის“ დაკავშირება „მოსხთან“, გ.ჩიტაიას აზრით, ამით არ ირღვევა პინგოროყვას ძირითადი დებულება, ისევე, როგორც არ იხსნება საკითხი ისტორიული აფხაზეთის ქართული წარმოშობის შესახებ. მან მიმოიხილა ნ.მარის, არნ. ჩიქობავას, ლ. ბლაიხშტაინერის, კისლინგის, ა.ნამიტოკის, მ.მედინი-ბუიშვიანის, ასევე სხვათა შეხედულებები აფხაზთა წარმოშობის შესახებ, გაითვალისწინა ეთნოგრაფიული მასალებიც და დაასკვნა: „ცხადი უნდა იყოს, რომ აფხაზები, საკუთრივ ძველი აფხაზები განსხვავდებიან აბას-აფსუა-აფსილებისაგან. რომ ეს უკანასკნელი მთის იქიდან მოსული ტომია, ხოლო საკუთრივ აფხაზები – ადგილობრივი ძველი მოსახლეობა“⁴¹⁴.

1955წ. პინგოროყვას ნაშრომს მაღალი შეფასება მისცა აგრეთვე გ.ახვლედიანმაც, რომლის რეცენზია სათაურით „მნიშვნელოვანი ნაშრომი ქართული კულტურის ისტორიაში“ საქართველოს კომპარტიის რუსულენოვან ორგანოში, – „ზარია ვოსტოკა“-ში გამოქვეყნდა. „გიორგი მერჩულეს“ ერთ-ერთ მთავარ ღირსებად რეცენზენტმა აფხაზეთის ისტორიის ახლებური გაშუქება, აფსილ-აბაზთა და ისტორიულ აფხაზთა ქართველებად აღიარება მიიჩნია. „პინგოროყვას ამ თეზისის ისტორიულმა დასაბუთებამ, – წერდა გ.ახვლედიანი, – არა მგონია, რაიმე შეპასუხება გამოიწვიოს“⁴¹⁵. სერიოზული გამოკვლევა უწოდა მან სპეციალურ ექსკურსს – „აფხაზეთის მხარეთა გეოგრაფიული სახელწოდებანი და მათი კავშირი ქართულ ენობრივ სამყაროსთან“, თუმცა ყველა ტოპონიმის ეტიმოლოგია, მისი აზრით, ერთნაირი დამაჯერებლობით არ იყო ახსნილი.

ორივე მეცნიერის პოზიცია იმაზე მიუთითებდა, რომ ქართულმა ისტორიულმა და ფილოლოგიურმა მეცნიერებამ იმთავითვე გაიზიარა პ. ინგოროყვას მთავარი დებულებები⁴¹⁶.

ხელისუფლების მიერ ორგანიზებული დისკუსიის ფარგლებში პირველად გამოქვეყნდა ს.ყაუხჩიშვილის რეცენზია, რომელიც პ. ინგოროყვას მონოგრაფიის ძირითად – ფილოლოგიურ ნაწილს შეეხებოდა და ნაშრომს მაღალ შეფასებას აძლევდა⁴¹⁷.

⁴¹² . ე. ხოშტარია-ბროსე. მეცნიერის არქივიდან. – მნათობი, 1990, № 5, გვ. 138-145.

⁴¹³ . გ. ჩიტაია. ძველი აფხაზეთის მოსახლეობის ეთნიკური ჩამომავლობის შესახებ. – შრომები ხუთ ტომად, II, თბ., 2000, გვ. 112-122.

⁴¹⁴ . იქვე, გვ. 119.

⁴¹⁵ . *Заря Востока*, 1955, 9 ივლისი.

⁴¹⁶ . ზ. პაპასქირის მოსაზრებით, ქართულმა ისტორიოგრაფიამ არ გაიზიარა პ. ინგოროყვას შეხედულებები. იხ. ზ. პაპასქირი: ნარკვევები..., ნაკვ. I, გვ.28.

⁴¹⁷ . ს. ყაუხჩიშვილი. ახალი მასალები ძველი ქართული პოეზიის ისტორიისათვის. – მნათობი, 1956, №10, გვ. 109-119.

კრიტიკული რეცენზიები გამოაქვეყნეს ნ. ბერძენიშვილმა და ქ. ლომთათიძემ⁴¹⁸. სოხუმში გამოქვეყნდა აგრეთვე ზ. ანჩაბაძისა და ხ. ბლაქუას უარყოფითი გამოსხმაურებები⁴¹⁹.

პ. ინგოროყვას ოპონენტებს შორის განსაკუთრებული პოზიცია ნ. ბერძენიშვილს ეკავა. როგორც ხელმძღვანელი, აკადემიური ინსტიტუტის დირექტორი, ხელისუფლებას ოფიციალურად ის არ დაუპირისპირდა, მაგრამ იმ მკვლევრებმა, რომლებიც ნ. ბერძენიშვილზე დაყრდნობით იცავენ ე.წ. ორაბორიგენობის თეორიას (ამ თეორიის სასარგებლო გამონათქვამები მეცნიერს ნამდვილად აქვს), უნდა გაითვალისწინონ, რომ სწორედ ამ დიდი მეცნიერის შრომების მესამე ტომის გამოსვლა და მასში აფხაზეთის ისტორიის პ. ინგოროყვას სულისკვეთებით „გაყალბება“ გახდა 1967წ. სეპარატისტთა მორიგი საპროტესტო გამოსვლების საბაბი. გაირკვა, რომ ნ. ბერძენიშვილი ჯერ კიდევ 1951 წელს აფხაზეთის ენის, ლიტერატურისა და ისტორიის ინსტიტუტის დირექტორს პ. რატიანს სწერდა: „მაინცდამაინც მეცნიერებას არ მოეპოვება იმის საბუთი, აფხაზეთში მობინადრე ეს ტომები (აფსილ-აბაზგები – ავტ.) უფრო შორს იდგნენ იბერ-ლაზებისაგან, ვიდრე ვთქვათ სვანები, მესხები, ჰერები. მარტო ის რაღა ღირს, რომ ქართული გადმოცემით ქვეყანა ღიბის მთიდან ვიდრე ყუბანის მდინარემდე და მაშ შუა საუკუნეების „აფხაზეთა საერისთაოც“ – უძველეს დროიდანვე ევროსის წილი იყო და რომ ქალაქი ბელია (აფშილეთში) დაარსებულია იმავე მეგრელთა ეპონიმის (მამამთავრის) ევროსის მიერ“⁴²⁰. ე. ი. „გიორგი მერჩულეს“ გამოსვლამდე და განსაკუთრებით ზემოთნახსენები პარტიული დირექტივების მიღებამდე ნ. ბერძენიშვილი ფაქტობრივად იყო პ. ინგოროყვას თანამოაზრე, რაც შემდგომშიაც არაერთხელ დადასტურებულა. მაგალითად, იგი წერდა, რომ ევროსის წილი ქვეყნების, მათ შორის სვანეთისა და აფხაზეთის მიმართ „არ შეიძლება სხვადასხვა ეროვნებაზე, როგორც ეთნოკულტურულ ცნებაზე საუბარი“⁴²¹. ამრიგად, ნ. ბერძენიშვილის პოზიციის ცალმხრივი შეფასება, ორაბორიგენობის თეორიის აშკარა მომხრედ, ან მოწინააღმდეგედ მისი გამოცხადება სწორი არ არის. აღნიშნული თემა მეცნიერს სპეციალურად არ უკვლევია; საკითხის აქტუალურობიდან გამომდინარე, იგი გამოთქვამდა ამა თუ იმ მოსაზრებას როგორც მეცნიერი და როგორც ხელმძღვანელი⁴²².

პ. ინგოროყვას ძირითადი დებულებები მტკიცედ და არგუმენტირებულად დაიცვეს გ. ახვლედიანმა, ს. ყაუხჩიშვილმა და დ. კობიძემ⁴²³. ვინაიდან დისკუსიის მასალები საფუძვლიანად განიხილა გ. გასვიანმა⁴²⁴, შეიძლება შემოვიფარგლოთ იმ ფაქტის კონსტატაციით, რომ 50-იანი წლების ბოლოდან ქართულ ისტორიოგრაფიაში მხოლოდ წმინდა პოლიტიკური მოტივებით დამკვიდრდა აფხაზეთის ორაბორიგენობის თეორია⁴²⁵. აფსილ-აბაზგები უპირობოდ აფხუა-აფხაზეთა წინაპრებად გამოცხადდნენ, დანარჩენ თემებთან დაკავშირებით მკვლევრებს შეეძლოთ საკუთარი, განსხვავებული მოსაზრება ჰქონოდათ⁴²⁶. ეს თეორია იქცა თავისებურ „მაშველ რგოლად“, რომლის წყალობით ქართველი მეცნიერები აფიქსირებდნენ უძველესი დროიდან აფხაზეთში ქართველთა მოსახლეობას, რასაც ყოველნაირად ეწინააღმდეგებოდა სეპარატისტული

⁴¹⁸ . ნ. ბერძენიშვილი. პ. ინგოროყვას წიგნის – „გიორგი მერჩულეს“ გამო. – მნათობი, 1956, №12, გვ. 125-131; ქ. ლომთათიძე. აფხაზეთი ვინაობისა და განლაგების ზოგიერთი საკითხის შესახებ. – იქვე, გვ. 132-139.

⁴¹⁹ . З. В. Анчабадзе. Вопросы истории Абхазии в книге П. Ингорюкв «Георгий Мрчуле – Грузинский писатель X века. – Труды Абхазского института языка, литературы и истории им. Д. И. Гулиа, т. XXVII. Сухуми, 1956, с. 261-278; Х. С. Бражба. Некоторые вопросы этнонимии и топонимии Абхазии (В связи с работой Павле Ингорюкв «Георгий Мрчуле»). – იქვე, გვ. 279-303.

⁴²⁰ . ნ. ბერძენიშვილი. საქართველოს ისტორიის საკითხები, ტ. III, გვ. 278.

⁴²¹ . ნ. ბერძენიშვილი. საქართველოს ისტორიის საკითხები. თბ., 1990, გვ. 607-608.

⁴²² . ხელმძღვანელის (რომელიც ვალდებული იყო დაეცვა ოფიციალური შეხედულება) პოზიციებიდან არის დაწერილი „პ. ინგოროყვას წიგნის – „გიორგი მერჩულეს“ გამო“ (მნათობი, 1956, №12, გვ. 126).

⁴²³ . გ. ახვლედიანი. აფხაზეთის ტოპონიმის ზოგიერთი საკითხისათვის. – მნათობი, 1957, №2, გვ. 107-114; ს. ყაუხჩიშვილი. „გიორგი მერჩულეს გამო“. – იქვე, გვ. 115-125; დ. კობიძე. ტერმინი „აბაზის“ მნიშვნელობა სპარსული წყაროების მიხედვით. – იქვე, გვ. 126-128.

⁴²⁴ . გ. გასვიანი. ქართველი მეცნიერები პ. ინგოროყვას შეხედულებებზე...

⁴²⁵ . Очерки истории Абхазской АССР I. Сухуми, 1960; საქართველოს ისტორიის ნარკვევები, ტ. 1 და ა.შ.

⁴²⁶ . ამის ნიმუშად გამოდგება მ. ინაძის წერილი „ანტიკური ხანის შავი ზღვის ჩრდილო აღმოსავლეთი სანაპიროს მოსახლეობის ეთნიკური შემადგენლობის საკითხისათვის“ (საქ. მეცნ. აკად. საზოგად. მეცნ. განყ. „მოამბე“, 1960, №2, გვ. 145-163), რომელშიც კრიტიკულად არის განხილული ზ. ანჩაბაძის მონოგრაფიის (Из истории средневековой Абхазии. Сухуми, 1959) ცალკეული დებულებები.

ისტორიოგრაფია. ამ გარემოების გათვალისწინებით დიდად დასაფასებელია გ.მელიქიშვილის, მ.ლორთქიფანიძის⁴²⁷, მ.ინაძის, ნ.ლომოურის⁴²⁸, ზ.ანჩაბაძის და ყველა იმათი ღვაწლი, ვინც საბჭოთა რეჟიმის პირობებში უპირისპირდებოდა აღვირახსნილ სეპარატიზმს ისტორიულ მეცნიერებაში.

თანამედროვე ეტაპზე კი ორბორიგენობის დაუსაბუთებელი თეორია იმ ვაგებით, როგორც მას XX საუკუნის 50-იანი წლების მეორე ნახევრიდან საბჭოთა ისტორიოგრაფია გეთავაზობდა და დღესაც ზოგიერთი ავტორი გეთავაზობს, ანაქრონიზმად იქცა. მტკიცება, თითქოს აფხაზეთის მთიანეთი წელთაღრიცხვათა მიჯნიდან თუ უფრო ადრეც თანდათანობით ივსებოდა ველურ მთიელთა ახალ-ახალი ნაკადებით (გ.მელიქიშვილი, მ.ინაძე და ა.შ.), რომ იქ ბინადრობდნენ მთელი ეთნოსები თავიანთი პოლიტიკური წარმონაქმნე-

ბით, ვერანაირ კრიტიკას ვერ უძლებს; წერილობითი წყაროები და არქეოლოგიური მონაცემები მსგავს ფაქტებს არ ადასტურებენ.

თანამედროვე ქართული ისტორიოგრაფია ნელ-ნელა თავისუფლდება საბჭოთა პერიოდში თავსმოხვეული შეფასებებისაგან, ახალი არგუმენტებითა და დამატებითი მტკიცებულებებით უბრუნდება მივიწყებულ ტრადიციულ შეხედულებებს⁴²⁹, რომლებსაც ჯერ კიდევ ჰყავთ მოწინააღმდეგეები⁴³⁰. ამიტომ კვლავ აქტუალური რჩება აფხილ-აბაზგთა ვინაობის საკითხი. საინტერესო მოსაზრება გამოთქვა აკად. თ.გამყრელიძემ. მან უარყო მტკიცება, თითქოს, სახელი „აბაზგი“ შეესაბამება „აბაზას“. ტერმინი „აფხაზი“ („აბხაზი“), თ.გამყრელიძის მტკიცებით, არის პირველადი ქართული ფორმა, რომელიც ბერძნულში აბაზგ/აბაზღის სახით შევიდა⁴³¹ (ბერძნულისთვის უცხო ფხ/ბხ თანხმოვანთკომპლექსი ზგ/ზღ კომპლექსმა შეცვალა); რაც შეეხება სახელ „აბაზა“-ს, იგი პირველადი რომ ყოფილიყო, ყოველგვარი სახეცვლილების გარეშე შევიდოდა ბერძნულში, ხოლო ბერძნულიდან იმავე ფორმით – ქართულში; მეცნიერის ავტორიტეტული აზრით, აფხაზ-აბაზგები „ძველ კოლხეთში მობინადრე სვანური და მეგრულ-ლაზური ტომების ახლო მონათესავენი უნდა ყოფილიყვნენ“⁴³².

⁴²⁷ . მ.ლორთქიფანიძის აზრით, ისტორიულ აფხაზთა ეთნიკური წარმომავლობის საკითხის გარკვევა, წყაროთმცოდნეობითი ბაზის სიმწირის გამო ძალიან ძნელია, „მაგრამ ვინ იყვნენ ისინი თავიანთი მოღვაწეობით? ისინი იყვნენ ქართველები, რადგანაც ემსახურებოდნენ ქართულ საქმეს, ეროვნულ სახელმწიფოს“ (იხ.: მართლმადიდებლობა აფხაზეთში და ეროვნული თვითიდენტიფიკაციის საკითხები. თბ., 2005, გვ.7).

⁴²⁸ . ნ. ლომოური ადრე პინგოროყვას პოზიციას იზიარებდა. 1963წ. იგი წერდა: „თავის გამოკვლევაში „გიორგი მერჩულე“ პინგოროყვა, როგორც ცნობილია, აყენებს თავისთავად, ჩვენი აზრით, საკმაოდ სწორ დებულებას აფხაზთა ტომების (აბაზგების, აფხილების) ქართული წარმომავლობის შესახებ, მაგრამ ამ პიპოთეზის დასამტკიცებლად ზოგჯერ, ჩვენის აზრით, არადაამარწმუნებელ საბუთებს იშველიებს“ (ნ.ლომოური. ბერძენი ლოგოგრაფოსების ცნობები..., გვ. 25-26). შემდგომში ნ.ლომოური პინგოროყვას თეორიას დაუპირისპირდა (იხ. მისი: აფხაზეთის.)

⁴²⁹ . თ. მიბჩუანი. დასავლეთ საქართველოს...; მისივე: აფხაზეთის ავტონომიური რესპუბლიკის ისტორია, I ნაწილი. თბ.,2003; გ. გასვიანი. ძველი და ახალი აფხაზეთი; მისივე: ქართველი მეცნიერები...; დ.გოგოლაძე. „აფხაზთა“ საერისთავოს, დღევანდელი აფხაზეთის ძველ ეთნოსთა ვინაობისა და ეთნოსის მკვიდრობის საკითხი. თბ., 1995; .

ი ; ჯ.გამახარია. აფხაზეთი და მართლმადიდებლობა. თბ., 2005; მისივე: აფხილ-აბაზგთა ეთნიკური ვინაობის საკითხისათვის. თბ., 1998; Б. Гогия. Абхазия – историческая провинция Грузии. Тбилиси-Париж, 2005; მისივე: ძველი კოლხეთის...; ზ.რატიანი. წყაროთა დადადი ანუ პირიქითა საქართველო. თბ., 1995; ა.სონღულაშვილი. აფხაზი თუ აფსუა? თბ., 2007 და ა.შ. ქართულ ისტორიოგრაფიას ზურგს უმაგრებს ენათმეცნიერება (თ.გვანცველაძე. აფხაზეთის ისტორიოგრაფიის ლინგვისტური საფუძვლები. სადოქტ. დის. თბ., 1997; ტ.ფუტკარაძე. ქართველები და ანთროპოლოგია (თავი X).

⁴³⁰ . ნ. ლომოური. ძველი აფხაზეთის...; ე.სოჭარია-ბროსე. აფხაზეთის ისტორიის საკითხები...; თ.ჯაფარიძე. ქართველი ერის ეთნოგენეზის სათავეებთან. თბ.,2006; М. Инадзе. Вопросы этнологической истории древней Абхазии. – Разыскания по истории Абхазии/Грузии. Тб., 1999, გვ. 61-88, და ა. შ.

⁴³¹ . ს. ჯანაშიას აზრით, პირიქით, ბერძნული აბაზგი ქართულში აფხაზის ფორმით შევიდა (С. Джанашиа. Абхазия в составе Колхидского царства и Лазики, გვ. 39).

⁴³² . თ. გამყრელიძე. ძველი კოლხეთის სატომო სახელთა ისტორიიდან. – საქართველოს და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 582, 587, 588.

აფსილთა ვინაობის საკითხი სპეციალურად შეისწავლა დ.მუსხელიშვილმა და იმ დასკვნამდე მივიდა, რომ „აფშილს“ გეოგრაფიულად, ქრონოლოგიურად, ფორმალურ-ლინგვისტურად არაფერი აქვს საერთო აფსუასთან და ერთ-ერთ დასავლურ-ქართულ ტომად უნდა ჩაითვალოს⁴³³. მან ეს თეზისი უფრო ადრეც (1999წ.) წამოაყენა და თამაზ გამყრელიძის მოსაზრებებზე დაყრდნობით დაასკვნა, რომ არც აბაზგების გამოცხადება აფსუა-აფხაზთა წინაპრებად არის უდავო (не бесспорен)⁴³⁴.

თ.გამყრელიძისა და დ.მუსხელიშვილისგან განსხვავებით, ნ.ლომოური არ ცდილობს საკუთარი მოსაზრების – აფსილ-აბაზგთა არაქართველობის დასაბუთებას. ვინაიდან წყაროებში ამაზე არაფერია ნათქვამი, – წერს იგი, – „რჩება ერთადერთი გზა – თვით ამ ეთნონიმების ლინგვისტური ანალიზისა, ხოლო ეს ანალიზი უეჭველს ხდის სახელწოდების **აფსილი** კავშირს აფხაზთა თვითდასახელებასთან **აფსუა** და აბაზგისა – ერთ-ერთი აფხაზურ-ადიღური ტომის – **აბაზინების** სახელთან“⁴³⁵. ეს არის მთელი „არგუმენტაცია“. აღსანიშნავია, რომ არავითარი ლინგვისტური ანალიზი სხენებუელი ეთნონიმებისა ნ.ლომოურს არ ჩაუტარებია და ტერმინების მხოლოდ გარეგნულ მსგავსებაზე მითითებით შემოიფარგლება, რაც არ არის საკმარისი აფსილის – აფსუასთან, ხოლო აბაზგის – აბაზებთან იდენტიფიცირებისათვის. მაგალითად, აფსილი ბერძნულად ნიშნავს ვინც არ არის შიშველი, მელოტი, ქაჩალი (ფსილი – შიშველი, მელოტი, ქაჩალი და ა.შ.). აბსილი ითარგმნება აგრეთვე, როგორც ასხლტომა, აქეთ-იქით გაფრენა (отскакивать, разлетаться) და ა.შ.⁴³⁶ ზუსტი ფონეტიკური მსგავსების მიუხედავად, არაფერი საერთო თანამედროვე აფ-

სუასთან არა აქვთ **აფსარ/აფსარას-ს** (ძველინდური ნახევარღვთაება), **ოფს-ს** (რომაული ღვთაება), **აფსატი-ს** (სვანების, აგრეთვე ყარაჩაელების, ბალყარებისა და ოსების ღვთაება) და ა.შ. აბასკო ბერძნულ ენაზე გაუგავს, ძნელად გასაგებელს ნიშნავს, აბასკია – გაუგავლ მხარეს⁴³⁷. აქედან უკვე ჩანს, რამდენად სახიფათოა მხოლოდ ტერმინების გარეგნული მსგავსების საფუძველზე სერიოზული დასკვნების გამოტანა. აფსილ-აბაზგის ბერძნული ეტიმოლოგია არავითარ კავშირში არ არის აფსუა⁴³⁸-აბაზასთან, ზოგადად ეთნონიმთან. შეუძლებელია თანამედროვე აფსუა-აფხაზებს//აბაზებს დაეუკავშიროთ ზაქარია მიტილენელის (VII ს.) ბაზგუნი, თუმცა ფონეტიკური მსგავსება აშკარაა⁴³⁹; შუა საუკუნეების ქალაქებს აბესკურსა და აბხაზს თანამედროვე აზერბაიჯანის ტერიტორიაზე არავითარი კავშირი აფსუა-აბასკ-აბხაზთან არა აქვთ, მიუხედავად აბსოლუტური ფონეტიკური მსგავსებისა⁴⁴⁰. ერთდროულად ორი ქაბხაზის არსებობა შუა საუკუნეების საქართველოს ჩრდილო-დასავლეთ (სოჭთან)⁴⁴¹ და ჩრდილო-აღმოსავლეთ საზღვრებთან საფუძველს იძლევა ვარაუდისათვის, რომ აღნიშნული სახელის მატარებელ ქალაქებს ერთნაირი ფუნქციური (და არა ეთნიკური) დატვირთვა ჰქონდათ, მსგავსად ორი დარუბანდისა (კარი – ზღუდე) – თანამედროვე

⁴³³ . დ. მუსხელიშვილი. აფშილთა ეთნიკური კუთვნილების საკითხისათვის. – არტანუჯი, 2000, №10, გვ. 17-24. მანამდე ასეთივე მოსაზრება სხვა არგუმენტების მოშველიებით ნ. აფხაზავამ გამოთქვა. – იხ. მისი: აფშილთა ეთნიკური ვინაობისათვის. – აფხაზეთის ისტორიის პრობლემები. თბ., 1998, გვ. 6-13.

⁴³⁴ . დ. მუსხელიშვილი. Исторический статус Абхазии в грузинской государственности. – Разыскания по истории Абхазии/Грузия. Тб., 1999, გვ. 124.

⁴³⁵ . ნ. ლომოური. ძველი აფხაზეთის..., გვ. 31.

⁴³⁶ . Дж. Гамахария, Б. Гогия. დასახ. ნაშრომი, გვ. 28-30. ტერმინ „აფსილის“ „აფს“ ფუძის მატერიალური კავშირი „აფსუა“ სახელთან უდავოა, თუმცა მას ერთვის სადაურობის აღმნიშვნელი ქართული სუფიქსი ილ/ელ; უფრო მნიშვნელოვანია ის გარემოება, რომ „აფსილის“ და „აფსუას“ სემანტიკა არის განსხვავებული. მსგავსი მაგალითები კი ისტორიაში მრავლად მოიპოვება (მაგალითად, კავკასიელი და ბალკანელი ალბანები და ა.შ.). – იხ.: თ. გვანცველაძე. ენობრივი მონაცემები და მათი მნიშვნელობა აფხაზეთის ეთნიკური ისტორიის კვლევისათვის. – აფხაზეთის ისტორიის პრობლემები, გვ. 34-35.

⁴³⁷ . Б. Гогия. Абхазия – историческая провинция Грузии, გვ. 9.

⁴³⁸ . იმისათვის, რომ ფთვიროფაგების (გიჩისმჭამელების) აფსუა ეთნოსადმი კუთვნილება „დაემტკიცებინა“, შ. ინალ-იფამ აფსუა ახსნა როგორც სოჭის თუ სოჭნარის ხალხი (აფსა აფხაზურად ნიშნავს სოჭს). – იხ. Ш. Инал-Ипа. Вопросы ..., გვ. 255. იმავე მონოგრაფიაში ვკითხულობთ, რომ აფსუა არის აფსილის ხალხი (იქვე, გვ. 354); დ. გულია თავის დროზე აცხადებდა, რომ აფსუა – აბსუა არის აბასიის, აბისინიის ხალხი (იხ. მისი История Абхазии, ტ. 1, გვ. 95); გ. ფიფას აზრით, აფსთა (ხეობა) უნდა ნიშნავს „ხეობაში მაცხოვრებელს“ (სახალხო განათლება, 1990, 5 ივლისი).

⁴³⁹ . გეორგიკა, ტ. 3, გვ. 17-19; Дж. Гамахария, Б. Гогия. დასახ. ნაშრომი, გვ. 187, 542-544.

⁴⁴⁰ . Дж. Гамахария, Б. Гогия. დასახ. ნაშრომი, გვ. 543, 553, 577-578.

⁴⁴¹ . იქვე, გვ. 221, 590.

გაგრისა⁴⁴² და დერბენდისა. ამრიგად, ნ. ლომოურის ლინგვისტური „ანალიზი“ და დასკვნა მრავალ წინააღმდეგობას აწყდობა.

აფსილ-აბაზგთა და თანამედროვე აფხაზეთის ტერიტორიაზე მოსახლე სხვა „ტომთა“ ქართული ეთნოსისადმი კუთვნილება, პირველ რიგში, წყაროთა მონაცემებით დასტურდება. მივმართოთ ფლავიუს არიანეს „მოგზაურობას შავი ზღვის გარშემო“ (აქვე, გვ. 58). კოლხური ტომი ავტორს რამდენიმე ნაწილად ჰყავს დაქუცმაცებული: დრილებად, ანუ სანებად//ჭანებად მაკრონებად//სანებად (აქვე, გვ. 62), ჰენიოსებად, ძიდრიტებად (იბერიის ნაწილი), ლაზებად; არ შეიძლება ეჭვს იწვევდეს (და არც იწვევს) „კოლხებიდან“ „ლაზებამდე“ განთავსებული „ტომების“ ქართველობა. ლაზების შემდეგ მოდიან აფსილ-აბაზგები, რომელთა ჩრდილო-დასავლეთით კვლავ ქართველ სანიგებს ვხედავთ ქალაქებით – დიოსკურია-სებასტოპოლისი, ბიჭვინთა და ძველი ლაზიკა. ჯერ არავის დაუმტკიცებია, როგორ აღმოჩნდნენ „არაქართველი“ აფსილ-აბაზგები ქართველთა განსახლების შუაგულში. პირველად ეს მინაძემ სცადა. I საუკუნეში პლინიუსთან კასპიის ზღვის ჩრდილოეთით, თითქოს, შეცდომით ლოკალიზებული „აბზოას“ ტომი მან ჯერ სამხრეთ-დასავლეთით „გადმოსწია“, შემდეგ გააიგივა „აბაზასთან“, ბოლოს გამოთქვა ვარაუდი იმავე პირველ საუკუნეში აფხაზეთში მათი ჩამოსახლების, II საუკუნეში კი „სამეფოს“ შექმნის შესახებ⁴⁴³. მ. ინაძის ვერსია იმდენ „ალბათობაზე“ დამყარებული და იმდენად სუსტია, რომ ძნელია მისი გაზიარება. არ არის დამტკიცებული, მართლა ცდება თუ არა პლინიუსი „აბზოას“ ლოკალიზაციისას. პირიქით, ავტორმა მეტ-ნაკლები სიზუსტით იცის ტომის განსახლების არეალი – სარმატების „მეორეს მხარეს“; თუ პლინიუსი ცდება, მაშინ გაურკვეველია, სად იყო აბზოას ნამდვილი სამოსახლო ტერიტორია? არ არის რეალური კავკასიონის ქედის გადმოლახვა მრავალრიცხოვანი ორგანიზებული მასის მიერ, თავისუფლად ჩამოსახლება ჯერ პონტოს სამეფოს, შემდეგ კი რომაელების კონტროლირებად კოლხეთის ტერიტორიაზე და უცებ „სამეფოს“ ჩამოყალიბება, თანაც „თანამომემ“ აფსილთა გვერდით. ამ დროს სახელმწიფოებრივ წარმონაქმნებს ვერ აყალიბებენ ჩრდილოეთ კავკასიაში დარჩენილი აბზოა//აბაზგები, რომლებიც გვიან შუა საუკუნეებამდე წყაროებში არც იხსენიებიან⁴⁴⁴. უცნაურია ისიც, რომ არცერთ წერილობით წყაროში არ არის აღნუს-

ული ასეთი მაშტაბური ფაქტები. მიუხედავად ამისა, მ. ინაძის ვერსიაში შეიძლება სიმართლის მარცვალად დავინახოთ. ეს არის „აბზოას“ იდენტიფიცირება „აბაზასთან“. ისტორიოგრაფიაში უკვე არსებობს შეხედულება „აბზოა“ – „აფსუას“ იგივეობის, მისი თანდათანობითი გადაადგილებისა, აზოვისა და ყუბანის მიმართულებით, მონღოლთა შემოსევების პერიოდში მდ. ყუბანის სამხრეთით გავრცელების (ისტორიული საქართველოს ჩრდილო-დასავლეთ საზღვრებამდე თუ საზღვრებშიც კი), ხოლო გვიან შუა საუკუნეებში თანამედროვე აფხაზეთის ტერიტორიაზე ჩამოსახლების შესახებ⁴⁴⁵. ეს მოსაზრება ეფუძნება XIV ს. ბერძენი ისტორიკოსის ნიკიფორე გრიგორასის კონცეფციას აზიის ნაწილის სკვითიზაციის თაობაზე⁴⁴⁶. ამ კონცეფციის გათვალისწინების გარეშე კი შეუძლებელია ჩრდილო-აღმოსავლეთ შავიზღვისპირეთში მიმდინარე ეთნიკური პროცესების სწორი გააზრება. აფსუა-აბზოას ურთიერთკავშირის დამამტკიცებელი ჩანს ქათბი ჩელების ზემოთმოტანილი მოსაზრება აფხაზეთის ყარა აუდახანის (ასტრახანის) მოსახლეობის შთამომავლებად გამოცხადების შესახებ (აქვე, გვ. 63).

დავუბრუნდეთ პირველწყაროებს. ელემენტარული ლოგიკა გვეკარნახობს, ფლ. არიანეს მიერ აღწერილ ტერიტორიაზე კოლხებიდან და ლაზთა სამეფოდან დაწყებული ქვეყნ

⁴⁴² . გ. ალასანი. საქართველო „ჯიჰან ნუშას“ კავკასიის რუკაზე. – მაცნე, ისტორიის... სერია, 1971, №2, გვ. 101.

⁴⁴³ . მ. ინაძე. ანტიკური ხანის შავი ზღვის ჩრდილო-აღმოსავლეთ სანაპიროს... გვ. 162; მისივე: ძველი აფხაზეთის... – მაცნე, 1992, №2, გვ. 58; იხ. ასევე: Н. Берулава. დასახ. ნაშრომი, გვ. 140-141.

⁴⁴⁴ . მ. ინაძის ვარაუდი I-II საუკუნეთა მიჯნაზე აბზოა//აბაზგების ჩრდილოეთ კავკასიიდან თანამედროვე აფხაზეთის ტერიტორიაზე ჩამოსახლების შესახებ ეწინააღმდეგება მისსავე ვარაუდებს თუ მოსაზრებებს ადრეანტიკურ ხანაში სამხრეთ-აღმოსავლეთ შავიზღვისპირეთში ჩერქეზულ-ადიღური ტომების მკვიდრობის შესახებ, ასევე მტკიცებას, თითქოს, სტრაბონთან მოხსენიებულ კავკასიელებში (ძვ. წ. II-I სს. მონაცემები) აბაზგ-აფსუათა წინაპრებიც იგულისხმებიან (მ. ინაძე. ძველი აფხაზეთის..., მაცნე, 1992, №1, გვ. 15-16; №2, გვ. 57).

⁴⁴⁵ . Дж. Гамахрия, Б. Гогия. დასახ. ნაშრომი, გვ. 26, 31, 528; Б. Гогия. Абхазия – историческая провинция Грузии, გვ. 11, 12.

⁴⁴⁶ . გეორგიკა, ტ. 7. გვ. 124-131; Дж. Гамахрия, Б. Гогия. დასახ. ნაშრომი, გვ. 221-223; 590-593.

ლაზიკამდე მაინც „დაყავი და იბატონეს“ პრინციპით წარმოდგენილი ქართული მოსახლეობა ვიგულისხმობ. ამას ადასტურებს IVს. მეორე ნახევრის ავტორი რუფინუს ავიენიუსი, რომელმაც ზიგების სამხრეთ-აღმოსავლეთით მხოლოდ „ენერგიული კოლხები“ და „მკაცრი იბერები“ დააფიქსირა⁴⁴⁷. მის მოსაზრებას კიდევ უფრო ამყარებს Vს. ანონიმის ზემოთმოტანილი ცნობა დიოსკურიდან ჭოროხამდე ადრე კოლხებად ცნობილი, იმუამად კი ლაზებად სახელდებული ხალხის მკვიდრობის შესახებ (აქვე, გვ. 59). ამით Vს. წყარო აფსილ-აბაზგებს უყოყმანოდ აიგივებს ლაზებთან. ჯერ არიანესთან, შემდგომ Vს. ანონიმთან დასახელებული „ტომები“ და „სამეფოები“ სხვა არაფერია, თუ არა მსხვილი კომპაქტური დასახლებები – თემები თავიანთი ბელადებით. ამ საკითხზე მსჯელობისას მნიშვნელოვანია აგრეთვე Vს. ანონიმის ცნობა „ძველი აქაიიდან“, ვიდრე „ძველ ლაზიკამდე“ და მდ.აქეუნტამდე (შახე) ქართველთა სახლობის შესახებ (აქვე, გვ. 59) მაშინ, როცა მასში აბზოა//აბაზგებზე საუბარი არც არის. ამრიგად, პირველი საუკუნეების ეთნოპოლიტიკური სიტუაციის ამსახველი ორი ძირითადი წყარო (არიანე, Vს. ანონიმი) მდ.ენგურიდან მდ.ფსოუმდე მხოლოდ ქართველებს იცნობს. როგორც ვნახეთ, კლ. პტოლემეაიოსმაც ბზიფიდან კაპადოკიამდე მხოლოდ ქართველები დაასახელა (აქვე, გვ. 59).

ამ დასკვნას ამყარებს IVს. სხვა ავტორი – აგათანგელოსიც. მის მიერ სომეხთა მოქცევის შესახებ დაწერილი ნაშრომის VII-VIIIსს. რედაქცია, რომელიც შემდეგ არაბულ ენაზე ითარგმნა, 1902წ. ნიკო მარმა სინას მთაზე აღმოაჩინა და მას მიუძღვნა ვრცელი გამოკვლევა „სომეხთა, ქართველთა, აფხაზთა და ალანთა მოქცევა“⁴⁴⁸. დოკუმენტში აბაზგები ლაზების მნიშვნელობით მოიხსენიებიან. ნ.მარის აღიარებითაც „აფხაზებში... აქ, აშკარაა, ლაზები იგულისხმებიან“⁴⁴⁹. აგათანგელოსის ნაშრომის ადრინდელ რედაქციაში „აფხაზ“-ის ნაცვლად მართლაც „ლაზი“ ფიგურირებს⁴⁵⁰.

აფსილ-აბაზგებს ცალკე ეროვნებად არ თვლის არცერთი ავტორი, ვისაც მოცემული აქვს ხალხთა გენეალოგიური სქემები. ძველი ლიტერატორები ცდილობდნენ კაცობრიობა ნოეს ძეთა – სემის, ქამისა და იაფეტის შთამომავლებად დაეყოს და ამ დაყოფაში ყველა ცნობილი ეთნოსისათვის თავისი ადგილი მიეჩინათ. ევსტათი ანტიოქიელთან (280-360წწ.) და იოანე ზონარასთან (XIIIს.) იაფეტის მოდგმაში ქართველთაგან მხოლოდ იბერები მოიხსენიებიან⁴⁵¹; ზონარა იცნობდა აბაზგებს, პრ.კესარიელზე დაყრდნობით, მათი მოქცევის შესახებაც წერდა, მაგრამ გენეალოგიურ სქემაში არ შეიყვანა, ვინაიდან აფხაზებად იბერიელებს მიიჩნევდა.

ბიზანტიელი მწერლები: 334 წელს დაწერილი Liber generationis-ის („მოდგმათა წიგნის“) ავტორი, ეპიფანე კვიპრელი (314-403წწ.), „პასქალური ქრონიკის“ შემდგენელი (630-640წწ.), რომელიც თავის მხრივ იპოლიტე რომაელის (IIIს.) მონაცემებს ეყრდნობა, გიორგი სინგელოზი (VIII-IXსს.), ლეონ გრამატიკოსი (XIს.), გიორგი კედრენე (XIს.) გენეალოგიურ

სქემებში კოლხ-იბერებს, აგრეთვე ხალიბებს, მოსინიკებს, ტიბარენებს, სანებსა და კოლებს მოიხსენიებენ, მაგრამ არა აფსილ-აბაზგებს ან აფხაზებს⁴⁵². მხოლოდ, იოანე ანტიოქიელთან (VIIIს.), ნათქვამია, რომ იაფეტს სხვა ტერიტორიებთან ერთად აბაზგების ქვეყანაც ხვდა წილად⁴⁵³. ავტორი ამ დროს კოლხ-იბერებს არ ახსენებს. იოანე ანტიოქიელის ნაშრომის ის ფრაგმენტი, რომელშიც გენეალოგიური სქემაა მოცემული, შემორჩენილია მხოლოდ XIVს. ხელნაწერში, რაც სერიოზულ საფუძველს გვაძლევს ვიფიქროთ, რომ გადამწერი ტერმინ აბაზგიას (აფხაზეთი) სრულიად საქართველოს მნიშვნელობით ხმარობს, როგორც ბევრი სხვა იმდროინდელი ავტორი⁴⁵⁴. ყოველივე ამის შემდეგ მეტი ნდობით უნდა მოვეკიდოთ ლეონტი მროველის ეთნოგენეტიურ

⁴⁴⁷ , II, . 2- . ., 1906, გვ. 358-359.

⁴⁴⁸ . Записки Восточного Отделения . . . 16, . 2-3. ., 1905, . 36-211.

⁴⁴⁹ . იქვე, გვ. 160.

⁴⁵⁰ . გეორგიკა, ტ. 1, გვ. 71.

⁴⁵¹ . გეორგიკა, ტ. 1, გვ. 35; ტ. 6, გვ. 191.

⁴⁵² . იქვე, ტ. 1, გვ. 11-20, 39-41; ტ. 4, წ. 1, გვ. 6-9, 61-63; ტ. 5, გვ. 3-4, 10.

⁴⁵³ . იქვე, ტ. 1, გვ. 2.

⁴⁵⁴ . იქვე, ტ. 7, გვ. 90-91; ტ. 8, გვ. 25-26 და ა. შ.

კონცეფციას⁴⁵⁵, რომელიც აფხაზ ერს არ ახსენებს, ხოლო აფხაზეთის თანამედროვე ტერიტორიას ეგროსის სამკვიდროდ აცხადებს⁴⁵⁶.

როცა ბიზანტიელი ავტორებისათვის კარგად ცნობილი აბაზგი და აფსილი სემის, ქამისა და იაფეტის, ხოლო აფხაზი ლეონტი მროველისეულ თარგამოსიანთა მოდგმაში არ ფიგურირებენ, როცა ისინი სრულიად მიუკერძოებელ ავტორებთან არ ფიქსირდებიან, ეს მხოლოდ იმას ნიშნავს, რომ ამ სახელების მატარებელი ცალკე ერები, ხალხები იმ პერიოდში არ არსებობდნენ. ამიტომაც ვერ მოხვდა „აფხაზი“ თუნდაც „პასქალურ ქრონიკაში“, რომელიც დაწვრილებით ინფორმაციას შეიცავს მაშინდელი (VIII ს.) მსოფლიოს მოსახლეობის ტომობრივი შემადგენლობის შესახებ. აღნიშნული ქრონიკა ბოსფორიდან ტრაპიზონამდე მაცხოვრებელ ხალხებს შორის იმ დროისათვის უძლიერესი სამთავროს მქონე აბაზგების ნაცვლად კოლხ-იბერებს ასახელებს.⁴⁵⁷ აფხაზებს არ ახსენებს XII-XIII სს. ბიზანტიელი ავტორი ნიკეტა ხონიატე, როცა ჩამოთვლის ქვეშევრდომებს იმპერატორ მანუელ პორფიროგენეტისა (1143-1180წწ.), რომელიც იყო „ლაზთა, იბერთა, ბუღგართა, სერბთა, ჯიქთა, ხაზართა, გუთთა ღვთივმმართველი“.⁴⁵⁸ მოტანილი მასალის საფუძველზე შეიძლება დავასკვნათ, რომ აფხაზეთის თანამედროვე ტერიტორიაზე პირველ საუკუნეებში დასახელებული ხალხები ეთნიკურად ქართულ სამყაროს მიეკუთვნებიან.

ზ.ანჩაბაძე არ იყენებდა ბიზანტიელ მწერალთა ცნობებს ეთნოსთა კლასიფიკაციის შესახებ და აღნიშნავდა, რომ აფსუა-აფხაზთა ინდივიდუალობას ექვთიმე ათონელისა (XI) და XIII სს. ქართველი ანონიმის მიერ შედგენილი ხალხთა სიები ადასტურებენ⁴⁵⁹.

ექვთიმე ათონელი ეყრდნობა ეპიფანე კვიპრელისა და სხვა ავტორთა მონაცემებს. იგი მართლაც ამატებს ამ მონაცემებს აფხაზებს, ოსებს, ჯიქებს და ჰერებს; ცალ-ცალკე ასახელებს კოლხებსა და მეგრელებს. XIII ს. ანონიმი ასახელებს ქართველებს, აფხაზებს, სვანებს, მეგრელებს, დვალელებს და თუშებს⁴⁶⁰. ზ.ანჩაბაძის აზრით, ქართველ ავტორთა სიებს საფუძველად უდევს ენობრივი განსხვავება; ამდენად, აფხაზი ამ დოკუმენტებში ვითომ ცალკე ეთნოსად არის წარმოდგენილი⁴⁶¹. სრულიად საპირისპიროს წერს თვითონ ექვთიმე ათონელი: „ამათ ყოველთა ნათესავთა არა თუ ყოველთა თუისი ენაი აქუს, არამედ მრავალნი ერთითა ენითა ზრახვენ, ხოლო ტომ-ტომადნი და ნათესავ-ნათესავნი აღწერილ არიან“⁴⁶². ნამდვილად არ შეიძლება სხვადასხვა ენების მატარებლებად მივიჩნიოთ დოკუმენტში დასახელებული ქართული თემები. ექვთიმე ათონელი და XIII ს. ანონიმი ტერმინ „ტომს“ ხმარობენ ს.ს.ორბელიანის ლექსიკონში მოცემული მნიშვნელობით (აქვე, გვ. 42), ანუ „აფხაზი“ ზემოხსენებულ დოკუმენტებში ქართველი ერის შემადგენელ ნაწილად არის წარმოდგენილი და არა ცალკე ეთნოსად. ადრეულ შუა საუკუნეებამდე აფხაზეთში მოსახლე თემების, მათ შორის აფსილ-აბაზგების ეთნიკურ ვინაობაზე აშკარად მიუთითებენ ქართული ტოპონიმები⁴⁶³. უძველესი მათ შორის გახლავთ ლეგენდარული ეგრისი, რომელიც ეგროსის

⁴⁵⁵ . ქართლის ცხოვრება. ტ. 1, გვ. 3-6.

⁴⁵⁶ . ასეთ მოსაზრებას არ იზიარებს ზ. ანჩაბაძე. იხ.: *Из истории средневековой Абхазии*, გვ. 222-226.

⁴⁵⁷ . გეორგიკა, ტ. 4, წ. 1, გვ. 10.

⁴⁵⁸ . იქვე, ტ. 6, გვ. 133.

⁴⁵⁹ . *З. В. Анчабадзе. Из истории средневековой Абхазии*, გვ. 216-217.

⁴⁶⁰ . კ. კეკელიძე. ხალხთა კლასიფიკაციისა და გეოგრაფიული განრიგების საკითხები ძველს ქართულს მწერლობაში (იბერ ენერატიონის-ის ქართული ვერსია). – *თსუ-ს შრომები*, 1938, VII, გვ. 7, 11, 12.

⁴⁶¹ . *З. В. Анчабадзе. Из истории средневековой Абхазии*, გვ. 217-218.

⁴⁶² . კეკელიძე. ხალხთა კლასიფიკაციისა და გეოგრაფიული განრიგების საკითხები, გვ. 12.

⁴⁶³ . ვრცლად ამის შესახებ იხ.: პინგოროყვა. გიორგი მერჩულე, გვ. 145-189; გ.გასვიანი. აფხაზეთი, გვ. 83-134; თ.მიჩურაძე. აფხაზეთის ტოპონიმოგრაფია. – აფხაზეთის ისტორიის პრობლემები, გვ.154-166; დ.გოგოლაძე. დასახ. ნაშრომი, გვ. 29-30; დ.მუსხელიშვილი. საქართველოს ისტორიული გეოგრაფიის ძირითადი საკითხები, I. თბ., 1977, გვ. 108-123; თ.გვანცელაძე. აფხაზეთის ისტორიოგრაფიის ლინგვისტური საფუძველები, გვ. 183-200; მისივე. ბიჭვინთის თავდაპირველი სახელწოდების საკითხისათვის. – ქუთაისის უნივერსიტეტის მოამბე, 1995, №1, გვ. 25-32; აფხაზეთის ქართველური ტოპონიმია: გაგრა. – ქართველურ ენათა სტრუქტურის საკითხები, ტ.6. თბ., 1996, გვ. 44-49; ტოპონიმ „ტყუარჩელისა“ და ყოჩივარდას მეგრული სახელწოდების ეტიმოლოგიისათვის. – ქართველური ონომასტიკა, ტ.1. თბ., 1998, გვ.102-108; ქართველური სუბსტრატული ტოპონიმები აფხაზეთში (სოხუმი, გაგრა, ტყუარჩელი). – არტანუჯი, 2000, №10, გვ.87-92; ქართველური სუბსტრატული ტოპონიმები აფხაზეთში: ავაღძარა, ოთპარა. – ქართველოლოგიური კრებული, ტ.1. თბ., 2002, გვ. 34-41; ქართველური ლექსიკა ოჩამჩირის რაიონის აფხაზურ სოფელთა მიკროტოპონიმიაში. – არნ.ჩიქობავას სახ. ენათმეცნიერების ინსტიტუტის 61-ე სამეცნიერო სესიის მასალები. თბ., 2002, გვ. 16-18; თ. ვანტსელაძე, დ. ჩანტურია. არტველიან სუბსტრატე ტოპონიმის ინ ბკპაზია. – უნდ ნივერსიტე. ჭორკინე აპერს, 47, უნდ, 1999, გვ. 99-105; პ.ცხადაია, ვ.ჯოჯუა. სამურზაყანოს გეოგრაფიული

სახელს უკავშირდება⁴⁶⁴. მჯანაშვილის მიხედვით, ეს ქალაქი ძვ.წ. XXI საუკუნეშია დაფუძნებული⁴⁶⁵. ძვ.წ. III ს. I ნახევარში – ფარნავაზ-ქუჯის ხანაში მას ბედია ეწოდებოდა⁴⁶⁶.

უძველესი ქალაქია ასევე დიოსკურია⁴⁶⁷, რომელიც ძვ.წ. IV საუკუნიდან (ფსევდო სკილაქს კარიანდელი) ახ.წ. I საუკუნემდე (პლინიუს უფროსი) იხსენიება; I საუკუნიდან მას სებასტოპოლისი ეწოდება, VIII საუკუნიდან – ცხუმი⁴⁶⁸. ფსევდო სკილაქსთან გვხვდება ქგიენოსი (ოჩამჩირე), რომელიც იხსენიება აგრეთვე პომპონიუს მელასთან (კიკნოსი) და პლინიუსთან (კიგნუმი). ძვ.წ. II საუკუნიდან იხსენიება ბიჭვინთა//პიტიუნტი, პიტიოტა (არტემიდორე ეფესელი, სტრაბონი)⁴⁶⁹. IV საუკუნიდან არის ცნობილი ზიგანეოსი//გუდაყვა (გუდავა)⁴⁷⁰, V საუკუნიდან – კომანი, ასევე მდ. მოქვი⁴⁷¹.

VI საუკუნეში იხსენიება ტრაქეა, ტიბელეოსის//წებელდის ციხე⁴⁷², აგრეთვე დარინი⁴⁷³, ძახარის (ჩხალთის) ციხე, ბუქლოსი//ბუკოლუსი (ქართ. ბოკერი)⁴⁷⁴. VIII ს. იერუსალიმელმა მონაზონმა თეოდოსი განგრეღმა შემოგვინახა ლაზიკა//ვეგრისში გადასახლებული ანასტასი აპოკრისიარის (VIII ს.) წერილი, რომელიც შეიცავს ცნობებს თანამედროვე აფხაზეთის ტერიტორიაზე ლოკალიზებული არაერთი ქართველური ტოპონიმის შესახებ: სხემარის ციხე, სქიმარი (სქიომარი, ჰიომარი), თუსუმე, მოქვი, ჯიხახორა, ფუსტას ციხე, სკოტორი, სვანიდის ციხე, მუკორისი⁴⁷⁵; ამათგან არცერთს არ ეძებნება აფხაზური ეტიმოლოგია (იხ. აქვე, გვ. 192).

ხაზგასმით უნდა აღინიშნოს, რომ ენგურ-ფსოუს მონაკვეთზე გვიან შუა საუკუნეებამდე არ არის დაფიქსირებული არცერთი სხვა ტოპონიმი, რომელიც აფსუ-აფხაზთა ენაზე აიხსნება. ეს ფაქტი გამორიცხავს ამ ტერიტორიაზე არაქართველთა მოსახლეობას. უფრო მეტიც, ტოპონიმიკური მასალა, რომელიც წარმოდგენილია კმერეტუკოვის წიგნში - „ადიღური ტოპონიმიკური ლექსიკონი“ (მ., 1990)⁴⁷⁶, თვით ავტორის აღიარებით მრავალ აშკარად ქართულ გეოგრაფიულ სახელს შეიცავს. ეს არის კიდევ ერთი დამატებითი არგუმენტი არა მხოლოდ მდ.ფსოუმდე, არამედ მდ.ყუ-ბანამდე ქართველთა გავრცელებისა.

2. ქრისტიანობის გავრცელება

აფხაზეთში ეთნიკურ-პოლიტიკური ვითარების გარკვევაში გვეხმარება I საუკუნიდან ქრისტიანობის გავრცელებისა და თანდათანობით დამკვიდრების ისტორია. ქართული საისტორიო ტრადიციით, ივერია ღვთისმშობლის წილხვედრი ქვეყანაა. უფლის ნებითა და

სახელწოდებანი. თბ., 2003; პ.ცხადაია. სამურზაყანოს ისტორიული და თანამედროვე ტოპონიმია (ენათმეცნიერული გამოკვლევა). თბ., 2004, გვ. 166.

⁴⁶⁴ . ქართლის ცხოვრება, ტ. 1, გვ. 5.

⁴⁶⁵ . წმ. აღმსარებელი ამბროსი და აფხაზეთი, გვ. 606.

⁴⁶⁶ . ქართლის ცხოვრება, ტ. 1, გვ. 5.

⁴⁶⁷ . დიოსკურიის ქართული ეტიმოლოგიის შესახებ საინტერესო მოსაზრება აქვს ა.ტულუშს. იხ. მისი: „დიოსკურიში – დედაი წყლისა“ (აია, 1999, №7, გვ. 62-76). მასვე ეკუთვნის გამოკვლევა „ოიკონიმ გავრცა-ს ეტიმოლოგიისათვის“ (აია, 1999, №7, გვ. 77-81).

⁴⁶⁸ . ქართლის ცხოვრება, ტ. 1, გვ. 235.

⁴⁶⁹ . თ. ყაუხჩიშვილი. სტრაბონის გეოგრაფია, გვ. 120, 121.

⁴⁷⁰ . ო.აკიშბაია. გუდავა. თბ., 1998; პლინიუსი ახსენებს მდ. სიგანიას (აქვე, გვ. 57), არიანე– სიგამეს (ნ. კეჭაღმაძის აზრით, ერისწყალი, რომელიც ზიგანეოსთან/გუდავასთან ერთვის შავ ზღვას. იხ.: ფლავიუს არიანე. მოგზაურობა, გვ. 69, 70, 90).

⁴⁷¹ . გეორგიკა, ტ. 2, გვ. 6; იქვე, ტ. 6, გვ. 187-188; 203-204.

⁴⁷² . იქვე, ტ. 3, გვ. 160; არიანე ახსენებს სტრაბონის (წებელდის?) მწვერვალს (აქვე, გვ. 58); გეორგიკა, ტ. 2, გვ. 159.

⁴⁷³ . გეორგიკა, ტ. 3, გვ. 236-237. ს. ს. ორბელიანთან დარანი განმარტებულია როგორც კლდეში, მიწის ქვეშ სამალავი (ლექსიკონი, ტ. 1, გვ. 197). დარინი მეგრულად საცხოვრისს, სადგომს ნიშნავს. „დარინის გზა“ შეიძლება გაეიგოს როგორც უსაფრთხო (სპარსელებისაგან), სიცოცხლის გზა.

⁴⁷⁴ . გეორგიკა, ტ. 3, გვ. 85-87, 163; ტ. 4, ნაწ. 1, გვ. 42., დ. მუსხელიშვილი. საქართველოს ისტორიის..., I, გვ. 122.

⁴⁷⁵ . გეორგიკა, ტ. 4, ნაწ. I, გვ. 42-46, 50-51; მათი ლოკალიზაციის შესახებ იხ. დმუსხელიშვილი. საქართველოს ისტორიული გეოგრაფიის ძირითადი საკითხები. II, თბ., 1980, გვ. 52-57.

⁴⁷⁶ . ლექსიკონი დაამუშავებულია მონოგრაფიაში: ზ.რატანი. წყაროთა დაღადი ანუ პირიქითა საქართველო. თბ., 1995.

ღვთისმშობლის თხოვნით საქართველოში, კონკრეტულად აფხაზეთში მოციქულები – ანდრია პირველწოდებული და სვიმონ კანანელი ჩამოვიდნენ⁴⁷⁷. ეს მოხდა დაახლოებით 30-35 წლებში⁴⁷⁸, სხვა მონაცემებით, მოციქულები აფხაზეთში 55წ. იმყოფებოდნენ⁴⁷⁹. მათი მისიონერული მოღვაწეობა აღწერილია X-XI საუკუნეების მიჯნაზე მოღვაწე ექვთიმე ათონელის თხზულებაში „მოსახსენებელი მიმოსვლათათვის და ქადაგებათა მოციქულისა ანდრიაისა“. მას საფუძვლად უდევს VIII საუკუნის მეორე ნახევრის ავტორის ეპიფანე კონსტანტინოპოლელის „ანდრიას ცხოვრება“; იგი, თავის მხრივ, გაცილებით უფრო აღრინდელ ავტორთა (კლემენტი რომაელი, ევაგრე სიცილიელი, ეპიფანე კვიპრელი) ნაშრომებსა და სხვა მასალებს ემყარებოდა⁴⁸⁰.

წმ.სიმონ კანანელი (ზილოტი) აფხაზეთში დაიღუპა და, სავარაუდოდ, ჯერ ნიკოფსიაში, მერე კი ანაკოფიაში დაიკრძალა; წმ.ანდრიამ კი მოაქცია „მეგრელნი და აფხაზნი და წარვიდა სკვითედ“⁴⁸¹. ანანია ჯაფარიძის აზრით, სკვითებში ძალიან ხშირად კოლხ-იბერები იგულისხმებიან⁴⁸². ეპიფანე კვიპრელის ცნობით, წმ.ანდრიამ სკვითები, სოგდიანები და გორსინები, მართლაც, საქართველოს საზღვრებში დამოძღვრა – „დიდ სებასტოპოლისში, სადაც არის აფსარის ციხე, ჰისოს ნავსადგური და მდ.ფაზისი; იქ მოსახლეობენ იბერიელები, სუსები, ფუსტელები და ალანები“⁴⁸³. წმ.ანდრიას აფხაზეთში ყოფნას ადასტურებს ფუსტელების მოხსენიება; ფუსტა – სვანური უზენაესი ღვთაებაა; გარდა ამისა, დღემდეა შემორჩენილი გადმოცემა თანამედროვე სოხუმის რაიონში ფუსტას სახელის მატარებელი უბნის არსებობის შესახებ⁴⁸⁴. ეპიფანე კვიპრელის მიხედვით, წმ.ანდრიას მოუნათლავს იბერები, სვანები (სუსები, ფუსტელები), ალანებიც; მონათლულთა შორის კი არ ჩანან აფხაზები, თუმცა წყაროების მიხედვით ისინიც განანათლეს მოციქულებმა. I საუკუნეში აფხაზეთი და აფხაზები არენაზე ჯერ არც ჩანდნენ, მაგრამ ქართველი ავტორები ექვთიმე ათონელი, ეფრემ მცირე, ლეონტი მროველი თავიანთ თანადროულ (XI ს.) ტერმინებს იყენებენ. თ. გვანცელაძე ვარაუდობს, რომ ლეონტი მროველს „ცხოვრება ქართველთა მეფეთა“-ში მოციქულებთან მიმართებაში თავდაპირველად არ ეწერა „აფხაზეთი“, ხოლო ტექსტში ხშირად ნახმარი „ეგრისი“, „მეგრნი“ და „მეგრელნი“ მთელი დასავლეთ საქართველოსა (ნიკოფსიამდე) და ამ მიწა-წყლის მცხოვრებთა განმაზოგადებელი სახელებია, რომლებსაც შემდგომში იმავე მნიშვნელობით ჩაენაცვლა ტერმინები „აფხაზეთი“, „აფხაზნი“⁴⁸⁵.

ქრისტიანობის გავრცელება მხოლოდ მოციქულთა მოღვაწეობით არ შემოიფარგლებოდა. II-III სს. ეს პროცესი საქართველოს მთელ შავიზღვისპირეთში მიმდინარეობდა და ლაზიკა-აბაზგიაში გადასახლებულ პირველ ქრისტიანთა წმინდა სახელებს (კლემენტი პალმოსი, ორენტიოსი ძმებთან ერთად, იოანე ოქროპირი) უკავშირდება⁴⁸⁶. ქრისტიანობის გავრცელებისათვის ხელი უნდა შეეწყოთ აფხაზეთის ტერიტორიაზე დისლოცირებულ რომაელ ჯარისკაცებს, იმპერიის შორეულ გარნიზონებში მომსახურე და მერე სამშობლოში დაბრუნებულ ადგილობრივ ქართველებს. III ს. ბოლოს მცხოვრები ლიონის ეპისკოპოსი ირინეი ადასტურებდა ივერიაში ქრისტიანობის არსებობას⁴⁸⁷. იმ დროისათვის საქართველოში, მათ შორის აფხაზეთში უკვე არსებობდნენ ქრისტიანული თემები⁴⁸⁸.

477 . ქართლის ცხოვრება, ტ. 1, გვ. 38.

478 . ანანია ჯაფარიძე, საქართველოს სამოციქულო ეკლესიის ისტორია, ტ. 1, თბ., 1996, გვ. 38.

479 . Сказание о Св. Апостоле Симоне Кананите (он же Зилот). М., 1891, გვ. 7.

480 . ძველი ქართული ლიტერატურის ქრესტომათია, ტ. 1, თბ., 1946, გვ. 27-28; გეორგიკა, ტ. 4, წ. 1, გვ. 57-59.

481 . ქართლის ცხოვრება, ტ. 1, გვ. 42-43.

482 . ანანია ჯაფარიძე, საქართველოს სამოციქულო ეკლესიის ისტორია, ტ. 1, გვ. 71, 86-102.

483 . გეორგიკა, ტ. 4, ნაწ. I, გვ. 57.

484 . გეორგიკა, ტ. 4, ნაწ. I, გვ. 54; თ. მიბზუანი, აფხაზეთის მატერიალური კულტურის ძეგლები და ეპიგრაფიკა, თბ., 1999, გვ. 22. ქართველურ ენობრივ სივრცეში ღვთაების სახელის გამოყენება გეოგრაფიული პუნქტების სახელწოდებად საკმაოდ გავრცელებულია. ამ ტიპისაა, მაგალითად, ტოპონიმები: სამება, დალი (დალის ხეობა), მთავარანგელოზი (შდრ. აფხაზეთის ტერიტორიაზე ფიქსირებული თარგელოზი – მთავარანგელოზი) და ა. შ.

485 . თ. გვანცელაძე, აფხაზეთის ისტორიოგრაფიის ლინგვისტური საფუძვლები, გვ. 40, 44-45.

486 . ჯ. გამახარია, აფხაზეთი და მართლმადიდებლობა, თბ., 2005, გვ. 47-56.

487 . იქვე, გვ. 51.

488 . ანანია ჯაფარიძე, საქართველოს სამოციქულო ეკლესიის ისტორია, ტ. 1, გვ. 133.

ახალი სარწმუნოების გავრცელებას აფხაზეთში დიდად შეუწყო ხელი IV ს. პირველ მეოთხედში ქრისტიანობის სახელმწიფო რელიგიად გამოცხადებამ როგორც რომის იმპერიაში, ისე საქართველოში – იბერიაში, ლაზიკაში, ამ უკანასკნელისადმი დაქვემდებარებულ აბაზგიასა და აფსილიაში. წმინო კაპადოკიელი, სავარაუდოდ, დასავლეთ საქართველოს განმანათლებელიცაა. V ს. ავტორის გელასი კვიზირელის ცნობით (ეყრდნობა გე-

ლასი კესარიელს), იმპერატორ კონსტანტინე I-ის (306-337წწ.) დროს „ღმერთის მცნება მიიღეს პონტოს გასწვრივ მდებარე მიწა-წყალზე მცხოვრებმა იბერებმა და ლაზებმა“⁴⁸⁹, რასაც იგი „ტყვე დედაკაცის“ – წმინოს დამსახურებად მიიჩნევდა. ნიკეის I მსოფლიო საეკლესიო კრებაზე (325წ.) ბიჭვინთის ეპისკოპოს სტრატოფილეს, აგრეთვე ტრაპიზონის ეპისკოპოს დომნუსის დასწრება⁴⁹⁰ დასავლეთ საქართველოში ქრისტიანობის ფართოდ გავრცელებაზე მიუთითებს. მთელი ამ რეგიონის მთავარი საეკლესიო ცენტრი იმ პერიოდიდან ვიდრე ჰუნების შემოსევამდე ბიჭვინთა უნდა ყოფილიყო⁴⁹¹. V საუკუნეში – ვახტანგ გორგასლის ეპოქაში - საქართველო ერთიანია, შესაბამისად ერთიანი იყო ეკლესიაც; იგი მცხეთას ემორჩილებოდა, წირვა-ლოცვა ქართულად აღესრულებოდა; კელასურთან საზღვრის გაღვლების შემდეგ ამ საზღვრის ჩრდილო-დასავლეთით მდებარე აფხაზეთი, ანანია ჯაფარიძის დასაბუთებული ვარაუდით, სახელმწიფოებრივად და, შესაბამისად, ეკლესიურადაც ბიზანტიის ნაწილი გახდა⁴⁹².

თანამედროვე აფხაზეთის ტერიტორიაზე ქრისტიანობა საკმაოდ დონეზე იყო გავრცელებული, რაზეც კომანის ეპისკოპოს ვასილისკოს მოღვაწეობაც მიუთითებს. იგი დიდმოწამე თევდორე ტირონის ნათესავი ყოფილა. ვასილისკოს, როგორც ქრისტიანის, წამება დაახლოებით 308წ. მომხდარა. სწორედ ის გამოეცხადა გარდაცვალების წინ იოანე ოქროპირს⁴⁹³. წმინდანები ვასილისკო და 407წ. გარდაცვლილი იოანე ერთმანეთის გვერდი-გვერდ იყვნენ კომანში დასაფლავებულნი. აქაური მოსახლეობის სარწმუნოებრივი მდგომარეობის მაჩვენებელია კომანის ეპისკოპოსისა და ადგილობრივი მრევლის თაყვანისცემა იოანე ოქროპირის საფლავისადმი. როცა იმპერატორმა თეოდოსი II-მ (408-450წწ.) წმინდანის კონსტანტინოპოლში გადასვენება გადაწყვიტა (438წ.), კომანის მღვდელმთავრისა და მოსახლეობის დიდ წინააღმდეგობას წააწყდა. ადგილობრივი ქრისტიანები არ თმობდნენ იოანე ოქროპირის ნეშოს; იყო მწუხარება, სევდა და მოთქმა-გოდება; როცა წმინდანის უხრწნელი ნეშოი სარკოფაგიდან ამოასვენეს, შეკრებილი მოსახლეობა სამღვდელოებასთან ერთად მთელი ღამე გალობდა, ანთებული სანთლებით ხელში თაყვანს სცემდა მას. ხალხმა წინააღმდეგობა ბოლომდე მაინც ვერ გასწია და გულამოსკენილი ტირილით გააცილა იოანე ოქროპირის ნეშო⁴⁹⁴. უდიდესი სიწმინდე – სარკოფაგი მაშინ კომანში დარჩა და საუკუნეების განმავლობაში მორწმუნეთა თაყვანისცემის საგანს წარმოადგენს⁴⁹⁵.

ქრისტიანობის გავრცელების მასშტაბებზე მეტყველებენ ბიჭვინთასა და მის შემოგარენში აღმოჩენილ საკულტო ნაგებობათა (IV-VI სს.) მთელი კომპლექსი უნიკალური ნივთებით; არანაკლებ მნიშვნელოვანი ქრისტიანული განძია აღმოჩენილი წებელდაშიც⁴⁹⁶. აქ მოპოვებული მასალა ადასტურებს წებელდაში მცხოვრები აფსილების შესახებ პრ.კესარიელის ცნობის ჭეშმარიტებას: „აფსილები ლაზების ქვეშევრდომნი არიან და ისინი ძველითგანვე ქრისტიანები იყვნენ“⁴⁹⁷. ის ფაქტი, რომ

489 . გეორგიკა, ტ. I, გვ.186, 245-246.

490 . იქვე, გვ. 1-10.

491 . ბ. დიასაბიძე. ქრისტიანობა დასავლეთ საქართველოში (I-X სს.). ბათუმი, 2001, გვ. 105; სამეგრელო, კოლხეთი, ოდიში (თ. ბერაძე), გვ. 105.

492 . ანანია ჯაფარიძე. საქართველოს სამოციქულო ეკლესიის ისტორია, ტ. 1, გვ. 16-28.

493 . ჯ. გამახარია. აფხაზეთი და მართლმადიდებლობა, გვ. 56.

494, 1898, . 200;

. - 6., 1902, გვ. 158.

495 . საქართველოს კათოლიკოს-პატრიარქმა, უწმინდესმა და უნეტარესმა ილია II-მ, როცა იგი ცხუმ-აფხაზეთის მიტროპოლიტი ბრძანდებოდა (1967-1977 წწ.), წმ. იოანე ოქროპირის სარკოფაგი სოხუმის საკათედრო ტაძარში გადაასვენა და ამით განადგურებას გადაარჩინა. მოგვიანებით იური (გიორგი) ანუასა და ზოია ადამიას ღვთისმოსავმა ოჯახმა კომანის ეკლესია აღადგინა. 1990 წ. 25 ნოემბერს სარკოფაგი ამ ეკლესიაში გადმოსვენეს. მეორე დღეს კომანის ეკლესიაში პირველი ღვთისმსახურება მისმა უწმინდესობამ ილია II-მ ჩაატარა. – მაღლი, 1997, 18 სექტემბერი.

496 . შესაბამისი ლიტერატურა იხ.: ჯ. გამახარია. აფხაზეთი და მართლმადიდებლობა, გვ. 97, სქ. 88.

497 . გეორგიკა, ტ. 2, გვ. 128.

თანამედროვე აფხუა-აფხაზებს საკუთარი ქრისტიანული ტერმინოლოგია არ გააჩნიათ და იგი ლიტერატურული ქართულიდან, ან მისი მეგრული დიალექტიდან აქვთ ნასესხები (აქვე, გვ. 190-192), აფხაზეთის უძველესი მოსახლეობის ეთნიკურ კუთვნილებაზე, მათ ქართველობაზე მიუთითებს.

ქრისტიანობის გავრცელება იყო საწინდარი რომთან და ბიზანტიასთან მჭიდრო კავშირის დამყარებისა, რეგიონის უსაფრთხოებისა, მისი კულტურულ-ეკონომიკური დაწინაურებისა, ქართველთა შემდგომი ეროვნული კონსოლიდაციისა. ამავე დროს იგი ემსახურებოდა პოლიტიკური მიზნების მიღწევასაც – იმპერიის პოზიციების განმტკიცებას ლაზიკაში. ამ მიზნების შესაბამისად ხდებოდა ცალკეული პოლიტიკური ერთეულების ჩამოყალიბება, შემდგომში ზოგიერთი მათგანის დაწინაურება თუ ჩამოქვეითება, აგრეთვე ქრისტიანული ცენტრების დაფუძნება და მათი რეორგანიზაცია.

3. აფხაზეთი ეგრისის (ლაზიკის) შემადგენლობაში

რთული საერთაშორისო ვითარება თავისებურ გავლენას ახდენდა რეგიონში მიმდინარე პოლიტიკურ პროცესებზე. III ს. შუახანებისათვის გაძლიერებული სასანიდური ირანი თანდათანობით ავიწროებდა რომის იმპერიას, რომელიც შიდა ანარქიამ მოიცვა; ხშირად იცვლებოდნენ იმპერატორები („ჯარისკაცთა იმპერატორების“ პერიოდი 235 წლიდან 284 წლამდე გაგრძელდა); იმპერიას გამოეყო ბრიტანეთი, ესპანეთი, გალია და სირია-ეგვიპტე (პალმირის სამეფო); გახშირდა სხვადასხვა ველურ ტომთა თავდასხმები. III ს. მეორე ნახევარში უნდა ჩამოყალიბებულყო ლაზეთის სამეფოც, თუმცა მისი განთავისუფლება უფრო გვიანაა სავარაუდებელი. 50-იან წლებში კოლხეთის სანაპირო გოთებმა დალაშქრეს, თავს დაესხნენ ბიჭვინთას, მაგრამ ადგილობრივმა რომაულმა გარნიზონმა მომხდურები დაამარცხა; მალე გოთები კვლავ გამოჩნდნენ ჯერ ფაზისთან (სადაც ძლიერ წინააღმდეგობას წააწყდნენ), მერე ბიჭვინთასთან, რომელიც აიღეს და პირწმინდად გაძარცვეს, დახოცეს რომაელი ჯარისკაცების⁴⁹⁸ უმეტესობა, ნაწილი ტყვედ წაასხეს. გოთებმა ააოხრეს ტრაპიზონიც⁴⁹⁹. III ს. ბოლოს რომის წინააღმდეგ ბოსფორის სამეფომ გაილაშქრა, აიღო ლაზეთი და მცირე აზიამდე მიადწია. გამელიქიშვილის აზრით, ლაზები მარტო ებრძოდნენ დამპყრობლებს, რომაელები კი, სავარაუდოდ, ლაზეთში უკვე აღარ იყვნენ⁵⁰⁰.

III ს. დასასრული რომის იმპერიისათვის არის გარკვეული სტაბილიზაციისა და დაკარგული პოზიციების აღდგენის პერიოდი. მოხერხდა წართმეული ტერიტორიების ნაწილის ისევ შემოერთება, სხვადასხვა ტომთა შემოტევის მოგერიება, წარმატების მიღწევა ირანთან ომში. იმ პერიოდში იმპერიული ცენტრი ნელ-ნელა აღმოსავლეთისაკენ იწყებს გადმონაცვლებას; ძლიერდება პოზიციები აღმოსავლეთის პროვინციებში. III ს. ბოლოსათვის აღდგა ბიჭვინთის რომაული გარნიზონი, იგი მალე გაფართოვდა; აქ უნდა ყოფილიყო აღმოსავლეთ შავიზღვისპირეთში რომაელთა სახმელეთო თუ საზღვაო ძალების ძირითადი ბირთვი მთავარსარდლობის რეზიდენციითურთ; აღდგა და გაფართოვდა სებასტოპოლისის გარნიზონიც (სავარაუდოდ, ისიც გოთებმა ააოხრეს); IV ს. I ნახევარში სავარაუდოა რომაული გარნიზონის კვლავ ჩაყენება ლაზიკაში⁵⁰¹. თ.ბერადის აზრით, IV ს. 60-იან წლებში ეგრისი უკვე იმპერიის ფარგლებს გარეთ მდებარე ქვეყანაა⁵⁰².

⁴⁹⁸ . რომაული გარნიზონი ბიჭვინთაში 135-152 წწ. შორის ჩადგა (თ. თოდუა. დასახ. ნაშრომი, გვ. 26).

⁴⁹⁹ . ნ. ლომოური. ეგრისის სამეფოს ისტორია, გვ. 40-42; თ. თოდუა. დასახ. ნაშრომი, გვ. 32-33.

⁵⁰⁰ , გვ. 381.

⁵⁰¹ . იქვე, გვ. 381, 385; თ. თოდუა. დასახ. ნაშრომი, გვ. 30-36.

⁵⁰² . სამეგრელო, კოლხეთი, ოდიში, გვ. 102.

ს. ჯანაშია ლაზიკის თითქმის დამოუკიდებელი სამეფოს შექმნას რომის დასუსტებასა და ირანის გაძლიერებას უკავშირებდა⁵⁰³. აუცილებლად არის გასათვალისწინებელი გ.მელიქიშვილის პოზიციაც, რომლის აზრით, ლაზიკის სახით რომს სჭირდებოდა ძლიერი მოკავშირე კავკასიის ზეკარების დასაცავად, ველურ ტომთა შემოსევების აღსაკვეთად. განსაკუთრებულ საფრთხეს წარმოადგენდნენ ჰუნები. მათ გაანადგურეს ბოსფორის სამეფო, ალანთა გაერთიანებები, შემოიჭრნენ კავკასიაში, ააოხრეს ბიჭვინთა (IV ს. 70-იანი წლები) და ა.შ. ჰუნების შეკავება ორივე მხარის ინტერესებში შედიოდა.

მხედველობაშია მისაღები კიდევ ერთი გარემოება. IV ს. დასაწყისიდან დიდი ყურადღება ექცეოდა ქრისტიანობის ფაქტორს, რომელიც რომსა და ლაზიკას შორის სამოკავშირეო ურთიერთობის დამყარების ერთ-ერთი საფუძველი ხდება იმ ვითარებაში, როცა ირანთან დაპირისპირების შედეგად ჩამოყალიბებული ძალთა ახალი თანაფარდობა იმპერიას არ აძლევდა ეგრისზე კონტროლის სრულად აღდგენის საშუალებას. რომი თუ არ ეხმარებოდა, თვალს მაინც ხუჭავდა ლაზიკის გაფართოებაზე ჩრდილოეთის მიმართულებით. ამასთანავე, კატეგორიულად მიუღებელია გ.მელიქიშვილისა და სხვა მეცნიერთა მტკიცება II საუკუნეში ლაზების მიერ „მთიელი“ აფშილების, აბაზგების და ასევე სვანების ჩრდილო-დასავლეთით შევიწროების შესახებ⁵⁰⁴. არავითარი გადაადგილება და „ეთნიკური“ საზღვრების შეცვლა აფხაზეთის ტერიტორიაზე არცერთი მიმართულებით წყაროებში არ იხსენიება. მიუხედავად ამისა, ნ.ლომოური წერს: „V ს-ის დასაწყისისათვის, თუ უფრო ადრე არა, ლაზიკის სამეფოს გაძლიერების შედეგად, საზღვარმა ლაზებსა და აფსილებს შორის გადაინაცვლა მდ.კოდორამდე; ლაზებმა შეავიწროვეს აფსილები, ამ უკანასკნელებმა კი – აბაზგები... ჩრდილოეთისაკენ გადაინაცვლეს აბაზგებმაც – მათ დაიკავეს ტერიტორია მდ. გუმისთასა და მდ.ფსოუს შორის. სანიგების განკარგულებაში დარჩა სანაპიროს მონაკვეთი მდინარეების – ფსოუსა და შახეს შორის“⁵⁰⁵. მოკლედ, ლაზების „შეტევის“ შედეგად აფსილები გუმისთამდე გადაადგილებულან; აფსილების მიერ „შევიწროებულ“ აბაზგებს დაუკავებიათ გუმისთა-ფსოუს მონაკვეთი და ა.შ. ორივე „შევიწროებული ტომი“ ბევრად უკეთეს და ბევრად მეტ ტერიტორიას „იკავეს“, ვიდრე „შევიწროებამდე“ ფლობდა. აფსილ-აბაზგთა მთიელებად გამოცხადება არის მიზეზი მსგავსი უსაფუძვლო და ალოგიკური დასკვნებისა. თანამედროვე აფხაზეთის ტერიტორიაზე მაშინ ცხოვრობდა რომაელების მიერ ხელოვნურად რამდენიმე „სამეფოდ“ დაყოფილი ერთი ხალხი. ამ ერთეულებს შორის საზღვრების შეცვლა არ იწვევდა არანაირ მასობრივ გადაადგილებებს ერთი შუამდინარეთიდან „აუცილებლად“ მეორე შუამდინარეთამდე. ერთსა და იმავე ადგილას ცალკეული ავტორების მიერ სხვადასხვა „ეთნოსთა“ დასახელება ხაზს უსვამდა მხოლოდ მათ ეთნიკურ იდენტურობას და არ გულისხმობდა აღნიშნულ ტერიტორიაზე წყაროებისთვის უცნობ გადასახლება-გადაადგილებებს. დროა, გავთავისუფლდეთ ამ თავსმოხვეულ იმპერიულ-სეპარატისტული ვერსიებისაგან⁵⁰⁶. სწორი უნდა იყოს თ.მიბნუანი, რომელიც გაგრა-ბიჭვინთის მონაკვეთზე სხვადასხვა ავტორთა მიერ სხვადასხვა დროს ჰენიოხების, სანიგების, სუანო-კოლხების, აბაზგების დასახელებას მათი იგივეობით – ქართველობით ხსნის⁵⁰⁷. იგივე სურათი გვაქვს აფხაზეთის სხვა რეგიონებშიც.

IV ს. მეორე ნახევრისათვის ლაზიკა მოიცავდა მთელ დასავლეთ საქართველოს დედაქალაქით ციხე-გოჯში⁵⁰⁸ (არქეოპოლისი). ჩრდილო-დასავლეთით მისი იურისდიქცია ვრცელდებოდა აფსილებზე, აბაზგებზე, სვანებზე, სკვიმნიაზე – ძველი ქართული წყაროების თაკვერზე (რაჭა-ლეჩხუმი), სავარაუდოდ, სანიგებზეც. მათი მთავრები ძალაუფლებას ინარჩუნებდნენ, მაგრამ იყვნენ ვასალები ლაზთა მეფისა, რომელიც მათ ამტკიცებდა. აბაზგებს ორი თვისტომი მთავარი ჰყოლიათ; „ამასთან ერთი დაწესებული

⁵⁰³ , გვ. 24-25.
⁵⁰⁴ , გვ. 383.
⁵⁰⁵ . ნ. ლომოური. ძველი აფხაზეთის..., გვ. 40.
⁵⁰⁶ . სეპარატისტების მტკიცებით, აფსილები VI საუკუნეში ლაზებმა მდ. ენგურამდე შეავიწროვეს (?). იხ.: O. Бражна, С. Лакоба. , გვ. 85.
⁵⁰⁷ . თ.მიბნუანი. აფხაზეთის მატ. კულტურის ძეგლები, გვ. 16; მისივე: აფხაზეთის ავტ. რესპ. ისტორია, გვ. 45-46.
⁵⁰⁸ . საქართველოს ისტორიის ნარკვევები, ტ. 1. გვ. 555-558.

იყო დასავლეთის ნაწილში, – წერდა პრ.კესარიელი, – ხოლო მეორე – აღმოსავლეთისაში“⁵⁰⁹ ორი მმართველის ყოლა აბაზგიის დაბალი სტატუსის მანკვენებელია. პრ.კესარიელის მოწმობით, აფსილები ძველთაგანვე ლაზთა ქვეშევრდომები არიან⁵¹⁰; როგორც ირკვევა, აფსილეთი წარმოადგენდა ლაზიკის უშუალო ნაწილს, მაგრამ ცალკე ადმინისტრაციულ ერთეულს, რომელსაც ლაზთა მეფის დანიშნული მაგისტროსები და სხვა მოხელეები მართავდნენ; აქაურ ციხეებში ლაზური გარნიზონები იდგნენ⁵¹¹. თავის მხრივ, ლაზთა მეფეც კონსტანტინოპოლში მტკიცდებოდა; სხვა ვალდებულებები რომაელთა წინაშე მას არ ჰქონდა, თუ მხედველობაში არ მივიღებთ კავკასიის ზეკარების დაცვის საერთო ინტერესებს. ამიტომ ამბობდა თეოდორე კვირელი (Vს.): „ბევრმა მიიღო მონობის ლაგამი, მაგრამ დამმონებელთა კანონების მიხედვით ცხოვრება არ შეეძლოთ... არც ლაზები, არც სანები, არც აბაზგები, არც სხვა ბარბაროსები, რომელნიც კი რომაელთა ბატონობას ელოლიავენბიან, არ სდებენ ერთმანეთში ხელშეკრულებებს რომაელთა კანონების მიხედვით“⁵¹². პროკოპი კესარიელი ადასტურებდა, რომ ლაზები კი იყვნენ რომაელების ქვეშევრდომები, მაგრამ „არც ხარკს უხდიდნენ, არც სხვა რამეში ემორჩილებოდნენ მათ, გარდა იმისა, რომ როდესაც მათ მეფე მოუკვდებოდათ, რომაელთა მეფე უგზავნიდა სამეფო ტახტის მემკვიდრეს ძალაუფლების სიმბოლოს“⁵¹³. რომი იცავდა ამ ქვეყნის საზღვრებს, რათა ჰუნები ლაზეთის გავლით რომაელთა მიწა-წყალზე არ შეჭრილიყვნენ. ლაზებს ამ დროს რომაელებთან ერთად ლაშქრობაც კი არ ევალებოდათ. აგათია სქოლასტიკოსის ცნობით, „ძლიერსა და მამაც ტომს წარმოადგენდნენ ლაზები და სხვა ძლიერ ტომებსაც მბრძანებლობდნენ; ამაცობდნენ კოლხთა ძველი სახელით და ზომაზე მეტად ქედმაღლობდნენ, შესაძლებელია, არც თუ ისე უსაფუძვლოდ. იმ ტომებს შორის, რომლებიც სხვა სახელმწიფოს ექვემდებარებიან, მე არ მეგულება არც ერთი სხვა, ესოდენ სახელგანთქმული და მორჭმული, როგორც თავისი სიმდიდრის სიუხვით, ისე ქვეშევრდომთა სიმრავლით, როგორც მიწა-წყლის სიჭარბით და მოსავლიანობით, ისე ხასიათის სილამაზითა და სიციქვიტით“⁵¹⁴. ეს ცნობაც რომისაგან დამოუკიდებლობის მაღალ ხარისხზე და სხვა მეზობელ პოლიტიკურ ერთეულებზე ლაზიკის ძალაუფლების გავრცელებაზე მიუთითებს.

Vს. 50-60-იან წლებში წარუმატებლად დასრულდა ლაზეთის მცდელობა ბიზანტიის-აგან სრული დამოუკიდებლობის მოპოვებისა; უფრო მეტიც, იმ პერიოდში მან სვანეთზე კონტროლიც დაკარგა⁵¹⁵, რაც, შესაძლოა, ბიზანტიის ნებითა და ხელშეწყობით განხორციელდა. ქართული საისტორიო ტრადიციით, როგორც ზემოთ უკვე ითქვა, დაახლოებით იმავე პერიოდში ქართლის მეფე ვახტანგ გორგასალმა Vს. შუახანებში ისარგებლა იმ გარემოებით, რომ „მეფე ბერძენთა ლეონ დიდი (457-474წწ. – ავტ.) უცალო იყო ბრძოლისაგან სპარსთასა და ვერშემძლებელ იყო სპათა გამოგზავნად აფხაზეთს“, დალაშქრა დასავლეთ საქართველო ვიდრე ციხე-გოჯამდე⁵¹⁶. წარმატებული აღმოჩნდა ლაშქრობა ბერძენთა წინააღმდეგ, რომელიც ზავით დასრულდა: „და გამოიკითხა კეისარმან საზღვარი საბერძნეთისა, ქვეყანა ზღვის პირისა, რომელ არს აფხაზეთი, და რქუა ესრეთ: „ეგრის წყლითგან ვიდრე მდინარემდე მცირისა ხაზარეთისა – ესე საზღვარი არს საბერძნეთისა აღექსანდრობითგან (აღექსანდრე მაკედონელის დროიდან – ავტ.), რომელი აწ შენ მივიღია მკლავითა ჩუენგან. აწ იგი უკუმოგუეც, და ოდეს წარიყვანებდე ცოლსა შენსა, ასულსა ჩემსა, მაშინ მოგცე მისგან ქუეყანა. და დაუწერა ეგრის წყალსა და კლისურასა შუა ქუეყანა ზითვად, და სხუა აფხაზეთი უკუსცა ვახტანგ ბერძენთა“⁵¹⁷. ეს არის ისტორიული რეალობის შემცველი ლეგენდა, რომელიც ასახავს ბიზანტიის მცდელობას ირანისკენ ტაქტიკური

⁵⁰⁹ . გეორგიკა, ტ. 2, გვ. 133. დ. ლეთოლიანის აზრით, აქ საქმე უნდა გვქონდეს ორი სხვადასხვა ერთეულის – სანიკებისა და აბაზგების საერისთავოების არსებობასთან (დ. ლეთოლიანი. აფხაზეთის., გვ. 145).

⁵¹⁰ . იქვე, გვ. 128, 162-165.

⁵¹¹ . იქვე, გვ. 162-165; საქართველოს ისტორიის ნარკვევები, ტ. II, გვ. 165-166.

⁵¹² . გეორგიკა, ტ. 1, გვ. 226-227.

⁵¹³ . გეორგიკა, ტ. 2, გვ. 172.

⁵¹⁴ . იქვე გვ. 50-51.

⁵¹⁵ . საქართველოს ისტორიის ნარკვევები, ტ. 2, გვ. 167-169.

⁵¹⁶ . ქართლის ცხოვრება, ტ. 1, გვ. 157.

⁵¹⁷ . იქვე, გვ. 177.

მოსაზრებით გადახრილი ლაზიკის დასუსტებისა მისგან აბაზგიის ჩამოცილებით. როგორც ჩანს, V საუკუნეში ეს მიზანი მაინც ვერ იქნა მიღწეული⁵¹⁸.

VII ს. პირველ ნახევარში ვითარება გამწვავდა. 523 წ. ირანმა ქართლში მეფობა გააუქმა და ეგრისის ხელში ჩაგდება გადაწყვიტა; დასავლეთ საქართველო აფშილეთ-აბაზგიის ჩათვლით ბიზანტია-ირანის დაპირისპირების ასპარეზად იქცა. ეტყობა, ეგრისს იმ დროისათვის უკვე ჰქონდა დამყარებული კავშირი ირანთან და, შესაძლოა, გარკვეული ვალდებულებაც ნაკისრი, მაგრამ ბიზანტიის მიერ სასწრაფოდ მიღებულმა ზომებმა მას პოზიცია შეაცვლევინა. 523 წ. გარდაცვლილი ეგრისის მეფის ტახტზე ბიზანტიამ იმავე წელს კანონიერი მემკვიდრე წათე აიყვანა; იგი, თურმე, ადრე ქრისტიანობისაგან გამდგარა (ალბათ, ეს იყო ერთ-ერთი ვალდებულება ირანის წინაშე). ამჯერად კი მეფედ დამტკიცების პირობით კვლავ მოინათლა და მეუღლესთან – ბიზანტიელი დიდებულის ასულთან ერთად საკუთარ ქვეყანაში დაბრუნდა. წათეს გაქრისტიანება შაჰმა კავადმა ბიზანტიის მიერ ქვეშევრდომის გადაბირებად შეაფასა. ურჩი „ქვეშევრდომის“ დასჯის საბაბით 528 წ. ირანელთა ჯარი ეგრისში შემოიჭრა, მაგრამ იგი ეგრის-ბიზანტიის გაერთიანებულმა ლაშქარმა უკუაქცია და სამეფოს საზღვრებიდან განდევნა⁵¹⁹.

532 წელს ბიზანტია-ირანს შორის დადებული „უვალო ზავის“ საფუძველზე ბიზანტიამ დასავლეთ საქართველოში, მათ შორის ბიჭვინთასა და სებასტოპოლისში საკუთარი გარნიზონები ჩააყენა. სწორედ ამ ჯარების ხელმძღვანელთა თვითნებობამ უბიძგა ლაზებს ირანთან კავშირისაკენ. 542 წ. გუბაზ მეფის მოწვეული ირანის ჯარი ეგრისში შემოვიდა და ადგილობრივ ძალებთან ერთად ბიზანტიელთა მთავარი სამხედრო პუნქტი – პეტრა გაათავისუფლა. ბიზანტიელებმა მაშინვე სებასტოპოლისისა და ბიჭვინთის ციხეები თავად დაანგრიეს და იქაურობა სასწრაფოდ დატოვეს. 545-546 წ. ბიზანტიამ და ირანმა ხუთწლიანი ზავი შეკრეს. ამასობაში გუბაზ მეფემ ირანელთა ვერაგობა ვერ აიტანა და ორიენტაცია კვლავ ბიზანტიისაკენ აიღო. 549 წ. ირანელები ეგრისიდან განდევნეს. 550 წ. მათ სცადეს დაბრუნება, მაგრამ ამაოდ. ირანელთა ახალი ჯარი ნაბედის სარდლობით ბიზანტია-ეგრისისაგან განდგომილ აბაზგიაში ცდილობდა დამკვიდრებას⁵²⁰.

ამ ისტორიული მოვლენების ფონზე მოხდა აბაზგების მოქცევა. აბაზგიაში ქრისტიანობის გავრცელება და ამასთან დაკავშირებული ამბები 542-548 წლებში თავსდება⁵²¹. აბაზგთა მოქცევა და მათთვის ტაძრის აშენება⁵²², აგრეთვე ფაზისის სამიტროპოლიტოს შექმნა⁵²³, VI ს. შუახანებში სებასტოპოლისის ეპარქიის დაფუძნება, V მსოფლიო საეკლესიო კრებაზე (კონსტანტინოპოლი, 533 წ. მაისი) მისი მღვდელმთავრის მიწვევა⁵²⁴, სარწმუნოებრივი ხასიათის სხვა ღონისძიებები⁵²⁵ პირდაპირ უკავშირდება ბიზანტია-ირანის დაპირისპირებას რეგიონში და ემსახურება დასავლეთ საქართველოში ბიზანტიის პოზიციების განმტკიცებისა და უსაფრთხოების უზრუნველყოფის ინტერესებს. ეს ღონისძიებები მიზნად ისახავდნენ არასაიმედო ლაზიკის დასუსტებას, მისგან აბაზგიის ჩამოცილებას, ერთმორწმუნე, მორჩილი პოლიტიკური ერთეულის შექმნას, კავკასიის კარების ჩაკეტვას და ა.შ. აბაზგიის გაქრისტიანებასთან ერთად მთავრებს აეკრძალათ ემაწვილების დასაჭურისება, რამაც მოსახლეობის დიდი კმაყოფილება გამოიწვია. მალე აბაზგებმა გადაწყვიტეს თავისუფლად ეცხოვრათ და

⁵¹⁸ . წყაროებიდან არ ჩანს, რომ აბაზგია V ს. ჩამოცილდა ლაზიკას, როგორც წერდა ა. ბოგვერაძე (საქართველოს ისტორიის ნარკვევები, ტ. 2, გვ. 258). ეს მოხდა შედარებით გვიან (აქვე, გვ. 83).

⁵¹⁹ . სამეგრელო, კოლხეთი, ოდიში (თ. ბერაძე), გვ. 107-108.

⁵²⁰ . იქვე, გვ. 109-112.

⁵²¹ . დ. ლეთოდიანი. ძიებანი. თბ., 2003, გვ. 121.

⁵²² . მ. შურიდის გამოუქვეყნებელი წერილის მიხედვით, იუსტინიანე I-მა აბაზგებისათვის ტაძარი ააშენა ლიხნში, სადაც რომაული სტილის უბეულესი ეკლესიის ნაშთებია აღმოჩენილი. სხვა მოსაზრებები იხ.: ჯ. გამახარია. აფხაზეთი და მართლმადიდებლობა, გვ. 71-72.

⁵²³ . ბ. კუდავა. დასავლეთ საქართველოს ეკლესია (IX-XI სს.). საკანდ. დის. თბ., 2002, გვ. 12, 13.

⁵²⁴ . ბ. დიასამიძე. დასახ. ნაშრომი, გვ. 157; ბ. კუდავა. დასახ. ნაშრომი, გვ. 14. სებასტოპოლისის ეპისკოპოსის V მსოფლიო საეკლესიო კრებაზე დასწრების ფაქტს საეჭვოდ მიიჩნევს ანანია ჯაფარიძე. – იხ. მისი: მსოფლიო საეკლესიო კრებები ქართველ ეპისკოპოსთა მონაწილეობით. თბ., 2003, გვ. 11.

⁵²⁵ . ბ. დიასამიძის აზრით, VI ს. 60-70-წლებში მოხდა სებასტოპოლისის ეპისკოპოსის აყვანა არქიეპისკოპოსის ხარისხში, ამ გზით ბიჭვინთის საეპისკოპოსოსათვის პირველობის ჩამორთმევა, ბიზანტია-ირანის გაჯიანურებული ომის პირობებში ერთგული და ძლიერი მხარდამჭერის შექმნა.

მოსპეს მეფობა, მაგრამ რომაელთა მიერ შემოღებული წესები კიდევ უფრო აუტანელი აღმოჩნდა. ისინი განუდგნენ რომაელებსაც და ლაზებსაც. „იმის შიშით, რომ ამიერიდან რომაელთა მონებად არ გამხდარიყვნენ, – წერდა პრ.კესარიელი, – მათ კვლავ დაიყენეს თავისთვის მთავრები, აღმოსავლეთის ნაწილისათვის ოფსიტე სახელად, ხოლო დასავლეთისათვის სკეპარნა“⁵²⁶. თბერადის ვარაუდით, ამაში ეგრისის მეფის ხელიც ერია, რასაც ადასტურებდა აღმოსავლეთ აფხაზეთში ოფსიტეს – გუბაზ II-ის ბიძის გამოთავრება; ეგრისის სამეფო სახლის ამ წარმომადგენლის შთამომავლები იყვნენ, – ფიქრობს თბერადე, – აფხაზეთა ერისთავები, რომლებსაც ლეგიტიმური უფლება ჰქონდათ ეგრისზე⁵²⁷. საყურადღებო მოსაზრებაა.

აბაზგებმა არა მარტო მთავრები დაიყენეს ხელახლა, არამედ ფარულად სპარსელებს მიეკედლნენ (მათთან მოსალაპარაკებლად სკეპარნა გაემგზავრა), რაც მალე გამოძულანდა და იუსტინიანეს განრისხება გამოიწვია. აბაზგთა წინააღმდეგ 550წ. მან დიდძალი ჯარი გამოგზავნა ბესსას მეთაურობით. გადამწყვეტი ბრძოლები ტრაქეას (ახალ ათონთან თუ გაგრასთან) ციხის მიდამოებში გაიმართა. რომაელები სასტიკად გაუსწორდნენ აბაზგებს; ოფსიტემ გაქცევა მოახერხა და თავი ჰუნებს შეაფარა; დანარჩენები კი, – წერდა პრ. კესარიელი, – ან ფერფლად იქცნენ გადამწვარ სახლებთან ერთად, ან მტრის ხელში ჩავარდნენ. რომაელებმა დაატყვევეს მთავართა ცოლები მთელი მათი შთამომავლობითურთ, ციხის გალავანი კი მიწასთან გაასწორეს და მთელი მიწა-წყალი უდაბნოდ აქციეს. ასე დასრულდა აბაზგების განდგომა“⁵²⁸.

იმავე ხანებში (552წ.) მოხდა აფსილების განდგომაც. ლაზთა მეფე გუბაზთან დაპირისპირებულმა აფსილეთის მაგისტროსმა, წარჩინებულმა ლაზმა თერდეტმა⁵²⁹ წებელის ციხე სპარსელებს ჩააბარა. მაშველი ძალა არსაიდან ჩანდა, რომაელები და ლაზები პეტრასთან ირანელების წინააღმდეგ ბრძოლით იყვნენ დაკავებულნი. ინიცი- ატივა თავის თავზე აიღო ციხის უფროსმა, რომელმაც ვერ აიტანა ირანელთა ჯარის მეთაურის მხრიდან მისი აფსილი მეუღლის შეურაცხყოფა და ციხეში შემოსული სპარსელები დამით ერთიანად ამოწყვიტა. ამის შემდეგ აფსილები „კოლხებს გადაუდგნენ და ამბობდნენ, რომ კოლხებმა არ ისურვეს დახმარება აღმოეჩინათ მათთვის, როდესაც ისინი სპარსელების მხრით განსაცდელში იყვნენ ჩაყენებული, მაგრამ გუბაზმა გაგზავნა მათ წინააღმდეგ ათასი რომაელი და იოანე თომას ძე... მან თავი მოუქონა მათ და უბრძოლველად შეძლო დამორჩილება და ისინი კვლავ ლაზთა ქვე- შევრდომები გახდნენ“⁵³⁰. ეგრისელებმა და რომაელებმა ირანელები აფხაზეთიდან მთლიანად განდევნეს.

დაპირისპირება ორ დიდ სახელმწიფოს შორის ამით არ დასრულებულა. ბიზანტიე- ლებმა მიწასთან გაასწორეს პეტრას ციხე-სიმაგრე, მისი მცველი ირანელები კი ერთი- ანად ამოხოცეს; სასტიკი მარცხი განიცადა ირანელთა ჯარმა არქეოპოლისთან, მაგრამ მოახერხა ქუთაისში გამაგრება. 552 წელს დადებული ხუთწლიანი ზავით მხოლოდ ირანელებმა ისარგებლეს. ერთმა წარჩინებულმა ლაზმა მათ უქიმერიონის ციხე ჩააბარა, რის შემდეგაც ლენხუმი და სვანეთიც ირანელთა ხელში გადავიდა. მათ დაიკავეს აგრეთვე ტელეფისის ციხე (ტოლების მიდამოებში).

გუბაზ მეფე, რომელიც ბიზანტიელთა ერთგული დარჩა, კეისარს მისი სარდლების სამარცხვინო საქციელის შესახებ აცნობებდა, რაც გახდა მიზეზი მეფის ვერაგული მკვლელობისა (554წ.). აღშფოთებულმა ლაზებმა თათბირის შემდეგ მაინც ბიზანტიასთან კავშირი არჩიეს იმ პირობით, რომ გუბაზის მკვლელები სასტიკად დაისჯებოდნენ. კეისარმა ლაზთა ეს მოთხოვნა დააკმაყოფილა. ახალი მეფე წათე II პატივით გამოსიტუმრეს სამშობლოში. საშინაო საკითხებში იგი მთლიანად დამოუკიდებელი იყო⁵³¹.

⁵²⁶ . გეორგიკა, ტ. 2, გვ. 156, 157.

⁵²⁷ . სამეგრელო, კოლხეთი, ოდიში, გვ. 112; ს. ყაუხჩიშვილის აზრით, გუბაზ მეფის ბიძა ოფსიტე და აფხაზეთის ერთ-ერთი მმართველი ოფსიტე სხვადასხვა პიროვნებები არიან. – გეორგიკა, ტ. 2, გვ. 156.

⁵²⁸ . გეორგიკა, ტ. 2, გვ. 161.

⁵²⁹ . სეპარატისტები მკითხველებს უმაღავენ, რომ თერდეტი იყო არა უბრალოდ „ლაზი წარჩინებული, რომელსაც კარგად იცნობდნენ აფსილები“ (. . . , გვ. 88.), არამედ ამ მხარის მმართველი.

⁵³⁰ . გეორგიკა, ტ. 2, გვ. 164-165.

⁵³¹ . საქართველოს ისტორიის ნარკვევები, ტ. 2, გვ. 259-265; სამეგრელო, კოლხეთი, ოდიში (თ. ბერადე), გვ. 113-115.

ბიზანტიელმა სარდალმა სოტერიქემ, რომელიც წათეს კონსტანტინოპოლიდან გამოაყოფეს, თავისი საქციელთ მისიმიელთა თემი ააჯანყა. დადგენილია, რომ ეს თემი აფხაზეთის თანამედროვე ტერიტორიაზე, კოდორის ხეობაში ცხოვრობდა; ეჭვს არ იწვევს მისი სვანური წარმომავლობაც⁵³². როგორც აგათია სქოლასტიკოსი წერდა, მისიმიანები „კოლხთა ქვეშევრდომნი არიან მსგავსად აფსილებისა, ხოლო განსხვავებულ ენაზე ლაპარაკობენ და სხვა კანონებსაც მისდევენ. ისინი ამ აფსილთა ტომზე უფრო ჩრდილოეთით ცხოვრობენ, ოდნავ აღმოსავლეთისაკენ“⁵³³. აფშილებისგან განსხვავებული ენა – სვანური მეტყველებაა, ჩრდილო-აღმოსავლეთი მხარე კი – კოდორის ხეობა.

555წ. ბუქლოსის ციხეში ჩასული სოტერიქე მოკავშირე კავკასიელ ხალხთა წარმომადგენლებს ფულს ურიგებდა. მისიმიელებმა იფიქრეს, რომ ბიზანტიელ სარდალს ამ ციხის აღანებისათვის გადაცემა სურდა, ამიტომ დელეგაცია მიუგზავნეს და იქაურობის დატოვება მოსთხოვეს. სოტერიქემ დელეგაციის წევრები აცემინა, რითაც შეურაცხყოფა მიაყენა მთელ თემს. აღდეგებული მოსახლეობა ღამით ბიზანტიელთა ბანაკში შეიჭრა და ყველა დახოცა, წაიღო იარაღი და ფული. იმავდროულად, მისიმიელებმა დახმარებისათვის იბერიაში მყოფ ირანელებს მიმართეს, თავის მხრივაც მხარდაჭერა აღუთქვეს. „ჩვენი ქვეყანა მდებარეობს კოლხეთის ზემოთ, ის თქვენ სანდო საყრდენ ადგილად გამოგადგებათ და მტრის წინააღმდეგ სასიმაგრო ფარად“⁵³⁴. – განუცხადა მისიმიელთა დელეგაციამ ირანელ სარდალს. ეს ყოველივე მაშინვე გახდა ცნობილი ბიზანტიელებისათვის. მათ ჯერ ნახორაგანის (ვინც მიიღო მისიმიელთა დელეგაცია) სარდლობით ეგრისში შემოჭრილი ირანელთა ჯარი დაამარცხეს და დაიწყეს მზადება მისიმიანეთის დასალაშქრავად. ირანელთა გააქტიურებასთან დაკავშირებით, გაზაფხულისათვის დაგეგმილი ოპერაციის განხორციელება ზამთრის დადგომამდე ვერ მოხერხდა. ბიზანტიელთა ლაშქარი თავიდან აფშილეთში ჩავიდა; იქიდან მისიმიელებს ელჩები (აფშილები) გაუგზავნეს და კონფლიქტის მშვიდობიანი მოგვარება შესთავაზეს. ეს წინადადება არ იქნა მიღებული; უფრო მეტიც, მისიმიელებმა ელჩებიც დახოცეს. მიუხედავად მისიმიელთა მხრიდან მედგარი წინააღმდეგობისა და თავდადებისა, ბიზანტიელები სასტიკად გაუსწორდნენ ამბოხებულებს, დახოცეს 5 ათასამდე ვაჟკაცი, უფრო მეტი ქალი და კიდევ უფრო მეტი ბავშვი⁵³⁵. ამის შემდეგ ბიზანტიელებმა წამოიყვანეს მძევლები, დაიბრუნეს გატაცებული ფული და დიდძალი ნადავლით უკან გაბრუნდნენ; მისიმიელებს კი უფლება მისცეს, „კვლავ თავიანთ ნებაზე ეცხოვრათ საკუთარ ქვეყანაში

და ძველებური ცხოვრება გაეგრძელებინათ“⁵³⁶. მისიმიელთა ქართული თემი ბიზანტიელთა მიერ ჩადენილი ბარბაროსობის შედეგად დასუსტდა და VIII ს. შუახანების შემდეგ ისტორიულ არენაზე არ ჩანს. სავარაუდოდ, მათ კიდევ უფრო ჩრდილოეთით, სვანეთისაკენ გადაიწიეს და უსაფრთხო ადგილებში დასახლდნენ. ადგილზე დარჩენილებმა XVIII ს. ბოლოდან აფსუიზაცია განიცადეს და მოგვიანებით მუჰაჯირებად იქცნენ.

562 წელს „დიდი ომიანობა ეგრისში“ დასრულდა ოცწლიანი ზავით. დასავლეთ საქართველოში ირანელები მხოლოდ სვანეთში რჩებოდნენ. 575 წელს ბიზანტია-ეგრისის ჯარმა ირანული ორიენტაციის სვანეთის მთავარი დაატყვევა, რის შემდეგაც სპარსელებმა მთლიანად ამოიკვეთეს ფეხი ეგრისის სამეფოდან⁵³⁷. ეგრისში, რომლის ქვეშევრდომებად კვლავ რჩებოდნენ აფშილეთი, მისიმიანეთი და აბაზგია (ყველანი ერთად კი – ბიზანტიის გავლენის სფეროში) დროებით მშვიდობიანობამ დაისადგურა. ზ.ანჩაბადის მტკიცებით, აბაზგია VII ს. შუახანებიდან უშუალოდ ბიზანტიას ექვემდებარებოდა, აფშილეთი და მისიმიანეთი კი ლაზიკის ვასალებად რჩებოდნენ⁵³⁸.

⁵³² . ს. ყაუხჩიშვილი. მისიმიანთა ტომი. – თსუ-ს შრომები, ტ. 1, თბ., 1936, გვ. 277-280; თ. მიბზუანი. დასავლეთ საქართველო..., გვ. 128-143; გ. გასვიანი. ვინ იყვნენ მისიმიანები. – ცხუმი, 1990, №3, გვ. 23-42. და ა.შ.

⁵³³ . გეორგიკა, ტ. 3, გვ. 86.

⁵³⁴ . იქვე, გვ. 155.

⁵³⁵ . იქვე, გვ. 156-157, 160-174.

⁵³⁶ . იქვე, გვ. 174.

⁵³⁷ . სამეგრელო, კოლხეთი, ოდიში (თ. ბერაძე), გვ. 117.

⁵³⁸, გვ. 48, 49.

უფრო სწორი უნდა იყოს პინგოროყვას მოსაზრება VII. პირველ ნახევარში ლაზეთის სამეფოსაგან აბაზგიის გამოყოფის მხოლოდ მცდელობის შესახებ. ეკლესიური გამიჯვნაც ბოლომდე ვერ განხორციელდა⁵³⁹; პოლიტიკურად აბაზგია „ერთგვარად განკერძოებულ ადგილს იჭერს ლაზეთის მხარეთა შემადგენლობაში. იგი თუმცა ლაზეთის ქვეყნის ნაწილად ითვლება (და მოსახლეობის შემადგენლობითაც ქართულია), მაგრამ პოლიტიკური გავლენა ბიზანტიისა აქ უფრო ძლიერია, ვიდრე ლაზეთის სხვა მხარეებში. ასეთი მდგომარეობა შეიქმნა მე-6 საუკუნეში და გაგრძელებულა მე-7-8 საუკუნეშიც“⁵⁴⁰. პინგოროყვას ამ მოსაზრების ბოლო ნაწილი მეტ დასაბუთებას და დაკონკრეტებას მოითხოვს ისევე, როგორც მტკიცება VII. მეორე ნახევარში ლაზეთში მეფობის გაუქმების შესახებ⁵⁴¹. მეფობის გაუქმება და ლაზიკისგან აბაზგიის გამოყოფა შემდგომში განვითარებულმა მოვლენებმა განაპირობეს.

VIII. დასაწყისში, 604 წელს ირანმა საბაბად გამოიყენა კონსტანტინოპოლში მომხდარი სახელმწიფო გადატრიალება, განაახლა საომარი მოქმედებები და მოკლე ხანში ბიზანტიას გამანადგურებელი დარტყმები მიაყენა, დაიპყრო მისი ტერიტორიის დიდი ნაწილი. მძიმე მდგომარეობიდან იმპერიის გამოყვანის მიზნით სენატმა საიმპერატორო ტახტზე ენერგიული მმართველი ჰერაკლე (610-641წწ.) აიყვანა. VIII. 20-იან წლებში მან გადაწყვიტა იერიში მიეტანა ირანზე. ამ სამკვდრო-სასიცოცხლო ბრძოლებში ერთხანს იბერია, ლაზიკა და აბაზგიაც მონაწილეობდნენ, მაგრამ მათ მხარი არ დაუჭერიათ ირანში შეჭრის ჰერაკლესეული გეგმისათვის, ხოლო როცა სპარსელთა ჯარი კეისარს წამოეწია და კრიტიკული მდგომარეობა შეიქმნა, ლაზებსა და აბაზგებს უარი უთქვამთ მოკავშირეობაზე და შინისაკენ გაბრუნებულან⁵⁴². ეს ფაქტი ცხადად მეტყველებს ქართული პოლიტიკური ერთეულების დამოუკიდებლობის საკმაოდ მაღალ ხარისხზე.

ირანთან ომში ბიზანტიას უფრო საიმედო და ძლიერი მოკავშირე სჭირდებოდა. ასეთი აღმოჩნდა ხაზარეთი, რომლის დახმარებით ჰერაკლე კეისარმა 627-628წწ. დაამარცხა ირანი და მთელ ამიერკავკასიაზე დიდი ხნით ბიზანტიელთა ჰეგემონია დაამყარა⁵⁴³. ბიზანტიამ სწორედ VIII. 20-იან წლებში აბაზგია გამოიყვანა ლაზიკის სამეფოს დაქვემდებარებიდან, დაიმორჩილა უშუალოდ და ანაკოფიაში დასვა თავისი არქონტი – ქართული წყაროების „აფხაზეთის ერისთავი“⁵⁴⁴. იმავე პერიოდში უნდა მომხდარიყო ეკლესიური გამიჯვნაც, რასაც ადასტურებს ჰერაკლეს მმართველობის დროს შედგენილი I ნოტიცია – კონსტანტინოპოლის საპატრიარქო კათედრათა ნუსხები. ჩრდილო-დასავლეთ საქართველოს ტერიტორიაზე დაფიქსირებულია ჯიქეთის ეპარქიაში შემავალი ნიკოფსისის ავტოკეფალური

საარქიეპისკოპოსო, აბაზგიის ეპარქიაში შემავალი სებასტოპოლისის ავტოკეფალური საარქიეპისკოპოსო და ლაზიკის (ფაზისის სამიტროპოლიტო) ეპარქიაში შემავალი ზიგანევის (გუდავის) საეპისკოპოსო⁵⁴⁵. აბაზგიის ეპარქია მოიცავდა აფშილეთსაც, რომლის მთავარ ქალაქ სებასტოპოლისში იყო განლაგებული ავტოკეფალური საარქიეპისკოპოსო.

იშუამინდელი „ავტოკეფალური საარქიეპისკოპოსო“ თანამედროვე გაგებით სამოციქულო ეკლესიის დამოუკიდებლობას არ ნიშნავდა, როგორც ეს ე.ა.ჯინჯალს წარმოუდგენია, არამედ უშუალოდ კონსტანტინოპოლისადმი დაქვემდებარებულ საეკლესიო ცენტრს, რომლის დამოუკიდებლობა იყო ფორმალური, რეალურ შინაარსს მოკლებული.

⁵³⁹ . ბ. კუდავას აზრით, სებასტოპოლისის საეპისკოპოსო ფაზისის მიტროპოლიტს ექვემდებარებოდა (ბ. კუდავა. დასახ. ნაშრომი, გვ. 185-187.)

⁵⁴⁰ . პ. ინგოროყვა. დასახ. ნაშრომი, გვ. 194.

⁵⁴¹ . იქვე, გვ. 191.

⁵⁴² . .

2, გვ. 379-380.

⁵⁴³ . საქართველოს ისტორიის ნარკვევები, ტ. 2, გვ. 281-283.

⁵⁴⁴ . .

, გვ. 36-37; საქართველოს ისტორიის ნარკვევები, ტ.

, გვ. 37; Д. Мусхелишвили. Исторический статус

Абхазии в грузинской государственности. – Разыскания по истории Абхазии/Грузия, гв. 125.

⁵⁴⁵ . ჯ. გამახარია. აფხაზეთი და მართლმადიდებლობა, გვ. 79, 100 (სქოლიო 137). ბ. დიასამიძე სებასტოპოლისის საეპისკოპოსოს ავტოკეფალურ საარქიეპისკოპოსოდ გარდაქმნას VI ს. 70-იან წლებში ვარაუდობს (ბ. დიასამიძე. დასახ. ნაშრომი, გვ. 161).

ასე ესმის „ავტოკეფალია“ მეორე აფხაზ მკვლევარს დ.დბარს⁵⁴⁶. სებასტოპოლისის ავტოკეფალური საარქიეპისკოპოსოს დაფუძნება განაპირობა, ალბათ, იმ გარემოებამ, რომ მისი იურისდიქცია ვრცელდებოდა ორ, ერთმანეთისაგან დამოუკიდებელ (აბაზგია და ლაზიკის შემადგენლობაში შემავალი აფშილეთი) პოლიტიკურ თუ ადმინისტრაციულ ერთეულზე; როგორც იმპერიის ინტერესების გამომხატველი და დამცველი, ის იყო დამოუკიდებელი, სავარაუდოდ, არა მხოლოდ ფაზისის სამიტროპოლიტოსაგან⁵⁴⁷, არამედ ბიზანტიისათვის ნაკლებად სანდო აბაზგია-ეგრისის მმართველთაგანაც. ეტყობა, ეს უკანასკნელი ფაქტორი (საერო მმართველებისაგან დამოუკიდებლობა) ძალიან მნიშვნელოვან როლს თამაშობდა. ამან განაპირობა, ალბათ, ჩრდილო-აღმოსავლეთ შავიზღვისპირეთში ავტოკეფალურ საეპისკოპოსოთა სიმრავლე. მხოლოდ ჯიქეთის ეპარქიაში სამი (ხერსონის, ბოსფორისა და ნიკოფსიის), მთლიანად კონსტანტინოპოლის დაქვემდებარებაში კი 41 ასეთი კათედრა იმყოფებოდა⁵⁴⁸. აშკარაა მათი კავშირი იმპერიის პოლიტიკურ მიზნებთან და ამოცანებთან.

არსებობს მოსაზრება, რომ კონსტანტინოპოლს დაქვემდებარებული და ბიზანტიის ინტერესების სამსახურში მყოფი კათედრების პარალელურად არსებობდნენ ადგილობრივი ქართული საეკლესიო ცენტრებიც⁵⁴⁹. ეკლესიური გაუცხოება, შესაძლოა, დაიწყო უკვე VIII ს., როცა იმპერიაში იმძლავრეს მონოთელიტებმა, როცა თანამოაზრეებთან ერთად ლაზიკაში გადასახლებული ამ მიმდინარეობის მთავარი მოწინააღმდეგე მაქსიმე აღმსარებელი 662წ. საქართველოში გარდაიცვალა და ლენხუმში დაიკრძალა⁵⁵⁰. ეს გაუცხოება კიდევ უფრო გაღრმავდა ე.წ. ხატმებრძოლობის პერიოდში (VIII ს. 20-იანი – IX ს. 40-იანი წლები) და საქმე განხეთქილებამდეც მივიდა. ანანია ჯაფარიძის აზრით, უკვე VIII ს. I ნახევარში დასავლეთ საქართველო ეკლესიურად ბიზანტიას გამოეყო. ამასთან იგი ეყრდნობა 1669-1702წწ. იერუსალიმელი პატრიარქის დოსითეოსის ასეთ ცნობას: „ერეკლეს შემდეგ (610-641წწ. – ავტ.) ლევ ისავროსამდე (717-741წწ. – ავტ.) ქვემო იბერია უკვე იყო ავტოკეფალური საარქიეპისკოპოსო, მაგრამ ჩვენ არ ვიცით რომელი იმპერატორის დროს და რომელ კრებაზე მიანიჭეს მას ავტოკეფალია. ქვემო იბერიის კათალიკოსი პატივით უფრო მეტია ზემო იბერიის კათალიკოსზე, რადგანაც ის უკვე ისავროსის დროს, 720 წელს კათალიკოსი იყო ქვემო იბერიისა“⁵⁵¹. ანტიოქიის პატრიარქ მაკარის (1648-1672 წწ.) მიხედვით, ქართველთა პირველი კათალიკოსის – იოანეს კურთხევა (რომელსაც ტახტი აფხაზთა ქვეყანაში ედგა) მოხდა თეოფილაქტე ანტიოქიელის დროს⁵⁵². ვგოილაძე ამტკიცებს, რომ 744-750წწ. ანტიოქიაში ხელდასხმული იოანე ნამდვილად იყო დასავლეთ საქართველოს პირველი კათალიკოსი⁵⁵³. აფხაზთა სამეფოს შექმნამდე იგი, სავარაუდოდ, ბიჭვინთის კათალიკოსის ტიტულს ატარებდა და იმთავითვე გამოიწველი იყო კონსტანტინოპოლის საპატრიარქოსაგან. ბიჭვინთის კათედრა აბაზგიის გაძლიერებასთან ერთად ვითარდებოდა როგორც ხატმებრძოლობის საპირწონე მნიშვნელოვანი ქართული საეკლესიო ცენტრი. სავსებით დამსახურებულად იქცა იგი დასავლეთ საქართველოს

საკათალიკოსო კათედრად. 758წ. სწორედ ბიჭვინთაში მოხდა გუთელი ეპისკოპოსის ხელდასხმაც.

ამრიგად, დასავლეთ საქართველოს ეკლესიური გაერთიანება, მისი გამოიწვევა კონსტანტინოპოლის საპატრიარქოსაგან⁵⁵⁴ წინ უსწრებდა მთელი ამ რეგიონის პოლიტიკურ გაერთიანებას, იმპერიისაგან გამოყოფას და სახელმწიფოებრივი

⁵⁴⁶ . . . დასახ. ნაშრომი, გვ. 4-5 (დ. დბარის წინასიტყვაობა), 85-87.

⁵⁴⁷ . ანანია ჯაფარიძე მიიჩნევს, რომ ფაზისის მიტროპოლიტს ექვემდებარებოდნენ ჩრდილო-აღმოსავლეთ შავიზღვისპირეთის ავტოკეფალური საარქიეპისკოპოსოებიც (იხ. მისი: მსოფლიო საეკლესიო კრებები, გვ. 25-27).

⁵⁴⁸ . ჯ. გამახარია. აფხაზეთი და მართლმადიდებლობა, გვ. 81.

⁵⁴⁹ . იქვე, გვ. 88-89.

⁵⁵⁰ . ქართლის ცხოვრება, ტ. 4, გვ. 749.

⁵⁵¹ . ანანია ჯაფარიძე. საქართველოს სამოციქულო ეკლესიის ისტორია, ტ. 2, თბ., 1999, გვ. 90-91.

⁵⁵² . არმაღანი. აღმოსავლური მწერლობის ნიმუშები. თბ., 1932, გვ. 89-90.

⁵⁵³ . ვ. გოილაძე. ქართული ეკლესიის სათავეებთან. თბ., 1991, გვ. 169-178. ვ. გოილაძის მოსაზრებას არ იზიარებს ბ. კუდავა (დასახ. ნაშრომი, გვ. 135).

⁵⁵⁴ . აფხაზეთის საკათალიკოსოს VIII ს. შუახანებში ჩამოყალიბების შესახებ მოსაზრებებს იზიარებს დ. დბარი (. . . დასახ. ნაშრომი, გვ. 5-8).

დამოუკიდებლობის მოპოვებას. დამოუკიდებელი ქართული ეკლესიის არსებობა ხელს უწყობდა ერის კონსოლიდაციას, ქართულ ენაზე ღვთისმსახურების აღდგენა – ეროვნული კულტურის აღორძინებასა და განვითარებას. ეს ყოველივე კი უთუოდ თამაშობდა კატალიზატორის როლს პოლიტიკური პროცესების დაჩქარების საქმეში.

VII. შუახანებსა და მეორე ნახევარში აფხაზეთში არსებული პოლიტიკური ვითარების თაობაზე წარმოდგენას გვიქმნის იერუსალიმელი მონაზონი თეოდოსი განგრელი, რომლის თხზულებაში ავტორის მოგონებებთან (668-669წწ.) ერთად შეტანილია 662წ. ლაზეთში გადასახლებული ბიზანტიელი მოაზროვნისა და ღვთისმეტყველის მაქსიმე აღმსარებლის ცხოვრების უკანასკნელი წლების შესახებ ცნობების შემცველი ანასტასი აპოკრიფის (მაქსიმესთან ერთად იყო ლაზეთში გადასახლებული) წერილი⁵⁵⁵. მისგან ვიგებთ, რომ ლაზიკა და აბაზგია ერთმანეთისგან დამოუკიდებელი, ბიზანტიის დაქვემდებარებაში მოქცეული პოლიტიკური ერთეულებია; მათ არ ჰყოლიათ მეფეები და კონსტანტინოპოლიდან დანიშნული პატრიკიოსების მიერ იმართებოდნენ. თანამედროვე აფხაზეთის ტერიტორიის უმეტესი ნაწილი აფშილეთისა (მდ.კელასურიდან მდ.გუმისთამდე თუ ანაკოფიამდე) და მისიმიანეთის (კოდორის ხეობა) ჩათვლით ლაზიკის შემადგენლობაშია (საკუთრივ ლაზიკის საზღვრები კელასურამდე აღწევდა). აშკარად ჩანს აბაზგიის დაწინაურების ტენდენციაც. ლაზიკის დამსობილი მთავრები აბაზგიაში გარბიან; იქ მიღებული რჩევებისა და მხარდაჭერის წყალობით ერთ-ერთმა დროებით პატივიც დაიბრუნა. ლაზიკა და აბაზგია ქრისტესმოყვარე ქვეყნებია; ქრისტესმოყვარენი არიან აბაზგიის მმართველებიც. ლაზიკის მმართველი გრიგოლი მოიხსენიება როგორც „ღვთივდაცული პატრიკიოსი და მაგისტროსი“, რომლის პირველი სახლი ჯიხახორაში (თანამედროვე ოჩამჩირის თუ გუღრიფშის რ-ნში) მდებარეობდა; ცნობილი ხდება ლაზიკის კიდევ ერთი მმართველის – ლებარნიკოსის სახელი, რომელსაც თეოდოსი განგრელი პირადად ესაუბრა. აღსანიშნავია ის გარემოება, რომ ლაზიკის, განსაკუთრებით აბაზგიის მმართველები კეთილდამოკიდებულებას ამჟღავნებდნენ გადასახლებულთა მიმართ; ამით ისინი ეურჩებოდნენ ბიზანტიის მონოთელიტურ საერო ხელისუფლებას და ასევე კონსტანტინოპოლის მონოთელიტურ საპატრიარქოს.

VIII. შუახანებიდან საქართველო ახალი – არაბული საფრთხის წინაშე აღმოჩნდა; საუკუნის ბოლოსათვის მუჰამედის მიმდევრებმა მტკიცედ მოიკიდეს ფეხი ქართლში. 697 წელს ლაზიკის პატრიკიოსი სერგი ბარნუკის ძე ბიზანტიელებს აუჯანყდა და ქვეყანა არაბებს გადასცა. VIII. დასაწყისში არაბების ხელში აღმოჩნდა მთელი დასავლეთ საქართველო აბაზგიისა და კოდორის ხეობის ჩათვლით⁵⁵⁶. ბიზანტიამ სცადა დასავლეთ საქართველოდან არაბების განდევნა და რეგიონზე კონტროლის აღდგენა. ამ მიზნით კეისარმა ვარდან ფილიპიკოსმა (711-713წწ.) ქართლის ერისმთავარ სტეფანოზ III-ს (710-738წწ.) ეგრისის (დასავლეთ საქართველოს აფხაზეთის ჩათვლით) ერისმთავრობაც უბოძა და არაბთა წინააღმდეგ ბრძოლა უბრძანა⁵⁵⁷. 712 წელს სტეფანოზ III და მისი უფროსი ვაჟი მირი გადავიდნენ ეგრისში, სადაც ბიზანტიელებთან ერთად მონაწილეობა მიიღეს ციხე-გოჯის არაბთაგან განთავისუფლებისათვის ბრძოლაში. 714წ. შემოდგომაზე დარუბანდის გავლით ხაზარეთიდან მობრუნებული არაბი სარდალი მასლამა იბნ აბდ-ალ-მალაქი სტეფანოზის დასჯის მიზნით უზარმაზარი ლაშქრით ჯერ ქართლში, შემდეგ კი ეგრისში შეიჭრა. ბიზანტიელები და იბერები იძულებულნი გახდნენ მოეხსნათ ალყა ციხე-გოჯისათვის. ბიზანტიელთა ძალებმა ფაზისისაკენ დაიხიეს, მირმა და არჩილმა (რომელიც ასევე გამოექცა ქართლში შემოსულ მასლამას) თავი აფხაზეთს შეაფარეს და ანაკოფიაში გამაგრდნენ. აქ მოსული არაბთა ლაშქარი ქართველებმა სასტიკად დაამარცხეს. სტეფანოზ III ამ დროს, როგორც თბერაძე და მ.სანაძე

⁵⁵⁵ . გეორგიკა, ტ. 4, წ. 1, გვ. 38-56.

⁵⁵⁶ . ა.

, გვ. 38; საქართველოს ისტორიის ნარკვევები, ტ. 2,

გვ. 285-288.

⁵⁵⁷ . დასავლეთ საქართველოში არაბთა წინააღმდეგ ბრძოლის ისტორიის, სტეფანოზ III-ის, არჩილის, მირისა და აფხაზეთის მთავრის ლეონ I-ის მოღვაწეობის გაშუქებისას ვეყრდნობით მ.სანაძისა და თბერაძის ახალ, ყოველმხრივ დასაბუთებულ მოსაზრებებს (მ.სანაძე, ერისმთავრები არჩილი და მირი და „ქართლის ცხოვრება“. – მესხეთი, 2001, IV, გვ. 71-88; თ. ბერაძე, მ. სანაძე, საქართველოს ისტორია, ნაწ. I. თბ., 2003, გვ. 97-99; მ. სანაძე, თ. ბერაძე, VIII ს-ს I ნახევრის ქართლისა და ეგრისის პოლიტიკური ისტორიიდან. – ქართული წყაროთმცოდნეობა, 2004, X, გვ. 70-81).

ვარაუდობენ, ცოცხალია და იმყოფება შვილებთან (რაც ნაკლებ სავარაუდოა), ან ფაზისში – ბიზანტიელთა ბანაკში.

სტეფანოზისა და მისი ვაჟების ეგრისში მოღვაწეობის პირველი პერიოდის ზუსტმა დათარიღებამ და იმ არაბი სარდლის ვინაობის გარკვევამ (მასლამა), რომელთანაც 714წ. ქართველებს ბრძოლა მოუხდათ, თბერაძეს და მ.სანაძეს საშუალება მისცა სხვადასხვა წყაროთა (მოსე კალანკატვაცის „აღვანთა ისტორია“, მირისა და არჩილის ცხოვრების ამსახველი „ქრონიკა“, ატენის წარწერები, თეოფანე უამთააღმწერლის ცნობები) შეჯერებით დაედგინათ დასავლეთ საქართველოში არაბთა ორგზის – ჯერ მასლამას (714წ.), შემდგომში კი მურვან ყრუს (738წ.) სარდლობით - ლაშქრობის ფაქტი, აგრეთვე იუსტინიანე მეორის (705-711წწ.) ელჩის ლეონ სპათარის (ბიზანტიის კეისარი 717-741 წლებში ლეონ III ისავრიელი) ეგრისსა და ალანიაში ყოფნის ვადები – 711-714წწ. ლეონ სპათარს კეისრისაგან დავალებული ჰქონდა ალანების მოსყიდვა და წაქეზება აბაზგიის წინააღმდეგ იმ დროს, როდესაც სარკინოზებს ეპყრათ აბაზგიაც, ლაზიკაც და იბერიაც⁵⁵⁸, – გვამცნობს თეოფანე უამთააღმწერელი (760-818წწ.). ალანები მართლაც შეიჭრნენ კოდორის ხეობაში და დიდძალი ნადავლით უკან დაბრუნდნენ. აბაზგთა მცდელობა, ხელში ჩაეგდოთ ლევ ისავრიელი ალანებისათვის გაგზავნილი „დიდძალი საჩუქრის“ ფასად, ალანთა ახალი შემოსევით, აბაზგიის დარბევითა და გაძარცვით დასრულდა. ამის შემდეგ აბაზგებმა სიამოვნებით მიიღეს იუსტინიანე II-ის წინადადება მისი ელჩის მათ ტერიტორიაზე უვნებლად გატარების შესახებ; „სამაგიეროდ ყველა თქვენს შეცოდებას გაპატიებთ“⁵⁵⁹, – შემოთვალა კეისარმა. ლევ ისავრიელი არ ენდო აბაზგებს და მხოლოდ „აფსილთა შორის უპირველესის“ – მარინეს (მარიანეს) მეშვეობით სამშვიდობოს გააღწია. გზაში მან მოახერხა ხელში ჩაეგდო ეგრეთწოდებული „რკინის ციხე“, „სადაც მცველად იჯდა ვინმე ფარასმანი, სარკინოზთაგან დაყენებული“⁵⁶⁰. ლეონ ისავრიელმა დაიკავა და დაარბია ეს ციხე, ამის შემდეგ მარიანეს ხელშეწყობით აფშილეტიდან კონსტანტინოპოლში დაბრუნდა. მას თან გააყოლეს არაბებზე გამარჯვების მაუწყებელი მოციქულიც. იმ პერიოდისათვის იუსტინიანე II უკვე მოეკლათ (711წ.), ფილიპიკე დაებრძავებინათ (713წ.) და არტემი (ანასტასი II) მეფობდა (713-716წწ.)⁵⁶¹. მ.სანაძემ და თბერაძემ დაამტკიცეს, რომ არაბებთან ბრძოლის კონტექსტში მოხსენიებული „ერისთავი კეისრისა ლეონ“, რომელიც „შესრულ იყო ციხესა შინა სობლისასა“⁵⁶², არის არა აფხაზეთის ერისთავი ლეონ I, როგორც ეს მიღებულია ისტორიოგრაფიაში, არამედ ალანიიდან მობრუნებული ლეონ ისავრიელი. მან თავისი მისია წარმატებით შეასრულა, აფხაზეთი კვლავ იმპერიას დაუმორჩილა, მაგრამ სამშობლოსკენ გაღწევა ეგრისში არაბთა მძლავრობის გამო გაუჭირდა; მისი ხელშემწყობი მარინე (მარიანე) არის იგივე მირ სტეფანოზის ძე⁵⁶³. თბერაძისა და მ.სანაძის მტკიცებით, ლეონ III ისავრიელმა როგორც კი კეისრის ტახტი დაიკავა (717-741წწ.), ამაგი დაუფასა მირს და არჩილს. 717-718 წლებში კეისარმა მათ ორი – ეგრისისა და ქართლის სამეფო გვირგვინი გამოუგზავნა. შესაბამისად, სტეფანოზ III-ის ტიტულატურამ ერთი საფეხურით „მაღლა აიწია“ – ის გახდა „მეგრელთა და ქართველთა ერისთავთ ერისთავთა უფალი“⁵⁶⁴.

სამხრეთ კავკასია არაბებისა და ხაზარების ხშირი შეტაკებების ასპარეზად იქცა, ამიტომ სტეფანოზ III და მისი ვაჟები ვერც ქართლსა და ვერც ეგრისში თავს მყარად ვერ გრძნობდნენ. მხოლოდ 730წ. შემდეგ, როცა სტეფანოზ III-ის მოწვევით აღმოსავლეთ ამიერკავკასიაში შემოჭრილმა ხაზარებმა არაბები დაამარცხეს, ქართლის მეფის ძალაუფლება მთელ საქართველოზე გავრცელდა. ქვეყნის გაერთიანებას არაბთა ახალი სადამსჯელო ლაშქრობა მოჰყვა. 738წ. ხაზართა მოკავშირე სტეფანოზ მესამესთან საბრძოლველად არაბთა ხალიფამ თავისი ნათესავი, სასტიკი და დაუნდობელი მარვან

558 . გეორგიკა, ტ. 4, წ. 1, გვ. 106-107.

559 . იქვე, გვ. 109.

560 . იქვე, გვ. 111.

561 . იქვე, გვ. 113.

562 . ქართლის ცხოვრება, ტ. 1, გვ. 235

563 . მ. სანაძე, თ. ბერაძე, VIII ს-ის I ნახევრის ქართლისა და ეგრისის პოლიტიკური ისტორიიდან, გვ. 73-75.

564 . იქვე, გვ. გვ. 76.

იბნ მუჰამედი („ქართლის ცხოვრების“ მურვან ყრუ, 744-750წწ. ხალიფა) გამოგზავნა. სტეფანოს

III არჩილთან ერთად კვლავ ეგრისში გადავიდა. მათ მურვან ყრუ დაედევნა. არაბებმა დაამარცხეს და აწამეს არგვეთის ერისთავები დავითი და კონსტანტინე⁵⁶⁵ (ქართული ეკლესიის წმინდანები), აიღეს ციხე-გოჯი, მოაოხრეს შიდა ეგრისი, გადალახეს „კლისურა, რომელი მას ჟამსა იყო საზღვარი საბერძნეთისა და საქართველოსა“, გაანადგურეს ცხუმი და ანაკოფიის ციხეს მიაღვინეს; ციხის შიგნით იყო „ხატი ყოვლად წმინდისა ღმრთისმშობლისა, არა კაცობრივითა ხელითა დაწერილი, არამედ ზეგარდამო... მუნ შინა იყვნენ მაშინ მეფენი ქართლისანი მირ და არჩილ; ხოლო მამა მათი გარდაცვალებულ იყო და დამარხულ ეგრსა შინა“⁵⁶⁶. ქართლისა და ეგრისის მეფეებთან ერთად იმყოფებოდა აფხაზთა ერისთავი ლეონ I ორიათასიანი რაზმით. ანაკოფიასთან ბრძოლაში ქართველები დამარცხდნენ, მირი კი მძიმედ დაიჭრა.

738 წელს არაბებმა კოდორის ხეობაშიც ილაშქრეს და დაიბრუნეს რკინის (სობლის) ციხე. აქ მათ მირის (მარინეს/მარიანეს) ვაჟი ევსტათი შეიპყრეს და ტყვედ წაიყვანეს. თეოფანე ჟამთააღმწერელის ცნობით, 740წ. „არაბთა სარდალმა ისამმა გაუღიბა მისი გამგებლობის ქვეშ მყოფ ყველა ქალაქის ქრისტიანი ტყვეები, მათ შორის იყო ნეტარი ევსტათი, ბრწყინვალე პატრიკოსის მარინეს ძე; ის ძალიან აწვალეს, მაგრამ მან არ უარყო თავისი წრფელი რწმენა და იგი ჭეშმარიტ მარტვილად იქმნა გამოცხადებული ქარანში, სადაც მისი პატიოსანი და წმინდა ნეშთი ყოველგვარ განკურნებას ანიჭებს ხალხს ღვთის წყალობით“⁵⁶⁷.

738-739 წლებში ლეე ისავრიელმა მოაწესრიგა ურთიერთობა მირს, არჩილსა და ლეონ I-ს შორის. ლეონს აფხაზეთი მემკვიდრეობით გადაეცა და ერისმთავრობა ებოძა, ამასთანავე იმპერატორმა მას „მეფეთა და ერთა მაგათ ქართლისათა“ პატივისცემა მოსთხოვა; უბრძანა: „ამიერითგან ნუ ხელგაწიფების ვნებად მათდა და საზღვართა მათთა ეგრისისათა, ვიდრემდის იყვნენ მანდა ანუ განვიდნენ მანდით“⁵⁶⁸.

ეგრისის მეფე მირი ანაკოფიაში მიღებული ჭრილობისაგან გარდაიცვალა, როგორც ჩანს, ვაჟიშვილის – ევსტათის დაღუპვის (740წ.) შემდეგ. ამიტომაც სიკვდილის წინ თავის ძმას არჩილს უთხრა: „და არა მივის ძე – წული შვილი მკვიდრად, არამედ მისხენ შვიდნი ქალნი“⁵⁶⁹. „ეგრისს ვიდრე შორაპნამდე“ დაემკვიდრა მეფე არჩილი⁵⁷⁰. იურიდიულად ის იყო სრულიად საქართველოს მეფე. აფხაზეთის მთავარ ლეონს მან მადლობა უთხრა, „რამეთუ კეთილად იღუაწე სტუმრობა ჩუენი, და დამიცვენ ჩუენ ადგილთა შენთა მშვიდობით: გარნა აწ უწყიეს შენება ადგილთა ჩუენთა კლისურითგან აღმართ. წარვალ და დავეშენები ციხე-გოჯს და ქუთათისს“⁵⁷¹. არჩილი აფხაზეთის მთავარს ნებისმიერი თხოვნის დაკმაყოფილებას დაჰპირდა, „ნაცვლად კეთილისა მსახურებისა“; ლეონმა კი საქართველოს მეფეს ქვეშევრდომობა სთხოვა: „მომცა მე კეისარმან ქუეყანა ესე მკვიდრობით კეთილად სიმხნითა თქუენითა. ხოლო ამიერითგან არს ესე მამულობით სამკვიდრებელ ჩემდა კლისურითგან ვიდრე მდინარემდე დიდად ხაზარეთად, სადა დასწუდების წუერი კავკასიისა ამის. შემრთე მეცა მონათა შენთა თანა, რომელნი – ესე დღეს ღირს ყვენ შვილად და ძმად შენდა. არა მინდა ნაწილი შენგან, არამედ ჩემიცა ესე შენდავე იყოს“⁵⁷². მხედველობაში თუ არ მივიღებთ „მცირე ხაზარეთის“ (მდ.ყუბანის) ნაცვლად „დიდი ხაზარეთის (მდ.დონის) დასახელებას, ლეონის სამფლობელოს ჩრდილო-დასავლეთი საზღვარი („სადა დასწუდების წუერი კავკასიისა“) ზუსტად ემთხვევა ეგროსის სამკვიდროს საზღვარს. ქართული საისტორიო ტრადიციითაც, როგორც ზემოთ ვნახეთ, აფხაზეთის ერისთავები ეგროსის მემკვიდრეები არიან (აქვე, გვ. 63, 65). ვინაიდან აფხაზთა მეფეების ქართული წარმომავლობა

⁵⁶⁵ . დავით და კონსტანტინეს წამება. – ქართული მწერლობა, ტ. I. თბ., 1987, გვ. 488-501.

⁵⁶⁶ . ქართლის ცხოვრება, ტ. I, გვ. 235.

⁵⁶⁷ . გეორგიკა, ტ. 4, წ. 1, გვ. 115, 116 (ს. ყაუხჩიშვილის მიერ დაშვებულია მექანიკური შეცდომა და „ნეტარი ევსტათი“ თარგმნილია, როგორც „ნეტარი მაკარი“; ძველებერძულში მაკარიოსი ნიშნავს ნეტარს);

. „1884, გვ. 301,303; ჯ.გამახარია, ლ. ახალაძე. ნეტარი ევსტათი. – ივერიელი, 2007, №6, გვ. 21.

⁵⁶⁸ . ქართლის ცხოვრება, ტ. I, გვ. 240.

⁵⁶⁹ . იქვე.

⁵⁷⁰ . იქვე, გვ. 243.

⁵⁷¹ . იქვე, გვ. 242.

⁵⁷² . იქვე.

ისტორიოგრაფიაში პრაქტიკულად დამტკიცებულია (აქვე, თავი V), ცხადია, ერისთავი ლეონი (აფხაზთა პირველი მეფის ბიძა) ამ დინასტიის წარმომადგენელია. „აფხაზეთის მეფეთა დივანი“ მისი სახელი, ალბათ, იმიტომ არ არის შეტანილი, რომ ამ დოკუმენტში მოხსენიებული პირებისაგან განსხვავებით, იგი არ ფლობდა ფართო გაგებით აფხაზეთს – დასავლეთ საქართველოს და განაგებდა მხოლოდ მდ.კელასურის ჩრდილო-დასავლეთით მდებარე ტერიტორიებს⁵⁷³.

არჩილ მეფემ თავისი ძმისწული – მირის ქალიშვილი გურანდუხტი ცოლად შერთო ლეონს და მასვე გადასცა „გვირგვინი იგი, რომელი ბერძენთა მეფესა წარმოეცა მირისთვის. და ყვეს აღთქმა და ფიცი საშინელი, ვითარმედ არა იყოს მტერობა შორის მათსა, არამედ ერჩდეს (მორჩილებდეს – ავტ.) ლეონ არჩილს ყოველთა დღეთა მისთა“⁵⁷⁴.

744 წლის შემდეგ, როცა მურვან ყრუმ სამხრეთ კავკასია დატოვა და ხალიფას ტახტიც დაიკავა, არჩილი უმცროს შვილთან ჯუანშერთან ერთად აღმოსავლეთ საქართველოში გადავიდა⁵⁷⁵, ეგრისი კი სამართავად უფროს ვაჟს, იოანეს გადასცა.

ამრიგად, დასავლეთ საქართველოში არაბთა ბატონობის გადაგდებას ქართლის სამეფო სახლის მეთაურობით ეგრისში მეფობის აღდგენა და კვლავ მისი იურისდიქციის აფხაზეთზე გავრცელება მოჰყვა. ერისთავი ლეონი ეგრისის (და ასევე ქართლის) მეფის ვასალი, მორჩილი, ხოლო ქორწინების შემდეგ სამეფო სახლის წევრიც გახდა. სხვა პოლიტიკური ერთეულები VIII ს. შუახანებში უკვე არ ჩანან; ბუნებრივად მოხდა მათი ინტეგრირება ეგრისისა და აფხაზეთის შემადგენლობაში. იმ ვითარებაში, როცა აღმოსავლეთ საქართველო არაბთა მიძიმე უღლის ქვეშ გმინავდა, როცა თბილისში ამირა იჯდა, სახელმწიფოებრიობა სულს დაფავდა, დასავლეთ საქართველოს გაერთიანებისაკენ გადადგმული ეს პირველი ნაბიჯი საეტაპო მნიშვნელობის მოვლენად იქცა ქართული სახელმწიფოებრიობის განვითარებისა და ერის შემდგომი კონსოლიდაციის ისტორიაში.

VIII ს. შუახანების პოლიტიკურ პროცესებთან დაკავშირებით წყაროთა მკაფიო, ცალსახა ჩვენებების მიუხედავად, სეპარატისტები უტიფრად ცრუობენ, შეცდომაში შეჰყავთ საკუთარი მკითხველები და წერენ, რომ ანაკოფიასთან ბრძოლის შემდეგ ლეონ I-ს, თითქოს, ეპყრა ტერიტორია სამხრეთით ციხე-გოჯიდან ენგურამდე. ჩრდილოეთით – კავკასიის ქედამდე; ფალსიფიკატორები არაფერს ამბობენ, იმ „**ფიცი საშინელის**“ შესახებ, რომლის ძალით ლეონ პირველი ეგრისისა და ქართლის მეფის ვასალი, მორჩილი (**„ერჩდეს ლეონ არჩილს“**) გახდა⁵⁷⁶. VIII ს. შუა ხანებში აფხაზეთი დამოუკიდებლობის გზას კი არ დაადგა, როგორც სეპარატისტები ტყუიან⁵⁷⁷, არამედ საკუთარი ნებით ეგრისის სამეფოს ნაწილი გახდა, ხოლო მისი ერისთავი – სამეფო ტახტის კანონიერი მემკვიდრე. უფრო ძლიერი აფხაზეთის ნებაყოფლობით შესვლა დასუსტებული ეგრისის შემადგენლობაში კიდევ ერთი დამატებითი საბუთია შუა საუკუნეების და ადრინდელი პერიოდის ეგრისელთა და აბაზთა (ისტორიულ აფხაზთა) ეთნიკური ერთიანობისა; ამის უტყუარი დასტურია ლეონისათვის ქართული სამეფო გვირგვინის გადაცემის ფაქტიც.

გამომდინარე აქედან და სხვა ზემოთმოტანილი არგუმენტებიდან, სრულიად უსაფუძვლოა აფხაზურ ისტორიოგრაფიაში დამკვიდრებული მოსაზრება VI-VII საუკუნეებში ვითომ არსებული აფხაზური ეროვნებების (народности) – აბაზების, აფსილების, სანიგებისა და მისიმიანების VIII ს. უკვე ერთიან ფეოდალურ ერად ჩამოყალიბების

⁵⁷³ . მირი, არჩილი და იოანეც ფლობდნენ დასავლეთ საქართველოს, მაგრამ „აფხაზეთის მეფეთა დივანი“ ვერ მოხვედნენ, რადგანაც იყვნენ სრულიად საქართველოს მეფეები.

⁵⁷⁴ . ქართლის ცხოვრება, ტ. 1, გვ. 242-243.

⁵⁷⁵ . 762 წელს კახეთში შემოჭრილმა არაბთა ჯარების სარდალმა, რომელსაც არჩილი თავისი ნებით ეახლა, საქართველოს მეფეს მაჰმადიანობის მიღება მოსთხოვა. უარის მიღების შემდეგ მან არჩილი დააპატიმრა და თავადვე რამდენჯერმე დაკითხა. ბოლო დაკითხვაზე არაბი დაინტერესდა: „შენ უკუე იყავ დაცემასა მას სარკინოზთა აფხაზეთს შინა“? არჩილმა უპასუხა: „მე ვიყავ მაშინ, რაჟამს დასცნა იგინი დმერთმან“ (ქართლის ცხოვრება, ტ. 1, გვ. 274). მეფე არჩილი არაბებმა სიკვდილით დასაჯეს. ქართულმა ეკლესიამ იგი წმინდანად შერაცხა.

⁵⁷⁶ . . Бражба, С. Лакоба. დასახ. ნაშრომი, გვ. 126;

⁵⁷⁷ . იქვე, გვ. 127.

შესახებ⁵⁷⁸. იგი მკვეთრ წინააღმდეგობაშია როგორც განხილულ ისტორიულ წყაროებთან, ისე, რაც ყველაზე მთავარია, „აფხაზური ფეოდალური ეროვნების“ მდიდარ ზოგადქართულ პოლიტიკურ და კულტურულ მემკვიდრეობასთან.

სამწუხაროდ, ქართულმა ისტორიოგრაფიამ აფხაზ მკვლევართა მტკიცებას ერთიანი ე.წ. აფხაზური ფეოდალური ეროვნების ჩამოყალიბების შესახებ პინგოროფკას ნაშრომის ფაქტობრივად აკრძალვის შემდეგ მხოლოდ ის არგუმენტი დაუპირისპირა, რომ VIII საუკუნისათვის კავკასიაში გასული იყო დრო „აფხაზი ფეოდალური ეროვნების ჩამოყალიბებისათვის“; იმ პერიოდში, თითქოს, ხდებოდა არა ახალ „ფეოდალურ ეროვნებათა“ ჩამოყალიბება, არამედ უკვე არსებულ ერთეულებში (ქართლი, სომხეთი) გაერთიანება და ა.შ.⁵⁷⁹ უნდა აღინიშნოს, რომ „ფეოდალური ეროვნების“ ცნება ერის წარმოშობის მცდარ საბჭოურ თეორიას ეფუძნება. ამ თეორიის თანახმად (გაკვეთით მასზე უკვე იყო საუბარი – აქვე, გვ. 42), ერი ისტორიული კატეგორიაა და დაკავშირებულია საზოგადოებრივ-ეკონომიკურ ფორმაციებთან: პირველყოფილ თემურ წყობილებასთან, მონათმფლობელობასთან, ფეოდალიზმთან, კაპიტალიზმთან და სოციალიზმთან; ის გარკვეულ ეპოქაში წარმოიშობა, ვითარდება და ბოლოს ქრება. კერძოდ, პირველყოფილი თემური და მონათმფლობელური საზოგადოებებისათვის დამახასიათებელი ტომები და ტომთა კავშირები ფეოდალიზმის ეპოქაში ერთმანეთთან შერწყმის შედეგად ვითომ აყალიბებენ „ფეოდალურ ეროვნებებს“ (народности); მათი შერწყმით კი კაპიტალიზმის ხანაში უკვე ყალიბდებიან თანამედროვე ერები; ამ უკანასკნელთა შერწყმა და ერების გაქრობა ოფიციალური კომუნისტური იდეოლოგიისა და, შესაბამისად, საბჭოთა ისტორიოგრაფიის თანახმად, კომუნისტური ეპოქაში უნდა განხორციელდეს. სსრ კავშირის კრახამდე ისტორიკოსები, მათ შორის ისეთი გამოჩენილი მეცნიერები, როგორებიც იყვნენ ნ.ბერძენიშვილი, ზ.ანჩაბაძე და ა.შ., ანტიკომუნისტური თეორიებით უბრალოდ ვერ იხელმძღვანელებდნენ, მაგრამ დღეს საბჭოთა იდეოლოგიის პრიზმაში ერების ფორმირების საკითხის განხილვის აუცილებლობა და საფუძველი არ არსებობს.

ჯერ არ არის საკმარისად დასაბუთებული, თუ რატომ ვერ ჩამოყალიბდნენ „არაქართველი“ აფშილები და აბაზგები ე.წ. ფეოდალურ ეროვნებად. მიუხედავად ამისა, ნ.ბერძენიშვილის მოსაზრებას ამ საკითხში ჰყავს მიმდევრები⁵⁸⁰. ისინი არ ითვალისწინებენ იმ გარემოებას, რომ II-VIII სს. აფშილ-აბაზგებს გააჩნდათ უმთავრესი კომპონენტი ერად ჩამოყალიბებისათვის – ძლიერი სახელმწიფოებრიობა. ბიზანტიისა და ეგრისის გავლენის ქვეშ მათი ყოფნა ხელისშემშლელი ფაქტორი ვერ იქნებოდა ისევე, როგორც არსებობის მეტი ხნის მანძილზე ამა თუ იმ ძლიერი მეზობელი იმპერიის გავლენის ქვეშ ყოფნას ხელი არ შეუშლია (მხოლოდ პროცესს ანელებდა) ქართული ტომებისათვის უძველესი დროიდან ერთიან ერად ჩამოყალიბებაში; ხელისშემშლელ ფაქტორად ვერ ჩაითვლება „დროის გასვლა“. პირიქით, იმ პერიოდში არსებობდა ხელსაყრელი ვითარება ცალკე ერად ჩამოყალიბებისათვის: აღმოსავლეთ საქართველო არაბთა ხელში იყო, ხოლო მეფე არჩილი, როგორც ვნახეთ, იქით სთავაზობდა ლეონ I-ს ნებისმიერი თხოვნის დაკმაყოფილებას. VIII საუკუნეში აფსუა ერი „დროის გასვლის“ მიზეზით კი არა, აფშილ-აბაზგთა ქართული ეთნოსისადმი კუთვნილების გამო ვერ ჩამოყალიბდა. ამიტომ არ ჰქონდათ მათ საკუთარი დამწერლობა და სახელმწიფო ენა.

ყოველად მიუღებელი და რეალურ საფუძველს მოკლებულია ეგრისელთა და სვანთა არაქართველებად მოხსენიება მაშინ, როცა მეცნიერებაში აღიარებულია ერთიანი ერის არსებობა აია-კოლხეთის ხანიდან მაინც. ძვ.წ. II ათასწლეულის მეორე ნახევრიდან ქართველებმა შეინარჩუნეს ერთიანობა მიუხედავად მიმდევარ პოლიტიკური ვითარებისა,

⁵⁷⁸ . З. В. Анчабадзе. Из истории средневековой Абхазии, გვ. 69; მისივე: ..., გვ. 48-51; . , გვ. 127 და ა. შ..

⁵⁷⁹ . ნ. ბერძენიშვილი. საქართველოს ისტორიის საკითხები, გვ. 591-592; ნ. ლომოური. ძველი აფხაზეთის..., გვ. 45 და ა.შ.

⁵⁸⁰ . ე. ხოშტარია-ბროსე. შუა საუკუნეების აფხაზეთი და აფხაზეთი ეროვნული კონსოლიდაციის საკითხი. – მნათობი, 1992, №4, გვ.160-168. ავტორი იზიარებს ნ.ბერძენიშვილის მოსაზრებებს, მაგრამ მაინც უშვებს VIII ს. „აფხაზეთი ეთნოსის გარკვეულ კონსოლიდაციას“ და აკეთებს დასკვნას: აფშილ-აბაზგებს თვითსახელწოდებად „აფსუა“ აურჩევიათ, რადგანაც ისინი ღაზების ქვეშევრდომები იყვნენ და უფრო განვითარებულნი ყოფილან (?!); „გარედან (ბიზანტიელები, ქართველები)“ ამ „ერს“ აფხაზებს ეძახდნენ წამყვანი სამხედრო პოტენციალის მქონე აბაზგების სახელწოდების მიხედვით (იქვე, გვ. 161-162).

ხანგრძლივი დროით ქვეყნის დაქუცმაცებისა და საუკუნეების განმავლობაში უცხო დამპყრობთა უღლის ქვეშ ცალ-ცალკე ყოფნისა; ამიტომ დაუშვებელია VIII ს. „ეგრისელი ფეოდალური ეროვნების“ არჩამოყალიბების მიზეზებზე, დასავლეთ საქართველოს ვითომ „ქართიზაციაზე“ საუბარი⁵⁸¹. იმ პერიოდში ქართლი ყოფნა-არყოფნის ზღვარზე იმყოფებოდა, თავად საჭიროებდა შევლას; ობიექტური მიზეზების გამო ის ვერ გახდებოდა და არც გამხდარა მაშინ ერის მაკონსოლიდირებელი ძალა. „ქართიზაციის“ თეორია ეფუძნება ერის წარმოშობის დრომოჭმულ დოგმებს და არ ითვალისწინებს, რომ ქართველი ერი VIII-IX საუკუნეებამდე თითქმის 1500 წლით ადრე ჩამოყალიბდა ერთიანი ენით, დამწერლობითა და სახელმწიფოთი; რომ იბერები ძვ.წ. I ათასწლეულის მეორე ნახევარში⁵⁸² და წელთაღრიცხვათა მიჯნაზე, უკვე ცხოვრობდნენ დასავლეთ საქართველოში, მათ შორის შავიზღვისპირეთში, სადაც ისინი ანდრია პირველწოდებულმა მონათლა; ანგარიში არ ეწევა სომხურ ვერსიას (უხტანესი) იბერების დასავლეთ საქართველოდან აღმოსავლეთისაკენ გავრცელების შესახებ⁵⁸³ და არც იმ ავტორებს, ვინც კოლხებსა და სვანებს იბერებად მოიხსენიებდნენ ყბადაღებულ „ქართიზაციამდე“ დიდი ხნით ადრე.⁵⁸⁴

„არაქართველ“ ეგრთა და სვანთა „გაქართველების“ თეორია საბჭოთა ისტორიოგრაფიამ ქაატკანოვისა და ნ.მარისაგან იხესხა⁵⁸⁵. ცარიზმის ასიმილაციური პოლიტიკის კონტექსტში შემუშავებული ქართველი ერის გათიშვის ეს კონცეფცია შესანიშნავად მოერგო „სხვადასხვა ხალხების“ შერწყმის შედეგად „ფეოდალური ქართული ეროვნების“ ჩამოყალიბების კომუნისტურ თეორიას. ამიტომაც აიტაცა იგი საბჭოურმა ისტორიოგრაფიამ. ამ უკანასკნელის უმახინჯეს გადმონაშთად ქცეული „ქართიზაციის“ ვერსია საფუძვლიანადაა განხილული და უარყოფილი ანანია ჯაფარიძის, ტარიელ ფუტკარაძისა და სხვათა შრომებში⁵⁸⁶.

VII-IX სს. დასავლეთ საქართველოში მიმდინარეობდა არა ქართველთა „გაქართველება“, არა „ქართიზაცია“, არამედ „ნაციონალიზაცია“ – ბერძნული გავლენისაგან თავის დაღწევა, მშობლიური ქართული ენის უფლებების თანდათანობითი აღდგენა – გაფართოება ეკლესიასა და სახელმწიფო აპარატში, ნაციონალური კულტურის განვითარება და ა.შ.

„ქართიზაციაში“ ჩვეულებრივ გულისხმობენ არაბთა ბატონობას იძულებით გამოქცეული ქართლებების ნაწილის დასავლეთ საქართველოში გადასახლებას. სრულიად აშკარაა, რომ ეს პროცესი არ შეხებია ეგრისის ცენტრალურ რაიონებს და განსაკუთრებით აფხაზეთს. ყოველგვარი „ქართიზაციის“ გარეშე აფხაზეთი წარმოადგენდა წმინდა ქართულ რეგიონს და ისტორიულ ვითარებათა გამო VIII ს. შუახანებიდან სწორედ ის იქცა ქართველთა მაკონსოლიდირებელ მძლავრ პოლიტიკურ ერთეულად.

⁵⁸¹ . ნ. ლომოური. ძველი აფხაზეთის..., გვ. 45.

⁵⁸² . ზ. ბრაგვაძე. კოლხეთის აღმოსავლეთი რეგიონების (ყვირილას ხეობის) ქართიზაციის საკითხისათვის. – მაცნე, ისტორიის... სერია, 1990, №4, გვ. 137-150. პლუტარქე. რჩეული პარალელური ბიოგრაფიები, I. ბერძნულიდან თარგმნა, შესავალი წერილი და განმარტებები დაურთო აკ. ურუშაძემ. თბ., 1957, გვ. 117. გეორგიკა. ტ. 4, წ. 1, გვ. 57.

⁵⁸³ . Дж. Гамахария, Б. Гогия. დასახ. ნაშრომი, გვ. 197-198.

⁵⁸⁴ . ანანია ჯაფარიძე. საქართველოს სამოციქულო ეკლესიის ისტორია, ტ. 1, გვ. 71, 86-102.

⁵⁸⁵ . ნ.მარი მეგრელებს (მისი აზრით სკვითების შთამომავლებს), არ მიიჩნევდა ქართველებად და თვლიდა, რომ „ქართულმა სოლმა“ – ქართლელთა ვითომ შემოჭრამ ეგრისში მათ ჭანები ჩამოაშორა (. , გვ. 241 და ა.შ.).

⁵⁸⁶ . ანანია ჯაფარიძე. ორი თეორია ქართველი ხალხის ჩამოყალიბების დროის შესახებ. თბ., 2003; ტ. ფუტკარაძე. ქართველები, და ა.შ.

თავი V. აფხაზეთი „აფხაზთა სამეფოს“ შემადგენლობაში. VIIIს. მეორე ნახევარი - Xს.

აფხაზთა სამეფოს ჩამოყალიბება განპირობებული იყო VII-VIII საუკუნეების მანძილზე განვითარებული საერთაშორისო და საშინაო პოლიტიკური ფაქტორებით. ერთი მხრივ, არაბთა ბატონობის გაძლიერებამ ქართლში და, მეორე მხრივ, ბიზანტიის დასუსტებამ, იქ მიმდინარე საშინაო-პოლიტიკურმა და საეკლესიო განხეთქილებამ⁵⁸⁷ საქართველოს ისტორიულ რეგიონებში ხელსაყრელი პირობები შექმნა ახალი ქართული პოლიტიკური ერთეულების წარმოშობისათვის.

ფაქტობრივად, VIII საუკუნის შუა ხანებში ქართულ პოლიტიკურ სამყაროში საფუძველი ჩაეყარა ახალ პროცესს, რომელიც იმავე საუკუნის 80-იან წლებში დასავლურ-ქართული სახელმწიფოს – აფხაზთა სამეფოს ჩამოყალიბებით დასრულდა. აფხაზთა ერისთავის ლეონ I-ის ძმისწულმა ლეონ II-მ თავი გაითავისუფლა ბიზანტიის ვასალობისაგან და მეფის ტიტული მიიღო. „მატიანე ქართლისაჲს“ ცნობით, „ხოლო რაჟამს მოუძღურდეს ბერძენნი, გადგა მათგან ერისთავი აფხაზთა, სახელით ლეონ, ძმისწული ლეონ ერისთავისა, რომლისაჲ მიეცა სამკვიდროდ აფხაზეთი. ესე მეორე ლეონ ასულის წული იყო ხაზართა მეფისა, და ძალითა მათითა გაადგა ბერძენთა, დაიპყრა აფხაზეთი და ეგრისი ვიდრე ღიხამდე, სახელ-იღვა მეფე აფხაზთა, რამეთუ მიცვალებულ იყო იოვანე და დაბერებულ იყო ჯუანშერ. და შემდგომად ამისა ჯუანშერიცა მიიცვალა.“⁵⁸⁸ ბუნებრივია, ასეთი პოლიტიკური რეალობა ხელსაყრელ პირობებს უქმნიდა ლეონ II-ს, დასავლეთ საქართველოს გაერთიანებისათვის, მით უფრო, რომ მას პოლიტიკურად და სამხედრო თვალსაზრისით მხარს უჭერდა ხაზართა ხაკანი. აფხაზთა სამეფო მოიცავდა მთელ დასავლეთ საქართველოს და თანდათანობით აფართოვდა საზღვრებს როგორც აღმოსავლეთის, ისე სამხრეთ-აღმოსავლეთის მიმართულებით.

ისტორიული წყაროების მიხედვით, VIIIს. 80-იან წლებში დასავლეთ საქართველოს გაერთიანება აფხაზთა ერისთავის მეთაურობით ნებაყოფლობითი პოლიტიკური აქტი იყო⁵⁸⁹. ლეონ II-ის ამ ნაბიჯს ქართული წყაროები უარყოფით კონტექსტში არ მოიხსენიებს, რადგან აფხაზეთი, ისევე როგორც დასავლეთ საქართველოს სხვა ისტორიული რეგიონები, საუკუნეების მანძილზე, ჯერ კოლხეთის (ეგრისის) სამეფოს, ხოლო შემდეგ ქართლის (იბერიის), ეგრისის (ლაზიკის), ხოლო ბოლოს ისევ ქართლის სამეფოს (საერისმთავროს) ნაწილი იყო. ამჯერად, VIIIს. 80-იან წლებში მთელი დასავლეთ საქართველო გაერთიანდა აფხაზთა სამეფოს შემადგენლობაში. როგორც ზემოთ იყო ნახელები, სტეფანოზ III-ის მემკვიდრის – არჩილის ეპოქაში საქართველო ერთიან ქვეყანას წარმოადგენდა და არჩილი მეფის ტიტულს ატარებდა⁵⁹⁰. ბუნებრივია, ასეთი ერთიანობა ემყარებოდა ქვეყნის მთლიანობის ძველ ტრადიციებს, რომელიც პოლიტიკური მემკვიდრეობის სახით შემდეგში ლეონ II-მ მიიღო და მოხერხებულად გამოიყენა კიდევ დასავლურ-ქართული სახელმწიფოს შექმნის საქმეში.

VIIIს. შუა ხანებიდან ვიდრე 80-იან წლებამდე, თანდათანობით ფართოვდება ტერმინ „აფხაზეთის“ მნიშვნელობა და ბოლოს იგი გავრცელდა აფხაზთა ერისთავების მიერ გაერთიანებულ დასავლეთ საქართველოს მთელ ტერიტორიაზე⁵⁹¹ ნიშანდობლივია, რომ მოგვიანებით ერთიან ქართულ სამეფოს უცხოელი ავტორები უწოდებენ „აფხაზეთს“, ხოლო საქართველოს მეფეებს „აფხაზთა მეფეებად“ მოიხსენიებენ.⁵⁹²

⁵⁸⁷. იგულისხმება ბიზანტიის ეკლესიაში მიმდინარე ხატმებრძოლობა, რომელმაც გახლიჩა კონსტანტინოპოლის საპატრიარქოსადმი დამოკიდებული ეკლესიების ერთობა. ფრანგი ისტორიკოსის შარლ დილის სიტყვებით, „ეს ბრძოლა უმაგალითო სიშმაგის, მძვინვარების, უკიდურესი სისასტიკის სათავედ იქცა და იმპერიაში არნახული შინააშლილობა გამოიწვია.“ შარლ დილი. ბიზანტიის იმპერიის ისტორია. ფრანგულიდან თარგმნა ბაჩანა ბრეგაძემ. თბ., 1989, გვ. 62.

⁵⁸⁸. ქართლის ცხოვრება, ტ. I, გვ. 251.

⁵⁸⁹. მ. ლორთქიფანიძე. ეგრის-აფხაზეთი. – საქართველოს ისტორიის ნარკვევები, ტ. 2, გვ. 418.

⁵⁹⁰. ამ ცნობას ადასტურებს „მატიანე ქართლისაჲ“, ლეონტი მროველის „წმიდა არჩილის წამება“, ჯუანშერი და ვახუშტი ბაგრატიონი. იხ.: ... გვ. 155.

⁵⁹¹. პ. ინგოროყვა. გიორგი მერჩულე, გვ. 119-120; ... გვ. 155.

⁵⁹². აღნიშნულ საკითხზე იხილეთ: ნ. ლომოური. საქართველოს სახელწოდებანი ბიზანტიურ წყაროებში. – საქართველოსა და ქართველების აღმნიშვნელი უცხოური და ქართული ტერმინოლოგია, გვ. 82, 83; გ. ჯაფარიძე. ქართველებისა და საქართველოს არაბული სახელწოდებები. – საქართველოსა და ქართველების აღმნიშვნელი უცხოური

VIII. II ნახევარში ქართველი მწერლის იოანე საბანის ძის ცნობით, დასავლეთ საქართველოს განაგებს „მთავარი აფხაზეთისა“⁵⁹³ ანუ ლეონ II-ს VIII საუკუნის 80-იან წლებში დასავლეთ საქართველო გაერთიანებული აქვს, მაგრამ მეფის ტიტულს ჯერ კიდევ არ ატარებს. ამ კონტექსტში საყურადღებოა აფხაზთა ერისთავის ტიტულის ევოლუცია. ლეონ II თავდაპირველად ატარებდა „ერისთავის“, შემდეგ „მთავრის“, ხოლო ბოლოს „მეფის“⁵⁹⁴ ტიტულს. ლეონის ტიტულის ევოლუცია პირდაპირპროპორციულია მისი ხელისუფლების თანდათანობითი გაერცვლებისა მთელი დასავლეთ საქართველოს ტერიტორიაზე. ისტორიოგრაფიაში გაზიარებულია აზრი იმის შესახებ, რომ ლეონ II-მ ბიზანტიის იმპერატორის ვასალიტეტისაგან თავის განთავისუფლება მოახერხა მხოლოდ მას შემდეგ, რაც ბიზანტიაში შიდაპოლიტიკური მდგომარეობა დაიძაბა.⁵⁹⁵ მკვლევართა დიდი ნაწილი თვლის, რომ ლეონის პოლიტიკური აღზევება და ანტიბიზანტიური პოლიტიკური კურსი⁵⁹⁶ უნდა დაწყებულიყო ბიზანტიის იმპერატორის ირინეს ზეობის დროს – 797-802 წლებში.⁵⁹⁷

აფხაზთა სამეფოს საზღვრების საკითხიც არაერთგზის არის შესწავლილი მკვლევართა მიერ. მიუხედავად ამისა, ამ საკითხზე არსებობს განსხვავებული შეხედულებანი. როგორც აღინიშნა, „აფხაზთა სამეფოს“ ტერიტორია მოიცავდა მთელ დასავლეთ საქართველოს. დაარსების დროს მისი აღმოსავლეთი საზღვარი ლიხის ქედამდე აღწევდა, ჩრდილოეთი საზღვარი – ნიკოფსიამდე და ჯიქთა სამფლობელოებამდე. დასავლეთით მას შავი ზღვა ეკვროდა. რაც შეეხება სამხრეთის საზღვრებს, იგი დღესაც სადავო საკითხს წარმოადგენს. VIII საუკუნის მწერალი იოანე საბანისძე „ტრაპეზუნტს“ აფხაზთა სამეფოს შემადგენლობაში განიხილავდა. მისი ცნობით, „ნეტარი ჰაბო უფროსიდა ჰმადლობდა ღმერთსა, რამეთუ იხილა მან ქუეყანაი იგი სავსეჲ ქრისტეს სარწმუნოებითა და არავინ ურწმუნოთაგანი მკვიდრად იპოვების საზღუართა მათთა. რამეთუ საზღვარი მათდა არს ზღვად იგი პონტოსსად, სამკვიდრებელი ყოვლადვე ქრისტიანეთად, მისაზღვრადმდე ქალდიაჲსა, ტრაპეზუნტისად მუნ არს, საყოფელი იგი აფსარადსად და ნაფსაჲს...“⁵⁹⁸. ს. ჯანაშიას მოსაზრებით, ტრაპიზონი არ შედიოდა აფხაზთა სამეფოს შემადგენლობაში⁵⁹⁹. აღნიშნული მოსაზრება გაზიარებული იქნა ზანჩაბაძისა და მ.ლორთქიფანიძის მიერ⁶⁰⁰. კ.კეკელიძის აზრით, ტრაპეზუნტი შედიოდა აფხაზთა სამეფოს შემადგენლობაში, რასაც იოანე საბანისძის ცნობის გარდა სხვა წყაროებიც ადასტურებენ: კერძოდ, 787 წლის საეკლესიო კრების აქტებს ხელს აწერს „ქრისტეფორე, ეპისკოპოსი ფაზისისა ანუ ტრაპიზონისა“⁶⁰¹; VIII საუკუნის II ნახევრის

და ქართული ტერმინოლოგია, გვ.132,134; ზ.პაპასქირი. აფხაზეთი - საქართველო. თბ., 1998, გვ. 141-142; ზ.პაპასქირი. ნარკვევები..., ნაკვ. I, გვ. 67-68.

⁵⁹³ . იოანე საბანისძე. წამება წმიდისა აბოსი. - : საქართველოს სამოთხე, სრული აღწერაჲ დუაწლთა და ვნებათა საქართველოს წმიდათა, შეკრებილი ქრონოლოგიურად და გამოცემული პეტერბურდის სასულიერო აკადემიის კანდიდატის ივერიელის გობორნ (მიხაილ) პავლის ძის საბინინის მიერ. პეტერბურდი, 1882, გვ. 339.

⁵⁹⁴ . „აფხაზთა“ მეფეთა ტიტულატურის საკითხის შესწავლისას ქართულ და სომხურ ნარატიულ და ქართულ ეპიგრაფიკულ წყაროებზე დაყრდნობით უკვე გამოითქვა მოსაზრება, რომ დასავლეთ საქართველოს მეფეები VIII-X საუკუნეებში არ ატარებდნენ ტიტულს „მეფე აფხაზთა“. ამის დასტურია სომხური წყაროები და „აფხაზთა“ მეფეთა წარწერები, რომლებშიც ისინი დასახელებული არიან როგორც „გერისის მეფე“, ან უბრალოდ თავისთავს უწოდებენ „მეფე“-ს. ეპიგრაფიკულ ძეგლებსა და სომხურ წყაროებში ტერმინი „მეფე აფხაზთა“ პირველად ჩანს გაერთიანებული საქართველოს პირველი მეფის ბაგრატ III ბაგრატიონის ტიტულატურაში. რაც შეეხება ქართულ საისტორიო ტრადიციას (მატიანე ქართლისად, სუმბატი, ვახუშტი და სხვები), იგი შეიქმნა საქართველოს გაერთიანების შემდეგ, ანუ მას შემდეგ, რაც ბაგრატ III-ის ტიტულატურაში დამკვიდრდა ტერმინი „მეფე აფხაზთა“. დაწერილებით იხილეთ: ლ.ახალაძე. ქართული და სომხური წყაროები „აფხაზთა“ მეფეთა ტიტულატურის შესახებ. – საისტორიო ძიებანი, ტ. VII, გვ. 26-33.

⁵⁹⁵ . ს. ჯანაშია. შრომები, ტ. II. თბ., 1952, გვ. 216; . . . , გვ. 156.

⁵⁹⁶ . „აფხაზთა“ მეფეთა საგარეო პოლიტიკური ორიენტაციის საკითხებზე იხილეთ: ზ. პაპასქირი. „აფხაზთა“ სამეფოს საგარეო პოლიტიკური ორიენტაციის დაზუსტების საკითხისათვის. – ქართული დიპლომატია. თბ., 1999, გვ. 325-335.

⁵⁹⁷ . აღნიშნულ ქრონოლოგიასთან დაკავშირებით, განსხვავებული შეხედულება აქვს შ. გლოველს. მისი აზრით, ლეონი აფხაზეთის ერისთავი იყო 781-782 წლებამდე; ამ პერიოდისა და 786-787 წლებამდე – გაერთიანებული ეგრის-აფხაზეთის მთავარი, ხოლო 786-787 წლიდან – „აფხაზთა მეფე“. იხ. შ. გლოველი. „აფხაზთა სამეფო“. საქან. დის. ავტორეფერატი. თბ., 2004, გვ. 9.

⁵⁹⁸ . ქართული ლიტერატურა, ტ. I, გვ. 454.

⁵⁹⁹ . ს. ჯანაშია. აფხაზთა სამეფოს წარმოშობის..., გვ. 338.

⁶⁰⁰ გვ. 11-116; მ. ლორთქიფანიძე. ფეოდალური საქართველოს პოლიტიკური გაერთიანება. თბ., 1963. გვ. 185.

⁶⁰¹ . კ. კეკელიძე. ადრინდელი ფეოდალური ქართული ლიტერატურა. ტფ., 1935, გვ. 28.

ბიზანტიელი მწერლის ეპიფანე კონსტანტინოპოლელის თხზულებაში დადასტურებულია გამოთქმა „ლაზეთის ქალაქი ტრაპეზუნტი“. ამასვე ადასტურებს სომხური უსახელო „გეოგრაფიის“ ცნობა, რომ დასავლეთ საქართველოს ფარგლებში შედიოდა ქალაქები: ათინა, რიზე და ტრაპეზუნტი⁶⁰. აღნიშნულ წყაროებზე დაყრდნობით, პ. ინგოროყვამ სამართლიანად გაიზიარა კ. კეკელიძის მოსაზრება აფხაზთა სამეფოს სამხრეთი საზღვრების შესახებ. ახლახან ეს მოსაზრება გაიზიარა შ. გლოველმაც.⁶⁰¹ კონსტანტინოპოლის სამწყსოში შემავალი ეკთეხისების მიხედვით, ლაზიკის ეპარქიის სამიტროპოლიტო ქალაქად ტრაპეზუნტის მხოლოდ IX საუკუნის მიწურულს დასახელება არ უნდა იყოს საკმარისი არგუმენტი იოანე საბანისძის ცნობის გასაბათილებლად. აქ აუცილებლად გასათვალისწინებელია, ის ფაქტი, რომ ტრაპეზუნტის პოლემონის პონტოს სამწყსოში დასახელება არ ასახავს პოლიტიკურ სიტუაციას და იგი საეკლესიო დაქვემდებარების მაუწყებელ წყაროს წარმოადგენს. მაგალითად, პოლიტიკური თვალსაზრისით, VIII საუკუნის I მეოთხედში სტეფანოზ III, როგორც ზემოდ ვნახეთ, „ქართველთა და მეგრელთა ერისმთავრის“ ტიტულს ატარებდა და იგი ფლობდა ქართლსაც და ეგრისის მნიშვნელოვან ნაწილსაც. ქართლში უკვე არსებობდა დამოუკიდებელი სამოციქულო ეკლესია მცხეთის საკათალიკოსოს სახით, ხოლო სტეფანოზ III-ის სამფლობელოს მეორე საკმაოდ დიდი ნაწილი – ეგრისი, ეკლესიურად ჯერ კიდევ კონსტანტინოპოლის სამწყსოს ეკუთვნოდა. ანუ პოლიტიკური ხელისუფლების გაგრძელების არეალი ამ შემთხვევაში არ ემთხვეოდა საეკლესიო იურისდიქციის გაგრძელების არეალს. მაშასადამე, კონსტანტინოპოლის ეკთეხისები ვერ გამოდგება „აფხაზთა სამეფოს“ ტერიტორიული საზღვრების დასაზუსტებლად.

დავუბრუნდეთ პ. ინგოროყვას მოსაზრებას, რომელმაც იოანე საბანისძის ზემოთხსენებული ცნობა შეაჯერა ანონიმი სომხური გეოგრაფიის მონაცემებთან. ამ წიგნის 1881 წლის რუსულ გამოცემაში ვკითხულობთ, რომ „კოლხეთი არის ქვეყანა აზიისა და მდებარეობს პონტოს ზღვიდან სარმატიამდე, და მდინარე დრაკონიდან ვიდრე კავკასიის მთამდე და მის შტომდე [ლიხამდე], რომელიც ჰყოფს მას ივერიისაგან. . . . იგი განიყოფება ოთხ მცირე ქვეყნად: მარგველი, ეგრევიკი, ლაზი, ჭანი, რომელ არს ხალტეთი [ხალდია]. . . აქვს ხუთი ქალაქი: იანი, კოტა, როლოპოლისი, ათინა, რიზონი და სხვა მრავალნი ნავთსადგურნი, ე. ი. ზღვის სანაპირო დაბა-ქალაქნი, რომელთა შორის არს ტრაპეზუნტი.“⁶⁰² ამ ოთხი ერთმანეთისაგან განსხვავებული წყაროს: იოანე საბანისძის, სომხური „გეოგრაფიის“, ეპიფანე კონსტანტინოპოლელისა და 787 წლის საეკლესიო კრების ცნობების ურთიერთშეჯერების საფუძველზე, შეიძლება დავასკვნათ, რომ ტრაპეზუნტი გარკვეული პერიოდის მანძილზე მაინც ნამდვილად შედიოდა ჯერ აფხაზთა სამთავროს, ხოლო შემდეგ აფხაზთა სამეფოს შემადგენლობაში.

„აფხაზთა სამეფოს“ წარმოქმნისთანავე, ლეონ II-მ გაატარა ადმინისტრაციული რეფორმა, რომელიც ითვალისწინებდა ქვეყნის საერისთავოებად დაყოფას და სამეფოს ტერიტორიულ – ადმინისტრაციულ მოწყობას. ვახუშტი ბატონიშვილის ცნობით, ლეონ II-მ აფხაზთა სამეფო დაყო რვა საერისთავოდ: ცხომის, ეგრისის, გურიის, რაჭა-ლეჩხუმის, სვანეთის, სრულიად არგვეთის ცენტრით შორაპანში, ვაკის ცენტრით ქუთაისში და საკუთრივ აფხაზეთის.⁶⁰³ ყველა საერისთავოს თავისი ტერიტორია ჰქონდა და განსაზღვრული იყო მისი ფარგლები. ლეონ მეორემ ერისთავები „დასუა აფხაზთა და მისცა აფხაზეთი, ჯიქეთი, ვიდრე ზღუამდე და ხაზართა მდინარემდე; დასუა ცხომს და მისცა ეგრის იქით ანაკოფია ალანითურთ; დასუა ბედიას და მისცა ეგრისის აღმოსავლეთი ცხენის წყლამდე; ვინადთაგანა ამასვე ლეონს მოერთნენ ოძრახოს წილნი, ჭოროხის სამკრეთისანი და განუდგნენ ოძრახოს ერისთავსა, უწოდა გურია და დასუა მუნ ერისთავი თვისი; დასუა რაჭა-ლეჩხუმისა; დასუა სუანეთისა; შორაპნისავე, რიონისა და ხანის-წყლის აღმოსავლეთისა ლიხამდე სრულიად არგვეთისა; დასუა ქუთათისს ვა-

⁶⁰ . პ. ინგოროყვა. გიორგი მერჩულე, გვ. 213.

⁶⁰¹ . შ. გლოველი. აფხაზთა სამეფო, გვ. 11.

⁶⁰² VII „ 1881, გვ. 27-28. დღეს მკვლევართა დიდი

ნაწილი თვლის, რომ სომხური „გეოგრაფიის“ ავტორი არის VII საუკუნის სომეხი საეკლესიო მოღვაწე ანანია შირაკაცი. სომხურ „გეოგრაფიას“ ქართველ მკვლევართაგან 1964-1965 წლებში იკვლევდა ნ. ჯანაშია. იხ.: ნ. ჯანაშია. სომხური ანონიმური გეოგრაფია. - : ისტორიულ-წყაროთმცოდნეობითი ნარკვევები. თბ., 1986, გვ. 243-346.

⁶⁰³ . ქართლის ცხოვრება, ტ. IV, გვ. 796.

კისა, ოკრიბისა და ხანის-წყლის დასავლეთისა გურიამდე და რიონის დასავლეთის ცხენისწყლამდე.⁶⁰⁴ ლეონ მეორის მიერ გატარებული ტერიტორიულ-ადმინისტრაციული მოწყობა შინაარსით მსგავსებას ავლენს ფარნავაზის მიერ ქართლის სამეფოს დაარსების დროს გატარებულ ადმინისტრაციულ რეფორმასთან. ფარნავაზის მსგავსად, სამეფო ხელისუფლების განმტკიცების მიზნით, ლეონიც შეეცადა ადგილებზე შეექმნა ცენტრალური ხელისუფლების მტკიცე დასაყრდენი საერისთავოების სახით, რომლებსაც მეფის ერთგული მოხელეები ჩაუყენა სათავეში. საკუთრივ აფხაზეთი, როგორც ვხედავთ „აფხაზეთა სამეფოში“ შემავალი მხოლოდ ერთ-ერთი საერისთავოა.

ლეონ მეორის მიერ გატარებული სახელისუფლებო ღონისძიებებიდან აღსანიშნავია აფხაზეთა სამეფოს დედაქალაქად ქუთაისის გამოცხადება. ვახუშტის მიხედვით, „ამანვე აღაშენა ქუთათისი ქალაქი და ციხე და ჰყო საყდარი აფხაზეთა მეფისა, ვითარცა ანაკოფია, ჰყო ტახტად მეორედ ესე ქუთათისი“. ეს პოლიტიკური აქტი იყო ლოგიკური გაგრძელება იმ მნიშვნელოვანი სახელმწიფოებრივი ნაბიჯებისა, რომლებიც მანამდე გადაიდგა. გეოგრაფიულად და პოლიტიკურადც ქუთაისი უკვე „აფხაზეთა სამეფოს“ ცენტრი იყო და, ბუნებრივია, ეს ქმედება განაპირობა ამ ქალაქის მნიშვნელოვანმა გეოპოლიტიკურმა მდებარეობამ. ეს მოვლენა, თავის მხრივ, დაკავშირებული იყო იმ ისტორიულ ტრადიციასთან, რომელიც ჯერ კიდევ კოლხეთის სამეფოდან მომდინარეობდა, როცა ქუთაისი დასავლეთ საქართველოს პოლიტიკურ და კულტურულ ცენტრს წარმოადგენდა. ისტორიული წყაროების მიხედვით, ლეონ მეორესთვის აქ ისეთივე მშობლიური გარემოა, როგორც ანაკოფიის მიდამოებში. თანამედროვე აფხაზეთის ისტორიოგრაფიაში ეს პოლიტიკა შეფასებულია, როგორც აფხაზეთა მეფეების ექსპანსია აღმოსავლეთის მიმართულებით.⁶⁰⁵ თუ ასეა, მაშინ გაუგებარია, რატომ გადმოიტანა ლეონ მეორემ თავისი სამეფოს დედაქალაქი „დაპყრობილ“ ტერიტორიაზე, მისთვის მტრულად განწყობილი და „დაპყრობილი“ ხალხის გარემოცვაში?

საყურადღებოა, ის ფაქტიც, რომ ლეონ მეორის „ექსპანსიას“ დასავლეთ საქართველოში „მატიანე ქართლისაჲს“ უცნობი ავტორი ქართული სახელმწიფოებრიობისათვის დადებით ისტორიულ მოვლენათა ჭრილში განიხილავს. იგი კეთილგანწყობითა და მოწიწებით მოგვითხრობს აფხაზეთა მეფეების სახელმწიფოებრივ საქმიანობაზე. ზ. პაპასქირი აცხადებს, რომ ერთადერთი ასხნა ქართველ მემკვიდრეთა კეთილგანწყობისა „აფხაზეთ“ მეფეების ე.წ. „დამპყრობლური“ პოლიტიკისადმი შეიძლება ვეძიოთ მხოლოდ იმაში, რომ ისინი მათში არა „უცხოელ დამპყრობლებს“, არამედ ისეთივე ქართველ პოლიტიკურ ლიდერებს ხედავდნენ, როგორადაც მიაჩნდათ ბაგრატიონთა დინასტიის წარმომადგენლები.⁶⁰⁶ უფრო მეტიც, „ექსპანსიის“ შემთხვევაში ქართველი მემკვიდრეები შეეცდებოდნენ ოდნავი გულისწყრომა მაინც გამოეხატათ „დამპყრობელი“ ლეონის პოლიტიკის მიმართ, როგორც ამას აკეთებდნენ ქართველი მემკვიდრეები დამპყრობელთა შემოსევებისა და არაკეთილმოსურნე მეზობლების პოლიტიკის გაშუქებისას.

ქუთაისის „აფხაზეთა სამეფოს“ დედაქალაქად გამოცხადებასთან მჭიდროდ არის დაკავშირებული „აფხაზეთა მეფეთა“ ეთნიკური წარმომავლობის საკითხი. XIII ს. სომეხი ავტორის ვარდან არეველცის მიხედვით, აფხაზეთა მეფეები ვახტანგ გორგასალის შთამომავლები არიან⁶⁰⁷. მკვლევარები – პ. უვაროვა⁶⁰⁸, დ. ბაქრაძე⁶⁰⁹, დ. გულია⁶¹⁰ და სხვები თვლიდნენ, რომ „აფხაზეთა“ მეფეები ეთნიკური ბერძნები იყვნენ. რუსი

⁶⁰⁴ . იქვე.

⁶⁰⁵ . ერთ-ერთი პირველი ვინც ეს მოსაზრება გამოთქვა ინგლისელი ქართველოლოგი ჯორჯ პიუტი, რომლის აზრით, ტერმინი „დამპყრა“ პირდაპირ ძალით დაპყრობას ნიშნავს. ჯ. გამახარიაშვილი და ბ. გოგიანი, საისტორიო წყაროებზე დაყრდნობით არგუმენტირებულად დადასტურეს, რომ ტერმინი „დამპყრა“ ძველ ქართულში დაუფლების, ტერიტორიის ფლობის, ტახტის დაკავების, ახლობლის თავისთან დარჩენის მნიშვნელობით გამოიყენებოდა. იხ. ჯ. , . . დასახ. ნაშრომი, გვ. 567-568; მსგავსი განმარტება აქვს სიტყვა „დამპყრა“-ს ქართული ოთხთავის სიმფონია-ლექსიკონში. იხ. ი. იმნაიშვილი. ქართული ოთხთავის სიმფონია-ლექსიკონი, ა. შინაიძის რედაქციით. თბ., 1986, გვ. 129. მიუხედავად ამისა, ჯ. პიუტის მოსაზრებას იმეორებენ: . . . , გვ. 132.

⁶⁰⁶ . ზ. პაპასქირი. ნარკვევები..., I, გვ. 50.

⁶⁰⁷ . ვარდან არეველცი. სოფლიო ისტორია. ძველი სომხურიდან თარგმნეს ნ. შოშიაშვილმა და ე. კვაჭანტირაძემ, შესავალი კომენტარები და საძიებლები დაურთო ე. კვაჭანტირაძემ. თბ., 2004, გვ. 116.

⁶⁰⁸ . . . , IV, . . . , 1894, გვ. 8.

⁶⁰⁹ . დ. ბაქრაძე ყურადღება მიაქცია იმ ფაქტს, რომ „აფხაზეთა“ მეფეები ბერძნულ სახელებს ატარებდნენ. იხ. დ. ბაქრაძე. ისტორია საქართველოსი უძველესი დროიდან X საუკუნის დასასრულამდე, ნაწ. I. ტფ., 1889, გვ. 273-274.

⁶¹⁰ . . . , I, გვ. 208.

მეცნიერი ვ. ლატიშვილი მათ ბაგრატიონთა საგვარეულოს აკუთვნებდა.⁶¹¹ აფხაზი ისტორიკოსები ზ. ანჩაბაძე, შ. ინალ-იფა, მ. გუნბა, ო. ბლაჟბა, ს. ლაკობა⁶¹² და სხვები თვლიან, რომ ისინი აფხაზები იყვნენ. მ. ლორთქიფანიძის აზრით, „აფხაზთა მეფეები“ პოლიტიკური და სახელმწიფოებრივი საქმიანობით ქართველი სახელმწიფო მოღვაწეები იყვნენ.⁶¹³ მსგავს შეხედულებას ადასტურებს „აფხაზთა“ მეფეთა ეპიგრაფიკული მასალა და სხვა ისტორიული წყაროები. მათი შესწავლის საფუძველზე შეიძლება დავასკვნათ, რომ „აფხაზთა“ მეფეების ეროვნულ-სახელმწიფოებრივი და სარწმუნოებრივი იდენტობის მახვენილი არის ის მატერიალური და სულიერი კულტურა, აგრეთვე სახელმწიფოებრივი პოლიტიკა, რომელსაც ისინი ატარებდნენ. აქედან გამომდინარე, მათი ეროვნული იდენტიფიკაცია შესაძლებელია მხოლოდ ქართულ პოლიტიკურ სამყაროსთან. შესაბამისად, „აფხაზთა“ მეფეები შუა საუკუნეების შესანიშნავ ქართველ პოლიტიკურ მოღვაწეთა გაღვრებას მიეკუთვნებიან.⁶¹⁴ ზ. პაპასქირი თვლის, რომ ვინც უნდა ყოფილიყვნენ „აფხაზთა“ მეფეები ეთნო-ტომობრივად, ისინი თავიანთი პოლიტიკური და სახელმწიფოებრივი მოღვაწეობით ერთმნიშვნელოვნად წარმოადგენდნენ საერთო-ქართულ კულტურულ-პოლიტიკურ და სახელმწიფოებრივ სამყაროს, თუმცა არ გამორიცხავს მათ აფხაზურ-აფსუურ წარმოშობას.⁶¹⁵ ეთნიკურად „აფხაზთა მეფეებს“ ეგრისის პატრიკოსების შთამომავლებად მიიჩნევდა პ. ინგოროყვა.⁶¹⁶ ამ მოსაზრების პირდაპირი დადასტურებაა X ს. სომეხი ავტორის იოანე დრასხანაკერტელისა და ფსევდო შაპუხ ბაგრატიონის მიერ აფხაზთა მეფის (კონსტანტინე III-ის) მოხსენიება პირველ შემთხვევაში „ეგრისის მეფედ“, მეორე შემთხვევაში – „ლაზთა მეფედ“.⁶¹⁷

„აფხაზ მეფეთა დივანის“ მონაცემებზე დაყრდნობით, პ. ინგოროყვას მოსაზრება ახალი არგუმენტებით გაამყარეს თ. ბერაძემ და მ. სანაძემ, რომლებმაც ეგრისის პატრიკოსებისა და „აფხაზთა მეფეთა“ დივანში წარმოდგენილი გენეალოგიის შეჯერების საფუძველზე, „ლეონიდების“ დინასტიის წარმომავლობა დამაჯერებლად დაუკავშირეს ეგრისის პატრიკოსის სერგი ბარნუკის ძის სამემკვიდრეო ხაზს.⁶¹⁸ ამ მოსაზრების სასარგებლოდ მეტყველებს „აფხაზთა მეფეთა“ სახელმწიფოებრივი და სარწმუნოებრივი პოლიტიკა, რომლის საფუძველზე ისინი თავად ახდენენ თვითიდენტიფიკაციას. აუცილებლად ყურადსაღებია, ის ფაქტიც, რომ ქუთაისის სატახტო ქალაქად გამოცხადება ვერანაირად ვერ ჯდება „დამპყრობლის“, „უცხოელის“ მიერ გადაღმული პოლიტიკური ნაბიჯის კონტექსტში. როგორც ითქვა, ლეონ მეორისთვის ქუთაისიც და ანაკოფიის მიდამოებიც ერთნაირად მშობლიური გარემოა. მან ხელსაყრელი მომენტი გამოიყენა და დედაქალაქი კოლხეთის/ეგრისის ისტორიულ ცენტრში გადაიტანა. ლეონის დროს ქუთაისი გაფართოვდა, ჩატარდა მნიშვნელოვანი სამშენებლო სამუშაოები, აიგო ახალი თავდაცვითი სიმაგრეები და სასახლის ნაგებობანი.⁶¹⁹

ლეონ მეორის ეთნიკური ვინაობა კარგად ჩანს მის მიერ გადაღმული სხვა პოლიტიკური ნაბიჯებითაც, ასევე იმ დამოკიდებულებით, რომელსაც იგი ავლენდა დანარჩენი ქართული პოლიტიკური სამყაროსადმი. ამ თვალსაზრისით, მნიშვნელოვანია ლეონ II-ის ურთიერთობა და მხარდაჭერა ქართლის ერისმთავარ ნერსესადმი, ტახტის მემკვიდრის დინასტიური ქორწინება ტაო-კლარჯეთის ბაგრატიონებთან და ა. შ. განსაკუთრებით უნდა გაესვას ხაზი ვახუშტის ზემოთ მოყვანილ შემდეგ ცნობას: „ვინაშთა ამაჲსე ლეონს მოერთნენ ოძრახოს წილნი, ჭოროხის სამკრეთისანი და

⁶¹¹ , 1911, გვ. 10-11. აღნიშნული მოსაზრება გაიზიარა თ. მიხრუანძვეს მიხედვით. აფხაზეთის მეფეები და მთავრები. თბ., 1977.

⁶¹² , გვ. 80; , გვ. 120; , გვ. 234-244;

⁶¹³ , გვ. 157.

⁶¹⁴ ლ. ახალაძე. „აფხაზთა“ მეფეთა ეროვნულ-სარწმუნოებრივი იდენტობის საკითხისათვის. – დისციპლინათა შორის რესპუბლიკური კონფერენცია „ეროვნული და სარწმუნოებრივი იდენტობა“. თბ., 2004, გვ. 12;

⁶¹⁵ ზ. პაპასქირი, ნარკვევები, I-გვ. 51.

⁶¹⁶ პ. ინგოროყვა. გიორგი მერჩულე, გვ. 192.

⁶¹⁷ დ. ჯ. Гамахрия, Б. Гогия. დასახ. ნაშრომი, გვ. 192, 196.

⁶¹⁸ მ. სანაძე, თ. ბერაძე. VIII ს-ის I ნახევრის ქართლისა და ეგრისის პოლიტიკური ისტორიიდან, გვ. 76-77.

⁶¹⁹ , გვ. 158. მ. ლორთქიფანიძის აზრით, ეს დასტურდება ქუთაისში ჩატარებული არქეოლოგიური გათხრების საფუძველზე. იქვე, გვ. 171.

განუდგნენ ოძრახოს ერისთავსა, უწოდა გურია და დასუა მუნ ერისთავი თვისი“ (აქვე, გვ. 93). ეს ცნობა ერთმნიშვნელოვნად ადასტურებს, რომ გურიისა და ჭოროხის მოსახლეობა საკუთარი ნებით ირჩევს აფხაზთა სამეფოს იურისდიქციაში შესვლას. შესაბამისად, ლეონ მეფე მათთვის უცხო და თანაც „დამპყრობელი“ კი არ იყო, არამედ ეთნიკურად და კულტურულ-სარწმუნოებრივი თვალსაზრისით ახლობელი, ხოლო აფხაზთა სამეფო - საიმედო თავშესაფარი არაბთა ბატონობისაგან თავდასაცავად.

2006 და 2007 წწ აფხაზი ავტორების ო. ბლაჟბასა და ს. ლაკობას მიერ გამოცემულ შრომებში, უგულებელყოფილია როგორც ისტორიული წყაროების ცნობები, ასევე წინა ეპოქის ისტორიკოსთა თითქმის ყველა შეფასება „აფხაზთა“ სამეფოს წარმოშობისა და საეკლესიო პოლიტიკის შესახებ. „აფხაზთა“ სამეფოს ეროვნულ-სახელმწიფოებრივი იერსახე, მოსახლეობის ეთნიკური შემადგენლობა და „აფხაზთა“ მეფეების ეთნიკური კუთვნილება კარგად ჩანს მათ მიერ გატარებულ საეკლესიო პოლიტიკაში, რომელიც აშკარად ანტიბიზანტიურ და ქართულ ხასიათს ატარებდა.

ო. ბლაჟბასა და ს. ლაკობას ნაშრომები ფართოდ მიმოიხილავენ „აფხაზთა“ სამეფოს პერიოდს, მაგრამ მიუხედავად ამისა, ავტორების ყურადღების მიღმა „დარჩა“ ისეთი უმნიშვნელოვანესი საკითხი, როგორცაა „აფხაზთა“ მეფეების საეკლესიო პოლიტიკა. უფრო მეტიც, თუ აფხაზური ისტორიოგრაფიის ერთ-ერთი ავტორიტეტი ზ. ანჩაბაძე ბერძნულ წყაროებზე დაყრდნობით წერდა, რომ აფხაზეთი იყო „ქრისტესმოყვარული“ ქვეყანა და მისი მმართველები „ქრისტეს მეგობრები“ იყვნენ,⁶²⁰ თანამედროვე აფხაზ ისტორიკოსებს მიაჩნიათ, რომ „აფხაზთა სამეფოს“ საეკლესიო და სარწმუნოებრივი პოლიტიკა განხილვის საგანიც არ უნდა გახდეს, რადგან ამ მხრივ მნიშვნელოვანი არაფერი მომხდარა. მათი მტკიცებით, „აფხაზთა“ სამეფოს დამაარსებლის ლეონ II-ის პიროვნების ფორმირებაზე დიდი გავლენა იქონია ხაზარმა დედამ, იგი მხოლოდ წარმართულ რელიგიურ ტრადიციებს სცემდა პატივს და მისდევდა იუდაისტურ სარწმუნოებას, რომელიც ხაზარებმა IX საუკუნეში სახელმწიფო რელიგიადაც კი გამოაცხადეს⁶²¹. როგორც ვხედავთ, ლეონ II-ის სახელმწიფოებრივი და რელიგიურ-სარწმუნოებრივი სახის წარმოსახენად მოთხრობილია არა წყაროებში დაფიქსირებული რეალური ისტორიული ფაქტები და წარმოდგენილია არა რეალური ისტორიული სურათი, არამედ ავტორების დაუსაბუთებელი ვარაუდი, რომლითაც მკითხველს უნდა შეექმნას წარმოდგენა, რომ „აფხაზთა“ სამეფო და „აფხაზი“ მეფეები სარწმუნოებრივი თვალსაზრისით შორს იყვნენ ქრისტიანობისაგან, და შესაბამისად, ქართული სამყაროსაგან. შესაძლებელია, – წერენ ავტორები, – ლეონ II სწორედ ამიტომ აქცევდა ნაკლებ ყურადღებას ქრისტიანობას და სავარაუდოდ, მისი მეფობის დროს უნდა გაჩენილიყო „რელიგიური სინკრეტიზმის“ ნიშნები აფხაზთა სამეფოში. ამის არგუმენტად ავტორებს მოჰყავთ ლიხნის სასახლის ჩრდილოეთ კედელზე ამოკვეთილი ჯვარი, რომელიც ექვსქიმიან ვარსკვლავშია ჩაწერილი.⁶²² საყურადღებოა, ის ფაქტი, რომ მსგავსი სიმბოლიკა ხშირად გვხვდება ქრისტიანული სამყაროს ხელოვნებაში და მათ შორის საქართველოს სხვა რეგიონებშიც. უფრო მეტიც, ეს ქართული ორნამენტული ხელოვნებისათვის დამახასიათებელი სიმბოლოა. მაგალითად, მსგავს ნიმუშებს ვხვდებით როგორც დასავლეთ საქართველოს, ისე აღმოსავლეთ საქართველოს მცირე ფორმის ორნამენტებში და ეს თავის დროზე შესწავლილი აქვთ რ. შმერლინგს⁶²³ და ლ. ხრუშკოვას⁶²⁴.

ო. ბლაჟბა და ს. ლაკობა, ეხებიან რა სარწმუნოებრივ საკითხებს წერენ, რომ აფხაზები განსაკუთრებულ პატივს სცემდნენ ჭეჭა-ჭუხილის ღმერთს, ასევე გავრცელებული იყო თავგანისცემა ხეებისადმი (განსაკუთრებით მუხისადმი) და ა.შ.⁶²⁵ ამ მოსაზრებით აფხაზი ავტორები უარყოფენ ისტორიოგრაფიაში მიღებულ მთელ რიგ დებულებებს აფხაზთა სამეფოს რელიგიურ - სარწმუნოებრივი მდგომარეობისა და აფხაზი მეფეების საეკლესიო პოლიტიკის შესახებ, რომელიც კარგად არის

620 , გვ. 80.
 621 , გვ. 132.
 622 . იქვე, გვ. 133.
 623 „ 1962.
 624 V-X . . . 1982.
 625 , გვ. 133.

შესწავლილი ზ. ანჩაბადის, მ. ლორთქიფანიძის, პ. ინგოროყვას, ზ. პაპასქირის ზემოთდასახელებულ ნაშრომებში. უკანასკნელ ხანს გამოიცა ა. ჯაფარიძის, ბ. კუდავას, თ. ქორიძის, შ. გლოველის, ლ. ახალაძის, ჯ. გამახარიასა⁶²⁶ და სხვათა ნაშრომები, რომლებიც ერთმნიშვნელოვნად მიუთითებენ, რომ აფხაზთა სამეფო ფეოდალური ეპოქის ქრისტიანული სახელმწიფო იყო და აფხაზი მეფეები განსაკუთრებით აქტიურად იყვნენ ჩართული ქრისტიანული სარწმუნოების განმტკიცებისა და გაძლიერების საქმეში. ამის ნათელი არგუმენტი იხსნება იმ აქტიური საეკლესიო მშენებლობა, რომელსაც აფხაზთა მეფეები ეწეოდნენ საქართველოს თითქმის მთელს ტერიტორიაზე. უფრო მეტიც, ისინი აქტიურად იყვნენ ჩართული მეზობელი კავკასიელი ხალხების გაქრისტიანების საქმეში. აქვე უნდა შევნიშნოთ, რომ წარმართული ღვთაებებისადმი აფხაზთა თაყვანისცემის ფაქტები უფრო გვიანი შუა საუკუნეების, კერძოდ, XVII-XVIII საუკუნეების, ან თუნდაც XIX საუკუნის რეალობაა და არა აფხაზთა სამეფოს ეპოქისა, როდესაც „აფხაზთა მეფეთა“ სახელმწიფოებრივი და სარწმუნოებრივი საქმიანობა მთლიანად ემსახურებოდა ქრისტიანული მრწამსის განმტკიცება-გაძლიერების საქმეს.

აფხაზთა სამეფოს წარმართულ – რელიგიური იდეოლოგიური სახის წარმოჩენა ავტორებს დასჭირდათ იმ მცდარი დასკვნის გამოსატანად, რომლის თანახმად აფხაზთა და ხაზართა ადრე შუა საუკუნეების სახელმწიფოებს ჰქონდათ მჭიდრო კონტაქტები როგორც პოლიტიკური, ასევე რელიგიური თვალსაზრისით, აგრეთვე იმის დამადასტურებლად, რომ თანამედროვე აფხაზებში შემორჩენილ წარმართობას ისტორიული საფუძველი აფხაზთა სამეფოს წიაღში მოუძებნონ.

თითქმის ყველა ნაშრომი, რომელიც ოპონირებას უწევს ქართულ ისტორიოგრაფიას, გვერდს უვლის აფხაზთა მეფეების რელიგიურ-სარწმუნოებრივ პოლიტიკას. ქართული და უცხოენოვანი წერილობითი წყაროები - ნარატიული თხზულებები, საეკლესიო საბუთები და ეპიგრაფიკული ძეგლები - არგუმენტირებულად ასაბუთებენ მათ სარწმუნოებრივ იდენტიფიკაციას. ამ წყაროების ანალიზი საფუძველს გვაძლევს ახლებურად გავიხაროთ „აფხაზთა“ მეფეების საეკლესიო პოლიტიკის საკითხები.

„აფხაზთა“ სამეფოს საეკლესიო პოლიტიკაში შეიძლება გამოვყოთ ორი პერიოდი: პირველი ეტაპზე – VIII საუკუნის 90-იანი წლებიდან ვიდრე IX საუკუნის 60-იანი წლების დასაწყისამდე, „აფხაზთა“ მეფეები გაცილებით მეტ ყურადღებას აქცევდნენ სახელმწიფოებრივი მშენებლობის საკითხებს. კერძოდ, ამ დროს ლეონ II-ის, თეოდოსი II-ისა და დემეტრე II-ის ძალისხმევა ძირითადად მიმართული იყო ბიზანტიის საიმპერატორო კარისაგან და საეკლესიო გავლენისაგან განთავისუფლებისაკენ, რათა მოეპოვებინათ სრული პოლიტიკური დამოუკიდებლობა. IX საუკუნის შუახანებიდან მდგომარეობა იცვლება – „აფხაზთა“ მეფეებს პოლიტიკური თვალსაზრისით ხელსაყრელი დრო დაუდგათ, რათა გაეტარებინათ უფრო აქტიური პოლიტიკა, როგორც ქართული ეკლესიის, ასევე დანარჩენი ქართული მიწების გაერთიანების თვალსაზრისით. ეს მისწრაფება ახალ ფაზაში გადავიდა და აშკარად ჩანს გიორგი I-ის, ბაგრატ I-ის, კონსტანტინე III-ის, გიორგი II-ისა და ლეონ III-ის საეკლესიო და სახელმწიფოებრივ პოლიტიკაში. აფხაზთა მეფეების საეკლესიო პოლიტიკაში რამდენიმე მიმართულება გამოიყოფა:

1. პირველი და ძირითადი ამ პოლიტიკაში იყო კონსტანტინოპოლის საპატრიარქოს დაქვემდებარებიდან თანდათანობით გამოსვლა.
2. საეკლესიო მშენებლობის გაფართოება და ახალი საეკლესიო ცენტრების დაარსება.
3. ქართულ ავტოკეფალურ ეკლესიასთან გაერთიანებისკენ სწრაფვა

⁶²⁶ ანანია ჯაფარიძე. საქართველოს სამოციქულო ეკლესიის ისტორია, ტომი მეორე, თბ.1998; ბ. კუდავა. დასავლეთ საქართველოს საეკლესიო ცენტრები კონსტანტინოპოლის საპატრიარქოს დაქვემდებარებაში (VI–IX სს). თბ., 2002; ბ. კუდავა. აფხაზთა საკათალიკოსოს ისტორიიდან (XI–XIII სს). თბ., 2002; ბ. კუდავა. დასავლეთ საქართველოს ეკლესია IX–XI სს. საკანდ. დის. თბ., 2002; თ. ქორიძე. აფხაზეთის საკათალიკოსოს ისტორია (IX–X სს). ავტორფერატი. თბ., 2003; შ. გლოველი. „აფხაზთა სამეფო“, საკანდ. დის. ავტორფერატი. თბ., 2004; კჰალაძე. ინსტიტუციონალური ბუკალიონის კინგსონ ჩრისტიან არტ მონუმენტს, ინტერნაციონალ სიმპოზიუმ ჩრისტიანიტყ: პასტ, პრესენტ, ფუტურე. თბ., 2000, გვ. 9; ლ. ახალაძე. „აფხაზთა“ მეფეთა ეროვნულ-სარწმუნოებრივი იდენტობის საკითხისათვის, გვ. 12; ჯ. გამახარია. აფხაზეთი და მართლმადიდებლობა, გვ. 102-121.

4. მეზობელი ჩრდილოეთკავკასიელი ხალხების გაქრისტიანებისათვის ბრძოლა და ამ მიმართულებით სახელმწიფო საზღვრების უფრო საიმედოდ დაცვის უზრუნველყოფა.⁶²⁷

ქართული წყაროები - „მატიანე ქართლისაჲს,“ სუმბატ დავითის ძე, ვახუშტი, ქართული ეპიგრაფიკული ძეგლები და, რაც მთავარია, ისეთი ბერძნული წყარო, როგორცაა კონსტანტინოპოლის სამწყსოში შემავალი კათედრების ნუსხები, ანუ ე.წ. „ეკთეხისების“ ცნობები ერთიანობაში იძლევიან ამ საკითხებზე წარმოდგენას. თავის დროზე ამ პრობლემას არერთი მკვლევარი შეეხო და კვლევის შედეგები შეჯამდა კიდევ მ.ლორთქიფანიძის ნაშრომში, რომელშიც დასაბუთდა, რომ დასავლეთ საქართველოს გაერთიანებისა და პოლიტიკურად ბიზანტიის გავლენისაგან გამოსვლის შემდეგ შეუძლებელი იყო ბიზანტიის საეკლესიო ჰეგემონიის მოთმენა. ეგრის-აფხაზეთის სახელმწიფოს ქართული პოლიტიკა აქტიურად აყენებდა ეკლესიურად მცხეთასთან, საერთოქართულ სახელმწიფოსთან გაერთიანების საკითხს. ბრძოლა ხანგრძლივი და მძიმე იყო და პოლიტიკური დამოუკიდებლობის მსგავსად ბიზანტიისაგან საეკლესიო გამოყოფაც თანდათან ხორციელდებოდა.⁶²⁸ პოლიტიკური დამოუკიდებლობის მიღების-თანავე „აფხაზთა მეფის“ წინაშე მთელი სიმწვავეით დადგა ეკლესიის დამოუკიდებლობის საკითხი; ბიზანტიის საიმპერატორო კარისადმი დაპირისპირებული ლეონ II ვერ შეძლებდა საკუთარი საეკლესიო პოლიტიკის გატარებას მანამ, ვიდრე „აფხაზთა სამეფოს“ ეკლესია კონსტანტინოპოლის სამწყსოს წარმოადგენდა. გარდა ამისა იმპერია შეეცდებოდა, ეკლესიის საშუალებით გავლენა მოეხდინა დასავლურქართული სახელმწიფოს საშინაო და საგარეო პოლიტიკაზე და მორჩილებაში ჰყოლოდა ის. ვახუშტი ბაგრატიონის მიხედვით, აფხაზეთის სამეფო ეკლესიურად სწორედ ლეონ II-ის დროს გამოეყო კონსტანტინოპოლის სამწყსოს: „ამისგანვე საგონებელ არს განთავისუფლება აფხაზთა კათალიკოზისა, ნებითავე ბერძენთაჲს.“⁶²⁹ როგორც ჩანს, აფხაზეთის პოლიტიკური დამოუკიდებლობა, – წერს მ. ლორთქიფანიძე, – უშუალოდ უკავშირდება აფხაზეთის ეკლესიის გამოყოფას ბიზანტიის ეკლესიისაგან.⁶³⁰ ამ პერიოდში ლეონ მეორისთვის ბიზანტიას წინააღმდეგობა ვერ უნდა გაეწია გართულებული შიდაპოლიტიკური და საგარეო ვითარებიდან გამომდინარე. შესაძლოა, მას ხელს აძლევდა კიდევ „აფხაზთა სამეფოსთან“ კარგი ურთიერთობის შენარჩუნების ფასად, დროებით დაეთმო დასავლეთ საქართველოს ეკლესიის დამოუკიდებლობა. მით უფრო, რომ ზღვისპირა ზოლში გარკვეული პერიოდის განმავლობაში შენარჩუნდა კონსტანტინოპოლის საეკლესიო იურისდიქცია. და, რაც ყველაზე უფრო მნიშვნელოვანია, „აფხაზთა სამეფო“ არაბთა წინააღმდეგ ბრძოლის პირობებში მნიშვნელოვანი და გასათვალისწინებელი ძალა იქნებოდა იმპერიისათვის.

სრული საეკლესიო დამოუკიდებლობის მისაღწევად საჭირო გახდა შემდგომი ნაბიჯების გადადგმა. ამ ისტორიულ ფაქტზე მიუთითებს „მატიანე ქართლისაჲს“ ცნობაც: „ამან ბაგრატ გააჩინა და განაწესა კათალიკოსი აფხაზეთს ქრისტეს აქეთ ყ' ლ“⁶³¹ (ანუ 830 წელს). ე. ი. წყაროს მიხედვით, ტაო-კლარჯეთის მფლობელი ბაგრატ I კურაპალატი მხარს უჭერს დასავლეთ საქართველოში საკათალიკოსოს ანუ ბიზანტიისაგან დამოუკიდებელი ეკლესიის შექმნას. როგორც ჩანს, ეს პროცესი ხანგრძლივი და რთული იყო და ამ საქმეში ქართველი მეფე-მთავრები აფხაზთა მეფეების მხარდამჭერებად გამოდიოდნენ. რაც შეეხება აფხაზთა საკათალიკოსოს გაერთიანებას მცხეთის საყდართან, ეს საეკლესიო რეფორმის მეორე ეტაპი უნდა ყოფილიყო.

ლეონ II-ის გარდაცვალების შემდეგ „აფხაზთა სამეფო“ ტახტზე ერთმანეთის მონაცვლეობით ადიან მისი ვაჟები: თეოდოსი II (806-825 წწ.), დემეტრე II (825-861 წწ.) და გიორგი I (861-868 წწ.).

თეოდოსი II გამეფდა 806 წელს. როგორც ზემოთ აღინიშნა, ლეონ მეფემ ჯერ კიდევ თავის სიცოცხლეში დაიჭირა თადარიგი და გაძლიერებული ტაო-კლარჯეთის

⁶²⁷ . ლ. ახალაძე. „აფხაზთა“ მეფეთა ეროვნულ-სარწმუნოებრივი იდენტობის საკითხისათვის, გვ. 12.

⁶²⁸ . მ. ლორთქიფანიძე. ახალი ქართული სამთავროების წარმოქმნა. - საქართველოს ისტორიის ნარკვევები, ტ. II. გვ. 422; . გვ. 155-170.

⁶²⁹ . ქართლის ცხოვრება, ტ. IV, გვ. 796.

⁶³⁰ . მ. ლორთქიფანიძე. ფეოდალური საქართველოს პოლიტიკური გაერთიანება. თბ., 1963, გვ. 193.

⁶³¹ ქართლის ცხოვრება, ტ. I, გვ. 255.

პოლიტიკურ წრეებთან თავისი კავშირები დინასტიური ქორწინებით გაამყარა⁶³². ამ დროს „აფხაზთა სამეფო“ ჯერ კიდევ სახელმწიფოებრივი მშენებლობის ეტაპზე იყო და ის ნაკლებად აქტიურობდა აღმოსავლეთისაკენ სამეფო საზღვრების გაფართოების საქმეში, სამაგიეროდ, აშოტ ბაგრატიონთან ერთად გამოდის ერთიანი კოალიციით კახეთის ქორეპისკოპოსის – გრიგოლის წინააღმდეგ ბრძოლაში. გარდა იმისა, რომ ტაო-კლარჯეთის სამთავროსა და „აფხაზთა სამეფოს“ შორის დინასტიურ-ნათესაური ურთიერთობები არსებობდა, ეს ერთიანობა საერთო ქართული ინტერესებითაც იყო გამოწვეული, რადგან „ბრძოლა ქართლსა ზედა“, ანუ ქართლის დაუფლება ნიშნავდა პირველობას საქართველოს გაერთიანებისათვის ბრძოლაში. ეს მისწრაფება პირველად სწორედ აშოტ ბაგრატიონისა და თეოდოსი აფხაზთა მეფის ერთობლივი ბრძოლის პროცესში გამოჩნდა.

ძალზე მნიშვნელოვანი ცნობებია დაცული ისტორიულ წყაროებში აფხაზთა მეფეების მიერ წარმოებული საეკლესიო მშენებლობის შესახებ არა მარტო აფხაზთა სამეფოს ტერიტორიაზე, არამედ საქართველოს დანარჩენ ისტორიულ რეგიონებში, რომლებსაც თანდათანობით იერთებდნენ „აფხაზთა“ მეფეები. ამ მხრივ განსაკუთრებით მნიშვნელოვანია „მატიანე ქართლისაჲს“ და ქართული ეპიგრაფიკული ძეგლების მონაცემები, რომლებზეც „აფხაზთა“ მეფეთა სამშენებლო წარწერებია დაცული. ქრონოლოგიურად ყველაზე ადრეული ცნობა აფხაზთა მეფეების საეკლესიო მშენებლობის შესახებ დაცულია X საუკუნის ქართველი მწერლის გიორგი მერჩულეს „გრიგოლ ხანძთელის ცხოვრებაში“, რომელიც ეხება აფხაზთა მეფის დემეტრე II-ის (825-861წწ.) თხოვნით გრიგოლ ხანძთელის მიერ სამეფოს ტერიტორიაზე სოფ. უბეში ტაძრის აგების ისტორიას. ნიშანდობლივია, რომ გიორგი მერჩულე განსაკუთრებული პატივისცემითა და მოწიწებით აღწერს აფხაზთა მეფის დემეტრე II-ის, როგორც ქრისტიანი და სარწმუნოებისათვის თავდადებული მეფის სახეს. „წმიდაო მამაო, - მიმართავს დემეტრე მეფე გრიგოლს, - აჰა, იქმნა წადიერებად ნებისა შენისაჲ, არამედ უფალმან ყაენ ნებადცა გულისა ჩემისაჲ, რამეთუ მაქუს სულსა ჩემსა მონასტრისა ახლად შენებაჲ. აწ ბრძანე და მოვიხილნეთ მრავალნი ადგილნი აფხაზეთისანი და, სადაცა სიწმინდემან შენმან ინებოს, მონასტრად აღვაშენოთ ადგილი იგი.“ როგორც ვხედავთ, აფხაზთა სამეფოს ტერიტორიაზე ტაძრის მშენებლობის იდეა დემეტრე II-ს ეკუთვნოდა და სწორედ მისი ინიციატივით დაიწყო გრიგოლ ხანძთელმა ტაძრის აგება: „მაშინ მამამან გრიგოლ, სარწმუნოებისაჲბერ მეფისა, აღაშენა მონასტერი და უწოდა სახელი მისი უბე“. ამ ისტორიულ მოვლენაზე მიუთითებს უბისის ტაძრის წარწერა, რომელშიც დემეტრე მეფე (825-861წწ.) არის დასახელებული. მიუხედავად იმისა, რომ დღეს ეს წარწერა დათარიღებულია XII ს. 40-იანი წლებით⁶³³, სარწმუნოა, რომ იგი IX ს. წარწერაა და მასში დემეტრე აფხაზთა მეფე იყო დასახელებული და არა დავით აღმაშენებლის ვაჟი საქართველოს მეფე დემეტრე I (1025-1056წწ.), რომლის დროსაც რესტავრაცია ჩატარდა ამ ტაძარს და წარწერის „მეფე დემეტრე“ გაიგივებული იქნა დემეტრე I ბაგრატიონთან. ამ შემთხვევაში ნარატიული და ეპიგრაფიკული წყაროების შეჯერების საფუძველზე შესაძლებელია დავასკვნათ, რომ აღნიშნული ტაძრის მშენებლობა დემეტრე II (825-861წწ.) აფხაზთა მეფის ზეობის წლებით თარიღდება.

დემეტრე II-ის გარდაცვალების შემდეგ, 861 წელს, მიუხედავად იმისა, რომ მას დარჩა მცირეწლოვანი შვილი – ბაგრატი, აფხაზთა სამეფო ტახტი დაიკავა მეფის ძმამ გიორგი I-მა (861-868წწ.). როგორც ჩანს, გიორგის გამეფება ბაგრატის მცირეწლოვანებით იყო გამოწვეული. მსგავსად წინამორბედებისა, გიორგი პირველიც აქტიურ სახელმწიფოებრივ და საეკლესიო პოლიტიკას აგრძელებდა. იგი აფხაზთა მეფეებს შორის პირველია, ვინც ბრძოლა დაიწყო აღმოსავლეთ საქართველოს შემოერთებისათვის და აქტიურად ჩაერთო იმ პოლიტიკურ პროცესებში, რომლებსაც „მატიანე ქართლისაჲს“ ავტორმა „ბრძოლა ქართლსა ზედა“ უწოდა. თუ IX საუკუნის დასაწყისში „აფხაზთა მეფე“ აშოტ ბაგრატიონს ეხმარებოდა ქართლისათვის წარმოებულ

⁶³² „მატიანე ქართლისაჲს“ და ვახუშტის ცნობით, თეოდოსი „აფხაზთა მეფეს“ ცოლად ჰყავდა აშოტ ბაგრატიონის ასული. - „ქართლის ცხოვრება“, ტ. I, გვ. 252-253; იქვე, ტ. IV, გვ. 797.

⁶³³ ქართული ლაპიდარული წარწერების კორპუსი. დასავლეთ საქართველოს წარწერები, ნაკვ. I (IX – XIII სს). შეადგინა და გამოსაცემად მოამზადა ვ. სილოგავამ. თბ., 1980, გვ. 140-141.

ბრძოლაში, ამჯერად IX საუკუნის მეორე ნახევრიდან, გაძლიერებული აფხაზთა მეფეები ცდილობენ თავად ჩაერთონ ამ ბრძოლაში. აფხაზთა სამეფოს ჩარევა შიდა ქართლის საქმეებში IX საუკუნის 60-იანი წლებიდან სრულიად რეალურ სახეს იღებს და ქართლისათვის ბრძოლას არა მარტო პოლიტიკური, არამედ ეკონომიკური მნიშვნელობაც მიეცა. ამ თვალსაზრისით ნიშანდობლივია, რომ აფხაზთა მეფე, რომელიც იბრძვის როგორც შიდა ქართლზე გამავალი, ისე დარიალის გზისათვის, ამავე დროს ცდილობს ხელში ჩაიგდოს ბარდავიდან საქართველოსაკენ მიმავალი გზის მონაკვეთი, რომელიც ალაზნის აყოლებით გავაზზე გადის.⁶³⁴ მომდევო ხანებში აფხაზთა მეფეები აფართოებენ ბრძოლას, ამჯერად სამხრეთ-აღმოსავლეთის მიმართულებით.

გიორგი I (861–868წწ.) „აფხაზთა“ მეფის სახელი დაცულია არმაზში (ქსნის ხეობაში), ერთ-ერთი ეკლესიის საამშენებლო წარწერაში, რომელიც დათარიღებულია გიორგი მეფის ზეობის წლებით, კერძოდ, 864 წლით. წარწერაში ვკითხულობთ: „ს(ა)ხ(ე)ლ(ი)თ/ა ღ(მ)რთისაჲთა, მე, გ(იორგ)ი [ი] [არმაზელმა] მ(ა)მ(ა)ს(ა)ხლ(ის)მან ღ(ა)ნ(ი)წყლ/ე წ(მიდა)ჲ ეკ(ლეს)ია)ჲ ქრ(ონი)კ(ონ)სა, პდ, ჳ(ე)ლმწ(ი)ფ(ობა)ს/ გ(იორგი)სა.“⁶³⁵

IX საუკუნის 60-იან წლებში, 864 წლისათვის, როცა საფუძველი ჩაეყარა ტაძრის მშენებლობას, „ხელმწიფის ტიტულს“ ქართული პოლიტიკური ერთეულების ლიდერებიდან მხოლოდ „აფხაზთა“ მეფეები ატარებდნენ. ბუნებრივია, წარწერაში დასახელებული „პელმწიფე“ უნდა იყოს „აფხაზთა“ მეფე გიორგი I.

თავის დროზე არმაზის წარწერის „გიორგი მეფის“ იდენტიფიკაცია მოხდა გიორგი აფხაზთა მეფესთან, რადგან სწორედ ამ დროს, 864 წლის მახლობელ ხანებში, გიორგი I განაგებდა აფხაზთა სამეფოს ქართლეთურთ.⁶³⁶ ამაზე მიუთითებს სხვა წყაროც, კერძოდ, „მატიანე ქართლისაჲ“: „გამოვიდა გიორგი აფხაზთა მეფე, ძმა თეოდოსესი და დემეტრესი, ძე ლეონისი, დაიპყრა ქართლი და დაუტევა ერისთავად ჩიხას ძე დემეტრესი“.⁶³⁷ მატიანის ეს ცნობა გაზიარებულია ქართულ ისტორიოგრაფიაში. მ. ლორთქიფანიძის აზრით, ამ პერიოდიდან ტაო-კლარჯეთის მმართველები ვერ ახერხებენ დამოუკიდებელ ბრძოლას ქართლისათვის, რითაც ისარგებლა „აფხაზთა“ სამეფომ და იგი ქართლის შემოერთებისათვის ბრძოლაში აქტიურად ჩაერთო⁶³⁸, რასაც გიორგი I-ის მიერ ქართლის „აფხაზთა“ სამეფოს საერისთავოდ გამოცხადება მოჰყვა. მოგვიანებით, აფხაზთა სამეფომ დროებით დაკარგა შიდა ქართლი, მაგრამ უდავოა, რომ სწორედ ამ პერიოდში დაიწყო არმაზის ტაძრის მშენებლობა, რომლის საამშენებლო წარწერაში ასახვა ჰპოვა აფხაზთა მეფეების მიერ დაწყებული ბრძოლა ქართული მიწების გაერთიანებისათვის⁶³⁹.

საყურადღებოა, რომ ამ პოლიტიკას აფხაზი ავტორები ს. ლაკობა და ო. ბლაჟბა ჩვეულებრივ „დაპყრობით“ პოლიტიკას უწოდებენ და აღნიშნავენ, რომ ასეთი პოლიტიკით აფხაზმა მეფეებმა უბრალოდ განავრცეს აფხაზური ეთნოსის განსახლების არეალი. ამ თვალსაზრისით, საყურადღებოა ის ფაქტი, რომ გიორგი I გვევლინება არა მარტო პოლიტიკური საზღვრების გაფართოების მომხრედ (შიდა ქართლის შემოერთება), არამედ საეკლესიო პოლიტიკის აქტიურ გამტარებლადაც (არმაზის ტაძრის მშენებლობა ქართლში), ანუ ქართლი მისთვის „დაპყრობილი“ ქვეყანა კი არ არის, არამედ მისი მზრუნველობის ქვეშ მყოფი ტერიტორია, სადაც მეფის მხარდაჭერით საეკლესიო მშენებლობა მიმდინარეობს. სავარაუდოა, რომ სწორედ გიორგი I უნდა იყოს საეკლესიო რეფორმის მეორე ეტაპის დამწყები, რომელიც დასავლეთ საქართველოს ეკლესიის მცხეთის საკათალიკოსო ტახტთან გაერთიანებას ისახავდა მიზნად. ეს გაერ-

⁶³⁴ . მ. ლორთქიფანიძე. ფეოდალური საქართველოს პოლიტიკური გაერთიანება, გვ.196.

⁶³⁵ . ქართული წარწერების კორპუსი, ტ. I. ლაპიდარული წარწერები, აღმოსავლეთ და სამხრეთ საქართველო (V–X სს). შეადგინა და გამოსაცემად მოამზადა ნ. შოშიაშვილმა. თბ., 1980. გვ. 168; ლ. ახალაძე. ეგრის-აფხაზეთის („აფხაზთა“) მეფეთა წარწერები. – აფხაზეთი, I. თბ., 2004, გვ. 56.

⁶³⁶ . ლ. ახალაძე. ეგრის-აფხაზეთის („აფხაზთა“) მეფეთა წარწერები, გვ. 56.

⁶³⁷ . ქართლის ცხოვრება, ტ. I, გვ. 258.

⁶³⁸ . მ. ლორთქიფანიძე. ფეოდალური საქართველოს პოლიტიკური გაერთიანება, გვ. 155-170.

⁶³⁹ . ლ. ახალაძე. ეგრის – აფხაზეთის („აფხაზთა“) მეფეთა წარწერები, გვ. 56.

თიანება ერთბაშად არ მომხდარა და, როგორც ჩანს, იგი ბაგრატ I-ის (881-893 წწ.) ეპოქაში დასრულდა.

ამ საკითხთან დაკავშირებით გასათვალისწინებელია ის ფაქტი, რომ გიორგი I არის პირველი მეფე, რომელმაც გააფართოვა პოლიტიკური საზღვრები აღმოსავლეთის მიმართულებით. ცხადია, საეკლესიო ერთიანობის იდეა, რომელიც მანამდეც არსებობდა, ამის შემდეგ გაცილებით უფრო აქტიური და პოლიტიკური თვალსაზრისითაც მყარი გახდებოდა. რეალურად სწორედ ამ დროს უნდა დაწყებულიყო მცხეთის ტახტთან „აფხაზთა საკათალიკოსოს“ გაერთიანების პროცესი. როგორც ჩანს, გიორგი I-ის მიერ დაწყებული საეკლესიო რეფორმის მეორე ეტაპი შეაფერხა აფხაზთა სამეფო ტახტზე დინასტიურმა ცვლილებებმა 868-881 წლებში, მაგრამ სამეფო ხელისუფლებაში დაბრუნების შემდეგ ბიძის მიერ დაწყებული საქმე, როგორც უკვე ითქვა, წარმატებით დაგვირგვინდა ბაგრატ I-ის ეპოქაში.

868 წელს უშვილო გიორგი I გარდაიცვალა. აფხაზთა სამეფო ტახტი არსებული მემკვიდრეობის წესით ეკუთვნოდა გიორგი I-ის ძმის დემეტრე II-ის ვაჟს – ბაგრატს, რომელსაც გიორგი I-მა ქართლის ერისთავობა უბოძა⁶⁴⁰. ამიერიდან აფხაზთა სამეფოში ტრადიციად დამკვიდრდა, რომ ტახტის მემკვიდრეები მამის სიცოცხლეში ჯერ ქართლის ერისთავები ხდებოდნენ. ბაგრატი ქართლის ერისთავად ჩანს გიორგის მეფობის უკანასკნელ წლებში, მაგრამ მისი გარდაცვალების შემდეგ „აფხაზთა სამეფო“ ტახტი დროებით ხელში ჩაიგდო სხვა დინასტიამ. 868 წელს სამეფო ტახტი დაიკავა იოანე შავლიანმა, ხოლო ტახტის კანონიერმა მემკვიდრემ ბაგრატმა თავი ბიზანტიას შეაფარა. შავლიანების დინასტია სამეფოს 20 წლის განმავლობაში 881 წლამდე განაგებდა. ამ პერიოდში აფხაზთა სამეფომ ვერ შეძლო შიდა ქართლის შენარჩუნება და იგი კახეთის მეფეებმა დაიმორჩილეს. 881 წელს ბაგრატ უფლისწულს ბიზანტიამ რეალური დახმარება აღმოუჩინა და „მოსცნა ბერძენთა მეფემან ლაშქარი, და მოგზავნა ზღვითდა ნავით შემოვიდა აფხაზეთად, მოკლა (ბაგრატმა – ავტ.) ადარნასე, ძე იოვანესი, და დაიპყრა აფხაზეთი“. ბაგრატი აფხაზთა სამეფოს ისტორიაში შევიდა ბაგრატ I-ის სახელით. მისი მეფობის დროს კიდევ უფრო გაძლიერდა „აფხაზთა სამეფო“. პოლიტიკური მოსაზრებით ბაგრატ I დაქორწინდა ადარნასე შავლიანის ქვრივზე, რომელიც იყო გუარამ მამფალის ასული. ამ დროს დასავლურქართულმა სახელმწიფომ აქტიურად დაიწყო სამხრეთქართული სახელმწიფოს საქმეებში ჩარევა. IX საუკუნის 80-იანი წლებიდან ბიზანტიის მხარდაჭერით აფხაზთა სამეფოს ტახტზე განმტკიცებული ბაგრატი ეხმარება ბიზანტიაში გახიზნულ თავის ცოლისძმას, გუარამ მამფალის ვაჟს, ნასრს. მან გამოიყვანა ნასრი ბიზანტიიდან, „მისცა ლაშქარი მისი. ხოლო ნასრმა შეიპყრნა სამნი ციხენი სამცხეს: ოძრხეს, ჯუარციხე და ლომსიანთა.“⁶⁴¹ ბაგრატის ეს ჩარევა ამჯერად წარმატებული ვერ აღმოჩნდა, მაგრამ მომდევნო საუკუნეში მისი შთამომავალი ლეონ III უკვე სერიოზულ პოლიტიკურ საყრდენს ფლობდა სამხრეთ საქართველოში და მის მნიშვნელოვან ნაწილს, კერძოდ, ჯავახეთს დაეუფლა.

ბაგრატ I-ის გარდაცვალების შემდეგ სამეფო ტახტის მემკვიდრეობის წესი კვლავ გასწორდა და ტახტი კარგა ხნის მანძილზე მამიდან უფროს შვილს გადაეცემოდა. 893 წელს გამეფდა ბაგრატის ვაჟი და კანონიერი მემკვიდრე – კონსტანტინე III (893-922 წწ.). ის უფრო აქტიურ პოლიტიკას ატარებდა საქართველოს გაერთიანების მიმართულებით. IX–X საუკუნეების მიჯნაზე აფხაზთა სამეფომ დაკარგა შიდა ქართლი, რომელსაც დროებით დაეუფლა ადგილობრივ ფეოდალთა წარჩინებული ფენა, მაგრამ 904 წელს კონსტანტინე III-მ შეძლო, აღედგინა თავისი ძალაუფლება შიდა ქართლში და უფლისციხეში კვლავ თავისი ერისთავი დასვა.

912 წელს ამიერკავკასია დალაშქრეს არაბებმა საჯი ამირას აბულ-კასიმის მეთაურობით. მათი მთავარი მიზანი სომეხთა მეფის სუმბატ ბაგრატუნის დამორჩილება იყო. სუმბატმა მტერს ვერ გაუწია წინააღმდეგობა და თავი მოკავშირე „აფხაზთა“ მე-

⁶⁴⁰ „ქართლის ცხოვრების“ ხელნაწერების წყაროთმცოდნეობითი შესწავლის საფუძველზე ქართულ ისტორიოგრაფიაში გამოითქვა მოსაზრება, რომ გიორგი I-მა ქართლის ერისთავად „დაუტკევა“ მისი ძმის დემეტრე II-ის (825-861წწ.) ვაჟი ტინინე, და არა უფროსი ვაჟი ბაგრატი. იხ. ზ. პაპასქირი, ვინ იყო „ერისთავი ჩიხისა“. „მატიანე ქართლისაჲს“ ტექსტში ერთი კონიუნქტურის შეტანის მიზანშეწონილობის შესახებ. – „ქართული წყაროთმცოდნეობა“, ტ. XI. თბ., 2006, გვ. 64-68.

⁶⁴¹ . ქართლის ცხოვრება, ტ. I, გვ. 261.

ფის კონსტანტინე III-ის სამფლობელოს შეაფარა. აბულ-კასიმმა დალაშქრა ქართლი, რომელიც ამ დროს „აფხაზთა“ სამეფოს ნაწილი იყო. ვერც კონსტანტინე III-მ შეძლო წინააღმდეგობის გაწევა მტრისათვის. „შემოვიდა ქართლად (აბუსაჯისძე), მოაოხრა ქართლი...“ და რათა არ გამაგრებულიყო ქართლში „მორღვინეს ზღუდენი უფლისციხისანი, რომელ არა დაიმჭირონ“.⁶⁴² მართალია, დასავლეთ საქართველო გადაურჩა ამ შემოსევებს, მაგრამ აფხაზთა მეფემ, როგორც ჩანს, ახლად გამაგრებული უფლისციხის კედლები დაანგრია, რათა იქ არაბები ვერ გამაგრებულიყვნენ. აბულ-კასიმის წასვლის შემდეგ კონსტანტინე III-მ კიდევ უფრო გაააქტიურა თავის პოლიტიკა აღმოსავლეთ საქართველოში. კახეთის ქორეპისკოპოსმა კვირიკემ მიიწვია კონსტანტინე III ჰერეთში სალაშქროდ. კვირიკე კახთა მეფემ და კონსტანტინე III-მ ჰერეთი დალაშქრეს, რომლის შემდეგ აფხაზთა სამეფოს შემადგენლობაში გადავიდა ორი სიმაგრე ჰერეთში: არიში და გავაზი. ამ ისტორიულ მოვლენებს ესმაურება ქართული ეპიგრაფიკული ძეგლები, რომლებიც, ძირითადად, მოგვითხრობენ კონსტანტინე მეფის მიერ წარმოებული საეკლესიო მშენებლობის შესახებ, მაგრამ გვერდს ვერ უგლიან აღნიშნული პერიოდის პოლიტიკურ მოვლენებს.

კონსტანტინე III-ის ინიციატივით აიგო ერედვისა და სამწევრისის ტაძრები, რასაც ამ ტაძრებზე დაცული საამშენებლო წარწერები მიუთითებენ. ერედვის წმ. გიორგის ეკლესიის ფასადებზე 1943 წელს რ. მეფისაშვილმა პირველად გაშიფრა და ამოიკითხა ეკლესიის მთავარი საამშენებლო წარწერა, რომელიც მოთავსებულია ტაძრის სამხრეთის ფასადის მრგვალი სვეტის ზედა ნაწილის ირგვლივ:

„[სახ]ელთა ღ(მრთისა)თა მ[ამისა, ძისა და] სუ[ლისა წმიდისა]თა, მეოხებითა წმ(ი)დ(ი)სა ღ(მრ)თი[სმშ]ობელისა[თა, [შეწვენითა წ(მი)დ(ი)სა გი(ორგი)სითა, ჰელმწი-ფობასა ღ(მრ)თ(ი)ვღამყარ[ე]ბულისა წმიდ[ი]სა კ[ოსტანტინე] მეფისასა, რ(ომ)ელ(მა)ნ ბრძანა და ჩავიდა ჰერეთს [ში]გან, ჰერთა მეფ[ე] გა(ა)[ქ]ცია და მუნით მშუიღო-ბით იქცა, ცისკრად ალავერდს ილოცა, [მ]წუხ(რ) ბრძას გადაჰქთა, მეორედ კ(უ)ლა ავიდა, ვეჯინ/ისა ციხე დაღეწა; ქართლსა შინა უფლობასა ტბელისა ივანესა, მთავარ[ე]ბი[სკო]ს[ო]ბასა სანატრელისა ყ(უარყუარ)ესა, ჯ(უა)რითა მისითა; გაზრახვითა ნიქოზ[ე]ლი[სა] – სანატრ[ე]ლისა სტეფანე ებისკოსისა[თა, ძალითა, შეწვენითა მოყუას/თა[თა, მე თ(ე)ვდორ)ე თაფლაძსქმან დავდე საძირკველი –წელნი იყ(უ)ნეს ხვი, ქორონიკონსა რკვ.“⁶⁴³

წარწერაში იკითხება ეკლესიის მშენებლობის დაწყების თარიღად –ხვი –906 წელი, თუმცა მასში დასახელებული ისტორიული მოვლენები ოდნავ გვიან მოხდა. აღნიშნული მოვლენები ზუსტ ასახვას პოულობენ სხვა ისტორიულ წყაროებში, კერძოდ, „მატიანე ქართლისაჲს“ ავტორი წერს, რომ აბულ-კასიმის მეორედ დალაშქრობის შემდეგ „უკმო კვირიკე ქორეპისკოპოსმან კოსტანტი აფხაზთა მეფესა, ჩავიდა ჰერეთად და მოადგეს ციხესა ვეჯინისასა. აფხაზთა მეფე მოადგა ზედათ კერძო და კვრკე ქვემოთ. და ვითარ მისწუდეს წაღებად, მაშინ ადარნასე პატრიკი მოვიდა პარასკევის ჯუარსა, მიუპყრა ზავის პირი, მოსცა აფხაზთა მეფესა არიში, გავაზნი და კვირიკეს ორტობი. ვითარ დაიზავნეს და შემოიქცეს. მოვიდა კოსტანტი, ილოცა ალავერდს წმ. გიორგის წინაშე, შემოსა ხატი მისი ოქროთა. ხოლო დალაშქარი მისი უმრავლესი წარავლინა გზასა გარესა და ფრიად პატივ-სცა კვირიკე ქორეპისკოპოსმან და წარვიდა ქვეყნად თვისად.“⁶⁴⁴ როგორც ვხედავთ, ორივე წყარო, წარწერა და მატიანეც ერთი და იმავე მონაცემებს გვაწვდის კონსტანტინე „აფხაზთა“ მეფის მიერ ჰერეთს დალაშქრობის შესახებ. აღნიშნული დალაშქრობა მატიანის მიხედვით, საქართველოში აბულ კასიმის დალაშქრობის, ე.ი. 914 წლის შემდეგ მოხდა. მაშასადამე, ერედვის წმ.გიორგის ეკლესიის მშენებლობა კონსტანტინე მეფის ინიციატივით, ხუროთმოძღვარ თეოდორე თაფლაძეს 906 წელს დაუწვია და 914 წლის შემდეგ დასრულებულა.

ყურადღებას იქცევს კონსტანტინე მეფისა და კვირიკე კახთა ქორეპისკოპოსის ჰერეთში ერთობლივი დალაშქრობის ისტორიის ცალკეული დეტალები, რომელშიც მემ-

⁶⁴² . იქვე, გვ. 263.

⁶⁴³ . ქართული წარწერების კორპუსი, ტ. I გვ. 171; ლ. ახალაძე. ეგრის – აფხაზეთის („აფხაზთა“) მეფეთა წარწერები, გვ. 56-57..

⁶⁴⁴ . ქართლის ცხოვრება, ტ. 1, გვ. 264.

ტიანე ხაზგასმით აღნიშნავს დასავლეთ საქართველოს მეფის დამოკიდებულებას აღმოსავლურქართული სიწმინდეების მიმართ. „აფხაზთა“ მეფეს ამ დროს მყარად უჭირავს შიდა ქართლი, რომელსაც მის მიერ დასმული ერისთავი უფლისციხიდან განაგებდა, მაგრამ ჰერეთს ლაშქრობის შემდეგ კონსტანტინემ მიიღო „არიში და გავაზნი“⁶⁴⁵. ამიერიდან, პრაქტიკულად ისტორიული ქართლი მთლიანად (გარდა თბილისის საამიროსი, რომლის ტერიტორია თანდათან მცირდებოდა) „აფხაზთა“ მეფეს დაემორჩილა, რაც „აფხაზთა“ მეფეთა მიერ IX საუკუნის 60-იან წლებში საფუძველჩარილი პოლიტიკის – ქართული მიწების გაერთიანებისათვის ბრძოლის ერთი ბრწყინვალე ფურცელი იყო.

კონსტანტინე III-ის საეკლესიო საამშენებლო საქმიანობის შესწავლის თვალსაზრისით მნიშვნელოვანი წყაროა სამწვევრისის წარწერა, რომელიც წარმოადგენს მამასახლის დომინოსისა და გიორგი თუალოდსძის წარწერას კონსტანტინე მეფის მოხსენიებით:

„† ზ(ედ)ა წელსა კ-ს კონსტანტინე მეფისა მე, დომინოს, სამწვევრისა ჯუარისა მამასახლისმან და გიორგი თუალოდსძემან მოვიდეთ რუვი ესე ჯუარად/ და არავი[ნ] არს სხუად მო[მ]ხუმარე და [უფალი] რუვისა ამის, გარნა/ პატოსანი ჯუარი და გიორგი, ვინ ესე აღმოიკითხოს მე, დომინოს, მონაჲ ჯუარისაჲ, [ლოცვასა მომიჰსენეთ და თუალოდსძეცა/ გ(იორ)გი ქ(რისტე)მ(ა)ნ შე(ი)წყ(ა)ლენ. ამენ. იყავნ.“⁶⁴⁶

წარწერა დათარიღებულია კონსტანტინე მეფის ზეობის მე-20, ე.ი. 912 წლით. თუ გავითვალისწინებთ, ერედვის წმ.გიორგის ეკლესიის წარწერისა და „მატიანე ქართლისაჲს“ ზემოთ მოყვანილ მონაცემებს, სწორედ ამ პერიოდში ფლობდა „აფხაზთა“ მეფე კონსტანტინე III ქართლის მნიშვნელოვან ნაწილს.

ზოგადად, არმაზის, ერედვის, სამწვევრისის ხუროთმოძღვრულ ძეგლებზე „აფხაზთა“ მეფეების დასახელება არგუმენტირებულად ასაბუთებს, რომ ადგილობრივი საერო და საეკლესიო ფენის წარმომადგენლებისთვის სავალდებულო იყო მეფის ზეობის წლებით დაეთარილებინათ დიდი მშენებლობები.⁶⁴⁷ რასაკვირველია, ეს ვერ მოხდებოდა „დამპყრობელი“ მეფის პირობებში.

საყურადღებო ფაქტია, რომ აფხაზი ავტორები ს. ლაკობა და ო. ბლაჟბა იცნობენ სამწვევრისისა და ერედვის წარწერებს, თუმცა ერთ-ერთი მათგანის (ერედვის) ლოკალიზაციას შეცდომით კახეთში ახდენენ⁶⁴⁸. ავტორების აზრით, ეს მიუთითებს, რომ კონსტანტინემ ქართლი დაიპყრო, მაგრამ ხაზს უსვამენ, რომ ბრძოლა ქართლისათვის მიმდინარეობდა აფხაზთა და სომეხთა სამეფოებს შორის. ო. ბლაჟბასა და ს. ლაკობას წიგნში არსად არ არის ნახსენები „ქართველთა სამეფო“, ან კახეთის სამეფო. მკითხველს შთაბეჭდილება რჩება, რომ თანამედროვე საქართველოს აღმოსავლეთი და სამხრეთი ნაწილი მაშინ სომხეთის სამეფოს შემადგენლობაში იყო და ბრძოლა მიმდინარეობდა აფხაზურ და სომხურ სამეფოებს შორის.⁶⁴⁹ აფხაზი ავტორები იგნორირებას უკეთებენ იმ ფაქტსაც, რომ ეს ეპიგრაფიკული მასალა – აფხაზთა მეფეთა წარწერები ქართულ ენაზეა დაცული და არსად არ ახსენებენ, რატომ წერდნენ ისინი თავიანთი საქმიანობის შესახებ ქართულად და არა ბერძნულად, ან აფხაზურად? მაშინ, როცა კონსტანტინე II-ის ბერძნულენოვან წარწერაზე საგანგებოდ ჩერდებიან და ეს ერთადერთი წარწერა აღმოჩნდა არგუმენტი იმის, „დასასაბუთებლად“, რომ „აფხაზთა“ მეფეები ბერძნულად აწარმოებდნენ სამეფო კანცელარიის საქმიანობას.

დავუბრუნდეთ ისევ კონსტანტინე III-ს, რომელიც ცდილობდა გაემაგრებინა თავისი პოზიციები ქართლსა და კახეთში. ამ მიზნით კონსტანტინე III დინასტიური ქორწინებით

⁶⁴⁵ . არიში მდებარეობდა ჰერეთში, გავაზი – თანამედროვე ყვარლის რაიონშია.

⁶⁴⁶ . ქართული წარწერების კორპუსი, ტ. I, გვ. 222; ლ. ახალაძე. ეგრის – აფხაზეთის („აფხაზთა“) მეფეთა წარწერები, გვ. 57.

⁶⁴⁷ . ამის შესახებ იხ.: ქართული წარწერების კორპუსი, ტ. I. ლაპიდარული წარწერები. აღმოსავლეთ და სამხრეთ საქართველო (V-X სს). შემდგ. ნ. შოშიაშვილი. თბ., 1980, გვ. 34.

⁶⁴⁸ . ო. X. Бгажба, С. З. Лакоба. История Абхазии, გვ. 133.

⁶⁴⁹ . აქვე უნდა აღვნიშნოთ ისიც, რომ ამ წიგნში სომხური თემა საერთოდ ძალზე ფართო და მრავალფეროვანია, მაგალითად, კლისურის ციხე თურმე სომეხებს აუგიათ, კერძოდ, ვინმე თომა სომეხს, ასევე აფხაზეთის მთებში ციბილიუმის კომენდატი VIII საუკუნეში სომეხი ყოფილა, 550 წელს პეტრას დამცველთა რიგებში იოანე სომეხიც იყო და ა. შ. ქართლი ვითომ სომეხების ხელშია, ან აფხაზებისა; სად იყო ქართული სამეფო-სამთავროები, არ ჩანს. იხ. ო. X. Бгажба, С. . Лакоба. История Абхазии, გვ. 156.

დაუკავშირდა კახეთის ქორეპისკოპოსს, რითაც შეძლო ზურგი გაემაგრებინა თავისი პოლიტიკის შემდგომი გაფართოების პირობებში. კონსტანტინე III შეეცადა ალანთა კარის მიმდებარე ქვეყნების დამორჩილებას, ანუ მან სცადა ქართლიდან ჩრდილოეთ კავკასიაში გადამავალი სტრატეგიული და ეკონომიკური მნიშვნელობის გზა გაეკონტროლებინა. სომეხი ისტორიკოსის იოანე დრასხანაკერტელის ცნობით: „ეგრისის მეფე კონსტანტინემ . . . შეკრიბა ჯარი და გაემართა ჩრდილოეთის მხრით კავკასიის მთის ხეობით, რათა გუგართა ქვეყანა და ალანთა კარის ახლოს მცხოვრები მოსახლეობა თავის ხელქვეით დაემორჩილებინა“⁶⁵⁰. აფხაზთა მეფის ამ განზრახვას, დრასხანაკერტელის ცნობით, წინ აღუდგა სომეხთა მეფე სუმბატ ბაგრატიონი. მართალია, კონსტანტინე III ამ ბრძოლაში დამარცხდა, მაგრამ ვერც სუმბატმა შეძლო ალანთა კარის მიმდებარე ტერიტორიის დაკავება.

როგორც ჩანს, კონსტანტინე III-ს ალანთა კარის (დარიალის) ხელში ჩაგდებას გარდა სხვა უფრო ფართო მიზნებიც ჰქონდა. „აფხაზთა სამეფოს“ ისტორიაში ერთ-ერთი მნიშვნელოვანი ადგილი უჭირავს ალანთა გაქრისტიანების საკითხს. ბიზანტიის იმპერია აქტიურად ცდილობდა ოსეთში ქრისტიანობის გავრცელებას, მაგრამ ეს პრობლემა IX-X საუკუნეებამდე კვლავ გადაუჭრელი იყო. მართალია, ოსები ქრისტიანობას ადრიდანვე იცნობდნენ, მაგრამ მიუხედავად ამისა, ქრისტიანობა აქ ფეხს ვერ იკიდებდა. IX საუკუნიდან ოსების გაქრისტიანება შედარებით წარმატებით წარიმართა.⁶⁵¹ ბიზანტიის იმპერიისა და გაძლიერებული „აფხაზთა“ სამეფოსათვის დიდი მნიშვნელობა ჰქონდა ოსეთზე გავლენის მოპოვებას. მ. ლორთქიფანიძის აზრით, ბიზანტიის იმპერია და „ეგრის-აფხაზეთი ერთნაირად ცდილობდნენ ოსთა დამორჩილებას და ამ მიზნით, ორივე სახელმწიფო იყენებდა იდეოლოგიურ საშუალებას, ქრისტიანულ სარწმუნოებას და ცდილობდა ქრისტიანობის შეტანასა და გავრცელებას ალანებში.⁶⁵² „აფხაზთა“ სამეფოს ალანებისა და საერთოდ, ჩრდილოეთკავკასიელი ხალხების მიმართ სხვა უფრო მნიშვნელოვანი მიზნები და მისწრაფებები ამოძრავებდა. კერძოდ, ეს უნდა ყოფილიყო „აფხაზთა“ სამეფოს ჩრდილოეთი საზღვრების უსაფრთხოების უზრუნველყოფა. კონსტანტინე III, სწორედ ამ მიმართულებით წარმართავდა თავის ღონისძიებებს, კერძოდ, მისი მხარდაჭერით ალანთა შორის ქრისტიანობის საქადაგებლად გაიგზავნა არქიეპისკოპოსი. ეს, რა თქმა უნდა, ბიზანტიის ინტერესებშიც შედიოდა, ამიტომ კონსტანტინე მეფის ამ ღონისძიებას, როგორც ჩანს, ბიზანტიის მმართველი წრეები და ბერძენი პატრიარქიც იწონებდნენ. ამ ისტორიულ მოვლენებზე მოგვითხრობს ბიზანტიის პატრიარქის ნიკოლოზ მისტიკოსის (914-925წწ.) წერილები გიორგი II „აფხაზთა“ მეფისადმი⁶⁵³, საიდანაც ირკვევა, რომ ალანებში ქრისტიანობის შეტანის საქმე კონსტანტინე III-ის დროს დაწყებულია. კონსტანტინე მეფის ინტერესები ალანებისადმი ჯერ კიდევ მაშინ გამოიკვეთა, როცა მან ალანთა კარის (დარიალის) შემოერთება გადაწყვიტა, მაგრამ მისი დამორჩილება ვერ შეძლო. როგორც ვხედავთ, ეს ბრძოლა იმ დიდი პოლიტიკის ნაწილი იყო, რომელიც ითვალისწინებდა ჩრდილოეთკავკასიელი ხალხების მხრიდან „აფხაზთა“ სამეფოს საზღვრების უსაფრთხოების განმტკიცებას და, შესაბამისად, იქ ქრისტიანობის ქადაგებას, რაც მნიშვნელოვანი იდეოლოგიური დასაყრდენი იქნებოდა „აფხაზთა“ სამეფოსათვის.

კონსტანტინე III-ის მიერ წამოწყებული დიდი პოლიტიკის გამგრძელებელი ჩანს მისი ვაჟი გიორგი II (922-957წწ.). გამეფების პირველ წლებში გიორგი II-ს ტახტს ეცილებოდა თავისი ძმა ბაგრატი, რომელიც მალე გარდაიცვალა და გიორგიმ „დაიპყრა სრულიად აფხაზეთი“. ამ პერიოდისათვის „სრულიად აფხაზეთი“ ეწოდებოდა არა მარტო საკუთ-

⁶⁵⁰ . იოანე დრასხანაკერტელი. სომხეთის ისტორია, სომხური ტექსტი ქართული თარგმანით, გამოკვლევიდა და საძიებლებით გამოსცა ე. ცაგარეიშვილმა. თბ., 1965, გვ. 109.

⁶⁵¹ . გ. თოგოშვილი. საქართველო-ოსეთის ურთიერთობის ისტორიიდან. ცხინვალი, 1958, გვ. 108-115; მ. ლორთქიფანიძე. ახალი ქართული სამთავროების წარმოქმნა, ეგრის-აფხაზეთის სამეფო, გვ. 443.

⁶⁵² . მ. ლორთქიფანიძე. ახალი ქართული სამთავროების, გვ. 443.

⁶⁵³ . ცნობილია ნიკოლოზ მისტიკოსის სამი წერილი გიორგი II აფხაზთა მეფისადმი. უკანასკნელ ხანს გამოითქვა მოსაზრება, რომლის თანახმად, ნიკოლოზ მისტიკოსის ერთ-ერთი წერილი კონსტანტინე III-ის სახელზე უნდა იყოს გაგზავნილი. იხ. E. Аджинджал. დასახ. ნაშრომი, გვ. 83, 89, 91; ჯ. გამახარია. აფხაზეთი და მართლმადიდებლობა, გვ. 112-113, 115.

რივ აფხაზეთს, ან მთელ დასავლეთ საქართველოს, არამედ აფხაზთა სამეფოს მთელ ტერიტორიას შიდა ქართლითა და ჰერეთითურთ.

გიორგი II აფხაზთა მეფეს წყაროები ახასიათებენ, როგორც ეკლესიათა მამულებელს, ღვთისმოსავსა და გლახაკთა მოწყალეს. „მატიანე ქართლისაჲს“ უცნობი ავტორის სიტყვებით, „იყო იგი სრული ყოვლისა სიკეთისა, სიმკნითა და ახოვანებითა; ღმრთის-მოყუარე იყო, უმეტეს მამულებელი ეკლესიათა, მოწყალე გლახაკთა, უხვი და მდაბალი, და ყოვლითა კეთილითა და სათნოებითა სრული.“⁶⁵⁴ მსგავს დახასიათებას გვაწვდის ვახუშტი ბაგრატიონიც: „ესე გიორგი მეფე იყო ღვთისმოშიში და მოყუარული, ჰაეროვანი, მკნე, ახოვანი, მოწყალე, უხვი, ეკლესიათა მამულებელი და ქურივ-ობოლთა შემწყნარე“.⁶⁵⁵ აღბათ, ნაკლებად წარმოსადგენია, რომელიმე ქვეყნის მემატინეს მეზობელი ხალხის „დამპყრობელი“ მეფე ასეთი დახასიათებით წარედგინოს შთამომავლებისათვის. ქართველი მემატინეების ამგვარი დამოკიდებულება „აფხაზთა“ მეფეების მიერ წარმოებულ, როგორც სახელმწიფოებრივი, ასევე საეკლესიო პოლიტიკისადმი, როგორც ზემოთ ითქვა, ერთმნიშვნელოვნად მიუთითებენ მათ ეთნიკურ ვინაობაზე, ადგილსა და როლზე ქართული სახელმწიფოებრიობის ისტორიაში.

IX საუკუნის II ნახევრიდან ბიზანტიის იმპერიის საშინაო და საგარეო მდგომარეობა მკვეთრად გაუმჯობესდა, მაგრამ დასავლეთ საქართველოში თავისი ძველი გავლენის აღდგენა ვერ მოახერხა. ამიერიდან ბიზანტიის იმპერიამ დასავლეთ საქართველოს მიმართ ტაქტიკა შეიცვალა და შეეცადა ფორმალური გავლენა მაინც შეენარჩუნებინა საქართველოს ამ ნაწილზე. „ამ დროს ქართველთა ყმობა, – წერს ივ. ჯავახიშვილი, – მხოლოდ გარეგნული ყოფილა და უფროს-უმცროს სამეფოთა შორის კავშირს უფრო უდრიდა ვიდრე ნამდვილს პოლიტიკურ დამოკიდებულებას“.⁶⁵⁶ მიუხედავად ამისა, ამ ფორმალურ დამოკიდებულებას იმპერიის მესვეურები კარგა ხნის მანძილზე დიდი გულმოდგინებით იცავდნენ არა მხოლოდ საქართველოს, არამედ სხვა ქრისტიანული ქვეყნების მეფეების მიმართ. ნიშანდობლივია „აფხაზთა“ მეფეებისადმი ბოძებული ტიტულატურა და მიმართვის წესი. გიორგი II აფხაზთა მეფეს ბიზანტიის იმპერიის პატრიარქი ნიკოლოზ მისტიკოსი „ექსუსიასტს“, ან „ბრწყინვალე ექსუსიასტს“ უწოდებდა, მაგრამ არასოდეს უწოდებდა მას „მეფეს“. მიუხედავად იმისა, რომ „აფხაზთა“ მეფეებს ამ ტიტულით არ მოიხსენიებდნენ, ბიზანტია მათ მაინც დამოუკიდებელ ხელისუფლად თვლიდა. ნიკოლოზ მისტიკოსი გიორგი II-ის „მეფური ღირსების“ შესახებაც ლაპარაკობს და არსად არ მიმართავს მას „მეფის“ ტიტულით. ეს ფაქტი, მაშინ როცა ბიზანტიის პატრიარქი კავკასიის არცერთ მეფესა და მთავარს „მეფის“ ტიტულით არ მოიხსენიებს, გიორგი II-ის დიდ ავტორიტეტსა და პოლიტიკურ დამოუკიდებლობაზე მიუთითებს.

ნიკოლოზ მისტიკოსის წერილებიდან ჩანს, რომ ბიზანტიას სურს, „აფხაზთა“ სამეფომ გააგრძელოს ჩრდილოეთ კავკასიის მიმართ დაწყებული პოლიტიკა, პირველ წერილში პატრიარქი გიორგი II-ს შეახსენებს თავისი მამის საქმიანობას და ურჩევს, ეს გზა მანაც გააგრძელოს. „შენ საკმაოდ შეგნებული და გონიერი ხარ და მამაშენის საქმიანობასაც იცნობ, რომ ადამიანთა ხსნისათვის, ღვთის დიდი სახელის დიდებისათვის, საზოგადოდ... შენი მოღვაწეობით გვერდში ამოუდგე მას“⁶⁵⁷ (იგულისხმება ალანთა არქიეპისკოპოსი). ნიკოლოზ მისტიკოსის სხვა წერილებიდან კარგად ჩანს, რომ გიორგი II „აფხაზთა“ მეფემ წარმატებით გააგრძელა მამის საქმე და უშუალოდ მიიღო მონაწილეობა ალანებში ქრისტიანობის გავრცელების საქმეში. „შენ ღვთის ცნების მიხედვით, დიდი ამაგი დასდე და განანათლე ალანის მმართველი და ყველა ისინი, ვინც მასთან ერთად ღირსი გახდა წმინდა ნათლისღებისა“, – წერს ბიზანტიის პატრიარქი.⁶⁵⁸ როგორც ჩანს, „აფხაზთა“ მეფე უშუალოდ მონაწილეობდა ალანთა მთავრისა და მისი ახლობლების გაქრისტიანების საქმეში.⁶⁵⁹

⁶⁵⁴ . ქართლის ცხოვრება, ტ. I, გვ. 265.

⁶⁵⁵ . ქართლის ცხოვრება, ტ. IV, გვ. 799.

⁶⁵⁶ . ივ. ჯავახიშვილი ქართველი ერის ისტორია, ტ. II, გვ. 109.

⁶⁵⁷ . გეოგრაფია, ტ. IV, გვ. 213.

⁶⁵⁸ . იქვე, გვ. 214.

⁶⁵⁹ . მ. ლორთქიფანიძე. ვერის-აფხაზეთის სამეფო, გვ. 444.

აფხაზთა“ მეფეების მიერ წარმოებული ჩრდილოკავკასიური პოლიტიკა მიმართული იყო „აფხაზთა“ სამეფოს პოლიტიკური გავლენის გავრცელებისაკენ ამ რეგიონში და, როგორც ზემოთ აღინიშნა, ამავე დროს დაკავშირებული იყო ჩრდილოეთის მხრიდან სამეფოს საზღვრების უსაფრთხოების განმტკიცებასთანაც. ამ ფაქტზე მიუთითებს ქართული მართლმადიდებლური ტაძრების არსებობა დასავლეთ საქართველოდან ოსეთში გადასასვლელ გზებზე და ქართული ქრისტიანული ტერმინოლოგია, რომელიც დადასტურებულია ოსურ ენაში.⁶⁶⁰

გარდა „მატიანე ქართლისაჲსა“ და ნიკოლოზ მისტიკოსის წერილებისა, გიორგი II-ის სარწმუნოებრივი პოლიტიკა სხვა წყაროებითაც დასტურდება. მაგალითად, ქართული ეპიგრაფიკული ძეგლები, როგორც ლაპიდარული, ისე ჭედური წარწერები მოგვითხრობენ გიორგი II-ის საქმიანობაზე ამ მიმართულებით. გიორგი II-ის ეპოქაში მისივე ინიციატივით აიგო ჭყონდიდის, ხოფისა (ხვაფის) და ქიანის ტაძრები. აღნიშნული ინფორმაცია დაცულია ზემოთხსენებულ ქართულ წარწერებში.

ჭყონდიდის (მარტვილის) ტაძრის მშენებლობის ისტორიას მოგვითხრობს „მატიანე ქართლისაჲსა“: „აღაშენა საყდარი ჭყონდიდისა, შექმნა საეპისკოპოსოდ და განაშუენა იგი.“⁶⁶¹ მატიანეში დაცულ ინფორმაციას ტაძრის მშენებლობის შესახებ ეწინააღმდეგება ტაძრის დღევანდელი დათარიღება. ვ. ჩუბინაშვილისა და ნ. ალადაშვილის სპეციალური გამოკვლევებით დაზუსტდა, რომ ჭყონდიდის ტაძარი აგებული უნდა იყოს VII საუკუნეში.⁶⁶² ტაძრის წარწერების შესწავლის საფუძველზე, ვ. სილოგავა მივიდა იმ დასკვნამდე, რომ სწორია „მატიანე ქართლისაჲსა“ ცნობა გიორგი II აფხაზთა მეფის მიერ ჭყონდიდში საეპისკოპოსო კათედრის დაარსების შესახებ, მაგრამ ტაძარი აგებულია VII საუკუნეში, გიორგი II აფხაზთა მეფემ გარკვეული სამშენებლო სამუშაოები ჩაატარა: განახლდა და შეკეთდა ტაძარი, აიგო საეპისკოპოსო სახლი და სხვა ნაგებობანი.⁶⁶³ რაც შეეხება ტაძრის საამშენებლო წარწერას, იგი მოგვითხრობს 996 წელს ბაგრატ III-ის (978-1014წწ.) მიერ სანათლავის აგების ისტორიას.

გიორგი II-ის მიერ აგებულია ხოფის წმ. ნიკოლოზის სახელობის ტაძარი გუდაუთის რაიონში, რომლის საამშენებლო წარწერა მოგვითხრობს:

„[†] აღ(ა)შენა წ(მიდა)ჲ ე[სე ეკლესიაჲ] [. . .] მ(ა)მ(აღმ)თ(ა)ვ(ა)რმ[ან], [.] მ(ე)ფ(ო)ბ(ა)სა გ(იორგ)მ(ს)სა, ოდ(ეს) [და]იბადა [გ(უ)არ(ა)ნდ(უ)ხტ] [. . .] მ(ი)სა. წ(მიდა)ო ნ(ი)კ(ო)ლ(ო)ზ, მ(ე)ოხ ეყავ წ(ინა)შე ქ(რისტე)სა.“⁶⁶⁴

წარწერის შინაარსი გვაუწყებს, რომ ხოფის ტაძარი იმთავითვე წმ. ნიკოლოზის სახელზე ყოფილა აგებული. რაც შეეხება წარწერის დათარიღებას, ვ. სილოგავას ვარაუდით, წარწერის პალეოგრაფია XII საუკუნისაა და „წარწერაში დასახელებული გიორგი მეფე შეიძლება სრულიად საქართველოს მეფედ – გიორგი მეხამედ (1156-1184წწ.) მივიჩნიოთ, ამის მიხედვით წარწერა 1156-1178 წლებით თარიღდება.“⁶⁶⁵ მაგრამ წარწერის პირველგამომცემლის ა. ავიძბას მონაცემებით, ხოფის წარწერაში მისი აღმოჩენის დროს იკითხებოდა ქალის სახელი გუარანდუხტ⁶⁶⁶ (ლ. შერვაშიძის წაკითხვით), რაც ცვლის წარწერის დათარიღების ადრეულ ვარიანტს. ცნობილია, რომ გუარანდუხტი, ეგრის-აფხაზეთის მეფე გიორგი II –ის (922-957წწ.) ასული, გათხოვილი იყო ტაო-კლარჯეთში „ქართველთა მეფის“ ბაგრატ II ბაგრატიონის (958-994წწ.) შვილზე გურგენზე. წარწერა გუარანდუხტის დაბადების ნიშნად არის ამოკვეთილი ხოფის წმ. ნიკოლოზის სახელობის ტაძრის ფასადზე, რომლის მშენებლობა ასულის დაბადებისას უნდა დაესრულებინა გიორგი მეორეს; ამდენად, წარწერაში დასახელებული მეფე გიორგი II არის „აფხაზთა“ მეფე, რომლის ინიციატივით აიგო ხოფის წმ. ნიკოლოზის სახელობის ტაძარი.

⁶⁶⁰ ს. ჯანაშია. შრომები. ტ. I, გვ. 215-252; მ. ლორთქიფანიძე. ეგრის-აფხაზეთის სამეფო, გვ. 445.

⁶⁶¹ ქართლის ცხოვრება, ტ. I, გვ. 265.

⁶⁶² . . . , 1948, გვ. 31,59; . . .

V–XI . . . , 1977, გვ. 48-61.

⁶⁶³ ვ. სილოგავა. სამეგრელო-აფხაზეთის ეპიგრაფიკა. თბ., 2004, გვ. 51.

⁶⁶⁴ ლ. ახალაძე. აფხაზეთის ეპიგრაფიკა როგორც საისტორიო წყარო, I, გვ. 147-148.

⁶⁶⁵ ქართული წარწერების კორპუსი, II გვ. 142.

⁶⁶⁶ . . . , 1967, 7 октября.

აღება გიორგი მეფემ იოლად შეძლო. ნახჭევანის აღების შემდეგ „ვითარ იხილა კვირიკე ქორეპისკოპოსმან, რამეთუ არარა იყო ღონე მისი, ითხოვა სიმტკიცე ცოცხლებით გაგზავნისა, და დაულოცა კახეთი გიორგი მეფესა“⁶⁷⁴. როგორც ჩანს, გიორგი მეფემ კვირიკე ქორეპისკოპოსი შეიპყრო, რომელმაც სიცოცხლის შენარჩუნება ითხოვა და გიორგი მეფეს კახეთი დაულოცა. მიუხედავად იმისა, რომ ქართლის ერისთავს – ლეონს არ სურდა ცოცხალი გაეშვა კვირიკე ქორეპისკოპოსი, გიორგიმ შეიღწა არ უსმინა და იგი ცოცხალი დატოვა. უფრო მეტიც, შეიწყნარა კვირიკეს თხოვნა და გაზაფხულამდე მას ბოჭორმის ციხე დაუტოვა. ამასობაში კვირიკესთან ქართლის აზნაურების ჯგუფი მოვიდა და დახმარება აღუთქვეს გიორგი მეფის წინააღმდეგ ბრძოლაში, რომელთა დახმარებით „კუალად ეუფლა კვირიკე მამულსა თვისსა“, წერს „მატიანე ქართლისაის“ ავტორი.

მიუხედავად ამისა, გიორგი მეფემ მაინც გააგრძელა ბრძოლა კახეთის შემოერთებისათვის. მისი ძირითადი პოლიტიკა, საქართველოს გაერთიანებისაკენ იყო მიმართული და, ბუნებრივია, რომ კახეთს თავს ვერ დაანებებდა. 956 წლის ახლო ხანებში გიორგი მეფემ კახეთის შემოსაერთებლად თავისი ვაჟი – ლეონ ქართლის ერისთავი გაგზავნა. „კუალად გაგზავნა ლაშქარი თვისი, და ძე მისი ლეონ უხინა წინამძღურად. და მივიდა და მოწუა კახეთი, და მასვე ლაშქრობასა შინა მოართუეს ამბავი: მიცვალება დიდისა და ღმრთის-მოყუარისა გიორგი მეფისა“⁶⁷⁵. როგორც ვხედავთ, ლეონმა შეძლო მამის დავალების შესრულება, მაგრამ გიორგის გარდაცვალებამ აიძულა დროებით გადაედო კახეთის შემოერთების საკითხი. მან სასწრაფოდ ზავი დადო კვირიკე ქორეპისკოპოსთან და ქუთაისს დაბრუნდა.

957 წელს აფხაზთა სამეფოს ტახტი დაიკავა ლეონ III-მ (957-967წწ.). წყაროების მიხედვით, გიორგი II-ს ოთხი ვაჟი და ერთი ასული ჰყავდა: ლეონი, დემეტრე, თეოდოსი, ბაგრატო და გურანდუხტი. აფხაზთა მეფემ ორი ვაჟი - თეოდოსი და ბაგრატო, თავიდანვე ბიზანტიაში გაგზავნა, რათა მისი სიკვდილის შემდეგ ძმებს შორის ტახტისათვის ბრძოლა არ ატეხილიყო, „რათა შემდგომად სიკუდილისა მისისა არ იყოს მათ შორის ბრძოლა და კდომა“⁶⁷⁶. მიუხედავად ამისა, თეოდოსი მაინც დაბრუნებულა, რომელსაც, როგორც ჩანს, ტახტზე სერიოზული პრეტენზიები ჰქონდა. 957 წელს ლეონს ტახტზე ასვლისას წინააღმდეგობანი არ შეხვედრია და მან ენერგიულად გააგრძელა მამის პოლიტიკა; გამეფებისთანავე განაახლა ბრძოლა ქართლის დანარჩენი მიწების შემოერთებისათვის. ლეონმა თავისი მეფობის პირველ წლებშივე შეძლო ჯავახეთის შემოერთება და იქ თავისი ერთგული მოხელის ზვიად მარუშიანის ერისთავად დასმა. ამ ისტორიულ ფაქტს ადასტურებს კუმურდოს ტაძრის წარწერა.

„შ(ე)წ(ე)ვნ(ი)თა ღ(მღთ)ის(ა)თა, იოვ(ან)ე/ ებ(ი)სკ(ო)პ(ო)სმ(ან) ღ(ა)ღვა ს(ა)ძ(ი)რკვ(ე)ლი ამ(ი)ს/ ეკლეს(ი)ს(ა)ჲ ჴ(ე)ლითა ჩ(ე)მ ც(ო)დვ(ი)დისა ს(ა)კოც(ა)რის(ა)დ(ა)თა/ ლეონ მეფისა ზმ – ად(ი)დ(ენ) ღ(მერთ)მან, ქრ(ო)ნ(ი)კ(ო)ნსა / რად, თ(უეს)ა მ/აფს(ს)ა ა/ დღესა შ(ა)ფ(ა)თსა, ა მთუარი/ს(ა)სა, ერისთვობ(ა)სა ზვი-ასსა; ესე ბ(ა)ლა(ჰ)ვ(ა)რი მ(უნ) და/დღვა; ქ(რისტ)ე, შე(ე)წ(ი)ე მ(ო)ნ(ა)სა შ(ე)ნსა, ა(მ)ენ.“⁶⁷⁷

წარწერის ტექსტში მოცემულია თარიღი რძდ – 964 წელი. დამატარიღებულ არგუმენტად ლეონ მეფის მოხსენიებაც შეიძლებოდა. როგორც წარწერიდან ირკვევა, აფხაზთა მეფე ლეონ მესამე დაახლოებით 964 წლისათვის, ანუ თავისი მეფობის მე-7 წელს უკვე ფლობდა ჯავახეთსაც, სადაც მის ხელისუფლებას ზვიად ერისთავი წარმოადგენდა. ისტორიოგრაფიაში მიღებულია აზრი იმის შესახებ, რომ „აფხაზთა“ მეფეები ქართლთან ერთად ჯავახეთსაც ფლობდნენ. ნარატიული წყაროებიდან ჩანს, რომ ეგრის-აფხაზეთის მეფეები თავიანთ ძალაუფლებას საქართველოს სამხრეთი მიმართულებითაც ავრცელებდნენ. კუმურდოს ტაძრის საამშენებლო წარწერა ამის ნათელი დადასტურებაა.

⁶⁷⁴ . იქვე. 269.

⁶⁷⁵ . იქვე. გვ. 269.

⁶⁷⁶ . იქვე. გვ. 270.

⁶⁷⁷ . გამოცემათა სრული სია იხ.: ვ. სილოგავა. კუმურდო. ტაძრის ეპიგრაფიკა. თბ., 1994, გვ. 39.

ლეონ III აქტიურ პოლიტიკას ატარებდა კახეთის შემოერთებისათვის. ლეონმა „კუალად იწყო მტერობად კვირიკეს და ძებნად კახეთისა; გაილაშქრა სპითა დიდითა. ჩადგა არაგვის პირსა, ასწყვიდა მუხნარი ხერკი, და ბაზალეთი“, მაგრამ, მემატიაანის სიტყვებით, მეფე ამ ლაშქრობის დროს დასნეულდა, „შეიქცა გარე და მოკუდა“.⁶⁷⁸ როგორც ვხედავთ, ლეონ III-მ ვერ შეძლო მამის მიერ დაწესებული საქმის ბოლომდე მიყვანა, თუმცა „აფხაზთა“ სამეფოს საზღვრები სხვა მიმართულებით, კერძოდ, სამხრეთ-აღმოსავლეთით გააფართოვა.

ისევე როგორც გიორგი მეფეს, ლეონ III-საც ისტორიული წყაროები ახასიათებენ, როგორც ქრისტიანობის მოყვარულს, ეკლესიათა მამულებსა და ქვრივ-ობოლთა მფარველ მეფეს. „მატიანე ქართლისაჲ“-ს ცნობით, „განადიდა უფალმან ღმერთმან მეფობა მისი მსგავსად მამისა მისისა. იყო იგიცა ღმრთის-მოყუარე და სავსე ყოვლითა კეთილითა. ამან აღაშენა ეკლესია მოქვისა და შექმნა საყდრად საეპისკოპოსოდ, აკურთხა და განასრულა ყოვლითა განგებითა“.⁶⁷⁹ ზემოთაღნიშნული წყაროები მიუთითებენ, რომ ლეონ III წარმატებით აგრძელებდა მისი წინაპრების მიერ დაწესებულ სახელმწიფოებრივ და საეკლესიო პოლიტიკას. მან ააგო მოქვის, კუმურდოს, წირქოლის ტაძრები, ხობის ეკლესია. კუმურდოს, წირქოლისა და ხობის ეპიგრაფიკულ ძეგლებში დაცულია ინფორმაცია ამ ტაძრების მშენებლობის შესახებ. მაგალითად, წირქოლის ტაძრის წარწერაში ვკითხულობთ: „დანიელი იტყვის: მიწ/სენ / მე, უ(ფალ)ო, [ქ]ირის(ა)გ(ა)ნ ლომთა/ღესა, იტსენ სასჯელისაგან, გ(ა)ბრ(ი)ელ მთ(ა)გ(ა)რანგ(ე)ლ(ო)ზ/ო, ლ(ე)ონ მე/ფე.“; ხოლო ხობის ტაძრიდან შემორჩენილია ჭედური წარწერა ღვთისმშობლის ხატზე, რომელშიც ასევე ლეონ მეფის სახელი იკითხება: „ჩ ყ(ო)ლ(ა)დ წ(მი)და)ო ღ(მრ)თისმშ(ო)ბ(ე)ლო, მე)ს ეყავ წ(ინა)შე ქ(რის)ტ)ესა ს(უ)ლსა ლეონ მეფის(ა)“.⁶⁸⁰

საგულისხმოა ის ფაქტი, რომ აფხაზი ავტორები ს. ლაკობა და ო. ბლაჟბა თავიანთ შრომებში გვერდს უვლიან გიორგი II-ისა და ლეონ III-ის მიერ განხორციელებულ სახელმწიფოებრივ ღონისძიებებს და ამოდ ცდილობენ მათ წარმოჩენას „დამპყრობელ“ აფხაზ (აფსუა) მეფეებად.

967 წელს ლეონ III-ის გარდაცვალების შემდეგ გამეფდა დემეტრე III (967-975წწ.), რომელსაც ტახტს ეცილებოდა ბიზანტიიდან დაბრუნებული ძმა თეოდოსი. ძმის წინააღმდეგ მებრძოლ თეოდოსის, მართალია, მესხი აზნაურები უჭერდნენ მხარს, მაგრამ დემეტრემ იგი შეიპყრო და თვალები დასთხარა. როგორც ჩანს, უსინათლო („მწუხარე“) თეოდოსი შემდეგშიც განაგრძობდა ბრძოლას ტახტისათვის, რადგან დემეტრეს ბევრი მოწინააღმდეგე ჰყოლია. ასეთ პირობებში 975 წ. დემეტრე III-ის გარდაცვალების შემდეგ ტახტზე ავიდა უსინათლო და უშვილო თეოდოსი, რომლის ერთადერთი მემკვიდრე იყო თეოდოსის დისშვილი, გიორგი II „აფხაზთა“ მეფის შვილიშვილი ასულის მხრიდან და „ქართველთა“ მეფის ბაგრატ II „რეგუენის“ შვილიშვილი ბაგრატ ბაგრატიონი. X საუკუნის 70-იანი წლებიდან „აფხაზთა“ სამეფოს ისტორიაში ახალი ეპოქა დაიწყო, რომელიც საქართველოს გაერთიანებით დასრულდა.

„აფხაზთა“ სამეფოს კულტურულ-სარწმუნოებრივი იერსახის წარმოსაჩენად უადრესად დიდი მნიშვნელობა აქვს დასავლურქართულ ეკლესიაში მოღვაწე საეკლესიო პირების, „აფხაზთა“ მეფეებისა და ადგილობრივი მოსახლეობის დაკვეთით შესრულებულ დამწერლობის ნიმუშებს, რომლებიც მხოლოდ ქართულ ენაზე, ქართული დამწერლობითაა შესრულებული⁶⁸¹.

როგორც ცნობილია, შუა საუკუნეების საქართველოში ქართული მწიგნობრობისა და კულტურის ცენტრებს ქრისტიანული ეკლესია წარმოადგენდა. ეკლესია იყო ძირითადი ძარღვი, საიდანაც იწყებოდა ქართული კულტურისა და მწიგნობრობის, ქართული სულიერების სათავეები. VI ს. საქართველოში საფუძველი ჩაეყარა სამონასტრო ცხოვრებას. განსაკუთრებულ აღმავლობას განიცდის იგი VIII საუკუნიდან ტაო-კლარჯეთში გრიგოლ ხანძთელის მიერ დაარსებულ ეკლესია-მონასტრებში, რომლებიც

⁶⁷⁸ . ქართლის ცხოვრება, ტ. I. გვ. 270

⁶⁷⁹ . იქვე, გვ. 270.

⁶⁸⁰ . ლ. ახალაძე. გერის-აფხაზეთის („აფხაზთა“) მეფეთა წარწერები, გვ. 59.

⁶⁸¹ . ვრცლად იხ.: თ. გვანცელაძე. ჩრდილო-დასავლეთ საქართველოს მოსახლეობის ეთნიკური შემადგენლობა შუა საუკუნეთა ლაბიარული წარწერების მიხედვით. – ქართველური მემკვიდრეობა. თბ., 1999; ლ. ახალაძე. აფხაზეთის ეპიგრაფიკა, როგორც საისტორიო წყარო, I. თბ., 2005; ლ. ახალაძე. გერის-აფხაზეთის („აფხაზთა“) მეფეთა წარწერები.

გადაიქცნენ ქართული კულტურის უმნიშვნელოვანეს ცენტრებად, სადაც მიმდინარეობდა ორიგინალური და თარგმნილი საერო თუ სასულიერო ლიტერატურის შექმნა, ხელნაწერთა განახლება; აქვე ჩამოყალიბდა ხატწერისა და ფერწერის შესანიშნავი სკოლები, სხვადასხვა კალიგრაფიული მიმდინარეობანი და ა. შ. „აფხაზთა“ სამეფოში გრიგოლ ხანძთელის მიერ დაარსებული საეკლესიო ცენტრების იდეოლოგიურ გავლენაზე და კულტურულ-სარწმუნოებრივ ერთობაზე მიუთითებს „აფხაზთა“ მეფის დემეტრე II-ის მიერ გრიგოლ ხანძთელის მოწვევა უბისის მონასტრისა და საეკლესიო ცენტრის დასაარსებლად. ეს კულტურული ერთიანობა ტრადიციულად შემდეგშიც გაგრძელდა. რადგან „აფხაზთა“ მეფეების ინიციატივით დაარსებული ახალი საეკლესიო ცენტრები უბე, არმაზი, მარტვილი, ხოფი, მოქვი, წირქოლი, ხობი, სამწევრისი, ერედვი ქართული მწიგნობრობის, განათლებისა და კულტურის მნიშვნელოვან კერებს წარმოადგენდნენ არა მარტო „აფხაზთა“ სამეფოს ეპოქაში, არამედ მომდევნო საუკუნეებშიც ხშირად წამყვანი კულტურული ტენდენციების მატარებლებად და ახალი კულტურული წამოწყებების ინიციატორებად გვევლინებიან.

ცხადია, ამ მოვლენას სათავე დაუდო „აფხაზთა“ სამეფოს პოლიტიკურმა და სარწმუნოებრივმა დამოუკიდებლობამ. მისი მოპოვებისა და განმტკიცებისათვის ბრძოლაში „აფხაზთა“ მეფეებს გვერდით ედგნენ ბიზანტიის გავლენისაგან თავისუფალი ეკლესია და დასავლეთ საქართველოს მოსახლეობა, რომელმაც შეძლო არა მარტო საეკლესიო და სახელმწიფოებრივი სუვერენიტეტის მოპოვება, არამედ ბრძოლა განაახლა დანარჩენი ქართული მიწების შემოერთებისა და ერთიანი ქართული სახელმწიფოებრიობის აღდგენისათვის.

გამომდინარე აქედან, ნიშანდობლივია ისიც, რომ სწორედ „აფხაზთა“ სამეფოში მოღვაწეობდნენ ქართული კულტურის გამოჩენილი წარმომადგენლები, საეკლესიო და საერო პირები, რომლებმაც თავიანთი საქმიანობით უკვდავყვეს საკუთარი სახელები. ამ მხრივ მნიშვნელოვანია X საუკუნის ქართველი ჰიმნოგრაფისა და მთარგმნელის, სტეფანე სანანოდის სამწერლო მოღვაწეობა მარტვილის ტაძარში, რომელიც გიორგი II-ის დროს გადაიქცა ქართული კულტურის მნიშვნელოვან კერად. იმავე გიორგი II-ის მფარველობით სარგებლობდა დიდი ქართველი ჰიმნოგრაფი, შესანიშნავი „აღდგომის საგალობლების“ ავტორი იოანე მინჩხი⁶⁸². „აფხაზთა“ სამეფოს მკვიდრი იყო მიქაელ საბაწმინდელის მარტვილობის „აბუკურას“ ავტორი⁶⁸³. კონსტანტინე „აფხაზთა“ მეფის დაკვეთით ქართულ ენაზე დაიწერა „აფხაზთა“ მეფეთა დივანი“⁶⁸⁴, რომელიც წარმოადგენს ეგრის-აფხაზეთის მეფეთა VIII-X საუკუნეების მატრიანეს.

„აფხაზთა“ სამეფოს სახელმწიფო და საეკლესიო ენა, ასევე სამწერლობო კულტურა მხოლოდ ქართული იყო, რაზეც ერთმნიშვნელოვნად მიუთითებენ, როგორც ზემოთმოყვანილი ფაქტები, ასევე „აფხაზთა“ მეფეების დაკვეთით შესრულებული ყველა წარწერა, რომლებმაც ჩვენამდე მოაღწია და რომლებიც ქართული ასომთავრული დამწერლობით არის შესრულებული. ამ ფაქტს აღნიშნავს თითქმის ყველა მკვლევარი, ვინც კი ოდესმე შეხებია ამ სამეფოს ისტორიას⁶⁸⁵, მათ შორის აფხაზი ავტორებიც.⁶⁸⁶ მიუხედავად ამისა, აღნიშნულ საკითხს საგანგებოდ უვლიან გვერდს თანამედროვე აფხაზური ისტორიოგრაფიის წარმომადგენლები მ. გუნბა ო. ბლაჟა და ს. ლაკობა. საგულისხმოა, რომ აფხაზეთში დამწერლობის განვითარების ისტორიას ერთ-ერთი პირველი ნაყოფიერად იკვლევდა ხ. ბლაჟა (ო. ბლაჟას მამა). მისი დასკვნით, „აფხაზთა სამეფო“ წარმოადგენდა დასავლურქართულ სახელმწიფოს, რომლის სახელმწიფო და საეკლესიო ენა ქართული იყო⁶⁸⁷. დ. გულიას აზრით კი, არსებული „მრავალრიცხოვანი მეცნიერულად შემოწმებული ფაქტები უცილობლად მეტყველებენ, რომ აფხაზები

⁶⁸² . იოანე მინჩხის პოეზია. გამოსაცემად მოამზადა და გამოკვლევა დაურთო ლ. ხაჩიძემ. თბ., 1987.

⁶⁸³ . შდრ: საქართველოს ისტორიის ნარკვევები, ტ. II, გვ. 427.

⁶⁸⁴ . ძველი საქართველო, ტ. II. ექ. თავაიშვილის რედაქტორობით, გვ. 46-54.

⁶⁸⁵ . ს. ჯანაშია. გიორგი შარვაშიძე, კულტურულ-ისტორიული ნარკვევი. - შრომები, ტ. VI. თბ., 1988, გვ. 26; . . .
... გვ. 196; მ. ლორთქიფანიძე. ეგრის-აფხაზეთი, გვ. 416-445; ზ. პაპასქირი. ნარკვევები... I, გვ. 52-53;

ჯ. გამახარია. აფხაზეთი და მართლმადიდებლობა, გვ. 119; შ. გლოველი. აფხაზთა სამეფო. გვ. 24-25. და სხვები.

⁶⁸⁶
... 1967, გვ. 12.

⁶⁸⁷ . იქვე.

ყოველთვის ქართველებთან ერთად ცხოვრობდნენ საერთო ისტორიული და კულტურული ცხოვრებით, რომ აფხაზები, კაცმა რომ თქვას, იგივე ქართველები არიან...

უცილობლად დადგენილია, რომ უკვე IX ს-ის შუა ხანებიდან ქართული ენა არის დამწერლობის, სახელმწიფო და კერძო საქმისწარმოების, ყოველდღიური საეკლესიო ცხოვრებისა და ღვთისმსახურების ერთადერთი ენა⁶⁸⁸

დასავლეთ საქართველოს, კერძოდ, თანამედროვე აფხაზეთის ტერიტორიაზე სადამწერლობო კულტურის განვითარების თვალსაზრისით დიდი მნიშვნელობა ენიჭება „აფხაზთა“ სამეფოს ეპოქიდან შემორჩენილ ეპიგრაფიკულ მასალას. მათმა შესწავლამ და პალეოგრაფიულმა შედარებამ საქართველოს სხვა ისტორიული რეგიონების დამწერლობათა ნიმუშებთან აშკარად გამოკვეთა აფხაზეთის მოწინავე კულტურულ-ისტორიული ტენდენციები. მაგალითად, იგი პირველი ეხმაურება ასომთავრულში მიმდინარე ცვლილებებს. ამის დასტურია ის, რომ მთელ დასავლეთ საქართველოში ყველაზე ადრეული ქართული ასომთავრული დამწერლობის ნიმუში საკუთრივ აფხაზეთის, კერძოდ, გუდაუთის რაიონში მსიგხვას მთის ეკლესიის ნანგრევებში აღმოჩნდა. უფრო მეტიც, ამ მხარეში საფუძველი ჩაეყარა ქართული სადამწერლობო კულტურის ერთ-ერთ შესანიშნავ კიდურწაისრული დამწერლობის კალიგრაფიულ სკოლას, რომელიც აქედან გავრცელდა დანარჩენ საქართველოში⁶⁸⁹.

ზემოთაღნიშნული მასალა ერთმნიშვნელოვნად მიუთითებს, რომ საქართველოს ეს ისტორიული მხარე – აფხაზეთი ქართული კულტურის გავრცელების არეალს კი არ წარმოადგენდა, არამედ თავად იყო ამ კულტურის შემოქმედი და ორგანულად ჩართული ქართულ პოლიტიკურ და კულტურულ სამყაროში, როგორც ქართლი, კახეთი, ოდიში ან რომელიმე სხვა ისტორიული რეგიონი.⁶⁹⁰ მეცნიერებისათვის უცნობია აფხაზთა სამეფოში არაქართული კულტურის არსებობისა და განვითარების, არაქართულენოვანი მოსახლეობის იქ მოღვაწეობის დამადასტურებელი რამენაირი ფაქტი.

⁶⁸⁸ . Д. Гулия. О моей книге «История Абхазии. Сухуми. 1951 (). Тб., 1998, გვ.10, 15.

⁶⁸⁹ . ლ. ახალაძე, ქართული დამწერლობის პალეოგრაფიული მახასიათებლები აფხაზეთის ეპიგრაფიკულ ძეგლებში. – კულტურათაშორისი კომუნიკაციები. თბ., 2007, გვ. 32-40.

⁶⁹⁰ . დაწვრილებით იხილეთ: ლ. ახალაძე, აფხაზეთის ეპიგრაფიკა, როგორც საისტორიო წყარო, I. გვ. 204-211.

თავი VI. აფხაზეთის საეკლესიო ხუროთმოძღვრება

დღევანდელი აფხაზეთის ტერიტორიაზე შემორჩენილი და სხვადასხვა დროს ჩატარებული არქეოლოგიური გათხრებით გამოვლენილი შუა საუკუნეების ნივთიერი ძეგლები – ქრისტიანული ტაძრები, საშუალებას იძლევიან თვალი გავადევნოთ IV-XVIII საუკუნეების ქრისტიანული საკულტო ხუროთმოძღვრების განვითარების თითქმის უწყვეტ სურათს, სტილთა ცვლას, ევოლუციის ისტორიულ პროცესს, შემოქმედებითი ძიების, სრული მხატვრული სიმწიფისა და კრიზისის პერიოდების მონაცვლეობას. აღნიშნულ ძეგლებს მნიშვნელოვანი ადგილი უკავიათ ქართული კულტურისა და ხელოვნების, კერძოდ კი საეკლესიო ხუროთმოძღვრების ისტორიაში.

საეკლესიო ხუროთმოძღვრების ძეგლები ქართული ხელოვნების ისტორიის მკვლევართა მიერ მრავალმხრივ გაშუქებული და კარგად შესწავლილია.¹ ამჯერად აფხაზეთის რეგიონის ადრე შუა საუკუნეებისა (IV-VII სს.) და გარდამავალი ხანის (VII-X სს.) საეკლესიო ხუროთმოძღვრების მხოლოდ იმ განსხვავებული, თავისებური ნიშნებია განხილული, რომლებიც ქართული „ქვეყნებისათვის“ საზიარო მხატვრულ დინებებს, ერთიან გემოვნებას, შემოქმედებითი ძიებების საერთო მიმართულებებს ასახავენ და მთელი საქართველოსათვის ნიშანდობლივი თემის მიმართ შემოქმედებითი მიდგომის, შემოქმედებითი გადაშუქების შედეგს წარმოადგენს.

ქრისტიანულმა ეკლესიამ ხუროთმოძღვრატ სრულიად გარკვეული ამოცანა დაუსახა: უნდა შექმნილიყო საგანგებო შენობა, რომელიც ბევრ მლოცველს დაიტევდა და სარწმუნოებრივი რიტუალის ჩასატარებლად გამოდგებოდა. ევროპასა და ახლოაღმოსავლეთში ძველ ქრისტიანულ ხანაში გავრცელებული იყო საეკლესიო ნაგებობათა ორი უმთავრესი სახეობა: წაგრძელებული უგუმბათო შენობა, ე. წ. ბაზილიკა და ცენტრული, მრგვალი, რვაწახნაგა, ჯვარისებრი შენობა.²

საქართველოს ყველა კუთხეში, მათ შორის აფხაზეთში, ქრისტიანულ საკულტო არქიტექტურაში, აგრეთვე ვხვდებით ორ სახეობას: წაგრძელებულ უგუმბათო შენობებსა და ცენტრულ შენობებს. ქართული ცენტრული ტაძრების ბირთვის შეადგენს კვადრატი, რომელზედაც აღმართულია გუმბათი და რომლის გარშემოც ვითარდება ჯვარისებრი გეგმა. ეს სტილი გენეტიკურად უკავშირდება, ერთი მხრივ, ანალოგიურ კომპოზიციას ახლოაღმოსავლეთის ქვეყნების ძველ ხუროთმოძღვრებაში (მაგალითად, სასანურ სასახლეებს ირანში), მეორე მხრივ, ქართული ხალხური ხუროთმოძღვრების ტრადიციებს, ქრისტიანობის გავრცელებამდე ბევრად ადრე შემუშავებული, ღვიძლი და ტრადიციული გლეხური „დარბაზის“ ტიპს.³

საზგასმით გამჟღავნებული სიგრძივი ღერძის მქონე შენობა-ბაზილიკის ტიპი, რომელიც აგებულია გარკვეული ელემენტების რიტმული განმეორებით, ქართული ხუროთმოძღვრებისათვის უცხო იყო. ამ ტიპს ნერგავდა ოფიციალური ეკლესია, რადგან ქრისტიანულ ეკლესიას დასაწყისში ესაჭიროებოდა უკვე აღიარებული, სარწმუნოების მიერ ნაკურთხი ნიმუშები. ასეთ ნიმუშებად მიჩნეულ იქნა პალესტინის უძველესი ბაზილიკები, რაკი პალესტინა, საღმრთო წერილის თანახმად, ქრისტეს ამქვეყნიური ცხოვრების ასპარეზი იყო.⁴

ადრექრისტიანულ ხანაში ქართლში, კახეთსა და აფხაზეთში თითქმის ერთდროულად აღმოცენდა ბაზილიკის თავისებური ვარიანტი, რომელსაც ქართველმა მეცნიერებმა „სამეკლესიანი ბაზილიკა“ უწოდეს. გარედან თავისი „პროფილით“ იგი არ

¹. ი. ციციშვილი. ქართული არქიტექტურის ისტორია. თბ., 1955; შ. ამირანაშვილი. ქართული ხელოვნების ისტორია. თბ., 1961; ვ. ბერიძე. ძველი ქართული ხუროთმოძღვრება. თბ., 1974; მისივე:

– IV

.., 1983; ..

.., 1978; მისივე:

VIII-X

.., 1988 და სხვ.

². ვ. ბერიძე. ძველი ქართული... გვ. 18.

³. იქვე. გვ. 19.

⁴. იქვე.

განსხვავდება ჩვეულებრივი სამნავიანი ბაზილიკისაგან, მაგრამ შიგნით ნაგები ერთმანეთისაგან ბოძებით კი არ არის გაყოფილი, არამედ კედლებითაა გათიშული; ე.ი. არსებითად, აქ ერთ შენობაში გაერთიანებულია სამი დამოუკიდებელი სამლოცველო. V-VI საუკუნეებში ჩასახული ეს თემა VII საუკუნიდან გარკვეულ ევოლუციას განიცდის და განსაზღვრულ ხანაში მხატვრულად დასრულებული ნაწარმოების სახეს იძლევა.¹

სამნავიანი და სამეკლესიანი ბაზილიკის გვერდით, აფხაზეთში, საქართველოს სხვა კუთხეების მსგავსად, იმთავითვე შემუშავდა უგუმბათო ნაგებობათა კიდევ ერთი, უმარტივესი სახე: ერთნავიანი (ანუ ცალნავიანი) ეკლესია. სოფლის მცირე სამლოცველოთა უმეტესობა ამ ტიპს მიეკუთვნება, თუმცა არსებობს მოზრდილი ერთნავიანი ეკლესიებიც. აგრეთვე გვხვდება ორნავიანი ეკლესიები.

ქართული ეკლესია მთლიანად და სავსებით ემხრობა მთელ ქრისტიანულ სამყაროში მიღებულ ნორმებს. ფუნქციური თვალსაზრისით იგი ემთხვევა სხვა ქრისტიანული (უპირველეს ყოვლისა, მართლმადიდებელი) ქვენების ეკლესიას: აღმოსავლეთისაკენ მიმართული, ნახევარწრიულ აფსიდიანი საკურთხეველი, სადიაკვნე და სამეკეთლო; მის ორსავე მხარეს (გარდა უძველესი ეკლესიებისა, სადაც ეს სადგომები ჯერ კიდევ არ არის), მლოცველთა დარბაზი. ქართული ეკლესიები იმთავითვე ატრიუმების გარეშე შენდებოდა. მათ არ გააჩნდათ არც ნართექსები დასავლეთის მხარეს (იშვიათი გამონაკლისის გარდა), არც ცალკე აშენებული სანათლავეები (ბაპტისტერიუმები) დასავლური ეკლესიებისა, ხოლო სამრეკლოები XIII საუკუნიდან ჩნდება.²

დღევანდელ აფხაზეთში ადრექრისტიანული ხანის საკულტო არქიტექტურის ოცზე მეტი ერთეულია ცნობილი, რომლებიც ძირითადად არქეოლოგიური გათხრების შედეგადაა გამოვლენილი. როგორც არქეოლოგიური მონაცემებით ირკვევა, ქრისტიანული ტაძრები არა მარტო წერილობითი წყაროებით ცნობილ ცენტრებში (ბიჭვინთა), მნიშვნელოვან ქალაქებსა და გამაგრებულ ციხეებში (სებასტოპოლისი, ანაკოფია, წებულდა) არსებობდა, არამედ წერილობით უცნობ პუნქტებშიც (გაგრა, ალაჰაძე, გიენოსი, დრანდა, განთიადი, ჰაშუფსა, მიუსერა, მრამბა, შაჰკა, აბაანთა, ქიაჩ-აბაა და სხვ.).

ადრე შუა საუკუნეებში ეკლესიები აფხაზეთში წარმოდგენილია ცალნავიანი (ბიჭვინთის N1, N4 და საკათედრო ტაძრის დასავლეთით გამოვლენილი ორი ეკლესია, გიენოსი, ჰაშუფსა, წებულდა, მრამბა, შაჰკა) და ორნავიანი (ბიჭვინთა) ნაგებობებით; სამნავიანი ბაზილიკებით (ბიჭვინთის N2 და N3 ეკლესიები, განთიადი, ალაჰაძე), “სამეკლესიანი ბაზილიკებით“ (გაგრა, მიუსერა, აბა-ანთა, ქიაჩ-აბაა) და ჯვარგუმბათოვანი ნაგებობით (დრანდა).

მართალია, ბერძნული კონფესიური გავლენის ქვეშ მოქცეულ ქვეყანაში საკულტო ხუროთმოძღვრული ფორმები ბიზანტიიდან შემოდის, მაგრამ აფხაზეთის მკვიდრთა ქართულ “ქვეყნებთან“ სულიერ-კულტურული ერთობა არ წყდება, ამ დროის საკულტო ხუროთმოძღვრულ ნაწარმოებებში ვხედავთ ბიზანტიურისა და ადგილობრივის საზიარო მხატვრული დინებების შერწყმა-შეერთებას.

ადრე შუა საუკუნეების ადრეულ ეტაპზე აფხაზეთში აშენებული ეკლესიების ნაწილი თუ ბერძნულია (მაგალითად, ძველი პიტიუნტი, ბიჭვინთის IV-V საუკუნეების ერთმანეთზე დაშენებული ბაზილიკები, გუდავის IV საუკუნის ბაპტისტერიუმი), ცოტა უფრო გვიან, VI საუკუნეში, აწინდელ გაგრაში აგებული ე.წ. “სამეკლესიანი ბაზილიკა“ საქართველოში უგუმბათო არქიტექტურის ტიპად ჩამოქნილი ერთ-ერთი ნაირსახეობაა.

აფხაზეთში ამ ტიპის ოთხი ძველია შემორჩენილი ძველ გაგრაში, აბაანთის ციხეში (სოფ. ლიხნი), ქიაჩის ბორცვზე და ამბარაში, მიუსერას კონცხზე. მათგან უძველესია ძველი გაგრის ეკლესია, რომელიც გაგრის ციხის შემადგენელ ნაწილს წარმოადგენს. ამ ტაძარში ქართული ადრექრისტიანული რელიეფებისათვის დამახასიათებელი მოტივი – წრეში ჩაწერილი ტოლმკლავა, ე. წ. “ბოლნური“ ჯვრებია შემორჩენილი.

¹ გ. ჩუბინაშვილი. ქართული ხელოვნების ისტორია. თბ., 1936, გვ. 65-66; მისივე, . . ., 1959, გვ. 141.

² ვ. ბერიძე. ძველი ქართული..., გვ. 20.

არქიტექტურული თემა “სამეკლესიანი ბაზილიკისა“, როგორც აღინიშნა, უგუმბათო ტაძრის ერთ-ერთ ნაირსახეობას წარმოადგენს, რომელიც თავისი გარეგანი ფორმებით სამნავიანი ბაზილიკაა, მაგრამ შიგნიდან, როგორც კონსტრუქციული აზრით, ისე სივრცის შთაბეჭდილებით სრულიად განსხვავდება ბაზილიკისაგან. ზემოთ უკვე ითქვა, რომ აქ სვეტების თუ საბჯენების ნაცვლად, რომლებიც ბაზილიკის შიდა სივრცეს ნაგებად ყოფს, კედლები ჩნდება. ამ ტიპის ნაგებობამ საქართველოში საინტერესო ევოლუცია განიცადა და განსაზღვრულ ხანაში მხატვრულად დასრულებული ნაწარმოები მოგვცა.

მართალია, ბაზილიკის ეს ტიპი სხვა ქვეყნებშიც ცნობილია, მაგრამ ამ ტაძრებმა საქართველოში განსაზღვრული დამოუკიდებელი ტიპის სახე მიიღეს. მათი შემოქმედებითი განვითარების საფუძვლად კახეთია მიჩნეული, სადაც ამ ტიპის ორ ათეულამდე ძეგლია შემონახული. შენობის ეს ტიპი ერთნაირად მოსაწონი და მისაღები უნდა ყოფილიყო აღმოსავლეთ და დასავლეთ საქართველოს მკვიდრთათვის. ეს გარემოება ბუნებრივად და კანონზომიერად გამოაჩენს “სამეკლესიანი ბაზილიკების“ ერთდროულ აღმოცენებას კახეთში, ქართლსა და აფხაზეთში.¹ აფხაზეთში ამ ტიპის საერთოქართული ძეგლების არსებობა რეალური კულტურულ-ისტორიული ვითარების მანკვენებელია.²

ქართველი მკვლევარები აფხაზეთში „სამეკლესიანი ბაზილიკების“ არსებობას არ განიხილავენ როგორც ქართლის პირდაპირ პოლიტიკურ ზემოქმედებას ძლიერი ბიზანტიის ვასალ სახელმწიფოზე, ეგრისზე,³ მაგრამ „მოქცევაჲ ქართლისაჲ“-ს, „ქართლის ცხოვრებისა“ და სომეხი ისტორიკოსის იოანე დრასხანაკერტელის მონაცემებზე დაყრდნობით, არ გამორიცხავენ ქართლსა და ეგრისს შორის V-VII საუკუნეებში საეკლესიო-კულტურული ერთობის არსებობას⁴ და ერთი მწყემსმთავრის, ცნობილი ქართველი მოღვაწის, სომეხ-ქართველთა საეკლესიო განხეთქილების აქტიური მონაწილის, კირიონ ქართლის კათალიკოსის (VI-VII საუკუნეების მიჯნა) ხელქვეით გაერთიანებას.⁵

ბიზანტიურისა და ადგილობრივის, მთელი კულტურულ-ისტორიული საქართველოსათვის საზიარო მხატვრული დინებების შერწყმა-შეერთების მკაფიო მაგალითია დრანდის ღვთისმშობლის სახელობის ტაძარი, რომლის დათარიღებაში აზრთა სხვადასხვაობაა. ხუროთმოძღვრული ანალიზით გ.ჩუბინაშვილი ტაძარს მცხეთის ჯვრის (VI ს.) ვარიაციად მიიჩნევს,⁶ რ.მეფისაშვილი სახელოვნებათმცოდნეო და საბუნებისმეტყველო-ფიზიკური მეთოდებით VIII საუკუნით ათარიღებს,⁷ ხოლო მ.ხოტელაშვილი და კ.იაკობსონი მას ბიზანტიურ ძეგლად თვლიან და არქეოლოგიური მასალით VI საუკუნით ათარიღებენ.⁸ აგურით ნაშენი ტაძარი, დაბალი და განიერი მრავალსარკმლიანი გუმბათით, მრავალრიცხოვანი კარ-სარკმლებით, შუაში როტონდული სივრცით გვიანრომაული მემკვიდრეობაა. ამ ნაგებობაში ნართექსისა და მთავარი სივრცის შესასვლელთა ღერძების აცდენა VIII-IX სს. ზოგადქართულ სწრაფვას ეხმიანება, საკურთხევლის სამი შევრილით აფსიდის თაღების გადაბმის ხერხი კი “მცხეთის ჯვრისა“ და მისი ჯგუფის (თუნდაც მარტვილის ტაძრის) გამოცდილებას ემყარება.⁹

1. დ. თუმანიშვილი. შუასაუკუნეების ქართული ხუროთმოძღვრების ეროვნული ერთობის შესახებ. – ლიტერატურა და ხელოვნება, 3-6, 1993, გვ. 177.

2. ვ. ბერიძე. კულტურის ძეგლები აფხაზეთში. – ჯვარი ვაზისა, I. თბ., 1995, გვ. 65.

3. დ. თუმანიშვილი. აფხაზეთის ხუროთმოძღვრების რაობისათვის. – ზედაშე, I. თბ., 2005, გვ. 80; ი.ბერძენიშვილი. აფხაზეთის “სამეკლესიანი ბაზილიკები“. - მართლმადიდებლობა აფხაზეთში და ეროვნული თვითიდენტიფიკაციის საკითხები. თბ., 2005, გვ. 59.

4. ს. ჯანაშია. შრომები, ტ. I. თბ., 1949, გვ. 124.

5. ზ. ალექსიძე. ეპისტოლეთა წიგნი. თბ., 1968, გვ. 167-168.

6. გ. ჩუბინაშვილი. ქართული ხელოვნების ისტორია, გვ. 140-141.

7. . . . (VIII). – ქართული ხელოვნებისადმი მიძღვნილი IV საერთაშორისო სიმპოზიუმი. თბ., 1981, გვ. 1,2.

8. . . . (). – . . . 45. ., 1984, გვ. 192-200, 204-205.

9. დ. თუმანიშვილი. დასახ. ნაშრომი, გვ. 80., ლ. Шервашидзе. Археологические раскопки в крепости Аба-анта. Полевые археологические исследование в 1976 г. Тб., 1979, გვ. 233.

შემდგომში თანამედროვე აფხაზეთის ტერიტორიაზე საკულტო ნაგებობებში თანდათან ძლიერდება არაბიზანტიური საწყისი, თუმცა კვლავ აშენებენ „სამეკლესიან ბაზილიკებს“. VII-VIII საუკუნეებში აშენებული აბაანთისა¹⁰ და ამბარის „სამეკლესიანი ბაზილიკები“, აგრეთვე VIII-X საუკუნეების ქიანის წმ.მთავარანგელოზთა სახელობის „სამეკლესიანი ბაზილიკა“,¹¹ რომელიც მთელ დასავლეთ საქართველოში ცნობილი სალოცავი ყოფილა, იმ ტენდენციებს ასახავენ, რაც აღმოსავლეთ და სამხრეთ-დასავლეთ საქართველოს საეკლესიო ხუროთმოძღვრებაში იჩენს თავს (გეგმარების გართულება, შიდა კედლების ძალოვანი შევირღებით დამუშავება).

არქეოლოგიური გათხრებით გამოვლენილ, გარდამავალი ხანის ჩხორთოლის ერთნაიან დარბაზულ ეკლესიას IX-Xსს. პარალელები ჯავახეთსა (ხვილიშა - VIII-IXსს.) და შიდა ქართლში (სნეჭი - IX-Xსს., ერედვის ბერის საყდარი - Xს., ერედვის წმ.გიორგი - 906წ., კუსირეთი - VIII-Xსს., ხეთის საბაწმიდა - Xს., დისევი - Xს.) მოეპოვება,¹² ხოლო წკელიკარის დარბაზულ ეკლესიას (XIს.) კი - ჯავახეთში (აგარა - Xს.).¹³

შუა საუკუნეების ქართული ხუროთმოძღვრებისათვის დამახასიათებელი ნიშნები და ტენდენციები ასახულია აფხაზეთის IX-Xსს. ძეგლებში, რომლებიც გარდამავალი ხანის უკანასკნელ პერიოდს განეკუთვნებიან და მრავალფეროვანი შემოქმედებითი ძიებებით გამოირჩევიან. ამ ძიებების პროცესში ქართულ ხუროთმოძღვრებაში გაბატონებულ ადგილს ცენტრალურ-გუმბათოვანი ნაგებობა იკავებს, რომლის ძირითადი მახასიათებელია აღმოსავლეთ-დასავლეთის წაგრძელებული ფორმის ნაგებობა. ასეთი ნაგებობის მასები სივრცეში ჯვრის ფორმას ქმნიან. ოთხ თავისუფლად მდგარ ბოძზე დაბჯენილი გუმბათი აღმართულია ტაძრის მკლავების გადაკვეთაზე. ტაძრის ეს ტიპი მრავალფეროვანია, იგება „თავისუფალი ჯვრის“ და „ჩაწერილი ჯვრის“ ტიპის ტაძრები.¹

„ჩაწერილი ჯვრის“ ძირითად ბირთვის ჯვარ-გუმბათოვანი სტრუქტურა შეადგენს. ეს თემა დროთა განმავლობაში თანდათან ვითარდება და რთულდება, რაც ძირითადი ერთიანი კომპოზიციური სტრუქტურისათვის ცალკეულ ელემენტთა დამატებაში გამოისახება. ანაკოფიის ტაძარში, ბზიფში წარმოდგენილ ძირითად კომპოზიციას დასავლეთით ნართექსი ემატება, რომელიც უშუალოდ ძირითად კორპუსს ერწყმის. აქ კარიბჭეები გამოწეულ ფორმას ქმნიან. ანაკოფიის ტაძრის გეგმა ლიხნში მეორდება. აქ ინტერიერს, ანაკოფიისაგან განსხვავებული, ნართექსს ზევით მოთავსებული პატრონიკე ამრავალფეროვნებს. ლიხნის ინტერიერის გრანდიოზულობისა და დიდებულების შთაბეჭდილება გაძლიერებულია სამი მხრიდან შემოვლებული ორსართულიანი გარშემოსავლელითა და დასავლეთ მხარეს დამატებული ორი სვეტით.

წინარე ხანის არქიტექტურულ ფორმათა ძიებას სრულყოფილი სახე აქვს მიღებული მოქვის ტაძარში. თავისი მშვიდი და მკაცრი სიმეტრიულობით კლასიკური ხანის ქართულ ტაძრებს უკავშირდებიან ბზიფისა და ანაკოფიის ტაძრები. ამ პერიოდის ქართულ არქიტექტურაში დამკვიდრებულ „ცხოველხატულ“ სტილს ასიმეტრიულობითა და დინამიურობით ეხმიანებიან ლიხნისა და მოქვის ტაძრები.

„ჩაწერილი ჯვრის“ ტიპის ძეგლებში - ბზიფი (IXს.), ანაკოფია, ლიხნი და მოქვი (Xს. 60-იანი წლები, აფხაზთა მეფე ლეონ III-ის, ბაგრატ III-ის მკვიდრი ბიძის აგებული) ბიზანტიელების კვალიც ჩანს. ასეთია, მაგალითად, შიგნით შეხსენილი სეგმენტისაგან შედგენილი გუმბათი, რომელსაც ინგლისელები „გოგრისებურს“ უწოდებენ; სამი შვერილი აფსიდი აღმოსავლეთ მხარეს და სადგომების უშუალოდ (დასავლეთი კედლის გარეშე) გახსნა შუა სივრცისაკენ. ამ ნიშნების გამო, XIX საუკუნიდან მოყოლებული, მათ ბიზანტიური ხელოვნების ქმნილებებად თვლიდნენ. ამ ეკლესიებს აქვთ მეტად საგულისხმო ნიშან-თვისებები და მხატვრულ-ისტორიული მახასიათებლები, რომელთა მიხედვით ისინი ქართული ხუროთმოძღვრების ძეგლებია, „ბიზანტიზმები“ კი მხოლოდ

¹⁰ , გვ. 73-74.

¹¹ . დ. თუმანიშვილი. აფხაზეთის ქრისტიანული ტაძრები. - ჯვარი ვაზისა, I, გვ. 68.

¹² . რ. ხვისტიანი. ჩხორთოლის ეკლესია. - აფხაზეთი, I, თბ., 2006, გვ. 129.

¹³ , 1971, გვ. 64.

¹ . გ.ჩუბინაშვილი, ნ.სევეროვი. ქართული არქიტექტურის განვითარების გზები. თბ., 1936, გვ. 82-83., В.Беридзе. Некоторые вопросы..., გვ. 7; მისივე: ძველი ქართული..., გვ. 47.

მინარეგებია. ოთხივე ტაძარი ე.წ. „ჩაწერილი ჯვრის“ ტიპისაა, ოთხ თავისუფლად მდგომ ბურჯზე დაბჯენილი გუმბათით. ასეთი აგებულების გუმბათიანი ნაგებობა X საუკუნიდანაა გავრცელებული ბალკანეთის ნახევარკუნძულზე, ძველ რუსეთში, კონსტანტინოპოლსა და თესალონიკში, ერთი სიტყვით, მთელ აღმოსავლეთ საქრისტიანოში. ამ სახის უადრესი ტაძრები სადღეისოდ საქართველოსა და სომხეთშია მიკვლეული. აღმოსავლეთ საქართველოში ამ სახის ტაძრების უწყვეტი მწკრივი გვაქვს (წრომი – VIII ს., სამშვილდე – VIII ს., იყალთო და რუისი – VIII-IX სს.), როცა ბიზანტიაში „ჩაწერილი ჯვრის“ არქიტექტურული თემა ამ პერიოდში ახლად იკიდებს ფეხს.

„ჩაწერილი ჯვრის“ ტიპის აფხაზეთის ტაძრებში უადრესი ბზიფის ტაძარია, რომელიც აშკარად ქართლის ძეგლებს უკავშირდება. აფხაზეთში ამ ტიპის სხვა შენობებიც (ისევე როგორც „სამეკლესიანი ბაზილიკა“) საერთოქართულ ნიადაგზე აღმოცენებული. ქართულ სამყაროზე მიგვითითებს აღნიშნული ძეგლების გარე და შიდა აღნაგობა, სადაც გუმბათქვეშა თაღები პირდაპირ ბურჯებზე დაყრდნობილი; ანალოგიური ბიზანტიური ძეგლების გუმბათი კი დაბალ საბჯენებზე ამოყვანილ კედლებს ეყრდნობა. აფხაზეთის ტაძრების კედლები გარედან არაა დაცხრილულ-დაცხაურებული ბიზანტიური ძეგლებივით. ბზიფის ტაძრიდან (IX ს.) მოქვის ტაძრამდე (X ს.) საკურთხევლისკენა ღერძის გაყოლებით შეინიშნება მოცულობათა თანდათანობითი სიგრძივი ზრდა, ბიზანტიურ ძეგლებში კი, VII საუკუნიდან მოყოლებული, საპირისპირო პროცესი ხდება – სიგრძივი ღერძი თანდათანობით მოკლდება.²

ღიხნის დასავლეთი პატრონიკეს რამდენიმე სართულად დაწყობილი თაღები, რომელიც ბიზანტიური არქიტექტურისათვის უცხოა, გურჯაანის ყველაწმინდაშია დამუშავებული და ამბარის „სამეკლესიანი ბაზილიკაშია“ გადმოსული. საქართველოში აფხაზეთის და კახეთის ძეგლებისათვისაა დამახასიათებელი დიდი თაღოვანი ბჯეები, რაც აგრეთვე უცნობია ბიზანტიური ხუროთმოძღვრებისათვის.

ბიჭვინთის ტაძარი განსხვავებული გუმბათქვეშა კონსტრუქციის გამო „ჩაწერილი ჯვრის“ ტიპის ტაძრებში ცალკე ჯგუფად გამოიყოფა. ძველი მდებარეობს ძველი ნაქალაქარის ტერიტორიაზე, შავი ზღვის ნაპირას, ბიჭვინთის ყურეში. ტაძრის სამხრეთ-დასავლეთით არქეოლოგების მიერ აღმოჩენილია აბანოს, სასახლისა და ტაძრების ნაშთები; ერთ-ერთი ეკლესიის იატაკი დაფარული იყო მოზაიკით, რომელიც ადრექრისტიანულ სიმბოლურ-ალეგორიულ გამოსახულებებსა და ორნამენტულ მოტივებს შეიცავდა (IV-V სს.).

ბიჭვინთის ტაძარი ჯვარ-გუმბათოვანი ნაგებობაა, მაგრამ დასავლეთით აქვს ნარტექსი და აღმოსავლეთით სამი შვერილი აფსიდი. ნარტექსი საქართველოში იშვიათია, შვერილი აფსიდები კი ახასიათებს ადრინდელ ქართულ ეკლესიებს, უფრო გვიან შავი ზღვის სანაპიროს ძეგლებს და აქა-იქ აღმოსავლეთ საქართველოს ძეგლებსაც. ბიჭვინთის ტაძრის დასავლეთის მკლავი სამხრევი პატრონიკეთია აღჭურვილი. ტაძრის გუმბათი საკურთხევლის კედლებს ეყრდნობა და არა ოთხ თავისუფლად მდგომ ბურჯს. ქართულ ხუროთმოძღვრებაში ეს თემა გარდამავალ ხანაში დამუშავდა. მისი ადრეული ნიმუშები კახეთსა და ტაო-კლარჯეთში (ბარცხანა, ოზაანი, ხანძთა – IX-X სს.) გვხვდება, XI საუკუნიდან კი მტკიცედ იკიდებს ფეხს ქართულ არქიტექტურაში. სამწუხაროდ, ჩვენამდე არ მოუღწევია ბაგრატ III-ის აგებულსა და ჩვენს მატიანეში დიდი აღტაცებით ნახსენებ ბედიის ტაძარს. როგორც არქიტექტორ-რესტავრატორმა ლ. ხიმშიაშვილმა გაარკვია, ახლანდელი ნაგებობა ბაგრატისეულის ნაშთებზეა დაშენებული XIII საუკუნის მეორე ნახევარში. სამაგიეროდ მანვე გამოავლინა თავდაპირველი ეკლესიის გეგმა, რომელიც დაახლოებით იმგვარივეა, როგორც ზემოგანხილული გუმბათიანი ეკლესიებისა.¹

აფხაზეთის გარდამავალი ხანის ძეგლებს შემდეგი თავისებური ნიშნები ახასიათებს: შვერილი აფსიდა აღმოსავლეთის მხარეს, ტაძრის ძირითადი სივრცისაკენ დამატებითი

². ზ. ჯანგველაძე. IX-X სს. საეკლესიო ხუროთმოძღვრება აფხაზეთში. – საისტორიო ძიებანი, I. თბ., 1998, გვ. 44.
¹. ვ. ბერიძე. ძველი ქართული..., გვ. 44-45; ლ. ხიმშიაშვილი. რესტავრაციის ზოგიერთი საკითხი (წრომი, ბეღია). – ძეგლის მეგობარი, 14, თბ., 1969, გვ. 77. ი. ვარსიმაშვილი. ბეღია. – ძეგლის მეგობარი, 31-32, თბ., 1973, გვ. 31-32.

კომპარტიმენტების თავისუფალი გახსნა, ნართექსი დასავლეთის მხარეს, ფასადთა ძუნწი მორთულობა. იგივე ნიშნები სხვა ქართული რეგიონების საეკლესიო არქიტექტურასაც ახასიათებს, რადგან იგი ზოგადქართული მოვლენაა შვერილი აფსიდები აქვთ ვანნაძიანთ ყველაწმიდას (VIII ს.) და განვითარებული შუა საუკუნეების გელათის მთავარ ტაძარს (XII ს.), ტიმოთესუბნის ეკლესიას (XII-XIII სს.) და მეტეხის ტაძარს (XIII ს.). დამატებითი კომპარტიმენტების თავისუფალი გახსნა ტაძრის ძირითადი სივრცისაკენ ცნობილია სამშვილდის სიონში (VIII ს.), იკორთასა (XII ს.) და XII-XIII საუკუნეების სხვა ქართულ ძეგლებში. დასავლეთის ნართექსი გვხვდება წრომის ტაძარში. ეს ფორმა მარტო ბიზანტიურ ხუროთმოძღვრებას არ ახასიათებს, იგი საერთოდაა დამახასიათებელი ქრისტიანული ხუროთმოძღვრებისათვის.² პატრონიკე შუა-საუკუნეების ქართულ ხუროთმოძღვრებაში, მართალია, აუცილებელ ელემენტს არ წარმოადგენს, მაგრამ მაინც გვხვდება (ვანნაძიანთ ყველაწმიდა - IX ს., ალავერდის ტაძარი - XII ს.).

ქართულ ტრადიციაზე აფხაზეთის ცენტრალურ-გუმბათოვან ტაძრებში მრავალი კომპონენტი მეტყველებს. აფხაზეთში, აღმოსავლეთ საქართველოს მსგავსად, კედლების წყობაში (ბიჭვინთის გარდა) თლილი ქვაა გამოყენებული. ორივე რეგიონში გუმბათქვეშა კვადრატისგან გუმბათის წრეზე გადასვლისას იყენებენ ეპოქისათვის დამახასიათებელ აფრებს, ბიზანტიაში კი აფრების ნაცვლად – ტრომპებს. აფხაზეთისა და აღმოსავლეთ საქართველოს ტაძრებში დასავლეთ-აღმოსავლეთის სიგრძივი ღერძის თანდათანობითი დაგრძელება ხდება, ბიზანტიურ ნაგებობებში კი პირიქით - სიგრძივი ღერძი მოკლდება. აფხაზეთის ტაძრებს ახასიათებს საკურთხევლის აფსიდის ნალისებური მოყვანილობა და ფასადთა ძუნწი მორთულობა. ამ ნიშნით ისინი კახეთის ძეგლებს უახლოვდებიან, სადაც, ალავერდის ტაძრის გარდა, ყველა ძეგლი მოურთველია.

აბსიდის ჩრდილო მხარეზე ძირითად ნავთან კარით დაკავშირებული, ნავთან შედარებით მოკლე, შესაბამის ფასადზე საფეხურად შეჭრილი სათავსოები აქვთ გამოყენებული ილორის (XII ს.), ლაშქენდარის (X-XI სს.), ღუმურიშის (XII ს.) და აჩანუას დარბაზულ ეკლესიებს⁶⁹¹, რომელთა ანალოგიური კომპოზიციისა და ხუროთმოძღვრული ნიშნების მქონე დარბაზული ეკლესიები საქართველოს ყველა კუთხეში (ქართლი, ჯავახეთი, არაგვის ხეობა, რაჭა) გვხვდება. აღნიშნული ძეგლები აგრძელებენ აღებული ეპოქის ქართული ხუროთმოძღვრების ხაზს².

რუსმა არქეოლოგმა ბ. რაევმა ქადღერის შემოგარენში (კრასნაია პოლიანას მიდამოებში) XI-XIII სს. ხუთი აშკარად ქართული დარბაზული ეკლესიის ნაშთი (ლიპნიკი, კრიენ ნერონი, გოლიცინი, ახშითრი) შეისწავლა. ამ ძეგლების გეგმარება და კონსტრუქცია მან საქართველოს ძეგლების (დრანდისა და ნოქალაქევის) ანალოგიურად მიიჩნია³.

ბიჭვინთაში, მრამბაში, წებელდაში, ანაკოფიაში, სოხუმში, კულამბაში, დრანდასა და გაგრაში გამოვლენილია VI-VIII სს. რელიეფური სკულპტურის ძეგლები, რომელთა შორის განსაკუთრებული ადგილი წებელდის ბარელიეფებს უჭირავთ. ბიბლიური სიუჟეტებით შემკული აღნიშნული ბარელიეფები ამ რეგიონში აღმოსავლეთ საქართველოს გავლენის მაჩვენებელია. ანაკოფიის ციხის ეკლესიაში ბერების მიერ XIX ს. აშენებულ კედელში ჩაყოლებულია ახლო-მახლო დანგრეული ეკლესიებიდან მოტანილი X-XI სს. რელიეფიანი ქვები, რომლებიც ქართლისა და სამხრეთ საქართველოს რელიეფებს ემსგავსებიან.⁴

² . ლ. დ. რეულიშვილი. Купольная..., გვ. 77; პ. ზაქარაია. ქართული ხუროთმოძღვრება XI-XIII სს. თბ., 1990, გვ. 29, 42.

⁶⁹¹ (XI). , 1963, გვ. 78., , 4. , 1975, გვ. 85; რ. ხვისტანი. ქრისტიანული ძეგლები ოქუმისწყლის ზემო წელზე (ღუმურიშის ეკლესია). – ძიებანი, №2. თბ., 1998, გვ. 90; , 1967, გვ.91.

² , გვ.91.

³ , 1, , 2008, გვ. 148-149.

⁴ , 1962, გვ. 77; დ.თუმანიშვილი. აფხაზეთის

ხუროთმოძღვრების..., გვ. 81.

ზოგიერთი ავტორი, წარსულშიც და დღესაც, საქართველოსთან დამაკავშირებელი ისტორიულ-კულტურული ძირებისა და კავშირების იგნორირებითა და გაყალბებით ამკვიდრებს მცდარ, ტენდენციურ აზრს აფხაზეთის ისტორიის, ხელოვნების, კერძოდ კი, ხუროთმოძღვრების განვითარების საკუთარი, დამოუკიდებელი გზის არსებობის შესახებ. აღნიშნული ავტორები აფხაზეთის ადრე შუა საუკუნეებისა და გარდამავალი ხანის ეკლესიების ზემოთ განხილულ თავისებურ ნიშნებს, ქართული პარალელების შეგნებულად გვერდის ავლით, “ადმოსავლურ-ბიზანტიური საეკლესიო ხუროთმოძღვრების აფხაზურ-აღანური სკოლის“, ან “აფხაზური ხუროთმოძღვრების“ თავისებურებად თვლის,⁵ რაც ყოველგვარ მეცნიერულ საფუძველს მოკლებულია. ცალკეული განსხვავებული ნიშნების არსებობა შუა საუკუნეების ქართული ხუროთმოძღვრებისათვის დამახასიათებელი ლოგიკური, კანონზომიერი მოვლენაა. მკვეთრი სხვაობა კახეთის, ქართლისა და სხვა ქართული “ქვეყნების“ ხუროთმოძღვრულ ძეგლებშიც ვლინდება.

ასეთ სურათს გვიხატავს დღევანდელი აფხაზეთის ტერიტორიაზე შემორჩენილი ადრე შუა საუკუნეებისა და გარდამავალი ხანის საკულტო ხუროთმოძღვრება. ამ სურათის გაყალბება შეიძლება, შეცვლა კი ვერა. სხვა სპეციალისტთა გასარკვევია, რა ენაზე ლაპარაკობდა იმუამინდელი აფხაზი, ის კი უთუოა, რომ იგი ქართული კულტურული სამყაროს მონაწილე ყოფილა, შესაბამისად, „ქართლის ბედის“ მოზიარეც უნდა იყოს.⁶

⁵. В. П. Пачулия. В стране золотого руна. М., 1863; Л.Д.Хрушкова. Скульптура раннесредневековой Абхазии. М., 1980; Ю.Н. Воронов. В мире архитектурных памятников Абхазии. М., 1978; История Абхазии. Под ред. С.А. Лакоба. Сухуми, 1991 და სხვ.

⁶. დ. თუმანიშვილი. აფხაზეთის ხუროთმოძღვრების..., გვ. 88.

თავი VII. თანამედროვე აფხაზეთის ტერიტორია გაერთიანებული საქართველოს შემადგენლობაში. XIს. – XVს.

1. აფხაზეთი XI საუკუნიდან XIII საუკუნის 40-იან წლებამდე

Xს. 70-იან წლებში, 978 წლიდან „აფხაზთა“ სამეფოს ისტორიაში იწყება ახალი ეპოქა, როცა „აფხაზთა“ მეფეების მიერ დაწყებული ბრძოლა ქართული მიწების შემოერთებისათვის საქართველოს გაერთიანებით დასრულდა. ამჯერად ამ ბრძოლის სათავეში იდგა „აფხაზთა“ მეფეების კანონიერი მემკვიდრე და მათი სახელმწიფოებრივი პოლიტიკის გამგრძელებელი ბაგრატ ბაგრატიონი – გიორგი II (922-957წწ.) აფხაზთა მეფის შვილიშვილი.

ბაგრატ III ბაგრატიონის (978-1014წწ.) „აფხაზთა მეფედ“ კურთხევა იოანე მარუშის ძისა და საქართველოს სახელმწიფოებრივი გაერთიანების იდეის მომხრე ქართული პოლიტიკური დასის შორსმჭვრეტელური გეგმის თანახმად და დავით III ტაოელის სამხედრო დახმარებით განხორციელდა⁶⁹².

იოანე მარუშისძე წარმოშობით დაღ-წებელის, ხეობიდან იყო⁶⁹³. როგორც ჩანს, იგი დაახლოებული იყო აფხაზთა სამეფო კართან, რამაც განაპირობა მისი ხელდასმა ქართლის ერისთავად. სწორედ აქ, ამ პოლიტიკური თვალსაწიერიდან გამომდინარე საქართველოს გაერთიანების პოლიტიკური პერსპექტივა, რომელიც რეალურად შეამზადა ობიექტურმა და სუბიექტურმა ფაქტორებმა.

ცხადია, საქართველოს გაერთიანებისათვის ბრძოლა ხანგრძლივი და რთული ისტორიული პროცესი იყო. იოანე მარუშის ძის გეგმის თანახმად, თავდაპირველად „ქართველთა“ და „აფხაზთა“ სამეფოების გაერთიანება მოხდა. ამის შემდეგ ბაგრატ III-ის ძირითადი საზრუნავი დანარჩენი ქართული მიწა-წყლის შემოერთება გახდა. ამ დროს საქართველოს სამეფოს გარეთ რჩებოდა კახეთის საქორეპისკოპოსო, ჰერეთის სამეფო და თბილისის საამირო. 998 წელს ბაგრატ II-ის გარდაცვალების შემდეგ სამხრეთ საქართველოს მიწების (ტაო-კლარჯეთის სამთავროს) მნიშვნელოვანი ნაწილი საქართველოს სამეფოს შემადგენლობაში გადავიდა. მიუხედავად იმისა, რომ ბაგრატის შემდეგ „ქართულთა მეფის“ ტიტულს ბაგრატ III-ის მამა გურგენ მეფეთ-მეფე დაეუფლა⁶⁹⁴, მამა-შვილი შეთანხმებულ პოლიტიკას აწარმოებდნენ და ეს ტერიტორია ბაგრატ III-ის ცონტროლს დაექვემდებარა. საზღვარი „აფხაზთა“ და კახეთის სამეფოებს შორის ამ დროს მდ. ქსანზე გადიოდა. თბილისი და ქვემო ქართლის ნაწილი თბილისის მაჰმადიანი ამირას გამგებლობაში შედიოდა. ჩრდილოეთით „აფხაზთა“ სამეფო საამიროს დიღმის ხევზე ესაზღვრებოდა. X საუკუნიდან ქვემო ქართლის მნიშვნელოვანი ნაწილი – სამშვილდე, ბოლნისი, დმანისი, ლორე, ლორე-ტაშირი (იგივე ტაშირ-ძორაკეტი) კვირიკიან მეფეთა სამფლობელო იყო, რომლის მეფეები ტაშირ-ძორაკეტელებად იწოდებოდნენ. სამხრეთ – დასავლეთ საქართველო ბაგრატიონთა ტაოს

⁶⁹² მ. ლორთქიფანიძე, მეფე ბაგრატ მესამე. თბ., 2002, გვ. 25-26.

⁶⁹³ მარუშინათა წარმოშობის შესახებ იხ.: ნ. ბერძენიშვილი. საქართველოს ისტორიის საკითხები, ტ. VIII. თბ., 1975, გვ. 610. ქ. ჩხატარაიშვილი. აბულასან იობის ძის წარწერა წებელდიდან და მისი ისტორიული მნიშვნელობა. – საქართველოს ფეოდალური ხანის ისტორიის საკითხები, ტ. VI. თბ., 1990, გვ. 98.

⁶⁹⁴ ბაგრატის მიერ „ქართულთა მეფის“ ტიტულის მიღების ქრონოლოგიაზე მეტყველებს შორის აზრთა სხვადასხვაობა არსებობს. თავის დროზე, ივ. ჯავახიშვილი მიუთითებდა, რომ ბაგრატ III-მ „ქართულთა მეფის“ ტიტული 1008 წელს, მამის გარდაცვალების შემდეგ მიიღო (ივ. ჯავახიშვილი. ქართველი ერის ისტორია, ტ. II. თბ., 1983, გვ. 130-131). მ. ლორთქიფანიძის, ნ. შოშიაშვილისა და ვ. სილოგავას აზრით, ამ ტიტულს ბაგრატ III 1001 წლიდან ფლობდა (ქართული წარწერების კორპუსი, ტ. I, გვ. 56; ქართული წარწერების კორპუსი, ტ. II, გვ. 52-53). „მატიანე ქართლისაჲსა“ და სხვა საისტორიო წყაროებზე დაკვირვების საფუძველზე ზ. პაპასჭირი მივიდა იმ დასკვნამდე, რომ ბაგრატს „ქართულთა მეფის“ ტიტული უნდა მიეღო ბაგრატ II „რეგენის“ გარდაცვალების, ე. ი. 994 წლის შემდეგ (ზ. პაპასჭირი. ერთიანი ქართული ფეოდალური სახელმწიფოს წარმოქმნა და საქართველოს საგარეო-პოლიტიკური მდგომარეობის ზოგიერთი საკითხი. თბ. 1990. გვ. 75-82). სინამდვილეში ეს უნდა მომხდარიყო 1008 წელს, რასაც ეპიგრაფიკული მასალაც ადასტურებს (დ. ახალაძე. ქართული და სომხური წყაროები „აფხაზთა“ მეფეთა ტიტულატურის შესახებ. – საისტორიო ძიებანი, 2004, №7, გვ. 26-27.)

შტოს წარმომადგენლების ხელში იყო. მის ერთ ნაწილს (ამიერტაო, შავშეთ-კლარჯეთი, სამცხე – ჯავახეთი და სხვ.) ჯერ ბაგრატ II „რეკუნის“, ხოლო მისი გარდაცვალების შემდეგ ბაგრატ III-ის მამა გურგენ მეფეთ-მეფე მართავდა. სამხრეთ საქართველოს მეორე ნაწილს ბაგრატიონთა შორის ყველაზე ძლიერი და სახელმძღვანელო მეფე დავით III კურაპალატი ფლობდა. მისი სამეფო სამხრეთით ვანის საზღვრამდე აღწევდა. ასეთი იყო საქართველოს პოლიტიკური რუკა X საუკუნის ბოლოსა და XI საუკუნის დასაწყისისათვის.⁶⁹⁵ ბუნებრივია, ბაგრატ III-ის წინაშე მეტად რთული ამოცანა იდგა – აფხაზთა სამეფოსთან გაერთიანებინა ზემოთ დასახელებული ქართული პროვინციები.

975 წელს, როცა ბაგრატის ერთგულებაზე ქართლის აზნაურებმა დაიფიცეს, „აფხაზთა“ სამეფოში ბაგრატის ბიძა უსინათლო თეოდოსი მეფობდა, რომელსაც ტახტის მემკვიდრე არ ჰყავდა. ქვეყნის გაერთიანების ინტერესებიდან გამომდინარე, უსინათლო თეოდოსი ბაგრატ მეფემ ტაოში დავით კურაპალატთან გაგზავნა: „გამოგზავნა თეოდოსი მეფე, დედის ძმა მისი, ტაოს წინაშე დავით კურაპალატისა, კაცთა, დიდთა და მცირეთა, სასოება კეთილისა, გინა შიში უწესობისათვის აქუნდეს.“⁶⁹⁶ მატიანის ავტორის სიტყვებიდან ჩანს, რომ ეს ნაბიჯი გადაიდგა ქვეყნის პოლიტიკური ინტერესებიდან გამომდინარე. ივ. ჯავახიშვილის სიტყვებით, ბაგრატის გვერდით უსინათლო თეოდოსის ყოფნა იძლეოდა საბაბს შეთქმულებისა და აშკარა გამოსვლებისათვის, „წინ გადაელობებოდა ბაგრატის პოლიტიკას“.⁶⁹⁷ ეს ისტორიული მოვლენა ისტორიოგრაფიაში ერთმნიშვნელოვნად შეფასებულია, როგორც ქვეყნის გაერთიანებისაკენ გადადგმული ერთ-ერთი უმნიშვნელოვანესი ნაბიჯი.⁶⁹⁸ აფხაზი ისტორიკოსის მ. გუნბას აზრით კი ეს იყო „სასახლის გადატრიალება“, რომლის საფუძველზე მოხდა „აფხაზური“ სამეფო დინასტიის ტახტიდან ჩამოცილება და ბაგრატიონთა მიერ აფხაზთა სამეფო ტახტის ხელში ჩაგდება⁶⁹⁹. აღნიშნული მოსაზრება თავის დროზე გამოთქვა რუსმა ისტორიკოსმა კ. კუდრიავცევმა, რასაც მ. გუნბა თავისი მონოგრაფიის რამდენიმე გვერდზე იმეორებს. უფრო მეტიც, ის ავითარებს რუსი ისტორიკოსის აზრს, თითქოსდა მიუხედავად იმისა, რომ ბაგრატ მესამე დედის ხაზით მართლა მიეკუთვნებოდა „აფხაზთა“ სამეფო დინასტიას, თეოდოსი II-ის ტახტიდან ჩამოგდების შემდეგ აფხაზთა სამეფოს ტახტი დაიკავა არა ეროვნულმა, არამედ სხვა, ამ ქვეყნისათვის სრულიად უცხო – ბაგრატიონების სამეფო დინასტიამ⁷⁰⁰. მხოლოდ ამით შეიძლება აიხსნას, – აგრძელებს მ. გუნბა, – ის მღელვარებები, რომელებიც ხდებოდა აფხაზეთში თეოდოსი II-ის ტახტიდან ჩამოგდების შემდეგ⁷⁰¹. ამ შემთხვევაში კონკრეტულად რომელი მღელვარებები აქვს ავტორს მხედველობაში, გაუგებარია, რადგან საისტორიო წყაროებში არ დასტურდება არცერთი ფაქტი, რომელიც მოწმობდეს აფხაზეთის (დასავლეთ საქართველოს, ან თუნდაც საკუთრივ აფხაზეთის) ფეოდალების სეპარატისტულ განწყობას ცენტრალური ხელისუფლების წინააღმდეგ, რომელიც თითქოსდა მომწვეული იყო „აფხაზთა“ სამეფოს გაუქმებით.⁷⁰² პირიქით, ჩვენამდე მოღწეული ყველა წყარო მიუთითებს, რომ ბაგრატ III-ის გამეფების პროცესში აქტიურად მონაწილეობდნენ დასავლეთ საქართველოს ფეოდალები: „ამანვე ივანე მარუშის-ძემან ინება, რათა მოიყვანოს ბაგრატ მეფედ აფხაზეთისა და მის თანა ყოველთა დიდებულთა, ერისთავთა და აზნაურთა აფხაზეთისა და ქართლისათა გამოითხოვეს ბაგრატ მეფედ დავით კურაპალატისაგან“⁷⁰³, – წერს „მატიანე ქართლისაის“ ავტორი. როგორც ვხედავთ, ბაგრატის გამეფების საქმეში ერთსულოვნება იყო, როგორც დასავლეთ საქართველოს (აფხაზეთის), ისე ქართლის ფეოდალების მხრიდან.

⁶⁹⁵ მ. ლორთქიფანიძე. ბრძოლა საქართველოს გაერთიანებისათვის (X საუკუნის დასასრ. – XI ს. 60-იანი წლები). – საქართველოს ისტორიის ნარკვევები, ტ. III, თბ., 1979, გვ. 153.

⁶⁹⁶ . ქართლის ცხოვრება, ტ. I, გვ. 276.

⁶⁹⁷ . ივ. ჯავახიშვილი. ქართველი ერის ისტორია, ტ. 2, გვ. 126.

⁶⁹⁸ . ივ. ჯავახიშვილი, ზ. ანჩაბაძე, მ. ლორთქიფანიძე, ზ. პაპასქირი, რ. მეტრეველი, გ. გაბუნია და ა. შ.

⁶⁹⁹ II (XI – XIII). , 1999, გვ. 78.

⁷⁰⁰ , 1922, გვ.120.

⁷⁰¹ II , გვ. 66.

⁷⁰² . აღნიშნული მოსაზრება ეკუთვნის კ. კუდრიავცევს, რომელიც შემდეგ შერბილებული ფორმით გამოთქვა შ. ინალ-იფამ, ხოლო მ. გუნბას მონოგრაფიაში მან კატეგორიული სახე მიიღო.

⁷⁰³ . ქართლის ცხოვრება, ტ. I, გვ. 275.

ბაგრატ III იყო კანონიერი მემკვიდრე „აფხაზთა“ მეფეების სამეფო დინასტიისა და, უფრო მეტიც, ბაგრატი თავად იწოდა „აფხაზთა მეფედ“. საგულისხმოა ის ფაქტი, რომ ამიერიდან ბაგრატ III-ის და შემდეგში გაერთიანებული საქართველოს სხვა მეფეების ტიტულატურაც იწყებოდა „აფხაზთა მეფით“ და გრძელდებოდა მომდევნო პერიოდში შემოერთებული ქართული მიწების დასახელებით. ასე, მაგალითად, ბაგრატ III-ის სამეფო ტიტულატურაში აისახა საქართველოს ისტორიული რეგიონების თანდათანობით გაერთიანების პროცესი. 989-999 წლებით დათარიღებულ ბედიის ბარძიმის წარწერაში იგი დასახელებულია როგორც „ბაგრატ აფხაზთა მეფე“⁷⁰⁴. იმავე ტიტულითაა იგი წარმოდგენილი ატენის სიონის 980 წლის წარწერაშიც⁷⁰⁵. ქუთაისის ბაგრატის ტაძრის 1001-1008 წლების წარწერაში ბაგრატ მეფის ტიტული ასე გამოიყურება: „აფხაზთა და ქართველთა მეფე და კურაპალატი“¹. წარწერაში აისახა 1001 წელს ბაგრატის მიერ „კურაპალატის“ ტიტულისა და 1008 წელს მამის - გურგენ მეფეთ-მეფის გარდაცვალების შემდეგ „ქართველთა მეფის“ ტიტულის მიღება². ნიკორწმინდის ტაძრის 1010-1014 წლების ლაპიდარული წარწერა ბაგრატ III-ს უწოდებს „აფხაზთა და რანთა მეფეს და ქართველთა კურაპალატს“³ ე.ი. წარწერა შესრულებულია მას შემდეგ, რაც საქართველოს სამეფომ 1010-1014 წლებში რანი შემოიერთა. იმავე თვალსაზრისით, საყურადღებოა ჭიათურის რაიონის სოფ. კაცხის ეკლესიის წარწერა, რომელშიც ბაგრატი ასე იხსენიება: „აფხაზთა და ქართველთა მეფე, ტაოძსა და რანთა, კახთა და ყოვლისა აღმოსავალისა დიდი კურაპალატი“⁴. სუმბატ დავითის ძის მიხედვით, გურგენ მეფის გარდაცვალების შემდეგ მისი ძე „ბაგრატ აფხაზთა მეფე, კურაპალატი დიდი, დაეუფლა ტაოს მამულსა თუსსა, და დაიპყრა ყოველი კავკასია თვთმპყრობელობითა ჯიქეთითგან ვიდრე გურგენადმდე“⁵. სუმბატის მიერ დასახელებული ისტორიული მოვლენები ასახულია კაცხის წარწერაში დასახელებულ ბაგრატ მეფის ტიტულატურაში. ამრიგად, ბაგრატ III-ის სამეფო ტიტულატურა ნამდვილად ასახავს საქართველოს სახელმწიფოებრივი გაერთიანების თანდათანობით პროცესს. მომდევნო საუკუნეებში ქართველ მეფეთა ტიტულატურა ახალი ტერიტორიების შემომტკიცების კვალობაზე კიდევ უფრო გაიზარდა, მაგრამ იმ მხარის – აფხაზეთის (დასავლეთ საქართველოს) სახელი, საიდანაც დაიწყო ქვეყნის გაერთიანების პროცესი, უცვლელად პირველ ადგილზე დარჩა. ამის გამო ზოგიერთი უცხო ავტორი საქართველოს უწოდებდა „აფხაზეთს“, ხოლო გაერთიანებული საქართველოს მეფეებს შემოკლებით – „აფხაზთა მეფეს“⁶. ქართული წყაროების გარდა, „აფხაზეთი“, როგორც ერთიანი ქართული ფეოდალური მონარქიის სახელი, მუდმივად ფიგურირებს იმ პერიოდის უცხოენოვან ისტორიულ წყაროებში, კერძოდ, სომხურ⁷, ბერძნულ⁸, არაბულ⁹, სპარსულ¹⁰ და თვით რუსულ¹¹ წყაროებშიც კი.

⁷⁰⁴ გ. ჩუბინაშვილი. ბედიის ოქროს ბარძიმი. – საქართველოს მეცნიერებათა აკადემიის მოამბე, 1940, X, ბ.

⁷⁰⁵ ქართული წარწერების კორპუსი. ფრესკული წარწერები, I, ატენის სიონი. გამოსაცემად მოამზადეს, გამოკვლევა და საძიებლები დაურთეს გ. აბრამიშვილმა და ზ. ალექსიძემ. თბ., 1989, გვ. 177, №47.

¹ ქართული წარწერების კორპუსი, ტ. II, გვ. 53, №33.

² ლ. ახალაძე. ქართული და სომხური წყაროები „აფხაზთა“ მეფეთა ტიტულატურის შესახებ, გვ. 29.

³ ქართული წარწერების კორპუსი, ტ. II, გვ. 55, №35.

⁴ იქვე, გვ. 56, №36.

⁵ სუმბატ დავითის ძე. ცხოვრება და უწყება ბაგრატონიანთა. ტექსტი გამოსაცემად მოამზადა, გამოკვლევა, შენიშვნები და საძიებლები დაურთო გ. არახამიამ. თბ., 1990, გვ. 53. იხ.: ქართლის ცხოვრება, ტ. I, გვ. 281.

⁶ აღნიშნულ საკითხზე იხილეთ: ნ. ლომოური, საქართველოს სახელწოდებანი ბიზანტიურ წყაროებში. – საქართველოსა და ქართველების აღმნიშვნელი უცხოური და ქართული ტერმინოლოგია, გვ. 82,83; გ. ჯაფარიძე. ქართველებისა და საქართველოს არაბული სახელწოდებები. – იქვე, გვ. 132,134; ზ. პაპასქირი. აფხაზეთი – საქართველო. თბ., 1998, გვ.141-142; ზ. პაპასქირი. ნარკვევები..., I, გვ. 67-68; შდრ. ლ. ახალაძე. ქართული და სომხური წყაროები „აფხაზთა“ მეფეთა ტიტულატურის შესახებ, გვ. 30-31.

⁷ არისტაკეს ლასტივერტი. ისტორია. ქართული თარგმანი გამოკვლევით, კომენტარებით და საძიებლებით გამოსცა ე. ცაგარეიშვილმა. თბ., 1974, გვ. 42; ვარდან არეველი. მსოფლიო ისტორია. ძველი სომხურიდან თარგმნეს ნ. შოშიაშვილმა და ე. კვაჭანტირაძემ. შესავალი, კომენტარები და საძიებლები დაურთო ე. კვაჭანტირაძემ. თბ., 2004, გვ. 122. „აფხაზი“ ქართველის აღმნიშვნელ სიტყვად გამოყენებული აქვს XIII საუკუნის სომეხ ისტორიკოსს სტეფანოს ორბელიანსაც. იხ.: სტეფანოს ორბელიანი. „ცხოვრება ორბელიანთა“-ს ძველი ქართული თარგმანები. სომხური ტექსტი ქართული თარგმანითა და კომენტარებით გამოსცა ლ. დავლიანიძე-ტატიშვილმა. თბ., 1978, გვ. 34.

⁸ ნ. ლომოური. საქართველოს სახელწოდებანი ბიზანტიურ წყაროებში, გვ. 83-88; ზ. პაპასქირი. ნარკვევები..., I, გვ. 67.

⁹ გ. ჯაფარიძე. ქართველებისა და საქართველოს არაბული სახელწოდებები, გვ. 132-134;

რაც შეეხება ე. წ. აფხაზურ ისტორიოგრაფიაში განვითარებულ ზემოთმოტანილ თეზას, თითქოსდა ბაგრატ III-ის გამეფებით დასრულდა აფხაზთა სამეფოს არსებობა და შეილახა აფხაზი ერის სახელმწიფოებრივი ინტერესები, ის ვერ უძლებს ვერანაირ კრიტიკას, რადგან ბაგრატ III, როგორც უკვე აღინიშნა, იყო კანონიერი მემკვიდრე გიორგი II აფხაზთა მეფისა და თავდაპირველად 978 წლიდან ვიდრე 1008 წლამდე იგი ისევე ფლობდა „აფხაზთა“ სამეფოს მიწებს, როგორც მისი წინამორბედი მეფეები. არ შეცვლილა ამ სახელმწიფოს სახელი და სამეფოს დედაქალაქი, არ შეცვლილა „აფხაზთა სამეფოს“ სახელმწიფოებრივი და სამართლებრივი იურისახე. პირიქით, ბაგრატ III-მ გააგრძელა და გააფართოვა თავისი წინაპრების მიერ დაწყებული როგორც სახელმწიფოებრივი, ასევე საეკლესიო პოლიტიკა. მათ შორის პირველ რიგში უნდა დავასახელოთ ქართული მიწების შემოერთებისათვის ბრძოლა. როგორც ზემოთ იყო ნახევნები, ჯერ კიდევ გიორგი I აფხაზთა მეფის (861-868წწ.) ზეობის დროს დაიწყო და გაგრძელდა ბაგრატ I-ის (881-893წწ.), კონსტანტინე III-ის (893-922წწ.), გიორგი II-ის (922-957წწ.) და ლეონ III-ის (957-967წწ.) სახელმწიფოებრივ საქმიანობაში. ბაგრატ მესამის საშინაო პოლიტიკის განსაზღვრისათვის დამახასიათებელია მის მიერ განხორციელებული ღონისძიებები ქართლის ფეოდალების მიმართ უფლისციხის საკითხთან დაკავშირებით. სწრაფი, შემტევი და შეუვალი პოლიტიკით მეფემ გამოავლინა მტკიცე დამოკიდებულება ფეოდალური ოპოზიციის მიმართ, რითაც საბოლოოდ აღკვეთა ქართლის ფეოდალთა თვითნებობა. გარდა ამისა, ბაგრატ მესამე განსაკუთრებულ ყურადღებას აქცევდა კახეთის შემოერთების საკითხს და კახი მეფეების წინააღმდეგ გადამჭრელი ბრძოლისათვის ემზადებოდა. ზემოთ უკვე აღინიშნა, თუ რა შეუპოვარ ბრძოლას ეწეოდნენ გიორგი II და ლეონ III კახეთის შემოერთებისათვის. კახეთისათვის ბრძოლა საბოლოოდ ბაგრატ III-მ დაასრულა და 1008 წელს მამის – გურგენ მეფეთ-მეფის გარდაცვალების შემდეგ, კახეთზე გაილაშქრა. „განუწყრა ბაგრატ აფხაზთა და ქართველთა მეფე (კახეთის ქორეპისკოპოსს დავითს – ავტ.) და კურაპალატი იყო მას ჟამსა დღივს, რამეთუ განაგებდა საქმეთა ტაოსა და ქართლისათა, რომელ მაშინ თუთვე ეპყრა ტაო მიცვალებასა ზედა მამისა მათისა გურგენ მეფეთ-მეფისა. წარგზავნა კაცი მოსწრაფედ, აწვა სპათა აფხაზეთისა და ქართლისათა, და თუთ წარემართა ზემოთა ლაშქრითა, გაიარა თრიალეთი, გავლო ჳიდი მცხეთისა. და მოერთნეს თანა აფხაზნი და ქართველნი. დადგა თიანეთს და... იწყო ბრძოლად ციხეთა და მას ჟამსა აღილო ქუეყანა ჳერეთისა, და განაჩინა მთავრად აბულად და წარმოვიდა შინა.“¹⁰ საბოლოოდ, გაერთიანებული საქართველოს პირველმა მეფემ შეძლო, „აფხაზთა“ მეფეების მიერ დაწყებული საქმე – ბრძოლა კახეთის შემოერთებისათვის წარმატებით დაესრულებინა.

ბაგრატ III-მ ტრადიციულად გააგრძელა „აფხაზთა“ მეფეების მიერ დაწყებული საეკლესიო პოლიტიკაც. პირველ რიგში, ეს ეხებოდა ბერძნული საეკლესიო ცენტრების გაუქმებასა და ახალი ქართული კათედრების დაარსებას. როგორც ზემოთ იყო ნახევნები, აფხაზთა მეფეებმა კონსტანტინე III-მ, გიორგი II-მ და ლეონ III-მ დასავლეთ საქართველოს შავიზღვისპირა რეგიონში შემორჩენილ ბერძნულ სამიტროპოლიტო კათედრებს დაუპირისპირეს ქვეყნის შიდა რაიონებში აგებული ქართული საეკლესიო კათედრები, რომლებიც აფხაზეთის საკათალიკოსოს მეშვეობით უკვე მცხეთის საკათალიკოსოს ექვემდებარებოდნენ; ამის ნათელი დადასტურებაა გიორგი II-ის მიერ ხოფის, აგრეთვე ქიაჩის, ჭყონდიდის ტაძრების მშენებლობა, ლეონ III-ის მიერ მოქვისა და წირქოლის საყდრების მშენებლობის ისტორია. ეს ტაძრები აგებული იქნა ბერძნული სამიტროპოლიტოების საპირისპიროდ და მათ გასაუქმებლად, დასავლურქართული ეკლესიის მცხეთასთან გაერთიანების მიზნით. X ს. 70-იანი წლებიდან ბაგრატ III ენერგიულად ცდილობდა თავისი წინაპრების მიერ დაწყებული საქმის დაგვირგვინებას. „მატიანე ქართლისაჲს“ ავტორის სიტყვებით: „...აღაშენა საყდარი ბედისა და შექმნა

¹⁰ დ. კობიძე. ტერმინ „აფხაზის“ მნიშვნელობა სპარსული წყაროების მიხედვით; კ. ტაბატაძე. საქართველოსა და ქართველების აღმნიშვნელი ტერმინები X-XV სს. სპარსული წყაროების მიხედვით. – საქართველოსა და ქართველების აღმნიშვნელი უცხოური და ქართული ტერმინოლოგია, გვ. 218-222.

¹ ქართლის ცხოვრება, ტ. I, გვ. 278-279.

საყდრად საეპისკოპოსოდ, მოცვალა მუნ გუდაყუსა საეპისკოპოსო, შეწირნა სოფელნი მრავალნი ყოველთა ჴევთა და ადგილთა, განასრულა ყოველთა განგებითა, შეამკო ყოველთა სამკაულითა ეკლესია, აკურთხა და დასუა ეპისკოპოსი.² ისტორიული წყაროების დამოწმებით, აშკარად ჩანს, რომ ბერძნული საეპისკოპოსოების „მოცვლა“ და ქართულის დაარსება ჯერ კიდევ IX–X სს. მიჯნაზე დაიწყო და ტრადიციულად გაგრძელდა ბაგრატ III-ის საეკლესიო პოლიტიკაში³. ეს ფაქტი კიდევ ერთი დადასტურებაა იმისა, რომ ბაგრატ მესამე ღირსეული გამგრძელებელია წინამორბედთა საქმისა და ის „უცხო“ და „დამპყრობელ“ ძალას არ წარმოადგენდა დასავლურქართული სახელმწიფოს პოლიტიკურ არენაზე. ეს იყო მიზანმიმართული პოლიტიკა, რომელიც ითვალისწინებდა დასავლეთ საქართველოს ეკლესიის მცხეთის იურისდიქციის ქვეშ სრულ მოქცევას. აღნიშნული პროცესი საბოლოოდ ბაგრატ III-ის მეფობის წლებში დასრულდა⁴.

თანამედროვე აფხაზეთის ტერიტორია გაერთიანებული საქართველოს სამეფოს შემადგენლობაში შედიოდა სამი ადმინისტრაციული ერთეულის – ცხუმის, ოდიშის⁵ და აფხაზეთის საერისთავოს სახით. ოდიშის საერისთავო მოიცავდა თანამედროვე აფხაზეთის სამხრეთ-აღმოსავლეთს – გაღის, ოჩამჩირისა და გულრიფშის რაიონებს; ცხუმის საერისთავოში შედიოდა ყოფილი აფშილეთის ტერიტორია მდინარე კელასურიდან ანაკოფიამდე. აფხაზეთა საერისთავო კი მოიცავდა ტერიტორიას თანამედროვე ახალი ათონიდან (ანაკოფიიდან) ნიკოფსიამდე. თავის დროზე, „ისტორიანი და აზმანი შარავანდელთანის“ ტექსტის არასწორი ინტერპრეტაციის საფუძველზე, ზ. ანჩაბაძის მიერ გამოითქვა მოსაზრება, თითქოს ცხუმისა და აფხაზეთის საერისთავოები თამარის ეპოქაში გაერთიანდნენ, რადგან ეს ადმინისტრაციული ერთეულები დასახლებული იყო აფხაზი მოსახლეობით⁶. ეს მოსაზრება დამაჯერებლად იქნა უარყოფილი, რადგან სხვა წყაროებით თამარის ეპოქაში ცხუმის ერისთავად ამანელისძე დასტურდება, ხოლო ოთაღო შარვაშისძე იყო „აფხაზეთა“ ერისთავი⁷.

ზემოთდასახელებული ოდიშის, ცხუმისა და აფხაზეთის ერისთავები, ისევე, როგორც დასავლეთ საქართველოს სხვა ერისთავები თავდაპირველად ემორჩილებოდნენ მსახურთუხუცესს. ეტყობა, ეს ტრადიცია ჯერ კიდევ აფხაზეთა სამეფოდან მოდიოდა, როცა მსახურთუხუცესი სამეფო კარზე წამყვან პოლიტიკურ ფიგურას წარმოადგენდა.

აფხაზეთის საერისთავოს მოქცევას ერთიან ქართულ სახელმწიფოში უარყოფითად აფასებენ კ. კუდრიავცევი, შ. ინალ-იფა ი. ვორონოვი, მ. გუნბა და სხვები. ისინი აღნიშნავენ, რომ ბაგრატ III-ის მიერ გაერთიანებული საქართველოს შემადგენლობაში აფხაზეთი იქცა „ჩვეულებრივ შორეულ, მიგდებულ პროვინციად“⁸. ეს მოსაზრება ვერანაირ კრიტიკას ვერ უძლებს და არ შეესაბამება სიმართლეს, რადგან, ჯერ ერთი, გაერთიანებისა და საზღვრების გაფართოების ტენდენცია „აფხაზეთა“ სამეფოდან მოდიოდა და, მეორე, ბაგრატ III წინამორბედი აფხაზეთა მეფეების მსგავსად ქუთაისში იჯდა და სახელმწიფოებრივი თუ საეკლესიო მშენებლობის საკითხებშიც მათ მიერ დაწყებულ პოლიტიკურ კურსს აგრძელებდა. უფრო მეტიც, მისი ინიციატივით აიგო ბედიის ტაძარი, რის შემდეგ წამოიწია და გაფართოვდა თანამედროვე აფხაზეთის ტერიტორიის კულტურულ-სარწმუნოებრივი მნიშვნელობა. ამიერიდან, ბედიის ტაძარი გახდა ამ ეპოქის საქართველოს ერთ-ერთი უმნიშვნელოვანესი საეკლესიო ცენტრი, ვახუშტის თქმით, სიმბოლო ქვეყნის ძლიერებისა და სიმდიდრისა⁹, რომელიც სამეფო

2. იქვე, გვ. 281.

3. საეკლესიო კათედრების „მოცვლის“ შესახებ იხილეთ: ბ. კუდავა. დასავლეთ საქართველოს ეკლესია IX–XI სს.

4. ბ. კუდავა. აფხაზეთა საკათალიკოსოს ისტორიიდან (IX–XIII სს). – ქართული დიპლომატია, ტ. 9. თბ., 2002, გვ. 579.

5. რომელსაც ვახუშტი ბედიის საერისთავოს უწოდებს.

6. მ. ბახტაძე. ერისთავობის ინსტიტუტი საქართველოში. თბ., 2003, გვ. 245-249.

1. გვ. 177-178.

2. აღნიშნულ საკითხთან დაკავშირებით იხილეთ: გ. ცქიტიშვილი. „ისტორიანი და აზმანი შარავანდელთანის“ ერთი ადგილის წაკითხვისათვის. – საქართველო რუსთაველის ხანაში. თბ., 1966. გვ. 222-227; ი. ანთელავა. მასალები „ისტორიათა და აზმათა“ ტექსტის დადგენისა და ინტერპრეტაციისათვის. – XI-XIV სს. ქართული საისტორიო წყაროები. თბ., 1988, გვ. 42-47; მ. ბახტაძე. ერისთავობის ინსტიტუტი. გვ. 245-249.

3. გვ. 122; გვ. 67;

? 1993. გვ. 8-12; II გვ. 67.

4. ქართლის ცხოვრება, ტ. IV, გვ. 780.

საძველედაც კი იქცა. ბედიის ტაძრის მნიშვნელობაზე მიუთითებს ისიც, რომ ზვიად ერისთავმა, სწორედ აქ დაკრძალა ბაგრატ და არა ქუთაისში მის მიერ ახლად აგებულ ბაგრატის ტაძარში. თანამედროვე აფხაზეთის ტერიტორიაზე ამ ეპოქაში აიგო სხვა მნიშვნელოვანი საეკლესიო და საერო დანიშნულების ძეგლები, მათ შორის ილორისა და ლიხნის ტაძრები, ბაგრატის ციხე სოხუმთან ახლოს, ბესლეთის ხიდი⁵, სათამაშას ციხე და ა.შ. საგანგებოდ უნდა აღინიშნოს ის ფაქტი, რომ აღნიშნული მშენებლობების სათავეში თვით მეფე ბაგრატი, ან ადგილობრივი მსხვილი საეკლესიო და საერო ფუნქციონარები იდგნენ. მაგალითად, ილორის ტაძრის ქტიტორები იყვნენ მთავარეპისკოპოსი გიორგი, მღვდელი გიორგი ქოჩოლავა და მხარის გამგებელი გიორგი გურგენისძე.

არ შეიძლება ყურადღება არ მივაქციოთ იმ ფაქტსაც, რომ აფხაზი ავტორების სიტყვებით, სწორედ ბაგრატ III-ის დროიდან გვხვდება ქართული წარწერები თანამედროვე აფხაზეთის ტერიტორიაზე⁶. სინამდვილეში ქართული ეპიგრაფიკა დასავლეთ საქართველოს ტერიტორიაზე VIII-IX საუკუნეებიდან არის შემორჩენილი. უფრო მეტიც, დასავლეთ საქართველოს ტერიტორიაზე ყველაზე ძველ ქართულ ეპიგრაფიკულ ძეგლად ითვლება გუდაუთის რაიონში მსიგხვას მთაზე აღმოჩენილი 48 ქართული წარწერა ანტიფიქსებზე⁷. ასევე გიორგი II აფხაზთა მეფის წარწერა გუდაუთის რაიონის სოფ. ხოფის წმ. ნიკოლოზის სახელობის ტაძარზე და ა.შ. აფხაზი ავტორები ცდილობენ, საერთოდ არ ახსენონ აფხაზთა მეფეების დაკვეთით აგებული ქართული ხუროთმოძღვრების ძეგლები, რომლებზეც ქართული წარწერებია დაცული და საუბრობენ ბერძნული წარწერების სიმრავლეზე მაშინ, როცა თანამედროვე აფხაზეთის ტერიტორიაზე მთელი შუა საუკუნეების მანძილზე მხოლოდ სამი ათეული ბერძნული ლაპიდარული წარწერა თუ არის მოძიებული⁸, ხოლო ქართული ლაპიდარული, ფრესკული და ჭედური წარწერების რაოდენობა ასამდე აღწევს, აფხაზური კი, სამწუხაროდ, საერთოდ არ არსებობს.

გაერთიანებული საქართველოს გაძლიერების პირობებში ისტორიული „აფხაზთა სამეფო“ და დღევანდელი აფხაზეთის ტერიტორია ჩართული იყო ერთიან ქართულ საზოგადოებრივ-პოლიტიკურ და კულტურულ-ეკონომიკურ სივრცეში. ეს დადასტურებულია ყველა ისტორიულ წყაროში, რომელიც ამ პერიოდის საქართველოს შესახებ მოგვითხრობს⁹. აფხაზეთი და აფხაზები, ისევე როგორც დანარჩენი ისტორიული მხარეები და მათი მოსახლეობა, ჩანან გაერთიანებული საქართველოს თითქმის ყველა მნიშვნელოვანი პოლიტიკური პროცესის შუაგულში.

აფხაზ მკვლევართა ერთი ნაწილი დღემდე საუბრობს XI საუკუნის ქართულ პოლიტიკურ სამყაროში არსებულ „აფხაზთა“ სეპარატისტულ მოძრაობაზე, რომელიც გამოვლინდა ბაგრატ IV-ის ეპოქაში მისი ნახევარძმის დემეტრე უფლისწულის სამეფო ტახტისათვის ბრძოლის დროს. დემეტრე იყო გიორგი I-ის ვაჟი მეორე ქორწინებიდან ოვსთა მეფის ასულის აღდესაგან, რომელიც გიორგი I-ის გარდაცვალების შემდეგ აფხაზეთში, კერძოდ, ქალაქ ანაკოფიაში ცხოვრობდა. დემეტრეს ფაქტორი ბაგრატ IV-ის წინააღმდეგ კარგად გამოიყენა ბიზანტიის იმპერიამ და მისი დაპირისპირება სცადა საქართველოს მეფესთან. 1032 წელს ბიზანტიის წაქეზებით, დემეტრე უფლისწულის ირგვლივ ორგანიზებულ იქნა შეთქმულება, რომელიც ითვალისწინებდა ბაგრატ IV-ის ტახტიდან ჩამოგდებას და დემეტრე უფლისწულის გამეფებას. ზანჩაბადის აზრით, რადგან შეთქმულების ცენტრი იყო ანაკოფია, უნდა ვიფიქროთ, რომ ანტისახელისუფლებო შეთქმულებაში მონაწილეობდნენ ცალკეული აფხაზი

5. მართალია, ამ ხიდს მოსახლეობა თამარის ხიდს უწოდებს, მაგრამ მასზე დაცულ ქართულ ასომთავრულ წარწერაში იკითხება მეფე ბაგრატი, რომელიც ბაგრატ III უნდა იყოს. იხ: თ.ბარნაველი. ბესლეთის ხიდის თარიღისათვის. – მაცნე 1970, №6, გვ. 143; ვ.ბერიძე. კულტურის ძეგლები აფხაზეთში. – ჯვარი ვახისა, 1995, №6, გვ. 66; ლ. ახალაძე. აფხაზეთის ეპიგრაფიკა როგორც საისტორიო წყარო (ლაპიდარული და ფრესკული წარწერები) I, თბ., 2005, გვ. 181.

6. II , 2007, გვ. 152.
7. , 1967, გვ. 67; ქართული წარწერების კორპუსი, ტ. II, გვ. 30-31; ვ. სილოგავა. შამგერგლო-აფხაზეთის ეპიგრაფიკა. თბ., 2004, გვ. 257-259; ლ. ახალაძე. აფხაზეთის ეპიგრაფიკა, როგორც საისტორიო წყარო, გვ. 140-146.

8. თ. ყაუხჩიშვილი. საქართველოს ბერძნული წარწერების კორპუსი. თბ., 2004, გვ. 59-72.

9. შდრ. XI-XV გვ. 180-181.

ფეოდალები³. აღნიშნულ მოსაზრებას კიდევ უფრო ავითარებს და განსხვავებულ ინტერპრეტაციას აძლევს მ.გუნბა, რომელსაც არ აეჭვებს დემეტრე უფლისწულის შეთქმულებაში აფხაზი (მ. გუნბას აზრით, აფსუა) ფეოდალების აქტიური მონაწილეობა, რადგან მათ კარგად ახსოვდათ ქართველი ფეოდალების მიერ თითქოს მოწყობილი სასახლის გადატრიალება და აფხაზური სამეფო დინასტიის ჩამოშორება ხელისუფლებიდან. მ.გუნბას მტკიცებით, აფხაზ ფეოდალებს ამ საქმეში თავიანთი პოლიტიკური ინტერესები ამოძრავებდათ.⁴ სინამდვილეში აფხაზეთის მაშინდელი მოსახლეობის დამოკიდებულება საქართველოს მეფის ხელისუფლებისადმი კარგად არის გამოხატული აფხაზთა ერისთავის ოთალო ჭაჭას-ძის საქმიანობაში, რომელიც მხარში ედგა საქართველოს მეფეს და მეთაურობდა ანაკოფიის ალყას. „მატიანე ქართლისაჲს“ უცნობი ავტორის სიტყვებით, „იყო ჟამი გაზაფხულისა და ბაგრატ აფხაზეთს იყო; მოადგა ანაკოფიას და მისწურა წასაღებელად... წამოვიდა და მოაყენა ანაკოფიას გარე ქუაბულელ ჭაჭას ძე ოთალო აფხაზეთისა ლაშქრითა.“⁵ ეს პოლიტიკური სიუჟეტი არანაირად არ იძლევა საშუალებას, ვიფიქროთ ცხუმისა და აფხაზეთის საერისთავოთა მოსახლეობის სეპარატისტულ განწყობაზე მაშინდელი საქართველოს მეფის წინააღმდეგ⁶. პირიქით, ამ შემთხვევაში ოთალო ჭაჭას ძე საქართველოს მეფის ერთგული მოხელე და მისი პოლიტიკური მხარდამჭერი. აშკარად ჩანს, რომ ეს მხარე გაცილებით მეტ ერთგულებას იჩენდა ბაგრატ IV-ის მიმართ, ვიდრე საქართველოს სხვა კუთხის ფეოდალები. ბაგრატ IV-მ ანაკოფიის ციხე სწორედ ოთალო ჭაჭას ძის აქტიური დახმარებით დაუბრუნა საქართველოს სამეფოს.

აფხაზი ისტორიკოსების მოსაზრებას აშკარად ეწინააღმდეგება მეორე ქართული წყარო „გიორგი მთაწმინდელის ცხოვრება“, რომელიც მოგვითხრობს, ბაგრატ IV-ის მიერ ტრადიციულად ზამთრობით აფხაზეთში მოგზაურობაზე. „განაგნა რაჲ საქმენი მის ჟამისანი ღმრთისმსახურმან მეფემან და რამეთუ მოწვეწულცა იყო ჟამი ზამთრისაჲ, და ჩვეულებისაებრ თუხისა წარვიდა აფხაზეთად, და აწჳა ბერსაცა (იგულისხმება პატრიკი – ავტ.) წარსლვად, რათა მუნ დაიზამთროს და განისუენოს... და ვითარცა წარმოვემართენით და მივიწიენით ჭყონდიდს, მეფე სრულიად აფხაზეთს შთასლვად წარემართა, ხოლო ჩუენ ეპისკოპოსმან ჭყონდიდეღმან არა განგვტყენა, რამეთუ მოწაფე იყო ბერისაჲ“¹. როგორც წყაროდან ჩანს, ბაგრატ IV „ჩვეულებისაებრ“ სამეფოს ამ ნაწილში ხშირად მოგზაურობდა და სამეფო საქმეებს განაგებდა. ყურადღებას იმსახურებს მატიანის ამ ცნობის ერთ კონკრეტული დეტალი. კერძოდ, მემატეანე ერთგან ამბობს, რომ მეფე „წარვიდა აფხაზეთად“, ხოლო მეორეგან აკონკრეტებს „მეფე სრულიად აფხაზეთს შთასლვად წარემართა“. საფიქრებელია, რომ პირველ შემთხვევაში აფხაზეთი გამოყენებულია დასავლეთ საქართველოს მნიშვნელობით, ხოლო მეორე შემთხვევაში სიტყვებში: „სრულიად აფხაზეთს“, იგულისხმება საკუთრივ აფხაზეთის საერისთავო, ანუ ცხუმის საერისთავოს იქითა ტერიტორია.

შეიძლება საინტერესო პარალელი გავავლოთ „გიორგი მთაწმინდელის ცხოვრების“ ამ ცნობასა და ლიხნის წარწერებს შორის. ცნობილი ფაქტია, რომ ლიხნის წარწერების ერთი ნაწილი შესრულებულია გიორგი მთაწმინდელის საქართველოში მოგზაურობის შემდეგ – უახლოეს მომდევნო პერიოდში. ლიხნის ცნობილ წარწერაში კომეტის გამოჩენის შესახებ დასახელებულია ბაგრატ IV და ეს ფაქტი დათარიღებულია მისი მეფობის წლებით. კომეტა გამოჩენილა ბაგრატ IV-ის მეფობის 38-ე ინდიქტიონს, ე.ი. 1066 წელს. იმავე ლიხნის ტაძრის დასავლეთი კედლის შელესილობაზე მეორე სართულზე, ქორედის თადის მარცხენა მხარეს, სარკმელსა და თაღს შორის დარჩენილ მონაკვეთზე მოთავსებულია წითელი საღებავითა და გარდამავალი მხედრულით

³ , გვ. 179. დაახლოებით მსგავს აზრს ავითარებენ ს.ლაკობა და ო.ბლაჟუა. იხილეთ: , 2007, გვ. 151.

⁴ II , გვ. 91.

⁵ ქართლის ცხოვრება, ტ. I, გვ. 299.

⁶ აღნიშნული ფაქტი ისტორიოგრაფიაში შეფასებულია, როგორც ბრძოლა სამეფო ხელისუფლებისათვის. იხ.: XI-XV , გვ. 180.

¹ გიორგი მცირე. ცხოვრება გიორგი მთაწმინდელისა. ტექსტი გამოსაცემად მოამზადა, გამოკვლევა და ლექსიკონი დაურთო ი. ლოლაშვილმა. თბ., 1994, გვ. 222;

. , 1988, გვ. 31.

შესრულებული წარწერა, რომელშიც ვახე პროტოსპათარი და იპატოსი და პეტრიკ პატრიკი და იოანე მწიგნობართუხუცესი არიან დასახელებული.² პეტრიკ პატრიკი არის XI საუკუნის საქართველოს გამოჩენილი პოლიტიკური მოღვაწე, მეფე ბაგრატ IV-ის ნდობით აღჭურვილი პირი და მისი წარმომადგენელი ბიზანტიის საიმპერატორო კარზე.³ მისი ძმა იყო XI საუკუნის საქართველოს ასევე ცნობილი სასულიერო მოღვაწე იოანე ჭყონდიდელი, რომელმაც ჭყონდიდის საეპისკოპოსო კათედრა დაიკავა წმ. გიორგი მთაწმინდელის რეკომენდაციით, როდესაც ამ უკანასკნელმა უარი განაცხადა ბაგრატ IV-ის შემოთავაზებაზე ამ კათედრის დაკავების თაობაზე.⁴ „გიორგი მთაწმინდელის ცხოვრებაში“ ცნობა ბაგრატის აფხაზეთში მოგზაურობისა და ბერი პატრიკის დასვენების შესახებ, პარალელს პოულობს პატრიკის „სრულიად აფხაზეთში“ (ე.ი. საკუთრივ აფხაზეთში) ჩასვლასთან, მის მოღვაწეობასთან ლიხნის ტაძარში და შემდეგ აქედან ბიზანტიაში გამგზავრებასთან. სწორედ ამ მოვლენების აღსანიშნავად შეიქმნა ლიხნის წარწერა პეტრიკ პატრიკის, იოანე ჭყონდიდელისა და ვახეს მოხსენიებით. იმავე ლიხნის ტაძრის ერთ-ერთ წარწერაში კურაპალატის ტიტულით დასახელებულია გიორგი II (1072-1089წწ.), ბაგრატ IV-ის ვაჟი, რომელიც ჯერ კიდევ ყრმა ყოფილა. წარწერის ავტორი უფალს ევედრება: „ადიდე, დაიცვე, გაზარდე, აკურთხე და დღეგრძელ-ყავ და მრავალ-ყვინ წელნი მეფობისა მისისანი“.⁵ წარწერა შესრულებულია გიორგი II-ის პირველი გამეფების შემდეგ, როდესაც იგი ჯერ კიდევ სრულიად ყრმა იყო.

„გიორგი მთაწმინდელის ცხოვრებაში“ ასახული ფაქტი - ბაგრატის მიერ „ჩვეულებისაებრ“ აფხაზეთში და სრულიად აფხაზეთში მოგზაურობა პარალელს პოულობს აგრეთვე დავითის ისტორიკოსის, თამარისა და ლაშა-გიორგის დროინდელი მემკვიდრის თხზულების ცნობებშიც. კერძოდ, ბაგრატ IV-ის მსგავსად, დავით აღმაშენებელი, გიორგი II, თამარი, ლაშა-გიორგი და საქართველოს სხვა მეფეები „ჩვეულებისაებრ“ მიდიან „აფხაზეთში“, რათა „განაგონ საქმენი მანდაურნი“. აღნიშნულ დეტალს იმეორებს ზემოთდასახელებული ყველა წყარო, რაც კიდევ ერთხელ ადასტურებს იმას, თუ რა დიდ მნიშვნელობას ანიჭებდნენ ქართველი მეფეები საქართველოს ამ ისტორიულ კუთხეს. თამარის მეორე ისტორიკოსის სიტყვებით: „უამ გარდვიდიან აფხაზეთს და განაგონ საქმენი მანდაურნი და მოინადირიან კეთილი იგი სანადირო - გეგუთი და აჯამეთი“⁷⁰⁶. მეორეგან იგივე ისტორიკოსი აცხადებს, რომ თამარი ხშირად სტუმრობდა ცხუმს, სადაც მას ერთ-ერთი საზაფხულო რეზიდენცია ჰქონდა: „ხოლო მეფე თამარ ზამთრის დურს იყვის და ზაფხულის კოლას და ცელის ტბასა, ზოგჯერ გარდავიდის აფხაზეთს: გეგუთს და ცხუმს.“⁷⁰⁷

საკუთრივ აფხაზეთის მიმართ განსაკუთრებული დამოკიდებულება ჩანს ლაშა-გიორგის (1213-1223წწ.) საშინაო პოლიტიკაშიც. წინამორბედთა მსგავსად, ისიც „მხიარულითა პირითა მოვლიდის სამეფოსა თვისსა განსაგებელთა საქმეთათჳს. გარდავიდის ქუეთი აჯამეთს, ნადირობდის ცხუმს და აფხაზეთს, განაგნის საქმენი მანდაურნი.“⁷⁰⁸

ამრიგად, ქართული ეპიგრაფიკული ძეგლებისა და ნარატიული თხზულებების ცნობები ადასტურებენ, რომ თანამედროვე აფხაზეთის ტერიტორია გაერთიანებული საქართველოს „ერთი მიგდებული შორეული პროვინცია“ კი არ იყო, არამედ ქვეყნის ერთ-ერთი ყველაზე მნიშვნელოვანი და წამყვანი მხარე, სადაც გამოჩენილი საერო და საეკლესიო პირები დიდ საეკლესიო და საერო საქმიანობას ეწეოდნენ. საქართველოს მეფეებიც „ჩვეულებისაებრ“ ხშირად ჩამოდიოდნენ სამეფოს ამ ნაწილში და „განაგებდნენ“ „მანდაურ“ საქმეებს.

2. ვ. სილოგავა. სამეგრელო-აფხაზეთის ეპიგრაფიკა, გვ. 207.

3. ელ. მეტრეველი. იოანე პატრიკისა და პეტრიკ პატრიკის იდენტიფიკაციისათვის. - ნარკვევები ათონის კულტურულ-საგანმანათლებლო კერის ისტორიიდან. თბ., 1996, გვ. 196-225.

4. გიორგი მცირე. ცხოვრება გიორგი მთაწმინდელისა, გვ. 173, 204.

5. ვ. სილოგავა. სამეგრელო-აფხაზეთის ეპიგრაფიკა, გვ. 204.

706 . ქართლის ცხოვრება, ტ. II, გვ. 99.

707 . იქვე, გვ. 111.

708 . იქვე, ტ. I, გვ. 156.

აფხაზი ისტორიკოსები სეპარატისტულად განწყობილ აფხაზ ფეოდალებს ხედავენ დავით IV აღმაშენებლისა (1089-1125წწ.) და თამარ მეფის (1184-1213წწ.) დროსაც, თუმცა ამის დამადასტურებელ ისტორიულ ფაქტებს ვერ უთითებენ. მაგალითად, ასეთ მოსაზრებებს ავითარებენ ზ. ანჩაბაძე, შ. ინალ-იფა, მ. გუნბა, სტ. ლაკობა და ო. ბლაჟბა⁷⁰⁹. აღნიშნული შეხედულება ეფუძნება დავითის ისტორიკოსის შემდეგ სიტყვებს: „და მასვე ზამთარსა ჩავიდა აფხაზეთს ბიჭვინტამდე და განაგნა საქმენი მანდაურნი: ღირსნი წყალობისანი შეიწყაღნა, შემცოდენი დაიპყრა და წუართნა; რამეთუ იყო ზამთარი ძნელი და თოვლი ფრიადი. წარმოვიდა მსწრაფლ აფხაზეთით...“⁷¹⁰. დავითის ისტორიკოსის ამ სიტყვებში არსად ჩანს, რომ აფხაზეთში სეპარატისტულად განწყობილი ფეოდალები იყვნენ. პირიქით, დავითი სამეფო საქმეების მოსაგვარებლად მიდის ამ მხარეში და ჩვეულებრივ, როგორც საქართველოს სხვა კუთხეებში, აქაც ღირსეულთ წყალობა მისცა, ხოლო უღირსნი და ცოდვილნი დასაჯა. ეს ფაქტი სამეფო ხელისუფლების მხრიდან ცენტრალური ხელისუფლების განმტკიცებისათვის გატარებული ღონისძიებაა, რომელიც საქართველოს სხვა კუთხეებში ბევრად უფრო მეტი სიმკაცრით ჩატარდა (მაგალითად, კლდეკარის საერისთავოსთან მიმართებაში), ვიდრე აფხაზეთში.

უფრო მეტიც აფხაზეთის მოსახლეობის თანადგომა საქართველოს სამეფო ხელისუფლებისადმი ჩანს საისტორიო წყაროებში, კერძოდ, ლაშა-გიორგის დროინდელი მემკვიდრის სიტყვებით, რომ ვთქვათ, გიორგი მესამეს (1156-1184წწ.), მართალია, ძმისწული დემეტრე და მისი მომხრეები აუჯანყდნენ, მაგრამ „აფხაზეთი, სუანეთი და ყოველი სამოქალაქო აქუნდა დაწყნარებით“⁷¹¹ ე.ი. ეს მხარე ერთმნიშვნელოვნად მხარს უჭერდა საქართველოს მეფის ხელისუფლებას.

მიუხედავად ამისა, აფხაზი ისტორიკოსები სეპარატისტულად განწყობილ აფხაზ ფეოდალებს ხედავენ 1191 წელს თამარის პირველი მეუღლის გიორგი (იური) რუსის აჯანყების დროსაც. სამაგიეროდ, საგანგებოდ უვლიან გვერდს იმ ფაქტს, რომ ამ აჯანყებაში მთელი დასავლეთ და სამხრეთ საქართველო იყო ჩართული: „შეყარა ყოველი სუანეთი და აფხაზეთი, საეგროი, გურია, სამოქალაქო, რაჭა, თაკუერი და არგუეთი“⁷¹² აჯანყებაში ასევე ჩართული იყვნენ მესხი ფეოდალები გუბაზ ტაოელის მეთაურობით. ამ შემთხვევაში საქმე გვაქვს საქართველოს სამეფო ტახტისათვის ბრძოლასთან და არა ერთი რომელიმე მხარის სეპარატისტულ განწყობასთან ცენტრალური ხელისუფლების წინააღმდეგ. უფრო მეტიც, მაშინდელ აფხაზებს დანარჩენი საქართველოს წარმომადგენლებთან ერთად თავისი ადგილი ეკავათ სამეფო დარბაზის ცერემონიალზე და ასევე საპატიო სტუმრების მიღების დროს. „ისტორიანი და აზმანი შარავანდედთან“-ის ცნობით, თამარის წინაშე თანაბარი უფლებებით სარგებლობდნენ ჰერნი და კახნი, მესხნი და თორელნი, შავშ-კლარჯ-ტაოელნი, აფხაზნი და სუან-მეგრელ-გურიელნი, რაჭა-თაკუერ-მარგველითურთ, სომხითარნი და ა.შ. „ისტორიანის“ ცნობით, „და შეიყარნეს ზარითა მით გონებითა ზარგანჭდილითა, და შეიქმნა დარბაზობა. და დასხდეს ტახტსა ზედა ოქრო-ჭედილსა თუთ თამარ, დავით და ძე მათი გიორგი, ...პირველად მიეგებნეს წინა ოვსნი და ყიფჩაყნი ახალნი; და შემდგომად ამისა ჰერნი და კახნი; შემდგომად ქართველნი; და შემდგომად მესხნი და თორელნი, შავშ-კლარჯ-ტაოელნი; შემდგომად სომხითარნი; შემდგომად აფხაზნი და სუან-მეგრელ-გურიელნი თანა რაჭა-თაკუერ-მარგველითურთ, და თვით კარვის კარსა ჰელისუფალნი და შინაურნი.“¹

სეპარატისტულად განწყობილი აფხაზი ისტორიკოსების დაუსაბუთებელი მოსაზრებების საწინააღმდეგოდ მეტყველებენ ისტორიულ წყაროთა მონაცემებით დადასტურებული ის ფაქტები, რომ აფხაზები, ისევე როგორც სხვა კუთხის ქართველები, აქტიურად მონაწილეობენ საქართველოს სამეფოს სახელით წარმოებულ სამხედრო-პოლიტიკურ აქციებში, როგორც დიდგორის (1121წ.), ასევე შამქორისა (1195წ.)

⁷⁰⁹ II გვ. 182 ; , გვ. 93; , გვ. 151.
⁷¹⁰ , გვ. 86.
⁷¹¹ . ქართლის ცხოვრება, ტ. I, გვ. 367.
⁷¹² . ქართლის ცხოვრება, ტ. II, გვ. 49;
¹ . იქვე, გვ. 65.

და ბასიანის (1203წ.) ბრძოლებში, საქართველოს სამხრეთ-დასავლეთის მიმართულებით სამეფო კარის მიერ წარმოებულ სამხედრო ოპერაციებში, რომლის შედეგად ქართველებმა ერთმანეთის მიყოლებით აიღეს რიზე, ტრაპეზუნტი, ჰერაკლეა, ლიმნია და ა.შ. (1203-1204წწ.). აფხაზები ჩანან ლაშა-გიორგის მიერ განძის ადების დროს, ხორეზმის შაჰის შვილის ჯალალ-ედ-დინის წინააღმდეგ ბრძოლაში გარნისთან (1225წ.), მონგოლთა წინააღმდეგ დაგეგმილ შეთქმულებაში კოხტასთავზე (1246წ.) და ა.შ.

განსაკუთრებით მნიშვნელოვანია მათი მონაწილეობა ბასიანის ბრძოლაში, რომელსაც თამარის ორივე ისტორიკოსი აღწერს: „დააწყეეს რაზმი, სადა – იგი წინამბრძოლად იყო ზაქარია მკარგრძელი ამირსპასალარი და ახალციხელი შალვა და ივანე, და სხუანი თორელნი, – წერს „ისტორიანის“ ავტორი; – და ერთ კერძო აფხაზნი და იმერნი, ერთ-კერძო ამერნი და ჰერ-კახნი. ...და იქმნა ომი ფიცხელი და ძლიერი, რომელი ძუელ-ოდესმე ქმნილ იყო მკნეთაგან ეგვიპთარი ომი.“² ანალოგიურად აღწერს ამ ბრძოლას თამარის მეორე ისტორიკოსი თხზულებაში „ცხოვრება მეფეთ-მეფისა თამარისი“³. ამ წყაროებიდან ჩანს, რომ აფხაზები ისევე, როგორც დანარჩენი ქართველები, თავდადებით იბრძვიან თავიანთი ქვეყნის თავისუფლებისათვის ბრძოლაში.

თამარ მეფის გარდაცვალების შემდეგაც აფხაზეთის მოსახლეობა პოლიტიკურად და სამხედრო თვალსაზრისით აქტიურ ძალას წარმოადგენდა და ისტორიული წყაროები მათ ხშირად ასახელებენ საგარეო მტრების წინააღმდეგ ბრძოლაში. მეფე ლაშა-გიორგიმ განძის ადების სამხედრო ოპერაცია ოთხი ათასი რჩეული ქართველით განახორციელა, რომელთა შორის დასახელებულია დასავლეთ საქართველოს მხედრობაც: „ხოლო მეფესა ჰყვა ოთხი ათასი კაცი ოდენ, ამათ შინა უმეტეს მესხნი იყვნეს, რამეთუ ერთ კერძო მკარგრძელნი დგეს, და ერთ კერძო აფხაზნი, დადიან ბე-დიანნი და ლიხთ-იქითნი ზედმოკიდებით ურთიერთს.“⁴ ასევე თავდადებით იბრძვის საკუთრივ აფხაზეთის მოსახლეობა ერთ-ერთი სასტიკი დამპყრობლის ჯალალ ედ-დინის წინააღმდეგ. „და ესმა რა ესე მეფესა რუსუდანს, – წერს ჟამთააღმწერელი, – მოუწოდა ყოველთა სპათა თუსთა, იმერთა და ამერთა, შანშეს მანდატურთუხუცესსა, ავაგს ამირსპასალარსა, ვარამს მსახურთუხუცესსა, ჰერ-კახთა, სომხითართა, ჯავახთა, მესხთა, ტაოელთა, დადიანსა ცოტნეს, კაცსა წარჩინებულსა და სათნოებიანსა, აფხაზთა, ჯიქთა და ყოველსა იმერსა სამეფოსა, რომელთა თუთუელად არა არს ჟამი თქმად, ...შეკრბეს ნაჭარმაგვეს სიმრავლე ურიცხვი, და წარავლინა მეფემან ბრძოლად ხუარაზმელთა.“⁵

ამ მოვლენებს საგანგებოდ უვლიან გვერდს აფხაზური ისტორიოგრაფიის წარმომადგენლები მგუნბა, ს.ლაკობა, ო.ბლაჟუბა. სამწუხაროა, მაგრამ ფაქტია, რომ მათ ნაშრომებში ხშირია ანბანურ ჭეშმარიტებად ცნობილი ისტორიული ფაქტების არცოდნის (თუ გამიზნული მიჩქმალვის?) ცალკეული შემთხვევები. მაგალითად, ს.ლაკობასა და ო. ბლაჟუბას აზრით, თამარ მეფე თურმე დავით აღმაშენებლის ასულია; ცხუმში XI საუკუნიდან ჰქვია სოხუმს, მანამდე, თითქოს სებასტოპოლისი ერქვა; მათი აზრით, ქართული წარწერები აფხაზეთში XI–XII საუკუნეებიდან გვხვდება, ფულის ერთეულები აქ ყველა ბიზანტიური და უცხოურია, ქართული ფული კი მიმოქცევაში არ ყოფილა, აფხაზებს საქართველოს სამეფოს შიგნით ვითომ პოლიტიკური ავტონომია ჰქონდათ და ა.შ.

სინამდვილეში საპირისპირო სურათს ვხედავთ ისტორიულ წყაროებში. ამ მხრივ გასაკუთრებულ ყურადღებას იპყრობს ნუმიზმატიკური მასალა. 1983 წელს ხელოვნებათმცოდნე ლ. ხრუშკოვამ ლიხნის სასახლის გათხრებზე აღმოაჩინა ცნობილი „ლიხნის განძი“, რომელშიც დაცული იყო ქართული მონეტების დიდი რაოდენობა.¹ აღნიშნულ მონეტებზე ამოკვეთილი ქართული წარწერები მიუთითებენ, რომ ისინი გაერთიანებული საქართველოს მეფეებს ბაგრატ IV-ისა (1027-1072წწ.) და გიორგი II-ის (1072-1089წწ.) დაკვეთით იყო მოჭრილი.

². იქვე, გვ. 96.

³. იქვე, გვ. 137.

⁴. იქვე, ტ. I, გვ. 153.

⁵. იქვე, ტ. II, გვ. 182-183.

¹ ლიხნის განძის შესახებ იხ.: 1998; (V XIII). 1987. „ლიხნის განძის“ ქართული მონეტების წარწერები შესწავლა ვსილოგავამ. იხ.: ვსილოგავა. სამეგრელო-აფხაზეთის ეპიგრაფიკა. თბ. 2004, გვ. 221-252.

გარდა ლიხნისა, თანამედროვე აფხაზეთის ტერიტორიაზე ქართული ფულის ერთეულები აღმოჩენილია ქ. სოხუმთან ახლოს და ახალ ათონთან, ივერიის მთაზე. 1871 წელს სოხუმის მახლობლად აღმოჩენილი ვერცხლის მონეტები დავით IV აღმაშენებელს (1089-1125წწ.)², ხოლო ივერიის მთაზე მოპოვებული მონეტა გიორგი II-ს³ ეკუთვნოდა.

ყოველივე ზემოაღნიშნულიდან გამომდინარე, ცხადია, რომ თანამედროვე აფხაზეთის ტერიტორიაზე ისევე, როგორც საქართველოს დანარჩენ ტერიტორიაზე, ჩვეულებრივ, მიმოქცევაში იყო ქართული ფული.⁴

აფხაზეთი და მისი მოსახლეობა საქართველოს ისტორიის კონტექსტში ჩანს უამთააღმწერელის თხზულებაშიც. იგი აღწერს მონღოლთა ბატონობის პირველ პერიოდს და მიუთითებს, რომ რუსუდან მეფემ თავისი 5 წლის ვაჟი დავითი გარკვეული მოსაზრებით ქუთაისში მეფედ აკურთხა. ამ პოლიტიკურ მოვლენებში საქართველოს მეფეს მხარში უდგანან დასავლეთ საქართველოს ფეოდალები და სამღვდლოება: „მოუწოდა ყოველთა სპათა მისთა აფხაზთა, დადიან-ბედიანთა, რაჭის ერისთავთა და კათალიკოსსა აფხაზეთისასა, და დასუეს მეფედ დავით ძე რუსუდანისი, აკურთხეს ქუთათისს და დაადგეს თავსა მისსა გვირგვინი; დასუეს ტახტსა ზედა სამეფოსა და მიულოცეს მეფობა წესისაებრ, და სრულყო კათალიკოსმან წესი კურთხევისა“.⁵ აღნიშნული პოლიტიკური მოვლენები აშკარად მეტყველებენ, რომ საქართველოს მეფის ერთგულ ქვეშევრდომთა შორის პირველ ადგილზე სწორედ ისტორიული აფხაზეთის მოსახლეობა იდგა, ხოლო აფხაზეთის კათალიკოსი, რომელიც ამ დროს უკვე მცხეთას ემორჩილებოდა, დავით ნარინის (1247-1293წწ.) მეფედ კურთხევისას მთავარი ფიგურაა.

XIII საუკუნის I მესამედის გამოჩენილ მოღვაწეებს და წამყვან ქართველ მხედართმთავართა შორის ისტორიული წყაროები ასახელებენ დარდინ შარვაშიძეს, რომელიც წარმოშობით შარვაშიძეთა ფეოდალურ სახლს ეკუთვნოდა: „განაჩინა მხედართა თავად შარვაშას-ძე აფხაზი, სახელით დარდინ, რომელი სიმკნისა მისისათვის პირველივე დიდსა დიდებასა აღეყვანა და მტკიცედ ეპყრა სჯული.“⁶ მტერთან ბრძოლაში გმირულად დაღუპულ დარდინ შარვაშიძეს ქართველი მემატიანე მაშინდელი საქართველოს სხვა გამოჩენილი მხედართმთავრებისა და საზოგადო მოღვაწეების შალვა ახალციხელის მისი ვაჟის - ფარადავლა თორელის, ცოტნე დადიანის, ავაგ ათაბაგის, ყვარყვარე ჯაყელ-ციხისჯვარელის, სარგის ჯაყელის გვერდით ასახელებს და მას „სახელოვანსა“ და „მკნეს“ უწოდებს.

საგანგებოდ უნდა შევჩერდეთ „ისტორიანი და აზმანი შარავანდედთანი“-ის ერთ ცნობაზე, რომლის თანახმად, თამარ მეფის (1184-1213წწ.) ვაჟს გიორგი IV-ს სახელად უწოდეს ლაშა, „რომელი განმანათლებლად სოფლისა ითარგმანა [აფსართა ენითა]“⁷. ამ ცნობაზე დაყრდნობით მკვლევართა დიდმა ნაწილმა გაიზიარა მოსაზრება, რომ სახელი ლაშა სწორედ ამის შემდეგ გავრცელდა ქართულ სინამდვილეში და არაერთი მკვლევარი დღემდე გამოთქვამს მოსაზრებას, თითქოს ლაშა აფხაზურიდან მომდინარე სახელია და მხოლოდ ამის შემდეგ გავრცელდა ქართულ სამყაროში. მაგრამ აღსანიშნავია ის ფაქტი, რომ აფხაზურ ონომასტიკაში მსგავსი საკუთარი სახელი გავრცელებული არ არის, ხოლო ქართულ ონომასტიკონში იგი ჯერ კიდევ თამარის ვაჟის დაბადებამდე ოთხი საუკუნით ადრე არის დადასტურებული. კერძოდ, თეთრიწყაროს რაიონში ტბისის „კოჟრების ეკლესიის“ ეზოში ნაპოვნია ჯვრის კვარცხლბეკი, რომელზეც ამოკვეთილი ქართული ასომთავრული წარწერა მოგვითხრობს: „წმიდაო სამებაო შეიწყალე ამისი მაშენებელი ლაშაძცა. ჯუარი ესე აემართა სალოცველად ჩუენდა და საცსენებელად ნაშობთა ჩუენტა. ნაშობთა ჩუენტა, რომელმან თაყუანი სცეს. სული ჩუენი ლოცვასა მოიკსენენ. ამენ. აღიდე, იესუ ქრისტე.“⁸ წარწერა ამოკვეთილია ბოლნური ჯვრის ირგვლივ და

² რ.კებულაძე, დავით აღმაშენებლის ბიზანტიურტიტულიანი ვერცხლის მონეტები. - საქ. მუზ. მოამბე, XXXIX. თბ., 1987, გვ. 47.

³ გვ. 76; დ.კაპანაძე, ქართული ნუმიზმატიკა. თბ., 1969, გვ. 69.

⁴ აღსანიშნავია, რომ საქართველოში ამ დროს ქართულ ფულთან ერთად მიმოქცევაში ბიზანტიური მონეტებიც იყო.

⁵ ქართლის ცხოვრება, ტ. II, გვ. 180.

⁶ იქვე, გვ. 192-194.

⁷ იქვე, გვ. 58.

⁸ ქართული წარწერების კორპუსი, ტ. I, გვ. 104-106. სურ.

დათარიღებულია VIII საუკუნით. ეს წყარო მნიშვნელოვანი არგუმენტია იმ მკვლევართა მოსაზრების უარსაყოფად, რომელთა მტკიცებით სახელი „ლაშა“, მხოლოდ XII საუკუნიდან გვხვდება ქართულ სინამდვილეში.

გაერთიანებული საქართველოს სამეფოს შემადგენლობაში აფხაზეთის აქტიურ პოლიტიკურ და კულტურულ როლზე მეტყველებენ ის მრავალრიცხოვანი ქართული კულტურის კერები, რომლებიც თანამედროვე აფხაზეთის ტერიტორიაზე გვხვდება. XI–XIII საუკუნეებში კიდევ უფრო გაიზარდა იმ საეკლესიო ცენტრების მნიშვნელობა და როლი, რომლებიც ჯერ კიდევ „აფხაზთა“ სამეფოს დროს დაარსდა. მიუხედავად ქართული ეკლესიის გაერთიანებისა, ფუნქციონირებას აგრძელებდა აფხაზეთის (დასავლეთ საქართველოს) საკათალიკოსო და კათალიკოსი კვლავ ბიჭვითაში იჯდა. „წესი და განგებაჲ მეფედ კურთხევისა“-ს (XIII ს.) მიხედვით, იგი მონაწილეობდა მეფის კურთხევაში; „გარიგება ხელმწიფის კარისა“-ს თანახმად აფხაზეთის კათალიკოსი საქართველოს პატრიარქთან, ჭყონდიდელ-მწიგნობართუხუცესთან და მოძღვართ-მოძღვართან ერთად სამეფო კარის, უმაღლესი საერო ხელისუფლების წევრი იყო.²

X–XI საუკუნეების მიჯნაზე თანამედროვე აფხაზეთის ტერიტორიაზე აშენდა ახალი ტაძრები: ღიხინი, ილორი, ანუხვა, წკელიკარი, წებელდის წმ. გიორგის, ანდრია მოციქულისა და წმ. თევდორეს სახელობის ტაძრები, რომელთა ფასადებზე დღემდე შემორჩენლია მრავალრიცხოვანი ლაპიდარული, ფრესკული და ჭედური წარწერების ნიმუშები, ასევე ხელნაწერები და საეკლესიო დანიშნულების ნივთები. აღნიშნული მასალა ერთმნიშვნელოვნად მიუთითებს, რომ აფხაზეთი ერთ-ერთ წამყვან როლს თამაშობდა ქართული კულტურის განვითარების საქმეში. განსაკუთრებული აღნიშვნის ღირსია ბედიის სამონასტრო კომპლექსი. აქ იმთავითვე ჩამოყალიბდა მძლავრი საეპისკოპოსო ცენტრი. „გარიგება ხელმწიფის კარისა“-ს მიხედვით, „ამიერი ბედიელი მოსაფლავა“, ხოლო „კურთხევა მირონისა“-ს თანახმად, ასევე დიდი პატივით სარგებლობდა ბედიელი.³

ბედიის საეპისკოპოსო კათედრაზე მაშინდელი საქართველოს გამორჩენილი საეკლესიო პირები მოღვაწეობდნენ. მათ შორის აღსანიშნავია იოანე ბედიელი მთავარეპისკოპოსი – ბაგრატ IV-ის სამეფო კართან დაახლოებული პირი, XI ს. საქართველოს ერთ-ერთი უმნიშვნელოვანესი საეკლესიო და პოლიტიკური ფიგურა. დავით აღმაშენებლის ეპოქაში აქ მოღვაწეობდა სვიმეონ ბედიელ-ალავერდელი. ასეთი ინსტიტუტის არსებობა ხაზს უსვამდა საქართველოს ტერიტორიულ და სულიერ ერთიანობას. შემდგომში სვიმეონი გახდა ჭყონდიდელ-მწიგნობართუხუცესი, ანუ მეორე პირი სახელმწიფოში. ის არა მარტო საეკლესიო საქმეებს განაგებდა, არამედ აქტიურად მონაწილეობდა დავითის მიერ განხორციელებულ სახელმწიფოებრივ ღონისძიებებში. მოგვიანებით ბედიის სამონასტრო ცენტრში მოღვაწეობდნენ ნიკოლოზ, სოფრონ და მიქაელ გონგლიბაძეძენი, ანტონ და კირილე ჟუანისძეები, გერმანე ჩხეტიძე და სხვები. მათ დიდი ამაგი დასდეს ბედიის მონასტერში ქართული კულტურის მძლავრი ცენტრის ჩამოყალიბების საქმეს.⁴

აღსანიშნავია ილორის ტაძრის ლაპიდარული წარწერები. როგორც უკვე აღინიშნა, ისინი მოგვითხრობენ ტაძრის მშენებლობის ისტორიას გიორგი მთავარეპისკოპოსის, მღვდელ გიორგი ქოჩოლაავასა და ადგილობრივი ფეოდალის გიორგი გურგენიძის მიერ. მსგავსი შინაარსის არის ანუხვის ტაძრის ეპიგრაფიკული ძეგლები, სადაც ასახულია XI საუკუნის მსხვილი ფეოდალის გიორგი ბასილის ძისა და მისი ძმების მიერ ანუხვის ტაძრის მშენებლობის ამბავი.

ზოგადად, აფხაზეთის ქართული ეპიგრაფიკული მასალა იძლევა ერთმნიშვნელოვან სურათს ამ ეპოქის აფხაზეთის სოციალური სპექტრის, მოსახლეობისა და პოლიტიკურ-სარწმუნოებრივი მდგომარეობის შესახებ. წარწერებში დასახელებულია მოსახლეობის თითქმის ყველა ფენა: მეფეები, მხარის გამგებლები, მაღალი სასულიერო წოდების

2 . ჯ. გამახარია. აფხაზეთი და მართლმადიდებლობა, გვ. 141-147.

3 . ქართული სამართლის ძეგლები, ტ. 2, გვ. 48,51-53.

4 . აღნიშნულ საკითხთან დაკავშირებით იხილეთ: ბ. ხორავა. ბედიის საეპისკოპოსო. - საისტორიო ძიებანი, ტ. III, თბ., 2000, გვ. 21-42; გ. კალანდია. ოდიშის საეპისკოპოსოები. თბ., 2004, გვ. 79-96; ლ. ახალაძე. აფხაზეთის ეპიგრაფიკა, როგორც საისტორიო წყარო, გვ. 36-51.

წარმომადგენლები, მღვდლები, ოსტატ-მწეხნებლები, უბრალო მღოცველები და ა. შ.⁷¹³ წარწერებში დასახელებულია „აფხაზთა“ სამეფოსა და გაერთიანებული საქართველოს მეფეები: გიორგი II (922-957წწ.), ბაგრატ III (978-1014წწ.), ბაგრატ IV (1027-1072წწ.), გიორგი II კურაპალატი (1072-1089წწ.), კონსტანტინე მეფეთა-მეფე დავით ნარინის ძე (1245-1293წწ.); მსხვილი სამეფო მოხელეები, მხარის გამგებლები და ადგილობრივი მსხვილი ფეოდალები: წებელდის წმ. ანდრია მოციქულის ტაძრის მაშენებელი ერისთავთ-ერისთავი და მეჭურჭლეთუხუცესი აბულასან იობის ძე, ბაგრატ IV-ის დროინდელი მწიგნობართუხუცესი და ჭყონდიდელი, მოქვის ცნობილი ოთხოავის დამკვეთი დანიელ მთავარეპისკოპოსი, ანუხვის ტაძრის მაშენებელი გიორგი ბასილის ძე და მისი ძმები, დემეტრე, თევდორე და მერკიდე, ილორის ტაძრის საერო კტიტორი გიორგი გურგენისძე, ღუმურიშის ტაძრის მაშენებელი „დიოფალთ დიოფალი“ საგდუხტი, ბედიის ტაძრის განმაახლებლები - „დიოფალთ დიოფალი“ მარინი და ერისთავთ-ერისთავი და მანდატურთუხუცესი გიორგი დადიანი, ერისთავთ ერისთავები - გიორგი დადიანი, ნიანია ნოველისიმოსი რაჭის საერისთავოდან, ხოფის ტაძრის მაშენებელი უცნობი „მამადმთავარი“, ტაძრის მაშენებელი ოსტატები გიორგი გალატოზი, სვიმეონ გალატოზთუხუცესი, უბრალო მღოცველები მიქაელი, გიორგი, როშა, და ა.შ.⁷¹⁴ ეს არის იმ ისტორიულ პირთა არასრული ნუსხა, რომლებიც მთელი შუა საუკუნეების განმავლობაში თანამედროვე აფხაზეთის ტერიტორიაზე ქართულ მატერიალურ და სულიერ კულტურას ქმნიდა, შესაბამისად, მაშინდელმა აფხაზებმა აქ შექმნეს და განავითარეს მსოლოდ ქართული კულტურა.

ამ ეპოქის აფხაზეთის კულტურული მემკვიდრეობიდან ყურადღების ღირსია ქართული დამწერლობის ნიმუშები, კერძოდ, ხელოვნებითი დამწერლობის ახალი კალიგრაფიული სკოლები, რომლებსაც აფხაზეთში ჩაეყარა საფუძველი და შემდეგ გავრცელდა დანარჩენ საქართველოში⁷¹⁵. უფრო მეტიც, აფხაზეთის XI–XIII სს. ქართული ეპიგრაფიკული ძეგლების ქართული დამწერლობის ნიმუშების შესწავლამ და პალეოგრაფიულმა შედარებამ საქართველოს სხვა ისტორიული რეგიონების დამწერლობათა ნიმუშებთან, ისევე როგორც აფხაზთა სამეფოს ეპოქაში, ამჯერადაც აშკარად გამოკვეთა ამ რეგიონის ერთ-ერთი წამყვანი როლი ქართულ კულტურაში. იგი პირველი გამოეხმაურა ქართულ დამწერლობაში მიმდინარე ცვლილებებს, კერძოდ ნუსხურსა და მხედრულ დამწერლობაში მიმდინარე რეფორმებს. ამას ადასტურებს ის ფაქტიც, რომ დასავლეთ საქართველოში ყველაზე ადრეული მხედრული დამწერლობის ნიმუში აღმოჩენილია გალის რაიონის სოფ. დიხაზურგაში⁷¹⁶. ამ მხარის ქართული ეპიგრაფიკული მასალის ანალიზი მოწმობს, რომ აქ ჯერ კიდევ „აფხაზთა სამეფოს“ ეპოქაში საფუძველი ჩაეყარა ქვის კალიგრაფიულ სკოლას – კიდურწაისრულ ხელოვნებით დამწერლობას, რომელმაც სრულყოფილებას XI საუკუნეში მიაღწია.

ზემოთ მოყვანილი ისტორიული წყაროების ერთობლიობა არგუმენტირებულად ასაბუთებს, რომ თანამედროვე აფხაზეთის ტერიტორია X–XIII საუკუნეებში პოლიტიკური, კულტურული და სარწმუნოებრივი თვალსაზრისით ერთიანი ქართული სამყაროს განუყოფელი ნაწილი იყო. იგი ხშირად უფრო აქტიურ და წამყვან როლს თამაშობდა საერთო სახელმწიფოებრივ და კულტურულ ასპარეზზე, ვიდრე საქართველოს რომელიმე სხვა რეგიონი.

2. აფხაზეთი XIII ს-ის 40-იან და XV ს-ის 90-იან წლებამდე

1235-1242 წლებში საქართველო მონღოლებმა დაიპყრეს. მონღოლთა დამანგრეველ დაშქრობებს მსოლოდ დასავლეთ საქართველო, მათ შორის აფხაზეთის საერისთავო გადაურჩა. 1245 წელს რუსუდან მეფე გარდაიცვალა და საქართველოში უმეფობის ხანა

⁷¹³ . ლ. ახალაძე. აფხაზეთის ეპიგრაფიკა, როგორც საისტორიო წყარო, გვ. 209.

⁷¹⁴ . გვიანი პერიოდის წარწერებში გაცილებით მეტი ქართველი ისტორიული პირი არის დასახელებული.

⁷¹⁵ ლ. ახალაძე. ქართული დამწერლობის პალეოგრაფიული მახასიათებლები აფხაზეთის ეპიგრაფიკულ ძეგლებში. – კულტურათაშორისი კომუნიკაციები, №1. თბ., 2007, გვ. 32-39.

⁷¹⁶ . ეს არის გრიგოლ გალატოზთუხუცესის XI ს. წარწერა. იხ. შინაარსი ფოტოთი: ლ. ახალაძე. აფხაზეთის ეპიგრაფიკა, I, გვ. 83, 246, 17.

დადგა. ახლადდაპყრობილ ქვეყანაში მონღოლები თავიანთი მმართველობის შემოდებას შეეცადნენ და საქართველო რვა დუმნად (ათიათასეულად) დაყვეს. თითოეულ ამ დუმანს „დუმნის თავებად“ ქართველი დიდებულები ჩაუყენეს. მონღოლებმა დასავლეთ საქართველო, როგორც დუმნის თავებს სამართავად ცოტნე დადიანსა და რაჭის ერისთავს გადასცეს.⁷¹⁷

დუმნისთავს, რომელიც მონღოლურ ნოინს შეესაბამებოდა, თავის საგამგებლო ტერიტორიაზე სრული სამოქალაქო და სამხედრო ხელისუფლება ჰქონდა. საფიქრებელია, რომ მონღოლებმა რაჭის ერისთავს კახაბერ კახაბერისძეს საკუთრივ რაჭის საერისთავოს გარდა ლენხუმი და არგვეთი – ტერიტორია ლიხის ქელიდან მდ. რიონამდე - დაუქვემდებარეს. ცოტნე დადიანს კი საგამგებლოდ გადასცეს სვანეთის საერისთავო, მდ. კოდორის სათავეების დალის ხეობასთან ერთად, გურია და საერთოდ საქართველოს ზღვისპირეთი დღევანდელი სამეგრელოსა და აფხაზეთის ჩათვლით მდ. ჭოროხიდან ნიკოფსიამდე.

მონღოლები მალე დარწმუნდნენ, რომ ისეთ განვითარებულ ფეოდალურ ქვეყანაში, როგორც XIII ს-ში საქართველო იყო, მონღოლური ადმინისტრაციულ-ტერიტორიული მმართველობა ვერ გამოდგებოდა. ამიტომ 1247 წელს საქართველოში მეფობა აღადგინეს და სამეფო ტახტზე ერთდროულად ორი მეფე, დავით VI რუსუდანის ძე, იგივე დავით ნარინი და დავით VII ლაშა-გიორგის ძე აიყვანეს.

საქართველოს სამეფო ტახტზე ერთდროულად ორი მეფე სულ რამდენიმე წელი იჯდა. მალე დავით ნარინი მონღოლებს აუჯანყდა და ქუთაისში გაიქცა. ისტორიოგრაფიაში დავით ნარინის მონღოლთა წინააღმდეგ აჯანყების თარიღად 1259 წელი ითვლება. როგორც ირკვევა, ეს აჯანყება სულ ცოტა 6 წლით ადრე მოხდა. ამას მოწმობს საფრანგეთის მეფის ლუდოვიკო IX-ს ელჩის ვილჰელმ დე რუბრუკუსის ცნობები საქართველოს შესახებ. 1253-1254 წლებში მონღოლეთში და უკან მოგზაურობის დროს მან საქართველოს თითქმის ყოველი მხრიდან შემოუარა. ვილჰელმ დე რუბრუკუსი შავიზღვისპირეთის აღწერის დროს ასახელებს „ივერიას“ და აღნიშნავს, რომ „ივერები, რომლებიც ტრაპიზონის ჩრდილოეთით ცხოვრობენ, „თათრებს“ ანუ მონღოლებს არ ემორჩილებიან.“ პირველმა ამ ცნობას ყურადღება ნ. ასათიანმა მიაქცია, რომელმაც დავით ნარინის ანტიმონღოლური აჯანყების თარიღად 1249 წელი მიიჩნია.⁷¹⁸

აჯანყებული დავით ნარინი დასავლეთ საქართველოს დიდებულებმა დიდი სიხარულით მიიღეს. „ხოლო ვითარ ცნეს აფხაზთა, სუანთა, დადიანთა, ბედიანმან, რაჭის ერისთავმან და სრულიად ლიხთ-იმერთა, – წერს ჟამთააღმწერელი, – შემოკრბეს სიხარულითა დიდითა, და მეფე ყვეს რუსუდანის ძე აფხაზთა, ვიდრე ლიხთამდე“⁷¹⁹. დავით ნარინის დასავლეთ საქართველოში გადასვლით საქართველოს ეს ნაწილი მონღოლთა ბატონობისგან გათავისუფლდა, ხოლო ერთიანი საქართველოს სამეფო ფაქტობრივად ორ – აღმოსავლურ და დასავლურ ქართულ სამეფოებად დაიშალა.

1261 წელს დავით ნარინს ბიძაშვილი, მონღოლთა წინააღმდეგ აჯანყებული დავით VII გიორგი ლაშას ძე ეწვია. ცოტა ხნის შემდეგ დასავლეთ საქართველოს დიდებულთა ერთი ნაწილი დავით ნარინის ტახტიდან ჩამოგდებას და მის ნაცვლად დავით VII –ის გამეფებას შეეცადა. ამ შინააშლილობის ჟამს დავით რუსუდანის ძეს ბოლომდე უერთგულა ბედიანმა ჯუანშერის ძემ, რომელიც იყო „კაცი წარმატებული ყოველთა ზნითა, უხვ უმეტეს ყოველთა კაცთა, სრული გონიერებითა“.⁷²⁰

თხზულებაში მოხსენიებული ბედიანი ჯუანშერის ძე ოდიშის ერისთავი ბედან II დადიანია.⁷²¹ მისი დახმარება დავით ნარინისთვის გადამწყვეტი აღმოჩნდა. დავით VII გიორგის ძე იძულებული გახდა, ერთიანი საქართველოს ორად გაყოფას შერიგებოდა

⁷¹⁷ . ქართლის ცხოვრება, ტ. II, გვ. 207-208.

⁷¹⁸ . II , 1911,

გვ. 66-67; ნ ასათიანი. საქართველოს ისტორია უძველესი დროიდან XIX საუკუნემდე. თბ., 2001, გვ. 220-221.

⁷¹⁹ . ქართლის ცხოვრება, ტ. II, გვ. 229.

⁷²⁰ . იქვე, გვ. 243.

⁷²¹ . თ. ბერაძე. ოდიშის პოლიტიკური გეოგრაფიიდან. - საქართველოს ისტორიული გეოგრაფიის კრებული, III. თბ., 1967, გვ. 158-161.

და დასავლეთ საქართველოს ტახტზეც უარი ეთქვა. 1262 წელს ის აღმოსავლეთ საქართველოში გადმოვიდა და მონღოლებს შეურიგდა.

დავით ნარინმა ბედან II დადიანი და საერთოდ დადიანთა საგვარეულო უხვად დააჯილდოვა. მეფემ ამ საგვარეულოს ქრისტიანობის უძვირფასესი რელიკვიები უბოძა და დიდგვაროვანთა სხვა საგვარეულოებთან შედარებით უფრო მაღალ პატივში აიყვანა. დავით ნარინის მხარდაჭერით ოდიშის საერისთავო დასავლეთ საქართველოს უძლიერეს საერისთავოდ გადაიქცა.

დავით ნარინის ხანაში დღევანდელი აფხაზეთის ტერიტორია ოთხ საერისთავოს შორის იყო განაწილებული. შავიზღვისპირეთი მდინარეებს ენგურს და კოდორს შორის ოდიშის ერისთავს ექვემდებარებოდა. მდინარე კოდორის სათავეები კი (დალის ხეობა) სვანეთის საერისთავოში შედიოდა. მდინარე კოდორის ჩრდილო-დასავლეთით ანაკოფის ჩათვლით ცხომის/ცხუმის საერისთავო მდებარეობდა. კიდევ უფრო ჩრდილო-დასავლეთით მდინარე ნიკოფსიამდე (ამჟამად ნეჩეფსუხო) აფხაზეთის საერისთავო ვრცელდებოდა.

1293 წელს დავით ნარინი გარდაიცვალა და სამეფო ტახტი მისმა ძემ კონსტანტინემ დაიკავა. მისი მეფობის ისტორიას ვახუშტი ბატონიშვილი აგვიწერს, როგორც დასავლეთ საქართველოში მუდმივი ანარქიის ხანას. „შემდგომად ნარინ მეფისა დაჯდა მეფედ ძე დავითისა უხუცესი კონსტანტინე, --- წერს იგი. – ამას კონსტანტინეს წინააღმდეგა ძმა თვისი მიქელ და არა უტყვებდა მეფობად და პყრობად იმერეთისა და მიქელ დაიპყრა რაჭა, ლეჩხუმის და არგუეთის და აქუნდათ დღეთა მათთა მარადის ბრძოლა – შლილობა და შფოთი და ჳდომა ურთიერთთა და იყო ოხრება ქუეყანისა. ამისთვის შეიჭირვებდენ დიდებულნი ამის სამეფოსანი და ვერა რითა ჰყვეს ზავი მათ შორის“¹. ის მცირეოდენი საისტორიო მასალაც, რომელიც დამატებით კონსტანტინე დავით ნარინის ძის შესახებ შემოგვრჩა, სრულებითაც არ მოწმობს ისეთ უნუგეშო ვითარებას, როგორც მისი მეფობის შესახებ ვახუშტი ბატონიშვილი დაგვიხატა.

როგორც ირკვევა, კონსტანტინე დავითის ძის მეფობის ეპოქა დასავლეთ საქართველოში კულტურის აღმავლობის ხანაა. მაგალითად, XIII-XIV საუკუნეთა მიჯნაზე აშენდა და მოიხატა ხობის ცნობილი ტაძარი. სწორედ დროის ამ მონაკვეთში დასავლეთ საქართველოში ბიზანტიიდან მხატვრობაში შემოვიდა სრულიად ახალი „პალეოლოგოსთა სკოლის“ სტილი, რომელიც აღორძინების ხანის მხატვრობის წინამორბედს წარმოადგენს. ამ სტილით არის ხელახლა მოხატული გელათის ტაძარი სწორედ XIII-ის მიწურულში. როგორც ირკვევა, საერთოდ კონსტანტინე დავით ნარინის ძემ სამეფოში დიდი სამშენებლო-სარესტავრაციო სამუშაოები ჩაატარა. მის დროს აიგო ბედიის ტაძრის სამრეკლო, ხოლო თვით ტაძარი ფაქტობრივად ხელახლა აშენდა და შიგნიდან მოიხატა. ამას მოწმობს ბედიის სამრეკლოს დასავლეთ კედელში ჩასმული წარწერა: „ქადიდენ ღმერთმან მეფეთა მეფე კონსტანტინე, ძე დავითისი, აშენ.“ ამავე სამრეკლოს აღმოსავლეთის შესავლის თავზე ამოკვეთილ წარწერაში მოხსენიებული არიან „ნიკოლოზ ბედიელი“ და „სოფრონ ბედიელი“, რომლებიც კონსტანტინე დავით ნარინის ძის ხანაში მეფესთან ერთად ბედიის ტაძრის რეკონსტრუქციის თაოსნები იყვნენ.²

როგორც ირკვევა, საეკლესიო ცენტრებს დღევანდელი აფხაზეთის ტერიტორიაზე XIII-XIV საუკუნეების მიჯნაზე დიდი წვლილი შეჰქონდათ სრულიად საქართველოს კულტურულ ცხოვრებაში. ამ ხანის ქართული ხელნაწერი წიგნებიდან განსაკუთრებით აღსანიშნავია დანიელ მოქვის მთავარეპისკოპოსის დაკვეთით მოქვის ტაძარში 1300 წელს გადაწერილი სახარება, რომელიც 157 მინიატურითა და 531 საზედაო ასოთა შემკული.

კონსტანტინე დავით ნარინის ძემ გადამწყვეტი როლი ითამაშა მიზგითად ქცეული იერუსალიმის ჯვრის მონასტრის ქართული მართლმადიდებელი ეკლესიისათვის დაბრუნების საქმეში. როგორც ირკვევა, მისი სახსრებით მუსლიმთა ხელიდან გამოსხნული ეს ტაძარი ხელახლა მოიხატა და მოიკაზმა. ამას მოწმობს იერუსალიმის

¹ . ქართლის ცხოვრება, ტ. IV, გვ. 801.

² . ლ. ახალაძე. აფხაზეთის ეპიგრაფიკა, როგორც საისტორიო წყარო, 1, გვ. 33-39; C
 1989, გვ. 62-64.

ჯერის ქართველთა მონასტრის შემდეგი ადაპი: „ მასვე დღესა ადაპი და პანაშვიდი აფხაზთა მეფეთ მეფისა კოსტანტინესი, ჯუარისა მონასტრისა ახლად შემკაზმავისა, გარდაიკვდებოდეს დაუკლებლად ღამის თევითა და ხუცის წირვითა“³.

თვით ვახუშტი ბაგრატიონის ზემოთ მოყვანილი ცნობითაც აშკარაა, რომ კონსტანტინე მეფეს დასავლეთ საქართველოს უდიდესი ნაწილი, მათ შორის დღევანდელი აფხაზეთის ტერიტორია მეფობის მთელ მანძილზე უდავოდ ემორჩილებოდა. ასეთ ვითარებაში მთლად ზუსტი ვერ უნდა იყოს ვახუშტი ბაგრატიონის ცნობა: „იხილა დადიანმან გიორგიმ ესევეითარება მათ შორის (ძმებს შორის შინაომი – ავტ.), მიიტაცა საერისთო ცხომისაცა და დაიპყრა თვთ სრულიად ოდიში ანაკოფიამდე. ეგრეთვე შარვაშიძემ აფხაზეთი და გურიელმან გურია და სუანთა ერისთავმან სუანეთი და განიმკვდრეს თვსად და არღარა ეგდენსა მორჩილებასა შინა იყვნენ მეფეთასა“⁷²² ამავე დროს, ვახუშტის ეს ცნობა დადიანის, შარვაშიძის, გურიელისა და სუანთა ერისთავის მეფის მორჩილებიდან სრულად გამოსვლის შესახებ არა, მაგრამ საერისთავოთა მფლობელების მიერ ფართო უფლებების თვითნებურად მიტაცებაზე მაინც მეტყველებს. ტექსტში მოხსენიებული გიორგი დადიანი ოდიშის ერისთავი გიორგი I დადიანია, ბედან II დადიანის ვაჟი.⁷²³ ეჭვს გარეშეა, რომ ოდიშის ერისთავის ხელისუფლების ცხუმის საერისთავოზე გავრცელებას უფრო ღრმა ფესვებიც (ისტორიული და ეთნიკური) ჰქონდა, ვიდრე შინაომი დასავლეთ საქართველოში. ანაკოფიამდე ტერიტორიის „სრულიად ოდიშის“ სახელით მოხსენიება ცხუმის საერისთავოზე დადიანის კანონიერ უფლებებზე უნდა მიუთითებდეს.

XIII-XIV სს. მიჯნაზე ცხუმის საერისთავოს შეერთების შემდეგ ოდიშის შემადგენლობაში ქალაქები ცხუმი//ცხომი და ანაკოფია შევიდა. ამის შემდეგ ოდიში უშუალოდ აფხაზეთის საერისთავოს გაუმეზობლდა, რომლისგანაც მას „ანაკოფიის დასავლეთით მდებარე მცირე მთა კავკასიიდან ჩამოსული ზღუამდე“ და უფრო ზუსტად, ანაკოფიის ჩრდილო-დასავლეთით ჩამომდინარე ვახუშტისეული ტერმინოლოგიის „მდინარე მისი მცირე“ (დღევანდელი მდ. ფსირცხა) გამოყოფდა.

1323 წელს გიორგი I დადიანი გარდაიცვალა და ოდიშის ერისთავი მისი ძე მამია I დადიანი გახდა. მას, როგორც ერისთავს, ექვემდებარებოდა თანამედროვე აფხაზეთის სამხრეთ-დასავლეთი ნაწილი, ანაკოფიის ჩათვლით.

1327 წელს კონსტანტინე დავით ნარინის ძე გარდაიცვალა და დასავლურქართულ სამეფო ტახტზე მისი ძმა მიქელი ავიდა, რომლის მეფობა მხოლოდ ორი წელი გაგრძელდა. მიქელს ვაჟიშვილი ბაგრატი დარჩა, რომელმაც ასაკის გამო მეფედ კურთხევა ვერ გაბედა ანუ „ვერ იკადრა მეფობა“. დასავლეთ საქართველოში ფაქტობრივად უმეფობის ხანა დადგა და ანარქია დაიწყო. მაშინ დიდებულებმა გიორგი V ბრწყინვალეს მიმართეს. 1330 წელს ისიც დიდი ღაშქრით დასავლეთ საქართველოში გადავიდა და ქუთაისისკენ გაემართა. ბაგრატი უფლისწულმა წინააღმდეგობა ვერ გაბედა და გიორგი V ბრწყინვალეს ქუთაისის ციხე-სიმაგრესთან ერთად იმერეთის ყველა ციხე გადასცა. „ამისნი მხილველნი დადიანი მამია და გურიელი და სუანთა ერისთავი და აფხაზეთისა შარვაშიძე მოურთენენ ნიჭითა დიდითა და დაულოცეს მეფობა იმერეთისა და ყოვლისა გიორგიისა, - წერდა ვახუშტი ბატონიშვილი. – მერმე შთავიდა ოდიშს, მუნდამ აფხაზეთს, განაგნა მუნებურნი და დაიპყრა ციხენი თვისად და მისცა ცხომის საერისთო ბედიელს, ვითარცა პირველ ცხომისა იყო...“⁷²⁴ ასე რომ, 1330 წლიდან დასავლეთ საქართველოს ყველა მხარე, მათ შორის დღევანდელი აფხაზეთის ტერიტორია, კვლავ ერთიან ქართულ სამეფოშია გაერთიანებული. ამის შემდეგ აფხაზეთი თითქმის საუკუნენახევარი ერთიანი საქართველოს სამეფოს შემადგენლობაში შედიოდა.

ჯერ კიდევ 1318წ. რომის პაპმა ილხანთა სპარსეთის მონღოლურ სახელმწიფოში კათოლიკური „სულთანიეს საარქიეპისკოპოსო“ დაარსა, რომელსაც სევასტოპოლის – დღევანდელი სოხუმის საეპისკოპოსოც დაუქვემდებარა. იმავე წელს სევასტოპოლის

³ . ელ. მეტრეველი. მასალები იერუსალიმის ქართული კოლონიის ისტორიისათვის. თბ., 1962, გვ. 43, 100-101, 169.

⁷²² . ქართლის ცხოვრება, ტ. IV, გვ. 801.

⁷²³ . თ. ბერაძე. ოდიშის პოლიტიკური გეოგრაფიიდან, გვ. 160.

⁷²⁴ . ქართლის ცხოვრება, ტ. IV, გვ. 257-258, 801-802.

ეპისკოპოსად ბერნადო მორო დაინიშნა, რომელიც 1330წ. პეტრუს გერალდიმ შეცვალა.⁷²⁵

ახალმა ეპისკოპოსმა იმავე წელს კენტერბერის არქიეპისკოპოსს და ინგლისის სხვა საეკლესიო იერარქებს საგანგებო წერილით მიმართა, რომლის ტექსტმა დღემდე მოაღწია. ქვემოთ მოყვანილია ვრცელი ამონარიდი ამ წერილიდან, რადგან ის უმნიშვნელოვანეს ცნობებს შეიცავს XIV ს-ის 20-იანი წლების საქართველოს შესახებ:

„უფალო, კენტერბერის არქიეპისკოპოსო, ღვთის მადლით მთელი ინგლისის სამეფოში უპირველესო. ამ სამეფოს არქიეპისკოპოსებო და ეპისკოპოსებო, მოგმართავთ ამავე სამეფოს თანამოძმე პეტრუსი, ღვთის ნებით სვესტოპოლის ეპისკოპოსი ქვემო საქართველოში (inferioris Georgianae). აქ არის პატივმოყვარე ამოებით მოცული ქალაქი, სადაც დაუმსახურებლად ვარ დანიშნული უმაღლესი მღვდელმთავრის ნება-სურვილით. როგორც ხმა დადის, ერთ დროს აქ 100 ქრისტიანი მიჰყიდეს სარკინოზებს, მათ ეს ქრისტიანები სარკინოზთა ქვეყანაში წაიყვანეს და იქ სარკინოზებად (მუსლიმებად – ავტ.) აქციეს. მე, ჩემის მხრივ, ვეწინააღმდეგები ადამიანებით დანაშაულებრივ ვაჭრობას, მაგრამ მიუხედავად იმისა, რომ აქ მბრძანებლები ქრისტიანები არიან, არც ამ საკითხში და არც სხვაში არ მიგონებენ, რადგან ბერძნული სქიზმის მიმდევრები (მართლმადიდებლები – ავტ.) არიან... ამ წერილის მომტანი იაჰსია დე კრემონა... იმდენად ღარიბია, რომ მთელი მისი ქონება საკმარისი არ იქნება ნახევარი გზისათვის, ჩემის მხრით არაფრის მიცემა არ შემეძლო, რადგან არც ეკლესია და არც სახლი არ გამაჩნია თავის შესაფარებლად. და არც ერთი დინარი არა მაქვს გასაცემი. კვირაობით რომელიმე ღარიბი ქართველისაგან შემოწირულობას ვიღებ... ამ ქვეყნის მბრძანებელი, რომელიც მთელი საქართველოს მხედართმთავარიც არის, მზადაა მთელი ლაშქრით დასავლეთის ქრისტიანებთან ერთად სარკინოზების წინააღმდეგ გასალაშქრებლად... აქაურ კათოლიკებს სასაფლაოც მისცა, მიუხედავად ქართველთა ორი სამეფოს ჩვეულებისა, აქ გარდაცვლილ კათოლიკეს არ ასხვავებენ სქიზმატიკოსისაგან. მაგრამ კათოლიკები ვერ შეეგუენ სქიზმატიკოსებს და მიცვალებულებს მათი სასაფლაოს გარეთ მარხავენ. ამის გამო ზემონათქვამი სასაფლაოს მიცემით ძალიან განაწყენებული დარჩა სქიზმატიკოსი ეპისკოპოსი და სამღვდელოება, რადგან ამ სასაფლაოს გამო კარგავენ ლათინთა დაკრძალვის უფლებას. ამის გამო იმდენად გაიზარდა შფოთი, რომ კათოლიკე ლათინთა მიერ სასაფლაოს შუაგულში აღმართული ჯვარი ამოგლიჯეს და ასევე ლათინთა მიერ აღმართული თხუთმეტი საფლავის ქვა დაამტვრიეს, ლათინებმა ხელახლა აღმართეს ისინი... აქაურმა სქიზმატიკოსმა მღვდლებმა და ხალხმა სარკინოზთა და იუდეველთა ხელისშეწყობით ეპისკოპოსთა ეპისკოპოსთან (იგულისხმება აფხაზეთის კათალიკოსი – ავტ.) წაიღეს... დაწერილია ქალაქ სანასტოპოლში, ქვემო საქართველოს სამეფოში (in regno inferioris Georgianae). მეფის წმიდა ედუარდის დღესასწაულზე, უფლის წელთაღრიცხვის 1330 წელს.“¹

პეტრუს გერალდის „ქვემო საქართველოში“ დასავლეთ საქართველო იგულისხმება. საქართველოს ქვემო და ზემო ნაწილებად დაყოფა ქართული მწერლობის ძეგლებში X-XI საუკუნეებიდან გვხვდება, სადაც „ქვემო“ ყოველთვის დასავლეთ საქართველოს ნიშნავდა. სრულებითაც არ არის შემთხვევითი, რომ „სანასტოპოლის“ კათოლიკე ეპისკოპოსი „ქართველთა ორ სამეფოს“, მათ შორის, „ქვემო საქართველოს“ სამეფოს ახსენებს. აღმოსავლეთ და დასავლეთ საქართველოს გაერთიანება სულ ახალი დასრულებული იყო, მაგრამ ინგლისში გაგზავნილი წერილის ავტორმა კარგად იცის, რომ საქართველოს ეს ორი ნაწილი ერთ სამეფოშია გაერთიანებული.

პეტრუს გერალდის „მთელი საქართველოს ჯარის მხედართმთავარი“ მამია I დადიანი (1323-1345წწ.) უნდა იყოს. თუმცა კათოლიკე ეპისკოპოსი მთლად ზუსტი ვერაა. ოდიშის ერისთავი მხოლოდ დასავლეთ საქართველოდან გამოყვანილი ჯარის უფროსია. ეს უფლება დადიანთა საგვარეულოს XII-XIIIსს-ში ჰქონდა დავით ნარინის დასავლურქართული სამეფოს ჩამოყალიბებამდე. როგორც ჩანს, გიორგი V

⁷²⁵ . ყ ლიკვარდ . ა აპანტე ეტ ეს მისიონს დ' რიენტ აუ მოყენ გე, XIII –XV ს. ღომა, 1977, გვ. 178.

¹ . გ. კიკნაძე, ლათინური წყარო XIV ს.-ის საქართველოს შესახებ. - თბილისის უნივერსიტეტის შრომები. ისტორია, ხელოვნებათმცოდნეობა, ეთნოგრაფია, 1983, ტ. 243, გვ. 101-103.

² . თ. ბერაძე. ოდიშის პოლიტიკური გეოგრაფიიდან, გვ. 154-156.

ბრწყინვალემ დასავლეთ საქართველოს შემოერთების შემდეგ მამია I დადიანის სახით დადიანთა საგვარეულოს ეს უფლება აღუდგინა. ასე რომ, სრულიად საქართველოს მეფესა და აფხაზეთის ერისთავს შორის ოდიშის ერისთავი, როგორც დასავლეთ საქართველოს მხედართმთავარი ჩადგა. ამის შემდეგ აფხაზეთის ერისთავი ჯერ ოდიშის ერისთავს, როგორც დასავლეთ საქართველოდან გამოყვანილი ლაშქრის უფროსს, ხოლო შემდეგ კი სრულიად საქართველოს მეფეს ემორჩილებოდა. ასეთი ვითარება, როგორც დავინახავთ, დიდხანს გაგრძელდა. ამას XIV-XV სს. არაბ ავტორთა ცნობებიც მოწმობენ, რომელთა მიხედვით, აფხაზეთის საერისთავო ოდიშის ერისთავებისადმი დაქვემდებარებული.

XIV-XV სს-ში საქართველოს უმნიშვნელოვანესი სანავსადგურო ქალაქები ფოთი და ცხუმი ოდიშის საერისთავოში შედიოდა. ეს ძალზე ზრდიდა ოდიშის საერთაშორისო მნიშვნელობას. უფრო მეტიც, ზოგჯერ ოდიშის ერისთავები უცხოელ დამკვირვებელთა თვალში თითქმის დამოუკიდებელ ხელისუფლებად აღიქმებოდნენ. იშვიათად, მაგრამ მაინც სიტუაციის ასეთი აღქმა ოფიციალურ – დიპლომატიურ ხასიათს იღებდა. ეს პირველ რიგში მამლუქთა ეგვიპტის სასულთნოს შეეხება.

ეგვიპტემ შავ ზღვაში თავისი ხომალდების გაგზავნის უფლება 1261-1262 წლებში მიიღო, როდესაც მან ოქროს ურდოსთან მჭიდრო ურთიერთობა დაამყარა. მამლუქთა სულთნები დიდ ყურადღებას აქცევდნენ საქართველოსთან ზღვით ურთიერთობას, რადგან საქართველოს სანაპიროს გასწვრივ ერთ-ერთი საზღვაო მაგისტრალი გადიოდა, რომელიც ეგვიპტეს ბოსფორის სრუტის გავლით შავი და აზოვის ზღვებით ოქროს ურდოსთან აკავშირებდა.⁷²⁶ ამ სანაპიროს დიდი ნაწილი კი უშუალოდ ოდიშის ერისთავს ექვემდებარებოდა. სწორედ ამიტომ XIV ს-ის პირველი ნახევრიდან ეგვიპტის სულთნებმა ოდიშის ერისთავებთან პირდაპირი დიპლომატიური ურთიერთობა დაამყარეს, რაც XIV ს-ის ეგვიპტელი დიდმოხელის და სწავლულის ალ-მუჰიბის ენციკლოპედიურ ნაშრომში - „მაღალი ტერმინოლოგიის განმარტების სრულყოფა“ - აისახა. „ქართველებს ჰყავთ ორი მეფე – დავით მეფე, რომელიც თბილისს განაგებს და დადიანი-მეფე, რომელიც განაგებს სუხუმსა და აბხასს... ყოველ მათგანთან მიმოსწორის წესი ნახევარ ფურცელზეა, --- წერს არაბი ენციკლოპედისტი, – მაღალი ალლაჰი დღეგრძელებს მის მეფურ უდიდებულესობას, დიადს, დიდებულს, მამაცს, რაინდს, მორწმუნეს, მავანს, ქრისტიანული სარწმუნოების დიდებას, ჯვრის რელიგიური საზოგადოების განძს, ქრისტიანობის სიამაყეს, აბხაზთა, ქართველთა და ჯურჯანელთა მეფეს, მეფეთა და სულტანთა მეგობარს, ყოველ მათგანს ეწოდება ქართველთა მეფე“.⁷²⁷

ალ-მუჰიბის ეს ცნობა გამეორებული აქვს მეორე არაბ ენციკლოპედისტს ალ-კალკაშანდის. მის თხზულებაშიც აღნიშნულია, „რომ ქართველებს ჰყავთ ორი მეფე, ერთი მათგანია თბილისის გამგებელი და აღნიშნა ალ-მუჰიბი, რომ მისი სახელი იყო მაშინ დავითი. მეორე სუხუმისა და აბხასის გამგებელია – ეს არის ყირიმის ზღვის სამხრეთით მდებარე ორი ქალაქი... მაშინ მის გამგებელს ეწოდებოდა დადიანი“.⁷²⁸

ალ-მუჰიბი 1384 წელს გარდაიცვალა, ალ-კალკაშანდი კი 1355-1418 წლებში ცხოვრობდა. ასე რომ, მათი ცნობები დასავლეთ საქართველოს ერისთავების დაწინაურების შესახებ ერთ საუკუნეზე მეტი ხნის რეალობას ასახავს. დროის ამ მონაკვეთში, ე.ი. XIV ს-ის 30-იანი წლებიდან XV ს-ის 20-იან წლებამდე აფხაზეთის ერისთავები ოდიშის ერისთავების დაქვემდებარებაში იყვნენ.

1386-1403 წლებში საქართველოს თემურ-ლენგი რვაჯერ შემოესია. მერვე შემოსევისას თემურ-ლენგი დასავლეთ საქართველოშიც გადავიდა, მაგრამ იმერეთს ვერ გასცდა. ასე რომ, ოდიშისა და აფხაზეთის საერისთავოები შუა აზიის მრისხანე მბრძანებლის ლაშქრობებს გადაურჩა.

საქართველოში თემურ-ლენგის პირველი ლაშქრობისთანავე დასავლეთ საქართველოში მეფობის მაძიებლები გამოჩნდნენ, რომლებიც დასავლურქართული სამეფოს აღდგენას შეეცადნენ. ინიციატივას, ერთი მხრივ, მიქელ მეფის შთამომავლები, მეორე

⁷²⁶, 1989, გვ. 41-42, 81-82.
⁷²⁷ . XIV-XV სს-ის არაბი ისტორიკოსების ცნობები საქართველოს შესახებ (ალ-უმარი, ალ-მუჰიბი, ალ-კალკაშანდი). თბ., 1988, გვ. 53.
⁷²⁸ . იქვე, გვ. 57.

მსრივ, დასავლეთ საქართველოში სამეფო ოჯახიდან დანიშნული მეფისნაცვლები იხენდნენ. ვახუშტი ბაგრატიონის ცნობით, 1387 წელს დავით ნარინის შვილთაშვილი ალექსანდრე გელათში მეფედაც კი ეკურთხა, მაგრამ დასავლეთ საქართველოს, მათ შორის აფხაზეთის და ოდიშის ერისთავების მხარდაჭერა ვერ მიიღო, ვინაიდან ისინი საქართველოს მეფის ერთგულებად დარჩნენ.⁷²⁹

ალექსანდრე უფლისწულის გარდაცვალების შემდეგ დასავლეთ საქართველოს სამეფო ტახტის დაკავებას მისი შვილი შეეცადა. დასავლეთ საქართველოს ერისთავებმა მის მორჩილებაზე უარი განაცხადეს. მაშინ გიორგი ალექსანდრეს ძემ დასავლეთ საქართველოს ერისთავებს შორის უპირველესის ოდიშის ერისთავის წინააღმდეგ გაილაშქრა. „განიზრახა ამან გიორგი ბრძოლა ვამიყ დადიანისა, რამეთუ უკეთუ სძლიოს და დაიმორჩილოს იგი, სხუანიცა ყოველნი დაიპყრას, - წერს ვახუშტი ბაგრატიონი. - შემოიკრიბნა სპანი იმერთანი, წარვიდა და შთავიდა ოდიშს. დღესა ერთსა ეწყო ვამიყ დადიანი და ძლიერისა ბრძოლისა შემდგომად იძლია სპანი იმერთა და მოჰკლეს მეგრელთა მეფე გიორგი, ქსა ჩტუბ (1392)“.⁷³⁰

აქ მოხსენიებული ვამიყ არის ვამიყ II დადიანი (1384-1396წწ.). ოდიშის ამ ერისთავს, როგორც დასავლეთ საქართველოს ლაშქრის მეთაურს, ერთ-ერთ პირველს ჯიქების სახით დასავლეთ კავკასიის მთიელთა სტიქიასთან შებრძოლება მოუხდა. ეს სტიქია ამ დროს ძალას იკრებდა და დასავლეთ საქართველოს ბარისაკენ გაჭრას ცდილობდა.

საქართველოს ბარის ურთიერთობა საქართველოსა და მისი მომიჯნავე ჩრდილოეთ კავკასიის მთიანეთთან ანტიკურ ხანასა და შუა საუკუნეებში საქართველოს ისტორიაში უდიდეს როლს თამაშობდა. დროდადრო ბარი თავის ეკონომიკურ და პოლიტიკურ ზეგავლენას მთიან რეგიონებზე ავრცელებდა, ზოგჯერ კი, პირიქით, მთა ბარს უტევდა. მთის ბოლო შეტევა XIV-XV საუკუნეებიდან დაიწყო, როდესაც ჩრდილოეთ კავკასიაში გეოპოლიტიკური ვითარება რადიკალურად შეიცვალა. ამ დროიდან მონღოლების მიერ ვიწრო ხეობებში შერეკილი ჩრდილოეთ კავკასიის მოსახლეობა თავისი დანაკარგის ანაზღაურებას სამხრეთ კავკასიის ქვეყნების, პირველ რიგში, საქართველოს ტერიტორიის ხარჯზე შეეცადა. დასავლეთ კავკასიის მთიელთა შემოტევა ერთ-ერთმა პირველმა ჩრდილო-დასავლეთ საქართველომ (თანამედროვე სოჭი-ტუაფსეს მონაკვეთი) განიცადა.

X-XIII სს-ში ჩრდილო-დასავლეთ საქართველოს საზღვარი, რომელიც ამ სექტორში აფხაზეთის საერისთავოს საზღვარს ემთხვეოდა, მდ. ნიკოფსიაზე გადიოდა. ამ მდინარის ჩრდილო-დასავლეთით ქერჩის სრუტემდე და აზოვის ზღვამდე, კავკასიონის მთიანეთის კალთებზე ჩერქეზულ-ადიღური მოდგმის ტომები ცხოვრობდნენ. მათ ქართველები ჯიქებს და ქაშაგებს უწოდებდნენ, ხოლო დასავლეთ ევროპელები ჯიქებს და ჩერქეზებს.

ქართულ საისტორიო წყაროებში ნიკოფსია, როგორც საქართველოს უკიდურესი ჩრდილო-დასავლეთის მიჯნა, უკანასკნელად გიორგი ბრწყინვალის ძის დავით IX-ს (1346-1360წწ.) მეფედ კურთხევისას იხსენიება. ვახუშტი ბატონიშვილი წერდა: „ხოლო შემდგომად მეფის გიორგისა დაჯდა ძე მისი დავით მეფედ. შემოკრბნენ კათალიკოზებისკოპოსნი და დიდებულნი ნიკოფსიით, სპერით, დარუბანდამდე და აკურთხეს მეფედ“¹.

ჯიქები შავ ზღვაზე მეკობრეობით ჯერ კიდევ ანტიკურ ხანაში იყვნენ ცნობილნი. IX-XIII სს-ში ჯერ აფხაზეთის სამეფოს, შემდეგ კი ერთიანი საქართველოს სიძლიერის დროს, შავ ზღვაზე ჯიქთა მეკობრეობა მინიმუმამდე დავიდა. საქართველოს ძნელბედობის ხანაში XIII-XIV სს-ში მათი აქტიურობა შავ ზღვაზე ხელახლა გაიზარდა. ამას კიდევ ერთი მომენტი დაემატა. ამ დროისათვის დასავლეთ კავკასიის მთიელები საქართველოს მორჩილებიდან გამოვიდნენ და მისი ჩრდილო-დასავლეთ ნაწილის ხარჯზე ტერიტორიული გაფართოება დაიწყეს.

ვამიყ II დადიანის (1474-1482წწ.) ჯიქეთში ლაშქრობის შესახებ ცნობა ხობის მონასტრის ეკვდერის ლაპიდარულმა წარწერამ შემოგვინახა: „... ერისთავთერისთავმა და

⁷²⁹ . ქართლის ცხოვრება, ტ. IV , გვ. 803.

⁷³⁰ . იქვე, გვ. 803-804.

¹ . იქვე, ტ. II , გვ. 201.

მანდატურთუხუცესმა დადიანმა ვამეყ მამისა მათისა პატრონისა ერისთავთერისთვისა დადიანისა გიორგის შედეგად, – ვკითხულობთ ამ წარწერაში, – მიუხდა ჯიქეთს ურწმუნოებისა და ორგულობისათვის... სძლო და შეურაცხ და უხმარ იქმნა მათი სიმაგრენი, გაგარი და უღაღნი და ყოველნივე ძალით მოირჭუნა, მრავალთა ჯიქეთისა პატრონთაგან მიუვალი მოარბიენა, რაოდენნი მოიწყო, მათი მძევალი წამოასხნა და სხვანი აოტნა, და მაშინ მოიღო სვეტნი და ფიქალნი ესენი მარმარილოსანი და მამადედათა ღარნაკი და მარეხ გაერთა”²

მიხნეულია, რომ წარწერაში მოხსენიებული „გაგარი“ და „უღაღნი“ გეოგრაფიული პუნქტებია და ვამეყ II დადიანმა ჯიქებთან ბრძოლა დღევანდელი გაგრის მიდამოებში გადაიხადა.³ მართლაც „გაგარი“ დღევანდელი გაგრის ძველი სახელწოდებაა, ხოლო „უღაღნი“ ადრე შუა საუკუნეების ბიზანტიური ტრაქეას, დღევანდელი ახალი ათონის ძველი ქართული შესატყვისი უნდა იყოს. ამის მიუხედავად ხობის მონასტრის ეკვდერის წარწერაში სულ სხვა გეოგრაფიულ რეგიონზეა საუბარი.

„უღაღნი“ ძველ ქართულში „ძნელად სავალ გზას“ ნიშნავდა, „გაგარი“ კი, პირიქით – „ადვილად სავალს“, „გასასვლელს“ უნდა ნიშნავდეს. მით უფრო, რომ გაგრა მართლაც, თავისებური გასასვლელია ზღვისპირეთში. როგორც ჩანს, ვამეყ II დადიანმა მთელი ჯიქეთი აზოვის ზღვამდე მოარბია, მისი ყველა ადვილად მისადგომი თუ მიუვალად ცნობილი ციხე-სიმაგრე დაანგრია. ოდიშის ერისთავმა იმ ჯიქებს, რომლებმაც მას მორჩილება გამოუცხადეს, მძევლები ჩამოართვა, ხოლო ურჩი ჯიქების ტერიტორია სასტიკად ააოხრა⁷³¹. როგორც ჩანს, XIVს-ის მიწურულისათვის, ჯიქეთში ქრისტიანობა შესუსტებული იყო და ეკლესიების უმეტესობა მღვდელმსახურებისა და მრევლის გარეშე იყო დარჩენილი. ოდიშის ერისთავმა მიტოვებული ეკლესიებიდან ბიზანტიური სტილის მარმარილოს სვეტისთავები, ჩუქურთმიანი ქვები წამოიღო, რომლითაც ხობის ტაძარი და თავისი საერისთავოს ეკლესიები გაამშვენებდა. ვამეყ II დადიანმა ჯიქეთში ზღვით ილაშქრა და ამით ჯიქების მეკობრეობა ზღვაზე ძალზე შეამცირა, მაგრამ ადიღე-ჩერქეზული მოდემის ტომების სამხრეთ-აღმოსავლეთით ექსპანსია მაინც ვერ შეაჩერა.

XIVს-ის დასასრულს თემურ-ლენგის შემოსევის შედეგად დასუსტებული ცენტრალური ხელისუფლების წინააღმდეგ გიორგი VII-ის (1393-1407წწ.) ძმა კონსტანტინე გამოვიდა, რომელიც დასავლეთ საქართველოს ტახტის დაკავებას შეეცადა. როგორც ირკვევა, კონ

სტანტინე უფლისწული იძულებული გახდა დასავლეთ საქართველო მიეტოვებინა, მაგრამ ახლა დასავლეთ საქართველოს ტახტზე პრეტენზია იმერეთის მეფეთა შთამომავალმა დიმიტრიმ გამოაცხადა. ამ დროს გიორგი VII-მ თემურ-ლენგთან ომი დაასრულა და დასავლეთ საქართველოსთვის მოიცალა, მით უფრო რომ ამ მხარის ერისთავები ტახტის პრეტენდენტის მორჩილებას არ აპირებდნენ. „ამისი მხილველი მეფე გიორგი შთავიდა სპითა და დაიპყრა ყოველი იმერეთი, – წერს ვახუშტი ბაგრატიონი. – მოერთუნენ ყოველნი წარჩინებულნი: დადიანი მამია, გურიელი, შარვაშიძე და სუანნი“⁷³².

დასავლეთ საქართველოში ახალი შინაომის მცდელობა იყო ალექსანდრე I დიდის მეფობის პირველ წლებშიც (1412-1414წწ.). მის ინიციატორად მამია II დადიანი (1396-1414წწ.) გამოვიდა, რომელმაც აფხაზეთის საერისთავოს შეერთება მოინდომა. „არამედ იხილა რა მამია დადიანმან ესე ვითარებანი, ინება დამორჩილება აფხაზთა, ამასვე წელსა შეიკრიბნა სპანი ოდიშარნი მეგრელნი და წარვიდა. მისრულს აფხაზეთს ეწყო შარვაშიძე აფხაზით სიმაგრით გამო, – წერს სწავლული ბატონიშვილი. — მოსწყდნენ მეგრელნი და მოკლეს დადიანი მამია და ნეშტნი სპანი აოტნეს და ლტოლვილნი მოვიდნენ ოდიშს“⁷³³.

² . ექ. თაყაიშვილი. არხეოლოგიური მოგზაურობა სამეგრელოში. – ძველი საქართველო, III. თბ., 1913-1914, გვ. 132-133.

³ . კ. ინგოროყვა. გიორგი მერჩულე, გვ. 149-150; კ. ბერულავა. აფხაზეთის ისტორიული ადგილები. თბ., გვ. 77.

⁷³¹ . თ. ბერაძე. „გაგარი“ და „უღაღნის“ ეტიმოლოგიისათვის. – მაცნე, ისტორიის... სერია, 1973, № 1, გვ.122-123.

⁷³² . ქართლის ცხოვრება, ტ. IV, გვ. 275, 804-805.

⁷³³ . იქვე, გვ. 278.

მამია II დადიანის დაღუპვამ სამეფო კარი ძალზე შეაშფოთა. საქართველოს მეფემ მამია II დადიანის მცდელობაში მისი ნებართვის გარეშე შეჭრილიყო აფხაზეთის საერისთავოში, ქვეყნის დაშლის საშიში სიმპტომი დაინახა და რეაქციამაც არ დააყოვნა. ალექსანდრე I ლაშქრით დასავლეთ საქართველოში გადავიდა და ოდიშში შევიდა... „ხოლო შთასრულსა ოდიშს მოეგება მეფესა ძე მამია დადიანისა ლიპარიტ და ითხოვდა შენდობასა, უკეთუ სცოდა რად მამამან მისმან. შეუნდო მეფემან, რამეთუ იყო ტკბილ და მოწყალე და არარაი ვის აგნო; გარნა ლიპარიტ, – წერდა ვახუშტი ბაგრატიონი,– აღიყვანა პატივსა მამისასა. მერმე წარვიდა აფხაზეთს და წარიყვანა ლიპარიტ დადიანი, მოეგება შარვაშიძე და დაემორჩილა ბრძანებასა მისსა, ვითარცა პირველთა მეფეთასა. განაგნა მუნებურნი და დაამშუდნა ივინი და მოვიდა ქუთათისს. შემოკრებული იმერ-ამერთა დიდებულთა და კათალიკოზთა და ეპისკოპოსთაგან ეკურთხა მეფედ მუნ.“⁷³⁴

ალექსანდრე დიდის ამ სამხედრო ექსპედიციის შემდეგ მშვიდობა დასავლეთ საქართველოში თითქმის ოთხი ათეული წელი არ დარღვეულა.

1453 წელს ოსმალ-თურქებმა კონსტანტინოპოლი აიღეს და ათასწლოვანმა ბიზანტიის იმპერიამ არსებობა შეწყვიტა. იმავე წელს, ზაფხულში ედირნეში (ადრიანოპოლში) დაბრუნებულ მეჰმედ II-ს შავიზღვისპირეთის ქრისტიანული ქვეყნების წარმომადგენლები ესტუმრნენ. ზოგიერთი ისტორიკოსი მათ შორის საქართველოს წარმომადგენლებსაც ასახელებს. ინგლისელი ს.რანსიმენის მიხედვით, სულთნის კარს ეწვივნენ „სამეგრელოს, იმერეთის მთავრის დადიანის,“ ხოლო თურქი ისტორიკოსის მ.კირზიოლდუს ცნობით, „გურიელის, მეგრელების და აბაზების“ ელჩები.⁷³⁵

ორივე ავტორი ბიზანტიელი ისტორიკოსის დუკას თხზულებას ეყრდნობა. აქ 1453 წელს მეჰმედ მეორესთან მისულ ელჩებს შორის დასახელებული არიან: „ტრაპიზონელები და ყველა ისინი, ვინც პონტოს ზღვასთან ცხოვრობენ“⁷³⁶. როგორც ვხედავთ, ამ ელჩებს შორის საქართველოს წარმომადგენლები საერთოდ არ ჩანან.

ბიზანტიის იმპერიის დაცემის შემდეგ საქართველოს ზღვისპირეთს ოსმალეთი დაემუქრა. ვახუშტი ბაგრატიონი ოსმალ-თურქების პირველ თავდასხმას 1451 წლით ათარიღებს, მ.კირზიოლდუს და მ.სვანიძეს მიაჩნიათ, რომ თავდასხმა 1454 წელს მოხდა. ასეთი შესწორების საფუძველად ამ ისტორიკოსებს მოჰყავთ იტალიური წყაროები, რომლებშიც 1454 წელს ოსმალეთის სამხედრო ფლოტის შავ ზღვაზე რეიდია აღწერილი, როდესაც ამ ფლოტმა სავანტოპოლი, ივივე ცხომი, დღევანდელი სოხუმი გადაწვა.⁷³⁷

ვახუშტი ბაგრატიონის ცნობის ასეთი გადათარიღება სამართლიანი უნდა იყოს. დღევანდელ სოხუმზე ოსმალების, შემდეგ კი აფხაზების თავდასხმის შესახებ ერთ-ერთი ცნობა 1454 წლის მეორე ნახევარში შავიზღვისპირეთიდან გენუაში გაგზავნილი კონსულის ჯერარდო პინელის წერილმა შემოგვინახა: „მე ჩავიბარე სავანტოპოლის კონსუ-

ლობა... დაყავი იქ მცირე ხანი..., – ვკითხულობთ ამ წერილში, – მოულოდნელად მას თავს დაესხნენ აფხაზები და მოსახლეობა მთლიანად გაიქცა, რათა თავი გადაერჩინა. მეც მათ მივბაძე, აფხაზებს უნდოდათ უმეტესობა ტყვედ წაეყვანათ. გარდა ამისა, გაცნობებთ, რომ ჩემს ჩასვლამდე თურქები დაესხნენ და გაძარცვეს ეს ქალაქი“.⁷³⁸ უფრო ადრინდელი იტალიური წყაროს ცნობით, ოსმალ-თურქებმა სოხუმის ნავსადგურში გენუელთა ერთი სავაჭრო ხომალდი დაწვეს, მეორე კი ნადავლად წაიყვანეს. მათ ამ ქალაქში მცხოვრებ გენუელ ვაჭართა ერთი ნაწილი დაატყვევეს, მეორე ნაწილმა კი თავს გაქცევით უშველა.⁷³⁹

734 . იქვე.
 735 1453 1983, გვ. 150; . ირზიოლდუ. სმანლილარ ინ აფგაზ –
 ლერი ნი ფეტბი (1451-1590). ნკარა, 1976.
 736 . უცაე იცაელის. ისტორია ვხანტინა, ატროლ გია რაეცა, ტ. ჩ II, გვ.128.
 737 . . ირზიოლდუ. სმანლილარ..., გვ. 6-7; (.), 1982. 1985, . 107-111.
 738 . ჩოდიცე დიპლომატიცე დეღლე ცოლონიე თაურო- იგურტ დურანტე ლა სიგნორია დეღლე უფიცო დი შ.
 იორგიო, ედ. Vიგნა, არტე II, შ შ VII, 1871, გვ. 317-318.
 739 . იქვე, გვ.102-103.

ვახუშტი ბაგრატიონი აფხაზების მიერ სოხუმის დარბევის შესახებ არაფერს წერს, მაგრამ აღნიშნავს, რომ ოსმალებმა ამ თავდასხმის დროს მთელი აფხაზეთის საერისთავო დაარბიეს. „გამოვიდნენ ორმოცდა ათნი კატარდანი სავსენი სპითა... – წერს სწავლული ბატონიშვილი, – და აღაოხრნეს და მოსწყდნეს ცხომი და აფხაზეთი და ზღვს პირნი. უკუნ იქცნენ და წარვიდნენ. ამის მცნობელი მეფე გიორგი (ერთიანი საქართველოს ბოლო მეფე გიორგი VIII – 1445-1466წწ. – ავტ.) წარვიდა მოსწრაფედ, არამედ ვერა რადხალა ეწია. გარნა მკვდრნივე დასხნა და უქმნა სიმაგრენი და განაგნა მუნებურნი და მოვიდა გეგუთს“.⁷⁴⁰ „განაგნა“ აფხაზთა აჯანყების ჩახშობასაც გულისხმობს, რომლის დროსაც მათ, როგორც ვნახეთ, ცხომი სასტიკად დაარბიეს. 1454წ. გენუელები ცხუმში შემთხვევით არ აღმოჩენილან. ამ დროისათვის ქალაქში გენუელთა სავაჭრო ფაქტორია არსებობდა.

გიორგი VIII ერთიანი საქართველოს ბოლო მეფე აღმოჩნდა. ქვეყნის პოლიტიკური დაშლა სამცხე-საათაბაგოს ერისთავის სახლში დაპირისპირებამ დააჩქარა. 1448 წელს სამცხის ათაბაგს აღბუღა ჯაყელს ერისთავთერისთავობა ბიძამ ყვარყვარემ ჩამოართვა. გადაყენებულმა ათაბაგმა დახმარება საქართველოს მეფეს სთხოვა. გიორგი VIII ლაშქრით სამცხეში გაემართა, „ყუარყუარე მოეგება მეფესა და იტყოდა უცოდველ ყოფასა, არამედ მეფემან აღიყვანა კუალად აღბუღავე პატივსა ათაბაგობისასა“. 1451 წელს აღბუღა გარდაიცვალა და საქართველოს მეფემ ათაბაგობა მის ბიძას ყვარყვარე II ჯაყელს დაუმტკიცა. ყვარყვარე მადლიერების ნაცვლად სამცხის საათაბაგოს ერთიანი ქართული სამეფოდან გამოყოფისათვის სამზადისს შეუდგა.⁷⁴¹ საქართველოში შინაომი გარდაუვალი ჩანდა, როდესაც ქვეყანას რომის პაპის ელჩი ლუდოვიკო ბოლონიელი ეწვია. მან ქართველებს ანტიოსმალურ კოალიციაში მონაწილეობის მიღება შესთავაზა.

კონსტანტინოპოლის დაცემას (1453წ. 29 მაისი) გამოხმაურება მთელ მსოფლიოში, უპირველეს ყოვლისა, ქრისტიანულ სამყაროში მოჰყვა. დასავლეთ ევროპაში ანტიოსმალური კოალიციის შექმნის იდეა გაჩნდა, რომელიც ოსმალებისგან კონსტანტინოპოლის გათავისუფლებას და ბიზანტიის იმპერიის აღადგენას ითვალისწინებდა. ამ იდეის სულისჩამდგმელი რომის პაპი კალისტო III იყო. მან ამ კოალიციაში ოსმალეთის მეზობელი ქვეყნების ჩაბმის მიზნით 1456–1460წწ. ელჩი ლუდოვიკო ბოლონიელი აღმოსავლეთში ორჯერ გამოავაზანა.

საქართველოში გაერთიანებული ძალებით ოსმალებთან ბრძოლის იდეა იმდენად მომხიბვლელი აღმოჩნდა, რომ რომის ელჩის შუამავლობით საქართველოს მეფესა და სამცხის ათაბაგს შორის დროებითი დაზავება მოხდა. ლუდოვიკო ბოლონიელმა საქართველოს გარდა ოსმალთა მოწინააღმდეგე მეზობელი ქვეყნები მოიარა და ისინიც ანტიოსმალურ კოალიციაში მონაწილეობაზე დაითანხმა. ბოლოს აღმოსავლეთის ქვეყნების ელჩები საქართველოში შეიკრიბნენ და ლუდოვიკო ბოლონიელთან ერთად დასავლეთ ევროპაში გაემგზავრნენ. ყვარყვარე II ჯაყელმა დასავლეთ ევროპაში საკუთარი ელჩი გაავაზანა. საქართველოს სხვა ერისთავთერისთავებიც ამ დროისათვის თითქმის დამოუკიდებლად გრძნობდნენ თავს. ამის მიუხედავად მათ დასავლეთ ევროპაში ელჩები არ გაგზავნეს და თავიანთ წარმომადგენლად სრულიად საქართველოს ელჩს მიიჩნევდნენ. ამ ელჩობასთან დაკავშირებული ლათინურენოვანი დოკუმენტებით ქართველი ერისთავთერისთავების სახელებისა და საერისთავოთა დადგენა ხერხდება. ეს კი XV ს-ის 50-იან წლებში დასავლეთ საქართველოში პოლიტიკურ ძალთა განლაგების ზუსტად აღდგენის საშუალებას იძლევა.

სათანადო ლათინურენოვანი დოკუმენტების ანალიზით ირკვევა, რომ დასავლეთ საქართველოს დიდ ნაწილს – იმერეთს, რაჭა-ლეჩხუმს, სვანეთის მეტ ნაწილს ალექსანდრე I დიდის ძმისწული ბაგრატი განაგებდა, რომელიც “მეფის” ტიტულით მოიხსენიება. საქართველოს სამხრეთ-დასავლეთ შავიზღვისპირეთი გურიის საერისთავოში შედიოდა, რომელსაც ქართული საისტორიო წყაროებისთვის უცნობი მამია (მანია) გურიელი განაგებდა; “მარკიზის” ტიტულით მოიხსენიება. ამ ლათინურენოვან დოკუმენტებში ოდიშის ერისთავი ბედიანი “ბენდიანის” სახელით თუ

⁷⁴⁰ . ქართლის ცხოვრება, ტ. IV, გვ. 284.

⁷⁴¹ . იქვე, გვ. 284, 704-705.

ტიტულით მოიხსენიება. ამ დოკუმენტების მიხედვით, ოდიშის ერისთავთა ერისთავს ძველი ტრადიციით აფხაზეთის ერისთავიც ემორჩილებოდა. ამიტომ ბედიანი ზოგიერთ დოკუმენტში როგორც “სამეგრელოსა და აფხაზეთის მეფე” (Bendas rex Mengrelia et Abasiae) იხსენიება. ამის მიუხედავად, აფხაზეთი საქართველოს მაინც ცალკე ადმინისტრაციულ-ტერიტორიულ ერთეულს წარმოადგენდა. ამიტომ სათანადო დოკუმენტებში დუკას ტიტულით აფხაზეთის ერისთავი რაბია (Rabia dux Anocaciae) გვხვდება¹.

XIII–XV საუკუნეების იტალიურ დოკუმენტებში ოდიშის ერისთავს “ბედიანს”, “ბენდიანს” უწოდებენ. ანტიოსმალურ კოალიციასთან დაკავშირებით ტრაპიზონის იმპერატორის ბურგუნდიის დუკასადმი 1460 წელს გაგზავნილ წერილში ბედიანი შვილთან ერთად მოიხსენიება. იმავე წელს ყვარყვარე II ჯაყელის, “ანუ საქართველოს ჰერცოგის” ვენეციის დოქისადმი გაგზავნილი წერილით დგინდება ამ ბედიანის ვინაობა. აქ “ბედიანს” de la chan de liparit” ეწოდება². ეჭვს გარეშეა, რომ ეს არის ლიპარიტი II დადიანი (1414–1470წწ.). მისი “შვილი” არის შამადავლე დადიანი (1470–1474წწ.), რომელიც, როგორც ჩანს, მამასთან ერთად განაგებდა საერისთავოს³.

ცნობილია, რომ ოდიშის მთავართა პირველი დინასტია ბედიან I დადიანიდან მოდის, რომელიც ოდიშის საერისთავოს XIII ს–ის 80–იან წლებში და XIV ს–ის დასაწყისში განაგებდა⁴. საფიქრებელია, ამის შესახებ ცნობა სულ ცოტა ორი საუკუნე შემორჩა. ამიტომაც იყო, რომ იტალიელები XIV–XV საუკუნეებში ოდიშის ერისთავებს ბედიანის სახელით მოიხსენიებდნენ.

საქართველოს და აღმოსავლეთის ქვეყნების ელჩების ევროპული მისია წარუმატებელი იყო. დასავლეთ ევროპა ერთიანი ძალით ოსმალების წინააღმდეგ ბრძოლისათვის მზად არ აღმოჩნდა. ანტიოსმალური კოალიციის ჩაშლის შემდეგ საქართველოში შინაომმა ახალი ძალით იფეთქა. ინიციატივა კვლავ ყვარყვარე II ჯაყელმა გამოიჩინა. მან საქართველოს მეფის გიორგი VIII–ის წინააღმდეგ 1462 წელს თეთრბატკნიანთა მბრძანებელი უზუნ-ჰასანი მოიწვია, რომელიც ქართლში შემოიჭრა. უზუნ-ჰასანის ლაშქრობით დასავლეთ საქართველოს მეფისნაცვალმა ბაგრატმა ისარგებლა. მან აღუთქვა თავისუფლება ერისთავებს და ციხე-სიმაგრეებში თავისი მეციხოვნეები ჩააყენა. „ამისთვის მოსცეს დადიან-გურიელმან აფხაზთა და სუანთა პირი მტკიცე მეფედ ყოფისა იმერეთს“⁷⁴² - წერს ვახუშტი ბატონიშვილი. 1463 წელს ბაგრატმა ქუთაისის ახლოს ჩიხორთან გიორგი VIII დაამარცხა. გამარჯვებულს ქუთაისში “მოერთნენ დადიან-გურიელ-აფხაზნი და სუანნი და აკურთხეს, სრულიად იმერთა (ე.ი. დასავლეთ საქართველოს – ავტ.) სათნო ჩინებითა მეფედ... იქმნა იმერეთი მიერთ ერთ მეფედ და ოთხ სამთავროდ ანუ სათავადოდ, რამეთუ მიიღო დადიანმან ოდიში, გურიელმან გურია, შარვაშიძემ აფხაზნი და ჯიქნი და გელოვანმან სუანეთი, და ბაგრატ მეფობდა მათ ზედა ესრეთ“⁷⁴³. ბაგრატი მხოლოდ დასავლეთ საქართველოს მეფედ დიდხანს არ დარჩენილა. 1466 წელს ის აღმოსავლეთ საქართველოში გადმოვიდა და თავი სრულიად საქართველოს მეფედ გამოაცხადა. ისტორიაში ის ბაგრატ VI–ის სახელით შევიდა. იგი რეალურად მხოლოდ დასავლეთ საქართველოს და შიდა ქართლს ფლობდა. კახეთს გიორგი VIII დაეუფლა, რომელმაც საფუძველი დამოუკიდებელ კახეთის სამეფოს ჩაუყარა. ქვემო ქართლში ალექსანდრე დიდის შვილიშვილი კონსტანტინე II დიმიტრის ძე გაბატონდა, რომელიც ბაგრატ VI–ის უზენაესობას აღიარებდა. სამცხე-საათაბაგო კი ფაქტობრივად დამოუკიდებელ სამთავროს წარმოადგენდა.

1477 წელს ბაგრატ VI–ის წინააღმდეგ ვამეყ II დადიანი (1475–1482წწ.) გამოვიდა. “შემოიკრიბნა აფხაზნი და გურიელი და უწყო კირთება, ოხრება და დაპყრობა

1. მ. თამარაშვილი. ისტორია კათოლიკობისა ქართველთა შორის, გვ. 50–52, 56–63, 594–598; ქართული დიპლომატიის ისტორია. თბ., 2003, გვ. 364–374; ალექსანდრე. ესპიტაქტე დეს ეისერტუმს ვონ თრაპეზუნა. უნცჰენ, 1827, გვ. 265; ჯ. ილღერ. თრებიზონდ, ტჰე ლასტ გრეეცე ემპირე. ონდონ, 1926, გვ. 96.

2. დ. პაიჭაძე. ევროპის ქვეყნების ანტიოსმალური კოალიცია და საქართველო. თბ., 1989.

3. თ. ბერაძე. ოდიშის საერისთავო XVI–XVII სს. - სამეგრელო..., გვ. 147–148.

4. იქვე.

742 . ქართლის ცხოვრება, ტ. IV, გვ. 805

743 . იქვე, გვ. 806.

იმერეთსა”. საქართველოს მეფის საპასუხო რეაქციამ არ დააყოვნა. ბაგრატ VI დიდი ლაშქრით ოდიშისკენ გაემართა, ვამეყ II დადიანი დაამარცხა და დაიმორჩილა⁷⁴⁴.

ქართლისა და დასავლეთ საქართველოს მეფე ბაგრატ VI 1478 წელს გარდაიცვალა. ქართლში სამეფო ტახტზე კონსტანტინე II (1479-1505წწ.) ავიდა. დასავლეთ საქართველოში კი გამეფებას ბაგრატ VI-ის ვაჟი ალექსანდრე შეეცადა. მან მეფედ კურთხევისათვის “მოუწოდა დადიან-გურიელსა, შარვაშიძეს და გელოვანსა“, მაგრამ მათ ვამეყ II დადიანის მეთაურობით მორჩილებაზე უარი განუცხადეს და დასავლეთ საქართველოში კონსტანტინე II მოიწვიეს. კონსტანტინემ დასავლეთ საქართველოს ერისთავთა დახმარებით ქუთაისი დაიკავა და ქართლისა და დასავლეთ საქართველოს სამეფო მცირე ხნით აღადგინა. მოკავშირენი ახლა უკვე მთელი საქართველოს გაერთიანებაზე ოცნებობდნენ და პირველ რიგში სამცხე-საათაბაგოს შემოერთებას შეეცადნენ. ვამეყ II დადიანი დასავლეთ საქართველოს ლაშქრით კონსტანტინე II-ს 1481 წელს სამცხის ათაბაგთან ბრძოლაში დაეხმარა, რის შედეგად მეფემ სამცხე და ჯავახეთი დაიმორჩილა⁷⁴⁵. კონსტანტინე II სრულიად საქართველოს მეფე გახდა. მან „მოიმორჩილნა იმერელი, ოდიშარნი, აფხაზნი, მსახურებდა ათაბაგი და მორჩილებდეს კახნიცა“.⁷⁴⁶ 1483 წელს კონსტანტინე II არადეთთან ბრძოლაში ყვარყვარე III ათაბაგთან დამარცხდა. ალექსანდრე ბაგრატის ძემ ამით ისარგებლა, ქუთაისი დაიკავა და მეფედ ეკურთხა. მაშინ ოდიშის ახალმა ერისთავმა ლიპარიტ II დადიანმა (1482–1512წწ.) დასავლეთ საქართველოში კონსტანტინე II კიდევ ერთხელ მოიწვია. 1487 წელს კონსტანტინე II ლაშქრით დასავლეთ საქართველოში გადავიდა, ლიპარიტ II დადიანისა და დასავლეთ საქართველოს სხვა ერისთავების დახმარებით ქუთაისის და დასავლეთ საქართველოს სხვა უმნიშვნელოვანესი ციხე-სიმაგრეები კიდევ ერთხელ დაიკავა, თუმცა დასავლეთ საქართველოს საბოლოოდ შემოერთება ვერც ახლა მოახერხა. 1488 წელს აღმოსავლეთ საქართველოში ირანის მბრძანებელი იაკუბ ხანი შემოიჭრა და ქართლის მეფე მასთან საბრძოლველად გაემართა. ალექსანდრე ბაგრატის ძემ ამით ისარგებლა, ქუთაისის და საერთოდ იმერეთის ციხე-სიმაგრეები დაიბრუნა, შემდეგ “დაეზავა დადიან-გურიელსა. ამით დაიმშვიდა იმერეთი და დაიპყრა უმტკიცესად და დაიმორჩილნა აფხაზნი და სუანნიცა”⁷⁴⁷. ამის შემდეგ ალექსანდრე იმერთა მეფემ დასავლეთ საქართველოში ძალაუფლება საბოლოოდ განიმტკიცა.

1490 წელს კონსტანტინე II საგანგებოდ მოწვეულ სამეფო დარბაზს საქართველოს აღდგენისათვის ბრძოლის გაგრძელების თაობაზე რჩევას დაეკითხა. სამეფო დარბაზმა მეფეს ასეთი ბრძოლის უკეთესი დროისათვის გადადება ურჩია⁷⁴⁸. ამის შემდეგ ქართლის მეფე კახეთისა და იმერეთის მეფეებს, აგრეთვე ათაბაგს შეურიგდა, რითაც საქართველოს ფაქტობრივი დაშლა გაფორმდა.

XVს-ის II ნახევრის დასავლეთ საქართველოს პოლიტიკური ისტორიის გადმოცემისას აუცილებელად უნდა შევეხოთ სამეცნიერო ლიტერატურაში დამკვიდრებულ მოსაზრებას ე.წ. “საბედიანოს” შესახებ. ამ მოსაზრების თანახმად, XVს-ის 50–70-იან წლებში არსებობდა ნახევრად დამოკიდებული პოლიტიკური ერთეული “საბედიანო,” რომლის მთავარი ბედიანი თავის ხელქვეით დასავლეთ საქართველოს ზღვისპირეთის საერისთავოებს - გურიას, ოდიშს და აფხაზეთს აერთიანებდა. ეს მოსაზრება პირველად ივ. ჯავახიშვილმა გამოთქვა და შემდეგ არაერთმა ისტორიკოსმა გაიმეორა⁷⁴⁹. როგორც გაირკვა, “საბედიანო”, საერთოდ არ არსებობდა და მისი დასახელება ანტიოსმალური კოალიციის შესახებ შემორჩენილი დოკუმენტების არასწორი ინტერპრეტაციის შედეგია.

⁷⁴⁴ . იქვე, გვ. 807; იქვე, ტ. II, გვ. 342.

⁷⁴⁵ . იქვე, ტ. IV, გვ. 386.

⁷⁴⁶ . იქვე, ტ. II, გვ. 343.

⁷⁴⁷ . იქვე, ტ. IV, გვ. 809.

⁷⁴⁸ . იქვე, გვ. 390.

⁷⁴⁹ . ივ. ჯავახიშვილი. ქართველი ერის ისტორია. თხზულებანი XII ტომად, ტ. III, თბ., 1982, გვ. 329; საქართველოს ისტორია, I, თბ., 1956, გვ. 242–243; . . . , გვ. 240.

3. ბენუელთა სამაჯრო შაქტორია სამასტოპოლ-ცხომში//ცხუმში

ჯვაროსნების მიერ კონსტანტინოპოლის აღების შემდეგ, 1204 წელს, ნახევრად დახურული შავი ზღვა მსოფლიო ვაჭრობისთვის თანდათან გაიხსნა. ვითარება არც 1261 წლის შემდეგ შეცვლილა, როცა კონსტანტინოპოლი ბიზანტიას დაუბრუნდა. XIII ს-ის დასასრულისათვის ბიზანტიის დედაქალაქში მრავალი ქვეყნის ვაჭარი ჩადიოდა, რომლებსაც თავიანთი ინტერესი შავიზვისპირეთშიც ჰქონდათ. მათ შორის იყვნენ ვაჭრები იტალიის ქალაქ-სახელმწიფოებიდან – სიცილიიდან და კატალონიიდან, აგრეთვე ეგვიპტიდან. ამ დროისათვის შავი ზღვა კარგად იყო ცნობილი მეზღვაურებისთვის, ვაჭრებისთვის. XIII-XV სს-ში დასავლეთ ევროპელების ცოდნა შავიზღვისპირეთის შესახებ პირველ რიგში ამ საუკუნეების, უფრო ზუსტად 1318-1519 წლების საზღვაო რუკებზე აისახა.

ამ რუკებზე დღევანდელი სოჭის სამხრეთ-აღმოსავლეთით პირველი Costo//Gusto//Costo//Costa//Chasto, ანუ დღევანდელი ხოსტაა დატანილი. სამხრეთ-აღმოსავლეთით Laiazo//Aiaco// Layazo// Laiaco – ლიაუშია აღნიშნული. XIII ს-ის ვენეციურ, 1318 წლის პეტრე ვესკონტეს, 1436 წლის ბიანკოს რუკებზე დატანილია Abcazia // Augazia, ანუ აფხაზეთი, რომელსაც მხარის ან კიდევ დასახლებული პუნქტის მნიშვნელობა აქვს. ზოგიერთ საზღვაო რუკაზე, მაგალითად, 1385 წლის სოლერის, 1518 წლის ანდრეუს ბენინკაზის რუკებზე ეს მხარე თუ ზღვისპირა პუნქტი ბევრად უფრო ჩრდილო-დასავლეთით, დღევანდელი სოჭისა და ტუაფსეს შორისაა დატანილი. დღევანდელი საქართველოს ზღვისპირეთში ყველაზე ჩრდილო-დასავლეთით Cacary//Chachari//Cacar//Chatari, ანუ ძველი გაგარი, დღევანდელი გაგრაა დატანილი. შემდეგ, სამხრეთ-დასავლეთით, ერთმანეთის მიყოლებით საზღვაო რუკებზე დატანილია Sun Soffia// Sancta Sofia//s. Soffia – ბიჭვინთის ცნობილი ტაძარი, Giro – ბიჭვინთის კონცხი, Cavo de Giro – ბიჭვინთის ყურე და Pecunda//Pezonda – საკუთრივ ბიჭვინთა, იგივე პიცუნდაა დატანილი.

ბიჭვინთის სამხრეთ –აღმოსავლეთით რუკებზე Cavo de Buxo//Cavo de Bux//Cavo Buxio//Cavo de Bussi არის დატანილი. ეს სახელწოდება „ბზების ყურედ“ ითარგმნება. მკვლევართა დიდი ნაწილი ფიქრობს, რომ ამ ყურეში ბომბორის ყურე იგულისხმება, სადაც მდინარეები მჭიშთა (მუწუს წყალი), ხიფსთა (ზუფუს წყალი) და ააფსთა (ადაცოს წყალი) ჩაედინება. ბოლო წლებში ბ. გოგიამ და ჯ. გამახარიამ მოსაზრება გამოთქვეს, რომ „ბზების ყურეში“ მდინარე ბზიფის შესართავი იგულისხმება⁷⁵⁰. „ბზების ყურის“ სამხრეთ-აღმოსავლეთი საზღვაო რუკებზე Nisoffia, Flum Nisofia და Flum Nicola არის დატანილი. ეჭვს გარეშეა, რომ ეს არის ანაკოფის ციხე-ქალაქი და „ანაკოფის მდინარე,“ რომელსაც დღეს ფსირცხა ეწოდება.

ანაკოფის სამხრეთ-აღმოსავლეთით საზღვაო რუკებზე Savastopoli//Sconastopoli ძველი ქართული ცხომი//ცხუმი (დღევ. სოხუმი), მის მიდამოებში p. Mengrello//Ponto Mengrello, Catancha//Cicaba// Cichaba//Cicaba – წყუბუნი დღევანდელი სოხუმის აეროპორტის მიდამოებში, gotto//Goto - კოდორის კონცხი და Tamamxa//Tamassa//Tama// Tamasa არის დატანილი. ეს პუნქტი კიდევ ერთ დასავლურევროპულ, 1654 წლის სამეგრელოს (ოდიშის) სამთავროს რუკაზე, როგორც Satamascia არის დატანილი. ეს არის სათამაშა, ციხე-დარბაზი, დღევანდელი ტამიშის მიდამოებში, რომელიც XIX ს-ის 70-იან წლებში ჯერ კიდევ შემორჩენილი იყო. ციხე-დარბაზის აღწერილობა ვ.ჩერნიავსკიმ დაგვიტოვა. მისი ცნობით, 1875 წელს აქ გათხრა უცდიათ და ამ მიზნით ციხე-დარბაზის ერთ-ერთი კოშკი აუფეთქებიათ.⁷⁵¹

⁷⁵⁰ . Дж. Гамахария, Б. Гогия. დასახ. ნაშრომი, გვ. 821-834, 882.

⁷⁵¹

სათამაშას სამხრეთ – დასავლეთით დატანილია Murkula - სოფელი მერკულა, Laxopotamo – მდინარე დალიბა, Castro Corenbedia - ალბათ, სოფელი ილორი, Corebedia - ბედია ანუ შუა ბედია, Megapotamo//Megapotami – მდინარე ენგური, Lipotimo – მდინარე სობი, Lofasio//Fasso//Faxio//Fasso/f.Fasio – დღევანდელი ფოთი და მდინარე რიონი, Paliastomo//Paliastama – პალიასტომის ტბა, San Giorgio - გრიგოლეთი, Vati//Lovati -- ბათუმი და Gonea - დღევანდელი გონიოს ციხე-სიმაგრე.⁷⁵²

XIII-XV საუკუნეების საზღვაო რუკებს პორტოლანებსაც ეძახდნენ, რადგან მათ, როგორც წესი, აღწერილობებიც ახლდათ. ერთ-ერთ ასეთ პორტოლანად უნდა ჩაითვალოს ესპანელი ფრანცისკელი ბერის მიერ 1350-1366 წლებში შედგენილი “ცოდნის წიგნი” მსოფლიოს სამფლობელოების, თითოეული ქვეყნის, მათ მეფეთა და მბრძანებელთა შესახებ. ვინაიდან ეს თხზულება ქართულად თარგმნილი არ არის, მოვიყვანთ ამონარიდს, რომელიც აფხაზეთს და მის მომიჯნავე ჩრდილო-აღმოსავლეთ შავიზღვისპირეთს შეეხება: “შემდეგ მე მივალწიე გოთების კონცხს (იგულისხმება ყირიმის სამხრეთი სანაპირო – ავტ.), რომელიც მდებარეობს დიდ (შავი – ავტ.) ზღვასა და ტანას (აზოვის – ავტ.) ზღვას შორის. კონცხი ესაზღვრება ორ ძალზე ვრცელ პროვინციას, დავით მეფის ქვეყანას და ანოგაზიას (Anogasia)... აქედან მე გადავედი ტანას ზღვაზე, - ვკითხულობთ ამ პორტოლანში, - სრუტით გოთების კონცხსა და ტუსის კონცხს შორის (იგულისხმება ქერჩის სრუტე – ავტ.), სადაც არის ქალაქი, რომელსაც ეწოდება მატრეგა (ტამანი – ავტ.)... მე გაუყევი დიდი ზღვის აღმოსავლეთ სანაპიროს, გავიარე რა დიდი მანძილი რია სახსიასა და პესონტას (ბიჭვინთას – ავტ.) შორის... და მივედი სავასტოპოლის (Sant Estapoly) სამეფოში. მეფის დროშაზე გამოსატულია ვერცხლის მარჯვენა”⁷⁵³. ამ “სამეფოში” ოდიშის საერისთავო იგულისხმება, “ვერცხლის მარჯვენაში” მარჯვენა ხელის მტევანი, რომელიც საზღვაო რუკებზე⁷⁵⁴ დღევანდელი სოხუმის თავზე გამოსატულ ხუთჯვრიან რუკებზე გვხვდება. “ცოდნის წიგნი” მოხსენიებული “ანოგაზია” დამახინჯებული “ავოგაზია” უნდა იყოს. მის მიხედვით, ეს მხარე ყირიმის მიდამოებში მდებარეობდა.

XIII-XV საუკუნეებში შავ ზღვაზე ვაჭრობაში ყველაზე უფრო იტალიელები აქტიურობდნენ. მათ შორის თავდაპირველად ვენეციელები გამოირჩეოდნენ. შემდეგ კი პირველობა გენუელთა ხელში გადავიდა.

XIII-XV საუკუნეებში ვენეციელების საქართველოსთან ვაჭრობის შესახებ ძალზე ცოტა რამაა ცნობილი, რაც ვენეციელთა საზღვაო ვაჭრობის თავისებურებით აიხსნება. ვენეციაში ხელისუფლება აქტიურად ერეოდა ქვეყნის ეკონომიკურ ცხოვრებაში, ამიტომ XIII-XV საუკუნეებში უშუალოდ ვენეციიდან შავ და აზოვის ზღვებზე მხოლოდ სახელმწიფო გალერები დაცურავდნენ, რომლებსაც ღუზის ჩაშვების უფლება მხოლოდ ტანასა და ტრაპიზონის ნავსადგურებში ჰქონდათ⁷⁵⁵. ამ ქალაქებში ვენეციელებს სავაჭრო ფაქტორიები ჰქონდათ. 1319 წელს მათ ტრაპიზონში, ხოლო 1333 წელს კი ტანაში, ფაქტორიების გახსნის უფლება მიიღეს.⁷⁵⁶ მკაცრი აკრძალვის მიუხედავად ვენეციელთა გალერები დროდადრო შავი ზღვის სხვა ნავსადგურებში, მათ შორის ცხუმში შედიოდნენ.

ქართველები უშუალო სავაჭრო ურთერთობას ძირითადად კონსტანტინოპოლში მცხოვრებ ვენეციელ ვაჭრებთან ამყარებდნენ. ასე, მაგალითად, 1437 წლის აგვისტოში ვენეციელმა ვაჭარმა შეიძინა გიორგი მეგრელის მიერ სავასტოპოლიდან (ცხუმიდან) სპეციალური ტარით კონსტანტინოპოლში ჩატანილი 157კგ. ცვილი, რომლისათვის მას

752 . . .

. . IX. . . , 1875, გვ. 410-432;

; . . x . . . დასახ. ნაშრომი, გვ. 820-838; . . დასახ.

ნაშრომი, გვ. 22-29.

753 . . . Мореплавание..., გვ. 46.

754 . . . Дж. Гамахария, Б. Гогия. დასახ. ნაშრომი, გვ.828-829.

755 . . . , გვ. 48-59.

756 . . . აღიერ ლ. ლიბერო დეი ცონტი დი იაცცნ ო აღიერ (ჩონსტანტინოპოლი 1436-1440), ტესტო ა ცურა დი ერინი ე.თ. ვრტელე(II მუოვო ღამუსე , III). ღომა,1956, გვ. 59.

23,25 პერპერა გადაუხადეს. ორი დღის შემდეგ ამავე ვაჭარმა დიდი რაოდენობის ცვილი სავასტოპოლიდან ჩასული იტალიელი ვაჭრისგან შეიძინა.⁷⁵⁷

XIII საუკუნის 60-იან წლებიდან შავ ზღვაზე ვაჭრობაში პირველობა გენუის ხელში გადადის. 1267 წელს გენუამ ბიზანტიის კეისრისგან კონსტანტინოპოლის გარეუბანში პერაში(გალათაში) სავაჭრო ფაქტორიის დაარსების უფლება მიიღო. მალე გენუელები ქალაქ სოლდაიაში (დღევანდელი სუდაკი) დასახლდნენ. 1270-1275 წლებში მათ დღევანდელი ფეოდოსიის ადგილას (ყირიმში) - კაფაში ახალშენი დაარსეს, რომელიც მოკლე ხანში ვაჭრობის მსოფლიო ცენტრად გადაიქცა. მომდევნო ნახევარი საუკუნის მანძილზე მთელი შავიზღვისპირეთი გენუელების სავაჭრო ფაქტორიებით დაიფარა. მათი ხომალდები კასპიის ზღვაზეც დაცურავდნენ. გენუელთა სავაჭრო ფაქტორია დაახლოებით შვიდი ათეული წლის მანძილზე ირანის ილხანთა სახელმწიფოს დედაქალაქში თავრიზშიც არსებობდა, დიდი სავაჭრო ინტერესები საქართველოს ზღვისპირეთშიც ჰქონდათ.

XIII-XV საუკუნეების საქართველო-გენუის სავაჭრო ურთიერთობით და საქართველოს ზღვისპირეთში გენუელთა ფაქტორიებით მრავალი ისტორიკოსი დაინტერესდა. ისტორიკოსებს პირველ რიგში ასეთი ფაქტორიების არსებობა აფხაზეთის თანამედროვე ტერიტორიაზე აინტერესებდათ. მათი აზრით, დღევანდელ აფხაზეთში XIV-XV საუკუნეებში გენუელებს სულ ცოტა ათი სავაჭრო ფაქტორია ჰქონდათ.⁷⁵⁸ ამ მოსაზრების ავტორები ძირითადად XIV-XV საუკუნეების საზღვაო რუკებს ეყრდნობიან. მათ ასეთ ფაქტორიად ყველა ის დასახელებული პუნქტი მიაჩნიათ, რომლებიც ამ რუკებზე ენგურ-ფსოუს მონაკვეთზეა დატანილი. ზოგიერთი ავტორი კიდევ უფრო შორს მიდის და გენუელთა სავაჭრო ფაქტორიად მიიჩნევს ისეთ გეოგრაფიულ პუნქტებს, რომელთა სახელწოდებებს "იტალიური ქედრადობა გააჩნიათ." ასე, მაგალითად, კ. კუდრიავცევიმა ასეთი "ქედრადობის" გამო გენუელთა სავაჭრო ფაქტორიად მიიჩნია "ოლაგუანე" მაშინ, როდესაც ეს ტოპონიმი სიტყვასიტყვით „საქვევრეს“, „ქვევრების ადგილს“-მარანს ნიშნავს. იგივე ავტორი ა. ფადეევთან ერთად გენუელთა კიდევ ერთ სავაჭრო ფაქტორიას "სანტანჯელოს" ასახელებს, რომელიც თითქოს მდ. ენგურის მარჯვენა ნაპირზე, მაღალ მთაზე მდებარეობდა. სინამდვილეში ამ ადგილის სახელწოდებას - "სათანჯოს" და იქ მდგარ VIII-X საუკუნეების ციხე-დარბაზს გენუელებთან საერთო არაფერი აქვს. უნდა ითქვას, რომ მსგავს მოსაზრებათა მიზეზს შავიზღვისპირეთში გენუელთა სავაჭრო ფაქტორიების მოწყობის პრინციპების არცოდნა წარმოადგენს.

შავიზღვისპირეთის გენუელთა სავაჭრო ფაქტორიებს ადგილობრივ ხელისუფლებასთან სხვადასხვა დამოკიდებულება ჰქონდათ. საერთო იყო ის, რომ ფაქტორიის არსებობა გენუელებისთვის აუცილებლად თვითმართველობას გულისხმობდა. ასეთი თვითმართველობა საკუთარ ეკლესიას და სასაფლაოს გულისხმობდა.

XIV-XV სს-ში გენუელები ბათუმსა და ფოთში ცხოვრობდნენ. ისინი ამ ქალაქებში თვითმართველობით არ სარგებლობდნენ და შესაბამისად არც ფაქტორია გააჩნდათ. საქართველოს ზღვისპირეთში ამ საუკუნეებში თვითმართველობა გენუელებს მხოლოდ ცხუმში ჰქონდათ, სადაც საქართველოს ზღვისპირეთში მათი ერთადერთი ფაქტორია იყო.

ცხუმში, იგივე სავასტოპოლში გენუელები პირველად 1280 წელს არიან დამოწმებული. ამ წელს სოხუმში ერთმა იტალიელმა მეორისაგან სავაჭრო ხომალდი „Mugetto“ („შროშანა“) იყიდა. მისი ყიდვა-გაყიდვის აქტი ადგილზე იტალიელმა ნოტარიუსმა დაამტკიცა. 1289 წელს ეს ხომალდი ხელახლა გაიყიდა და ამ ახალმა

⁷⁵⁷ . იქვე, გვ. 188.

⁷⁵⁸ .

ცომბერცე დე ლა მერ ლორე, ეტ დე ცოლონიეს გენოისეს . . . , 1837, გვ. 37; რომანდიე ისტორიე დე . . . , 1847 გვ. 123-127; . . .

. - M

, . IV. „ 1894 , გვ. 125-127; . . .

XIII XV . -

, 1938, 3; . . .

... გვ. 23-24; . . .

. - H

1989; ელ. მამისთვლიშვილი. ოდიშის ისტორიიდან. - თბილისის უნივერსიტეტის შრომები, 1992, № 320, გვ. 52-59; ზ. პაპასკირი. ნარკვევები..., I, გვ. 80-81; . . . , გვ. 134-139; . . . K . . . , გვ. 116.

ყიღვა-გაყიღვის აქტმა შემოგინახა ცნობა „შრომანის“ ადრე სოხუმში გაყიღვის შესახებ.⁷⁵⁹

ზემოთ მოყვანილი იყო იმ წერილის ტექსტი, რომელიც სავასტოპოლის კათოლიკე ეპისკოპოსმა 1330 წელს ინგლისში გააგზავნა. წერილში ეპისკოპოსი თავის ინგლისელ თანამოძმეებს იმ წინააღმდეგობის შესახებ აცნობებდა, რომელსაც სავასტოპოლის ადგილობრივი მოსახლეობა ამ ქალაქში კათოლიკეთა სასაფლაოს გახსნას უწევდა. უეჭველია, რომ ამ შემთხვევაში საკუთრივ აღმსარებლობის საკითხი ყველაზე ნაკლებ როლს თამაშობდა. ადგილობრივმა ვაჭრებმა კარგად იცოდნენ, რომ სასაფლაოსათვის მიწის გამოყოფა და შესაბამისად ეკლესიის აშენების უფლება გენუელებისთვის ცხუმში ფაქტორიის გახსნის უფლების გზაზე პირველ ნაბიჯს წარმოადგენდა. ეს კი ადგილობრივ ვაჭრებს ძალზე აშინებდა.

ქართულ საისტორიო წყაროებში XII-XV სს-ში საქართველო-გენუის ურთიერთობების შესახებ რამე ცნობა არ გვხვდება. ეს კი იმას მოწმობს, რომ ამ ორ სახელმწიფოს შორის საომარი შეტაკებები არ მომხდარა. საქართველოს შედარებითი სამხედრო ძლიერების გამო გენუელები ფაქტორიის გახსნის უფლებას მოლაპარაკების გზით ცდილობდნენ. საფიქრებელია, რომ ამ მიზნით საქართველოში გენუელთა არაერთი დელეგაცია ჩამოვიდა. იტალიური საისტორიო ტრადიციის მიხედვით, გენუელებმა სოხუმში სავაჭრო ფაქტორია ადგილობრივი ხელისუფლების (იგულისხმება ოდიშის ერისთავთერისთავი) თანხმობით მიიღეს⁷⁶⁰. საფიქრებელია, რომ ასეთი თანხმობის გაცემის წინ ერისთავთერისთავმა სათანადო ნებართვა საქართველოს მეფისგან გამოითხოვა. საქართველოში სავაჭრო ფაქტორიის გახსნის უფლება გენუელებმა 1354 წელს მიიღეს. თანხმობის მიღებაში დიდი როლი საერთაშორისო ასპარეზზე გენუის წარმატებამ ითამაშა. 1354 წელს საზღვაო ბრძოლაში გენუელებმა თითქმის მთლიანად გაანადგურეს თავიანთი მუდმივი მეტოქის, ვენეციის ფლოტი. საქართველოს ხელისუფლებამ ასეთ ვითარებაში გენუელთა მორიგი თხოვნა, სამართლიანად ჩათვალა” და მათ სოხუმში სავაჭრო ფაქტორიის გახსნის უფლება მისცა. ამ ფაქტორიის პირველ კონსულად ამბროჯიო დი პიეტრო დაინიშნა⁷⁶¹.

სევასტოპოლის კათოლიკური საეპისკოპოსო სულთანის არქივისეპისკოპოსის ნაცვლად ბოსფორის არქივისეპისკოპოსს დაემორჩილა, რომლის რეზიდენცია კაფაში იყო. პეტრუს გერალდის შემდეგ სევასტოპოლის კიდევ ხუთი ეპისკოპოსია ცნობილი: რობერტ ჰინტელსხამი, ბერტოლდ ვოლი, ნიკოლოზ პასეკი, ჟან პოლ ფრანცისკანელი და ჟან გეორგ და რეჯობუსი. ეს უკანასკნელი სევასტოპოლის ფაქტორიის მოშლის შემდეგ იტალიაში ცხოვრობდა⁷⁶².

გენუელებს სავაჭრო ფაქტორიისათვის სოხუმში შემთხვევით არ აურჩევიათ. ანტიკურ ხანასა და შუა საუკუნეებში ის საქართველოს შავიზღვისპირეთში ერთადერთი ადგილი იყო, სადაც საგანგებოდ მოწყობილ არხებში სანაოსნო სეზონის დამთავრების შემდეგ ნაპირზე ამოუთრეველად გემების გაჩერება შეიძლებოდა⁷⁶³.

1290 წლიდან გენუა თავის სავაჭრო ფაქტორიებს შავიზღვისპირეთში კონსტანტინოპოლის გარეუბანში მდებარე პერას (გალათას) პოდესტას მეშვეობით მართავდა. 1314 წელს გენუის შავიზღვისპირეთის სავაჭრო ფაქტორიების მართვის მიზნით ქალაქ-სახელმწიფოს ხელისუფლებამ საგანგებო დაწესებულება შექმნა, რომელსაც 1341 წლიდან „ოფიციუმ გაზარია“ ეწოდა. 1354 წელს დაარსებული სევასტოპოლის გენუელთა სავაჭრო ფაქტორია ამ უწყებას დაექვემდებარა. 1398 წლიდან „ოფიციუმ გაზარია“ შავიზღვისპირეთის სავაჭრო ფაქტორიებს კაფას კონსულის მეშვეობით მართავდა. კონსტანტინოპოლის დაცემის შემდეგ, 1453 წლის 17 ნოემბერს, გენუის ხელისუფლებამ შავიზღვისპირეთის სავაჭრო ფაქტორიები გენუის კერძო, წმინდა გიორგის ბანკს” გადასცა. ამ ბანკს რვა „პროტექტორი“ განაგებდა, რომლებსაც ერთი წლის ვადით ირჩევდნენ. შავიზღვისპირეთის გენუის ფაქტორიების კონსულებს 24

⁷⁵⁹ . ცტეს დეს ნოტაირეს ენოს დე ერა ეტ დე ჩაფ დე ლა ფინ დუ XIII ე სიეცლე, ედ. . რატიანუ, უცარესტ. 1927, გვ. 177.

⁷⁶⁰ ე., გვ. 99.

⁷⁶¹ . ჭ. ევდ, ისტორიე დუ ჩომმერცე დე ევანტ აუ ოყენ- გე, ტ. I, ეიპზიგ, 1923, გვ. 192.

⁷⁶² . ჟ. დიკპარდ ა პანტე ეტ ლეს მისსიონს დ' ორიენტ აუ მოყენ აგე, XIII-XV ე ს. ღომა, 1977, გვ. 185.

⁷⁶³ , გვ. 22.

კაცისაგან შემდგარი საგანგებო კომიტეტი ირჩევდა, შემდეგ კი მათ პროტექტორები ამტკიცებდნენ. 1456 წლიდან გენუიდან კონსულების შავიზღვისპირეთში გამოგზავნა შეწყდა. ყველა მათგანს, მათ შორის სავასტოპოლის კონსულს კაფას კონსული ნიშნავდა⁷⁶⁴.

XIV-XV სს-ში გენუელთა სავაჭრო ფაქტორიას ცხუმში ნავსადგურის პირას პატარა უბანი ეჭირა. ფაქტორიის სათავეში კონსული იდგა. თავდაპირველად საკონსულოს ადმინისტრაცია კონსულისაგან, ნოტარიუსისა და სასამართლოს მდივნისაგან შედგებოდა. ადმინისტრაცია გასამრჯელოს კაფადან იღებდა. კაფას ხელისუფლება იხდიდა იმ სახლის ქირასაც, რომელშიც კონსული ცხოვრობდა. შემდეგში სავასტოპოლის ფაქტორიის ადმინისტრაციის შემადგენლობა და მისი დაფინანსების წესი შეიცვალა. 1449 წლის კაფას წესდების მიხედვით სავასტოპოლის კონსული თავის სასარგებლოდ ამ ქალაქში გენუელების ექსპორტის და იმპორტის ღირებულების 1%-ს კრებდა. კონსული შემოსული თანხით ფაქტორიის ნოტარიუსს, ანუ მდივანს, თარჯიმანს და შიკრიკს ინახავდა⁷⁶⁵. სასამართლო, რომელსაც კონსული თავმჯდომარეობდა, გენუის კანონების საფუძველზე გენუელებს შორის დავას წყვეტდა.

1456 წლამდე სავასტოპოლის კონსული ერთი წლით გენუაში ინიშნებოდა. ის ცხუმში კაფას გავლით ჩადიოდა. კონსულს გენუიდან თან მოჰქონდა საგანგებო „პატენტი“, რომელიც მის რწმუნებებს – უფლება-მოვალეობას ადასტურებდა. გენუის არქივში რამდენიმე ასეთი პატენტია შემორჩენილი. 1455 წელს გენუის წმ. გიორგის ბანკის პროტექტორებმა სავასტოპოლის კონსულად ამბროჯიო დე პოცო დანიშნეს და მის სახელზე პატენტი გასცეს. „პროტექტორები საღამს გითვლიან პატივცემულ და ღირსეულ ბატონებს, ქალაქ კაფას კონსულს, ხაზინადრებს და ზარაფხანის მოხელეებს, აგრეთვე გენუის კონსულს სავასტოპოლში, გენუელთა ქონების მფლობელებს ამ ქალაქში, მათ, ვინც ჩადის, ან ჩავა ამ ქალაქში, – ვკითხულობთ პატენტში, – რადგან ჩვენ ავირჩიეთ და დავამტკიცეთ სავასტოპოლში გენუელთა და გენუელთა ქონების მფლობელთა, აგრეთვე ჩასულ მოვაჭრეთა და მომავალში ვინც ჩავა და ივაჭრებს ამ ქალაქში, კეთილგონიერი ვაჟკაცი, გენუის მოქალაქე ამბროჯიო დე პოცო, სრული ხელისუფლებით, უფლება-მოსილებით, გასამრჯელოთი, პატივით და შემოსავლით, რომელიც ეკუთვნის ამ თანამდებობას, ერთი წლით ან კიდევ მეტ-ნაკლები დროით ჩვენი ნების შესაბამისად... ჩვენ გამოვავზავნეთ თქვენთან ხსენებული ამბროჯიო გენუელთა კონსულად სავასტოპოლში, რათა თქვენ მიიღოთ ის და ეპყრობოდეთ მას კეთილგანწყობით და აღურსით, როგორც საჭიროა და დაემორჩილოთ მას ყველაფერში, ისევე როგორც ჩვენ, რაც შეესაბამება მის თანამდებობას. რადგან ჩვენ წინასწარ ვიწონებთ ყველა მის გამოტანილ განაჩენს, გადაწყვეტილებას და დადგენილებას, რომელიც შედის მის კომპეტენციაში, თუ ამას კონსული ამბროჯიო გამოიტანს თანამდებობის შესაბამისად და ჩვენი სახელით იმოქმედებს კანონიერად. ამიერიდან გავალებთ თქვენ, რომ დათქმულ დროს გადაუხადოთ კონსულ ამბროჯიოს შესაბამისი გადასახადი და გამოსაღები“⁷⁶⁶.

XIV ს-ში გენუელები სავასტოპოლის ფაქტორიაში გენუის ქალაქ-სახელმწიფოს სასარგებლოდ ბაჟის სახით შემოტანილი და გატანილი საქონლის ღირებულების 0,5%-ს იხდიდნენ. XV ს-ში ასეთი ბაჟი ორჯერ გაიზარდა. ბაჟის აკრების უფლება ერთი ან რამდენიმე წლით საგანგებო აუქციონზე იყიდებოდა.

ცხუმში გენუელთა სავაჭრო ფაქტორია, როგორც ითქვა, საქართველოს ხელისუფლების ნებართვით არსებობდა. XIV ს-ის 70-იანი წლების დასაწყისში საქართველოსა და გენუას შორის ურთიერთობა დაიძაბა. 1373წ. გენუელებს ქ. კაფადან საქართველოში საგანგებო ელჩობის გამოგზავნა დასჭირდათ, რომ სავასტოპოლის ფაქტორია შეენარჩუნებინათ.

⁷⁶⁴ . . ალარდ, ა დომანიე გენოისე, ვოლ I-II. დომა, 1978, გვ. 142; ჭ. ევდ. ისტორიე დუ ცომმერსე, I, გვ. 142-143; ჭ. ევდ. ისტორიე...II, გვ. 385.

⁷⁶⁵ . . ალარდ, ა დომანიე... გვ. 141.

⁷⁶⁶ . ჩოდიცევი დიპლომატცო დელლე ცოლონიე თაურო- იგური დურანტე და სიგნორია დელლე უფფიციო დი ს. იორგიო, ედ . ვიგნა , პარტე I, შ შ , VI, 1868, გვ. 266.

გენუელებისთვის განსაკუთრებული მნიშვნელობა ოდიშის ერისთავთერისთავთან ურთიერთობას ჰქონდა, რომლის სამფლობელოშიც ცხუმში შედიოდა. 1438 წელს გენუის ხელისუფლება შეეცადა თავის სასარგებლოდ ბაჟის აკრება გენუელებთან მოვაჭრე ადგილობრივ ვაჭრებზეც გაეგრძელებინა. გენუის ხელისუფლების ამ გადაწყვეტილებას ოდიშის ერისთავმა ვეტო დაადო. ამის შემდეგ გენუელებს ამ ბაჟის აკრება აღარ უცდიათ.

სავასტოპოლის ფაქტორიაში გენუის სახელმწიფოს სასარგებლოდ ცალკეულ წლებში აკრებილი თანხის რაოდენობა, რომლის შესახებ ცნობები შემოგვრჩა, საშუალებას იძლევა, წარმოგვჩვენოს ვიქონიოთ ცხუმის გენუელთა ფაქტორიის სავაჭრო ბრუნვის შესახებ. ასე, მაგალითად, 1373 წელს ის 12 ათას სომს, ანუ 2628 კგ. ვერცხლს შეადგენდა. XV ს-ში სავასტოპოლის ფაქტორიის სავაჭრო ბრუნვის მოცულობა ორჯერ და ზოგიერთ წლებში სამჯერ გაიზარდა⁷⁶⁷.

შავიზღვისპირეთში გენუელთა სავაჭრო ფაქტორიებს საკუთარი ფულის მოჭრის უფლება არ ჰქონდათ. მხოლოდ 1440-იან წლებში კაფას სავაჭრო კოლონიამ საკუთარი მონეტის მოჭრის ნებართვა მიიღო. ამის გამო XIII-XV სს-ში შავიზღვისპირეთში ყოველგვარი ეკონომიკური საქმიანობა ოქროს ურდოსა და ტრაპიზონის იმპერიის ვერცხლის მონეტების ბრუნვას ემყარებოდა. იტალიურ დოკუმენტებში ოქროს ურდოს მონეტას „ასპრა ბარიკატა“, ხოლო ტრაპიზონის მონეტას „ასპრა კომინატა“ ეწოდებოდა. ხმარებაში იყო აგრეთვე 216 გრამის ვერცხლის ზოდები, რომელებიც იტალიურად „სომი“ ეწოდებოდა⁷⁶⁸.

საქართველოში ტრაპიზონულ „ასპრას“ „კირმანეულ თეთრს“ უწოდებდნენ. ეს სახელწოდება ტრაპიზონული „ასპრა კირმანეულატა“-დან მოდის, რომელიც სიტყვა-სიტყვით კირ მანუელის ვერცხლის მონეტას ანუ თეთრს ნიშნავს. „კირ მანუელი“ ტრაპიზონის იმპერატორი იყო, რომლის დროსაც პირველად მოიჭრა ასეთი ტიპის მონეტა. XIII-XV სს-ში დასავლეთ საქართველოში ტრაპიზონის მონეტის მინაბადი იჭრებოდა, რომელსაც ქართველები ასევე „კირმანეულ თეთრს“ ეძახდნენ. ოდიშის ერისთავთერისთავი საქართველოს მეფის ნებართვით ცხუმში ასევე ვერცხლის მონეტას ჭრიდა, რომელსაც საქართველოში „ცხუმური თეთრი“ ეწოდებოდა. გენუელები ამ მონეტას „სავასტოპოლის ასპრას“ ეძახდნენ. კაფას დოკუმენტებში 1386 წელს მოხსენიებულია „სავასტოპოლის ასპრა“, იგივე „ცხუმური თეთრი“, რომელიც, როგორც ირკვევა, უფრო მეტ ვერცხლს შეიცავდა, ვიდრე ამ წლის ოქროს ურდოს ვერცხლის ფული. 1927 წელს სოხუმში აღმოჩნდა მონეტების დიდი განძი, რომლის დიდი ნაწილი მალე დაიკარგა. შემორჩა მხოლოდ კირმანეულის ტიპის ვერცხლის რამდენიმე მონეტა. ერთ-ერთი მათგანის შუბლზე მოთავსებული იყო შებრუნებული ქართული ზედწერილი „ვამეყ“. ეჭვგარეშეა, რომ ეს იყო ნიმუში, რომელიც სხვა ამგვარი მონეტების მოჭრისათვის გამოიყენებოდა. ასე რომ XIII-XV სს-ში ცხუმში ზარაფხანა არსებობდა. ზედწერილში მოხსენიებული „ვამეყ“ არის ოდიშის ერისთავთერისთავი ვამეყ I დადიანი, ხოლო თვით ეს მონეტა არის „ცხუმური თეთრის“ დღემდე შემორჩენილი ერთადერთი ეგზემპლარი.

„ცხუმური თეთრი“ ცხუმის ზარაფხანაში იჭრებოდა. ამ ფულის მოჭრას ისეთივე მიზანი ჰქონდა, რაც „კირმანეულის“ ემისიას: ამით საქართველოს ხელისუფლება ცდილობდა, თავისი ქვეშევრდომი ვაჭრებისთვის შავიზღვისპირეთში ვაჭრობა გაეადვილებინა. ამ ორ მონეტას შორის განსხვავება მხოლოდ ის იყო, რომ კირმანეულს სამეფო ხელისუფლება ჭრიდა, ხოლო ცხუმურ თეთრს, ამ ხელისუფლების ნებართვით, ოდიშის ერისთავი.⁷⁶⁹

XVს-ის 60-იანი წლების დასაწყისში ცხუმში და საერთოდ მთელ შავიზღვისპირეთში ურთიერთობა ოდიშის ერისთავთერისთავსა და გენუელებს შორის ძალზე დაიძაბა, რის შესახებაც კაფას ხელისუფლებამ გენუაში, „წმ. გიორგის ბანკის“ პროტექტორებს

⁷⁶⁷ გვ. 100-101.

⁷⁶⁸ ალარდ, ა ლომანიე, გვ. 658-668;

. VIII. 1878, გვ. 53-155.

⁷⁶⁹ . დ. კაპანაძე, ქართული ნუმიზმატიკა. თბ., 1969, გვ. 174; ანგ, შტუდიეს ინ ტჰე ნუმიზმატიც ჰისტორიკ ოფ ეორგია ინ თრანსკავკასია, ეწ- ორკ, 1955, გვ. 87; ალარდ, ა ლომანიე, გვ. 608; M გვ. 100-112.

აცნობა. ბანკი საქართველოსთან კონფლიქტს ძალზე ერიდებოდა, ამიტომ 1465 წლის მაისში კაფაში გაგზავნილი წერილით პროტექტორებმა კაფის ხელისუფლებას ოდიშის ერისთავთერისთავთან მორიგება მოსთხოვა. „შევისწავლეთ რა ყველაფერი, ჩვენ ვფიქრობთ, რომ, უპირველეს ყოვლისა, თავი უნდა შევიკავოთ მდგომარეობის ყოველგვარი გამწვავებისაგან, რის გამოც კაფას ვაჭრებს შეიძლება საქართველოში ვაჭრობა აეკრძალოს... რათა მშვიდობა, რომელიც ქალაქს აქვს, არ დაირღვეს, ჩვენი ვალია, ვიმოქმედოთ ფრთხილად და არა გამომწვევად. თქვენ კარგად უნდა შეისწავლოთ ვითარება, მაგრამ არ უნდა მოკიდოთ ხელი იარაღს, არ უნდა წააქეზოთ გენუელები, რადგან შეიძლება მოხდეს ისეთი რამ, რაც გააფუჭებს სამეგრელოსთან ვაჭრობის საქმეს... უფრო სასარგებლოა, წერილები გააგზავნოთ, დარწმუნებით და შეთანხმებით იმოქმედოთ... გენუელებისათვის იარაღისა და ძალის გამოყენების ნებას ჩვენ არ გაძლევთ და კიდევაც გიკრძალავთ, მაგრამ ეს აკრძალვა უნდა დარჩეს საიდუმლოდ“⁷⁷⁰. ამ ინსტრუქციის შესაბამისად, კაფას ადმინისტრაციამ სამეგრელოს მთავართან კონფლიქტი მშვიდობიანად მოაგვარა. ეს ირკვევა „წმ. გიორგის ბანკის“ პროტექტორების სხვა ინსტრუქციიდან, რომელიც 1475 წლის 4 დეკემბერს კაფაში გაიგზავნა: „თქვენ კარგად მოაგვარეთ საქმე ბენდიანთან, სამეგრელოს მფლობელთან, მაგრამ თუ ამისთვის ხარჯები იყო საჭირო, ჩვენ მოვითხოვთ ამ ხარჯების დაფარვას წილგროვებით, ან კიდევ იმათზე განაწილებას, რომლებიც ჩავლენ და ივაჭრებენ მის სამფლობელოში“⁷⁷¹.

გენუელებსა და ქართველებს შორის გაუგებრობა შემდგომ წლებშიც გრძელდებოდა. კაფას ხელისუფლებამ გენუელებისთვის საქართველოში მიყენებული ზარალი კაფაში ქართველ ვაჭრებზე საგანგებო გადასახადის შემოღების გზით ამოიღო და ოდიშის საერისთავოში, რომელშიც ცხუმი შედიოდა, ელჩობა გააგზავნა. ამას მოწმობს 1472 წლის ივნისში ბანკის პროტექტორების სახელით კაფაში გაგზავნილი ინსტრუქცია: „ასევე ვიწონებთ, რომ თქვენ მოაგვარეთ საკითხი ზარალის შესახებ, რომელიც მიაყენეს ჩვენებს ქართველებმა, საქართველოს საქონელზე გადასახადის დადების გზით და არა კონფისკაციით, რომელიც იწვევს დიდ შუღლს. ეს შეეხება აგრეთვე ელჩის გაგზავნას ბატონ ბენდიანოს შვილთან. ეცადეთ, მოაგვაროთ მასთან და სხვებთან ეს საქმე და არ მიიყვანოთ იგი კონფლიქტამდე, თუ ამას არ მოითხოვს აუცილებლობა“⁷⁷².

იტალიური დოკუმენტების “ბენდიანო” ნამდვილად არის ლიპარიტ I დადიანი, ხოლო მისი “შვილი” ამ დადიანის ძე შამადავლე დადიანი, რომელიც მამასთან ერთად მართავდა სამეგრელოს.

სამეგრელოს (ოდიშის) მთავრის კარზე ელჩის გაგზავნა გამოწვეული იყო გენუელების შევიწროებით სოხუმში. საფიქრებელია, რომ მათ ბაჟი გაუდიდეს და შეიძლება თვითმმართველობის წართმევასაც აპირებდნენ. კაფას ელჩს თავისი მისია წარმატებით შეუსრულებია, რის შესახებ ცნობას გენუამდე მიუღწევია. ეს კარგად ჩანს წმინდა გიორგის ბანკის 1472წ. 15 დეკემბრის ინსტრუქციიდან: “...ჩვენ აგრეთვე კმაყოფილნი ვართ, რომ თქვენ იმედი გაქვთ დადებით ზავს ბატონ ბენდიანთან, სამეგრელოს მფლობელთან”. კაფას კომუნასა და სამეგრელოს სამთავროს შორის მოსალოდნელი საზავო ხელშეკრულების მუხლები ძირითადად სებასტოპოლის ფაქტორიას შეეხებოდა, რომელიც ამ დროისათვის ჯერ კიდევ არსებობდა. ამ ფაქტორიის დღეისათვის ცნობილი უკანასკნელი კონსულია ქრისტოფორო დე კანევალე, რომელიც 1473წ. იყო სოხუმში ამ თანამდებობაზე.

1475 წელს ოსმალებმა კაფა და ყირიმის გენუელთა ყველა ფაქტორია დაიკავეს. საფიქრებელია, რომ ამავე წელს გენუელებმა თვითმმართველობა ცხუმიშიც დაკარგეს. ასე რომ გენუელთა სავაჭრო ფაქტორიამ სამეგრელოს სამთავროში შემაგალ ქართულ ქალაქ ცხუმიში - სევასტოპოლში//სავასტოპოლში 121 წელი იარსება.

⁷⁷⁰ . ჩოდიცე დიპლომატიკო დელლე ცოლონიე თაურო- იგური დურანტე ლა სიგნორია დელლე უფფიცო დი შ. იორგიო, . ვიგნა, პარტე II, შ შ, VII, 1871, გვ. 338-339.

⁷⁷¹ . იქვე, გვ. 534.

⁷⁷² . იქვე, გვ. 873-874.

თავი VIII. თანამედროვე აფხაზეთის ტერიტორია XVI საუკუნეში

XVI საუკუნეს საქართველო სამ სამეფოდ და ერთ სამთავროდ დაშლილი შეხვდა. ერთიანი ქართული სახელმწიფოს დაშლის შემდეგ დასავლეთ საქართველო, მათ შორის დღევანდელი აფხაზეთის ტერიტორია, იმერეთის სამეფოში გაერთიანდა. XVII-ის დასაწყისში იმერეთის მეფე უშუალოდ საკუთრივ იმერეთის, რაჭა-ლეჩხუმის და სვანეთის დიდ ნაწილს განაგებდა. საქართველოს შავიზღვისპირეთში ნახევრად დამოუკიდებელი გურიისა და ოდიშის სამთავროები, აგრეთვე აფხაზეთის საერისთავო მდებარეობდნენ.

XVII-ის დასაწყისში თანამედროვე აფხაზეთის სამხრეთ-აღმოსავლეთი ნაწილი „ანაკოფის მდინარემდე“, ისევე როგორც XIV-XV სს. ოდიშის სამთავროში შედიოდა. „ცხოშის დასავლით არს ანაკოფია და მდინარე მისი მცირე, - წერს ვახუშტი ბაგრატიონი – გამომდინარე კავკასისა და მომრთველი ზღვსა ეგრეთვე ჩდილოდამ“⁷⁷³. ანაკოფის მცირე მდინარეს დღეს ფსირცხა ეწოდება. ის სათავეს კავკასიონის მთავარი ქედის განშტოება ხიმსის მთიდან იღებს. მდინარეს მარჯვენა მხარეს თითქმის ზღვამდე პატარა ქედი - „ანაკოფის მცირე მთა, კავკასილამ ჩამოსული“⁷⁷⁴ მიუყვება. როგორც ქვემოთ ვნახავთ, ვახუშტის მიხედვით, სასაზღვრო ხაზი იყო ოდიშსა და აფხაზეთს შორის.

მდინარე ფსირცხის მარჯვენა ნაპირის გამყოფი ქედი ოდიშისა და აფხაზეთის საზღვრად XVI საუკუნის 20-30-იან წლებში თურქი მზვერავის პატაკშიც გვხვდება. „...იმერეთის ქვევით არის გურია, რომელიც ტრაპიზონს ესაზღვრება. იმის იქით სოხუმამდე დადიანის ქვეყანაა (იგულისხმება ოდიში – ავტ.), იგი ძველ დროში ნავსადგური ყოფილა. მასთან იალბუზის (კავკასიონის მთავარი ქედის) მთის კალთა ეშვება, - წერს იგი, - იმის იქით არის აფხაზეთის (აბაზას) ქვეყნები“⁷⁷⁵.

თურქი მზვერავისგან განსხვავებით, გერმანელ დიპლომატ ს. გერბერშტაინს აფხაზეთის ადგილმდებარეობაზე განსხვავებული წარმოდგენა ჰქონდა. ის რუსეთს XVI ს-ის დასაწყისში ეწვია და აფხაზეთის შესახებ ცნობები რუსებმა მიაწოდეს: „მოტის ჭაობებთან (აზოვის ზღვასთან – ავტ.) და პონტოსთან (შავ ზღვასთან – ავტ.) მდინარე ყუბანზე, რომელიც ჭაობებს უერთდება, ცხოვრობს აფხაზების (aphgasi) ხალხი... ყუბანის იქით სამეგრელო (Mengrelia) მდებარეობს“⁷⁷⁶.

XVI ს-ის პირველ ნახევარში ცხოში (სოხუმი), რომელიც ოდიშის სამთავროში შედიოდა, აღმოსავლეთ შავიზღვისპირეთის უმნიშვნელოვანეს ქალაქად რჩებოდა. XVI ს-ის შუა წლებში ამ ქალაქიდან ზღვით ყირიმში დიდი რაოდენობით საქართველოში მოყვანილი აბრეშუმის პარკი და საგანგებო ტომრებში დაფასოებული ბრინჯი გაჰქონდათ.⁷⁷⁷

გვიანი შუა საუკუნეების აფხაზეთის ყველაზე სრული და ზუსტი აღწერილობა ვახუშტი ბაგრატიონის თხზულებაში და მის მიერ გამოხატულ რუკათა ატლასებში გვხვდება. ამ თხზულებაში და შესაბამის რუკებზე აფხაზეთი და საერთოდ დასავლეთ საქართველოს პოლიტიკურ-ადმინისტრაციული ერთეულები იმ საზღვრებშია მოცემული, რომელიც მათ XV-XVI სს-ის მიჯნაზე, ერთიანი ქართული სახელმწიფოს დაშლის დროისათვის ეკავათ⁷⁷⁸.

ვახუშტი ბაგრატიონი აფხაზეთს ანაკოფის ჩრდილო-დასავლეთით მდებარე შავიზღვისპირეთის ერთ მონაკვეთს უწოდებს, რომელიც ამ ქალაქიდან „კაპეტის მდინარემდე“ ვრცელდებოდა. „ხოლო საზღვარი აფხაზეთისა არს: აღმოსავლით ანაკოფის

⁷⁷³ . ქართლის ცხოვრება, ტ. IV, გვ. 781.

⁷⁷⁴ . იქვე, გვ. 776.

⁷⁷⁵ . თურქული წყაროები XVI ს. I მეთხედის სამცხე-საათაბაგოს ისტორიისათვის. თურქული დოკუმენტები ქართული თარგმანიურით, გამოკვლევიდა და შენიშვნებით გამოსცა ც. აბულაძემ. თბ., 1983, გვ.57.

⁷⁷⁶ „ 1988, გვ. 181.

⁷⁷⁷ M გვ. 125.

⁷⁷⁸ . თ. ბერაძე. ოდიშის პოლიტიკური... გვ. 171; თ. ბერაძე. ვახუშტი ბაგრატიონი აფხაზეთისა და ჯიქეთის შესახებ. – აფხაზეთის ისტორიის პრობლემები. თბ., 1998, გვ. 103-104.

დასავლეთით მცირე მთა, კავკასიდან ჩამოსული ზღუამდე. – წერს იგი, – დასავლეთ ზღუა და კაპპეტის მდინარე... ჩრდილოთ მზღვრის მთა კავკასი, სამკრით ზღუა შავი“.⁷⁷⁹

ვახუშტი ბაგრატიონის „კაპპეტის მდინარე“ // „კაპპეტის წყალი“ გვიან შუა საუკუნეების ქართულ საისტორიო წყაროებში ზოგჯერ მოიხსენიება როგორც „კაპპეტის წყალი“. ეს არის მდინარე ბზიფი.⁷⁸⁰ ამ მდინარის ჩრდილო-დასავლეთით ჯიქეთი იწებოდა, რომელსაც ვახუშტის მიხედვით, „აღმოსავლეთ კაპპეტის წყალი, დასავლეთ შავი ზღუა, სამკრით იგივე ზღუა, ჩრდილოთ კავკასი“ ესაზღვრება.⁷⁸¹ მდინარე ბზიფი უფრო ზუსტად, ამ მდინარის შესართავში მდებარე კონცხი „კავო დე ბუქსო“ აფხაზეთის და ჯიქეთის საზღვრად მოხსენიებული აქვს გენუელ ჯ. ინტერიანოს. 1551 წლის ჩრდილო-აღმოსავლეთ შავიზღვისპირეთის აღწერილობაში, სადაც ნათქვამია, რომ „ზიხები (ჯიქები) ცხოვრობენ ზღვის (შავი ზღვის)... სამხრეთით შავი ზღვის გასწვრივ ბზის კონცხამდე (Cavo de buxo) და ესაზღვრებიან ავოგაზიას, კოლხეთის შემადგენელ ნაწილს“.⁷⁸²

ვახუშტი ბაგრატიონი აფხაზეთის პოლიტიკურ ცენტრად „ზუფუს“ ასახელებს, რომელიც ამავე სახელწოდების მდინარის პირას მდებარეობს: „არს ზუფუ, მცირე ქალაქისაგური, სახლი და სამყოფელი შარვაშიძისა, რომელიც მკერობლობს აფხაზთა“.⁷⁸³ „ზუფუს მდინარეს“ დღეს ხიფსთა ეწოდება, ხოლო „ზუფუს“ – ლიხნი. ამ მდინარის სამხრეთ – აღმოსავლეთით ვახუშტი „აღაცოს წყალს“, ხოლო ჩრდილო-დასავლეთით მუწის წყალს ასახელებს. მუწის წყალი, როგორც ზემოთ იყო ნათქვამი, მდინარე მჭიშთაა, ხოლო აღაცოს წყალს“ დღეს მდინარე აფსთა ან კიდევ ბაკლანოვკა ეწოდება.⁷⁸⁴

XVII-ის პირველ ნახევარში აფხაზეთი იმერეთის სამეფოს საერისთავოდ ითვლებოდა, თუმცა, ისევე როგორც XIV-XV სს–ში, იგი მეფეზე უფრო ოდიშის მთავარს ემორჩილებოდა. ასეთ მორჩილებას შარვაშიძეთა საგვარეულო არცთუ დიდი ხალისით იტანდა. ბერი ეგნატაშვილის ცნობით, XVII-ის დასაწყისში „შარვაშიძე მორჩილობდა არა ყოველსავე ბრძანებასა დადიანისასა“⁷⁸⁵. როგორც ჩანს, იმ დროისათვის დადიანების ძალაუფლება აფხაზეთზე რამდენადმე შესუსტებული იყო. მიუხედავად ამისა, დადიანებს ამ საერისთავოდან ეკლესიისთვის ყმა-მამულის შეწირვის უფლება ჰქონდათ. ამას მოწმობს XVII-ის საეკლესიო სამართლის ძეგლი „ბიჭვინთის იადგარი“ : „კუალადცა გკადრეთ და მოგახსენეთ ჩუენ დადიანმან პატრონმან მამიამან და ძემან ჩუენმან პატრონმან ლეონ დადიანმან და ძეთა ჩუენთა - დადიანმან პატრონმან გიორგი და დადიანმან პატრონმან მამია თქუენ, საშინელსა ბიჭვინთისა ღმრთისმშობელსა... აფხაზეთს ბიჭვინთას გარემო სოფელი აითარნე, არუხა და რაბიწა, აითარნეს მთა ზეთის ხილოვანი“.⁷⁸⁶

როგორც ვხედავთ, მამია III დადიანის (1512-1533წწ.) ეს შეწირულობა ერთმანეთის თანმიმდევრობით ლევან I დადიანს (1533-1572წწ.), გიორგი III დადიანს (1572-1582წწ.) და მამია IV დადიანს (1582-1590წწ.) დაუმტკიცებიათ. ასე რომ, დადიანებს აფხაზეთის ყმა-მამულზე ფაქტობრივად მთელი XVI საუკუნე ხელი მიუწვდებოდათ.

მდინარე ბზიფის მარჯვენა ნაპირზე დამკვიდრებული ჯიქები და მათი მოკავშირე მთიელები როგორც ზღვით, ისე ხმელეთით დასავლეთ საქართველოზე შეტევას აგრძელებდნენ და აფხაზეთის გავლით ბარში გაჭრას ცდილობდნენ. ამის საპასუხოდ 1533 წ. იანვარში ჯიქეთზე დიდი ლაშქრობა მოეწყო, რომელსაც მამია III დადიანი და მამია I გურიელი სარდლობდნენ. ქართველთა ლაშქარი ოდიშში აგებული დაახლოებით 100 საზღვაო საბრძოლო გემით ჯიქეთისკენ ზღვით გაემართა. ლაშქრობის დრო საგანგებოდ იყო შერჩეული: ზამთრობით შავ ზღვაზე ნაოსნობა წყდებოდა და ჯიქები

779 . ქართლის ცხოვრება, ტ. IV, გვ. 784.

780 . თ. ბერაძე. ვახუშტი ბაგრატიონი აფხაზეთისა და..., გვ. 104-105.

781 . ქართლის ცხოვრება, ტ. IV, გვ. 786.

782 . ბ. ხორავე. ოდიშ-აფხაზეთის ურთიერთობა XV-XVIII სს. თბ., 1996, გვ. 63.

783 . ქართლის ცხოვრება, ტ. IV, გვ. 784.

784 . თ. ბერაძე. ვახუშტი ბაგრატიონი აფხაზეთისა და..., გვ. 104-105.

785 . ქართლის ცხოვრება, ტ. II, თბ., 1959, გვ. 349.

786 . ქართული სამართლის ძეგლები, ტ. II. ტექსტები გამოსცა, შენიშვნები და საძიებლები დაურთო ი. დოლიძემ. თბ., 1965, გვ. 179.

ზღვიდან თავდასხმას აღარ მოელოდნენ. ბრძოლის პირველ დღეს, 30 იანვარს, ქართველებმა ჯიქები დაამარცხეს, მაგრამ მეორე დღეს, 31 იანვარს ქართულმა ფლოტილიამ ხმელეთზე გადასული თავისი თანამოძმეები მიატოვა და სამშობლოსკენ გამომართა. ამით გათამამებულმა ჯიქებმა ქართველებს ძლიერ შეუტყის. სიმამაცის მიუხედავად, მტრის სიმრავლემ თავისი გაიტანა. მამია III დადიანი ბრძოლაში დაიღუპა, მამია I გურიელი და ქართველთა ერთი ნაწილი ტყვედ ჩავარდა. ტყვეები და მიცვალებულთა ცხედრები აფხაზეთის კათალიკოსმა მალაქია I-მა აბაშიძემ დიდი საფასით გამოიხსნა.⁷⁸⁷

ჯიქეთში მარცხმა ოდიშის გავლენა დიდად ვერ შეამცირა. აფხაზეთის ერისთავი თავის ლაშქრით დადიანებს კვლავინდებურად სამსახურს უწევდა. 1547 წელს, როდესაც სამხრეთ-დასავლეთიდან გურიას ოსმალეთმა შემოუტია, ლევან I-მა დადიანმა გურიის დასახმარებლად „შემოიყარა სრულიად აფხაზნი და ოდიშარნი“ და „სპითა ოდიშ-აფხაზთათა“ თავისი ფლოტით რიონის შესართავში, „რიონის თუალსა ზედა“, იგივე „რიონის ლიმონში“ ანუ ფოთის ნავსადგურში დაიბანაკა. სამწუხაროდ, პოლიტიკური ინტრიგების გამო ოდიშის მთავარი ფლოტით გურიელს ვერ დაეხმარა და ჭანეთი ოსმალეთს დარჩა.⁷⁸⁸

1548 წელს ბაგრატ იმერთა მეფემ ლევან I დადიანი მოტყუებით შეიპყრო და გელათის მონასტრის სამრეკლოში გამოამწყვდია. 1550 წელს დადიანმა ტყვეობას თავი დააღწია და ოდიშში დაბრუნდა. ამის შემდეგ მან თავი დამოუკიდებლად (მთავრად) გამოაცხადა და „ხელმწიფე დადიანის“ ტიტული მიიღო. ეს ტიტული 1557 წელს ლევან I დადიანს ოსმალეთის სულთანმაც დაუდასტურა.

1557 წელს სტამბოლში ჩასულმა ლევან I დადიანმა სულთანს ექვსი თუ ცხრა საბრძოლო კატარღა გამოსთხოვა და ჯიქების წინააღმდეგ საზღვაო ომი წამოიწყო. ეს ომი დაახლოებით ერთი წლის შემდეგ ზავით დასრულდა. ამ ზავის შედეგად ჯიქების თავდასხმები საქართველოს ზღვისპირეთში ერთხანს შეჩერდა.⁷⁸⁹

1572 წელს ლევან I დადიანის გარდაცვალების შემდეგ სამთავრო ტახტი მისმა ძემ გიორგი III დადიანმა დაიკავა. მალე ახალი მთავარი ტახტზე მისივე ძმამ მამია IV დადიანმა შეცვალა. გიორგი III დადიანმა დახმარებისთვის „აფხაზნი, ჯიქნი და ჩერქეზნი“ გამოიყენა. შინაომი ოდიშში ექვსი წელი გაგრძელდა, რამაც ოდიშის მთავართა გავლენა აფხაზეთში ძალზე შეასუსტა. 1578 წელს ძმამ გიორგი III დადიანს ტახტი დაუბრუნა და ოდიშის მთავრის ხელისუფლება აფხაზეთზე ხელახლა გაძლიერდა.⁷⁹⁰

1578 წელს ოსმალეთმა ირანთან მორიგი ომი წამოიწყო. ომის დაწყებისთანავე ოსმალები საქართველოს ზღვისპირეთის დაპყრობას შეეცადნენ, რათა დასავლეთ საქართველოს გავლით აღმოსავლეთ ამიერკავკასიისკენ უმოკლესი გზა გაეხსნათ. 1578 წლის აგვისტოში სოხუმის ყურეში ოსმალეთის ესკადრა შემოვიდა, რომელზეც სოხუმის ბეგლარბეგად დანიშნული ჩერქეზი ჰაიდარ ფაშა იმყოფებოდა. ფაშა სოხუმში ყოველგვარი წინააღმდეგობის გარეშე გადავიდა და საბეგლარბეგოს მართვა-გამგებლობას შეუდგა. ბეგლარბეგის დანიშვნის მიზანს სოხუმის „ქართველი ივერიელების“⁷⁹¹ დამორჩილება წარმოადგენდა. ოსმალები სოხუმის დაპყრობის შემდეგ აქ ციხე-სიმაგრის აგებას შეუდგნენ. ამ მიზნით მათ ანტიკური დიოსკურია-სებასტოპოლისის ციხის ნანგრევები გამოიყენეს, რომელიც მდინარე გუმისთის მარცხენა ნაპირზე, ზღვასთან ახლოს იდგა. 1579 წელს ოსმალებმა ფოთიც დაიკავეს.

სოხუმის საბეგლარბეგომ სულ რამდენიმე წელს იარსება. ოსმალებს ამ საბეგლარბეგოს დავთარიც კი არ შეუდგენიათ. ჰაიდარ ფაშამ სოხუმი 1580 წელს დატოვა. მისი მომდევნო ფაშის სახელი არ შემოგვრჩა. როგორც ირკვევა, 1581 წლის შემდგომ ხანებში ოსმალებმა სოხუმიდან ადმინისტრაცია გაიწვიეს და ქალაქი დატოვეს. ამით სოხუმის საბეგლარბეგომ არსებობა შეწყვიტა.⁷⁹²

⁷⁸⁷ . ქართლის ცხოვრება, ტ. II, გვ. 497; იქვე, ტ. IV, გვ. 811; ცხოვრება საქართველოსი (პარიზის ქრთნიკა), ტექსტი გამოსაცემად მოამზადა, შესავალი, შენიშვნები და საძიებლები დაურთო გ. ალასანიამ. თბ., 1982, გვ. 42.

⁷⁸⁸ . ქართლის ცხოვრება, ტ. IV, გვ. 814; იქვე, ტ. II, გვ. 360, 502.

⁷⁸⁹ გვ. 208-210.

⁷⁹⁰ . ქართლის ცხოვრება, ტ. IV, გვ. 817-818.

⁷⁹¹ . Дж. Гамахария, Б. Гогия. დასახ. ნაშრომი, გვ. 231.

⁷⁹² გვ. 21-22, 58-60.

ოსმალებმა სოხუმი აფხაზი ფეოდალების, პირველ რიგში, შარვაშიძეთა დახმარებით აიღეს. მათ ასეთი დახმარება თავიდანვე გათვალისწინებული ჰქონდათ, როდესაც ბეგლარბეგად ჩერქეზი ჰაიდარ ფაშა დანიშნეს.⁷⁹³ ამიტომ ოსმალებმა სოხუმი, საბეგლარბეგოს გაუქმების შემდეგ, შარვაშიძეებს გადასცეს. ამის შემდეგ აფხაზეთის საზღვარმა სამხრეთ-აღმოსავლეთით გადაინაცვლა. სოხუმიდან ოსმალების წასვლის შემდეგ მამია IV დადიანმა აფხაზეთზე პოლიტიკური გავლენა აღადგინა. ეს გავლენა ოდიშმა მისი მემკვიდრის მანუჩარ დადიანის (1590-1611წწ.) დროსაც შეინარჩუნა.⁷⁹⁴

XIV-XV სს-ში თანამედროვე აფხაზეთის ტერიტორია ეკლესიურად სრულიად საქართველოს კათოლიკოს-პატრიარქს ექვემდებარებოდა. ეს ტერიტორია ოთხ საეპისკოპოსოს შორის იყო განაწილებული. მდინარე ენგურსა და “დადის წყალს“ (ერისწყალს) შორის მოქცეული სოფლები წალენჯიხის ეპარქიაში შედიოდა. ერისწყალსა და მოქვის წყალს შორის ტერიტორია ბედიელის სამწყსოს წარმოადგენდა. მოქვის წყალიდან მდინარე კოდორამდე - მოქვის ეპისკოპოსის, ხოლო მდინარე კოდორიდან ანაკოფიის ჩათვლით - დრანდის საეპისკოპოსოს სამწყსო იყო.⁷⁹⁵ საკუთრივ აფხაზეთის საერისთავო ეკლესიურად უშუალოდ აფხაზეთის კათოლიკოსს ექვემდებარებოდა.

X საუკუნის დამლევს საქართველოს ეკლესიის გაერთიანების პროცესის დასრულების შემდეგ აფხაზეთის საკათოლიკოსოს ტახტი არ გაუქმებულა, თუმცა აფხაზეთის კათოლიკოსი ქართლის კათოლიკოს-პატრიარქს ექვემდებარებოდა. ერთიანი ქართული სახელმწიფოს პოლიტიკური დაშლის ტენდენციების ზრდასთან ერთად აფხაზეთის კათოლიკოსის როლი თანდათანობით იზრდებოდა. ეს ვითარება საკუთარი პოლიტიკური პოზიციების განსამტკიცებლად გამოიყენეს იმერეთის მეფემ ბაგრატ მეორემ და ოდიშის მთავარმა შამადავლემ დადიანმა.⁷⁹⁶

მათ ისარგებლეს 1470-1474 წლებში დასავლეთ საქართველოში შესაწირავის შესაგროვებლად ჩამოსული იერუსალიმისა და ანტიოქიის პატრიარქის მიქაელის სტუმრობით და „ცაიშელ-ბედიელი მთავარებისკოპოზი იოვაკიმე“ აფხაზეთის კათოლიკოსად აკურთხებინეს. მღვდელმთავრებმა იერუსალიმისა და ანტიოქიის პატრიარქის სახელით საგანგებო „მცნებად სასჯულს“ შეადგინეს, სადაც სრულიად საქართველოს კათოლიკოს-პატრიარქის დაქვემდებარებიდან დასავლეთ საქართველოს ეკლესიის გამოყვანა, „ლიხთ-ამერისა და აფხაზეთის“ დამოუკიდებელ კათოლიკოსად იოვაკიმის კურთხევა ყოველნაირად გაამართლეს. იმისათვის, რომ დამოუკიდებელი საკათოლიკოსოს შექმნა დაესრულებინათ, დოკუმენტის ავტორებმა დასავლეთ საქართველოში სარწმუნოებრივი მდგომარეობა მუქ ფერებში წარმოადგინეს: „აფხაზეთი (დასავლეთ საქართველო – ავტ.) ქრისტიანობისაგან სრულიად მიდრეკილ იყუნეს, ქრისტეს მცნებათაგან განშორებულ იყუნეს“⁷⁹⁷.

მცხეთისგან დამოუკიდებელი აფხაზეთის პირველ კათოლიკოსს იოვაკიმს უფლება მიეცა „ლიხთ-იმერის, ჭოროხს აქათ, ოვსეთს აქათ, ზღუაი პონტოსა აქათ, სადა დიდისა ბიჭვინტისა საზღუარი მიაწევს“ ეპისკოპოსები დაენიშნა. აფხაზეთის საკათოლიკოსო საკუთრივ იმერეთის, ოდიშის, გურიისა და აფხაზეთის გარდა თავის სამწყსოდ საქართველოს ისტორიულ მიწებსაც მიიჩნევდა. „კათალიკოსის საკურთხი არის, სამწყსო-ლიხსა და კაფას შუა და რუსეთის სამზღუარსა და ჭანეთს შუა“. აფხაზეთის საკათოლიკოსოს ეს საზღვრები დაფიქსირებულია 1525-1550 წწ. შედგენილ „ბიჭვინტის იადგარში“⁷⁹⁸ (სახსენებელი, საჩუქარი), რომელიც ქართული სამართლის, კონკრეტულად საეკლესიო სამართლის მნიშვნელოვან ძეგლს წარმოადგენს. საკათოლიკოსოს ჩრდილო-დასავლეთი საზღვრის კაფასთან და რუსეთის სამხრეთ მიჯნასთან დაფიქსირება ასახავს იმ რეალობას, როცა შავიზღვისპირეთში მოსახლე ჯიქები და ქაშქები საქართველოს მეფის უზენაესობას აღიარებდნენ.

⁷⁹³ . ბ. ხორავა. ოდიშ-აფხაზეთის..., გვ. 70.

⁷⁹⁴ . იქვე, გვ. 71.

⁷⁹⁵ . ქართლის ცხოვრება, ტ. IV, გვ. 778-781.

⁷⁹⁶ . ქართული სამართლის ძეგლები, ტ. III, გვ. 222.

⁷⁹⁷ . ქართული სამართლის ძეგლები, ტ. II, გვ. 180.

⁷⁹⁸ . ქართული სამართლის ძეგლები, ტ. II, გვ. 176-183.

„ბიჭვინთის იადგარი“ შეიცავს დასავლეთ საქართველოს მეფე-მთავართა მიერ გაკეთებულ შემოწირულობათა ჩამონათვალს, ბიჭვინთის საყდრის, კათოლიკოსის ქონებისა და ყმა-მსახურთა დამცავ სამართლებრივ ნორმებს, გვიანდელი ხანის საერო და სასულიერო პირთა მინაწერებს. დოკუმენტს ხელს აწერს აფხაზეთის რვა კათოლიკოსი დაწვებული მალაქია I აბაშიძით (XVI ს-ის 20-50-ანი წლები), რომლის დროსაც შედგა „ბიჭვინთის იადგარი“, და დამთავრებული დავით ნემსაძით (1673-1696 წწ.), რომლის კათოლიკოსობის პერიოდში დასრულდა მთიელთა მიერ სამეგრელოს მიწების დიდი ნაწილის მიტაცება.

„ბიჭვინთის იადგარის“ გათვალისწინების გარეშე წარმოუდგენელია XVI-XVII საუკუნეების აფხაზეთის ეთნოპოლიტიკური ისტორიის სწორად გაშუქება, როგორც ამას „ახერხებენ“ სეპარატისტი ავტორები.

აფხაზეთის კათოლიკოსის მთავარ რეზიდენციას XVI ს-ის 50-იან წლებამდე ბიჭვინთის ღვთისმშობლის ეკლესია წარმოადგენდა. 1568-1578 წლებში, როცა აფხაზეთის კათოლიკოსის ტახტი ევდემონ ჩხეტიძეს ეკავა, მისი მთავარი რეზიდენცია გელათის მონასტრის წმიდა გიორგის ეკლესია გახდა.⁷⁹⁹ რეზიდენციის გადატანა განაპირობა აფხაზეთში წარმართ მთიელთა მასობრივმა ჩამოწოლამ, რასაც საერისთავოს მაშინდელ ტერიტორიაზე ეკლესია-მონასტრების დაცარიელება, სამღვდელოების სრული ევაკუაცია და ქრისტიანობის განადგურება მოჰყვა⁸⁰⁰. აფხაზეთის კათოლიკოსის ბიჭვინთიდან იძულებით გელათში გადასვლა, საკუთრივ აფხაზეთში ქრისტიანობის დაცემა მოსახლეობის ეთნიკური შემადგენლობის მკვეთრმა ცვლილებამ გამოიწვია და არა თურქულმა ექსპანსიამ, როგორც ამას სეპარატისტული ისტორიოგრაფია ამტკიცებს.

ისევე როგორც წინა საუკუნეებში, XVII-შიც, თანამედროვე აფხაზეთის ტერიტორიაზე მდებარე ეკლესია-მონასტრები ქართული განათლებისა და კულტურის უმნიშვნელოვანეს ცენტრებს წარმოადგენდნენ, სადაც საქართველოს ყველა კუთხის წარმომადგენლები მოღვაწეობდნენ. აღსანიშნავია ის გარემოება, რომ ბიჭვინთა შემდგომშიაც რჩებოდა დასავლეთ საქართველოს საეკლესიო ცენტრად, სადაც ხდებოდა წმ. მირონის კურთხევა. აფხაზეთის კათოლიკოსები მზრუნველობას არ აკლებდნენ ბიჭვინთის ტაძარს, ოდიშის შემადგენლობაში მყოფ დრანდის, მოქვისა და ბედიის საეპისკოპოსოებს. ბიჭვინთიდან დევნილი კათოლიკოსის გელათში გადასვლით კათოლიკოსის რეზიდენცია იმერეთის სამეფო რეზიდენციას დაუახლოვდა, რამაც სამეფო და საეკლესიო ხელისუფლება ერთმანეთს დაუახლოვა. განსაკუთრებით აღსანიშნავია აფხაზეთის კათოლიკოს ექვთიმე I საყვარელიძის (1578-1614წწ.) ღვაწლი. ის იყო მოქვის მთავარეპისკოპოსიც. ექვთიმე I-ის ბრძანებით, მოქვის ტაძარში ნ. ცინცაძემ გადაწერა მეტაფრასი; ზებედე დიაკვნისა და გიორგი მწერლის მიერ გადაიწერა გულანი; შესანიშნავი წიგნსაცავი არსებობდა ბედიის ტაძარშიც, სადაც ხელნაწერები დაუმზადებიათ ბედიელ მღვდელმთავრებს ანტონ ჟვანისძეს და გერმანე ჩხეტიძეს. აქ მოღვაწეობდნენ კალიგრაფები და მწიგნობრები გაბრიელ ლომსაძე, საბა ნაფოტაძე და სხვები.⁸⁰¹

თანამედროვე აფხაზეთი ქართული კულტურის მნიშვნელოვან კერას რომ წარმოადგენდა, ამას კარგად მოწმობს ბედიის გულანიც. მის ერთ ანდერძ-მინაწერში ვკითხულობთ: „ბედიელ მიტროპოლიტი, მთავარეპისკოპოსი ჩხეტიძე გერმან ადიდე ღმერთმან... რომლისა ბრძანებითა წამოველ მთებით შავშეთით, დაბით დიობნით, ძირით მითთ კარჩხალთად, და ნებითა და შეწვევითა ღვთისაჲთა მოვიწიე ოდიშს ბედიის ტაძარსა და საყდარსა ვლაქერნისა ღვთისმშობლისასა და შეწვევითა და წარმართებითა მისითა ვიწყე წერად წმიდათა ამათ და სულთა განმანათლებელთა თუეშთა იანვრით ერთითგან ვიდრე აქამომდე, ყოვლითურთ სრულისა და უკლებისა, ვითა უნდოდა ბევრით წიგნისაგან ვიძიე და გავასრულე, რადცა უნდოდა, რისაცა დედა ვიშოე, არა დამიკლია რაჲ, ღმრთისა შეწვევითა. ამისა მწერალსა ფრიად ცოდვილსა კერძო დიაკონსა გაბრიელს ლომსანისძესა... შეუნდვენს ღმერთმან... მისსა ამხანაგსა მწერალსა

⁷⁹⁹ . ბ. ლომინაძე, ქართული ფეოდალური ურთიერთობის ისტორიიდან, I. თბ., 1966, გვ. 177-186.

⁸⁰⁰ . ჯ. გამახარია, აფხაზეთი და მართლმადიდებლობა, გვ. 173-183.

⁸⁰¹ . იქვე, გვ. 185-186.

სვიმონ გიორგის ძესა... შეუნდუნეს ღმერთმან⁸⁰². სამწუხაროა, რომ სეპარატისტული ისტორიოგრაფია მსგავს ისტორიულ წყაროებს არ იყენებს.

თავი IX. თანამედროვე აფხაზეთის ტერიტორია XVII საუკუნეში

1. პოლიტიკური ვითარება

XVII საუკუნის I ნახევარში თანამედროვე აფხაზეთის უმეტესი ნაწილი, ისევე როგორც XVI საუკუნეში, უშუალოდ შედიოდა ოდიშის სამთავროს შემადგენლობაში. მაშინდელი აფხაზეთი კი ცალკეულ ფეოდალურ ერთეულებად იყო დაყოფილი, რომელთაგან ყველაზე დიდს საშარვაშიძეთ (ბზიფის აფხაზეთი) წარმოადგენდა. ჩრდილო-დასავლეთით შარვაშიძეთა მიწა-წყალი გაგრის ქედამდე ვერ აღწევდა. აქაურობას ევლია ჩელების ცნობებს (XVII საუკუნის 40-იანი წლები) თუ დავეყრდნობით, დამოუკიდებელი აბაზა „ბეგები“ (ანუ ჯიქი აზნაურები) განაგებდნენ.⁸⁰³ ამიტომ, საფიქრებელია, რომ საშარვაშიძეთ ამ დროს დასავლეთიდან შემოსაზღვრული უნდა ყოფილიყო მდინარე ბზიფით, რომლის გადაღმა ჯიქეთი იწყებოდა.

აღმოსავლეთით აფხაზეთი, იტალიელი მისიონერის ლამბერტის მონაცემებით (XVII საუკუნის 30-50-იანი წლები), მდინარე კოდორამდე ვრცელდებოდა.⁸⁰⁴ მისი თანამედროვე კასტელის ცნობითაც, „კოლხეთი დასავლეთიდან შემოსაზღვრულია კორანეს, აკუს მით“⁸⁰⁵. ე.ი. კოდორის ქედით. გარდა ამისა, იგივე ავტორი ერთადერთია, ვინც დრანდის საეპისკოპოსოს აფხაზეთში იხსენიებს.⁸⁰⁵

თეატინელ მისიონერთა ეს ცნობები ანტიკური წყაროების გავლენით უნდა იყოს შედგენილი, ვინაიდან ლამბერტის „სამეგრელოს აღწერაში“ ასევე აღნიშნული აქვს, რომ ოდიშის ერთ-ერთი საეპისკოპოსო ეკლესია, კერძოდ, დრანდისა, „მდებარეობს მდინარე კოდორზე, აფხაზეთის საზღვარზე.“⁸⁰⁶ ე.ი. ლამბერტის წარმოდგენით, მდინარე კოდორის ქვემო წელის დასავლეთითაც მნიშვნელოვანი ტერიტორია სამეგრელო იყო.

1639-1640 წლებში ოდიშში მყოფი რუსეთის ელჩის, ზახარევის „ანგარიშში“ სამეგრელოს სოფელთა შორის მოხსენიებულია ფშაფი და დრანდა⁸⁰⁷, რაც ასევე მიუთითებს, რომ სამეგრელო დასავლეთიდან მდინარე კოდორით არ იყო შემოსაზღვრული.

მსგავსი დასკვნა შეიძლება გამოვიტანოთ 1664 წელს ოდიშში მყოფი იერუსალიმის პატრიარქის, მაკარიოსის ცნობიდანაც, რომლის თანახმად, როცა გაიგო მისი მოქვეშე ყოფნის შესახებ, ერთი უზნეო ქალი „დრანდიდან აფხაზეთში გადაიხვეწა.“⁸⁰⁸

ამდენად, უფრო სარწმუნოა იტალიელი მისიონერის, ჯოვანი და ლუკას ცნობა, რომლის მიხედვითაც, აფხაზეთსა და სამეგრელოს შორის საზღვარი ქალაქ სკისორნუმთან ჩამავალ მდინარე აბსიზე გადიოდა.⁸⁰⁹ სკისორნუმი თურქული სახელწოდება ესკი სუხუმის (ანუ ძველი სოხუმის) იტალიურად დამახინჯებული ფორმაა. ამრიგად, ჯოვანი და ლუკას ცნობებზე დაყრდნობით, აფხაზეთისა და სამეგრელოს ეთნიკურ საზღვრად სოხუმზე (ცხუმზე) გამავალი მდინარე ბესლეთი უნდა მივიჩნიოთ.

საისტორიო წყაროებში არ ჩანს, შარვაშიძის ხელისუფლება ცხუმამდე ვრცელდებოდა თუ არა. ის გარემოება, რომ ევლია ჩელები ჩაჩების მიწაზე, ანუ

⁸⁰² . ქართულ ხელნაწერთა აღწერილობა, ყოფილი საეკლესიო მუზეუმის () კოლექციისა, ტ. I, თბ. 1976, გვ. 319

⁸⁰³ . ევლია ჩელების მოგზაურობის წიგნი. თურქულიდან თარგმნა, კომენტარები და გამოკვლევა დაურთო გ. ფუთურაძემ. ნ. I. თბ., 1971, გვ. 100.

⁸⁰⁴ . არქანჯელო ლამბერტი. სამეგრელოს აღწერა. თარგმანი იტალიურიდან ა. ჭყონიასი, მეორე გამოცემა, ლ. ასათიანის წინასიტყვაობით, რედაქციით და შენიშვნებით. თბ., 1938, გვ. 5-6, 176.

⁸⁰⁵ . ქრისტოფორო კასტელი. ცნობები და აღბოძი საქართველოს შესახებ. ტექსტი გაშიფრა, თარგმნა, გამოკვლევა და კომენტარები დაურთო ბ. გიორგაძემ. თბ., 1976, გვ. 51, 180.

⁸⁰⁶ . არქანჯელო ლამბერტი. სამეგრელოს აღწერა, გვ. 120.

⁸⁰⁷ , 1888, გვ. 351.

⁸⁰⁸ XVII , 1905, გვ. 32.

⁸⁰⁹ . ი. ტაბაღუა. საქართველო ევროპის არქივებსა და წიგნსაცავებში, ტ. III. თბ., 1987, გვ. 157.

საშარვაშიძეოში არ იხსენიებს სოხუმს და ანაკოფიას, იმაზე უნდა მიუთითებდეს, რომ შარვაშიძეებს ცხუმსა და მის მიმდებარე მხარეზე ხელი არ მიუწვდებოდათ. მას სხვა აფხაზი თავადი განაგებდა და უშუალოდ შედიოდა ოდიშის სამთავროს შემადგენლობაში, ხოლო შარვაშიძე, რომელიც დადიანის სიუხერენობას აღიარებდა, მართავდა მცირე ტერიტორიას ანაკოფიასა და კაპოეტის წყალს შორის.

მანუჩარ დადიანის გარდაცვალების (1611წ.) შემდეგ ოდიშის მთავარი გახდა მისი ძე ლევანი, რომელსაც მცირეწლოვნების გამო რეგენტად დაუნიშნეს ბიძა, მანუჩარის ძმა, სალიპარტიანოს ბატონი გიორგი. ლამბერტის სიტყვებით, ლიპარტიანი იყო „კაცი ფრიად სამართლიანი და სახელმწიფო საქმეებში კარგად გამოცდილი. ეს გიორგი განაგებდა ყველაფერს ფრიად ერთგულად და ისე მიჰყავდა საქმეები, რომ მისი გამგეობის დროს კოლხიდაში არავითარი არეულობა და აჯანყება არ მომხდარა“. თავად ლევანი დაახლოებით 1615 წელს ჩაუდგა სათავეში სამთავროს.⁸¹⁰

ისტორიოგრაფიაში გამოთქმული ერთ-ერთი მოსახზრების თანახმად, „1615 წელს, ოსმალეთის მიერ შავიზღვისპირეთის ბლოკადით შევიწროებული სამეგრელო და გურია იძულებულნი გახდნენ მისი მოხარკენი გამხდარიყვნენ, რითაც ისარგებლა შარვაშიძემ და თავი დამოუკიდებელ მთავრად გამოაცხადა.“⁸¹¹

აღსანიშნავია, რომ საგარეო სიტუაციის გართულებას დასავლეთ საქართველოში პოლიტიკური ვითარების შეცვლა არ გამოუწვევია. XVII საუკუნის II ათწლეულში აფხაზეთის ოდიშისაგან გამოყოფის დამადასტურებელი საისტორიო წყარო ჯერჯერობით არ გავიხსნილია.

გასათვალისწინებელია ის გარემოება, რომ ლევან II დადიანის მთავრობის დროს (1611-1657წწ.) „სამეგრელოს სამთავრო აღწევს მანამდე არნახულსა და შემდეგში აღარ განმეორებულს ძლიერებას“.⁸¹² ლევან II-ის მმართველობის წლები იყო ის ხანა, როდესაც აფხაზეთის ოდიშისაგან გამოყოფისა და ცალკე სამთავროდ ჩამოყალიბებისთვის ყველაზე ნაკლები პირობები არსებობდა.

ფაქტორი, რომელიც შეიძლება XVII საუკუნის I ნახევარში აფხაზეთის სამთავროს არსებობაზე მიუთითებდეს, არის ევროპელ ავტორთა ნაშრომებში შარვაშიძეების „პრინციპს“-ად მოხსენიება, მაგრამ ეს სრულებით არ ნიშნავს, რომ შარვაშიძე მთავარი, ხოლო მისი სამფლობელო – სამთავრო იყო, ვინაიდან ლათინური სიტყვა „პრინციპს“ და იტალიური „პრინჩიპე“ ნიშნავს როგორც ხელმწიფეს, ხელისუფალს, ასევე თავადს, ბელადს და წინამძღოლს. იგივე ევროპელი ავტორები ამავე ტერმინით მოიხსენიებენ არა მარტო არსებით მთავრებს, არამედ წვრილი სამფლობელოების (სენიორიების) მმართველებსაც. მაგალითად, ფრანგი ჟან შარდენის მიხედვით, ლევან დადიანის ბიძა გიორგი იყო „სალიპარტიანოს სუვერენული მთავარი“.⁸¹³ იგივე ავტორი აღნიშნავს, რომ ლენხუმი არის „სვანებით დასახლებული სამთავრო კავკასიის მთებში“.⁸¹⁴ ცნობილია, რომ XVII საუკუნეში არც სალიპარტიანო და არც ლენხუმი სამთავროებად არ იყვნენ ფორმირებულნი და არც მათი მფლობელები იყვნენ მთავრები. ამდენად, უცხოელ ავტორთა ცნობებში აღნიშნული აფხაზეთის მმართველთა ტიტულატურით ვერ გაირკვევა, XVII საუკუნის I ნახევარში იყო თუ არა ჩამოყალიბებული აფხაზეთის სამთავრო.

ნიშანდობლივია, რომ იმ დროის საისტორიო წყაროებში დადიანი, შარვაშიძისგან განსხვავებით, ხელმწიფედ და მეფედ მოიხსენიება. 1639 წელს ოდიშში მყოფი რუსეთის ელჩის, ზახარევის „ანგარიშში“ ლევან დადიანს მეფე (ცარ) ეწოდება, მთავრის ყოფილი მეუღლე „წეთანურია“ კი აფხაზი თავადის (კნიაზ) ქალიშვილად არის მოხსენიებული.⁸¹⁵

ლამბერტი ორივეს - შარვაშიძეს და დადიანს - მთავარს უწოდებს, მაგრამ განმარტავს, რომ ოდიშში „ყველაზე უფროსია მთავარი, რომელსაც ჰქვია დადიანი. ასე უწოდებენ მის გვარს და არა ღირსებას. მეგრული სიტყვა „ხელმწიფე“ ნიშნავს იმას,

⁸¹⁰ . არქანჯელო ლამბერტი. სამეგრელოს აღწერა, გვ.15; ი. ანთელავა. ლევან II დადიანი. თბ., 1990, გვ. 40-47.

⁸¹¹ , 1991, გვ. 120.

⁸¹² . ს. ჯანაშია. გიორგი შარვაშიძე. კულტურულ-ისტორიული ნარკვევი. – შრომები, ტ. VI. თბ., 1988, გვ.36.

⁸¹³ . ჟან შარდენის მოგზაურობა სპარსეთსა და აღმოსავლეთის სხვა ქვეყნებში, გვ. 233.

⁸¹⁴ . იქვე, გვ. 248.

⁸¹⁵

რასაც იტალიური „ილ რე“. ეს წოდება კიდევ შეეფერება დადიანის ღირსებას. ამიტომაც, როცა უნდათ მოიხსენიონ მისი ღირსება, ამბობენ: დადიანი ხელმწიფე“. ⁸¹⁶ ლამბერტის თანამედროვე ოდიშის მთავარი მართლაც იწოდებოდა როგორც „ხელმწიფე დადიანი პატრონი ლევან, ძე ხელმწიფისა მანუჩარისა“.⁸¹⁷ მსგავსი რამ იმდროინდელ, თუ ადრინდელ შარვაშიძეთა ტიტულატურაში არ ჩანს.

აღსანიშნავია ჯოვანი და ლუკას ცნობებიც, რომელთა მიხედვითაც აფხაზეთის მმართველები მთავრებად იწოდებიან, ხოლო ლევან II დადიანი, მათგან განსხვავებით, მოხსენიებულია როგორც სამეგრელოს დიდი მთავარი.⁸¹⁸

ჯერ კიდევ XIII საუკუნის 20-იანი წლებიდან მეფის მოხელე ერისთავები თანდათანობით მთავრებად ან თავადებად გადაიქცნენ. სიტყვა ერისთავაც ახალი შინაარსი შეიძინა. სათავადოების ჩამოყალიბების საკმაოდ ხანგრძლივი პროცესი XIV საუკუნის დასასრულიდან, დასავლეთ საქართველოში სამეფო-სამთავროთა საბოლოო ფორმირების პარალელურად და მის შემდგომ, XVII საუკუნეშიაც მიმდინარეობდა, რაც ქვეყნის ფეოდალური დაშლის შემდგომ საფეხურს წარმოადგენდა.⁸¹⁹ სათავადოს უფროსი მთავრისგან იმით განსხვავდება, რომ თავადი მეფის ყმაა. მას მეფის „ხმობითა“ და „ქვეგანწესებით“ ლაშქრობა-ნადირობა და ზოგ შემთხვევაში მისი „სამსახური და ხარჯი“ მართებდა; მთავარი კი მეფის წინაშე ყოველგვარი ვალდებულებისგან თავისუფალი იყო. მთავრის ხელისუფლება მემკვიდრეობით გადადიოდა, თავადს კი სათავადოს უფროსობას სახლიკაცები აძლევენ არჩევის წესით.

თავადი თავისი უფლებრივი მდგომარეობით ერისთავზე მაღლა დგას და მთავარზე დაბლა. თავადი მთავრამდე რომ ამაღლდეს, ამისათვის მან სამეფო ან სამთავრო ვალდებულება მთლიანად უნდა მოიშოროს. იგი სიუზერენის ყოველგვარი დამოკიდებულებისგან უნდა განთავისუფლდეს.⁸²⁰

ჰქონდათ თუ არა სამეფო ან სამთავრო ვალდებულებები მთლიანად მოშორებული შარვაშიძეებს XVII საუკუნის I ნახევარში? იყვნენ თუ არა ისინი სიუზერენის ყოველგვარი დამოკიდებულებისგან თავისუფალნი? XVII საუკუნის 20-იანი წლების დამდეგს ლევან II დადიანი „სპითა ოდიშარ-აფხაზ-ჯიქითა“ იმერეთის მეფეს ებრძვის,⁸²¹ რაც იმას უნდა ნიშნავდეს, რომ აღნიშნული დროისთვისაც აფხაზეთი ჯერ კიდევ არ იყო ოდიშისაგან დამოუკიდებელი პოლიტიკური ერთეული. ისევე როგორც XVI საუკუნეში, აფხაზები კვლავ ოდიშართა ლაშქარში იბრძვიან დადიანის მტრის წინააღმდეგ.

1626 წლის 4 მაისს წმ. კონგრეგაცია დე პროპაგანდა ფიდემ (ვატიკანის განყოფილება, რომელიც კოორდინაციას უწევდა სამისიონერო საქმიანობას) სპეციალური დეკრეტით გადაწყვიტა, რომ საქართველოში დაეარსებინა თეათინელთა ორდენის მისიონი. იმავე წლის 16 ივნისს პროპაგანდამ დაამტკიცა საქართველოში გასაგზავნი მისიონერების შემადგენლობა. მისიონის პრეფექტად დაინიშნა დონ პიეტრო ავიტაბილე, რომელსაც რომში ჩაბარდა პაპ ურბან VIII-ის მიერ ხელმოწერილი, 1626 წლის 4 ივლისით დათარიღებული ლათინურ ენაზე შედგენილი სარეკომენდაციო წერილები შემდეგი პირებისთვის: საქართველოს კათალიკოსისა და მიტროპოლიტისთვის, კახეთისა და იმერეთის მეფეებისთვის, გურიისა და ოდიშის მთავრებისთვის.⁸²² როგორც ვხედავთ, მათ შორის არ ჩანს აფხაზეთა მმართველი, რაც ირიბად მიუთითებს, რომ XVII საუკუნის 20-იანი წლების I ნახევარში სამეგრელოს დასავლეთით, აფხაზეთის ტერიტორიაზე, დადიანისგან დამოუკიდებელი რაიმე პოლიტიკური ერთეული არ არსებობდა.

1620წ. ახლო ხანებში ლევან II დაქორწინდა ერთ-ერთი აფხაზი თავადის, სეტემან

⁸¹⁶ . არქანჯელო ლამბერტი. სამეგრელოს აღწერა, გვ. 9.

⁸¹⁷ . კ. გრიგოლია. ილორის წმ. გიორგის ხატის წარწერა. – აკად. ნ. მარის სახელობის ენის, ისტორიისა და მატერიალური კულტურის ინსტიტუტის მოამბე, ტ. XIII, თბ., 1943, გვ. 157.

⁸¹⁸ . ი. ტაბაღუა. საქართველო ევროპის არქივებსა და წიგნსაცავებში, ტ. III, გვ. 160; მ. თამარაშვილი. ისტორია კათოლიკობისა ქართველთა შორის ნამდვილის საბუთების შემოტანითა და განმარტებით XIII საუკუნიდან ვიდრე XX საუკუნემდე. ტფ., 1902, გვ.146.

⁸¹⁹ . ო. სოსელია. ფეოდალური ხანის დასავლეთ საქართველოს ისტორიიდან. თბ., 1966, გვ. 37.

⁸²⁰ . იქვე, გვ. 40.

⁸²¹ . ქართლის ცხოვრება, ტ. IV, გვ. 826.

⁸²² . ი. ტაბაღუა. საქართველო ევროპის არქივებსა და წიგნსაცავებში, ტ. II, თბ., 1986, გვ. 211.

შარვაშიძის ასულ დარეჯანზე. შარვაშიძესთან დამოკვრებით იგი ზურგს იმაგრებდა ზუფუდან, საიდანაც აფხაზთა და ჯიქთა მნიშვნელოვან სამხედრო ძაღას იღებდა.

1622წ. დასავლეთ საქართველოში მშვიდობიანი ხანა დასრულდა. ლევან II-მ დაამარცხა იმერეთის მეფე, რის შემდეგაც მალე გაფუჭდა მისი ურთიერთობა შარვაშიძესთან.

კასტელის თანახმად, შარვაშიძეს დადიანის „დიდი პატივისცემა და რიდი ჰქონდა“, მაგრამ გარკვეულ ძალებს მოუხერხებიათ მათ შორის „კეთილგანწყობილების დარღვევა“ და „სიძულვილის გაღვივება“.⁸²³ ოდიშის მთავარმა, მეუღლის სავარაუდო დალატის შემდეგ ზუფუში (დღევანდელი ლიხნი) ილაშქრა, დასახინრებული მეუღლე იქვე დატოვა და უკანვე გამობრუნდა. დადიანის ლაშქრობა იმდენად მოულოდნელი ყოფილა, რომ შარვაშიძემ მას წინააღმდეგობა ვერ გაუწია და მთებში გაქცევით უშველა თავს.⁸²⁴

XVII საუკუნის 20-იანი წლების II ნახევარში ლევან II დადიანის წინააღმდეგ შეთქმულება მოეწყო, რომლის მიზანი იყო დადიანის მოკვლა და მის მაგივრად ძმის, იოსების გამთავრება. ლამბერტის მიხედვით, შეთქმულებაში მონაწილეობდნენ იმერეთის მეფე, გურიელი, შარვაშიძე და ის ვეზირი, რომელიც დადიანმა მეუღლესთან მრუშობის ბრალდებით დააპატიმრა, თუმცა, როგორც ჩანს, მისი ავტორიტეტის გამო სიკვდილით ვერ დასაჯა და დააპატიმრებული გურიელს გადასცა.⁸²⁵

კასტელის მიხედვითაც, შეთქმულებაში დადიანის ყოფილი ვეზირისა და გურიელის გარდა მონაწილეობას იღებდნენ იმერეთის მეფე გიორგი, აფხაზეთის მთავარი და დადიანის ძმა იოსები. შეთანხმების თანახმად, შეთქმულებს „ცალ-ცალკე უნდა შეეღვინათ სამი ჯარი, რომლებიც შემდეგ ერთად შეიყრებოდნენ და გარს შემოერტყმოდნენ დადიანის სამეფოს“.⁸²⁶ თეათინელი მისიონერების (ლამბერტი, კასტელი) მიერ მოხსენიებული „აფხაზეთის მთავარი“ ლევან დადიანის ყოფილი სიმამრი იყო, რომელსაც ასულის დასჯითა და შემდეგ სამფლობელოს აოხრებით შეურაცხყოფილს შეთქმულებაში მონაწილეობისთვის დიდი საფუძველი ჰქონდა.

შეთქმულება ჩაიშალა. ყოფილი ვეზირის, საკუთარი ძმის და სხვა მოღალატეების დასჯის შემდეგ ლევან დადიანი გურიაში შეიჭრა, დაამარცხა სიმონ გურიელი და გურიის მთავრად დასავლეთ საქართველოს (აფხაზეთის) კათოლიკოსი მალაქია II (გურიელი) დასვა. ამიერიდან გურიის სამთავრო დადიანის ხანგრძლივი ჰეგემონიის ქვეშ მოექცა. კათოლიკოსი მალაქია ნომინალურად იყო მთავარი, გურიის პოლიტიკურ გეზს თავისი ინტერესების შესაბამისად ოდიშის მთავარი წარმართავდა.⁸²⁷

გურიის საკითხის მოგვარების შემდეგ ლევან II დადიანი შეთქმულების ერთ-ერთ მონაწილეს, შარვაშიძეს მიუბრუნდა. ლამბერტის ცნობით, „აფხაზები ბუნებითაც მოუსვენარნი არიან და ამის გარდა, დადიანისგან თავს შეურაცხყოფილად სთვლიდნენ, რადგან ამან გააგდო ცოლი, მათის მთავრის ქალი. ამის გამო აფხაზები ისე ბრანზმორეულნი იყვნენ დადიანზე, რომ იმ დროს, როცა დადიანი გართული იყო თავის ძმისაგან დაწყებული ამბოხების დაცხრომის საქმეში, სულ თავს ესხმოდნენ სამეგრელოს საზღვრებს, რომელიც თითქმის სრულიად გააოხრეს, მცხოვრებლები დაატყვევეს და აფხაზეთში გადაასახლეს. დადიანმა, როგორც კი შინაური საქმეებისაგან მოიციალა, საჩქაროდ გაილაშქრა აფხაზების წინააღმდეგ და მალეც დაამარცხა ისინი. აფხაზებმა მორჩილება განუცხადეს, ხარკი იტვირთეს, მაგრამ, რადგან ეს ხალხი მოქალაქეობას და ვაჭრობას მოკლებულია, და არც ფული გააჩნია, არც საქონელი ხარკის გადასახდელად, დადიანმა მათ ხარკად დაადვა რამდენიმე მწვეარ-მეძებარი და მიმინო, რომლებითაც აფხაზები ნაქები“.⁸²⁸

ამ ცნობაზე დაყრდნობით ისტორიოგრაფიაში გამოითქვა მოსაზრება, რომ „ხარკის ამგვარი სახე განპირობებული იყო აფხაზთა დადიანზე დამოკიდებულების ნომინალური

⁸²³ . არქანჯელო ლამბერტი. სამეგრელოს აღწერა, გვ. 16.

⁸²⁴ . ქრისტოფორო კასტელი. ცნობები და აღბოში საქართველოს შესახებ, გვ. 43.

⁸²⁵ . არქანჯელო ლამბერტი. სამეგრელოს აღწერა, გვ. 19.

⁸²⁶ . ქრისტოფორო კასტელი. ცნობები და აღბოში საქართველოს შესახებ, გვ. 44.

⁸²⁷ . ი. ანთელავა. ლევან II დადიანი, გვ. 69.

⁸²⁸ . არქანჯელო ლამბერტი. სამეგრელოს აღწერა, გვ. 22.

ხასიათით“⁸²⁹ მაგრამ თეათინელ მისიონერს კარგად აქვს ახსნილი, თუ რატომ იხდიდნენ აფხაზები ხარკის სახით მხოლოდ „მწვეარ-მეძებარსა და მიმინოს“.

ლამბერტის ცნობას კიდევ უფრო ავსებს ჯუდიჩეს რელაცია, რომლის თანახმად დადიანმა „დაიმორჩილა და მოხარკედ გაიხადა იმერეთის მეფე, მთავარი გურიელი, სამეგრელოს მეოთხე ერისთავი და აფხაზეთის ერთი მთავარი“.⁸³⁰ ავტორი იქვე დასძენს: „ზემოთ ხსენებული სამი მთავარი, რომელთა შორის ერთი იმერელია, მეორე გურიელი, მესამე აფხაზი, მოვალენი არიან ომის დროს დაეხმარონ ოდიშის მთავარს“⁸³¹ ე. ი. ზემოთ აღნიშნული ხარკის გარდა, შარვაშიძე ვალდებული ყოფილა, სამხედრო სამსახური გაეწია დადიანისთვის. ოდიშის მთავრის მიერ თავისი ხელისუფლების აფხაზეთზე გავრცელებას ადასტურებს კასტელიცი: „აფხაზები ცხოვრობენ მკაცრ და მიუვალ მთებში. ამის გამო დადიანს არ შეეძლო ცეცხლითა და მახვილით შესეოდა მთა-გორიან მხარეს და ამიტომ მრავალი წლის განმავლობაში მისი მცირე რაზმები აფხაზებს თავს ესხმოდნენ და ზიანს აყენებდნენ. რადგან ამ მთის ხალხმა ბევრი ნაკლოვანება ვეღარ დაითმინა, გადაწყვიტა მძიმე უღლის ქვეშ ყოფნა“.⁸³²

საინტერესოა იერუსალიმის პატრიარქის, დოსითეოსის ცნობაც: „ლევან დადიანმა, რომელიც დიდხანს მეფობდა იქ, 40 000 აფხაზი მონათლა... და მათ ეპისკოპოსიც დაუნიშნა“.⁸³³ როგორც ვხედავთ, ოდიშის მთავრის ხელისუფლება ვრცელდებოდა აფხაზეთზე, მას ხელეწიფებოდა აფხაზთა მონათვლა და მათთვის ეპისკოპოსის დანიშვნაც.

ლევან II დადიანის მმართველობის ხანაში აფხაზეთი რომ ოდიშის სამთავროს შემადგენლობაში შედიოდა, მოწმობს კიდევ ერთი უცხოური საისტორიო წყარო. დომინიკელი მისიონერის, ემილიო დორტელი დ'ასკოლის 1634 წ. დათარიღებული ცნობით, „ჩერქეზეთის ზღვისპირა ქალაქი აბაზა სამეგრელოს საზღვართან მდებარეობს“.⁸³⁴ ქალაქი აბაზა (სხვა ცნობებით, აბხასი, ავოგაზია) მდებარეობდა მდინარე მზიმთას შესართავთან.

ცნობები XVII საუკუნის 20-იანი წლებიდან ოდიშის მთავრის აფხაზეთში გამარჯვებებისა და, შესაბამისად, აქ მისი იურისდიქციის აღდგენის შესახებ დაცულია ქართულ საისტორიო წყაროებშიც. აი, რას აღნიშნავს ლევან II დადიანი ილორის წმ. გიორგის ხატის წარწერაში: „მიუხვედით შარვაშიძესა ზუფუს, მუწუს წყალს აქეთ ავაოხრეთ. კიდევ მიუხვედით ზუფუს, კაპოეტის წყალს აქეთ სრულებით დაავსწვით და ავაოხრეთ და სადაცა სიმაგრე იყო, ავიღეთ და გავაცუდეთ და კაპოეტის წყალზე შემოგუებნეს ზუფუარი და სიხუარი მარშანიები და გაგვემარჯუა და დაგვოცეთ და ზოგი ხელთ დაგვრჩა და გამარჯვებულები მოვედით“.⁸³⁵

აფხაზეთის საერისთავოს სამეგრელოს შემადგენლობაში ყოფნის ფაქტი დადასტურებულია მოსკოვში თეიმურაზ I-ის ელჩის, მიტროპოლიტ ნიკიფორეს ცნობაში სამეგრელოს საზღვრების შესახებ, რომელიც მან 1636 წ. 24 ივლისს რუსეთის საგარეო უწყებას (საელჩო პრიკაზს) მიაწოდა. მიტროპოლიტის ინფორმაციით, სამეგრელო ერთი მხრით ესაზღვრება შავ ზღვას, მეორე მხრით – თურქეთს, მესამე მხრით – ყიზილბაშთა ტერიტორიას, მეოთხე მხრით – მთიელ ჩერქეზებს.⁸³⁶ მეზობლებს შორის ნიკიფორე აფხაზეთს და აფხაზებს არ ახსენებდა, ვინაიდან მათ სამეგრელოს შემადგენლობაში გულისხმობდა.

ლევან II დადიანი თავის წერილებში რუსეთის ხელმწიფისადმი (1636 და 1640 წწ.) ხაზს უსვამდა, რომ მისი სამთავრო – სამეგრელო, რომელიც აფხაზეთსაც მოიცავდა, არის ივერიის ერთ-ერთი ქვეყანა, ანუ საქართველოს ნაწილი.⁸³⁷

1643 წელს ლევან II დადიანი რომის პაპს, ურბან VIII-ს სწერდა, რომ უზენაესი

⁸²⁹ . . . , გვ. 265.

⁸³⁰ . . . ჯუდიჩე ჯუზეპე. წერილები საქართველოზე. იტალიური ტექსტი თარგმნა, წინასიტყვაობა და შენიშვნები დაურთო ბ. გიორგაძემ. თბ., 1964, გვ. 81.

⁸³¹ . . . იქვე, გვ. 86.

⁸³² . . . ქრისტოფორო კასტელი. ცნობები და აღბოძი საქართველოს შესახებ, გვ. 51.

⁸³³ . . . , I, გვ. 28.

⁸³⁴ . . . , დასახ. ნაშრომი, გვ. 240.

⁸³⁵ . . . კ. გრიგოლია. ილორის წმ. გიორგის ხატის წარწერა, გვ. 157.

⁸³⁶ . . . , გვ. 267.

⁸³⁷ . . . იქვე, გვ. 272, 296-301.

ღმრთის შემწევობით დაიმორჩილა აფხაზეთი, იმერეთი და გურია.⁸³⁸

1649 წელს რუსეთის ხელმწიფისადმი გაგზავნილ წერილში იმერეთის მეფე ალექსანდრე III ჩივის: „დადიანი ადრე ჩემი მონა იყო და ხარკს მიხდიდა, შემდეგ გადამიდგა და სულთანს დაუკავშირდა. კრებს თავის მეომრებს და აფხაზ-ჯიქებთან ერთად ყოველ წელს თავს გვესხმის“.⁸³⁹ ამ წერილშიაც ჩანს, რომ აფხაზები XVII საუკუნის 40-იან წლებშიც ულაშქრებდნენ ოდიშის მთავარს.

ფეშანგის სიტყვებით, ლევან II დადიანს „აფხაზეთი დაუჭირავს ხარაჯისა მოსართმევლად, ზაფხულ ზუფუს მივიდოდის, იგი იყუს ხანდაზმულად“.⁸⁴⁰ ვახუშტის მიხედვითაც, „დადიანმან ლევან განიწყო სპანი და მოიწვნა აფხაზნი ვიდრე დაპყრობამდე“.⁸⁴¹

საკითხთან დაკავშირებით მეტად მნიშვნელოვანია ბერი ეგნატაშვილის ზემოთ მოყვანილი ცნობები. თუ საქართველოს მონარქიის დაშლისას „შარვაშიძე მორჩილობდა არა ყოველსავე ბრძანებასა დადიანისასა“,⁸⁴² XVII საუკუნეში, 50-იანი წლების მიწურულამდე „იყო დადიანი მდიდარ ფრიად და მორჩილობდნენ სრულიად აფხაზნი და შარვაშიძენი ყმობდნენ და ულაშქრებდნენ დადიანსა“.⁸⁴³

ამრიგად, საისტორიო წყაროებში კარგად ჩანს, რომ დადიანი არის შარვაშიძის სიუხერენი. ეს უკანასკნელი გარკვეული ფორმით ვალდებულია ოდიშის მთავრის წინაშე, უხდის ხარკს და მოვალეა, ომის შემთხვევაში სამხედრო სამსახური გაუწიოს დადიანს. არსებითად, XVII საუკუნის 50-იანი წლების მიწურულამდე აფხაზეთში სამთავრო ჯერ კიდევ არ არის ჩამოყალიბებული, შარვაშიძე უფლებრივი მდგომარეობით ვერ ამაღლდა მთავრამდე, ის არ წარმოადგენს ისეთ პოლიტიკურ ფიგურას, როგორც იყო დადიანი, ან კიდევ გურიელი. შეიძლება ითქვას, რომ თავისი უფლებრივი მდგომარეობით შარვაშიძე ჯერ კიდევ თავადის დონეზე იდგა. გარდა ამისა, აფხაზეთი ერთიან პოლიტიკურ ერთეულს არ წარმოადგენდა და რამდენიმე სამფლობელოდ იყო დაყოფილი, რაც კარგად ჩანს XVII საუკუნის ავტორთა, ჯოვანი და ლუკას, ევლია ჩელების, პავლე ალექსოელის, კასტელის და სხვათა ნაშრომებში. მაგალითად, კასტელის ცნობით აფხაზეთს ერთდროულად არა ერთი, არამედ სამი „მთავარი“, ძმები ბესლაკო, სოლომონ და სეტემან შარვაშიძეები მართავდნენ, თუმცა ამათგან ბესლაკო ასაკითაც და პატივითაც უფროსი ყოფილა.⁸⁴⁴

გვიან შუა საუკუნეებში, ქართული სამეფო-სამთავროების შიგნით სენიორიების გაძლიერების პირობებში, შარვაშიძეც იბრძვის სიუხერენის დამოკიდებულებისგან განთავისუფლებისათვის. ეს პროცესი XVII საუკუნის I ნახევარშიც მიმდინარეობდა, მაგრამ ოდიშის ძლიერმა ხელისუფალმა, ლევან II დადიანმა შეძლო თავისი კონტროლის ქვეშ ჰყოლოდა შარვაშიძე. ლევან II დადიანის დიდი თუ მცირე ლაშქრობები აფხაზეთში მიზნად ისახავდა ოდიშის სამთავროს მთლიანობის განმტკიცებას, ჩრდილო-დასავლეთ კავკასიელი მთიელი ტომების თარეშის აღკვეთას და, რაც მთავარია, აფხაზეთის მტკიცედ დაჭერით დადიანი კეტავდა იმ ერთ-ერთ გზას, რომლითაც ოსმალეთი გაბატონებას ცდილობდა არა მარტო ოდიშში, არამედ მთელ დასავლეთ საქართველოში.

1615 წელს ოდიშის სამთავრო ოსმალეთის მორჩილი პოლიტიკური ერთეული გახდა. XVII საუკუნის 20-იანი წლების შემდეგ ის კვლავ ოსმალეთის ვასალია, მაგრამ დამოუკიდებლად უჭირავს თავი და რიგ შემთხვევებში ანტიოსმალურ აქციებშიც მონაწილეობს. 1640 წელს ლევან დადიანმა დასავლეთ საქართველოს გაერთიანებული ჯარით აიღო და დაანგრია ფოთის ციხე, რომელიც ოსმალებს ეკავათ. ამის შემდეგ, გურია-სამეგრელო-აფხაზეთში ოსმალური გარნიზონი არსად იდგა.⁸⁴⁵

⁸³⁸ . მ. თამარაშვილი. ქართული ეკლესია დასაბამიდან დღემდე. რედაქცია გაუკეთეს, წინასიტყვაობა დაურთეს და გამოსაცემად მოამზადეს ზ. ალექსიძემ და ჯ. ოდიშელმა. თბ., 1995, გვ. 611.

⁸³⁹ . ი. ცინცაძე. ტოლოჩანოვის იმერეთში ელჩობის მუხლობრივი აღწერილობა (1650-1652წწ.). თბ., 1970, გვ. 157.

⁸⁴⁰ . ფეშანგი. შაჰნავაზიანი. გ. ლეონიძის და ს. იორდანიშვილის რედაქციით, ტ. I, თბ., 1935, გვ. 84.

⁸⁴¹ . ქართლის ცხოვრება, ტ. IV, გვ. 828.

⁸⁴² . ქართლის ცხოვრება, ტ. II, გვ. 349.

⁸⁴³ . იქვე, გვ. 421.

⁸⁴⁴ . ქრისტოფორო კასტელი. ცნობები და ალბომი საქართველოს შესახებ, გვ. 192, 194.

⁸⁴⁵, 1989, გვ. 61.

ოდიშის სამთავროს გაძლიერებას საგარეო ვითარებამაც შეუწყო ხელი. XVII საუკუნის I ნახევარში ოსმალეთმა არაერთი ომი გადაიტანა სპარსეთთან, რომელმაც მცირე ინტერვალებით 1639 წლამდე გასტანა. ირანი ყოველმხრივ ცდილობდა შეექმნა ანტიოსმალური კოალიცია და მასში ჩაერთო დასავლეთ ევროპა, პოლონეთი, კაზაკობა და ოდიში. XVII საუკუნის 20-იან წლებიდან გახშირდა კაზაკთა თავდასხმები ოსმალეთის შავიზღვისპირა ქალაქებზე. ოსმალეთს გართულებული ჰქონდა ურთიერთობა პოლონეთთან და დასავლეთ ევროპასთან. თვით იმპერიის შიგნითაც არ იყო საქმე დაწყობილი. 1622-1623 წლებში აჯანყებულმა იანიჩარებმა ორი სულთანი ჩამოაგდეს ტახტიდან. 1622 წელს დაიწყო აბაზა ფაშას დიდი აჯანყება, რომელმაც თავისი კონტროლის ქვეშ მოაქცია ტერიტორია არზრუმიდან ბოსფორამდე, რითაც სტამბოლსა და საქართველოს შორის დიდი ზღუდე შეიქმნა. 1631-1632 წლებში კვლავ იანიჩართა აჯანყებებია.⁸⁴⁶

ცხადია, ამგვარ პირობებში სულთანს არ შეეძლო, აქტიური პოლიტიკა ეწარმოებინა ურჩი დადიანის წინააღმდეგ. 1637 წელს, მას შემდეგ რაც დადიანმა უარი თქვა სულთნის ბრძანების შესრულებაზე, რომ ერთობლივად ებრძოლათ კაზაკთა წინააღმდეგ, ოსმალებმა საზღვაო დესანტი გადმოსხეს კოდორის შესართავთან და სასტიკად დაარბიეს დრანდის მონასტერი და მისი შემოგარენი. თანაც ოსმალებმა დრანდაში ლაშქრობა მაშინ მოაწყვეს, როცა დადიანი იმერეთის მეფესთან ბრძოლით იყო დაკავებული.⁸⁴⁷ მეტი ღონისძიება სულთანმა ოდიშის სამთავროს წინააღმდეგ ვერ ჩაატარა, მაგრამ ყოველნაირად უწყობდა ხელს დადიანის მოწინააღმდეგე ძალებს დასავლეთ საქართველოში. თავისი მიზნების მისაღწევად ოსმალეთი კარგად იყენებდა აფხაზ ფეოდალებს და მით უფრო ჩრდილო-დასავლეთ კავკასიურ ტომებს, რომლებშიაც მისი გავლენა დიდი იყო.

გვიან შუა საუკუნეებში ჩრდილოეთკავკასიელი და ადგილობრივი მთიელების შემოსევებისაგან თავდასაცავად დადიანებმა საგანგებოდ გაამაგრეს ოდიშის ჩრდილოეთი საზღვრები. განსაკუთრებული ყურადღება მიექცა კოდორის ხეობიდან კოლხეთის დაბლობზე გადმოსასვლელების დაცვას.⁸⁴⁸ სწორედ აქ აღმართული კედელი აქვთ აღნიშნული ლამბერტის და კასტელის კოლხეთის რუკებზე.

აღნიშნულ საფორტიფიკაციო სისტემას ლამბერტის მიერ შედგენილ კოლხეთის რუკაზე აწერია: „სამოცი ათასი ნაბიჯის (სიგრძისა), აბაზთა თავდასხმების მოსაგერიებლად“.⁸⁴⁹ იმავე ზღუდეს კასტელის მიერ შედგენილ კოლხეთის რუკაზე შემდეგი წარწერა აქვს: „აბაზთა შემოსევების საწინააღმდეგოდ აგებული სამოცი მილის სიგრძის კედელი“⁸⁵⁰ (იხ. აქვე, რუკა №13).

XVII საუკუნეში ოდიშის სამთავროში მოქმედი საფორტიფიკაციო სისტემის შესახებ არქანჯელო ლამბერტი წერდა: „კოლხიდა ბუნებით დაცულია მტრებისაგან, როგორც ზღვით, ისე მთებით, ხოლო რაც ბუნებას დაჰკლებია, ის მთავრების მეცადინეობას და მოხერხებულობას დაუსრულებია. ზღვის მხრით ზოგან არც ტყე არის და არც ჭაობი და იქიდან მტერი ადვილად შესძლებდა შემოსვლას. ამ ადგილების დასაცველად აუშენებიათ რამდენიმე ხის ციხე, სადაც თოფით შეიარაღებული მცველები დგანან. ასეთივე საშუალება აქვთ ნახმარი მთების მხრიდანაც, რადგანაც ერთ ადგილს, რომელსაც ოლუშე ჰქვია, მთები გაშლილია და მტერს ადვილად შეეძლო აქედან შემოსვლა და ქვეყნის აოხრება, დიდის ხარჯით ამოუყვანიათ კედელი სიგრძით სამოცი ათასი ნაბიჯი და კედელში აქა-იქ აუშენებიათ კოშკები, რომლებშიც დგანან თოფით შეიარაღებული მცველები. რომ ამ კოშკებს დარაჯი არასოდეს მოაკლდეს, ოდიშის ეპისკოპოსებს, თავადებს და დიდებულებს თავის შორის მორიგეობა გაუნაწილებიათ, თვეობით, ისე რომ თვითეული თითო თვეს იცავს ამ ადგილს თავისი კაცებით“.⁸⁵¹

კედელი რომ ლევან II დადიანის გამთავრებამდეც (1611 წლამდე) გაცილებით ადრე

⁸⁴⁶ . ი. ანთელავა. ლევან II დადიანი, გვ. 88.

⁸⁴⁷ , გვ. 324.

⁸⁴⁸ . თ. ბერაძე. ვახუშტი ბაგრატიონი და ოდიშის ისტორიული გეოგრაფიის საკითხები. – საქართველოს ისტორიული გეოგრაფიის კრებული, ტ. IV. თბ., 1971; კ. ოუჯავა. აფხაზეთი XVII საუკუნეში, გვ. 35.

⁸⁴⁹ . არქანჯელო ლამბერტი. სამეგრელოს აღწერა. იხ. რუკა.

⁸⁵⁰ . ი. ტაბაღუა. საქართველო ევროპის არქივებსა და წიგნსაცავებში, ტ. II. იხ. კასტელის რუკა.

⁸⁵¹ . არქანჯელო ლამბერტი. სამეგრელოს აღწერა, გვ. 166.

შენდებოდა, მეტყველებს ზემოთ მოყვანილი ლამბერტის სიტყვები: კოლხეთისთვის რაც ბუნებას დაუკლია, ის მთავრების მეცადინეობას და მოხერხებას დაუსრულებია. როგორც ვხედავთ, წინა საუკუნეშიც კედლის მშენებლობაში სამეგრელოს არაერთ მთავარს მიუღია მონაწილეობა.

საინტერესოა ვახუშტი ბატონიშვილის ცნობა – „ანაკოფიის აღმოსავლით ზღვიდან მთამდე შეავლო ზღუდე დიდი ლევან დადიანმან, აფხაზთა გამოუსვლელობისათვის, გარნა აწ უქმად არს“.⁸⁵² ვახუშტის ცნობას იმეორებს ნიკო დადიანი და აკონკრეტებს, რომ ეს კედელი ააშენა „ლეონ დადიანმან მანუჩარის ძემან“⁸⁵³.

როგორც ზემოთ ვნახეთ, მთელი რიგი ქართული და უცხოური წყაროები ნათლად მიუთითებენ, რომ სამეგრელოს მთავრის, ლევან II დადიანის, ისევე როგორც მისი წინამორბედი მთავრების დროს, აფხაზეთი ოდიშის სამთავროს შემადგენლობაში იყო მოქცეული. ამ საკითხთან დაკავშირებით დიდ ინტერესს იწვევს კასტელის ალბომში შემონახული დავით ჩიჯავაძის სურათი. თეათინელ მისიონერს ის მოხსენიებული ჰყავს, როგორც ანაკოფიის ციხისა და ნავსაყუდარის მფლობელი.⁸⁵⁴ უეჭველია, დავით ჩიჯავაძე ლევან II დადიანის მიერ იყო დანიშნული ანაკოფიის ციხისთავად და მას ამ მხარის მმართველობა ჰქონდა ჩაბარებული.

1657 წელს ლევან დადიანი გარდაიცვალა, რის შემდეგაც დაიწყო ხანგრძლივი ბრძოლა სამთავრო ტახტის დასაკავებლად. ოდიშის მთავარი იმერეთის მეფის ალექსანდრე III დახმარებით (მან ოდიშში გაილაშქრა) გახდა ლევანის ბიძაშვილი ვამეყ III ლიპარტიანი (1658-1661წწ.). ოდიშის ტახტზე პრეტენზიები ჰქონდა ლევანის ძმისწულსაც ლიპარიტ დადიანსაც. 1658 წელს, ვამეყმა ასევე იმერეთის მეფის დახმარებით ბანძის ბრძოლაში (1658წ.) დაამარცხა მეტოქე და ტახტი შეინარჩუნა. აფხაზები სოლომონ შარვაშიძის ხელმძღვანელობით მაშინ ვამეყის ლაშქარში იბრძოდნენ.⁸⁵⁵ ამ მოვლენის აღსანიშნავად გამარჯვებულებმა ბიჭვინთის სახარება მოაჭედინეს. ბანძის ბრძოლის შესახებ ცნობა დაცულია ბიჭვინთის სახარების მინაწერში: „დიდო ბიჭვინტის ღმრთის მშობელო, თქვენ შეავედრეთ და შეწევნითა თქვენითა მეფესა და დადიანს წინ გაგიმარჯვეთ გურიელზე და ლიპარი დადიანზე და ამისთვინ მოვაჭედინეთ ეს პატიოსანი სახარება... ჩვენ შარვაშიძემან სოლომონ და ძემან ჩვენმან აზრაყან თქვენდა სადიდებლად და ჩვენდა სადღეგრძელოდ და აზრაყანისა აღსაზრდელად და მას საუკუნოსა ჩვენისა სულის სახსრად და საოხად.“⁸⁵⁶

1659 წელს ვამეყ ლიპარტიანი გურიაში ლაშქრობს და ამ ბრძოლაშიც აფხაზები მის ჯარში იბრძვიან, ე.ი. აფხაზეთი ჯერ კიდევ ოდიშის სამთავროს შემადგენლობაშია.

1661წ. იმერეთის ტახტისათვის გაჩაღებულ ბრძოლაში ქართლის მეფე ვახტანგ V შაჰნავაზი (1658-1675წწ.) ჩაერთო. მან ჯერ ქუთაისი დაიკავა, შემდეგ ოდიშში გადავიდა. სვანეთში გაქცეული ვამეყ III-ს ნაცვლად ტახტზე ლევან II დადიანის ძმისწული ლევან III აიყვანა და მას ცოლად საკუთარი ძმისწული თამარი შერთო. ვახტანგ V-ს ზუგდიდში შარვაშიძე ეახლა. „მოვიდა ზუგდიდს და მუნ მოერთო შარვაშიძე ძღუნითა დიდითა და აფხაზითა“⁸⁵⁷, - წერდა ვახუშტი. ამით აფხაზეთის ერისთავმა და აფხაზობამ ქართლის მეფის უზენაესობა აღიარეს. მეფემ აფხაზეთი ისევ ოდიშის მთავარს დაუმორჩილა.⁸⁵⁸ მისი ვაჟის – არჩილის იმერეთში გამეფება საქართველოს გაერთიანებისაკენ იყო მიმართული, მაგრამ ეს გეგმა თურქეთის ზეწოლით ჩაიშალა. ამ ფაქტიდებიდანაც ცხადია, რომ აფხაზეთი მაშინაც სამეგრელოსა და მთლიანად ქართული სამყაროს ნაწილს წარმოადგენდა.

⁸⁵² . ქართლის ცხოვრება, ტ. IV, გვ. 782.

⁸⁵³ . ნიკო დადიანი. ქართველთ ცხოვრება, გვ. 151.

⁸⁵⁴ . ქრისტოფოროს კასტელი. ცნობები და ალბომი საქართველოს შესახებ, გვ. 82. კასტელის, ვახუშტი ბატონიშვილის და ნიკო დადიანის ცნობებზე დაყრდნობით ისტორიოგრაფიაში გამოთქმულია მოსაზრება, რომ საფორტიფიკაციო სისტემა კოდორის ქედის გარდა არსებობდა ანაკოფიაშიც. აქ მდებარე ციხესიმაგრისა და კედლის ფუნქცია უნდა ყოფილიყო არა მარტო მთიელთა თავდასხმების მოგერიება, არამედ ოდიშის მთავრის ხელისუფლების განმტკიცება ანაკოფიის ჩრდილო-დასავლეთით მდებარე აფხაზეთის საერისთავოზე (კ. ოკუჯაგა. აფხაზეთი XVII საუკუნეში, გვ. 27-36).

⁸⁵⁵ . ბ. ხორავა. ოდიშ-აფხაზეთის ურთიერთობა XV–XVIII სს. თბ., 1996, გვ. 100.

⁸⁵⁶ . ხელნაწერთა აღწერილობა. კოლექცია, ტ. V. შედგენილია და დასაბუჯდად მომზადებული ლ. მეფარიშვილის მიერ. თბ., 1949, გვ. 74.

⁸⁵⁷ . ქართლის ცხოვრება, ტ. IV, გვ. 836.

⁸⁵⁸ . ბ. ხორავა. ოდიშ-აფხაზეთის ურთიერთობა XV–XVIII სს. გვ. 104

აფხაზეთის ამგვარი დამოკიდებულება ოდიშისადმი შემდგომში დიდხანს არ გაგრძელდებულა. დასავლეთ საქართველოში მიმდინარე შინაომებით და ოდიშის მთავრის ხელისუფლების დასუსტებით კარგად ისარგებლეს აფხაზმა თავადებმა და ბაგრატ (საუსტან) შარვაშიძის ხელმძღვანელობით XVII საუკუნის 60-იანი წლების შუა ხანებიდან ლაშქრობებს აწყობენ სამეგრელოს არა მარტო განაპირა, არამედ შიდა მხარეშიც.⁸⁵⁹

1672 წელს ოდიშში ახალციხის ფაშის მეთაურობით ოსმალთა ჯარი შემოიჭრა, რომლის მიზანი იყო ტახტზე სულთნის საიმედო პირის დასმა. მთავარი იძულებული გახდა რუხის ციხეში ჩაკეტილიყო. მან დახმარებისთვის აფხაზებს მიმართა, მაგრამ აფხაზებმა დახმარების ნაცვლად სამეგრელო დაარბიეს და უკან გაბრუნდნენ.⁸⁶⁰

1678წ. აფხაზებმა მორიგი ლაშქრობა მოაწყვეს. ამ ამბების თვითმხილველ პატრიარქ დოსითეოსის სიტყვებით, „აფხაზებმა დაარბიეს მოქვი, ზუგდიდი, ცაიში, სობი და მთელი ქვეყანა დოსკურიიდან პიპიუსამდე. დადიანს ძალა არ შესწევდა მათ გასარეკად“.⁸⁶¹

ოდიშში მოღვაწე თეათინელი მისიონერი მარი ძამპი XVII ს. 70-იანი წლების დასაწყისში აღნიშნავდა: „სამეგრელო სამეგრელო აღარ არის, რადგან ომების გამო უკანასკნელ სივლახაკეშია ჩავარდნილი, დაქცეული და აოსრებულია... ახლა კაცს არ შეუძლია უშიშრად იყოს, მუდამ აფხაზების დაცემის შიშშია“. ძამპისევე ცნობით, სამეგრელოს აფხაზებთან ერთად ჯიქები, ალანები და ჩერქეზები არბევდნენ.⁸⁶² აფხაზთა მოთარეშე რაზმები გურიაშიც აღწევდნენ, მაგრამ გურიელმა „მოსრნა მეკობრედ მოსულნი აფხაზნი მრავალგზის“.⁸⁶³

1681 წელს ლევან III დადიანი გარდაიცვალა. ტახტის მემკვიდრე მანუჩარი გურიელს ჰყავდა მძევლად. ოდიშში გაბატონების მიზნით გურიელმა მანუჩარი მოკლა. შექმნილი მდგომარეობით ისარგებლა სორეს (სავარეს) საუსტანის ძე შარვაშიძემ და თავი ოდიშის მთავრად გამოაცხადა. 1683 წელს ლიპარტიანის დახმარებით ოდიშის მთავარი გახდა ლევან IV (1683-1691წწ.). ფაქტობრივად ოდიშის სამთავრო ორად იქნა გაყოფილი: ენგურის აღმოსავლეთ ნაწილს დადიანი განაგებდა, ხოლო დასავლეთს – სორეს შარვაშიძე. ამის შემდეგ სორეს შარვაშიძემ რამდენჯერმე სცადა მთელ სამეგრელოზე გაეგრძელებინა თავისი ხელისუფლება, მაგრამ უშედეგოდ, სამაგიეროდ მტკიცედ დამკვიდრდა ჩრდილო-დასავლეთ სამეგრელოში. ნიშანდობლივია, რომ იტალიელი მისიონერები მას არა აფხაზეთის, არამედ სამეგრელოს მთავარს უწოდებენ.⁸⁶⁴

სამეგრელოში სორესის გამთავრების მიუხედავად, აფხაზთა მათხარი ლაშქრობები არ შეწყვეტილა. მათ მიზანს უკვე წარმოადგენდა როგორც ნადავლის ხელში ჩაგდება, ისე ენგურს დასავლეთით მდებარე სამეგრელოს მიწების აფხაზეთთან მიერთება და იქ მთიელთა ჩასახლება. 1685 წელს აფხაზები სორეს შარვაშიძის სამფლობელოში შეიჭრნენ და სამეგრელოს ეს ნაწილი კვლავ ააოხრეს.⁸⁶⁵ შესაძლოა, ამ ლაშქრობის შედეგად, ან სორეს შარვაშიძის გარდაცვალების შემდეგ, ზეგნაყ შარვაშიძემ ენგურს დასავლეთით მდებარე ოდიშის მიწა-წყალი უშუალოდ აფხაზეთს შეუერთა.

1689 წელს, იმერეთის სამეფო ტახტის გარშემო ატეხილი ბრძოლების უამს, აფხაზეთში შაჰნავაზის ძე არჩილი ჩავიდა. ვახუშტი ბატონიშვილის ცნობით, „მიეგება შარვაშიძე, ისტუმრა პატივით, ვითარცა მეფე და იმყოფებოდა ზუფუს უამროდენმე“.⁸⁶⁶ ეს ფაქტი ადასტურებს, რომ შარვაშიძე, მიუხედავად სამეგრელოს დაქვემდებარებიდან გამოსვლისა, იმერეთის მეფის უზენაესობას აღიარებდა.

ზეგნაყ შარვაშიძე საკმაოდ ვრცელ ტერიტორიას განაგებდა მდინარე ბზიფს, კაკასიონსა და ენგურის ქვემო წელს შორის, თუმცა აფხაზეთს ამ საზღვრებში

⁸⁵⁹ . იქვე, გვ. 110.

⁸⁶⁰ . ჟან შარდენის მოგზაურობა სპარსეთსა და აღმოსავლეთის სხვა ქვეყნებში, გვ. 207, 248.

⁸⁶¹ . . I. გვ. 46.

⁸⁶² . მ. თამარაშვილი. ისტორია კათოლიკობისა ქართველთა შორის, გვ. 204, 207.

⁸⁶³ . ქართლის ცხოვრება, ტ. IV, გვ. 840.

⁸⁶⁴ . მ. თამარაშვილი. ისტორია კათოლიკობისა ქართველთა შორის, გვ. 208.

⁸⁶⁵ . თ. ბერაძე. ოდიში XVII საუკუნის მიწურულიდან XIX საუკუნის დამდეგამდე - სამეგრელო, კოლხეთი, ოდიში, გვ. 219.

⁸⁶⁶ . ქართლის ცხოვრება, ტ. IV, გვ. 851.

დიდხანს არ უარსებია. დაახლოებით XVII საუკუნის 90-იან წლებში, ზეგნაყის გარდაცვალების შემდეგ მისი სამფლობელო შვილებმა გაინაწილეს. უფროსს – როსტომს ერგო ტერიტორია მდინარეებს ბზიფსა და კოდორს შორის. შუათანას – ჯიქეშიას – მდინარეებს კოდორსა და ღალიძგას შორის. ამ სათავადოს შემდეგში აფხაზები აბუყას უწოდებდნენ. უმცროს ძეს, ყვაპუს წილად ხვდა მიწა-წყალი მდინარე ღალიძგასა და მდინარე ენგურის ქვემო წელს შორის, მერმინდელი სამურზაყანო.⁸⁶⁷

ამრიგად, XVII საუკუნის 60-იანი წლების შუა ხანებამდე აფხაზეთი ოდიშის სამთავროს შემადგენლობაში რჩებოდა. შარვაშიძეები და სხვა აფხაზი თავადები დამოკიდებულნი იყვნენ დადიანზე, რაც სხვადასხვა სახის ვალდებულებებში გამოიხატებოდა, კერძოდ, იხდიდნენ სადადიანო გადასახადს და ომის შემთხვევაში „ულაშქრებდნენ“ მას. XVII საუკუნის 70-იან წლებამდე შარვაშიძის ბრძოლა ოდიშის მთავრის წინააღმდეგ წარმოადგენდა ბრძოლას სიუხერენის (დადიანის) წინააღმდეგ დამოუკიდებლობის მოსაპოვებლად. ამ მხრივ ის ძირეულად განსხვავდებოდა დადიანსა და გურიელს შორის დასავლეთ საქართველოში ჰეგემონობისთვის წარმოებული ბრძოლებისგან.

აფხაზეთის ოდიშისაგან ფაქტობრივი გამოყოფა და მისი ცალკე სამთავროდ თუ სათავადოდ ჩამოყალიბება XVII საუკუნის 70-იანი წლების მიწურულს დასრულდა, როდესაც მან მოიშორა სამთავრო ვალდებულებები და სიუხერენის ყოველგვარი დამოკიდებულებისგან გათავისუფლდა. ამიერიდან შარვაშიძე უშუალოდ, თუმცა ნომინალურად ემორჩილებოდა იმერეთის მეფეს.

აქვე უნდა აღინიშნოს, რომ ოდიშიდან გამოყოფისა და სამეგრელოს მნიშვნელოვანი ნაწილის მიტაცების მიუხედავად, აფხაზეთი არ წარმოადგენდა ისეთსავე მყარ პოლიტიკურ ერთეულს, როგორც მისი მეზობელი ოდიშის (ან გურიის) სამთავრო იყო. ის იმთავითვე დაიშალა ცალკეულ სათავადოებად. აფხაზი მთავრის (ზუფუელი შარვაშიძის) ხელისუფლება მხოლოდ მდინარეებს ბზიფსა და კოდორს შორის მდებარე ტერიტორიაზე ვრცელდებოდა. აბუყელი თავადი შარვაშიძე მას მხოლოდ ნომინალურად, ან საერთოდ არ ემორჩილებოდა. რაც შეეხება აბუყის აღმოსავლეთით მდებარე მხარეს, 1702 წელს ოდიშის მთავარმა შეძლო ენგურიდან ღალიძგამდე მდებარე მიწების დაბრუნება, თუმცა ამ კუთხის მმართველად კვლავ შარვაშიძეთა გვერდითი შტოს წარმომადგენელი რჩებოდა, რომელიც დადიანს ექვემდებარებოდა.

2. ეთნიკური პროცესები

გვიან შუა საუკუნეებში მძიმე საშინაო და საგარეო პოლიტიკური მდგომარეობიდან გამომდინარე, საქართველოში საგრძნობლად შემცირდა მოსახლეობა. დაცარიელებულ ბარის რეგიონებში მთიელები სახლდებოდნენ. მოსახლეობა შემცირებულ და დაცარიელებულ მთის კალთებს კი კავკასიონის ჩრდილოეთიდან გადმოსული მთიელები იკავებდნენ. ასე ჩამოყალიბდა კახეთში ჭარ-ბელაქნისა და თალას ე.წ. ლეკური უბატონო თემები, ასევე შიდა ქართლის მთიანეთში, მთისწინეთსა და ბარშიც ოსთა კომპაქტური მოსახლეობა.⁸⁶⁸ ამგვარი ვითარება იქმნება ჯერ აფხაზეთში, შემდეგ კი ჩრდილო-დასავლეთ სამეგრელოს სხვა რაიონებშიც, სადაც ჩრდილო-კავკასიური - ჯიქურ-აბაზური თემები მკვიდრდებიან.

XVIII-ში და, საერთოდ, გვიან შუა საუკუნეებში, ჯიქებს არ გააჩნდათ რაიმე სახელმწიფოებრივი წარმონაქმნი და ცალკეულ, ერთმანეთისგან დამოუკიდებელ მთიელ და ზღვისპირა თემებად დაყოფილნი ცხოვრობდნენ. ევლია ჩელების ნაშრომში ფიქსირებულია მთიელი ჯიქური თემების სახელები: იაიხარშ, მაჯარ, ჩმაკურს, ალაკარიშ, ბაღრს, ვაი ფილა, მქლიე, ბსლბ, ახჩფსი, ფუშრხი.⁸⁶⁹ სამწუხაროდ, ამ თემების ადგილმდებარეობის განსაზღვრა ძნელდება. შეიძლება მხოლოდ ის ითქვას, რომ ახჩფსის თემი არის იგივე აჰკიფსოუ, რომელიც მდინარე მზიმთას სათავეებში ცხოვრობდა, ხოლო ბსლბ აბაზური ბაშილბაის თემი უნდა იყოს.

⁸⁶⁷ . თ. ჭიჭინაძე. „ბუდიის ხელნაწერი“. – კვალი, 1897, 11 მაისი, №20.

⁸⁶⁸ . მ. ლორთქიფანიძე. აფხაზები და აფხაზეთი, გვ. 20.

⁸⁶⁹ . ევლია ჩელების „მოგზაურობის წიგნი“, ნ. I, გვ. 106.

ჯიქეთის ზღვისპირა თემებიდან ევლია ჩელების მოსხენიებული ჰყავს: კუთასი, სოუკსუ, აშლილი, უსუვიში, ბუზუდუკი, ჯმბა, სოჩა, კამშ, ართ, გეჩ, დიდი ჩანდები, მთის ჩანდები.⁸⁷⁰ თუ გავითვალისწინებთ იმ გარემოებას, რომ ჯიქეთ-ჩერქეზეთის თემები და ტომები ძირითადად იმ მდინარის სახელის მიხედვით იწოდებოდნენ, რომლის ნაპირებზეც მოსახლეობდნენ, ან იმ ადგილის სახელის მიხედვით იწოდებოდნენ, სადაც ისინი ცხოვრობდნენ, შედარებით ადვილდება ევლიასეული ზღვისპირა ჯიქური თემების ადგილმდებარეობის განსაზღვრა. ასე, მაგალითად: შეიძლება ითქვას, რომ კუთასის თემი კოდოშის კონცხსა და მის მიდამოებში მოსახლეობდა, უსუვიშის (სუბაშის) თემს მდინარე სუბაშის ანუ შახეს ხეობა ეკავა. შესაბამისად, სოუკსუსა და აშლილის თემები კოდოშის კონცხსა და მდინარე შახეს შუა არის საძიებელი. სოჩის თემს, როგორც თვით სახელწოდება მიუთითებს, მდინარე სოჭის ხეობა ეკავა. უსუვიშისა და სოჩას თემებს შორის მოსხენიებული ბუედელები უფრო მდ.შახესთან ახლოს ცხოვრობდნენ, ხოლო ჯმბა – მდინარე სოჭისგან დასავლეთით. კამშის თემს მდინარე ხამიშის ხეობა ეკავა, ართებს – მდინარე მზიმთას ქვემო წელი, ხოლო გეჩებს – მდინარე ფსოუს ქვედა ნაწილის ველი, რომელსაც მოგვიანებით გეჩრიფში ერქვა. გეჩებისგან აღმოსავლეთით გაგრის ქედზე და მის მიმდებარე მხარეებში დიდი ჩანდები, ანუ ცანდები და მთის ჩანდები ცხოვრობდნენ. თვით გაგრა მთის ჩანდებს ეკუთვნოდათ. გაგრის ქედის გადმოღმა აფხაზი ფეოდალების სამფლობელოები იწყებოდა.

გვიან შუა საუკუნეებში ადიღურ-უბისური ტომების მიერ შევიწროვებულ ჯიქთა და აგრეთვე აბაზთა ნაწილის აფხაზეთში დამკვიდრების შედეგად ამ კუთხეების ეთნიკურ-სოციალური და კულტურული იერ-სახე არსებითად შეიცვალა.

აფხაზთა ყოფა-ცხოვრების შესახებ საინტერესო ცნობას იძლევა არქანჯელო ლამბერტი: „ამათი მშვენიერი და საუცხოვო ქვეყანა სულ დაყოფილია ნაყოფიერი გორაკებით. რადგან ჰაერი მრთელი და მშრალია, ხალხიც არის მშვენიერი სისხლისა, ლამაზი სახისა და თეთრი ხორცისა, კარგად მოყვანილი, ღონიერი, მკვირცხლი და მარდი... აფხაზებს ბევრი ჯოგი ჰყავთ, მათი ყოველდღიური საჭმელია: ყველი, რძე და გარეული ნადირი. თევზს არა სჭამენ, თუმცა შეეძლოთ ბევრი დაეჭირათ მდინარეებშიც და ზღვაშიც. კიბო საშინლად ეზიზღებათ, როგორც გველი და დასცინიან მეგრელებს, რომელთაც ძალიან უყვართ კიბო.

აფხაზები ქალაქებსა და ციხეებში როდი ცხოვრობენ, არამედ შეიყრება ერთი გვარის ათი თუ ოცი ოჯახი, ამოირჩევენ რომელსამე მაღლობ ადგილს, გააშენებენ იქ კარგ ისლით დახურულ ფაცხებს, შემოავლებენ ამორჩეულ ადგილს მაგარ ღობეს და ღრმა თხრილს. ღობეს და თხრილს იმიტომ აკეთებენ, რომ ეშინიათ თავდასხმისა, გარეშე ხალხი კი არა, თვით აფხაზები თავს ესხმიან და სძარცვავენ ერთმანეთს. ხოლო ართმევენ ერთმანეთს სახლის ავეჯს კი არა, რადგან აფხაზს ასეთი ავეჯი არც კი გააჩნია, არამედ კაცებს, ქალებს და ბიჭებს. ამისათვის ჩვეულებრივ ღამე დაეცემიან ერთმანეთს და ვისაც მოახელებენ, დაიჭერენ და წაიყვანებენ.

აფხაზებს აქვთ ერთი შესანიშნავი ჩვეულება, რომელიც სხვაგან არ მოიპოვება, სახელდობრ ის, რომ მიცვალებულს როდი მარხავენ, არამედ ჰკიდებენ ხოლმე ხეზე შემდეგის წესით. გამოღარავენ ხის ღერს კუბოს მსგავსად, შიგ ჩასდებენ მიცვალებულს და ვაზის მაგარი ღეროებით ჩამოჰკიდებენ ხის წვერზე. ამავე ხეზე ჩამოჰკიდებენ ყველა იარაღს, რომელსაც მიცვალებული სიცოცხლეში საომრად ხმარობდა.“⁸⁷¹

ლამბერტის და XVII საუკუნის სხვა უცხოელ ავტორთა (ჯოვანი და ლუკა, კასტელი, ევლია ჩელები...) ცნობები იმის შესახებ, რომ აფხაზები აგრე ჰგვანან კავკასიის მთიელ ხალხებს ყოფით, სარწმუნოებით, რომ ისინი ციხეებსა და ქალაქებში არ ცხოვრობენ, რომ ისინი მეგრელებს არ ჰგვანან ყოფა-ცხოვრებით, – ყველაფერი ეს იმის მოწმობაა, რომ XVII საუკუნეში საკუთრივ აფხაზეთის მოსახლეობა მართლაც ახალ ჩამოსული კავკასიელი მთიელები არიან. მათ ჯერ კიდევ ვერ აუთვისებიათ ზღვისპირეთი და მთიელთა წესებით ცხოვრებას განაგრძობენ. რა თქმა უნდა, ესენი არ არიან აბორიგენები. მათ ვერ შეუთვისებიათ ქრისტიანობა, ისევე როგორც ვერ შეუთვისებიათ ფეოდალური მეურნეობა, ფეოდალური სოციალური წყობა და გორაკებზე გვარებად

⁸⁷⁰ . იქვე, გვ. 105-106.

⁸⁷¹ . არქანჯელო ლამბერტი. სამეგრელოს აღწერა, გვ. 168.

განსახლებულნი ცხოვრობდნენ. თუ მათ მიწის საკუთრება ჰქონდათ, ის უთუოდ ამ ინსტიტუტის დასაწყისი სტადია შეიძლება იყოს, რამდენადაც აფხაზები უმთავრესად მეჯოგეობას მისდევდნენ და არა მიწათმოქმედებას.⁸⁷²

ამრიგად, XVII საუკუნის აფხაზები თავისთავადი ხალხია, პრიმიტიული ყოფით და წარმართული რელიგიით. და ეს მაშინ, როდესაც ადრეულ შუა საუკუნეებში აფხაზეთი იყო ეკონომიკურად განვითარებული და კულტურულად დაწინაურებული ქვეყანა, საიდანაც ქრისტიანობა დასავლეთ კავკასიაში ვრცელდებოდა.

გვიან შუა საუკუნეებში მთიელი ტომები რამდენიმე ნაკადად ჩამოდიან აფხაზეთის ტერიტორიაზე. XVI საუკუნეში, როგორც ზემოდ არის ნახვენები, ეს პროცესი საკმაოდ შორს არის წასული, რისი აშკარა მოწმობაა დასავლეთ საქართველოს საკათოლიკოსო ტახტის გადატანა ბიჭვინთიდან გელათში. XVII საუკუნეში მთიელთა მორიგი ნაკადის ჩამოსვლამ კიდევ უფრო გააძლიერა აფხაზეთის ახალი მოსახლეობა. იმავე საუკუნის I ნახევარში, როდესაც დასავლეთ საქართველოს კავკასიურ ტომთა ახალი ნაკადი აწევბა, ქართულ ხელისუფლებას ჯერ კიდევ შესწევს უნარი, წინ აღუდგეს და „აღმოფხვრას“ ისინი. სწორედ ამიტომ არის, რომ ფეშანგი ლევან II დადიანს ახასიათებს, როგორც „ჯიქისა და ალანისა დაუდგომლად სისხლთა მღვრელად“.⁸⁷³

ლამბერტის ცნობით, XVII საუკუნის I ნახევარში აფხაზები კოდორს გადადმა ცხოვრობდნენ „თავისი განსაკუთრებული ენით“.⁸⁷⁴ თუმცა თეათინელი მისიონერის მეტად მნიშვნელოვანი ცნობა იმის საშუალებას მაინც არ იძლევა, რომ XVII საუკუნის I ნახევარში მდინარე კოდორის დასავლეთით ერთგვაროვანი, აფხაზური მოსახლეობა ვიგულისხმობთ. ლამბერტის თანამედროვე მრავალი უცხოელი ავტორის ცნობებში ჩანს, რომ აღნიშნული დროისათვის თანამედროვე გულრიფშის რაიონში და მის ჩრდილო-დასავლეთით მოსახლეობის მნიშვნელოვან ნაწილს ჯერ კიდევ ქართველები შეადგენდნენ.

კასტელიმ, რომელმაც 1634-1639 წლებს შორის იმოგზაურა აფხაზეთში, იქ რამდენიმე გვარი ჩაიწერა. ესენია: შარაშია, აჩაბაია, ჩიჯავაძე, კასაია, გიმეტია.⁸⁷⁵ როგორც ვხედავთ, ყველა ჩამოთვლილი გვარი დასავლურ-ქართულია. ნიშანდობლივია ის გარემოება, რომ კასტელის აფხაზ დიდებულთა გვარები შარვაშიძე და ანჩაბაძე მაინცდამაინც მეგრული ფორმით (შარაშია, აჩაბაია) აქვს მოხსენიებული. კასტელის ალბომში ფიქსირებული რამდენიმე გვარი XVII საუკუნის I ნახევრის საკუთრივ აფხაზეთის ეთნიკურ ვითარებაზე სრულ წარმოდგენას, რა თქმა უნდა, ვერ შეგვიქმნის, მაგრამ ეს ფაქტი ამ მხარეში ქართველების მოსახლეობას ნამდვილად ადასტურებს.

კოდორის დასავლეთით ქართველთა მოსახლეობა დასტურდება ჯოვანი და ლუკას ცნობებითაც. დომინიკელ მისიონერს სამეგრელოს საზღვართან, ქალაქ სკისორნუმში, რომელიც მდებარეობდა სოხუმის მიდამოებში, ადგილობრივი თავადი პუტო ამცნობს --- „თუმცა ქართველები ჩემი მეზობლები არიან, მაგრამ მე მათთან თანხმობა არა მაქვს“ -
ო.⁸⁷⁶

ეგლია ჩელების მიხედვით, სამეგრელოს ზღვისპირეთში აბაზური თემებიდან ჩაჩები ესაზღვრებდნენ, რომლებიც მეგრულადაც ლაპარაკობდნენ.⁸⁷⁷ ოსმალო მოგზაურის ცნობებით ვერ ირკვევა, თუ სად ემიჯნებოდა ჩაჩების მიწა სამეგრელოს; ცხადია მხოლოდ, რომ მათ მიწაზე მდებარეობდა ნავსადგური ლაკბა. ბრუნის მოსაზრებით, ამ ნავსადგურს ლაკია ეწოდებოდა და მდებარეობდა ბომბორის ყურეში, რომელსაც აფხაზები XIX საუკუნეშიც ლიხინს უწოდებდნენ.⁸⁷⁸ ეგლიასეული „ჩაჩი“ მოსახლეობის ის ნაწილი იყო, რომელსაც შარვაშიძე (ჩაჩბა) ედგა სათავეში. ეგლია ჩელების ცნობა ჩაჩების ორენოვნების შესახებ იმ გარემოებით უნდა იყოს გამოწვეული, რომ საშარვაშიძეოში აფხაზეთთან ერთად მეგრელებიც მოსახლეობდნენ, რაც დასტურდება კიდევ კასტელის მონაცემებით.

⁸⁷² . ნაბერძენიშვილი. საქართველოს ისტორიის საკითხები, ტ. VIII. თბ., 1990. გვ. 614.

⁸⁷³ . ფეშანგი. შაჰნავაზიანი, გვ. 84.

⁸⁷⁴ . არქანჯელო ლამბერტი. სამეგრელოს აღწერა, გვ.176.

⁸⁷⁵ . ქრისტოფორო კასტელი. ცნობები და ალბომი საქართველოს შესახებ, გვ. 80, 82, 134, 136, 171, 178.

⁸⁷⁶ . იტაბაღუა. საქართველო ვეროპის არქივებსა და წიგნსაცავებში, ტ. III, გვ. 158.

⁸⁷⁷ . ეგლია ჩელების მოგზაურობის წიგნი, ნ. I, გვ. 100.

⁸⁷⁸

XVII საუკუნის საისტორიო წყაროებში მეტად მწირია ცნობები აფხაზეთის აღმოსავლეთ მთიანეთის ეთნიკური სურათის შესახებ. თეათინელი მისიონერების კოლხეთის რუკების (აქვე, რუკა №13) მიხედვით, კოდორის ქედზე მდებარე კედლის წარწერა (რომ ის აბაზათა საწინააღმდეგოდ არის აგებული) სრულებით არ გამორიცხავს XVII ს. I ნახევარში კოდორის ხეობაში შერეული ქართულ-აფხაზური მოსახლეობის არსებობას, ვინაიდან ეს კედელი აშენებული იყო არა აქაური თემების, არამედ, უპირველეს ყოვლისა, ჩრდილო-დასავლეთ კავკასიელი ტომებისგან თავდაცვის მიზნით.

ეგვია ჩელები მთებში მოსახლე აფხაზურ-აბაზური თემებიდან აღმოსავლეთიდან დასავლეთის მიმართულებით პირველად ფუშრხის აფიქსირებს, რომელიც, ავტორის მიხედვით, „მეგრელებთან ახლოა“.⁸⁷⁹ ბრუნის მიხედვით, ფუშრხი იგივე ფსხუა.⁸⁸⁰ ე.ი. ოსმალთა მოგზაურს მდინარე ბზიფის სათავეების აღმოსავლეთით მეგრელები ეგულება.

საკუთრივ აფხაზეთის უკიდურესი ჩრდილო-დასავლეთი ნაწილი, ტერიტორია მდინარე ბზიფის გადაღმა, ვახუშტი ბატონიშვილის ცნობას თუ დავეყრდნობით, ჯერ კიდევ „ბაგრატიონთ ჟამს აქეთ აქამომდე“ ჯიქებით იყო დასახლებული,⁸⁸¹ მაგრამ თუ გავითვალისწინებთ გვიან შუა საუკუნეებში ჩრდილო-აღმოსავლეთ შავი ზღვისპირეთში მიმდინარე მიგრაციულ პროცესებს, შეგვიძლია ვთქვათ, რომ XVII საუკუნეშიც აქ ისევე როგორც საკუთრივ აფხაზეთში - კაპოეტის წყალსა და ანაკოფიას შორის მდებარე ტერიტორიაზე, მთიელთა ჩამოწოლის პროცესი გრძელდებოდა.

XVII საუკუნის 80-იანი წლებიდან, მას შემდეგ, რაც ჩრდილო-დასავლეთ სამეგრელო აფხაზეთის შემადგენლობაში მოექცა, აქ ეთნიკური სურათი მნიშვნელოვნად იცვლება. ჩრდილოეთ კავკასიიდან ჩამოსახლებულ მთიელებს (აფხაზებსა და ჯიქაბაზებს) ეთნოგრაფიული თვალსაზრისით შედარებით ადვილად უნდა აეთვისებინათ ცხუმის მხარე, რომელიც გარეშე მტერთა თავდასხმების შედეგად XV საუკუნის II ნახევრიდან თანდათანობით კარგავს ძველ ძლიერებას, ჩანაგდება და მოსახლეობისგან იცლება. შემთხვევითი არ არის ის ფაქტი, რომ წარსულში სავაჭრო-ეკონომიკური და კულტურული თვალსაზრისით მძლავრი ცხუმი, XVII საუკუნის საისტორიო წყაროებში ფაქტობრივად აღარ მოიხსენიება. აწინდელი აფხაზეთის სამხრეთ-აღმოსავლეთი მხარის ისტორიულ-ეთნოლოგიურ საკითხებთან დაკავშირებით უნდა შევეხოთ სამეცნიერო ლიტერატურაში არსებულ ერთ-ერთ მოსაზრებას, რომლის მიხედვით, „აფხაზეთის სამთავროს მიერ ისტორიული ცხუმისა და ნაწილობრივ ბედიის საერისთავოების ტერიტორიის შემოერთებას იმ გარემოებამ შეუწყო ხელი, რომ ეს კუთხე მნიშვნელოვან-წილად დასახლებული იყო აფხაზურენოვანი თემებით, რომლებიც ფეოდალური ეკლესიის, პირველ რიგში, დრანდის, მოქვის და ბედიის საეპისკოპოსოებისადმი დამოკიდებულების პირობებში, საუკუნეების განმავლობაში ინარჩუნებდნენ თვითმყოფადობას“.⁸⁸² იმთავითვე უნდა აღინიშნოს, რომ მდინარე ენგურის ჩრდილო-დასავლეთით მდებარე პოლიტიკური, ეკონომიკური და კულტურულ-რელიგიური მნიშვნელობის პუნქტები (ბიჭვინთა, დრანდა, მოქვი, ბედია და. ა.შ.) ზოგჯერ უფრო დიდ როლს ასრულებდნენ ოდიშის სამთავროს ცხოვრებაში, ვიდრე ის პუნქტები, რომლებიც ენგურს აღმოსავლეთით მდებარეობდნენ. დადიანებს ზუგდიდის გარდა სასახლეები ჰქონდათ ხაუჟელში, დალიძეაში, მოქვსა და მერკულაში. შემთხვევითი არაა ისიც, რომ გორიდან გადმოსულ თეათინელ მისიონერებს ოდიშის მთავარი ლევან II დადიანი 1633 წლის ნოემბერში მერკულაში ღებულობს და იქ უმართავს აუდიენციას.⁸⁸³ ანტიოქიის პატრიარქის, მაკარიოსის ცნობით (1664წ.), სამეგრელოს საეპისკოპოსოებს შორის ყველაზე დიდი ბედიისა ყოფილა.⁸⁸⁴ ნიშანდობლივია, რომ ოდიშის სამთავროს ექვსი საეპისკოპოსოდან ენგურის დასავლეთით, გარდა ბედიისა, მოქმედებდნენ მოქვისა და დრანდის საეპისკოპოსოები. ამავე მხარეში მდებარეობდნენ ქიაჩისა და წიფურის

⁸⁷⁹ . ეგვია ჩელების მოგზაურობის წიგნი, ნ. I, გვ. 106.

⁸⁸⁰ , გვ. 20.

⁸⁸¹ . ქართლის ცხოვრება, ტ. IV, გვ.786.

⁸⁸² , გვ. 125.

⁸⁸³ . მ. თამარაშვილი. ისტორია კათოლიკობისა ქართველთა შორის, გვ. 171.

⁸⁸⁴ XVII , გვ. 32.

მონასტრები.⁸⁸⁵ წიფურიას მონასტერი მრავალი წლის განმავლობაში დასავლეთ საქართველოში მოღვაწე თეათინელი მისიონერების რეზიდენცია იყო.

ჯუზეპე ჯუდიჩეს რედაციებში მოთხრობილია, რომ მის დროს სამეგრელოში განსაკუთრებით ოთხ დღესასწაულს ზეიმობდნენ: აღდგომას, დადიანობას, მარიამობას და გიორგობას. ამათგან, მისიონერის მიხედვით, ყველაზე დიდი იყო წმინდა გიორგის დღესასწაული, რომელსაც ნოემბერში ბედიელი ეპისკოპოსის ხელმძღვანელობით ილორის წმინდა გიორგის სახელობის ეკლესიაში ატარებდნენ.⁸⁸⁶

მდ.ენგურის ჩრდილო-დასავლეთით ფუნქციონირებდნენ აგრეთვე ოდიშის ძირითადი სავაჭრო-ეკონომიკური ცენტრები. ლამბერტის მიხედვით, უმთავრესი ბაზრობა წიფურიაში იმართებოდა. მის გარდა ამგვარ მნიშვნელოვან პუნქტებს წარმოადგენდნენ ილორი და ბედია.⁸⁸⁷ სავაჭრო-ეკონომიკური თვალსაზრისით, ოდიშში დიდი მნიშვნელობა ენიჭებოდა მდინარე კოდორის შესართავის სამხრეთ-აღმოსავლეთით მდებარე სკურჩას ნავსადგურს.⁸⁸⁸ დარწმუნებით შეიძლება ითქვას, რომ XVII საუკუნის 80-იან წლებამდე ოდიშის სამთავროს ძირითადი ეკონომიკური და კულტურული ნაწილი მდინარე ენგურის ჩრდილო-დასავლეთით მდებარეობდნენ.

XVII საუკუნის 80-იან წლებამდელი საისტორიო წყაროებით, მდინარეებს, ენგურსა და კელასურს შორის მდებარე მხარე არა მარტო პოლიტიკურად, არამედ ეთნიკურადაც სამეგრელოა, რაც კარგად ჩანს ლუი დე გრანჟიეს მოხსენებაშიც,⁸⁸⁹ რომელიც 1615 წლის 2 მარტს, სამეგრელოს სოფელ მოქეშია დაწერილი. გრანჟიეს მოწმობა იმითაა საინტერესო, რომ ის მოქვს სამეგრელოში გულისხმობს, მაგრამ კიდევ უფრო საინტერესოა იმით, რომ აქ ის საჭიროდ ცნობს სამოღვაწეოდ შეისწავლოს მეგრული და სამწიგნობრო ქართული; მაშასადამე, მოქვის მხარე მეგრელებითაა დასახლებული, ქართული კი სახელმწიფო და ქრისტიანობის ენაა. იმ დროს აქ სხვა ენის მქონე ხალხს, კერძოდ, თანამედროვე აფხაზთა (აფსუათა) წინაპრებს რომ ეცხოვრა, საფიქრებელია, გრანჟიე იმ ხალხის ენის შესწავლას ასევე საჭიროდ დაინახავდა.⁸⁹⁰

საკითხთან დაკავშირებით უძვირფასეს მასალას წარმოადგენს XVII საუკუნის ტოპონიმი. თეათინელ მისიონერთა რუკებზე აფხაზეთსა და სამეგრელოს შორის ჩამავალ მდინარეს კოდორი ეწოდება. ნიშანდობლივია, რომ სამეგრელოში დღესაც ცნობილია მსგავსი გეოგრაფიული სახელები: კოდორე, კოდარა, კოდიფონი, კოდორა, კოდორქალაქი, კოდორფონი, კოდორჭაე, გაენკოდორი, კოდოროუ, კოდორი და ა.შ.⁸⁹¹

ხსენებულ რუკებზე სახელწოდება დრანდა გადმოცემულია მეგრული ფორმით – დანდრა, რაც კიდევ ერთი დამატებითი საბუთია იმ მოსაზრების სასარგებლოდ, რომ დრანდა და მისი მიმდებარე მხარე არა მარტო პოლიტიკური თვალსაზრისით შედიოდა ოდიშის შემადგენლობაში, არამედ ის ეთნიკურადაც სამეგრელოს ორგანული ნაწილი იყო.

XVII საუკუნის საისტორიო წყაროებში მდინარეებს კოდორსა და ენგურს შორის მოხსენიებულია შემდეგი გეოგრაფიული სახელები:

მარმარწყარი – პატარა მდინარე, რომელიც ზღვას ერთვის კოდორის აღმოსავლეთით. მის შუა წელზე, მარჯვენა მხარეს, მისიონერებს აღნიშნული აქვთ სოფელი მარმარიშკარი.

ჯოვანი და ლუკას მოხსენიებული აქვს სოფელი სკურჩა⁸⁹², რომელიც მდებარეობდა მდინარე სკურჩას შესართავთან. სკურჩას აგრეთვე ტყაურუ ეწოდებოდა.

დასავლეთ საქართველოს საეკლესიო საბუთებში მოხსენიებული სოფელი ფშია⁸⁹³, თეათინელი მისიონერების კოლხეთის რუკებზე ფიქსირებულია მარმარწყარის, იგივე სკურჩას სათავეებთან.

⁸⁸⁵ . არქანჯელო ლამბერტი. სამეგრელოს აღწერა, გვ. 120-121.

⁸⁸⁶ . ჯუდიჩე ჯუზეპე. წერილები საქართველოზე, გვ. 96-97.

⁸⁸⁷ . არქანჯელო ლამბერტი. სამეგრელოს აღწერა, გვ. 157-158.

⁸⁸⁸ . ჟან შარდენის მოგზაურობა სპარსეთსა და აღმოსავლეთის სხვა ქვეყნებში, გვ. 212.

⁸⁸⁹ . მ. თამარაშვილი. ისტორია კათოლიკობისა ქართველთა შორის, გვ. 135.

⁸⁹⁰ . ნ. ბერძენიშვილი. საქართველოს ისტორიის საკითხები, ტ. VIII, გვ. 611.

⁸⁹¹ . გ. ელიავა. აბაშისა და გეგუჭკორის რაიონების ტოპონიმიკა. თბ., 1977, გვ. 19, 24, 39, 51, 103.

⁸⁹² . მ. თამარაშვილი. ისტორია კათოლიკობისა... გვ. 145; ი. ტაბაღუა. საქართველო ევროპის..., ტ. III, გვ. 160.

⁸⁹³ . ს. კაკაბაძე. აფხაზეთის საკათალიკო დიდი იაღვარი. – საისტორიო ძიებანი, წ. II, ტფ., 1925, გვ. 187.

ლამბერტის თანახმად, ოდიშის ერთ-ერთი მონასტერი აგებული იყო ქიაჩის მთაზე, წმ.მიქელის სახელობაზე⁸⁹⁴. ქიაჩი მდებარეობდა კოდორის ქედის სამხრეთ კალთებზე, თანამედროვე ჯგერდაში.

კვიტოული⁸⁹⁵ – სოფელი მდებარეობს მდინარე მოქვის დასავლეთით, აღნიშნულია ლამბერტისა და კასტელის რუკებზე, მოხსენიებული აქვთ 1639-1640 წწ. სამეგრელოში მყოფ რუს ელჩებს.

კამულეთი⁸⁹⁶ – მდ.მოქვის მარჯვენა შენაკადის, კამურჩას ნაპირზე⁸⁹⁷.

ჭალა⁸⁹⁸ – აფხაური თემების დამკვიდრების შემდეგ მას ჭილოუ ეწოდა. მდებარეობს ოჩამჩირისგან ჩრდილო-დასავლეთით.

თილითი⁸⁹⁹ – თეათინელი მისიონერების რუკებზე ეს სოფელი აღნიშნულია მდ.მოქვის სათავეებში განსხვავებული სახელწოდებით – თილიში⁹⁰⁰. ამ შემთხვევაში ტოპონიმი -ით ბოლოსართის ნაცვლად ნაწარმოებია ზანურ-სვანური -იმ სუფიქსით.

თხალარი⁹⁰¹ – სავარაუდოდ, მდებარეობდა თანამედროვე თხინას მიდამოებში⁹⁰².

თეათინელ მისიონერთა რუკებზე მდინარეებს ღალიძგასა და ოქუმს შორის მთებში აღნიშნულია სოფელი მარცხული. მოხსენიებულია კასტელის ალბომშიც⁹⁰³.

ზეგანი⁹⁰⁴ – მდინარეებს ღალიძგასა და მოქვს შორის, ამჟამინდელი გუფის მიდამოებში.

ხაუქელი⁹⁰⁵ – დაახლოებით თილითსა და ღალიძგას შორის.

ღალიძგა⁹⁰⁶ – მდებარეობდა ამავე სახელწოდების მდინარის შუა წელზე, თანამედროვე სოფელ ბესლახუბას მიდამოებში. თეათინელ მისიონერთა რუკებზე მდ.ღალიძგას აწერია ეგრისი. ასევე უწოდებს მას ლამბერტი თავის აღწერაშიც⁹⁰⁷. მხოლოდ შემდეგში მდინარე ეგრისმა მიიღო მის სანაპიროზე მდებარე სოფლის სახელი და ეწოდა ღალიძგა. რუსი ელჩები ასხენებენ მას „გამბლი“-ს ფორმით.

ილორი⁹⁰⁸ – სოფელი მდებარეობს მდ. ღალიძგის შესართავთან. ლამბერტისეულ რუკაზე ასეთი სოფელი აღნიშნულია მდ.ცხენისწყლის ნაპირებთანაც. ცნობილია, რომ სამეგრელოში ილორი რამდენიმე სოფელს ეწოდებოდა.⁹⁰⁹

ხორი⁹¹⁰ – სავარაუდოდ უნდა იყოს აწინდელი სოფელი ოხური.

სუბვი⁹¹¹ – საეკლესიო საბუთებში მოხსენიებული ეს სოფელი თეათინელი მისიონერების რუკებზე დაფიქსირებულია ფორმით სუბვიში, მდინარე ოქუმის მარჯვენა სანაპიროზე. მდებარეობდა აწინდელი ანიგვარას მიდამოებში⁹¹².

ნაუანეო – იხსენიება ბიჭვინთის იადგარში (XVII ს.),⁹¹³ როგორც ენგურისპირა სოფელი. XVII საუკუნის საეკლესიო საბუთებში მოხსენიებულია ფორმით ნაუანეული⁹¹⁴. ამჟამად მას სავარაუდოდ, ოტობაია ეწოდება⁹¹⁵.

⁸⁹⁴ . არქანჯელო ლამბერტი. სამეგრელოს აღწერა, გვ. 121.

⁸⁹⁵ . შ. ბურჯანაძე. ისტორიული დოკუმენტები იმერეთის სამეფოსა და გურია-ოდიშის სამთავროებისა, წ. I. თბ., 1958, გვ. 151.

⁸⁹⁶ . ს. კაკაბაძე. დასავლეთ საქართველოს საეკლესიო საბუთები, წ. I. ტფილისი, 1921, გვ. 41.

⁸⁹⁷ . პ. ინგოროყვა. გიორგი მერჩულე, გვ. 175.

⁸⁹⁸ . ს. კაკაბაძე. აფხაზეთის საკათალიკოზო დიდი იადგარი.. - საისტორიო მოამბე, წ. II. ტფილისი, 1925, გვ. 187.

⁸⁹⁹ . ს. კაკაბაძე. აფხაზეთის საკათალიკოზო გლეხების დიდი დავთარი, გვ. 33.

⁹⁰⁰ . ამგვარადაა ის ფიქსირებული ლამბერტის რუკაზე, ხოლო კასტელისთან მას თილითი ეწოდება. ამ ადგილებში დღესაცაა შემორჩენილი ტოპონიმი თილით აბაა (აფხაზურად თილითის ციხე) სოფ თხინასთან. იხ.: თბერაძე. ოდიშის სამთავროს რუკა არქანჯელო ლამბერტის მიხედვით. – საქართველოს მეცნიერებათა აკადემიის მაცნე, ისტორიის... სერია, №3, 1971, გვ. 154.

⁹⁰¹ . ს. კაკაბაძე. დასავლეთ საქართველოს საეკლესიო საბუთები, წ. I, გვ. 41.

⁹⁰² . პ. ინგოროყვა. გიორგი მერჩულე, გვ. 174.

⁹⁰³ . ქრისტოფორო კასტელი. ცნობები და ალბომი, გვ. 151.

⁹⁰⁴ . ს. კაკაბაძე. დასავლეთ საქართველოს საეკლესიო საბუთები, წ. I, გვ. 41.

⁹⁰⁵ . ს. კაკაბაძე. აფხაზეთის საკათალიკოზო გლეხების დიდი დავთარი. ტფილისი, 1914, გვ. 36.

⁹⁰⁶ . ლამპორტს სურ უნ ვოყავე არცა ოლოგიქუე დანს ლა ორგიე ეტ დანს ლ' რმენი . ხეცუტე ენ 1847-1848, პარ როსსეტ, შტ. ეტერსბურგს, 1849, VIII, გვ. 106.

⁹⁰⁷ . არქანჯელო ლამბერტი. სამეგრელოს აღწერა, გვ. 176.

⁹⁰⁸ . ს. კაკაბაძე. დასავლეთ საქართველოს საეკლესიო საბუთები, წ. I, გვ. 41.

⁹⁰⁹ . კ. ოკუჯავა. აფხაზეთი XVII საუკუნეში, გვ. 95.

⁹¹⁰ . ს. კაკაბაძე. აფხაზეთის საკათალიკოზო გლეხების დიდი დავთარი, გვ. 29.

⁹¹¹ . ს. კაკაბაძე. აფხაზეთის საკათალიკოზო გლეხების დიდი დავთარი, გვ. 31.

⁹¹² . გ. ზუხბაია. აფხაზეთის ისტორიული გეოგრაფიისათვის. –რიწა, №1-2, 1997, გვ. 136.

⁹¹³ . ი. დოლიძე. ქართული სამართლის ძეგლები. ტ. II. თბ., 1965, გვ. 179.

⁹¹⁴ . ს. კაკაბაძე. აფხაზეთის საკათალიკოზო გლეხების დიდი დავთარი, გვ. 24, 53.

⁹¹⁵ . გ. ზუხბაია. აფხაზეთის ისტორიული გეოგრაფიისათვის, გვ. 135.

წამხარი – აღნიშნულია თეათინელ მისიონერთა რუკებზე. დღეს წამხარი თაგილონის ერთ-ერთი უბანია.⁹¹⁶

თეათინელ მისიონერთა რუკებზე მდ.ლალიძის დასავლეთით აღნიშნულია მდინარე მოქვი (მოქვიშწყარი). ლამბერტის თანახმად, „ამ მდინარეს ასე ჰქვია იმიტომ, რომ იგი ჩაუდის მოქვის საეპისკოპოსოსს“.⁹¹⁷

გრანჯიეს მოხსენებაში მოქვის მახლობლად ფიქსირებულია სოფელი მარგულა⁹¹⁸. დღეს მას მერკულა ეწოდება. მდებარეობს მდინარე მოქვის შესართავთან, მარცხენა მხარეს.

არქანჯელო ლამბერტი სამეგრელოს მდინარეთა შორის ასახელებს ოქუმს⁹¹⁹. მდ.ოქუმი ასევე აღნიშნულია ლამბერტისა და კასტელის რუკებზე.

ბედია – XVII საუკუნეში მოხსენიებული აქვს მრავალ ავტორს.

თეათინელ მისიონერს ძამპის სამეგრელოს დასავლეთ ნაწილში მოხსენიებული აქვს სოფელი ფუწყური⁹²⁰. ამჟამად ეს სოფელი გალიდან ჩრდილო-დასავლეთით, წარჩესთან ახლოს მდებარეობს⁹²¹.

კოლხეთის მდინარეთა აღწერისას ლამბერტი აღნიშნავს: „ენგურის იქით არის ხეთი, რომელსაც სიპატარავის გამო რუკებზე არ აღნიშნავენ, ზღვას შეერთვის გაგიდასთან“.⁹²²

ლამბერტთან ფიქსირებული მდ.ხეთიწყარი არის ერწყარი (ერისწყალი), ხოლო სოფელი გაგიდა ამჟამადაც მდებარეობს მდინარე ერწყარის შესართავიდან სამხრეთ-აღმოსავლეთით.

ლამბერტის ზემოთ მოტანილი ერთერთი ცნობით, სამეგრელოში „ერთ ადგილას, რომელსაც ოლუმე ჰქვია, მთები გაშლილია და მტერს ადვილად შეეძლო აქედან შემოსვლა და ქვეყნის აოხრება, – დიდის ხარჯით ამოუყვანიათ კედელი, სიგრძით სამოცი ათასი ნაბიჯი და კედელში აქა-იქ აუშენებიათ კოშკები, რომლებშიც დგანან თოფით შეიარაღებული მცველები“.⁹²³

თეათინელ მისიონერთა რუკებზე ოლუმე აღნიშნულია მდინარე ლალიძის სათავეებში, საფორტიფიკაციო სისტემასთან. ცნობილია, რომ დღეს ოლუმე ეწოდება მთას ტყვარჩელთან⁹²⁴. ამგვარი ტოპონიმები ოლუმე/ოლეზე გვხვდება ლეპარდესთან (მდინარე ტეხურის სათავეებში) და სკურთან (მდინარე ჭანისწყლის სათავეებში). გელიავას მეგრული სიტყვა „ოლეშე“ განმარტებული აქვს, როგორც გასასვლელი, ხოლო ოლე არის გზა, ასევე გასასვლელი. იგი იქვე დასძენს, რომ მტრის შემოსევისას ასეთი გზა იკვრებოდა ქვითკირის კედლით და უკეთდებოდა მცირე გასასვლელი მუხის კარებით⁹²⁵.

ლამბერტი ოდიშის მონასტერთაგან განსაკუთრებულად აღნიშნავს წიფურის მონასტერს, რომელიც, მისიონერის სიტყვებით, „აშენებულია ვაკეზე, ენგურის ნაპირას. ეს მონასტერი ეხლა ჩვენების ხელშია. აქ არის ორი ეკლესია ერთად შეერთებული, რომელთაგან ერთი ღმრთისმშობლის სახელობაზეა და მეორე – წმ.გიორგისაზე“.⁹²⁶

კასტელის მიხედვითაც, წიფურია ენგურისპირა სოფელი იყო, ხოლო თეათინელ მისიონერთა რეზიდენცია აქ მდინარიდან „ხელით გასროლილი ქვის მანძილზე“ მდებარეობდა⁹²⁷. სოფელი აღნიშნულია კასტელისა და ლამბერტის რუკებზეც.

წიფურია მდებარეობდა დღევანდელი ენგურისპირა სოფ.თაგილონის ტერიტორიაზე⁹²⁸.

ლამბერტისა და კასტელის მიერ შედგენილ რუკებზე მდინარეებს კოდორსა და

⁹¹⁶ . თ. ბერაძე. ოდიშის სამთავროს რუკა, გვ. 152.

⁹¹⁷ . არქანჯელო ლამბერტი. სამეგრელოს აღწერა, გვ. 176.

⁹¹⁸ . მ. თამარაშვილი. ისტორია კათოლიკობისა, გვ. 140.

⁹¹⁹ . არქანჯელო ლამბერტი. სამეგრელოს აღწერა, გვ. 176.

⁹²⁰ . მ. თამარაშვილი. ისტორია კათოლიკობისა, გვ. 655.

⁹²¹ . თ. ბერაძე. ოდიშის სამთავროს რუკა, გვ. 153.

⁹²² . არქანჯელო ლამბერტი. სამეგრელოს აღწერა, გვ. 175.

⁹²³ . იქვე, გვ. 166.

⁹²⁴ . ბ. ხორავა. ოდიშ-აფხაზეთის ურთიერთობა, გვ. 96.

⁹²⁵ . გ. ელიავა. მეგრულ-ქართული ლექსიკონი. თბ., 1997 გვ. 255.

⁹²⁶ . არქანჯელო ლამბერტი. სამეგრელოს აღწერა, გვ. 121.

⁹²⁷ . ქრისტოფოროს კასტელი. ცნობები და აღბოში, გვ. 195.

⁹²⁸ . თ.ბერაძის აზრით, წიფურია განარჯია-მუხურის ტერიტორიაზე მდებარეობდა. იხ. მისი: ოდიშის სამთავროს რუკა, გვ.150.

ენგურს შორის ასევე აღნიშნულია შემდეგი სოფლები:

სათამაშია, წყურგილი, ტკვაჯა, დღვანა, პიტაური, ჯობაწყარი, გუდაში, პაპათი, სანარი, საჩინო, წარჩე, ჩხორთოლი, ბარდევნი, ნაბაკია, სუდაში, კადარი, გოგიელი, ჟირპიჯი, გენათი, სათანჯო, სუჯონა.

ამრიგად, XVII საუკუნის საისტორიო წყაროებში (დასავლეთ საქართველოს საეკლესიო საბუთები, უცხოელ ავტორთა ცნობები, თეათინელ მისიონერთა კოლხეთის რუკები) კარგად ჩანს, რომ აწინდელი აფხაზეთის სამხრეთ-აღმოსავლეთ მხარეს მხოლოდ ქართული (მეგრული) ტოპონიმები და ჰიდრონიმები ფიგურირებს.

თანამედროვე სამხრეთ-აღმოსავლეთ აფხაზეთში XVI ს. ბოლოსა და XVII საუკუნეში დამოწმებულია შემდეგი გვარ-სახელები:

ნაჟანეულში (XVI ს. დასასრული): შუშანია, ჯგვიბურია თოლიოქრო, სუბუქია, ჯაკობია გუგუტია, მჭიშია კაკაური, უჩაია მამისშური, უჩაია სოხერდია, უჩაია თოლსკვამია, დიდია გაბრიელა, კოდია კაციბაია, ელიშია თომიხილა, რუსაყია მარცვალია, მატუფია შურითოლი, გოგილაგა მამისმამა, გოგილაგა შურითოლი, ღრუბელაია მამისმამა, მამასფერი, გურუა ჭუჭა, ცისტარია მამისმამა, კოდია თოლიბედი, ქაჯაია დეისმამა, ლოგუა კურცხაი, ჯგუბურია ნიკოლაა, ძაძუა, კონჯარია, ფიოლია და ა.შ.

სოფელი ნაჟანეული (1621წ.): უჩაია მიხილია, უჩაია გურმიხილი, უჩაია მირჩქილია, ჯაკობია თოლიოქრო, დიდია ჯგექორი, დიდია ქოჩილეი, კოდია ორქოლეი, კოდია მაჭიხოლა, კოდია სოლერდია, კოდია მიხილია, ჯგუბურია გურიშია, შუშანია სოხერდია, კოჩიგარა კუატარა, ძაძუა გაბრიელი, ძაძუა არდაშელა, ძაძუა ინგარია, გოგილაა თოლიოქრო, ქაჯაია მესტუმრია, კოჩილა მარკოზია, ციკუტია მიძირუდა, ღრუბელაია კოჭოლა, გურუა გემჭიშია, ხისტარია თოლიმაფუ, დავითია მესტუმრია, ცისტარია კოჩია, ლოგუა თოლიშია, ელიშია კოჩილა, ელიშია თოლმიხილა, ელიშია უსკუამადა, კონჯარია მამალეი, კონჯარია თოსკუამია, ჭუტიშია თოლიოქრო, მირჩქილია ფიოლია, ჭუჭუ კონტარია და ა.შ.

სოფელი სოირი/ოხურეი (1621წ.): დიდია ხახუტა, ჩაგუა გოგია, ლასურია უკულაში, ლასურია უსკუამია, ლასურია მიხილია, მამულია წებელარა, ჩაგუა გურმიხილა, გუნია ბაბადია, გრიგოლია გოკურცხია, ჯიქია სკუამილეი, დიდია თოლიოქრო, ამბალია ხუხულია, ამბალია ხუცი, ჯომნია გამიგონა, ჯომნია ვაჟიკონა, კაკუა მხიარულა, კაკუა იშამორთა, კაკუა მოირდინა, გამეკერვალა ხახუტა და ა.შ.

სოფელი სუბეი/სუბეიში/ახიგვარა (1621წ.): კიტია ქუაქუალია, კიტია ქერაბიმი, კიტია მამულია, კიტია შურიმიდგი, კიტია ჯგირკორი, კიტია პირნათე, პერტია, ქორჩოლუა მამაში, ჯაკონია კაკა, ჯაკონია ვაჟობა, ჯაკონია პაპიშია, ჯაკონია ბაბადიში, ჯაკონია სკუამილი, ჯაკონია ქოძირია, ლუაჯაგია სანატრელი, არტონია მამულია, ხუნგია უწყინარა, მიქელია შურიმიდგი, ბიგუა უჩალეი და ა.შ.

სოფელი თილითი (1621წ.): თიფშხუა ხუცესი, თიფშხუა ნანარტია, თიფშხუა იესე, ცქურია ჯგეკორი, ცქურია სორდი, გულუა თუთაშხია, სთეფანასკირი შურითოლი, სთეფანასკირი მიხილია, შვანესკერია ბაბაშური, ბულია მორდილია, თუთაშხია ქუფანა, თოლისკუამი ფაჟა, თოლისკუა კირჩხელი, შანტია უჩაკორი, მალურაგა შურითოლი, ჩხირუა შურიმიდგი, გორგილაგა ორქოია და ა.შ.

სოფელი ხაუქელი (1621წ.): ვარდანია ხუცესი, ვართანგია, ბაგია მითანაფი, წებლარია გაჭირდია, წებლარია ქაქალია, ხალიბესშვილი დალაბა, სალატია უჩარდია, სალატია გაირჩინი, დუშია თოსკუამია, დუშია ძუკა, დუშია მამაია, ვარდანია საბედო, ვარდანია მიხილია, ვარდანია სკუმიშია, შონია უჩარდია, ნისერია მამიყორდი (მე მიყვარდი), ნისერია კახაბერ, ნისერია უწყინარი, ნისერია ქაქალია და ა.შ.

სოფელი ტყაურუ (1621წ.): შამბია (შამგია) თავაზა, შამბია ქუქუალია, შამბია მაშუტუა, ჭუჭურია უჩაკორი, გავაშელი დათია.

სოფელი ჭალა/ჭლოუ, სადაც იყო საყდარი და ჯაიანების სასახლე (1621წ.): გოგორდაგა ხუცესი, გოგორდაგა გვატა, მიხილია ჩაგლია, ჭანია მაჭიხოლი, ფალია შურიმიდგი, მარდია ქვაცხა, ლორტეგ ბიბილია, გინორდი ფხა და ა.შ.⁹²⁹

ეთნიკური ისტორიის შესწავლის თვალსაზრისით დიდი მნიშვნელობა აქვთ XVII-ს-ის ისტორიულ წყაროებში დაფიქსირებულ გვარ-სახელებს თანამედროვე აფხაზეთის ტერიტორიის სხვა დასახლებულ პუნქტებშიც, მათ შორის წამხარში: მჭითანავა, მარდია, ტანია, ძასანია⁹³⁰; კადარსა და მის მიმდებარე სოფლებში: დათუსკარია (დათუსკირია?),

⁹²⁹ . ქართული სამართლის ძეგლები, ტ. III. თბ., 1970, გვ. 382, 419, 423, 425, 426, 428, 431, 434.

⁹³⁰ . ლაპორტს., IX, გვ. 19-20.

ჩხორელია, კობახია, ალბარია, ბორქია⁹³¹; ილორში: გომიძულა წაწულა⁹³², ჩხოხოძე⁹³³, შეგუა, გერმანია⁹³⁴; კამულეთში: გურმიხილი კუბეცია; დალიძეში: ალესანდრია⁹³⁵, მორდი კვირკველია, უსკვაბა კვირკველია, გვიანიში ჩაგალოსკირი⁹³⁶; ზეგანში: მუთაგიღუნ ხუბილავა, გოგუა, ნადარაია⁹³⁷; სოფ. თხალარში: გაბრავა; სოფ. მარცხულში: გურმიხილი ესებია⁹³⁸; კვიტოულში: ტოტოჯი დავითია, გაიზარდი აფია, ანჩიბუხუ ჩხანგუა, ბებელია ბაგათელია, მისი ცოლი აფაქიძის ქალი და მათი შვილი მასი ბაგათელია, ბელეშია⁹³⁹; სოფ. გუფუში: მახუ ვარდანია, საბედო ვარდანია, ნიხილია ვარდანია, სკუმიშია ვარდანია; გიორგი ვარდანია; სოფ. ფშიაში: ჯაიანი, ბიბილია⁹⁴⁰.

ამრიგად, ნათლად ჩანს, რომ XVII საუკუნის 80-იან წლებამდე ენგურ-კელასურის შუამდინარეთში მხოლოდდამხოლოდ ქართული (მეგრული) მოსახლეობა იყო.

XVII ს. 60-80-იან წლებში კელასურ-დალიძეს შუამდინარეთში აფხაზური და ჯიქურ-აბაზური თემები იწყებენ დამკვიდრებას. ვახუშტის ცნობით, „დაიპყრეს ვიდრე ეგრისის მდინარემდე და დაეშენებოდნენ თვით აფხაზნი და არღარა იყო დრანდას და მოქუს ეპისკოპოსნი“⁹⁴¹. ამ ტერიტორიაზე აფხაზებმა მკვიდრი მოსახლეობის ნაწილი ამოჟლიტეს, ან ტყვედ გაყიდეს, მცირე ნაწილმა სამეგრელოსა და იმერეთის შიდა რეგიონებს შეაფარა თავი. განსაკუთრებული სისასტიკით გაანადგურეს თავადაზნაურობა, როგორც ოდიშის მთავრის ძირითადი დასაყრდენი. სოფელ ჭალას (ჭილოუ) მფლობელი მერაბ ჯაიანი იქიდან გამოიქცა და აფხაზეთის კათოლიკოსს გრიგოლ ლორთქიფანიძეს ასეთი შინაარსის პირობის წიგნი მიართვა: „ესე მტკიცე წიგნი მოგართვი თქვენ, კათალიკოსს ბატონს გრიგოლს ჩვენ, ჯაინმა მერაბ, ასე რომ ჩვენი ქვეყანა თათრის ხელად შეიქმნა და მერმე ამხელი კაცი ვარ იქ აღარ გვედგომებოდა და მოვედი, შემოგეხვეწეთ და წყალობა გვიყავით და ჩვენს სიცოცხლეში დაგვაყენეთ და ჯიქუბანს სამი მოსახლე გლეხი გვიბოძეთ...“⁹⁴². XVII-XVIII სს. მიჯნაზე მერაბ ჯაიანის ბედი სხვებმაც გაიზიარეს, ვინაიდან აწინდელი აფხაზეთი „თათრის ხელად შეიქმნა“.

დალიძესა და ენგურს შორის მდებარე ტერიტორიაზე გაბატონების შემდეგ ყვაპუ შარვაშიძემ ადგილობრივი მოსახლეობის თურქებზე გაყიდვა დაიწყო. მართალია, მან შემდეგში ორჯერ ფიციც მისცა კათალიკოსებს დავით ნემსაძესა (1673-1696წწ.) და გრიგოლ ლორთქიფანიძეს (1696-1742წწ.), რომ ტყვეებს არ გაყიდდა,⁹⁴³ მაგრამ პირობა არ შეასრულა. ჯერ მთიელთა თარეშის, შემდეგ კი ტყვეთა სყიდვის შედეგად ეს მხარეც მნიშვნელოვნად დაიცალა მკვიდრი მოსახლეობისგან.

დაცარიელებულ ტერიტორიაზე ყვაპუ შარვაშიძემ ბზიფიდან გადმოასახლა „რამდენიმე გვარნი თავადნი და აზნაურნი, სახელდობრ: ანჩაბაძე, ემუხვარი, ინალიშვილი, მარღანია, ზვანბაია, ლაკირბაია და აქირთავა, რომლებთათვისაც დაუნაწილებია ესე საზღვარი, ხოლო თვისდა სახასოდ შეუცავს სოფლები ბედია, ფახულანი და ბარბალო (კოკი).“⁹⁴⁴ ჩამოსახლებულთ თან ჩამოჰყვნენ დაბალი ფენებიც. ამ დროიდან გაჩნდნენ სამურზაყანოშიც აწინდელ აფხაზთა წინაპრები, რომლებიც შემდეგში მკვიდრ მოსახლეობაში აითქვიფნენ და გაქართველდნენ.

აფსუათა აფხაზეთში ჩრდილო-დასავლეთ კავკასიიდან მოსულობის შესახებ უცხოურ საისტორიო წყაროებში ცნობები ჯერ კიდევ XVIII ს. I ნახევრიდან მოგვეპოვება. კერძოდ, რუსი ისტორიკოსის ვ.ტატიშჩევის სიტყვებით, აფხაზეთის არის „ჩრდილოეთ

931 . მ. თამარაშვილი. ისტორია კათალიკოსისა, გვ. 211.
932 . ს. კაკაბაძე. დასავლეთ საქართველოს საეკლესიო საბუთები, წ. I, გვ. 40-41.
933 . ს. კაკაბაძე. აფხაზეთის საკათალიკოსო დიდი იადგარი, გვ. 190.
934 . კ. გრიგოლია. ილორის წმ. გიორგის ხატის წარწერა, გვ. 157.
935 . ს. კაკაბაძე. დასავლეთ საქართველოს საეკლესიო საბუთები, წ. I, გვ. 41.
936 . ლაპორტს., VIII, გვ. 106.
937 . ს. კაკაბაძე. დასავლეთ საქართველოს საეკლესიო საბუთები, წ. I, გვ. 41.
938 . იქვე.
939 . შ. ბურჯანაძე. ისტორიული დოკუმენტები., წ. I, გვ. 151.
940 . ს. კაკაბაძე. აფხაზეთის საკათალიკოსო დიდი იადგარი, გვ. 187.
941 . ქართლის ცხოვრება, ტ. IV, გვ. 845.
942 . ს.კაკაბაძე დასავლეთ საქართველოს საეკლესიო საბუთები, წ. I, გვ. 149-150.
943 . ე. თაყაიშვილი. საქართველოს სიმეფლენი, ტ. I. ტფილისი, 1920, გვ. 36; ჯ.გამახარია. აფხაზეთი და მართლმადიდებლობა, გვ. 276-281.
944 . თ. ჭიჭინაძე. „ბედის ხელნაწერი“. – კვალი- 1897, 11 მაისი, №20.

სამეგრელოს ნაწილი, რომელსაც თურქები და ყაზარდოელები აბხაზოსს, ხოლო ჩვენი წინაპრები ობეხს უწოდებდნენ, მისი მეტი ნაწილი დღეს ყუბანელებითაა დასახლებული“.⁹⁴⁵

ინგლისელი ედ. სპენსერი კი წერდა (1851წ.), რომ სოხუმის მიდამოებში მცხოვრები აფხაზები „ნაწილობრივ ყირიმისა (ყაზარდოს – ავტ.) და ყუბანის ხანებისა და სულთნების ჩამომავლები არიან, რომლებიც თავის ტომებთან ერთად დასახლდნენ ამ ადგილებში“.⁸

აღსანიშნავია ა.დიანკოვ-ტარასოვის მოსაზრება, რომლის მიხედვითაც, ადიღებისგან შევიწროებულმა აბასგებმა,⁹ როგორც ჩანს, XVI-XVII საუკუნეებში გადალახეს გაგრის ქედი, ასევე ფსეაშხოს, ახბირცის, ცაგერკერის, მარუხისა და ქლუხორის უღელტეხილები.¹⁰ იმავე ავტორის დაკვირვებით, XIII-XIV საუკუნეების აფხაზეთის საზღვარი მდინარეებს ფსოუსა და ხოსთას შორის მერყეობდა. XVII ს. ადიღების მიერ შევიწროებულმა ჯიქებმა გაგრის გასასვლელი დაიკავეს და საზღვარი კიდევ უფრო სამხრეთით, გაგრის ქედს გადადმა გადასწიეს.

გარდა ამისა, ა.დიანკოვ-ტარასოვი თავის მორიგ ნაშრომში – „ბზიფის აფხაზეთი“ – შემდეგ დასკვნას აკეთებდა: „აფხაზები ყოველთვის როდი მოსახლეობდნენ აქ. მათი გადმოცემები, წეს-ჩვეულებები და მრავალი ისტორიული მონაცემი ადასტურებს, რომ ისინი ჩრდილოეთიდან მოვიდნენ და შეავიწროვეს ქართული ტომები, სანამ ენგურთან არ შეჩერდნენ. აქ მოხდა ორი სხვადასხვა წარმოშობის ხალხის – მეგრელებისა და აფხაზების ურთიერთშერწყმა, რის შედეგადაც წარმოიშვა კოდორსა და ენგურს შორის მოქცეული სამურზაყანოს მოსახლეობა“.⁹⁴⁶

აფხაზეთში მთიელთა მიგრაციული პროცესების შესახებ არსებულ მწირ საისტორიო წყაროებს მნიშვნელოვანწილად ავსებს ტოპონიმური და ფოლკლორული მასალა. კერძოდ, მდინარე კელასურის აღმოსავლეთით ზღვაში ჩაედინება მდ. მაჭარა, რომლის ნაპირებზეც მდებარეობს ამავე სახელწოდების სოფელი. ცნობილმა აფხაზმა მკვლევარმა ხ. ბლაუბამ მდინარისა და სოფლის სახელი მაჭარა ევლია ჩელების მოგზაურობის წიგნში მოხსენიებულ თემის სახელს მაჭარ-ს დაუკავშირა, რომელმაც გადმოსახლების შედეგად აფხაზეთის გეოგრაფიულ სახელებში თავისი კვალი დატოვა. ხ. ბლაუბა ამავე თემს უკავშირებს აფხაზეთში გავრცელებულ გვარსახელს – ამიჭბა.⁹⁴⁷ ოსმალო მოგზაურის მონაცემებს თუ დავეყრდნობით, მაჭარას თემის (ევლიასთან მაჯარ) ლოკალიზება ტუაფსისგან აღმოსავლეთით, მთებში მოგვიწევს. ძნელი დასადგენია, თუ როდის გადმოსახლდა ეს თემი ჯიქეთიდან აფხაზეთში, მაგრამ ის მაინც ცხადია, რომ მათი მიგრაცია XVII საუკუნის I ნახევრის შემდეგ მოხდა. გარდა ამისა, ლინგვისტურად უსაფუძვლოა მაჭარის დაკავშირება ამიჭბა-სთან.

აფხაზეთში აფსუათა მოსულობის თვალსაზრისს გარკვეულწილად ეხმიანება მათი გადმოცემები. ზოგი ვერსიის თანახმად, ისინი აფხაზეთში ეგვიპტიდან, აბისინიდან არიან მოსულნი, ზოგი ვერსიით - არმენიაზე გავლით ყუბანში დასახლდნენ, საიდანაც სიცივისგან შეწუხებულნი აფხაზეთში გადავიდნენ.⁹⁴⁸ ერთ-ერთი გადმოცემით, შორეულ წარსულში აფხაზეთის მთებში ცხოვრობდა წანის, ანუ წანიას გვარის ხალხი. წანები მეჯოგეები იყვნენ, თავს რძეულითა და უმი ხორციით ირჩენდნენ, მაგრამ რადგანაც წანები უსჯულონი იყვნენ და ღმერთს არაფრად აგებდნენ, ღმერთმა ისინი დასაჯა. მათ საცხოვრისს ცეცხლი გაუჩინა და მასთან ერთად უსჯულო წანებიც გადაბუგა.⁹⁴⁹

ეს გადმოცემა დაკავშირებულია აფხაზეთის თავისებურ არქეოლოგიურ ნაშთებთან, რომელნიც ნახევრად ციკლოპური, მეგალითური ხასიათისა არიან და ვრცელდებოდა ბზიფიდან ენგურამდე. ეს ძეგლები გვხვდება მთებში და წარმოადგენენ ყორულად ნაგებ

⁹⁴⁵ . . . I. . . , 1962, გვ. 171.

⁸ კ. კოხისა და ე. სპენსერის ცნობები საქართველოსა და კავკასიის შესახებ. გერმანულიდან თარგმნა, შესავალი და კომენტარები დაურთო ლ. მამაცაშვილმა. თბ., 1981, გვ. 135.

⁹ . . . ავტორი აბასგებში გულისხმობს აფსუების, ჯიქების და აბაზების წინაპრებს.

¹⁰ . . . , 1903, გვ. 36, 50.

⁹⁴⁶ . . . - . . .

. . . XVIII. . . , 1905, გვ. 65.

⁹⁴⁷ . . . - . . . I. . . , 1987, გვ. 145.

⁹⁴⁸ . . . - . . . , 1965, გვ. 37.

⁹⁴⁹ . ს. ჯანაშია. თუბალ-თაბალი, ტიბარენი, იბერი. – შრომები, ტ. III. თბ., 1959, გვ. 14.

ოთხკუთხედ ან არასწორი წრის სახის მქონე „ბაკებს“. მათ აფხაზები აწანგვარას/წანიგვარას ეძახიან, რაც წანის საცხოვრის ნიშნავს. ს.ჯანაშიას სიტყვებით, „აფხაზებს მათი დღევანდელი ტერიტორიის დიდ ნაწილზე წინ უსწრებდა ქართველური მოსახლეობა, ერთი მხრივ, სვანური შტოსი, მეორე მხრივ, ჭანურ-მეგრულისა. მოყვანილ გადმოცემაში სწორედ ამ ფაქტის ანარეკლი გვაქვს. წანი ამ შემთხვევაში ჭანურ-მეგრულ ფენას გულისხმობს. ეს იყო ერთ-ერთი ტომთაგანი ჭანურ-მეგრული განშტოებისა“.⁹⁵⁰

ნ.ბერძენიშვილის შენიშვნით, „თუ ესენი იმ აფხაზების გენეტიკური მემკვიდრენი არიან, მათ ისტორიულ ფოლკლორში თამარი და სხვა ასეთები უნდა ჩანდეს... ნართების ეპოსი მათ მთიელობაზე მიუთითებს“.⁹⁵¹ თავად აფხაზური ხალხური ტრადიციით, ნართები ჩრდილოეთ კავკასიიდან, კერძოდ, ყუბანისპირეთიდან არიან.⁹⁵²

აფხაზურ საგვარეულოთა შორის მრავლად მოიძებნება გადმოცემები, რომლებიც მათ გადმოსახლებაზე და საცხოვრისის შეცვლაზე მიუთითებს. მაგალითად, აშუბების უხუცესებში დაცული იყო გადმოცემა, რომ მათი წინაპრები ძველად ჯგერდაში ფსხუდან გადმოსახლდნენ.⁹⁵³ ადლებების მიხედვით, თვით ადლებები, აგრეთვე აგრბები და ინაფშბები აფხაზეთში ყარაჩაიდან გადმოსულან.⁹⁵⁴ კვიწინიებში, ავიძბებში, ზუხბებში და აშუბებში დაცული გადმოცემებით, მათი წინაპრები ჩრდილოეთ კავკასიიდან, ან სოჭის მიმდებარე მხარეებიდან გადასახლდნენ აფხაზეთში. ერთ-ერთი აფხაზური თქმულებით, აჩბები აფხაზეთში ქედს გაღმიდან გადმოვიდნენ.⁹⁵⁵ გუდაუთელი ამბების გადმოცემებით, ისინი წარმოშობით აჭიფსოუდან იყვნენ და მათი გადმოსახლება XVII საუკუნის მიწურულს უნდა მომხდარიყო.⁹⁵⁶

რასაკვირველია, ეს ლეგენდა-გადმოცემები არ იძლევა კავკასიელ მთიელთა აფხაზეთში ჩამოსახლების ეპოქის ზუსტად განსაზღვრის შესაძლებლობას, მაგრამ ზემოთ განხილულ ცნობებთან ერთად, რომლებიც აშკარად მიუთითებენ XVII საუკუნეში აფხაზეთში მიმდინარე ეთნიკურ, უპირველეს ყოვლისა, მიგრაციულ პროცესებზე, ეს გადმოცემებიც სერიოზულ ყურადღებას იმსახურებენ.

3. რელიგიური ვითარება

XVIII ს. 80-იან წლებამდე თანამედროვე აფხაზეთის ტერიტორიის სამხრეთ-აღმოსვლეთ ნაწილში, რომელიც ჯერ კიდევ უშუალოდ შედიოდა ოდიშის სამთავროს შემადგენლობაში, კვლავ ჰყვავდა ქრისტიანული სარწმუნოება. აქ მოქმედებდა მთელ საქართველოში სახელგანთქმული სამი საეპისკოპოსო (ბედიის, მოქკის, დრანდის), რამდენიმე მონასტერი (ქიანი, წიფურია და ა.შ.) და ათობით (ფაქტობრივად ყველა სოფელში) ეკლესია.

სრულიად განსხვავებული ვითარება იყო საკუთრივ აფხაზეთში. გვიან შუა საუკუნეებში აქ შექმნილი მძიმე პოლიტიკური, დემოგრაფიული და სოციალურ-ეკონომიკური მდგომარეობა თავს იჩენს მოსახლეობის სარწმუნოებრივ ცხოვრებაში და, საერთოდ, სულიერ კულტურაში. მთაშიც და ბარშიც ქრისტიანობა მეტად შესუსტებულია, ეკლესია-მონასტრები არ ფუნქციონირებენ. გამონაკლისი არც XVI ს. შუახანებიდან ფაქტობრივად დაცარიელებული ბიჭვინთის ტაძარი იყო, თუმცა ფორმალურად ის რჩებოდა საკათოლიკოსო კათედრად. ლევან მეორე დადიანის ელჩმა მოსკოვში, მღვდელმა გაბრიელ გეგენავამ 1638 წელს რუსეთის საგარეო უწყების წარმომადგენლებს ორჯერ განუმარტა, რომ დასავლეთ საქართველოს, მათ შორის

⁹⁵⁰ . იქვე, გვ. 15.

⁹⁵¹ . ნ. ბერძენიშვილი. საქართველოს ისტორიის საკითხები, ტ. VIII, გვ. 618.

⁹⁵² , . I. . , 1949, გვ. 321.

⁹⁵³ , გვ. 51.

⁹⁵⁴ . ნ. ლომოური. – საქართველოს მეცნიერებათა აკადემიის მაცნე,

ისტორიის... სერია, №3, 1990. გვ. 170.

⁹⁵⁵ . ს. ზუხბა. აფხაზური ზეპირსიტყვიერება. აფხაზურიდან თარგმნეს თ. გვანცელაძემ და ა. არაბულმა. თბ., 1988, გვ. 214, 366.

⁹⁵⁶ XVII-XVIII , 1951, გვ. 93.

სამეგრელოს პატრიარქი (კათოლიკოსი) ცხოვრობს ბიჭვინთაში⁹⁵⁷. გაბრიელ გეგენავას აფხაზები არ უხსენებია.

აფხაზები „სარწმუნოებით არიან ქრისტიანები, არამედ არღარა რისა მეცნიერნი და ირიცხვიან ვითარცა კერპნი“⁹⁵⁸, - წერდა ვახუშტი. მისი ეს ცნობა ოდნავ მოგვიანებით არის დაწერილი, მაგრამ ამასვე მოგვითხრობენ XVII ს. უცხოელი ავტორებიც.

ჯოვანი და ლუკას სიტყვებით: „აფხაზების ცხოვრების წესი ისეთივეა, როგორც ჩერქეზების. არა აქვთ დაწერილი კანონები და დამწერლობის გამოყენებაც არ იციან. რწმენით ისინი ქრისტიანები არიან, რაიმე ქრისტიანული წეს-ჩვეულების შესრულების გარეშე. ბევრი ჯვარი ვნახე ამ ქვეყანაში“⁹⁵⁹ მისიონერის მიხედვით, ბიჭვინთის საკათალიკოსო ეკლესიაში წირვა წარმოებს ერთი მღვდლით, სოფლის მოსახლეობაც ამ ეკლესიაში დადის. აშკარაა, ის ლაპარაკობს არა ერთეულ შემთხვევაზე, როცა დეოტისმსახურება ასე თუ ისე წესების დაცვით სრულდება, არამედ საერთო მდგომარეობაზე. აქაური მმართველიც მაჰმადიანი ჩანს, რაზედაც მეტყველებს მისი სახელი – ყარა ბეი და ისიც, რომ ის ჯოვანი და ლუკას მიერ ბიჭვინთაში ჩატარებულ წირვას არ დასწრებია.⁹⁶⁰

ყარაბეისგან განსხვავებით, „მთავარი“ პუტო, რომელიც შეიტყობს ჯოვანი და ლუკას ჩამოსვლის მიზანს, მას ცხუმში დარჩენას სთავაზობს, ამცნობს სტუმარს, რომ ისიც თავისი სამფლობელოთი ქრისტიანია და ისეთი მღვდელი სჭირდება, როგორც მეზობლად მცხოვრებ ქართველებს ჰყავთ, ან როგორც თვით ჯოვანი და ლუკა იყო.⁹⁶¹

ღამბერტი აფხაზებს რელიგიური თვალსაზრისით კავკასიის მთიელ ხალხებს ადარებს: „ესენი ყველანი ქრისტიანებად იწოდებიან, მაგრამ კანონები კი არა აქვთ... მხოლოდ სახელით არიან ქრისტიანები, თორემ არც სარწმუნოებით და არც მოქმედებით ქრისტიანობა მათ სრულებით არ ეტყობოდათ“⁹⁶²

კასტელის ალბომის მიხედვით კარგად ჩანს, რომ აფხაზეთის ეკლესიებში ღმრთისმსახურება ადარ მიმდინარეობს, ისინი მიტოვებულია. თაყვანისცემა აღარაა ბიჭვინთის ეკლესიაშიც: „იქ მხოლოდ ძველი ჯვარია შემონახული“. შარვაშიძეები დაცარიელებულ ეკლესიებს იტალიელ მისიონერებს გადასცემდნენ, რათა მათთვის ერთობლივად მოეწყოთ. კასტელის სიტყვებით, „მათ სურთ ქვეყანაში ასწავლონ ქრისტეს წმინდა სარწმუნოება, რომელსაც ისინი აღიარებენ, მაგრამ არა ჰყავთ არც ერთი მღვდელი“⁹⁶³

ველია ჩელები ამგვარად ახასიათებს აფხაზეთის რელიგიურ ვითარებას: „მათ რომ ქაფირი (ე.ი. ურჯულო, არამუსლიმი – ავტ.) უწოდონ, კაცს მოკლავენ, მუსლიმი რომ უწოდონ, გაეხარდებათ. ესენი ყურანს არ იცნობენ და არც რაიმე სარწმუნოება აქვთ. ქაფირი არ უყვართ და მუსლიმს კი სულს მისცემენ“⁹⁶⁴ იგივე ავტორი ჩაჩების თემის შესახებ აღნიშნავს, რომ „ყველა ერთი სარწმუნოების არ არის“, ხოლო ართებში (მდინარე მზიმთის შესართავთან) „ისლამის სარწმუნოება და ყურანი რა არის, არ იციან“⁹⁶⁵

პატრიარქ დოსითეოსის ცნობით, აფხაზების სარწმუნოება ჯიქებისა და ალანების რელიგიის მსგავსია.⁹⁶⁶ ცხადია, იმჟამინდელი აფხაზები განსხვავდებოდნენ იმ აფხაზებისგან, რომლებიც წინა საუკუნეებში დასავლეთ კავკასიაში ქრისტიანობის გავრცელების მესვეურნი იყვნენ. დოსითეოსს აღნიშნული აქვს, როგორ არბევდნენ აფხაზები ეკლესია-მონასტრებს სამეგრელოში⁹⁶⁷. ზემოთმოყვანილი მისი ცნობა ლევან II დადიანის მიერ 40 ათასი აფხაზის მონათვლის და მათთვის ეპისკოპოსის დანიშვნის შესახებ უტყუარი დადასტურებაა იმ ფაქტისა, რომ მაშინდელი აფხაზეთის ტერიტორიაზე მკვიდრი ქრისტიანული ქართული მოსახლეობა მთიელმა წარმართებმა

⁹⁵⁷ , გვ. 271, 275.

⁹⁵⁸ . ქართლის ცხოვრება, ტ. IV, გვ. 785.

⁹⁵⁹ . ი. ტაბაღლა. საქართველო ევროპის არქივებსა და წიგნსაცავებში, ტ. III, გვ. 170.

⁹⁶⁰ . ბ. ლომინაძე. ქართული ფეოდალური ურთიერთობის ისტორიიდან, ტ. I, თბ., 1966, გვ. 216.

⁹⁶¹ . მ. თამარაშვილი. ისტორია კათოლიკობისა ქართველთა შორის, გვ. 145.

⁹⁶² . არქანჯელო ღამბერტი. სამეგრელოს აღწერა, გვ. 5, 166.

⁹⁶³ . ქრისტოფორო კასტელი. ცნობები და აღბომი საქართველოს შესახებ. გვ. 177, 192.

⁹⁶⁴ . ველია ჩელების „მოგზაურობის წიგნი“, ნ. I, გვ. 106.

⁹⁶⁵ . იქვე. გვ. 100, 101.

⁹⁶⁶ , . I, გვ. 28.

⁹⁶⁷ . იქვე. გვ. 46.

შეცვალეს. სხვანაირად არ იქნებოდა საჭიროება მოსახლეობის მასობრივი მონათვლისა იმ მხარეში, სადაც მრავალი საუკუნის განმავლობაში ფუნქციონირებდნენ ბიჭვინთის საკათალიკოსო კათედრა, ლიხნის, ანაკოფიის, გაგრის, ბომბორის, ანუხვისა და სხვა ეკლესია-მონასტრები.

ანტიოქიელ პატრიარქ მაკარიოსს სამეგრელოში, კერძოდ, მოქვეშე ყოფნისას ეახლნენ აფხაზები, რომლებმაც მას მონათვლა სთხოვეს. მაკარიოსის სიტყვებით, „აფხაზებს სურდათ ჰყოლოდათ ადამიანი, რომელიც მათ მონათლავდა და ქრისტეს რწმენას ასწავლიდა. ახლო წარსულამდე ისინი ქრისტიანებად ითვლებოდნენ. მათ ქვეყანაში იყო საკათალიკოსო ტახტი, რომელიც ახლა იმერეთშია. აფხაზთა ქვეყანაშია წმ.ანდრია მოციქულის ეკლესია და მას აფხაზები დიდ პატივს მიაგებენ. ჩვენს დროს აფხაზთა მცირე ნაწილმა იცის პირჯვრის გარდასახვა და მცირე ნაწილი ასრულებს ქრისტიანულ რიტუალებს, ვინაიდან არ ჰყავთ მღვდელთმსახურები და მათზე არავინ ზრუნავს“⁹⁶⁸. ამ შემთხვევაში საუბარი უნდა იყოს წარმართულ აფხაზეთში დარჩენილ ქართველებზე.

პავლე ალექსოელის მიხედვით, „აფხაზების ნაწილი ქრისტიანობას საერთოდ არ აღიარებს, მეორე ნაწილი კი, რომლებიც დადიანს ემორჩილებიან, სახელით ქრისტიანებია, ეთაყვანებიან ხატებს და პატივს მიაგებენ ეკლესიებს, მაგრამ იმის გამო, რომ არ ჰყავთ მღვდლები და ეპისკოპოსები, მონათლულნი არ არიან“.⁹⁶⁹

ვიტსენის ცნობით, „აფხაზების ცხოვრების წესი ისეთივეა, როგორც ჩერქეზების. კანონები და დამწერლობა მათ არა აქვთ, სახელით ქრისტიანებია, მაგრამ ქრისტიანულ წეს-ჩვეულებებს არ იცავენ. მათ ქვეყანაში მრავლად ნახავ აღმართულ ჯვარს“⁹⁷⁰

ზემოთ მოყვანილი მასალის მიხედვით, აფხაზეთი ისტორიულად ქრისტიანული ქვეყანაა, ისლამი სუსტად ან საერთოდ არ არის გავრცელებული; აფხაზებს მხოლოდ სახელით შეიძლება ეწოდოს ქრისტიანები, თორემ სარწმუნოებით და მოქმედებით ქრისტიანობა სრულებით არ ეტყობათ; მათ არა აქვთ საეკლესიო წიგნები, ისე კი თაყვანს სცემენ ხატებს, ჯვრებს და ეკლესიებს. მათი სარწმუნოება კავკასიელი მთის ტომების რელიგიის მსგავსია. ამგვარი ვითარება XVII ს. ზოგიერთ ავტორს იმის საბაბს აძლევს, რომ აფხაზები საერთოდ სარწმუნოების გარეშე მყოფ ხალხად ჩათვალოს. ამავე ავტორთა დაკვირვებით, ძველად აფხაზეთში, როდესაც აქ საკათალიკოსო მოქმედებდა, სრულიად განსხვავებული მდგომარეობა იყო.⁹⁷¹

ბუნებრივია, გვიან შუა საუკუნეების საქართველოში და საერთოდ კავკასიაში შექმნილი რთული პოლიტიკური სიტუაცია (შინა ომები, გარეშე მტერთა თავდასხმები, მაჰმადიანობის გავრცელება) ხელს უწყობდა აფხაზეთში ქრისტიანობის დასუსტებას, მაგრამ აქ ქრისტიანობის დაკნინების უმთავრეს მიზეზად ჯიქურ-აბაზური ტომების მოძალეობა უნდა მივიჩნიოთ და არა „ფეოდალის ხელისუფლების დასუსტება“⁹⁷², როგორც ეს მიაჩნია აფხაზ მკვლევართა ნაწილს.

საისტორიო წყაროებში კარგად ჩანს, რომ XVII საუკუნის 60-80-იან წლებში, აფხაზების და ჩრდილო-დასავლეთ კავკასიური ტომების სამეგრელოში ლაშქრობებისას სოფლებთან ერთად ეკლესია-მონასტრებიც ნადგურდებოდა.⁹⁷³ ერთ-ერთ იტალიურ წყაროში ისიც არის აღნიშნული, თუ როგორ დახოცეს ასზე მეტი „ბერძენი“, ე.ი. მართლმადიდებელი მღვდელი ყვაპუ შარვაშიძის ბრძანებით.⁹⁷⁴ სასულიერო პირები მან ძვირფასი თვლებით შემკული წმ.სტეფანეს სტატუის მოპარვის მოგონილი ბრალდებით დაახოცვინა. მართლმადიდებელი მღვდლების გაჟლეტვის ნამდვილი მიზეზი კი შარვაშიძეებისადმი დაუმორჩილებლობა და დადიანის მხარდაჭერა უნდა ყოფილიყო.⁹⁷⁵

მთიელთა ექსპანსიის შედეგად ჩრდილო-დასავლეთ ოდიშში XVIII ს. ბოლოდან

⁹⁶⁸ XVII , გვ. 43.

⁹⁶⁹ . ნ. ასათიანი. მასალები მე-17 საუკუნის საქართველოს შესახებ. თბ., 1973, გვ. 75.

⁹⁷⁰ დასახ. ნაშრომი, გვ. 267.

⁹⁷¹ . ბ. ლომინაძე. ქართული ფეოდალური ურთიერთობის ისტორიიდან, ტ. I, გვ. 227.

⁹⁷² , 1991, გვ. 149.

⁹⁷³ , I, გვ. 46; ე. თაყაიშვილი. არქეოლოგიური მოგზაურობიდან

სამეგრელოში. ძველი საქართველო. ტ. III. ტფილისი, 1913-1914, გვ. 188, 222.

⁹⁷⁴ . მ. თამარაშვილი. ისტორია კათოლიკობისა ქართველთა შორის, გვ. 209.

⁹⁷⁵ . ჯ. გამახარია. აფხაზეთი და მართლმადიდებლობა, გვ. 266.

შექმნილი სიტუაციის გამო რელიგიის მსახურნი იძულებულნი ხდებიან, საეკლესიო წიგნები, ხატები, ჯვრები და სხვა საეკლესიო ინვენტარი სამეგრელოს შიდა მხარეში გადაიტანონ, კერძოდ: ქიაჩის მონასტრის წმ.გიორგის ხატი ობუჯის ეკლესიაში გადმოიტანეს, ქიაჩის მონასტრის მთავარანგელოზის ხატი – ჭოღაში, მოქვის სახარება – მარტვილში, მოქვის ღმრთისმშობლის ორი ხატიდან ერთი ზუგდიდის ეკლესიაში, მეორე ხობის მონასტერში გადმოასვენეს, ბედიის ღმრთისმშობლის ხატი, რომელიც დადიანების მთავარ სალოცავად ითვლებოდა, მარტვილში გადმოასვენეს.⁹⁷⁶

XVII საუკუნის 60-იანი წლებიდან, აფხაზთა და ჩრდილო-დასავლეთ კავკასიური ტომების სამეგრელოში ლაშქრობების, მდ. ენგურამდე მდებარე მიწა-წყლის აფხაზეთთან შეერთების, აქ აფხაზური და ჯიქურ-აბაზური თემების დამკვიდრების შედეგად ზედიზედ გაუქმდა დრანდისა და მოქვის საეპისკოპოსოები. XVII-XVIIIსს. მიჯნაზე დასრულდა სხვა ქრისტიანული კერების, შესაბამისად, მართლმადიდებლური სარწმუნოების განადგურება, განსაკუთრებით მდ.ღალიბგამდე. მიუხედავად აფხაზეთის კათოლიკოსების დავით ნემსაძისა და გრიგოლ ლორთქიფანიძის მცდელობებისა, ვერ მოხერხდა მრავალრიცხოვანი საეკლესიო მამულების გადარჩენა თანამედროვე აფხაზეთის ტერიტორიაზე. საეკლესიო გლეხების ნაწილი მომხდურებმა ტყვედ გაყიდეს, ან საკუთარ მონებად აქციეს, ნაწილი კი კათოლიკოსმა გრიგოლ ლორთქიფანიძემ სამეგრელოში გადმოასახლა.⁹⁷⁷

წარმართული წეს-ჩვეულებების დამკვიდრებისა და გაძლიერების მიუხედავად, აფხაზეთში მაინც შემორჩა თაყვანისცემა ეკლესიებისადმი, მოკრძალება წმინდანებისადმი. უეჭველია, ეს გარემოება მიგრაციული პროცესების მიუხედავად, ამ კუთხეში ძველი აფხაზური (ქართული) მოსახლეობის მნიშვნელოვანი ნაწილის დარჩენით უნდა აიხსნას.

ლამბერტის თანახმად, ილორის წმ.გიორგის სახელობის ეკლესიას დიდ პატივს სცემდნენ არამცთუ ქართველები, არამედ მეზობელი ხალხებიც. „იმდენად თაყვანსა სცემენ ამ ეკლესიას, რომ თუმცა იგი მოშორებულია და ზღვის პირად სდგას, ფიქრი არ არის, რომ ვინმემ გაქურდოს იგი, ან მტრის გემით მოვიდნენ და გაძარცვონ იგი, არამცთუ კარის გატეხის შიში არა აქვთ, არამედ მისი ძვირფასი ქვები რომ ახლო-მახლო გზაში დააბნიონ, იმასაც ხელს არავენ ახლებს. ამ წმინდანის შიში მარტო აქაურებს კი არა აქვთ, არამედ თვით აფხაზებსაც, რომელნიც სახელგანთქმული ქურდები არიან“. ამავე ავტორის სიტყვებით, „წმინდა გიორგის დღესასწაულს არა მარტო ოდიშელები, არამედ აფხაზებიც და სვანებიც ბლომად ესწრებიან“.⁹⁷⁸

ძამპის ერთ-ერთი რელაციის მიხედვითაც ილორის ეკლესიას „მეზობელი ხალხებიც დიდ თაყვანს სცემენ, თვით ბარბაროსებიც კი. ასე რომ, უახლოესი მეზობლები, როგორც არიან აფხაზები, ალანები, ჯიქები და სხვა არამართლმორწმუნენი, მის გაძარცვას ვერ ბედავენ, თუმცა იციან, რომ ეს ეკლესია ძვირფასეულობით და ფულით ძალზე მდიდარია.“⁹⁷⁹.

შარდენს სამეგრელოში, კერძოდ, სკურჩაში (ავტორის სიტყვებით ისგაურში) თავად ჰყავს ნახული აფხაზები, რომლებმაც ამ მხარეში ერთ-ერთი ლაშქრობისას ხატის ვერცხლის ჩარჩო გაიტაცეს, თვით ხატი, წმინდანის რისხვით შეშინებულებმა, ადგილზე დატოვეს.⁹⁸⁰

ამრიგად, XVII საუკუნის ბოლოსათვის აფხაზეთი რელიგიური თვალსაზრისით ძლიერ განსხვავდებოდა როგორც ადრეული შუა საუკუნეების აფხაზეთისგან, ისე საქართველოს დანარჩენი, მეზობელი კუთხეებისგან, სამაგიეროდ მკვეთრ მსგავსებას ავლენდა კავკასიის მთიანეთთან. გვიან შუა საუკუნეებში აფხაზეთში ქრისტიანული რელიგიის დაცემის და სამაგიეროდ წარმართობის მომძლავრების მთავარი მიზეზი იყო მეზობელი მთიელების, ძირითადად ჯიქურ-აბაზური თემების დამკვიდრება, რომლებმაც აქ მთისთვის დამახასიათებელი სოციალურ-ეკონომიკური ყოფა და წარმართობა ჩამოიტანეს.

⁹⁷⁶ . ბ. ხორავა. ოდიშ-აფხაზეთის ურთიერთობა XV-XVIIIსს., გვ. 112-113.

⁹⁷⁷ . ჯ. გამახარია. აფხაზეთი და მართლმადიდებლობა, გვ. 381-382.

⁹⁷⁸ . არქანჯელო ლამბერტი. სამეგრელოს აღწერა, გვ. 141, 142.

⁹⁷⁹ . ჟან შარდენის მოგზაურობა სპარსეთსა და აღმოსავლეთის სხვა ქვეყნებში, გვ. 197.

⁹⁸⁰ . იქვე, გვ. 212.

თავი X. ანთროპოლოგიური მონაცემები აფხაზთა ეთნოგენეზისის საკითხისათვის.

ანთროპოლოგიურად აფხაზები ერთ-ერთი კარგად შესწავლილი ეთნიკური ჯგუფია კავკასიაში⁹⁸¹. შესწავლილია მათი სომატოლოგიური⁹⁸², კრანოლოგიური,⁹⁸³ სისხლის გენეტიკური მარკერები⁹⁸⁴, დერმატოგლიფიკა⁹⁸⁵, ოდონტოლოგია⁹⁸⁶, ფიზიკური განვითარება⁹⁸⁷. მიუხედავად ამისა, აფხაზების წარმომავლობის საკითხი დღემდე სადისკუსიო თემად რჩება.

ამ კვლევების შედეგად შექმნილია სხვადასხვა ანთროპოლოგიური კლასიფიკაცია. ვალექსეევის მიხედვით, კავკასიაში გავრცელებულია სამი რასა: ბალკანურ-კავკასიური, წინააზიური და ინდოპამირული⁹⁸⁸. მისი აზრით, ბალკანურ-კავკასიური რასა წარმოდგენილია კავკასიონის და პონტოური ტიპებით, წინააზიური-არმენოიდულით, ხოლო ინდო პამირული – კასპიურით. სამივე რასას ავტორი განიხილავს დამოუკიდებელი სამხრეთევროპოიდული რასის შემადგენლობაში, აფხაზებს მოიაზრებს ბალკანურ-კავკასიური რასის შემადგენლობაში, ამავე დროს აღნიშნავს კავკასიონის ტიპისათვის დამახასიათებელ ნიშნებს (ბრაქიკეფალია)⁹⁸⁹.

მეტად საინტერესოა ვ.ბუნაკის მიერ შემუშავებული კავკასიის მკვიდრი მოსახლეობის კლასიფიკაცია. მან გამოყო ოთხი რასა: პონტოური, კასპიური, პონტურზაგროსული (ანუ არმენოიდული) და კავკასიური. პონტოური რასის კლასიკურ წარმომადგენლებად ვ.ბუნაკი მიიჩნევდა ადიღელებს, კასპიურისა – აზერბაიჯანელებს, ხოლო კავკასიურის – იმერლებს. კავკასიური რასა, მისი აზრით, იყოფა: ქვემორიონულად, ყვირილურად და ღიახვ-ალაზნურ ტიპებად⁹⁹⁰. ამავე ნაშრომში ვ.ბუნაკი აფხაზებს განსაზღვრავდა, როგორც ქვემორიონული ტიპის ლოკალურ ვარიანტს.

მაბღუშელიშვილის მრავალრიცხოვანმა გამოკვლევებმა ბევრად უფრო დააზუსტა აფხაზების ადგილი ზოგად სისტემატიკაში. მან აფხაზები ისევე, როგორც ბათუმის, ქობულეთის, ოზურგეთის, ლანჩხუთის, ზუგდიდისა და გალის რაიონების ქართველები

⁹⁸¹ . ნაშრომი დაიწერა საქართველოს ეროვნული სამეცნიერო ფონდის ფინანსური ხელშეკრულებით (გრანტი №7 /შთ06/1-032). წინამდებარე პუბლიკაციაში გამოთქმული ნებისმიერი მოსაზრება ეკუთვნის ავტორს და, შესაძლოა, არ ასახავდეს ეროვნული სამეცნიერო ფონდის შეხედულებას.

⁹⁸² . В.В.Бунак. Антропологический состав населения Кавказа. – Вестник Гос. Музея Грузии. Тб., 1946, т. XIIIА, გვ. 89-108; Г.К. Джанберидзе. Абхазо-адыгейские взаимоотношения в свете данных антропологии. - Тез. докл. VII научной сессии Института экспериментальной морфологии АН ГССР. Тб., 1956, გვ. 13-14; Г.К. Джанберидзе. Проблема происхождения абхазов в свете антропологических данных. Автореферат дис. на соискание учён. степени канд. биол. наук. М., 1963, გვ. 13; М.Г. Абдушелишвили. Антропология древнего и современного населения Грузии. Тб., 1964.

⁹⁸³ . მ. აბღუშელიშვილი. მასალები კავკასიის კრანოლოგიისათვის. - საქ. სსრ მეცნ. აკადემიის ექსპერიმენტული მორფოლოგიის ინსტიტუტის შრომები. 1955, ტ. 5. გვ. 327-339; . . ., 1974.

⁹⁸⁴ . А.А. Воронов. Геногеография факторов крови в Закавказье. - IX Международный Конгресс антропологических и этнографических наук. М., 1983, с.1-20; Robert E. Ferrell, Naira Salamatina, S.M. Dalakishvili, N. A. Bakuradze and Ranajit Chakraborty. A population Genetic Study in the Ochamchir Region Abkhazia, USSR. - American journal of Physical Anthropology. 1985, p. 63-71, 66; А.А. Воронов, С.М. Далакишвили. Н.В. Соломатина, Р.У. Фуррелл. Генетическая характеристика абхазов. – Абхазское долгожительство. М., 1987, გვ. 127-141.

⁹⁸⁵ . И.П. Ладария. К изучению дерматоглифики населения Кавказа. - Сов. Этнография, 1975, №4, გვ. 121-130; Г.Л. Хить. Дерматоглифика народов Кавказа. - Полевые исследования института этнографии. М., 1980, გვ. 189-198.

⁹⁸⁶ . Р.С.Кочнев. Одонтологическая характеристика этнических групп Кавказа. Автореф. дис. на соиск. учён. степ. канд. ист. наук. М., 1971; В.Ф. Кашибадзе. Дифференциация населения Кавказа по одонтологическим данным. - Вопр. антропологии, 1988, вып. 80, გვ.75-78.; Г.А. Аксянова. Характеристика зубной системы (сроки прорезывания, расовые особенности, поражённость кариесом). – Абхазское долгожительство, გვ. 120-125.

⁹⁸⁷ . П.К. Квициния. Морфологические особенности коренного населения Абхазии (на примере мужчин абхазов), Автореферат на соискание учён. степ. канд. биол. наук. М., 1982; Е.Н.Миклашевская, В.С. Соловьёва, О.А. Гилярова, М.Ю. Пескина. Особенности соматического развития детей и подростков абхазов. - Феномен долгожительства. М. Наука, 1982, გვ. 160-169.

⁹⁸⁸, 1974, გვ. 194.

⁹⁸⁹ . ბრაქიკეფალია – მოკლე და განიერი თავი.

⁹⁹⁰, 1946, . XIII , გვ. 93.

კოლხური ტიპის შავიზღვისპირულ ვარიანტში გააერთიანა⁹⁹¹. აფხაზების (გაგრის, გუდაუთის, ოჩამჩირის) ანთროპოლოგიური დაპირისპირება მხოლოდ სომატოლოგიური ნიშნების საფუძველზე, ერთი მხრივ, დასავლურქართულ ეთნოგრაფიულ ჯგუფებთან და, მეორე მხრივ, ჩრდილოკავკასიელებთან (ადიღელები), როგორც ჩანს, ამტკიცებს მათ კავშირს უფრო მეტად ქართულ ეთნიკურ სამყაროსთან, ვიდრე ადიღელებთან⁹⁹².

მოსახლეობის თანამედროვე ანთროპოლოგიური შემადგენლობისა და ეთნოგენეზის კვლევამ ზოგადად აჩვენა, რომ ხალხთა კულტურული და ენობრივი ნათესაობა ხშირად არ შეესაბამება მათ წარმომავლობით ნათესაობას და საერთო გენოფონდს. ცნობილია, რომ ენა და კულტურა შეიძლება გავრცელდეს მათი მატარებლების გარეშე, ხოლო ანთროპოლოგიურ ტიპს ყოველთვის თან ახლავს ენისა და კულტურის გავრცელება⁹⁹³. მაშასადამე, ანთროპოლოგიური მონაცემების როლი მნიშვნელოვანია იმ შემთხვევაშიც, როდესაც არსებობს წერილობითი, ისტორიული და ეთნოგრაფიული მონაცემები.

ეთნიკური ანთროპოლოგია ეძიებს რასობრივ და ტომობრივ ელემენტებს, რომლებიც შესულია ამა თუ იმ ეთნოსში. ამდენად ანთროპოლოგიური მასალა იქცევა ისტორიული პროცესების შესწავლის ერთ-ერთ მნიშვნელოვან წყაროდ.

ეთნოსი რთული და მრავალწახნაგოვანი ფენომენია, რომელიც შედგება ხანგრძლივი ისტორიული პროცესისა. ის წარმოიქმნება, ვითარდება, ზოგჯერ იშლება კიდევ; ამიტომ შეუძლებელია იმ აზრის დაშვებაც კი, რომ რომელიმე ეთნოსს ჩვენამდე მოეღწიოს თავდაპირველი, უცვლელი სახით. შეიძლება შეიცვალოს (და კიდევაც იცვლება ხოლმე) არა მარტო ეთნოსისათვის დამახასიათებელი ენა, კულტურა და ა.შ., არამედ მისი ანთროპოლოგიური იერიც, რაც აუცილებელს ხდის ეთნიკური ჯგუფის ანთროპოლოგიურ შესწავლას სივრცესა და დროში.

ცხადია, რომ აფხაზები გამონაკლისი არ არიან და მათი დღევანდელი სახით ფიზიკური ტიპის ჩამოყალიბების ხანგრძლივ პროცესში ადგილი ჰქონდა მათ შეხებას სხვა ტომების წარმომადგენლებთან.

თანამედროვე აფხაზების ენა იბერიულ-კავკასიურ ენათა აფხაზურ-ადიღურ ჯგუფს მიეკუთვნება⁹⁹⁴, ხოლო მრავალსაუკუნოვანი ისტორიული თანაცხოვრება, მჭიდრო კულტურულ-პოლიტიკური და ეკონომიკური კავშირები მათ საქართველოსთან და ქართველებთან აკავშირებს. ამიტომ, აფხაზთა მორფოლოგიური ტიპის თავისებურების გარკვევა უპრიანია დასავლეთ კავკასიაში განსახლებული თანამედროვე ეთნიკური ჯგუფების ფონზე. ესენი არიან: ქართველები (ლაზები, აჭარლები, გურულები, მეგრელები, სვანები), ადიღები (შაფსულები, ბუეღულები, ჭემგუები, აბაძეხები, ზელენჩუკელები, ბესლენელები), აბაზები (აშხარელები და ტაპანტელები) გარემოცვაში. მათ ყველას აქვს თავისი საკუთარი ისტორია, ენა და კულტურა.

ნიშნები, რომელთა საფუძველზე აფხაზები და ადიღები სხვადასხვა რასობრივ ტიპში აღმოჩნდნენ, არის სხეულის სიმაღლე, სახის სიგანე და სიმაღლე, თავის ქალისა და ცხვირის ფორმა.

პონტოური ტიპის წარმომადგენელთათვის დამახასიათებელია სხეულის შედარებით მცირე სიმაღლე (165სმ.), ვიწრო და მაღალი სახე, მეზოკეფალია⁹⁹⁵, ვიწრო და სწორი ცხვირი, აპრეხილი ცხვირის წვეტი და ა.შ.

აფხაზები, ისევე როგორც დასავლეთ საქართველოში მცხოვრები ქართველები, ხასიათდებიან სხეულის შედარებით დიდი სიმაღლით (168სმ.), განიერი და დაბალი სახით, გამოდრეკილი ცხვირის ზურგითა და დაშვებული წვეტით, მკვეთრად გამოხატული ბრაქიკეფალიით. აფხაზებს ბრაქიკეფალია კიდევ უფრო მეტად აქვთ გამოხატული, ვიდრე დასავლელ ქართველებს. განსხვავება თავის ფორმის მიხედვით აღინიშნება კრანიოლოგიურ მასალაშიც. თავის ქალის მაჩვენებელი აფხაზთა სერიაში (საშუალო) მკვეთრად ბრაქიკრანიულია – 83.5, ადიღების – მეზოკრანიული (76.5).⁹⁹⁶

აფხაზურ ენაში ორ მთავარ დიალექტს გამოყოფენ: აბუურს და ბზიფურს. ანთროპოლოგიური მასალა აღებულია ორივე დიალექტის გავრცელების არეალიდან. შესწავლილია გაგრის (ბზიფი), გუდაუთის (აბლარსუქი, აჭანდარა, დურიფში, ჯირხვა)

991

992 იქვე, გვ. 58.

993 , 1952, 1. გვ. 22-35.

994 , . 4. 1967, გვ. 101-123.

995 მეზოკეფალია – საშუალო სიგრძის და სიგანის თავი.

996 ბრაქიკრანია – მოკლე და განიერი თავის ქალა; მეზოკრანია – საშუალო სიგრძისა და სიგანის თავის ქალა.

და ოჩამჩირის (კვიტოული, ჯგერდა) რაიონების სოფლებში. აფხაზების სამივე ჯგუფის შიდა-პოპულაციურმა და პოპულაციებს შორის კვლევამ ზოგადად გვიჩვენა საკმაოდ მაღალი მსგავსება.

ყოველ წყვილ პოპულაციას შორის წარმოებულმა შედარებამ აჩვენა, რომ გაგრის, გუდაუთის, ოჩამჩირის მოსახლეობას შორის არ არის სტატისტიკურად მნიშვნელოვანი განსხვავება. გაგრისა და გუდაუთის მოსახლეობა განსხვავდება ოჩამჩირის მოსახლეობისაგან ზედა ტუჩის შედარებით დაბალი სიმაღლით, გაგრის მოსახლეობას აქვს შედარებით ნაკლებად გამოხატული ორივე ტუჩის სისქე. ამ ორივე შემთხვევაში $P < 0.05$ -ისა.

ჩატარებული კომპონენტური ანალიზი წარმოდგენილია 7 ძირითადი კომპონენტით, რომლებიც მოიცავენ საერთო ვარიაციის 89.1%-ს. მორფომეტრული მონაცემების მიხედვით თითოეული კომპონენტის დატვირთვა საერთო ჯამში გაგრის, გუდაუთის, ოჩამჩირის მოსახლეობას არ განასხვავებს ერთმანეთისაგან და წარმოაჩენს, როგორც ერთიან პოლიმორფულ ჯგუფს.

იმავე მასალაზე გ.ჯანბერიძემ⁹⁹⁷ (ჯანბერიძე – ხელნაწერი) ცალკე შეისწავლა ის ინდივიდები, რომელთა გვარები არ იწვევდნენ არავითარ ეჭვს მათ აფხაზურ წარმომავლობაში და შეადარა ქართულგვარებიან აფხაზებს. განსხვავება ამ ორ ჯგუფს შორის არ აღინიშნა. როგორც ავტორი წერს, ამით ამოწურულია ყველა მეთოდი და საშუალება ქართველებსა (მეგრელებსა) და აფხაზებს შორის არსებული განსხვავებული ელემენტის აღმოჩენისათვის (გვ. 21)⁹⁹⁸. უფრო ნათელია აფხაზების მეგრელებთან მსგავსება, ვიდრე ერთ მონათესავე აბაზებთან და ადიღელებთან შედარებისას.

მთელ რიგ ტაქსონომიურად მადიფერენცირებულ ნიშნებზე დაკვირვებამ ნათლად გამოაჩინა, რომ შესწავლილი ჯგუფები ქმნიან კავკასიონის ქედით გაყოფილი მსგავსების ორ წრეს: სამხრეთით – ქართულ (მეგრულ)-აფხაზურს და ჩრდილოეთით ადიღურ-აბაზურს. ჩრდილოეთის წრეში შემაჯავლი ორივე ეთნიკური ჯგუფი თანაბრად განსხვავდება მეგრელებისა და აფხაზებისაგან მაშინ, როდესაც ჩანს მათ შორის არსებული შინაგანი მსგავსება⁹⁹⁹.

აფხაზების პოპულაციებს შორის გაგრის აფხაზები გამორჩეულად ახლო მორფოლოგიურ დისტანციებს ამჟღავნებენ როგორც ქართველთა ჯგუფებთან, ასევე ჩრდილოეთ კავკასიის მოსახლეობასთან. ამასთანავე ხაზგასასმელია, რომ ეს დისტანცია ქართველებთან მიმართებაში ორჯერ ნაკლებია, ვიდრე ჩრდილოეთ კავკასიელებთან. გაგრელ აფხაზებთან ყველაზე დაახლოებულ ჯგუფებად მოიაზრებიან გაღელი მეგრელები (დისტანცია 0.04) და ლანჩხუთელი გურულები (დისტანცია 0.05). ჩხოროწყუს მეგრელები, ოზურგეთელი გურულები, ხულოს, ქედისა და ქობულეთის აჭარლები, ამბროლაურის რაჭველები და ზესტაფონელი იმერლები მათგან დაშორებული არიან 0.06 მორფოლოგიური დისტანციით. ჩოხატაურის გურულები, ვანელი იმერლები და ყაბარდოელები – 0.07-ით; წალენჯიხის მეგრელები და ჭიათურის იმერლები – 0.08-ით; ხელვაჩაურის ლაზები, რიყეთის აჭარლები, ადიღე-აბაძეები, ზელენჩუკისა და ბესლენეის ჩერქეზები – 0.09-ით და ზუგდიდის მეგრელები – 0.10-ით.

აღსანიშნავია, რომ აფხაზებს შორის შიდა საერთო მორფოლოგიური დისტანცია არის 0.0933, ლაზებს შორის – 0.0900, აჭარლებს შორის – 0.0852, მეგრელებს შორის – 0.0840, იმერლებს შორის – 0.0700, გურულებს შორის – 0.0633, სვანებს შორის – 0.0600, ყაბარდოელებს შორის – 0.0667, ჩერქეზებს შორის – 0.0600, აბაზებს შორის – 0.0600, ადიღელებს შორის – 0.0560.

მორფოლოგიური დისტანციები აფხაზებსა და ქართველებს, აფხაზებსა და არაქართველურ ეთნიკურ ჯგუფებს შორის შემდეგნაირად განაწილდა:

აფხაზები – მეგრელები – 0.0893

⁹⁹⁷ . გ. ჯანბერიძე. აფხაზების ანთროპოლოგიური ურთიერთობა ქართველურ და ჩრდილო-კავკასიურ ეთნიკურ ჯგუფებთან. ხელნაწერი ინახება ისტორიისა და ეთნოლოგიის ინსტიტუტის ანთროპოლოგიის განყოფილების ფონდში. საბჭოელი მანქანით აკრებილი 25 გვერდი).

⁹⁹⁸ . იქვე.

⁹⁹⁹ . იქვე, გვ. 21.

აფხაზები – იმერლები	–	0.1050
აფხაზები – აჭარლები	–	0.1081
აფხაზები – ლაზები	–	0.1083
აფხაზები – ადიღელები	–	0.1387
აფხაზები – აბაზები	–	0.1500

ამავე დროს დისტანცია მეგრელებსა და ადიღელებს შორის არის 0.17933.

მოყვანილი დისტანციები მეტყველებენ კავკასიის ხალხთა ახლო მორფოლოგიურ მსგავსებაზე, ხოლო აფხაზები უფრო მეტად ქართველურ ჯგუფებს შორის მოიაზრებიან, ვიდრე ჩრდილოეთკავკასიელებში. მორფოლოგიური დისტანცია აფხაზებსა და მეგრელებს შორის (0.0893), პრაქტიკულად იდენტურია მეგრელებსა და გურულებს შორის არსებული დისტანციისა (0.084).

პალეოანთროპოლოგიური მასალები აფხაზეთის ტერიტორიიდან კერძოდ, ისევე, როგორც დასავლეთ საქართველოს სხვა რეგიონებიდან ზოგადად, ძალზე მცირეა. ყველაზე ადრეული მასალა აფხაზეთიდან მცირერიცხოვანი სერიაა გუდაუთის რაიონის სოფელ დურიფშიდან, რომელიც დათარიღებულია XI–XIII საუკუნეებით. ზოგადად, სერია ხასიათდება ქალასარქველის საშუალო გრძივი და საშუალო განივი დიამეტრებით, ქალას მანვენებელი საშუალოზე მაღალი (მკვეთრად ბრაქიკრანული ფორმით), სახე საშუალო სიგანის, მაგრამ უახლოვდება ამ კატეგორიის უმაღლეს ზღვარს, სახის საშუალოზე დაბალი მაჩვენებლის მიხედვით სერია ექცევა ეუროპოზოპულ¹⁰⁰⁰ კატეგორიაში. ცხვირი საშუალო სიგანისა და სიმაღლისა, უნაგირი ძალზე მაღალი. ნიშნების ეს კომპლექსი წინააზიურ რასობრივ ტიპს ეკუთვნის და ამდენად აფხაზეთის მოსახლეობა განვითარებულ შუა საუკუნეებში, როგორც გენეტიკურად, ისე მორფოლოგიურად შედიოდა წინააზიური რასობრივი ტიპების იმავე ვარიაციების ფარგლებში, რომლებშიაც ასევე შედიოდა ამავე პერიოდის საქართველოს დანარჩენი მოსახლეობაც. უფრო სოლიდურია თანამედროვე სერია აფხაზეთიდან, რომელიც მოპოვებულია სოხუმის მახლობლად¹⁰⁰¹. ზოგადად სერიისათვის დამახასიათებელია მცირე გრძივი და საშუალო განივი დიამეტრები, თავის ქალას მაჩვენებელი - მაღალი (ბრაქიკრანიული), შუბლი - სწორი და ზომიერი სიგანისა, სახის ფუძის სიგრძე - მცირე, ყვრიმალთშუა დიამეტრი - საშუალო, სახის ზედა სიგანე - საშუალო, ცხვირი - საშუალო სიგანისა და სიმაღლისა, მაღალი უნაგირით, მკვეთრად წინ წარზიდული, ორბიტები - საშუალო სიგანისა და სიმაღლისა, სახე - პროფილირებული ჰორიზონტალურ სიბრტყეში და სწორი ვერტიკალურში.

ეს ზოგადი დახასიათება საერთოა მამაკაცებისა და დედაკაცებისათვის. განსხვავება სქესთა შორის თავის ქალას ფორმების მიხედვითაც არ აღინიშნება. გამოთვლილ სერიებში თავის ქალას ფორმების განაწილება ძალზე მსგავსია. მამაკაცებში დოლიქო¹⁰⁰² - და მეზოკრანიული – 23,8%, ბრაქიკრანიული – 31,0%, ჰიპერბრაქიკრანიული – 38,1%, ულტრაბრაქიკრანიული – 7,1%. იგივე ფორმები დედაკაცების სერიაში შემდეგი შემცველობით აღინიშნება – მეზოკრანიული – 23,5%, ბრაქიკრანიული – 29,4%, ჰიპერბრაქიკრანიული – 41,2% და ულტრაბრაქიკრანიული – 5,9%. თუ ბრაქიკრანიული სერიების შემცველობას შევაჯამებთ, მაშინ მსგავსება აბსოლუტურია (მამაკაცებში – 23,8%, დოლიქო-, მეზო - და – 76,2%. ბრაქიკრანია, ხოლო დედაკაცებში – 23,5% და – 76,5% შესაბამისად).

თანამედროვე მოსახლეობის კრანიოლოგიური პოლიმორფიზმის საფუძველზე მოსახლეობა განეკუთვნება ინდოხმელთაშუაზღვისპირულ რასას. საინტერესოა იმ მორფოლოგიური თავისებურებების აღნიშვნა, რომლებიც კონკრეტულად ამა თუ იმ სერიას აკავშირებს საქართველოს სხვადასხვა ანთროპოლოგიურ ტიპთან. აჭარლების, მეგრელებისა და აფხაზების კრანიოლოგიური სერიები შედარებით ვიწრო სახითა და ცხვირით უსათუოდ კოლხური ტიპის წარმომადგენლები არიან. ავენისის კრანიოლოგიურ სერიაში შეინიშნება კავკასიონის ტიპისათვის დამახასიათებელი შედარებით ფართო სახე. აღსა-

¹⁰⁰⁰ . ეუროპოზოპია – განიერი სახე.

¹⁰⁰¹ . В.И.Чернявский. Яшу-Аху, Абхазия, 1878г. см. в каталоге- Т.И. Алексеева и др. Краниологические и остеологические коллекции Института и Музея антропологии МГУ. М., МГУ, 1986, გვ. 176.

¹⁰⁰² . დოლიქოკრანია – გრძელი და ვიწრო თავის ქალა.

ნიშნავია ისიც, რომ ბრაქიკეფალიზაციის პროცესი განხილულ სერიებში არ არის ბოლომდე მისული, რადგან ყველა სერიაში ჯერ კიდევ მეზოკრანების საკმაო რაოდენობაა დაფიქსირებული. თანამედროვე კრანოლოგიური ტიპები ინდო-ხმელთაშუა რასობრივი შტოს წინააზიური (კრანოლოგიური სერიები აჭარლების, მთიულების, აფხაზების, სომხების), კასპიური (აზერბაიჯანელების კრანოლოგიური სერია) და პონტოური (ჩერქეზების კრანოლოგიური სერია) რასის დამახასიათებელი ნიშნებით გამოირჩევიან. ამ ნიშანთა კომპლექსითაც აფხაზები და ქართველები ერთ რასობრივ კატეგორიაში ხვდებიან.

ამრიგად, ანთროპოლოგიური მონაცემებით ირკვევა, რომ აფხაზთა მორფოლოგიური ტიპისათვის დამახასიათებელი ნიშნები მათ ქართველურ სამყაროსთან აერთიანებს. ყველა სისტემის მიხედვით - კრანოლოგია (აჭარლებთან), სომატოლოგია (მეგრელებთან, აჭარლებთან), დერმატოგლიფიკა (აჭარლებთან, ზოგადად ქართველებთან), სისხლის იზოანტიგენური სისტემები და ოდონტოლოგია (დასავლეთ საქართველოს მოსახლეობასთან) - ერთმნიშვნელოვნად ავლენენ მაღალ მორფოლოგიურ მსგავსებას ქართველებთან. როგორც მ.აბღუშელიშვილი წერდა, "ქართველური და აფხაზური ჯგუფების მსგავსება გენეტიკური ნათესაობის ხასიათისაა"¹⁰⁰³. ეს გენეტიკური ნათესაობა რამდენიმე ფაქტორით შეიძლება აიხსნას. პირველ რიგში, იმით რომ ძველი აფხაზები, ისეთივე ქართველები იყვნენ, როგორც მეგრელები, ლაზები, იმერლები, გურულები, სვანები¹⁰⁰⁴; მეორე, როგორც გ.ჯანბერიძემ დაასკვნა, აფხაზთა თავისებური მდგომარეობა ადიღურ ენობრივ ჯგუფში აიხსნება დასავლელ ქართველებთან მათი ნათესაობით. მისი აზრით, რომელსაც მორფოლოგიური ფაქტორები ადასტურებენ, აფხაზთა ეთნოგენეზი შეიძლება განვიხილოთ, როგორც ქართველების რომელიღაც ჯგუფის ადიღურ ენაზე გადასვლა; ანუ აფხაზთა ფიზიკური წინაპრების უდიდესი უმრავლესობა ნაწილი იყო არა სხვა აფსუა-ადიღურ ხალხთა წინაპრებისა, არამედ თანამედროვე ქართველების ქართულენოვანი წინაპრებისა¹⁰⁰⁵. ამ მოსაზრებას იზიარებს ვ.ალექსევიც. ის ეთანხმება თვალსაზრისს, რომ ანთროპოლოგიურად აფხაზები უფრო ახლოს დგანან ქართულ ეთნიკურ სამყაროსთან, ვიდრე ადიღელებთან. იგი წერს: „აფხაზთა გაერთიანება ადიღური ენობრივი ჯგუფის შემადგენლობაში, ალბათ, შედარებით გვიან განხორციელდა და, ყოველ შემთხვევაში, წარმოდგენს მეორად მოვლენას მათ ეთნიკურ ისტორიაში.“¹⁰⁰⁶ მესამე, უძველესი კავკასიური კულტურული და ეთნიკური ერთობლიობის¹⁰⁰⁷ საფუძველია ის ძველი სუბსტრატი, რომელიც, ყოველ შემთხვევაში, ძვ.წ. III ათასწლეულში მაინც საერთო იყო კავკასიის აბორიგენი მოსახლეობისათვის. ეს ნათლად ჩანს დასავლეთ საქართველოს მოსახლეობის, როგორც მორფოლოგიური ტიპის ცვალებადობაში, ასევე ზოგიერთი გენეტიკური მარკერების გავრცელებაში. ამის ერთ-ერთი ნათელი დასტურია ABO სისტემის სისხლის ჯგუფების გავრცელება საქართველოში. მთლიანობაში ამ სისტემის მიხედვით, საქართველოს მოსახლეობა ძირითადად ორ მეტ-ნაკლებად მსგავს ჯგუფად დიფერენცირდება. როგორც წესი, ეთნიკურ ჯგუფებში შემადგენელი ნიშნების რასობრივი თავისებურებანი დიდხანს ინახავენ ერთობისა და მსგავსების იმ ფორმებს, რომლებიც წინ უსწრებდნენ მათ ჩამოყალიბებას. მით უმეტეს, ტერიტორიულად დაახლოებული ადგილობრივი ჯგუფების ურთიერთობის შედეგად წარმოქმნილი ეთნიკური ერთობლიობა ანთროპოლოგიურად რჩება ამ ტერიტორიისათვის დამახასიათებელი ცვალებადობის ფარგლებში¹⁰⁰⁸.

¹⁰⁰³ . მ.აბღუშელიშვილი. მასალები კავკასიის კრანოლოგიისათვის. - საქ. სსრ მეცნ. აკადემიის ექსპერიმენტული მორფოლოგიის ინსტიტუტის შრომები, ტ. 5. თბ., 1955, გვ. 327-392.

¹⁰⁰⁴ . გ. გასვიანი. აფხაზეთი. ძველი და ახალი აფხაზები. თბ., 1998.

¹⁰⁰⁵ გვ. 13.

¹⁰⁰⁶ . იქვე გვ. 10; 1974, გვ. 194.

¹⁰⁰⁷)

¹⁰⁰⁸) 1974,

თავი XI. აფხაზეთის ეთნიკური ისტორიის ლინგვისტური საფუძვლები

ისტორიკოსები და ეთნოლოგები ხშირად იყენებენ ენობრივ ფაქტებს ისტორიულ-ეთნოლოგიურ საკითხთა კვლევისას. ეს ბუნებრივიცაა, ვინაიდან ზოგი ისტორიული ეპოქის შესახებ ან საერთოდ არ არსებობს არავითარი წერილობითი წყაროები, ან ისინი საკმარისი არ არის, ან კიდევ არსებული წერილობითი წყაროების ცნობები გარკვეულ ობიექტურ თუ სუბიექტურ მიზეზთა გამო ბუნდოვანია; ენა კი ის ფენომენია, რომელიც საკმაოდ ზუსტად ასახავს კონკრეტული ეთნოსის მიერ განვლილ ისტორიულ გზას და გვაწვდის უტყუარ, გაუყალბებელ მონაცემებს იმის შესახებ, თუ სად უცხოვრია ეთნოსს, ისტორიულ-კულტურული განვითარების რა საფეხურები გაუვლია მას, როგორი ურთიერთობები ჰქონია მეზობელ ეთნოსებთან და ა.შ.

პირველი მკვლევარი, ვინც დიდ ყურადღებას უთმობდა ენობრივ ფაქტებს და მათ საფუძველზე გამოჰქონდა დასკვნები თანამედროვე აფხაზი ხალხის გენეზისის, მისი თავდაპირველი საცხოვრისის ლოკალიზაციისა და აფხაზთა წინაპრების მიგრაციის მიმართულებათა შესახებ, იყო აკად. ნიკო მარი¹⁰⁰⁹. სწორედ ნ. მარის დასკვნები უდევს საფუძველად მომდევნო პერიოდის ისტორიკოსთა, ეთნოლოგთა, არქეოლოგთა და ენათმეცნიერთა საკმაოდ დიდი ნაწილის მიერ გაზიარებულ და შევსებულ-მოდულირებულ პიპოთეზებს იმის შესახებ, თითქოს:

1. დასავლეთ საქართველო თავდაპირველად დასახლებული იყო აფხაზთა, აბაზთა, ადიღელთა, ყაბარდოელთა და უბიხთა საერთო წინაპარი ტომებით (წინარეაფხაზურ-ადიღური ეთნოსით), რის დასტურადაც ასახელებენ დასავლეთ საქართველოში გავრცელებულ ფს(ა), ყვა და რა მარცვლების შემცველ ტოპონიმებს, ჰიდრონიმებსა და სატომო სახელებს, რომლებიც წინარეაფხაზურ-ადიღური მოსახლეობის შექმნილად ცხადდება.

2. წინარეაფხაზურ-ადიღური მოსახლეობა სამხრეთით ვრცელდებოდა თითქმის ანატოლიის შუამდე, რის დამადასტურებლადაც მიიჩნევენ ძვ.წ. II ათასწლეულში ფიქსირებულ ეთნონიმებს აბეშლასა და კაშქს. ამ დასკვნას საფუძველად უდევს დასახელებულ ეთნონიმთა ფონეტიკური მსგავსება აფხაზთა ავტოეთნონიმ აფსუა-სთან და ჩერქეზთა აღმნიშვნელ ქართულ ქაშაგ (რუს. касог)-თან.

3. ახ.წ. დასაწყისის ბერძნულ-ლათინურ წყაროებში დასახელებული აფშილები და აბასგები აფხაზებისა და აბაზების წინაპრები ყოფილან. აბაზთა ერთი ნაწილი (ტაპანთელები) ჩრდილოეთ კავკასიაში XIII-XIV საუკუნეებში გადასახლებულა, მეორე ნაწილი კი (აშხარელები) – XVII-XVIII საუკუნეებში.

4. ქართული მოსახლეობა თავიდანვე არ ცხოვრობდა დასავლეთ საქართველოში. მეგრულ და სვანურ მეტყველებებს ამჟამინდელ აფხაზეთში, სამეგრელოსა და სვანეთში წინ უსწრებდა აფხაზურ-აბაზური, უბიხური და ჩერქეზული ენები, რომელთა კვალი ენობრივი სუბსტრატის სახით დღემდე ჩანს მეგრულ-სვანურის სტრუქტურასა და ლექსიკაში და ა. შ.

იმის გასარკვევად, თუ რამდენად საფუძველიანი და დასაბუთებულია დასახელებული დასკვნები, რომლებიც ნ. მარისაგან მომდინარეობს, უპრიანია, კრიტიკულად შევაფასოთ ნ. მარის დასკვნების სანდოობის ხარისხი და კვლევის მეთოდოლოგია.

მაგალითად, აფხაზური ენის კვლევისადმი მიძღვნილ ერთ-ერთ უპირველეს ნაშრომში ნ. მარი წარმოადგენს თავის მოსაზრებებს აფხაზთა შორის გავრცელებული გვარსახელის გუბაზ-ის შესახებ. იგი სიტყვას ასე შლის: გუბაზ ← *გუბაძე. მკვლევრის აზ-

¹⁰⁰⁹. Н. Я. Марр. О языке и истории абхазов. Ленинград, 1936.

რით, პირველი მარცვალი გუ გულის აღმნიშვნელი აფხაზური ა-გუ¹⁰¹⁰ სიტყვის ძირია, ბა აფხაზურ გვარსახელთა მაწარმოებელი სუფიქსია (მდრ. თარ-ბა, ამიჭ-ბა, აჯ-ბა...), ხოლო ზ თანხმოვანი მიღებულია ქართულ გვარსახელთა მაწარმოებელი ძე-საგან ხმოვნის დაკარგვისა და ძ → ზ პროცესის შედეგად. ავტორს მიაჩნია, რომ გუბაზ ფორმა ნააფხაზარი, ქართიზებული სახეობაა ამოსავალი გუბა ვარიანტისა („გულაძე, გულიძე“). იგივე გუბაზ ფორმა მოგვიანებით თურმე მამაკაცის სახელადაც ქცეულა (მდრ. ლაზიკის ცნობილი მეფე გუბაზი V საუკუნეში). ამისი დამადასტურებელი ყოფილა გურიის მდინარე გუბაზოულის სახელიც. გვარსახელის ამგვარ ინტერპრეტაციას მოსდევს დასკვნა, თითქოს აფხაზთა წინაპრებს V საუკუნემდე დიდი ხნით ადრე ეცხოვროთ არა მარტო აწინდელი აფხაზეთის, არამედ გურიის ტერიტორიაზეც და მეფე გუბაზ I-ის დაბადებამდე მომხდარიყოს აფხაზთა ქართიზაცია¹⁰¹¹.

რამდენად მართებულია ნ. მარის ეს მსჯელობა? პასუხი ასეთია:

ჯერ ერთი, ახ. წ. V საუკუნემდე -ბა სუფიქსიანი აფხაზურ გვარსახელთა და, საერთოდ, გვარების რაიმე მოდელის არსებობა აფხაზთა შორის წარმოუდგენელია, ვინაიდან იმ დროს გვარსახელები არ ჰქონდათ აფხაზთა წინაპრებზე ბევრად დაწინაურებულ ხალხებსაც კი.

მეორე, თუ გავიზიარებთ იმ შეხედულებას, რომ XIII-XIV საუკუნეებამდე აფხაზები და აბაზები ერთად სახლობდნენ აწინდელი აფხაზეთის ტერიტორიაზე და მდ. ყუბანის ხეობაში პირველად ტაპანთელები გადასახლდნენ, მაშინ ისიც უნდა ვივარაუდოთ, რომ ტაპანთელებს შორისაც უნდა იყოს გავრცელებული -ბა სუფიქსიანი გვარსახელები. რეალურად კი, ტაპანთურ სოფლებში ექსპედიციების დროს მოპოვებული მასალების მიხედვით ირკვევა, რომ თარ-ბა-ს ტიპის გვარსახელები საერთოდ არ არის გავრცელებული ტაპანთელებში, ხოლო აშხარელ აბაზთა შორის სულ 13 გვარსახელს უჩანს იგივე -ბა დაბოლოება¹⁰¹². საყურადღებოა, რომ ამ 13 გვარსახელიდან 9-ს ორ-ორი ვარიანტი აქვს (-ბა სუფიქსიანი და კრებით სახელთა -აა მაწარმოებელიანი), 3 გვარსახელს – სამ-სამი (იმავე მაწარმოებლებითა და -ძა სუფიქსით, რომელიც ქართული -ძე სუფიქსისაგან მომდინარეობს¹⁰¹³). პარალელური ვარიანტების არსებობა და ის ფაქტი, რომ -ბა სუფიქსი მხოლოდ რუსულ გამოთქმაში გამოიყენება¹⁰¹⁴, იძლევა საფუძველს მტკიცებისათვის, რომ -ბა სუფიქსიანი წარმოება არ არის ორგანული არც აშხარული გვარსახელებისათვის და აშკარად აფხაზური ენის გაგლეჩის შედეგი ჩანს. ამ დასკვნის სასარგებლოდ მეტყველებს კიდევ ერთი რეალურ-ისტორიული ფაქტი: XX საუკუნის 20-30-იან წლებში აშხარელთა 60 კომლი სოფელ ფსჰუში (გუდაუთის რ-ნი) ჩამოასახლეს¹⁰¹⁵, როგორც ჩანს, აფხაზთა შორის ინტეგრაციისათვის, მაგრამ ისინი შემდგომში (მეორე მსოფლიო ომამდე) უკან დაბრუნდნენ. უსაფუძვლო არ უნდა იყოს ვარაუდი, რომ სწორედ ფსჰუში ბინადრობისას დაუმკვიდრდათ -ბა სუფიქსიანი აფხაზური მოდელის გვარსახელები აშხარელ მიგრანტებს, რაზეც -ბა სუფიქსიანი ვარიანტების მხოლოდ რუსულ გამოთქმაში გამოყენების ფაქტიც მიანიშნებს (ეს პასპორტიზაციის ზეგავლენაა). ასე რომ, აშხარელთა შორის გვარსახელთა აფხაზური მოდელის გავრცელება აფხაზ კომუნისტთა ენობრივი პოლიტიკის შედეგია და არა ძველისძველი ისტორიული ფაქტის გამოძახილი.

მესამე, ქართულ გვარსახელთა -ძე დაბოლოება შესაბამისი გვარების მატარებელთა გააფხაზების შემთხვევაში არ იძლევა ოდენ ზ თანხმოვანს. წესი ასეთია: თუ გვარის წარმომადგენელი ახალი გააფხაზებულია, -ძე დაბოლოება აფხაზურ გამოთქმაში უცვლელი რჩება (ჩაკვეტაძე, არუხაძე, ჩხიძე|ჩხეიძე...), ხოლო თუ გააფხაზება დიდი ხნის მომხდარია, მაშინ დაბოლოების ძ თანხმოვანი უცვლელი რჩება, ხოლო ე ხმოვანი იშლება ძა კომპლექსად, ან აბაზურში გადადის ა ხმოვნად (მდრ. კასრაძე → აფხაზ. კას-

¹⁰¹⁰. ტექნიკური მიზეზების გამო აფხაზურ-აბაზური ენობრივი მასალა აქაც და ქვემოთაც გადმოცემული გვაქვს გამარტივებული ტრანსკრიფციით.

¹⁰¹¹. Н. Я. Марр. Из лингвистической поездки в Абхазию, გვ. 57-58.

¹⁰¹². ქ. ლომთათიძე. აშხარული დიალექტი და მისი ადგილი სხვა აფხაზურ-აბაზურ დიალექტთა შორის (ტექსტებითურთ). თბ., 1954, გვ. 223.

¹⁰¹³. იქვე, გვ. 224.

¹⁰¹⁴. იქვე, გვ. 224.

¹⁰¹⁵. იქვე, გვ. IX.

ლანძია, კილაძე → აფხაზ. კილ-ბა, აბაზ. კილძა)¹⁰¹⁶.

რაც შეეხება ჰიდრონიმ **გუბაზოულს**, მას საფუძვლად უდევს მამაკაცის სახელის¹⁷ კნინობითი **გუბაზ-ა** ფორმა, რომელსაც დაერთვის **-ულ-ურ** სუფიქსი. ეს სუფიქსი, ჩვეულებრივ, მიწის ნაკვეთის მფლობელობას აღნიშნავს (მდრ. მახინჯ-ა-ურ-ი, ამბროლ-ა-ური, ხარაგ-ა-ულ-ი). ასეთი სახელების ჰიდრონიმებად ქცევაც არ არის უჩვეულო მოვლენა. რაც მთავარია, **გუბაზოული** არც ისე ძველი სახელია, როგორც ეს ნ. მარს მიაჩნდა.

ამრიგად, უნდა დავასკვნათ, რომ აფხაზური მოსახლეობა არასოდეს ბინადრობდა გურიაში და აკად. ნ. მარის „თეორიას“ მთელ დასავლეთ საქართველოში თავდაპირველად აფხაზთა წინაპრების ცხოვრების შესახებ არა აქვს არც ლინგვისტური და არც ისტორიული საფუძვლები.

იგივე ითქმის დასავლეთ საქართველოში **ფს(ა), ყვა, რა** ელემენტებიანი და ზოგი სხვა ტიპის ტოპონიმების, ჰიდრონიმებისა და სატომო სახელების მცდარი ანალიზის საფუძველზე შექმნილი შეხედულების შესახებ, თითქოს ასეთი ენობრივი ფაქტები ადასტურებდნენ დასავლეთ საქართველოში წინარე-აფხაზურ-ადიდურ ტომთა ცხოვრებასა და მათ შემდგომ ასიმილაციას გვიან მოსული ქართველური მოსახლეობის მიერ. თანამედროვე მკვლევრები უკვე აღარ იზიარებენ ამ დაუსაბუთებელ „თეორიებს“ და ახლებურად ხსნიან ამგვარ ფაქტებს (იხ.: ა. ონიანის, ტ. ფუტყარაძის, მ. ჩუხუასა და სხვათა ახალი გამოკვლევები). აქ თვალსაჩინოებისათვის მოკლედ შევეხებით ერთ სადავო საკითხს:

გურია-აჭარის ტერიტორიაზე დასტურდება რამდენიმე გეოგრაფიული სახელი, რომლებიც **ყვ(ა)** მარცვალს შეიცავენ: **მალთაყვა, ბობოყვათი, ჯურუყვეთი...** გურიაშივე გავრცელებულია ამავე მარცვლის შემცველი გვარსახელები: **ინგოროყვა, როყვა, ართილაყვა, დელეყვა...** ერთი თვალსაზრისით, დასახელებულ გეოგრაფიულ სახელებში **ყვა** ელემენტი ჩერქეზული სიტყვაა და დელეს, ხეგს ნიშნავს, ხოლო დასახელებულ გვარებში გამოყოფენ ასევე ჩერქეზულ **ყვა** („ძე, ვაჟი“) ფუძეს, რაც თითქოს გურია-აჭარაში ჩერქეზთა ოდინდელი ბინადრობის დამადასტურებელია. მეორე თვალსაზრისით, დასახელებულ გეოგრაფიულ ნომენკლატურაში **ყვა** სოხუმის აფხაზურ სახელს **აყვა**-ს უკავშირდება, რაც იმავე ტერიტორიაზე აფხაზთა წინაპრების ცხოვრების მანიშნებელი ყოფილა. ორივე თვალსაზრისს ერთი **არსებითი მეთოდოლოგიური ნაკლი** აქვს: საანალიზო სიტყვებში გამოიყოფა და „იდენტიფიცირდება“ მხოლოდ ერთი სეგმენტი, სიტყვათა დანარჩენი სეგმენტების ახსნას კი ვეღარ ახერხებენ. არავინ იწუხებდა თავს იმის დამაჯერებელი განმარტებით, თუ რას წარმოადგენს **მალთა, ბობო, ჯურუ** (გეოგრ. სახელებში), ან **ინგორო, რო, ართილა, დელე** (გვარსახელებში). ეს იმას ნიშნავს, რომ საანალიზო მასალის **ეტიმოლოგია დაუდგენელია**, არადა სწორედ სანახევრო „ანალიზის“ საფუძველზე კეთდება შორს მიმავალი ისტორიულ-ეთნოლოგიური დასკვნები, რაც ყოველად გაუმართლებელია¹⁰¹⁷.

1. აფხაზური ენის ადგილი მონათესავე ენათა შორის ისტორიული ასპექტების გათვალისწინებით

ის ეთნოსი, რომელიც თავის დედაენაზე საკუთარ ეთნიკურ ვინაობას აფსუა სახელით აღნიშნავს, გვიანდელი ქართული ტრადიციის მიხედვით აღინიშნება **აფხაზის** სახელწოდებით. აფხაზებთან ენობრივ-ეთნიკური ნიშნებით ყველაზე ახლოს დგანან **აბაზები**, რომლებიც ამჟამად ჩრდილოეთ კავკასიაში, მდინარე ყუბანის ხეობაში გაფანტვით მდებარე 13 სოფელში სახლობენ (ყარაჩაეთ-ჩერქეზეთის რესპუბლიკა). აფხაზთა კიდევ ერთი ახლომონათესავე ეთნოსი – **უბიხები** 1864 წლამდე ცხოვრობდნენ ქ. სოჭისა და ადღერის მიმდებარე ზოლში. ეს ხალხი მთლიანად გადასახლდა ოსმალეთში, სადაც

¹⁰¹⁶. აფხაზთა შორის გავრცელებულ გვარსახელთა ლინგვისტური ანალიზი ვრცლად წარმოდგენილია ქვემოთ. რაც შეეხება ნ. მარის კიდევ ერთ სანახევროდ მეცნიერულ ნაშრომს ტერმინ „აფხაზის“ შესახებ, მისი კრიტიკული შეფასებაც ქვემოთაა მოცემული.

¹⁰¹⁷. მაგალითად, ეგრისის მეფეები გუბაზ I (V ს. 50-60-იანი წლები) და გუბაზ II (VI ს. 40-50-იანი წლები).

¹⁰¹⁷. განსახილველ საკითხს საყურადღებო ნაშრომი უძღვნა მ. ჩუხუამ 2006 წლის 22-23 სექტემბერს ბათუმში გამართულ საერთაშორისო სიმპოზიუმზე, რომელშიც დასახელებული მასალა ახსნილია ქართველურ ნიადაგზე. ნაშრომი იბეჭდება. აქვე ისიც უნდა ითქვას, რომ ყვა დაბოლოებიანი გვარსახელები არ ფიქსირდება უძველეს წერილობით წყაროებში და ამიტომაც არ გამოდგება ისტორიამდელი ვითარების საკვლევად.

დაკარგა დედაენა და შეერია თურქებსა და კავკასიელ მუჰაჯირებს. აფხაზთა ახლომონათესავენი არიან აგრეთვე ჩერქეზების ზოგადი სახელით ცნობილი ადიღელები (ადიდეს რესპუბლიკაში) და ყაბარდოელები (ყაბარდო-ბაღყარეთისა და ყარაჩაეთ-ჩერქეზეთის რესპუბლიკებში).

აფხაზური ენა შედის იბერიულ-კავკასიურ ენათა ოჯახის ჩრდილო-დასავლურ, ანუ აფხაზურ-ადიღურ ენათა ჯგუფში აბაზურ, უბიხურ, ადიღურ და ყაბარდოულ „ენებთან“ ერთად. რეალურად აფხაზური და აბაზური არ არის ერთმანეთისაგან იმდენად დაშორებული მეტყველებანი, რომ მათ დამოუკიდებელი ენები ეწოდოს¹⁰¹⁸. მათ შორის ისეთივე დაცილების ხარისხია, როგორც ქართული ენის გურულ და კახურ კილოებს შორის გვაქვს. კიდევ უფრო ახლოს დგანან ერთმანეთთან ადიღური და ყაბარდოული. ამიტომ იბერიულ-კავკასიურ ენათა ჩრდილო-დასავლური ჯგუფის დახასიათებისას უფრო მართებული იქნებოდა, გვესაუბრა არა ამ ჯგუფში შემავალ 5 ენობრივ ერთეულზე, არამედ 3 ენაზე (1. აფხაზურ-აბაზური ენა; 2. უბიხური ენა; 3. ჩერქეზული ენა). სამივე ეს ენა მომდინარეობს წინარეიბერიულ-კავკასიური ენისაგან წარმოქმნილი წინარე-აფხაზურ-ადიღური ენისაგან, რომელსაც, სავარაუდოდ, უნდა ეარსება ძვ. წ. II-I ათასწლეულების მიჯნიდან ახ. წ. დასაწყისამდე და ამ დროს უნდა დაშლილიყო ამჟამად არსებულ 3 ენად. სხვაგვარად შეუძლებელი ჩანს იმ სტრუქტურული და მატერიალური სიახლოვის ახსნა, რაც თვალნათლივ შეინიშნება აფხაზურ-აბაზურ, უბიხურ და ჩერქეზულ ენებს შორის.

წამოიჭრება საკითხი იმის შესახებ, თუ კონკრეტულად სად ბინადრობდნენ ამჟამინდელ აფხაზ-აბაზათა, უბიხთა და ჩერქეზთა საერთო წინაპრები, ანუ წინარეაფხაზურ-ადიღურ ენაზე მოლაპარაკე მოსახლეობა. რაკი, წინარეაფხაზურ-ადიღურ ენაზე თუ თანამედროვე აფხაზურ-აბაზურ, ან ჩერქეზულ ენებზე მოლაპარაკეთა ბინადრობა დასავლეთ საქართველოში ვერ მტკიცდება ვერც წერილობითი წყაროებისა და ვერც ენობრივი მასალის ანალიზის საფუძველზე, ლოგიკურია, მათი საცხოვრისი ვეძიოთ ჩრდილოეთ კავკასიაში, მდინარე ყუბანის აუზიდან მდინარე თერგის ნაპირებამდე მდებარე ტერიტორიაზე. ეს ის ტერიტორიაა, სადაც შუა საუკუნეების ისტორიული წყაროები ტრადიციულად მიუთითებენ უბიხთა, ჩერქეზთა და, რაც მთავარია, აფხაზ-აბაზათა ბინადრობას და სადაც დღემდე ცხოვრობენ აბაზები და ჩერქეზები (1864 წლამდე – უბიხებიც). საყურადღებოა, რომ აფხაზი ხალხია ერთადერთი აფხაზურ-ადიღური მოდგმის ეთნოსი, რომელიც სამხრეთ კავკასიაშია წარმოდგენილი, დანარჩენები კი ჩრდილოეთ კავკასიაში ბინადრობდნენ აბაზების ჩათვლით. ასევე მნიშვნელოვანია ისიც, რომ დასავლეთ საქართველოში, შავი ზღვის აღმოსავლეთ სანაპიროზე ძვ. წ. არცერთ წერილობით წყაროში არ იხსენიებიან არც აფხაზები, არც აბაზები, არც უბიხები და არც ჩერქეზები, სამაგიეროდ აქ სახელდებიან კოლხების//ეგრების უეჭველად ქართველური ტომები¹⁰¹⁹, აქვე დასტურდება ასევე ქართველური წარმოშობის გეოგრაფიული სახელებიც (იხ. ქვემოთ).

მაინც სად უნდა გამოცალკევებულიყვნენ აფხაზ-აბაზათა საერთო წინაპრები წინარე-აფხაზურ-ადიღური ეთნოსისაგან? ამ საკითხის გადაწყვეტისათვის არსებითი მნიშვნელობა უნდა ჰქონდეს ლეონტი მროველის „მეფეთა ცხოვრების“ იმ ნაწილს, რომელშიც გადმოცემულია კავკასიაში მცხოვრებ ხალხთა ეთნარქეპონიმების განსახლების სქემა. უნდა აღინიშნოს, რომ ლეონტი მროველი საერთოდ არ იყენებს ტერმინებს „აფხაზი“ და „აფხაზეთი“, რაც ავტორის მყარი კონცეფციის გამოხატულებაა. მემატანიისათვის თანამედროვე აფხაზეთის ტერიტორია არ წარმოადგენს დამოუკიდებელ ეთნიკურ-ტერიტორიულ ერთეულს და იგი არა მარტო ეგრისის განუყოფელი ნაწილია (იხ. აქვე, გვ. 30), არამედ მისი კულტურულ-იდეოლოგიური და პოლიტიკური ცენტრის – ბედიის (ქ. ეგრისის) სამყოფელია. თარგამოსის – ყოველთა კავკასიელთა მამის – შესახებ ლეონტი წერს: „ხოლო ეგრისსა [= ეგროსსა – ავტ.] მისცა ქუეყანა ზღვის ყურისა და უჩინა სა-

¹⁰¹⁸. ნიშანდობლივია, რომ აფხაზურ-აბაზური ენის უდიდესი მკვლევარი, აკად. ქ. ლომთათიძე 1954 წლამდე გამოცემულ არცერთ ნაშრომში ცალკე ენად არ ასახელებდა აბაზურს და ტაპანთურ-აშხარულ მეტყველებებს აფხაზური ენის დიალექტებს უწოდებდა.

¹⁰¹⁹. არავითარ ანგარიშგასაწვევ არგუმენტს არ ემყარება თვალსაზრისი, თითქოს კოლხების სახელით აფხაზთა წინაპრებიც აღინიშნებოდნენ. ეს მოსაზრება სასურველის რეალურად წარმოდგენა უფროა, ვიდრე ემპირიული მასალის ობიექტური მეცნიერული კვლევის შედეგი.

ზღუარი აღმოსავლით მთა მცირე, რომელსა აწ ჰქუიან ლიხი, დასავლით ზღუა, მდინარე მცირისა ხაზარეთისა, სადა წასწუდების წუერი კავკასიისა. ხოლო ამან ეგროს აღაშენა ქალაქი და უწოდა სახელი თვისი ეგრისი. აწ მას ადგილსა ჰქუიან ბედიამ¹⁰²⁰. ე. ი. ლეონტის ცნობით, **ეგრისი (ეგრი და ეგური)** ერქვა მიწა-წყალს ლიხის ქედიდან შავ ზღვამდე და ამ მიწის ჩრდილოეთის საზღვარი მდინარე ყუბანის (მცირე ხაზარეთის მდინარის) შესართავთან გადიოდა. ამ მიწაზე მობინადრეებს მემატიაზე **მეგრნი, მეგრელნი** სახელით აღნიშნავს და გულისხმობს არა მხოლოდ ამჟამინდელ მეგრელთა უშუალო წინაპრებს, არამედ ეგრისის ყველა მცხოვრებს მეგრელების, სვანებისა და ლაზების წინაპართა ჩათვლით, მაგრამ არამცდარამც ამჟამინდელ აფხაზთა წინაპრებს.

იქვე მემატიაზე ასახელებს **კავკას(ოს)ს**, რომელიც აფხაზურ-ადიღურ ეთნოსთა, მათ შორის აფხაზთა, საერთო წინაპარია. კავკასოსის წილხვედრი მიწა განისაზღვრება მდინარე თერგიდან კავკასიონის ქედის უკიდურეს დასავლეთ პუნქტამდე, ანუ მდინარე ყუბანის ზღვასთან შესართავამდე (ეგროსის წილხვედრი მიწის ჩრდილოეთის საზღვრამდე): „და მისცა კავკასის [= კავკასოსს – ავტ.] მდინარეთაგან ლომეკისა [= თერგი – ავტ.] ვიდრე დასასრულამდე კავკასისა [= კავკასიონისა – ავტ.] დასავლით“¹⁰²¹.

მემატიაზე ერთმანეთში არ აერეოდა ეთნიკური ქართველი (მეგრელი, ლაზი, სვანი) და ეთნიკური აფხაზი (აფსუა) და მათ საერთო წინაპრად ეგროსს არ იგულისხმებდა. ლეონტი მროველს სწორედ კავკასოსი მიაჩნდა აფხაზ-აბაზათა, უბიხთა და ჩერქეზთა საერთო წინაპრად. მისი სამფლობელოც უშუალოდ ესაზღვრებოდა ქართველთა მიწა-წყალს, თანაც სწორედ მდინარე ყუბანის შესართავთან, რომლის სიახლოვესაც ბერძენი ავტორები შემთხვევით სულაც არ უნდა ასახელებდნენ ქალაქ **ბეველ ლაზიკას** (ლაზიკაც, როგორც ცნობილია, იმ ეტაპზე მთელ დასავლეთ საქართველოს ერქვა და ლეონტისეული **ეგურის, ეგრისა და ეგრისის** სინონიმი იყო).

ამრიგად, **ძვ. წ. II-I ათასწლეულების მიჯნიდან ახ. წ. დაწყებამდე ამჟამინდელ აფხაზ-აბაზათა, უბიხთა და ჩერქეზთა საერთო წინაპრები, რომლებიც ჯერ კიდევ დაუშლელ ენობრივ-ეთნიკურ ერთობას ქმნიდნენ, ბინადრობდნენ არა დასავლეთ საქართველოს მიწაზე, არამედ ჩრდილოეთ კავკასიაში, მდინარე თერგის მარცხენა ნაპირიდან მოკიდებული მდინარე ყუბანის შესართავამდე, სადაც „წასწუდების წუერი“ კავკასიონისა, ე. ი. ქედის უკიდურეს დასავლეთ წერტილამდე.**

ახალი წელთაღრიცხვის დასაწყისიდან იწყება ერთიანი წინარეაფხაზურ-ადიღური ეთნოსის დაშლა, ჩნდება 3 ენა (აფხაზურ-აბაზური, უბიხური და ჩერქეზული), რაც 3 ახალი ეთნოსის ჩამოყალიბების მომასწავებელია. თავის მხრივ, აფხაზურ-აბაზურ ენაზე მოლაპარაკე ახალი ეთნოსი 2 მთავარი ეთნიკური ჯგუფისაგან შედგებოდა 2 მთავარი დიალექტით: ამჟამინდელ აფხაზთა, ანუ აფსუათა ტომისაგან და აბაზათა ტომისაგან. მეზობელი ეთნოსები (განსაკუთრებით ჩერქეზები) აფხაზ-აბაზათა განმაზოგადებელ, საერთო სახელწოდებად იყენებდნენ **აბაზა** ტერმინს, რომელიც მათგან ოსმალებს შეუთვისებიათ: გვიან შუა საუკუნეთა ოსმალურ წყაროებშიც და ამჟამინდელ თურქულშიც აფხაზებს **აბაზა** სახელით (მრ. რ. **აბაზა-ლარ**) აღნიშნავენ¹⁰²².

მოსაზრება საერთო იბერიულ-კავკასიური (წინარეკავკასიური) ენისაგან წინარეაფხაზურ-ადიღური ენის ძვ. წ. II-I ათასწლეულთა მიჯნაზე გამოყოფის შესახებ ემყარება სანდო ლინგვისტურ-ისტორიულ მონაცემებს, თუმცა მკვლევართა ერთი ნაწილი უარყოფს ქართველურ ენა-კილოთა ნათესაობას აფხაზურ-ადიღურ და ნახურ-დაღესტნურ ენებთან. კავკასიურ ენათა ოჯახის არსებობის ფაქტი 1979 წ. საბოლოოდ დაადგინა აკად. არნ. ჩიქობავამ ყველა ამ ენის უმდიდრეს ფონეტიკურ-ფონოლოგიურ, მორფოლოგიურ-სინტაქსურ და ლექსიკურ მონაცემთა აკადემიური ანალიზის საფუძველზე¹⁰²³. არსებითია ის ფაქტიც, რომ იბერიულ-კავკასიურ ენათა ოჯახის არსებობას უპირატესად უარყოფენ ის ავტორები, რომლებიც იცნობენ და იკვლევენ ან მხოლოდ ქართველურ ენა-კილოებს და ხელი არ მიუწვდებიათ აფხაზურ-ადიღურ და ნახურ-დაღესტნურ ენათა

¹⁰²⁰. ქართლის ცხოვრება. ანა დედოფლისეული ნუსხა. სიმონ ყაუხჩიშვილის რედაქციით. თბილისი, 1942, გვ. 2.

¹⁰²¹. იქვე, გვ. 3.

¹⁰²². ც. აბულაძე. საქართველოსა და მისი პოლიტიკური წარმონაქმნების სახელწოდებანი ოსმალურ წერილობით ძეგლებში. - საქართველოსა და ქართველების აღმნიშვნელი უცხოური და ქართული ტერმინოლოგია, გვ. 274-276.

¹⁰²³. არნ. ჩიქობავა. იბერიულ-კავკასიური ენათმეცნიერების შესავალი. თბ., 1979, გვ. 253.

კვლევაზე, ან პირიქით, იცნობენ და იკვლევენ აფხაზურ-ადიღურ თუ ნახურ-დაღესტნურ ენებს, მაგრამ არ ძალუძთ ქართველურ ენა-კილოთა დამოუკიდებლად ანალიზი. ამიტომ, ბუნებრივია, ამ საკითხზე იმ მეცნიერთა დასკვნები უნდა იქნეს გაზიარებული, ვისაც დასახელებული ნაკლი არა აქვს.

სამხრეთ კავკასიასა და მის მიმდებარე ტერიტორიაზე მობინადრე წინარეკავკასიელეუბის საზიარო ენა ალბათ მინიმუმ 4 მთავარი დიალექტისაგან შედგებოდა, რომელთა თანდათანობითი ენობრივი დაშორება უნდა გამოეწვია წინარეკავკასიელთა განსახლეუბის არეალის გაფართოებას. სავარაუდოა, რომ წინარეკავკასიური ენის წინარეაფხაზურ-ადიღურ დიალექტზე (და არა ენაზე) მოლაპარაკენი უკვე ძვ. წ. II ათასწლეულის შუა ხანებში დასახლდნენ ჩრდილო-დასავლეთ კავკასიის ტერიტორიაზე თერგიდან ყუბანის შესართავამდე, წინარენახურ-დაღესტნურ დიალექტზე მოსაუბრენი – თერგიდან დარუბანდამდე, წინარე-ალბანურ დიალექტზე მოლაპარაკენი უნდა დარჩენილიყვნენ ამჟამინდელი აზერბაიჯანის მიწაზე (ისტორიული ჰერეთის გამოკლებით), ხოლო ახლანდელი სომხეთის ტერიტორიაზე უნდა ეცხოვრათ არაინდოევროპულ დიალექტზე მოლაპარაკე ტომებს, რომლებიც ემეზობლებოდნენ ურარტუელებს. რაც შეეხება წინარექართველურ დიალექტზე მოსაუბრე მოსახლეობას, იგი ცხოვრობდა ისტორიული საქართველოს მთელ ტერიტორიაზე (მდრ. ლეონტი მროველის სქემა) და სამხრეთ-დასავლეთით ემიჯნებოდა პროტოსეთურ (ხათურ)-ხურიტულ ტომებს. ძვ. წ. I ათასწლეულის ახლოს ეს წინარეკავკასიური დიალექტები უკვე ენებად ჩამოყალიბდა და ასე მივიღეთ წინარექართველური, წინარეაფხაზურ-ადიღური, წინარენახურ-დაღესტნური და წინარეალბანური ენები, რომლებიც თავის მხრივ ახალი წელთაღრიცხვის დასაწყისისათვის დაიშალა იმ ენებად, რომლებიც ამჟამად ქმნიან იბერიულ-კავკასიურ ენათა ოჯახს. გამონაკლისად უნდა ჩაითვალოს არაინდოევროპული წინარესომხური (ჰაიური) ენა, რომელიც ძვ. წ. VI საუკუნეში წყვეტს არსებობას ინდოევროპელი არმენების შემოსევებისა და სომხეთში დამკვიდრების გამო.

ასე რომ, სრულიად ნათელი ხდება, თუ რატომ არ ჩანს და არცაა საძიებელი თანამედროვე აფხაზ-აბაზათა, ჩერქეზთა და უბიხთა წინაპრების ნაკვალევი ამჟამინდელი ტუ-აფსე-ფსოუს, აფხაზეთის, სამეგრელოს, გურიის, აჭარისა და ლაზეთის მიწებზე, თუ რატომ არ იხსენიებიან აფხაზ-აბაზა-უბიხ-ჩერქეზთა წინაპრები ანტიკურ წყაროებში, თუ რატომაა მეცნიერულად გაუმართავი ზოგი აფხაზი ავტორის მითოლოგიზებული განცხადებანი: „ადიარებულია, რომ აფხაზური ენა მსოფლიოს ერთ-ერთი უძველესი ენაა“; „აფხაზურ-ადიღური წინარეენის დაშლა სამ ძირითად შტოდ (აფხაზებად, ადიღებად, უბიხებად), როგორც მიჩნეულია, დაიწყო ხუთიათასი წლის წინათ“; „აფხაზ-ადიღთა წინარენაზე მოლაპარაკე ხალხი მისდევდა მესაქონლეობას, იშენებდა საქონელს, ამზადებდა სხვადასხვაგვარ ხელოსნურ ნაწარმს, ამუშავებდა ლითონებს. ამას ადასტურებენ აფხაზეთის არქეოლოგიური მასალები“; „იმის სასარგებლოდ, რომ წინარეენის მატარებელნი ცხოვრობდნენ დაახლოებით იმგვარსავე პირობებში, როგორშიც ბინადრობენ ამჟამინდელი აფხაზ-ადიღები, და ჩამოყალიბდნენ დასავლურკავკასიური ტერიტორიის ფარგლებში, მეტყველებენ ისეთი სიტყვები, როგორცაა: „ზღვა“, „ნაპირი“, „თევზი“, „მთა (ტყიანი)“, „ტყე (ფოთლოვანი)“, „ტყე (წიწვიანი)“, „სოჭი“, „წიფელი“, „შინდი“, „წაბლი“ და მისთანანი. იმავეზე მეტყველებენ ტოპონიმიკური სახელებიც, მაგალითად, იმ მდინარეთა სახელწოდებანი, რომლებიც შეიცავენ ფს - „წყალი“, „მდინარე“ ელემენტს (არიფსა, სუფსა, აკამფსისი, აფსარი, ლაგუმფსა), აგრეთვე ყვა - „ხევი“, „მდინარე“, სახელს და სხვა“.¹⁰²⁴ ამ განცხადებებს საერთო არაფერი აქვს მეცნიერებასთან.

გამოსარიცხია აგრეთვე მოსაზრება აფხაზთა და ჩერქეზთა წინაპრებად ძვ. წ. II ათასწლეულში წინა აზიაში მოსახლე აბეშლასა და ქასქების მიჩნევის შესახებ (იხ. აქვე, გვ. 32-36), ვინაიდან: ჯერ ერთი, იმ ეპოქაში ჯერ კიდევ არ არსებობდა არც აფხაზურ-აბაზური და ჩერქეზული (ადიღურ-ყაბარდოული) ენები და არც შესაბამისი ეთნოსები; მეორე, ამ მოსაზრებას არ ადასტურებს აბეშლაურ-ქაშქური ენის მონაცემთა მკაცრი კრიტიკული ანალიზი: ამ ენის ლექსიკა ძალზე შორს დგას აფხაზურ-აბაზური

¹⁰²⁴. იქვე.

და ჩერქეზული ენების ლექსიკისაგან.

ამრიგად, ზემოთ განხილული და ქვემოთ განსახილველი მასალა სრული უეჭველობით ადასტურებს, რომ ჩრდილო-დასავლეთ საქართველოში XVI საუკუნემდე არასოდეს უცხოვრიათ აფხაზთა წინაპრებს, რომ არაფერი ვთქვათ ჩერქეზ-ზუბისთა წინაპრებზე. გარდა ამისა, ძვ. წ. III ათასწლეულში საერთოდ არ არსებობდა არც წინარეაფხაზურადილური და არც წინარექართველური ენები, ისინი მხოლოდ ათასი წლის შემდგომ თუ წარმოიქმნებოდა. რაც შეეხება ამჟამინდელი აფხაზეთის მიწაზე ორი აბორიგენი ეთნოსის ბინადრობის „თეორიას“, მას არანაირი ისტორიული და ლინგვისტური საფუძვლები არა აქვს.

2. „აფხაზის“, „აფხაზეთისა“ და მათი ფარდი ტერმინების სემანტიკა ძველ წყაროთა მიხედვით

აფხაზი ისტორიკოსები და ქართველ ისტორიკოსთა უფროსი თაობის ერთი ნაწილი იზიარებენ მოსაზრებას, რომ ტერმინები „აფხაზი“ და „აფხაზეთი“ სხვადასხვა ეპოქაში გამოიყენებოდა შემდეგი მნიშვნელობებით:

ა) ახ. წ. IX საუკუნემდე „აფხაზი“ და „აფხაზეთი“ აღნიშნავდა აფსუებსა და მათ საბინადროს, ანუ თანამედროვე აფხაზეთს;

ბ) IX-X საუკუნეებში იგივე ტერმინები პარალელურად გამოიყენებოდა უფრო ფართო მნიშვნელობითაც და აღნიშნავდა მთელ დასავლეთ საქართველოსა და ამ ტერიტორიის უკლებლივ ყველა ბინადარსაც (ე. ი. ქართველებსა და აფსუებს);

გ) XI საუკუნიდან XVI საუკუნემდე „აფხაზეთი“ სრულიად საქართველოსაც ერქვა, ხოლო „აფხაზი“ აღნიშნავდა ამ ქვეყნის ნებისმიერ ბინადარს;

დ) XVI საუკუნიდან ორივე ტერმინმა დაკარგა ფართო მნიშვნელობები და ნიშნავს იმას, რასაც ამჟამად¹⁰²⁵.

ამ მოსაზრებას აქვს მეტად სერიოზული ნაკლი. ის არ ითვალისწინებს იმ უეჭველ ფაქტს, რომ არცერთ ძველ წერილობით წყაროში ახალი წელთაღრიცხვის დასაწყისამდე არ დასტურდება „აფხაზი“, „აფხაზეთი“, ან ფონეტიკურად მსგავსი უღერადობის მქონე რაიმე სხვა ტერმინი არამცთუ აწინდელი აფხაზეთის ტერიტორიისა და მის მცხოვრებთა, არამედ შავი ზღვის სანაპიროს მიმდებარე მიწა-წყლისა და მის ბინადართა აღსანიშნავადაც, რაც ფრიად საყურადღებოა. მეტიც, ქართულ წერილობით წყაროთაგან ტერმინი „აფხაზეთი“ ყველაზე ადრე ახ. წ. V საუკუნის ამბებთან დაკავშირებით არის გამოყენებული ჯუანშერის მატეანის იმ ნაწილში, რომლის აუთენტურობა საეჭვო ჩანს: „ამასვე უამსა გამოვიდეს ბერძენნი აფხაზეთით (A ხელნაწერში: „აფხაზეთად“), რამეთუ ბერძენთა ჰქონდა ეგრის-წყლის ქუემოთი კერძი ყოველი, და დაიპყრეს ეგრის-წყლითგან ვიდრე ციხე გოჯადმდე“¹⁰²⁶.

რაც შეეხება სხვა ტერმინებს, მათგან ტერმინ „აფსუა“-ს მსგავსი უღერადობის „აფსილი“ ახ. წ. I საუკუნიდან დასტურდება ლათინურ წყაროში (მდრ. გვიანდელი ქართული „აფსილითი“ || „აფშელითი“, ბერძნ. „აფსელლოდ“, სომხ. აფშელ), ხოლო ტერმინ „აბაზა“-ს მსგავსი უღერადობის „აბასგი“ || „აბასხი“ || „აბასკი“ ბერძნულ წყაროში გვხვდება ახ. წ. II საუკუნიდან. აფხაზ ისტორიკოსებსა და ქართველ ისტორიკოსთა უფროსი თაობის ნაწილს მიაჩნიათ, რომ ტერმინი „აფსილი“ || „აფშილი“ ტერმინ „აფსუა“-ს ვარიანტია და აწინდელ აფხაზთა უშუალო წინაპრებს აღნიშნავდა, ხოლო „აბასგი“ || „აბასხი“ || „აბასკი“ მომდინარეობს სახელ „აბაზა“-საგან და აბაზების უშუალო წინაპართა სახელი იყო, მაგრამ საკითხი ასე მარტივად, მხოლოდ ფონეტიკური მსგავსების ნიადაგზე ვერ წყდება დამატებითი უეჭველი ლინგვისტური და ისტორიულ-ეთნოლოგიური მასალის არარსებობის გამო. მაგალითად, დანამდვილებით არ ვიცით, თუ რომელ კონკრეტულ ენაზე ლაპარაკობდნენ ახ. წ. I-II საუკუნეებში მცხოვრები აბასგები და აფსილები (გვაქვს მხოლოდ დაუკონკრეტებელი ცნობა, რომ მათ სხვადასხვა ენა ჰქონდათ); ჩვენამდე არ მოღწეულა არცერთი აფსილური და აბასგური სიტყვის ჩანაწერი,

¹⁰²⁵ Абхазия и абхазы средневековых грузинских повествовательных источников, გვ. 3.

¹⁰²⁶ ქართლის ცხოვრება. ანა დედოფლისეული ნუსხა. ს. ყაუხჩიშვილის რედაქციით. თბილისი, 1942, გვ. 94. იმავე ტექსტში არის კიდევ ერთი შემთხვევა, როცა ტერმინი „აფხაზეთი“ იხმარება ახ. წ. I საუკუნის ამბებთან დაკავშირებით. იგი აშკარა ანაქრონიზმია და მართებულადაც მიიჩნევა გვიანდელ ჩანართად: ი. ჯავახიშვილი. თხზულებანი, ტ. VIII. თბ., 1977, გვ. 177.

რომ მათი დახმარებით გაირკვეს აფსილთა და აბასგთა დედაენის თუ დედაენათა ზუსტი რაობა; ტერმინთა გარეგნული მსგავსება არ არის საკმარისი ამ სიტყვათა სემანტიკის დასადგენად, ვინაიდან ეთნონიმები და სატომო სახელები საკმაოდ ხშირად იცვლიან მნიშვნელობას სხვადასხვა მიზეზთა გამო, რაც კარგად ჩანს თვით ტერმინების „აფხაზისა“ და „აბასგის“ გამოყენების ისტორიიდანაც. სანამ ეს საკითხები არ გარკვეულა, გვრჩება მხოლოდ ვარაუდების გამოთქმის უფლება იმის შესახებ, თუ ვინ იყვნენ ეთნიკურ-ენობრივად აბასგები და აფსილები ახ. წ. I-II საუკუნეებში. ერთი დასკვნა კი უეჭველად შეგვიძლია გამოვიტანოთ:

ახ. წ. VI საუკუნემდე მაინც ქართულ ენაზე „აფხაზეთი“ არ ერქვა არც ამჟამინდელი აფხაზეთის მთელ ტერიტორიას და არც მის რომელიმე ნაწილს.

საკითხის გასარკვევად ყურადღებას იქცევს დ. ლეთოდინის მიერ გამოვლენილი ფაქტი ახ. წ. VI საუკუნეში ბერძნულ ენაში „აბასგია“ და „აბასგოს“ სახელთა ფართო, აშკარად პოლიტიკური და არა ეთნიკური სემანტიკით გამოყენებისა. ბიზანტიის მიერ ქართველური ლაზიკის (ეგრისის) დასუსტების მიზნით ერთ პოლიტიკურ ოდენობად გაერთიანებულ აბასგიასა და უეჭველად ქართველურ სანიგეთს ბერძენი ავტორები ამ დროს უკვე განზოგადებულ-გაფართოებული „აბასგია“ სახელით აღნიშნავდნენ, ხოლო აბასგებსა და სანიგებს შესაბამისად „აბასგებს“ უწოდებდნენ¹⁰²⁷, ე. ი. ეს სახელი ბერძნულში პოლიტონიმად გადაიქცა VI საუკუნეში, რაც ბიზანტიური იმპერიული პოლიტიკის შედეგი და დამპყრობლის თვალთახედვის ანარეკლია. სავარაუდოა, რომ VI საუკუნემდე ქართველურ ენა-კილოებში საერთოდ არ გამოიყენებოდა „აბასგია“ – „აბასგის“ შესაბამისი „აფხაზეთი“ და „აფხაზი“ ტერმინები (ყოველ შემთხვევაში, თანადროულ წყაროებში ისინი არ ჩანს) და ამ პოლიტიკურმა ფაქტმა შეუწყო ხელი მათ დამკვიდრებას პოლიტიკური სემანტიკით. სხვაგვარად რომ ვთქვათ, ქართველურ ენა-კილოებში ტერმინები „აფხაზი“ და „აფხაზეთი“ თავდაპირველად დამკვიდრდა არა როგორც ეთნიკური შინაარსის მატარებელი სახელები, არამედ როგორც წმინდა პოლიტიკური სახელწოდებები. გავიხსენოთ, რომ ლეონტი მროველის „მეფეთა ცხოვრება“ არ იყენებს ამ ტერმინებს, მატიანეში, რომელშიც აღწერილია საქართველოს ისტორია უძველესი დროიდან ახ. წ. V საუკუნემდე.

VI საუკუნიდან აბასგია ანუ პოლიტიკური აფხაზეთი ბიზანტიის ხელშეწყობით, ძლერდებოდა, რაც VIII საუკუნის 70-80-იანი წლებისათვის თითქმის მთელი დასავლეთ საქართველოს მომცველი აფხაზეთის სამთავროს შექმნით დასრულდა¹⁰²⁸. ბუნებრივია, სამთავროს ტერიტორიის ზრდა აისახებოდა ტერმინთა („აბასგია-აფხაზეთი“, „აბასგია-აფხაზი“) სემანტიკის გაფართოებაშიც. კერძოდ, VI-VIII საუკუნეებშიც ტერმინი „აფხაზი“ უფრო პოლიტონიმი იყო, ვიდრე სატომო სახელი, ხოლო ტერმინი „აფხაზეთი“ ერქვა ჯერ აწინდელი აფხაზეთის ერთ მცირე ნაწილს, VIII საუკუნის ბოლოსათვის კი მთელ დასავლეთ საქართველოს, რასაც თვალნათლივ ადასტურებს 786 წლის ახლო ხანებში დაწერილი იოვანე საბანისძის „ჰაბოს წამება“, რომლის მიხედვითაც აფხაზეთის სამთავრო უკვე მოიცავდა ტერიტორიას ქალდეა-ტრაპეზუნტიდან ნაფსაის (ნიკოფსიის) ნავსადგურამდე და ღიხის ქედამდე¹⁰²⁹. ე. ი. საეჭვოა, რომ IX საუკუნემდე ტერმინი „აფხაზი“ აღნიშნავდა ეთნიკურ აფხაზებს, ანუ ამჟამინდელ აფსუათა წინაპრებს, ხოლო ტერმინი „აფხაზეთი“ ერქვა აწინდელ აფხაზეთს. არსებული ფაქტობრივი მასალა ცხადყოფს, რომ VI საუკუნიდან IX საუკუნემდე პერიოდში ორივე ტერმინი ქართულ ენაში და ტერმინები „აბასგი“ და „აბასგია“ ბერძნულ ენაში გამოიყენებოდა ფართო სემანტიკით და ეს მნიშვნელობანი განუწყვეტლივ ფართოვდებოდა მანამ, სანამ ტერმინებმა არ მიიღეს მთელი დასავლეთ საქართველოსა და ამ ტერიტორიის მცხოვრებთა აღმნიშვნელი განზოგადებული სახელების ფუნქცია¹⁰³⁰. რაც შეეხება ახ. წ. I-V საუკუნეების აბას-

¹⁰²⁷. დ. ლეთოდინი. აფხაზეთის, აფშილეთის და სანიგეთის პოლიტიკური დამოკიდებულება ეგრისთან (ლაზიკასთან) IV-VIII საუკუნეებში. თბ., 1991, გვ. 39.

¹⁰²⁸. შდრ.: ზ. პაპასქირი. აფხაზეთი - საქართველო. თბ., 1998, გვ. 110-111.

¹⁰²⁹. იოვანე საბანისძე. წამება წმინდისა და ნეტარისა მოწამისა ჰაბოსისი. - ძველი ქართული ლიტერატურის კრებული, ტ. I. შედგენილი ს. ყუბანეიშვილის მიერ. თბ., 1946, გვ. 62.

¹⁰³⁰. ცალკე განხილვას მოითხოვს ჯუანშერის მატიანის ტექსტის მონაცემები (ანაქრონიზმები, ტექსტის ავტორისეულობა და სხვ.). ვრცლად იხ.: თ. გვანცელაძე. აფხაზეთთან დაკავშირებული ჩანართები ჯუანშერის მატიანის

გებისა და აფშილებს ეთნიკურ ვინაობას, **საკითხი ღიად რჩება** სათანადო ენობრივი მასალის უქონლობის გამო. აფშილები და აბასგები არ უნდა ყოფილიყვნენ თანამედროვე აფხაზ-აბაზათა წინაპრები, მაგრამ კიდევაც რომ ყოფილიყვნენ, მაინც ვერ ჩაითვლება **შავი ზღვის სანაპიროს აბორიგენებად** თუნდაც იმიტომ, რომ ისინი არცერთ წყაროში არ ჩანან ამ ტერიტორიაზე ახ. წ. I-II საუკუნეებამდე.

IX-X საუკუნეებში, როცა არსებობდა მთელი დასავლეთ საქართველოს მომცველი აფხაზეთის ანუ ეგრისის ქართული სამეფო, ტერმინები „აფხაზი“ და „აფხაზეთი“ სისტემატურად გამოიყენებოდა მთელი ამ სამეფოსა და მის მოქალაქეთა აღმნიშვნელად, ანუ პოლიტიკურ სახელებად. მაგრამ საყურადღებოა ზოგი სხვა მონაცემიც. მაგალითად, ამავე პერიოდში სომხურ წყაროებში „აფხაზისა“ და „აფხაზეთის“ სინონიმებად იხმარებოდა აგრეთვე ტერმინები **ვეერაციქ** „ვერისელები“ და **აშხარჰ ვეერაცუც** „ვერისელთა ქვეყანა“¹⁰³¹, რომლებიც ლეონტი მროველისეული **ვერ-იქვეურ-იქვერის-ი** და **მეგრ-იქვეგრელ-ი** ტერმინების ზუსტი შესატყვისებია. ეს იმას ნიშნავს, რომ მაშინდელმა სომეხმა ავტორებმა იცოდნენ დასავლეთ საქართველოს ქართველური მოსახლეობით დასახლებულობის ამბავი. ასეთივე მნიშვნელობისაა X საუკუნის, კერძოდ, 982-983 წლების ანონიმური სპარსული წყაროს „ქეთაბე ჰოდუდ ალ-ალემ“-ის („წიგნი ქვეყნის საზღვრებისა“) მონაცემები: ამ თხზულებაში შავ ზღვას **„ქართველთა ზღვა“** („გორჯი დარმა“) ეწოდება 5 ადგილას¹⁰³² (ამ ზღვის სხვა სახელი მასში არ დასტურდება).

რაც შეეხება XI-XV საუკუნეთა ვითარებას, ამ ეტაპზე საანალიზო ტერმინები გამოიყენებოდა უფართოესი პოლიტიკური სემანტიკით და აღნიშნავდა სრულიად საქართველოსა და მის მოქალაქეებს, რაც კარგად ჩანს როგორც ქართული, ისე უცხოური (ბერძნული, სომხური, არაბული, სპარსული...) წყაროებიდან¹⁰³³. ამ პერიოდის წყაროთაგან განსაკუთრებით საყურადღებოა „ქართლის ცხოვრების“ ერთ-ერთი მატიანის, „ისტორიანი და აზმანი შარავანდედთანი“-ს ზემოთმოტანილი ცნობა თამარ მეფის მამის, გიორგი III-ის (1156-1184 წწ.) ბედნიერი მეფობის შესახებ, რომელშიც აფხაზეთი ჩრდილოეთ კავკასიაში მდებარე ქვეყნად მოიხსენიება, ალანთა ქვეყნის გვერდით: „თჳთ მეფე დაჯდა სიხარულად და განსუენებად და ნადირობად, ოდესმე, ჟამსა ზამთრისასა, გარდავიდის ლიხთ-იმერით და მიუწიის ზღუად პონტოსა, მოიწიის და მონადირის ალანთა ქუეყანა, რომელ არს აფხაზეთი, ოდესმე გურგენის ზღუადმდე“¹⁰³⁴. მატიანის ეს ცნობა წარმოადგენს უძველეს წერილობით დადასტურებას ეთნიკური აფხაზეთის მდებარეობის შესახებ ჩრდილოეთ კავკასიაში, კერძოდ, მდ. ყუბანის აუზში. ამ დასკვნის გამოტანის უფლებას იძლევა შემდეგ გარემოებათა გათვალისწინება:

- ა) ალანთა ქვეყანას არასოდეს უარსებია კავკასიონის სამხრეთით, მით უმეტეს, ამჟამინდელი აფხაზეთის მიწაზე;
- ბ) მატიანის მიხედვით, ალანთა ქვეყანა და აფხაზეთი XII საუკუნის დასასრულს მდებარეობდა პონტოს (შავი) ზღვის აღმოსავლეთით, ხმელეთის სიღრმეში;
- გ) ალანთა ქვეყანა იმ პერიოდში არ შედიოდა სრულიად საქართველოს ანუ „აფხაზეთის“ შემადგენლობაში, იგი მხოლოდ საქართველოს ყმადნაფიცო იყო;
- დ) „ქართლის ცხოვრებაში“ ტერმინი „ალანი“ არ უდრის „ოვსს“ („ოვსები“ და „ოვსეთი“ მასში ხშირად იხსენიება, „ალანთა ქუეყანა“ კი ზემოთ მითითებულ ერთადერთ შემთხვევაში). „ალანი“ აქ აღნიშნავს ამჟამინდელ ყარაჩაელ-ბალყარელთა წინაპრებს (შდრ. მეგრული **ალანი** „ყარაჩაელი“, **ალანი კორი** „ლონიერი, ვაჟკაცი კაცი“¹⁰³⁵), რაზეც გვიანი შუა საუკუნეების ევროპული რუკებიც მიუთითებენ (მაგ.: 1654 წლის ლათინურ-

ტექსტში. თბ., 1997; თ. გვანცელაძე. ენობრივი მონაცემები და მათი მნიშვნელობა აფხაზეთის ეთნიკური ისტორიის კვლევისათვის. - აფხაზეთის ისტორიის პრობლემები, თბ., 1998, გვ. 19-23.

¹⁰³¹ ე. ცაგარეიშვილი. „ქართველისა“ და „საქართველოს“ აღმნიშვნელი ტერმინები სომხურ წერილობით წყაროებში. - საქართველოსა და ქართველების აღმნიშვნელი უცხოური და ქართული ტერმინოლოგია, გვ. 207-208.

¹⁰³² ჰოდუდ ალ-ალემი. - ისთახრი; ჰოდუდ ალ-ალემი; ჰამდალლაჰ ყაზვინი. თარგმანი შენიშვნებითა და საბიბლიოთურთ ე. ფუთურბისა. თბ., 1937, გვ. 13, გვ. 16.

¹⁰³³ იხ. კრებულში: საქართველოსა და ქართველების აღმნიშვნელი უცხოური და ქართული ტერმინოლოგია.

¹⁰³⁴ ქართლის ცხოვრება, ტ. II, გვ. 15; თ. გვანცელაძე. ქართლის ცხოვრების ერთი ადგილის გაგებისათვის („ალანთა ქვეყანა, რომელ არს აფხაზეთი“). - ქართველური მემკვიდრეობა, ტ. II. ქუთაისი, 1998.

¹⁰³⁵ И. Кипшидзе. Грамматика мингрельского (инверского) языка с хрестоматиею и словарем. С.-Пб., 1914, гв. 193; Б. Бадаური. Тურქული სატომო სახელები ქართულ დიალექტებსა და ფოლკლორში (ყაზახი, ალანი). - ქართველური მემკვიდრეობა, ტ. II, გვ. 38-39.

ფრანგული რუკა "თაბულა ჩოლცჰიდის ჰოდიე ენგრელის", რომელზეც კავკასიონის გადაღმა, ახლანდელი აფხაზეთის გასწვრივ დასახელებულნი არიან აფხაზები და ალანები – " ბკასჰი ჰოდიე ბბასა" და " ლანი". შდრ. აგრეთვე არქანჯელო ლამბერტის ანალოგიური ცნობა და ა. შ.);

ე) აფხაზებისა და ალანების მეზობლობას კავკასიონის გადაღმა ადასტურებს აგრეთვე ინგლისელი ჯონ მანდვეილის 1375 წლის ცნობაც¹⁰³⁶, რომელიც უძველესი უცხოური დადასტურებაა აფხაზთა სამშობლოს ჩრდილოეთ კავკასიაში მდებარეობისა;

ვ) ეთნიკური აფხაზეთის ლოკალიზაცია XII საუკუნის მეორე ნახევარში გამორიცხავს იმ მოსაზრებას, თითქოს აფხაზები და აბაზები თავიდანვე ბინადრობდნენ ახლანდელი აფხაზეთის მიწაზე და ტაპანთელები პირველნი გადასახლდნენ ყუბანის აუზში.

ზ) ეთნიკური აფხაზეთის მდებარეობას მდინარე ყუბანის აუზში ადასტურებს 1992 წლის მარტში ლუნდის (შვედეთი) უნივერსიტეტის წიგნსაცავში მიკვლეული 13 რუკაც. მათგან ერთ-ერთზე, რომელიც შედგენილია იტალიელი ჯაკოპო გასტაღდის მიერ 1561 წელს, აფხაზეთი, აფსუათა ოლქი (ბცვას რეგი.) და ქალაქი ცვა (შდრ. სოხუმის აწინდელი აფხაზური სახელწოდება „აყვა“) გამოსახულია ჩრდილოეთ კავკასიაში, ყუბანის შუა წელზე, ხოლო ამჟამინდელი აფხაზეთი სამეგრელოს (ენგრელია რეგი.) შემადგენლობაშია (იხ. აქვე, რუკა №11). რაც შეეხება დანარჩენ 12 რუკას, მათზეც ქალაქი აყვა ყუბანის ნაპირზეა მითითებული (ეს რუკებია: მერკატორის 1591 წლის, მერკატორისა და იუდოკუს ჰონდიუსის 1633 წლის, იუდოკუს ჰონდიუსის XVII ს. I ნახევრის, ფრედერიკ დე ვიტის 1671 წლის, იოან იანსონის XVII საუკუნის, დავიდ დე ვილჰელმის XVIII საუკუნისა და ა. შ.)¹⁰³⁷.

ამრიგად, არსებობს წერილობით, ლინგვისტურ და კარტოგრაფიულ ცნობათა მთელი კომპლექსი, რომელიც ადასტურებს, რომ თანამედროვე აფხაზთა თავდაპირველი სამშობლო მდებარეობდა კავკასიონის ჩრდილოეთით, მდინარე ყუბანის აუზში, ხოლო აფხაზთა წინაპრების მასობრივი ჩამოსახლება ქედს აქეთ დაიწყო XVI საუკუნეში.

3. ტერმინ „აფხაზის“ წარმომავლობა და ურთიერთობა სხვა ფუძეებთან

„აფხაზი“, „აფსუა“, „აბაზა“, „აბასგი“, „აფსილი | აფშელი“, „აფსარი“ ტერმინების ეტიმოლოგიისა და ურთიერთმიმართების შესახებ მეცნიერთა შორის აზრთა დიდი სხვადასხვაობაა. ამ საკითხების გარკვევას ცდილობდნენ ნ. მარი, ს. ჯანაშია, ქ. ლომთათიძე, ს. ყაუხჩიშვილი, ო. კახაძე, ე. ოსიძე, თ. გამყრელიძე, თ. გვანცელაძე, ვ. შენგელია, ჯ. ჰიუიტი, ვ. ჩირიკა, ე. ლომთაძე, რ. შეროზია, ტ. ფუტყარაძე და სხვანი, მაგრამ გასარკვევი ჯერ კიდევ ბევრი რამ რჩება. წარმოვადგენთ მხოლოდ იმ დებულებებს, რომლებიც, ითვალისწინებს როგორც ქართველურ ენა-კილოთა, ისე აფხაზურ-აბაზურ და ჩერქეზულ ენათა ენობრივ სპეციფიკას. ტერმინი „აფსუა“: ეს სახელი ამჟამინდელ აფხაზთა ავტოეთნონიმია. აფხაზური ენის აბჟუურ დიალექტში ტერმინი ჟღერს როგორც აფსსუა (აქაც და ქვემოთაც ნეიტრალური, ანუ „რაციონალური“ ხმოვანი აღინიშნება ს ასოთი), ბზიფურ დიალექტში კი მის შემადგენლობაში შედის არა სადა ს თანხმოვანი, არამედ ძველი წარმოშობის სისინ-შიშინა ს' ბგერა, რომელიც შუალედური თანხმოვანია სისინა ს და შიშინა შ ბგერებს შორის. ე. ი. არსებული ორი ფორმიდან ამოსავალია ბზიფურის ვარიანტი. სიტყვის თავში წარმოდგენილი ა ხმოვანი არ არის ფუძის ორგანული ნაწილი და იგი ხშირად ჩამოსცილდება ხოლმე მას (მაგ.: ფსუა წასლა „აფხაზური წესით“). ეს ა- თავსართი სახელთა ზოგადი ფორმის მაწარმოებელია (შდრ.: ა-ქრთსუა „ქართველი“, ა-ურსს „რუსი“, ა-ბსრზენ „ბერძენი“...) და თავის მხრივ მომდინარეობს უფრო ძველი და- ვარიანტისაგან (შდრ.: და-დსგა „ადილედი“). აფსსუა სახელში გამოიყოფა აგრეთვე ადამიანის აღმნიშვნელი ჟა ძირ-სუფიქსიც, რომელიც ფუძეს გამოეყოფა მრავლობითი რიცხვის ფორმაში და მის წინ აღდგება ა ხმოვანი: ა-ფსა-ცჟა|ა-ფსა-ქჟა „აფხაზები“. მრავლობითი რიცხვის მონაცემები გვიჩვენებს, რომ „აფსუა“ სახელის ამოსავალი ძირია ფს'ა, რომელშიც აფხაზურ-აბაზურ ძირთა ამოსავალი ჩV, ან ჩVჩV

¹⁰³⁶. თ. გვანცელაძე. ჯონ მანდვეილის 1375 წლის ცნობის მნიშვნელობა ეთნიკური აფხაზეთის ლოკალიზაციისათვის. - კავკასიოლოგიური კრებული. ეძღვნება კავკასიურ ენათა კათედრის დაარსების 70 წლისთავს. თბ., 2004, გვ. 48-51; ჯ. მანდვეილი აფხაზეთის ჩრდილოეთ კავკასიაში ათავსებს და მას Abson (შდრ. აფსნ) სახელით აღნიშნავს.

¹⁰³⁷. იხ. აგრეთვე: P. Allen. The Atlas of Atlases. The Map maker's vision of the World. Atlases from the Cadbury Collection. Birmingham Central Library. London, 1988; Дж.Г.Амахариа, Б. Гогия. დასახ. ნაშრომი.

(თანხმოვანი + ხმოვანი, ან თანხმოვანი + ხმოვანი + თანხმოვანი + ხმოვანი) მოდელის მიხედვით შესაძლებელია ფას'ა ვარიანტის აღდგენა¹⁰³⁸. შესაბამისად, აფხაზთა ამჟამინდელი ავტოტონონიის თავდაპირველ ფორმად უნდა ჩაითვალოს *აფ-ფას'ა ვარიანტი, რომელსაც მოგვიანებით უნდა დართოდა ადამიანის აღმნიშვნელი ჟა ძირ-სუფიქსი. ტერმინის ფორმობრივი ისტორია ასე წარმოდგინება სქემის სახით: *აფას'ა → *აფს'ა → *აფს'აჟა → აფს'სჟა → აფსჟა. ნ. მარისა და მის მიმდევართა მოსაზრებებისაგან განსხვავებით, შეუძლებელია დამაჯერებლად მივიჩნიოთ ამ ტერმინის დაკავშირება მესხ ფუძის რომელიმე ვარიანტთან. ძნელია იმის თქმაც, თუ რა სემანტიკა უნდა ჰქონოდა ამოსავალ *აფას'ა სახეობას (ეთნონიმთა ამოსავალი სემანტიკის გარკვევა საერთოდ ურთულესი ამოცანაა და ვარაუდთა მთელ კასკადს წარმოშობს!).

„აფსუა“ სახელის რეალურ და აღდგენილ ვარიანტებთან ფონეტიკურად ყველაზე ახლოს დგანან ლათინურ წყაროში წარმოდგენილი აფსილ, ბერძნული აფსილ|აფსელ, ქართული აფშილ|აფშელ, სომხური აფშელ და ქართული აფსარ სახეობები, რომელთა სტრუქტურის შესახებ ასევე აზრთა დიდი სხვაობაა. რეალობასთან ახლოს დგას შემდეგი ვარაუდები: დასახელებულ ვარიანტებში ს და შ თანხმოვანთა არსებობა იმაზე უნდა მიუთითებდეს, რომ ლათინურ, ბერძნულ, ქართულ და სომხურ ვარიანტებს საფუძვლად უნდა ედოს სისინ-შიშინა ს' თანხმოვნის შემცველი სახეობა აფს'ა. აფსილ|აფშილ და აფშელ|აფშელ ვარიანტებში აშკარად გამოსაყოფია ადამიანთა სადაურობის ქართული - ელ სუფიქსი (ე → ი ცვალებადობა ქართველურ ენა-კილოებში ჩვეულებრივი მოვლენაა), რაზეც ბერძნული აფსელ ფორმაც მიუთითებს¹⁰³⁹. ღ თანხმოვანი სომხურში ღ-ს კანონზომიერი მონაცვლეა. რაც შეეხება „ქართლის ცხოვრების“ გვიან შუასაუკუნოვან ჩანართში ხმარებულ აფსარ ფორმას, მასშიც გამოიყოფა ადამიანთა სადაურობის ქართველური -არ სუფიქსი (შდრ.: სომხით-არ-ი, სამშვილდ-არ-ი, ოლთის-არ-ი, ოპიზ-არ-ი, ზუფუ-არ-ი, ზუგიდ-არ-ი, სენაკ-არ-ი, ხუნწ-არ-ი...). უნდა დავასკვნათ: ახ. წ. I საუკუნეში პლინიუსის ჩანაწერებში წარმოდგენილი ლათინური აპსილაე სახელი უეჭველად შეიცავს ქართულ სუფიქსს, რაც იმას ნიშნავს, რომ რომაელი ავტორი შესაბამის ტომს ქართველების მეშვეობით გასცნობია.

ტერმინები „აბაზა“, „აბასგი|აბასკი|აბასხი“, „აფხაზი“ და „აბაზახა“: ამ ტერმინთა პირველადობა-მეორეულობისა და ფორმობრივი მიმართების საკითხიც ცხოველ კამათს იწვევს. საყურადღებო ჩანს ვარაუდი ამ სახელთა კავშირის შესახებ, თუმცა საკამათო მაინც ბევრი რამ რჩება.

თუ დავუშვებთ, რომ ახ. წ. II საუკუნიდან ცნობილი აბასკ-ოი ვარიანტი (ფლავიუს არიანე) მართლაც მომდინარეობს აბაზა ფორმისაგან, მაშინ აუხსნელი რჩება, თუ რა მორფოლოგიური ფუნქცია აქვს ფუძეში წარმოდგენილ კ თანხმოვანს. აბასკოი რომ მართლაც აბაზა-საგან მომდინარეობდეს, მაშინ ძველ ბერძნულ ენაში უნდა გვქონოდა სულ სხვა, აბაძა ფორმა (ძვ. ბერძნულში არ იყო ზ თანხმოვანი და იგი ძ-თი იცვლებოდა). ასე რომ, ისტორიკოსთა ნაწილის მიერ გაზიარებული მოსაზრება მხოლოდ ჰიპოთეზაა და მოითხოვს ორი არსებითი (ფონეტიკური და მორფოლოგიური) პრობლემის დამაჯერებლად ახსნას.

საგანგებო განხილვას მოითხოვს ნ. მარის მცდელობა ტერმინ აფხაზ-ის ეტიმოლოგიის გარკვევისა. ნ. მარის კონცეფცია ასეთია:

ტერმინი აფხაზ-ი იაფეტურია (ქართველურია). იგი მომდინარეობს *აბაზ-ხ ვარიანტისაგან. -ხ სუფიქსი იაფეტურ სატომო სახელებში გამოიყოფა და მრავლობითი რიცხვის მაწარმოებელია, რაც არ არის მართალი. ნ. მარი იქვე აღადგენს უფრო ძველ *აბაზ-ხ, *აფაზ-ხ, *აფას-ხ სახეობებს. მისი აზრით, *აფასხ → *აფაზხ → ქართ. აფხაზ-ი, ხოლო *აბაზ-ხ → ბერძნ. აბასგ || ჩერქეზ. აბაძ-ეხ. იგივე *აბაზ-ხ ნ. მარს დაკავშირებული აქვს

¹⁰³⁸ . q. lomTaTiZe. adamianis aRmniSvneli ao9 sityva afixazurSi. - saqarTvelos sss mecnierebaTa akademiis moambe, t. IV, #7. Tb., 1947, gv. 726; q. lomTaTiZe. afixazuri da abazuri enebis istoriul-SedarebiTi analizi. I. fonologiuri sistema da fonetikuri procesebi. Tb., 1975 (garekanze _ 1976), gv. 8-12, 80-81, 103-104, 240.

¹⁰³⁹ სატომო სახელზე სადაურობის -ელ სუფიქსის დართვა უცხო არ არის ქართულ სინამდვილეში. შდრ. კახ-ი → კახ-ელ-ი, მესხ-ი → გვარსახელი მესხ-ელ-ი, სვან-ი → გვარსახელი სვან-ელ-ი...

აბაზა სახელთანაც, რომელსაც იგი ხედავს **ბაზ-გ-უნ|ბაზ-გ-ონ** ფორმებშიც (ბაზგუნები კი კასპიის ზღვის მიდამოებში სახელდებოდნენ), **ბას-ილ-ქ** ვარიანტშიც და პლინიუსის **აფსილ** სახეობაშიც (აფსილები ნ. მარს უეჭველად აფხაზებად მიაჩნდა). აღდგენილი **ბას** ძირი მეცნიერს გამოყოფილი აქვს მდინარის **ბზსბ** სახელში (ასეთი სახეობა კი რეალურად არ არსებობს) და **ზუფუ** ტოპონიმში, აგრეთვე **აბჟუა** ფორმაში, **აფსუა** და **აფსნს** სახელებში. ნ. მარი კიდევ უფრო შორს მიდის და ამავე ძირთან აკავშირებს შემდეგ სიტყვებს: **ტუაფსე**, **ჯიქი** (ზიქხი, ძუგოი), **ადსლე**, **ოდიში**, **ფასი** (მთა), **ფაშგვაში**, **ბასიანი**, **ფასისი**, **დვაბზუ**, **მესხი|მოსოხი**, **მასქუთი**, **მასისი**, **მცხეთა**, **სამცხე**, **სომეხი**¹⁰⁴⁰.

გამოდის, რომ ნ. მარს ამაჟამინდელ აფხაზთა წინაპრების საცხოვრისად და მათი მიგრაციის ადგილებად მიაჩნდა თითქმის მთელი კავკასია (ტაო-კლარჯეთი, სამცხე, ქართლი, რაჭა, სვანეთი, ამაჟამინდელი აფხაზეთი, გურია, სამეგრელო, ჩრდილო-დასავლეთი კავკასია, კასპიის ზღვის მიდამოები). მისთვის არავითარი მნიშვნელობა არა აქვს, თუ რამდენად შეესატყვისება მისი ვარაუდები წარსულის ისტორიულ ვითარებას, ან რამდენად საფუძვლიანია ლინგვისტური თვალსაზრისით მისი „ეტიმოლოგიები“. მაგალითად, ვერავითარ კრიტიკას ვერ უძლებს ნ. მარის მიერ **ბას|ფას|ბაზ** ძირებთან ისეთი სხვადასხვაენოვანი და, შესაბამისად, სხვადასხვა წარმოშობის სიტყვების დაკავშირება, როგორცაა ზემოთ დასახელებულ სახელთა აბსოლუტური უმრავლესობა: ადიღე, ჯიქი, ტუაფსე, ოდიში, ფასი, ფაზისი, ფაშგვაში, ბასილი, დვაბზუ, მესხი, მასქუთი, მცხეთა, სომეხი და ა. შ. ამ მორევში იკარგება ის რაციონალური მარცვლებიც, რომლებიც უდავოდ არის ნ. მარის განხილულ ნაშრომში. მაგალითად:

დამაჯერებელი ჩანს ძველ ბერძნულ წყაროებში დადასტურებული **აბასს|აბასკ|აბასგ** ვარიანტთა შესაძლო მომდინარეობა ქართული **აფხაზ** ფუძისაგან. ძნელი არ არის იმის ახსნა, რომ ბერძნულისათვის უცხო თავკიდურა **ფს** კომპლექსი შეცვალა ამ ენისათვის უფრო ბუნებრივმა ბოლოკიდურა **სს** კომპლექსმა, რომლისგანაც იოლად მივიღებდით მეორეულ **სქ|სგ** კომპლექსებს¹⁰⁴¹. შესაბამისად, უნდა ვივარაუდოთ, რომ ახ. წ. II საუკუნის ახლო ხანში ბერძნებს ქართული ენისაგან უნდა ესესხებინათ ეს სიტყვა, მაგრამ ეს არ ნიშნავს იმას, რომ ამ სახელით ქართულში ან ბერძნულში მაინცდამაინც ამაჟამინდელ აფხაზთა წინაპრები აღინიშნებოდნენ. ტერმინების **აფხაზი**, **აბასსოს|აბასკოს|აბასგოს** სემანტიკა იმ დროისათვის ჯერ კიდევ საკვლევი რჩება.

ასევე საძიებელია ტერმინ **აბაზა**-ს სტრუქტურა და ამოსავალი სემანტიკა, თუმცა ამ ეტაპზე სრულიად უეჭველია, რომ XVI საუკუნიდან დღემდე (უფრო ადრე იგი არ ჩანს წყაროებში) ტერმინს რამდენიმე მნიშვნელობა აქვს: 1. იგი არის აბაზათა ავტოეთნონიმი და მათივე ამაჟამინდელი სახელი მეზობელ ხალხთა ენებში (ჩერქეზულში, ყარაჩაულ-ბალყარულში, ნოღაურში, ოსურში, რუსულში...); 2. XVI საუკუნის მეორე ნახევრიდან დღემდე თურქები ამ სახელს იყენებენ აფხაზთა და აბაზათა გამაერთიანებელ ტერმინად; 3. გვიან შუა საუკუნეთა ევროპულ წყაროებში, აგრეთვე XIX-XX საუკუნეთა მასალების მიხედვით, „აბაზა“ ერქვათ დასავლურჩერქეზულ ტომებს (აბადეხებს, შაფსულებს, ნათხვაჯებს, მახვაშებს, ბუედულებს, ჟანელებს...), რომლებიც ეროვნულ-ენობრივადაც აბაზები ყოფილან და XVII-XVIII საუკუნეებში გაჩერქეზებულან (ს. ბრონევესკი, ლ. ლუ-ლიე, ხან-გირეი, ლ. ლოპატინსკი, ა. დირი, ლ. ლავროვი, ნ. ვოლკოვა, ჯ. კოკოვი...). ადიღეში მოსახლე აბაზათა გაჩერქეზების პროცესი მთავრდებოდა 1929 წელს, ს. ჯანაშიას იქ მივლინებით ყოფნის დროს¹⁰⁴².

„აბაზა“ ტერმინთან ფონეტიკურად ახლოსაა ძველ სლავურ მატრიანებში ხშირად გამოყენებული ვარიანტები: **Обез//Обезанин**, რომლებიც **აბაზა** ფორმისაგან მომდინარეობენ, მაგრამ სრულიად საქართველოსა და ქართველებს აღნიშნავენ¹⁰⁴³. **აბაზა** სახეობასთან ფონეტიკურად ახლოსაა ყარაჩაულ-ბალყარული ტერმინი **ეზზე**, რომელიც ასევე საქართველოსა და ქართველს (უფრო ზუსტად, სვანეთსა და სვანს) აღნიშნავს, თუმცა

¹⁰⁴⁰ Н. Я. Марр. История термина "Абхаз".

¹⁰⁴¹ თ. გამყრელიძე, ძველი კოლხეთის სატომო სახელთა ისტორიიდან. - საქართველოსა და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 584-585.

¹⁰⁴² ც. აბულაძე, დასახ. ნაშრ., გვ. 274-275; Л. И. Лавров. "Обезы" русских летописей. - Советская этнография, №4, 1946, გვ. 163; Н. Г. Волкова. Этнонимы и племенные названия Северного Кавказа. М., 1973, გვ. 36; ს. ჯანაშია. ექსპედიცია ადიღეს ავტონომიურ ოლქში, აპრილ-მაისი, 1929. შრომები, ტ. IV. თბ., 1968, გვ. 74, 77, 98, 104, 110, 124...

¹⁰⁴³ Г. Г. Паичадзе. Названия Грузии в русских письменных исторических источниках. Тб., 1989, გვ. 11-60.

ამავე ენაში აბაზა ტერმინიც არსებობს, რომელიც აბაზებს აღნიშნავს. დაისმის საკითხი: როდის უნდა შეეთვისებინათ სლავებსა და ყარაჩაელ-ბალყარელებს **ობეზ** და **ებზე** ტერმინები საქართველოსა და ქართველთა აღსანიშნად? ალბათ მხოლოდ მაშინ, როცა დასავლეთ საქართველოსა და იქაურ ქართველებს თვით ქართულ ენაზეც **აფხაზეთი** და **აფხაზნი** ერქვა, ანუ IX-XV საუკუნეებში, შუამავალი კი ჩრდილოეთ კავკასიაში მოსახლე რომელიმე ხალხი იყო, რომლის ენაშიც, ეტყობა, აბაზა სახელით დასავლეთ საქართველო და იქაური ქართველები აღინიშნებოდა (ასეთ ეთნოსად შეიძლება ვიგულისხმოთ ყივჩაღები, პაჭანიკები, ან ხაზარები).

ტერმინ „აფხაზის“ ეტიმოლოგიების უამრავი მცდელობიდან საინტერესოდ გამოიყურება ო. კახაძის თვალსაზრისი. ამ თვალსაზრისის მიხედვით, სახელს საფუძვლად უდევს ამჟამინდელი ერთ-ერთი ჩერქეზული ეთნოგრაფიული ჯგუფის, აბაძეების (აბაძეების) აღმნიშვნელი ჩერქეზული **აბაზახა** სახელწოდება. ამ ორი სახელის მიმართება მკვლევარს ასე წარმოუდგენია: ჩერქეზ. **აბაზახა** → ჩერქეზ. **აბზახა** → მეგრ. დიალ. ***აბხაზა** → ***აბხაზი**¹⁰⁴⁴. ჩვენი აზრით, ზედმეტია ბ თანხმოვნიანი ვარიანტების აღდგენა ქართველური ენა-კილოებისათვის, ვინაიდან **ბხ** კომპლექსი აქ არაბუნებრივია და მყისვე იცვლება უფრო ბუნებრივი **ფხ** კომპლექსით. ამიტომ გარდაქმნათა ჯაჭვი ასე შეიძლება აღდგეს: **აბაზახა** → **აბზახა** → **აფხაზა** → **აფხაზი**. თავის ვარაუდს ო. კახაძე ამყარებს ს. ჯანაშიას მიერ უშუალოდ ჩერქეზეთში მოპოვებული ორი საყურადღებო ცნობით: 1. ჩერქეზულ ენაში **-ხა** სუფიქსი გამოიყენება გვარსახელთა კრებითობის ფორმისა და სატომო სახელთა მაწარმოებლად, 2. აბაძეები XIX საუკუნის 60-იანი წლების მუჰაჯირობამდე სახლობდნენ მდინარე ყუბანის მარცხენა შენაკადების ნაპირებზე და დასავლეთიდან უშუალოდ ემეზობლებოდნენ აბაზურ ტომებს (ბარაყაისა და ბადს)¹⁰⁴⁵. აქვე უნდა დავძინოთ, რომ აბაძეები XVII-XVIII საუკუნეებამდე ენობრივ-ეთნიკურად აბაზები იყვნენ (იხ. ზემოთ), ხოლო ს. ჯანაშიას 1929 წელს აღიღეში ყოფნისას დაუდასტურებია, რომ აბაძეები მაშინ ჯერ კიდევ არ მიიხნევდნენ თავს ჩერქეზებად და არც სხვა ჩერქეზები მიათვლიდნენ მათ ჩერქეზებს, აღიღეში (სოფ. ულაფში) მოსახლე თითქმის გაჩერქეზებული აბაზები კი აბაძეებს თავიანთ უახლოეს მონათესავეებად აცხადებდნენ და მათ სახელწოდებას თარგმნიდნენ როგორც „აბაზას ქვემოთ“¹⁰⁴⁶.

არსებითია ერთიც: ჩერქეზულ ენაში **-ხა** სუფიქსი ზემოთ აღნიშნულის გარდა გამოხატავს ცნებებს: „ქვემოთ“, „მდინარის ქვემო წელისაკენ“, „დასავლეთით“ (ს. ჯანაშია, ჯ. კოკოვი...). ამის გათვალისწინებით სახელი **აბაზახა** ჩერქეზულიდან შეიძლება ითარგმნოს როგორც „ქვემოური, ქვემოელი აბაზა“, ანდა „დასავლელი აბაზა“, რაც იმას ნიშნავს, რომ ქართველურ ენა-კილოებში ტერმინ **აფხაზის** დამკვიდრების დროსაც და შემდგომაც ჩრდილოეთ კავკასიაში, ახლანდელი **აფხაზეთის** გადაღმა მოსახლე **აფხაზურ-აბაზური** ერთობის ზოგადი სახელი „აბაზა“ იყო და ეს ერთობა იყოფოდა ორ მთავარ შტოდ: ა) **ზემოურ**, ანუ აღმოსავლელ აბაზებად, რომლებიც შესაძლოა ამჟამინდელ აბაზათა უშუალო წინაპრები იყვნენ და ბ) **ქვემოურ**, ანუ დასავლელ აბაზებად, რომლებიც ამჟამინდელ აფხაზთა, შაფსუღთა, აბაძეხთა და სხვა ამჟამინდელ დასავლურ-ჩერქეზულ ტომთა უშუალო წინაპრები იყვნენ.

საყურადღებოა, რომ ამ სავარაუდო დასკვნას, გარდა ზემოთ განხილული ისტორიული და ლინგვისტური მონაცემებისა, მხარს უჭერს ჯუანშერის მატეიანის ერთი ცნობაც ვახტანგ გორგასლის (V ს.) მიერ ჩრდილოეთ კავკასიაში ოვსთა წინააღმდეგ მოწყობილი ექსპედიციის შესახებ: „...რამეთუ მაშინ მუნ იყო პაჭანიგეთი მოსაზღვარედ ოვსეთისა, მდინარესა მას ოვსეთისასა წიად, და ჯიქეთი მუნ იყო. შემდგომად ჟამთა მრავალთა იოტნეს პაჭანიგნი, [და] ჯიქნი თურქთაგან; და წარვიდეს პაჭანიგნი დასავლით კერძო, ხოლო ჯიქნი დაემკვიდრნეს ბოლოსა აფხაზეთისასა“¹⁰⁴⁷. ეს ცნობა ადასტურებს, რომ

¹⁰⁴⁴. ო. კახაძე. აფხაზ|აფხაზა... ფუძის თაობაზე. - საქართველოსა და ქართველების აღმნიშვნელი უცხოური და ქართული ტერმინოლოგია. თბ., 1993, გვ. 557.

¹⁰⁴⁵. ს. ჯანაშია. სვანურ-აღიღეური (ჩერქეზული) ენობრივი შეხვედრები. შრომები, ტ. III. თბ., 1959, გვ. 102; მისივე აბაძეების. საენციკლოპედიო მასალა. შრომები, ტ. VI. თბ., 1988, გვ. 227-228.

¹⁰⁴⁶. ს. ჯანაშია. ექსპედიცია... გვ. 74, 77, 98, 104, 110, 124.

¹⁰⁴⁷. ქართლის ცხოვრება, ანა დედოფლისეული ნუსხა... თბ., 1942, გვ. 103. ცნობის მოკლე შინაარსი შემონახულია „ქართლის ცხოვრების“ სომხურ თარგმანშიც: „შევიდნენ პაჯან[ი]კეთსა და ჯიქეთს, რომელიც აფხაზეთის ქვემოთაა“. იხ.:

ვასტანგ გორგასლის დროს აფხაზურ-ადიღური მოდემის ჯიქები ჯერ კიდევ არ ცხოვრობდნენ არამცთუ ამჟამინდელი აფხაზეთის მიწაზე, არამედ არც შავი ზღვის ახლოს და თანამედროვე ქ. სოჭიდან ყუბანის შესართავამდე ტერიტორიის ჩრდილო-დასავლეთ ნაწილში მოგვიანებით დამკვიდრებულან, რაც სავსებით ეთანხმება ლეონტი მროველის კონცეფციასაც კავკასიის ხალხთა საცხოვრისის შესახებ.

როგორც ვხედავთ, ო. კახაძის ვარაუდი საკმაოდ მწყობრია და ლინგვისტური თვალსაზრისით დაბრკოლება არ ახლავს, მაგრამ მას მხარს არ უჭერენ ანტიკური და ადრეფეოდალური ხანის ისტორიული წყაროების მონაცემები. კერძოდ, არცერთ ძველ დოკუმენტში აბაძეები საერთოდ არ იხსენიებიან, მათ მხოლოდ გვიანი შუა საუკუნეებიდან ასახელებენ ევროპელი მოგზაურები.

არსებობს კიდევ ერთი საყურადღებო მოსაზრება ტერმინ „აფხაზის“ წარმოშობისა და აგებულების შესახებ. კერძოდ, ა. ლომთაძე და რ. შეროზია ვარაუდობენ, რომ **აფხაზ|აფხაზა** სახეობათა ამოსავალი ფორმაა სვანური შესიტყვება **აფხაშ ხანი** „მთის (ზურგის) ხანი“¹⁰⁴⁸, მაგრამ ამ ვარაუდსაც იგივე ნაკლი აქვს, რაც ო. კახაძისას: არცერთ ძველ წერილობით წყაროში არ დასტურდება შესიტყვება **აფხაშ ხანი**, თუ არ ჩავთვლით მასთან ფონეტიკურად ახლომდგომ **აფხაზანა** (Апхазана) ტოპონიმს, რომელიც XVII საუკუნეში, 1667 წელს დასტურდება აფხაზეთის სახელად პავლე ალექოელის ცნობებში¹⁰⁴⁹. ამ შემთხვევაში გასათვალისწინებელია, რომ ამ საკმაოდ გვიანდელ წყაროში ტოპონიმთა ფონეტიკური დამახინჯების უამრავი მაგალითი დასტურდება (ცნობები არ არის ჩაწერილი უშუალოდ ავტორის, პავლე ალექოელის მიერ). ამიტომ შესაძლებელია **აფხაზანა** ფორმა შემთხვევითი იყოს.

ტერმინ „აფხაზის“ გამოყენების თვალსაზრისით მეტად მნიშვნელოვანია ის ფაქტიც, რომ შუასაუკუნოვან წყაროებში **აფხაზი** ერქვა 2 ქალაქს – ერთი მათგანი შავი ზღვის აღმოსავლეთ სანაპიროს ჩრდილო-დასავლეთ ნაწილში მდებარეობდა, მეორე კი ბაქო-დარუბანდის გზაზე (თანამედროვე ქალაქ ქუბასთან). ეს აშკარად პოლიტიკურად სიმბოლური ჩანს და ახსნას მოითხოვს.

4. ქართველური სუბსტრატი აფხაზურ ენაში

კარგადაა ცნობილი, რომ ამჟამინდელი აფხაზეთის მიწაზე მრავალ ქართველურ ტომს უცხოვრია ძველთაგანვე¹⁰⁵⁰, რომელნიც წელთაღრიცხვათა მიჯნამდე ლაპარაკობდნენ წინარექართველურ ენაზე, მერე კი მეგრულ და სვანურ დიალექტებზე, აგრეთვე ქართველურ (ქართულ) სამწიგნობრო ენაზე. ისიც უნდა აღინიშნოს, რომ ამ მიწაზე მოსახლე სვანები უკვე ადრეულ შუა საუკუნეებში გათქვეფილან მეგრულ მოსახლეობაში, რის გამოც აფხაზურმა ენამ, რომელიც აწინდელი აფხაზეთის მიწაზე გავრცელდა მხოლოდ XVI საუკუნიდან, ვეღარ მოუსწრო სვანურ კილოებს. ამის გამო აფხაზურში ამ კილოთა გავლენის კვალი არ ჩანს, სამაგიეროდ ძალზე მკაფიოა მეგრულისა და სამწიგნობრო ქართულის ანაბეჭდები.

ქართველური ქრისტიანული ტერმინები აფხაზურში. როგორც ქართულ, ისე ბერძნულ წყაროებში დაცულია ცნობები ამჟამინდელი აფხაზეთის მიწაზე ქრისტიანობის გავრცელების შესახებ ახ. წ. I-IV-VI საუკუნეებში. თუკი ამ პერიოდში ახლანდელ აფხაზთა და აბაზათა წინაპრები რეალურად ცხოვრობდნენ და საუკუნეთა მანძილზე ინარჩუნებდნენ ქრისტეს რჯულს, მაშინ აფხაზურსა და აბაზურ ლექსიკაში უეჭველად უნდა ჩანდეს, ერთი მხრივ, ბერძნულ ენასთან უშუალო მჭიდრო კონტაქტის კვალი და, მეორე მხრივ, წარმოდგენილი უნდა იყოს საკუთრივ აფხაზურ-აბაზური წარმოშობის ქრისტიანული ტერმინები, მესამე მხრივ კი ბიბლიური ტერმინები (ბიბლიის ტექსტიდან მომდინარე ფრაზეოლოგიზმები და ეპითეტ-მეტაფორები). საგანგებოდ ჩატარებულმა კვლევამ აჩვენა, რომ: 1. ბერძნულ ენასთან ხანგრძლივი უშუალო კონტაქტის კვალი საერთოდ არ

ქართლის ცხოვრების ძველი სომხური თარგმანი. ქართული ტექსტი და ძველი სომხური თარგმანი გამოკვლევიდა და ლექსიკონით გამოსცა ი. აბულაძემ. თბ., 1953, გვ. 150.

¹⁰⁴⁸ ა. ლომთაძე, რ. შეროზია. ეთნონიმ აფხაზის ეტიმოლოგიისა და ისტორიასთან დაკავშირებული საკითხები. - საისტორიო შტუდიები, ტ. 3. თბ., 2002, გვ. 257.

¹⁰⁴⁹ ნ. ასათიანი. მასალები XVII საუკუნის საქართველოს ისტორიისათვის (საქართველოს აღწერა, შედგენილი პავლე ალექოელის მიერ). თბ., 1973, გვ. 75.

¹⁰⁵⁰ სათანადო წყაროებისა და ლიტერატურის მიმოხილვა იხ. წიგნში: ტ. ფუტკარაძე. ქართველები. ნაწილი I, გვ. 175-200; 264-297.

შეინიშნება აფხაზურ-აბაზურ ლექსიკაში. მეტიც, თვით ბერძენის აღმნიშვნელი ა-ბსრზენ ეთნონიმი აფხაზურს შეუთვისებია მეგრულისაგან (შდრ. მეგრ. ბერზენი), რაც შეეხება ა-გრეკ სიტყვას, იგი რუსულიდანაა შეთვისებული 100-150 წლის წინ. 2. არ არსებობს აფხაზურ-აბაზური ენებისათვის საზიარო ორიგინალური, ან კალკირებული ქრისტიანული ტერმინები. საკუთრივ აფხაზურ ქრისტიანულ ტერმინთა მცირე ჯგუფს (გარდა ღმერთის აღმნიშვნელი ანცვა სიტყვისა რომელიც პოლითეიზმის დროინდელი ტერმინია და ნიშნავს „დედებს“) სიძველის კვალი არ ემჩნევა, ისინი აშკარად გვიან შუა საუკუნეებშია შექმნილი. 3. არც აფხაზურში და არც აბაზურში არ დასტურდება ბიბლიეზმები „მამა აბრამის ბატკანი“-ს, „ურწმუნო თომა“-ს, „სოდომის ცოდვისა“ და სხვათა ტიპისა. ამ მონაცემთა საფუძველზე უნდა დავასკვნათ, რომ აფხაზთა და აბაზთა წინაპრებს არ ჰქონიათ უშუალო, ხანგრძლივი და ინტენსიური კონტაქტები ბერძნულ ქრისტიანულ სამყაროსთან ახ. წ. I-VI საუკუნეებში. საყურადღებოა ის, რომ აფხაზურ ენაში ძირითად ქრისტიანულ ცნებათა გამოსახატად საკმაოდ ხშირად გამოიყენება მაჰმადიანური ტერმინები, რომლებიც ამ ენაში გვიან შუა საუკუნეებამდე ვერ მოხვდებოდნენ (ეს ტერმინები ძირითადად თურქულიდან, ან ამ ენის შუამავლობითაა ნასესხები). ეს ტერმინებია: ჯანათ „სამოთხე“, ჯაჰანსმ „ჯოჯოხეთი“, ა-მაალსქე „ანგელოზი“, ა-ფაადმბარ „წინასწარმეტყველი“, ა-კაამეთ „მეორედ მოსვლა; საშინელება“, აჯალ „სიკვდილის ჟამი“ და მრ. სხვანი.

მნიშვნელოვანია სხვა გარემოებაც: აფხაზურ ქრისტიანულ ტერმინოლოგიაში გამოიყენება ქართველური წარმოშობის, ან ქართველიზებული ტერმინების ერთი ჯგუფი, რომლებიც საშუალებას იძლევა ამ სიტყვათა აფხაზურ ენაში დამკვიდრების დროის მიახლოებით განსაზღვრისა, შესაბამისად, ამ ტერმინთა მეშვეობით შესაძლებელია აფხაზთა გაქრისტიანების დროის გარკვევაც. ასეთია, მაგალითად, ტერმინი ა-ჟახვამა „სალოცავი, ეკლესია“, რომელიც დასტურდება აბჟურ და ბზიფურ დიალექტებში. ამ სიტყვის წყარო მეგრული ხვამა „ლოცვა“ სიტყვისაგან მომდინარე ო-ხვამე „სალოცავი“ ფორმაა (შდრ. სვან. ლა-ჰვამ „სალოცავი“). სვანური ვარიანტის ჯ თანხმოვანი მიგვანიშნებს, რომ მეგრულშიც თავიდანვე იგივე ბგერა უნდა ყოფილიყო, რაც ბზიფურში მოგვცემდა სპეციფიკურ ყელისმიერ თანხმოვანს, რომელიც კანონზომიერად ენაცვლება აბაზურ ჯ-ს. მაგრამ რეალურად ბზიფურში წარმოდგენილია ჩვეულებრივი ხ თანხმოვანი, რაც იმას ნიშნავს, რომ სიტყვა ოხვამე აფხაზურ ენას მაშინ შეუთვისებია, როცა მეგრულში ამოსავალი ჯ თანხმოვანი უკვე ჩანაცვლებული იყო ხ თანხმოვანით, რაც X საუკუნის შემდგომ შეიძლებოდა მომხდარიყო. მაშასადამე, ეკლესიის აღმნიშვნელი ტერმინი აფხაზურ ენაში X საუკუნიდან XVIII საუკუნემდე შესული მეგრულიდან.

აფხაზური ენის ორსავე დიალექტში დიდი ზომის ცვილის სანთელს ა-კაღანტარ ტერმინი აღნიშნავს. სიტყვა მომდინარეობს ბერძნული კეროლამპტერ „სასანთლე, სანთლის სადგარი“ ფორმისაგან, მაგრამ ნასესხებია არა უშუალოდ, არამედ ქართველურ ენა-კილოთა მეშვეობით. შდრ.: სამწიგნობრო ქართულის კელაპტარ-ი → მეგრ. კელანტარ-ი → აფხაზ. ა-კაღანტარ. როდის უნდა ესესხებინა ეს ტერმინი აფხაზურს მეგრულისაგან? როდის და სად შეეცვალა ამ სიტყვას ამოსავალი სემანტიკა („სასანთლე“) ახალი მნიშვნელობით („დიდი ზომის ცვილის სანთელი“)? ამ კითხვათა პასუხებს გვაწვდიან ძველქართული წერილობითი ძეგლები. კერძოდ, 1042-1044 წლებში დაწერილ გიორგი მთაწმინდელის (ათონელის) „იოვანესა და ეფთვიმეს ცხოვრებაში“ კელაპტარი ჯერ კიდევ სასანთლეს აღნიშნავს და მას სემანტიკა XI საუკუნის მერე შესცვლია, რაც პირდაპირ აქვს მითითებული სულხან-საბა ორბელიანს თავის ლექსიკონში (დაიწერა 1685-1716 წლებში): „კელაპტარი – სასანთლე, ხოლო აწ დიდს სანთელსა უკმობენ ტყუვილად“¹⁰⁵¹. ბუნებრივია, მეგრული კელანტარი სიტყვაც XI-XVII საუკუნეებს შორის შეიცვლიდა მნიშვნელობას, ხოლო აფხაზურ ენას მეგრულიდან ეს ტერმინი უკვე შეცვლილი სემანტიკით იმავე XI-XVII საუკუნეებს შორის შეეძლო ესესხებინა.

განხილული ორი ტერმინი გვიკარნახებს, რომ: ა) აფხაზთა წინაპრებს ქრისტიანული ტერმინოლოგია დასჭირვებიათ X-XI საუკუნეებიდან XVII საუკუნემდე, ე. ი. X საუკუნე-

¹⁰⁵¹. გიორგი მთაწმინდელი. იოვანესა და ეფთვიმეს ცხოვრება. - ქართული პროზა, ტ. I. თბ., 1981, გვ. 382; სულხან-საბა ორბელიანი, ლექსიკონი ქართული, ტ. I. თბ., 1991, გვ. 364.

მდე მაინც ისინი ქრისტიანები არ ყოფილან; ბ) აფხაზებს ქრისტიანობა ბერძენებისაგან კი არა, ქართველებისაგან მიუღიათ და ქრისტიანულ ტერმინებსაც (მათ შორის ბერძნული წარმოშობისა) ქართველურ ენა-კილოთაგან ითვისებდნენ; გ) უარსაყოფია მოსაზრებანი, თითქოს თანამედროვე აფხაზეთის ტერიტორიაზე მოსახლე აფშილები და აბასგები ამჟამინდელ აფხაზეთა და აბაზეთა წინაპრები იყვნენ და მათ ქრისტიანობა I, IV და VI საუკუნეებში მიეღოთ.

ამ დასკვნებს განამტკიცებს ის ფაქტიც, რომ აფხაზურ ენაში სწორედ ქართველური ან ქართველიზებული საკულტო ლექსიკით გადმოიცემა ძირითადი ქრისტიანული ცნებები: ჯვარი, ქრისტე, ქრისტეშობა, ქრისტიანი, მთავარანგელოზი, წყალკურთხევა, ეპისკოპოსი, ბერი, კვირიკობა, პეტრეობა, ბზობა და მრ. სხვა. აფხაზეთა შორის ქრისტიანობის XVI-XVIII საუკუნეებში გავრცელება და პოზიციის სისუსტე (რწმენის ზედაპირულობა) ჩანს იქიდანაც, რომ აფხაზურ ენაში თითქმის არ გამოიყენება ბიბლიეზმები და აფხაზეთში არ დასტურდება არცერთი აფხაზური ტოპონიმი, რომელიმე ქრისტიანული ცნების, ან წმინდანის სახელთან რომ იყოს დაკავშირებული (მდრ. ქართული ტოპონიმები: ჯვარი, სამება, შემოქმედი, ამაღლება, ნინოწმინდა, ანდრიაწმინდა, სტეფანწმინდა, მანცხვარკარი...)¹⁰⁵².

5. ქართველური სუბსტრატული ტოპონიმები აფხაზეთში

ანტიკური, ადრეფეოდალური და შუა საუკუნეების არცერთი წერილობითი წყარო ახლანდელი აფხაზეთის ტერიტორიაზე არ ასახელებს არცერთ ისეთ გეოგრაფიულ სახელს, რომელთაც აფხაზურად ან აბაზურად უპრობლემო ახსნა დაექებნებოდა, სამაგიეროდ არცთუ იშვიათია ისეთი ტოპონიმები და ჰიდრონიმები, რომლებიც აშკარად ქართველური წარმოშობისაა.

ჩამოვთვლით იმ გეოგრაფიულ სახელებს, რომლებიც დასტურდება ნარატიულ წერილობით წყაროებში უძველესი დროიდან 1801 წლამდე და რომელთა ქართველური წარმომავლობა არავითარ ეჭვს არ იწვევს:

ზიგანა|სიგანეი|ზიგანევი (დასტურდება ახ. წ. I საუკუნიდან); მოხორა|მუხორისი|მუხური (ახ. წ. V საუკუნიდან); წიბილი|წიბილიუმი|წიბელი (554 წლიდან); დანდარი|დრანდა (VI საუკუნიდან); ფუსტა, მოქეი და ჯიხახორა (662 წლიდან); ცხუმი|ცხომი (VIII საუკუნიდან); ნაჟანეო|ნაჟანეული|ნაჟანაური|ნაჟანევი, წამხარი, ტყაურუ|ტყავრუ, მარმარისკარი (ყველა 1525-1550 წლებიდან); ბეღია (XI საუკუნიდან ისტორიამდელ ამბებთან დაკავშირებით), ქ. ვერისი (XI საუკუნიდან ისტორიამდელ ამბებთან დაკავშირებით); ვერისწყალი (XI საუკუნიდან ძვ. წ. IV ს. ამბებთან დაკავშირებით); მაგულა|მარგულა|მორგულა|მერგულა (1615 წლიდან); ხოირი, ხაუქელი, თილითი, ჭალა (ყველა 1621 წლიდან); სკურჩა|სქურჩა (1630 წლიდან); სოფ. და მდ. დალიბა (1639 წლიდან); სკავრი|სგაური|იზგაური (1634 წლიდან); კვიტაული|კვიტოული|კიტოული|პიტაური, ფუწყური (1640 წლიდან); ოქუმი, კოდორი, ილორი, წიფურია, კორცხერი, ოლუშე (ყველა 1654 წლიდან); კაპეტისწყალი (XVIII საუკუნიდან) და ა. შ.

ამ გეოგრაფიულ სახელთა ნაწილი მეგრულია, ნაწილი – სვანური, ნაწილი კი სამწიგნობრო ქართულისაგან მომდინარეობს.

უეჭველად ქართველური წარმოშობისაა მთელი აფხაზეთის ტერიტორიაზე გავრცელებული თიკონიმები და პოლისონიმები: გაგრა|გაგარი|გაკარი|კაკარი, აჟადჰარა, ოთჰარა, ტყვარჩელი, გენწეიში, მგუძირხვა, მერხეული, კოპიტი, კამანი, ამტყელი¹⁰⁵³ და მრ. სხვა. არანაკლებ ხშირია ქართველური წარმოშობის გააფხაზურებული მიკროტოპონიმები აფხაზურ სოფლებში (მაგალითად, ტოპონიმი ასაყუდარა ს. მოქეში, ჭალა-აიმარა ს. ჭლოუში...), რომლებიც ამ სოფლებში აფხაზეთა დასახლებამდეა შექმნილი.

წერილობით დადასტურებული ტოპონიმებიდან აფხაზური ენის წესების მიხედვით

¹⁰⁵². ამ საკითხთა შესახებ ვრცლად იხ.: თ. გვანცელაძე. ქართველური სუბსტრატის საკითხისათვის აფხაზურ ენაში ქრისტიანული საკულტო ლექსიკის მიხედვით. - ქართველური მეგვიდროობა, ტ. I. ქუთაისი, 1996.

¹⁰⁵³. ვრცლად იხ.: თ. გვანცელაძე. ქართველური სუბსტრატული ტოპონიმები აფხაზეთში (სოხუმი, გაგრა, ტყვარჩელი). - არტანუჯი, №10, 2000, გვ. 87-92; თ. გვანცელაძე. ქართველური სუბსტრატული ტოპონიმები აფხაზეთში: ავადჰარა, ოთჰარა. - ქართველოლოგიური კრებული, I. თბ., 2002, გვ. 34-41; თ. გვანცელაძე. ტოპონიმ „ტყვარჩელისა“ და ყორივარდას მეგრული სახელწოდების ეტიმოლოგიისათვის. - ქართველური ონომასტიკა, I. თბ., 1998, გვ. 102-108. ქ. ლომთათიძე. ბაგისმიერის მიდრეკილება ანლაუტში მოხვედრისა აფხაზურ ენაში და ტოპონიმი „ამტყელი“. ბ. ჯორბენაძის საზოგადოების II სამეცნიერო კონფერენციის თეზისები. თბ., 1995, გვ. 19.

გაფორმებულ უძველეს გეოგრაფიულ სახელებად უნდა ჩაითვალოს XVI საუკუნის პირველ ნახევარში მამია III დადიანის (1512-1523 წწ.) მიერ ბიჭვინთის ღვთისმშობლის ტაძრის სახელზე გაცემულ „ბიჭვინთის იადგარში“ მოხსენიებული სოფლის სახელები აითარნე და არუხა. პირველ ტოპონიმს საფუძვლად უდევს მესაქონლეობის წარმართული ღვთაების, აითარის სახელი (შდრ. მეგრ. უინი ანთარი), რომელსაც ერთვის აფხაზური მატრონიმიკული -ნ ს სუფიქსი, მეორე სახელის ფუძედ რუხა გამოდის, რომელიც არ უნდა იყოს აფხაზური წარმოშობისა, მაგრამ ერთვის აფხაზურ სახელთა ზოგადი ფორმის მაწარმოებელი ა- პრეფიქსი. მესაქონლეობის დმერთის სახელის შერქმევა სოფლისათვის პირდაპირი მინიშნებაა იმაზე, რომ XVI საუკუნეში აფხაზეთში ჩამოსახლებულ აფხაზთა მთავარი საქმიანობა მეცხოველეობა იყო, რაც ეხმიანება ქათიბ ჩელეების 1645 წლის შემდგომდროინდელ ცნობას: აბაზებს [იგულისხმებიან აფხაზები - ავტ.] შორის ვერსად შეხვდებით ზღვაოსნებს, მიწათმოქმედთ და ურმებსო¹⁰⁵⁴.

6. ქართველური გვარსახელები აფხაზთა შორის

თანამედროვე აფხაზეთის ტერიტორიაზე აფხაზთა ჩამოსახლებამდე მობინადრე ქართველთა ეთნიკური იდენტობის მასობრივი ცვლის უტყუარი საბუთია უკლებლივ ყველა აფხაზურ სოფელში მოსახლე აფხაზთა შორის ქართველური წარმოშობის გვარსახელთა ფართოდ გავრცელების ფაქტი.

შიდარეგიონული მასშტაბის იძულებით მიგრანტებად უნდა ჩაითვალოს XVI-XVIII საუკუნეებში ამჟამინდელი აფხაზეთის ქართული სოფლებიდან აფხაზურ სოფლებში ტყვედ გატაცებული და აგრუას (მოჯალაბის) სოციალურ კატეგორიაში გადაყვანილი ქართველები, რომელთაც საკუთარი გვარის ტარების უფლებაც ერთმოდით და აგრუას „მეგრელის“ გვარს ანიჭებდნენ აფხაზი პატრონები. ისტორიული დოკუმენტებიდან ჩანს, რომ XIX საუკუნის 60-იანი წლებისათვის გვარსახელი აგრუა ძალზე გავრცელებული ყოფილა აფხაზეთში, განსაკუთრებით კი მაღალმთიან ზოლში, რაც იმას ნიშნავს, რომ ქართველ ტყვეთა თავმოყრა ძირითადად სწორედ მაღალ მთაში განლაგებულ აფხაზურ სოფლებში ხდებოდა. ამისი დამადასტურებელია 1867-1869 წლებში რუსი მოხელეების მიერ შედგენილი მუჰაჯირთა კომპობრივი სიები, რომელთა მიხედვითაც მუჰაჯირებად ქცეულა აგრუას გვარის 239 კომლი¹⁰⁵⁵. მუჰაჯირობის შემდეგ აფხაზეთში აგრუას გვარის არცერთი მატარებელი აღარ ცხოვრობდა. ხოლო თურქეთში ამ გვარის წარმომადგენლებს კიდევ ერთხელ აუკრძალეს გვარსახელის ტარება და თურქული გვარებით „დაასახურეს“.

რაც შეეხება აფხაზურ სოფლებში მასობრივად მოსახლე ქართველური წარმოშობის გვარსახელების მატარებელთა აბსოლუტურ უმრავლესობას, ისინი არ არიან მიგრანტთა შთამომავალნი და თავიანთი ქართველი წინაპრების მიწაზე სახლობენ, თუმცა ისტორიული მიზეზების გამო გამოცვლილი აქვთ ეროვნება. XVI-XVIII საუკუნეებში შედგენილ სხვადასხვა შინაარსის ქართულ იურიდიულ დოკუმენტებში ამჟამად აფხაზებით თუ ქართველებით დასახლებულ სოფლებში და ნასოფლარებში ათეულობით ქართველი სახელდება, რომელთაც გვარსახელებიც ქართული აქვთ. ეს გვარებია: აბაშია, აბლოთია, არდაშელია, ბებუა, ბეკვერია, ბულისკერია, ბასარია, გამსახურდია, გამისონია, გარგულია, გარმელია, ეთერია, ელერჯია, გვაგვალაია, გოჩავა, გურგულია, ვარდანია, ვაჭარია, თოფურია, კვეკვესქირი, კილანავა, კორსანტია, ლამანძია, მარხულია, მარკელია, მელია, მირცხულავა, მინჯორაია, მოროხია, ნანავა, ორჟონია, პაპავა, პაპასქირი, პაპასქუა, რიგვავა, როგავა, სარია, სარუა, სექანია, სირგინავა, სონძია, სოფია, ტორუა, ტუფურია, უბირია, ქვარანძია, ქვაჩახია, ღვინჯილია, ყურდგელია, შავაია, შანგუა, შარანგია, შარია, ჩაბრავა, ჩაჩხალია, ჩქოტუა, ცაცუა, ჭილავა, ჭოლარია, ხარბედია, ხარებავა, ხარნილავა, ხეცია, ხორავა, ხუბუტია, ჯანჯულია, ჯგუბურია, ჯეჯეია, ჰარანია და მრ. სხვა¹⁰⁵⁶. საყურადღებოა, რომ აფხაზეთის ტერიტორიაზე IX საუკუნიდან მოკიდებული 100-მდე ქართულენოვანი წარწერაა შესრულებული ტაძრებზე, ჯვრებზე, ხიდებზე. მათგან არცერთში არ იხსენიება ეროვნებით აფხაზი კტიტორი, შემსრულებელი თუ საეკლესიო პირი, სამაგიეროდ ილორის XI საუკუნის ეკლესიის წარწერაზე დაფიქსირებულია ქარ-

¹⁰⁵⁴. ქათიბ ჩელეების ცნობები საქართველოსა და კავკასიის შესახებ, გვ. 136.

¹⁰⁵⁵. ბ. ხორავა. აფხაზთა 1867 წლის მუჰაჯირობა. თბ., 2004, გვ. 123-170.

¹⁰⁵⁶. იხ.: Дж. Гамахария, Б. Гогия. დასახ. ნაშრომი, დოკუმენტები №№ 78, 82, 88, 94, 103 და მათი კომენტარები.

თული გვარი ქოჩოლვაჲ (ქოჩოლაგა), მერე კი უამრავი სხვა ქართველია ნახსენები სხვა წარწერებში¹⁰⁵⁷.

ქართული გვარსახელების გააფხაზურება მომხდარა აფხაზური ენისათვის დამახასიათებელი სესხების წესთა სრული დაცვით. კერძოდ:

ა) **-(გ)ა** დაბოლოებიანი მეგრული გვარსახელების ეს დაბოლოება, რომელიც **-ან** სუფიქსისაგან მომდინარეობს (შდრ.: გიგ-ან-ი, ბაბლუ-ან-ი, ფანგ-ან-ი, ნაკ-ან-ი...), გადააზრებულია არსებით სახელთა კრებითობის აფხაზურ **-აა** სუფიქსად (შდრ. ამჭ-ბა → კრებ. ამჭ-აა „ამიჭბები“...), ხოლო ხმოვანთა გამყარის ფუნქციის მქონე **ვ** თანხმოვანი იკარგება, თუმცა იგი მეგრულ გამოთქმაში ისედაც არ ისმის. ამ გზითაა მიღებული გვარსახელები: ჭსთანაა ← ჭითანავა, სსჭსნაა ← სიჭინავა, თარნაა ← თურნავა, ბიგვაა ← ბიგვაა, გერზმაა ← გერზმავა, ლაგვლაა ← ლაგვილაა და მრ. სხვ.

ბ) **-ია** ← **-იან** დაბოლოებიანი გვარები ან ინარჩუნებენ ამ დაბოლოებას, ან ჩამოიცილებენ მას და დაირთავენ აფხაზურ **ა-** თავსართს. შდრ., ერთი მხრივ, გერია, შარია, კუცია, ხასაია, ბერზენია, გულია... და, მეორე მხრივ, ა-მარშან ← მარშანია ← მარუშიანი (შდრ. მარუშისძე), ა-მქვაბ||ა-ნქვაბ ← მიქვაბია, ა-მფარ ← მეფორია, ა-ჯსნჯალ ← ჯინჯოლია, ა-ბლსსკირ ← ბულისკირია||ბუღეისკირი.

გ) **-უა** დაბოლოება უცვლელი რჩება: ლოგუა, ჭოლოკუა, ჯოლოგუა, მატუა, ძაძუა, ასაბუა ← ესებუა. დაბოლოების შენარჩუნებას ალბათ ხელი შეუწყო გვარსახელებად გადაქცეული აფხაზური სადაურობის სახელების ფუძეში **-უა** || **-უა** სუფიქსის არსებობამ: აგრუა „მეგრელი“, აშვანუა „სვანი“, აშხარუა „მთიელი“ (შდრ. აშხარაა გვარსახელი).

7. ზღვასთან და მეთევზეობის ტერმინები აფხაზურ ენაში

ზღვის ნაპირას მუდმივად მოსახლე ეთნოსის ცხოვრებაში ზღვას დიდი პრაქტიკული მნიშვნელობა აქვს, ვინაიდან იგი არის მთავარი სატრანსპორტო არტერია და ადამიანს უხვად აწვდის საკვებს. ზღვასთან სიახლოვე აუცილებლად აისახება ზღვისპირელი ეთნოსის ენაში ნაოსნობის, მეთევზეობისა და კულინარულ ტერმინთა სიუხვით, ასევე ფრაზოლოგიაში. ბუნებრივია, ლექსიკის ეს დარგობრივი ჯგუფები აფხაზურშიც უხვად უნდა იყოს წარმოდგენილი, თუკი აფხაზები მართლაც იმთავითვე სახლობდნენ ზღვის სანაპიროზე.

შავი ზღვის სანაპიროზე აფხაზთა აბორიგენობის კონცეფცია უდევს საფუძვლად ო. ძიძარიას (ძარიას) მონოგრაფიას, რომელშიც განხილულია აფხაზურ ენაში არსებული ზღვასთან დაკავშირებული ლექსიკა¹⁰⁵⁸. წიგნში ავტორს წარმოდგენილი აქვს თავისი შეხედულებანი 124 ლექსიკური ერთეულის წარმომავლობისა და აგებულების შესახებ¹⁰⁵⁹ (შედარებისათვის: მ. სალიამ შეკრიბა და გააანალიზა 536 მეგრულ-ჭანური ლექსიკური ერთეული, რომლებიც მხოლოდ მეთევზეობასთანაა დაკავშირებული, და ამჟამად აგროვებს და იკვლევს ნაოსნობის ლექსიკას)¹⁰⁶⁰. ავტორის დასკვნით, ამ 124 ძირითადი ტერმინიდან 80 საკუთრივ აფხაზური წარმოშობისაა, 15 სიტყვის წარმომავლობა გაურკვეველია, ხოლო დანარჩენები აფხაზურს შეუთვისებია ქართველური ენა-კილოებიდან (ძირითადად მეგრულიდან), თურქულიდან, ბერძნულიდან და ფინიკიურიდანაც კი.

დასახელებული ცნება-ტერმინებიდან საკმაოდ დიდი ნაწილი ან საერთოდ არ უკავშირდება ზღვას (მდინარის თევზთა სახეობები: ლოქო, ქარიყლაპია...; თავკომბალა), ან მათი კავშირი ზღვასთან ძალზე პირობითია, ვინაიდან იმავე ცნებების აღმნიშვნელი ტერმინები არსებობს იმ ეთნოსთა ენებშიც, რომლებიც არ ცხოვრობენ ზღვის ნაპირზე, მაგრამ კარგად იცნობენ მდინარეებსა და ტბებს (ნაპირი, ნიჩაბი, მორვეი, ცურვა, წარღვნა, წყაღდილობა, წალეკვა, წყლის აზვირთება, ყურე, ტივი, თევზსაჭერი კალათი, გემი, ნავი, გემისა და ნავის ნაწილები, ქერცლი, მლაშე წყალი, ქვიშა, თევზი, აფრა, აფრიანი გემი, აფრის სახეობები, ამოყვინთვა, ჩაყვინთვა, ჩაძირვა, ნემსკავი, ანკესი, ჭვილ-

¹⁰⁵⁷. ვრცლად იხ.: ლ. ახალაძე. აფხაზეთის ეპიგრაფიკა როგორც საისტორიო წყარო. I; თ. გვანცელაძე. ჩრდილო-დასავლეთ საქართველოს მოსახლეობის ეთნიკური შემადგენლობა შუა საუკუნეთა ლაპიდარული წარწერების მიხედვით. - ქართველური მეცნიერება, ტ. III. ქუთაისი, 1999.

¹⁰⁵⁸. О. П. Дзидзария (Дзария). Морская лексика в абхазском языке. Сухуми, 1989.

¹⁰⁵⁹. იქვე, გვ. 46-69.

¹⁰⁶⁰. მ. სალია. მეთევზეობის ლექსიკა ზანურში. თბ., 2005.

თი, ცურვის სახეობები, კუნძული, ნახევარკუნძული). ასეთ ტერმინ-ცნებათა რაოდენობა ო. ძიძარასეულ სიაში 48 ერთეულს, ანუ ძირეულ აფხაზურ საზღვაო ტერმინებად მიჩნეული სიტყვების ნახევარსა და მთლიანად განხილული 124 სიტყვის 38,7%-ს შეადგენს. თუ იმასაც გავითვალისწინებთ, რომ ამ 124 სიტყვიდან 34 ნასესხებია სხვა ენებიდან, გამოვა, რომ აფხაზურ ენაში უშუალოდ მხოლოდ ზღვასთან დაკავშირებული ყოფილა 42 ძირეული (საკუთრივ აფხაზური) სიტყვა¹⁰⁶¹, რაც აფხაზთა წინაპრების „ზღვასთან ინტიმური ურთიერთობის“ მაჩვენებელი სულაც არ არის. თქმული იმ მოსაზრებასაც აცლის საფუძველს, თითქოს აფხაზები მეზობელ ხალხთა მასწავლებლები ყოფილიყვნენ საზღვაო საქმეში, ვინაიდან ამ 42 ტერმინიდან ქართველურ ენა-კილოებში არცერთი არ არის ნასესხები აფხაზურიდან. საყურადღებოა ისიც, რომ ა. ლამბერტის, ქათიბ ჩელეების, ჟ. შარდენის, ნ. ვიტზენის, ს. ორბელიანის, ვ. ბაგრატიონის, ი. ბლარამბერგის, ფ. დიუბუა დე მონპერესა და სხვათა ცნობებით, **წარსულში აფხაზები არ მისდევდნენ მეთევზეობას და მათ რაციონში არ შედიოდა თევზეული**, სამაგიეროდ ისინი განთქმულნი იყვნენ როგორც სეზონური საზღვაო მეკობრეები. ამჟამად ზღვისპირა სოფლებში მოსახლე აფხაზებიც არ მიირთმევენ თევზეულს, არ ამზადებენ ნავებსა და სათევზაო მოწყობილობას. ეს უეჭველად იმის მანიშნებელია, რომ **აფხაზებმა ზღვა გვიან გაიცნეს და მას მხოლოდ მეკობრეობისათვის იყენებდნენ**. საყურადღებოა ისიც, რომ **აფხაზურ ენაში ქართველური ენობრივი სამყაროდან შეთვისებულია თევზის იმ ჯიშთა სახელები, რომელთაც თევზის მოყვარულ ეთნოსთა შორის დიდი მნიშვნელობა აქვთ და გამოირჩევიან საკვები ღირსებებით** (ზუთხი, სვია, კამბალა, ლოქო, კალმახი, ორაგული, წვერა||მურწა, წვერედი, ღორჯო და ა. შ.). ამ სახელწოდებებს აფხაზურში მხოლოდ ნომინატიური (სახელის რქმევის) ფუნქცია აქვთ და არ უკავშირდებიან ეთნოგრაფიულ-კულტურულ რეალიებს.

აფხაზთა თავდაპირველი ეთნიკური სამშობლოს ადგილმდებარეობის გარკვევისათვის განსაკუთრებით ფასეულია ერთი ტერმინის ანალიზის შედეგები: აფხაზურ ენაში ზღვას ამჟამად ორი სიტყვა აღნიშნავს – **ა-მშსნ** და **ა-გა**. სახელი **ა-გა** პირველ სახელთან შედარებით უფრო ფართო სემანტიკის მქონეა და ზღვასთან ერთად აღნიშნავს ზღვის ნაპირსაც და, რაც არსებითია საკვლევი საკითხისათვის, **სამხრეთსაც**¹⁰⁶². თანამედროვე აფხაზეთში ზღვა ზუსტად სამხრეთის მიმართულებით მდებარეობს ქ. გუდაუთიდან სოფ. ფსირცხამდე მდებარე რამდენიმეკილომეტრიან ზოლში, დანარჩენ მონაკვეთებზე კი ზღვა ხმელეთს აკრავს დასავლეთიდან, ანდა სამხრეთ-დასავლეთიდან. ეს ფაქტი იძლევა ვარაუდის საფუძველს, რომ **ა-გა** სიტყვას სამხრეთის აღმნიშვნელის ფუნქცია უნდა მინიჭებოდა მაშინ, როცა აფხაზთა წინაპრები ჯერ კიდევ ცხოვრობდნენ ჩრდილოეთ კავკასიაში, მდინარე ყუბანისა და მისი მარცხენა შენაკადების ნაპირებზე, საიდანაც შავი ზღვისაკენ მიმავალი უმოკლესი გზა სამხრეთსაკენ გადიოდა. დამატებით საბუთად გამოდგება აფხაზურ ენაში ზღვაურის (ზღვიდან მონაბერი ქარის) აღსანიშნავად **აგაფშა** (ზედმიწა: „ზღვის ქარი“) და **აგსრფშა** (ზედმიწა: „მეგრული ქარი“) სინონიმურ ტერმინთა არსებობაც, რაც უეჭველად იმას ნიშნავს, რომ **XVI საუკუნემდე აფხაზთა წინაპრებს შავი ზღვა და სამეგრელო (ეგრისი) ერთ ადგილას (ერთ მხარეს), კერძოდ კი სამხრეთით ეგულებოდათ**. ზღვისა და ზღვის სანაპიროს გაიგივება ეგრისთან იმ პერიოდის ანარეკლია, როცა მეგრელები უწყვეტ ზოლად სახლობდნენ არა მარტო თანამედროვე აფხაზეთის მიწაზე, არამედ განსახლებულნი იყვნენ მდინარე ფსოუდან ნიკოფსიამდეც (ისტ. ძველ ლაზიკამდე).

8. სხვა დარგობრივ ჯგუფთა ლექსიკა აფხაზურ ენაში

ტექნიკური მიზეზების გამო აქ მოკლედ მიმოვიხილავთ ბოტანიკურ, მეცხოველეობა-მეცხენეობის, სამიწათმოქმედო, სამშენებლო და სხვა დარგობრივ ჯგუფთა ლექსიკის ანალიზის შედეგებს. მაგალითად, ირკვევა, რომ კულტურულ მცენარეთა 120 სახელწოდებიდან 34 ტერმინი (28,3%) აფხაზურს შეუთვისებია მეგრული დიალექტისაგან, ან ქარ-

¹⁰⁶¹. თუ ამ რაოდენობას გამოვაკლებთ გაურკვეველი წარმოშობის 15 სიტყვასაც, მაშინ ძირეულ აფხაზურ ტერმინთა საერთო რიცხვი 27 ერთეულამდე ჩამოვა.

¹⁰⁶². К. С. Шакрыл, В. X. Конджария. Словарь абхазского языка, т. I. Сухуми, 1986, გვ. 33. ზღვის ნაპირს აღნიშნავს აგრეთვე კომპოზიტი აგაჭა, რომელიც შედგება აგა „ზღვა“ და აჭა ← *ა-ჭა „პირი“ სიტყვებისაგან. საინტერესოა, რომ ო. ძიძარა არ უთითებს იმ ფაქტს, რომ აგა სამხრეთსაც ნიშნავს.

თული სამწიგნობრო ენისაგან. ამ ჯგუფს განეკუთვნება ჭკავის, ქერის, ჭარხლის, თაღ-გამის, კიტრის, ატმის, ლობიოს ჯიშთა, კომშის, ვახის ჯიშთა და სხვა მცენარეთა სახელები. წილობრივი თვალსაზრისით გაცილებით ნაკლებია ქართველიზმები ველურ მცენარეთა სახელწოდებებს შორის – 20 სიტყვა 145-დან (13,7%). ამ ჯგუფში შედის ძირითადად პრაქტიკული გამოყენების მქონე (სამკურნალო და სამეურნეო დანიშნულების) მცენარეთა სახელები (ისლი, ბაია, კოწახური, იონჯა, სურო, კლერტა და ა. შ.), მაგრამ დიდად მნიშვნელოვანია ის გარემოება, რომ ამ ნასესხობათა შორის არ დასტურდება არცერთი ისეთი მცენარის სახელი, რომელთა გავრცელების არეალი შემოიფარგლება მხოლოდ მაღალმთიანეთის (აღპური და სუბაღპური) სარტყელით. აფხაზურს მეგრული დიალექტიდან და ქართული სამწიგნობრო ენიდან შეუთვისებია იმ კულტურულ და ველურ მცენარეთა სახელები, რომლებიც გავრცელებულია დაბლობში, ჭაობებში და დაბალი, ან საშუალო სიმაღლის მთათა სარტყელში. ეს ფაქტი უტყუვრად ასახავს აფხაზთა წინაპრების ჩრდილოეთ კავკასიიდან კავკასიონის უღელტეხილთა გადმოვლით ამჟამინდელი აფხაზეთის ზღვისპირა ჭაობიან და დაბლობ ადგილებში დამკვიდრების მარშრუტს. ყუბანის აუზის დაბლობიდან და დაბალმთიანეთიდან აფხაზებს ჯერ უნდა აენაცვლებინათ კავკასიონის ჩრდილოეთის მაღალმთიან ზოლში (იხ. ზემოთნახსენები 1654წ. რუკა), სადაც ხანგრძლივი ცხოვრების დროს გამოუშუშავდათ მთიელის ფსიქოლოგია, რაც ენაშიც აისახა (აფხაზურში მეტად დეტალიზებულია მაღალი მთის ლანდშაფტის ამსახველი ლექსიკა). XVI საუკუნიდან აფხაზები სახლდებიან მძიმთის, ფსოუს, ბზიფისა და გუმისთის სათავეებში, უფრო გვიან კი კოდორის სათავეებშიც. აქ, მაღალ მთაში მათ არ დასჭირდებოდათ მთის ლანდშაფტის, ფლორისა და ფაუნის ამსახველი ლექსიკის სესხება ქართველთაგან, ვინაიდან ეს ლექსიკა მათ ენაში კარგად იყო განვითარებულ-დეტალიზებული. მაგრამ როცა აფხაზები დაემგნენ აფხაზეთის ბარში, ჭაობიან ზღვისპირა ზოლში, აფხაზურ ენას აუცილებლად შეექმნებოდა საჭიროება მეგრულიდან, ან ქართული სამწიგნობრო ენიდან ესესხებინა სრულიად ახალი გეოგრაფიული გარემოს ამსახველი ლექსიკა¹⁰⁶³.

მეცხენეობისა და ცხენოსნობის ტერმინებიდან მეგრულს აფხაზურისაგან ნასესხები აქვს ძირითადად ცხენის სადგომთან დაკავშირებული ტერმინები, რომლებიც მთის ლანდშაფტს უკავშირდება. ეს ლექსიკა არ ჩანს ლაზურში, რაც იმაზე მიგვანიშნებს, რომ აფხაზური მეცხენეობის ტერმინები მეგრულში შემოსულა მეგრულ-ლაზთა ტერიტორიული დაშორების (VIII-IX სს.) შემდგომ, ხოლო აზაზურში შესული ამ ჯგუფის სახელები უნდა მოწმობდეს მათ სესხებას ჯერ კიდევ დაუშლელი აფხაზურ-აზაზური ენობრივი კოლექტივის მიერ XVI საუკუნემდე¹⁰⁶⁴. რაც შეეხება მწვემსურ ლექსიკას, ამ დარგში სესხება ორმხრივია და ძირითადად ის ტერმინებია გაცვლილი, რომლებიც მთიან იალღზე ყოფნას უკავშირდება¹⁰⁶⁵. მიწათმოქმედებასთან დაკავშირებული ლექსიკიდან აფხაზურს უამრავი ქართველური ტერმინი აქვს ნასესხები (მიწის ნაკვეთის აღმნიშვნელი სიტყვით დაწყებული სამეურნეო იარაღების სახელებით დამთავრებული), რაც იმისი კიდევ ერთი საბუთია, რომ აფხაზთა წინაპრები მესაქონლე მთიელები იყვნენ და ნაკლებად იცნობდნენ მიწათმოქმედებას¹⁰⁶⁶. რაც შეეხება სამშენებლო ლექსიკას, აფხაზურში სწორედ ქართველიზმებით აღინიშნება საცხოვრებელთა ძირითადი ტიპები (ფაცხის გარდა), შენობის ნაწილებისა და სამშენებლო იარაღების უმრავლესობა¹⁰⁶⁷. არანაკლებ საყურადღებოა ის ფაქტიც, რომ აფხაზურ ენას არ მოეპოვება კაპიტალურ მშენებლობასთან დაკავშირებული საკუთარი, ძირეული ლექსიკა და იგი ამ მიზნით იყენებს ძირითადად ქართველური ენა-კილოებიდან შეთვისებულ ტერმინებს...

¹⁰⁶³ ვრცლად იხ.: თ. გვანცელაძე. ქართველიზმები აფხაზურ ბოტანიკურ ტერმინოლოგიაში და აფხაზთა ისტორიული მიგრაციის მიმართულებანი. - გიორგი როგავას (საიუბილეო კრებული). თბ., 1997; ნ. მაჭავარიანი. მცენარეთა ლექსიკა აფხაზურში (სემანტიკურ-სტრუქტურული ანალიზი). თბ., 2006.

¹⁰⁶⁴ მ. ბუკია. მეცხენეობისა და ცხენოსნობის ლექსიკა ზანურში. თბ., 2006, გვ. 183.

¹⁰⁶⁵ მ. ბუკია. აფხაზური წარმოშობის აფუნის სემანტიკური ველი მეგრულში. - საენათმეცნიერო ძიებანი, ტ. 10. თბ., 2000, გვ. 243-245.

¹⁰⁶⁶ ი. ბებია. მეგრული ნასესხობანი აფხაზურ სამიწათმოქმედო ლექსიკაში. - XX რესპუბლიკური დიალექტოლოგიური სამეცნიერო სესიის მასალები. თბ., 2000, გვ. 27-30.

¹⁰⁶⁷ თ. გვანცელაძე. აფხაზურ საცხოვრებელთა ძირითადი ტიპები და მათი სახელწოდებანი. - არნ. ჩიქობავას სახელობის ენათმეცნიერების ინსტიტუტის 57-ე სამეცნიერო სესიის მასალები. თბ., 1998, გვ. 20-21; შდრ. ი. ადამია. ქართული ხალხური ხუროთმოძღვრება, წ. II. თბ., 1968.

ამრიგად, ზემოთ განხილული ენობრივი მასალა სრულიად უეჭველად ადასტურებს, რომ აფხაზთა წინაპრების თავდაპირველი საცხოვრისი არ ყოფილა თანამედროვე აფხაზეთის ტერიტორია და ისინი აქ არ სახლობდნენ XVI საუკუნემდე.

თავი XII. აფხაზეთი XVIII საუკუნის დასაწყისიდან 80-იან წლებამდე

XVII-XVIII სს. მიჯნაზე დასავლეთ საქართველო თურქეთის პოლიტიკური გავლენის სფეროში რჩებოდა. იმერეთის მეფეს, ოდიშის, გურიის, აფხაზეთის მთავრებს ტახტზე სულთანი ამტკიცებდა. მათი ოსმალეთზე დამოკიდებულება სულთნისათვის ყოველწლიური მისართმეველის - „ქრთამის“ გაგზავნაში გამოიხატებოდა. რაც შეეხება სასულიერო ხელისუფლებას, ის თურქეთზე არაფრით იყო დამოკიდებული და მაჰმადიანობის მოძალბას ენერგიულად ებრძოდა¹⁰⁶⁸. დასავლეთ საქართველოს ხელისუფალნი ყოველ ხელსაყრელ შემთხვევას იყენებდნენ, რომ ოსმალთა დამოკიდებულებიდან გათავისუფლებულიყვნენ.

1702წ. ახალციხის ფაშას ყოველწლიური მისართმეველის მიცემა შეუწყვიტეს იმერეთის, გურიის, ოდიშის მესვეურებმა, რითაც ოსმალეთის მორჩილებაზე უარი თქვეს. მორჩილებიდან გამოვიდნენ აფხაზებიც, რომლებიც თურქ ვაჭრებს თავს ესხმოდნენ. ქართველებს ოსმალეთისთვის რამდენიმე ციხეც წაურთმევიათ¹⁰⁶⁹. ამ ამბებს უშუალო კავშირი ჰქონდა რუსეთის იმდროინდელ ანტითურქულ გეგმებთან. პეტრე I-ის მიერ 1696წ. თურქებისთვის აზოვის ციხის წართმევამ და რუსეთის ფლოტის შავ ზღვაზე გამორჩენამ დასავლეთ საქართველოს მესვეურებს გარკვეული იმედები ჩაუსახა.

ბრწყინვალე პორტამ გადამჭრელ ზომებს მიმართა. 1703წ. ზაფხულში ოსმალები დასავლეთ საქართველოში შეიჭრნენ. მოსახლეობა მტერს მედგარ წინააღმდეგობას უწევდა, მაგრამ მომხდურთა სიმრავლემ და ფეოდალურმა განკერძოებულობამ დამპყრობთა წარმატებას ხელი შეუწყო. ოსმალებმა გურიის ციხეები დაიკავეს, შემდეგ ოდიშში შეიჭრნენ და ააოხრეს, რუსში მეციხოვნეები ჩააყენეს, ზღვისპირას ახალი დასაყრდენის შექმნის მიზნით ანაკლიის ციხე ააშენეს. იმავდროულად ოსმალებს ხომალდები გაუგზავნიათ აფხაზების წინააღმდეგ, რომლებმაც „შექმნეს ზოგიერთი არეუ-დარევა სანაპიროებზე“¹⁰⁷⁰. დასავლეთ საქართველო სრული დაპყრობის საფრთხის წინაშე იდგა, მაგრამ მალე ვითარება შეიცვალა. სტამბოლში აჯანყდა საქართველოში გამოსაგზავნად გამზადებული ჯარი, რასაც თურქეთში ხელისუფლების შეცვლა მოჰყვა. ახალმა სულთანმა აჰმედ III-მ (1703-1730წწ.) დასავლეთ საქართველოდან ლაშქრის გამოწვევა ბრძანა, რადგან პორტას ლაშქრობის გაგრძელება არ შეეძლო.

ოსმალები მხოლოდ ბათუმის, ფოთის, რუხის, ანაკლიის ციხეებში დარჩნენ. მალე მათ წინააღმდეგ ბრძოლა გაიშალა. 1704წ. ზაფხულში ოდიშის მთავარმა ოსმალთა მიერ დაკავებულ ციხეებზე მიიტანა იერიში. მას აფხაზებიც ეხმარებოდნენ. ქუთაისის ყადის ელჰაჯ ომერის 1704წ. 1 სექტემბრით დათარიღებულ წერილში ნათქვამია, რომ დადიანი მორჩილებიდან გამოვიდა, ხმელეთზე აჯანყებულ დადიანს ზღვაზე აფხაზები შეუერთდნენ და თურქთა ხელში მყოფი რუხისა და ანაკლიის ციხეები დაიკავეს. თუმცა მალე ეს ციხეები კვლავ ოსმალებმა დაიბრუნეს¹⁰⁷¹.

ოდიშის ლაშქარი აფხაზებთან ერთად ოსმალთა წინააღმდეგ ბრძოლას განაგრძობდა, თავს ესხმოდა ციხეებში გამაგრებულ ოსმალებს და აწიოკებდა. 1714წ. დიდი სიძნელეები შეჰქმნიათ რუხისა და ანაკლიის თურქ მეციხოვნეებს „აფხაზ და

¹⁰⁶⁸ . ისტორიული დოკუმენტები იმერეთის სამეფოსა და გურია-ოდიშის სამთავროებისა (1466-1770წწ.), შპურჯანაძის რედაქციით. თბ., 1959, გვ. 45; ქ. ჩხატარაიშვილი. საქართველოს საგარეო ურთიერთობათა ისტორიიდან..., გვ. 43-44; საქართველოს ისტორიის ნარკვევები, ტ. IV, გვ. 455.

¹⁰⁶⁹ . ქართლის ცხოვრება, ტ. IV, გვ. 863; მეჰმედ რაშიდი. ისტორია, ტ. II, გვ. 581; იხ. ვაჩიანი. მეჰმედ რაშიდის ცნობები..., გვ. 25.

¹⁰⁷⁰ . ქართლის ცხოვრება, ტ. IV, გვ. 863-864; ქ. ჩხატარაიშვილი. საქართველოს..., გვ. 58-61; მისივე: დასავლეთ საქართველო. - საქ. ისტ. ნარკვევები, ტ. IV, გვ. 457-458; ი. ტაბაღუა. საქართველო-საფრანგეთის ურთიერთობა. თბ., 1972, გვ. 63.

¹⁰⁷¹ . ნ. შენგელია. ოსმალური დოკუმენტური წყაროები ანაკლიისა და რუხის ციხეების შესახებ, გვ. 21, 23-27.

მეგრელ ურწმუნო ყაჩაღთა“ თავდასხმების გამო. ოსმალები იძულებული გახდნენ რუხის ციხე დაეცალათ, თუმცა 1719წ. მიწურულს თურქებმა ციხე კვლავ დაიკავეს და 65 მეციხოვნე ჩააყენეს¹⁰⁷².

20-იანი წლების დასაწყისში აღმოსავლეთ ამიერკავკასიის მიმართულებით რუსეთის იმპერია გააქტიურდა. რუსეთის წინსვლამ კასპიისპირეთში, ურთიერთობამ საქართველოს სამეფო-სამთავროებთან ოსმალეთის მმართველი წრეების შეშფოთება გამოიწვია. 1723წ. ოსმალეთმა, რომელმაც სეფიანთა დინასტიის დაცემის (1722წ.) შემდეგ ირანის ჩრდილოეთი და ცენტრალური ოლქები დაიკავა (1723წ.), სასწრაფოდ გადმოისროლა დამატებითი ძალები კავკასიაში და რუსეთი აიძულა, შეეწყვიტა წინსვლა კასპიისპირეთში. იმავე წლის ივნისში თურქებმა თბილისი აიღეს. პორტამ შავი ზღვის აღმოსავლეთ სანაპიროც გაამაგრა, თავიდან ააშენეს ფოთისა და სოხუმის ციხეები, დაარღიეს რუხის ციხე და მისი ქვებით კიდევ უფრო გაამაგრეს ანაკლია. ოსმალთა მეციხოვნეები ჩადგნენ ციხისძირში, ანაკოფიასა და ბიჭვინთაში¹⁰⁷³. ფოთს 200 თურქი მეციხოვნე იცავდა, სოხუმის ციხეში 100 მეციხოვნე იდგა 10 ზამზურაკით (საციხო თოფებით); ანაკლიის ციხეში 10 მეციხოვნე იყო. ამდენივე იდგა ზამზურაკებით ანაკოფიაში. 1725წ. ოსმალებმა ფოთში ორთულიანი ფაშა დასვეს და მას შავი ზღვის აღმოსავლეთ სანაპიროს გამგებლობა ჩააბარეს¹⁰⁷⁴. ერთი თურქული წყაროს ცნობით, 1722წ. სოხუმის ციხის მფლობელად მოხსენიებულია როსტომ-ბეგის ძმისწული გიორგი¹⁰⁷⁵. ეს როსტომ-ბეგი უნდა იყოს ზეგნაყ შარვაშიძის შვილი, რომელმაც ძმებთან ერთად აფხაზთა მიწა-წყალი გაინაწილა. ამრიგად, ოსმალეთი დაეუფლა შავი ზღვის სანაპირო პუნქტებს. მოსახლეობა თურქთა ძალადობას არ ურიგდებოდა. ოსმალთა მემკვიდრის ქუჩები ჩელები ზადეს ცნობით, აფხაზები ზღვიდან და ხმელეთიდან ნიადაგ თავს ესხმოდნენ ოსმალებს, რომლებიც სოხუმში ციხეს აშენებდნენ. ამიტომ ისინი იძულებული გამხდარან, თავი მოეყარათ მთელი თავიანთი ძალებისათვის და ამ გზით დაემორჩილებინათ აფხაზეთი¹⁰⁷⁶.

1725წ. გაზაფხულზე ოდიშის მთავარი ბეჟან დადიანი და იმერეთის მესვეურები ოსმალთა წინააღმდეგ გამოსვლისათვის ემზადებოდნენ, მაგრამ ეს გამოსვლა ვერ განხორციელდა. იმავე წელს აფხაზებმაც სცადეს თურქთა განდევნა სოხუმის ციხიდან, მაგრამ ეს ცდაც უშედეგოდ დამთავრდა¹⁰⁷⁷. ამის თაობაზე რუსეთის დესპანი სტამბოლში ა.რუმიანცევი და რეზიდენტი ი.ნეპლიუევი იტყობინებოდნენ: „სამეგრელოს ცნობილი მთავრის ბეჟან დადიანის მიერ დაწყებული არეულობა იზრდება და თითქოს აფხაზეთში, შავი ზღვის სანაპიროზე ახლადაგებული ერთ-ერთი ციხიდან თურქები განდევნეს“-ო; 1726წ. 22 ივნისს ა.რუმიანცევი იტყობინებოდა სამეგრელოსა და აფხაზეთში ახალი არეულობის შესახებ; 1728წ. აფხაზებმა ისევ შემოარტყეს ალყა სოხუმის ციხეს. თურქები ეჭვობდნენ, რომ დასავლეთ საქართველოში ანტიოსმალური გამოსვლები რუსეთის მხარდაჭერით ხორციელდებოდა და მას ქართლის დევნილი მეფე ვახტანგ VI (1703-1724წწ.) ხელმძღვანელობდა¹⁰⁷⁸. 1728წ. ახალციხელი ისაყ ფაშას შეიღმა აფხაზები შემოირიგა, ხოლო ანტიოსმალური ბრძოლის მოთავე ბეჟან დადიანი დალატით მოაკვლევინა.

მიუხედავად ამისა, ოსმალთა აგრესიის წინააღმდეგ ბრძოლა დასავლეთ საქართველოში არ ჩამცხრალა. ოსმალებმა ვერ შეძლეს საქართველოს, მათ შორის აფხაზეთის, სრული დამორჩილება. დამპყრობლები მათ მიერ დაკავებულ ციხეებშიც

¹⁰⁷² . იქვე, გვ. 90-92, 97.

¹⁰⁷³ . ქათბი ჩელები. ისტორიულ მოვლენათა კალენდარი, გვ.135; ქათბი ჩელების ცნობები..., გვ.134, 253; ქართლის ცხოვრება, ტ. IV, გვ. 883; შ.ბურჯანაძე. ლიხთ-იმერეთის 1737წ. რუკა, როგორც საქართველოს ისტორიის პირველწყარო, - ხელნაწერთა ინსტიტუტის მოამბე, 1. თბ.,1959, გვ. 192-197; ქჩხატარაიშვილი. დასავლეთ საქართველოს. - საქ. ისტ. ნარკვევები, ტ. IV, გვ. 461-462.

¹⁰⁷⁴ . შ.ბურჯანაძე. ლიხთ-იმერეთის 1737წ. რუკა, გვ.183; ქჩხატარაიშვილი. დასავლეთ საქართველო..., გვ. 462.

¹⁰⁷⁵ . ქათბი ჩელების ცნობები..., გვ. 134.

¹⁰⁷⁶ . ნ.შენგელია. XV-XIX საუკუნეების საქართველოს ისტორიის ოსმალური წყაროები, გვ.116.

¹⁰⁷⁷ . ქჩხატარაიშვილი. დასავლეთ საქართველო..., გვ. 467.

¹⁰⁷⁸

თავს მყარად ვერ გრძობდნენ¹⁰⁷⁹. ეს იყო პერიოდი, როდესაც შარვაშიძეები, ვახუშტი ბატონიშვილის გადმოცემით, „არავის მორჩილებასა შინა“ არ იმყოფებოდნენ¹⁰⁸⁰.

1730წ. გაზაფხულზე ოსმალებმა გადაწყვიტეს ბათუმიდან აზოვამდე ზღვის სანაპიროს საბოლოოდ დაპყრობა და ჯიქების დამორჩილება. ლაშქრობას, რომელშიც იმერეთის მეფეც მონაწილეობდა, ფოთის ფაშა სარდლობდა. ოსმალებმა ოდიში მოარბიეს. მოსახლეობა, ვიდრე აფხაზეთამდე, მდ.ღალიძგამდე, სრულიად დახიზნულიყო. „არბევდნენ ოსმალნი და იმერნი და სტყუევნიდნენ, სადა ვის ჰპოვებდნენ, - წერს ვახუშტი ბატონიშვილი, - შევიდნენ ოსმალნი ილორს, არამედ ხატნი და ჯუარნი და სახმარნი ეკლესიისანი დაეხიზნათ. შეუდევს ცეცხლი, მოწვეს ეკლესია და აღძარცვეს კრამიტი ბრპენისა და მოსპნეს დახატულებანი და შემდგომად განვლეს და მივიდნენ აფხაზეთს“. აფხაზეთა მთავარმა წინააღმდეგობა გაუწია მათ, მაგრამ დამარცხდა და მორჩილება გამოაცხადა. ოსმალებმა მთავარი და მისი ახლობლები ძალით გაამაჰმადიანეს, რის შემდეგაც, თურქები ჯიქეთისაკენ დაიძრნენ. იმერეთის მეფე მიხვდა, რომ ოსმალთა ლაშქრობაში მონაწილეობას მხოლოდ უბედურება მოჰქონდა მისი ქვეყნისთვის, ამიტომ თავისი ლაშქრით გზიდან გამოიპარა. მალე აფხაზეთიც აჯანყდნენ და ოსმალებმა ვეღარ გააგრძელეს ლაშქრობა. აფხაზეთმა მათი დიდი ნაწილი გაუღიბეს, ნაწილი გაიქცა. ფაშამაც გაქცევით უშველა თავს¹⁰⁸¹. თუმცა მოგვიანებით ოსმალებმა კვლავ აღადგინეს თავიანთი გავლენა აფხაზეთზე. 1730-31წწ. სოხუმის ციხეში ალი არსლან ბეგის ხელმძღვანელობით ოსმალთა 70-დან 100-მდე მეციხოვნე იდგა; 1731-1735წწ. ოსმალები ანაკოფიის ციხეშიც იდგნენ - 70 კაცი.¹⁰⁸²

აფხაზეთი კარგად გრძობდნენ საფრთხეს, რასაც დასავლეთ საქართველოში თურქების გაბატონება უქადდა მათ, ამიტომ, ოდიშთან დაპირისპირების მიუხედავად, ქართველებთან ერთად ებრძოდნენ დამპყრობლებს; ამავე დროს მონაწილეობდნენ ფეოდალურ შინაომში და ამ ბრძოლაში ოდიშის მთავარს უჭერდნენ მხარს. ეს ალბათ ოსმალთა აგრესიის წინააღმდეგ ოდიშარ-აფხაზეთა ერთობლივი ბრძოლის, შარვაშიძეებსა და დადიანებს შორის დამყარებული მჭიდრო ურთიერთობის შედეგი იყო.

მალე ანაკოფიიდან და ბიჭვინთიდან თურქი მეციხოვნეები გაიყვანეს, სამაგიეროდ, პორტამ სოხუმის ციხე გააძლიერა. 1737წ. აქ ორთულიანი ფაშა იჯდა, რომელსაც ანაკლიის ციხეც ემორჩილებოდა. სოხუმის ციხის გარნიზონი 200 იანიჩარისაგან შედგებოდა, ხოლო შეიარაღებაში 60 ქვემეხი იყო¹⁰⁸³.

შინაომებისა და ოსმალთა შემოსევებისაგან დასავლეთ საქართველო საშინლად იყო აოხრებული. მიიმე მდგომარეობა შეიქმნა აფხაზეთში, რომელიც შინაურმა არეულობამ მოიცვა. აფხაზეთა მთავრები ფაქტობრივად ვერ აკონტროლებდნენ სიტუაციას. შავი ზღვის სანაპიროზე ტყვის მსყიდველები თარეშობდნენ. მათ შორის განსაკუთრებით აფხაზეთი აქტიურობდნენ. ვახუშტი ბატონიშვილის ცნობით, აფხაზეთი „დაუადებოდა ოსმალთა ნავთა და ლაზ-ჭანთა და უფროსად ოდიშ-გურიასა“¹⁰⁸⁴. ისინი მოულოდნელად ადგებოდნენ ნაპირს, ვისაც მოიხელთებდნენ, იტაცებდნენ და თურქებზე ყიდდნენ, ან აფხაზეთში მონებად ასახლებდნენ¹⁰⁸⁵. ამასთან, აფხაზეთიც ხშირად განიცდიდა მეზობელი მთის ტომების თავდასხმებს, ქვეყნის შიდა რაიონებში ხშირად იჭრებოდნენ თავისუფალი აფხაზური თემების – წებელის, დალის, ფსხუს, აჭიფის – მკვიდრნი¹⁰⁸⁶. ერთი გადმოცემით, აფხაზეთა მეზობელმა მთის ტომებმა წებელისა და დალის თემების მკვიდრთა მხარდაჭერით – მძარცველური თავდასხმის დროს მოარბიეს დრანდა, მერხეული, კვიტოული, დიდძალი ნადავლი და ტყვე იგდეს ხელთ და

¹⁰⁷⁹ . ს.ჯიქია. დოკუმენტები ოსმანთა გარნიზონის სოხუმში ყოფნის ეპიზოდის შესახებ. – საქართველო და აღმოსავლეთი. თბ., 1984, გვ.217-223.

¹⁰⁸⁰ . ქართლის ცხოვრება, ტ. IV, გვ. 784.

¹⁰⁸¹ . იქვე, გვ. 887-888.

¹⁰⁸² . ნ.შენგელია. ოსმალური „ქუჩუქ ბერათები“ სოხუმის ციხის შესახებ. – ახლო აღმოსავლეთი და საქართველო. თბ., 1991, გვ.311-314;, გვ. 274-286.

¹⁰⁸³ . შ. ბურჯანაძე. ლიხთ-იმერეთის 1737 წ. რუკა,, გვ.123, 225-226.

¹⁰⁸⁴ . ქართლის ცხოვრება, ტ. IV, გვ.785.

¹⁰⁸⁵

¹⁰⁸⁶

XVII-XVIII, 2 –, 1951, გვ. 156.

., I., 1864, გვ.45;, XXIX,

., 1958, გვ.78,81.

ჩრდილოეთ კავკასიაში გადავიდნენ. აფხაზთა მთავარი ჯიქეშია ამ ტომების მეთაურებთან მოსალაპარაკებლად გაემართა. მოლაპარაკება წარმატებით დამთავრდა, მაგრამ უკან დაბრუნებული მთავარი ღამით ტყეში გადააწყდა მარბიელთა ჯგუფს და მათთან შეტაკებაში დაიღუპა¹⁰⁸⁷.

აფხაზთა სამთავრო ტახტზე ჯიქეშიას უფროსი ვაჟი მანუჩარი ავიდა. ამ პერიოდში ოსმალებმა მოახერხეს აფხაზეთისა და ჯიქეთის დამორჩილება. ამის შემდეგ ისინი სულ უფრო აქტიურად ერეოდნენ სამთავროს საშინაო საქმეებში და მხარს უჭერდნენ სამთავრო სახლის მოწინააღმდეგე ძალებს. 30-იან წლებში ოსმალებმა ტახტიდან ჩამოაგდეს მანუჩარ შარვაშიძე და ორ უმცროს ძმასთან - ზურაბთან და შირვანთან ერთად ოსმალეთში გააგზავნეს, სადაც ძალით გაამაჰმადიანეს. აფხაზეთის გამგებლობა სოხუმის კომენდანტად დანიშნული ჯიქის ასლან-ბეი გეჩის ხელში გადავიდა. ამ პერიოდში აფხაზეთში დიდი გავლენა მოიპოვა სამთავრო სახლის მეტოქე ძაფშიფების საგვარეულომ, რომლის გაძლიერებასაც მხარს უჭერდა ასლან-ბეი გეჩი. ძაფშიფებმა დაიკავეს სოხუმის მიდამოები, ტერიტორია მდინარეებს ფსირცხასა და კოდორს შორის და მთავრის კუთვნილი მთელი რიგი ფეოდალური შემოსავლები მიითვისეს¹⁰⁸⁸.

შარვაშიძეებმა მალე მოახერხეს ოსმალებთან საერთო ენის გამონახვა. ასე რომ, 1744წ. მანუჩარ შარვაშიძე ბათუმის ბეგად იჯდა, ზურაბი - სოხუმისა, ხოლო შერვანი ფაშას ტიტულით განაგებდა რიონის (ფოთის) ციხესა და ჭანეთს, რიხეს „ამოდმა“¹⁰⁸⁹. ერთი ცნობით, ზურაბი დიდი ამბით მიიღეს აფხაზეთში, მაგრამ გაქრისტიანება მოსთხოვეს, ისიც მოინათლა ილორის ეკლესიაში და ამის შემდეგ სამთავრო ტახტი დაიკავა¹⁰⁹⁰. როგორც ჩანს, აფხაზეთში ჯერ კიდევ ცოცხალი იყო ტრადიცია, რომ აფხაზეთის მთავარი ქრისტიანი უნდა ყოფილიყო. ზურაბს ვაჟიშვილი არ ჰყავდა, ამიტომ ოსმალეთიდან ჩამოიყვანა თავისი ძმისწული ქელაიშ-აჰმედ-ბეი (ქელეშ-ბეი) მანუჩარის ძე, რომელიც ახალგაზრდობიდან მძევლად იყო სტამბოლში და ტახტის მემკვიდრედ გამოაცხადა. შემდეგ, ზურაბმა ბათუმიდან ჩამოიყვანა მეორე ძმისწული ბექირ-ბეი შერვანის ძე, რომელსაც აბუეა უბოძა. აფხაზთა მთავარმა ძაფშიფების ძლიერი და გავლენიანი საგვარეულოს მისამხრობად მათი ასული შერთო ქელეშ-ბეის, რასაც ძაფშიფების ოპოზიციის რამდენადმე შესუსტება მოჰყვა¹⁰⁹¹.

XVIII ს. შუა ხანებში აფხაზეთის საზღვარი სამხრეთ-აღმოსავლეთით მდ.ღალიძგაზე გადიოდა, სადაც მას ოდიში ესაზღვრებოდა; ჩრდილო-დასავლეთით – მდ.ბზიფზე (კაპპეტის წყალი), სადაც ჯიქეთი ესაზღვრებოდა¹⁰⁹². მდ.ღალიძგასა და მდ.ენგურს შორის მდებარე ტერიტორია – სამურზაყანო - ოდიშის სამთავროს შემადგენლობაში შედიოდა, თუმცა ამ მხარის მმართველებად აფხაზეთის სამთავრო სახლის გვერდითი შტოს წარმომადგენლები დარჩნენ. ამის გამო სამურზაყანოს აღმნიშვნელად ამ ხანის ქართულ წყაროებში მკვიდრდება ტერმინები: „ხემო აფხაზეთი“ და „სამურზაყანო აფხაზეთი“¹⁰⁹³. იგი კვლავ ქართულ რეგიონად რჩებოდა და ოდიშის შემადგენლობაში იმყოფებოდა. აღსანიშნავია სამურზაყანოს მაშინდელი მფლობელის ხუტუნია შარვაშიძის თავდადება ხრესილის ბრძოლაში (1757წ.), როცა ქართველთა გაერთიანებულმა ლაშქარმა სოლომონ I-ის მეთაურობით ოსმალები დაამარცხა.

XVIII ს. 60-იან წლებში აფხაზეთში თურქული გარნიზონი მხოლოდ სოხუმის ციხეში იდგა. იმერეთის მეფის სოლომონ I-ის ელჩის, მიტროპოლიტ მაქსიმე ქუთათელის მიერ 1769წ. შედგენილ იმერეთის აღწერილობაში აღნიშნულია, რომ სოხუმი არის ნავსადგური და ციხე, სადაც ოსმალთა გარნიზონი იდგა¹⁰⁹⁴. რუსი ოფიცერი, კაპიტანი იაზიკოვი 1770წ. მოხსენებაში, შავი ზღვის სანაპირო სიმაგრეთა შორის ასახელებს

1087 .

... გვ. 246.

1088 . ბ. ხორავა. ოდიშ-აფხაზეთის ურთიერთობა XV-XVIII სს. თბ., 1996, გვ.131.

1089 . ქ. ჩხატარაიშვილი. დასავლეთ საქართველო... გვ. 469.

1090 .

...გვ.247.

1091 . ბ. ხორავა. ოდიშ-აფხაზეთის ურთიერთობა XV-XVIII სს., გვ.131-132.

1092 . ქართლის ცხოვრება, ტ. IV, გვ. 783; ბ.ხორავა. ოდიშ-აფხაზეთის ურთიერთობა XV-XVIII სს., გვ.132.

1093 . ბ. ხორავა. ოდიშ-აფხაზეთის ურთიერთობა XV-XVIII სს., გვ.132.

1094 .

XVIII

აყუს, ანუ სოხუმს, სადაც დგას ოსმალთა გარნიზონი და მცხოვრებნიც ყველანი თურქები არიან¹⁰⁹⁵.

XVIII ს. II ნახევარში დასავლეთ საქართველოში გააქტიურდა ოსმალთა დამპყრობთა წინააღმდეგ ბრძოლა, რასაც მნიშვნელოვანწილად შეუწყო ხელი იმ გარემოებამ, რომ იმერეთ-ოდიშ-გურიის მესვეურნი ერთად გამოდიოდნენ საერთო მტრის წინააღმდეგ, მაგრამ სოლომონ I-მა კარგად იცოდა, რომ საბოლოო გამარჯვების მისაღწევად საკუთარი ძალები საკმარისი არ იყო, ამიტომ როგორც ქართლ-კახეთის მეფე ერეკლე II (1762-1798წწ.), სოლომონიც რუსეთთან კავშირს ეძიებდა. 1768წ. რუსეთ-ოსმალეთის ახალი ომი (1768-1774წწ.) დაიწყო. ომის თეატრმა ამიერკავკასიაც მოიცვა. ერეკლე II და სოლომონ I რუსეთის დახმარებით ფიქრობდნენ თურქთა განდევნას საქართველოდან. 1769წ. საქართველოში რუსეთის საექსპედიციო კორპუსი შემოვიდა, რომელიც 1770წ. ივნისიდან ქართველებთან ერთად თითქმის ორ წელს დასავლეთ საქართველოში ეწეოდა საომარ მოქმედებებს ოსმალთა წინააღმდეგ. მოკავშირეთა ერთ-ერთი მთავარი მიზანი საქართველოს შავიზღვისპირეთიდან თურქების განდევნა იყო. 1770წ. ოქტომბერში რუსეთის კორპუსი ფოთისკენ დაიძრა. კორპუსის სამეგრელოში შემოსვლისას ოსმალებმა რუხისა და ანაკლიის ციხეები დაცალეს და ისინი ოდიშის მთავარმა დაიკავა. ამის შემდეგ ტოტლებენმა დადიანთან ერთად ფოთს ალყა შემოარტყა, რომელიც სამთვენახევარს გაგრძელდა. 1771წ. თებერვალში სოლომონ I-მა ტოტლებენს აცნობა, რომ ზურაბ და ქელემ-ბეი შარვაშიძეები აპირებდნენ, რუსეთის კორპუსს თავს დასხმოდნენ, რათა აეძულებინათ, ფოთს გასცლოდა. მართლაც, აფხაზები თავს დაესხნენ რუსთა კორპუსს და ცხენები გაიტაცეს¹⁰⁹⁶. 1771წ. ზაფხულში რუსთა კორპუსმა ფოთს კვლავ შემოარტყა ალყა, თუმცა ისევ უშედეგოდ. ოდიშის ლაშქრის შემადგენლობაში ფოთთან იბრძოდა სამურზაყანოს მფლობელი ლევან შარვაშიძეც თავისი რაზმით. იმავდროულად აფხაზები აჯანყდნენ თურქების წინააღმდეგ. აფხაზთა მთავარმა ზურაბ შარვაშიძემ და სამურზაყანოს მფლობელმა ლევან შარვაშიძემ შეუპოვარი ბრძოლის შედეგად დაიკავეს სოხუმის ციხე და თურქები განდევნეს, მაგრამ მალე უთანხმოება ჩამოვარდა ზურაბ და ლევან შარვაშიძეებს შორის და ამ უკანასკნელმა ციხე თურქებს მიჰყიდა, თუმცა, ისინი ძლივს უმკლავდებოდნენ აფხაზთა თავდასხმებს. ამ ამბების შემდეგ ბრწყინვალე პორტა უკვე აღარ ენდობოდა ზურაბ შარვაშიძეს და ყოველმხრივ უჭერდა მხარს ქელემ-ბეის, თუმცა ამჯერად მაინც ვერ გაბედა ზურაბისათვის მთავრობა ჩამოერთმია¹⁰⁹⁷.

70-იან წლებში იმერეთის ციხეებიდან თურქები განდევნეს. ქუჩუკ-კაინარჯის ზავის (1774წ. 10 ივლისი) დადების შემდეგ, ოსმალეთი ხელავდა, რომ იმერეთს კარგავდა, ამიტომ ოდიშში ცდილობდა პოზიციების განმტკიცებას. ასეთ ვითარებაში, პორტამ ხელი შეუწყო აფხაზი „ბატონების“ ლაშქრობას ოდიშზე. ოსმალები შეუთანხმდნენ აფხაზებს; ზურაბ შარვაშიძე, სოხუმის (აყუს) ციხის მფლობელი ქელემ-ბეი და აბუჟას მფლობელი ბექირ-ბეი შეკავშირდნენ; ოდიშის მთავარს განუდგა სამურზაყანოს მფლობელი ლევან შარვაშიძეც და ისიც სხენებულ შარვაშიძეებს შეუერთდა¹⁰⁹⁸. „შეიყარა სრულიად აფხაზეთი თავისი ბატონებით, შარვაშიძეები, ჯიქი, ალანი, და ჩერქეზი, სხვანი კიდევ უცხო ჯარები იყო ცხენოსანი და ქვეითი ჯაბახანით, თოფხანით, ზარბაზნებით“ და ოდიშისაკენ დაიძრნენ¹⁰⁹⁹. ზოგიერთი წყაროს ცნობით, ამ ლაშქრობას მთავარი ზურაბ შარვაშიძე კი არ სარდლობდა, არამედ ქელემ-ბეი. საფიქრებელია, რომ თურქები სწორედ ქელემ-ბეის შეუთანხმდნენ ლაშქრობაზე და ზურაბმა ჩათრევას ჩაყოლა ამჯობინა¹¹⁰⁰.

კაცია II დადიანმა დახმარებისათვის იმერეთის მეფეს მიმართა. სოლომონმა თავის ლაშქარს სოფხანძაში უბრძანა თავმოყრა, აქვე დაიბარა გურიელიც. ბანიდან მეფე თავისი ჯარით მალევე მივიდა რუხის ციხემდე. ბრძოლა გაიმართა 1780 წლის მარტში

¹⁰⁹⁵ . იქვე, გვ. 261.

¹⁰⁹⁶ . ვ. მაჭარაძე. მასალები..., ნაწ. III, ნაკვ. 2, გვ. 42-45.

¹⁰⁹⁷ . ბ. ხორავა. ოდიშ-აფხაზეთის ურთიერთობა XV-XVIII სს., გვ.161.

¹⁰⁹⁸ . ნ. დადიანი. ქართველთა ცხოვრება, გვ.180; ქჩხატარაიშვილი. დასავლეთ საქართველო XVIII ს. 70-80-იან წლებში, გვ.665.

¹⁰⁹⁹ . ქ. ჩხატარაიშვილი. დასავლეთ საქართველო XVIII ს. 70-80-იან წლებში, გვ. 665.

¹¹⁰⁰ . ბ. ხორავა. ოდიშ-აფხაზეთის ურთიერთობა XV-XVIII სს., გვ.162.

ს.რუხში. ნ.დადიანი ბრძოლის სურათს ასე გადმოგვცემს: „შემდგომად რაოდენისამე უამისა მოვიდენ აფხაზნი და მოურიდებლად გამოვიდნენ ენგურს და დასდგენ პირისპირ მათსა. მეორესა დღესა ამხედრდენ აფხაზნი და წარმოემართნენ ზარბაზან-არტილერიითა და დიდძალითა მხედრებითა მეფესა და დადიანსა ზედა. აქათ მიეგებნენ სპანი მეფისა და დადიანისანი და შეიქმნა საშინელი ბრძოლანი. მაშინ მეფე ამხედრდა ჩვეულებითა კისკასითა გულითა და წარუძღვა რაოდენსამე გუნდსა მხედრობასა იმერეთ-ოდიშართასა და მიუხტა მარჯვენით კერძო მამაცად და მრავლისა ურთიერთისა განგლიჯა რაზმი, და შევიდენ სპანი მეფისა და დადიანისა რაზმსა შუა და მხილველი ამისი აფხაზნი ვერ წინააღუდგენ, და ივლტოდენ აფხაზნი და გაემარჯვათ სახელოვნად მეფესა და დადიანსა“¹¹⁰¹. რუხის ბრძოლამ, რომელიც ქართველთა ლაშქრის ბრწყინვალე გამარჯვებით დამთავრდა, ბოლო მოუღო აფხაზების შემოტევას ოდიშის სამთავროზე. ეს ბრძოლა ქართველობამ თავიდანვე აღიქვა, როგორც ბრძოლა ქრისტიანობასა და მაჰმადიანობას შორის. ქართველთა სიმამაცემ და მხნეობამ ოდიში აფხაზ-ჯიქჩერქეხთა წაღვევისაგან იხსნა, რომელთა ზურგს უკან ოსმალეთი და მისი ვასალი ყირიმის ხანი იდგნენ.

XVIII საუკუნეში აფხაზეთში ქრისტიანობა სულს დაფავდა, ახალმა მოსახლეობამ თან ჩამოიტანა წარმართობა, ვრცელდება ისლამიც. დასავლეთ საქართველოს მღვდელმთავრები ზრუნავდნენ ქრისტიანობის აღორძინებისათვის აფხაზეთში, თუმცა ამას მაშინდელ პირობებში არსებითი შედეგი არ მოჰყოლია. ს.-ს. ორბელიანის მიერ საფრანგეთის იმპერატორის ლუი XIV-ის სახელზე შედგენილ მემორანდუმში (1714წ.) აფხაზეთის კათოლიკოსის გრიგოლ ლორთქიფანიძის (1696-1742წწ.) თხოვნით შევიდა პუნქტი კათოლიკე მისიონერების გაგზავნის შესახებ ჩერქეზეთსა და აფხაზეთში ქრისტიანობის ასაღორძინებლად¹¹⁰², თუმცა მათი ჩამოყვანა ვერ მოხერხდა.¹¹⁰³ XVIII საუკუნის 60-იანი წლების მიწურულს აფხაზთა მძლავრობის გამო სამურზაყანოში ბედიის კათედრაც გაუქმდა¹¹⁰⁴. დრანდის, მოქვისა და ბედიის ეპარქიების გაუქმების შემდეგ აფხაზეთში მხოლოდ ილორის წმ.გიორგის ეკლესია მოქმედებდა, რომელიც ცაიშის ეპარქიაში შედიოდა. მიტროპოლიტი გრიგოლ ცაიშელი (1777-1823წწ.) აღნიშნავდა: „მახლობელობისათვის სამურზაყანო აფხაზეთსაც ვმწყსიდი და ვიღვწოდი, რათა სარწმუნოება განმრავლებით მრავალთა შორის მტკიცედ გებულ იყო“¹¹⁰⁵. იგი ბევრს იღვწოდა ქრისტიანობის გავრცელებისათვის აფხაზეთში, ბევრიც მონათლა და ბევრჯერ დაიფარა ეპარქია აოხრებისაგან. XVIIIს. მიწურულს იგი თავის ანდერძში აღნიშნავდა: „გულმოდგინებით მაქვნდა აფხაზეთის ერნი გარდაქვეულნი სარწმუნოებისაგან, რომელიც ხელმისაწოთმელ იყო ჩემ მიერ, იგინი მომეყვანა სარწმუნოებად და მრავალნიცა მოქცეული იქმნენ და მონათლულ. სიფრთხილითა და დეაწლითაცა ჩემითა დაეფარე მრავალგზის წარტყვევნისაგან წარმართთასა საეკლესიო მამული და საეპარხიოცა“¹¹⁰⁶.

სამურზაყანოს ქართველობა მართლმადებლობას, ასე თუ ისე, ინარჩუნებდა. განსხვავებული ვითარება იყო აფხაზეთში, სადაც ჩამოსახლებულმა წარმართებმა ბოლო მოუღეს ქრისტიანობას. მთელი XVIIIს. განმავლობაში მდ.ღალიძგის ჩრდილო-დასავლეთით არ ფუნქციონირებდა არცერთი ეკლესია, აფხაზეთის დევნილ კათოლიკოსებს და სამღვდელეობას ფეხიც არ დაუდგამთ ახალ, წარმართულ აფხაზეთში¹¹⁰⁷.

XVIIIს-ში ქართული და აფსუური ეთნოსების, შესაბამისად, ქართული ქრისტიანული კულტურისა და ჩრდილოეთ კავკასიიდან ჩამოტანილი წარმართობის შერწყმის საფუძველზე მიმდინარეობდა თანამედროვე აფხაზი (აფსუა) ერის ფორმირების პროცესი. ამან განაპირობა ახალი აფხაზების რელიგიური წარმოდგენების გაორება;

¹¹⁰¹ . ნ.დადიანი. ქართველთ ცხოვრება, გვ.180.

¹¹⁰² . ი.ტაბაღუა. სულხან-საბა ორბელიანის ელჩობა საფრანგეთში. – მაცნე, ისტორიის... სერია, 1965, №3, გვ. 84.

¹¹⁰³ . ჯ. გამახარია. აფხაზეთი და მართლმადიდებლობა, გვ. 302-303.

¹¹⁰⁴ . ბ.ხორავა. ბედიის საეპისკოპოსო. – საისტორიო ძიებანი, III. თბ., 2000, გვ. 41.

¹¹⁰⁵ . ა. ტულუში. ცაიშის საეპისკოპოსო. ზუგდიდი, 2001, გვ. 97.

¹¹⁰⁶ . იქვე, გვ.65.

¹¹⁰⁷ . ჯ. გამახარია. აფხაზეთი და მართლმადიდებლობა, გვ. 303-309.

ერის ჩამოყალიბების აღნიშნულმა თავისებურებამ განსაზღვრა ქართველებისა და აფხაზების კულტურათა და ტრადიციათა სიახლოვე.¹¹⁰⁸

მიუხედავად წარმართობის დამკვიდრებისა, აფხაზეთში ქრისტიანობა სავსებით არ აღმოფხვრილა და მისი ნაკვალევი დარჩა ასიმილირებული მკვიდრი ქართველების რწმენასა და ყოფაში. აფხაზეთში შემორჩა ილორის (ელირნიხა), ქიაჩის (ქიანნიხა), ლიხნის, ბიჭვინთის, ლაშქენდარის თაყვანისცემა; ამავე დროს მკვიდრდება ახალი სალოცავები: ინალ-კუბა (ინალის საფლავი ფსხუში), დიდრიფში (სოფ.აჭანდარა), ლაფირნიხ (სოფ.ბლაბურხვა), ჩიგურ-ნის (სოფ.ჯირხვა), აგა-ნიხა (სოფ.მარმარისკარი) და სხვ. აღსანიშნავია, რომ მათი ერთი ნაწილი ქრისტიანული ეკლესიების ადგილას იყო, ნაწილი კი, აშკარად შემოტანილია აფხაზეთში ჩამოსახლებული ტომების მიერ. XVIII საუკუნიდან აფხაზეთში ვრცელდება ისლამი, მაგრამ ამ საუკუნის პირველ ნახევარში მას ფართო მასშტაბებისთვის არ მიუღწევია. პირველად მხოლოდ მოსახლეობის ზედაფენა – სამთავრო სახლი და ფეოდალური წრეები გამაჰმადიანდნენ.

XVIII-ის აფხაზეთი დიდად განსხვავდებოდა წინა ეპოქების აფხაზეთისაგან. არსებითად, ეს იყო ახალი აფხაზეთი, ახალი პოლიტიკური ერთეული ბევრად მეტი ტერიტორიით, მოსახლეობის განსხვავებული ეთნიკური შემადგენლობით, სხვა სარწმუნოებით, უფრო მაღალი სტატუსით (საერისთაო ფაქტობრივად იქცა სამთავროდ), ქართულ სამყაროსთან შესუსტებული კავშირით და თურქეთის გაზრდილი გავლენით. მიუხედავად ყოველივე ამისა, სამთავრო სახლი და წარჩინებულთა წრე პირად ნათესაურ ურთიერთობაში იყო ოდიშის, იმერეთის, გურიის მმართველ სახლებთან და წარჩინებულ საგვარეულოებთან. აფხაზთა მთავრები თავს ქართულ სამყაროს მიაკუთვნებდნენ. საქართველოსა და იმერეთის მეფეთა უზენაესობას ფორმალურად, მაგრამ მაინც აღიარებდნენ. გვიან შუა საუკუნეებში ქართული ენა აფხაზეთში რამდენადმე თმობს პოზიციებს. ვახუშტი ბატონიშვილი თავისი დროის აფხაზების შესახებ წერდა: „ენა საკუთარი თვისი აქუსთ, არამედ უწყიან წარჩინებულთა ქართული“¹¹⁰⁹. ქართულ ენაზე მუშაობდა კვლავაც მთავრის კანცელარია. ს.-ს.ორბელიანი, რომელიც პარიზიდან და რომიდან სამშობლოში ბრუნდებოდა, 1714 წლის დეკემბერში მალტაში შემთხვევით ქართველებს შეხვდა. „ქართველნიც ვნახე – ზოგი აფხაზი, ზოგი იმერელი, გურული, მეგრელი, რომ თათრისათვის წაერთმიათ, - წერდა საბა. – ენა ისევ კარგად იცოდნენ. აფხაზმა რატომ იცოდა, ის გამიკვირდა, ქართული“¹¹¹⁰. გაკვირვების მიზეზი ახალ აფხაზეთში არსებული სრულიად განსხვავებული ვითარება უნდა ყოფილიყო.

¹¹⁰⁸ . იქვე, გვ. 321-322.

¹¹⁰⁹ . ქართლის ცხოვრება, ტ. IV, გვ. 786.

¹¹¹⁰ . ქართული მწერლობა, ტ. VII, თბ., 1989, გვ. 272.

**თავი XIII. აფხაზეთი XVIII. მიწურულსა და XIXს.
დამდებს. აფხაზეთის შესვლა რუსეთის „მფარველობაში“**

XVIIIს. მიწურულს ოსმალეთი ცდილობდა პოზიციები განემტკიცებინა აფხაზეთში, ამიტომ შეეცადა თავიდან მოეშორებინა პროქართულად განწყობილი ზურაბ შარვაშიძე და მის წინააღმდეგ ქელეშ-ბეი წააქეზა. „დროსა ამას, - წერს ნ.დადიანი, - შეიშურვენ ურთიერთისადმი შარვაშიძე ზურაბ, რომელი ფლობდა ზუფუს და ძმისწული მისი ქელაიშ-აჰმედ-ბეგ, რომელი ფლობდა აყუს და მიმდგომსა მისსა.“ ზურაბ შარვაშიძემ ოდიშის მთავარ კაცია დადიანს სთხოვა დახმარება. დადიანმა სასწრაფოდ შეყარა ლაშქარი, სარდლად თავისი ძმა გიორგი ჩაუყენა და აფხაზეთში გაგზავნა. „მივიდნენ რა აფხაზეთს, ურჩნი ზურაბისანი მოსწვეს, მოსწყვიდეს და შემდგომად მოადგნენ ცხომის ციხეს.“ მეციხოვნეების დიდი წინააღმდეგობის მიუხედავად გიორგი დადიანის ძემ ციხე აიღო და ურჩნი ისევ ზურაბ შარვაშიძეს დაუმორჩილა¹¹¹.

ამრიგად, ზურაბ შარვაშიძემ ოდიშის მთავრის დახმარებით შეინარჩუნა ხელისუფლება. დადიანისათვის, რა თქმა უნდა, აფხაზეთის ტახტზე სასურველი იყო პროქართული ორიენტაციის ზურაბ შარვაშიძე, ვიდრე თურქოფილი ქელეშ-ბეი. ამ პერიოდში, აფხაზეთა სამთავროს მხარეებიდან შუა სოფელს, ანუ აბუუსს, ტერიტორიას მდ.დალიძგასა და მდ.კოდორს შორის, ფლობდა ზურაბ შარვაშიძის ძმისწული ბექირ-ბეი; სოხუმის ციხეს (აყუ) და გუმისთის აფხაზეთს, ანუ ტერიტორიას მდ.კოდორსა და მდ.გუმისთას შორის - ქელეშ-ბეი; ბზიფის აფხაზეთს, ტერიტორიას მდ.გუმისთასა და მდ.ბზიფს შორის, - ზურაბ შარვაშიძე, რომელიც აფხაზეთის დანარჩენ მხარეთა სიუზერენია¹¹².

მიუხედავად განცდილი მარცხისა, პორტა აფხაზეთის მიმართ თავისი გეგმის განხორციელებას ჯიუტად ცდილობდა. მისი მორიგი მცდელობა წარმატებით დასრულდა. 80-იანი წლების დასაწყისში ქელეშ-ბეიმ ოსმალთა დახმარებით ტახტიდან ჩამოაგდო ზურაბ შარვაშიძე და თვითონ გამთავრდა. იმავედროულად პოლიტიკური მოსაზრებით მთავრის რეზიდენცია ლიხნიდან, სამთავროს ძველი პოლიტიკურ-ადმინისტრაციული ცენტრიდან, სოხუმის ციხეში გადმოიტანა, სადაც თურქი მეციხოვნეები იდგნენ¹¹³. თანამედროვეთა დახასიათებით, ქელეშ-ბეი იყო მამაცი, საზრიანი, ჭკვიანი ადამიანი. მას დიდი სახელი ჰქონდა ხალხში და გავლენით სარგებლობდა დასავლეთ კავკასიის მთიელებში. როდესაც მთავარი გახდა, ქელეშ-ბეი გაშორდა ცოლს - ძაფშიფების ასულს, რომელიც პოლიტიკური გარიგებით შერთეს. ამის შემდეგ ის დაქორწინდა დაბალი წარმომშობის ქალზე, გვარად ლეიბაზე (ტომით ჯიქი) სოფ.მუგუბირხვადან¹¹⁴. ამით ქელეშ-ბეი ძაფშიფების გავლენიან საგვარეულოს დაუპირისპირდა, რადგან ტრადიციით, ცოლის გაშვება სირცხვილი იყო ქალის გვარისათვის და მისი ზღვევა მხოლოდ სისხლით შეიძლებოდა.

ქელეშ-ბეი მტკიცე მმართველი გამოდგა. მან თავიდანვე დაიწყო ზრუნვა მთავრის ხელისუფლების განმტკიცებისა და ცენტრალიზაციისათვის: დაამარცხა და დაიმორჩილა თავისი მეტოქე ბიძაშვილი, აბუუსის მმართველი ბექირ-ბეი, რომელსაც ანჩაბაძეთა მსხვილი და გავლენიანი ფეოდალური საგვარეულო უჭერდა მხარს, დაიმორჩილა

¹¹¹ . ნ. დადიანი. ქართველთ ცხოვრება, გვ.181.
¹¹² . ნ.დადიანი. ქართველთ ცხოვრება, გვ. 183-184; - საისტორიო მოამბე, 1953, №7, გვ.244.
¹¹³ XVII-XVIII . 2- , 1951, გვ.82;
. , I , 1988, გვ. 22.
¹¹⁴ , გვ.231, 244.

წებელის მფლობელი მარშანიებიც, ცდილობდა თავისი გავლენა სამურზაყანოზეც გაეგრძელებინა. დაქუცმაცებული სამთავროს გაერთიანებასა და ცენტრალური ხელისუფლების განმტკიცებისათვის ბრძოლაში მან მაქსიმალურად გამოიყენა ოსმალეთის მხარდაჭერა, ამასთან მჭიდრო ურთიერთობა დაამყარა ჯიქებთან და უბიხებთან. ამრიგად, ქელეშ-ბეიმ განამტკიცა თავისი ხელისუფლება და მთელი აფხაზეთის მბრძანებელი გახდა. მას ანგარიშს უწევდნენ იმერეთის მეფე და ოდიშის მთავარიც. ერთი ცნობით, ქელეშ-ბეის მნიშვნელოვანი შეიარაღებული ძალა ჰყავდა, რომელიც 10 ათასი მეომრისაგან შედგებოდა, ჰყავდა აგრეთვე „კარგად შეიარაღებული გაღერებისაგან“ შემდგარი ფლოტილია.

ქელეშ-ბეის ძალაუფლება გარკვეულწილად შეზღუდული იყო სოსუმში დისლოცირებული ოსმალთა გარნიზონის უფროსის მიერ. პორტა დიდ ყურადღებას უთმობდა მისთვის სტრატეგიულად მნიშვნელოვანი სოსუმის ციხისა და ნავსადგურის შენარჩუნებას. სელიმ III-ის (1789-1807წწ.) ბრძანებით სოსუმში აიგო გემთსაშენი, სადაც ოსმალეთის სამხედრო ფლოტისათვის იაღქიანი საბრძოლო გემი „კილიდ ულ ბაჰირი“ ააგეს. შემდგომში პორტამ აფხაზეთში გემთმშენებლობა შეწყვიტა, რაც იმით იყო გამოწვეული, რომ სოსუმის გემთსაშენი იმპერიის ცენტრიდან შორს იყო, ვერ ხერხდებოდა დროულად გემის მშენებლობისათვის აუცილებელი მასალის მიწოდება, არ იყო საკმარისი რაოდენობით მუშახელი და სპეციალისტები¹¹¹⁵.

1784წ. სოლომონ I-ის გარდაცვალების შემდეგ იმერეთის მეფის ტახტი დავით გიორგის ძემ დაიკავა. ეს ის პერიოდი, როცა გიორგიევსკი ტრაქტატი უკვე ხელმოწერილია და თურქეთი ყოველნაირად ცდილობს დასავლეთ საქართველოს შენარჩუნებას. იმერეთის მეფე კი რუსეთთან ანალოგიური ტრაქტატის დადების მიზნით 1784წ. პეტრებურგში აფხაზეთის კათოლიკოს მაქსიმე II აბაშიძეს, ზ.წერეთელს და დ.კვინიხიძეს აგზავნის. იმერეთის ელჩების შეხვედრამ ეკატერინე მეორესთან 1784წ. 29 დეკემბერს შედეგი ვერ გამოიღო. 1787 წლიდან მაქსიმე II იმერეთის ახალ ელჩთან ბესარიონ გაბაშვილთან ერთად აგრძელებს დიპლომატიურ საქმიანობას. ისინი ცდილობდნენ აფხაზეთის მხრიდან რუსეთის ჯარების შემოყვანას, აფხაზეთისა და მთლიანად დასავლეთ საქართველოს ოსმალებისაგან გათავისუფლებას და ერთიანად რუსეთის მფარველობის ქვეშ შესვლას. მიზანს ვერც ახლა მიაღწიეს. ამასთან დაკავშირებით კათოლიკოსი მაქსიმე II სამეგრელოს სამღვდელთაგან 1792 წლის 27 ივლისს სწერდა, რომ რუსეთში იგი დარჩა „ამ მიზეზით: მაგ შავს ზღვის პირებზედ რომ ჯარი წამოვიდა, სათუოდ არა მქონდა, ანაფიას (ანაპის – ავტ.) აღების მერე აფხაზეთში და იმერეთში მოვლენ. ანაფია რომ აიღეს (1791წ. 22 ივნისს – ავტ.), იმასა და ბიჭვინთას შუა ორმოცდაათი ვერსის მეტი თურმე არ არის; ვიდას ეგონა იმ მხარეს გაუშვებდნენ!

მე ამას ვემზადებოდი: რაც იმ ჩვენ საყდარს (ბიჭვინთას – ავტ.) ეჭირვებოდა, სულ ხელმწიფეს მოვასხენებ და წყალობას ვსთხოვ ყოველსავე საჭიროებასა იმ ჩვენის ეკლესიისა, და უთუოდ იმედიც იყო აღსრულებისა. მაგრამ ჩემის ცოდვის ძალით, ესეც უსრული შეიქმნა და საუკუნო ტკივილი დაშთა სულსა შინა ჩემსა“.¹¹¹⁶ დასავლეთ საქართველოს (აფხაზეთიანად) გაერთიანების, ოსმალებისაგან მისი გათავისუფლების, ბიჭვინთის საკათოლიკოსო საყდრის აღდგენის ოცნება განუხორციელებელი დარჩა. მაქსიმე II სამშობლოში ვერ დაბრუნდა. 1795წ. 30 მაისს ის კიევში გარდაიცვალა და კიევ-პეჩორის ლავრაში ჰპოვა სამუდამო განსასვენებელი.

XVIII ს. 90-იან წლებში დასავლეთ საქართველოში ახალი ძალით იფეთქა ფეოდალურმა შინაომმა, რომელშიც ქელეშ-ბეიც ჩაერია. იმერეთის მეფემ, სოლომონ II-მ (1789-1810წწ.) მიზნად დაისახა დასავლეთ საქართველოს პოლიტიკური გაერთიანება. ამას ხელს უწყობდა საგარეო-პოლიტიკური ვითარებაც. თურქეთის იმპერია, რომელიც ცენტრიდანულ ძალებს უჭერდა მხარს, ამ დროს საკმაოდ დასუსტებული იყო და სათანადო კონტროლს ვერ უწევდა დასავლეთ საქართველოში მიმდინარე მოვლენებს. ამით ისარგებლა სოლომონ II-მ და ხელმწიფის პრეტენზიები გამოხატა. იგი თავს

¹¹¹⁵ . ზ.წერეთელი. აფხაზეთის ისტორიის ზოგიერთი საკითხი თურქულ ისტორიოგრაფიაში. – საისტორიო ძიებანი, V. თბ., 2002, გვ. 130-132.

¹¹¹⁶ . ჯ. გამახარია. აფხაზეთი და მართლმადიდებლობა, გვ. 331-339.

„ქუჭმლისა ივერიისა და სხუათა მეფეს“ უწოდებდა. მეფის მარჯვენა ხელი სოლომონ ლიონიძე წერდა, რომ „აფხაზეთი უძველესი დროიდანვე იმერეთისა იყო,“ მასვე ეკუთვნოდა ფოთის ციხეც. მეფე დადიანს უყურებდა როგორც ურჩ ყმას. მისი აზრით, მართალია, დადიანი „მთავრად დაიდგინა, მაგრამ მას მეფის წინააღმდეგობის უფლება არ ჰქონდა,“ იგი მეფის მორჩილი უნდა ყოფილიყო¹¹¹⁷. დასავლეთ საქართველოს მთავრებს სრულიად დამოუკიდებლად ეჭირათ თავი და იმერეთის მეფის უზენაესობას არ სცნობდნენ. 1792წ. შეთქმულებმა, რომლებსაც მხარს უჭერდა იმერეთის მეფე, გრიგოლ დადიანი გადააყენეს და მთავრად მისი უმცროსი ძმა მანუჩარი დასვეს. გრიგოლ დადიანმა სამურზაყანოს შეაფარა თავი¹¹¹⁸.

1794წ. იმერეთის ტახტის მაძიებელი დავით გიორგის ძე იმერეთში შეიჭრა და ქუთაისის ახლოს დაბანაკდა. იმერეთის მეფის დასახმარებლად მანუჩარ დადიანი მოვიდა ოდიშ-ლენსუმის ლაშქრით. ამავე დროს, სამურზაყანოდან გრიგოლ დადიანი გამოემართა მეფის წინააღმდეგ. „უამსა ამას, - წერს ნ.დადიანი, - შეკრბენ სამურზაყანო აფხაზნი შესაწყენად

გრიგოლ დადიანისა, ვინათგან იხილეს მფლობელი მათი განძებული უსამართლოდ,“ და ბანძის მახლობლად, მარსილში დაბანაკდნენ. სოლომონმა დასწრება გადაწყვიტა. იმერთა ლაშქარი დამით მოულოდნელად თავს დაესხა გრიგოლ დადიანს და დაამარცხა იგი. გრიგოლ დადიანმა აფხაზთა მთავარს მიმართა დახმარებისათვის. ქელეშ-ბეი აფხაზთა ლაშქრით ოდიშში გადავიდა და ხიბულაში დაბანაკდა. ამ დროს სოლომონს მოუვიდა ერეკლე II-ის გამოგზავნილი დამხმარე ჯარი ალექსანდრე ბატონიშვილის სარდლობით. სოლომონი 24 ოქტომბერს შეტევაზე გადავიდა და დაამარცხა დავით გიორგის ძე, რომელიც ამის შემდეგ გრიგოლ დადიანისა და ქელეშ-ბეის ბანაკში მივიდა. ქელეშ-ბეიმ თავი აარიდა იმერეთის მეფესთან ბრძოლას და აფხაზეთში დაბრუნდა¹¹¹⁹. 1798წ. გრიგოლ დადიანი კვლავ დაეუფლა ოდიშს, მაგრამ სოლომონს ამის შემდეგაც არ აუღია ხელი ოდიშის სამთავროს დამორჩილების განზრახვაზე, თუმცა გრიგოლ დადიანის ოდიშიდან განდევნა ვერ შეძლო. სოლომონ II, რადგან თავის მიზანს ვერ მიაღწია, ყოველ წელს იჭრებოდა ოდიშში იმერელთა და ლეკთა დაქირავებული ლაშქრით, „სტყვევნიდა მრავალსა ქრისტიანთა ტყვეთა, სწვიდა და აოხრებდა“ ოდიშს¹¹²⁰.

1802 წ. ზაფხულში იმერეთის მეფემ ისევ დაამარცხა გრიგოლ დადიანი. ოდიშის მთავარმა დახმარება კვლავ ქელეშ-ბეი შარვაშიძეს სთხოვა, „რომელსა ეპყრა ყოველი აფხაზეთი ვიდრე დალიძეამდე და მძლავრებდაცა დადიანის სამფლობელო სამურზაყანო აფხაზეთსა“¹¹²¹. აფხაზთა მთავარმა მიჰვალა მითხოვა. დადიანმა ტახტის მემკვიდრე ლევანი გაუგზავნა მძევლად. ამის შემდეგ ქელეშ-ბეი თავისი ლაშქრით, 20 ათასი მეომრითა და 3 ზარბაზნით ოდიშში გადმოვიდა და სოფელ აბედათში დაბანაკდა. შემოდგომაზე სოლომონ II ოდიშში შეიჭრა და მის შემომტკიცებას შეუდგა. ქელეშ-ბეიმ მეფესთან შებრძოლება ვერ გაბედა, დაუხავდა მას და აფხაზეთში დაბრუნდა¹¹²². გრიგოლ დადიანისთვის ცხადი შეიქნა, რომ საკუთარი ძალებით იმერეთის მეფის მძლავრობას წინ ვერ აღუდგებოდა, ამიტომ რუსეთის მფარველობაში შესვლა გადაწყვიტა და შესაბამისი თხოვნით მიმართა აღმოსავლეთ საქართველოში რუსულ ადმინისტრაციას.

როგორც ცნობილია, რუსეთთან მფარველობითი კავშირის ძიება 1801წ. რუსეთის იმპერიაში ქართლ-კახეთის სამეფოს ინკორპორაციით დამთავრდა. ამიერიდან აღმოსავლეთ საქართველოში რუსული მმართველობა დამყარდა. ქართლ-კახეთის შეერთების შემდეგ საქართველოს დანარჩენი პოლიტიკური ერთეულების რუსეთთან შეერთება მხოლოდ დროის საქმე იყო. რუსეთი ფლობდა მნიშვნელოვან სამხედრო-

¹¹¹⁷ . მ. დუმბაძე. დასავლეთ საქართველო XIX ს. პირველ ნახევარში. თბ., 1957. გვ.134-135.

¹¹¹⁸ . ნ. დადიანი. ქართველთ ცხოვრება, გვ. 186; მ. რეხვიაშვილი. იმერეთი XVIII საუკუნეში. თბ., 1982, გვ. 220.

¹¹¹⁹ . ნ. დადიანი. ქართველთ ცხოვრება, გვ. 186-188; ბ. ხორავა. ოდიშ-აფხაზეთის ურთიერთობა XV-XVIII სს., გვ. 167-168.

¹¹²⁰ . ნ. დადიანი. ქართველთ ცხოვრება, გვ. 190.

¹¹²¹ . იქვე, გვ. 192.

¹¹²² . . II, გვ. 577, № 688, გვ. 340; ნ. დადიანი. ქართველთ ცხოვრება, გვ. 192.

სტრატეგიულ პლაცდარმს და მისთვის უკვე ადვილი იყო რეგიონის პოლიტიკური ერთეულების ძალით დაპყრობა, ან „ნებაყოფლობით“ დამორჩილება.

პოლიტიკა დასავლეთ საქართველოს მიმართ აშკარად გამოჩნდა უკვე 1802 წელს, როცა საქართველოს მთავარსარდალსა და ასტრახანის გენერალ-გუბერნატორს, ფაქტობრივად, კავკასიის მთავარმართებელს, გენერალ პ.ციციანოვს (1802-1806წწ.) დაევალა ყველა ღონე ეხმარა დასავლეთ საქართველოს სამეფო-სამთავროების რუსეთთან მიერთებისა და შავი ზღვის კავკასიის სანაპიროზე განმტკიცებისათვის¹¹²³. გარკვეული მიზეზების გამო რუსეთის ხელისუფლება დასავლეთ საქართველოში ფრთხილად მოქმედებდა და მხარის უშუალო შეერთებისაგან თავს იკავებდა. მიუხედავად ამისა, პ.ციციანოვის მეცადინეობით მოხერხდა დასავლეთ საქართველოს სამეფო-სამთავროების რუსეთთან ფაქტობრივი მიერთება.

1803წ. გრიგოლ დადიანმა ხელი მოაწერა „სათხოვარ პუნქტებს“ მეფის რუსეთისადმი, სადაც ის ოდიშისა და აფხაზეთის მთავრად წარმოადგენდა თავს, რითაც პრეტენზიას აცხადებდა ამ მხარეზე. სამეგრელოს ნაწილად აფხაზეთის წარმოჩენას ისახავდა მიზნად აგრეთვე გრიგოლ დადიანის მიერ რუსეთში დესპანად გაგზავნილ არქიმანდრიტ პაფნოტი სოზიაშვილისთვის მოქვის ეპისკოპოსის ხარისხის მინიჭება¹¹²⁴. 1803წ. დეკემბერში გრიგოლ დადიანმა ხელი მოაწერა „სამფარველო“ ხელშეკრულებას და რუსეთის ხელმწიფის ერთგულებაზე დაიფიცა. იმავედროულად მდ.ხობისწყლის შესართავში გადმოსხდა რუსული პოლკი, რომელმაც სოფელ ყულევის ადგილას 1804წ. სიმაგრე რედუტ-ყალე ააგო. ეს იყო რუსების მიერ დაკავებული პირველი პუნქტი შავი ზღვის აღმოსავლეთ სანაპიროზე.

ცოტა უფრო ადრე, იმავე 1803წ. გრიგოლ დადიანმა პ.ციციანოვს აცნობა, რომ „ქელეშ-ბეგ შარვაშიძე, მფლობელი აფხაზეთისა, ეძიებს მფარველობასა რუსეთისა,“ და თითქოს ის არ იყო დამოკიდებული ოსმალეთზე და მან თვითონ სთხოვა სამეგრელოს მთავარს, რუსეთის ხელისუფლებასთან შუამავალი ყოფილიყო. პ.ციციანოვმა გრიგოლ დადიანს შესთავაზა, ერჩია ქელეშ-ბეისთვის, საგანგებო კაცი გამოეგზავნა თბილისში ან წერილობით განეცხადებინა თავისი სურვილი რუსეთის ქვეშევრდომობაში შესვლის შესახებ; ამასთან განეცხადებინა, რომ ფოთს თავისი ხალხით იცავდა არა იმიტომ, რომ ოსმალეთისაგან ჯამაგირს იღებდა, არამედ იცავდა როგორც საკუთარ სამფლობელოს, რომელიც მზად იყო გადაეცა რუსეთისთვის, ასევე ანაკლიაც. პ.ციციანოვი გრიგოლ დადიანს პირობას აძლევდა, რომ ყოველივე ეს შეწყნარებული იქნებოდა და ის „მფარველობას“ მიიღებდა. სამეგრელოს სამთავროს შეერთებით რუსეთი გზას იკაფავდა შავი ზღვის სანაპიროსკენ და შეეძლო ზეწოლა მოეხდინა იმერეთის სამეფოზეც. 1804წ. 25 აპრილს იმერეთის მეფე სოლომონ II იძულებული გახდა, რუსეთის მთავრობის მიერ ნაკარნახევი „სამფარველო“ პირობები მიეღო. 25 აპრილის ელაზნაურის „სამფარველო“ ხელშეკრულება გურიის სამთავროზეც ვრცელდებოდა, რადგან გურია იმერეთის სამეფოს შემადგენელ სამთავროდ ცხადდებოდა¹¹²⁵.

იმპერატორმა იმერეთის მეფესთან დადებული ხელშეკრულება და დადიანის „სათხოვარი პუნქტები“ 1804წ. 4 ივლისს დაამტკიცა. მალე საქართველოს მთავარსარდალმა „სამეგრელო-იმერეთისა და გურიის მმართველად“ საგანგებო მოხელე - გენერალი პ.ციციანოვი მოავლინა, რომლის მიზანი მეფე-მთავრებთან დადებული შეთანხმების პრაქტიკული ხორცშესხმა იყო.

რუსეთის ხელისუფლებას განსაკუთრებით აინტერესებდა შავი ზღვის კავკასიის სანაპირო და, კერძოდ, აფხაზეთი. 1803წ. 2 იანვარს იმერეთის მეფე სოლომონ II წერდა, რომ აფხაზეთს, ისევე როგორც სხვა მთიელებს (მათ შორის სვანებს, ჯიქებს, ალანებს), არ აქვთ კანონები (არიან беззаконные)¹¹²⁶. პ.ციციანოვმა აფხაზეთის შემოერთების ისტორიულ-ქრისტიანული საფუძველი განავითარა. იგი წერდა, რომ აფხაზეთი ივერიის (საქართველოს) პროვინცია იყო და აქ თურქებმა ცეცხლითა და მახვილით გაანადგურეს ადგილობრივი მოსახლეობა, გადაშენების პირამდე მიიყვანეს ქრისტიანობა

¹¹²³ . რ. ლომინაძე. რუსეთის ბატონობის დამყარება საქართველოში, გვ.127.

¹¹²⁴ . ჯ. გამახარია. აფხაზეთი და მართლმადიდებლობა, გვ. 343.

¹¹²⁵ . მ. დუმბაძე. იმერეთის სახელმწიფოს გაუქმება, გვ. 855-856.

¹¹²⁶ . . . II, გვ. 340-341.

და სხვა¹¹²⁷. როდესაც XIX ს. დამდეგს საქართველოს ტერიტორიის დიდ ნაწილზე რუსეთი გაბატონდა, ცხადია, აფხაზეთი ამ პროცესის მიღმა ვერ დარჩებოდა.

XIX ს. დასაწყისში კავკასიაში რუსეთის პოზიციების განმტკიცების შემდეგ ქელეშ-ბეი შარვაშიძე პოლიტიკური ორიენტაციის შეცვლის გაცნობიერებას იწყებს¹¹²⁸. თურქეთის მხარდაჭერით მან მიაღწია პოლიტიკური მიზნების განხორციელებას - აფხაზეთში გაბატონებას, მოწინააღმდეგე ფეოდალთა დამორჩილებას, ცენტრალური ხელისუფლების განმტკიცებას და სხვა, მაგრამ ვასალური დამოკიდებულება დესპოტურ იმპერიასთან მას უკვე სულს უხუთავს. იგი ეძიებდა უფრო მტკიცე საყრდენს და მფარველს, ვიდრე ოსმალეთი იყო. აფხაზეთა მთავარი კარგად ხედავდა, რომ საქართველოში თანდათან მტკიცდებოდა რუსეთის პოზიციები, ამასთან ღრმა კრიზისს განიცდიდა ოსმალეთის იმპერია. იგი ხვდებოდა, რომ დასავლეთ საქართველოში რუსეთის გაბატონების შემდეგ აფხაზეთის ჯერიც დადგებოდა, რადგან აფხაზეთი საქართველოს ისტორიული ნაწილი იყო¹¹²⁹. ამიტომ ქელეშ-ბეი რუსეთთან დაახლოებისკენ ისწრაფვის. საფიქრებელია, რუსეთის მფარველობა მით უფრო მნიშვნელოვანი იყო მისთვის, რომ სურდა საიმედოდ უზრუნველყო საფარ-ბეისათვის მემკვიდრის უფლება, რადგან უთანასწორო ქორწინების შედეგად შექმნილი შვილი არ შეიძლებოდა მემკვიდრე ყოფილიყო¹¹³⁰.

მიუხედავად ქელეშ-ბეის სურვილისა, დაახლოებოდა რუსეთს, ცარიზმი რთული საერთაშორისო ვითარების გამო სიფრთხილეს იჩენდა. პეტერბურგი კარგად ხედავდა, რომ მოსალოდნელი იყო ომი ნაპოლეონთან და ამიტომ ოსმალეთთან ურთიერთობის გამწვავება არ სურდა. თუმცა რუსეთი თავის მხრივაც დიდად იყო დაინტერესებული აფხაზეთის შეერთებით და ამ გზით დასავლეთ კავკასიაში პლაცდარმის მოპოვებით.

მიუხედავად იმისა, რომ ქელეშ-ბეი აქტიურად ეძიებდა რუსეთის მფარველობას, ოფიციალურად იგი არ წყვეტდა კავშირს ოსმალეთთან და მის სამსახურში იმყოფებოდა. ამდენად, მისი პოლიტიკა ორმაგი თამაში იყო¹¹³¹. თუმცა თანდათან იკვეთება ქელეშ-ბეის დაპირისპირება პორტასთან. მან, როგორც ჩანს, უკვე აშკარად გადაწყვიტა ჩამოშორებოდა ოსმალეთს და მხოლოდ საბაბს ეძებდა. ჯერ კიდევ 1803წ. გრიგოლ დადიანის რწმუნებულებმა კვინიხიძეებმა პ.ციციანოვს აცნობეს, რომ ქელეშ-ბეი „არაფრით არ იყო დამოკიდებული ოტომანის ბრწყინვალე პორტაზე“¹¹³². რუსეთის ხელისუფლებას აინტერესებდა, რამდენად გულწრფელი იყო ქელეშ-ბეის ერთგულება რუსეთისადმი და რა დამოკიდებულებაში იმყოფებოდა ის პორტასთან, რომელიც მას ქვეშევრდომად თვლიდა. პ.ციციანოვმა პ.ლიტვინოვს დაავალა, საიდუმლოდ ეწარმოებინა მოლაპარაკება ქელეშ-ბეისთან რუსეთის მფარველობაში შესვლის თაობაზე, თუმცა აფხაზეთა მთავრის სურვილის გულწრფელობაში ეჭვი ეპარებოდა. პ.ლიტვინოვმა შეისწავლა დასავლეთ საქართველოს პოლიტიკურ მესვეურთა ორიენტაციის საკითხი, შეკრიბა საჭირო მასალები ქელეშ-ბეის შესახებ და პ.ციციანოვს მოახსენა, რომ მისი ნდობა შეუძლებელი იყო¹¹³³.

ამ პერიოდში ქელეშ-ბეის ურთიერთობა გაურთულდა კავკასიაში რუსეთის სარდლობასთან მასთან მიმავლად მყოფი სამეგრელოს სამთავრო ტახტის მემკვიდრის გამო. 1804წ. 23 ოქტომბერს გრიგოლ დადიანი გარდაიცვალა. ტახტის მემკვიდრე, 12 წლის ლევანი აფხაზეთა მთავარს ჰყავდა მიმეველად. სამეგრელოს სამთავროს მესვეურებმა ქელეშ-ბეის სთხოვეს ტახტის მემკვიდრის გათავისუფლება, მაგრამ მან საზღაურად დიდი თანხა მოითხოვა. როდესაც ეს ცნობილი გახდა პ.ციციანოვისათვის, მან იმერეთსა და სამეგრელოში დისლოცირებული რუსეთის ჯარების სარდალს გენერალ-მაიორ ი.რიკოფს უბრძანა, თუ ქელეშ-ბეი ლევანს არ გაათავისუფლებდა, „წარვიდეს თვისითა რწმუნებულთა მხედრობითა აყუს და შემუსროს, რათა არა დაშთეს ქვა-ქვასა ზედა,

1127 . იქვე გვ. 463.

1128 . იქვე, გვ. 337-339.

1129 , გვ. 98-99. ნ. ქორთუა. საქართველო 1806-1812 წლების რუსეთ-თურქეთის ომში. თბ., 1964,

გვ.109.

1130

XIX . . . , 1940, გვ. 11.

1131 , გვ. 98-99.

1132 II, გვ. 536.

1133 . იქვე.

რომელ არა დაირღვეს, და გამოიყვანოს ლეონ და ქმნას თვისსა სამკვიდროსა ზედა მთავრად¹¹³⁴. 1805წ. მარტში ირიკოფმა თავისი რაზმით და სამეგრელოს სახალხო ლაშქრით გადალახა მდ.ენგური, 20 ვერსის სიღრმეში შეიჭრა, სოფლები დალაშქრა, სამურზაყანოს თავად-აზნაურებს რუსეთის ერთგულების ფიცი დაადებინა და მძევლები აიყვანა. შეტევის შემდგომი გაგრძელება შეაფერხა უგზობამ, ამიტომ გენერალი უკან მობრუნდა და გეზი ანაკლიისკენ აიღო. 28 მარტს ირიკოფმა სამ საათში აიღო კარგად გამაგრებული ანაკლიის ციხე და ზღვით სოხუმზე იერიშის მისატანად ემზადებოდა, როდესაც საომარი მოქმედებებით შეშინებულმა ქელეშ-ბეიმ 2 აპრილს ლევანი გაათავისუფლა, თავისი 8 მძევალიც გამოგზავნა და საომარი მოქმედებების შეწყვეტა ითხოვა¹¹³⁵. 16 აპრილს გენერალი ირიკოფი პ.ციციანოვს აცნობებდა, რომ აფხაზი თავადები, ვისგანაც მძევლები მიიღო, და ასევე ისინიც, ვინც წინათ დადიანის მორჩილებაში იყვნენ მდ.დალიძგამდე, კვლავ სამეგრელოს სამთავროს მფლობელობაში შემოვიდნენ, რაზეც ფიცი მისცეს ლევან დადიანს და სურთ რუსეთის მფარველობაში შესვლა¹¹³⁶.

რუსეთის გააქტიურება აფხაზეთის მიმართ მტკივნეულად განიცადა ოსმალეთმა. ანაკლიის ციხის აღების გამო, რომელსაც ქელეშ-ბეი ფლობდა, თუმცა ოსმალეთს ეკუთვნოდა და ოსმალთ მცვიხონეებიც იდგნენ, პორტამ რუსეთის ხელისუფლებას პროტესტი განუცხადა. ალექსანდრე I-მა სულთნისადმი გაგზავნილ წერილში ბოდიში მოიხადა ამ ინციდენტის გამო და აღნიშნა, რომ ეს ფაქტი შეცდომისა და გაუგებრობის ნიადაგზე მოხდა. ივლისში გენერალ პ.ლიტვინოვს შეხვდა ოსმალეთის რეის ეფენდი, რომელმაც კატეგორიულად მოითხოვა შავი ზღვის სანაპიროს „სოხუმიდან დაწყებული ვიდრე ბათუმამდე“ დაცლა¹¹³⁷. იმპერატორმა პ.ციციანოვს დაავალა დაებრუნებინა ოსმალეთისათვის ანაკლია, ხოლო სტამბოლში რუსეთის ელჩს იტალინსკის დაევალა, დაერწმუნებინა პორტა, რომ ეს არასასიამოვნო ფაქტი უცაბედი შეცდომის გამო მოხდა. ოსმალეთი აღნიშნული განმარტებით დაკმაყოფილდა. ოქტომბერში რუსებმა ქელეშ-ბეის ანაკლია დაუბრუნეს და ათასი მანეთიც გადასცეს მიყენებული ზარალის საზღაურად. ამასთან პ. ლიტვინოვმა კატეგორიულად გააფრთხილა პორტა, შარვაშიძისთვის ტყვის სყიდვა აეკრძალა¹¹³⁸. ამრიგად, ოსმალეთის მძაფრი პროტესტის გამო რუსეთის ხელისუფლებამ ენერგიული მოქმედება აფხაზეთში მიზანშეუწონლად მიიჩნია და კონფლიქტის გაღრმავებისაგან თავი შეიკავა.

1805წ. 9 ივლისს სოფ. ბანძაში სამეგრელოს ახალმა მთავარმა ლევან V დადიანმა (1805-1840) რუსეთის ერთგულების ფიცი დადო. ფიცი დადეს აგრეთვე ოდიოგან სამეგრელოს კუთვნილი სამურზაყანოს მფლობელებმა მანუჩარ და ლევან შარვაშიძეებმა: *„ჩვენ ქვემოთ ხელის მომწერნი, აფხაზეთის თავადნი, სამურზაყანოს მფლობელნი, შემოვედით ყმად ჩვენის ქვეყნით და თავად-აზნაურებით მისს იმპერატორობის დიდებულებისა ყოვლად უმოწყალესისა რუსთა ხელმწიფისა, ვფიცავთ ყოვლად ძლიერ ღმერთს და წმინდა სახარებას, რომ ვიყვნეთ ერთგულნი მონა და ყმანი სამინდლოდ და მის დიდებულობის ურჩობაში და დალატობაში არასდროს არ შევიდეთ და აგრეთვე თუ სხვათაგან დალატი ანუ ურჩობა შევიტყვეთ, დიახ სწრაფად შევატყობინოთ, საცა მართებული იყოს და, როგორც ზემო სწერია, ის არ აღვასრულო, ღეთისაგან და წმინდა სახარებისაგან შეჩვენებული ვიყვნეთ, და აგრეთვე ყოვლად უმოწყალესი ხელმწიფის ყმა ვიმყოფებით, აგრეთვე სამეგრელოს თვითმპყრობელი ლევან დადიანისა, რადგანაც ჩვენ ჩვენის ქვეყნით ვყოფილვართ სამეგრელოს თვითმპყრობელის თავადი დადიანისა“¹¹³⁹. ფიცი დამოწმებულია ჭყონდიდელი მიტროპოლიტის ბესარიონის (დადიანი) ბეჭდით.*

ამრიგად, სამურზაყანომ, სადაც XVIIIს. 90-იანი წლების მიწურულიდან ქელეშ-ბეის გავლენა ვრცელდებოდა, სამეგრელოს მთავრის უზენაესობა აღიარა. სამურზაყანოს რუსეთის მფარველობაში შესვლისა და დასავლეთ საქართველოში რუსეთის

1134 . ნ. დადიანი. ქართველთ ცხოვრება, გვ. 194.

1135 . . II, გვ. 510.

1136 . იქვე გვ. 514.

1137 . იქვე გვ. 518. ნ. ქორთუა. საქართველო 1806-1812 წლების რუსეთ-თურქეთის ომში, გვ. 111.

1138 . . II, გვ. 534; ნ. ქორთუა. საქართველო 1806-1812 წლების რუსეთ-თურქეთის ომში, გვ. 111.

1139 . . II, გვ. 527.

პორტა შეეცადა, სამხედრო ძალით დაემორჩილებინა ურჩი ვასალი. ამასთან ოსმალეთი დიდი ხანია დასავლეთ საქართველოში შეჭრისთვის საბაბს ეძებდა და ჩათვალა, რომ ხელსაყრელი დრო დაუდგა. საქმე ის იყო, რომ რუსეთის აქტიურობამ შავ ზღვაზე და ანაკლიის დაუფლებამ ოსმალეთი შეაშფოთა. 1806წ. იენისის დასაწყისში სულთანმა ახალციხისა და არზრუმის ფაშებს უბრძანა, ქელეშ-ბეის დასჯის მოტივით იმერეთსა და სამეგრელოში შეჭრილიყვნენ და შავი ზღვის სანაპიროს დაუფლებოდნენ. ხმელეთზე მოქმედი ჯარისთვის მხარი უნდა დაეჭირა საზღვაო ფლოტს.¹¹⁴⁹ ივლისში აფხაზეთის სანაპიროსკენ დაიძრა ოსმალეთის ესკადრა 11 ხომალდის შემადგენლობით იურიუკ ბაირახდარის მეთაურობით. საზღვაო ესკადრის მეთაური ცდილობდა, გადაებრებინა ზოგიერთი აფხაზი ფეოდალი, მათ შორის სამუზაყანოს მფლობელი მანუჩარ შარვაშიძე, მაგრამ უშედეგოდ. ქელეშ-ბეიმ რუსეთის ხელისუფლებას მიმართა დახმარების თხოვნით, მაგრამ რუსეთი აფხაზეთის საკითხში ისევ სიფრთხილეს იჩენდა. მიუხედავად ამისა, კავკასიის სარდლობამ მიიღო აღექსანდრე I-ის ბრძანება, თუ ოსმალეთის არმია სამეგრელოს გავლით აფხაზეთისაკენ დაიძრებოდა, მისთვის გზა მოეჭრათ¹¹⁵⁰.

ოსმალეთის აგრესიის მოსაგერიებლად ქელეშ-ბეიმ შეძლო 25 ათასი მეზობლის და-რაზმვა. აქედან, 10-12 ათასი იყო მხოლოდ აფხაზი, დანარჩენი - დაქირავებული ჩერქეზები. 25 ივლისს ოსმალეთის ესკადრა სოხუმს მიადგა, მაგრამ როდესაც თურქები დარწმუნდნენ, ქალაქი მტკიცედ იყო დაცული და ქელეშ-ბეის განზრახული ჰქონდა, მედგარი წინააღმდეგობის გაწევა, იძულებული გახდა, უკან გაბრუნებულიყო. ახალციხისა და არზრუმის ფაშებმაც აფხაზეთში ლაშქრობისაგან თავი შეიკავეს¹¹⁵¹. პორტასთვის ცხადი გახდა, რომ რა საბაბითაც უნდა მომხდარიყო ოსმალეთის ჯარების შეჭრა იმერეთსა და სამეგრელოში, რუსეთის ხელისუფლების მიერ ეს ფაქტი აღქმული იქნებოდა როგორც „სამშვიდობო ტრაქტატის“ დარღვევა, რადგან ეს კუთხეები რუსეთის მფარველობაში იმყოფებოდა. ამიტომ ოსმალეთის ხელისუფლებამ თავი შეიკავა ხმელეთით ჯარების გაგზავნისაგან. ამ დროიდან, როგორც თაიარ-ფაშა აღნიშნავდა, აფხაზთა მთავარი „სულთნის ბრძანებებს არ ასრულებდა“¹¹⁵².

მაღე აფხაზეთში პოლიტიკური სიტუაცია გართულდა. თურქეთმა გამოიყენა აფხაზეთის სამთავრო კარზე არსებული უთანხმოება და ქელეშ-ბეის მის მიერვე ათვალწუნებული უფროსი შვილი ასლან-ბეი დაუპირისპირა. ცოტა ხნით ადრე ქელეშ-ბეიმ სამთავრო ტახტის მემკვიდრეობის უფლება ჩამოართვა ასლან-ბეის, რომელიც მას პირველი ქორწინებიდან, ძაფში-იფას ქალისგან ჰყავდა და ეს უფლება გადასცა საფარ-ბეის. მას კი, როგორც დაბალი წარმოშობის ქალის შვილს, ტახტი არ ეკუთვნოდა. ოსმალეთის დიპლომატიის მიერ, რომელშიც შედიოდნენ ეშერელი ძაფში-იფები და ასლან-ბეი, თურქეთის მხარდაჭერით მომზადდა შეთქმულება აფხაზთა მთავრის წინააღმდეგ, მაგრამ ქელეშ-ბეი სასტიკად გაუსწორდა შეთქმულებს, მოაკვლევინა მასთან მოსალაპარაკებლად მიწვეული სამი ძმა ძაფში-იფა. ამ საგვარეულოს დანარჩენი წარმომადგენლები შურისძიების შიშით წებელში გაიქცნენ, მათი საგვარეულო მამული, მდ.შიცკვარას და მდ.აბაფშს (დამპალა) შორის, ქელეშ-ბეიმ თავის მამულს შეუერთა, რადგან ადათით, ძაფში-იფებმა, როგორც აბრაგად გავარდნილებმა, საკუთრებაზე უფლება დაკარგეს¹¹⁵³. ამრიგად, ქელეშ-ბეიმ სიტუაციის სტაბილიზაციას მიაღწია.

ასეთ ვითარებაში, ოსმალეთი რუსეთთან ომისათვის მზადებას შეუდგა. პორტა აძლიერებდა შავი ზღვის სანაპირო ციხეებს - ბათუმს, ფოთს, სოხუმს, სუჯუკ-კალეს, ანაპას, რათა ისინი რუსეთისათვის აუღებელ ფორპოსტებად ექცია. რუსეთის მთავრობა, რომელიც დღე-დღეზე მოელოდა ოსმალეთთან ომის დაწყებას, ცდილობდა შავი ზღვის სანაპიროს ციხე-სიმაგრეთა კომენდანტები მოესყიდა¹¹⁵⁴. რუსეთის საგარეო საქმეთა მინისტრმა ა.ბუდბერგმა 5 სექტემბერს კავკასიის ხაზისა და საქართველოს მთავარსარდალს ი.გულოვიჩს (1806-1809წწ.) აუწყა ხელმწიფის ნება, ოსმალეთთან

¹¹⁴⁹ . იქვე, № 905, გვ. 517, № 906, გვ. 517-518, №908, გვ. 518.

¹¹⁵⁰ . იქვე, გვ. 192-193; , . I, გვ. 133-134.

¹¹⁵¹ . , . III, გვ. 192-193; 519-520; №909, გვ. 519.

¹¹⁵² . იქვე, № 912, გვ. 521.

¹¹⁵³ . , . , გვ. 231.

¹¹⁵⁴ . ნ. ქორთუა. საქართველო 1806-1812 წლების რუსეთ-თურქეთის ომში, გვ. 114.

ურთიერთობის გაწვევითსთანავე გამოეცხადებინა ქელეშ-ბეისათვის რუსეთის ქვეშევრდომობაში ოფიციალურად მიღების შესახებ. ასეთ შემთხვევაში არ გაჭირდებოდა პეტერბურგიდან სიგელისა და ინვესტიტურის ქელეშ-ბეისათვის გაგზავნა¹¹⁵⁵. რუსეთის ხელისუფლება დიდად იყო დაინტერესებული აფხაზეთის დაუფლებით. შავი ზღვის ვრცელი სანაპირო ზოლი ანაპის ციხიდან მდ.ენგურის შესართავამდე და რიონის მარცხენა ნაპირიდან, - პორტას მფლობელობაში იყო, მათ შორის, სოხუმის, ისგაურის, ანაკლიის, ფოთის, ბათუმის, გონიოს ციხეები. ამიტომ აბუღბერგი 1806წ. 25 სექტემბრის წერილში ი.გუდლოვის სწერდა: „ეს ციხეები უძველესი დროიდან საქართველოს სამეფოს ეკუთვნოდა, ამიტომ არ შეიძლება, არ გავსურდეს ყველა ამ ადგილის რუსეთთან შეერთება და მთის ხალხების, ყუბანს იქით მცხოვრები ტომების, დამორჩილება, რომლებიც ანაპასა და სხვა თურქულ ციხეებში თავშესაფარს პოულობენ“¹¹⁵⁶.

1806წ. ოქტომბერში ქელეშ-ბეიმ თაიარ ფაშა თავრიდაში გაისტუმრა და ნება დართო, შეამდგომლობა გაეწია აფხაზეთის რუსეთის მფარველობაში მიღების საქმეში. ამასთან მას გადასცა ის მოთხოვნები, რა პირობებითაც სურდა რუსეთის მფარველობაში შესვლა. თაიარ-ბეიმ ნოვოროსიის გენერალ-გუბერნატორს ე.რიშელიეს გადასცა ქელეშ-ბეის მოთხოვნები, რომლებიც რვა მუხლისაგან შედგებოდა: აფხაზები მზად იქნებიან, ერთგულად ემსახურონ იმპერატორს ქვეშევრდომად აღიარების შემთხვევაში; ქელეშ-ბეი დარჩეს აფხაზთა მთავრად; ებოდოს მას ჩინი და დაენიშნოს წოდების შესაფერისი ჯამაგირი; მისი 6 შვილიდან უფროსს - საფარ-ბეის ებოდოს ასევე შესაფერისი ჩინი და დაენიშნოს ჯამაგირი; ხოლო მეორე შვილი მზად იყო პეტერბურგში სასწავლებლად (ფაქტობრივად, მძევლად) გაეგზავნა; ამასთან ითხოვდა 30 აფხაზი აზნაურის დაჯილდოებას; პორტას თავდასხმის შემთხვევაში მთავარი უნდა ყოფილიყო სათანადოდ მომარაგებული სურსათით; ქელეშ-ბეის სიმაგრე შეიარაღდეს რუსული ქვემეხებით და გაიგზავნოს იქ კანონირები; რუსეთში აკრძალული ტყვის სყიდვა აფხაზებს არ უნდა აკრძალვოთ, რადგან უამისოდ არსებობა არ შეუძლიათ. ამასთან ქელეშ-ბეი პირობას დებდა, რომ თავისი 6 ათასი მეომრით საქართველოს საზღვრებზე და თბილისის მახლობლად გააგრძელებდა რუსეთის ტახტისადმი სამსახურს, ხელისუფლებას ჰპირდებოდა ხე-ტყეს გემთმშენებლობისათვის, რამდენიმე კარგ ადგილს ნავმისადგომად, რომლებიც ზამთარში საიმედო თავშესაფარი იქნებოდნენ რუსეთის ფლოტისათვის¹¹⁵⁷.

ა. ბუღბერგი 1806წ. 14 ნოემბერს ე.რიშელიესადმი გაგზავნილ წერილში ხაზს უსვამდა აფხაზთა მთავრის რუსეთის ქვეშევრდომობაში მიღების მნიშვნელობას და რეკომენდაციას აძლევდა, ხელი მოეწერა ქელეშ-ბეისთან პრელიმინარული შეთანხმებისთვის მის მიერ წარმოდგენილ პირობებზე¹¹⁵⁸.

1806წ. 24 დეკემბერს პორტამ რუსეთს ომი გამოუცხადა. ამასთან დაკავშირებით 1807წ. 7 იანვარს აბუღბერგმა საგანგებო მიწერილობა გაუგზავნა ი.გუდლოვის და დაავალა, ეცადა სპარსეთთან ზავის დადება, ან დროებითი დაზავება მაინც; კავკასიაში არსებული რუსეთის მთელი ძალები საქართველოს მეზობელი თურქული ოლქების წინააღმდეგ წარემართა; ოსმალეთთან საბრძოლველად მიეწვია ქელეშ-ბეი, ყარსის ფაშა, ტრაპიზონის ფაშა თაიარი, რომელიც სულთანს შეურიგდა, და მოლაპარაკება დაეწყო ანაპის ციხის უფროსთან რუსეთის მფარველობაში შესვლის თაობაზე¹¹⁵⁹.

საომარი მოქმედებები დუნაის აუზში და ამიერკავკასიაში გაიშალა. ოსმალეთთან ახალი ომის (1806-1812წწ.) დაწყება ხელ-ფეხს უხსნიდა რუსეთს აფხაზეთის საკითხის მოსაგვარებლად. ომის დაწყებისას ქელეშ-ბეიმ რუსეთის სარდლობას აცნობა, რომ თურქებს განზრახული ჰქონდათ, თავს დასხმოდნენ ყუდევს, ამავე დროს აფხაზთა მთავარი საჭიროების შემთხვევაში ჯარის მიშველებას ითხოვდა¹¹⁶⁰.

1155 . . . III, გვ. 193.

1156 . იქვე, №918, გვ. 525-526.

1157 . იქვე, გვ. 191-192.

1158 . იქვე, გვ. 194-195.

1159 . იქვე, გვ. 531-532.

1160 . იქვე, გვ. 196.

ოსმალეთის მოკავშირე საფრანგეთი ცდილობდა, მტკიცე ანტირუსული ფრონტი შეექმნა. საფრანგეთის საგარეო საქმეთა მინისტრმა ტალეირანმა 1807წ. 20 იანვარს საფრანგეთის ელჩს თურქეთში სებასტიანს საგანგებო ინსტრუქცია მისცა: „აუცილებელია, რომ თურქეთის ესკადრამ იმოქმედოს შავ ზღვაში, სადაც რუსებს არ ძალუძთ მათ წინააღმდეგობა გაუწიონ... კეთილი ურთიერთობა შეინარჩუნეთ აფხაზთა მთავართან და დაარწმუნეთ ის, მონაწილეობა მიიღოს საერთო მტრის წინააღმდეგ დიდ დივერსიაში. დაე, ამ მთავარმა, არზრუმის ფაშამ, სპარსელებმა და პორტამ ერთდროულად შეუტონ საქართველოს, ყირიმსა და ბესარაბიას“¹¹⁶¹. როგორც ჩანს, ტალეირანისთვის ქელეშ-ბეი ცნობილი იყო როგორც პორტას ვასალი და მნიშვნელოვანი სამხედრო პოტენციალის მქონე მმართველი, რომლის გამოყენებას აუცილებლად თვლიდა. ამიტომაც რუსეთის მთავრობა არ ენდობოდა ქელეშ-ბეის, ფიქრობდა, რომ ის ორმაგ თამაშს ეწეოდა.

კავკასიაში საომარი მოქმედებები 1807წ. 8 თებერვალს თურქების რედუტ-ყალეზე (ყულევი) თავდასხმით დაიწყო. რუსებმა შეძლეს ამ შეტევის მოგერიება. რუსეთის სარდლობას გადაწყვეტილი ჰქონდა, ხელთ ეგდო შავი ზღვის სანაპირო სიმაგრეები - ანაპა, სოხუმი, ფოთი და სხვა. ამიტომ ი.გუდოვიჩს ებრძანა, არ შემოფარგლულიყო პასიური თავდაცვით, შეტევითი მოქმედება ეწარმოებინა ოსმალეთის წინააღმდეგ და ეს ციხეები დაეკავებინა. 1807წ. მაისში ი.გუდოვიჩი რუსთა და ქართველთა ლაშქრით ფოთისა და ახალქალაქის ციხეების აღებას შეეცადა, თუმცა უშედეგოდ. შემდგომში მოვლენები რუსეთის სასარგებლოდ წარიმართა - 1807წ. ივნისში ი.გუდოვიჩმა სასტიკად დაამარცხა სპარსეთი, ივლისში რუსეთ-საფრანგეთს შორის დაიდო ტილზიტის ზავი, ხოლო სპარსეთ-ოსმალეთის კავშირის გაფორმების მცდელობა ჩაიშალა.

კავკასიაში საომარი მოქმედებების მსვლელობისას ქელეშ-ბეის მომლოდინე პოზიცია ეკავა. ი. გუდოვიჩი 1807წ. 14 ივლისის წერილში ქელეშ-ბეისადმი უკმაყოფილებას გამოთქვამდა იმის გამო, რომ ის რუსეთის არმიას დახმარებას არ უწევდა და, უფრო მეტიც, ეჭვს აღძრავდა, რომ მოწინააღმდეგეს ეხმარებოდა. ი.გუდოვიჩი ქელეშ-ბეისაგან მოითხოვდა რუსეთისადმი ერთგულების დამტკიცებას ოსმალეთის წინააღმდეგ ომში ჩაბმით და აშინებდა, რომ მაშველ ჯარს ყულევთან თუ არ გამოიყვანდა, მაშინ „დიდ წყალობას,“ ანუ იმპერატორის მფარველობას ვერ მიიღებდა¹¹⁶². ქელეშ-ბეი ომში არ ჩაბმულა, მაგრამ მან საშუალება არ მისცა თურქებს დესანტი გადმოესხათ აფხაზეთის სანაპიროზე და ეს მხარე საომარი მოქმედებების პლაცდარმად ექციათ¹¹⁶³.

1807წ. აგვისტოში რუსეთსა და ოსმალეთს შორის დროებითი ზავი დაიდო. საზავო ხელშეკრულებით დასავლეთ საქართველოში რჩებოდა რუსეთის ჯარის ნაწილები, მტკიცდებოდა რუსეთის პოზიციები შავი ზღვის აღმოსავლეთ სანაპიროზე და ოსმალეთის ხელიდან შავიზღვისპირა პროვინციების, მათ შორის, აფხაზეთის, გამოსხნისათვის ნიადაგი მზადდებოდა¹¹⁶⁴.

1807წ. 23 აგვისტოს რედუტ-ყალედან სოხუმში ჩავიდა გემი „კონსტანტინე“, რომლის მეთაური იყო ფ.სკირნევესკი. იგი სოხუმში შეხვდა ქელეშ-ბეის. მისი ინფორმაციით, აფხაზთა მთავარი მოუთმენლად ელოდა ცნობას რუსეთის ქვეშევრდომობაში მიღების შესახებ. როდესაც ქვეშევრდომობაში მიიღებდნენ, იგი მზად იყო, თავისი 16 წლის შვილი პეტერბურგში გაეგზავნა სამხედრო სამსახურში; ამასთან თანახმა იყო, რუსეთის ფლოტის ხომალდებს სოხუმის რეიდისათვის თავი შეეფარებინათ. ფ.სკირნევესკიმ დაათვალიერა ციხე და ქალაქი. მისი დახასიათებით, ქელეშ-ბეი იყო დაახლოებით 60 წლის, ვაჟკაცური, მაღალი, კუნთმაგარი აგებულების ადამიანი.¹¹⁶⁵

ბრწყინვალე პორტასთვის ძნელი შეიქნა მემბოხე ვასალის დამორჩილება და მის წინააღმდეგ შეთქმულება მოაწყო. პორტას იარაღად კვლავაც ასლან-ბეი გამოადგა. მამასთან დაპირისპირების პერიოდში იგი აფხაზთა და ჯიქთა რაზმით თავს ესხმოდა სამეგრელოს სამთავროს სანაპირო სოფლებს და არბევდა. შემდეგ ის ეახლა ქელეშ-

1161 . . .
1958, გვ.145.

1162 . . . III, გვ. 197-198.

1163 . . . იქვე, გვ. 199.

1164 . ნ.ქორთუა. საქართველო 1806-1812 წლების რუსეთ-თურქეთის ომში, გვ. 185.

1165 . . . IV, გვ. 49-50.

ბეის და შეურიგდა მას, თუმცა, როგორც ჩანს, მამისა და ძმის - საფარ-ბეის ჩამოშორებას და გამთავრებას იმთავითვე ფიქრობდა¹¹⁶⁶. 1808წ. 2 მაისის დამეს ასლან-ბეი ბეჟან შარვაშიძესთან და თავის ამაღლასთან ერთად სოხუმის სასახლეში თავს დაესხა ქელეშ-ბეის, სასიკვდილოდ დაჭრა და შემდეგ ხმლით აკუწა¹¹⁶⁷. თავდასხმისას დაიჭრა ქელეშ-ბეის უმცროსი შვილი ბათალ-ბეიც. ასლან-ბეი დაეუფლა სოხუმის ციხეს და თავი აფხაზთა მთავრად და ოსმალეთის ქვეშევრდომად გამოაცხადა¹¹⁶⁸. ბრწყინვალე პროტამ მომხდარზე სასწრაფოდ მოახდინა რეაგირება და ასლან-ბეის სამხედრო და მატერიალური დახმარება გაუწია¹¹⁶⁹.

საფარ-ბეი (გიორგი), რომელიც ქელეშ-ბეის სიცოცხლეშივე იყო გამოცხადებული მემკვიდრედ, ზუფუში (ლიხნი) იმყოფებოდა. იგი შეეცადა საკუთარი ძალებით აეღო სოხუმის ციხე, მაგრამ ვერ შეძლო და სამეგრელოში წავიდა¹¹⁷⁰. მან წერილობით სთხოვა ნინო და ლევან დადიანებს, ეშუამდგომლათ იმპერატორის წინაშე რუსეთის მფარველობაში აფხაზეთის მიღების თაობაზე. თავის მხრივ, ნინო დადიანი საფარ-ბეის ჩააგონებდა, რომ სამთავრო უფლების განსამტკიცებლად მისთვის საუკეთესო საშუალება რუსეთის ქვეშევრდომობაში შესვლა იქნებოდა. სამეგრელოდან საფარ-ბეი დედოფალ ნინოს მეშვეობით დაუკავშირდა რუსულ ადმინისტრაციას, დახმარება ითხოვა და აცნობა თავისი მტკიცე გადაწყვეტილება, რუსეთის მფარველობაში შესულიყო¹¹⁷¹.

1808წ. 19 მაისის წერილით ი.გუდოვინმა ალექსანდრე I-ს აცნობა აფხაზთა მთავრის ქელეშ-ბეის მოკვლა შვილის, ასლან-ბეის მიერ და რომ იგი მთელი აფხაზეთის დაუფლებას ცდილობდა; ტახტის კანონიერი მემკვიდრე საფარ-ბეი დახმარებას ითხოვდა და პირობას დებდა, რომ რუსეთის ქვეშევრდომობაში შევიდოდა. ი.გუდოვინი აღნიშნავდა, რომ იქამდე არ შეეძლო მის დასახმარებლად ჯარის გაგზავნა, რადგან ეს საბაბს მისცემდა ოსმალეთს, ზავი დაერღვია¹¹⁷². სამეგრელოს დედოფალი ნინოც დაუკავშირდა რუსეთის ხელისუფლებას და ცდილობდა, აფხაზეთის ტახტზე გიორგი შარვაშიძის დამკვიდრებისათვის ხელი შეეწყო. დედოფალი ნინო ი.გუდოვინისადმი 8 ივნისს გაგზავნილ წერილში რუსეთისათვის აფხაზეთის სტრატეგიულ მნიშვნელობაზე მიუთითებდა. ასეთი შენაძენით, მისი აზრით, რუსეთის სახელმწიფოს შეუერთდებოდა შავი ზღვის სანაპირო ზოლი, აფხაზეთის მეზობელი ჯიქები და ალანებიც (იგულისხმება ყარაჩაელები) დაუყოვნებლივ დამორჩილდებოდნენ რუსეთის იმპერატორს. იგი წერდა, რომ საფარ-ბეი საიდუმლოდ მონათლული იყო და თუ ხელმწიფე მას ქვეშევრდომობაში მიიღებდა, მთელ აფხაზეთში ქრისტიანობა გავრცელდებოდა. ამიტომ ითხოვდა, რომ მისთვის ანგარიში გაეწიათ და იმპერატორს მისი სიძე ქვეშევრდომობაში მიეღო, აგრეთვე აფხაზეთში ჯარები შეეყვანათ¹¹⁷³. იმავე დღეს ნინო დადიანმა იმპერატორსაც გაუგზავნა წერილი, რომელშიც წერდა, რომ მან საფარ-ბეი უკვე დააფიცა „ერთგულეობით მონებად საიმპერიოსა ტახტსა თქვენსასა“. მისი აზრით, სწორედ ახლა იყო ხელსაყრელი დრო რუსეთის მფარველობაში აფხაზეთის მისაღებად, რადგან საფარ-ბეი სამეგრელოს სამთავრო სახლის წევრი და მეზობელი იყო, წინათაც ეს მხარე სამეგრელოს სამთავრო სახლის სამფლობელოს წარმოადგენდა¹¹⁷⁴. სამეგრელოს დედოფალი რუსეთის ხელისუფლებას მოუწოდებდა, რომ აფხაზეთის მფარველობაში მიღება დაეჩქარებინათ. ნინო დადიანის შუამდგომლობამ დააჩქარა აფხაზეთის საკითხის გადაწყვეტა. 13 ივნისს რუსეთის საგარეო საქმეთა მინისტრმა ნ.რუმიანცევმა ი.გუდოვინს გაუგზავნა მიწერილობა, რომლითაც დაავალა, საფარ-ბეის სურვილის გულწრფელობაში დარწმუნების შემთხვევაში დაეკმაყოფილებინა მისი თხოვნა იმ პირობით, რომ ეს არ იქნებოდა გამოცხადებული, სანამ ოსმალეთთან

1166, გვ. 16.

1167 . ამ ფაქტს უარყოფს აფხაზური ისტორიოგრაფია. იხ. О. Х. Бгажба, С. З. Лакоба. История Абхазии, გვ. 213-214.

1168, III, გვ. 200; II, გვ.41; ნ.დადიანი, ქართველთ ცხოვრება, გვ. 197.

1169, I, გვ. 137.

1170 . ნ. დადიანი. ქართველთა ცხოვრება, გვ. 197.

1171, III, გვ. 200, 201-202, 205; ნ. დადიანი. ქართველთ ცხოვრება, გვ.197;, I, გვ.137.

1172, III, გვ. 198-199.

1173 . იქვე, გვ. 203.

1174 . იქვე, გვ. 201-202.

საზავო მოლაპარაკება არ დასრულდებოდა¹¹⁷⁵. საფარ-ბეიმაც 1808წ. 21 ივნისს გენერალ-მაიორ ი.რიკოვს მიმართა წერილით და სთხოვა, მის ქვეშევრდომ ხალხთან ერთად რუსეთის მფარველობაში მიეღო¹¹⁷⁶.

ოსმალეთთან დროებითი ზავის (1807-1809წწ.) პირობებში, როდესაც საზავო მოლაპარაკებები კვლავ გრძელდებოდა, რუსეთი აფხაზეთის საშინაო საქმეებში ღიად ვერ ჩაერეოდა, მაგრამ ეს იმას როდი ნიშნავდა, რომ აფხაზეთში დამკვიდრებისათვის ბრძოლაზე ის ხელს აიღებდა. ი.გუდოვიჩმა ბრძანება მიიღო, შედგომოდა ზრუნვას რუსეთის იმპერიის მფარველობაში აფხაზეთის შესაყვანად. ის არ ჩქარობდა, მაგრამ ი.რიკოვს მისწერა, აფხაზეთის დასაშინებლად ეჩვენებინა, რომ რუსეთი მზად იყო საფარ-ბეისთვის დახმარება გაეწია, თუმცა აფხაზეთში არ შესულიყო; ამასთან სამეგრელოს დედოფალს და მანუჩარ შარვაშიძეს დაავალა, საფარ-ბეის დახმარებოდნენ; იმავედროულად მან საფარ-ბეის აცნობა, რომ იმპერატორი მას ქვეშევრდომობაში მიიღებდა¹¹⁷⁷.

1808წ. აგვისტოს დასაწყისში სამეგრელოსა და აფხაზეთს სამთავროს გაერთიანებული ძალები სოხუმის დაკავებას შეეცადნენ. ი.რიკოვმა სოხუმისკენ დაძრა ჯარის ნაწილი სამეგრელოს სახალხო ლაშქართან ერთად. ლაშქრობას ნიკო დადიანი სარდლობდა. სოხუმის ციხის აღება ვერ მოხერხდა, მაგრამ ასლან-ბეი აიძულეს, გაეთავისუფლებინა ქელემ-ბეის მეუღლე (მესამე ცოლი), რებია-ჰანუმ მარშანია და მისი შვილი ბათალ-ბეი. „და დაგმძევლეთ ყოველი აფხაზეთი, – სწერს ნ.დადიანი, – ჯიქეთის საზღვრიდამ ვიდრე დალიძგა – დადიანის საზღვრამდე და მივათვალეთ საფარ-ბეგს და ესრეთ მშვიდობით წამოვედით ოდიშამდე“¹¹⁷⁸. ამავე ხანებში ასლან-ბეის დასახმარებლად სოხუმში სამი ხომალდით ჩავიდა მისი ნათესავი, ფოთის ციხის კომენდანტი ქუჩუქ-ბეი შარვაშიძე, ხოლო მთიდან სამასამდე ჩერქეზი ჩამოვიდა. ასლან-ბეისთან იყო ქელემ-ბეიზე თავდასხმის მონაწილე ბეჟან შარვაშიძე. იგი სამურზაყანოს რუსეთის „მფარველობაში“ შესვლის დროიდან მთებში იყო გაქცეული. ასლან-ბეის მნიშვნელოვანი მომხრეები ჰყავდა ფეოდალთა შორის. მას მხარს უჭერდნენ უმცროსი ძმა, აფხაზეთის ოლქის მმართველი ჰასან-ბეი და აბუყის მფლობელი ალი-ბეი შარვაშიძე, რომლებსაც ამოძრავებდათ საფარ-ბეისადმი სიძულვილი და შიში, რომ ის რუსეთის შემწევობით გამთავრდებოდა.

სოხუმის ციხის დაუფლების უშედეგო ცდამ გიორგი შარვაშიძე დაარწმუნა, რომ აუცილებელი იყო რუსეთთან სამფარველო ხელშეკრულების, ე.წ. „სათხოვარი პუნქტების“ გაფორმება. „სათხოვარი პუნქტების“ ტექსტი რუსეთის საგარეო საქმეთა სამინისტროში შეადგინეს, შემდეგ ის ქართულად ითარგმნა და, როგორც ორიგინალი, გიორგი შარვაშიძეს წარედგინა. 1808წ. 12 აგვისტოს გიორგი შარვაშიძემ და აფხაზეთის თავად-აზნაურთა წარმომადგენლებმა „სათხოვარი პუნქტების“ ქართულ ტექსტს ხელი მოაწერეს. ამ დოკუმენტით გიორგი შარვაშიძე ითხოვდა, მისთვის მემკვიდრეობით დაემტკიცებინათ ამ მხარის მმართველობა და მისი სამფლობელოთი მფარველობაში მიეღოთ. „სათხოვარ პუნქტებში“ ნათქვამია: „უაღუსტესისა მონარხის ყოვლად მოწყალისასა ხელმწიფისა ჩვენისა უშევრდომილესი სათხოველი და მიცემა თავისა ჩემისა ქვეყნითურთ ჩემით წერილითა ამით ჩემითა ესევეითარად.

1. შჯულიერი მემკვიდრე და მპყრობელი აფხაზეთისა თავითვე სინდისითა ჩემითა შევეკრავ და შემოვალ მონად და მსახურად ვითარცა ყმა ყ-დ უმოწყალესისა და უთვითმპყრობელისა სრულიად როსიის და სხვათა მპყრობლისა იმპერატორისა აღექსანდრეს პაელებს ძისა და აგრეთვე ტახტისა მისისა მიმღებელისადმი ვითარცა სარწმუნონი ყმანი მისნი.

2. შეკვრი ამიერიდან წერილითა ამით და მივსცემ ჩემსა და ჩემთანა აფხაზეთსა და აფხაზეთის შინა მკვიდრად ყმად და მონად ტახტსა ყ-დ უმოწყალესისა ანუ უთვითმპყრობელისს, ს-დ როსიისა მონარხისა და ეგრეთვე ტახტის მისისა მიმღებელისადმი პირველითავე სარწმუნოებითა ჩვენითა, რომელიცა წინაპარნი ჩვენნი ქრისტიანედ ბერძნითავე კანონითა სჯულისათა.

¹¹⁷⁵ . იქვე გვ. 205-206.

¹¹⁷⁶ . იქვე გვ. 206.

¹¹⁷⁷ . იქვე გვ. 208-209; ნ. ქორთუა. საქართველო 1806-1812 წლების რუსეთ-თურქეთის ომში, გვ. 261.

¹¹⁷⁸ . ნ. დადიანი. ქართველთ ცხოვრება, გვ. 197.

3. ინებოს მოწყალებით მოხედვა ჩვენი სახიერებისაგან მისის იმპერატორებითა დიდებულების და აღმინიშნოს მე ნიშნითა ვითარცა სხვანი მთავარნი აღნიშნული არიან საიმპერიოსა ტახტისადმი მონად.

4. უსამღთოესითა მოქმედებითა და მოწყალებითა მისის იმპერატორების დიდებულებისათა გარდმომცეს მე მემკვიდრეობისა ჩემისა დამამტკიცებელი და დამადგინებელი გრამატა, რათა ვიყო მე მთავრად და გამგებლად ქვეყნისა ჩემისა და აგრეთვე ძე ჩემი და ძის ძენი საუკუნოდ იყვნენ აღუხოცველ მთავრობისაგან და მპყრობელობისა სამკვიდროს სამფლობელოთა მოწყალებით ესრეთ, რომელ ყ-ე ტახტი საიმპერიო იყოს ბედნიერებით და ძლიერებით ხელმწიფედ მდგომარე, ვგრეთვე, მემკვიდრეობა და მთავრობა ჩემი ეგოს უსამღთოესითა მოწყალებისა გრამოტითა ყ-დ უმოწყალესისა ხელმწიფისა ჩვენისა უსაშუალოდ ხელმოწერიტა და დამტკიცებით.

5. შეიზღუდოს ქვეყანა ჩემი მხედრობითა ყ-დ უმოწყალესისა და უთვითმპყრობელესის ხელმწიფისა ჩვენისა იმპერატორისათა.

6. სახიერებისა და კაცთმოყვარებისა გამო უთვითმპყრობელესისა ხელმწიფისა ჩვენისა იმპერატორისა დაუკლებელ მექმნეს მე სარგებლობა და მოწყალება რა იგი აქუნდა მემკვიდრესა და მფლობელსა აფხაზეთისა ქელაიშ აჰმად ბეგს მამასა ჩემსა.

7. ყოვლითა გულს მოდგინებითა ვიდრე სისხლითა წვეთამდე ვიწოდებ და ვინებებ ერთგულე-ბასა და მონებასა და შეგვერი ფიცითა და აღთქმითა საუკუნისა პირისა დადებითა და ვექმნები მორჩილ საქართველოსა უპირატეს მმართველისა ერთგულთა და სარწმუნოთა მონათა და ყმათა ჩემთათანა და მივართმევ ხესა ხომალდისათვის ვითარ იგი მიირთვა უწინარეს ამისა პორტამან ათამანმან და აგრეთვე მადანსა ოქროსა და ვერცხლისასა უკეთუ იპოვების ქვეყანასა შინა ჩემსა რაოდენისა ნაწილისა გარდმოცემათა უხვებისაგან ყ-დ უმოწყალესის და უთვითმპყრობელესისისა ხელმწიფისა ჩვენისა.

ესე ვითარ უქვეშევრდომილესთა და უმხურვალესისა ერთგულებითა მივცემ თავსა ჩემ ქვეშე ქვეყანასა ჩემსა ტახტსა რუსეთის საიმპერიოსასა აღთქმითა და ფიცითა და სარწმუნოებითა ბერძენთა სჯულისათა რომელსაცა ხელს ვაწერთ ესრედ.

მთავარი შარვაშიძე გიორგი
თავადი შარვაშიძე

თულა

ხელს ვაწერთ და ვამოწმებთ წერილსა ამას თავადნი აფხაზეთისანი: ნარჩოუ ინალის შვილი თედარუყა შერამეტ ბესლან, თავადი: თულაფსუ ლააკერბაია ხიტუ ჯამბულათ მუთ: თავადი ზეფის შვილი ლევან და ნარჩოუ, თავადი ჩაბალუხა ვომერ, თემურყა, შერამეტ წესუბია ნარეჯებ ნარჩოუ შარვან, ზენუბია ედგინ დედარუყა შარვან, ბაზუხ აქურთავა თულაფსუ ედგინ შერამეტ, თავადი ანჩაბაძე ხუტუნია, თავადი ანჩაბაძე ლევან ადლაგიყვა, მიქამბია შალამათ შერვან სალმან, მარღანია როსტომ, ხიტუ, ბეჟან, ლევან, ჯანბულათ, ასლან-ბეგ, როსტომ. წელსა 1808 აგვისტოს 12¹¹⁷⁹.

გიორგი შარვაშიძე აღნიშნავდა, რომ რუსებთან ადრე გაგზავნილი წერილები და „სათხოვარი პუნქტებიც“ დაწერილია სამეგრელოს სამთავრო კარის მოძღვრის დეკანოზ იოანე იოსელიანის მიერ, რომელიც „წრფელი გულით მირჩევდა გავმხდარვიყავი საიმპერატორო ტახტის ქვეშევრდომი“.¹¹⁸⁰

ქართულ ენაზე გაფორმებული დოკუმენტი, რომლითაც აფხაზთა სამთავრო ქვეშევრდომულ ურთიერთობას ამყარებდა რუსეთის სახელმწიფოსთან, ნათლად ჩანდა აფხაზეთის სამთავრო სახლის ქართული ეროვნულ-სახელმწიფოებრივი და კულტურული სამყაროსადმი კუთვნილება¹¹⁸¹. აღსანიშნავია ის გარემოებაც, რომ „სათხოვარ პუნქტებს“ აფხაზური ისტორიოგრაფია უკანონო აქტს უწოდებს.¹¹⁸²

1809წ. მარტში რუსეთსა და ოსმალეთს შორის დროებითი ზავი დაიდგა და საომარი მოქმედებები განახლდა. ამ დროიდან რუსეთის სარდლობამ აფხაზეთის საკითხის გადასაჭრელად ბრძოლა გაააქტიურა. იენისში ახალ მთავარმართველს ატორმასოვს (1809-1811წწ.) პეტერბურგიდან აცნობეს, რომ საფარ-ბეის მიღება „მფარველობაში“ გადაწყვეტილი იყო და ინვესტიტურის ნიშნებიც მალე გამოეგზავნებოდა. იმპერატორის ბრძანებით, გიორგი შარვაშიძე დაჯილდოვდა წმ.ანას 1

1179 . სახალხო განათლება, 1989, 31 მაისი.

1180 . III, გვ. 202.

1181 .

. 1810-1917 . -

... გვ. 217; ზ.პაპასქირო.

ნარკვევები..., I, გვ. 128.

1182 . О. Х. Бгажба, С. З. Лакоба. История Абхазии, გვ. 216-217.

ხარისხის ორდენით და დაენიშნა პენსია 2500 ვერცხლის მანეთი წელიწადში, ხოლო მის დედინაცვალს, რებია-ჰანუმ მარშანიას – 1500 მანეთი. როგორც ვარაუდობდნენ, ხელმწიფის ეს წყალობა გავლენას მოახდენდა აფხაზ თავადაზნაურებზე და საფარ-ბეის ავტორიტეტს აამაღლებდა¹¹⁸³. ამრიგად, აფხაზეთი აღიარებულ იქნა რუსეთის „მფარველობაში“ მყოფ პროვინციად. მიუხედავად იმისა, რომ რუსეთის ხელისუფლებამ საფარ-ბეი შარვაშიძე აფხაზეთის მთავრად აღიარა, ის რეალურად ყოველგვარ ძალას და ხელისუფლებას მოკლებული იყო. ამას კარგად ხედავდა კავკასიის რუსული ადმინისტრაცია. ამიტომ იყო, რომ ა.ტორმასოვი იმერეთ-სამეგრელოში განლაგებული რუსეთის ჯარის სარდალს დ.ორბელიანს, რომელიც მისი დავალებით ურთიერთობაში შევიდა აფხაზ მფლობელებთან და მათი ნდობა მოიპოვა, ავალებდა, საფარ-ბეისათვის მხარი დაეჭირა და აფხაზი მფლობელები მისთვის მიემხრო¹¹⁸⁴.

ოსმალეთი ასლან-ბეის კვლავაც მხარს უჭერდა. ნინო დადიანმა დ.ორბელიანს აცნობა, რომ სტამბოლიდან სოხუმში ჩამოვიდა თურქული გემი საჩუქრებით და ფულით. პორტა ასლან-ბეის ჰპირდებოდა დახმარებას სამეგრელოში განლაგებული რუსეთის ჯარების წინააღმდეგ. მანუჩარ შარვაშიძემ რუსებს აცნობა, რომ ფოთის კომენდანტმა ქუჩუქ-ბეი შარვაშიძემ შავი ზღვის ჩრდილო-აღმოსავლეთ სანაპიროზე მცხოვრებ ტომებს სთხოვა დახმარება ჯარით და ეს ჯარი თითქოს უკვე იკრიბებოდა იმ განზრახვით, რომ ფოთი დაეცვა, ხელში ჩაეგდო რედუტ-ყალე და ანაკლია. ა.ტორმასოვმა დ.ორბელიანს უბრძანა, თურქების თავდასხმის შემთხვევაში რედუტ-ყალესა და სამეგრელოს დასაცავად საჭირო ზომები მიეღო, ასევე ცალკეული აფხაზი მფლობელები ასლან-ბეისაგან ჩამოეშორებინა¹¹⁸⁵.

1809წ. გაზაფხულიდან რუსეთის სარდლობის ყურადღება გამახვილებული იყო შავი ზღვის სანაპიროზე მის ხელთ არსებული ფორპოსტების გამაგრებისა და ოსმალეთის ხელში მყოფი სიმაგრეების დაპყრობისაკენ. 1809წ. 15 ივნისს რუსების სამხედრო-სახლგაო ესკადრამ და სახმელეთო რაზმმა გენერალ-მაიორ ი.ფანჩულიძის მეთაურობით ანაპა აიღო, რაც ერთ-ერთი ყველაზე მნიშვნელოვანი მოვლენა იყო ამ ომში. 12 აგვისტოს დ.ორბელიანი რუსეთის ჯარის ნაწილებით რედუტ-ყალედან ფოთისკენ დაიძრა. მას სამეგრელო-სამურზაყანოს სახალხო ლაშქარიც ახლდა ნიკო დადიანისა და მანუჩარ შარვაშიძის მეთაურობით. სამეგრელოს სახალხო ლაშქარში იმყოფებოდნენ ლევან V დადიანი, ბესარიონ ჭყონდიდელი და გრიგოლ ცაიშელი. 15 ნოემბერს დ.ორბელიანმა ციხე აიღო¹¹⁸⁶. ფოთისათვის ბრძოლაში გურიისა და სამეგრელოს სახალხო ლაშქართან ერთად მხნედ იბრძოდნენ საფარ-ბეის მომხრე აფხაზებიც¹¹⁸⁷.

ფოთის ციხის აღებამ მნიშვნელოვნად განამტკიცა რუსეთის გავლენა. შავი ზღვის აუზში გაბატონებისათვის რუსეთი დიდ მნიშვნელობას ანიჭებდა აფხაზეთის დაუფლებას და კარგად ესმოდა ამ ფაქტის სამხედრო-პოლიტიკური და ეკონომიკური მნიშვნელობა. სოხუმის აღებით არსებითად შესუსტდებოდა ოსმალეთის კავშირი მთის ხალხებთან და მათი მტრული მოქმედება რუსეთის მიმართ შეიზღუდებოდა. აფხაზეთის შეერთებით ამ მხრიდან თურქების თავდასხმის საფრთხეს ბოლო მოეღებოდა; რუსეთის ხელში იქნებოდა ანაკლია და სოხუმ-ყალე; ამდენად სამეგრელო სრულიად დაცული იქნებოდა; აგრეთვე ყირიმიდან მომავალი გემები მშვიდობიანად გადაცურავდნენ ზღვას; გემთმშენებლობისათვის საჭირო მასალას რუსეთი დიდი რაოდენობით დაეუფლებოდა¹¹⁸⁸.

1810წ. 17 თებერვალს იმპერატორმა ალექსანდრე I-მა საფარ-ბეი (გიორგი) შარვაშიძე დაამტკიცა აფხაზეთის მთავრად რუსეთის უმაღლესი ხელისუფლების აღიარებით და შინაგანი ავტონომიის ცნობით¹¹⁸⁹. ეს იყო ფორმალური აღიარება, რადგან აფხაზეთში ძალაუფლებას ასლან-ბეი ფლობდა, რომელიც სოხუმის ციხეში იჯდა. საფარ-ბეის

1183 . . . III, გვ. 204. ნაბერძენიშვილი. საქართველოს ისტორიის საკითხები, წ. II, თბ., 1965. გვ. 408.

1184 . . . IV, №286, გვ. 206.

1185 . იქვე, №284, გვ.202-203; №519, გვ. 389-390.

1186 . იქვე, №524; გვ. 393-394; №291, გვ. 209; №290, გვ. 207; 6. დადიანი. ქართველთ ცხოვრება, გვ. 200; 6. ქორთუა. საქართველო 1806-1812 წლების რუსეთ-თურქეთის ომში, გვ. 248-255.

1187 . 6. ბერძენიშვილი. საქართველოს..., წ. II, გვ. 408.

1188 . . . III, გვ. 209; 6. ქორთუა. საქართველო 1806-1812 წლების რუსეთ-თურქეთის ომში, გვ. 257.

1189 . იქვე, ტ. III, №571.

თავისი ძალებით არ შეეძლო აფხაზეთის დაუფლება, რადგან მას იქ მომხრეები არ ჰყავდა. კავკასიის რუსული ადმინისტრაცია კარგად ხედავდა, რომ აუცილებელი იყო საფარ-ბეის აფხაზეთში გაბატონება, მაგრამ რუსეთის ადმინისტრაციას ამ განზრახვის შესასრულებლად თავისუფალი ძალები იმუჟამად არ ჰყავდა. I ივნისს ატორმასოვმა ნინო დადიანს აუწყა, რომ იმპერატორმა საფარ-ალი-ბეი დაამტკიცა აფხაზეთის მთავრად. საფარ-ბეი დარწმუნებული უნდა ყოფილიყო, რომ მას ყოველგვარი დახმარება გაეწეოდა ასლან-ბეის წინააღმდეგ და პირველსავე ხელსაყრელ შემთხვევაში შავი ზღვის ფლოტილია სოხუმს დაიკავებდა¹¹⁹⁰. 8 ივნისს ატორმასოვმა ნინო დადიანს სთხოვა საფარ-ბეისათვის გაეგზავნა სამეგრელოს სახალხო ლაშქარი მანუჩარ შარვაშიძის მეთაურობით, თუნდაც 1000 მეომარი, სანამ სოხუმის დასაუფლებლად ჯარი და ფლოტილია მოვიდოდა, რაც სამეგრელოს სამთავრო სახლს იმპერატორის სამსახურად ჩაეთვლებოდა¹¹⁹¹.

ივნისის დასაწყისში სევასტოპოლში თავი მოუყარეს საზღვაო ესკადრას, რომელსაც სოხუმი უნდა აეღო. ოპერაციის ხელმძღვანელად კაპიტან-ლეიტენანტი კ. დოტი დაინიშნა. ესკადრას სოხუმის სანაპიროზე უნდა გადმოესხა დესანტი – მე-4 საზღვაო პოლკის ბატალიონი 600 მეომრით, რომელიც სახმელეთო ჯარების მოსვლამდე იქ უნდა დარჩენილიყო. მას ასევე აქტიური ზომები უნდა მიეღო აფხაზეთის სოხუმიდან გასახლებასთან დაკავშირებით¹¹⁹². ატორმასოვი 26 ივნისის წერილში ლევან V დადიანისადმი იმედს გამოთქვამდა, რომ, როდესაც სოხუმის ციხის აღების დრო დადგებოდა, სამეგრელოს მთავარი საფარ-ბეის და იმერეთის მმართველს თ. სიმონოვიჩს დახმარებას გაუწევდა. სოხუმის ციხის აღება მას უსათუოდ ამ ზაფხულს სურდა და მასში სამეგრელოს მთავრის მონაწილეობა იმპერატორისადმი სამსახურიც იქნებოდა და სამეგრელოს უსაფრთხოებისათვის მნიშვნელოვანიც. იგი სამეგრელოს მთავარს სთხოვდა, საფარ-ბეი დაერწმუნებინა, რომ თავისი მომხრე აფხაზების რაც შეიძლება მეტი გუნდი შეეკრიბა; ამასთან სოხუმის ციხის აღების განზრახვა გარკვეულ დრომდე საიდუმლოდ უნდა დარჩენილიყო, რათა მოწინააღმდეგეს საპასუხო ზომები არ მიეღო¹¹⁹³. ასეთ ვითარებაში იმერეთში დაიწყო აჯანყება სოლომონ II-ის მეთაურობით, ამიტომ სამეგრელო-იმერეთში განლაგებულ ნაწილებს და სამეგრელოს სახალხო ლაშქარს საშუალება არ ჰქონდათ, მონაწილეობა მიეღოთ სოხუმის დაკავების ოპერაციაში.

1810წ. 8 ივლისს, დილით, რუსეთის ესკადრა სოხუმს მიაღვა. კდოტმა ციხის ოსმალური გარნიზონს დანებების წინადადება მისცა, მაგრამ უარი მიიღო. იმავედროულად მოწინააღმდეგემ რუსეთის ესკადრას ცეცხლი გაუხსნა. მეორე დღეს, 9 ივლისს, დღის 4 საათზე ესკადრამ სოხუმის დაბომბვა დაიწყო და ნავსადგურში მდგარი 7 თურქული ხომალდი ჩაძირა. ციხეში ინგრეოდა და იწვოდა სახლები, მაგრამ მოწინააღმდეგე დანებებას არ აპირებდა. 10 ივლისს, როდესაც ციხის კედლები ზღვის მხრიდან მნიშვნელოვნად დაინგრა, დესანტი მაიორ კონრადინის მეთაურობით ნაპირზე გადასხდა და სოხუმის ციხე აიღო.¹¹⁹⁴

ვიდრე სოხუმისათვის ბრძოლა დაიწყებოდა, ასლან-ბეი სოლომონ II-ის დასახმარებლად გაემართა 4-ათასიანი მხედრობით. ის აპირებდა სამეგრელოზე თავდასხმას, რათა მას იმერეთის წინააღმდეგ მოქმედი რუსეთის ჯარისთვის დახმარება ვერ გაეწია. სოხუმზე რუსების თავდასხმის ცნობის მიღებისთანავე ასლან-ბეი უკან გამობრუნდა, მაგრამ ციხე უკვე აღებული დახვდა და იძულებული გახდა, მთებში გაქცეულიყო¹¹⁹⁵. სოხუმისა და მისი შემოგარენის მცხოვრებნი კდოტთან მიდიოდნენ, მფარველობას

¹¹⁹⁰ . იქვე, ტ. IV, №529, გვ. 396.

¹¹⁹¹ . იქვე, №532, გვ. 396-397.

¹¹⁹² . იქვე, გვ. 421;

1806 1812 . 3. „1849, გვ. 266.

¹¹⁹³ . ც. ქირია, შსარია. მასალები საქართველოს ისტორიისათვის. თბ., 1967, №5, გვ. 30.

¹¹⁹⁴ . , IV, გვ. 422-425; , გვ. 266;

გვ. 264; , I. , 1907, გვ. 248-249; 6. ქორთუა. საქართველო 1806-1812 წლების რუსეთ-თურქეთის ომში, , გვ. 46. , გვ. 25-26.

¹¹⁹⁵ . , IV, №439, გვ. 328; საქართველოს ისტორიის ნარკვევები, ტ. IV, გვ. 873; 6. ქორთუა. საქართველო 1806-1812 წლების რუსეთ-თურქეთის ომში, გვ. 264-265.

სოსოვდნენ და რუსეთის ქვეშევრდომობაში შესვლის სურვილს გამოთქვამდნენ. მას ეახლნენ აგრეთვე საფარ-ბეის ძმები – ჰასან-ბეი და ბათალ-ბეი¹¹⁹⁶.

სოსუმის ციხე თითქმის მთლიანად იყო დანგრეული. კდოტი შეეცადა იგი თავდაცვით მდგომარეობაში მოეყვანა და მისი აღდგენისათვის ზრუნვას შეუდგა. სასწრაფოდ შეაკეთეს დაზიანებული ადგილები და ციხეში რუსული გარნიზონი ჩააყენეს. ამის შემდეგ ესკადრა სევასტოპოლში დაბრუნდა¹¹⁹⁷.

სოსუმის აღებას დიდი მნიშვნელობა ჰქონდა. 6 აგვისტოს ა.ტორმასოვი რუსეთის საგარეო საქმეთა მინისტრს, გრაფ ნ.რუმინცევს აღფრთოვანებით ულოცავდა „სოსუმის ციხის შექმნას, რომელიც ბატონობს მთელ აფხაზ ხალხზე“ და იმედს გამოთქვამდა, რომ სოსუმის ფლობა რუსეთს „შავი ზღვის იმ ნაპირის სრულ მბრძანებლად“ აქცევდა¹¹⁹⁸.

1810წ. აგვისტოს დასაწყისში ფ.სიმონოვი იმერეთის მმართველად დაინიშნა. ოფიციალურად მას ეწოდებოდა „იმერეთის, სამეგრელოს, გურიისა და აფხაზეთის მმართველი“. იმავედროულად ის დასავლეთ საქართველოში განლაგებული ჯარების სარდალიც იყო. მას ემორჩილებოდა აგრეთვე შავი ზღვის სანაპირო ციხე-სიმაგრეები და ნავსადგურები. ამრიგად, ერთი პირის ხელში იყო თავმოყრილი მთელი სამხედრო და სამოქალაქო ხელისუფლება დასავლეთ საქართველოში¹¹⁹⁹.

23 აგვისტოს გიორგი შარვაშიძემ ფიცის ტექსტს ხელი მოაწერა, რაც აფხაზეთის სამთავროს რუსეთის იმპერიის „მფარველობაში“ შესვლას, არსებითად, სამთავროს ანექსიის პროცესის დაწყებას ნიშნავდა¹²⁰⁰. 19 სექტემბერს ა.ტორმასოვი იმერეთის მმართველს, გენერალ-მაიორ თ. სიმონოვის სწერდა, რომ ყურადღება მიექცია საფარ-ბეისათვის და მხარი დაეჭირა მისთვის, რათა ასლან-ბეი მეტად არ გაძლიერებულიყო და როდესაც ამისი საშუალება იქნებოდა, მისთვის სიგელი, სამთავრო ნიშნები და ინვესტიტურა გადაეცა, რათა აფხაზებს ენახათ, რომ იმპერატორი მას „მფარველობდა“¹²⁰¹. ოქტომბერში რუსთა ჯარის ასეულის თანხლებით, რომელსაც მაიორი მოიხი მეთაურობდა, გიორგი შარვაშიძე რედუტ-ყაღვდან სოსუმში ჩავიდა. აფხაზი თავად-აზნაურების, უხუცესებისა და ხალხის თანდასწრებით მან დაიფიცა რუსეთის ხელმწიფის ერთგულებაზე. მაიორმა მოიხიმ გიორგი შარვაშიძეს საზეიმოდ გადასცა სამთავრო ნიშნები და სიგელი მისი აფხაზეთის მთავრად დამტკიცების თაობაზე. როგორც ა.ტორმასოვი აღნიშნავდა, „იქ დამსწრე აფხაზებმა, მოხიბლულებმა მათთვის ესოდენ ახალი სანახაობით, საფარ-ალი-ბეგი თავიანთ მთავრად საზეიმოდ აღიარეს“¹²⁰².

რუსეთის ჯარის მიერ სოსუმის აღების შემდეგ თურქებმა, რომლებიც აქ მოსახლეობის უმრავლესობას შეადგენდნენ, დაიწყეს ქალაქისა და მისი შემოგარენის დატოვება. ამის შემდეგ სოსუმი დაცარიელდა, იქ მხოლოდ რამდენიმე ათეული ბერძენი და სომეხი – ნახევრად ვაჭარი, კონტრაბანდისტი და ყაჩაღი, - დარჩა. სოსუმის ციხის დაუფლება, რაც მთელი აფხაზეთის დაუფლების წინაპირობას წარმოადგენდა და ქრისტიანი მთავრის დასმა რუსეთის დიდი გამარჯვება იყო. ის ფეხს იკიდებდა შავი ზღვის ჩრდილო-აღმოსავლეთ სანაპიროზე. საფარ-ბეისა და ასლან-ბეის შორის ბრძოლა იყო ბრძოლა რუსულ და თურქულ გავლენას შორის. სოსუმ-ყაღვს აღება რუსების მიერ და ასლან-ბეის განდევნა იყო არა იმდენად საფარ-ბეის გამარჯვება ასლან-ბეიზე, რამდენადაც რუსეთის გამარჯვება ოსმალეთზე აფხაზეთში.¹²⁰³

გიორგი შარვაშიძემ თავის რეზიდენციად სოსუმის ციხე აირჩია. იგი მხოლოდ საშინაო თვითმართველობას ინარჩუნებდა. სამთავრო ხელისუფლების დასაცავად რუსეთის სარდლობამ სოსუმის ციხეში 3 ასეული დატოვა. რუსეთის ჯარების დახმარე-

1196 . . . IV, გვ. 425; . . . გვ.266; ნ. ქორთუა. საქართველო 1806-1812 წლების რუსეთ-თურქეთის ომში, გვ. 265; . . . გვ. 46.

1197 . . . IV, 424; . . . გვ.267; . . . გვ. 27.

1198 . . . I, გვ. 140.

1199 . . . IV, № 434, გვ. 312; გ. ვაჭრიძე. იმერეთის დროებითი მმართველობა (1810-1840წწ.). ქუთაისი, 1999, გვ.117.

1200 . იქვე, ტ. IV, გვ.425.

1201 . იქვე, №434, გვ. 322.

1202 . იქვე, გვ. 425.

1203 . . . გვ. 158.

ბის გარეშე საფარ-ბეი, ფაქტობრივად, ხელისუფლებას ვერ შეინარჩუნებდა. ამიტომაც იყო, რომ რუსი მოხელე კროკი, რომელიც კარგად იცნობდა XIX ს. დასაწყისის აფხაზეთის პოლიტიკურ ცხოვრებას, აღნიშნავდა, რომ აფხაზეთის მთავარი გიორგი შარვაშიძე რუსეთის მიერ ძალით შექმნილი ხელისუფალი იყო¹²⁰⁴. აფხაზური ისტორიოგრაფია მას უკანონო მთავრადაც მიიჩნევს.¹²⁰⁵ რუსეთის ხელისუფლება ცდილობდა, გაეძლიერებინა საფარ-ბეის ხელისუფლება, აფხაზი მფლობელები მისთვის დაემორჩილებინა. ა.ტორმასოვი ნინო დადიანს სწერდა, რომ რუსეთის ხელისუფლებამ მისი პატივისცემით და ხათრით გაუწია დახმარება გიორგი შარვაშიძეს და კვლავაც მხარს დაუჭერდა. მთავარმართებელი ავალებდა ნინო დადიანს, დახმარებოდა საფარ-ბეის, რომ მას „აფხაზი ხალხი მიემხრო“ და ხელისუფლება განემტკიცებინა; მას აინტერესებდა, რა გავლენა ჰქონდა საფარ-ბეის ხალხში, ჰყავდა თუ არა მომხრეები, რომელთა მეშვეობითაც სამეგრელოს სამთავრო სახლისა და რუსეთის ხელისუფლების დახმარებით ხელისუფლებას განამტკიცებდა და სამეგრელოს სამთავრო სახლი ამ მიმართულებით რას აკეთებდა; სჭირდებოდა თუ არა მას კიდევ რუსეთის ჯარის დახმარება¹²⁰⁶.

XIX ს. დასაწყისში აფხაზეთის სამთავროს პოლიტიკურ საზღვრად ჩრდილო-დასავლეთით მდ.ბზიფი ითვლებოდა, რადგან გაგრის ვიწროებიდან მდ. ბზიფამდე მიწა-წყალი ჯიქებს ჰქონდათ მიტაცებული. სამხრეთ-აღმოსავლეთით მისი საზღვარი მდ.დალიძგაზე გადიოდა, სადაც მას სამეგრელოს სამთავრო ესაზღვრებოდა. ჩრდილოეთით საზღვარი ნომინალურად კავკასიონის მთავარ წყალგამყოფ ქედს მიუყვებოდა, ხოლო დასავლეთით შავი ზღვა ეკვროდა. რუსეთის მფარველობაში შესვლის დროისთვის აფხაზეთის სამთავრო ერთიან პოლიტიკურ ერთეულს არ წარმოადგენდა. ის ცალკეულ მხარეებად იყოფოდა. აფხაზეთის მთავრის ხელისუფლება მხოლოდ ზუფუზე ანუ ბზიფის ოლქზე (მდ.ბზიფსა და მდ.გუმისთას შორის) ვრცელდებოდა; გუმის ანუ აფხაზეთისა(მდ.გუმისთასა და მდ.კოდორს შორის) და აბჟუის (მდ.კოდორსა და მდ.დალიძგას შორის) ოლქებს შარვაშიძეთა სამთავრო სახლის სხვა წევრები ფლობდნენ. მასთან ნომინალურად იყო დაკავშირებული მთიანი მხარეები: წებელი და დალი მდ.კოდორის შუა და ზემო წელში, და ფსხუ - მდ.ბზიფის ზემო წელში, რომლებსაც მარშანიები განაგებდნენ. მარშანიებმა არ ცნეს გიორგი შარვაშიძის (1810-1821წწ.) ხელისუფლება და არც რუსეთის მფარველობაში შევიდნენ¹²⁰⁷. იმავე 1810წ. აფხაზეთის მთავრის მაგალითით და გავლენით, ჯიქების მთავარი ლევან ცანბა (ცანუბაია) რუსეთის „მფარველობაში“ შევიდა და აფხაზეთის მთავრის უზენაესობა აღიარა¹²⁰⁸.

¹²⁰⁴ . საქართველოს ისტორიის ნარკვევები, ტ. IV, გვ. 873.

¹²⁰⁵ О. Х. Бгажба, С. З. Лакоба. История Абхазии, გვ. 214.

¹²⁰⁶ . , IV, №536, გვ. 398-399.

¹²⁰⁷ . იქვე, ტ. IV, №575, გვ. 425; ბ. ხორავა. ოდიშ-აფხაზეთის ..., გვ. 135-136, 178.

¹²⁰⁸ . , IV, №578, გვ. 426; №583, გვ. 429.

თავი XIV. აფხაზეთი 1810-1880 წლებში

1. რუსეთის ბატონობის ბანმტკიცების მცდელობანი. 1810-1820წწ.

ვითრება აფხაზეთში. აფხაზეთის სამთავროს რუსეთის იმპერიის შემადგენლობაში შესვლის შემდეგ მთავრის არაერთგზისი თხოვნის მიუხედავად რუსეთს ვერ გადაეწვიტა ქვეყნის სიღრმეში შესვლა და ურჩი მთიანი მხარეების - ფსხუს, წებელის, დალის დამორჩილება. ამ პერიოდში ცარიზმი ცდილობდა შავი ზღვის სანაპიროზე განმტკიცებულიყო და, ფაქტობრივად, ქვეყნის მართვაში არ ერეოდა. ამასთან სამთავროში არსებობდა მძლავრი პროთურქული ბანაკი, რომელსაც მთავრის ძმა ასლან-ბეი შარვაშიძე ედგა სათავეში. ამ უკანასკნელს, მთავრობისგან განსხვავებით, ხალხში მნიშვნელოვანი დასაყრდენი ჰქონდა ანტირუსულად განწყობილი ძალების სახით.

რუსეთის ხელისუფლების პოზიციები აფხაზეთში ჯერ კიდევ სუსტი იყო. სოხუმის დაუფლება სულაც არ ნიშნავდა აფხაზეთის დაუფლებას. უფრო მეტიც, ასლან-ბეის მომხრეები სოხუმის ციხიდან 20 ვერსზე თავს ესხმოდნენ სოფლებს, ძარცვავდნენ, ადამიანებს და საქონელს იტაცებდნენ. ამ უწესრიგობების აღსაკვეთად და ქვეყნის დასამორჩილებლად გიორგი შარვაშიძემ 1810წ. დეკემბერში გენერალ-მაიორ ფ.სიმონოვიჩს სთხოვა, მისი ნათესავი, სამურზაყანოს სარდალ-მოურავი მანუჩარ შარვაშიძე ჯარით მის დასახმარებლად გაეგზავნა. ფ.სიმონოვიჩმა აფხაზეთის მთავრის ამ თხოვნის დაკმაყოფილების მიზნით ნინო დადიანს მიმართა.¹²⁰⁹ დედოფალმა ნინომ სამეგრელოს სახალხო ლაშქარი აფხაზეთში გაგზავნა. ადგილობრივი რუსული ადმინისტრაციის დახმარებით ლაშქარმა ოსმალეთის პარტია დაამარცხა, რის შემდეგაც ასლან-ბეი ტრაპიზონში გაიქცა. სამეგრელოს სახალხო ლაშქარმა აფხაზეთის მთავარს ჯიქების რამდენიმე თემიც დაუქვემდებარა. ნინო დადიანმა გიორგი შარვაშიძესთან შეარიგა და მას დაუმორჩილა ბექირ-ბეი შარვაშიძის შვილები, გავლენიანი აფხაზი მფლობელები სოსლან-ბეი და ალი-ბეი, რომლებიც მას მტრობდნენ და ასლან-ბეის უჭერდნენ მხარს. ნინომ მათგან მძევლები აიყვანა და იმპერატორის ერთგულებაზე დააფიცა. მისივე მითითებით რებია-ჰანუმ მარშანია მოლაპარაკებებს აწარმოებდა თავის ძმებთან, წებელის მფლობელ მარშანიებთან, გიორგი შარვაშიძის მთავრად ცნობისა და რუსეთის ქვეშევრდომობაში შესვლის თაობაზე.¹²¹⁰

ბუქარესტის ზავი. 1812წ. 16 მაისს, დიდი დიპლომატიური ბრძოლის შემდეგ, რუსეთსა და ოსმალეთს შორის ბუქარესტში ზავი დაიდო. საზავო ხელშეკრულების VI მუხლის მიხედვით, კავკასიაში საზღვრები ომამდელი სახით უნდა აღდგენილიყო. ხელშეკრულების საიდუმლო მუხლის მიხედვით, შავი ზღვის სანაპირო ორი საათის სავალზე მდ. რიონის მარჯვენა ნაპირიდან და ანაკლიიდან ოთხი საათის სავალზე, სადაც არ იყო სიმაგრეები, კომუნიკაციის უზრუნველყოფის მიზნით, რუსეთის სარგებლობაში გადადიოდა, თუმცა პორტას მფლობელობაში ითვლებოდა. არცერთ მხარეს არ შეეძლო აქ სიმაგრეების აგება.¹²¹¹ ხელშეკრულების VI მუხლი რუსეთს საშუალებას აძლევდა, თავის მფლობელობაში შეენარჩუნებინა დასავლეთ საქართველო. საიდუმლო მუხლის თანახმად კი, ფაქტობრივად, რუსეთის გამგებლობაში ექცეოდა საქართველოს შავი ზღვის სანაპირო ზოლი მდ. ჩოლოქამდე.¹²¹²

¹²⁰⁹ . . . IV, №452, გვ. 339.

¹²¹⁰ . . . იქვე, ტ. IV, №544, გვ. 405-406; №545, გვ. 406-407; 6. ქორთუა. საქართველო 1806-1812 წლების რუსეთ-თურქეთის ომში, გვ. 266.

¹²¹¹ . . . VI, გვ. 413-414-415.

¹²¹² . 6. ქორთუა. საქართველო 1806-1812 წლების რუსეთ-თურქეთის ომში, გვ. 420-421; საქართველოს ისტორიის ნარკვევები, ტ. IV, გვ. 876.

ბუქარესტის საზავო ხელშეკრულების თანახმად, რუსეთის სარდლობამ 1812წ. 29 სექტემბერს ახალქალაქი, ხოლო 7 დეკემბერს ფოთი, როგორც „იარაღის ძალით“ დაპყრობილი, თურქებს გადასცა. ოსმალეთის ხელისუფლება კატეგორიულად მოითხოვდა სოხუმის გადაცემასაც, მაგრამ მთავარმართებელმა და საქართველოს კორპუსის მთავარსარდალმა ნრტიშჩევმა ამ საკითხის გადაწყვეტა 1813წ. გაზაფხულისთვის გადადო.¹²¹³

სამურზაყანოს საკითხი. 1811წ. შიმშილობამ და ახალციხიდან თითქმის მთელ საქართველოში მოღებულმა შავი ჭირის ეპიდემიამ ათასობით ადამიანი იმსხვერპლა. იმერეთისა და სამეგრელოს მოსახლეობის ნაწილი სამურზაყანოსა და აფხაზეთში გაიხიზნა, რის შემდეგაც გაძლიერდა ტყვის სყიდვა. სამურზაყანოს მფლობელმა მანუჩარ შარვაშიძემ სამეგრელოს მთავარს, ლევან V დადიანს (1805-1840წწ), წესრიგის დასამყარებლად აფხაზეთში გალაშქრება ურჩია: „თუ ახლავე არ უშველეთ, ტყვეები დაიყიდაო და კიდევ მრავალი დაიკარგებაო“. სამეგრელოს მთავარმა ლაშქარი შეკრიბა, ჭყონდიდელი და ცაიშელი მღვდელმთავრები იახლა და 1812წ. ოქტომბერში აფხაზეთისკენ გაემართა. სამურზაყანოში გადასული ლევან V დადიანი მანუჩარ შარვაშიძის ძმის, ლევანის მამულში, ბედიაში გაჩერდა ღამის გასათევად. ღამით, ლევან შარვაშიძის შვილის, ხუტუნის მიგზავნილებმა მანუჩარ შარვაშიძე მოკლეს. სამეგრელოს მთავრის ცნობით, მოკლას მასაც უპირებდნენ, მაგრამ დროზე შეიტყო და გადარჩა.¹²¹⁴ ლევან V დადიანი დაუყოვნებლივ დაბრუნდა ზუგდიდში. მას არ შეეძლო საკუთარი ძალებით აეღო კარგად გამაგრებული ბედიის ციხე, ამასთან ლევან შარვაშიძეც საკმაოდ გავლენიანი კაცი იყო სამურზაყანოში. ამიტომ მან დახმარება რუსულ ადმინისტრაციას სთხოვა. მთავარმართებლის ბრძანებით, დადიანის დასახმარებლად ორი ასეული ზარბაზნების თანხლებით, იმერეთისა და გურიის სახალხო ლაშქარი გაიგზავნა. 1812 წ. დეკემბერში ლევან V დადიანი ბედიისკენ გაემართა. ჯარის მიახლოებისთანავე ხუტუნია შარვაშიძე წებელში გაიქცა. ლევან შარვაშიძე მიხვდა, რომ დადიანს წინააღმდეგობას ვერ გაუწევდა და ციხე ჩააბარა. სამეგრელოს მთავარმა გულმოწყალება გამოიჩინა, ლევან შარვაშიძე მოსუცებულობის გამო არ დასაჯა, „გამოსაზრდელად“ სოფ. ფახულანი მიუჩინა და იქ გაგზავნა, შემდეგ ბედიის ციხე გაამაგრა, თავისი მეციხოვნეები ჩააყენა და ზუგდიდში დაბრუნდა.¹²¹⁵

ოსმალეთის პრეტენზიები. კვლავ მწვავედ იდგა სოხუმ-ყალეს ოსმალეთისთვის გადაცემის საკითხი. ნ. რტიშჩევი სოხუმის თურქებისთვის გადაცემის წინააღმდეგი იყო. 1813 წ. 3 იანვარს კანცლერ ნ.რუმიანცევისადმი გაგზავნილ წერილში იგი წერდა, რომ აფხაზეთზე, როგორც ნებაყოფლობით შეერთებულ მხარეზე, პრეტენზია არ უნდა მიეღოთ, ხოლო სოხუმი ყოველთვის იყო აფხაზეთის მთავართა რეზიდენცია. მისი აზრით, მართალია, სოხუმი დასაბრუნებელი იყო, რადგან გიორგი შარვაშიძის რუსეთის ქვეშევრდომობაში შესვლისას მას თურქული გარნიზონი იცავდა და მისი დაკავება იარაღით მოხდა, თუმცა ისიც გასათვალისწინებელი იყო, რომ აფხაზები ემორჩილებოდნენ მხოლოდ იმას, ვინც სოხუმს ფლობდა. თუ ოსმალეთი დაეუფლებოდა სოხუმს, აფხაზები მთავარს განუდგებოდნენ; ქრისტიანობა, რომელიც კვლავ ვრცელდებოდა ამ მხარეში, დავიწყებას მიეცემოდა; რუსეთის ხელში თუ არ იქნებოდა სოხუმი და მისი ნავსადგური, აფხაზების დამორჩილება გაძნელებოდა და აფხაზეთის შენარჩუნება შეუძლებელი იქნებოდა. აქედან გამომდინარე, იგი სვამდა კითხვას, საჭირო იყო თუ არა თურქებისათვის დაებრუნებინათ სოხუმი, იმ მთავრის რეზიდენცია, რომელიც მთელი თავისი ხალხით და სამფლობელოთი რუსეთის ქვეშევრდომობაში შევიდა. ყოველ შემთხვევაში, იგი აპირებდა სოხუმის გადაცემა კვლავ გაეჭიანურებინა.¹²¹⁶

ნრტიშჩევის დასაბუთება პეტერბურგში მხედველობაში მიიღეს. მაღე, მან იმპერატორის დირექტივა მიიღო, მიუხედავად თურქების მოთხოვნისა, სოხუმი არ გადაეცა,

¹²¹³ . . V, №926, გვ. 785.

¹²¹⁴ . საქართველოს სახელმწიფო მუზეუმის ისტორიული დოკუმენტები და არქივები, II. ისტორიული დოკუმენტები, წ. I. იმერეთის სამეფოს პოლიტიკური საბუთები (1784-1810). ტექსტი შენიშვნებითა და საძიებლებით გამოსაცემად მოამზადა შ. ბურჯანაძემ. თბ., 1953, გვ. 136.

¹²¹⁵ . ნ. დადიანი. ქართველთ ცხოვრება, გვ. 204.

¹²¹⁶ . . V, №926, გვ. 785-786.

რადგან ეს მთელი აფხაზეთის დაკარგვას გამოიწვევდა, თუმცა უარი სხვა მიზეზებით უნდა ყოფილიყო მოტივირებული.¹²¹⁷ პეტერბურგის პოზიციის გარკვევის შემდეგ ნ.რტიშჩევმა თურქებს უარი განუცხადა სოხუმის გადაცემაზე იმ მოტივით, რომ აფხაზეთი პორტას უშუალო საკუთრებას არასოდეს წარმოადგენდა, სამშვიდობო ხელშეკრულებაშიც არსად იხსენიებოდა, ამიტომ მათი მოთხოვნის დაკმაყოფილება არ შეეძლო.¹²¹⁸

ოსმალეთი მხოლოდ სოხუმ-ყალეს გადაცემის მოთხოვნით არ დაკმაყოფილდა და იმერეთზე, გურიასა და სამეგრელოზე პრეტენზია წამოაყენა.¹²¹⁹ კავკასიის რუსული ადმინისტრაციის ინფორმაციით, თურქები აფხაზეთში ავრცელებდნენ ხმებს, თითქოს რუსეთმა ეს მხარე ბუქარესტის ტრაქტატით პორტას დაუთმო, ხოლო სოხუმ-ყალე ასლან-ბეის გადაეცა; ასეთი ხმების გავრცელების გამო აფხაზეთში უწესრიგობები მოხდა. ნ. რტიშჩევის აზრით, თურქები ცდილობდნენ აფხაზეთში შინაომის გაჩაღებასა და აფხაზეთის გიორგი შარვაშიძისაგან ჩამოშორებას, რისთვისაც ასლან-ბეის პარტიას აძლიერებდნენ. კავკასიის რუსული ადმინისტრაცია 1812წ. ბოლოს სამურზაყანოში მომხდარ ამბებშიც პროთურქულ ძალებს ადანაშაულებდა. თითქოს ასლან-ბეის მომხრე ლევან შარვაშიძემ, თურქების ჩაგონებით მოკლა თავისი ძმა, რუსეთის ერთგული პოლკოვნიკი მანუჩარ შარვაშიძე; გაძლიერდა ტყვის სყიდვა, მარტო 5 თვის განმავლობაში აფხაზეთიდან და სამეგრელოდან თურქებმა 300 ტყვე გაიყვანეს.¹²²⁰

თუ წინათ თურქები დასავლეთ საქართველოს პროვინციების გადაცემას მხოლოდ მოითხოვდნენ, ახლა ძალით მათ დაუფლებას ცდილობდნენ. ისინი საგანგებოდ ამარაგებდნენ ფოთის ციხეს და ჯარს აძლიერებდნენ. 1813წ. 29 ივნისს ფოთში ჩავიდა სერასკირი სეიდ-სულეიმან ფაშა, რომელმაც 2 ათასი ჯარისკაცი ჩამოიყვანა. მას რწმუნება ჰქონდა, დაეპყრო დასავლეთ საქართველო. ამავე ხანებში ჯიქეთში მყოფი ასლან-ბეი სტამბოლში ჩავიდა. როგორც ჩანს, მას დახმარებას შეჰპირდნენ. სტამბოლიდან ასლან-ბეი ფოთში ჩამოვიდა, შემდეგ თურქთა რაზმით ზღვით სოფ. გუდავაში გადავიდა, მერე სოფ.ტამიშიც დაიკავა და მთელი აფხაზეთის დასაუფლებლად ემზადებოდა. გიორგი შარვაშიძემ დახმარების თხოვნით რუსეთის ხელისუფლებას მიმართა.¹²²¹

ასლან-ბეის აფხაზეთის დიდი ნაწილი მიემხრო. მის მხარეზე გადავიდა რებია-ჰანუმ მარშანია ორ უმცროს შვილთან ერთად. მათ სოხუმი დატოვეს და ასლან-ბეის ბანაკში გადავიდნენ; აფხაზეთის დიდებულთა მნიშვნელოვანი ნაწილიც მის მხარეს დადგა.¹²²² თურქები ასლან-ბეის ჯარით, საომარი საჭურველით და სურსათით ფოთიდან ამარაგებდნენ. 6 ივლისს სერასკირმა ფოთიდან ასლან-ბეის 17 ნავით ჯარი და სურსათი, აგრეთვე ფული გაუგზავნა, ხოლო ჯარის მეორე ნაწილი სოხუმის ასაღებად გაემართა.¹²²³

ივლისის დასაწყისში არზრუმის სერასკირმა ნ.რტიშჩევს მოსთხოვა, ოსმალეთისთვის გადაეცა იმერეთი, გურია, სამეგრელო და აფხაზეთი ყველა სიმაგრით. ასეთივე მოთხოვნით მას ტრაპიზონის სერასკირმა სეიდ-სულეიმან ფაშამაც მიმართა.¹²²⁴ ნ.რტიშჩევის აზრით, ეს გაუგონარი მოთხოვნები ბუქარესტის საზავო ხელშეკრულების VI მუხლის პირობას არ შეესაბამებოდა და, ამდენად, არ შეეძლო დაეკმაყოფილებინა.¹²²⁵ ნ.რტიშჩევმა ტრაპიზონის სერასკირი გააფრთხილა, რომ თურქთა ჯარის შესვლა აფხაზეთში ასლან-ბეის მეთაურობით და იმ ტერიტორიების იარაღით დაპყრობის მცდელობა, რომელსაც ადრე პორტას სახელით მოითხოვდა, ტრაქტატის დარღვევად მიიჩნდა, რის გამოც ამ სამფლობელოების დასაცავად

¹²¹⁷ . იქვე, №595, გვ. 504.

¹²¹⁸ . იქვე, გვ. 505.

¹²¹⁹ . , . VII, გვ. 743.

¹²²⁰ . AKAK, T. V, , 1873, №928, გვ. 789.

¹²²¹ . ნ. დადიანი. ქართველთ ცხოვრება, გვ. 205; ნ. ქორთუა. საქართველო 1806-1812 წლების რუსეთ-თურქეთის ომში, გვ. 446.

¹²²² . ნ. დადიანი. ქართველთ ცხოვრება, გვ. 205; , . V, №935, გვ. 798.

¹²²³ . AKAK, T. V, №935, გვ. 798; ნ. ქორთუა. საქართველო 1806-1812 წლების რუსეთ-თურქეთის ომში, გვ. 446.

¹²²⁴ . , . V, №929, გვ. 790; №934, გვ. 790.

¹²²⁵ . იქვე, გვ. 796-797.

სათანადო განკარგულება გასცა. იგი სერასკირს მოუწოდებდა, აფხაზეთიდან ჯარები გაეყვანა, წინააღმდეგ შემთხვევაში ისიც ადეკვატურ ზომებს მიიღებდა.¹²²⁶

ნ.რტიშჩევმა პოლკოვნიკ ს.მერლინს უბრძანა, აფხაზეთიდან თურქები განედევნა. ს.მერლინი შეუთანხმდა ლევან V დადიანსა და გიორგი შარვაშიძეს, ასლან-ბეისა და თურქთა წინააღმდეგ ერთობლივი გამოსვლის შესახებ. მე-15 ეგერთა პოლკის მეთაურს, მაიორ კუტიევს დაევალა, სამეგრელოს სახალხო ლაშქართან ერთად შეჭრილიყო აფხაზეთში, წინადადება მიეცა თურქებისთვის, დაეტოვებინათ ეს მხარე, ხოლო ამ მოთხოვნის შეუსრულებლობის შემთხვევაში ძალის გამოყენებით განედევნა ისინი.¹²²⁷

მაიორ კუტიევს რაზმი, რომელსაც სამეგრელოს სახალხო ლაშქარიც ახლდა, ენ-გურზე გადავიდა და ერთდღიანი ლაშქრობის შემდეგ ილორში ჩავიდა. რუსთა და ქართველთა ჯარის მიახლოებისთანავე თურქებმა მიატოვეს ასლან-ბეი და ფოთში დაბრუნდნენ, ასლან-ბეი კი ჯიქეთში გაიქცა. გიორგი შარვაშიძემ ითხოვა, დახმარებოდნენ სამთავროს მოსახლეობის დამორჩილებაში, ამიტომ ჯარმა წინსვლა განაგრძო, აბჟუის ოლქში მძევლები აიყვანა თავად-აზნაურებისაგან და მთავრის ერთგულებაზე დააფიცა, შემდეგ კოდორი გადალახა, აფხაზეთის ოლქშიც აიყვანა მძევლები და თავად-აზნაურები მთავრის ერთგულებაზე დააფიცა. როდესაც ჯარი სოხუმში ჩავიდა, რებია-ჰანუმი და მისი ორი უმცროსი შვილიც მონანიებით ეახლნენ სარდლობას. სოხუმში მოიწვიეს ზუფუელი თავად-აზნაურებიც, მძევლები ჩამოართვეს და ერთგულების ფიცი დაადებინეს. ამრიგად, მთელი აფხაზეთი გიორგი შარვაშიძეს შემოუმტკიცეს. ლევან V დადიანის რჩევით, აფხაზეთის მთავარმა მოლაპარაკება გამართა წებელის მფლობელ მარშანიებთან, მოსთხოვა მათ, შეეწყვიტათ ყაჩაღობა და არ შეეფარებინათ ყაჩაღები, თუ ამ გაფრთხილებას არ შეისმენდნენ, ყაჩაღთა ბუდეს დააქცევდა და ააოხრებდა. ამის შემდეგ ჯარი უკან გამობრუნდა და თან წამოიყვანა ის ხალხი, რომლებსაც აქ შიმშილობისა და შავი ჭირის ეპიდემიის დროს თავი შეეფარებინა და აფხაზებს დაეტყვევებინა.¹²²⁸ უკან გამობრუნებულმა რუსთა და ქართველთა ლაშქარმა ლევან V დადიანსა და მანუჩარ შარვაშიძის ქვრივს ქეთევანს სამურზაყანო დაუმორჩილა.¹²²⁹

ამრიგად, აფხაზეთში დაწყებული მღელვარება რუსულმა ხელისუფლებამ 1813წ. აგვისტოში სისხლისღვრის გარეშე ჩაახშო და მოსახლეობის დიდი ნაწილიც დაიმორჩილა.

1813წ. ნოემბერში პორტამ კვლავ მოითხოვა იმერეთის, გურიის, სამეგრელოსა და აფხაზეთის, ასევე ციხეების – სოხუმ-ყალეს, ანაკლიის და კემხელის, დაბრუნება.¹²³⁰ ნ.რტიშჩევმა დასაბუთებული პასუხი გასცა პორტას,¹²³¹ მაგრამ საკითხი ამით არ ამოწურულა.

წებელის მფლობელთა და სამურზაყანოელთა ფიცი. აფხაზეთში რთული ვითარება რჩებოდა. გიორგი შარვაშიძის ხელისუფლება კვლავ სუსტი იყო. მთავარს, ფაქტობრივად, არ ემორჩილებოდნენ მისი ძმები და ცალკეულ მხარეთა მფლობელები. სამთავროს ხშირად თავს ესხმოდნენ მეზობელი ტომები და აფხაზეთის მთის თემების მკვიდრნი. აქ არსებული უწესრიგობა და ანარქია მეზობელ სამეგრელოზეც ახდენდა გავლენას. ამიტომ 1814წ. 3 ოქტომბერს ლევან V დადიანმა ნ.რტიშჩევს აფხაზეთში ლაშქრობის ნებართვა სთხოვა. ლაშქრობის მიზანი უნდა ყოფილიყო წებელში წესრიგის დამყარება, რადგან ამ თემის სოფლები სამეგრელოსა და აფხაზეთის ავაზაკთა თავშესაფარს წარმოადგენდა¹²³². მაგრამ ლაშქრობის დაწყება გაჭიანურდა, მალე კი მისი საჭიროება მოიხსნა. 1815წ. შემოდგომაზე ლევან V დადიანმა წებელთან ურთიერთობა მშვიდობიანად მოაგვარა. 29 ნოემბერს სამურზაყანოს სოფ. ოქუმში ჩამოვიდნენ წებელის თემის ბატონები – მისოსტ, სარალუფუ, ზერეფსუ მარშანიები და ლევან V დადიანს ერთგულების ფიცი მისცეს, შეჰპირდნენ კეთილმეზობლობას და

1226 . იქვე, №934, გვ. 797.

1227 . იქვე, №935, გვ. 798; №936, გვ. 800.

1228 . იქვე, ტ. V, №596, გვ. 505-506; №597, გვ. 506; ნ. დადიანი. ქართველთა ცხოვრება, გვ. 205.

1229 . AKAK, т. V, №596, გვ. 506; №597, გვ. 506.

1230 . იქვე, №940, გვ. 805.

1231 . იქვე, №940, გვ. 805, 807.

1232 . ხელნაწერთა ინსტიტუტი, –1130, გვ. 34.

აღუთქვეს, რომ სამეგრელოდან ტყვეების გატაცებას, სხვა ბოროტმოქმედებას აღარ ჩაიდენდნენ. ფიცში იგულისხმებოდა, რომ ისინი ღვეან V დადიანს წინააღმდეგობას არ გაუწევდნენ, შეწყვეტდნენ თავდასხმებს სამურზაყანოზე. ფიცის ტექსტში, რომელიც ქართულადაა შედგენილი, ნათქვამია: „*ქ. ჩვენ ქვემო ხელის მომწერელნი წებელის თემის ბატონები, თავადი მარშანიები მოვართმევთ ამ წერილს თქვენს უგანათლებულესობას მთავარს დადიანს ღვეანს, ასე რომ ჩვენ მამა-პაპით თქვენის მამა-პაპის თუშცა მორჩილები და ერთგულები ვიყავით, მაგრამ რომელმანმე შემთხვეულმა შფოთებმა დაშორებულ ვიქმენით ერთმანეთისაგან, და აწი გინებებით ჩვენი თქვენდა მახლობლობა და პირველისამებრ სიყვარული და წყალობა განგვიახლეთ, და ჩვენც რწმუნებულ – ვართ ამ თქვენის ჭეშმარიტის სიტყვით ჩვენდა დაჯერებას და ჩვენც ვფიცავთ ამას წმიდასა ალყურანსა ზედა ესრეთ, რომელ პირველ ყოველთასა ვიყვნეთ არა რაისამე შინა წინააღმდეგომ მისის დიდებულების რუსეთის ხელმწიფისა იმპერატორის ალექსანდრე პავლეს ძისა, და მისგან დაწესებულთა ამა მხარეთა მმართველთა საშუალობითა თქვენითა. და თქვენისაცა ბრძანებისა ჩვენგან შესაძლებელსა მორჩილ და შეძლებისაებრ ჩვენისავე მტერთა რუსეთისა და თქვენის უგანათლებულესობისათა წინააღმდეგომ ყოვლითა გზითა და არცა რაიმესა შინა თანხმა მათთანა სიტყვით ანუ საქმით, და ვიყვნეთვე კეთილითა მეზობლობითა სამთავროსა თქვენისა სამურზაყანოდ წოდებულს აფხაზეთსა ნაწილსა თანა და ოდიშისა და მასთა მცხოვრებთა და არცა შევიწინართლა წინააღმდეგომი ვინმე უმაღლესის რუსეთის ტახტისა და თქვენის უგანათლებულესობისაგან გამოქცეულნი ვინმე, და არცა ჩვენგან რაიმე იქმნას ავის მოქმედება სამფლობელოსა რუსეთისა და საკუთრათ თქვენისაც უგანათლებულესობისა სამთავროსა შინა, – არცა ტაცება ტყვისა, არცა სხვა რაიმე, და რომელიც არა არიან აქა სახლისკაცი ჩვენნი, მათსაცა ვეცდებით ესთავე მოყვანასა და მორჩილებასა ესრეთვე, ვითა აღუთქვით ჩვენ. და ამა ფიცისა შემდგომად ვემთხვევით ამას წმიდასა ალყურანსა დასამტკიცებლათ ფიცისა ჩვენისასა და ვაწერთ ხელთა: თავადი მისოსტ შვილი უჩარდიასი მარშანია, თავადი სარალუფ შვილი თულაფსისა მარშანია, თავადი ზერეფსუ ომერის ძე მარშანია.“¹²³³*

მიუხედავად წებელის მფლობელთა მიერ ფიცის დადებისა, ეს მხარე აფხაზეთის მთავრის ხელისუფლებისა და რუსეთის გავლენის მიღმა რჩებოდა. იმავედროულად ღვეან V დადიანმა ბექირ-ბეი შარვაშიძის შვილი სოსლან-ბეი რუსეთის მხარეზე გადმოიბირა და იმპერატორის ერთგულების ფიცი დაადებინა¹²³⁴. იგი აქტიურად ჩაერია სამურზაყანოს საქმეებშიც და ამ მხარეში წესრიგის დამყარებას შეეცადა. 1815წ. 20 ნოემბერს „სამურზაყანოს აფხაზეთისა მთავარმა“ ღვეან V დადიანმა დადგინებდა გამოსცა, რომლითაც მოითხოვა სამურზაყანოში ქურდობის, ავაზაკობის, ტყვის სყიდვის აკრძალვა, შავი ჭირის ეპიდემიისა და შიმშილობის დროს (1811-1812წწ.) აქ გადმოსხვეწილი იმერელი და მეგრელი გლეხების ადრინდელ საცხოვრებელ ადგილებში დაბრუნება, ამ მხარეში წესრიგის შენარჩუნება, რისი შესრულებაც სამურზაყანოს თავად-აზნაურებმა ფიცით აღუთქვეს¹²³⁵. ფიცს ხელს აწერდნენ შარვაშიძეები, ანჩაბაძეები, ჩქოტუები, ემუხვარები, მარღანიები და სხვ.

რუსეთ - კავკასიის ომის დასაწყისი. XIX ს. დასაწყისში ცარიზმისთვის გადაუღებელ სტრატეგიულ და პოლიტიკურ ამოცანას წარმოადგენდა ჩრდილოეთ კავკასიის დაპყრობა. იმპერიასთან მიერთებული ტერიტორიები კავკასიონის ქედის სამხრეთით მდებარეობდა; მათი დაპყრობა ჩრდილოეთ კავკასიის მთიანი ზოლის შემომტკიცებამდე მოხდა. ამდენად იმპერიის კავკასიური სამფლობელოები მეტროპოლიიდან დაუმორჩილებელი ჩრდილოეთ კავკასიით გამიჯნული აღმოჩნდა. ამიტომ დღის წესრიგში დადგა ყუბან-თერგის „საკორდონო ხაზის“ სამხრეთით მდებარე მიწა-წყლის დაპყრობა. სანამ ეს საკითხი არ გადაწყდებოდა, რუსეთის ბატონობა ამიერკავკასიაში მტკიცე ვერ იქნებოდა. ნაპოლეონთან საომარი კამპანიის დამთავრების შემდეგ ცარიზმი ჩრდილოეთ კავკასიის დაპყრობისათვის მზადებას შეუდგა¹²³⁶.

¹²³³ . АКАК, т. V, №599, გვ. 507-508.

¹²³⁴ . ხელნაწერთა ინსტიტუტი, –1130, გვ. 79რ-82გ.

¹²³⁵ . იქვე, გვ. 94რ-98გ.

¹²³⁶ . А. В. Фадеев. Россия и Кавказ..., გვ. 282.

1815წ. კავკასიის ხაზზე, საქართველოში და, საერთოდ, ამიერკავკასიაში განლაგებული რუსეთის ჯარის ნაწილებისაგან საქართველოს კორპუსი ცალკე შეიქმნა. 1816წ. 12 ოქტომბერს კავკასიის მთავარმართველად გენერალ-ლეიტენანტი ა.ერმოლოვი დაინიშნა. მოგვიანებით, ა. პუშკინი პოემაში „კავკასიის ტყვე“ დაწერს: „ძრწოდე, კავკასო: მოდის ერმოლოვი!“

ა.ერმოლოვი, თავისი წინამორბედებისაგან განსხვავებით, რომლებიც ჩრდილოეთ კავკასიის მთიელთა წინააღმდეგ ცალკეულ სადამსჯელო ექსპედიციებს ატარებდნენ, ჩეჩნეთისა და დაღესტნის სიღრმეში გეგმაზომიერ შეტევაზე გადავიდა. რუსები ანადგურებდნენ მთიელთა სოფლებს, კაფავდნენ ტყეებს, გაჰყავდათ გზები, აგებდნენ ციხე-სიმაგრეებს და მთების სიღრმეში ნაბიჯ-ნაბიჯ მიიწვედნენ.¹²³⁷ ცარიზმი ცდილობდა ჩრდილოეთ კავკასიაში რუსული სამხედრო-ადმინისტრაციული მმართველობის დანერგვას, რამაც მისი კოლონიური პოლიტიკა გააშიშვლა. რუსეთის სამხედრო-ფეოდალურ ექსპანსიას ჩრდილოეთ კავკასიის მთიელთა საპასუხო რეაქცია მოჰყვა. დაიწყო რუსეთ - კავკასიის ომი (1817-1864წწ), რომელშიც რუსეთი მიზნად ისახავდა მთიანი დაღესტნისა და დასავლეთ კავკასიის დაპყრობას, ხოლო კავკასიელ მთიელთა მხრიდან ომს ანტიკოლონიური, ეროვნულ-განმათავისუფლებელი ხასიათი ჰქონდა.¹²³⁸

ომის მსვლელობისას რუსეთის სარდლობა დიდ ყურადღებას აქცევდა შავი ზღვის ჩრდილო-აღმოსავლეთ სანაპიროს დაკავებას, რადგან დასავლეთ კავკასიის მთიელები გარესამყაროსთან კავშირს აქედან ამყარებდნენ; ინგლისი და ოსმალეთი კავკასიელ მთიელებს იარაღით და ტყვია-წამლით აქედან ამარაგებდნენ. შავი ზღვის ჩრდილო-აღმოსავლეთ სანაპიროს დაკავების მიზნით რუსეთი ცდილობდა აფხაზეთში მტკიცედ დამკვიდრებულიყო.

მთავრის ხელისუფლების გაძლიერების მცდელობა. რუსეთი შავი ზღვის აფხაზეთის სანაპიროზე მხოლოდ სოხუმს ფლობდა, სადაც 500 ჯარისკაცი იყო დისლოცირებული. სოხუმის მცირერიცხოვანი გარნიზონი ვერ უზრუნველყოფდა სტაბილურობას ამ მხარეში, სარდლობას კი მისი გაზრდის საშუალება არ ჰქონდა. რუსეთის პოზიციების სისუსტეს აფხაზეთში მნიშვნელოვანწილად განაპირობებდა სუსტი მთავრის ხელისუფლება და მისი დაბალი ავტორიტეტი ხალხში. აფხაზეთის მთავარი უძლური იყო, საკუთარი ძალებით დაეცხრო შინაპოლიტიკური ბრძოლა სამთავროში. აქ კვლავ გრძელდებოდა ადამიანების გატაცება, მკვლელობები, ძარცვა, მთავრისადმი აშკარა დაუმორჩილებლობა. 1817წ. გიორგი შარვაშიძე ლევან V დადიანთან და იმერეთის მმართველთან, გენერალ-მაიორ ი.კურნატოვსკისთან (1817-1820წწ.) ჩავიდა. იგი ითხოვდა, მისთვის მიეცათ სამეგრელოსა და იმერეთის ლაშქარი, რათა მათი მეშვეობით ქვეშევრდომები დაემორჩილებინა. დადიანმა და იმერეთის მმართველმა უმჯობესად ჩათვალეს, მშვიდობიანი საშუალებით ემოქმედათ და აფხაზეთის მთავარს პოლკოვნიკი ნიკო დადიანი გააყოლეს, რომელიც აფხაზეთში დიდი ავტორიტეტით და გავლენით სარგებლობდა. ნიკო დადიანმა აფხაზეთის მთავართან შეარიგა და მას დაუმორჩილა მისი ძმა ჰასან-ბეი, დედა – რებია-ჰანუმი მარშანია, აბუყის მფლობელი ალი-ბეი შარვაშიძე თავისი თავადაზნაურებით, ბზიფის ოლქის აზნაურები: თლაფს ლაკრიბა, ჯამღეთ ლაკრიბა, კაც მარდანი, რომლებმაც იმპერატორის ერთგულების ფიცი დადეს და მძევლები მისცეს. მხოლოდ ბზიფის ოლქის თავადებმა, ძმებმა ნარჩოუ, დარუკელ და გიორგი ინალ-იფებმა და აზნაურმა ედგი ზვანბაიამ განაცხადეს უარი მთავრის მორჩილებაზე.¹²³⁹ იმავე ხანებში ლევან V დადიანმა ალი-ბეი შარვაშიძე მონათველინა, ალექსანდრე უწოდა და ნიკო დადიანის ასული, შემდგომში ცნობილი საზოგადო მოღვაწე კესარია შერთო.¹²⁴⁰

აფხაზეთში დროებით სიმშვიდე ჩამოვარდა, მაგრამ მალე, 1818წ. აპრილში, გიორგი შარვაშიძემ ი.კურნატოვსკის კვლავ აცნობა თავისი ქვეშევრდომების აშკარა დაუმორჩილებლობის თაობაზე. აფხაზეთის მთავარი ითხოვდა, მისთვის მიეცათ

1237 , . I, გვ. 32; (XVIII – 80- XIX .) . . . , 1984, გვ. 35.

1238 . ჩრდილო კავკასიის ხალხთა..., II, გვ. 144.

1239 . AKAK, T. VI, . I, №926, გვ. 644.

1240 . 5. დადიანი. ქართველთ ცხოვრება, გვ. 209.

სამეგრელოს ლაშქარი და 300-მდე იმერელი მხედარი, რომელთაც ის თავის ერთგულ ქვეშევრდომებს დაუმატებდა და სამთავროს მოსახლეობას სისხლისღვრის გარეშე დაიმორჩილებდა; გარდა ამისა, იგი ითხოვდა აფხაზეთში რუსეთის ჯარის ნაწილების ჩაყენებას, რომელთა შიშითაც აფხაზები უკვე დაუმორჩილებლობას ვერ გაბედავდნენ. ი.კურნატოვსკი თვლიდა, რომ აფხაზეთის მთავარი იმაზე უფრო სუსტი იყო, ვიდრე ჩანდა. მას ხალხთან მარტო გამოჩენაც არ ძალუძდა. ამის მიზეზად იმერეთის მმართველს ის მიაჩნდა, რომ აფხაზების, მთის თავისუფალი და მეომრული სულის ხალხის მართვა რთული იყო; ამასთან, გიორგი შარვაშიძის მთავრად დამტკიცება მისდამი ხალხის ერთგულების გარკვევის გარეშე მოხდა. მისთვის აშკარა იყო, რომ ხალხი უფრო ჰასან-ბეის ემხრობოდა, რომელიც გიორგი შარვაშიძისგან განსხვავებით მტკიცე ხასიათის, ყოჩაღი და მამაცი იყო. იგი არ ემორჩილებოდა ძმას და შესაძლოა ფარულად ხალხსაც ამისკენ აქეზებდა. მაგრამ, რადგან გიორგი შარვაშიძე მთავრად იყო დანიშნული, ი.კურნატოვსკის აზრით, ხელისუფლებას მისთვის მფარველობა უნდა გაეწია და დაეცვა. ამიტომ უნდა დაეკმაყოფილებინათ მისი თხოვნა იმერეთისა და სამეგრელოს ლაშქრის მიცემის თაობაზე, რათა ამ მხარეში წესრიგი დაემყარებინა.¹²⁴¹

ამავე ხანებში ადგილობრივი რუსული ადმინისტრაცია შეეცადა მოეგვარებინა სამურზაყანოს საკითხი, რომელიც სამეგრელოსა და აფხაზეთის სამთავრო სახლებს შორის დაპირისპირების საგანი იყო. 1818წ. მაისში ი. კურნატოვსკის თანდასწრებით აფხაზეთისა და სამეგრელოს მთავრებს შორის შეთანხმება დაიდო. გიორგი შარვაშიძემ სამურზაყანო დადიანის სამფლობელოდ ცნო. როგორც ლევან V დადიანი აღნიშნავდა, ეს აქტი მიზნად ისახავდა ორ სამთავროს შორის მშვიდობიანი ურთიერთობის აღდგენას. შეთანხმების მიხედვით, სამეგრელოსა და აფხაზეთს შორის საზღვრად მდ. დალიძგა განისაზღვრა. ორივე მხარე ვალდებული იქნა იღებდა, შეამზობინა და სხვა ჯურის დამნაშავეთათვის თავშესაფარი არ მიეცათ¹²⁴². ამრიგად, აფხაზეთის მთავარმა სამურზაყანო სამეგრელოს სამთავროს შემადგენლობაში აღიარა, რითაც ბოლო უნდა მოეღებოდა შარვაშიძეთა სამთავრო სახლის პრეტენზიას ამ მხარეზე.

კავკასიის რუსულმა ადმინისტრაციამ მიზანშეწონილად მიიჩნია გიორგი შარვაშიძის თხოვნის დაკმაყოფილება აფხაზეთში წესრიგის დასამყარებლად ჯარის გაგზავნის შესახებ, მაგრამ მუდამ მშფოთვარე მხარეში რუსეთის ჯარის ნაწილების გაგზავნა და მათი საფრთხეში ჩაგდება არ სურდა, ხოლო სამეგრელო-იმერეთის ლაშქრის გაგზავნის წინააღმდეგი არ იყო.¹²⁴³ ლევან V დადიანის აზრით, აფხაზეთში ლაშქრობის შემოდგომისთვის გადადება ჯობდა. იგი თვლიდა, რომ სამეგრელო-იმერეთის ლაშქრის აფხაზეთში გამოჩენის შემთხვევაში, აფხაზები წინააღმდეგობას არ გასწევდნენ და მორჩილებას გამოაცხადებდნენ, მაგრამ გაზაფხულზე მდინარეების ადიდების გამო მათი გადალახვა გაძნელებოდა, აფხაზები კი, ჩვეულებრივ, ტყეს შეაფარებდნენ თავს. მისი აზრით, ლაშქრობის მოწყობა სასურველი იქნებოდა ოქტომბერში, როდესაც აფხაზები ღმოს მოიწევდნენ და ღვინოს დააყენებდნენ. მაშინ მათ გაუჭირდებოდათ თავიანთი საცხოვრებლების დატოვება; ამასთან, მთებისთვის თავის შეფარება შეუძლებელი იქნებოდა თოვლის გამო, ლაშქარს არ გაუჭირდებოდა მდინარეების გადალახვა და აფხაზები იძულებული გახდებოდნენ მორჩილება გამოეცხადებინათ. რუსეთის სარდლობამ გაითვალისწინა სამეგრელოს მთავრის რჩევა და აფხაზეთში ლაშქრობა ოქტომბრისთვის გადადო¹²⁴⁴, მაგრამ მისი საჭიროება არ დადგა. შემოდგომისთვის აფხაზეთის მთავარმა ურჩ ქვეშევრდომებთან საქმე მშვიდობიანად მოაგვარა, ერთგულების ფიცი დაადებინა და მძევლები ჩამოართვა. რუსული ხელისუფლება სამართლიანად ფიქრობდა, რომ მშფოთვარე აფხაზები მთავრის მორჩილებაში დიდხანს არ იქნებოდნენ. ადგილობრივ რუსულ ადმინისტრაციას აფხაზეთში სიმშვიდის შენარჩუნების, კავკასიელ მთიელთა თავდასხმების აღკვეთის ერთ-ერთ პირობად გაგრაში ჯარის ნაწილის ჩაყენება მიაჩნდა¹²⁴⁵, მაგრამ ამის გაკეთება მაშინ არ შეეძლო.

¹²⁴¹ . . . VI, . 1, №926, გვ. 644.

¹²⁴² . სცსსა, ფ. 1087, აღწ. 2, ს. 357, ფ. 14.

¹²⁴³ . . . VI, . 1, №928, გვ. 645.

¹²⁴⁴ . იქვე, №929, გვ. 645.

¹²⁴⁵ . იქვე, №930, გვ. 645-646.

იმერეთის აჯანყება და აფხაზეთი. 1819წ. ივლისში იმერეთში აჯანყება დაიწყო. ი.კურნატოვსკი საქართველოს კორპუსის შტაბის უფროსს, გენერალ-ლეიტენანტ ა.ველიამინოვს მაშინ სწერდა: „აჯანყების სული საყოველთაოა და აშკარად ჩვენს მხარეზე არავინაა, გურულები და მეგრელები მზად არიან, იმერლებთან ერთად იმოქმედონ, ხოლო აფხაზი გლეხები იმდენად თანაუგრძნობენ იმერეთის აჯანყებას, რომ იმერლებს ისღა დარჩენიათ, მხოლოდ მოიწვიონ აფხაზები... აქ ისეთი ხმებიც არის, თითქოს მთავრები ჩვენს წინააღმდეგ ერთობლივი მოქმედებისთვის იწვევენ: სამეგრელოსი – სვანებს და აფხაზებს, ხოლო გურიელი – აჭარლებს“¹²⁴⁶. როგორც ი.კურნატოვსკი აღიარებდა, აჯანყებას გურია-სამეგრელო-აფხაზეთის მოსახლეობაც თანაუგრძნობდა, მაგრამ რუსეთის სარდლობის მუქარამ დადიანი და გურიელი აიძულა მთავრობის მხარე დაეჭირათ. აჯანყებამ გურიაც მოიცვა და სამეგრელოშიც კპოვა გამოძახილი. ფრანგი კომერსანტის პოლ გიბალის ცნობით, რომელიც აფხაზეთში ამ ხანებში იმყოფებოდა, სოხუმსა და მის მიდამოებში დაახლოებით 8 სახალხო კრება – „სეიმი“ შედგა, სადაც იმერეთისა და სამეგრელოს მღელვარების საკითხი განიხილებოდა. სეიმის მიზანი იყო განესაზღვრა, საჭირო იყო თუ არა აჯანყებულებთან შეერთება. აღსანიშნავია, რომ „სეიმის მონაწილეთა დიდი ნაწილი ბრძოლის მომხრე იყო“¹²⁴⁷. 1819წ. აგვისტოში სოხუმში იმყოფებოდა ქართველი მწერალი და მოგზაური გ. ავალიშვილი. მისი დაკვირვებით, „არა ცხრებიან აქაური მცხოვრებნი, ესე იგი აფხაზნი, ავაზაკებრითა ქცევითა თვისითა“ რუსეთის ხელისუფლების სავნებად. აქ იგი აფხაზეთის მთავარსაც შეხვდა და რუსეთის ერთგულება ურჩია. მისი დახასიათებით, გიორგი შარვაშიძე საშუალო ასაკის იყო, ხმელი, „ფერხღვლარჭნილი და ჩანსაცა უფლად კმად მცირეისა გონებისა“. გაავალიშვილი შეეცადა, გამოერკვია, რამდენი ენა იცოდა მთავარმა და გაარკვია, რომ რუსული არ იცოდა. მთავრის მხლებელმა უთხრა, რომ „არ უწყის მან სხუა ენა, გარდა აფხაზურისა, თუმცა ესმის კუალად მცირედ რაოდენმე ქართულიცა“. როდესაც გაავალიშვილი მთავარს ქართულად შეეკითხა, მხლებელმა უპასუხა, რომ „არ ძალუძს ლაპარაკი არა რომელსამე ენასა ზედა, ვითარ ოდენ აფხაზურისა“¹²⁴⁸. ხელისუფლება მკაცრად აფრთხილებდა აფხაზეთის მთავარს და მის ურჩ ძმებს, რომ მეამბოხეებისთვის, რომლებიც სამეგრელოდან აფხაზეთში გარბოდნენ, თავშესაფარი არ მიეცათ¹²⁴⁹. მიუხედავად ამისა, სამეგრელოში აჯანყების ერთ-ერთმა მეთაურმა, მთავრის ძმამ გიორგი დადიანმა 1820წ. ივნისში აფხაზეთს შეაფარა თავი. ლევან V დადიანმა მისი გაცემა მოითხოვა, წინააღმდეგ შემთხვევაში, იმუქრებოდა, რომ „ძღვეამოსილ რუსეთის ჯარებთან ერთად მთელ აფხაზეთს გადააბრუნებდა“. აფხაზეთის მთავარმა მისი გაცემა განიზრახა, ამიტომ გიორგი დადიანი ჯერ ფოთში, შემდეგ კი სვანეთში გაიქცა, სადაც სამეგრელოს მთავრის ბრძანებით შეიპყრეს და რუსეთის ხელისუფლებას გადასცეს¹²⁵⁰. 1820წ. ივლისში რუსეთის ჯარის ნაწილებმა იმერეთის 1819-1820წწ. აჯანყება მთელი სისასტიკით ჩაახშეს. აფხაზებს აჯანყებაში მონაწილეობა არ მიუღიათ, თუმცა მას თანაუგრძნობდნენ.

ოსმალეთის პრეტენზიების განახლება. აფხაზეთის მთავრის ხელისუფლებისა და ამ მხარეში რუსეთის სუსტი გავლენით წაქეზებული ოსმალეთი კვლავ დაჟინებით მოითხოვდა სოხუმისა და აფხაზეთის დაბრუნებას. რუსეთის ხელისუფლება ორჭოფობდა და დასაშვებადაც კი მიაჩნდა პორტას მოთხოვნის დაკმაყოფილება. საკითხის შესწავლა ა. ერმოლოვს დაევალა. 1820წ. 16 ივლისს მან პეტერბურგს ვრცელი მოხსენება წარუდგინა, სადაც იმ საფრთხის თაობაზე მიუთითებდა, რასაც აფხაზეთისა და სოხუმის დათმობა გამოიწვევდა. მისი აზრით, აფხაზეთის დათმობა ნეგატიურად იმოქმედებდა რუსეთის პოზიციებზე ამიერკავკასიის სხვა სამფლობელოებში, სადაც ოსმალეთის ჩარევა გაძლიერდებოდა და სამომავლოდ რეგიონში პოზიციების

¹²⁴⁶ . იქვე, № 744, გვ. 537.

¹²⁴⁷

), . . 1981, გვ. 21.

¹²⁴⁸ . გ. ავალიშვილი. მგზავრობა თბილისიდან იერუსალიმამდე. ტექსტი გამოსაცემად მოამზადა, გამოკლევა, ლექსიკონი და საძიებლები დაურთო ელ. მეტრეველმა. თბ., 1967, გვ. 29-30.

¹²⁴⁹ . . . VI, . 1, № 896, გვ. 630.

¹²⁵⁰ . ბ. ხორავა. დადიანთა სამთავრო სახლის ახალი დინასტია. თბ., 2001, გვ. 61-62.

შესანარჩუნებლად გაცილებით მეტი სამხედრო ძალა იქნებოდა საჭირო, მით უმეტეს, რომ რუსეთის გავლენა შავ ზღვაზე შესუსტდებოდა; გიორგი შარვაშიძე იძულებული გახდებოდა, ქრისტიანობა დაეთმო, ხოლო ტახტზე რუსეთის დაუპინძელი მტერი, თავგამოდებული მაჰმადიანი ჰასან-ბეი აღზევდებოდა; შეწყდებოდა ქრისტიანობის გავრცელება და ახალმონათლულები მძიმე დღეში აღმონდებოდნენ. ყოველივე ეს სახელს გაუტეხდა რუსეთს დასავლეთ საქართველოს სხვა ქვეშევრდომთა თვალში, გაძლიერდებოდა ტყვის სყიდვა; აფხაზებს დიდი რაოდენობით ჰქონდათ ნაგები და სანაპიროს მახლობლად ყაჩაღობას ეწეოდნენ. თუ მათ ნავმისადგომებად ექნებოდათ სოხუმისა და ბიჭვინთის ყურეები, რუსეთის ხომალდებს საშუალება მოესპობოდათ, ყირიმიდან რედუტ-ყალეში სურსათი ჩაეტანათ, არ შეეძლებოდათ თავიანთი სამფლობელოების დაცვა და მაშინ რუსეთი მხოლოდ აფხაზეთს როდი დაკარგავდა. აფხაზეთის დაკარგვით რუსეთს შეიძლებოდა მთელი დასავლეთ საქართველო დაეკარგა. იმ შემთხვევაში, თუ აფხაზეთის ან სოხუმის ბედი სხვაგვარად გადაწყდებოდა, აერმოლოვი თანამდებობიდან გადაყენებას ითხოვდა¹²⁵¹.

აერმოლოვის მიერ საკითხის პრინციპულად დაყენებამ მთავრობა აიძულა, სოხუმისა და აფხაზეთის ოსმალეთისთვის გადაცემაზე ხელი აეღო. რუსეთი მოითხოვდა, პორტას მის მფლობელობაში ეცნო ანაკლია და კემხელი, როგორც სამეგრელოს კუთვნილი პუნქტები, ამასთან არც სოხუმისა და აფხაზეთის დათმობას აპირებდა¹²⁵². მიუხედავად იმისა, რომ რუსეთის პოზიცია კატეგორიული იყო, პორტა კვლავ დაჟინებით მოითხოვდა ანაკლიისა და სოხუმ-ყალეს გადაცემას. 1820წ. დეკემბერში აერმოლოვმა პეტერბურგს კიდევ ერთხელ შეახსენა, რომ ხელისუფლებას სირთულეები შეექმნებოდა მათი დათმობით ამ ციხეების მიმდებარე ტერიტორიების დაცვაში და თურქები ადგილობრივ მოსახლეობას რუსეთის წინააღმდეგ წააქეზებდნენ, ამიტომ მათი დათმობა მიზანშეწონილად არ მიაჩნდა¹²⁵³. პეტერბურგში გაითვალისწინეს აერმოლოვის არგუმენტები და ოსმალეთისათვის სოხუმის, ანაკლიისა და კემხელის გადაცემაზე ხელისუფლებამ უარი თქვა.

2. სახალხო აჯანყებები და რუსეთის მიერ ბატარეული სამხედრო-დიპლომატიური ღონისძიებები. XIXს. 20-იანი წლები

აფხაზთა 1821 და 1824 წლების აჯანყებები. 1821წ. 7 თებერვალს აფხაზეთის მთავარი გიორგი შარვაშიძე ლიხნში გარდაიცვალა. როგორც ჩანს, მთავარი რეალურად აფასებდა ქვეყანაში არსებულ ძალთა თანაფარდობას და სიკვდილის წინ უმცროს ძმას ჰასან-ბეის მეუღლესა და შვილებზე მზრუნველობა სთხოვა და რუსეთის ხელისუფლების მორჩილება ურჩია¹²⁵⁴. მეორე დღეს, 8 თებერვალს, თამარ შარვაშიძემ წერილით აუწყა სოხუმის ციხის კომენდანტს, მაიორ პ.მოგილიანსკის გიორგი შარვაშიძის გარდაცვალება და სთხოვა, მთავარმართებლისთვის ეუწყებინა. ამასთანავე, ის ითხოვდა, გამოეგზავნათ უფროსი შვილი დიმიტრი, რომელიც პეტერბურგში პაჟთა კორპუსში იზრდებოდა და მისთვის ქვეყნის მართვა ჩაებარებინათ¹²⁵⁵. რუსეთის რეალური ხელისუფლება აფხაზეთში სოხუმის ციხის კედლებს არ სცილდებოდა, სადაც 500 კაციანი რუსული გარნიზონი იდგა¹²⁵⁶. თამარ შარვაშიძის გავლენაც უმნიშვნელო იყო, ტახტის მემკვიდრე დიმიტრი პეტერბურგში იმყოფებოდა. ასეთ ვითარებაში, სულ მცირე უთანხმოებას შეეძლო დიდი არეულობა გამოეწვია და ასეც მოხდა. 8 თებერვალს სოხუმის ციხიდან ტყეში შემის საჭრელად გასულ ჯარისკაცთა რაზმს აფხაზები თავს დაესხნენ. ამ ფაქტმა, მიუხედავად იმისა, რომ აფხაზეთისთვის უჩვეულო მასში არაფერი იყო, სამთავროში ვითარება დაძაბა. სოხუმის შემოგარენის მოსახლეობა ჰასან-ბეის ქვეშევრდომები იყვნენ, ამიტომ პ.მოგილიანსკიმ დამნაშავეთა

1251 . . . VI. . 1, №932, გვ. 653-654.

1252 . . . XI, გვ. 467.

1253 . . . VI. . 2, №759, გვ. 760; №760, გვ. 430.

1254 . ხელნაწერთა ინსტიტუტი, ე. ვეიდენბაუმის ფონდი, №1717.

1255 . იქვე, №1716.

1256 . . .

. . VI. . . გვ. 456-457.

გაცემის მოთხოვნით მას მიმართა. ლიხნში მყოფმა ჰასან-ბეიმ, პირობა დადო, რომ დამნაშავეებს მოძებნიდა და მთავრობას გადასცემდა¹²⁵⁷. იმავე დღეს პ.მოგილიანსკიმ კავკასიის კორპუსის შტაბის უფროსს, გენერალ-ლეიტენანტ ა.ველიამინოვს, რომელიც კავკასიას ა.ერმოლოვის არყოფნის გამო მართავდა, გიორგი შარვაშიძის გარდაცვალებისა და სოხუმის ციხის გარნიზონის ჯარისკაცებზე აფხაზების თავდასხმის თაობაზე აუწყა. ეს ამბავი მან წარმოაჩინა როგორც ჰასან-ბეის წაქეზებით აფხაზების აჯანყება რუსეთის მთავრობის წინააღმდეგ ძალაუფლების ხელში ჩასაგდებად¹²⁵⁸.

ა.ველიამინოვს მიაჩნდა, რომ თუმცა ჰასან-ბეის მომხრეთა დაჯგუფებას ოსმალეთის დახმარების გარეშე რაიმე წარმატების მიღწევა არ შეეძლო, აფხაზეთში არსებული სიტუაციიდან გამომდინარე, მისი იზოლირება აუცილებელი იყო, ამიტომ პ. მოგილიანსკის უბრძანა, პირველსავე ხელსაყრელ შემთხვევაში ჰასან-ბეი დაეპატიმრებინა, ხოლო იმპერატორის მიერ აფხაზეთის მთავრის დამტკიცებამდე ქვეყნის მმართველად თამარ შარვაშიძე დაენიშნა. სოხუმის ციხის კომენდანტმა არ დააყოვნა ბრძანების შესრულება, თუმცა ხელსაყრელ შემთხვევას არ დაელოდა. 6 მარტს სოხუმის ციხეში მოსალაპარაკებლად მიიწვია ჰასან-ბეი და დააპატიმრა.¹²⁵⁹

1821 წლის 14 მარტს თამარ შარვაშიძემ წერილით უშუალოდ ა. ველიამინოვს მიმართა და სთხოვა, ტახტის მემკვიდრე დიმიტრი აფხაზეთში გამოეგზავნათ. იგი წერდა, რომ მისმა შვილმა ამ ქვეყნის „არც ქცევა და არც ენა“ არ იცოდა, მაგრამ სამთავროს კარგად მოუვლიდა. ამასთან, ჰასან-ბეის გათავისუფლებასაც ითხოვდა. წინააღმდეგ შემთხვევაში, შეუძლებლად მიაჩნდა აფხაზეთში დარჩენა. იგი ა.ველიამინოვს არწმუნებდა, რომ რუსეთის ხელისუფლების წინაშე ჰასან-ბეის დანაშაული არ მიუძღოდა¹²⁶⁰. 1 აპრილს ა.ველიამინოვმა თამარ შარვაშიძეს დამამშვიდებელი წერილი გაუგზავნა. მასში აღნიშნულია, რომ აფხაზეთის სამთავრო სახლს იმპერატორის მფარველობა არ მოაკლდებოდა, რუსეთის ჯარის ნაწილები მუდამ მზად იყვნენ, მხარი დაეჭირათ მისი სახლისათვის და აფხაზეთში მას ვერავინ შეავიწროებდა. ა.ველიამინოვი გულახდილად წერდა, რომ ჰასან-ბეის დაპატიმრების მიზეზი გახდა გიორგი შარვაშიძის სიცოცხლეში მისი არაკეთილგანწყობილება და დაუმორჩილებლობა მთავრისადმი, რის გამოც განსვენებულ მთავარს არაერთხელ მიუმართავს რუსეთის ხელისუფლებისთვის. ამასთან, გენერლის აზრით, მას შეეძლო არეულობის მოხდენა, ამიტომ თამარ შარვაშიძეს მისი გათავისუფლება კი არ უნდა ეთხოვა, არამედ აფხაზეთიდან მოშორება¹²⁶¹.

იმერეთის მმართველს, გენერალ-მაიორ პ.გორჩაკოვს (1820-1825წწ.) მიაჩნდა, რომ ყოველგვარი მიზეზის გარეშე ჰასან-ბეის შეპყრობა არ იყო გონივრული, რადგან ეს ხელს არ შეუწყობდა აფხაზეთის დაშოშმინებას და უფრო მეტ მღელვარებას გამოიწვევდა. 1821 წლის 22 მარტს ა.ველიამინოვისადმი გაგზავნილ მოხსენებით ბარათში იგი აღნიშნავდა, რომ პ.მოგილიანსკის ცნობამ აფხაზეთის აჯანყების შესახებ მას თავიდანვე ეჭვი აღუძრა. მდგომარეობიდან გამოსასვლელად ხელისუფლებას ორი გზა ჰქონდა: პირველი, დაეკმაყოფილებინა ხალხის მოთხოვნა და ჰასან-ბეი გაეთავისუფლებინა; მეორე, აფხაზეთისკენ ჯარები დაეძრა. ამასთან, პირველი ღონისძიება სულაც არ იქნებოდა სისუსტის გამოვლენა; მეორე შემთხვევაში, დამატებით ათასამდე ჯარისკაცი მაინც გახდებოდა საჭირო; ჯარს უნდა გაეწყო დაუმორჩილებელი სოფლები, წინააღმდეგობა იქნებოდა დესანტის გადასხმის დროსაც; აჯანყება მაინც არ შეწყდებოდა, თუ ჯარის ნაწილი დიდი ხნით აფხაზეთში არ ჩადგებოდა, რადგან სოხუმის ციხის გარნიზონს რეალურად დიდი ძალა არ შესწევდა¹²⁶² და სიტუაციას მარტო ვერ გააკონტროლებდა.

¹²⁵⁷ . ხელნაწერთა ინსტიტუტი, ვ. ვეიდენბაუმის ფონდი, №1717; . 2, გვ. 552.

¹²⁵⁸ . . . III, . 2, იქვე.

¹²⁵⁹ . იქვე; . . VI, გვ. 461-462.

¹²⁶⁰ . ხელნაწერთა ინსტიტუტი, ვ. ვეიდენბაუმის ფონდი, №1718.

¹²⁶¹ . . VI, . I, №934, გვ. 655.

¹²⁶² . . . III, . 2, გვ. 553-554.

ამრიგად, პ.გორჩაკოვმა საესეებით ნათლად დასვა საკითხი: უდანაშაულო ჰასან-ბეის გათავისუფლება, ან აფხაზეთის აჯანყება. აველიამინოვი იმდენად უარყოფითად იყო განწყობილი ჰასან-ბეის მიმართ, რომ აფხაზეთა აჯანყება ნაკლებ უბედურებად მიაჩნდა, ვიდრე მისი გათავისუფლება. „ჩვენთვის ბევრად უფრო მომგებიანია მშფოთვარე აფხაზეთი, ვიდრე ჰასან-ბეის გათავისუფლება, რომელიც დიდი ავტორიტეტით სარგებლობს როგორც ხალხში, ასევე თურქეთის მთავრობაშიც“, – წერდა აველიამინოვი 28 მარტს პ.გორჩაკოვს. ხელისუფლებისათვის სასურველი იყო აფხაზეთიდან მისი მოშორება; აფხაზეთა აჯანყების შედეგები ხელისუფლებისათვის იმდენად მნიშვნელოვანი არ იქნებოდა. იგი დარწმუნებული იყო, რომ აჯანყებულები სოხუმის ციხეს თურქების დახმარების გარეშე ვერ აიღებდნენ. აუცილებლობის შემთხვევაში პ.გორჩაკოვს შეეძლო მის დასახმარებლად ქვემეხით შეიარაღებული ორი ან სამი ასეული გაეგზავნა¹²⁶³.

ამდენად, აველიამინოვის აზრით, უმჯობესი იყო აფხაზეთა აჯანყება, ვიდრე ჰასან-ბეის გათავისუფლება. 1821წ. აპრილში იგი ციმბირში გადაასახლეს¹²⁶⁴.

აველიამინოვის იმედი, რომ ჰასან-ბეის გადასახლებით აფხაზეთში პრობლემები მოგვარდებოდა, როგორც მოსალოდნელი იყო, არ ახდა. აფხაზეთის მმართველად თამარ შარვაშიძის დანიშნვას ხალხი საყოველთაო დრტვინვით და აღშფოთებით შეხვდა. ხალხი ეჭვობდა, რომ ჰასან-ბეის დაპატიმრება თამარ შარვაშიძის გარეშე არ მოხდებოდა, რომელსაც ალბათ მისი მოშორება სურდა, რათა დიმიტრისათვის ტახტისაკენ გზა გაეკაფა. აპრილის შუა რიცხვებში პ.გორჩაკოვი სოხუმში ჩავიდა, რათა აფხაზეთში შექმნილ ვითარებას ადგილზე გასცნობოდა. მან თანამდებობიდან გადააყენა სოხუმის ციხის კომენდანტი პ.მოვილიანსკი, რომელიც, მისი დახასიათებით, „საყოველთაო სიძულვილით“ სარგებლობდა და მის ნაცვლად მაიორი მიხინი დანიშნა, რომელმაც იმერეთის 1819-1820წწ. აჯანყებისას თავი გურიის დაშოშმინებაში გამოიჩინა¹²⁶⁵. აფხაზეთში ქარიშხლის მოახლოების ნიშნები აშკარად ჩანდა, ამიტომ პ.გორჩაკოვმა აფხაზეთი თავად-აზნაურობა მოსალაპარაკებლად სოხუმში მიიწვია. თავად-აზნაურებმა წუხილი გამოთქვეს ჰასან-ბეის დაპატიმრების გამო და მისი უდანაშაულობა დაადასტურეს. ისინი აღიარებდნენ თავიანთ უძღურებას რუსეთთან ბრძოლაში და მტკიცედ აცხადებდნენ, რომ რუსეთის ჯარის ნაწილების აფხაზეთში შესვლის შემთხვევაში გადაწყვეტილი ჰქონდათ, დაეწვათ თავიანთი საცხოვრებლები და მთებში წასულიყვნენ. პ.გორჩაკოვთან შესახვედრად სოხუმში თამარ შარვაშიძე არ ჩავიდა, რითაც გამოხატა უნდობლობა ხელისუფლებისადმი ჰასან-ბეის უმიზეზო დაპატიმრების გამო, ხოლო იმერეთის მმართველმა ლიხნში გამგზავრება სახიფათოდ ჩათვალა¹²⁶⁶.

ამდენად, პ.გორჩაკოვი ქუთაისში უშედეგოდ დაბრუნდა. სულ მალე კი საყოველთაო მღელვარება აფხაზეთში რუსეთის კოლონიური რეჟიმის წინააღმდეგ აჯანყებაში გადაიზარდა.

ჰასან-ბეის უმცროსი ძმები – ბათალ-ბეი, თაიარ-ბეი და როსტომ-ბეი, რომლებმაც მისი სახით მტკიცე საყრდენი და დამცველი დაკარგეს, ხალხს დაუმორჩილებლობისკენ მოუწოდებდნენ. მათ მხარი დაუჭირეს ინალ-იფებმა, ჰასან-ბეის სიმამრმა და მისმა ნათესავებმა, ასევე მარშანიებმა, ნათესავებმა დედის – რებია-ჰანუმის მხრიდან. მეამბოხეები თავს ესხმოდნენ იმ ფეოდალებს, რომლებიც აჯანყებას არ თანაუგრძნობდნენ. მათი რისხვა პირველ რიგში თამარ შარვაშიძეს და სამთავრო სახლს დაატყდა თავს. სოხუმის კომენდანტმა თავისთან მიიწვია აფხაზეთი თავადები, რათა თამარ შარვაშიძის მიმართ მათი უკმაყოფილების მიზეზი გაერკვია. თავადები მიხინთან არ გამოცხადდნენ, თუმცა შეუთვალეს, რომ მანამდე არ დაემორჩილებოდნენ რუსეთის ხელისუფლებას და თამარ შარვაშიძეს, სანამ მთავრობა ჰასან-ბეის არ დააბრუნებდა. მღელვარებამ უმთავრესად ჰასან-ბეის მამული, აფხაზეთის ოლქი მოიცვა, რაც შეეხება მთავრის

¹²⁶³ . იქვე, გვ. 554-556.

¹²⁶⁴ . იქვე, გვ. 556.

¹²⁶⁵ . იქვე, გვ. 553-558.

¹²⁶⁶ . იქვე, გვ. 557.

დომენს, ბზიფის ოლქს, თამარ შარვაშიძის ერთგული რჩებოდა, თუმცა აფხაზეთის დროებითი მმართველი მაინცდამაინც ბზიფელებსაც არ ენდობოდა¹²⁶⁷.

1821წ. იენისის ბოლოს ოსმალეთიდან ჯიქეთში ჩავიდა ასლან-ბეი. მან დეპუტაციის მეშვეობით თამარ შარვაშიძეს მძევლები და აფხაზეთში თავისუფლად შეშვება მოსთხოვა. იგი ამ დროს სოხუმის ციხის მახლობლად იდგა ბანაკად. მან ასლან-ბეის მოციქულების მიხინის თანდასწრებით სოხუმის ციხეში მიიღო, მოისმინა მათი წინადადება და განუცხადა, რომ მამის მკვლელს აფხაზეთში არასდროს შეუშვებდა. თამარ შარვაშიძის ამაღლაში მყოფი ბზიფელი თავად-აზნაურებიც მას დაეთანხმნენ. შემდეგ უკვე, მიხინთან საუბარში თამარმა აღნიშნა, რომ დარწმუნებული არ იყო თავის ქვეშევრდომთა ერთგულებაში, ამიტომ სთხოვა, მისი სასახლის დასაცავად ლიხნში მცირე რაზმი გაეგზავნა¹²⁶⁸.

აფხაზეთში რუსეთის ბატონობის საკითხი საფრთხის ქვეშ იდგა, ვინაიდან მისი მომხრეთა რიცხვი მცირე იყო და მხოლოდ ქრისტიანებით შემოიფარგლებოდა. მოსახლეობის უმეტესი ნაწილი კი, მაჰმადიანები და წარმართები, ოსმალურ ორიენტაციაზე იდგნენ, ან საერთოდ დამოუკიდებლობისათვის იბრძოდნენ¹²⁶⁹ სოხუმის ციხის გარნიზონი ამჯერადაც 500 ჯარისკაცს არ აღემატებოდა. პოლკოვნიკი მიხინი ყოველდღე თავდასხმას ელოდა, ამიტომ თამარ შარვაშიძის თხოვნას ვერ შეასრულებდა. მან თამარს სოხუმის ციხეში გადასვლა შესთავაზა, მაგრამ მთავრის ქვრივს ვერ გადაეწყვიტა ხალხის წინაშე თავისი უძღურების აღიარება, ამიტომ მან არჩია, სოფ. კოდორში წასულიყო, სადაც სახლი ჰქონდა. მაგრამ მდგომარეობა აქაც არანაკლებ საშიში აღმოჩნდა, ვიდრე ლიხნში. 1 ივლისს, საღამოს, მიხინმა თამარ შარვაშიძისაგან ცნობა მიიღო, რომ მეამბოხეებმა როსტომ-ბეის, თაიარ-ბეის და წებელელი მარშანიების მეთაურობით, მის სახლს ალყა შემოარტყეს. აჯანყებულებს მისი ტყვედ ჩაგდება და ასლან-ბეის მთავრად გამოცხადება სურდათ. თამარი შეეკლას ითხოვდა. მიხინმა კოდორის კონცხისკენ დაუყოვნებლივ გააგზავნა სამხედრო ხომალდი „კონსტანტინე“ და მის მეთაურს, ლეიტენანტ ხომუტოვს დაავალა მთავრის ქვრივი შვილებთან ერთად დაეხსნა. იმავე დამით ხომუტოვმა ისინი გამოიხსნა და 2 ივლისს სოხუმში ჩაიყვანა¹²⁷⁰.

ამასობაში პეტერბურგში აქტიურად მოქმედებდა ა. ერმოლოვი. მისი აზრით, საჭირო იყო დიმიტრის საჩქაროდ აფხაზეთში გაგზავნა, რადგან ეჭვი არ ეპარებოდა, რომ მთავრის არყოფნაში ჰასან-ბეის მომხრეები უწესრიგობას მოაწყობდნენ. მას საჭიროდ მიაჩნდა, დიმიტრისათვის პოლკოვნიკის ჩინი ებოძებინათ და ა. ველიამინოვთან თბილისში გაეგზავნათ. ამასთან, ის შორს იყო იმ აზრისაგან, რომ „აფხაზეთის ველური და მხეცური ხალხი სრულიად დაემორჩილებოდა ახალ მთავარს“ მაგრამ, რადგან დიმიტრი პატარაობიდან რუსეთში იზრდებოდა, ალბათ შეძლებდა მათ დამორჩილებას¹²⁷¹.

ავვისტოში დიმიტრი შარვაშიძე პაჟთა კორპუსიდან გამოიყვანეს, იმპერატორის ბრძანებით, მას პოლკოვნიკის ჩინი ებოძა და აფხაზეთის მთავრად დაინიშნა.¹²⁷² 23 აგვისტოს დიმიტრი შარვაშიძე პეტერბურგიდან თბილისში გამოემგზავრა.

ივლისში აფხაზეთში სიწყინარე იყო. ამით დამშვიდებულმა თამარ შარვაშიძემ, მიუხედავად მიხინის წინააღმდეგობისა, სოხუმი დატოვა და კვლავ კოდორის მამულში გადავიდა. ადგილობრივი რუსული ადმინისტრაცია გრძნობდა, რომ ეს იყო სიწყინარე ქარიშხლის წინ. ა. ერმოლოვის ინფორმაციით, ასლან-ბეი ანაპის ფაშას დახმარებით მთებში ლაშქარს კრებდა და აფხაზეთში შესატრელად ემზადებოდა. იგი წერილებს აგზავნიდა აფხაზეთში და ხალხს აჯანყებისაკენ მოუწოდებდა¹²⁷³. აგვისტოს შუა რიცხვებში ასლან-ბეი 600 - კაციანი რაზმით ჯიქეთიდან აფხაზეთში შეიჭრა. 21 აგვისტოს იგი თამარ შარვაშიძის რეზიდენციასთან გამოჩნდა. თამარის მომხრეებიდან

¹²⁶⁷ . იქვე, გვ. 558.

¹²⁶⁸ . იქვე, გვ. 558-589.

¹²⁶⁹ VI, გვ. 459.

¹²⁷⁰ . . . VI, . I, №940, გვ. 659; . . . III, . 2, გვ. 560.

¹²⁷¹ . . . VI, . I, №935, გვ. 655.

¹²⁷² . 6. დადიანი. ქართველთ ცხოვრება, გვ. 209, . VI, . I, №937, გვ. 656.

¹²⁷³ . . . VI, . II, . 1875, №1094, გვ. 746.

ბევრი ასლან-ბეის მხარეზე გადავიდა. აჯანყებულებმა ალყა შემოარტყეს კოდორის სასახლეს. ორი კვირა სასახლის კოშკში ჩაკეტილი თამარ შარვაშიძე იძულებული გახდა, ფიცი დაედო, რომ რუსეთის ხელისუფლებასთან ყოველგვარ ურთიერთობას გაწყვეტდა. 11 სექტემბერს აჯანყებულთა მხედრობა გაშლილი დროშებით მიადგა სოხუმის ციხეს, მაგრამ გარნიზონმა ძლიერი ცეცხლი გაუხსნა და უკუაგდო. ასლან-ბეიმ ალყა შემოარტყა სოხუმს და თითქმის მთელი აფხაზეთი დაიკავა. სექტემბრის შუა რიცხვებში ის სამეგრელოს სამთავროს საზღვართან, მდ. ლალიძგაზე გამოჩნდა. ლევან V დადიანმა მას შეუთვალა, რომ ნებას არ მისცემდა, მის სამფლობელოში შეჭრილიყო და ქვრივსა და ობლებს, ე.ი. თამარ შარვაშიძეს და მის შვილებს დაიცავდა¹²⁷⁴.

იმავედროულად სამეგრელოს მთავარმა პ.გორჩაკოვს აცნობა, რომ ლაშქარს აგროვებდა, რათა თავისი სამფლობელო დაეცვა და გიორგი შარვაშიძის ქვრივ-ობლებს დახმარებოდა. იმერეთის მმართველმა ჩათვალა, რომ ლევან V დადიანს სურდა, აფხაზეთა მღელვარებით ესარგებლა და აფხაზეთის ის მიწა-წყალი შეეერთებინა, რომელიც ოდესღაც სამეგრელოს ეკუთვნოდა. ამიტომ სამეგრელოს მთავარს დაჟინებით მოსთხოვა, აფხაზეთში ლაშქრობის განზრახვაზე ხელი აეღო და მთავრის ქვრივ-ობლებზე ზრუნვა ხელისუფლებისთვის მიენდო¹²⁷⁵. როგორც ჩანს, ამ ეტაპზე ხელისუფლება აფხაზეთში სამეგრელოს მთავრის აქტიურობით დაინტერესებული არ იყო. ლევან V დადიანისადმი გაგზავნილ 15 სექტემბრის წერილში პ.გორჩაკოვი მწუხარებას გამოთქვამდა იმის გამო, რომ თამარი აჯანყებულებს შეურიგდა მაშინ, როცა მას ყოველთვის შეეძლო სოხუმის ციხეში თავშესაფარი ეპოვა. იმერეთის მმართველი სამეგრელოს მთავარს ავალებდა, ზომები მიეღო, რათა მეამბოხეები სამურზაყანოში ვერ შესულიყვნენ¹²⁷⁶.

ასლან-ბეიმ გამოაცხადა, რომ მას ხელთ ჰქონდა სულთნის ფირმანი, რომლის ძალი-თაც ის აფხაზეთის მთავრად იყო დანიშნული და რუსეთიც სოხუმს მას უთმობდა. ამან აფხაზეტზე დიდი გავლენა მოახდინა და ბევრი თავადი მის მხარეზე გადავიდა, მათ შორის ძმები ბათალ-ბეი, თაიარ-ბეი და როსტომ-ბეი შარვაშიძეები, აგრეთვე ჰასან-ბეის სიმამრი ნარჩოუ ინალიშვილი, მისი ძმა გიორგი ინალიშვილი, აბუყის მფლობელი ალი-ბეი (ალექსანდრე) შარვაშიძე. ამბოხებულთა დასაყრდენს შეადგენდნენ სოფ. კელასურისა და მისი მიდამოების მცხოვრებნი – ჰასან-ბეის ქვეშევრდომები, აგრეთვე ბიჭვინთისა და მისი შემოგარენის მცხოვრებნი და წებელელები. ბზიფის ოლქის მცხოვრებთა დიდი ნაწილი, მათ შორის, ლიხნელები, დიდხანს ინარჩუნებდნენ თამარ შარვაშიძის ერთგულებას და აჯანყებულებს იარაღითაც უწევდნენ გარკვეულ წინააღმდეგობას, მაგრამ შემდეგ ისინიც ასლან-ბეის მხარეზე გადავიდნენ¹²⁷⁷. ამრიგად, 1821 წლის ოქტომბრისთვის მთელი აფხაზეთი ასლან-ბეის ემორჩილებოდა.

შექმნილ ვითარებაში კავკასიის რუსული ადმინისტრაცია აფხაზეთში ექსპედიციის მოსაწყობად მზადებას შეუდგა¹²⁷⁸. სექტემბრის ბოლოს დიმიტრი შარვაშიძე თბილისში ჩამოვიდა. აფხაზეთა აჯანყების ჩახშობა და სამთავრო ტახტზე მისი აყვანა პ.გორჩაკოვს დაევადა. ექსპედიციაში სამეგრელოს სამთავროს ლაშქარსაც უნდა მიეღო მონაწილეობა. აველიამინოვმა დიმიტრი შარვაშიძეს დაწვრილებითი ინსტრუქცია მისცა. აფხაზეთში ჩასვლისთანავე მას უნდა მოეხმო სამთავრო სახლის ერთგული თავადები და მათი მეშვეობით გაეგრძელებინა პროკლამაცია, რომელიც ახალგაზრდა მთავრის სახელით იყო შედგენილი და აფხაზეთის მოსახლეობას აუწყებდა, რომ ის დაინიშნა აფხაზეთის მთავრად, მოსახლეობას მორჩილებისაკენ მოუწოდებდა, ხოლო თავადებისაგან ერთგულების ნიშნად მძევლებს მოითხოვდა¹²⁷⁹. აველიამინოვის აზრით, ეს რამდენადმე ხელს შეუწყობდა ასლან-ბეის იმ სიცრუის გაქარწყლებას, თითქოს რუსეთის ხელისუფლებამ დაადასტურა სულთნის ფირმანი აფხაზეთის მთავრად მისი დამტკიცების თაობაზე. რუსეთის ჯარის ნაწილების შესვლა კიდევ უფრო

¹²⁷⁴ . ნ. დადიანი. ქართველთ ცხოვრება, გვ. 209; . VI, . I, №940, გვ. 659; №941, გვ. 659; . VI, . II, №1094, გვ. 746; . III, . 2, გვ. 560; . VI, გვ. 464-466.
¹²⁷⁵ . VI, გვ. 460; . III, . 2, გვ. 560.
¹²⁷⁶ . ც. ქირია, შ. სარია. მასალები..., №13, გვ. 38-39.
¹²⁷⁷ . VI, . I, №940, გვ. 659; . VI, გვ. 464.
¹²⁷⁸ . ნ. დადიანი. ქართველთ ცხოვრება, გვ. 209.
¹²⁷⁹ . იქვე, გვ. 209; . VI, . I, №940, გვ. 658-659.

დაარწმუნებდა აფხაზებს, რომ იმპერატორმა დიმიტრი შარვაშიძე დაამტკიცა აფხაზეთის მთავრად და სამთავრო ტახტის ერთადერთი კანონიერი მემკვიდრე ის იყო; ახალ მთავარს დაუყოვნებლივ უნდა დაედგინა თამარ შარვაშიძის ადგილსამყოფელი და ეცნობებინა ჯვართ მისი აფხაზეთში შესვლა, დაერწმუნებინა იგი სოხუმში გადასულიყო, რათა იქ დალოდებოდა მას; დიმიტრი შემწყნარებელი და გულმოწყალე უნდა ყოფილიყო იმათ მიმართ, ვინც მოინანიებდა და მორჩილებას გამოაცხადებდა, განსაკუთრებით უბრალო ხალხის მიმართ, მაგრამ ვინც შეიარაღებულ წინააღმდეგობას გაუწევდა, მკაცრად უნდა დასჯილიყო; აჯანყების მოთავეები ძლიერი საგვარეულოებიდან, რომლებიც დიდი ხნის მანძილზე მტრობდნენ სამთავრო სახლს და კვლავაც შეეძლოთ აფხაზეთში სიმშვიდის დარღვევა, აუცილებლად უნდა გაენადგურებინათ, ან შეეპყროთ და აფხაზეთიდან გაესახლებინათ. ამასთან, არ უნდა ყოფილიყო სარწმუნოებრივი დევნა და ძალით გაქრისტიანება. როდესაც სიმშვიდე დამყარდებოდა და ხელისუფლება განმტკიცდებოდა, წარმართთა გასაქრისტიანებლად მთავრობა იზრუნებდა. აველიამინოვი მთავარს ურჩევდა არაფერი მოემოქმედებინა პ.გორჩაკოვის რჩევის გარეშე; ამასთან, მისი სრული უსაფრთხოებისათვის სასურველი იყო პირველ ხანებში საცხოვრებლად სოხუმის ციხის გარნიზონში დარჩენა¹²⁸⁰.

ამასობაში პ. გორჩაკოვმა რედუტ-ყალეში თავი მოუყარა აფხაზეთის ექსპედიციას, რომელიც შედგებოდა სამეგრელოს ქვეითთა და 44-ე ეგერთა პოლკების ორი ბატალიონისაგან 600 მეომრითა და ორი ქვემეხით, კაზაკთა რაზმისა და სამეგრელოს სამთავროს ცხენოსანი მილიციისაგან. 1821წ. 21 ოქტომბერს დიმიტრი შარვაშიძე ქუთაისში გაემგზავრა, იქიდან კი პ.გორჩაკოვისა და სამეგრელოს სამთავროს ცხენოსანი მილიციის თანხლებით აფხაზეთისკენ გაემართა. ლევან V დადიანმა პ.გორჩაკოვი სამეგრელოს სამთავროს საზღვრამდე, მდ. დალიძგამდე გააცილა, იქიდან კი სამეგრელოს ლაშქარს პოლკოვნიკი ნიკო დადიანი წარუძღვა. მას, როგორც ლენხუმის სარდალ-მოურავს, ძირითადად ლენხუმელთა მხედრობა ახლდა – სულ 600 მეომარი¹²⁸¹.

1821წ. 1 ნოემბერს პ.გორჩაკოვმა სამურზაყანოს საზღვარზე ცნობა მიიღო, რომ ასლან-ბეი 3 ათასკაციანი აფხაზთა და ჯიქთა რაზმით კოდორის კონცხსა და სოფ. კელასურს შორის იყო გამაგრებული¹²⁸², თვითონ კი აფხაზთა ლაშქრით მოქვეში იდგა. ნიკო დადიანმა გადმოიბირა ასლან-ბეის ბანაკში მყოფი მისი სიძე ალი-ბეი შარვაშიძე და ცოლისძმა სალარუფუ მარშანია, „რომელსა უსმენდნენ სრული წებელნი და სხვანიცა. და იყო მას ჟამსა აფხაზთა შორის შემძლე კაცი“, და ისინი თავის ბანაკში გადმოიყვანა. მათი გადაბირების შემდეგ ასლან-ბეი მოქვიდან გაიქცა. რუსთა და ქართველთა მხედრობაც უკან მიჰყვა და წყაბაში დაბანაკდა¹²⁸³. ცნობილი გახდა, რომ ასლან-ბეის კელასურამდე გზაზე რამდენიმე ადგილას ძლიერი საფარი მოეწყო. 14 ნოემბერს სამეგრელოს მხედრობა, რომელიც ავანგარდში იყო, მდ. კოდორიდან 4 ვერსზე მოწინააღმდეგის ძლიერ საფარს წააწვდა და მნიშვნელოვანი დანაკარგი განიცადა. მას მიეშველა ეგერთა პოლკის მეთაური, პოლკოვნიკი ივანე აფხაზი, რომელმაც მოწინააღმდეგის ხერგილები ბრძოლით დაიკავა. აფხაზები უშედეგოდ ცდილობდნენ შეტევის შეჩერებას, მაგრამ ქვემეხები წმენდდნენ გზას. ნ.დადიანის ცნობით, დიდი ბრძოლა მოხდა აშიღვარასთან ახლოს, რომელიც 16 საათს გაგრძელდა. რუსთა და ქართველთა გაერთიანებულმა ლაშქარმა ასლან-ბეის საფრები აიღო და მისი რაზმი გააქცია, თუმცა თავადაც საკმაოდ დაზარალდა. პ.გორჩაკოვის რაზმი იმ დამით მდ.მაჭარის პირას დაბანაკდა, ხოლო დილით ისევ გააგრძელა შეტევა. აფხაზებმა სცადეს წინააღმდეგობის გაწევა, მაგრამ ლენხუმელთა შეტევას ვერ გაუძლეს და გაიქცნენ. პ.გორჩაკოვის რაზმი თხუბუნში ჩავიდა და დაბა, ახლო-მახლო სოფლები, პასან-ბეი შარვაშიძის სასახლე სოფ. კელასურში გადაწვა და ააოხრა, აქედან კი

¹²⁸⁰ . . . VI, . I, №940, გვ. 658-659; №941, გვ. 659; . . . III, . 2, გვ. 563-564.

¹²⁸¹ . ბ. დადიანი. ქართველთა ცხოვრება, გვ. 209; АКАК, т. VI, ч. I, №941, гв. 659; Н. Дубровин. История..., т. VI, гв. 465; Утверждение..., т. III, ч. 2, гв. 565-566.

¹²⁸² . ბ. დადიანი. ქართველთა ცხოვრება, გვ. 209-210.

¹²⁸³ . იქვე, გვ. 210. . . . III, . 2, гв. 566.

ყოველგვარი წინააღმდეგობის გარეშე სოხუმში ჩავიდა¹²⁸⁴. პ.გორჩაკოვის დამსჯელი ექსპედიციის სოხუმში ჩასვლის შემდეგ აჯანყება თანდათან ჩაცხრა. ასლან-ბეი ჯიქეთში გაიქცა. რუსთა და ქართველთა ლაშქარი სოხუმის ციხეში რამდენიმე დღეს დარჩა, მცირედ დაისვენა და ლიხნისაკენ გაემართა. ლიხნში მოვიდნენ ბზიფის აფხაზეთის თავადები და მორჩილების პირობა დადეს. რადგან ნარჩოუ და გიორგი ინალიშვილები მათ შორის არ იყვნენ, პ.გორჩაკოვმა საინალიშვილოს ასაოხრებლად და მორჩილებაში მოსაყვანად დამსჯელი რაზმი გაგზავნა ნიკო დადიანისა და ივანე აფხაზის მეთაურობით. გიორგი ინალიშვილმა დამსჯელი რაზმის მეთაურებს მორჩილება გამოუცხადა და ეპატია დანაშაული, ხოლო ნარჩოუ ინალიშვილი მიიძალა. ნ.დადიანი და ი.აფხაზი ამ უკანასკნელის სახელში დაბანაკდნენ მდ.კაპოეტის წყლის (ბზიფი) პირას და ლეჩხუმელთა რაზმი სათარეშოდ გაგზავნეს. ლეჩხუმელებმა მოითარეშეს ახლო-მახლო სოფლები და ალაფით დატვირთული დაბრუნდნენ. დამსჯელმა ექსპედიციამ ნარჩოუ ინალიშვილის სახლი და ახლო-მახლო სოფლები გადაწვა და აფხაზეთთან მცირე შეტაკებისა და მათი გაფანტვის შემდეგ ლიხნში დაბრუნდა¹²⁸⁵.

30 ნოემბერს ლიხნში პ.გორჩაკოვმა აფხაზ თავად-აზნაურთა და რუსეთის ჯარის ნაწილების თანდასწრებით დიმიტრი შარვაშიძე აფხაზეთის მთავრად სახეიმოდ გამოაცხადა. მას გადაეცა დროშა და ხმალი, როგორც უმაღლესი ძალაუფლების სიმბოლო, და აფხაზმა თავად-აზნაურებმა მისი ერთგულების ფიცი დადეს. პ.გორჩაკოვმა მთავრის დასაცავად ლიხნში სამეგრელოს ეგერთა პოლკის ორი ასეული დატოვა მაიორ რაკოცის მეთაურობით. ამის შემდეგ მან თავისი ფუნქცია აფხაზეთში ამოწურულად ჩათვალა, რუსთა და ქართველთა ლაშქრით სოხუმში დაბრუნდა, იქიდან კი რეგულარული ჯარის ნაწილებით ზღვით რედუტ-ყალეში ჩავიდა, ხოლო ნ.დადიანი სახალხო ლაშქრით სახმელეთო გზით სამეგრელოში დაბრუნდა¹²⁸⁶.

დიმიტრი შარვაშიძემ (1821-1822წწ.) ვერ შეძლო მტკიცე ხელით აეღო სამთავროს მართვა. მისი ხელისუფლება მთლიანად რუსეთის სამხედრო ძალას ეყრდნობოდა. როგორც უ-ფ. გამბა აღნიშნავდა, პეტერბურგიდან, ალექსანდრე I-ის სასახლიდან „მამისეულ ხის უბრალო სახელში გადმოსახლებული მთავარი, რომელიც არც თავის ხალხს იცნობდა და არც მისი ენა იცოდა, ორი წლის განმავლობაში უფრო ტყვეს ჰგავდა, ვიდრე სუვერენს“, ქვეყანას ფაქტობრივად დედამისი განაგებდა¹²⁸⁷. პეტერბურგში გაზრდილი ახალგაზრდა მთავარი სამშობლოში თავს უცხოდ გრძნობდა და ხალხიც მას უცხოთაგანს უყურებდა. მისი ძირითადი გართობა ლიხნის გარნიზონის ოფიცრების მონახულება იყო. ეს საზოგადოება უფრო შეეფერებოდა მას აღზრდით, განათლებით და თვით ენითაც, ვიდრე ისინი, ვინც მას გარს ეხვია და კარისკაცების მოვალეობას ასრულებდა¹²⁸⁸.

1821წ. მიწურულს ცნობილი გახდა, რომ ასლან-ბეი ანაპის ფაშას დახმარებით შავი ზღვის აღმოსავლეთ სანაპიროზე მცხოვრებ ტომებში ლაშქარს აგროვებდა და რუსეთის მიერ დანიშნული მთავრის განსადევნად კვლავ აფხაზეთში შეჭრას აპირებდა. დიმიტრი შარვაშიძემ ჯიქების თავადებს, რომლებიც ადრე აფხაზეთის მთავარს ემორჩილებოდნენ, მოსთხოვა, ასლან-ბეი თავიანთ სამფლობელოზე არ გაეტარებინათ. ჯიქეთის თავადებმა უარი თქვეს ამ მოთხოვნის შესრულებაზე და განაცხადეს, რომ შარვაშიძეთა სამთავრო სახლის შემკვიდრედ დიმიტრის არ ცნობდნენ. ისინი მისგან მოითხოვდნენ აფხაზეთიდან და სოხუმიდან რუსების განდევნას¹²⁸⁹. ასლან-ბეის მოსალოდნელი შემოსევით შეშინებული მთავარი ლიხნიდან სოხუმის ციხეში გადავიდა. 1822წ. იანვარში ასლან-ბეი ჯიქებისა და დასავლეთ კავკასიის სხვა მთიელ ტომთა ლაშქრით აფხაზეთში შეიჭრა

¹²⁸⁴ . ნ. დადიანი. ქართველთა ცხოვრება, გვ. 210-211.

¹²⁸⁵ . იქვე, გვ. 211; . . . VI, გვ. 468; . . . III, . 2, გვ. 566.

¹²⁸⁶ . ნ. დადიანი. ქართველთა ცხოვრება, გვ. 211; . . . VI, გვ. 469-470; . . . III, . 2, გვ.

566.

¹²⁸⁷ . უ. ფ. გამბა. მოგზაურობა ამიერკავკასიაში, ტ. I. ფრანგულიდან თარგმნა, კომენტარები დაურთო მ.

მგალგობლიშვილმა. თბ., 1987, გვ. 86.

¹²⁸⁸ . . . III, . 2, გვ. 568.

¹²⁸⁹ . . . VI, . II, №777, გვ. 437; №779, გვ. 438 . . . VI, გვ. 471.

და ლიხნის გარნიზონზე მიიტანა იერიში. ნ.დადიანის ცნობით, „რუსთა დაუწყეს ბრძოლა და გააქციეს ჯიქნი და მრავალნი მოკლეს და ალაფი დააყრევინეს“¹²⁹⁰.

ამრიგად, ლიხნისათვის ბრძოლაში (31 იანვარი – 3 თებერვალი) ასლან-ბეი დამარცხდა. მან მნიშვნელოვანი ზარალი განიცადა და ისევ ჯიქეთში გაიქცა, შემდეგ კი ოსმალეთში წავიდა და ტრაპიზონში დამკვიდრდა. თუმცა ბრძოლაზე ხელის აღებას არ აპირებდა. კავკასიის რუსული ადმინისტრაციისთვის იმთავითვე აშკარა იყო, რომ აფხაზთა მღელვარებების მიზეზი ასლან-ბეი პორტას მხარდაჭერით სარგებლობდა და მას გარეშე ძალები აქეზებდნენ¹²⁹¹.

აფხაზეთი მცირე ხნით სიმშვიდემ მოიცვა. 1822წ. ზაფხულში აფხაზეთში იმოგზაურა ჟ. -ფ. გამბამ. მან ნათლად დაინახა, რომ ამ მხარეში რუსების გამგებლობაში მხოლოდ სოხუმის ციხე იყო, მისი გალავნის მიღმა კი რუს ჯარისკაცებს ყოველ ფეხის ნაბიჯზე საფრთხე ემუქრებოდათ. აფხაზთა თავდასხმისა და ტყვედ გატაცების შიშით ჯარისკაცები ციხიდან შეიარაღებული გადიოდნენ. სოხუმის ციხეში ყოველდღე მოდიოდნენ აფხაზები საქონლის გაცვლის მიზნით. ჩვეულებრივ, ისინი დიდი ჯგუფებით მოდიოდნენ. ვიდრე ციხეში შევიდოდნენ, იარაღს აიხსნიდნენ, ხოლო გასვლისას კვლავ აიხსამდნენ¹²⁹². როგორც ჟ.-ფ. გამბას ცნობიდან ჩანს, მიუხედავად სიმშვიდისა, რეგიონში ფარული დაძაბულობა მაინც იგრძნობოდა. დიმიტრი შარვაშიძე შეეცადა, ეს პერიოდი ხელისუფლების განსამტკიცებლად გამოეყენებინა და ოპოზიციურ ძალებთან მოლაპარაკებებს შეუდგა. ლიხნში დაბრუნებულ დიმიტრი შარვაშიძეს ციხის ნიშნები აღმოაჩნდა. მალე სენი გაუძლიერდა და ლოგინად ჩააგდო. 1822წ. 16 ოქტომბერს დიმიტრი შარვაშიძე, რომელიც მაშინ მხოლოდ 20 წლის იყო, გარდაიცვალა¹²⁹³.

თამარ შარვაშიძემ პ.გორჩაკოვს დიმიტრის გარდაცვალება აცნობა და სამთავროს მართვაში დახმარება და მატერიალური შემწეობა ითხოვა. იგი შემფოთებას გამოთქვამდა აფხაზეთის საქმეების გამო და მოსალოდნელი გართულების თავიდან ასაცილებლად სამხედრო დახმარებას – ლიხნის გარნიზონის გაძლიერებას ითხოვდა. მისი ცნობით, ვრცელდებოდა ხმები, რომ ასლან-ბეი მოდიოდა აფხაზეთში. თამარი აფრთხილებდა პ.გორჩაკოვს, რომ თუ ჯარი დროზე არ მოვიდოდა, აფხაზები კვლავ აჯანყდებოდნენ¹²⁹⁴. დიმიტრი შარვაშიძის გარდაცვალების შემდეგ, იმ მიზეზით, რომ მას პირდაპირი მემკვიდრე არ ჰყავდა, აფხაზეთის სამთავრო ტახტის კანონიერი მემკვიდრე მისი მომდევნო ძმა, 13 წლის მიხეილი იყო. რუსეთის ხელისუფლება სისხლხორცეულად იყო დაინტერესებული აფხაზეთის სამთავრო ტახტზე გიორგი შარვაშიძის სახლის განმტკიცებით, ამიტომ სოხუმის კომენდანტს დაევადა, დაწერილებითი ცნობები შეეკრიბა მის შესახებ და სარდლობისთვის დაუყოვნებლივ მიეწოდებინა. ამასთან ხელისუფლება ცდილობდა, რამდენადაც შესაძლებელი იყო, თამარ შარვაშიძე გაემხნეებინა, დაემშვიდებინა და დაეიმედებინა¹²⁹⁵. პ.გორჩაკოვმა აცნობა ა.ველიამინოვს, რომ მიხეილ შარვაშიძე ნამდვილად ფლობდა ისეთ თვისებებს, რასაც კავკასიის მთიელები დიდად აფასებდნენ: ის იყო მამაცი, უშიშარი და კარგი მხედარი, უფროს ძმასთან შედარებით უფრო თამამი და მარჯვეც ჩანდა. ხელისუფლებისთვის კარგად იყო ცნობილი, რომ 1821წ. აფხაზთა აჯანყების დროს ლიხნის დაცვისას მან სამხედრო უნარიც გამოავლინა¹²⁹⁶.

ნოემბერში თამარ შარვაშიძე სოხუმში ჩავიდა იმ საქმის მოსაგვარებლად, რომელიც დიმიტრის დაუმთავრებელი დარჩა – წებულელი მარშანიების შემოსარიგებლად. დედოფალმა ისინი სოხუმში მიიწვია, მაგრამ მარშანიები არ ჩამოვიდნენ. მაშინ თამარ შარვაშიძე თავად-აზნაურთა ჯგუფთან ერთად წებელისკენ გაემართა. საზღვარზე მას მარშანიები შეეგებნენ, მორჩილება გამოუცხადეს და მძევლებიც მისცეს¹²⁹⁷. ნოემბრის

1290 . ნ. დადიანი. ქართველთ ცხოვრება, გვ. 211.

1291 . VI, . II, №777, გვ. 437; №779, გვ. 438.

1292 . ჟ.-ფ. გამბა. მოგზაურობა ამიერკავკასიაში, გვ. 81-82.

1293 . ნ. დადიანი. ქართველთ ცხოვრება, გვ. 211; .

... . VI, გვ. 471;

... . III, . 2, გვ. 568-

569.

1294 . VI, . I, №944, გვ. 660.

1295 . იქვე, №946, გვ. 661; III, . 2, გვ. 570.

1296 . VI, . I, № 946, გვ. 661; III, . 2, გვ. 570.

1297 . იქვე, №947, გვ. 661.

ბოლოს თამარ შარვაშიძემ აერმოლოგთან გაგზავნა თემურყვა ანხაბაძე და თლაფს მარღანია წერილით, რომელშიც მთელი აფხაზი ხალხის სახელით მიხეილის მთავრად დამტკიცებას ითხოვდა¹²⁹⁸. საპატიო თავადთა და მთელი აფხაზი ხალხის სახელით მიხეილ შარვაშიძის მთავრად დამტკიცების თხოვნა მხოლოდ სასურველის რეალობად წარმოჩენა იყო, თუმცა ორივე მხარეს ეს ხელს აძლევდა.

1823წ. 14 თებერვალს იმპერატორმა ალექსანდრე I-მა მიხეილ შარვაშიძე აფხაზეთის მთავრად დაამტკიცა. მას ებოძა მაიორის ჩინი და ჯამაგირი დაენიშნა¹²⁹⁹. ა. ერმოლოვმა მიხეილ შარვაშიძე თბილისში დაიბარა და გააცნო იმპერატორის ბრძანება მისი მთავრად დამტკიცების შესახებ. მთავარმართებელმა დაარიგა ის, ყოფილიყო სამართლიანი, გამოეჩინა სარწმუნოებრივი შემწყნარებლობა, ხალხთან დამოკიდებულებაში ყოფილიყო მშვიდი და თბილი, რაც მას ხალხის სიყვარულს მოუტანდა, ამასთანავე მისი ბედნიერი მმართველობის გარანტიც იქნებოდა. ამის შემდეგ მიხეილ შარვაშიძე აფხაზეთში გაისტუმრა¹³⁰⁰. პკორჩაკოვმა იგი ლიხნში ჩაიყვანა, სადაც აფხაზი თავად-აზნაურობისა და ჯარის ნაწილის წინაშე წაიკითხა იმპერატორის ბრძანება მიხეილის მთავრად დამტკიცების თაობაზე, რის შემდეგაც მთავარმა იმპერატორის ერთგულების ფიცი დადო. პკორჩაკოვმა მის დასაცავად ლიხნში სამეგრელოს ეგერთა პოლკის ორი ასეული დატოვა 2 მსუბუქი ქვემეხით და ქუთაისში დაბრუნდა¹³⁰¹.

მიხეილ შარვაშიძის ხელისუფლებაც სუსტი იყო. ძნელი აღმოჩნდა, ახალგაზრდა მთავრისთვის იმ ინტრიგებთან გამკლავება, რომლის ძაფები თავს იყრიდა მისი ძლიერი და მოხერხებული ბიძის ასლან-ბეის ხელში. მიხეილის მცირეწლოვნობის გამო სამთავროს ფაქტობრივად დედამისი – თამარ შარვაშიძე მართავდა. აერმოლოვი თამარს ურჩევდა, მიხეილი სათანადოდ დაემოდღვრა, თავად მთავარს კი დაავალა მუდმივად ჰქონოდა კავშირი პკორჩაკოვთან, რომელსაც მისი მოთხოვნები, რომლებიც „სამთავროს მართვისა და რუსეთის იმპერატორის ინტერესებს წაადგებოდნენ“, უნდა დაექმყოფილებინა¹³⁰².

1823წ. მარტში ურჩმა აფხაზმა და წებელელმა თავად-აზნაურებმა, მათ შორის როსტომ-ბეიმ, თამარ შარვაშიძეს იმპერატორის ერთგულების, ქვეშევრდომობისა და აფხაზეთის მთავრისადმი მორჩილების ფიცი მისცეს. იმავდროულად პკორჩაკოვს ეთხოვა პატიება გამოეცხადებინა როსტომ-ბეისთვის და ლევან V დადიანის დაზე, მანუჩარ შარვაშიძის ქვრივ ქეთევანზე ქორწინების ნება დაერთო¹³⁰³. კავკასიის რუსული ადმინისტრაცია უკმაყოფილო იყო როსტომ-ბეის „არა კეთილ ქცეულებისა გამო“, მაგრამ სამეგრელოს მთავრის პატივისცემით მიუტკვია მას და ქორწინების ნებაც დართო. 1823წ. ლევან V დადიანმა როსტომ-ბეი მონათველინა და ქეთევანი შერთო¹³⁰⁴. ამ ნაბიჯით სამთავრო სახლის მოწინააღმდეგე ერთ-ერთი გავლენიანი აფხაზი თავადი შემორიგებულ იქნა.

თამარ შარვაშიძე კარგად ხედავდა, რომ მიხეილის ხელისუფლება მყარი არ იყო, ამიტომ აერმოლოვს ლიხნის გარნიზონის გაძლიერება სთხოვა. კავკასიის სარდლობას საამისო ძალები არ გააჩნდა, რის გამოც მთავარსარდალმა თხოვნის დაკმაყოფილებაზე უარი თქვა. ამის შემდეგ თამარ შარვაშიძე კვლავ ამტკიცებდა იმ საფრთხის შესახებ, რომელიც, მისი აზრით, სამთავრო სახლს ემუქრებოდა. როგორც ჩანს, ამ მიზნით დიმიტრი შარვაშიძის გარდაცვალებიდან სამი თვის შემდეგ მან ადგილობრივ რუსულ ადმინისტრაციას ყოფილი მთავრის მოწამელის თაობაზე აცნობა. თამარ შარვაშიძე სოხუმის ციხის კომენდანტს, პოდპოლკოვნიკ მიხინს წერილებში და პირად საუბარში არწმუნებდა, რომ დიმიტრი შარვაშიძე მისმა ერთ-ერთმა მოსამსახურემ ურუს ლაკვარმა მოწამლა. იგი დააპატიმრეს, მაგრამ ბრალდებას უარყოფდა. მიხეილ შარვაშიძის

1298 . იქვე, №949, გვ. 661; იქვე, №948, გვ. 661; . . . III, . 2, გვ. 569.

1299 . ნ. დადიანი. ქართველთ ცხოვრება, გვ. 212; . VI, . I, 951, გვ. 662; №953, გვ. 663; №956, გვ. 664; .

. . . VI, გვ. 471; . . . III, . 2, გვ. 570.

1300 . , . VI, . I, №956, გვ. 664; . . . III, . 2, გვ. 570.

1301 . , . . . , გვ. 133.

1302 . , . VI, . I, №953, გვ. 662; . . . III, . 2, გვ. 570.

1303 . , . VI, . I, №952, გვ. 662- 663.

1304 . ნ. დადიანი. ქართველთ ცხოვრება, გვ. 212.

განცხადებით, ექვმიტანილი მისი და უმცროსი ძმის – კონსტანტინეს მოწამვლასაც ცდილა. აფხაზი თავად-აზნაურები ადასტურებდნენ, რომ ურუსს ნამდვილად ჰქონდა კავშირი ასლან-ბეისთან. პ.გორჩაკოვმა მიხეილ შარვაშიძისა და მისი დედის თამარის – აფხაზეთის ფაქტობრივი მმართველის პრესტიჟის ამაღლების მიზნით ჩათვალა, რომ მათი მოწმობა სავსებით სანდო ჩანდა, ურუს ლაკვარი დამნაშავედ ცნო და ა.ერმოლოვს მისი ჩამოხრჩობის ნებართვა სთხოვა, რაზეც ეს უკანასკნელი დათანხმდა. 1823წ. შემოდგომაზე დიმიტრი შარვაშიძის მოწამვლაში ბრალდებული პიროვნება ლისნში, მთავრის სასახლისწინა მოედანზე ჩამოახრჩვეს¹³⁰⁵

აფხაზეთში პოლიტიკური ხელისუფლების სისუსტით დასავლეთ კავკასიის მთის ტომები სარგებლობდნენ. ჯიქები და უბიხები ყოველწლიურად მთებით ან შავი ზღვის სანაპირო ზოლით გადმოდიოდნენ მდ.ბზიფზე. ისინი ძარცვავდნენ სოფლებს, მიერეკებოდნენ საქონელს, მიჰყავდათ ტყეები. მიუხედავად იმისა, რომ მთიელთა მარბიელი ლაშქრობები ყოველთვის წარმატებით როდი მთავრდებოდა, ხალხს დიდ ზიანს აყენებდა. 1823 წლის ზაფხულში უბიხების ათასკაციანი რაზმი საჰატიქერი ადაგვას ძე ბარზეგის მეთაურობით მთის ბილიკებით აფხაზეთში გადმოვიდა, მაგრამ მწვემსებმა შენიშნეს და ხალხს შეატყობინეს. აფხაზებმა უბიხებს უკანდასახვეი გზები მოუჭრეს და მთლიანად ამოწყვიტეს. მათი წინამძღოლიც შეტაკებისას დაიღუპა. ამის შემდეგ უბიხები მხოლოდ ზამთარში, იანვარ-თებერვალში ესხმოდნენ თავს აფხაზეთს¹³⁰⁶. მთიელთა თავდასხმებმა მიხეილ შარვაშიძე აიძულა, რუსეთის სარდლობისათვის აფხაზეთის ბუნებრივი ჭიშკრის – გაგრის დაკავება ეთხოვა¹³⁰⁷. რუსეთის სარდლობასაც კარგად ესმოდა გაგრის სტრატეგიული მნიშვნელობა, მისი დაკავების ძალა არ შესწევდა. ჯერ საჭირო იყო ბზიფის აფხაზეთში მტკიცედ დამკვიდრება¹³⁰⁸.

მიუხედავად რუსეთის მთავრობის მიერ გატარებული გარკვეული ღონისძიებებისა, რომლებიც მიზნად ისახავდა აფხაზეთის ახალგაზრდა მთავრის ხელისუფლების განმტკიცებას, მიხეილ შარვაშიძის ძალაუფლება კვლავაც სუსტი იყო. სამთავროს სხვადასხვა მხარეში გრძელდებოდა მღელვარებები. მოსახლეობაში ანტირუსული მოძრაობის ზრდას განაპირობებდა თვით რუსეთის მთავრობის მოუქნელი პოლიტიკა. რუსი მოხელეები აფხაზებს ველურებს, მხეცებს და მოურჯულებლებს უწოდებდნენ, შესაბამისად, ნებისმიერ ხელსაყრელ შემთხვევაში მზად იყვნენ, მათ მხეცურად გასწორებოდნენ. მღელვარება კიდევ უფრო გაძლიერდა 1824 წლის გაზაფხულზე. ასეთ ვითარებაში წებელელმა ხინკურას მარშანიამ მოკლა როსტომ-ბეი შარვაშიძე. ამ ფაქტმა კიდევ უფრო დაძაბა ვითარება. აფხაზების დაშინების მიზნით რუსულმა ადმინისტრაციამ ზოგიერთ სოფელში დამსჯელი ექსპედიციის გაგზავნა გადაწყვიტა. 1824 წლის 22 მაისს სოხუმის ციხის გარნიზონის რაზმი. 225 ჯარისკაცის შემადგენლობით პოდპოლკოვნიკ მიხინის მეთაურობით თავს დაესხა სოფ. აკაფას, სადაც, მისი ინფორმაციით, მემამოხეები აფარებდნენ თავს. რუსთა რაზმმა დაარბია და გადაწვა სოფელი, შეიპყრო ხინკურას მარშანია. უკან დაბრუნებულ რაზმს თავს დაესხნენ აფხაზები. შეტაკებისას მიხინი და 42 ჯარისკაცი დაიღუპა. აფხაზთა მხრიდან ორმხრივ სროლაში დაიჭრნენ თავადები ყაზილბეკ და ლევან მარშანიები, რომელთაც რუსეთის ხელისუფლება მთავარ მემამოხეებს და უწესრიგობების წამომწყობთ უწოდებდა¹³⁰⁹. ეს შემთხვევა აფხაზთა საერთო-სახალხო აჯანყების ნიშანი გახდა.

5 ივნისს პ.გორჩაკოვი აუწყებდა აველიამინოვს, რომ დაფერფლილ სოფ. აკაფის მცხოვრებთ ამის შემდეგ რუსეთის ჯარის ნაწილებზე რაიმე თავდასხმა არ მოუწყვიათ და ფსხუში გადასახლება სურდათ. სოხუმის ციხეში მოსალაპარაკებლად მოვიდნენ წებელელები. ისინი ხინკურას მარშანიას გათავისუფლებას ითხოვდნენ, სამაგიეროდ მორჩილების გამოცხადებასა და მძევლების მიცემის პირობას დებდნენ. ისინიც ფსხუში აპირებდნენ გადასახლებას მარშანიების ჩაგონებით, რომლებიც, ერთი საღარუფუს

¹³⁰⁵ . . . VI. . I, №955, გვ. 663; იქვე, №957, გვ. 664-665; №958, გვ. 665; . . . III. . 2, გვ. 571.
¹³⁰⁶ . . . , 1982, გვ. 15-16.
¹³⁰⁷ . ა. ნ. დიაჩკოვ-ტარასოვი. გაგრა და მისი შემოგარენი, გვ. 93.
¹³⁰⁸ . იქვე.
¹³⁰⁹ . ელჟარდ აიხვალდი საქართველოს შესახებ (XIX საუკუნის პირველი მესამედი). გერმანულიდან თარგმნა, შესავალი და საძიებლები დაურთო გ. გელაშვილმა. თბ. , 2005, გვ. 217; . . . VI. . I. №962, გვ. 668; . . . VI, გვ. 512; . . . III. . 2, გვ. 572.

გარდა, რუსეთის ხელისუფლებისადმი მტრულად იყვნენ განწყობილი. პ.გორჩაკოვის ცნობით, წებელში დაახლოებით 800 კომლი ცხოვრობდა, რომელთა დიდი ნაწილი უექველად წავიდოდა ფსხუში, რადგან რუსეთის ხელისუფლებისადმი დაუმორჩილებლობისა და როსტომ-ბეის მკვლელობის გამო შარვაშიძეების მხრიდან შურისძიების შემთხვევაში წებელში დარჩენა ფაქტობრივად არ შეეძლოთ. პ.გორჩაკოვმა ვერაგული გადაწყვეტილება მიიღო - აფხაზ თავადებს ნება დართო, თავდასხმები მოეწყოთ დაუმორჩილებელ წებელელებზე, შური ეძიათ მათზე, წაერთმიათ საქონელი და, საერთოდ, მათ წინააღმდეგ იარაღით ემოქმედათ. მალე აკაფელები წებელში გადავიდნენ, რათა გადაეწყვიტათ, დამორჩილებოდნენ რუსეთის ხელისუფლებას, თუ ფსხუში გადასახლებულიყვნენ, თუმცა ეს საკითხი მაშინ ვერ გადაწყდა¹³¹⁰.

როდესაც აფხაზეთში ვითარება გართულდა, ოსმალებიდან ჯიქეთში სასწრაფოდ ჩამოვიდა ასლან-ბეი, ლაშქარი შეკრიბა და აფხაზეთში შეიჭრა. მან თამარ შარვაშიძის მმართველობით უკმაყოფილო აფხაზებს დაუმორჩილებლობისკენ მოუწოდა. აჯანყებულები თავს ესხმოდნენ რუსული ორიენტაციის თავად-აზნაურთა მამულებს და აწიოკებდნენ. მიხეილ შარვაშიძე ამ დროს დედასთან და და-ძმებთან ერთად ლიხნში იმყოფებოდა. მან სწორად განჭვრიტა შექმნილი მდგომარეობის მთელი სიმძიმე, დედა და და-ძმები სოხუმის ციხეში გაგზავნა, თვითონ კი ლიხნის სასახლეში გამაგრდა, რომელსაც სამეგრელოს პოლკის 300 ჯარისკაცი იცავდა¹³¹¹.

აჯანყებაში მონაწილეობა მიიღეს იმათაც, ვინც მიხეილ შარვაშიძის ყველაზე ერთგულებად ითვლებოდნენ. ბზიფის ოლქში ამბოხებას მეთაურობდა აზნაური კაც მარღანია, რომელსაც თავისი ჭკუით, სიმამაცით და ძლიერი ხასიათით დიდი სახელი ჰქონდა არა მარტო აფხაზთა, არამედ მეზობელ მთიულთა შორის. ბევრი აფხაზი თავადი და აზნაური მასთან მეგობრობას და კავშირს ეძიებდა¹³¹². აჯანყებას შეუერთდნენ დიდი გავლენის მქონე თავადი ნარჩოუ ინალ-იფა (ინალიშვილი), აზნაური გიდ ლაკრბა, ჯიქი თავადი ედიგეი ცამბა და სხვ. მეამბოხეებმა ფიცი დადეს, ბოლომდე ებრძოლათ რუსეთის ინტერესების გამომხატველი მიხეილ შარვაშიძის წინააღმდეგ და სიცოცხლე მოესპოთ ყველასთვის, ვინც ფიცს გატყებდა, თუნდაც მათი ახლო ნათესავი ყოფილიყო. აჯანყებულებმა შიკრიკები გაგზავნეს წებელში, ჯიქეთში, უბიხეთში, ადიღურ ტომებში და დახმარება ითხოვეს. მთიულებმა სიამოვნებით მიიღეს ეს მოწოდება და ლიხნისკენ ხალისით გამოემართნენ. მეამბოხეთა საერთო რაოდენობამ 10-12 ათასს მიაღწია¹³¹³.

7 ივნისს ლიხნის გარნიზონის უფროსმა, შტაბს-კაპიტანმა მარაჩევსკიმ ცნობა მიიღო, რომ აჯანყებულები მთავრის სასახლეზე აპირებდნენ თავდასხმას. სასახლის მახლობლად იდგა კარის ეკლესია – სახელგანთქმული ღვთისმშობლის მიძინების ტაძარი. ეზოს მარცხნივ ეკრა მესრით, თხრილებითა და მიწაყრილებით გამაგრებული პატარა მიწური სიმაგრე, რომელიც რუსთა რაზმს ეჭირა. სიმაგრის დასაცავად მარაჩევსკიმ საგანგებო ზომები მიიღო. მეორე დღეს, დილით, აჯანყებულებმა სიმაგრეს ალყა შემოარტყეს. მათ კარის ეკლესიაც დაიკავეს და იქიდან სიმაგრეს ცეცხლი დაუშინეს. 18 ივნისს, ღამით, რუსთა რაზმი ეკლესიაში შეიჭრა და იქ გამაგრებული აფხაზები ამოწყვიტა. მხოლოდ ერთი, კაც მარღანია გადარჩა შემთხვევით და შემდეგ თავისი ბობოქარი ცხოვრების ამ ეპიზოდს ყოველთვის ძრწოლით იხსენებდა. ამის შემდეგ აფხაზები ლიხნის კარის ეკლესიაში გამაგრებას ვერ ბედავდნენ¹³¹⁴. მიუხედავად ამისა, ვითარება კვლავ კრიტიკული იყო. თვის ბოლოს ლიხნის გარნიზონს სურსათის მარაგი შემოელღია. სოხუმიდან დახმარების იმედი არ ჩანდა, რადგან ისიც ალყა შემორტყმული იყო მეამბოხეების მიერ და ყოველდღე იერიშს ელოდა¹³¹⁵.

აფხაზთა აჯანყების ჩახშობა კავკასიის სარდლობამ პ.გორჩაკოვს დაავალა. მას ლიხნის გარნიზონი და მიხეილ შარვაშიძე აფხაზეთში სიმშვიდისა და მისი ხელისუ-

1310 . . VI . I, №961, გვ. 665; №962, გვ. 668.
1311 . . , გვ. 133; . . III . 2, გვ. 572.
1312 . . . , 1885, გვ. 191.
1313 . . III . 2, გვ. 572.
1314 . გ. აიხვადლი საქართველოს შესახებ, გვ. 216-217; . . VI, გვ. 513; . . III . 2, გვ. 573-574.
1315 . . III . 2, გვ. 574-575;

ფლების აღდგენამდე სოხუმში უნდა გადაეყვანა¹³¹⁶. სამხედრო ექსპედიციაში მონაწილეობის შესახებ მიწერილობა ლევან V დადიანმაც მიიღო. 1824წ. 1 ივლისს დამსჯელი ექსპედიცია პ. გორჩაკოვის მეთაურობით რედუტ-ყალედან აფხაზეთისკენ დაიძრა. ექსპედიციის შემადგენლობაში შედიოდა სამეგრელოს ქვეითთა და 44-ე ეგერთა პოლკების 1400 მეომარი ქვემეხით, აგრეთვე სამეგრელოს სახალხო ლაშქარი – 1100 მეომარი ლევან V დადიანის მეთაურობით. ექსპედიციას სანაპიროს გასწვრივ სამხედრო ხომალდები – ბრიგი „ორფოსი“ და ფრეგატი „სპეშნი“ აცილებდა¹³¹⁷. ექსპედიცია მძიმე ბრძოლებით მიიწვედა წინ. მის შეტევას მასირებული ცეცხლით მხარს უჭერდა სამხედრო-საზღვაო ხომალდების არტილერია. 8 ივლისს ექსპედიციამ მდ. კოდორს მიაღწია. კოდორიდან სოხუმამდე პ. გორჩაკოვს კვლავ აფხაზთა ძლიერი წინააღმდეგობა შეხვდა. 10 ივლისს, საღამოს, მან დიდი მსხვერპლის ფასად სოხუმს მიაღწია¹³¹⁸. 16 ივლისს პ.გორჩაკოვი „ორფოსით“ სანაპიროს გასწვრივ ლიხნისაკენ გზის დასაზღვრად გაემართა და დარწმუნდა, რომ სოხუმიდან ლიხნამდე გზის გაგრძელება დიდ მსხვერპლს გამოიწვევდა, რადგან აფხაზებს ყველგან საფრები ჰქონდათ მოწყობილი, ამიტომ მან ჯარის ნაწილების ზღვით გაყვანა გადაწყვიტა¹³¹⁹. 21 ივლისს, დილით, პ.გორჩაკოვმა ექსპედიციის ნაწილი, 800 მეომარი, ბომბორის მახლობლად გადასხა. აჯანყებულები შეეცადნენ, წინააღმდეგობა გაეწიათ დესანტისთვის და სანაპიროზე პლაცდარმის დაკავებაში ხელი შეეშალათ, მაგრამ ხომალდების არტილერიის ცეცხლმა მათ ამის საშუალება არ მისცა. 24 ივლისს, განთიადისას, ჯარის დანარჩენი ნაწილიც გადასხდა და პ.გორჩაკოვი ლიხნისკენ გაემართა. მეამბოხეები დესანტს სასტიკ წინააღმდეგობას უწევდნენ, მაგრამ მათ ზურგიდან ლიხნის გარნიზონმაც შეუტია. ისინი ორცეცხლშუა აღმოჩნდნენ და გაიფანტნენ. პ.გორჩაკოვმა დაიხსნა მიხეილ შარვაშიძე ლიხნის გარნიზონთან ერთად და იმავე საღამოს სოხუმში დაბრუნდა¹³²⁰. ექსპედიცია სოხუმის ციხის მახლობლად დაბანაკდა. აფხაზები რამდენჯერმე დაესხნენ თავს ბანაკს, თუმცა უშედეგოდ. იმერეთის მმართველი უკან დასაბრუნებლად მზადებას შეუდგა, მაგრამ მისთვის ცნობილი გახდა, რომ აფხაზებს გზაზე საფრები ჰქონდათ მოწყობილი. მან სოხუმის ციხის გარნიზონის გასაძლიერებლად 44-ე ეგერთა პოლკის სამი ასეული და ერთი საველე ქვემეხი დატოვა, ხოლო ჯარის დანარჩენი ნაწილებით და სამეგრელოს სახალხო ლაშქრით ზღვით რედუტ-ყალეში გადავიდა, იქიდან კი ქუთაისში დაბრუნდა¹³²¹.

ამის შემდეგ აჯანყება თანდათან ჩაცხრა. ასლან-ბეი კვლავ ჯიქეთში გაიქცა. რაც შეეხება მიხეილ შარვაშიძეს, რეგიონში შექმნილი მძიმე მდგომარეობის გამო იგი იძულებული გახდა აფხაზეთს გასცლოდა. დედასთან და და-ძმასთან ერთად პ.გორჩაკოვმა იგი სამეგრელოში გადაიყვანა. აფხაზეთის მთავრის ოჯახი სოფ. ხეთაში, ხოლო შემდეგ რედუტ-ყალეში სახელმწიფო ხარჯზე რამდენიმე წლის განმავლობაში ცხოვრობდა¹³²².

1824 წლის ივლისის ექსპედიციის წარმატებით დასრულების შემდეგ ა.ერმოლოვს აინტერესებდა, როდის შეიძლებოდა ექსპედიციის განმეორებით მოწყობა აფხაზთა დასამორჩილებლად. პ.გორჩაკოვმა 24 აგვისტოს ა.ერმოლოვს მოხსენებითი ბარათი გაუგზავნა, სადაც აღნიშნავდა, რომ აფხაზები არცერთ ხელისუფლებას არ ემორჩილებოდნენ; ისინი ჩერქეზების მსგავსად ძარცვით და ტყვის სყიდვით ცხოვრობდნენ, შესაბამისად, მათ ზნე-ჩვეულებები უნდა შეეცვალათ. მისი აზრით, დაიმორჩილებდნენ აფხაზებს, მაგრამ ყოველთვის იქნებოდა მღელვარებები. ამიტომ უმჯობესი იყო

1316 VI, გვ. 513-514.
 1317 . ე. აიხვალდი საქართველოს შესახებ, გვ. 217; გვ. 134; VI, გვ. 514; III, . 2, გვ. 575.
 1318 . საქართველოს სახელმწიფო მუზეუმის ქართულ ხელნაწერთა აღწერილობა. მუზეუმის ხელნაწერთა ახალი () კოლექცია, ტ. I. თბ., 1957, გვ. 265; ე. აიხვალდი საქართველოს შესახებ, გვ. 217; VI, გვ. 575-576.
 1319 . ე. აიხვალდი საქართველოს შესახებ, გვ. 217; გვ. 134; VI, გვ. 516; III, . 2, გვ. 577.
 1320 . ქართულ ხელნაწერთა აღწერილობა, მუზეუმის ხელნაწერთა ახალი () კოლექცია, ტ. I, გვ. 265; გვ. 134-135; VI, გვ. 516-517; III, . 2, გვ. 578.
 1321 . ე. აიხვალდი საქართველოს შესახებ, გვ. 218; გვ. 136; VI, 517; III, . 2, გვ. 578.
 1322 III, . 1870, გვ. 211; VI, გვ. 517.

აფხაზეთის სანაპიროზე რამდენიმე ადგილას - გაგრასა და ბიჭვინთაში, აგრეთვე ილორში, სიმაგრეების მოწყობა; მაშინ, ერთი წლის შემდეგ აფხაზეთი სრულად იქნებოდა დამორჩილებული. წინააღმდეგ შემთხვევაში ექსპედიციები სასურველ შედეგს ვერ გამოიღებდნენ. აერმოლოვმა დამაჯერებლად მიიჩნია პ.გორჩაკოვის არგუმენტები და დამსჯელი ექსპედიციის მოწყობაზე ხელი აიღო¹³²³.

აფხაზეთში რუსეთის მფლობელობაში მხოლოდ სოხუმი დარჩა, რომელიც, ფაქტობრივად, აფხაზთა ბლოკადაში იმყოფებოდა. სექტემბერში, ასლან-ბეი კვლავ გამოჩნდა. იგი შეეცადა მიხეილ შარვაშიძესთან და დედამისთან კავშირი დაემყარებინა. მან მთავარს შესთავაზა, რომ დაემორჩილებოდა მის ხელისუფლებას, თუ ჰასან-ბეის მამულს მისცემდნენ და მიხეილიც პირობას დადებდა, რომ რუსებს სამთავროში არ შეუშვებდა. მიხეილ შარვაშიძემ მას, რა თქმა უნდა, უარი შეუთვალა. სოხუმის ციხის კომენდანტის, კაპიტან ლინდენფელდის ცნობით, ასლან-ბეი გამთავრებას ცდილობდა. იგი მოსახლეობისაგან მთავრად აღიარებას, ერთგულების ფიცს და მძევლებს მოითხოვდა. ამასთანავე პირობას დებდა, რომ თურქების დახმარებით სოხუმიდან რუსებს განდევნიდა. აფხაზეთის სანაპიროზე გახშირდა თურქული კანჯოების ვიზიტი, რომელთაც იარაღი შემოჰქონდათ, ფართო მასშტაბები მიიღო ადამიანებით ვაჭრობამ¹³²⁴.

ქრისტიანობის აღორძინების პირველი მცდელობები. რუსეთი და აფხაზეთის მთავარი ამ მხარეში საკუთარი პოზიციების განმტკიცების მიზნით ქრისტიანობის გავრცელებას ცდილობდნენ. ცარიზმი ქრისტიანობის მფარველობის დროშით ნიღბავდა დამპყრობლურ მიზნებს და კოლონიურ პოლიტიკას საქართველოსა და მთლიანად კავკასიაში. ქრისტიანობის გავრცელება რუსეთის პოლიტიკური გავლენის გავრცელებას მოასწავებდა. ამიტომ იყო, რომ აფხაზეთის სამთავროს რუსეთის იმპერიის შემადგენლობაში შესვლის შემდეგ ყურადღება მიექცა ამ მხარეში ქრისტიანობის აღორძინებას.

აფხაზეთში რუსეთის მფლობელობის დამყარების შემდეგ დეკანოზმა იოანე იოსელიანმა საკუთარი სახსრებით ადადგინა სამთავრო სახლის კარის ეკლესია – ლიხნის ღვთისმშობლის მიძინების ტაძარი, განაახლა ღვთისმსახურება და მღვდლები (იოანე ქავთარაძე და სიმეონ ჟორდანი) გაამწესა, ამასთან მრავალი აფხაზიც მონათლა, მათ შორის აფხაზეთის მთავრის გიორგი შარვაშიძის ოჯახიც. ამასთანავე 1810წ. მან საკითხი აღძრა ლიხნში სასულიერო სასწავლებლის გახსნის თაობაზე. იგი იმედს გამოთქვამდა, რომ ამ გზით აფხაზეთს ქრისტიანობის ნათელი კვლავ მოეფინებოდა, თუმცა რთული პოლიტიკური ვითარების გამო ხელისუფლებამ ამ წინადადებას მხარი არ დაუჭირა.

1817 წლიდან სოხუმის ეკლესიაში მოღვაწეობდა მღვდელი სოლომონ ნადიროვი (ნადირაძე თუ ნადარეიშვილი), რომელიც ქრისტიანობას ქადაგებდა აფხაზებში და მრავალიც მონათლა. მის თბილ დამოკიდებულებას აფხაზებისადმი, დიდ გულმოდგინებას მათი გაქრისტიანების საქმეში 1823წ. მაღალ შეფასებას აძლევდა აფხაზეთის ახალგაზრდა მთავარი მიხეილ შარვაშიძე. 1823-1824წწ. სოლომონმა ლიხნსა და ბიჭვინთაში 62 წარმართი და მაჰმადიანი აფხაზი მონათლა¹³²⁵. 20-იანი წლების დასაწყისში აფხაზეთში განვითარებულმა მოვლენებმა აფხაზთა გაქრისტიანების პროცესი გარკვეული ხნით შეაფერხა.

აფხაზეთი 20-იანი წლების მეორე ნახევარში. 1826წ. 1 ივლისს რუსეთსა და ოს-მაღეთს შორის ქაკერმანში (ამჟამად უკრაინა, ოდესის ოლქის ქბელგოროდ-დნესტროვსკი) მოლაპარაკებები დაიწყო, რომელიც კონვენციის ხელმოწერით დასრულდა. აკერმანის კონვენცია ადასტურებდა ბუქარესტის ზავის პირობებს. ოსმალებმა რუსეთის იმპერიის შემადგენლობაში ოფიციალურად აღიარა შავი ზღვის ნავსადგურები: სოხუმი, რელუტ-ყალე (კემხელი), ანაკლია, რითაც მის მრავალსაუკუნოვან, მათ შორის უკანასკნელი პერიოდის პრეტენზიებს ამ მხარეზე ბოლო მოეღო.¹³²⁶ მთავრის პოლიტიკურ ხელისუფლებას მოკლებულ აფხაზეთში არსებული რთული ვითარება სამეგრელოზეც ახდენდა ნეგატიურ გავლენას. აფხაზები

1323 . . . III, . 2, 578-580, გვ. 581.

1324 . იქვე, გვ. 581; . . VI, გვ. 517.

1325 . გ. როგავა. რელიგია და ეკლესია საქართველოში XIX-XX სს. თბ., 2002, გვ. 80.

1326 . . XIV.გვ. 850-853.

ხშირად იჭრებოდნენ სამეგრელოში, იტაცებდნენ საქონელს, მიჰყავდათ ტყეები. გერმანელი მეცნიერისა და მოგზაურის ე. აიხვალდის ცნობით, როგორც კი სამეგრელოს მთავარი მათ დასასჯელად გაილაშქრებდა, ისინი ტყეებსა და მთებს აფარებდნენ თავს და მათი დასჯა მხოლოდ ზამთარში იყო შესაძლებელი, როდესაც ასეთ თავშესაფარს მოკლებული იყვნენ. 1826წ. მაისში, როდესაც ე. აიხვალდი სამეგრელოში ჩავიდა, გაიგო, რომ აფხაზები კვლავ შემოჭრილიყვნენ სამთავროში და ლევან V დადიანი მათ გასადევნად და აფხაზეთთან საზღვრის გასამაგრებლად იყო წასული. აღმოჩნდა, რომ სამეგრელოს მთავრის მიახლოებისთანავე აფხაზები ჩვეულებრივ მთებში გაქცეულიყვნენ¹³²⁷.

ლევან V დადიანი და კავკასიის რუსული ადმინისტრაცია სისხლხორცეულად იყვნენ დაინტერესებული აფხაზეთში სიტუაციის მოგვარებით. მიხეილ შარვაშიძეც ფიქრობდა იმ გზებზე, რომლებიც მას ფაქტობრივად დროებით დაკარგულ აფხაზეთის ტახტს დაუბრუნებდა. როგორც ჩანს, იგი იმ დასკვნამდე მივიდა, რომ მხოლოდ ჰასან-ბეის ავტორიტეტს შეეძლო მისთვის დაუმორჩილებელი აფხაზების მიმხრობა და, საბოლოოდ, რეალური ძალაუფლების მოპოვება. ამიტომ მან ა.ერმოლოვს სთხოვა ციმბირიდან ჰასან-ბეის დაბრუნება, რომელიც ხელმწიფის მორჩილი ქვეშევრდომი იქნებოდა და სამთავროს მართვაში დაეხმარებოდა. მთავარმართებელმა გაითვალისწინა აფხაზეთის მთავრის თხოვნა და 1827წ. 15 იანვარს შინაგან საქმეთა მინისტრის წინაშე შესაბამისი შუამდგომლობა აღძრა. ა.ერმოლოვი აღნიშნავდა, რომ 6 წლის გადასახლების შემდეგ ჰასან-ბეი განკურნებული იქნებოდა სამთავროს დაუფლების სურვილისაგან და თავისი გავლენით ხელისუფლებას აფხაზეთში დიდად დაეხმარებოდა¹³²⁸. იმავედროულად, 1827წ. 7 თებერვალს ა. ერმოლოვმა ლევან V დადიანს დაავალა, გაეგო აფხაზეთში არსებული ვითარება და ამ მხარეში პოლიტიკური სიტუაციის მოწესრიგების საქმეში აქტიურად ჩართულიყო. დავალების შესრულების მიზნით, სამეგრელოს მთავარმა აფხაზეთში თავადები მანუჩარ ჩქოტუა და თლაფს მარღანია გააგზავნა. 14 მარტს ისინი აფხაზეთიდან დაბრუნდნენ. მათი ცნობით, აფხაზი და წებელელი თავადები მზად იყვნენ, მოსულიყვნენ ალი-ბეი შარვაშიძის კუთვნილ სოფელ გუფუში და მორჩილება გამოეცხადებინათ¹³²⁹.

ასეთ ვითარებაში კავკასიის რუსულ ადმინისტრაციაში მნიშვნელოვანი ცვლილება მოხდა. 1827წ. 27 მარტს ა.ერმოლოვი კავკასიიდან გაიწვიეს, 28 მარტს კი კავკასიის კორპუსის მთავარსარდლად გენერალ-ლეიტენანტი, გრაფი ი.პასკევიჩი (1827-1831წწ.) დაინიშნა. ამ გარემოებამ მცირე ხნით შეაფერხა აფხაზეთში პოლიტიკური ვითარების მოწესრიგება. 30 აპრილს 129 აფხაზმა და წებელელმა თავად-აზნაურმა მოინანია აჯანყებაში მონაწილეობა და რუსეთის იმპერატორის ერთგულების ფიცი დადო¹³³⁰. მათ შორის იყო აჯანყების ერთ-ერთი ხელმძღვანელი კაც მარღანიაც. 30 აპრილს ი.პასკევიჩი საიმპერატორო მთავარი შტაბის უფროსს აუწყებდა, რომ 1824წ. აჯანყებულმა აფხაზეთმა, როგორც იქნა, აჯანყების დროშა დაუშვა და სურვილი გამოთქვა, იმპერატორის ნებას დამორჩილებოდა; ზოგიერთმა აფხაზმა და წებელელმა თავად-აზნაურმა ერთგულების ფიცი დადო და მათ იმპერატორის სახელით პატიება გამოეცხადათ. სხვა თავად-აზნაურებისაგან ფიცის ჩამოსართმევად ლევან V დადიანი და კაპიტანი ნიკოლოზ დადიანი გაიგზავნა. ი.პასკევიჩი სიხარულით აღნიშნავდა, რომ 3 წლის განმავლობაში ჩამოშორებული ქვეყანა გასროლის გარეშე იქნა დაბრუნებული¹³³¹.

ამრიგად, აფხაზეთი კვლავ დაემორჩილა რუსეთის ხელისუფლებას, რაშიც დიდი იყო ლევან V დადიანის წვლილი. 3 მაისს ი.პასკევიჩმა იმერეთის მმართველს ვებუთოვს (1825-1827წწ.) უბრძანა, მიხეილ შარვაშიძე ლიხნში გაეგზავნა და მისთვის ჩაეგონებინა, რომ ქვეშევრდომებისადმი თბილი მოპყრობით, შემწყნარებლობით, უმნიშვნელო ცოდვების დავიწყებით და არა შურისძიებით, მათი სიყვარულის მოპოვებას შეძლებდა. როგორც ჩანს, ი. პასკევიჩი ბოლომდე არ იყო დარწმუნებული აფხაზეთში სიმშვიდის

1327 . ე. აიხვალდი საქართველოს შესახებ, გვ. 173.

1328 . . . III, . 2, გვ. 581-582.

1329 . . . VI, . I, №960, გვ. 665.

1330 . . . VII, . 1878, №334, გვ. 401; . . .

. . . 1972, გვ. 75.

1331 . . . VII, №332, გვ. 401.

შენარჩუნებაში, ამიტომ ვ. ბებუთოვს უბრძანა, თამარ შარვაშიძე და მისი ქალიშვილები სოხუმში გადაეყვანა¹³³². 1827წ. მაისში მიხეილ შარვაშიძე სოხუმში ჩავიდა, სადაც იგი დიდი პატივით მიიღეს, რეიდზე მდგარმა რუსეთის სამხედრო ხომალდებმა მისი დაბრუნება ხარბახნების სალუტით აღნიშნეს¹³³³.

რუსეთის ხელისუფლებას კარგად ესმოდა, რომ აფხაზეთში მისი გავლენის განმტკიცების გარანტი სამთავრო ტახტზე რუსულ-ქრისტიანული ორიენტაციის მთავრის ხელისუფლება იყო, ამიტომ ყოველმხრივ მხარს უჭერდა მიხეილ შარვაშიძეს და მისი ხელისუფლების გაძლიერებას ცდილობდა. მთავრის ხელისუფლება რეალურად მხოლოდ ბზიფის ოლქზე ვრცელდებოდა. მას ნომინალურად ემორჩილებოდა აფხაზეთისა და აბჯუის ოლქები. მთავრის ხელისუფლებას არ ცნობდნენ აფხაზეთის მთის თემები – წებელი, დალი და ფსხუ. სამთავროში ხშირად იჭრებოდნენ შავი ზღვის ჩრდილო-აღმოსავლეთ სანაპიროდან ჯიქები და უბიხები, სანაპირო ზოლში – აფხაზეთის მთის თემების მკვიდრნი; გრძელდებოდა ადამიანების გატაცება, ტყვის სყიდვა და სხვა დანაშაულობები. 1827წ. მიხეილ შარვაშიძემ რუსეთის სარდლობისაგან დაჟინებით ითხოვა გაგრის დაკავება, რათა ჯიქებისა და უბიხების თავდასხმებს აფხაზეთზე ბოლო მოეღებოდა¹³³⁴. აფხაზეთში არსებული რთული ვითარება სამეგრელოს სამთავროზეც ახდენდა გავლენას, სადაც გახშირდა ადამიანთა გატაცება, ტყვის სყიდვა. 1827წ. ლევან V დადიანი წყალობის წიგნს აძლევს მანუჩარ ზაალის ძე ფაღავას, ქართველი კაცი უსჯულოზე გაუყიდათ, ახლა ის კაცი აფხაზეთშია, გამოისყიდე და შენ გყავდესო; აგრეთვე, სოფ. ბანძის მცხოვრებ აზნაურ გაბუნიას ბახია თავისი ცოლ-შვილით აფხაზეთში გაუყიდა, ახლა სოფელ ფოქვეში არის, ეცადე, გამოიყვანო და შენ გიბოძებო¹³³⁵.

მიხეილ შარვაშიძე ქვეყნის მართვაში ჰასან-ბეიზე ამყარებდა იმედებს. ამიტომ მან დედამისთან ერთად რუსეთის ხელისუფლებას ჰასან-ბეის გადასახლებიდან დაბრუნება სთხოვა. ჰასან-ბეიც პირობას დებდა, რომ შეწყალების შემთხვევაში რუსეთის ხელისუფლების ერთგული იქნებოდა და მისი სამშობლოში დაბრუნების შემდეგ აფხაზეთის მოსახლეობა რუსეთის ხელისუფლების მორჩილი გახდებოდა. ი.პასკევიჩმაც აღძრა შუამდგომლობა ჰასან-ბეის გადასახლებიდან დაბრუნების თაობაზე. სულ მალე მას სამშობლოში დაბრუნების ნება დართეს¹³³⁶.

1828წ. ჰასან-ბეი აფხაზეთში დაბრუნდა. ამ დროიდან იწყება მკაცრი შინაპოლიტიკური ბრძოლა, რომელიც მთავრის ხელისუფლების დამკვიდრებისა და განმტკიცებისაკენ იყო მიმართული¹³³⁷. ჰასან-ბეის არ სურდა მიხეილ შარვაშიძის ერთგული ვასალის როლში ყოფნა. ის თავს არ თვლიდა მიხეილ შარვაშიძის ქვეშევრდომად და მიაჩნდა, რომ მას სამთავრო ტახტზე ნაკლები უფლება ჰქონდა.

სამშობლოში დაბრუნების შემდეგ ჰასან-ბეის ნება დაერთო, გახიზნული თანამემამულეები შემოეკრიბა. ის აფხაზ თავად-აზნაურებს რუსეთის ხელისუფლებასთან თანამშრომლობისკენ მოუწოდებდა და თვითონაც ერთგულად ემსახურებოდა ცარიზმს, თუმცა ვითარებას ძაბავდა მიხეილ შარვაშიძესა და ჰასან-ბეის შორის არსებული შეურიგებელი დაპირისპირება, რომელიც მალე ღია მტრობაში გადაიზარდა. მხოლოდ რუსეთის ხელისუფლების ჩარევამ აიძულა, მოწინააღმდეგეები გარეგნულად ლოიალური ურთიერთობა ეჩვენებინათ¹³³⁸.

3. აფხაზეთის სამთავრო XIXს. 30-50-იან წლებში

XIXს. 20-იან წლებში რუსეთმა მნიშვნელოვან წარმატებებს მიაღწია კავკასიაში. 1826-1828წწ. რუსეთ-ირანის ომში გამარჯვებამ ცარიზმს აღმოსავლეთ ამიერკავკასია მოუპოვა. რუსეთის წარმატებამ აღმოსავლეთში შეაშფოთა ინგლისი, რომელიც ცდილობდა, ირანი ძლიერ ბუფერულ სახელმწიფოდ გადაექცია და მისი საშუალებით

¹³³² . იქვე, №333, გვ. 401.

¹³³³ .

, . II. . ,1847,გვ. 180.

¹³³⁴ . ა. ნ. დიანოვ-ტარასოვი, გაგრა..., გვ. 94.

¹³³⁵ . ქუთაისის ისტორიულ-ეთნოგრაფიული მუზეუმის ხელნაწერთა ფონდი, საბ. №1562.

¹³³⁶ . , . VII, №335, გვ. 402.

¹³³⁷ . ნ. თაკალანძე. დასახ. ნაშრომი, გვ. 73.

¹³³⁸ .

1870 . Сухуми, 1939, გვ. 108.

გზა ჩაეკეტა რუსეთისათვის ინდოეთისაკენ. ამასთან, ინგლისი ყოველ ღონეს ხმარობდა, რათა რუსეთის ბატონობა კავკასიაში მოესპო. ირანთან ომის დამთავრებისთანავე რუსეთ-თურქეთის ახალი ომი (1828-1829წწ.) დაიწყო. ამ ომში რუსეთის გამარჯვებამ შავი ზღვის აღმოსავლეთ სანაპიროს საკითხი გადაწყვიტა. ადრიანოპოლის ზავით (1829წ. 14 სექტემბერი) კავკასიაში რუსეთის ხელში გადავიდა სამცხე-ჯავახეთი ძველი ქართული ქალაქებით: ახალციხით, ახალქალაქით, ასპინძით, აწყურით, და სხვ. აგრეთვე შავი ზღვის სანაპირო მდ. ყუბანის შესართავიდან მდ. ჩოლოქამდე ქალაქებით: ანაპით და ფოთით. ბრწყინვალე პორტა უარს ამბობდა ყოველგვარ პრეტენზიაზე რუსეთ-თურქეთის ახალი საზღვრის ჩრდილოეთით მდებარე ტერიტორიებზე და მათ „რუსეთის იმპერიის სამუდამო მფლობელობაში“ ცნობდა. ამ ტერიტორიებში შედიოდა დასავლეთ კავკასია, რომელიც, მართალია, თურქეთის მფლობელობაში არ იყო, მაგრამ მასზე ბრწყინვალე პორტას პოლიტიკური გავლენა ვრცელდებოდა. თურქეთის ეს ნომინალური გავლენა იმით იყო გამოწვეული, რომ სულთანი ითვლებოდა ყველა მუსლიმის, მათ შორის, კავკასიელი მთიელების, უზენაეს მფარველად და მბრძანებლად. პოლიტიკურად ისინი სრულიად დამოუკიდებლები იყვნენ და მხოლოდ რელიგიური თვალსაზრისით ცნობდნენ სულთნის უზენაესობას. ამდენად, თუმცა თურქეთმა დასავლეთ კავკასია რუსეთის მფლობელობაში ცნო, ეს მხარე რუსეთს ჯერ კიდევ დასაპყრობი ჰქონდა.

სანამ რუსეთი ჩრდილოეთ კავკასიას, მათ შორის ყუბანის მხარეს არ დაიპყრობდა, მისი ბატონობა სამხრეთ კავკასიაში მტკიცე ვერ იქნებოდა. ამიტომ ცარიზმი ამ საკითხის გადაწყვეტისათვის ზრუნვას შეუდგა. როცა ნიკოლოზ I (1825-1855წწ.) კავკასიის მთავარმართებელს ი.პასკევიჩს რუსეთ-თურქეთის ომში გამარჯვებას ულოცავდა, წერდა: „...დამთავრეთ რა ამრიგად ერთი დიდებული საქმე, თქვენ მოგელით მეორე, ჩემი აზრით, ისეთივე დიდებული, ხოლო პირდაპირი სარგებლის თვალსაზრისით უფრო მნიშვნელოვანი – მთიელთა სრული დამორჩილება ან მათი განადგურება“.¹³³⁹

იმპერატორის დირექტივა – „მთიელთა სრული დამორჩილება ან მათი განადგურება“, – ნათლად ახასიათებს ცარიზმის კოლონიური პოლიტიკის არსს და მიზანს კავკასიაში. აღსანიშნავია, რომ ისეთი ლიბერალური და დემოკრატიული ძალა ამ ხანის რუსეთში, როგორებიც იყვნენ დეკაბრისტები, ასეთსავე პოზიციაზე იდგნენ. დეკაბრისტთა „სამხრეთის საზოგადოების“ ლიდერი კ.პესტელი საპროგრამო დოკუმენტში „რუსსკაია პრაუდა“, კავკასიის ხალხებს ყოფდა მშფოთვარე, დაუმორჩილებელ და მშვიდ, დამყოლ ტომებად. მისი აზრით, აუცილებელი იყო პირველთა გადასახლება იმპერიის შიდა გუბერნიებში, ხოლო მეორეთა თანდათანობითი ასიმილაცია და სრული გათქვეფვა კავკასიაში ჩასახლებულ რუსულ მოსახლეობაში¹³⁴⁰. შემდეგში ცარიზმი სწორედ ასე მოიქცა.

ირანთან და თურქეთთან ომებში გამარჯვების შემდეგ, XIX ს. 30-იანი წლების დასაწყისში რუსეთის ჯარებმა გაააქტიურეს მოქმედება ჩრდილოეთ კავკასიაში, მათ შორის შავი ზღვის ჩრდილო-აღმოსავლეთ სანაპიროზე. ნიკოლოზ I-ის დირექტივის რეალიზების მიზნით ი. პასკევიჩმა შეიმუშავა კავკასიის მთის ხალხების, მათ შორის აფხაზების, სწრაფი დამორჩილების გეგმა, რომელიც იმპერატორმა 1829წ. ოქტომბერში დაამტკიცა¹³⁴¹. გეგმა ითვალისწინებდა დასავლეთ კავკასიაში – ყუბანის მხარეში და კავკასიონის ქედის სამხრეთ კალთებზე მცხოვრები ადიღური ტომების დამორჩილებას, რისთვისაც საჭიროდ იყო მიჩნეული შავი ზღვის სანაპიროზე არსებული სიმაგრეების რედუტ-ყაღეს, სოხუმის, ანაპას გარდა ახალი სიმაგრეების აგება, მათი ერთმანეთთან მტკიცედ დაკავშირება სანაპირო გზით, აგრეთვე ჩრდილოეთიდან რამდენიმე ექსპედიციის მოწყობა ყუბანის მხარეში. ამ გეგმის რეალიზაციის მიზნით შეიქმნა „აფხაზეთის ექსპედიცია“, რომლის მიზანს სოხუმიდან ანაპამდე სანაპირო ზოლის დაკავება, გამაგრებული სანაპირო ხაზის შექმნა და სიმაგრეებს შორის სახმელეთო მიმოსვლის უზრუნველყოფა, საბოლოო ჯამში კი დასავლეთ კავკასიის მთიანეთში რუსული სამხედრო-ადმინისტრაციული მმართველობის დამყარება წარმოადგენდა. 1830 წლის 8 ივლისს რუსთა დესანტი სოხუმიდან ზღვით გაგრაში გადასხდა და დაიკავა

1339. , . III. . ,1891,გვ. 229-230.
 1340. , 1906, გვ. 48.
 1341. , . X. ,1889, გვ. 123.

იგი. ამ ცნობის მიღების შემდეგ „აფხაზეთის ექსპედიცია“, რომლის უშუალო მეთაურად დანიშნული იყო გენერალი კ. გესე, სოხუმიდან გავიდა და 16 ივლისს ბომბორა დაიკავა. აქვე ექსპედიციას ლიხნიდან აფხაზეთის მთავარი მიხეილ შარვაშიძე შეუერთდა. შემდეგ ექსპედიციამ წინსვლა განაგრძო და 19 ივლისს ბიჭვინთა დაიკავა. მიუხედავად თავდაპირველი წარმატებისა, გაგრის ჩრდილო-დასავლეთით რუსეთის ჯარის წინსვლა შეფერხდა ჯიქებისა და უბიხების მედგარი წინააღმდეგობის გამო. „აფხაზეთის ექსპედიციის“ მოქმედების პარალელურად ი. პასკევიჩმა მდ. ყუბანი გადალახა და შაფსულების სოფლები გაანადგურა, ამასთან მდ. ყუბანზე რამდენიმე სიმაგრე ააგო. ამდენად, ექსპედიციამ დასახულ მიზანს სრულად ვერ მიაღწია. აფხაზეთის სანაპირო ზოლში – ბომბორაში, ბიჭვინთაში, გაგრაში რუსები სიმაგრეების აგებას შეუდგნენ. ბომბორაში დაბინავდა „აფხაზეთის ექსპედიციის“ შტაბიც. ამ სიმაგრეებს ჯიქებისა და უბიხებისათვის უნდა გადაეკეტათ სანაპირო გზა, რომლითაც ისინი აფხაზეთში იჭრებოდნენ, მათ უნდა განემტკიცებინათ აგრეთვე რუსეთის ბატონობა აფხაზეთში¹³⁴².

რუსების მიერ აფხაზეთის სანაპირო ზოლის დაკავებამ მნიშვნელოვანი გავლენა მოახდინა ჯიქებზე, უბიხებზე და თვით აფხაზებზე. განსაკუთრებით მნიშვნელოვანი იყო გაგრის გასასვლელის დაკავება, რასაც მიხეილ შარვაშიძე დიდი ხანია რუსეთის ხელისუფლებას სთხოვდა.

ამავე ხანებში აფხაზეთის მთავარმა სამურზაყანოზე განაცხადა პრეტენზია. 1834 წ. მიხეილ შარვაშიძე სოფ. ილორში შეიჭრა და სოფლის მცხოვრებლებს ერთგულების ფიცი დაადებინა. კავკასიის რუსულმა ადმინისტრაციამ მკაცრად გააფრთხილა აფხაზეთის მთავარი, თვითნებობაზე ხელი აეღო. მთავარმართებელი, ბარონი გ. როზენი მიხეილ შარვაშიძეს სწერდა: „ასეთი მოქმედება ემსახურება აფხაზეთში უწესრიგობის გამრავლებას და არ შემოიძლია გაკვირვება არ გამოვთქვა სხვის სამფლობელოში თქვენი ასეთი თვითნებობის გამო. ხელისუფლებისათვის ცნობილია, რომ ცოცხალი საზღვარი სამეგრელოსა და აფხაზეთს შორის არის მდინარე ლალიძგა და რამდენადაც სოფელი ილორი მდებარეობს მდინარის მარცხენა ნაპირზე, ის არ შეიძლება ეკუთვნოდეს აფხაზეთს. ამიტომ მე ვაღიარებ ვარ, გთხოვოთ, გამოუცხადოთ წერილობით ყველა ილორელს, რომ მათ მიერ მიცემული ფიცი თქვენდამი ერთგულებაზე უსაფუძვლოა და ისინი ეკუთვნიან არა თქვენს უმაღლესობას, არამედ სამეგრელოს მფლობელს“¹³⁴³. მიხეილ შარვაშიძე იძულებული გახდა, ილორი დაეტოვებინა.

1834-1835წწ. კავკასიის რუსულმა ადმინისტრაციამ რედუტ-ყალედან სოხუმამდე და სოხუმიდან გაგრამდე გზა გაიყვანა. იმავდროულად, 1835წ. შავი ზღვის საქართველოს სანაპიროზე ორი სიმაგრე ააგეს – ილორსა და დრანდაში¹³⁴⁴. სოხუმიდან ბომბორისა და ბიჭვინთის გავლით გაგრამდე გზის გაყვანის შემდეგ მდ. ბზიფსა და გაგრას შორის ტერიტორია აფხაზეთის მთავრის იურისდიქციაში დაბრუნდა¹³⁴⁵. იმავე ხანებში რუსეთის ხელისუფლებამ მიხეილ შარვაშიძეს აბუჟისა და აფხაზეთის ოლქების მფლობელები ალი-ბეი და პასან-ბეი შარვაშიძეები დაუმორჩილა, რითაც ის ერთმმართველად აქცია. ამდენად, ფაქტობრივად, აფხაზეთის სამთავრო მხოლოდ XIX ს. 30-იან წლებში რუსეთის სამხედრო ძალით შეიქმნა.

აფხაზები და შავი ზღვის ჩრდილო-აღმოსავლეთ სანაპიროზე მცხოვრები ჯიქები და უბიხები მცირე რაზმებით თავს ესხმოდნენ რუსულ სიმაგრეებს, რუსეთის ჯარის ნაწილებს და მუდმივი შიშის ქვეშ ჰყავდათ რუსული გარნიზონები. ამ პარტიზანულ რაზმებს მხარს უჭერდნენ და ეხმარებოდნენ აფხაზეთის მთის თემები, რომელთაც რუსეთის ადმინისტრაცია ვერ აკონტროლებდა. ყველაზე ძლიერსა და მედგარ წინააღმდეგობას რუსეთის გაბატონებას აფხაზეთში წებელი უწევდა. 1837წ. მაისში ბარონმა გ. როზენმა ექსპედიცია მოაწყო წებელში და მარშანიები დაიმორჩილა, რომლებმაც მას რუსეთის ერთგულების ფიცი მისცეს. ამ დროიდან თემის სახელწოდებად რუსული ფორმა – წებელდა მკვიდრდება. იმავდროულად გ. როზენტან

¹³⁴² . ბ. ხორავა. 1830 წლის აფხაზეთის ექსპედიცია. - საისტორიო ძიებანი, VI. თბ., 2003, გვ. 93-112.

¹³⁴³ . . . VIII, გვ. 449.

¹³⁴⁴ . ბ. ხორავა. აფხაზთა 1867 წლის მუშაჯირობა, გვ. 28.

¹³⁴⁵ . ა. დიაჩკოვ – ტარასოვი. გაგრა..., გვ. 108.

გამოცხადდნენ დაღელი მარშანიები, რომლებმაც ასევე მორჩილება აღუთქვეს მას. ამ მთის თემებში რუსული მმართველობა დამყარდა, შეიქმნა წებელდის საბოქაულო ადმინისტრაციული ცენტრით სოფ. მრამბაში¹³⁴⁶.

მისიონერული მოღვაწეობა აფხაზეთში. 30-იან წლებში აფხაზეთში რუსეთის ხელისუფლების შედარებით განმტკიცების შემდეგ აქ ქართველ სასულიერო პირთა მისიონერული მოღვაწეობა გაიშალა, რომლის აუცილებლობასაც ამ მხარეში ქრისტიანობის სავალალო მდგომარეობა განაპირობებდა. მიხეილ შარვაშიძეს კარგად ესმოდა სამთავროში ქრისტიანობის გავრცელების მნიშვნელობა მისი ხელისუფლების განმტკიცების თვალსაზრისით. 1831წ. იმერეთის მმართველისადმი წერილში იგი აღნიშნავდა, რომ მისი ქვეშევრდომების დიდი ნაწილი მაჰმადიანი იყო; მათზე უარყოფით გავლენას ახდენდნენ ჩერქეზები; წინააღმდეგობას უწევდნენ რუსეთის მთავრობისა და მთავრის ღონისძიებებს, რომლებიც ამ მხარეში სიმშვიდის უზრუნველყოფისაკენ იყო მიმართული. რათა ჩამოეშორებინა აფხაზები ჩერქეზების მანვე ზეგავლენისაგან, მთავარს საჭიროდ მიაჩნდა მათი გაქრისტიანება. ამ მიზნით ის წინადადებას აყენებდა, აფხაზეთში შექმნილიყო ცალკე ეპარქია და მღვდელმთავრად დაენიშნათ მისი ნათესავი, ცაგერის მონასტრის წინამძღვარი, იღუმენი ანტონ დადიანი. მთავარი წერდა, რომ ანტონ დადიანს პატივს სცემდნენ როგორც წარმომშობის, ისე მისი წოდებისა და შესანიშნავი თვისებების გამო, მან შესანიშნავად იცოდა თავისი საქმე და ადგილობრივი ენა. მიხეილი იმედს გამოთქვამდა, რომ ის აფხაზეთში ბევრ სასიკეთო საქმეს გააკეთებდა¹³⁴⁷.

კავკასიის ჯარების მთავარსარდლის მოვალეობის შემსრულებელმა და საქართველოს სამოქალაქო ნაწილის უფროსმა, გენერალ-ლეიტენანტმა ნ.პანკრატიევმა საქართველოს ეგზარქოსს, მიტროპოლიტ იონას სთხოვა, აფხაზეთის მთავრის შუამდგომლობის თაობაზე თავისი აზრი გამოეთქვა. ამასთან დაკავშირებით სინოდალურმა კანტორამ სამეგრელოს ეპარქიის მმართველს, მიტროპოლიტ დავით წერეთელს (1829-1834წწ.) სთხოვა, მიეწოდებინა ცნობები აფხაზეთში არსებული ეკლესიებისა და მღვდელმსახურთა რაოდენობის თაობაზე. 1831წ. 5 ნოემბერს მიტროპოლიტმა დავითმა სინოდალურ კანტორას აცნობა, რომ აფხაზეთის მოსახლეობის უდიდესი უმრავლესობა მაჰმადიანი იყო და მხოლოდ ერთი ეკლესია ფუნქციონირებდა ლიხნში, სადაც ღვთისმსახურებას მისი ეპარქიის მღვდელი სიმეონ ჟორდანიძე ეწეოდა¹³⁴⁸.

იმის გამო, რომ აფხაზეთში ეკლესიებისა და მრევლის რაოდენობა უმნიშვნელო იყო, სინოდალურმა კანტორამ აფხაზეთის მთავრის თხოვნის დაკმაყოფილებაზე უარი თქვა, ამასთან მიზანშეწონილად ჩათვალა აფხაზეთში მისიონერული მოღვაწეობის გასაშლელად სამეგრელოს ეპარქიიდან მღვდლების გაგზავნა. რუსეთის ხელისუფლება თვლიდა, რომ სასურველი იყო აფხაზეთში მისიონერული საქმიანობისათვის თავდაპირველად ქართველი სასულიერო პირები გამოეყენებინათ. ამ საკითხის განხილვის შემდეგ სინოდმა დაადგინა, იღუმენი ანტონ დადიანი არქიმანდრიტის ხარისხში აემალეებინათ, მიეცათ მისთვის ერთი მონასტერი სამეგრელოში და მის უმთავრეს მოვალეობად აფხაზეთში ურწმუნოთა გაქრისტიანება განესაზღვრათ. 1833წ. თებერვალში ანტონ დადიანი არქიმანდრიტად ეკურთხა, ხოლო მომდევნო წლის დასაწყისში ის აფხაზეთში ჩავიდა და მისიონერულ მოღვაწეობას შეუდგა. მისიონერული მოღვაწეობის დადებითი შედეგები მალე აშკარა გახდა. 1834წ. მარტიდან მაისამდე მხოლოდ ლიხნში 155 კაცი მოინათლა. ბზიფის ოლქში აფხაზთა გაქრისტიანებაში არქიმანდრიტ ანტონსა და მის თანაშემწეებს დიდი დახმარება გაუწიეს თამარ შარვაშიძემ და თავადმა სალარუფ ინალ-იფამ. მისიონერები აბჟუის მხარეშიც მოღვაწეობდნენ. 1834წ. კვიტოულში 156 კაცი მოინათლა, ტამიშში – 93, კინდლში – 72. მთლიანად აფხაზეთში მისიონერებმა პირველ წელს 554 აფხაზი მოინათლეს.

¹³⁴⁶ . ბ. ხორავა. რუსული მმართველობის დამყარება წებელდაში 1837 წელს. – ახალგაზრდა მეცნიერთა და ასპირანტთა IV საუნივერსიტეტთაშორისო სამეცნიერო კონფერენციის მასალები. თბ., 2006, გვ. 201-205;

. . I, გვ. 180.

¹³⁴⁷ . . VII, . I, №341, გვ. 404.

¹³⁴⁸ . ჯ. გამახარია. აფხაზეთი და მართლმადიდებლობა, გვ. 378.

ეს პროცესი შემდგომ წლებშიც გაგრძელდა. 1835 წ. მონათლა 784, ხოლო 1836წ. 617 კაცი.¹³⁴⁹ არსებობს 1834-1836წწ. მონათლულთა სიები, რომლებიც ქართულ ენაზეა შედგენილი. ეს სიები შესანიშნავი წყაროა XIX ს. 30-იანი წლების აფხაზეთის ტოპონიმიკის, მოსახლეობის ეთნიკური შემადგენლობის და სხვა საკითხების შესასწავლად¹³⁵⁰. ამ სიებიდან კარგად ჩანს, რომ ბზიფის მხარეში ძირითადად აფხაზეთი გვარები ჭარბობს, თუმცა საკმაოდ ბევრია ქართული (მეგრული) გვარებიც, როგორც ჩანს, გააფხაზეთული ქართველები; აბჟუაში უფრო მეტი ქართული (მეგრული) გვარები გვხვდება.

30-იანი წლების მეორე ნახევარში მისიონერული მუშაობა შეფერხდა, რაც რამდენიმე ფაქტორით იყო გამოწვეული. სამეგრელოდან და ლეჩხუმიდან ჩამოსული სასულიერო პირები ციებით დაავადდნენ, რითაც ხელი ეშლებოდათ საქმიანობაში; თუ პირველ წლებში სანაპირო ზოლის მოსახლეობა გაქრისტიანდა, ახლა ჯერი მთიან სოფლებზე მიდგა. სანაპირო ზოლის მოსახლეობის დიდი ნაწილი ძირითადად გააფხაზეთული ქართველებისაგან შედგებოდა, რომელთაც დიდად არ ეუცხოებოდათ მამა-პაპათა სარწმუნოებისაკენ მობრუნება, ამასთან ისინი ჯერაც მოკრძალებით იყვნენ გამსჭვალული აქ შემორჩენილი მიტოვებული თუ დანგრეული ეკლესიებისადმი; მთაში კი ცხოვრობდნენ არცთუ დიდი ხნის წინ ჩრდილოეთ კავკასიიდან ჩამოსახლებული წარმართი და მაჰმადიანი მთიელები, რომლებიც მისიონერებს აქტიურ წინააღმდეგობას უწევდნენ. ქრისტიანობის გავრცელება მათთვის მიუღებელი რუსული ხელისუფლების განმტკიცებას და თანამოძმე მთიელებთან კავშირის გაწყვეტას ნიშნავდა. ისინი ხვდებოდნენ, რომ ხელისუფლებას მათი გაქრისტიანება პოლიტიკური მიზნების მისაღწევად სურდა. ამიტომ სასტიკ წინააღმდეგობას უწევდნენ ქრისტიანობის გავრცელებას, უფრო მეტიც, ახალმონათლულთა კვლავ გამაჰმადიანებას ცდილობდნენ¹³⁵¹. 1836წ. 31 მარტს ლევან V დადიანმა წერილით მიმართა ბარონ როზენს. იგი გამოთქვამდა აზრს, რომ მისიონერული მოღვაწეობა დასახულ მიზანს ვერ მიაღწევდა. მას აეჭვებდა, რომ მთავრობის განზრახვა „საჭურვლისა ჯვარისათა“ დაეძლია მთიელთა ურჩობა და დაუმორჩილებლობა, წარმატებას მიაღწევდა¹³⁵². ამის შემდეგ რუსეთის ხელისუფლებამ მართლმადიდებლობის მეშვეობით აფხაზეთში იმპერიის პოზიციების განმტკიცების მცდელობას სამხედრო ძალის გამოყენებით მოქმედება არჩია¹³⁵³. თუმცა, რთული პირობების მიუხედავად, ქართველი მისიონერები კვლავ აგრძელებდნენ მოღვაწეობას აფხაზეთში.

შავი ზღვის სანაპირო ხაზი და აფხაზეთი. 1837წ. მიწურულს კავკასიის მთავარმართებლად და ჯარების სარდლად ბარონ როზენის ნაცვლად გენერალი ე. გოლოვინი (1837-1842წწ.) დაინიშნა. ამ დროიდან რუსეთის სარდლობამ კავკასიელ მთიელთა წინააღმდეგ ეფექტური ბრძოლის მიზნით მეტი ყურადღება მიაქცია შავი ზღვის აღმოსავლეთ სანაპიროზე სიმაგრეების აგებას და დაპყრობილ ტერიტორიებზე გზების გაყვანას. როგორც წესი, სიმაგრეები და ფორტები იგებოდა მდინარეების შესართავთან, ადგილობრივ მკვიდრთათვის წართმეულ მიწებზე. სიმაგრეების აშენებით რუსები კავკასიელ მთიელებს უსპობდნენ ზღვით გარესამყაროსთან, პირველ რიგში, თურქეთთან და ინგლისთან ურთიერთობის საშუალებას, ამასთან რუსები მაგრდებოდნენ შავი ზღვის სანაპიროზე, რუსეთის ფლოტს ხელსაყრელი პირობები ექმნებოდა შავ ზღვაზე ბატონობისათვის. 1837წ. შავი ზღვის ჩრდილო-აღმოსავლეთ სანაპიროზე აიგო სიმაგრეები: სვიატოგო დუხა (ადლერი) – მდ.მძიმთას შესართავთან, ადლერის კონცხზე; ნოვო ტროიციკოე – მდ. ფშადის შესართავთან; მიხაილოვსკოე – მდ.გულანის შესართავთან; 1838 წელს: ალექსანდრიის ფორტი, რომელსაც 1839წ. ნავაგინსკი ეწოდა – მდ.სოჩის შესართავთან; ველიამინოვსკოე – მდ. ტუაფსეს შესართავთან; თენგინსკოე –

¹³⁴⁹ . გ. როგავა. რელიგია და ეკლესია საქართველოში XIX-XX სს. , გვ. 83-85; ჯ. გამახარია. აფხაზეთი და მართლმადიდებლობა, გვ. 379.

¹³⁵⁰ . გ. გასვიანი. ძველი და ახალი აფხაზეთი, გვ. 139-184.

¹³⁵¹ . გ. როგავა. რელიგია და ეკლესია საქართველოში XIX-XX სს. გვ. 87; ჯ. გამახარია. აფხაზეთი და მართლმადიდებლობა, გვ. 390.

¹³⁵² . ჯ. გამახარია. აფხაზეთი და მართლმადიდებლობა, გვ. 394-395.

¹³⁵³ . იქვე, გვ. 398.

მდ. შაფსუხოს შესართავთან; ნოვოროსიისკი – ცემესის ყურეში; 1839 წელს: ფორტი გოლოვინსკი – მდ. სუბაშის (შახე) შესართავთან; ფორტი ლაზარევსკოე – მდ. ფსეზუაფსეს შესართავთან. 1839 წელს შავი ზღვის აღმოსავლეთ სანაპიროს ყველა რუსული სიმაგრე ერთმანეთთან სახმელეთო გზით დააკავშირეს. აღნიშნული სიმაგრეები მდ. ყუბანის შესართავიდან მდ. ჩოლოქამდე, აგრეთვე აფხაზეთი და წებელდა იქ განლაგებულ ჯარებთან ერთად შევიდა შავი ზღვის სანაპირო ხაზის სისტემაში, რომლის უფროსად გენერალი ნ. რაევსკი დაინიშნა. სანაპირო ხაზი ორ განყოფილებად გაიყო: I. მდ. ყუბანის შესართავიდან მდ. სოჩის შესართავამდე (ნავაგინსკი); II. მდ. სოჩის შესართავიდან მდ. ჩოლოქამდე (წმ. ნიკოლოზის საგუმავო, შეკვეთილი). სანაპირო ხაზის II განყოფილების უფროსი იმავდროულად აფხაზეთში განლაგებული ჯარების უფროსის მოვალეობას ასრულებდა¹³⁵⁴. შავი ზღვის სანაპირო ხაზის სისტემაში აფხაზეთის გაერთიანება ამ მხარის საქართველოდან ჩამოშორების პირველი სერიოზული მცდელობა იყო.

1840 წლის ოქტომბერში შავი ზღვის სანაპირო ხაზის რეორგანიზაცია განხორციელდა. ჩამოყალიბდა სამი განყოფილება: I. ყუბანის შესართავიდან გელენჯიკამდე; II. გელენჯიკიდან ნავაგინსკამდე; III განყოფილებას შეადგენდა: ნავაგინსკის, გოლოვინსკის, ადლერის, გაგრის, ბიჭვინთის, ბომბორის, სოხუმ-ყალეს სიმაგრეები; მრამბის, დრანდის, კვიტოულის, ილორის საგუმავოები; ანაკლიის, რედუტ-ყალეს, ფოთის, ოზურგეთის სიმაგრეები და წმ. ნიკოლოზის საგუმავო. III განყოფილების უფროსი ვალდებული იყო, „პოლიტიკური მეთვალყურეობა გაეწია აფხაზეთზე“. აუცილებლობის შემთხვევაში მას იარაღის გამოყენების უფლებაც ჰქონდა¹³⁵⁵.

რუსეთის სარდლობა თვლიდა, რომ სანამ ჯიქებსა და უბიხებს არ დაიმორჩილებდა, მანამდე აფხაზეთის დამორჩილება სრული ვერ იქნებოდა. 1840 წლის დასაწყისში ჯიქებმა, უბიხებმა და შაფსულებმა შავი ზღვის ჩრდილო-აღმოსავლეთ სანაპიროზე გაააქტიურეს მოქმედება რუსეთის ჯარების წინააღმდეგ. დასავლეთ კავკასიაში ანტირუსულ განწყობილებას აღვივებდნენ ინგლისის აგენტები, რომლებიც კავკასიელ მთიელებს მფარველობას ჰპირდებოდნენ. ინგლისი ცდილობდა რუსეთის პოზიციების შესუსტებას კავკასიაში და, საბოლოოდ, ამ მხარის რუსეთისაგან მოწყვეტას¹³⁵⁶. კავკასიელი მთიელებისათვის ცნობილი იყო, რომ შავი ზღვის სანაპირო ხაზის სიმაგრეები სათანადოდ არ იყო დაცული; მცირერიცხოვანი იყო სიმაგრეთა გარნიზონი, ჯარისკაცებს მრავალი პრობლემა ჰქონდათ, მათ შორის, შეიარაღების მხრივ. ამით შეგუღიანებულმა მთიელებმა რუსების სიმაგრეებს შეუტყეს და თებერვალ-მარტში ლაზარევსკოე, ველიამინოვსკოე და მიხაილოვსკოე დაიკავეს. იმავდროულად აჯანყდა წებელი და დალი. მათ დასახმარებლად მოუწოდეს ფსხუელებსა და სვანებს. ზაფხულში რუსეთის სარდლობამ აფხაზეთის მთის თემების დასამორჩილებლად დამსჯელი ექსპედიცია გაგზავნა, რომელშიც აფხაზეთის სახალხო ლაშქარიც მონაწილეობდა მიხეილ შარვაშიძის მეთაურობით. ექსპედიციამ წებელდა დაიკავა, წებელდისა და დალის მარშანიებს ერთგულების ფიცი დაადებინა¹³⁵⁷. იმავე 1840 წლის ივლისში რუსებმა ფსხუ დალაშქრეს. აფხაზეთის ამ მთის თემში რუსული მმართველობა დამყარდა. შეიქმნა ფსხუს საბოქაულო¹³⁵⁸.

წებელდისა და დალის დამორჩილება მოხვედრითი აღმოჩნდა. მალე სიტუაცია ამ მხარეში კვლავ დაიძაბა. 1840წ. ოქტომბერში ნ. რაევსკი წერდა: „წებელდელებს უბიხები აქეზებენ... აფხაზეთში ხალხის ნაწილი მზადაა აჯანყდეს მთავრის წინააღმდეგ და უბიხებს შეუერთდეს“¹³⁵⁹. რუსეთის სარდლობისთვის ცნობილი გახდა, რომ დალელებმა დახმარებისთვის მეზობელ მთიელებს მიმართეს, ხოლო უბიხებმა დალის დასახმარებლად ათასკაციანი რაზმი შექმნეს. სარდლობამ გადაწყვიტა, არ დაეშვა მთიელთა გაერთიანება და დალი მანამდე დაემორჩილებინა. 1840 წლის დეკემბერში დალის წინააღმდეგ სამხედრო ექსპედიცია გაიგზავნა შავი ზღვის სანაპირო ხაზის III

1354 . . . IX, №404, გვ. 460-461; ბ. სორავა. აფხაზთა 1867 წლის მუჰაჯირობა, გვ. 29-30.
 1355 , გვ. 50; ბ. სორავა. აფხაზთა 1867 წლის მუჰაჯირობა, გვ. 30.
 1356 XVI-XIX . . . 1958, გვ. 197.
 1357 . . . IX, №426, გვ. 492-493; . . . I, გვ. 180.
 1358 , გვ. 63.
 1359 , 1990, გვ. 17-18.

განყოფილების უფროსის, პოლკოვნიკ ნ. მურავიოვის მეთაურობით. ექსპედიციაში აფხაზეთისა და სამურზაყანოს სახალხო ლაშქარიც მონაწილეობდა. 1841 წლის იანვარში ექსპედიციამ შტურმით დაიკავა დაღის „ჭიშკარი“ – ბაგაღის ვიწროები და ხეობაში შეიჭრა. დაღელებმა მედგარი წინააღმდეგობა გაუწიეს მომხდურთ, მაგრამ დამარცხდნენ. ნ.მურავიოვის ბრძანებით რუსებმა სასტიკად ააწიოკეს დაღი, ცეცხლს მისცეს მთიელთა დასახლებები და სურსათის მარაგი, ხოლო მოსახლეობა თავიანთი სამკვიდროდან გაასახლეს¹³⁶⁰. ნ.მურავიოვმა ითხოვა დაღში 500 რუსის ოჯახის ჩასახლება, რათა დაეცვათ აფხაზეთი და წებელდა კავკასიელ მთიელთა შემოსევებისაგან, რადგან ყუბანის აუზიდან აფხაზეთისაკენ გზა კავკასიონის ქედის გავლით სწორედ დაღზე გადიოდა. ამასთან, მან ზომები მიიღო, რომ დაღში არ დაემკვა ადგილობრივთა დაბრუნება. მაგრამ ნ.მურავიოვმა ასეთი ნებართვა ვერ მიიღო. შემდეგ იქ ჩრდილოკავკასიელი მთიელები ჩასახლდნენ,¹³⁶¹ ადგილობრივ მკვიდრთა ნაწილიც დაბრუნდა.

1841 წლის მარტში სანაპირო ჯიქების თემები რუსებს დამორჩილდნენ, რაშიც დიდი იყო მიხეილ შარვაშიძის წვლილი. ამის შემდეგ, რუსეთის ხელისუფლების მთავარი ამოცანა გახდა ჯიქეთში განმტკიცება. ამ მიზნით რუსეთის სარდლობა აფხაზეთიდან ჯიქეთისაკენ გზის გაყვანას შეუდგა. ზაფხულში უბიხების თემმა საშემ და ჯიქების მთის თემმა წვიჯმა რუსეთის სარდლობასთან სამშვიდობო მოლაპარაკებები დაიწყეს. ასეთ ვითარებაში დასავლეთ კავკასიაში გავრცელდა ცნობა გურიის აჯანყების შესახებ. იმავე ხანებში რუსეთის სარდლობა აპირებდა ექსპედიციის მოწყობას უბიხეთში, მაგრამ არ გამოცხადდა გურიისა და სამეგრელოს სახალხო ლაშქარი, ძალიან მცირერიცხოვანი იყო სამურზაყანოდან და სვანეთიდან მოსული მილიცია. რუსეთის სარდლობა ბოლომდე არ ენდობოდა აფხაზეთის მთავარსაც. ჯიქებამდე და უბიხებამდე გურიის აჯანყების (1841წ. მაისი-სექტემბერი) ამბები დამახინჯებული და გაზვიადებული აღწევდა, ამის გამო წვიჯისა და საშას თემებმა რუსებთან მოლაპარაკება შეწყვიტეს. მაგრამ სექტემბერში რუსებმა გურიის აჯანყება სასტიკად ჩაახშეს და კავკასიელ მთიელთა წინააღმდეგ საბრძოლველად მეტი შესაძლებლობა მიეცათ.

სექტემბრის ბოლოს რუსეთის სარდლობა უბიხეთში ექსპედიციის მომზადებას შეუდგა. სანაპირო ხაზის III განყოფილების ჯარის ნაწილებთან ერთად ექსპედიციაში აფხაზეთის, სამურზაყანოს, სვანეთის, სამეგრელოს, იმერეთის, გურიის სახალხო ლაშქარიც მონაწილეობდა, რომელსაც საერთო ხელმძღვანელობას მიხეილ შარვაშიძე უწევდა. მისი მეთაურობით ოქტომბრის დასაწყისში ექსპედიცია უბიხეთში შეიჭრა, რამდენიმე სოფელი გაანადგურა, გადაწვა სახლები და ნავაგინსკამდე მიადწია. ნოემბრის დასაწყისში ექსპედიცია ადღერში დაბრუნდა, თუმცა რაიმე რეალური შედეგი მას არ მოჰყოლია.¹³⁶²

1841-1842წწ. კვლავ იყო გამოსვლები დაღში, წებელდაში, ფსხუში, სოფლებში: გუმა, ჯგერდა, ჭლოუ, რომლებიც რუსეთის სარდლობამ სასტიკად ჩაახშო¹³⁶³. 1843წ. დეკემბრის ბოლოს დამსჯელმა ექსპედიციამ აფხაზეთის მთავრის უშუალო მეთაურობით კვლავ დალაშქრა და დროებით დაიმორჩილა ფსხუ¹³⁶⁴. ცოტა ხანში ფსხუელებმა კვლავ გააგრძელეს დაუმორჩილებლობა და ბრძოლა რუსების წინააღმდეგ.

სამურზაყანოს საკითხი. 30-იანი წლების მიწურულს აფხაზეთის მთავარი შეეცადა ხელისუფლებაზე ზეწოლით სამურზაყანოს დაუფლებოდა. 1839წ. მიხეილ შარვაშიძემ თხოვნით მიმართა რუსეთის ხელისუფლებას, რომ სამურზაყანო, როგორც ადრე აფხაზეთის კუთვნილი მხარე, ჩამორთმეოდა დადიანს და აფხაზეთის სამთავროს გადასცემოდა¹³⁶⁵. ამით აღშფოთებულმა ლევან V დადიანმა ვრცელი მოხსენებით

¹³⁶⁰ . . . IX, №432, გვ. 496-497; ბ. ხორავა. აფხაზთა 1867 წლის მუჰაჯირობა, გვ. 33.
¹³⁶¹ . . . XIX . . . , 1982, გვ. 373.
¹³⁶² . . . IX, გვ. 513-519; ადიაჩკოვ-ტარასოვი. გაგრა..., გვ. 121; ბ.ხორავა. აფხაზთა 1867 წლის მუჰაჯირობა, გვ.35.
¹³⁶³ . . . , გვ. 55,69-70.
¹³⁶⁴ . . . I, გვ. 183.
¹³⁶⁵ . ზ. ცინცაძე. სამეგრელოს (ოდიშის) სამთავროს საზღვრების საკითხისათვის XIX საუკუნის I ნახევარში. – სიგე, VII. თბ., 1989, გვ. 97.

ბარათით მიმართა ხელისუფლებას. იგი აფხაზეთის მთავრის პრეტენზიებს უსაფუძვლოდ მიიჩნევდა და აღნიშნავდა, რომ სამურზაყანო ძველთაგანვე სამეგრელოს სამთავროში შედიოდა და მან მემკვიდრეობით მიიღო. ამასთან სამეგრელოს მთავარს ამ ოლქზე მისი კანონიერი უფლებების დასამტკიცებლად გიორგი შარვაშიძესთან 1818წ. და მიხეილ შარვაშიძესთან 1827წ. დადებული შეთანხმებები მოჰქონდა, რომლითაც აფხაზეთის მთავრები სამურზაყანოს სამეგრელოს სამთავროს შემადგენელ ნაწილად აღიარებდნენ¹³⁶⁶. მიხეილ შარვაშიძეს სამურზაყანოს გადაცემაზე უარი ეთქვა იმ მოტივით, რომ ის აფხაზეთის სამთავროსაგან დიდი ხნის წინ იყო გამოყოფილი, მაგრამ ხელისუფლების გადაწყვეტილებით ის არც სამეგრელოს სამთავროს შემადგენლობაში უნდა დარჩენილიყო. რუსეთის ხელისუფლებას გადაწყვეტილი ჰქონდა ახლად შექმნილ ტერიტორიებზე, სადაც შესაძლებელი იქნებოდა, შემოეღო რუსული მმართველობა.

1840წ. თებერვალში რუსეთის ხელისუფლებამ სამურზაყანო, ტერიტორია მდ. ენგურსა და მდ. ღალიძგას შორის, ჩამოართვა სამეგრელოს მთავარს და აქ უშუალო რუსული მმართველობა შემოიღო. შეიქმნა ადმინისტრაციულ-ტერიტორიული ერთეული სამურზაყანოს საბოქაულო, რომელიც ქუთაისის გუბერნატორს ემორჩილებოდა¹³⁶⁷. სამურზაყანოს მიმართ ცარიზმს ასეთი გადაწყვეტილების მიღება აფხაზეთისა და სამეგრელოს მთავრებს შორის ატეხილმა დავამ გაუადვილა, თუმცა მთელი XIX ს. პირველი მესამედის მანძილზე რუსეთის ადმინისტრაცია სამურზაყანოს სამეგრელოს ნაწილად აღიარებდა. ლევან V დადიანმა გაასაჩივრა სამურზაყანოს ჩამორთმევა და მოითხოვა, თუ დაბრუნება არა, საზღაურის მიცემა მაინც. 1847წ. ხელისუფლებამ სამეგრელოს მთავარს დავით დადიანს სამურზაყანოს სანაცვლოდ კომპენსაციის სახით 25 ათასი ვერცხლის მანეთი გადაუხადა. ამ ფაქტმა აფხაზეთის მთავარი გაანაწყენა. იგი იმითაც იყო ნაწყენი, რომ 1847წ. მაისში ხელისუფლებამ მას ჩამოართვა გუდას (გუდაუთის), ოჩაჩირის, კელასურის ნავსადგურები, საიდანაც კონტრაბანდული ვაჭრობიდან მნიშვნელოვანი შემოსავალი ჰქონდა. ეს ნავსადგურები საბაჟო უწყებას გადაეცა, ხოლო მთავარს სანაცვლოდ პენსია დაენიშნა – 12 ათასი მან. წელიწადში. მიხეილ შარვაშიძე ხედავდა, რომ ცარიზმი მის ხელისუფლებას ზღუდავდა, რამაც ის გააღიზიანა. ამ ფაქტების გამო პროტესტი მან 1847წ. 10 ნოემბერს სამთავრო უფლებებზე უარის თქმით გამოხატა¹³⁶⁸.

აფხაზეთის მთავარი გრძნობდა, რომ მისი მომავალი ბეწზე ეკიდა, ამიტომ გადაწყვიტა, მოვლენებისთვის დაესწრო. მაგრამ მისმა ნაბიჯმა კავკასიის უმაღლესი ხელისუფლება ძალიან შეაშფოთა, რადგან მას იმხანად სრულებით არ შეეძლო, საკუთარი ძალებით აფხაზეთისთვის მოეწყო. ფაქტობრივად, მიხეილ შარვაშიძე რუსებმა აქციეს აფხაზეთის ნამდვილ მთავრად, აფხაზეთში რუსეთის სამხედრო ყოფნის გაძლიერების კვლად გაძლიერდა მისი ხელისუფლებაც. მიხეილ შარვაშიძის ავტორიტეტი 30-40-იან წლებში გაიზარდა, როცა აფხაზეთში თავისი ძალაუფლების გაძლიერების მიზნით ცარიზმი სამთავრო ხელისუფლების გავლენის ამღვლელობაზე ზრუნავდა. მიხეილ შარვაშიძემ რუსეთის ჯარების დახმარებით დაიმორჩილა ფეოდალური ოპოზიცია; აფხაზეთში რუსული სიმაგრეების აგებამ, აფხაზეთის მთის თემების დამორჩილებამ, ხელისუფლების მიერ ბოძებულმა წოდებებმა და ჯილდოებმა გაზარდეს მისი ძალა და ავტორიტეტი. ამასთან, რუსეთის ხელისუფლება სათანადოდ აფასებდა მიხეილ შარვაშიძის დამსახურებას აფხაზეთის მთის თემების დამორჩილებაში, დასავლეთ კავკასიის მთიელთა წინააღმდეგ ბრძოლაში, 1841წ. ჯიქების სანაპირო თემების დამორჩილებაში და სხვ. აფხაზეთის მთავარს დიდი გავლენა ჰქონდა ჯიქებს, უბიხებს, შაფსუღებს, აბაძეხებს შორის, ამიტომ რუსეთს მიხეილ შარვაშიძე ჯერ კიდევ სჭირდებოდა. მეფისნაცვალმა მ.ვორონცოვმა (1844-1854წწ.) აფხაზეთის მთავარს წერილით მიმართა, რომელშიც მთელი მონღოლებით არწმუნებდა, ხელი აეღო თავის განზრახვაზე¹³⁶⁹. მართლაც, ეს ამბავი მაშინ ჩაიფარცხა.

¹³⁶⁶ . მ. დუმბაძე, დასავლეთ საქართველო XIX ს. პირველ ნახევარში. თბ., 1957, გვ. 268.

¹³⁶⁷ . . X, №256, გვ. 248.

¹³⁶⁸ . . X, №278, გვ. 268; . .

. . I, გვ. 134-135.

¹³⁶⁹ . .

. . I, გვ. 135-137.

აფხაზეთის ეპარქიის შექმნა. 40-იანი წლების ბოლოს მომწიფდა აფხაზეთის ცალკე ეპარქიის შექმნის საკითხი. შესაბამისი წინადადებით საქართველოს ეგზარქოსს მიხეილ შარვაშიძემ 1849 წ. მიმართა. 1851 წ. 30 აპრილს იმპერატორის განკარგულებით აფხაზეთის საეპისკოპოსო კათედრა დაფუძნდა. აფხაზეთის ეპისკოპოსად ეკურთხა მიხეილ შარვაშიძის სულიერი მოძღვარი გერმანე (გოგელაშვილი)¹³⁷⁰. კავკასიის ომისა და დასავლეთ კავკასიაში მიურიდიზმის შეღწევის მცდელობის ფონზე აფხაზეთში ქრისტიანობის გავრცელების მნიშვნელობა აშკარა იყო. კვლავ გრძელდებოდა ქართველი მისიონერების მოღვაწეობა აფხაზეთში. 1851წ. სამურზაყანოს ადმინისტრაციულ ცენტრში, სოფ. ოქუშში და ასევე სოფ. ილორში გაიხსნა ამ მხარეში პირველი სკოლები, ხოლო 1852წ. აფხაზეთში, კერძოდ, ლიხნში დაარსდა პირველი სკოლა – ლიხნის სასულიერო სასწავლებელი, რასაც დიდი მნიშვნელობა ჰქონდა ამ მხარეში განათლების გავრცელების თვალსაზრისით. სასწავლებელი განკუთვნილი იყო აფხაზეთის სასულიერო პირებისა და ადგილობრივ მკვიდრთა ყველა ფენის შვილების სწავლა-აღზრდისათვის.¹³⁷¹ მოგვიანებით, სხვა აფხაზ ბავშვებთან ერთად, სასწავლებელში აფხაზეთის მთავრის შვილი გიორგიც სწავლობდა. სასწავლებლის ფუნქციონირებას და ბავშვების შენახვას დიდი ამაგი დასდო სასწავლებლის ზედამხედველმა, იღუმენმა ალექსანდრე ოქროპირიძემ.

ყირიმის ომი და აფხაზეთი. XIX ს. 40-იანი წლების მიწურულს კვლავ გამწვავდა „აღმოსავლეთის საკითხი“. ახლო აღმოსავლეთში გაბატონების პრეტენზია ჰქონდა, ერთი მხრივ, რუსეთს, რომელიც ცდილობდა გავლენის განმტკიცებას თურქეთში; მეორე მხრივ, ინგლისსა და საფრანგეთს, რომლებიც დომინირებდნენ ახლო აღმოსავლეთის ბაზრებზე, სურდათ ამ რეგიონში გადამწყვეტი ეკონომიკური და პოლიტიკური უპირატესობის მოპოვება, თურქეთისა და მთელი ახლო აღმოსავლეთის დამორჩილება; ავსტრიას თავისი ინტერესები ჰქონდა ბალკანეთში, სადაც ასევე რუსეთი ცდილობდა პოზიციების განმტკიცებას. ეს სახელმწიფოები შიშობდნენ, რომ მოწინააღმდეგეები დაასწრებდნენ, ამიტომ 50-იანი წლების დასაწყისში ისინი ცდილობდნენ კვანძის გახსნა დაეხმარებინათ.

რუსეთის აგრესიულმა პოლიტიკამ ინგლისი და საფრანგეთი დააახლოვა. მათი მთავარი მიზანი გახდა, ხელი შეეშალათ რუსეთისათვის, წაექეზებინათ ბრწყინვალე პორტა და საქმე რუსეთ-თურქეთის ომამდე მიეყვანათ. ინგლისს და საფრანგეთს სურდათ რუსეთის განდევნა ყირიმიდან და კავკასიიდან. ცნობილი ინგლისელი სახელმწიფო მოღვაწისა და დიპლომატის ჰ.პალმერსტონის გეგმით გათვალისწინებული იყო რუსეთის დანაწილება. მას უნდა ჩამორთმეოდა მთელი რიგი სამფლობელოები, მათ შორის, ყირიმი და კავკასია. ყირიმი და საქართველო უნდა გადასცემოდა თურქეთს, ხოლო ჩრდილოეთ კავკასიაში, რომელსაც პალმერსტონი ჩერქეზეთს უწოდებდა, უნდა შექმნილიყო სახელმწიფო ჩერქეზეთი, რომლის სათავეშიც შამილი მოიაზრებოდა. ჩერქეზეთი იქნებოდა დამოუკიდებელი, ან თურქეთის პროტექტორატის ქვეშ გადავიდოდა. ამ კავკასიურ სახელმწიფოს უნდა გადაეკება გზა რუსეთის წინსვლისათვის სამხრეთისაკენ. ამდენად, ინგლისს მხარი უნდა დაეჭირა შამილის ბრძოლისათვის.¹³⁷² ინგლისის გეგმები ეთანხმებოდა თურქეთის რევანშისტულ მისწრაფებებს, რომელიც ყირიმისა და კავკასიის დაბრუნებას გულისხმობდა.

1853 წლის 4(16) ოქტომბერს თურქეთმა რუსეთს ომი გამოუცხადა. დაიწყო აღმოსავლეთის ომი (1853-1856წწ.), რომელიც ასევე ყირიმის ომის სახელითაა ცნობილი. ომის დასაწყისში რუსეთი საერთაშორისო იზოლაციაში აღმოჩნდა. 1854წ. მარტში ინგლისმა და საფრანგეთმა ომი გამოუცხადეს მას. ომის მთავარი მოვლენები ყირიმის ნახევარკუნძულზე განვითარდა, მაგრამ ყირიმსა და ბალკანეთში რუსეთის მიერ განცდილი მარცხის ერთგვარი კომპენსაცია გახდა რუსეთის ჯარების წარმატება კავკასიის ფრონტზე.

შავ ზღვაზე ინგლის-საფრანგეთის ფლოტის გაბატონების გამო რუსეთის სარდლობას არ შეეძლო შავი ზღვის აღმოსავლეთ სანაპიროსთან, მათ შორის,

¹³⁷⁰ . ჯ. გამახარია. აფხაზეთი და მართლმადიდებლობა, გვ. 413.

¹³⁷¹ . წმ. მღვდელმთავარი ალექსანდრე (ოქროპირიძე) და აფხაზეთი. შემდგ. ჯ. გამახარია. თბ., 2006. გვ. 14-21.

¹³⁷² . . უედალლა. ალმერსტონ. ონდონ, 1926, გვ. 360-361; . . I. გვ. 656-664.

აფხაზეთთან კავშირთა ერთობის განხორციელება. ამიტომ რუსეთის სარდლობა იძულებული გახდა, 1854წ. მარტ-აპრილში სრულებით დაეცალა აფხაზეთი და შავი ზღვის სანაპირო ხაზის ლიკვიდაციაც მოეხდინა. შავი ზღვის ჩრდილო-აღმოსავლეთ სანაპიროს სიმაგრეებიდან გარნიზონები ევაკუირებულ იქნა, ხოლო თვით სიმაგრეები ააფეთქეს¹³⁷³. აფხაზეთის მთავრის მიხეილ შარვაშიძის ხელმძღვანელობით განხორციელდა შავი ზღვის სანაპირო ხაზის სოხუმის, ბომბორის, ბიჭვინთის, წებელდის სიმაგრეებიდან რუსეთის სამხედრო ნაწილების ევაკუაცია, რისთვისაც რუსეთის სარდლობა მთავარს დიდად ემადლიერებოდა.

1855 წლის მარტში სოხუმში თურქეთის ჯარის ნაწილი გადმოსხდა. თურქული ადმინისტრაციის უფროსი სოხუმში მუსტაფა-ფაშა აფხაზეთი არისტოკრატის გადაბირებას აქტიურად ცდილობდა. ქართველი მისიონერების მიერ აფხაზების მონათვლამ, ეკლესიების განახლებამ, აგრეთვე მიხეილ შარვაშიძის ძალისხმევამ ჩაშალა თურქთა გეგმები, მათ ვერ შეძლეს აფხაზების მასობრივად გადაბირება.¹³⁷⁴ აფხაზეთიდან რუსეთის ჯარების გაყვანის შემდეგ მიხეილ შარვაშიძე სამეგრელოში, თავისი სიმამრის – გიორგი დადიანის მამულში გაიხიზნა. ის იმედოვნებდა, რომ როგორც რუსეთის არმიის გენერალ-ლეიტენანტს და იმპერატორის გენერალ-ადიუტანტს, შესაფერის სამსახურს შესთავაზებდნენ, მაგრამ მისი იმედები არ გამართლდა. ამასთან სამეგრელოს მთავრის ქერივი ეკატერინე დადიანი ხელისუფლებისაგან მოითხოვდა, მიხეილ შარვაშიძეს სამეგრელო დაეტოვებინა. მისში მიხეილი აფხაზეთში დაბრუნდა და თურქთა სარდლობასთან პირდაპირი ურთიერთობა დაამყარა. იგი თურქების მიერ ოკუპირებულ აფხაზეთში გადასვლას იმით ხსნიდა, რომ სურდა სამთავროში განვითარებული მოვლენების გაკონტროლება და რუსეთის სარდლობისათვის შეძლებისდაგვარად დახმარების აღმოჩენა. მართლაც, მას არ შეუწყვეტია ფარული კონტაქტები რუსეთის სარდლობასთან და მნიშვნელოვან ინფორმაციას აწვდიდა. ივნისში მან ჩაშალა ლიხნში მთიელებისა და აფხაზების განზრახვა, მარბიელი ლაშქრობა მოეწყოთ სამურზაყანოში ტყვეებისა და ნადავლის ხელში ჩაგდების მიზნით. ამასთან იგი ცდილობდა თურქებთან საერთო ენა გამოენახა¹³⁷⁵.

1855წ. ივნისში რუსეთის ჯარმა ალყა შემოარტყა ყარსს და ამით თურქეთის უმთავრეს ცენტრებს საფრთხე შეუქმნა. ყარსის გადასარჩენად თურქებმა სექტემბრის დასაწყისში სოხუმში ომერ ფაშას სარდლობით 45 ათასიანი დესანტი გადმოსხეს¹³⁷⁶. ომერ ფაშას გადაწყვეტილი ჰქონდა, საქართველოს გავლით ყარსამდე ჩაეღწია და ალყა შემორტყმულ ციხეს დახმარებოდა. ოქტომბერში თურქეთის არმიამ თითქმის მთელი სამეგრელო დაიკავა, მაგრამ შემდგომი წინსვლა შეფერხდა.

1855 წლის 16 ნოემბერს ყარსის ციხე-სიმაგრე რუსებს დანებდა. ამდენად, ომერ ფაშას ლაშქრობამ ყარსის დასახმარებლად აზრი დაკარგა. სამეგრელოში გაჩაღებული პარტიზანული ბრძოლითა და რუსთა მაშველი ჯარების მიერ შევიწროებულმა ომერ ფაშამ შავი ზღვის სანაპიროსაკენ დაიხია, ხოლო 1856 წლის თებერვალში მისი საკმაოდ შეთხელებული არმია სოხუმიდან და რედუტ-ყალედან ზღვით ბათუმისა და ტრაპიზონისაკენ გაემართა, 10 ივლისს კი სოხუმი რუსეთის ჯარებმა დაიკავეს¹³⁷⁷. თურქებთან ერთად აფხაზეთიდან მოსახლეობის მცირე ნაწილიც წავიდა, უმთავრესად თავად-აზნაურობა¹³⁷⁸.

1856 წლის მარტში პარიზში ხელი მოეწერა საზავო ხელშეკრულებას, რომლის თანახმადაც რუსეთმა შეინარჩუნა თავისი კავკასიური სამფლობელოები ომამდელ საზღვრებში, ხოლო დაპყრობილი ყარსისა და ბაიაზეთის საფაშოები თურქეთს დაუბრუნა. მას აეკრძალა შავ ზღვაზე სამხედრო ფლოტის ყოლა და შავი ზღვის ნავსადგურების

¹³⁷³ . . X, №282, გვ. 270; №283, გვ. 271; №286, გვ. 273-274; ე. ბურჭულაძე, ყირიმის ომი და საქართველო. თბ., 1960, გვ. 268-270.

¹³⁷⁴ . ჯ. გამახარია. აფხაზეთი და მართლმადიდებლობა, გვ. 431.

¹³⁷⁵ . ნ. თაკვანაძე. მიხეილ შარვაშიძე და ყირიმის ომი. - საისტორიო ძიებანი, II. თბ., 1999, გვ. 114-115.

¹³⁷⁶ . ე. ბურჭულაძე, ყირიმის ომი და საქართველო. თბ., 1960, გვ. 270.

¹³⁷⁷ . იქვე, გვ. 405-421; . . I, გვ. 196.

¹³⁷⁸ .

1853- 1856 . – ა. მ. გორკის სახელობის სოხუმის სახელმწიფო პედაგოგიური ინსტიტუტის შრომები, ტ. IX. სოხუმი, 1956, გვ. 196.

გამაგრება. ამდენად, პარიზის ტრაქტატმა ახლო აღმოსავლეთში გაბატონებისაკენ რუსეთის სწრაფვას ზღვარი დაუდო.

ყირიმის ომის დამთავრების შემდეგ ცარიზმს თითქმის თავიდან მოუხდა აფხაზეთის დაპყრობა. სანაპირო ზოლში ისევ ჩადგნენ რუსეთის სამხედრო ნაწილები. ანტირუსული მოძრაობა აფხაზეთში დაქვეითების გზას დაადგა. მაგრამ რუსეთის ხელისუფლება თავს დამშვიდებულად ვერ გრძობდა. ამიტომაც 1856წ. ივნისში, როცა მეფისნაცვალმა ნ.მურავიოვმა (1854-1856წწ.) ყირიმის ომის დროს თითქოსდა მიხეილ შარვაშიძის დალატის გამო აფხაზეთის სამთავროს გაუქმებისა და მთავრის რუსეთის რომელიმე შორეულ გუბერნიაში გადასახლების საკითხი აღძრა¹³⁷⁹, იმპერატორმა ეს წინადადება არ მიიღო. რუსეთის ხელისუფლება მიხეილ შარვაშიძეს აფხაზეთსა და დასავლეთ კავკასიაში რუსეთის გავლენის აღდგენისა და განმტკიცების ერთგვარ გარანტიად მიიჩნევდა. საომარი მოქმედებები კვლავ გრძელდებოდა ჩეჩნეთ-დაღესტანში, დასავლეთ კავკასია დასაპყრობი იყო, არც აფხაზეთში სუფევდა სიმშვიდე. ამიტომ ცარიზმს მიხეილ შარვაშიძე ჯერ კიდევ სჭირდებოდა. იმპერატორმა აფხაზეთის მთავრის დალატი დამტკიცებულად არ ცნო და ეს საქმე მიყუჩდა.

1856 წლის ივნისში მეფისნაცვლად და კავკასიის კორპუსის მთავარსარდლად გენერალი აბარიატინსკი (1856-1862წწ.) დაინიშნა. მან კავკასიის კორპუსის მართვის რეორგანიზაცია განახორციელა, აგრეთვე შავი ზღვის აღმოსავლეთ სანაპიროს პოლიტიკურ-ადმინისტრაციული მოწყობის საკითხი ახლებურად გაიაზრა. ყირიმის ომის დროს საომარმა მოქმედებებმა ქუთაისის გუბერნიის სამოქალაქო და სამხედრო ხელისუფლების გაერთიანება გამოიწვია. მართვის ცენტრალიზაციის მიზნით, 1856 წლის აგვისტოში ქუთაისის გუბერნიისა და შავი ზღვის სანაპირო ხაზის III განყოფილების გაერთიანებით შეიქმნა ქუთაისის საგენერალგუბერნატორო; შემოღებულ იქნა აფხაზეთის ჯარების უფროსის თანამდებობა. აფხაზეთის სამთავრო ნომინალურად ქუთაისის გენერალ-გუბერნატორს, ხოლო რეალურად კი მეფისნაცვალს დაექვემდებარა¹³⁸⁰. იმავდროულად ცარიზმი თავისი პოზიციების განმტკიცებას საქართველოში ფეოდალური სამთავროების გაუქმებით – 1857წ. სამეგრელოს, ხოლო 1858წ. სვანეთისა და იქ რუსული მმართველობის შემოღებით შეეცადა. დღის წესრიგში დადგა აფხაზეთის სამთავროს გაუქმებაც, მაგრამ საბოლოო გადაწყვეტილების მიღება დროებით გადაიდო.

ყირიმის ომის დამთავრების შემდეგ ხელისუფლებამ განსაკუთრებული ყურადღება მიაქცია რუსეთ-კავკასიის ომს. ცარიზმს საშუალება მიეცა, კავკასიაში თავი მოეყარა მნიშვნელოვანი ძალებისათვის. კავკასიის კორპუსი არმიად გარდაიქმნა. ა. ბარიატინსკის ყურადღება ძირითადად ჩეჩნეთ-დაღესტნისაკენ იყო მიპყრობილი, მაგრამ იგი ფიქრობდა, რომ შავი ზღვის ჩრდილო-აღმოსავლეთ სანაპიროსა და აფხაზეთში განმტკიცების გარეშე დასავლეთ კავკასიის დაპყრობა შეუძლებელი იყო¹³⁸¹. მაგრამ ვითარება აფხაზეთში რუსეთისათვის სახარბიელო არ იყო. კავკასიის არმიის მარჯვენა ფრთის სარდალი, გენერალი გრ. ფილიპსონი კავკასიის არმიის მთავარი შტაბის უფროსს, გენერალ დ.მილიუტინს 1858წ. 13 მაისს სწერდა: „ვითარება აფხაზეთში უკეთესობისკენ არ შეცვლილა. ჩვენს ჯარისკაცებს ისე არ შეუძლიათ მოშორდნენ თავიანთ სიმაგრეებს ერთ ვერსზე, რომ ტყვედ ჩავარდნის ან სიკვდილის საფრთხის ქვეშ არ იყვნენ. ერთი სიტყვით, ჩვენ გვიკავია აფხაზეთი, მაგრამ ვერ ვფლობთ მას“¹³⁸². ამ აზრს ეთანხმებოდა რუსეთის ჯარების სარდალი აფხაზეთში, გენერალი მ.ლორის-მელიქოვი, რომელიც 1858წ. 12 აგვისტოს მოხსენებითი ბარათით ქუთაისის გენერალ-გუბერნატორს, გენერალ-ლეიტენანტ გ. ერისთავს აუწყებდა: „ჩვენ დავიკავეთ სოხუმი 1810 წელს. ამის შემდეგ უკვე ნახევარი საუკუნე გავიდა და უნდა ვადიაროთ, რომ ჩვენი გავლენა აფხაზეთში ოდნავადაც არ გაზრდილა. ასე, რომ როგორც გენერალმა ფილიპსონმა აღნიშნა, ჩვენ კი არ ვფლობთ აფხაზეთს, არამედ გვიკავია იგი...და ესეც

1379 . . . XI, №43, გვ. 54.

1380 . . . I, გვ. 97-99.

1381 . . . ,1815- 1879, . . , 1888, გვ. 33-35.

1382 . . . XII, . II, გვ. 776.

ნაკლებად მტკიცედ, ვიდრე უწინ¹³⁸³. კავკასიის ომის პირობებში რუსეთი თავს იკავებდა აფხაზეთში გადაწყვეტი ზომების მიღებისაგან.

4. რუსეთ-კავკასიის ომის დასრულება და აფხაზეთის სამთავროს გაშქმება

ცარიზმმა დიდი ძალებით შეუტია კავკასიელ მთიელებს. 1859 წლის 25 აგვისტოს რუსეთის სარდლობას დანებდა კავკასიელ მთიელთა ეროვნულ-გამათავისუფლებელი ბრძოლის მეთაური შამილი. რუსეთმა ჩეჩნეთ-დაღესტანი დაიპყრო. მთიელები დარწმუნდნენ, რომ რუსეთთან ბრძოლის განახლება უაზრობა იყო და გადაწყვიტეს, გასცლოდნენ მათთვის მიუღებელ ახლადდამყარებულ კოლონიურ რეჟიმს. თურქეთის ემისრების, მთიელთა სოციალური ზედაფენისა და სასულიერო წრეების ზეგავლენით, რუსეთის ხელისუფლების ზეწოლით კავკასიელმა მთიელებმა თურქეთში გადასახლება გადაწყვიტეს. ასი ათასამდე დაღესტნელი, ჩეჩენი, ოსი თურქეთში გადასახლდა.

რუსეთის მიერ ჩეჩნეთ-დაღესტნის დაპყრობის შემდეგ ცარიზმის წინააღმდეგ ბრძოლას განაგრძობდნენ დასავლეთ კავკასიის მთიელები. ამიტომ რუსეთის სარდლობამ აქეთკენ გადმოისროლა 200 ათასიანი კავკასიის არმიის ძირითადი ნაწილები. ალექსანდრე II (1855-1881წწ.) სარდლობისაგან მოითხოვდა, რომ რუსეთ-კავკასიის ომი, რომელიც ნახევარი საუკუნის მანძილზე გაჭიანურდა და უზარმაზარ სახსრებს ნთქავდა, მალე დაემთავრებინათ. დასავლეთ კავკასიის დაპყრობისათვის ბრძოლაში დიდი მნიშვნელობა ენიჭებოდა აფხაზეთს. რუსეთის სარდლობისათვის ნათელი იყო, რომ სანამ მათ აფხაზეთში მხოლოდ სანაპირო ზოლი ეჭირათ, რუსეთის გავლენა ამ მხარეში მტკიცე ვერ იქნებოდა. 1860წ. დამდეგს რუსეთის სარდლობამ ყურადღება გაამახვილა აფხაზეთის ჩრდილოეთ კავკასიასთან დამაკავშირებელი გზების გაყვანაზე, რასაც სამხედრო და ადმინისტრაციული მნიშვნელობა ჰქონდა. პირველ რიგში, გადაწყდა, აფხაზეთის სანაპიროდან ფსხუმდე სასაპალნე გზის გაყვანა. ფსხუელები კვლავ ესხმოდნენ თავს აფხაზეთის სოფლებს, რუსულ სიმაგრეებს, მიჰყავდათ ტყვეები. ამიტომ გზის გაყვანა რომ არ შეფერხებულიყო და საბოლოოდ დაემორჩილებინათ ეს თემი, გადაწყდა ექსპედიციის მოწყობა. 1860წ. აგვისტოში რუსეთის ჯარის ნაწილები ფსხუსკენ დაიძრნენ. ექსპედიციაში 3000 აფხაზი მილიციელიც მონაწილეობდა. მიუხედავად მედგარი წინააღმდეგობისა, ფსხუელები დამარცხდნენ და რუსეთის სარდლობას მორჩილება გამოუცხადეს. ექსპედიციის წარმატებას მთის ამ თემში რუსეთის გავლენის გაძლიერება არ მოჰყოლია.¹³⁸⁴ ფსხუ კვლავ რჩებოდა რუსეთის წინააღმდეგ ბრძოლის ერთ-ერთ მნიშვნელოვან კერად.

1860წ. სექტემბერში კავკასიის არმიის სარდლობამ ომის სწრაფად დამთავრების მიზნით ახალი გეგმა შეიმუშავა, რომელიც ითვალისწინებდა დასავლეთ კავკასიის მთიელების აყრას თავიანთი საცხოვრებელი ადგილებიდან და იქ რუსების ჩასახლებას. რუსულ კოლონიზაციას არა მხოლოდ უნდა დაევირგვინებინა ქვეყნის დაპყრობა, არამედ ის თვითონ უნდა ყოფილიყო დაპყრობის ერთ-ერთი მთავარი საშუალება.¹³⁸⁵ აქამდე მთიელების წინააღმდეგ ეწეობოდა ექსპედიციები, ამარცხებდნენ მათ, მაგრამ შემდეგ ისინი კვლავ იბრძოდნენ რუსების წინააღმდეგ, ქვეყანა დაუმორჩილებელი რჩებოდა. ამიერიდან გადაწყდა, შეეწყვიტათ დიდ მსხვერპლთან დაკავშირებული სამხედრო ექსპედიციები და შედგომოდნენ ჩრდილოეთ კავკასიის სისტემურ დასახლებას კაზაკთა სტანიცებით, ხოლო კავკასიელი მთიელები გადაესახლებინათ დაბლობზე, ან გაესახლებინათ თურქეთში. რუსეთის ხელისუფლება ამ გზით ცდილობდა მათთვის მოესპო ბუნებრივი თავშესაფარი მთების სახით და თავისი ადმინისტრაციის კონტროლისათვის დაექვემდებარებინა, ან თურქეთში გადასახლებით დაესუსტებინა ისინი. აბარიატინსკი გულახდილად აღნიშნავდა, რომ მთიელთა

¹³⁸³ . იქვე, გვ. 792.

¹³⁸⁴ . იქვე, №737, გვ. 859-860; №739, გვ. 861-865.

მიერ დასავლეთ კავკასიის დაპყრობა და აფხაზეთი. - საისტორიო ძიებანი, VII, თბ. 2004, გვ. 110-111.

¹³⁸⁵ . . I, გვ. 188; ბ. ხორავა. რუსეთის , გვ. 371; ბ. ხორავა. რუსეთის მიერ დასავლეთ კავკასიის დაპყრობა და აფხაზეთი, გვ. 111-112.

გადასახლების მიზანი იყო ამ შესანიშნავი და ნაყოფიერი ადგილების კახაკთა დასახლებებისათვის გათავისუფლება¹³⁸⁶.

დასავლეთ კავკასიაში საომარი მოქმედებების მსვლელობაში რუსეთი დიდ მნიშვნელობას ანიჭებდა აფხაზეთის ფაქტორს და მიხეილ შარვაშიძის როლს. 1862წ. აპრილში აბარიატინსკი სამხედრო მინისტრს დ.მილიუტინს სწერდა: მიხეილ შარვაშიძის „გავლენა აფხაზეთში და მეზობელ ტომებზე, როგორც ჩემთვის ცნობილია, ჯერ კიდევ მნიშვნელოვანია... ამიტომ ამ კაცის კეთილად განწყობა ჩვენ მიმართ ძალზე საჭიროდ მიმაჩნია“¹³⁸⁷. ნათელი იყო, რომ აფხაზეთში რუსეთის ხელისუფლების განმტკიცება დასავლეთ კავკასიაში მისი მფლობელობის დამყარების კვალად მოხდებოდა. ეს კარგად იცოდა მიხეილ შარვაშიძემაც. რუსეთის სარდლობა ფიქრობდა, რომ აფხაზეთის მთავარი, რომელიც დიდი პატივისცემით სარგებლობდა ჯიქებს, უბიხებს, შაფსუღებს, აბაძეებს და სხვ. შორის, ფარულად უჭერდა მხარს მათ ბრძოლას. აფხაზეთის მთავარმაც კარგად იცოდა, რომ ამ ტომების რუსეთისადმი დამორჩილების შემდეგ მის ხელისუფლებასაც ბოლო მოეღებოდა. ამიტომაც მიხეილ შარვაშიძე აფხაზეთის მთის თემების გავლით ჩრდილოეთ კავკასიისაკენ გზების გაყვანას კეთილგანწყობით არ უცქერდა¹³⁸⁸.

1864წ. თებერვალში რუსებმა დაიწყეს კავკასიონის ქედის გადმოლახვა. ისინი უტევდნენ შავი ზღვის სანაპირო ზოლშიც. მარტში, მეფისნაცვალ მიხეილ რომანოვი (1862-1881წწ.) ალექსანდრე II-ს სწერდა: „ვიმოქმედოთ წინდახედულად, მაგრამ გაბედულად, რათა საბოლოოდ გავწმინდოთ შავი ზღვის მთელი სანაპირო. საფიქრებელია, რომ მთიელების დიდი ნაწილი არჩევს თურქეთში გადასახლდეს, ვიდრე გადავიდეს მათთვის განსაზღვრულ ადგილებზე ყუბანში. შავი ზღვის აღმოსავლეთ სანაპიროს საბოლოო დაპყრობა ყველაზე მეტად დამოკიდებულია ადგილობრივ მკვიდრთა გასახლების სისწრაფეზე“¹³⁸⁹.

1864 წლის მაისში რუსეთის ჯარის ნაწილებმა კავკასიელ მთიელთა წინააღმდეგობის უკანასკნელი კერა, ჯიქების მთის თემი აჰჭიფსი დაიკავეს მდ. მძიმთას ზემო წელში. 21 მაისს, აჰჭიფსის ცენტრში, სოფ. გუბაადვში, კავკასიის ომი დამთავრებულად გამოცხადდა. ივლისში რუსეთის ჯარის ნაწილები ფსხუში შეიჭრნენ, ჩრდილოეთიდან, კავკასიონის ქედის მხრიდან სანჯაროს უღელტეხილით, და აფხაზეთიდან, დოუს უღელტეხილით. ფსხუელები თავგანწირვით იბრძოდნენ, მაგრამ დამარცხდნენ. ბრძოლის შემდეგ ცოცხლად დარჩენილმა ფსხუელებმა ცეცხლი წაუკიდეს თავიანთ სახლებს და ხეობა დატოვეს.¹³⁹⁰

ამრიგად, 1864 წლის ივლისში რუსებმა ფსხუ დაიკავეს; 105 ოჯახი (862 კაცი) ამ თემიდან ჩრდილოეთ კავკასიაში, მდინარე კუმას ხეობაში გადასახლდა, ხოლო 3,5 ათასი კაცი თურქეთში წავიდა.¹³⁹¹ ამის შედეგად ბზიფის ხეობის ზემო წელი მთლიანად დაიცალა.

ჩრდილო-დასავლეთ კავკასიაში მცხოვრები ადიღეელებისა და აბაზების მნიშვნელოვანი ნაწილი, უბიხები კი - მთლიანად 1858-1864წწ. იძულებით თურქეთში გადასახლდნენ. რუსეთის სარდლობის ანგარიშის თანახმად, დასავლეთ კავკასიიდან თურქეთში გადასახლდა 418 ათასი კაცი, ხოლო ყუბანსა და ლაბაზე – დაახლ. 90 ათასი კაცი. გადასახლების პროცესი 1865 წელსაც გრძელდებოდა. შავი ზღვის ჩრდილო-აღმოსავლეთ სანაპიროზე თითქმის არ დარჩნენ ადიღეელები და აბაზები, მათი მცირე ნაწილი აულებად ჩაასახლეს ყუბანზე. სულ, ოფიციალური, მაგრამ, საფიქრებელია არასრული მონაცემებით, დასავლეთ კავკასიიდან თურქეთში თითქოს 470 ათასი ადამიანი გადასახლდა¹³⁹².

¹³⁸⁶ , გვ. 198.

¹³⁸⁷ , გვ. 388.

¹³⁸⁸ . ბ. სორავა. რუსეთის მიერ დასავლეთ კავკასიის დაპყრობა და აფხაზეთი, გვ. 116-117.

¹³⁸⁹ , გვ. 183.

¹³⁹⁰ . ბ. სორავა. აფხაზეთი 1867 წლის მუჰაჯირობა, გვ. 61.

¹³⁹¹ , გვ. 195; ბ. სორავა. ფსხუელების გადასახლება. – II რესპუბლიკური სამეცნიერო

კონფერენციის შრომები. ქუთაისი, 2004, გვ. 256-259.

¹³⁹² , I, გვ. 52; ბ. სორავა, აფხაზეთი 1867 წლის

მუჰაჯირობა,

გვ. 62.

რუსეთ-კავკასიის ომის დამთავრების შემდეგ ცარიზმმა ვრცელი ტერიტორია მიიღო საკოლონიზაციოდ. 1861-1864წწ. დასავლეთ კავკასიაში კაზაკთა 111 სტანიცა (14239 ოჯახი, 85 ათასი კაცი) ჩაასახლეს. იმავდროულად, ამ მხარეში ასახლებდნენ რუსეთის შიდა გუბერნიებიდან გადმოსახლებულ რუსებს, უკრაინელებს, თურქეთიდან გადმოსახლებულ ბერძნებს და სომხებს¹³⁹³.

1866წ. ცარიზმმა დასავლეთ კავკასიის ადმინისტრაციული მოწყობის რეფორმა განახორციელა. ვრცელი მხარე მდ. ყუბანიდან კავკასიონის ქედამდე ყუბანის ოლქის, ხოლო შავი ზღვის ჩრდილო-აღმოსავლეთი სანაპირო – შავი ზღვის ოკრუგის შემადგენლობაში შევიდა, რომელიც ყუბანის ოლქის უფროსს ექვემდებარებოდა.

ამრიგად, ცარიზმმა მიაღწია მიზანს – დასავლეთ კავკასია იმპერიის ადმინისტრაციულ სისტემაში მოაქცია. ამის შემდეგ დღის წესრიგში აფხაზეთის საკითხიც დადგა.

ჯერ კიდევ კავკასიის ომის დამთავრებამდე მეფისნაცვალმა, დიდმა მთავარმა მ.რომანოვმა სამხედრო მინისტრის დ.მილიუტინისადმი 1864 წლის 27 მარტს გაგზავნილ წერილში სამთავროს გაუქმების საკითხი აღძრა. მისი აზრით, ეს ღონისძიება საჭირო იყო იმისათვის, რომ შესრულებულიყო უმაღლესი მთავრობის მიერ მოწონებული პროექტი შავი ზღვის აღმოსავლეთ სანაპიროზე, მდ. ყუბანის შესართავიდან მდ. ბზიფამდე კაზაკთა სტანიცების მოწყობის შესახებ. მან ამის თაობაზე პრაქტიკული წინადადებებიც წამოაყენა: 1. მთავრისა და მისი მემკვიდრის დათანხმება, რათა უარი თქვან ტახტზე; 2. მთავარს და მის მემკვიდრეებს დაენიშნოთ შესაფერისი ჯამაგირი; 3. აფხაზეთისაგან შეიქმნას სამხედრო ოკრუგი, რომელიც წებელდასთან ერთად დაექვემდებარება განსაკუთრებულ სამხედრო პირს ოლქებში განყოფილებების უფროსების უფლებით, ქუთაისის გენერალ-გუბერნატორისადმი დაქვემდებარებით; 4. თუკი თავისუფალი მიწების რაოდენობა საშუალებას მოგვცემს, შავი ზღვის სანაპიროზე, მდ. ენგურის შესართავამდე, შეიქმნას კაზაკთა დასახლებები, რომლებიც მდ. ბზიფზე განლაგებულ დასახლებებთან ერთად შექმნიან აფხაზეთის კაზაკთა ჯარს აფხაზეთის სამხედრო ოკრუგის უფროსის მეთაურობით; 5. ყუბანისა და აფხაზეთის ჯარებს შორის საზღვრად დაწესდეს ქედი, რომელიც გაგრის ვიწროებს კეტავს და ამჟამად აფხაზეთს ჯიქების მიწა-წყლისაგან გამოყოფს¹³⁹⁴.

1864 წლის აპრილში ალექსანდრე II-მ მოიწონა კავკასიის მეფისნაცვლის მიერ წარმოდგენილი წინადადებები. მათში მ.რომანოვს გაეგზავნა იმპერატორის შესაბამისი ბრძანება, რომლის რეალიზაცია მან ქუთაისის გენერალ-გუბერნატორს დ.სვიატოპოლკ-მირსკის და აფხაზეთის ჯარების სარდალს, გენერალ პ.შატილოვს დაავალა. 24 ივნისს მ.რომანოვმა ოფიციალურად აუწყა მიხეილ შარვაშიძეს იმპერატორის ბრძანება აფხაზეთის მთავრის მოვალეობისაგან მისი ვათავისუფლებისა და აფხაზეთში რუსული მმართველობის შემოღების შესახებ¹³⁹⁵. რუსეთის ხელისუფლების წარმომადგენლებს უკვე მზად ჰქონდათ წინადადებები აფხაზეთის სამთავროს გაუქმების შემდეგ მისი მიწა-წყლის მკვიდრი მოსახლეობისაგან დაცლის შესახებ. დ.სვიატოპოლკ-მირსკი კავკასიის არმიის მთავარი შტაბის უფროსს, გენერალ ა.კარცოვს 1864 წლის 27 ივნისს სწერდა: „თუ აფხაზეთის ნაწილი სამთავროს გაუქმების შემდეგ თურქეთში გადასახლებას მოისურვებს, ვფიქრობ, ამას ხელი არ უნდა შეგუშალოთ“¹³⁹⁶. ხელისუფლებას სურდა, რაც შეიძლება ჩქარა შედგომოდა აფხაზეთის კოლონიზაციას. „თუ შევიძენდით მთავრის მამულებს, რომლებიც მეტად ვრცელია და მნიშვნელოვანი, ახლავე შეგვეძლო შევდგომოდით აფხაზეთის კოლონიზაციას კაზაკ-რუსების მეშვეობით“¹³⁹⁷, – აღნიშნავდა ქუთაისის გენერალ-გუბერნატორი. მისი წინადადებით, ყუბანის ოლქსა და ქუთაისის გუბერნიას შორის საზღვრად უნდა დადგენილიყო გაგრის ქედი და ესეც მხოლოდ ერთი მიზნით: „თუ ჩვენ ხელთ იქნება ცარიელი ადგილები ბზიფის ორსავე მხარეს, –

1393, გვ. 208; ბ. ხორავა. აფხაზთა 1867 წლის მუჰაჯირობა, გვ. 63.

1394 . სცსსა, ფ. 5, აღწ. 1, ს. 7506, ფ. 41; Дж. Гамахария, Б. Гогия. დასახ. ნაშრომი. გვ. 329-333.

1395 . სცსსა, ფ. 416, აღწ. 3, ს. 177, ფ. 48;, გვ. 250-252.

1396 . ს. ჯანაშია. გიორგი შარვაშიძე, გვ. 7.

1397 . იქვე.

სწერდა დ.სვიატოპოლკ-მირსკი 1864 წლის 6 ივნისის წერილში გენერალ ა.კარცოვს, – შევძლებთ საფუძველი ჩაუყაროთ რუსულ მოსახლეობას აფხაზეთში“¹³⁹⁸.

1864 წლის 12 ივლისს ქ.სოხუმიში ჩამოსულმა დ.სვიატოპოლკ-მირსკიმ აფხაზეთის სამივე ოლქის წარმომადგენლებს გამოუცხადა იმპერატორის ბრძანებულება აფხაზეთის სამთავროს გაუქმების და უშუალო რუსული მმართველობის შემოღების შესახებ¹³⁹⁹. შეიქმნა სოხუმის სამხედრო განყოფილება, რომელიც ქუთაისის გენერალ-გუბერნატორს ექვემდებარებოდა. იგი შედგებოდა ბზიფის, სოხუმის, აბჟუის ოკრუგებისაგან, სამურზაყანოსა და წებელდის საბოქაულოებისაგან. სოხუმის სამხედრო განყოფილების (აფხაზეთი) უფროსად აფხაზეთის ჯარების სარდალი, გენერალი პ.შატილოვი დაინიშნა¹⁴⁰⁰. აფხაზეთის მთავარი მიხეილ შარვაშიძე, რომელიც მაშინ ავადმყოფობდა და ითხოვდა, აფხაზეთში თუ არა, იმერეთში, კერძოდ, ქუთაისში ცხოვრების უფლება მიეცათ, 1864 წლის ნოემბერში ვორონეჟში გადაასახლეს, სადაც 1866 წლის 16 აპრილს გარდაიცვალა. მაისში მისი ნეშტი ჩამოასვენეს და მოქვის ტაძარში დაკრძალეს¹⁴⁰¹. ამრიგად, აფხაზეთის სამთავროს გაუქმებით და რუსული მმართველობის შემოღებით ამ მხარეში კოლონიური პოლიტიკური რეჟიმი მკვიდრდება¹⁴⁰².

1865 წლის სტატისტიკური მონაცემებით, აფხაზეთის მოსახლეობის საერთო რაოდენობამ 13037 კომლი (79190 სული) შეადგინა¹⁴⁰³.

უშუალო რუსული მმართველობის დამყარების შემდეგ, აფხაზეთის რუსული ადმინისტრაცია შეუდგა ზრუნვას ამ მხარეში „სახელმწიფოებრივი წესრიგის“ დამყარებისათვის, რაც, პირველ რიგში, თანმიმდევრული კოლონიზატორული პოლიტიკის გატარებას გულისხმობდა. 1866 წელს სოხუმის სამხედრო განყოფილებაში საგლეხო რეფორმის გატარებისათვის მზადება დაიწყო, მაგრამ აფხაზეთის სოციალურ-საზოგადოებრივი წყობის თავისებურებების გაუთვალისწინებლობამ, ჩინოვნიკური აპარატის უხეშმა ჩარევამ აფხაზეთა ცხოვრების წესში, ეკონომიკურმა სიდუხჭირემ, ადგილობრივი მოსახლეობისათვის მიუღებელმა ადმინისტრაციულმა რეფორმამ და თავისი ხასიათით ბატონყმური რეფორმისათვის ნიადაგის მომზადებამ აფხაზეთის მოსახლეობის მასობრივი უკმაყოფილება გამოიწვია, რომელიც სახალხო აჯანყებაში გადაიზარდა. იგი დაიწყო 1866 წლის 26 ივლისს სოფ. ლიხნში მრავალათასიანი შეკრებით. იმავე დღეს აჯანყებულებმა მთავრის სასახლეში შეხიზნული განყოფილების უფროსი პოლკოვნიკი კონიარი და სხვა ჩინოვნიკები სიცოცხლეს გამოასალმეს. აჯანყებამ მალე თითქმის მთელი აფხაზეთი მოიცვა. ცარიზმმა აფხაზეთში სასწრაფოდ გადაისროლა ჯარის ნაწილები და აგვისტოში აჯანყება ჩაახშეს. მისი ხელმძღვანელები და აქტიური მონაწილეები სასტიკად დასაჯეს.

ამის შემდეგ ცარიზმი მხარის ადმინისტრაციული მოწყობის რეფორმის მომზადებას შეუდგა, რომელიც მიზნად ისახავდა ხელისუფლების მხრიდან კონტროლის გაძლიერებას. 1866წ. 11 აგვისტოს დებულების თანახმად, სოხუმის სამხედრო განყოფილება ბიჭვინთის, დრანდის, წებელდის, ოქუმის ოკრუგებად დაიყო. ცალკე ადმინისტრაციული ერთეულის სახით შევიდა მასში ქ.სოხუმი. სოხუმის სამხედრო განყოფილების უფროსს სამხედრო გუბერნატორის უფლება მიენიჭა, თუმცა ნომინალურად ის ქუთაისის გენერალ-გუბერნატორს ექვემდებარებოდა. იმის გამო, რომ ცარიზმს გადაწყვეტილი ჰქონდა მდ. ბზიფიდან მდ. ენგურამდე შავი ზღვის სანაპიროს კოლონიზაცია კახაკ-რუსებით, სამურზაყანო (ოქუმის ოკრუგი) აფხაზეთს შეუერთეს.

1866 წლის აჯანყების შემდეგ გაჩნდა აფხაზეთი თურქეთში გადასახლების გეგმის პირველი დასაბუთება, რომელიც მოცემულია ქუთაისის გენერალ-გუბერნატორის დ.სვიატოპოლკ-მირსკის 1866 წლის 27 ოქტომბრის მიმართვაში კავკასიის მთიელთა სამმართველოს უფროსის დ.სტაროსელსკისადმი. მასში ნათქვამია: „არსებობს მხოლოდ ერთი რადიკალური საშუალება სოხუმის განყოფილების მხრიდან ყოველგვარი

1398 . იქვე.

1399 . Дж. Гамахария, Б. Гогия. დასახ. ნაშრომი, გვ. 711-712.

1400 . სცსსა, ფ. 416, აღწ. 3, ს. 177, ფ. 78;

, გვ. 67.

1401 . , 1866, №68.

1402 . , გვ. 87.

1403 . .

, . 1, გვ. 201; . .

, V. - , 1866, №76.

თურქეთისაგან თანხმობის მიღების შემდეგ მეფისნაცვალმა განკარგულება გასცა, აპრილის ბოლოდან დაწყებული აფხაზთა გადასახლების პროცესი. სოხუმსა და აფხაზეთის სხვა ადგილებში კვლავ გადაისროლეს ჯარები¹⁴¹³. ჯერ კიდევ გადასახლების დაწყებამდე, 1867 წლის 6 აპრილს, სოფ. ფსირცხადან მუჰაჯირთა პირველი ნაკადი სამი ხომალდით წავიდა ბათუმში, რომელიც მაშინ თურქეთის იმპერიის შემადგენლობაში შედიოდა. ესენი იყვნენ ჯიქები და ფსხუელები (49 ოჯახი, 218 სული), რომლებიც სოფ. ფსირცხაში 1864 წლიდან ცხოვრობდნენ¹⁴¹⁴.

1867 წლის აპრილის ბოლოს მუჰაჯირობის ორგანიზებული პროცესი დაიწყო. აფხაზთა გადასახლება ძირითადად ძალდატანებით ხასიათს ატარებდა, რაც აშკარად ჩანს იმდროინდელი დოკუმენტებიდან. 1867წ. 31 მარტს მეფისნაცვალი იმპერატორს სწერდა, რომ ბიჭვინთის ოლქის მცხოვრებთ არ სურდათ თურქეთში წასვლა. აფხაზები ნებაყოფლობით

ქრისტიანობასაც იღებდნენ, რომ დარჩენა მოეხერხებინათ¹⁴¹⁵. გაზ. „დროება“ მაშინ იუწყებოდა: „აფხაზები ძლიერ დაჯავრიანებულნი არიან... სამურზაყანოში კანკალებენ შიშით, ვაითუ ჩვენც გადაგვასახლონო... აქაურებს და აფხაზებს დიდი ნათესაობა აქვთ. წებელდებები, დალელები და გუფუელები წავიდნენ. აბუყის მაზრიდანაც მრავალი წავიდა. ჭილოუელები და ჯგერდებები გამორეკეს თავიანთი ბინიდან. მათ საშინელი გულით არ უნდათ წასვლა. აფხაზები დიდად აქებენ ბზუფუს მაზრის უფროსს დიმიტრი ჭავჭავაძეს. მან მამობრივი მზრუნველობით აუხსნა, რომ რუსის მმართველობის ქვეშ ყოფნა სჯობს ოსმალეთში გადასახლებას“¹⁴¹⁶. მიუხედავად იმ შიშისა, რომელიც სამურზაყანოელებს ჰქონდათ, მუჰაჯირობა მათ არ შეხებია, რაც იმით იყო გამოწვეული, რომ მოსახლეობა ძირითადად ქართული და, შესაბამისად, ქრისტიანული იყო, ხოლო აფხაზები, ვინც აქ ცხოვრობდნენ, ქრისტიანები იყვნენ.

წმიდა აღმსარებელი ამბროსი (ხელაია) მოგვიანებით იგონებდა, რომ მუჰაჯირობის დროს აფხაზეთის ეპისკოპოსთან ალექსანდრე ოქროპირიძესთან (1862-1869წწ.), რომელიც დიდი სიყვარულითა სარგებლობდა აფხაზებში, მოსულა მაჰმადიანი აფხაზი, სახელად ურუსი, 12 წლის შვილთან ერთად. მან მღვდელმთავარს აუხსნა, რომ სამუდამოდ მიდის ოსმალეთში. მისი თხოვნა ასეთი იყო:

„ჩემი ვაჟი მინდა დავსტოვო შენთან... ცოლი და სხვა შვილები ადრე დავეკარგე, არ ვიცი, რა მომელის უცხო მხარეში, მაგრამ მაინც ვსტოვებ სამშობლოს. არ მინდა, ჩემი უბედურება გაგუზიარო ჩემს ერთადერთ შვილს და შენთან მოვიყვანე, მოწყალეო მამაო, ვიცი, მიიღებ, აღზრდი ქრისტიანულად და იქნება ბედნიერი“¹⁴¹⁷ თვალცრემლიანი მამა გამოეთხოვა შვილს, რომელიც ეპ. ალექსანდრემ აღზარდა, გახდა მღვდელი და დიდი სარგებლობა მოუტანა ქრისტიანობას აფხაზეთში.

კავკასიის არმიის მთავარი შტაბის უფროსი, გენერალი აკარცოვი აღნიშნავდა, რომ აფხაზთა გადასახლების ხელშემწყობი გარემოება იყო „აფხაზური საგვარეულოების ნათესაური თუ მეგობრული კავშირები თურქეთში წასულ აფხაზურ თუ დასავლეთ კავკასიის მთიელებთან“¹⁴¹⁸. მათმა გადასახლებამ ნამდვილად იქონია დიდი გავლენა ამ მოძრაობის დაწყებაზე აფხაზეთში. იგივე აკარცოვი ხაზს უსვამდა, რომ აფხაზეთის მოსახლეობის მნიშვნელოვან ნაწილს, განსაკუთრებით საზოგადოების ზედაფენებს არაერთხელ გამოუთქვამთ სურვილი, მიებაძათ ერთმორწმუნე მთიელებისათვის და თურქეთში წასულიყვნენ¹⁴¹⁹.

¹⁴¹³ . იქვე, გვ. 286.

¹⁴¹⁴ . სცსსა, ფ. 545, აღწ. I, ს. 91, ფურც. 115: გვ. 286.

¹⁴¹⁵ გვ. 288.

¹⁴¹⁶ . „დროება, 1867, №23. აღსანიშნავია, რომ ბიჭვინთის ოლქის მცხოვრებლებმა 1868 წ. თხოვნით მიმართეს სოხუმის სამხედრო განყოფილების უფროსს გენერალ ვ. გეიმანს, ოლქის უფროსად მაიორ დ. ჭავჭავაძის დატოვების შესახებ, რომელსაც ძალიან ემაღლიერებოდნენ, განსაკუთრებით, 1867 წლის მუჰაჯირობის დროს დაკავებული პოზიციის გამო (სცსსა, ფ. 545, აღწ. I, ს. 324, ფ. 5-11).

¹⁴¹⁷ . წმ. მღვდელმთავარი ალექსანდრე და აფხაზეთი... გვ. 205; ბ. ხორავა. აფხაზთა 1867 წლის მუჰაჯირობა, გვ. 70.

¹⁴¹⁸ . სცსსა, ფ. 545, აღწ. I, ს. 91, ფ. 27: გვ. 282.

¹⁴¹⁹ . სცსსა, ფ. 545, აღწ. I, ს. 91, ფ. 28.

ბიჭვინთის	4730	14183	14183	12300	26483
დრანდის	2868	3278	8824	7681	16505
ოქუმის	3493	3493	11795	10063	21858
წებელდის	27	27	46	41	87
სულ	11118	12696	34848	30085	64933

თითქმის მთლიანად „გაიწმინდა“ წებელდა და დალი. ამ თემების თითქმის 15 ათასიანი მოსახლეობა თავისი სამკვიდროდან აყარეს და უცხოეთში გადაასახლეს. 1868 წლის მონაცემებით, წებელდაში სულ 13 ოჯახი ცხოვრობდა, ხოლო დალში – არცერთი¹⁴²⁸. აფხაზთა 1867 წლის მუჰაჯირობის შემდეგ სულ მალე, 1874 წელს კავკასიაში ჩამოვიდა ინგლისელი მოგზაური გროვე. იგი ყარაჩაიდან გადმოვიდა კოდორის ხეობაში. ინგლისელი მოგზაური მოიხიბლა კოდორის ხეობით: „ძნელია ნახო უფრო დიდებული და მშვენიერი ადგილი, ვიდრე მდებლობით დაფარული სივრცე და ტყეები, რომელზეც კოდორი მიედინება“, – აღფრთოვანებით წერს იგი. მაგრამ მოგზაურს სევდა და ნაღველი იპყრობს, როცა ხედავს, რომ აქ ადამიანის ყოფნის არავითარი კვალი არ ჩანს. „ხეობის ზემო წელი სრულიად უკაცრიელი იყო“ – აღნიშნავს იგი¹⁴²⁹.

1867 წელს აფხაზთა მუჰაჯირობის გამო დაცარიელებული მიწა-წყლის დასახლებისა და სოხუმის სამხედრო განყოფილების მმართველობის შემდგომი ცენტრალიზაციის აუცილებლობამ დღის წესრიგში დააყენა ახალი ადმინისტრაციული რეფორმის გატარება, რომელიც 1868 წლის მაისში განხორციელდა. გამსხვილდა ადმინისტრაციულ-ტერიტორიული ერთეულები. შეიქმნა ორი ოკრუგი: ბიჭვინთის, რომელიც შედგებოდა გუდაუთისა და გუმისთის უბნებისაგან, და ოჩამჩირის - კოდორისა და სამურზაყანოს უბნებისაგან. კოლონიზაციისათვის განკუთვნილ წებელდაში, განსაზღვრული იყო დასახლებათა სამზრუნველოს შექმნა¹⁴³⁰. ასეთმა ადმინისტრაციულმა დაყოფამ 1883 წლამდე იარსება.

სოხუმის სამხედრო განყოფილების (აფხაზეთი) ჩრდილო-დასავლეთი საზღვარი მდ.ბეგრეფსთაზე (ხოლოდნაია რეჩკა) გადიოდა, სადაც მას ყუბანის ოლქის შავი ზღვის ოკრუგი ესაზღვრებოდა; სამხრეთ-აღმოსავლეთით – მდ. ენგურზე, ხოლო ჩრდილოეთით – კავკასიონის მთავარ წყალგამყოფ ქედზე¹⁴³¹.

აფხაზეთის ეკლესია 60-იან წლებში. 1860წ. 9 ივნისს შეიქმნა „კავკასიაში მართლმადიდებელი ქრისტიანობის აღმდგენელი საზოგადოება“, რომელიც მოწოდებული იყო ამ მხარეში მაჰმადიანობის წინააღმდეგ საბრძოლველად. ამ მიზნით მის ფარგლებში იყო გათვალისწინებული მისიონერული მუშაობა. საზოგადოების დროშით, რუსი მისიონერების მეშვეობით კავკასიაში მთიელთა აშკარა რუსიფიკაცია წარიმართა¹⁴³². საზოგადოებამ თავისი მუშაობა აფხაზეთშიც გაშალა. ეპისკოპოსმა ალექსანდრე ოქროპირიძემ (1862-1869წწ.) შეძლო მართლმადიდებლობის პოზიციების შენარჩუნება და განმტკიცება აფხაზეთში. მისი მეცადინეობითა და ბიჭვინთის ოკრუგის უფროსის დ.ჭავჭავაძის ძალისხმევით 1867წ. მოხერხდა სამი ათასამდე აფხაზის მონათვლა. ეპისკოპოსი ალექსანდრე საკუთარი სახსრებით ზრდიდა და სასულიერო განათლებას აძლევდა აფხაზ ყმაწვილებს¹⁴³³.

1867წ. სოხუმის სამხედრო განყოფილების უფროსმა ვ.გეიმაძმა მეფისნაცვალს ვრცელი მოხსენება წარუდგინა „აფხაზეთში ქრისტიანობის შესახებ“, სადაც აღნიშნავდა, რომ აფხაზეთის ეკლესიებში ღვთისმსახურება „გაუგებარ ქართულ ენაზე

¹⁴²⁸ . იქვე.

¹⁴²⁹ . . . , გვ. 212.

¹⁴³⁰ . . . , გვ. 279; . . . , გვ. 89-90, . . . , . . . , გვ. 32.

¹⁴³¹ . ბ. ხორავა. აფხაზთა 1867 წლის მუჰაჯირობა, გვ. 74.

¹⁴³² . . . , 1989, გვ. 442.

¹⁴³³ . წმ. მღვდელმთავარი ალექსანდრე და აფხაზეთი, გვ. 36-37, 143-145.

სრულდებოდა“. მოსახლეობის მცირერიცხოვნების გამო იგი აფხაზეთის ეპარქიის გაუქმებისა და მისი იმერეთის ეპისკოპოსისადმი დაქვემდებარების საკითხს აყენებდა. აფხაზეთა 1866წ. აჯანყებისა და 1867წ. მუჰაჯირობის შემდეგ ვ. გეიძანმა ჩათვალა, რომ ხელსაყრელი დრო დადგა აფხაზეთის დანარჩენი მოსახლეობის გარუსებისათვის, ამასთან მას ქართული სამღვდელთა ჩამოშორება და მათი რუსი სამღვდელთა შეცვლა სურდა. 1869წ. 30 მაისს აფხაზეთის ეპარქია იმერეთის ეპარქიას შეუერთდა. იმერეთის ეპისკოპოსი და აფხაზეთის ეპარქიის მმართველი, ეპისკოპოსი გაბრიელი (ქიქოძე) დიდ მისიონერულ მუშაობას ეწეოდა აფხაზეთში. 1868-1877წწ. მისი ძალისხმევით 19 ათასამდე აფხაზი მოინათლა¹⁴³⁴. აფხაზეთის დაჩქარებული ასიმილაციის იმპერიული გეგმა კი ვერ განხორციელდა, რაშიც უზარმაზარი წვლილი გაბრიელ ეპისკოპოსს მიუძღვის.

აფხაზური დამწერლობის შექმნა. 1861 წელს რუსეთის ხელისუფლებამ მიიღო გადაწყვეტილება კავკასიის მთის უდამწერლობო ხალხებისათვის დამწერლობის შექმნის თაობაზე. ამ საკითხის მნიშვნელობის შესახებ ენათმეცნიერი, მეფის არმიის გენერალი პ.უსლარი წერდა: „ამ ენების უგულვებელყოფა შეუძლებელია... რამდენი ენაც უნდა შევისწავლოთ, ვერცერთი ვერ აღიბეჭდება ჩვენს სულიერ სამყაროში ისე ღრმად, როგორც მშობლიური ენა, ენა, რომლითაც უშუალოდ გამოითქმის ჩვენი ცნობიერების თავისებური წყობა. ეს მშობლიური ენები საიმედო მეგზურები არიან მთიელთა შორის ახალი ყაიდის მცნებათა გავრცელებისათვის. ავიყვანოთ ეს მეგზურები საკუთარ ხელში, შევძლოთ მათი გამოყენება და მართვა... რთული საქმეა, მაგრამ იმსახურებს იმას, რომ მასზე დაფიქრდეთ“¹⁴³⁵. რუსეთის ხელისუფლება დათანხმდა კავკასიის მთის ხალხებისათვის დამწერლობის შექმნას, მაგრამ გადასაწყვეტი ღარჩა, რომელი ანბანი (გრაფიკა) იყო მიზანშეწონილი ამ მიზნით გამოსაყენებლად. ცნობილი ენათმეცნიერები: გ.როზენი, ა.შიოგრენი, ა.შიფნერი სამართლიანად თვლიდნენ, რომ მთის კავკასიურ ენებსა და ქართულს ერთი ბგერითი სისტემა აქვთ, ამიტომ ქართული ანბანი (გრაფიკა) მცირედენი ცვლილებების შემდეგ სავსებით გამოსადეგია კავკასიური ენებისათვის. ამ აზრს პ.უსლარიც იზიარებდა. მისი აზრით, ქართული ანბანი ერთ-ერთი ყველაზე სრულყოფილი იყო არსებულ ანბანთა შორის, სადაც ყოველი ბგერა ცალკე ასო-ნიშნით გადმოიცემა და ყოველი ასო-ნიშანი ყოველთვის ერთსადაიმავე ბგერას გამოსახავს. „ქართული ანბანის სისტემა შესაძლებელია გამოყენებულ იქნეს ყველა კავკასიური ენის ანბანის საფუძვლად, რომელთაც დღეს დამწერლობა არა აქვთ. მაგრამ თუ ჩვენ ქართველებისაგან არამხოლოდ ანბანის სისტემას, არამედ ასოების მოხაზულობასაც ვისესხებთ, სრულიად თავისუფლად შევქმნით სირთულეებს, რომლებიც მით უფრო იქნება საგრძნობი, რაც წერა-კითხვის ცოდნა კავკასიაში გავრცელდება“¹⁴³⁶. ამრიგად, კავკასიის მთის უდამწერლობო ხალხებისათვის დამწერლობის შექმნა ემსახურებოდა არა კულტურულ, არამედ პოლიტიკურ მიზნებს – გაეადვილებინა მთიელებისათვის რუსული ენის შესწავლა და, საბოლოო აზრით, მათი ასიმილაცია. ამიტომ მიჩნეულ იქნა, რომ კავკასიის მთის ხალხთა ენებისათვის, და მათ შორის აფხაზურისათვის, მიზანშეწონილი იყო რუსული ანბანის (გრაფიკის) გამოყენება გარკვეული ცვლილებებით.

1861წ. თბილისში შეიქმნა სპეციალური კომისია ცნობილი ნუმიზმატისა და სიძველეთა მკვლევარის, მეფის არმიის გენერალ-ლეიტენანტის, ი. ბართოლომეის ხელმძღვანელობით, რომელიც შეუდგა მუშაობას აფხაზური დამწერლობისა და საანბანო წიგნის შესადგენად. კომისიის შემადგენლობაში შედიოდნენ დ.ფურცელაძე, მღვდელი ვ.ტრიროგოვი, აფხაზეთის მკვიდრნი: მღვდელი იოანე გეგია, პრაპორშიკი გიორგი ქურციკიძე, აზნაური სიმონ ეშბა, რომლებმაც იცოდნენ აფხაზური, ქართული და რუსული ენები. 1862 წლიდან პ. უსლარიც შეუდგა აფხაზური ენის შესწავლას. სულ მოკლე ხანში პ.უსლარი გაერკვა ამ ენის სტრუქტურაში და იმავე 1862 წლის მაისში თბილისში გამოსცა მონოგრაფია „აფხაზური ენა“, რომელსაც ერთვოდა მის მიერ რუსული გრაფიკის საფუძველზე შედგენილი აფხაზური ანბანი.

¹⁴³⁴ . წმ. მღვდელმთავარი გაბრიელი და აფხაზეთი. შემდგ. ვ. გამახარია. თბ., 2007, გვ. 124, 200-204.

¹⁴³⁵ , გვ. 16-17.

¹⁴³⁶ , გვ. 48-49.

აფხაზურ ანბანში ყოველგვარი ცვლილების გარეშე შევიდა რუსული ანბანის 24 ასო-ნიშანი (19 თანხმოვანი და 5 ხმოვანი), რომლებიც ორივე ენისათვის საერთო ფონემებს აღნიშნავდა; დანარჩენი სპეციფიკური ფონემების გამოსახატავად გამოყენებული იყო რუსული ანბანის ასო-ნიშნები გარკვეული ცვლილებებით. გარდა ამისა, ზოგიერთი ასო-ნიშანი ნასესხები იყო სხვა ანბანებიდან (ქართული, ლათინური, ბერძნული, სლავური). მოგვიანებით, როდესაც კავკასიის სასწავლო ოლქის საოლქო ინსპექტორმა მ. ზავადსკიმ 1887წ. პ.უსლარის „აფხაზური ენა“ სტამბური წესით გამოსცა, აფხაზური ანბანიდან ამოიღო მის მიერ ნასესხები ქართული ასოები: წ,ჭ,ჯ. ამდენად, მან ეს სამი ქართული ასო-ნიშანიც ვერ აიტანა აფხაზურ ანბანში.

თითქმის იმავდროულად იბართლომეის კომისიამაც დაასრულა მუშაობა აფხაზურ საანბანო წიგნზე და ანბანზე, რომელშიც გამოყენებული იყო ქართული გრაფიკა. თუმცა, საბოლოოდ, კომისია იმ დასკვნამდე მივიდა, რომ პ.უსლარის მიერ შედგენილი ანბანი უფრო შეესაბამებოდა აფხაზური ენის ბგერებს. როგორც ჩანს, კომისიის ამ გადაწყვეტილებაშიც შორსმიმავალი პოლიტიკური ზრახვები იმალებოდა. ცნობილი ქართველი მოღვაწე ნ.ჯანაშია ამის თაობაზე წერდა, რომ რუსეთის ხელისუფლება შეეცადა, ბოლო მოეღო იმ მცირეოდენი ნაშთისათვისაც კი ისტორიული კავშირისა, რომელიც საუკუნეების მანძილზე აკავშირებდა აფხაზებსა და ქართველებს და ამ მიზნის მისაღწევად გამოიყენეს ისეთი სასიამოვნო და კულტურული მოვლენა, როგორც არის დამწერლობის შექმნა აფხაზურ ენაზე. ქართულ ასოებსაც შესწამეს პოლიტიკური არასაიმედოობა და ქართული ანბანი უარყოფილ იქნა¹⁴³⁷.

აფხაზური დამწერლობის შექმნა ემსახურებოდა ქართული სამყაროსაგან აფხაზთა ჩამოცილებისა და მათი გარუსების მიზანს, თუმცა პოლიტიკური მიზანდასახულობის მიუხედავად, ეს იყო მნიშვნელოვანი კულტურულ-ისტორიული მოვლენა აფხაზი ხალხის ცხოვრებაში¹⁴³⁸. რეალურად ხელისუფლებას აფხაზური ენის ბედი არ აინტერესებდა, რადგან მისი ადგილი რუსულ ენას უნდა დაეკავებინა. პ.უსლარი გულახდილად აღნიშნავდა, რომ „...ტუხემცების დამწერლობა უნდა ემსახუროს მხოლოდ იმას, რომ მათ გაუადვილდეთ რუსული ენის შესწავლა. თავიანთი მდგომარეობის გამო მათ დამოუკიდებელი ლიტერატურის შექმნა არ შეუძლიათ და იგი არც არასოდეს ექნებათ“¹⁴³⁹. აფხაზური დამწერლობის შექმნა რომ ემსახურებოდა არა კულტურულ, არამედ პოლიტიკურ მიზანს, ამაზე დაუფარავად წერდა მეფისნაცვლის საბჭოს წევრი ე.ვეიდეზბაუმი: „აფხაზური ენა, რომელსაც არ გააჩნია დამწერლობა და ლიტერატურა, რა თქმა უნდა განწირულია გასაქრობად ასე თუ ისე ახლო მომავალში. საკითხი ისაა, რომელი ენა შეცვლის მას. ალბათ, მოსახლეობაში კულტურული იდეებისა და ცნებების გამტარებლის როლი უნდა შეასრულოს არა ქართულმა, არამედ რუსულმა ენამ. ამიტომ მიმაჩნია, რომ აფხაზური დამწერლობის დამკვიდრება თვითმიზანი კი არ უნდა იყოს, არამედ ეკლესიისა და სკოლის მეშვეობით ქართული ენის გამოყენების დასუსტებისა და სახელმწიფო ენით მისი თანდათან შეცვლის საშუალება“¹⁴⁴⁰.

ი.ბართლომეის კომისიამ დიდი მუშაობა გასწია აფხაზური საანბანო წიგნის შესადგენად. კომისიის მუშაობაში მონაწილეობა მიიღეს ცნობილმა აფხაზმა მოღვაწეებმა კ.შარვაშიძემ და გრ.შარვაშიძემ. საანბანო წიგნს საფუძვლად დაედო პ.უსლარის ანბანი, რომელმაც გარკვეული ცვლილება განიცადა, და აფხაზური ენის აბჟურული დიალექტი. 1865წ. თბილისში გამოვიდა „აფხაზური საანბანო წიგნი“, რომელიც პრაქტიკულად გამოუყენებელი დარჩა. ცარიზმი ცდილობდა მოსახლეობისათვის პირველ რიგში საეკლესიო ლიტერატურა მიეწოდებინა მისთვის ყველაზე უფრო გასაგებ მშობლიურ ენაზე. 1866წ. თბილისში კიდევ ერთი წიგნი გამოვიდა აფხაზურ ენაზე: „კავკასიაში მართლმადიდებელი ქრისტიანობის აღმდგენელმა საზოგადოებამ“ გამოსცა

¹⁴³⁷ . პამუთ-ბეი. ჭრელი შენიშვნები აფხაზთა და აფხაზეთის შესახებ, მეხუთე წერილი. – დროება, 1909, ნოემბერ-დეკემბერი.

¹⁴³⁸ . თ. გვანცელაძე, მ. ტაბიძე, რ. შეროზია, რ. ჭანტურია. დვთისმსახურებისა და სასულიერო განათლების ენა, როგორც რუსიფიკატორული პოლიტიკის განხორციელების საშუალება. – ქართველური მემკვიდრეობა, V, ქუთაისი 2001, გვ. 101-102.

¹⁴³⁹ . III. Д. Инал-Ипа. Страницы абхазской литературы. Сухуми, 1980, გვ. 23.

¹⁴⁴⁰ , 1970, გვ. 96.

„მოკლე წმიდა ისტორია“, რომელიც რუსულიდან ი.გეგიაშვილმა, გ.ქურციკიძემ, დ.მარღანიამ თარგმნეს. მაგრამ 1866 წლიდან ცარიზმის მიერ აფხაზების მიმართ დაკავებულმა პოზიციამ აფხაზური დამწერლობის განვითარებაში უარყოფითი როლი შეასრულა. 1868წ. „კავკასიაში მართლმადიდებელი ქრისტიანობის აღმდგენელი საზოგადოების“ საბჭომ აფხაზური ენა მიიჩნია „იმდენად ჩვილ და განუვითარებელ“ ენად, რომ მასზე ყოველგვარი თარგმანის მცდელობა შეწყდა¹⁴⁴¹.

აფხაზთა საზოგადოების ზედაფენა, რომელსაც უსიტყვოდ მიჰყვებოდა ხალხის დიდი ნაწილი, ჯერ კიდევ ქართული ორიენტაციისა იყო, რაც კარგად ჩანს აფხაზეთისა და სამურზაყანოს თავადაზნაურობის დეკლარაციაში 1870წ. 23 მარტის მოხსენებითი ბარათიდან წოდებრივ-საადგილმამულო კომიტეტის თავმჯდომარის, გენერალ-ლეიტენანტ დ.სვიატოპოლკ-მირსკისადმი. მას ხელს აწერდნენ ბ.ემუხვარი, მ.მარშანი, ტ.მარღანი, კ.ინალ-იფა. აფხაზი ხალხის წარმომადგენლებს აფხაზეთი საქართველოს განუყოფელ ნაწილად მიაჩნდათ. ისინი ხაზს უსვამდნენ აფხაზთა და ქართველთა ყოფაცხოვრებისა და ტრადიციების, ისტორიული ბედის ერთიანობას.

5. აფხაზეთის კოლონიზაცია XIX ს. 60-70-იან წლებში

აფხაზეთის სამთავროს გაუქმებისა და აფხაზთა 1867 წლის მუჰაჯირობის შემდეგ ცარიზმმა ვრცელი ტერიტორია მიიღო საკოლონიზაციოდ. აფხაზეთის უცხოური კოლონიზაცია რუსეთის სახელმწიფოს ეკონომიკურ და პოლიტიკურ ინტერესებში შედიოდა. ამ პერიოდში რუსეთის ხელისუფლების საფიქრალს წარმოადგენდა არა მარტო აფხაზეთის, არამედ შავი ზღვის მთელი ჩრდილო-აღმოსავლეთ სანაპიროს კოლონიზაცია. შავი ზღვის აღმოსავლეთ სანაპიროს კოლონიზაციის იდეოლოგი ა. ვერეშჩაგინი მაშინ წერდა: „როგორც ფსოუს, ისე მძიმთას აუზებში უკვე რამდენიმე წელია სიცოცხლის არავითარი ნიშანი არ იყო“¹⁴⁴².

მკვიდრთა გასახლების შემდეგ რუსეთის ხელისუფლების წინაშე იდგა ამოცანა, კვლავ დაესახლებინა ბუნებით უხვად დაჯილდოებული, მაგრამ გაუკაცრიელებული მხარე; მისი ბუნებრივი სიმდიდრე – ვრცელი ტყეები და ნაყოფიერი მიწები – აეთვისებინა, განევითარებინა მეღვინეობა, მეაბრეშუმეობა, მეთამბაქოეობა, მებაღეობა, მეფუტკრეობა. მაგრამ უმთავრესი იყო მხარის მოსახლეობის საკითხი. ხელისუფლებას სურდა, შავი ზღვის სანაპირო ზოლში პოლიტიკური თვალსაზრისით სრულიად საიმედო მოსახლეობა ჰყოლოდა¹⁴⁴³. ამ ამოცანების რელიზაციის მიზნით შემუშავდა „დებულება შავი ზღვის ოკრუგის დასახლებისა და მისი მართვის შესახებ“, რომელიც იმპერატორმა 1866 წლის 10 მარტს დაამტკიცა. დებულებით გათვალისწინებული ღონისძიებების განხორციელების მიზნით შეიქმნა შავი ზღვის ოკრუგი¹⁴⁴⁴.

1866წ. 10 მარტის დებულების თანახმად შავი ზღვის სანაპირო ზოლი განსაზღვრული იყო რუს მოახალშენეთა „სანაპირო სასოფლო დასახლებების“ შესაქმნელად. გადმოსახლებულებისათვის გათვალისწინებული იყო მთელი რიგი შეღავათები: ნადელები – ოჯახზე 30 დესეტინა, ერთდროული ფულადი დახმარება (50 მან.), გადასახადებისაგან გათავისუფლება 15 წლით, სარეკრუტო ვალდებულებისაგან გათავისუფლება და სხვ. მაგრამ პირველ ხანებში შავი ზღვის ოკრუგში გადმოსახლებული რუსების რიცხვი მაინც მცირე იყო. ამიტომ ხელისუფლებამ გადაწყვიტა, გადმოსახლებაზე უარი არ ეთქვა ქრისტიანებისთვის ამიერკავკასიიდან და ანატოლიიდან, სლავებისათვის, მოლდაველებისათვის და სხვ. ასეთი პოლიტიკის წყალობით, ანაპასა და ნოვოროსიისკს შორის რუსების გარდა დასახლდნენ ჩეხები, ბულგარელები, ბერძნები¹⁴⁴⁵. შავი ზღვის ოკრუგის საუკეთესო მიწები დაისაკუთრეს იმპერატორმა და მისმა ნათესავებმა, კავკასიის მეფისნაცვალმა, დიდმა სამხედრო და სამოქალაქო ჩინოვნიკებმა. მდ. ფსოუს მარცხენა ნაპირზე, სამხედრო დასახლება

1441 .

1442

1443

1444

1445

... გვ. 66.

... გვ. 7-16.

... გვ. 7-11;

... გვ. 16-17;

1860-1910 . . . გვ. 157.

... გვ. 24.

... გვ. 20.

მოეწყო, ხოლო მდ.ცანდრიფშიდან ორ ვერსზე – მოლდაველების დასახლება, რომელსაც შავი ზღვის ოკრუგის უფროსის დ.პილენკოს პატივსაცემად 1870წ. პილენკოვო ეწოდა; ჯიქების აულში მდ.ფსოუს მარჯვენა ნაპირზე რუსები ჩასახლდნენ და მას ვესიოლოე ეწოდა¹⁴⁴⁶.

აფხაზეთის კოლონიზაცია იმავე პრინციპებით უნდა განხორციელებულიყო, როგორც შავი ზღვის ოკრუგის კოლონიზაცია. აფხაზეთის სამთავროს გაუქმების შემდეგ ცარიზმმა ყოფილი მთავრისა და სამთავრო სახლის წევრთა ვრცელი სამფლობელოების კონფისკაცია მოახდინა. 1867 წლის მუჰაჯირობის შემდეგ აფხაზეთში ბევრი „თავისუფალი მიწა“ გაჩნდა. ეს მიწები შევიდა სახაზინო მიწების ფონდში, რომელსაც კავკასიის მთიელთა სამმართველო განაგებდა¹⁴⁴⁷. სახაზინო მიწების ფონდში შევიდა აგრეთვე მოსახლეობისაგან სრულიად გათავისუფლებული წებელდა, რომელსაც ასევე კავკასიის მთიელთა სამმართველო განაგებდა. წებელდის ოკრუგის ნაცვლად შეიქმნა წებელდის დასახლებათა „სამზრუნველო“. პირველ მზრუნველად რუსი ოფიცერი ნ.დიაჩკოვ-ტარასოვი დაინიშნა. მის მოვალეობას შეადგენდა მხარის გაწმენდა ადგილობრივი მოსახლეობისაგან, რომლებიც თავს აფარებდნენ ხეობის მიუვალ ადგილებს, განსაკუთრებით მდ. საკენის ხეობას; მას უნდა შეერჩია ადგილები მომავალი დასახლებების მოსაწყობად¹⁴⁴⁸. ხელისუფლება თვლიდა, რომ წებელდის სტრატეგიული მნიშვნელობიდან გამომდინარე, ეს მხარე პოლიტიკური თვალსაზრისით სანდო ხალხით უნდა დასახლებულიყო. ნ.დიაჩკოვ-ტარასოვის აზრით, წებელდის კოლონიზაცია საჭირო იყო ამ მხარეში მეურნეობისა და მრეწველობის განვითარებისათვის, რომელიც აფხაზთა ხელში „საცოდავ დღეში იყო“. მხარის ბუნებრივ-გეოგრაფიული პირობების გათვალისწინებით, აქ უნდა განეკუთრებინათ მებაღეობა, მეხილეობა, მეღვინეობა, მეფუტკრეობა, მესაქონლეობა, მესიძინდეობა. მრეწველობის განვითარებისთვის აქ იყო სამშენებლო ხე-ტყე, სპილენძის, რკინის, ტყეის მადნები.¹⁴⁴⁹ გამოირჩეოდა ჯანსაღი ჰავით, რბილი კლიმატით, ნაყოფიერი ნიადაგით, ამიტომ წებელდის დასახლებათა მზრუნველის აზრით, პრობლემა არ უნდა გამხდარიყო აქ მოსახლეობის მოზიდვა. ამდენად, წებელდა შეიძლებოდა გამხდარიყო აყვავებული მხარე – შესანიშნავი ვენახებითა და ხეხილის ბაღებით, სამთამადნო წარმოებით, ოღონდ ამისათვის საჭირო იყო კიდევ ერთი და მთავარი პირობა – გზების გაყვანა¹⁴⁵⁰.

1867წ. წებელდაში 6 პუნქტი გამოიყო დასახლებისათვის: მიხაილოვსკოე – მდ.ამტყელის სანაპიროზე, ოლგინსკოე – მდ. აღმ. მაჭარის სათავესთან, ალექსანდროვსკოე – მდ.კელასურზე, ანასტასიევსკოე და ნიკოლაევსკოე – აფიანჩას მთასთან, მდ.ნაუშზე, ყოფილი სოფ. ნაუშის ტერიტორიაზე, გეორგიევსკოე – სოფ. ჯამვალის ტერიტორიაზე¹⁴⁵¹.

ხელისუფლებას სურდა, წებელდაში აუცილებლად რუსები ჩასახლებინა, მაგრამ ისინი პირველ ხანებში ხალხით არ მოდიოდნენ. ამასთან, მიწის სიმწირე-სიღიწროვით სულშეხუთული ქართველები მოიწვევდნენ აქ დასახლებლად, რაც ხელისუფლების შემფოთებას იწვევდა.

ასეთ პირობებში მთავრობამ არჩევანი უცხოელებზე შეაჩერა, უფრო სანდოდ ანატოლიელი ბერძნები და ბულგარელები მიიჩნია. სოხუმის სამხედრო განყოფილების უფროსის, გენერალ ვ.გეიმანის ბრძანებით თურქეთიდან გადმოსახლებული პირველი ბერძენი კოლონისტები 1869წ. თებერვალ-მარტში სამ სოფელში – ალექსანდროვსკოეში, გეორგიევსკოეში, ოლგინსკოეში ჩაასახლეს. 1869წ. ივნისში სოხუმში ჩამოვიდა 1800-იანი წლების დასაწყისიდან ტირასპოლის გუბერნიაში მცხოვრები ბულგარელების 62 ოჯახი, რომლებიც ანასტასიევსკოესა და ნიკოლაევსკოეში ჩაასახლეს¹⁴⁵².

1446 ,,, გვ. 70-95.
 1447 ,, გვ. 191; ,, გვ. 431.
 1448 ,, გვ. 194.
 1449 , 1868, 129.
 1450 ,,გვ. 196.
 1451 იქვე.
 1452 იქვე, გვ. 196-199.

იმავდროულად ხელისუფლებამ ვრცელი მიწა-წყალი უბოძა რუს ჩინოვნიკებს – სამხედრო და სამოქალაქო პირებს, მაგრამ მათთვის შეუძლებელი აღმოჩნდა სამსახურის პარალელურად მეურნეობის გაძღოლა, მიწების იჯარით გადაცემის შესაძლებლობაც არ ჰქონდათ, რადგან მსურველები არ ჩანდნენ. ამის გამო მიწების დიდი ნაწილი გამოუყენებელი იყო. ასე თუ ისე აწყობილი მეურნეობა კოლონისტების მხოლოდ 8-10%-ს ჰქონდა. ჩინოვნიკთა დასახლებები არ ვითარდებოდა, მიწები დაუმუშავებლად იყო მიგდებული¹⁴⁵³.

1866 წლის აფხაზთა აჯანყების ჩახშობისა და 1867 წლის მუჰაჯირობის შემდეგ ცარიზმი უფრო მშვიდად შეუდგა აფხაზეთში საგლეხო რეფორმის გატარებას. 1870წ. 8 ნოემბერს იმპერატორმა ალექსანდრე II-მ დაამტკიცა დებულება სოხუმის სამხედრო განყოფილებაში საგლეხო რეფორმის შესახებ, რომლის გამოცხადება მთავრობამ რუსეთში ბატონყმობის გაუქმების ათ წლისთავს – 1871წ. 19 თებერვალს დაამთხვია. აფხაზეთში გაუქმდა ბატონყმობა, გლეხოზა გათავისუფლდა ფეოდალთა პირადი დამოკიდებულებისაგან, მაგრამ უმნიშვნელო ნადელები მიიღო და დროებით დამოკიდებულ ურთიერთობაში დარჩა.

1872 წლიდან აფხაზეთში მიმდინარეობდა ე.წ. „საკურორტო“ კოლონიზაცია. ერთიდან სამ დესეტინამდე მიწა, ე.წ. „სანიტარული ნაკვეთები“ სოხუმსა და მის შემოგარენში შეღავათიანი პირობებით ეძლეოდათ რუს ჩინოვნიკებსა და ოფიცრებს, მაგრამ 70-იან წლებში არც ამას მოჰყოლია დიდი წარმატებები¹⁴⁵⁴. ხელისუფლება ფსხუს დასახლებასაც შეეცადა. ამ მიზნით აქ 21-ე სახაზო ბატალიონის შტაბი და 2 ასეული განათავსეს, რომლებიც 1874 წლამდე დარჩნენ. ამ დროიდან ბზიფის ხეობის ზემო წელი სრულიად დაცარიელდა. აფხაზებს, მათი პოლიტიკური არასაიმედოობის გამო, ისევე როგორც წებელდაში, ფსხუში დასახლება ეკრძალებოდათ¹⁴⁵⁵.

70-იანი წლებიდან აფხაზეთში სამონასტრო კოლონიზაციაც წარიმართა. 1872წ. დაფუძნდა ბიჭვინთის რუსული მონასტერი, რომელსაც სარგებლობაში გადაეცა 1049 დესეტინა მიწის ნაკვეთი, ფიჭვნარი და ინკითის ტბა. 1875წ. ფსირცხაში ათონის მთის წმ. პანტელეიმონის რუსული მონასტრის ფილიალი დაფუძნდა. მონასტერს ჯერ გამოეყო 327 დესეტინა მიწა და 200 დესეტინა ტყის მასივი, მოგვიანებით კიდევ 1000, ხოლო შემდგომში - 4 ათასამდე დესეტინა მიწა.¹⁴⁵⁶

რუსეთ-თურქეთის ომი და აფხაზთა ახალი მუჰაჯირობა. 1877 წლის აპრილში რუსეთ-თურქეთის ახალი ომი დაიწყო, რომლის ასპარეზი კავკასიაც გახდა. მისი დაწყებიდანვე რთული ვითარება შეიქმნა აფხაზეთში. ცარიზმის კოლონიური რეჟიმით გამოწვეულმა უკმაყოფილებამ ამ დროისათვის კულმინაციას მიაღწია და აჯანყებამ იფეთქა. ასეთ დაძაბულ ვითარებაში 29 აპრილს გუდაუთასთან თურქეთის დესანტი გადმოსხდა, რომელიც ძირითადად აფხაზი მუჰაჯირებისაგან შედგებოდა. სოხუმის გარნიზონის უფროსმა, გენერალ-მაიორმა პ. კრაფჩენკომ, რომელიც იმავდროულად სოხუმის სამხედრო განყოფილების უფროსი იყო, ვერ გაბედა შედარებით ძლიერ მტერთან შებმა, სოხუმი დატოვა და მდ.კოდორისკენ დაიხია. აპრილ-მაისში თურქებმა თითქმის მთელი აფხაზეთი დაიკავეს. იმავდროულად აჯანყებული აფხაზები თურქთა დესანტს შეუერთდნენ. რუსეთის წინააღმდეგ აჯანყება დაიწყო ჩეჩნეთსა და დაღესტანშიც. ბრწყინვალე პორტას იმედი მიეცა, რომ რუსეთის წინააღმდეგ კავკასიის მთელ მაჰმადიანურ მოსახლეობას აამხედრებდა, მაგრამ რუსეთის ჯარების წარმატებებმა კავკასიის ფრონტზე და განსაკუთრებით ბალკანეთში, იმედები გაუცრუა. ივლისში რუსეთის ჯარის ნაწილები შეტევაზე გადავიდნენ აფხაზეთში და უკვე აგვისტოში მთელი მხარე გაწმინდეს ოკუპანტებისაგან¹⁴⁵⁷. აფხაზეთიდან გაქცევისას თურქებს აფხაზთა ნაწილიც გაჰყვა. მაგრამ

1453 , გვ. 78; გვ. 432.
 1454 იქვე გვ. 79.
 1455 , გვ. 90.
 1456 წმ. მღვდელმოწამე კირიონი და აფხაზეთი, გვ. 203; წმ. მღვდელმთავარი გაბრიელი და აფხაზეთი, გვ. 44-58.
 1457 1877-1878 გვ. 77-84; შ. მეგრელიძე. საქართველო

მათი მეტი ნაწილი, აგრეთვე მცირე რაოდენობით ქრისტიანი ქართველები (მეგრელები) და ბერძნები ძალით წაიყვანეს¹⁴⁵⁸.

1877წ. აფხაზეთიდან მუჰაჯირობაში წასულთა რიცხვის გაანგარიშება შესაძლებელია 1878წ. ბოლოს სოხუმის სამხედრო განყოფილების უფროსის, პოლკოვნიკ პ. არაკინის მასალების მიხედვით. 1878 წელს სოხუმის სამხედრო განყოფილების ოჩამჩირის ოკრუგის სამურზაყანოს უბანში (9 სასოფლო თემი) 24 461 სული ცხოვრობდა. სამურზაყანოს მუჰაჯირობის პროცესი ამჟერადაც არ შეხებია. ოჩამჩირის ოკრუგის კოდორის უბანში (9 სასოფლო თემი) 3 935 ოჯახი ცხოვრობდა. აქედან 1 071 ოჯახი გადასახლდა. „კავკასკი კალენდრის“ რედაქციას საჭიროდ მიუჩნევია კოდორის უბნის მოსახლეობის სულადობრივი გაანგარიშება, რისთვისაც ამოსავლად აუღია გუმისთისა და გუდაუთის უბნების კომლობრივ-სულადობრივი მონაცემები. კერძოდ, თითოეული კომლის წევრთა საშუალო ოდენობის განმსაზღვრელად, არგუმენტირებული ვარაუდით, ოთხნახევარი სული მიუჩნევიათ. ასეთი გაანგარიშებით თურქეთში გადასახლებამდე კოდორის უბანში მოსახლეობის ოდენობა დაახლ. 17 707 სული უნდა ყოფილიყო, საიდანაც თურქეთში დაახლოებით 4819 სული გადასახლდა, ხოლო დაახლოებით 12 888 ადგილზე დარჩა. ბიჭვინთის ოკრუგის გუმისთის უბნიდან (8 სასოფლო თემი), სადაც 2 221 ოჯახი (9 985 სული) ცხოვრობდა, ყველა გადასახლდა. გუდაუთის უბნის (17 სასოფლო თემი) 5 293 ოჯახიდან (23 545 სული) 17 160 მცხოვრები (3 775 ოჯახი) გადასახლდა, ხოლო 6 385 სული ადგილზე დარჩა¹⁴⁵⁹. ამრიგად, 1877 წელს მუჰაჯირობაში აფხაზეთის დაახლოებით 31 964 მცხოვრები წავიდა. თუ 1867წ. მუჰაჯირობის შედეგად მთლიანად დაიცალა კოდორის ხეობის ზემო წელი – წებელდა და დალი, 1877 წლის მუჰაჯირობის შედეგად თითქმის დაცარიელდა აფხაზეთის სანაპირო ზოლი. აღსანიშნავია, რომ ქართველი მისიონერების დაუღალავმა საქმიანობამ, ათასობით აფხაზის მონათვლამ, აფხაზი ხალხი მასობრივად გადასახლებისაგან იხსნა და ამ გზით, უბიხების მსგავსად ფიზიკური განადგურებისაგან დაიფარა¹⁴⁶⁰.

როდესაც თურქული სამოთხის შესახებ მითი დაიმსხვრა, მუჰაჯირები დაბრუნებას შეეცადნენ, მაგრამ რუსეთის ხელისუფლებას მათი მიღება არ სურდა. რუსეთსა და თურქეთს შორის არსებული შეთანხმებითაც მუჰაჯირებს სამშობლოში დაბრუნების უფლება არ ჰქონდათ, რამაც უკან დაბრუნების მსურველთა ნაკადი შეამცირა, მაგრამ, მიუხედავად ამისა, მუჰაჯირები ყოველნაირად ცდილობდნენ სამშობლოში დაბრუნებას. სან-სტეფანოს ზავის დადების შემდეგ ისინი პირველ რიგში ბათუმისკენ გაემართნენ და იქიდან შეეცადნენ აფხაზეთში დაბრუნებას. ბევრი მათგანი ბათუმსა და მის შემოგარენში დამკვიდრდა და მათი შთამომავლები დღესაც იქ ცხოვრობენ. 1879წ. 27 იანვარს რუსეთ-თურქეთს შორის ხელი მოეწერა კონსტანტინოპოლის ხელშეკრულებას, რომლის საფუძველზეც კავკასიის რუსულმა ადმინისტრაციამ დაუშვა აფხაზების ნაწილობრივი რეპატრიაცია ხელშეკრულების მოწერის დღიდან სამი წლით. 1881 წლისთვის აფხაზეთში 15 ათასამდე მუჰაჯირი დაბრუნდა¹⁴⁶¹. მუჰაჯირობის შემდეგ გაუკაცურებული აფხაზეთი დამორგუნველი სანახავი იყო. როგორც ნ.მარი აღნიშნავდა: „აფხაზეთის ცენტრალური ეთნოგრაფიული ნაწილიც კი გაუკაცურდა... დარჩა მხოლოდ გაველურებული ეზოები ხეხილით, არ იყო არც ერთი აფხაზი და არც აფხაზური სიტყვა ისმოდა“ (ни души абхазской, ни звука абхазского)¹⁴⁶².

ცარიზმმა ვრცელი მიწა-წყალი მიიღო საკოლონიზაციოდ, ამჯერად აფხაზეთის სანაპირო ზოლში, და მის წინაშე კვლავ დადგა საკითხი, ვინ დაესახლებინა აფხაზეთში. მაშინ, ცხელ კვალზე, 1877 წლის 27 სექტემბერს, გახ. „ტიფლისსკი ვესტნიკი“ წერდა: „ახლანდელმა ომმა, სხვა მრავალ შედეგებთან ერთად, გამოიწვია ის შედეგიც, რომ ჩვენი ქვეყნის საუკეთესო კუთხე მოულოდნელად გაუდაბურდა, ვინაიდან ის მიატოვა თითქმის ყველა მისმა მკვიდრმა მცხოვრებმა. ჩვენ ვლაპარაკობთ აფხაზეთისა და მისი მცხოვრებლების შესახებ, რომლებმაც დატოვეს თავიანთი

1458 , გვ. 206-208; გვ. 356-369.
1459 1879 , გვ. 330-331.
1460 . ჯ. გამახარია. აფხაზეთი და მართლმადიდებლობა, გვ. 511, 515.
1461 , გვ. 381, 396.
1462 , გვ. 177.

დასასახლებლად, იმერეთიდან და სამეგრელოდან მიწის სიმცირითა და სიმწირით სულშეხუთული

გლეხობა გადმოდიოდა და მკვიდრებოდა აფხაზეთში, ამრობდა ჭაობებს, კაფავდა ბუჩქნარებს, ნარეკალს და მეურნეობას მისდევდა. დასაველეთ საქართველოდან გლეხების გადასვლამ და აფხაზეთში დამკვიდრებამ ხელისუფლება შეაშფოთა. ვაზ. „ჩერნომორსკი ვესტნიკი“ მაშინ წერდა: „აუცილებელია ჩქარა დავასახლოთ რუსები შავი ზღვის სანაპიროზე, თორემ მეგრელები დაღუპავენ ამ წმიდა საქმეს“¹⁴⁶⁸. ცარიზმის მოხელეები თვლიდნენ, რომ წლების განმავლობაში ხელისუფლებას აფხაზეთის კოლონიზაცია „საჭირო სისტემურობის გარეშე უწარმოებია, რადგან რუსებს აქ ფეხი ისე ვერ მოუკიდებიათ, როგორც საჭირო იყო“¹⁴⁶⁹. ავერეშჩაინი ამის თაობაზე 1878წ. 19 იანვარს აღნიშნავდა: „...შავი ზღვის კავკასიის სანაპიროზე, როგორც სახელმწიფოს განაპირა მხარეში, რომელიც ასე ბევრი რუსული სისხლი და ფული დაჯდა, სამართლიანად უნდა ბატონობდნენ რუსული ეკლესია, რუსული ენა, რუსული წერა-კითხვა. მოსახლეობის სხვადასხვა ტომობრიობა იწვევს სკოლების დაარსების აუცილებლობას, რადგან მხოლოდ სკოლით შეიძლება ეს სხვადასხვატომობრივი მოსახლეობა მომავალში რუსად იქცეს“¹⁴⁷⁰.

ცარიზმის პოლიტიკა აფხაზეთში მიმართული იყო აფხაზეთა და ქართველთა წინააღმდეგ. 1877 წლის ანტიცარისტული აჯანყების გამო იმპერატორის 1880 წლის 31 მაისის ბრძანებულებით გუდაუთის, გუმისთის და კოდორის უბნების აფხაზეთ მოსახლეობას ჩამოერთვა მიწაზე საკუთრების უფლება და მათი მიწები სახაზინო უწყებას გადაეცა; აფხაზებს აეკრძადათ სოხუმიდან 20 ვერსზე და სანაპირო ზოლში მდ. კოდორსა და მდ. ფსირცხას შორის დასახლება და მიენიჭათ „დამნაშავე“ მოსახლეობის სტატუსი¹⁴⁷¹. იმხანად ცნობილი საზოგადო მოღვაწე ანთიმოზ ჯუღელი წერდა: „ახლა აფხაზეთში ყველაზე მნიშვნელოვანი საკითხია აქაური უდაბური ადგილების დასახლება. უკანასკნელი ომის (1877-1878წწ. ომი, – ავტ.) შემდეგ უმადლესი განკარგულება იყო, რომ მდ. კოდორსა და მდ. ფსირცხას შუა მდებარე ადგილებზე აფხაზები არ დასახლებულიყვნენ. მათ გარდა ყველას ეძლეოდა ნება აქ დასახლებისა. ქვეყანას მიღეთის ხალხი მოაწყდა, მაგრამ აქაურობას ვერავინ შეეთვისა გარდა იმერელ-მეგრელებისა და ბერძნებისა. ამჟამად სოხუმის გარშემო შეიდი-რვა მეგრელების სოფელია და სამი თუ ოთხი ბერძნებისა“¹⁴⁷². მოგვიანებით, შავი ზღვის აღმოსავლეთ სანაპიროს კოლონიზაციის ერთ-ერთი იდეოლოგი ს.შარაპოვი რუსეთის ზრახვებზე აფხაზეთში გულახდილად აღნიშნავდა: „მთელი თავისი ხანგრძლივი ისტორიული ბრძოლისას, მისწრაფვის რა სამხრეთისაკენ, თბილი ცისა და თბილი ზღვისაკენ, რუსი ხალხი იღებს მსხვერპლს და, აი, ბოლოს მას აქვს ეს ცაც და ეს ზღვაც. აქ ფრიალებს რუსული დროშა, დაღვივლებს რუსული არწივი. მაგრამ რატომაა, რომ რუსი კაცი აქ ლაღად ვერ გრძნობს თავს, რატომაა, რომ ის აქ შევიწროებულია, სულშეხუთულია? რატომაა უცხო ის ამ თბილ ნაპირზე, ამ კაშკაშა მზის ქვეშ? ვფიქრობ იმიტომ, რომ რუსული სიკეთის წყალობით აქ, ამ მიწაზე, რომელიც რუსული სისხლითაა მოპოვებული, მოკალათდა ყოველგვარი უცხოტომელი, განსახლდა საუკეთესო ადგილებზე და არა მარტო ავიწროებს რუს ადამიანს, არამედ დასცინის მას. მაგრამ ეს დიდხანს არ გაგრძელდება. ჩვენი სახელმწიფოებრივი ამოცანები მოითხოვენ, რომ ეს მხარე არა მარტო სახელით, არამედ მართლაც იქცეს მალე რუსულ მხარედ, რომ აქ მხარდაჭერილი, გაძლიერებული და დაიმედებული იყოს რუსი კაცი. ვისურვოთ, ბატონებო, რომ ეს მოხდეს ჩქარა, რომ მძლავრ რუსულ მუცელში მალე მოიხარშოს მთელი აქაური სხვადასხვატომობრივი და სხვადასხვაეროვანი ნარევი და რომ ეს ცა და ეს ზღვა ნამდვილად რუსული იყოს“¹⁴⁷³. ამ რეალური საფრთხის თავიდან აცილებას ისახავდა მიზნად ქართველთა დაბრუნება თავის ისტორიულ მიწა-წყალზე.

¹⁴⁶⁸ . ცნობის ფურცელი, 1905, №2821.

¹⁴⁶⁹ , გვ. 21.

¹⁴⁷⁰ , გვ. 22.

¹⁴⁷¹ ო გვ. 35.

¹⁴⁷² . დროება, 1883, №240.

¹⁴⁷³ . ს. ყაუხჩიშვილი. ბერძნების დასახლების ისტორია საქართველოში, გვ. 134-135.

თავი XV. აფხაზეთი 1881 წლიდან 1917 წლის თებერვლამდე

1. რუსული კოლონიალური პოლიტიკის გამკაცრება აფხაზეთში. 1880-1905წწ.

კოლონიზაცია და ეთნიკური შემადგენლობა. 1881 წლის 11 მარტს იმპერატორ ალექსანდრე II-ის მკვლელობის შემდეგ რუსეთში მკაცრი პოლიტიკური რეაქციის ხანა დადგა. 1881წ. მიწურულს ცარიზმმა კავკასიაში მეფისნაცვლობა გააუქმა და მთავარმართებლობა აღადგინა. კავკასიიდან გაიწვიეს მეფისნაცვალი, დიდი მთავარი მიხეილ რომანოვი და მთავარმართებლად დაინიშნა უკიდურესი რეაქციონერი ადონდუკოვ-კორსაკოვი (1882-1887წწ.). ეს პერიოდი კავკასიაში, მათ შორის აფხაზეთში, ეროვნული ჩაგვრისა და რუსიფიკატორული პოლიტიკის მკვეთრი განვითარებით აღინიშნა.

რუსიფიკატორული პოლიტიკის ერთ-ერთ გამოვლინებას აფხაზეთში მხარის კოლონიალიზაციის ინტენსიური გაგრძელება წარმოადგენდა. ეს პროცესი სხვადასხვა ფორმით მიმდინარეობდა: 1. არენდული კოლონიზაცია, როდესაც ადგილობრივი მემამულეებისაგან საგადასახლებლო ჯგუფები რუსი გლეხებისათვის იღებდნენ არენდით მიწებს, რის უფლებასაც ქართველ გლეხებს არ აძლევდნენ (ხშირად უკან აბრუნებდნენ აქ ჩამოსულ მთიანი რაჭა-იმერეთის და სამეგრელოს მოსახლეობას). 2. სამონასტრო კოლონიზაცია, როდესაც რუსეთის მიერ აღდგენილ თუ ახლად დაარსებულ ეკლესია-მონასტრებს მიწების დიდი ფონდი ეძლეოდა. მთავრობა ამ მონასტრებს მიიჩნევდა რუსეთის თვითმპყრობელობისა და კოლონიური მეურნეობის მნიშვნელოვან დასაყრდენად აფხაზეთის სანაპიროზე. 3. საკურორტო და სათავადაზნაურო კოლონიზაცია. რუსეთში შეიქმნა სპეციალური კომიტეტი, რომელიც ათამაშებდა ლატარიას აფხაზეთში მიწის ნაკვეთების მოსაგებად და გასაყიდად.¹⁴⁷⁴ რუსეთიდან გადმოსახლებულ გლეხებს მეფის ხელისუფლების ადგილობრივი მოხელეები მზრუნველობას არ აკლებდნენ, „გადასახლებულთა სამმართველოს ამიერკავკასიის განყოფილება“ ახალმოსახლებებს (რუსებს, ესტონელებს, ბერძნებს, სომხებს) სახლ-კარის მოსაწყობად აძლევდა ფულს; აფხაზ გლეხებს აიძულებდნენ, ახალმოსახლეთა მიწები უსასყიდლოდ დაემუშავებინათ. კოლონისტებს ნება ეძლეოდათ სახელმწიფო ტყიდან სამშენებლო მასალა „მუქთად“ გაეტანათ. ეს მაშინ, როცა თავისუფალ მიწებზე დასახლებლად სენაკიდან ჩამოსულთ, როგორც თანამედროვენი აღნიშნავენ, „ძე-ხორციელი“ არავინ მიშველებია, „თუ რამე გააკეთეს, ისევ საკუთარი ოფლითა და ხარჯებით“.¹⁴⁷⁵

მეფის ხელისუფლება, რომელიც საქართველოს ისტორიულ მიწაზე უაპელაციოდ ეპატიუებოდა სხვადასხვა ეთნოსებისა და რელიგიური აღმსარებლობის (სექტანტები) ადამიანებს, ხელოვნურ დაბრკოლებას უქმნიდა ქართველებს. ასეთი დისკრიმინაციული დამოკიდებულება, რა თქმა უნდა, აღაშფოთებდა ქართული ინტელიგენციის წარმომადგენლებს. ისინი მშვენივრად ხვდებოდნენ, რომ მცირერიცხოვანი აფხაზების გარუსებისაგან და აფხაზეთის ტერიტორიის, რუსული ექსპანსიისაგან გადარჩენა XVI-XVII საუკუნეებში, მთის ჩამოწოლის შედეგად დასავლეთ საქართველოს სხვადასხვა კუთხეში განთესილი აფხაზეთის მკვიდრი მოსახლეობის შთამომავლების დაბრუნებით იყო შესაძლებელი. ქართველთა დაბრუნება აფხაზეთში უცხოური კოლონიზაციის საპირწონე ღონისძიებას წარმოადგენდა.¹⁴⁷⁶

ცარიზმისაგან მოსალოდნელ საშიშროებას ჩინებულად გრძნობდნენ ადგილობრივი მამულიშვილები აი, რას წერდა აფხაზეთის მიწების გასხვისების თაობაზე ცნობილი საზოგადო მოღვაწე ნიკო ჯანაშია: „გასული საუკუნის (XIX ს.–ავტ.) უკანასკნელ მეოთხედში საზოგადოდ სოხუმის ოლქი, კერძოდ, მისი საუკეთესო, თვალწარმტაცი ნაწილი მდ. კოდორიდან ღელე გაგრძელებამდის მიზანში ამოიღო რუსეთის ბურჟუაზიამ და

¹⁴⁷⁴. დ. ჭუმბურიძე. რუსული დასახლებები საქართველოში (XIX-XX სს-ში) და „გადასახლებულთა სამმართველოს ამიერკავკასიის განყოფილება“. – საქართველოში რუსეთის კოლონიალიზმის პოლიტიკური ისტორიის ნარკვევები, წ. I. თბ., 2007, გვ. 85-86.

¹⁴⁷⁵. ცნობის ფურცელი, 1902, 25 ივნისი.

¹⁴⁷⁶. Дж. Гамахрия, Б. Гогия. დასახ. ნაშრომი, გვ. 57-58; ჯ. გამახარია. აფხაზეთი და მართლმადიდებლობა, გვ. 643.

საუკეთესო ადგილები შეიძინა. ეს ბუნებით უხვად დაჯილდოებული ნაწილი აფხაზეთისა მოსკოველ და პეტერბურგელ ჯიბესქელთა ხელშია უკვე. მიდიხარ და მისდევ ამ ნაპირს: აქ ბაღია, სახელად „ოტრადნოე“, იქ „სჩასტიე“, ფეხს მოინაცვლებ, „ლუბოვს“ ანდა „დრუბას“ მიაღებები. მათი უწინდელი პატრონები აფხაზები კი ხელცარიელნი დარჩნენ: რაც ფული აიღეს, მოეხარჯათ, მამულიც ხელიდან გამოუძვრათ...“¹⁴⁷⁷

მხარის ეთნიკური შემადგენლობის რადიკალური ცვლა თვალსაჩინოდ აისახა აფხაზეთის გეოგრაფიულ სახელწოდებათა ტრანსფორმაციაში. ტოპონიმის ცვლას 1864 წლიდან დღემდე სპეციალისტები ხუთ ეტაპად ყოფენ. პირველი ეტაპი განხორციელდა 1864 -1918 წლებში.¹⁴⁷⁸ ყველა ეტაპს ერთი საერთო ნიშანი ჰქონდა: ერთდროულად დიდი რაოდენობით უქმდებოდა ისტორიული გეოგრაფიული სახელები და მათ ნაცვლად ინერგებოდა სხვა, უცხო ენისათვის, ძირითადად რუსულისათვის დამახასიათებელი სტილის ტოპონიმი. უმეტეს შემთხვევაში ისტორიული ტოპონიმების ჩანაცვლება რომანოვების სამეფო სახლის წარმომადგენლების, რუსი სამხედრო ჩინოსნებისა ან სხვა მოხელეების პატივსაცემად ხდებოდა. მაგალითად, 1914 წელს შედგენილი სოხუმის ოლქის დასახლებული პუნქტების იმ სიაში, რომელიც დაცული იყო აფხაზეთის სახელმწიფო ისტორიულ არქივში და შეიცავდა 213 მსხვილი სოფლის სახელს, არ არის წარმოდგენილი ვაგრის ზონის დასახლებული პუნქტები, ვინაიდან ეს მხარე 1904 წელს ცარიზმის დამქაშებმა თვითნებურად მიუერთეს შავი ზღვის გუბერნიას. ამ 213 სოფლიდან ახალი რუსული, ანდა რუსიფიცირებული სახელი აქვს 33 სოფელს. ესენია: ბაკლანოვკა, ბელორეჩენსკი, ვესიოლოე, პეტროვსკოე, ალექსანდროვსკოე, ანდრეევსკოე, ვასილევკა, ვორონცოვკა, მიხაილოვსკოე, ნაა-არმიანსკოე, ოლგინსკოე, ვლადიმეროვკა, და ა.შ.¹⁴⁷⁹ როგორც ვხედავთ, ტოპონიმთა ცვლა უცხო არ იყო აფხაზეთისათვის და ასახავს ცარისტული იმპერიული რეჟიმის მიერ წინასწარ დაგეგმილ კოლონიურ და ენობრივ პოლიტიკას.

სეპარატისტები ცდილობენ, შექმნან შთაბეჭდილება, რომ ქართველები უკვე იმ პერიოდში აყალიბებდნენ „იმპერიულ შეგნებას“ და ახალისებდნენ თანამემამულეებს „ხელში ჩაეგდოთ“ აფხაზების მიწები.¹⁴⁸⁰ მათ არ სურთ გაიხსენონ, რომ იშუამად საქართველო თვითონ იმყოფებოდა კოლონიალიზმის მარწუხებში, მისი ენა და ტრადიციები ყოველდღიურად ფეხქვეშ ითვლებოდა რუსი კოლონიზატორების მიერ. ასეთ ვითარებაში ქართველი ერი არ იყო და არც შეიძლება ყოფილიყო იმპერიული ცნობიერების მატარებელი.

ცარიზმის მცდელობის მიუხედავად, მე-19-ის 80-იან წლებში და შემდეგაც აფხაზეთში ქართველობა რიცხობრივად უმრავლესობას წარმოადგენდა. სტატისტიკური ცნობები მუთითებენ, რომ 1880 წელს სოხუმის ოლქში ქართველები წამყვანი ეთნიკური ჯგუფია. ამაზე მეტყველებენ გერმანელი ეთნოგრაფის ნ. ზაიდლიცის მონაცემებიც.¹⁴⁸¹ განსაკუთრებით საინტერესოა აფხაზეთში XIX საუკუნის ბოლოს მოსახლეობის ეთნიკური შემადგენლობის სტატისტიკა. ის ყველაზე კარგად უჩვენებს, თუ რომელ ეთნოსს ეკავა წამყვანი ადგილი მოსახლეობის საერთო სტრუქტურაში.

როგორც ცნობილია, 1897 წელს რუსეთის იმპერიაში ჩატარდა მოსახლეობის პირველი საყოველთაო აღწერა. მისი მონაცემებით, აფხაზეთში სულ ცხოვრობდა – 106 179 კაცი,¹⁴⁸² ქ.სოხუმის მოსახლეობა შეადგენდა 7 998 კაცს.¹⁴⁸³ სოხუმის ოლქის მოსახლეობიდან ქართველი იყო 25 873 კაცი, რუსები – 5 135, ჩერქეზი – 58 715, სომხები – 6 552, ბერძნები – 5 393, გერმანელები – 406, დანარჩენი – 4 105 კაცი.¹⁴⁸⁴ რაც შეეხება

¹⁴⁷⁷. ჯ. გამახარია. ქართულ აფხაზურ ურთიერთობათა ისტორიიდან, გვ. 17; იხ რ. ჭანტურია. სახალხო განმათავისუფლებელი მოძრაობა აფხაზეთში XIX საუკუნის II ნახევარსა და XX საუკუნის დასაწყისში (1864-1905 წწ.) . თბ., 2006.

¹⁴⁷⁸ . თ. გვანცველაძე. ტოპონიმთა მასობრივი ცვლა აფხაზეთში 1864 წლის შემდგომ. - იბერიულ-კავკასიური ენათმეცნიერება, ტ. XXXIV. თბ., 2000, გვ. 45.

¹⁴⁷⁹ . იქვე, გვ. 47.

¹⁴⁸⁰ , გვ. 261.

¹⁴⁸¹ . Дж. гамахариа, Б. Гогна. დასახ. ნაშრომი, გვ. 352.

¹⁴⁸² . 1897 . XVI, ... 1905, გვ. V.

¹⁴⁸³ . იქვე.

¹⁴⁸⁴ . იქვე, გვ. 88-93. იხ. აგრეთვე იქვე, გვ. 3.

აფხაზებს (აფსუებს), ამ დოკუმენტში ისინი ცალკე ეთნიკურ ჯგუფად გამოყოფილი არ არიან, მხოლოდ აღნიშნულია, რომ მთელ ქუთაისის გუბერნიაში გამოვლინდა 60 სხვადასხვა ენობრივი ჯგუფი და მათ შორის 59 469 კაცი აფხაზურენოვანი მოსახლეობა.¹⁴⁸⁵

1897 წლის აღწერაში სამურზაყანოელები შეგნებულად მიათვალეს მთიელებს, რითაც მიზანმიმართულად გააყალბეს რეალური ეთნიკური სურათი. შედეგად მიიღეს გაზრდილი რიცხოვნობა აფხაზებისა. ასევე სამურზაყანოელთა ხარჯზე „წინ წამოწიეს“ აფხაზების კულტურული მდგომარეობა (წერა-კითხვის მცოდნეთა რიცხვი, მღვდელმსახურთა რაოდენობა და ა.შ.). ამ სტატისტიკასთან წინააღმდეგობაში მოდის ქუთაისის გუბერნატორის თ. გერშელმანის მონაცემები, რომელთა მიხედვით XIX ს. ბოლოს აფხაზეთში მხოლოდ 2 აფხაზი მღვდელი მოღვაწეობდა, და ეს მაშინ, როდესაც 1897 წლის აღწერის მიხედვით სოხუმის ოლქში მართლმადიდებელი სამღვდლოებისა და მათი ოჯახის წევრების საერთო რაოდენობა იყო – 801, მათ შორის აფხაზი – 102, 333 – ქართველი, 226 რუსი (უკრაინელებთან და ბელორუსებთან ერთად) და ა.შ. როგორც გამოიკვეთა, ერთ შემთხვევაში – 102 აფხაზია დასახელებული, მეორე შემთხვევაში კი – 2. შეუძლებელია ორი აფხაზი მღვდლის ოჯახის წევრების საერთო რაოდენობა ყოფილიყო 102. მიზეზი მსგავსი შეუსაბამობებისა სამურზაყანოელების აფსუა-აფხაზებად გასაღების მცდელობაში მდგომარეობდა.

არსებობს შედარებით გვიანდელი სტატისტიკაც. როგორც სოხუმის ოლქის უფროსი, თავადი ლ. ჯანდიერი ეპისკოპოს კირიონისადმი გაგზავნილ დეპეშაში მიუთითებს, 1906 წელს სოხუმის ოლქში ცხოვრობდა 3 419 სული რუსი (ორივე სქესის), აფხაზი – 40 978, მეგრელი – 9 037, სამურზაყანოელი – 44 623, გურული – 56, ქართველი – 60, იმერელი – 53, ბერძენი 4 946, სომეხი – 6 313, თურქი – 935, სპარსი – 17, ესტონელი – 299, ლატვიელი – 48, ბულგარელი – 230, მოლდაველი – 254, ოსი – 2, ლეკი – 9, ალბანელი – 12, თათარი – 2, პოლონელი – 8, ფრანგი – 5, ჩეხი – 3, ავსტრიელი, გერმანელი – 5.¹⁴⁸⁶

ყველა ზემოთმოყვანილი სტატისტიკური მონაცემი აშკარად მიუთითებს, რომ XIX-XX საუკუნეების მიჯნაზე აფხაზეთში ძირითადი, წამყვანი ეთნოსი იყო ქართველი.

სოციალურ-ეკონომიკური მდგომარეობა. აფხაზეთი XIX საუკუნის 80-90-იან წლებში ეკონომიკური თვალსაზრისით ძირითადად აგრარული კუთხე იყო. აფხაზი თავადები – შარვაშიძეები, ინალ-იფები, მარშანიები, ანჩაბაძეები, ემუხვარები, ჩინბები, მარღანიები და ა.შ. სხვადასხვა სიდიდის მამულებს ფლობდნენ. მიუხედავად იმისა, რომ აფხაზეთში ფეოდალიზმი კულშეკვეცილი, პრიმიტიული იყო, გლეხს მაინც ევალებოდა გადაეხადა განსაზღვრული გადასახადი თავადის სასარგებლოდ.¹⁴⁸⁷

აფხაზეთში შედარებით სუსტად იყო განვითარებული მევენახეობა, აბრეშუმის წარმოებას კი აქ XIX საუკუნის 50-60-იანი წლებიდან ჩაეყარა საფუძველი.¹⁴⁸⁸ XX ს-ის დასაწყისიდან ამ დარგის განვითარება შეფერხდა. თუმცა ადამიანების გარკვეული ჯგუფი მაქსიმალურად ცდილობდა მეაბრეშუმეობის ფართოდ დაენერგვას მოსახლეობაში. მაგალითად, აფხაზეთში ცნობილმა საზოგადო მოღვაწემ ანთიმოზ ჯუღელმა ასწავლა სოხუმელებს აბრეშუმის ჭიის მოვლა.

აფხაზეთის საზოგადო მოღვაწენი ცდილობდნენ გლეხებისათვის სოფლის მეურნეობის გაძლიერების პროგრესული მეთოდების გაცნობას. მოსახლეობისათვის აგრონომიული დახმარებისა და სასოფლო-სამეურნეო ცოდნის მიღების მიზნით 1898 წ-დან ჩამოყალიბდა სოხუმის სოფლის მეურნეობის საზოგადოება, რომელსაც თავისი განყოფილება ჰქონდა გუდაუთაში და რომელმაც 1903 წ. დაიწყო საკუთარი ბეჭდვითი ორგანოს გამოცემა დანართითურთ.¹⁴⁸⁹ ამავე წლის 19 დეკემბერს გაგრაში პრინც ალექსანდრე

¹⁴⁸⁵ იქვე, გვ. VI.

¹⁴⁸⁶ . წმინდა მღვდელმოწამე კირიონ II და აფხაზეთი, გვ. 124. სტატისტიკა ემსახურებოდა იმპერიულ მიზნებს და კუთხური ნიშნით ცალკეად აღრიცხავდა ქართველებს, მათ შორის მეგრელებსა და სამურზაყანოელებს.

¹⁴⁸⁷ . გ. ზარიძე. აფხაზეთის თავადაზნაურობის სოციალური ურთიერთობის ზოგიერთი ასპექტი XIX საუკუნეში. – კლიო თბ., 2006, №30, გვ. 104.

¹⁴⁸⁸

., 1982. გვ. 30.

¹⁴⁸⁹

., 1960. გვ. 282.

ოლდენბურგელის თაოსნობით გაიხსნა „სამცენარეულო გამოფენა“, სადაც 300 ექსპონატზე მეტი ყოფილა წარმოდგენილი¹⁴⁹⁰.

ნელა, მაგრამ მაინც ჩაისახა და ვითარდებოდა აფხაზეთში მრეწველობა. 1881 წელს გულრიფში გაიხსნა ხე-ტყის სახერხი ქარხანა, რომელიც ეკუთვნოდა თავად ერისთავს.¹⁴⁹¹ 1898 წელს გაიხსნა აფხაზეთში ყველაზე დიდი – მაქსიმოვის ქარხანა და 1913 წლამდე მოქმედებდა.¹⁴⁹²

მრეწველობისა და ვაჭრობის განვითარება იწვევდა საქალაქო ცხოვრების აღმავლობას. XX საუკუნის დასაწყისში აფხაზეთში ერთადერთი ქალაქი, მთავარი ადმინისტრაციული, სავაჭრო და კულტურული ცენტრი იყო სოხუმი. გულაუთაში 1903 წლისათვის 1117 კაცი ცხოვრობდა, იზრდებოდა ოჩამჩირის, გაგრისა და სხვა დაბების მოსახლეობა.¹⁴⁹³

თანდათან დაიწყო აფხაზეთის უნიკალური საკურორტო რეგიონის სააგარაკო-დასასვენებელი საქმიანობისათვის გამოყენებაც. სერიოზული ინვესტიციები ჩაიდო გაგრის საკურორტო ზონის მშენებლობაში. 1903 წლის 9 იანვარს პრინც ოლდენბურგელის ინიციატივით აგებული კლიმატოლოგიური სადგური გაიხსნა. მეორე დღეს პრინცმა იმპერატორ ნიკოლოზ II-გან მიიღო ასეთი შინაარსის დეკრეტი: „ძალიან მოხარული ვარ, რომ გაგრის კლიმატოლოგიური სადგური გახსნილია. გულითად მადლობას გიგზავნი შენ მისი მოწყობისათვის გაწეული შრომისა და გარჯისათვის. ღმერთმა ინებოს, ნახო შენი ენერგიული მოღვაწეობის შემდგომი შედეგები.“¹⁴⁹⁴ შედეგმა კი არ დააყოვნა და 1904 წლის 25 დეკემბერს იმპერატორის სპეციალური ბრძანებულებით გაგრის კლიმატოლოგიური სადგურის ტერიტორია გამოეყო სოხუმის ოლქს და შავიზღვისპირეთის გუბერნიას შეუერთეს. ეს იყო მხოლოდ პირველი ნაბიჯი აფხაზეთის დანარჩენი საქართველოსაგან ჩამოჭრისა და მხარის ასიმილაციის გზაზე.¹⁴⁹⁵

XIX-ის დასასრულს აშკარად გამოიკვეთა აფხაზეთის ეკონომიკური შესაძლებლობები: სოფლის მეურნეობაში – მეთამბაქოეობა, მრეწველობაში – ქვანახშირის და ხე-ტყის ექსპლუატაცია და საკურორტო ბიზნესი.

ანტიკოლონიური მოძრაობა. რუსეთის აღვირახსნილი კოლონიური პოლიტიკა აფხაზეთში და მოსახლეობის გარკვეულ ნაწილში ანტიქართული ფსიქოზის დანერგვა ერთნაირად აღელვებდათ აფხაზ და ქართველ მამულიშვილებს. რეგიონის მოსახლეობის ინტერესების სადარაჯოზე, როგორც ბევრ სხვა შემთხვევაში, აქაც სასულიერო წოდების წარმომადგენლები მნიშვნელოვან როლს ასრულებდნენ. ეპისკოპოსი გაბრიელი (ქიქოძე), ბლალოხინი დავითი (მაჭავარიანი), სოხუმის საკათედრო ტაძრის კანდელაკი – ამბროსი (ხელაია) და სხვანი ყოველნაირად ცდილობდნენ ქართველთა და აფხაზთა კანონიერი უფლებების დაცვას. 1886 წლის ბოლომდე აფხაზეთის ეპარქია იმერეთის ეპარქიასთან იყო შეერთებული და მას ეპისკოპოსი გაბრიელი ედგა სათავეში. მიუხედავად იმისა, რომ ამ ეპარქიაში მაშინ სვანეთიც და სამეგრელოც შედიოდა, არ ყოფილა აფხაზეთში არცერთი კუთხე, რომ ეპ. გაბრიელს ცხენით ან ფეხით არ შემოეფლო და არ ექადაგა ქრისტიანული რწმენის, ზნეობის შესახებ. განსაკუთრებით აღსანიშნავია მისი მცდელობები აფხაზური ენის სწავლებისა და ამ ენაზე ღვთისმსახურების შემოღების თაობაზე, რასაც ხელისუფლება სასტიკად ეწინააღმდეგებოდა.¹⁴⁹⁶

აფხაზეთის მოსახლეობის ერთი ნაწილი მაჰმადიანურ მოძღვრებას აღიარებდა. ვითარებას ართულებდა თურქი მოღვრების მოძალეობაც. ისლამის აქტიური პროპაგანდისტები ხდებოდნენ სამშობლოში დაბრუნებული მუჰაჯირები. მათი საქმიანობა აფხაზურ მოსახლეობაში ქრისტიანობის დასუსტებას უწყობდა ხელს. ისლამიზაციის

¹⁴⁹⁰ . ივერია. 1903, 21 სექტემბერი.

¹⁴⁹¹ . ვ. ზუხბაია, ხ. ზანთარია. გალი. სოხუმი, 1988, გვ. 89. იხ. ასევე: დ. ჩიტაია. აფხაზეთის საკითხი საქართველოს პირველ რესპუბლიკაში. აფხაზეთის სახალხო საბჭო 1917-1921 წლებში, თბ., 2006, გვ. 51-55. იხ. მისივე, აფხაზეთის სოციალ-ეკონომიკური და პოლიტიკური მდგომარეობა XX საუკუნის პირველ ოცეულში. თბ., 2002, გვ. 3-17.

¹⁴⁹² . კვალი, 1899, №13.

¹⁴⁹³ . თ. სახოკია. მოგზაურობანი. თბ., 1950, გვ. 303.

¹⁴⁹⁴ . ჯ. გამახარია. ქართულ აფხაზურ ურთიერთობათა ისტორიიდან, გვ. 18.

¹⁴⁹⁵ . ჯ. გამახარია. აფხაზეთი და მართლმადიდებლობა, გვ. 610.

¹⁴⁹⁶ . იხ. ვრცლად: წმინდა მღვდელმთავარი გაბრიელი და აფხაზეთი, თბ., 2007.

კიდევ ერთი ხელშემწეობი ფაქტორი იყო აფხაზი ხალხის დამნაშავე ერთად გამოცხადება (1880წ. 31 მაისი), მასთან დაკავშირებული სოციალური თუ პოლიტიკური შეზღუდვები, მხარის უცხოური კოლონიზაცია.¹⁴⁹⁷

ცარიზმის მიზანს წარმოადგენდა აფხაზეთის ისეთი ტერიტორიული გადანაწილება, რომელიც უზრუნველყოფდა იმპერიასთან მის ორგანულ შერწყმას, საქართველოსაგან ნაკლებმტკივნეულად გამოყოფას, ადვილ კოლონიზაციას. XIXს. 80-იან წლებში როგორც ადმინისტრაციულ, ისე საეკლესიო სფეროში რეფორმები განხორციელდა. 1883 წელს სოხუმის სამხედრო განყოფილებას სოხუმის ოლქი ეწოდა და ქუთაისის გუბერნატორს დაექვემდებარა. ადრე არსებული ორი ოლქისაგან ოთხი უბანი ჩამოყალიბდა: გუდაუთის, გუმისთის, კოდორისა და სამურზაყანოსი.¹⁴⁹⁸

1885 წლის 12 ივნისს იმპერატორის ბრძანებით და უწმინდესი სინოდის გადაწყვეტილებით აღდგა აფხაზეთის (სოხუმის) ცალკე ეპარქია. იმავე წელს განხორციელდა კავკასიის ეპარქიის რეორგანიზაცია – იგი ვლადიკავკასიისა და სტავროპოლის ეპარქიებად დაიყო, ხოლო შავიზღვისპირეთის გუბერნიის 10 ეკლესია სოხუმის ეპარქიას შემოუერთდა.¹⁴⁹⁹

ცარიზმის პოლიტიკა უფრო და უფრო გამკაცრდა. ეს განსაკუთრებით კარგად ჩანს სამურზაყანოს მაგალითზე. 1897 წლის აღწერაში სამურზაყანოს ქართული მოსახლეობა, როგორც უკვე ითქვა, აფხაზეთთან ერთად მთიელებად წარმოაჩინეს, რითაც ცდილობდნენ, დაენერგათ შეხედულება, თითქოს სამურზაყანოელები სხვა ეროვნების წარმომადგენლები იყვნენ. თუმცა შესანიშნავად იცოდნენ, რომ ისინი არაფრით განსხვავდებოდნენ მეგრელებისაგან. ამიტომაც გადაწყვიტეს მათთვის მეგრული დამწერლობის შემოღება; ამით სურდათ ეს შედარებით მცირერიცხოვანი მოსახლეობა ერთიანი ქართველი ერისაგან ჩამოეცილებინათ ისეთნაირად, რომ არც „დამნაშავე“ აფხაზებს შერწყმოდნენ და ასე იოლად გაერუსებინათ.¹⁵⁰⁰ ამ მცდელობებს მედგრად წინ აღუდგნენ ჭეშმარიტი მამულიშვილები – როგორც საერო, ისე სასულიერო მოღვაწეები. მათგან განსაკუთრებულად აღნიშვნის ღირსია ამბროსი ხელაიას დამსახურება.

1899 წლის 22 თებერვალს (6 მარტი) გახეთმა „სანკტ-პეტერბურგსკიე ველომოსტი“-მ გამოაქვეყნა ანონიმური კორესპოდენცია სათაურით: „სუხუმ“. არსებობს ვარაუდი, რომ ეს წერილი ამბროსი ხელაიას ან თედო სახოკიას კალამს ეკუთვნის. წერილში მხილებული იყო ეპისკოპოს არსენის მიერ გატარებული მიუღებელი ქმედობები, მის მიერ სამურზაყანოს არაქართულ სამრევლოდ გამოცხადების მცდელობა და ქართულ ენაზე ღვთისმსახურების აკრძალვა.

ამ წერილს გამოეხმაურა ცნობილი რენეგატი კონსტანტინე დავითის ძე მაჭავარიანი. 1899 წლის 31 მარტი – 3 აპრილს გახეთში „ჩერნომორსკი ვესტნიკ“ (№№72-75) დაიბეჭდა მისი ვრცელი წერილი სათაურით „აქვთ თუ არა სამურზაყანოელებს უფლება, თავიანთ თავს მეგრელებს უწოდებდნენ“. მასში ავტორი აფხაზეთის ისტორიის საკითხებში არაკომპეტენტურობას და საოცარ ტენდენციურობას ამჟღავნებდა და „ამტიციებდა“, თითქოს სამურზაყანოელები ქართველები არ ყოფილიყვნენ.

ამბროსი ხელაიას „გოლოს სამურზაყანცა“, რომელიც 1899 წლის 6 მაისს გახეთ „ჩერნომორსკი ვესტნიკ“-ში დაიბეჭდა, სწორედ ამ წერილის საპასუხოდ დაიწერა. მასში უტყუარ ისტორიულ წყაროებზე მითითებით ნაჩვენებია, რომ სოხუმის ოლქი მდინარე ფსირცხამდე მეგრელებით იყო დასახლებული, მაგრამ შემდგომში ისინი სამურზაყანოს საზღვრებამდე შეავიწროვეს. ამის დასტურად ავტორმა კ.მაჭავარიანს შესაბამის წყაროებში არსებული მონაცემები მიუთითა.¹⁵⁰¹ პირველი დისკუსია აფხაზეთ-სამურზაყანოს ისტორიის საკითხებზე ამით არ დასრულებულა და რამდენიმე ურთიერთსაპასუხო წერილის სახით გრძელდებოდა.¹⁵⁰²

პუბლიცისტურ კამათს ცარიზმის მხრიდან მაღე მოჰყვა კონკრეტული ქმედობები. სამურზაყანოს ჩამოაჭრეს რიგი ტერიტორიები (მათ შორის ილორი, მისი უნიკალური

1497 . ჯ. გამახარია. აფხაზეთი და მართლმადიდებლობა. გვ. 516-17.

1498 . იქვე, გვ. 524.

1499 . მწვემსი, 1885, №18.

1500 . ჯ. გამახარია. აფხაზეთი და მართლმადიდებლობა, გვ. 552.

1501 . წმინდა აღმსარებელი ამბროსი და აფხაზეთი. გვ. 62-68.

1502 . იხ. , 1899, 8-9 , 102-103; 17,18,19 , 133-135; 20 , 136, 23 , 138.

სატაძრო კომპლექსით). 1903 წელს სოხუმის ოლქი, რომელსაც 1899 წელს შემოღებული თვითმმართველობა განაგებდა, გამოყვეს ქუთაისის გუბერნიისაგან და კავკასიის არმიის სარდლობას დაუქვემდებარეს.¹⁵⁰³ პოლიციურად რეგიონი კვლავ ქუთაისის გუბერნიის გამგეობაში დარჩა.

ეროვნული ინტერესების სადარაჯოზე იდგნენ ინტელიგენციის წარმომადგენლებიც, რომელთა საქმიანობამ ჟანდარმერიის სამმართველოს ყურადღებაც კი მიიპყრო. ამ მხრივ საყურადღებოა ქუთაისის გუბერნიის ჟანდარმთა სამმართველოს უფროსის და ანტიქართულად განწყობილი სოხუმის ეპისკოპოს არსენის საიდუმლო მიმოწერა. წერილი აშკარად მიუთითებს რუსი დიდმოხელის შემფოთებაზე აფხაზეთში „ქართული პარტიის“ წევრების ენერგიული მოქმედების გამო, რომელთაც „...თავის მიზნად დაუსახავთ აფხაზეთისა და სამურზაყანოს სრულიად გაქართველება ქართული სკოლების დახმარებით და წირვა-ლოცვის და ყოველივე მღვდელმსახურების ქართულს ენაზედ შესრულებით, რაიც სრულიად უცნობია აფხაზეთათვის.“¹⁵⁰⁴ იმავე დროს ჟანდარმერიას აინტერესებდა, სდევნიდა თუ არა „ქართველთა პარტია“ რუსოფილებს ღვთისმსახურებისა და განათლების სფეროში, რამდენად ცდილობდა იგი აფხაზეთის გაქართველებს.¹⁵⁰⁵

მეფის ჟანდარმერიამ „ქართული პარტიის“ წარმომადგენლებზე დეტალური ინფორმაცია შეაგროვა და 1904 წლის 1 მაისს მთავარმართებლის საბჭომ განიხილა ქართველი პატრიოტების მოღვაწეობა, რომლებიც ქართული ენის დანერგვით ხელს უშლიდნენ აფხაზეთის მოსახლეობის გარუსებას. „ქართული პარტიის“ აქტივისტებს კავკასიის უვადო დატოვება მიესაჯათ.¹⁵⁰⁶

„ქართულ პარტიაში“ შედიოდნენ: თ.სახოკია, ანთ.ჯუღელი, სპნორაკიძე, ივ.გეგია, მღვდლები: დ.მაჭავარიანი, ი.კერესელიძე, ი.ხენკელი, ბეს. ხელაია და სხვ. აფხაზეთის ქართული სამღვდელოებისადმი მთავარმართებლის საბჭოს მიერ წაყენებული ოფიციალური ბრალდება, რომ იგი ეწინააღმდეგებოდა სოხუმის „ოლქის მოსახლეობის უსწრაფესად გარუსებისაკენ მიმართულ მთავრობის საკეთილდღეო ღონისძიებებს“, სინამდვილეში იყო უმაღლესი შეფასება მათი ისტორიული მნიშვნელობის დგაწლისა.¹⁵⁰⁷

„ქართული პარტიის“ საქმიანობა რუსი ოფიციალური პირებისათვის აშკარად იყო „ბორბტება“, რომელიც ერთხელ და სამუდამოდ საფუძვლიანად უნდა აღმოფხვრილიყო.¹⁵⁰⁸ რუსეთის ზეწოლას მამულიშილები მაინც არ შეუშინდნენ, რასაც ნათლად ცხადყოფს მათი შემდგომი საზოგადოებრივ-პოლიტიკური და პუბლიცისტური საქმიანობა.

რელიგიური ცხოვრება. XIX საუკუნის ბოლოს აფხაზეთში კვლავ დომინირებდნენ ტრადიციული (წარმართული) რწმენა-წარმოდგენები, თუმცა მათ შორის იყვნენ ისეთები, რომლებიც ქრისტიანობის ან ისლამისკენ იხრებოდნენ. აფხაზეთში მართლმადიდებლობას ძირითადად ქართველები, რუსები და ბერძნები მისდევდნენ.¹⁵⁰⁹

ამ პერიოდისათვის მთლიანად აფხაზეთში 74 ეკლესია იყო, მათგან გუდაუთის უბანში 13, გუმისთაში – 14, კოდორში – 16, სამურზაყანოში – 31. მათში მღვდლებად მსახურობდნენ 60 ქართველი, 7 ბერძენი 5 რუსი და 2 აფხაზი.¹⁵¹⁰ ეკლესიები დაზიანდა რუსეთ-თურქეთის ომის დროს, ომის შემდგომ აქტიურად დაიწყო მათი აღდგენა. ამ მხრივ დიდი ღვაწლი გასწია ეპისკოპოსმა გაბრიელმა. აღდგენილ იქნა ოჩამჩირის, გუდაუთის, მერხეულის და სხვა ეკლესიები.¹⁵¹¹ 80-იანი წლების მეორე ნახევრიდან აფხაზეთი დამოუკიდებელი ეპარქიაა, რომელსაც, ეპ.გაბრიელის შემდგომ, 1906 წლის დასაწყისამდე რუსი მღვდელმთავრები მართავდნენ. ესენი იყვნენ:

1. წმინდა მღვდელმთავარი გაბრიელი (ქიქოძე) – 1868 წლის ივნისიდან ეპარქიის დროებითი მმართველი, 1869 წლის 30 მაისიდან 1886 წლის 28 დეკემბრამდე –

1503 . გ. ზუხბაია. სოხუმი. თბ., 1997, გვ. 138; 50 . , 1971, გვ. 26..

1504 . წმინდა აღმსარებელი ამბროსი და აფხაზეთი, გვ. 144..

1505 . იქვე, გვ. 145..

1506 . ჯ. გამახარია. აფხაზეთი და მართლმადიდებლობა, გვ. 598-601..

1507 . იქვე, გვ. 600..

1508 . ზ. პაპასქირი. ნარკვევები..., ნაკვეთი I, გვ. 228..

1509 . იხ. ა. ნოდია. წერილი აფხაზეთიდან. - ივერია, 1902, 29 მარტი.

1510 . წმინდა აღმსარებელი ამბროსი და აფხაზეთი, გვ. 385-391.

1511 . წმინდა მღვდელმთავარი გაბრიელი და აფხაზეთი, გვ. 64, 631-632.

მმართველი; ამ თანამდებობაზე იგი ფაქტობრივად 1887 წლის 15 თებერვლამდე რჩებოდა.

2. გენადი (პავლინსკი) - დაინიშნა 1886წ. 29 ნოემბერს, იკურთხა იმავე წლის 28 დეკემბერს; 1889 წლის 31 მარტს გარდაიცვალა ახალ ათონში.

3. ალექსანდრე (ხოვანსკი), 1889წ. 24 მაისი – 1889წ. 12 თებერვალი.

4. აგაფოდორი (პრეობრაჟენსკი) – 1891წ. 2 მარტი – 1893 წ. 17 ივლისი.

5. პეტრე (დრუგოვი) – 1893წ. 21 აგვისტო – 1895წ. 28 იანვარი.

6. არსენი (იზოტოვი) – 1895წ. 2 თებერვალი – 1905წ. 26 მარტი.

7. სერაფიმე (ჩინაგოვი) – 1905წ. 27 მარტი – 1906წ. 3 თებერვალი.¹⁵¹²

მათ შორის, როგორც აღინიშნა, გამოირჩეოდა ეპისკოპოსი არსენი – არქირეაქციონერი და შოვინისტი. მას ისე სძულდა ქართველები და ქართული ენა, რომ 1897 წლიდან მისი ბრძანებით, ეპარქიაში ქართულ ენაზე შესრულებული ღვთისმსახურება არ ახსოვდათ. მანვე 1901წ. 20 ოქტომბერს უწმინდესი სინოდის წინაშე აღძრა შუამდგომლობა მისადმი რწმუნებული ეპარქიის საქართველოს საეგზარქოსოსაგან გამოყოფისა და მისთვის თვითმდგომი ეპარქიის სტატუსის მინიჭების შესახებ. შუამდგომლობის საფუძველად კი ის ასახელებდა იმას, თითქოს სოხუმის ეპარქიაში ძირითადად აფხაზური და რუსული მოსახლეობაა და მათ არავითარი ტომობრივი კავშირი არ ჰქონდათ საეგზარქოსოში შემაჯავალ სხვა ეპარქიებთან; გამოყოფის აუცილებლობას, არსენის მტკიცებით, მართვის მოუხერხებელი სისტემის არსებობაც განაპირობებდა.

სოხუმის ეპისკოპოსმა იმავდროულად მთავარმართველ გ.გოლიცინსაც მიმართა. იგი დაეთანხმა არსენის მოსაზრებებს და სინოდის ობერ-პროკურორ კ.პობედონოსცევს ამ თემაზე 1901წ. 15 დეკემბერს წერილი გაუგზავნა.¹⁵¹³ უწ. სინოდმა ეპ. არსენის შუამდგომლობა მთავარმართველის წერილთან ერთად 1902წ. 4 იანვარს დასკვნისათვის საქართველოს ეგზარქოს ალექსის გადმოუგზავნა. ის ძირითადად დაეთანხმა წარმოდგენილ დოკუმენტებში გაუღებულ მოსაზრებას, ეპ. არსენის არგუმენტებს და სოხუმის ეპარქიის ყუბანის ოლქთან შეერთების ახალი გეგმა წამოაყენა, რასაც მხარი გ. გოლიცინმაც დაუჭირა.

რუსული საერო და სასულიერო ხელისუფლება სოხუმის ეპარქიის საქართველოს საეგზარქოსოსაგან გამოყოფას და ყუბანის ოლქთან გაერთიანებას, აფხაზეთის მოსახლეობის რუსულ მასაში გათქვევას, ქართველთა და აფხაზთა ასიმილაციის მიზნით გეგმავდა. ამ განზრახვას არაფერი ჰქონდა საერთო მართლმადიდებლობის ინტერესებთან.

1903 წლის ოქტომბერში გავრცელდა ინფორმაცია, რომ სოხუმის ეპარქია უკვე ჩამოაცილეს საქართველოს საეგზარქოსოს და უშუალოდ სინოდს დაუქვემდებარეს. სავარაუდოდ, სოხუმის ეპარქიის გამოყოფის თაობაზე პეტერბურგში გადაწყვეტილება მიღებული იყო, მაგრამ უწმინდესი სინოდი მისი გაცხადებისათვის ხელსაყრელ მომენტს ეძებდა. წინარეგოლუციური და მით უმეტეს რევოლუციის აღმავლობის პერიოდი ნამდვილად არ იყო სოხუმის ეპარქიის საქართველოს საეგზარქოსოსაგან გამოყოფის გამოცხადებისათვის საუკეთესო დრო. შექმნილმა პოლიტიკურმა ვითარებამ უწმ. სინოდი აიძულა, უარი ეთქვა საბოლოო გადაწყვეტილების მიღებაზე, თუ უკვე მიღებული გადაწყვეტილების განხორციელებაზე.¹⁵¹⁴

რუსი ეპისკოპოსების პოლიტიკა შორს გამიზნული და ვერაგული იყო. მათ სურდათ ძალადობის გზით საბოლოოდ განედევნათ აფხაზეთიდან ისტორიულად დამკვიდრებული წესი - ღვთისმსახურების აღსრულება ქართულ ენაზე, შეეცვალებათ ის სლავური ლიტურგიით და ამით სულიერ სფეროში გადაულახავი უფსკრული შეექმნათ ქართულ-აფხაზური ურთიერთობისათვის. სოხუმის ეპარქიის საქართველოს საეგზარქოსოსაგან გამოყოფა კი, მათი აზრით, დააჩქარებდა მხარის ასიმილაციას.

¹⁵¹² . იქვე, გვ. 671-672.

¹⁵¹³ . ჯ. გამახარია. აფხაზეთი და მართლმადიდებლობა, გვ. 610-612.

¹⁵¹⁴ . იქვე, გვ. 616 - 617.

რუს ეპისკოპოსებს მხარდამჭერად ქუთაისის გუბერნატორი თ.გერშელმანი მოველინა, რომელიც ცარიზმის კოლონიური პოლიტიკის აქტიური გამტარებელი იყო და თავის ერთ-ერთ საიდუმლო წერილში დაუფარავად ავლენდა რუსეთის დიდმპყრობელურ მიზნებს. აფხაზეთში „ერთადერთი რადიკალური ღონისძიება ამ მიმართებით იქნება ის, - წერდა გუბერნატორი, - რომ გამოვვლიჯოთ სკოლა და ეკლესია ქართულ საზოგადოებას ხელიდან, რომ წირვა-ლოცვა სკოლებსა და ეკლესიებში ტარდებოდეს სლავეურ ენაზე. ამ ღონისძიებებით გადავარჩინოთ ადგილობრივ მოსახლეობას ქართული გავლენისაგან, გაქართველებისაგან“.¹⁵¹⁵ ამასთან მეტად მნიშვნელოვანია აფხაზეთში ქართველთა შევიწროების, რუსული ენის დანერგვისა და მოსახლეობის ასიმილაციის თაობაზე თ.გერშელმანის წერილში ხაზგასმული მოთხოვნაც: „...რუსული ენის დანერგვა ეპარქიაში ასევე ხელს შეუწყობს ადგილობრივი მოსახლეობის ზნობრივი და გონებრივი განვითარების დონის ამაღლებას. ასევე საჭირო და აუცილებელია, სოხუმის სკოლებში ქართველი მასწავლებლები შეიცვალოს რუსული წარმომავლობის მასწავლებლებით. ყოველივე ეს მომავალში ხელს შეუწყობს ადგილობრივი მოსახლეობის შერწყმას, შეერთებას რუს მოსახლეობასთან“.¹⁵¹⁶

სამართლიანად მიუთითებენ, რომ რუსი მღვდელმთავრების მხრიდან ქრისტიანობის ძალდატანებით დამკვიდრების მცდელობამ, რის შესახებ ს. ბასარიაც წერდა, კიდევ უფრო გააძლიერა აფხაზეთა ლტოლვა ისლამისაკენ.¹⁵¹⁷

1897 წლის აღწერით, აფხაზეთის მოსახლეობის ძირითადი ნაწილი მართლმადიდებელი ქრისტიანი იყო, მათი რიცხვი 87 064 კაცს შეადგენდა, მაჰმადიანები იყვნენ 11 062 კაცი, სომეხი გრიგორიანელები – 6 536 კაცი, ლუთერანები – 954 კაცი, კათოლიკეები (სომეხი და „რომაელი“) – 375 კაცი, იუდეველები – 162 კაცი,¹⁵¹⁸ სხვა რელიგიურ მიმდინარეობებს კი მცირერიცხოვანი მიმდევარი ჰყავდა.

აფხაზეთში რუსული რელიგიური ზეგავლენის განმხორციელებელი იყო ახალი ათონის მონასტერი, სადაც ასობით რუსი ბერი მოღვაწეობდა. აღსანიშნავია, რომ კმაჭავარიანი ამ მონასტერს უწოდებდა „სახელმწიფოს სახელმწიფოში“.¹⁵¹⁹ ახალი ათონის მონასტერს ჰქონდა უზარმაზარი მამულები იმპერიის სხვადასხვა რეგიონებშიც: პეტერბურგში, ნოვოროსიისკში, ტუაფსეში, ბიჭვინთაში და ა.შ., საიდანაც დიდძალი შემოსავალი შესდიოდათ. კასპიის ზღვაზე მას საკუთრებაში ჰქონდა თევზის სარეწები.¹⁵²⁰ მონასტერი ეწეოდა კომერციულ საქმიანობას, რომელიც სულ უფრო და უფრო ფართო ხასიათსღებულობდა.

1885 წელს იმპერატორის განკარგულებით, ბიჭვინთის მონასტერი კუთვნილი მიწის ნაკვეთით, ფიჭვნართა და ტბით ახალი ათონის სიმონ კანანელის მონასტერს შეუერთდა. ეს იმას ნიშნავდა, რომ ქართული ეკლესიის კიდევ ერთი უმნიშვნელოვანესი ცენტრი, დასავლეთ საქართველოს კათალიკოსთა რეზიდენციაც, რუსი ბერების ხელში გადავიდა.¹⁵²¹

უწმინდესი სინოდის 1898წ. 3 სექტემბრის განკარგულებით დადგინდა, რომ ღვთისმსახურება ტაძრებში აფხაზურენოვანი მრევლით აღესრულებინათ სლავეურ ენაზე.¹⁵²²

საუკუნეების განმავლობაში აფხაზეთის მთელ ტერიტორიაზე წირვა-ლოცვა აღესრულებოდა ქართულ ენაზე, საეკლესიო ლიტურატურაც და საგალობლებიც ქართულ ენაზე იყო შექმნილი. მართალია, გვიან შუა საუკუნეებში აფხაზეთზე კონტროლის დროებით დაკარგვამ, აფხაზების ჩამოწოლამ, მაჰმადის რჯულისა და წარმართობის გავრცელებამ სერიოზული დარტყმა მიაყენა ადგილობრივი მოსახლეობის

¹⁵¹⁵ . კ. ტოლიაშვილი. რუსეთის სინოდის საეკლესიო პოლიტიკა აფხაზეთსა და შიდა ქართლში (XIX საუკუნის 80-იანი – 1917წწ.), საკანდ. დის. თბ., 2005. გვ. 35.

¹⁵¹⁶ . იქვე, 35.

¹⁵¹⁷ . . . , გვ. 55. იხ. გ. როგავა. ქართველთა სასულიერო მოღვაწეობა XIX საუკუნის აფხაზეთში. თბ., 2002. გვ. 34.

¹⁵¹⁸ . Первая всеобщая перепись..., გვ. 86-87.

¹⁵¹⁹ . . . , გვ. 190-191. იხ. . . . 1965. გვ. 505.

¹⁵²⁰ . . . , 1977, გვ. 6-8; იხ. წმინდა

მღვდელმთავარი გაბრიელი და აფხაზეთი, გვ. 45-57.

¹⁵²¹ . ჯ. გამახარია. აფხაზეთი და მართლმადიდებლობა, გვ. 523.

¹⁵²² . ზ. პაპასჭირი. ნარკვევები..., ნაკვეთი I, გვ. 228.

მართლმადიდებლურ აღმსარებლობას, მაგრამ ქართული საეკლესიო ტრადიციები კვლავ ძლიერი იყო აფხაზეთის მთელ რიგ რეგიონებში. მოსახლეობაში განსაკუთრებულ უკმაყოფილებას იწვევდა რუსულ ენაზე წირვა-ლოცვა. აი, რას წერდა იმჟამინდელი კორესპოდენტი: „გუდაუთში არის ექვსასი მცხოვრები, ამთგან რუსი და სომეხი ორმოცდაათამდე იქნება, დანარჩენი ყველა ქართველია. ამდენ ქართველს ათი წელიწადი იქნება ქართული წირვა-ლოცვა არ მოუსმენია. მონატრებული ვართ ჩვენებურს გალობას, მშობლიურ ხმებს. უმეტესობას არ გვესმის რუსული ანდა სლავიანური, წირვა-ლოცვაც ხომ არავის ესმის ჩვენთაგან. ამნაირად ვიტანჯებით ამდენი მოსახლე კაცი, დიდს მადლს გვიზამდნენ, თუ უმაღლეს მთავრობის ყურამდე მიიტანდნენ ჩვენს გაჭირვებას“¹⁵²³.

ხელისუფლებას კარგად ესმოდა, რომ მთავრ დაბრკოლებას მხარის გარუსებაში ქართული სამღვდლოება წარმოადგენდა, რადგან მათ ხელში ისევ რჩებოდა ეკლესია და სკოლა. ამიტომაც ცდილობდა მათ წართმევას ქართული სამღვდლოებისათვის. ამ მიზნით მეფის ხელისუფლება მნიშვნელოვან ღონისძიებებს ატარებდა მთელი XIX საუკუნის განმავლობაში.¹⁵²⁴

ასევე განსაკუთრებული ღონისძიებები გატარდა აფხაზეთში ქრისტიანობის აღსადგენად, რაც რუსეთს საკუთარი კოლონიალისტური ინტერესებიდან გამომდინარე სჭირდებოდა. თუ ცარიზმი შეძლებდა აფხაზეთის მოსახლეობის, მათ შორის აფხაზების, ეკლესიის მეშვეობით რუსიფიკაციას, მას მნიშვნელოვნად გაუადვილდებოდა ამ ტერიტორიის ინკორპორირება. საეკლესიო-სამრევლო სკოლები, როგორც დასტურდება, მათი მნიშვნელოვანი იარაღი გახდა ამ საქმეში. სამრევლო სკოლებში ახალგაზრდობა უნდა აღზრდილიყო რუსული მართლმადიდებლური ტრადიციების შეთვისება-გათავისების საფუძველზე. ირკვევა, რომ 1900 წლისათვის რუსეთის ეკლესია კიდევ უფრო ინტენსიურად ცდილობდა განათლების სექტორზე მონოპოლიის მოპოვებას. ამ საქმეში გარკვეული წვლილი შეიტანა „კავკასიაში მართლმადიდებლობის აღმდგენელმა საზოგადოებამ“, რომელმაც გარკვეული დადებითი როლი შეასრულა ქრისტიანობის აღდგენა-დამკვიდრებაშიც. მისი ფინანსებით და ძალისხმევით აფხაზეთში აშენდა არაერთი ეკლესია, გაიხსნა საეკლესიო-სამრევლო სკოლები. XX საუკუნის დასაწყისში აფხაზეთის ტერიტორიაზე შეიმჩნევა სამრევლო სკოლების მშენებლობის ინტენსიფიკაცია.¹⁵²⁵

მეფის ხელისუფლება დიდად არ ზრუნავდა აფხაზეთის სამრევლო სკოლების პედაგოგიური კონტინგენტის პროფესიულ სრულყოფაზე. არსებობს ცნობები, რომ ზოგიერთ სამრევლო სკოლაში პედაგოგებად დაუნიშნავთ ყოფილი სტრაჟნიკები და გუდაუთის 2 - კლასიანი სამრევლო სკოლის კურსდამთავრებული ახალგაზრდები იმ მოტივით, რომ „აფხაზურის სწავლება შეუძლიათ“.¹⁵²⁶

არ შეიძლება, არ დავინახოთ, რომ რუსეთის რეაქციულმა სასულიერო პირებმა გარკვეულ წარმატებებს მიაღწიეს აფხაზეთში ანტიქართული ფსიქოზის დასანერგად. პირველ რიგში, ეს გამოვლინდა სამრევლო სკოლებიდან ქართული ენის ტოტალურ განდევნაში. XIX ს. 90-იანი წლების მეორე ნახევარში ქართული ენა განდევნეს აფხაზეთ-სამურზაყანოს სკოლებიდან და წირვა-ლოცვის ქართულად შესრულებაც აკრძალეს.¹⁵²⁷ იმავდროულად აკრძალული იყო აფხაზური ენის გამოყენებაც ამ ენის „განუვითარებლობის“ მოტივით. ეს კი იმას ნიშნავს, რომ აფხაზურ მოსახლეობას თავს ახვედნენ რუსულ ენას სამრევლო სკოლებში და სლავურ ენას – ეკლესიაში, რაც მათი საბოლოო გარუსების საფუძველს ქმნიდა. ასეთი ვითარება კი პატრიოტი პედაგოგების სერიოზულ უკმაყოფილებას და პროტესტს იწვევდა.

განათლება. რუსეთ-თურქეთის 1877-1878 ომის შედეგად დაზიანდა ან განადგურდა აფხაზეთის სკოლების დიდი ნაწილი. ომის დასრულების შემდეგ თანდათან დაიწყო მათი აღდგენა და სასწავლო პროცესის განახლება. 1880 წლის მონაცემებით, აფხაზეთის

¹⁵²³ . ივერია, 1902, 14 დეკემბერი.

¹⁵²⁴ . ზ. პაპასქირი. ნარკვევები..., ნაკვეთი I, გვ. 228.

¹⁵²⁵ . იხ. კავკასიაში მართლმადიდებლობის აღმდგენი საზოგადოებისა და საეპარქიო სასწავლო საბჭოს სკოლების ჩამონათვალი (1851-1917 წწ.). წიგნში: ჯ. გამახარია. აფხაზეთი და მართლმადიდებლობა, გვ. 1020.-1029.

¹⁵²⁶ . ისარი, 1907, 24 ივლისი.

¹⁵²⁷ . ტროფ. ხუნდაძე. ცარიზმი და სახალხო განათლება საქართველოში 1881-1917 წწ. თბ., 1948, გვ.7.

სკოლებში 190 ქართველი და 36 აფხაზი სწავლობდა.¹⁵²⁸ ცარიზმის მოხელეებმა უკვე მოიცაღეს განათლების სფეროში უფრო ენერგიული ქმედებებისათვის, რათა მხარის გარუსებისათვის სკოლების სახით უფრო მოქნილი და ეფექტური მექანიზმი შეექმნათ. 1884 წლის 13 ივნისს იმპერატორმა დაამტკიცა საეკლესიო-სამრევლო სკოლების წესდება, ხოლო 1885 წელს მართლმადიდებლობის აღმდგენი საზოგადოების საეკლესიო-სამრევლო სკოლები სამრევლო სკოლებად გადაკეთდა.¹⁵²⁹

XIX საუკუნის დასასრულს აფხაზეთის მოსახლეობის ძირითადი ნაწილი წერაკითხვის უცოდინარი იყო, განათლებული მოსახლეობის რაოდენობა სოხუმის ოლქში 9,7 %-ს შეადგენდა, ხოლო ქალაქ სოხუმში – 41,7 %-ს.¹⁵³⁰

აღსანიშნავია, რომ ამ პერიოდში უმაღლესი და ტექნიკური განათლება აფხაზეთის სოფლის მოსახლეობაში არცერთ კაცს არ ჰქონდა; უმაღლესი განათლება არ ჰქონდათ სოხუმის ოლქში მცხოვრებ კაზაკებსა და სხვა უცხოელ ახალმოსახლეებსაც.¹⁵³¹ აფხაზეთში მოსახლეობის ამ კატეგორიიდან მხოლოდ ქალაქ სოხუმში აღმოჩნდა 3 კაცი, რომელსაც საშუალოსპეციალური განათლება ჰქონდა, ხოლო მთლიანად ოლქში ამ ფენებიდან 32 კაცი და 36 ქალი იყო საშუალო განათლებით.¹⁵³² ოდნავ განსხვავებული მდგომარეობა დაფიქსირდა სოხუმის ოლქის თავადაზნაურობისა და ჩინოვნიკების ოჯახებში. ამ სოციალურ კატეგორიაში წერაკითხვის მცოდნე იყო 1653 კაცი, წერაკითხვის უცოდინარი – 3574 კაცი.¹⁵³³ უმაღლეს სასწავლებლებში განათლება მიღებული ჰქონდა 35 კაცს, სპეციალური ტექნიკური განათლებით იყო 7 კაცი, საშუალო სპეციალური განათლება ჰქონდა 20 კაცს, საშუალო განათლება კი – 275.¹⁵³⁴

განათლების მხრივ სავალალო მდგომარეობა შეიქმნა სოხუმის ოლქის სასულიერო და საზოგადოების სხვა ფენებშიც. გაზეთ „სახალხო ფურცელში“ თეოდ სახოკია ფსევდონიმით „სოხუმელი“ საზგასმით მიუთითებდა: „სამწუხაროა ის ფაქტი, რომ დღემდე ამ ნიჭიერ ხალხის, როგორც აფხაზები არიან, შეილთაგან უმაღლესი სასწავლებელი არავის დაუშთავრებია“.¹⁵³⁵ აქედან გამომდინარე, განათლებას და საგანმანათლებლო პოლიტიკას საქართველოს ამ კუთხისათვის განსაკუთრებული მნიშვნელობა ენიჭებოდა. ეს იყო შედეგი ერთიანი ქართული სახელმწიფოს დაშლის, ისტორიული ბედუკუდმართობის, გარეშე მტრების განუწყვეტელი ექსპანსიისა, რის გამოც საგრძნობლად შეფერხდა საქართველოს კულტურული განვითარება. ყოველივე ამან რეგიონში სერიოზულად შეასუსტა ქრისტიანული ტრადიციები, გააძლიერა მაჰმადის რჯული და წარმართობაც. ამ მდგომარეობიდან გამოსავალი ორი იყო: ან აფხაზეთი დაუბრუნდებოდა მამა-პაპათა კულტურულ ფასეულობებს – საერთო ქართულ ქრისტიანულ-მართლმადიდებლურ კულტურულ სამყაროს, ან დაადგებოდა რუსეთის მიერ თავს მოხვეულ ძალმომრეობით კულტურულ ცხოვრებას, რომლის შედეგი რუსულ კულტურულ სივრცესთან შეერთება და საბოლოოდ რუსიფიკაცია იქნებოდა.

აშკარაა, რომ ცარიზმი, თავისი კოლონიური პილიტიკიდან გამომდინარე, საქართველოს ამ კუთხეში განათლების ქართულ სისტემას არ შექმნიდა.¹⁵³⁶ მისი გლობალური პოლიტიკური ამოცანა სტრატეგიულად მნიშვნელოვან გეოპოლიტიკურ სივრცეში აქტიურ რუსიფიკაციას გულისხმობდა, რაც რუსული განათლების სისტემის ყოველმხრივი კულტივირების საფუძველზე შეიძლებოდა მხოლოდ მომხდარიყო. ამიტომაც ეს პოლიტიკა ძირითადად განმსაზღვრელი იყო XIX საუკუნის ბოლოდან 1917 წლამდე.

1880 წლიდან 1905 წლამდე აფხაზეთში გაიხსნა 86 სკოლა, აქედან მართლმადიდებლობის აღმდგენი საზოგადოების ხაზით სამი – მოქეში, აჭანდარასა და

¹⁵²⁸ . ჯ. გამახარია. აფხაზეთი და მართლმადიდებლობა, გვ. 520.

¹⁵²⁹ . იქვე, გვ. 520, 521.

¹⁵³⁰ . Первая всеобщая перепись ..., გვ. 1.

¹⁵³¹ . იქვე, გვ. 80.

¹⁵³² . იქვე, გვ. 80.

¹⁵³³ . იქვე, გვ. 78.

¹⁵³⁴ . იქვე, გვ. 78 -83.

¹⁵³⁵ . სახალხო ფურცელი, 1905, 1 აპრილი.

¹⁵³⁶ . ვრცლად იხ. ი. გელენავა. სასულიერო სამრევლო სკოლები აფხაზეთში (1900-1917 წწ.). – ლოგოსი, 2007, №IV, გვ. 209-215; ი. Геленава. О некоторых аспектах религиозно-просветительной политики царизма в Абхазии (1900-1917 г.г.). – საისტორიო ვერტიკალები, 2005, №9, გვ. 81-89.

ფოქვეში, დანარჩენები კი საეპარქიო სასწავლო საბჭოს დაქვემდებარებაში იყვნენ.¹⁵³⁷

აფხაზეთში, კერძოდ, სამურზაყანოში სკოლების სიმცირისა და მიუწვდომლობის გამო, კვლავ გამოიყენებოდა სწავლა-აღზრდის ხალხური წესები.¹⁵³⁸ საშინაო აღზრდაში მთავარი ადგილი ოსტატს (მასწავლებელს), მღვდელს, ბერსა და ოჯახის დიასახლისს ეჭირა. ოჯახში არსებობდა „ზეპირი სკოლები“, რომლებშიც „ვეფხისტყაოსანს“ და სხვა ნაწარმოებებს ასწავლიდნენ. დიდწილად ამან შეინარჩუნა აფხაზეთში ქართული სული.

1900 წელს აფხაზეთის სახალხო სკოლებში მასწავლებელთა რიცხვი აღწევდა 46-ს; მათ შორის აფხაზი იყო 3, ქართველი - 25, რუსი - 14, ესტონელი - 3 და გერმანელი - 1.¹⁵³⁹

1880 წელს სოხუმის მთიელთა სკოლაში (რომელიც 1863 წელს გაიხსნა მთიელთა შვილებისათვის და იმყოფებოდა სამხედრო უწყების მეთვალყურეობაში, ამავე დროს შედიოდა სახალხო განათლების სამინისტროს სისტემაში და სწავლა-აღზრდის მხრივ ემორჩილებოდა კავკასიის სასწავლო ოლქს. სკოლა 1917 წლამდე ფუნქციონირებდა) ირიცხებოდა 80 აღსაზრდელი. 1900 წელს კი აქ გაიხსნა ბიბლიოთეკა. სკოლა თავისი არსებობის მანძილზე ერთგულად ემსახურებოდა ახალგაზრდობის გარუსების საქმეს.¹⁵⁴⁰

XIX ს-ის დასასრულისა და XX ს-ის დასაწყისისათვის თავი გამოიჩინეს აფხაზმა, ქართველმა და სხვა ეროვნების პედაგოგებმა, მათ შორის იყვნენ თ.ეშბა, ა.ჭოჭუა, ი.გუგია, პ.ჭარაია, თ.სახოკია, ანთ.ჯუღელი, კ.მაჭავარიანი, პ.შაყრილი, ნ.ჭეღია, ნ.ჯანაშია, ი.ლაკერბაია, გ.ეშბა, ნ.ქირთბაია, კ.მარშანია, გრაძკი, დ.აჯამოვი და სხვ.

გრძელდებოდა აფხაზური ანბანის დახვეწაზე მუშაობა. 1892 წელს კ.მაჭავარიანმა და დ.გულიამ შეადგინეს ახალი აფხაზური საანბანო წიგნი და გამოსცეს თბილისში. ეჭვგარეშეა, ქართველი მოღვაწეების თანადგომა აფხაზური დამწერლობის შექმნაში პატივისცემის გულწრფელი გამოვლინება იყო აფხაზი ხალხისადმი. დ.გულიას აზრით, „ეს ანბანი აფხაზურმა სკოლებმა ნახეს პირველად და მისის საშუალებით აფხაზმა ბავშვებმა დაიწყეს სწავლა მშობლიურ ენაზე. გამოჩნდა საშუალება მშობლიურ ენაზე ხალხთან საუბრისა“.¹⁵⁴¹ ამ წიგნმა მაინც ვერ შეასრულა მნიშვნელოვანი როლი აფხაზი მოსახლეობის განათლების საქმეში, რადგანაც ცარიზმის მიზანი რეგიონის რუსიფიკაცია იყო..

1900-იან წლებში მყარად ჰქონდა ფეხი მოკიდებული „ჭეშმარიტი რუსების კავშირს“. მისი წევრები იბრძოდნენ, რათა აღმოეფხვრათ ქართული ენა სოხუმის ოლქში. კავშირის მთავარი სულისჩამდგმელები იყვნენ ადგილობრივი რუსული მოსახლეობა, რუსული სამღვდელთა, მათ შორის: ლ.პროგულებიცი (ოლქის უფროსი), ვ.იასტროვოვი (ეპარქიალური ზედამხედველი), მღვდლები ს.პროტოპოპოვი, ს.ალფიოროვი, გ.გოლუბოვი (იმ პერიოდში სამოსწავლო საბჭოს წევრი) და სხვა. ისინი ყოველ ღონეს ხმარობდნენ რეგიონის გარუსებისათვის, ქართველთა და აფხაზთა დაპირისპირებისათვის; ცდილობდნენ, რაიმე ზიანი მიეყენებინათ საპასუხისმგებლო თანამდებობებზე მყოფი ქართველებისათვის; აშკარა ცილისწამებას და ბეზღობასაც არ ერიდებოდნენ.¹⁵⁴² საქართველო-იმერეთის სინოდალური კანტორის 1898 წლის 17 მარტის ბრძანებულებით აფხაზეთისა და სამურზაყანოს სკოლებში აიკრძალა ქართული ენის სწავლება.¹⁵⁴³

ცარიზმის მცდელობის მიუხედავად, ტრადიციული ქართულ-აფხაზური მეგობრული ურთიერთობები მაინც გრძელდებოდა. შთამომავლობისათვის უდიდესი მაგალითია გიორგი მიხეილის ძე შარვაშიძისა (1847-1918წწ.) და აკაკი წერეთლის მეგობრული ურთიერთობა, ერთმანეთისადმი მიძღვნილი ლექსები. ლიტერატურათმცოდნეებმა დაადგინეს, რომ გ.შარვაშიძისა და აკაკი წერეთლის შემოქმედებაში იგრძნობა ღრმა

¹⁵³⁷ . ჯ. გამახარია. აფხაზეთი და მართლმადიდებლობა, გვ. 1020-1029.

¹⁵³⁸ . ი. გულენავა. რუსეთის საგანმანათლებლო პოლიტიკის ზოგიერთი ასპექტის შესახებ აფხაზეთში XIX ს. დასასრულსა და XX ს. პირველ ოცწლეულში (სამურზაყანოს მასალებზე დაყრდნობით). – კლიო, 2005, №26, გვ. 77-98.

¹⁵³⁹ . ნ. ვეკუა. სახალხო განათლების დაწყებითი სასწავლებლები რევოლუციამდელ აფხაზეთში (1851-1917). სოხუმი, 1958.

¹⁵⁴⁰ . ნ. ვეკუა. სოხუმის მთიელთა სასწავლებელი (1863-1917 წწ).. – კომუნისტური აღზრდისათვის, 1958, №5, გვ. 73.

¹⁵⁴¹ I , 1925, გვ. 21.

¹⁵⁴² . ა. ზვინგია. „მოგონებები“ (ხელნაწერი). რვეული №2. გვ. 54. იხ. ს.გ.მ. 4669. გვ. 56. იხ. ზ. ცინცაძე, აფხაზეთის საქართველოდან მოწყვეტის სათავეებთან.. – აფხაზეთის ისტორიის პრობლემები. თბ. 1998, გვ. 138.

¹⁵⁴³ . ჯ. გამახარია. აფხაზეთი და მართლმადიდებლობა, გვ. 591-592.

ნათესაობა როგორც ესთეტიკური, ისე თემატური, იდეური და რელიგიური თვალსაზრისით. საინტერესოა ის ფაქტი, რომ უნგრელმა მხატვარმა მიხაილ ზინიმ სწორედ გ. შარვაშიძე გამოიყენა ნატურად „ვეფხისტყაოსნის“ გმირის ავთანდილის სახის შექმნისას.

აღსანიშნავია ასევე კონსტანტინე გიორგის ძე შარვაშიძის (1813-1883წწ.), დავით ჩქოტუას, ალექსანდრე გრიგოლის ძე შარვაშიძის (1855-1932წწ.)¹⁵⁴⁴ მამულიშვილური შემართება, მათი ბრძოლა რუსეთის მცდელობის წინააღმდეგ ღრმა და გადაულახავი უფსკრული შეექმნა ქართულ-აფხაზურ ურთიერთობაში.

დიდი პოპულარობით სარგებლობდა აფხაზეთში საქართველოს უგვირგვინო მეფე – ილია ჭავჭავაძე. 1903 წლის 22 მაისს ილია სტუმრობდა სოხუმს. აქ ის გაგრიდან ჩამოვიდა, სადაც პრინც ა.ოლდენბურგელის მიწვევით იმყოფებოდა.¹⁵⁴⁵ სოხუმის მოსახლეობა აღფრთოვანებითა და დიდი სიყვარულით შეხვდა მგოსანს. მას ორი თანამგზავრი ახლდა: ალ. ორბელიანი და დიმიტრი ჩოლოყაშვილი.¹⁵⁴⁶ აი, რას წერდა გაზეთი „ივერია“: „22 მაისს, სადამოზე სოხუმის „ბულვარში“ სასეირნოდ გამოსულს ხალხში გაისმა მხიარული ჩურჩული: „ილია ჩამოსულა, ილია გვეწვია“; და თითოეულ უჩვენებდნენ ერთმანეთს ბაღში მოსეირნე ჩვენს სახელოვან მგოსანს ილია ჭავჭავაძეს...

...ყველას უნდოდა ახლო დაენახა ეს სასიქადულო მამულიშვილი საქართველოსი, ყველა ნატრობდა მისი ხმის გაგონებას და ფეხაკრეფით მისდევდა“.¹⁵⁴⁷

ქართულ-აფხაზურმა ინტელიგენციამ – ივანე მიმინოშვილმა, თ.სახოკიამ, ს.თურქიამ, ა.ჩუკბარმა, ე.გაბუნია, მაშო ანჩაბაძემ (შალვა დადიანის და), გ.ნორაკიძემ და სხვებმა ილიას გულთბილი შეხვედრა მოუწვევეს და 24 მაისს საზეიმო სადილიც გაუმართეს, რომელიც მოეწყო ალექსანდრე და ივანე შარვაშიძეების ბაღში. გაიშალა მდიდრული ტრადიციული ქართულ-აფხაზური სუფრა, ტკბილი სიმღერებით, თვალწარმტაცი გულთბილი სადღეგრძელოებით. ილიას დინჯად წარმოუთქვამს შემდეგი სიტყვა: „მე ჩემი ამხანაგების მაგიერ და ჩემთავად დიდს მადლობას მოგახსენებთ ამ გადამეტებული პატივისცემისაგან და ღმერთსა ვთხოვ, გიხსნათ თქვენ იმ საშინელი განსაცდელისაგან, რომელიც მე სულთამხუთავივით თვალთ ამეტუზა, როცა აქაურობა დავიარე და დავათვალიერე.

დღეს აქამომდე ამ მშვენიერს აფხაზ-ქართველთა მიწა-წყალს ხმლით ვინახავდით და, ასეა თუ ისე, შევინახეთ კიდევ. დღეს ხმალი ქარქაშში ჩაეგო. დღეს სხვა მტერი მოდის, როგორც ვხედავ, ისე გულდაგულ და პირდაპირ კი არა, როგორც პატიოსანი ხმალი, არამედ ჩუმიად, ქურდულად, როგორც მაცდური და მპარავი. იგი მტერი ფულია, გაიძვერა და მზარავი. იგი ღიმილით და ალერსით მოგექცევათ და ისე გამოგაცლით ხელიდან ამ ლამაზს, ტურფას, მდიდარს ქვეყანას, რომ პირველ ხანში იქნებ მადლობელიც გაუხდეთ.

კიდევ ვიტყვით: ღმერთმა გიხსნათ ამ საშინელი მაცდურისაგან, ღმერთმა ჰქნას და თამამ ხმლისაგან უძლეველნი არ იძლივნეთ მხდალ და მშიშარ ფულისაგან და შეინარჩუნოთ ეს ქართველის სისხლით მორწყული მშვენიერი ქვეყანა თქვენდა სადღეგრძელოდ და თქვენდა შვილთა და ახლობელთა საბედნიეროდ და თავმოსაწონად“¹⁵⁴⁸.

სუფრა აფხაზურ-ქართულ სიმღერებსა და იშვიათი სილამაზის ცეკვებს შეუმკიათ ძუკუ ლოლუას ხელმძღვანელობით. ზეიმი 6-7 საათამდე გაგრძელდებულა.¹⁵⁴⁹

XX-ის 80-იანი წლებიდან იმპერიალისტური პოლიტიკა აფხაზეთში განსაკუთრებით გამკაცრდა. ყველაზე მკაფიოდ ეს განათლების სფეროში იგრძნობოდა, რაც სკოლებიდან ქართული ენის მთლიანად განდევნასა და რუსულის დამკვიდრებაში გამოიხატა. ხორციელდებოდა ეკლესიების რუსიფიკაციის პროცესი, საიდანაც ასევე განიდევნა ენა ქართული, ინიშნებოდნენ რუსი მღვდელმთავრები, აქტიურად დაიწყო მუშაობა აფხაზეთის

¹⁵⁴⁴ . თ. მიბზუანი. აფხაზეთი. II ნაწილი. თბ., 2006, გვ. 148-150.

¹⁵⁴⁵ . ჯ. . . . დასახ. ნაშრომი, გვ. 727.

¹⁵⁴⁶ . ი. გოგებაშვილი. აფხაზეთის შესახებ. - თბ. თბ., 1955, ტ. 4, გვ. 200.

¹⁵⁴⁷ . ივერია, 1903, №118, 4 ივნისი.

¹⁵⁴⁸ . ივერია, 1903, 4 ივნისი. იხ. ი. გელენავა. აფხაზეთის კულტურული ცხოვრების ისტორიიდან (1917-1921 წწ. თბ., 2003. გვ. 35-36.

¹⁵⁴⁹ . საბჭოთა აფხაზეთი, 1966, 15 ივნისი, გვ. 3.

ტერიტორიის დასანაწევრებლად, გაგრის უბანი ჩამოშორდა აფხაზეთს და შავიზღვისპირეთის გუბერნიას შეუერთდა. ფართო მასშტაბები შეიძინა რეგიონის უცხოური კოლონიზაციის პროცესმა, სახელმწიფო პოლიტიკის რანგში იქნა აყვანილი დაპირისპირების გაღრმავება ქართველებსა და აფხაზებს შორის, განსაკუთრებით გაძლიერდა ზეწოლა ქართველობაზე.

2. აფხაზეთი დემოკრატიული რევოლუციის, რეაქციისა და პირველი მსოფლიო ომის პერიოდში. 1905-1917წწ.

XX საუკუნის დასაწყისში რუსეთი სერიოზული ეკონომიკური და სოციალური პრობლემების წინაშე აღმოჩნდა. მთელი იმპერია მოიცვა ფართო რევოლუციურ-დემოკრატიულმა მოძრაობამ, რომელმაც იაპონიასთან ომში დამარცხების შემდეგ კიდევ უფრო მწვავე ხასიათი შეიძინა. 1901-1903 წლებში წინარევოლუციური სიტუაცია საქართველოს მთელ რიგ რაიონებშიც აშკარად შეიმჩნეოდა. წარმოიშვა სერიოზული დაპირისპირება მეფის ხელისუფლებასა და დემოკრატიულ ძალებს, გლეხობასა და მემამულეებს, კაპიტალისტებსა და მუშებს, ცარიზმსა და ეროვნულ-გამათავისუფლებელ მოძრაობას შორის, რამაც თავისი კონცენტრირებული გამოხატულება 1905 წლის წინათველებში შექმნილ რევოლუციურ სიტუაციაში ჰპოვა.

რევოლუციურმა და დემოკრატიულმა განწყობილებამ თავი იჩინა აფხაზეთშიც, სადაც მშრომელი მასა ძირითადად ქართველი, რუსი და ბერძენი ეროვნების წარმომადგენლებისაგან შედგებოდა (აფხაზები მუშებს შორის ერთეულები იყვნენ). მიუთითებენ, რომ 1905 წლის რევოლუციის დაწყებიდან 3 თვის განმავლობაში აფხაზეთში მოეწყო 11-მდე გაფიცვა, მიტინგი, მანიფესტაცია და სახალხო შეკრება.¹⁵⁵⁰

აფხაზეთის ზოგიერთ რეგიონში გლეხები ახერხებდნენ ხელისუფლების ხელში აღებას, თავისი გავლენის დამკვიდრებას და სახალხო-დემოკრატიული მმართველობის შექმნას. ასეთი რამ მოხდა სამურზაყანოს ერთ ნაწილში, რაც ისტორიაში „სამურზაყანოს რესპუბლიკის“ სახელითაა ცნობილი. ამ ხელისუფლებამ იარსება თითქმის ერთი წელი.¹⁵⁵¹ ისტორიას შემორჩა მოგონება „გაგრის რესპუბლიკის“ შესახებ. ამ ხელისუფლებამ ორი თვე იარსება. არის ცნობა, რომ 1905 წლის 16 ნოემბრიდან 20 დეკემბრამდე სოხუმში არსებობდა „რევოლუციური მთავრობა“.¹⁵⁵²

დემოკრატიული მოძრაობის ზეწოლით ცარიზმი იძულებით დათმობაზე მანძილზე წავიდა. ლიბერალური რეფორმები კავკასიაშიც განხორციელდა. კვლავ აღდგა მეფისნაცვლის ინსტიტუტი. 1905 წ. იანვარში თანამდებობიდან გაათავისუფლეს მთავარმართებელი გ. გოლიცინი. იმავე წლის თებერვალში კავკასიაში მეფისნაცვლის პოსტი ი. ვორონცოვ-დაშკოვმა დაიკავა. თითქმის ერთდროულად სოხუმის ოლქის შოვინისტი უფროსი გ. პროგულებიცკი თავადმა ლ. ჯანდიერმა შეცვალა. საქართველოს და მათ შორის აფხაზეთს მოაშორეს შოვინისტურად განწყობილი მღვდელმთავრებიც – ეგზარქოსი ალექსი, სოხუმის ეპისკოპოსი არსენი, რუსიფიკაციის პოლიტიკის მთავარი იდეოლოგი და ცხოვრებაში მისი გამტარებელი, ქართველი ხალხის დაუძინებელი მტერი დეკანოზი ი. ვოსტორგოვი. ახალი ეგზარქოსი ნიკოლოზი (1905-1906წწ.) და სოხუმის ეპისკოპოსი სერაფიმე შედარებით ლიბერალურ პოლიტიკას ახორციელებდნენ. ეპ. სერაფიმემ თხუთმეტწლიანი აკრძალვის შემდეგ ქართულ ენაზე წირვა-ლოცვაც აღადგინა.¹⁵⁵³ მიღებული ზომების მიუხედავად, ხალხის უკმაყოფილება არ ჩამცხრალა.

რევოლუციური მოძრაობის აღმავლობა აფხაზეთში განსაკუთრებით შეიმჩნევა 1905 წლის შემოდგომიდან. ამას განაპირობებდა რევოლუციური მოვლენების ინტენსიფიკაცია, როგორც პეტერბურგში, ისე მოსკოვში. იმპერიის „ორივე დედაქალაქში“ მღელვარებამ თავის აპოგეას 17 ოქტომბრისათვის მიაღწია. ნიკოლოზ II

1550

, გვ. 265.

1551

1905-0907

, 1984, გვ. 42.

1552

იქვე, გვ. 37.

1553

ჯ. გამახარია. აფხაზეთი და მართლმადიდებლობა, გვ. 617-680.

იძულებული გახდა იმავე დღეს გამოეცა მანიფესტი, რომლითაც რუსეთის მოსახლეობას მიანიჭა ყველა ძირითადი დემოკრატიული უფლება და დაჰპირდა სახელმწიფო სათათბიროს გადაუდებელ მოწვევას.

ქართული და აფხაზური ისტორიოგრაფია სამართლიანად ამხვილებს ყურადღებას რუსეთის 1905-1907 წლების რევოლუციაში ეთნიკური აფხაზების განდგომაზე. ჯერ კიდევ 1910 წელს, რუსეთის იმპერიის წინააღმდეგ აქტიური მებრძოლი გიორგი შარვაშიძე ხაზგასმით აღნიშნავდა: „გამოვიდა მოულოდნელი კაზუსი, როგორ მოხდა, აფხაზები – „ცნობილი მეამბოხენი“, უეცრად იყვნენ მშვიდად და ეს მაშინ, როდესაც მთელი რუსეთი მღელვარებაშია... ვერ გაუგებ ამ ხალხს. მუდამ აკეთებენ იმას, რასაც არანაირად არ ელოდები... მათთვის ჯერ კიდევ ფეოდალიზმი გრძელდება, საჭიროა მათში ამ განცდის აღმოფხვრა, რადგან სასაცილოა, ჩვენს დროში, გყავდეს სახელმწიფოში ხალხი ფეოდალური წყობილების ყოფითი სისტემით... რევოლუციურმა პროპაგანდამ აქ წარმატებას ვერ მიაღწია, რადგან აქ არ არსებობდა წოდებრივი დაპირისპირება.“¹⁵⁵⁴

1906წ. მაისში მეფისნაცვლის საბჭოზე აღინიშნა, რომ აფხაზეთის მოსახლეობა, რომელიც ოფიციალურად ატარებდა დამნაშავეს სახელს, ბოლო თვეების მოვლენების დროს გამოირჩეოდა მთავრობისადმი ლოიალობით მეზობელი რაიონების მოსახლეობასთან შედარებით,¹⁵⁵⁵ რითაც აფხაზების გარკვეული ნაწილი ამაყობდა კიდევ.¹⁵⁵⁶ ერთი რამ უეჭველია: აფხაზეთში საოციალური კონფლიქტი აქ არსებული სპეციფიკური ეკონომიკური ურთიერთობის გამო ეროვნებათშორის კონფლიქტად იქცა. თავადაზნაურობის გაბატონებულმა მდგომარეობამ განაპირობა აფხაზთა უმრავლესობის უარყოფითი დამოკიდებულება დემოკრატიული გარდაქმნებისადმი, რისთვისაც იბრძოდნენ სხვა ერების წარმომადგენლები, განსაკუთრებით კი ქართველები. ასეთი მდგომარეობა და განწყობა ზრდიდა დაპირისპირებას ქართველებსა და აფხაზებს შორის.

ს.ლაკობას აზრით, აფხაზი გლეხი, სხვებისაგან განსხვავებით, ვერ შეძლებდა სოციალ-დემოკრატიული იდეების აღქმას; სხვები იბრძოდნენ ფულად-სასაქონლო ურთიერთობებისაკენ, აფხაზები კი ვაჭრობაში და სხვა სახის შრომით სამსახურში ჩართული არ იყვნენ, რადგან ეს დამამცირებლად მიაჩნდათ. ისინი იშვიათი გამონაკლისის გარდა არ ცხოვრობდნენ სოხუმში, გუდაუთასა და ოჩამჩირეში.¹⁵⁵⁷

ს.ლაკობა რევოლუციიდან აფხაზთა განდგომის ერთერთ მიზეზად ასახელებს იმასაც, რომ ისინი ამ მოვლენებს აღიქვამდნენ როგორც ქართულ რევოლუციას. აფხაზთა ერთი ნაწილის ასეთი წარმოდგენა რევოლუციაზე, სწორედ რუსი აგიტატორების მიერ უკანასკნელი ათწლეულების განმავლობაში ჩატარებული პროპაგანდისტული და „აღმზრდელი“ მუშაობის ნაყოფი იყო. სწორედ ისინი უნერგავდნენ ცარიზმის მიერ დამნაშავედ გამოცხადებული და დასჯილი ერის წარმომადგენლებს, ქართველებისაგან თითქოს „დაჩაგრულ“ აფხაზებს სიძულვილს „ქართველი დამპყრობლებისადმი“. და ეს ხდებოდა მაშინ, როდესაც აფხაზების მიერ გამოთავისუფლებულ მიწებზე მთავრობა ოპერატიულად ასახლებდა სხვადასხვა მიმართულების სექტანტებსა და ნებისმიერი ეროვნების ადამიანებს, გარდა ქართველებისა.

საქართველოს პროგრესული საზოგადოება შემოფოთებული იყო აფხაზეთში 1905წ. შექმნილი სიტუაციით. აშკარა იყო შავრაზმელების „გათიშე და იბატონეს“ პოლიტიკის პირველი საგრძნობი შედეგები. ისინი სისტემატურად აქვეყნებდნენ პრესაში წერილებს, რომლებშიც მხილებულნი იყვნენ „ბნელი ძალები“, რომლებიც აფხაზეთში ავრცელებდნენ ათასგვარ ბინძურ მონაჭორს, თითქოს ქართველები აპირებდნენ აფხაზთა ამოწყვეტას და მათი მამულების მიტაცებას.¹⁵⁵⁸ აქტიური იდეოლოგიური მუშაობა ხორციელდებოდა აფხაზების ყველა ფენაში: „თქვენ მშვიდი, კეთილი და

1554 . ზ. პაპასქირი. ნარკვევები..., ნაკვეთი I, გვ.242.

1555 . ჯ. გამახარია. ქართულ-აფხაზურ ურთიერთობათა ისტორიიდან, გვ. 23.

1556 . კაკაბაზ, 1906, 13 იანვარი.

1557 . ზ. პაპასქირი. ნარკვევები..., ნაკვ. I, გვ. 243.

1558 . იქვე, გვ. 243-244.

წესიერების მოყვარული ხალხი ხართ, თქვენგან არავითარი უწესობა არ არის მოსალოდნელი, დარწმუნებული ვართ, არც იქნებაო. მაგრამ თქვენი მეზობელი ქართველები სანდონი არ არიან; იმათგან თქვენს დასაღუპავად რასმე უნდა მოველოდეთ, ამიტომ „ჰკა მაგათო“ დარწმუნებული იყავით, ამისათვის ჯილდოს მეტი სხვა არაფერი გელითო”¹⁵⁵⁹, - აქეზებდნენ აფხაზებს.

1905 წლის დეკემბერში, მოსკოვის სისხლიანი წარუმატებელი აჯანყების შემდეგ, დაიწყო რევოლუციის დაღმავლობა. ცარიზმი, რომელმაც მიიღო დასავლეთევროპული სუბსიდიები, რევანშისათვის ემზადებოდა. ასეთ ვითარებაში მეფის ხელისუფლება შეეცადა, გარკვეული ადმინისტრაციული ცვლილებები განეხორციელებინა სოხუმის ოლქში. უკვე დიდი ხანი ამუშავებდნენ პროექტს, რომ სოხუმის ოლქი შეეერთებინათ შავი ზღვის გუბერნიისათვის. ამასთან დაკავშირებით სოხუმის ქალაქის თავმა ნიკო თავდგირიძემ და ალექსანდრე შარვაშიძემ აფხაზეთის სახელით მეფისნაცვალს შეუამდგომლობა წარუდგინეს სოხუმის ოლქის არა შავიზღვისპირეთის, არამედ ქუთაისის გუბერნიისათვის მიერთების შესახებ. „ეს შეუამდგომლობა, - წერდა „ცნობის ფურცელი“ 1905წ. 7 სექტემბერს, - ნამესტნიკმა გადასცა ქუთაისის გუბერნატორს და დაავალა, ამ საგნის შესახებ მცოდნე პირთაგან კომისია შეადგინოს და გამოიკვლიოს, ქუთაისის თუ ჩერნომორიის გუბერნიას მიეწეროს სოხუმის ოლქი“. ერთობლივი ქართულ-აფხაზური ინტერესების გამომხატველი იყო მეფისნაცვლისათვის წარდგენილი და 1905წ. 19 ნოემბერს „ცნობის ფურცელში“ გამოქვეყნებული სოხუმის ოლქის მცხოვრებთა მოთხოვნები. დოკუმენტის ავტორები მეფისნაცვალს სთხოვდნენ:

„1. ამ ოლქის მთლიანად დატოვება თავის ისტორიულ საზღვრებში, როგორც განსაკუთრებული დამოუკიდებელი კუთხე ადმინისტრაციულ მმართველობის მხრივ - და თუ ასეთი დატოვება არ მოხერხდა, მაშინ იგი შეუერთდეს ჩერნომორსკი გუბერნიას, ისე კი, რომ ადმინისტრაციულ ცენტრად სოხუმი იყოს.

2. ამ ოლქში მცხოვრები აფხაზები აღარ მოიხსენიონ მეტად საძრახის და დაუმსახურებელ სახელით: „ღამნაშავენი“, როგორც ამ ჟამად სწადიან ადმინისტრაციის მოხელენი მიწერ-მოწერის და მათთან საუბრის დროს.

3. ამ ოლქის მცხოვრებთაც მიენიჭოთ ის უფლებანი, რაც სამურზაყანოს ოლქის მცხოვრებთა აქვთ; ოლქის უმიწაწყლო მკვიდრთ ეხლავე დაურიგდეთ მიწები; ის მცხოვრებნი ამ ოლქისა, რუხის ქვეშევრდომნი, რომელიც არა ნაკლებ 7 წლისა დასახლებულან და მფლობელობენ ამა თუ იმ მიწით, ეხლავე მიეწერნენ ამა თუ იმ საზოგადოებას და ამ მიწითაც მხოლოდ მათ და მათ შთამომავლობას შეეძლოთ სარგებლობა და არა სხვა ვისმე; მეგრელები, რომელნიც ამ ოლქში სცხოვრობენ ნაყიდ მიწებზე, ჩაირიცხნენ იმ საზოგადოებებში, სადაც ამ ჟამად სცხოვრობენ და ამოიშალნენ იმ საზოგადოებიდან, საიდანაც მოსულნი არიან.

4. უმაღლესად ნება დართონ დაბრუნდნენ ის აფხაზები, რომელნიც 1877-1878 წწ. ოსმალეთში გადასახლდნენ და ამჟამად დაბრუნება სურთ. ამათ უნდა დაუბრუნდეთ სასახლკაროდ სახელმწიფო მიწები.

5. უსასყიდლოდ დაეთმოს ხალხს აქაური სახელმწიფო და საზაფხულო საძოვარი ადგილები.

6. ეხლავე გაუქმებულ იქნას კავკასიის საპოლიციო დარაჯი, რადგან მას ხალხისათვის არავითარი სარგებლობა, ზარალის მეტი, არა მოაქვს-რა. ამის ნაცვლად თავის დასაცველად ადგილობრივ მცხოვრებთაგან შესდგეს რაზმი.

7. ეხლავე გაიხსნას საფოსტო გზა გაგრასა და ზუგდიდს შუა და განთავისუფლებულ იქნას ხალხი ფოსტის ცხენების შენახვისაგან.

8. ეხლავე შემოდებულ იქნას საერო, უფასო და სავალდებულო სწავლება.

9. ყველა სტიპენდია სტაგროპოლის ვაჟთა გიმნაზიიდან განთავისუფლების შემდეგ გადმოტანილ იქნას სოხუმის რეალურ სასწავლებელში და თვით სტიპენდიების რიცხვი გამრავლდეს.

10. ყველა ამ ოლქში არსებულ სასწავლებელში სავალდებულო გახდეს სწავლება ქართულ ენისა, ხოლო ვისაც სურს, აფხაზურისა და მაჰმადიან-აბხაზებისათვის-არაბულ ენებისა.

11. უმაღლეს სასწავლებლებში ამ ოლქის მცხოვრებთათვის დაარსდეს სტიპენდია.

12. სოხუმის სამთო სკოლა ეხლავე გადაკეთდეს საშუალო სასოფლო-სამეურნეო სასწავლებლად მოსამზადებელ განყოფილებით.

¹⁵⁵⁹ . ცნობის ფურცელი, 1905, 22 აპრილი.

13. სამკურნალო ნაწილი კარგად მოეწყოს, დაარდეს ქსენონები და საავადმყოფოები და სხვა.

14. სოხუმის ოლქის ჯარის-კაცთ ეხლავე მიეცეთ ნება კავკასიაში მოიხადონ ბეგარა და არა სხვაგან სადმე.

15. ეხლავე შემოდებულ იქმნას ნაფიც მსაჯულთა სასამართლო და ინსტიტუტი ამორჩეულ მომრიგებელ მოსამართლეებისა.

16. ხალხს მიეცეთ უფლება, თვითონ აირჩიოს სასულიერო პირი, როგორც მართლმადიდებელ, ისე მაჰმადიანურ მოძღვრებისა.

17. ყველა სამსახურში, თუ განათლების ცენზი უფლებას აძლევს, ადგილი დაეთმოს ადგილობრივ მკვიდრს”.

სოხუმის ოლქის მცხოვრებთა სახელით შედგენილი ამ მოთხოვნებიდან თვალნათლივ ჩანს წინააღმდეგობები. მაგალითად, პუნქტების – 1, 7, და 10-ის შეჯერება გვიჩვენებს საზოგადოებაში არსებულ აზრთა სხვაობას, თუმცა ნათელია განწყობა საქართველოსთან და ქართული ენის სწავლებასთან დაკავშირებით. პირველი პუნქტი აშკარა მცდელობაა, რომ თუკი სოხუმის ოლქი შავიზღვისპირეთის გუბერნიას შეუერთდებოდა, მაშინ ადმინისტრაციული ცენტრი უნდა ყოფილიყო სოხუმში. ამით მოხდებოდა ისტორიული საქართველოს ჩრდილო-დასავლეთ საზღვრის აღდგენა, შედეგად გაგრის რაიონი კვლავ სოხუმის ოლქს შემოუერთდებოდა; ამასთან ოლქის შემადგენლობაში შემოვიდოდა ტერიტორია მდინარე ყუბანამდე.¹⁵⁶⁰ მეფისნაცვალის იძულებული იყო, დასთანხმებოდა სოხუმის ოლქის მცხოვრებთა კანონიერი მოთხოვნების გარკვეულ ნაწილს.

რევოლუციური პროცესებისაგან აფხაზთა განდგომის გამო უადრესად კმაყოფილნი იყვნენ ცარიზმის მოხელეები. 1906 წელს გაზეთი „ოკრაინი როსიი“ წერდა: „აფხაზებმა ჯერ კიდევ ვერ გაითავისეს სოციალიზმი, ამიტომაც მათთან ცხოვრება შეიძლება.“¹⁵⁶¹ სწორედ ამიტომ 1907 წლის 27 აპრილს გამოქვეყნდა იმპერატორის „წყალობა“, რომლის მიხედვითაც აფხაზებს ოფიციალურად მოეხსნათ „დამნაშავე მოსახლეობის“ სტატუსი. ეს იყო მეფის წინაშე გამოჩენილი ერთგულებისათვის მიღებული ჯილდო. კავკასიის მეფისნაცვალის ი.ვორონცოვ-დაშკოვი თავის 1907წ. 11 მაისის მიმართვაში აფხაზებისადმი იმედს გამოთქვამდა, რომ მომავალში „აფხაზები თავისი ხელმწიფე იმპერატორის წინაშე დამნაშავეები არანაირ ვითარებაში არ იქნებიან“, რომ მათ ღირსეულად გაუძღეს გამოცდას.¹⁵⁶² მეფის „მოწყალებაში“ ადაფრთოვანა აფხაზობა, მალე მათ ჯარში სამსახურის ნებართვა ითხოვეს და მიიღეს კიდევ (ქრისტიანებმა). დაიწყო ხალხის თვითშეგნების არა გამოღვიძება, როგორც გაზეთი „კავკაზი“ 1907წ. 12 დეკემბერს წერდა, არამედ ამ თვითშეგნების ძირეული გარდაქმნა; ერი, რომელიც სულ ცოტა ხნის წინათ რუსეთის ძღვევამოსილი იმპერიის წინააღმდეგ მედგრად იბრძოდა და ამ ბრძოლაში „დამნაშავის“ საპატიო სახელი მოიპოვა, ახლა იმავე იმპერიის ერთგული გახდა.

რუსეთის ისტორიაში მნიშვნელოვან პოლიტიკურ მოვლენად იქცა I სახელმწიფო სათათბიროს მოწვევა, რაც მეფის 1905წ. 17 ოქტომბრის მანიფესტით იყო გადაწყვეტილი. რევოლუციის აღმავლობამ I სათათბიროს არჩევნები ჩაშალა, თუმცა 1906წ. თებერვალ-მარტში მაინც შედგა. საქართველოში ეს არჩევნები 1906წ. აპრილ-მაისში ჩატარდა. სოხუმის, ბათუმისა და ყარსის ოლქებიდან სათათბიროს წევრი გახდა გენერალი პროკოფი შარვაშიძე¹⁵⁶³. საქართველოს ეკლესიის ავტოკეფალიის საკითხების უწმ. სინოდში განხილვასთან დაკავშირებით პეტერბურგში მყოფი სოხუმის ეპისკოპოსი კირიონი ერთხელ იყო I სახელმწიფო სათათბიროს სტუმარი. ის დიდი პატივით მიიღო სათათბიროს თავმჯდომარემ ს.მურომცევმა და მინისტრების გვერდით ღოუა დაუთმო. „მეტად კარგ შთაბეჭდილებას ახდენს ბაასი, – წერდა ეპ.კირიონი, – ისე თავისუფლად ჩემ დღეში არ ამომისუნთქია, როგორც სათათბიროში. მჭევრმეტყველება დულს და

¹⁵⁶⁰ . ჯ. დასახ. ნაშრომი, გვ. 730.

¹⁵⁶¹ . ზ. პაპასჭირი. ნარკვევები..., ნაკვ. I, გვ. 243.

¹⁵⁶² . ჯ. დასახ. ნაშრომი, გვ. 368-369.

¹⁵⁶³ . მეორე სახელმწიფო სათათბიროში (1907 წ. თებერვალ-ივნისი) იმავე ოლქებიდან წარმოდგენილი იყო კონსტანტინე კანდელაკი, მესამეში (1907 წ. სექტემბერ-ოქტომბერი – 1912 წ. ივნისი) – კვლავ პრ. შარვაშიძე, მეოთხეში (1912 წ. სექტემბერ-ოქტომბერი – 1917 წ. თებერვალი) – სამურზაყანოელი აკაკი ჩხენკელი. – იხ. გ. საითიძე. ქართული პოლიტიკური აზრი და რუსეთის სახელმწიფო სათათბირო (1905-1917). თბ., 2005.

გადმოდის. წესიერება თათბირის დროს სამაგალითოა. თუმცა ყველა ორატორს სიფიცხე ეტყობა. ყველა ერთგულად მუშაობს საზოგადო საქმისთვის. დიდ მნიშვნელობას ამ სათათბიროს ისტორია აღნიშნავს. ესეა კი მთავრობისგან დევნის მეტი არაფერს უნდა მოელოდეს“¹⁵⁶⁴. მართლაც, სულ მალე, 1906წ. 8 ივლისს, ურჩი სათათბირო დაითხოვეს.

სოხუმის კათედრაზე ეპ. კირიონის დანიშვნა (1906წ. 3 თებერვალი) თავისთავად წარმოადგენდა დათმობას სოხუმის ოლქში დემოკრატიული რევოლუციის მთავარი მამოძრავებელი ძალის – ქართველების წინაშე. აფხაზეთში მისი მოღვაწეობის ხანმოკლე პერიოდი შეადგენს მთელ ეპოქას რეგიონის საეკლესიო ცხოვრებაში. ეპ.კირიონმა იმთავითვე უარყო რუსი მღვდელმთავრების მიერ დანერგილი იძულებითი გაქრისტიანების პრაქტიკა და მთელი ყურადღება მრევლთან შეხვედრებზე, ქადაგებებზე, ახალი სამრევლოების გახსნაზე, ეკლესიების აღდგენა-მშენებლობაზე გადაიტანა; ჰქონდა გეგმა, სოხუმში აეშენებინა „ორი შეუპოვარი სიმაგრე ქართველი ეროვნებისა“¹⁵⁶⁵ – ეკლესია და სკოლა, მაგრამ არ დასცალდა. ცხუმელი ეპისკოპოსის ერთ-ერთი დამსახურება ის იყო, რომ მან ყველა ეროვნების მრევლს – ქართველებს, რუსებს, ბერძნებს – საკუთარ ენაზე ღვთისმსახურების შესაძლებლობა მისცა. აფხაზეთსაც რომ ასეთივე შესაძლებლობა ჰქონოდათ, ეპ.კირიონმა აფხაზთაგან ჩამოაყალიბა და ინტენსიურად მუშაობდა საეკლესიო ლიტერატურის აფხაზურ ენაზე მთარგმნელი კომისია, რომელიც ძირითადად აფხაზური ეროვნების სასულიერო პირებისაგან და ინტელიგენციის წარმომადგენლებისაგან შედგებოდა. კირიონ ეპისკოპოსმა მოასწრო კომისიის ორი სხდომის ჩატარება. აფხაზეთიდან ქართველი მღვდელმთავრის გაწვევის შემდეგ კომისიის საქმიანობა შეჩერდა, მაგრამ მოგვიანებით მან კვლავ განაახლა მუშაობა, რომელიც 1913 წლამდე გაგრძელდა და უფლის სიტყვის აფხაზურ ენაზე თარგმნით დასრულდა (შეასრულეს დ.გულიამ და მღვდლებმა ნ.ლადარიამ, ნ.პატეიფამ და დ.მარღანიამ)¹⁵⁶⁶.

კირიონ ეპისკოპოსს მიზნად ჰქონდა დასახული გამოჩენილი პედაგოგის, იაკობ გოგებაშვილის დახმარებით აფხაზური დედაენის შედგენა და გამოცემა¹⁵⁶⁷. მისმა მოულოდნელმა გადაწყვეტამ ეს გეგმაც ჩაშალა.

ეპ.კირიონის კალამს ეკუთვნის 1906წ. ცხუმელის სახელით პეტერბურგში რუსულ ენაზე გამოცემული ბროშურა „აბხაზია“. საქართველოს ამ უძველესი რეგიონის – აფხაზეთის ისტორიისა და აწმყოს მიმოხილვის შემდეგ ავტორი აკეთებს დასკვნას კანონიკური და ისტორიული თვალსაზრისით სოხუმის ეპარქიის საქართველოს საეპარქოსოსაგან გამოყოფის დაუშვებლობის შესახებ¹⁵⁶⁸. ბროშურის წინააღმდეგ გაილაშქრა ვინმე ლ.ვორონოვმა, რომელმაც 1907წ. მოსკოვში გამოსცა „წიგნი“ „აფხაზეთი საქართველო არ არის“ (Абхазия – не Грузия). მიუხედავად მყვირალა სათაურისა, „ნაშრომს“ არანაირი მეცნიერული ღირებულება არ გააჩნია. ამავე დროს, უნდა ითქვას, რომ ავტორმა მიზანს – ქართველთა და აფხაზთა გაუცხოებას, მათ შორის დაპირისპირებას – ნამდვილად მიაღწია. „აფხაზეთი საქართველო არ არის“ დღემდე სეპარატისტთა ერთ-ერთ მთავარ იდეოლოგიურ საყრდენს წარმოადგენს.

ეპ.კირიონის სოხუმის კათედრაზე დანიშვნამ და მისმა მოღვაწეობამ შოვინისტთა გადიხიანება გამოიწვია. ქართველ მღვდელმთავარს ისინი ნაციონალისტური ინტერესების ლობირებაში ადანაშაულებდნენ, ხოლო აფხაზეთში მის დანიშვნას რუსეთის ინტერესების შელახვად მიიჩნევდნენ. განსაკუთრებით აქტიურობდა

¹⁵⁶⁴ . წმ. მღვდელმთავარმა კირიონ II და აფხაზეთი, გვ.148. სათათბიროში სტუმრობამდე, 1906წ. 22 თებერვალს, ეპისკოპოსები კირიონი და ლეონიდე (ოქროპირიძე) გატჩინაში შეხვედნენ თბილისის ყოფილ გუბერნატორს, იმპერატორ ნიკოლოზ მეორის დედის კანცელარიის უფროსს, გენერალ გ.დ.შარვაშიძეს. შეიტყო რა მიზანი ქართველი მღვდელმთავრების სტუმრობისა, გენერალმა თქვა: „მე თანაუგრძნობ ავტოკეფალიას, ავტონომიას“; შეხვედრის დასრულების შემდეგ ეპ. კირიონმა აფხაზეთის სამთავრო სახლის წარმომადგენელი ასე დაახასიათა: „ბევრისგან გამიგია, რომ შერვაშიძე არ არის გულით ქართველი, მაგრამ ეს ცილისწამებაა“ (იქვე, გვ. 118-119).

¹⁵⁶⁵ . იქვე, გვ. 213.

¹⁵⁶⁶ . ჯ.გამახარია. აფხაზეთი და მართლმადიდებლობა, გვ. 692; წმ. მღვდელმთავარმა კირიონ II და აფხაზეთი, გვ.33, 305-307.

¹⁵⁶⁷ . წმ. მღვდელმთავარმა კირიონ II და აფხაზეთი, გვ. 268.

¹⁵⁶⁸ . იქვე, გვ. 423-438.

ი.ვოსტორგოვი¹⁵⁶⁹, რომლის ცილისწამებებმა დიდწილად განაპირობეს 1907წ. 24 იანვარს ეპ.კირიონის სოხუმიდან გაწვევა და წლების განმავლობაში მისი დევნა-შევიწროება. შემდგომში სოხუმის კათედრის მმართველებად წმ.სინოდი მხოლოდ რუს მღვდელმთავრებს ნიშნავდა. 1907-1919წწ. სოხუმის კათედრას მართავდნენ: დიმიტრი სპეროვსკი (1907წ. 25 იანვარი – 1911წ. 25 ივლისი), ანდრია უხტომსკი (1911წ. 25 ივლისი – 1913წ. 22 დეკემბერი), სერგი პეტროვი (1913წ. 22 დეკემბერი – 1919წ. 1 სექტემბერი)¹⁵⁷⁰. რუსი ეპისკოპოსები, თუ მხედველობაში არ მივიღებთ ეპ. ანდრიას ლიბერალურ-ფარისევლურ პოლიტიკას, ასიმილაციურულ, ეროვნებათაშორისი შეუღლის გაღრმავების, ქართველთა დევნის პოლიტიკას ახორციელებდნენ.

XXს. დასაწყისიდან აშკარა იყო საზოგადოებრივი ცხოვრების გააქტიურება. დემოკრატიული ფენები ცდილობდნენ მოსახლეობის ერთფეროვანი ყოფა უკეთესობისაკენ შეეცვალათ. ამ საქმეში მნიშვნელოვან როლს ასრულებდნენ თვითმოქმედი გაერთიანებები, თანამეგობრობები, საქველმოქმედო ორგანიზაციები, სათვისტომოები და სხვ. ასეთი გაერთიანებების ინტერესთა სფეროს წარმოადგენდა მრეწველობა და სოფლის მეურნეობა, საინვესტიციო პოლიტიკა, ჯანმრთელობა, უპოვართა და ლტოლვილთა დახმარება, მოსახლეობის დასვენებისა და კულტურული გართობის ორგანიზაცია. ყველაზე ეფექტური შედეგებით გამოირჩეოდნენ ეკონომიკური პროფილის გაერთიანებები.

განსაკუთრებული აქტიურობა შავი ზღვის პირას რკინიგზის გაყვანასთან დაკავშირებით გამოიკვეთა. რკინიგზას აფხაზეთისათვის უდიდესი მნიშვნელობა ჰქონდა, ამიტომაც ბუნებრივად ჩანს „კავკასიის გზის საზოგადოების“ წევრთა აქტიურობა, რომ მიეღოთ მთავრობისაგან მისი გაყვანის უფლება, რაც მოიპოვეს კიდევ 1902წელს.¹⁵⁷¹

ჯერ კიდევ 1899წ. დასაწყისში დრანდაში დაარსდა „მეაბრეშუმეობის ამხანაგობა“,¹⁵⁷² 1900წ. სოხუმში დაფუძნდა „კავკასიის სამეურნეო საზოგადოება“ რომლის წესდებაც დაამტკიცა კავკასიის მთავარმართებელმა¹⁵⁷³. ამავე პერიოდში დრანდაში არსდება „სასოფლო-სამეურნეო საზოგადოება“,¹⁵⁷⁴ 1903წ. შეიქმნა „სამურზაყანო-კოდორის ფრინველთა გამშენებელი საზოგადოება“.¹⁵⁷⁵ 1911წ. სოხუმში ჩამოყალიბდა მომხმარებელთა საზოგადოება „სოლიდარობა“, რომელსაც თავისი წესდება ჰქონდა¹⁵⁷⁶, შეიქმნა ასევე „ექიმთა საზოგადოება“ და სხვ.

1915წ. დაბა ოჩამჩირის მცხოვრებნი ქუთაისის გუბერნატორის წინაშე შუამდგომლობენ, დააარსონ „ოჩამჩირის მომხმარებელი საზოგადოება“.¹⁵⁷⁷ ამავე წელს სოფ.გუდაუთის მცხოვრებლებმა შუამდგომლობა აღძრეს გუბერნატორის წინაშე „სასოფლო-სამეურნეო საზოგადოების“ დაარსების შესახებ¹⁵⁷⁸. ამავე პერიოდში სოხუმში მოქმედებას იწყებს სამომხმარებლო კოოპერატიული საზოგადოება „პატრონი“.¹⁵⁷⁹

სასოფლო-სამეურნეო საზოგადოებების ერთ-ერთი მიმართულება იყო პირველი მსოფლიო ომის მიმე პირობებში მოსახლეობის სურსათ-სანოვაგით მომარაგება. ისინი აარსებდნენ საცხოვრებელს, პურის მაღაზიებს, ფარდულებს და ა.შ. 1915წ. სამურზაყანოში გახსნეს კოოპერატიული ფურნე.¹⁵⁸⁰ ამავე წლის მიწურულს დაბა ოჩამჩირის მცხოვრებლებმა დააარსეს „მომხმარებელთა საზოგადოება“. იგი დახმარებას უწევდა მატერიალურად გაჭირვებულ ხალხს. „ეს ამხანაგობა მხოლოდ სამი თვეა არსებობს და

¹⁵⁶⁹ . 1906 წ. მარტში ჟ. „კოლოკოლში“ (№45) ეპ.კირიონის სოხუმში დანიშნვის წინააღმდეგ ი.ვოსტორგოვმა ფსევდონიმით „რუსი“ გამოაქვეყნა ბინძური წერილი „Голос из Сухума“. მაშინ მას საკადრისი პასუხი გაცა არქინამდრიტმა ამბროსი ხელაიამ სპეციალურ წერილში „По поводу статьи «Голос из Сухума»“. მასში მოცემულია საფუძვლიანი კრიტიკა რუსიფიკაციურული პოლიტიკისა საქართველოში, მათ შორის აფხაზეთში. ი. ვოსტორგოვს ეკუთვნის კიდევ ერთი პასუხი ეპ. კირიონის წინააღმდეგ „Скоро ли конец“, რომელიც 1906 წ. სექტემბერში ჟ. „კოლოკოლში“ (№261) გამოაქვეყნა.

¹⁵⁷⁰ . წმ. მღვდელმთავარი გაბრიელი და აფხაზეთი, გვ. 672.

¹⁵⁷¹ . ცნობის ფურცელი, 1902. 27 ივნისი.

¹⁵⁷² . კვალი, 1901. 25 თებერვალი; იხ. ასევე: თ. სახოკია. ჩემი საუკუნის ადამიანები. თბ., 1984, გვ. 52.

¹⁵⁷³ . ივერია, 1900, 28 მაისი.

¹⁵⁷⁴ . ცნობის ფურცელი, 1904, №2418.

¹⁵⁷⁵ . ივერია, 1903. 19 აპრილი.

¹⁵⁷⁶ . სახალხო გაზეთი, 1911 წ. 26 ივლისი.

¹⁵⁷⁷ . საქართველო, 1915, 12 ქრისტეშობისთვე.

¹⁵⁷⁸ . საქართველო, 1916, 1 მარტი.

¹⁵⁷⁹ . საქართველო, 1915, 3 ნოემბერი.

¹⁵⁸⁰ . საქართველო, 1915, 22 ოქტომბერი.

„უკვე კვალიც დაამჩნია“,¹⁵⁸¹ - წერდა გაზ. „საქართველო“.

აფხაზეთში საკმაოდ წარმატებული იყო ურთიერთდამხმარე, ანუ „საურთიერთობო“ საზოგადოებები. მისი პირველი ხსენება 1900წ. ფიქსირდება¹⁵⁸². 1904წ. 14 დეკემბერს სოხუმში აკურთხეს ადგილობრივი საქველმოქმედო საზოგადოების მიერ გახსნილი ღამის თავშესაფარი. ღამის გათვეის გარდა გაჭირვებულთ აქ შეეძლოთ ჩაისა და ცხელი კერძების მიღებაც¹⁵⁸³.

ქველმოქმედება ამხანაგობებისა და საზოგადოებების მუშაობის ერთ-ერთი ძირითადი მიმართულება იყო. აფხაზეთში სპეციალური საქველმოქმედო საზოგადოებები იქმნებოდა, რომელთა საწესდებო მოვალეობას შეადგენდა უპოვართა და მიუსაფართა მატერიალური და სულიერი დახმარება, ასევე სხვადასხვა პროფესიის ადამიანთა გაერთიანება. მაგალითად, სოხუმში შედგა „ურთიერთ შორის დამხმარე საზოგადოება“, რომლის მიზანი იყო, ერთ ჯგუფად გაერთიანებინა სხვადასხვა პროფესიის ადამიანი, აღმოეჩინა წევრებისა და მათი ოჯახებისათვის მატერიალური თუ სულიერი დახმარება, გაეცა სესხი. თუ ამ ორგანიზაციის წევრს დაითხოვდნენ სამუშაოდან, საზოგადოებას უნდა ეზრუნა მისი დასაქმებისათვის, მიეწოდებინა „გონიერი და სასარგებლო გასართობი“. საზოგადოებას უნდა უზრუნველყო თავისი წევრების გონებრივი და ზნეობრივი განვითარებისათვის საჭირო პირობები, როცა მათ ამისათვის ექნებოდათ თავისუფალი დრო¹⁵⁸⁴.

1908-1911 წლებში სოხუმში ასევე ფუნქციონირებდა „ღარიბ მოსწავლეთა დამხმარე საზოგადოება“,¹⁵⁸⁵ „ჭლექთან მებრძოლი საზოგადოება“ (რომლის წესდება მთავრობას 1904წ. დაუბეჭდებია),¹⁵⁸⁶ „ქართული სასკოლო საზოგადოება“,¹⁵⁸⁷ „აფხაზეთის სასკოლო საზოგადოება“,¹⁵⁸⁸ „ცეცხლისაგან დამზღვევი საურთიერთო საზოგადოება“¹⁵⁸⁹ და სხვ.

განსაკუთრებული ეფექტურობით გამოირჩეოდა ქართული საქველმოქმედო საზოგადოების სოხუმის განყოფილება, რომელიც დაარსდა 1915 წლის ნოემბერში. იგი დახმარებას უწევდა ხელმოკლე ოჯახებს. დაარსებიდან ერთი თვის განმავლობაში ამ საზოგადოებისათვის დახმარების სათხოვნელად 166 ოჯახს მიუმართავს. მრავალეროვან აფხაზეთში პარალელურად მოქმედებდნენ საზოგადოებები ეროვნული ნიშნით. მაგალითად, არსებობდა ბერძენების¹⁵⁹⁰, სომხებისა და რუსების (ჭემმარიტ რუსთა კავშირი) საზოგადოებები¹⁵⁹¹. ამ უკანასკნელის მოღვაწეობა გამოირჩეოდა ანტიქართული საქმიანობით.

სოხუმში ფუნქციონირებდნენ „ფილარმონიული საზოგადოება“,¹⁵⁹² „სახალხო უნივერსიტეტის საზოგადოება“, რომელიც 1908 წელს დაარსდა. მოქმედება დაიწყო სახალხო უნივერსიტეტმა, რომლის კურსებზე 30-40 კაცი ირიცხებოდა; სწავლა რუსულ ენაზე მიმდინარეობდა¹⁵⁹³. სოხუმში გაიხსნა დრამატული ხელოვნების მოყვარულთა წრე, რომელსაც თავისი წესდებაც ჰქონდა¹⁵⁹⁴. 1911 წელს მას სახალხო უნივერსიტეტის საზოგადოებასთან შეერთებაც კი განუზრახავს¹⁵⁹⁵.

საქველმოქმედო საზოგადოებები და გაერთიანებები ყურადღებას უთმობდნენ მოსახლეობის განათლებას და კულტურულ დაწინაურებას. ამ მხრივ განსაკუთრებული ღვაწლი „ქართველთა შორის წერა-კითხვის გამავრცელებელ საზოგადოებას“ მიუძღვის. ამ ორგანიზაციის სოხუმის განყოფილების პირველი კრება 1909 წლის 17 მაისს იქნა მოწვეული¹⁵⁹⁶. თუმცა მანამდეც იგი აქტიურად იყო ჩაბმული აფხაზეთში კულტურისა და

1581 . საქართველო, 1916, 9 თებერვალი.

1582 . თემი, 1912, №91.

1583 . ივერია, 1904, 6 იანვარი.

1584 . კვალი, 1902, 29 სექტემბერი.

1585 . სახალხო გაზეთი, 1911, 14 დეკემბერი.

1586 . ცნობის ფურცელი, 1904, 17 ნოემბერი; იხ. სახალხო გაზეთი, 1911, 14 დეკემბერი.

1587 . სახალხო გაზეთი, 1911, 14 დეკემბერი.

1588 . იქვე.

1589 . ბათუმის გაზეთი, 1911, 19 ოქტომბერი.

1590 . ბათუმის გაზეთი, 1911, 27 ნოემბერი.

1591 . დროება, 1909, 25 ივნისი.

1592 . სახალხო გაზეთი, 1912, 13 ივლისი.

1593 . საქართველო, 1915, 6 ქრისტეშობისთვე.

1594 . სახალხო გაზეთი, 1911, 10 ივლისი.

1595 . იქვე, 20 ოქტომბერი.

1596 . დროება, 1909, 25 ივნისი.

განათლების გავრცელების საქმეში. „ქართველთა შორის წერა-კითხვის გამავრცელებელი საზოგადოების“ სოხუმის განყოფილების გახსნის შემდეგ აფხაზეთის დაბებში შეიმჩნევა საზოგადოების ადგილობრივი განყოფილებების გახსნის მცდელობა. 1912 წელს გუდაუთის ქართველობა ცდილობდა დაეარსებინა ადგილობრივი განყოფილება „ქართველთა შორის წერა-კითხვის გამავრცელებელი საზოგადოებისა“.¹⁵⁹⁷ ეს ორგანიზაცია აქტიურად იყო ჩაბმული მხარის კულტურულ ცხოვრებაში. „ქართველთა შორის წერა-კითხვის გამავრცელებელ საზოგადოებასთან“ შეთანხმებით ქსოჭში შეიქმნა სცენისმოყვარეთა წრე, რომელმაც წარმატებით დაიწყო მოღვაწეობა.¹⁵⁹⁸ აფხაზთა კულტურულ ცხოვრებაში მნიშვნელოვანი მოვლენა გახდა 1913 წ. 25 აგვისტოს ს.კლინში აფხაზთა შორის განათლების ბზიფის კომიტეტის დაარსება. სახეიმო დამფუძნებელ კრებას, რომელიც კომიტეტის თავმჯდომარემ ს.აშხვაწამ გახსნა, გუდაუთის უბნის უფროსი დ.ქელბაქიანი თავმჯდომარეობდა.¹⁵⁹⁹

აფხაზეთის საზოგადოებრივმა ორგანიზაციებმა პირველი მსოფლიო ომის პირობებშიც შეძლეს მოწინავე აგრარული ტექნოლოგიების შექმნისამებრ დანერგვა, გაჭირვებულთა და მიუსაფართა მატერიალური დახმარება, კულტურული ცხოვრების ორგანიზება, ჯანმრთელობის კერების შექმნა.

1905-1907წ-ის რევოლუციისა და შემდეგ პერიოდში განხორციელებულ შეზღუდული დემოკრატიული გარდაქმნების ფონზე აფხაზეთში აქტიურდება კულტურული ცხოვრება.

სოხუმის ოლქში მოღვაწე ქართველი პედაგოგები მსჯელობდნენ აფხაზეთის ისტორიასა და მის კულტურულ-ისტორიულ კავშირზე საქართველოსთან. მაგალითად, პეტრე ჭარაიამ გამოაქვეყნა კაპიტალური მეცნიერულ-ეთნოგრაფიული ნაშრომი „აფხაზეთი და აფხაზები“¹⁶⁰⁰. ნიკო ჯანაშიამ დაბეჭდა ეთნოგრაფიული წერილები: „აფხაზები“, „აბრსკილი“¹⁶⁰¹, „ამირანი“, „სახლური აფხაზური გამოცანები“¹⁶⁰² და სხვა. მრავალი საინტერესო სტატია გამოაქვეყნეს აფხაზეთის შესახებ ივანე გეგიაშვილმა,¹⁶⁰³ ანთიმოზ ჯუღელმა, თედო სახოკიამ,¹⁶⁰⁴ მარიამ დადიან-ანნაბაძემ¹⁶⁰⁵ და სხვა მამულიშვილებმა, რომლებშიც საუბარი იყო ქართველთა და აფხაზთა ისტორიულ კავშირზე, მათ ნათესაობაზე.

აფხაზეთის ქართველი მოსახლეობის ბრძოლა სასულიერო და საერო სასწავლებლებში მშობლიური ენის უფლებების აღსადგენად განსაკუთრებით გაძლიერდა 1905 - 1907 წლების რევოლუციის პერიოდში. 1905 წლის 17 დეკემბრის სოხუმის ოლქის სკოლების მასწავლებელთა I არალეგალური ყრილობა იყო პირველი მნიშვნელოვანი ცდა, სასკოლო რეფორმის თვითნებური, ცარიზმისათვის არც თუ ისე მისაღები წესით გატარებისა.¹⁶⁰⁶ ყრილობას ესწრებოდნენ ოლქის როგორც სამინისტრო უწყების, ისე საეკლესიო-სამრევლო სკოლების მასწავლებლები.¹⁶⁰⁷ მართალია, იგი არალეგალურად შეიკრიბა, მაგრამ თავისი მუშაობა ჩაატარა საქალაქო სკოლის დარბაზში. შეკრებილებმა განიხილეს საკითხები: ყველა სკოლის სახალხო ეროვნულ სკოლად გამოცხადება; სასწავლო დისციპლინების სწავლება დედაენაზე და რუსული ენის სწავლების დატოვება სკოლებში როგორც ცალკე სასწავლო საგნისა; ბევრი ითქვა მასწავლებლის მატერიალური და უფლებრივი მდგომარეობის შესახებ. მაგრამ ასეთი ეროვნული მიზნების რეალიზაციას მეფის მთავრობა ყოველთვის უპირისპირებდა საწინააღმდეგო ღონისძიებებს.

1905 წლის რევოლუციის პერიოდში ცარიზმი დროებით დათმობაზე წავიდა და ნება დართო, სკოლებში სწავლება ქართულ ენაზე წარმართულიყო. ეს მოხდა

¹⁵⁹⁷ . ბათუმის გაზეთი, 1912, 27 ივნისი.

¹⁵⁹⁸ . საქართველო, 1915, 5 ქრისტეშობისთვე.

¹⁵⁹⁹ . ჯ. გამახარია. აფხაზეთი და მართლმადიდებლობა, გვ. 693.

¹⁶⁰⁰ . ლიტერატურული საქართველო, 1964, 31 ივლისი.

¹⁶⁰¹ . გრ. შარია. პედაგოგი, საზოგადო მოღვაწე. - საბჭოთა აფხაზეთი, 1962, 29 ივლისი.

¹⁶⁰² . ახუნდაძე. ცნობილი ქართველი პედაგოგი ნიკო ჯანაშია. თბ., 1949, გვ. 28.

¹⁶⁰³ . სახალხო განათლება, 1946, №41.

¹⁶⁰⁴ . ც. არღაშელია. გოგებაშვილის ლაშქარი. - განთიადი, 1989, №1, გვ. 252.

¹⁶⁰⁵ . სახალხო განათლების სახალხო მასწავლებლები და ქართველი მოღვაწეები, კრებული, III, გვ. 199.

¹⁶⁰⁶ . ნ. ვეკუა. მასწავლებელთა პირველი არალეგალური ყრილობა. - საბჭოთა აფხაზეთი, 1965, 28 დეკემბერი.

¹⁶⁰⁷ . ნ. ვეკუა. ქართველი და აფხაზი მოწინავე ინტელიგენციის ბრძოლა თვითმპყრობელობის რუსიფიკატორული პოლიტიკის წინააღმდეგ. - სოხუმის პედ. ინსტიტუტის შრომები, 1956, IX, გვ. 152.

რევოლუციის წლებში. ქართული ენა ისევ დაბრუნდა აფხაზეთში, სვანეთში, სამეგრელოსა და აჭარაში.¹⁶⁰⁸

რევოლუციის დამარცხების შემდეგ საერო და სასულიერო მთავრობა ცდილობდა სწავლის ძველი ტრადიციული სისტემა აღედგინა, თუმცა 1905 წლის რევოლუციურმა მოძრაობამ სავსებით ნათელი გახადა, რომ სკოლა ვერ გადაიქცა თვითმპყრობელობის ერთგული მოხელეების აღმზრდელად, ეროვნული გადაგვარების საიმედო იარაღად. ამიტომ შეეცადნენ უფრო შენიღბული და რაფინირებული ფორმები გამოეყენებინათ.

აფხაზეთში, ქართველ მასწავლებლებთან ერთად, მოღვაწეობდნენ და უსამართლობას უპირისპირდებოდნენ აფხაზი პედაგოგებიც. აფხაზი ბავშვებისათვის სანატრელი იყო აფხაზური ენა, მიმდინარეობდა მათი ასიმილაცია. ის აფხაზი მასწავლებელი, ვინც არ უშინდებოდა მთავრობისაგან მოსალოდნელ სასჯელს და განაგრძობდა აფხაზი ბავშვების დედაენაზე სწავლებას, ათვალწუნებული ჰყავდათ განათლების მესვეურებს. ასეთი იყო თომა ეშბა, რომელმაც სოფ. ბედიასში მოღვაწეობის დროს გახსნა სკოლა და იქ ასწავლიდა აფხაზურ ენას.¹⁶⁰⁹ საყურადღებოა წარმოშობით სამურზაყანოელი იოსებ ლაკერბაიას (ლიხნის ღვთისმშობლის მიძინების ეკლესიის წინამძღვარი და გუდაუთის უბნის ბლადონინი მღვდელი) მოღვაწეობა, რომელიც სოფ. ლიხნში შეთავსებით სკოლის გამგედ მუშაობდა, ასწავლიდა ბავშვებს აფხაზურ ენას.¹⁶¹⁰ გერასიმე ეშბა ბრწყინვალედ ფლობდა აფხაზურ ენას, თარგმნიდა რელიგიურ ლიტერატურას. ნესტორ ქირთბაია მასწავლებლობდა ოტობაიის ორკლასიან სასწავლებელში; მისი, როგორც ხელმძღვანელის, ხანგრძლივი და ნაყოფიერი მუშაობის შედეგად ოტობაიის სკოლა 1919წ. გადაკეთდა უმაღლეს დაწყებით სასწავლებლად.¹⁶¹¹ კონსტანტინე მარშანია მუშაობდა ტამიშის ორკლასიან სკოლაში, მისი ინიციატივით აფხაზეთში რამდენიმე სკოლა გაიხსნა.

აფხაზური სალიტერატურო ენის ფუძემდებელია აფხაზეთის სახალხო პოეტი დიმიტრი გულია (1874-1960წწ.)¹⁶¹². პირველად მან 1907წ. თბილისში ცალკე წიგნად გამოსცა „აფხაზური ანდაზები, გამოცანები და ენის გასატეხები“¹⁶¹³. მისი პირველი ლიტერატურული კრებული სახელწოდებით „ლექსები“ ასევე გამოდის თბილისში 1912წ. ამ წიგნმა აფხაზურ პოეზიას ჩაუყარა საფუძველი.¹⁶¹⁴ 1913 წელს გამოდის მისივე „ჭაბუკის წერილი გოგონას“; ამ პოემამ საფუძველი ჩაუყარა აფხაზურ სატრფიალო ლირიკას.¹⁶¹⁵

1907 წლისათვის აფხაზეთის მეკიდრმა კმაჭავარიანმა, რომელიც იმხანად ქუთაისის გუბერნიის სახალხო სკოლების ინსპექტორად მუშაობდა, მოამზადა და გამოსცა აფხაზური ენის სახელმძღვანელო. როგორც გაზეთი „ზაკავკაზი“ 1907წ. 4(17) თებერვალს იტყობინებოდა, საზოგადოების ნაწილი უარყოფითად შეხვდა აფხაზური ლიტერატურის ხელფონურად შექმნის იდეას.¹⁶¹⁶ ამ პუბლიკაციას გამოეხმაურა ი.გოგებაშვილი. მან არ გაიზიარა „გაზეთების ზოგი კორესპონდენტის“ პოზიცია და აღნიშნა, რომ „ვინაიდან აფხაზური ენა ქართული ენის კილო არ არის, არამედ დამოუკიდებელი ენაა, თუმცა ქართული ენის მონათესავე, როგორც დამოუკიდებელ ენას, მას უდავოდ აქვს უფლება თავის ღვთისმსახურებაზე, თავის დამწერლობაზე, თავის ხალხურ ლიტერატურაზე“¹⁶¹⁷

1907 წელს თომა ეშბამ დაწერა აფხაზურ ენაზე სასწავლო წიგნი მათემატიკაში. 1908 წელს აჭოჭუამ ახალი ანბანის საფუძველზე გამოსცა საკითხავი წიგნი აფხაზურ ენაზე. 1912 წელს რუსეთის არმიის ოფიცერმა, პირველმა აფხაზმა გეოგრაფმა მ.შერვაშიძემ დაასრულა აფხაზეთის რუკის შედგენა აფხაზურ ენაზე აფხაზური

¹⁶⁰⁸ . ივერია, 1906, №66.

¹⁶⁰⁹ . . . , 1977, 2 სექტემბერი.

¹⁶¹⁰ . . .

¹⁶¹¹ . . . , 1979, გვ. 111.

¹⁶¹² . ა. სამხარაძე. დასავლეთ საქართველოს პედაგოგების ბრძოლა ცარიზმის საგანმანათლებლო პოლიტიკის წინააღმდეგ 1900-1907წწ. საკანდ. დის. თბ., 1999, გვ. 105.

¹⁶¹³ . . . , გვ. 112.

¹⁶¹⁴ . აფხაზური ლიტერატურა (მოკლე ნარკვევი). რედ. მ. შირნელი. თბ., 1975, გვ. 14.

¹⁶¹⁵ . აფხაზური პოეზიის ანთოლოგია. რედ. ი. აბაშიძე. თბ., 1957, გვ. 7.

¹⁶¹⁶ . აფხაზური ლიტერატურა (მოკლე ნარკვევი), გვ. 17.

¹⁶¹⁷ . წმ. მღვდელმთავარი გაბრიელი და აფხაზეთი, გვ. 617.

¹⁶¹⁸ . ი. გოგებაშვილი. თხზ., ტ. 4. თბ., 1955, გვ. 200.

სკოლებისათვის (АпсныАпсны ахсаалаахсаала). შეიქმნა სხვადასხვა კულტურულ-საგამანათლებლო დაწესებულებები. სოხუმში გამოიცემოდა რამდენიმე გაზეთი, რომელთაგანაც მთავარს წარმოადგენდნენ „სუხუმსკი ვესტნიკი“ და „სუხუმსკი ლისტოკი“.

1914წ. 1 აგვისტოს რუსეთი ჩაება პირველ მსოფლიო ომში, რომლის მიზანი მსოფლიოს ხელახალი გადანაწილება იყო. მან შეაჩერა იმპერიაში დაწყებული ახალი რევოლუციურ-დემოკრატიული მოძრაობა. ომში გაიწვიეს ათასობით ქართველი აფხაზეთიდან, ბევრი აფხაზიც მოხალისედ წავიდა ფრონტზე. ხალხის მდგომარეობა გაუარესდა, გაიზარდა გადასახადები, იმატა უმუშევართა რიცხვმა. ომის სიმძიმე აფხაზეთში ყველაზე მეტად ქართველებს დააწვათ (სომხები და ბერძნები, რომლებსაც რუსეთის ქვეშევრდომობა არ ჰქონდათ, ჯარში არ მიჰყავდათ, აფხაზები კი მხოლოდ მოხალისეებად მიდიოდნენ); მასობრივმა გაწვევებმა საგრძნობლად შეამცირა მათი ხვედრითი წილი მოსახლეობაში. შესაბამისად გაძლიერდა მათზე ზეწოლაც. 1917წ. 1 მარტს გაზ. „სახალხო ფურცელი“ აღნიშნავდა, რომ ამ მძიმე ვითარებაში მოხდა ქართველთა და აფხაზთა შეკავშირება, მრავლად იყო ურთიერთთანადგომის ფაქტები.

აფხაზეთში კარგად იყო ორგანიზებული დახმარება ფრონტისათვის, ომში წასულთა ოჯახებისათვის. აქტიურად მოქმედებდა წითელი ჯვრის აფხაზეთის განყოფილება, რომელსაც სათავეში ედგა სოხუმის ქალაქის თავის მეუღლე ე.თავდგირიძე¹⁶¹⁸.

პირველი მსოფლიო ომის წლებში აფხაზეთში არსებულ პოლიტიკურ მდგომარეობაზე მოგვითხრობს ცნობილი ქართველი საზოგადო მოღვაწე სამსონ ფირცხალავა, რომელმაც 1915წ. ოქტომბერში მთელი რეგიონი შემოიარა. ოჩამჩირეში ყოფნისას მან შენიშნა, რომ იქ არ იყო „გაბმული ძაფი დანარჩენ საქართველოსთან და აქაური მაჯა არ უერთდება სამშობლოს საერთო მაჯისცემას“. შედარებით უკეთესი მდგომარეობა ნახა ს.ფირცხალავამ სოხუმში. ქალაქის 40 ათასიანი მოსახლეობის ნახევარს ქართველები შეადგენდნენ, ქონებრივადაც უპირატესობა მათ ეკუთვნოდათ. სოხუმში გაცილებით უფრო ძლიერი იყო ქართველთა ეროვნული თვითშეგნება (აფხაზები ქალაქში თითქმის არ ცხოვრობდნენ). „აქ ქართველობა ჰგრძნობს თავის სახეს... სწყურია დაეწაფოს ეროვნულ ცხოვრებას და მჭიდროდ დაუახლოვდეს მთელს ჩვენს ქვეყანას“, – წერდა ს. ფირცხალავა. არსებობდა სერიოზული პრობლემებიც. 1915წ. გახსნილ სამასწავლებლო სემინარიაში არცერთი ქართველი არ მიუღიათ, ქართულ ენას იქ არ ასწავლიდნენ; ქალაქის ოთხი ეკლესიიდან არცერთში წირვა-ლოცვა ქართულად არ წარმოებდა.

სოხუმის ოლქის ყველაზე მწვავე პრობლემად ს.ფირცხალავა ქართულ-აფხაზური ურთიერთობების პრობლემას მიიჩნევდა. აფხაზთა შორის, – წერდა იგი, – გამოჩნდნენ „ისეთები, რომელთაც დაიწყეს ლაპარაკი: ჩვენ ქართველებთან საერთო არც გვქონია და არც გვაქვს... საბედნიეროდ ასეთი მიდრეკილება ნელ-ნელა ჰქრება“. განცალკევების მქადაგებელ ინტელიგენტ აფხაზებზე უარყოფითი გავლენა აკად. ნ.მარის ბოლოდროინდელ გამოკვლევებს (აქვე, გვ. 31) მოუხდენია, – შენიშნავდა ს.ფირცხალავა.¹⁶¹⁹ მას „აღბათ, მხედველობაში ჰყავდა მოსახლეობის დაბალი ფენებიდან გამოსული, რუსიფიკაციის პოლიტიკის ზეგავლენით აღზრდილი ახალი ინტელიგენცია – მთარნავა, ს.ჭანბა, ა.ჩუკბარი და სხვები. მათი შეხედულებები მკვეთრად განსხვავდებოდა ძირძველი აფხაზური თავადაზნაურული ინტელიგენციის (გიორგი შარვაშიძე და სხვ.) პროქართული შეხედულებებისაგან. ამიტომ XX საუკუნია 10-იან წლებში მიმდინარეობდა არა აფხაზი ხალხის აღორძინებისა და თვითგამორკვევის პროცესი, როგორც ეს სეპარატისტულ ისტორიოგრაფიას მიაჩნია¹⁶²⁰, არამედ ხდებოდა ხალხის მოწყვეტა ეროვნული ფესვებისაგან, პროიმპერიული თვითშეგნების ჩამოყალიბება. ს.ფირცხალავას აზრით, ამ პროცესს ხელი შეუწვევს ნ. მარის შრომებმაც.

აფხაზეთში ყოფნისას ს.ფირცხალავას ახალი ათონის მონასტერიც მოუნახულებია. ბერების რაოდენობა 600-700-დან სამასამდე შემცირებულა; ქართველ ბერებს ან

¹⁶¹⁸ . ჯ. გამახარია. აფხაზეთი და მართლმადიდებლობა, გვ. 722-723.

¹⁶¹⁹ . იქვე, გვ. 736-737.

¹⁶²⁰ . О. Х. Бгажба, С. З. Лакоба. История Абхазии, гв. 271-272.

მორჩილებს მონასტერში არ იღებდნენ. გუდაუთაში ქართველობა ეკონომიკურად ძლიერი ყოფილა, მაგრამ „ეროვნული ინტერესები აქაც აბუჩადაა აგდებული“. ს.ფირცხალავას ცნობით, გუდაუთაში არსებული „მცირე წრე აფხაზთა ინტელიგენტებისა, რომელთაც სურთ სწავლა-განათლების გავრცელება ხალხში. ბევრი სიმწარე გადმომცეს აფხაზების მდგომარეობისა. ძლიერ ჩამორჩენილნი და დაქვეითებულნი არიან და ესლა იწყებენ ნელ-ნელა მოქალაქეობრივ ცხოვრებას. ყველა მათ სწავრავდა და იბრიყვებდა და ქართველებმაც ვერ გაუწიეთ კეთილი ძმობა“. ს.ფირცხალავა მოუწოდებდა ქართველობას, „გაუწოდოთ აფხაზებს ძლიერი ხელი... რაც ჩვენ შეგვიძლია ერთმანეთისთვის, იმას არ გაგვიკეთებს არავინ უცხო და გარეშე“. აფხაზეთიდან ის წამოვიდა მწარე შეგნებით, „რომ უგუნურად მივიწყებულა ის მხარე, რომელიც საღაროა საგანძურებისა და რომელიც საფუძველია ჩვენის ეროვნულის განვითარებისა. წარმოვიღე შეგნება იმისა, რომ ეს მხარე უკიდურეს საფრთხეშია, მას ყოველის მხრით ეტანება ურიცხვი მტერი და თუ განსაკუთრებული ზომები არ მივიღეთ, ხელიდან გამოვგტაცებენ. და როდესაც ამ შავი ზღვის პირს დაეკარგავთ, მაშინ იძულებული გავხდებით თავშესაფარი გამოვძებნოთ სადმე შორეულ აზიაში...“¹⁶²¹. ს.ფირცხალავას დაკვირვებები და დასკვნები დღესაც აქტუალურია.

მეფის ხელისუფლება მუდმივად ცდილობდა აფხაზეთის ქართული სამყაროსაგან ჩამოცილებას, რომლის წინაპირობად მას საქართველოს საეგზარქოსოსაგან სოხუმის ეპარქიის გამოყოფა მიაჩნდა. ამ გეგმის განხორციელების პირველი მცდელობა, როგორც ზემოთ ითქვა, დემოკრატიულმა რევოლუციამ ჩაშალა. მიზანი ვერ იქნა მიღწეული 1907-1908 და 1912-1915 წლებშიც.

1916წ. დასაწყისში უწმ. სინოდის გეგმაც სოხუმის ეპარქიის საქართველოს საეგზარქოსოსაგან, ხოლო სოხუმის ეპარქიისაგან - სამურზაყანოს გამოყოფას (ამით უწმ. სინოდმა საბოლოოდ აღიარა სამურზაყანოელთა ქართველობა) ითვალისწინებდა. რუსეთის ხელისუფლება სჯიდა ქართველებს ეკლესიის ავტოკეფალიისა და პოლიტიკური ავტონომიის მოთხოვნისათვის; აფხაზეთის დაყოფის გეგმა კი სოხუმის ოლქის თვითმმართველობის შექმნაზე ფიქრის დაწყებით იყო ნაკარნახევი.

ქართულმა საზოგადოებამ განგაში ატეხა. უწმ. სინოდის ვერაგული გეგმა სასტიკად გააკრიტიკა ნ.დურნოვომ¹⁶²². 1916წ. აპრილ-მაისში არქ. ამბროსი ხელაიამ პეტერბურგში გამოაქვეყნა მეტად მწვავე და საინტერესო წერილი „სოხუმის ეპარქიის შესახებ“; მისი ძირითადი ნაწილი აფხაზეთ-სამურზაყანოს ისტორიის საკითხებს ეხებოდა. წერილში დასაბუთებულია წინადადება: „სოხუმის ეპარქია უნდა დარჩეს აფხაზებს და სამურზაყანოელებს, გამოიყოს მისგან შავიზღვისპირეთის გუბერნია. სოხუმში უნდა იჯდეს ცხუმელი, როგორც ეს იყო ქართული ეკლესიის დამოუკიდებლობის უამს.“¹⁶²³. ამ წერილის პუბლიკაცია დროში ემთხვევა თბილისში აფხაზეთის დელეგაციის ჩამოსვლას. მის შემდგენლობაში შედიოდნენ: ა.შარვაშიძე, გ.შარვაშიძე, პანჩაბაძე, მემუხვარი, ა.ინალ-იფა, ნ.მარღანია, ბ.ეზუგბაია, ა.ჩუბარი და ა.შ. მეფისნაცვალ ნიკოლოზ ნიკოლოზის ძე რომანოვთან შეხვედრისას (26 აპრილი) დელეგაციამ აფხაზეთის ცალკე გუბერნიად გარდაქმნის საკითხი დასვა, გამოთქვა წუხილი იმის თაობაზე, რომ „განზრახულია სოხუმის ოლქი ჩამოშორდეს ქუთაისის გუბერნიას, რათა შავი ზღვის გუბერნიას შეუერთონ“.

1916წ. 27 აპრილს აფხაზეთის დელეგაცია ეგზარქოს პლატონს შეხვდა და სოხუმის ეპარქიის საეგზარქოსოს შემადგენლობაში დატოვება, აფხაზურ სამრევლოებში ღვთისმსახურების ქართულ ენაზე წარმოება და აფხაზურ სამრევლო სკოლებში ქართულ ენაზე სავალდებულო სწავლების შემოღება მოითხოვა. იგივე მოსაზრებაა დაფიქსირებული აფხაზური საზოგადოების წარმომადგენელთა შუამდგომლობაში უწმ. სინოდის წინაშე¹⁶²⁴.

აფხაზეთის დელეგაციის თბილისში ჩამოსვლამ ნამდვილად ითამაშა გადამწყვეტი როლი საერო და სასულიერო ხელისუფლების მზაკვრული გეგმების

1621 . ჯ. გამახარია. აფხაზეთი და მართლმადიდებლობა, გვ. 738.

1622 . იქვე, გვ. 742-743.

1623 . წმ. აღმსარებელი ამბროსი და აფხაზეთი, გვ. 566.

1624 . ჯ. გამახარია. აფხაზეთი და მართლმადიდებლობა, გვ. 744-748.

ჩაშლაში, თუმცა საკითხი დღის წესრიგიდან მაინც არ მოხსნილა. 1917წ. 27 თებერვალს სოხუმის საქალაქო საბჭო იხილავდა დეკ. გოლუბცოვის მიერ დასმულ საკითხს: „გამოეყოს სოხუმის ეპარქია აფხაზეთ-საქართველოს ეკლესიას, თუ მისივე ნაწილად დარჩეს“. აფხაზი ხმოსნები ნიკო ჯანაშია და ტიმოთე ანუა ქართველებთან ერთად ორი მონათესავე ერის ეკლესიურ ერთიანობას უჭერდნენ მხარს. კენჭისყრისას დეკ. გოლუბცოვის რეზოლუციამ მხოლოდ 6 ხმა მიიღო, ქართველ-აფხაზთა რეზოლუციამ – 17¹⁶²⁵. შოვინისტთა მორიგი ავანტიურაც ამით ჩაიშალა. იმავე დღეს პეტერბურგში თვითმპყრობელური რეჟიმი დაემხო, რუსეთში დემოკრატიულმა რევოლუციამ გაიმარჯვა.

¹⁶²⁵ . იქვე, გვ. 774-776.

თავი XVI. აფხაზეთი – საქართველოს დემოკრატიული რესპუბლიკის შემადგენლობაში.

1. აფხაზეთის საკითხი საქართველოს სახელმწიფოებრივი დამოუკიდებლობისათვის ბრძოლის პერიოდში. 1917 წ. თებერვალი – 1918 წ. მაისი

1917წ. თებერვლის დემოკრატიულმა რევოლუციამ რუსეთში დაამხო თვითმპყრობე-ლური რეჟიმი და იმპერიის სათავეში დროებითი მთავრობა მოვიდა. 1917წ. 9 მარტს ამიერკავკასიის მართვა-გამგეობა განსაკუთრებულ კომიტეტს – ოზაკომს¹⁶²⁶ გადაეცა. მისი ხელმძღვანელი და დროებითი მთავრობის წარმომადგენელი (კომისარი) გახდა რუსეთის IV სახელმწიფო სათათბიროს წევრი სოხუმის, ბათუმისა და ყარსის ოლქებიდან, სამურზაყანოელი აკაკი ჩხენკელი. 1917წ. 10 მარტს რეგიონის მოსახლეობის წარმომადგენელთა თათბირზე სოხუმის ოლქის იმჟამინდელი უფროსის, პოლკოვნიკ ნ.პოლივანოვის ხელშეწყობით ჩამოყალიბდა ოზაკომ-ის ადგილობრივი ორგანო - საზოგადოებრივი უსაფრთხოების დროებითი კომიტეტი ა.შარვაშიძის თავმჯდომარეობით. კომიტეტის წევრები გახდნენ: დ.ზახაროვი (თავმჯდომარის მოადგილე), ნ.თავდგირიძე, ვ. ლაკერბაია და სხვ.; პოლიციის უფროსად ტ. მარშანია დაინიშნა, სოხუმის ქალაქისთავად – ბ. ჩხიკვიშვილი.¹⁶²⁷

1917წ. 2 ივლისს გაიმართა სოხუმის საოლქო სათათბიროს არჩევნები. გაიმარჯვეს სოციალ-დემოკრატებმა (18 ადგილი), წარმატებას მიაღწიეს ასევე ესერებმა (10 ადგილი) და სოციალისტ-ფედერალისტებმა (2 ადგილი). 1917წ. 30 სექტემბერს საოლქო სათათბირომ რეორგანიზებული საოლქო კომიტეტის შემადგენლობაში აირჩია ბ.ჩხიკვიშვილი, ბ.ზახაროვა, წიგწივაძე, ი.გოგელაშვილი, ცარიოვა და სხვები; 12 ოქტომბერს შედგა პრეზიდუმი და საოლქო აღმასრულებელი ხელისუფლების არჩევნები. კომიტეტის თავმჯდომარე გახდა ვ.შარვაშიძე, მდივანი – დ.ზახაროვი; საოლქო კომისრად აირჩიეს ს.ბასარია, საოლქო მილიციის უფროსად – ლ.კარტოზია. 27 ოქტომბერს ს.ბასარია დ.ზახაროვმა შეცვალა.¹⁶²⁸

სამსახურიდან დათხოვნილი რუსი ჩინოვნიკები ეროვნებათაშორისი შუღლის გაღვივებას ცდილობდნენ. არც მათ და არც აფხაზებს არ აწყობდათ საზოგადოებრივი ცხოვრების დემოკრატიზაცია, სახელისუფლებო სტრუქტურების არჩევითობა. სოციალ-დემოკრატები (მენშევიკები), რომელთა ხელში აღმოჩნდა ხელისუფლების სადავეები, ფრთხილ საკადრო პოლიტიკას აწარმოებდნენ, მაგრამ ყოველთვის ვერ ხერხდებოდა ეროვნული ფაქტორის სათანადოდ გათვალისწინება.

შოვინისტების ხელი ყველგან და ყველაფერში იგრძნობოდა. ისინი გაფაციცებით ადევნებდნენ თვალყურს მიმდინარე პოლიტიკურ პროცესებს და უპირისპირდებოდნენ საქართველოს სახელმწიფოებრივი დამოუკიდებლობის აღდგენისაკენ მიმართულ ნებისმიერ ღონისძიებას. ამ პროცესში იყვნენ ჩართული სეპარატისტებიც. მაგალითად, 1917წ. 12 მარტს ქართულმა ეკლესიამ ალაღინა ავტოკეფალია. შოვინისტებმა ამ სამართლიან აქტს ვითომ აფხაზური სამღვდელთა (სოხუმის ეპარქიაში სულ ხუთი აფხაზი მღვდელი მსახურობდა) კრების მოწვევით (1917წ. 24-27 მაისი) უპასუხეს. კრებამ, რომელიც მღვდელ-ბოლშევიკ (?) ვაგრბასთან ერთად სამოქალაქო პირებმა – ს.ბასარიამ (კრების თავმჯდომარე), ს.ჭანბამ (მდივანი) და სხვებმა ჩაატარეს, მიიღო

¹⁶²⁶ . Особый Закавказский Комитет. сб. р. გრძელიძე. საქართველოს პოლიტიკური პარტიების ისტორია (1910-1924). თბ., 1998, გვ. 82.

¹⁶²⁷ . Г. Дзидзария. Формирование дореволюционной абхазской интеллигенции. Тб., 1979. გვ. 284; Дж. Гамахария, Б. Гоня. დასახ. ნაშრომი, გვ. 67-68.

¹⁶²⁸ . დ. ჩიტაია. აფხაზეთის საკითხი საქართველოს პირველ რესპუბლიკაში. აფხაზეთის სახალხო საბჭო. თბ., 2006, გვ. 106-108.

გადაწყვეტილება თვითმდგომი აფხაზური ეკლესიის შექმნის შესახებ.¹⁶²⁹ მისი გადაწყვეტილებები არ გაიზიარეს 1917წ. ივნისში გამართულმა სამურზაყანოელთა საეკლესიო კრებამ და მთლიანად აფხაზეთის ქართულმა სამღვდელოებამ, რომელიც დედა ეკლესიას შეუერთდა.¹⁶³⁰

ეროვნულ საკითხებში ძირითადი ქართული პარტიების შეთანხმებას, ინტერპარტიული საბჭოს დაარსებას (1917წ. 3 აგვისტო) და I ეროვნული ყრილობის მოწვევის მზადების დაწყებას¹⁶³¹ ისევ და ისევ შოვინისტა წაქეზებით აფხაზთა გააქტიურება, ჩრდილოეთკავკასიური ორიენტაციის გაძლიერება მოჰყვა. 1917წ. 6 მარტს შექმნილმა მთიელთა დროებითმა ცენტრალურმა კომიტეტმა იმავე წლის 1 მაისს ვლადიკავკაზში მთიელთა I ყრილობა მოიწვია. აფხაზეთიდან მას აღ. შარვაშიძე ესწრებოდა. აღსანიშნავია, რომ დელეგატები ოვაციებით შეხვდნენ საქართველოს ეროვნულ-დემოკრატიული პარტიის წარმომადგენლის გამოსვლას. ყრილობამ ჩამოაყალიბა გაერთიანებულ მთიელთა კავშირი, აირჩია ცენტრალური კომიტეტი (მთავრობა).

1917 წლის 10-17 აგვისტოს გაიმართა მთიელთა II ყრილობა, რომელმაც დაამტკიცა დებულება ჩრდილოეთ კავკასიის ხალხების სახელმწიფოებრივი მოწყობის შესახებ. ის ითვალისწინებდა ავტონომიური შტატების სახით ამ ხალხების რუსეთის შემადგენლობაში ყოფნას. მთიელთა ცენტრალურმა კომიტეტმა – მთავრობამ 1917წ. 20 ოქტომბერს კახაკთა რადასთან (შეიქმნა 1917წ. სექტემბერში) ერთად ჩამოაყალიბა „კახაკთა კავშირის, კავკასიელი მთიელებისა და სტეპების თავისუფალი ხალხების სამხრეთ-აღმოსავლეთ კავშირი“. მის შემადგენლობაში შევიდა „სოხუმის ოლქის მთიელი ხალხი (აფხაზები)“¹⁶³² და არა სოხუმის ოლქი, როგორც ცრუობს სეპარატისტული ისტორიოგრაფია¹⁶³³.

1917წ. 16 ნოემბერს ეკატერინოდარში მუშაობას შეუდგა სამხრეთ-აღმოსავლეთ კავშირის გაერთიანებული მთავრობა. ამ კავშირის შემადგენლობაში შემავალი მთიელთა კავშირი თავისი მთავრობით აგრძელებდა მუშაობას. კავშირის წარმომადგენელი, სოხუმში ჩამოსული ჩეჩენი ეროვნების ასლანბეგ შერიპოვი (რომელიც მალე ბოლშევიკი გახდა) 1917 წლის შემოდგომაზე ბევრს ცდილობდა მასში აფხაზთა ოფიციალურად ჩართვას, მაგრამ გარკვეულ წინააღმდეგობას წააწყდა. ეს საკითხი მოიხსნა მას შემდეგ, რაც სტუმარმა მოსახლეობას აუხსნა, რომ მთიელთა კავშირი წარმოადგენდა პოლიტიკურ და არა ადმინისტრაციულ გაერთიანებას¹⁶³⁴. ა.შერიპოვის რჩევით და ძალისხმევით, 1917 წლის 7-8 ნოემბერს გაიმართა აფხაზი ხალხის ყრილობა¹⁶³⁵. მან მიიღო გადაწყვეტილება მთიელთა კავშირში გაწევრიანების შესახებ, დაამტკიცა ყრილობის დეკლარაცია და კონსტიტუცია, აირჩია აფხაზთა სახალხო საბჭო (თავმჯდომარე – ს.ბასარია, მოადგილე – გ.აჯამოვი, მდივანი – მ.თარნავა)¹⁶³⁶. ინტერპარტიული საბჭოს 1917 წლის 3 ნოემბრის გადაწყვეტილებით თბილისიდან ჩამოვიდა და აფხაზთა ყრილობას დაესწრო დელეგაცია ა. ჩხენკელის ხელმძღვანელობით.

ყრილობა წარმოადგენდა აფხაზთა თვითგამორკვევისაკენ გადადგმულ პირველ ნაბიჯს, თუმცა ორიენტირები ჯერ არ იყო მკაფიოდ და ცალსახად ჩამოყალიბებული.

¹⁶²⁹ . ჯ. გამახარია. აფხაზეთი და მართლმადიდებლობა, გვ. 777-781. ყრილობის დელეგატები იყვნენ არა სასულიერო პირები, არამედ სოფლებიდან ჩამოყვანილი გლეხები, რომელთა წინაშე სიტყვით ბოლშევიკი ნ. ლაკობაც გამოვიდა (Г. Дзидзария. Формирование..., გვ. 287-288).

¹⁶³⁰ . წმ. მღვდელმწიფე კირიონ II და აფხაზეთი, გვ. 345-353, 473—474; წმ. აღმსარებელი ამბროსი და აფხაზეთი, გვ. 193-197, 396-398.

¹⁶³¹ . რ. გრძელიძე. საქართველოს პოლიტიკური პარტიების ისტორია, გვ. 109-121.

¹⁶³² . Дж. Гамахария, Б. Гогия. დასახ. ნაშრომი გვ. 389.

¹⁶³³ . О. Бгажба, С. Лакоба. История Абхазии, გვ. 289.

¹⁶³⁴ . Э.Эшба. Асланбек Шерипов. Сухуми, 1990, გვ. 158.

¹⁶³⁵ . ა. შერიპოვი იყო ყრილობაზე მთავარი მომხსენებელიც. ამდენად, არ შეესაბამება სინამდვილეს ვ. შნირელმანის მტკიცება, თითქოს, ყრილობის მოწვევის ინიციატორები მენშევიკები იყვნენ (В. Шнирельман. დასახ. ნაშრომი, გვ. 261). პირიქით, თვით ა. ჩხენკელის გამოსვლამ ყრილობაზე შედგეი ვერ გამოიღო (О. Бгажба, С. Лакоба. История Абхазии, გვ. 290).

¹⁶³⁶ . Дж. Гамахария, Б. Гогия. დასახ. ნაშრომი, გვ. 69, 389-391, 740-741; იხ აგრეთვე С. Басария. Абхазия, გვ. 86-90.

სახალხო საბჭო, როგორც ეროვნულ-პილიტიკური ორგანიზაცია, ცნობდა „სოხუმის ოლქის კომიტეტის, ამიერკავკასიის განსაკუთრებული კომიტეტის, ამიერკავკასიის ყველა საზოგადოებრივ-პოლიტიკური დაწესებულებისა და პირის, გაერთიანებულ მთიელთა კავშირის ცენტრალური კომიტეტისა და დროებითი მთავრობის ძალაუფლებასა და კომპეტენციას“¹⁶³⁷. ამრიგად, აფხაზებმა პოლიტიკური კავშირი კი დაამყარეს მთიელებთან, მაგრამ ადმინისტრაციულად რჩებოდნენ ამიერკავკასიის შემადგენლობაში. მთიელთა კავშირის დროებითმა მთავრობამ, რომლის წევრი აფხაზთაგან გახდა ს.აშეხაწაა, თავისი №1 დეკრეტის პირველ პარაგრაფში განსაზღვრა ტერიტორია, რომელზეც მთლიანად ვრცელდებოდა მისი სახელმწიფოებრივი ძალაუფლება; მეორე პარაგრაფში კი ვკითხულობთ: „ზაქათალისა და სოხუმის ოლქების მიმართ მთიელთა დროებით მთავრობას ძალაუფლება აქვს ეროვნული და პოლიტიკური ხასიათის საკითხებში, ხოლო მთიელთა მთავრობის სახელმწიფოებრივი ძალაუფლების ახლავე და მთლიანად გაგრძელება ამ ოლქებზე გადასაწყვეტად მიენდოს ზაქათალისა და სოხუმის ოლქების სახალხო საბჭოებს“¹⁶³⁸. აფხაზთა სახალხო საბჭომ არაერთხელ დაადასტურა, რომ აფხაზეთი რჩება ამიერ-

კავკასიის შემადგენლობაში¹⁶³⁹. საოლქო ყრილობამაც (1918წ. 4-10 მარტი) გადაწყვიტა: „აფხაზეთი შედის ამიერკავკასიის ხალხების საერთო შემადგენლობაში როგორც მისი თანასწორუფლებიანი წევრი“¹⁶⁴⁰. მიუხედავად ამისა, სეპარატისტები კვლავ და კვლავ ცრუობენ და აცხადებენ, რომ მთიელთა მთავრობა 1917წ. ბოლოდან ვითომ აფხაზეთზეც ავრცელებდა სახელმწიფოებრივ ძალაუფლებას¹⁶⁴¹.

რუსეთში 1917წ. 25 ოქტომბრის გადატრიალებამ შეცვალა პოლიტიკური ვითარება ამიერკავკასიაშიც. იმავე წლის 11 ნოემბერს თბილისში შეიქმნა ამიერკავკასიის დროებითი მთავრობა – კომისარიატი ე. გეგეჭკორის თავმჯდომარეობით. ბოლშევიკების მიერ დამფუძნებელი კრების გარეკვის (1918წ. იანვარი) შემდეგ ამიერკავკასიამ გეზი დამოუკიდებლობისაკენ აიღო. 1918წ. 10 თებერვალს ჩამოყალიბდა ამიერკავკასიის სეიმი, რომლის წევრები გახდნენ ძალადობის გზით დაშლილი რუსეთის სახელმწიფო სათათბიროს დეპუტატები ამიერკავკასიიდან. 9 აპრილს სეიმმა დამოუკიდებლობა გამოაცხადა. ახალ მთავრობას სათავეში ა.ჩხენკელი ჩაუდგა. აფხაზეთი ამჯერადაც ამიერკავკასიის ნაწილს წარმოადგენდა.

თვითგამორკვევის გზას დაადგა საქართველო. I ეროვნულმა ყრილობამ (1917წ. 19-23 ნოემბერი) მოისმინა ნ. ჟორდანიას მოხსენება და რუსეთის შემადგენლობაში საქართველოსათვის სრული თვითმმართველობის მინიჭების პროგრამა წამოაყენა, აირჩია ეროვნული საბჭო. სამურზაყანოს სახელით გამოსულმა ივანე გეგიაშვილმა ყრილობის დელეგატებს შეახსენა ისტორიულად აფხაზეთის საქართველოსადმი კუთვნილების შესახებ; აღნიშნა, რომ სამურზაყანო არ შეუერთდა აფხაზებს მთიელებთან კავშირის საკითხში, მაგრამ მუდამუამს ვიყავით და ვრჩებით მეგობრებად; სამურზაყანო თამაშობს მომრიგებლის როლს და მომავალშიც ხიდად გაიდება საქართველოსა და აფხაზეთს შორის. „მოქალაქენო! ჩვენი სურვილია, აფხაზეთი საქართველოს შეუერთდეს“, – განაცხადა ორატორმა და თავისი სიტყვა ასე დაასრულა: „დასასრულ, ჩვენი სურვილია, აფხაზეთ-სამურზაყანო, სოხუმის ოლქი დარჩეს უცვლელად და მიეცეს ეროვნულ-კულტურული ავტონომია თავის საზღვრებში“¹⁶⁴². აფხაზეთსაც გულისხმობდა I ეროვნული ყრილობა, როცა თავის რეზოლუციაში „დღევანდელი მომენტი და საქართველოს თვითმმართველობა“ ჩაწერა: „ფართო თვითმმართველობა მიენიჭება ყველა იმ განაპირა ადგილებს, რომელთა მცხოვრებნი მოისურვებენ საქართველოს

¹⁶³⁷ . ჯ. გამახარია. ქართულ-აფხაზურ ურთიერთობათა ისტორიიდან. თბ., 1991, გვ. 37-38.

¹⁶³⁸ . Дж. Гамахария, Б. Гогия. დასახ. ნაშრომი, გვ. 397.

¹⁶³⁹ . ჯ. გამახარია. აფხაზეთი: ისტორიისა და პოლიტიკის საკითხები. წერილების კრებული. შეადგინა რ. ხარებაგამ. თბ., 2000, გვ. 90.

¹⁶⁴⁰ . ერთობა, 1918, 22, 24 მარტი.

¹⁶⁴¹ . О. Бгажба, С. Лакоба, История Абхазии, გვ. 290.

¹⁶⁴² . აღიონი, 1917, 30 ნოემბერი.

თვითმმართველ ერთეულში შემოსვლას¹⁶⁴³.

სულ მალე ეს საკითხი ქართველთა და აფხაზთა წარმომადგენლების განხილვის საგანი გახდა. 1918წ. 9 თებერვალს თბილისში გაიმართა საქართველოს ეროვნული საბჭოსა და აფხაზთა სახალხო საბჭოს დელეგაციების შეხვედრა, რომელიც შეთანხმებით დასრულდა. შეხვედრას წინ უძღოდა მოსამზადებელი პერიოდი. ინიციატივა საქართველოს ეროვნული საბჭოსაგან მოდიოდა. 1918წ. დასაწყისში მან წინადადებით მიმართა აფხაზთა საბჭოს, გამართულიყო ერთობლივი თათბირი საქართველოსა და აფხაზეთის ურთიერთობის გასარკვევად. ამ შეხვედრაზე საქართველოს ეროვნულმა საბჭომ სამურზაყანოს წარმომადგენლებიც მოიწვია და სთხოვა მათ, ხელი შეუწყო საქართველოსა და აფხაზეთს შორის ძმური კავშირის განმტკიცებას¹⁶⁴⁴.

9 თებერვლის შეხვედრას თბილისში აფხაზთა მხრიდან ესწრებოდნენ ა. შარვაშიძე, მ. ემუხვარი, ნ. მარღანია, პოლკოვნიკი რ. ჩხოტუა, ბ. ცაგურია. ქართულ მხარეს წარმომადგენდნენ ეროვნული საბჭოს აღმასკომის წევრები ა. ჩხენკელი, კ. მესხი, გ. გვაზავა, პ. საყვარელიძე, ნ. ქარცივაძე. აფხაზური დელეგაცია რეგიონის დამოუკიდებლობის აღიარებას და საქართველოსთან კეთილმეზობლური ურთიერთობის დამყარებას ითხოვდა. ეროვნული საბჭოს ლიდერები არ დაეთანხმნენ აფხაზეთის პოლიტიკური დამოუკიდებლობის იდეას და საქართველოს შემადგენლობაში ავტონომიური უფლებებით მისი შესვლის სურვილი გამოთქვეს. ამასთანავე, ა. ჩხენკელმა აფხაზებს აღუთქვა დახმარება 1904წ. შავიზღვისპირეთის ოლქისათვის მიერთებული გაგრის ზონის დაბრუნებაში; მოსაგვარებელი იყო ასევე ურთიერთობა სამურზაყანოსთან, ვინაიდან ის ფაქტობრივად გამოვიდა სოხუმის ოლქის შემადგენლობიდან მთიელთა კავშირთან აფხაზების მიერთების თაობაზე გადაწყვეტილების მიღების გამო. „ჩვენი მიზანია, – განაცხადა ა. ჩხენკელმა, – სოხუმის ოლქის როგორც აფხაზეთის აღდგენა“¹⁶⁴⁵. აფხაზები დათმობაზე წავიდნენ. მიღებული შეთანხმების პირველი პუნქტი შეიცავდა საერთო მისწრაფებას - „საზღვრებში მდინარე ენგურიდან მდ.მზიმთამდე აღდგეს ერთიანი, განუყოფელი აფხაზეთი, რომლის შემადგენლობაშიც შევლენ საკუთრივ აფხაზეთი და სამურზაყანო“¹⁶⁴⁶. გარდა ამისა, შეთანხმება ითვალისწინებდა მომავალში აფხაზეთის პოლიტიკური მოწყობის საკითხის დემოკრატიულ საწყისებზე მოწვეულ დამფუძნებელ კრებაზე გადაჭრას; მხარეები ვალდებულებას კისრულობდნენ, სხვა ერებთან თუ სახელმწიფოებთან სახელშეკრულებო ურთიერთობებში შესვლამდე ამ საკითხზე ერთმანეთთან წინასწარ გამართონ მოლაპარაკებები. ეს კი იმას ნიშნავდა, რომ 9 თებერვლისათვის აფხაზთა და ქართველთა წინაშე აღნიშნული პრობლემა არ იდგა, აფხაზები ფაქტობრივად არ გაწევრიანებულან მთიელთა კავშირში. მხედველობაშია მისაღები ის გარემოება, რომ რუსეთში სამოქალაქო ომის გაჩაღებასთან დაკავშირებით ჩრდილოეთ კავკასიასთან კავშირი ვერ ხერხდებოდა, მთიელთა ორგანიზაციებიც ვერ ფუნქციონირებდნენ.

1918წ. 16-20 თებერვალს სოხუმი რუსმა ბოლშევიკებმა ჩაიგდეს ხელში, შექმნეს ე.წ. რევოლუციური კომიტეტი ე. ეშბას მეთაურობით. ძირითადად იგი ეყრდნობოდა პატიმრობაში მყოფ და კომუნისტების მიერ გათავისუფლებულ სისხლის სამართლის დამნაშავეებს, რომლებიც უმოწყალოდ ძარცვავდნენ მოსახლეობას. მათ ხელში ჩაიგდეს სერიოზული შეიარაღება და ნაძარცვი ქონება, 20 თებერვალს რევოლუციურმა კომიტეტმა „უფლებამოსილება“ მოიხსნა, მისი მოთავეები კი საზღვაო გზით რუსეთში გაიქცნენ. 21 თებერვლის დამეს სამთავრობო ფორმირებებმა სოხუმი დაიკავეს. ყოველივე მომხდარის შესახებ საქართველოს ეროვნულ საბჭოს ქალაქის თავმა ბ.ჩხიკვიშვილმა შეატყობინა. იგი წერდა, რომ განთავისუფლებული და შეიარაღებული დამნაშავეები დრანდის რაიონში გაიქცნენ, თავი ბოლშევიკებად გამოაცხადეს და დაიწყეს ადგილობრივი ქართული (მეგრული) მოსახლეობის დარაზმვა „აფხაზებისა და

¹⁶⁴³ იქვე.

¹⁶⁴⁴ Дж. Гамахария, Б. Гогия. *დასახ. ნაშრომი*, გვ. 744-745.

¹⁶⁴⁵ А. Ментешавили. *Исторические предпосылки современного сепаратизма в Грузии*. Тб., 1998, გვ. 16.

¹⁶⁴⁶ Дж. Гамахария, Б. Гогия. *დასახ. ნაშრომი*, გვ. 402.

მენშევიკების წინააღმდეგ ბრძოლის ლოზუნგით¹⁶⁴⁷; „სასოწარკვეთილებამდე მიყვანილმა“ აფხაზებმა, – აგრძელებდა ბ.ჩხიკვიშვილი, – რომლებიც ლოიალურად არიან განწყობილი მეგრელებისა და სხვათა მიმართ, „შესაძლოა თურქეთს სთხოვონ დესანტი, თუ თქვენი მხრიდან არ იქნება დახმარება წესრიგის აღსადგენად“¹⁶⁴⁸.

სულ მალე აფხაზეთში ეროვნული საბჭოს წევრები დ. სულიაშვილი და ქრ. რაჭველიშვილი, ასევე ზუგდიდელი გლეხების წარმომადგენლები ჩამოვიდნენ. ისინი დაესწრნენ სოხუმის ოლქის გლეხთა II ყრილობას (1918წ. 4-9 მარტი), რომელმაც მიიღო ისტორიული გადაწყვეტილება, აფხაზეთი შეედიეს კავკასიელი ერების საერთო ოჯახში, როგორც მისი თანასწორუფლებიანი წევრი და თავისი საუკეთესო მომავალი დემოკრატიულ საქართველოსთან ერთად გამოჰქედოს. ყრილობამ აირჩია გლეხთა საბჭო და მისი აღმასრულებელი კომიტეტი არზაყან (დიმიტრი) ემუხვარის, დიმიტრი გულიას, მ. ცაავას, მ. ცაგურიას, ვ. ესვანჯიას, კ. ძიძარიას, აბუხბას, ბარციცის, დოცენკოს შემადგენლობით (მდივანი გახდა გ. აჯამოვი)¹⁶⁴⁹.

1918წ. აპრილში თურქეთმა აჭარა და სამხრეთ-დასავლეთ საქართველოს დიდი ნაწილი დაიკავა. ზუსტად იმ დღეებში აფხაზეთს რუსეთიდან შემოჭრილი ბოლშევიკები დაეუფლნენ¹⁶⁵⁰. მათ „დაავიწყდათ“ დაპირებები ერთა თვითგამორკვევის, ავტონომიის შესახებ და აღადგინეს სოხუმის ოლქი. ხელისუფლების ბოლშევიკურმა ორგანომ – ე.წ. რევოლუციურმა კომიტეტმა (რეკომი), რომლის დოკუმენტებში „აფხაზეთი“ საერთოდ არ ფიგურირებს, აფხაზეთა სახალხო საბჭო ფაქტობრივად დაშალა, მისი თავმჯდომარე და წევრების დიდი ნაწილი დააპატიმრა. ამიერკავკასიის სეიმისა და მთავრობის დავალებით ეროვნულმა გვარდიამ ვაჯულელის მეთაურობით 1918წ. 17 მაისს ქ.სოხუმი გაათავისუფლა ბოლშევიკებისაგან და შემდგომში მტერი აფხაზეთის ფარგლებიდანაც განდევნა¹⁶⁵¹. იმავე წლის 29 მაისს ვაჯულელი საქართველოს ეროვნულ საბჭოს აფხაზეთის მოვლენებთან დაკავშირებით მოახსენებდა, თუ როგორ აღვივებდნენ და ამწვაებდნენ ბოლშევიკები შუღლს ქართველებსა და აფხაზებს შორის, ასევე ქართველებსა და სომხებს შორის, მაგრამ ბოლომდე მიზანს მაინც ვერ მიაღწიეს. „არსად ისე აღფრთოვანებით არ მიეუდივართ მცხოვრებთ, როგორც ოჩამჩირეში, რამდენი ტაში, რამდენი ყვავილები, რამდენი დღესასწაული... კოდორის აფხაზები ჩვენთან იყვნენ, გუდაუთისა – ბოლშევიკების მხარეზე“¹⁶⁵², – აცხადებდა ვაჯულელი. უნდა აღინიშნოს, რომ აფხაზურ მოსახლეობას ბოლშევიკურ ავანტიურაში აქტიური მონაწილეობა მართლაც არ მიუღია, თუმცა რეკომის თავმჯდომარედ, გასაგები მიზეზების გამო, ე.ეშბა დაინიშნა. ამბოხების მთავარი ორგანიზატორები იყვნენ ჩრდილოეთიდან მოვლენილი რუსი და უფრო მეტად ქართული ეროვნების ბოლშევიკები¹⁶⁵³, რომლებიც სამშობლოს დაღატობდნენ. ამ დროს, მტკიცება, თითქოს ბრესტის ზავიდან გამომდინარე, საბჭოთა რუსეთს არ ჰქონდა აფხაზეთისათვის (ასეთ პოლიტიკურ ერთეულს ბოლშევიკები საერთოდ არ სცნობდნენ) დახმარების გაწევის შესაძლებლობა¹⁶⁵⁴, უსაფუძვლოა. თანამედროვე სეპარატისტები, ისევე როგორც თავის დროზე ს.ბასარია, არაფერს ამბობენ არნახულ ბოლშევიკურ ძალადობაზე, ძარცვაზე, სახალხო საბჭოს, თვით ს.ბასარიას დაპატიმრებაზე და წერენ ქართველთა „იმპერიული“ მიზნების, საბჭოთა ხელისუფლების ჩახშობის შემდეგ მენშევიკური „სამხედრო

¹⁶⁴⁷. 1918 წ. იანვარში ქ. სოხუმი და მთელი აფხაზეთი ძარცვა-გლეჯის ასპარეზად იქცა. მხოლოდ სააღყო წესების შემოღებისა და სამხედრო მდგომარეობის გამოცხადების გზით მოხერხდა ქალაქში წესრიგის დამყარება, დამნაშავეთა განეიტრალება (საქართველო, 1918, 18 იანვარი). ამ დამნაშავეებს ყურდნობოდნენ ბოლშევიკები.

¹⁶⁴⁸. Дж. Гамахария, Б. Гогия. დასახ. ნაშრომი გვ. 404.

¹⁶⁴⁹. ერთობა, 1918, 22, 24 მარტი. ანგარიში ყრილობის შესახებ რუსულ ენაზე გამოქვეყნებულია: Дж. Гамахария, Б. Гогия. დასახ. ნაშრომი, გვ. 405-409.

¹⁶⁵⁰. იხ. ამის შესახებ: ერთობა, 1918, 17 აპრილი (ბ. ჩხიკვიშვილის წერილი).

¹⁶⁵¹. აფხაზეთში ეროვნული გვარდიის შესვლას წინ უძღოდა ამიერკავკასიის მთავრობის თავმჯდომარის აკაკი ჩხენკელის მიმართვა აფხაზებისა და სამურზაყანოელებისადმი თხოვნით, დაუყოვნებლივ მიიღონ ზომები და შეაჩერონ ანარქია, გამოგზავნონ უფლებამოსილი წარმომადგენლები თბილისში, ამიერკავკასიისა და ჩრდილოეთ კავკასიის წარმომადგენლებთან ერთად აქ შევიშალოთ კონსტიტუცია, დაავადგინოთ სახელმწიფო საზღვრები, რათა ამაში პპოვონ თავიანთი მოლოდინის აღსრულება (ერთობა, 1918, 10 მაისი; Дж. Гамахария, Б. Гогия. დასახ. ნაშრომი, გვ.412).

¹⁶⁵². საქართველო, 1918, 1 თიბათვე (ივნისი). ბოლშევიკების წინააღმდეგ საომრად მზად იყო ტ. მარშანია აფხაზეთის რაზმით, მაგრამ ვ. ვაჯულელმა მისი წინადადება არ მიიღო (დ. ჩიტაია. აფხაზეთის საკითხი, გვ. 160).

¹⁶⁵³. ვ. გამახარია. ქართულ-აფხაზურ ურთიერთობათა ისტორიიდან, გვ. 46-47.

¹⁶⁵⁴. О. Бгажба, С. Лакоба. История Абхазии, гв. 294.

დიქტატურის“ დამყარების შესახებ.¹⁶⁵⁵ სინამდვილეში კი ბოლშევიკური ტირანიისაგან „სოხუმის ოლქის“ განთავისუფლებას მოჰყვა პოლიტიკური ერთეულის – აფხაზეთის ფაქტობრივი აღდგენა და რამდენადმე განახლებული (მეორე მოწვევის) აფხაზეთა სახალხო საბჭოსათვის მთელი ძალაუფლების გადაცემა.

სეპარატისტები, ერთი მხრივ, საბჭოთა ხელისუფლებას (რომელმაც სოხუმის ოლქი აღადგინა) მისტირიან; მეორე მხრივ, 1918წ. 11 მაისს, როცა სოხუმში ჯერ კიდევ ბოლშევიკები ბატონობდნენ, „აფხაზეთის სახელმწიფოებრიობის აღდგენის“ დღედ აცხადებენ იმ მოტივით, რომ მაშინ ბათუმის სამშვიდობო კონფერენციაზე თურქეთმა აღიარა მთიელთა რესპუბლიკა, ამ უკანასკნელის შემადგენლობაში კი ვითომ აფხაზეთიც შედიოდა.¹⁶⁵⁶ ეს არის აშკარა, ყოველგვარ საფუძველს და ლოგიკას მოკლებული მორიგი ტყუილი. 1918წ. 17 მაისამდე, ბოლშევიკების დამარცხებამდე, პოლიტიკური ერთეული – აფხაზეთი არც არსებობდა; ბოლშევიკთა ხელში მყოფ სოხუმის ოლქს კი არანაირად არ შეეძლო „სახელმწიფოებრიობის“ აღდგენა. გარდა ამისა, 1918წ. 20 მაისს აფხაზეთა სახალხო საბჭომ აღნიშნულ საკითხთან დაკავშირებით მიიღო სპეციალური რეზოლუცია, „რომლის მიხედვით, კატეგორიულად მტკიცდება აფხაზეთა სახალხო საბჭოს და საოლქო გლეხთა საბჭოს (4-10 მარტი) გადაწყვეტილება, რომ აფხაზეთი შედის ამიერკავკასიის ხალხთა საზოგადო ოჯახში, როგორც მისი თანასწორი წევრი, რაც დაუყოვნებლივ ეუწყება ბათუმის საზავო კონფერენციას საკუთარი დელეგატების პირით“¹⁶⁵⁷. საბჭოს ნების წინააღმდეგ, აღ. შარვაშიძის ხელმძღვანელობით რამდენიმე პირის მიერ ბათუმში გააკეთებულ განცხადებას (ისინი არც კონფერენციის მონაწილეები იყვნენ და არც სახალხო საბჭოს წარმომადგენლები) არავითარი იურიდიული ძალა არ ჰქონდა. შესაბამისად, არანაირი სამართლებრივი შედეგი ასეთ განცხადებას არ მოჰყოლია.¹⁶⁵⁸ მთიელთა რესპუბლიკის დეკლარაციაში აფხაზეთი მის შემადგენელ ნაწილად არ დასახელებულა. მასში მხოლოდ ის იყო ნათქვამი, რომ რესპუბლიკის სამხრეთის საზღვარი ამიერკავკასიის მთავრობასთან შეთანხმებით დადგინდება.¹⁶⁵⁹

ბათუმის სამშვიდობო კონფერენციის ჩაშლას ამიერკავკასიის ფედერაციის დაშლა და დამოუკიდებელ სახელმწიფოთა ჩამოყალიბება მოჰყვა. 1918წ. 26 მაისს სახელმწიფოებრივი დამოუკიდებლობა პირველად საქართველომ აღიდგინა. მის შემადგენლობაში შევიდნენ ამიერკავკასიის სახელმწიფოს ტერიტორიების ის ნაწილები, რომლებიც ისტორიულად საქართველოს კუთვნილებას წარმოადგენდნენ და ამჯერად აზერბაიჯანის ან სომხეთის ნაწილი არ გამხდარან. ასეთი იყო აფხაზეთის თანამედროვე ტერიტორიაც. ამ საკითხში თავისებური ხედვა ჰქონდა საქართველოს დამოუკიდებლობის მთავარი გარანტის – გერმანიის წარმომადგენელს ფონ-ლოსოვს. ბათუმის კონფერენციაზე, თურქეთისა და ასევე სეპარატისტთა პოზიციის გათვალისწინებით, 1918წ. 28 მაისს საქართველოს მთავრობისადმი გაგზავნილ საიდუმლო წერილში ის აღნიშნავდა, რომ სოხუმის ოლქი (გაგრის ჩათვლით) შეადგენს საქართველოს ნაწილს მანამდე, სანამ კავკასიის ფარგლებში საქართველო იქნება დამოუკიდებელი სახელმწიფო. **საქართველოს მონაწილეობით** (ხაზგასმა ავტ.) კავკასიელი ხალხების კონფედერაციის შექმნის შემთხვევაში სოხუმის ოლქის მოსახლეობას უნდა მიეცეს უფლება კავკასიის ქვეყნებს შორის თავისი მდგომარეობის თაობაზე საკითხის გადაჭრისა“¹⁶⁶⁰. ჯერ ერთი, ეს იყო არა „გერმანიის გეგმა“, როგორც სეპარატისტებს ჰგონიათ, არამედ ფონ-ლოსოვის მოსაზრება; მეორეც, კავკასიის კონფედერაციაში აფხაზეთის ცალკე ყოფნას ის უშვებდა მხოლოდ იმ შემთხვევაში, თუ საქართველოც ამ კონფედერაციის ნაწილი გახდებოდა. ეს „მცირე დეტალი“ მუდმივად ავიწყდებათ სეპარატისტებს¹⁶⁶¹. უსაფუძვლოა

¹⁶⁵⁵ იქვე, გვ. 295; С. Басария. Абхазия, გვ. 91, 92.

¹⁶⁵⁶ О. Бгажба, С. Лакоба. დასახ. ნაშრომი, გვ. 297-298. 1918 წ. 11 მაისს გამოცხადებული მთიელთა რესპუბლიკის დამოუკიდებლობა თურქეთმა, სინამდვილეში, იმავე წლის 8 ივნისს აღიარა და სამოკავშირეო ხელშეკრულებაც გააფორმა (მ. გაბედავა. საზოგადოებრივ-პოლიტიკური მოძრაობა აფხაზეთში 1917-1921 წწ. თბ., 1993, გვ. 18). აფხაზეთი ამ რესპუბლიკის ნაწილი რომ ყოფილიყო, სახალხო საბჭოს წარმომადგენლები ზუსტად 8 ივნისს ხელს არ მოაწერდნენ საქართველოსთან ხელშეკრულების პროექტს, 11 ივნისს – ხელშეკრულებას (იქვე, გვ. 291).

¹⁶⁵⁷ საქართველო, 1918, 23 მაისი.

¹⁶⁵⁸ იხ. ამის შესახებ: А. М. Чочуа. Избр. соч. Тб., 1987, გვ. 69-70.

¹⁶⁵⁹ ერი, 1992, 14 თებერვალი.

¹⁶⁶⁰ А. Ментешавили. Исторические предпосылки..., გვ. 17-18.

¹⁶⁶¹ О. Бгажба, С. Лакоба. История Абхазии, გვ. 300.

მათი მტკიცება, თითქოს საზღვრების მითითების გარეშე 1918წ. 26 მაისის აქტის გამოცხადების მომენტისათვის აფხაზეთი საქართველოს ფარგლებს გარეთ იმყოფებოდა¹⁶⁶². ამიერკავკასიის ტერიტორია, რომლის შემადგენელი ნაწილიც იყო აფხაზეთი, სამმა დამოუკიდებელმა სახელმწიფომ - საქართველომ, ახერხაიჯანმა და სომხეთმა გაინაწილა. დამოუკიდებლობის აქტებში საზღვრები მხოლოდ იმიტომ არ მიუთითებიათ, რომ ერთმანეთთან იყო შესათანხმებელი მომიჯნავე სადავო ტერიტორიების ამა თუ იმ სახელმწიფოსადმი კუთვნილების საკითხი. აფხაზეთი არ ყოფილა სადავო, ამდენად, მასზე ვრცელდებოდა ქართული სახელმწიფოს იურისდიქცია. უადრესად მნიშვნელოვანია ის გარემოებაც, რომ 1918წ. 28 მაისს სოხუმის საოლქო სასამართლოს განყოფილებამ თავის შეკრებაზე საგანგებოდ განიხილა საქართველოს დამოუკიდებლობის გამოცხადებისა და აფხაზეთ-საქართველოს შემდგომი ურთიერთობის საკითხი. ვინაიდან აფხაზეთი იურიდიულად ქუთაისის გუბერნიის შემადგენლობაში იმყოფებოდა, სასამართლომ ჩათვალა, რომ იგი ამიერიდან საქართველოს დემოკრატიული რესპუბლიკის ნაწილია¹⁶⁶³. ამ გარემოებას არ ითვალისწინებდა აფხაზეთა სახალხო საბჭო, რომელიც სხვადასხვა პოლიტიკური ორიენტაციის მქონე და სამართლებრივ საკითხებში არაკომპეტენტური წევრებისაგან შესდგებოდა.

2. აფხაზეთი – საქართველოს დემოკრატიული რესპუბლიკის ავტონომიური ერთეული. 1918 წ. ივნისი – 1919 წ. მარტი

საქართველოს სახელმწიფოებრივი დამოუკიდებლობის აღდგენის შემდეგ აფხაზეთში შექმნილი ვითარება სახალხო საბჭომ 1918 წლის 2 ივნისს განიხილა. მან აღნიშნა, რომ აფხაზეთში დისლოცირებული ამიერკავკასიის წითელი გვარდია, ამჟამად კი საქართველოს სამხედრო ნაწილი, 26 მაისიდან საკუთარი ქვეყნის ფარგლებს გარეთ აღმოჩნდა, მაგრამ რეალური ძალაუფლება მის ხელშია; გამომდინარე აქედან, საბჭომ დაადგინა, თვითონ აიღოს ხელში ძალაუფლება და მიმართოს საქართველოს ეროვნულ საბჭოს თხოვნით, აღმოუჩინოს დახმარება აფხაზეთს ხელისუფლების ორგანიზაციის საქმეში, ხოლო სოხუმში მყოფი ქართული გვარდია დარჩეს ადგილზე და გადავიდეს სახალხო საბჭოს დაქვემდებარებაში¹⁶⁶⁴. ეს ფაქტი, აგრეთვე დელეგაციის მივლინება თბილისში და საქართველოს მთავრობასთან მოლაპარაკების გამართვის შემდეგ 1918წ. 11 ივნისის ხელშეკრულების გაფორმება საბოლოოდ აქარწყლებენ სეპარატისტთა მონაჭორებს მთიელთა რესპუბლიკის შემადგენლობაში აფხაზეთის გაწვევრიანების შესახებ. როგორც სეპარატისტთა ერთ-ერთი ლიდერი მ.თარნავაც წერდა, სახალხო საბჭოს წევრებმა, რეალური ვითარებიდან გამომდინარე, ერთიანად აირჩიეს „ორიენტაცია მენშევიკურ საქართველოზე“ და მის „შემადგენლობაში აფხაზეთის შესვლის საფუძვლების თაობაზე“ ხელშეკრულების გასაფორმებლად „სახალხო საბჭოს დეპუტატებმა თბილისში დელეგაცია გაგზავნეს“¹⁶⁶⁵.

აფხაზეთი დელეგაცია რ.კაკუბას ხელმძღვანელობით 1918წ. 6 ივნისს შეხვდა საქართველოს მთავრობის დელეგაციას სამხედრო მინისტრის – გ.გიორგაძის ხელმძღვანელობით. რ.კაკუბა, როგორც ეტყობა, იცავდა აფხაზეთს სახალხო საბჭოს 2 ივნისის გადაწყვეტილებას; საინტერესოა მისი მოსაზრება აფხაზეთში არსებული პილიტიკური მიმდინარეობებისა და შესაბამისი ორიენტაციების შესახებ: თავადაზნაურობას აშკარად თურქული ორიენტაცია აქვს, – განაცხადა მან; არსებობდა უმნიშვნელო ბოლშევიკური ორიენტაცია, მოსახლეობის ნაწილი მხარს უჭერდა მთის ორიენტაციას. იგულისხმებოდა, რომ თბილისში ჩამოსული აფხაზეთი დელეგაცია, საკუთარ თავს პროქართულ ორიენტაციას მიაკუთვნებდა.

მხარეების მიერ 1918წ. 8 ივნისს ხელმოწერილი ხელშეკრულების პროექტი აფხაზეთმა დელეგაციამ სოხუმს გადაუგზავნა და მოითხოვა მანდატი საბოლოო ვარიანტის ხელმოწერაზე. ამასთანავე, ნათქვამი იყო, რომ აფხაზეთის სრული დამოუკიდებლობის

¹⁶⁶². იქვე, გვ. 301.

¹⁶⁶³. დ. ჩიტაია. აფხაზეთის საკითხი, გვ. 169.

¹⁶⁶⁴. Дж. Гамахария, Б. Гогия. დასახ. ნაშრომი, გვ. 413.

¹⁶⁶⁵. იქვე, გვ. 748-749.

გამოცხადების შემთხვევაში საქართველო ვერ დააკმაყოფილებდა აფხაზთა სახალხო საბჭოს 2 ივნისის შუამდგომლობას. თბილისს აუცილებლად მიიჩნდა ურთიერთობის გარკვევა აფხაზეთის დამფუძნებელი კრების მოწვევამდე. 1918წ. 10 ივნისს აფხაზთა სახალხო საბჭოს გაფართოებულმა სხდომამ თბილისში მყოფ დელეგაციას ხელშეკრულების საკუთარი ვარიანტი შესთავაზა და მისცა მანდატი დოკუმენტის ხელმოწერაზე. 1918წ. 11 ივნისს ხელი მოეწერა ხელშეკრულების საბოლოო ვარიანტს¹⁶⁶⁶. ბუნებრივია, იგი რამდენადმე განსხვავდება სახალხო საბჭოს პროექტისაგან და 8 ივნისს ხელმოწერილი სამუშაო ვარიანტისაგან. ეს, რა თქმა უნდა, არ შეიძლება იყოს საფუძველი მტკიცებისათვის, თითქოს მოხდა დოკუმენტის ჩანაცვლება, მანდატის გარეშე მასზე ხელმოწერა¹⁶⁶⁷ და ა.შ.

1918წ. 11 ივნისის ხელშეკრულება მნიშვნელოვანი პოლიტიკურ-სამართლებრივი აქტია, რომელიც 1918წ. თებერვლის შეთანხმების გაგრძელებას და განვითარებას წარმოადგენდა. საქართველომ გადადგა სერიოზული ნაბიჯი უმნიშვნელოვანესი ისტორიული ტერიტორიის შემომტკიცებისკენ. რეალურად აფხაზეთი იქცა საქართველოს ავტონომიურ ერთეულად¹⁶⁶⁸. ცენტრალურ მთავრობაში შემოიღეს აფხაზეთის საქმეთა მინისტრის თანამდებობა, რომელიც სახალხო საბჭოს წარდგინებით რჩქოტუამ დაიკავა.

შოვინისტებს არ აწყობდათ აფხაზეთში სიტუაციის დარეგულირება. 1918წ. შუახანებში მდგომარეობა კვლავ გამწვავდა – სოჭიდან შემოჭრილი ბოლშევიკთა რაზმები ახალ ათონამდე მოვიდნენ. 1918წ. 16 ივნისს აფხაზთა სახალხო საბჭოს წევრებმა დახმარებისათვის გენერალ გ.მაზნიაშვილს მიმართეს. გენერალმა დეკლარაცია მთავრობასთან გაგზავნა. 18 ივნისს გ.მაზნიაშვილმა მიიღო სამხედრო მინისტრის დეკრეტი აფხაზეთის გენერალ-გუბერნატორად დანიშნისა და დაუყოვნებლივ სოხუმში გამგზავრების შესახებ. 19 ივნისს ის უკვე ქსოხუმში იმყოფებოდა. 27 ივნისს შეტევაზე გადასულმა ქართულმა ჯარებმა გ. მაზნიაშვილის ინიციატივით სახელდახელოდ ჩამოყალიბებულ აფხაზურ კავალერიასთან (300 კაცი) ერთად აფხაზეთი ბოლშევიკებისაგან გაწმინდეს და ნავსადგურ ტუაფსეს დაკავების თაობაზე სახალხო საბჭოს 1918წ. 24 ივნისის გადაწყვეტილების¹⁶⁶⁹ თანახმად, გააგრძელეს წინსვლა ჩრდილო-დასავლეთის მიმართულებით. 26 ივლისს მათ ხელში აღმოჩნდა ტუაფსე-საბოლოო მიზანი იყო ტუაფსე-მაიკოპის რკინიგზის დაკავება. 1918წ. აგვისტოში თეთრგვარდიელთა გააქტიურებამ ქართული ჯარები აიძულა, უკან დაეხიათ ჯერ მდ.შახემდე, შემდეგ კი – ქსოჭამდე¹⁶⁷⁰.

სეპარატისტებმა ისარგებლეს შექმნილი ვითარებით და 1918წ. 27 ივნისს, როცა აფხაზეთში ბოლშევიკების წინააღმდეგ ბრძოლები მიმდინარეობდა, კოდორის მაზრაში მათი მოწვევით ძირითადად მუჰაჯირებით დაკომპლექტებული თურქული დესანტი გადმოსხდა. ჯერჯერობით უცნობია, რამდენად იყო ეს აქცია კოორდინირებული ბოლშევიკებთან, მაგრამ ფაქტი რჩება ფაქტად – ისინი სხვადასხვა მხრიდან თითქმის ერთდროულად შემოვიდნენ აფხაზეთში¹⁶⁷¹. ქართულმა შენაერთებმა და რუს-კაზაკთა რაზმებმა დესანტიც

გაანადგურეს. სამხედრო ოპერაციას თან ახლდა ზედმეტად მკაცრი და რეპრესიული ზომები მშვიდობიანი მოსახლეობის მიმართ. განსაკუთრებული სისასტიკით კაზაკები გამოირჩეოდნენ. ისინი თურქეთისადმი თანაგრძნობაში „ქვშიტანილთა“ ძარცვითა და სახლ-კარის გადაწვით იყვნენ დაკავებულნი¹⁶⁷², რაზეც პასუხისმგებლობა მაინც ქართულ

¹⁶⁶⁶ А. Ментешавили. Исторические предпосылки..., გვ. 20-22; Дж. Гамахария, Б. Гогия. დასახ. ნაშრომი, გვ. 414, 748-753.

¹⁶⁶⁷ О. Бгажба, С. Лакоба. История Абхазии, გვ. 304-306.

¹⁶⁶⁸ იხ. ამის შესახებ: Дж. Гамахария, Б. Гогия. დასახ. ნაშრომი, გვ. 752-753, 759.

¹⁶⁶⁹ იქვე, გვ. 415.

¹⁶⁷⁰ გ. მაზნიაშვილი. მოგონებები. ბათუმი, 1990, გვ. 59-79; საქართველოს რესპუბლიკა, 1918, 30 ივლისი, 8 აგვისტო; Борьба, 1918, 22 августа და ა. შ.

¹⁶⁷¹ სრულიად უსაფუძვლოა მტკიცება, თითქოს თურქული დესანტი გ. მაზნიაშვილის უკანონო მოქმედებების პასუხად ჩამოიყვანეს (Литературная Абхазия, №1, с. 212; - С. Лакоба; В. Шнирельман. Войны памяти, გვ. 263). თურქული დესანტის ჩამოყვანა აფხაზეთში, როგორც უტყუარი ისტორიული წყაროები მოწმობენ, 1917 წლის ბოლოდან და 1918 წ. დასაწყისიდან იგეგმებოდა (იხ. Дж. Гамахария, Б. Гогия. დასახ. ნაშრომი, გვ.78-81).

¹⁶⁷² С. Басария. Абхазия, гв. 95.

სარდლობას ეკისრებოდა. 1918წ. სექტემბრის დასაწყისში აფხაზეთში ჩასულმა მიტროპოლიტმა ამბროსიმ (ხელაია) სახალხო საბჭოს თავმჯდომარის ვარლამ შარვაშიძისა და საბჭოს წევრის ჯოტო შარვაშიძის თხოვნით, მიიღო ზომები სამხედროთა თვითნებობის აღსაკვეთად. 3 სექტემბერს იგი საავადმყოფოში ეწვია გ. მაზნიაშვილის შტაბის უფროსს პოლკოვნიკ თუხარელს და ვითარების განმუხტვის მიზნით სასწრაფო ზომების მიღება სთხოვა. პოლკოვნიკმა მიტროპოლიტ ამბროსის შუამდგომლობით რვა აფხაზი ტუსადი გაათავისუფლა; ოჩამჩირეში გაგზავნა სასწრაფო ბრძანება: „სახლ-კარის გადაწვა შეჩერებულ იქნას, გამოყვანილი იყოს ჯარი იმ სოფლებიდან, სადაც მათი ყოფნა სამძიმოა მშვიდობიან მცხოვრებლებისათვის“¹⁶⁷³. გარკვეული ზომები მიიღეს აფხაზთა სახალხო საბჭომ და საქართველოს მთავრობამაც¹⁶⁷⁴. სეპარატისტული ისტორიოგრაფია თავისებურ შეფასებას აძლევს თურქული დესანტის გადმოსხმის ფაქტს; ამტკიცებს, რომ ის გახლდათ პასუხი აფხაზეთში გ. მაზნიაშვილის შემოსვლაზე და „ოკუპაციაზე“. სეპარატისტების აზრით, დესანტი, იყო არა თურქული, არამედ აფხაზური და წარმოადგენდა ჩრდილოეთ კავკასიის რესპუბლიკის შეიარაღებულ ძალას¹⁶⁷⁵. ეს ყველაფერი შორს არის რეალობისაგან. პირველ რიგში, უნდა ითქვას, რომ თურქული დესანტის აფხაზეთში გადმოსხმა გ. მაზნიაშვილის შემოსვლამდე დიდი ხნით ადრე დაიწყო. ჯერ კიდევ საქართველოს დამოუკიდებლობის გამოცხადებამდე არსებობდა ინფორმაცია აფხაზეთში თურქების მოწვევის, სოხუმის დაკავების თაობაზე თურქეთის მთავრობის გადაწყვეტილების შესახებ¹⁶⁷⁶. 1918წ. 29 მაისს ვ. ჯუღელი საქართველოს ეროვნულ საბჭოს მოახსენებდა, რომ აფხაზეთში მის ჩასვლამდე (10 მაისი) თურქებმა უკვე მოასწრეს აფხაზეთის ნაპირებზე 200-300 კაცის გადმოსხმა, რომლებსაც ნიადაგი უნდა მოემზადებინათ დესანტის მისაღებად¹⁶⁷⁷. 1918წ. 15 მაისს აკჩხენკელი საქართველოს ეროვნულ საბჭოს ბათუმიდან აცნობებდა, რომ აქ ჩამოსულ აფხაზთა წარმომადგენლებს „უნდათ და კიდევ შეასრულებენ თურქების თავდასხმას აფხაზეთზე. არის გეგმაც, არის საამისოდ გამზადებული ძალებიც. შევეცდები, ხელი შევეშალო ამ განზრახვის განხორციელებას“¹⁶⁷⁸.

იყო თუ არა დესანტი აფხაზური? როგორც უკვე ითქვა, ძირითადად ის მუჰაჯირების შთამომავლებისაგან შედგებოდა, მაგრამ ეს სულაც არ ნიშნავს, რომ დესანტი იყო აფხაზური. სახალხო საბჭოს სხდომაზე 1918წ. 30 ივლისს, ეხებოდა რა აღნიშნულ საკითხს, ვ. ემუხვარმა განაცხადა, რომ დესანტი და მისი წევრები მოვიდნენ „ჩვენთან როგორც თურქეთის რეგულარული არმიის ნაწილი და დღემდე ასეთებად რჩებიან. ჯარისკაცები ვერ შეძლებდნენ დეზერტირობას ომის დროს. თურქეთში ჯერ დემობილიზაცია არ გამოცხადებულა. თუ თურქეთის მთავრობა ამას უშეგებს, მაშასადამე, აკეთებს განზრახ“¹⁶⁷⁹. სავსებით სწორი შეფასებაა – აფხაზეთში შემოვიდა თურქული არმიის ქვედანაყოფი.

გაუგებარია, რატომ წარმოადგენდა დესანტი მთიელთა რესპუბლიკის შეიარაღებულ ძალას. აფხაზეთს ოფიციალურად არასოდეს უცვნიდა თავი ამ რესპუბლიკის ნაწილად. პირიქით, 1918წ. 11 ივნისიდან ის საქართველოს ნაწილად იყო აღიარებული. როგორც ჩანს, თურქეთი, რომელსაც აფხაზეთის დაკავება სურდა, თავის მიზანს მთიელთა რესპუბლიკას ამოფარებული ახორციელებდა. მოგვიანებით ეფრემ ეშბა ერთმანეთთან აკავშირებდა 1918 წლის ივნისში თურქეთსა და მთიელთა კავშირს (გ.ბამატოვი, ჩერმოვეი, კანტემიროვი) შორის დადებულ ხელშეკრულებას აფხაზეთში თურქული დესანტის გადმოსხმასთან¹⁶⁸⁰. აფხაზეთში თურქული მმართველობის დამყარება იყო

¹⁶⁷³ წმინდა აღმსარებელი ამბროსი და აფხაზეთი, გვ. 223; საქართველოს რესპუბლიკა, 1918, 2 ოქტომბერი.

¹⁶⁷⁴ Дж. Гамахария, Б. Гогия. დასახ. ნაშრომი, გვ. 424, 766-767. 1918 წლის 17 დეკემბერს მთავრობის სხდომაზე მიიღო გადაწყვეტილება, საგანგებო კომისიის მიერ გამოძიებული მასალები იმ ზარალის შესახებ, რაც მიადგა მოსახლეობას თურქი ასკერებისა და ბოლშევიკების წინააღმდეგ წარმოებული ბრძოლებისას, გადაეცეს იუსტიციის სამინისტროს (ჯ. გამახარია. ქართულ-აფხაზურ ურთიერთობათა ისტორიიდან, გვ. 73).

¹⁶⁷⁵ О. Бгажба, С. Лакоба. История Абхазии, გვ. 312-313.

¹⁶⁷⁶ Дж. Гамахария, Б. Гогия. დასახ. ნაშრომი გვ. 80.

¹⁶⁷⁷ საქართველო, 1918, 1 თიბათვე.

¹⁶⁷⁸ დ. ჩიტაია. აფხაზეთის საკითხი, გვ. 168.

¹⁶⁷⁹ ჯ. გამახარია. ქართულ-აფხაზურ ურთიერთობათა ისტორიიდან, გვ. 67.

¹⁶⁸⁰ Е. Эшба. Асланбек Шерипов, გვ. 161.

თვით სეპარატისტთა მიზანი და ამას სულაც არ მაღავედა მთარნავა. სახალხო საბჭო, – წერდა იგი, – როგორც ეროვნული ორგანო გამოყენებულ იქნა აფხაზეთში თურქული მმართველობის დამყარების სურვილის უქონლობის გამოსახატავად, მაგრამ საბჭოში ისეთი დეპუტატებიც მოღვაწეობდნენ, „რომლებიც განწყობილნი იყვნენ აფხაზეთში თურქული ხელისუფლების სასარგებლოდ“¹⁶⁸¹.

ამრიგად, გენერალ გ.მაზნიაშვილის უდიდეს დამსახურებად უნდა ჩაითვალოს 1918წ. ზაფხულში ბოლშევიკური ავანტიურის ჩახშობა, საქართველოს, მათ შორის აფხაზეთის ისტორიული საზღვრების აღდგენა და, რა თქმა უნდა, თურქული აგრესიის აღკვეთა. ყოველივე ამან, ცხადია, სხვადასხვა ორიენტაციის (რუსულ-ბოლშევიკური, რუსულ-თეთრგვარდიული, თურქულ-მთიულური) ძალების უკმაყოფილება და პროტესტი გამოიწვია. თვით მთიელთა რესპუბლიკის მთავრობის წარმომადგენლებმაც კი, რომლებსაც საქართველოს მთავრობასთან კარგი ურთიერთობა ჰქონდათ, ეტყობა, თურქეთის დავალებით, 1918წ. ზაფხულში გააკეთეს განცხადებები აფხაზეთიდან ქართული ჯარების გაყვანის მოთხოვნით¹⁶⁸². სეპარატისტებმაც ასევე ატყვეს ხმაური საქართველოს მხრიდან აფხაზეთის „ოკუპირების“ შესახებ, რაც თანამედროვე აფხაზეთმა ისტორიოგრაფიამაც აიტაცა¹⁶⁸³. სამართლებრივად და ფაქტობრივად თეზისი „ოკუპაციის“ თაობაზე ყოველად უსაფუძვლოა. სეპარატისტები მაღავენ მის კომუნისტურ წარმომავლობას. 1918წ. მაისში, როცა ვ.ჯუღელის გვარდია აფხაზეთიდან ერეკებოდა ბოლშევიკებს, ამ უკანასკნელებმა მიმართეს „ცილისწამებას, ვითომც ქართველობა აფხაზეთის დასაპყრობად მოდიოდა“¹⁶⁸⁴.

ბოლშევიკთა მონაჭორს სეპარატისტები, სამწუხაროდ, დღემდე იმეორებენ. „ოკუპაცი-აში“ გულისხმობდნენ და გულისხმობენ გ.მაზნიაშვილის გენერალ-გუბერნატორად დანიშვნას და მის მიერ ვითომ მთელი ხელისუფლების უზურპაციას. მსგავსი მტკიცებები სინამდვილეს არ შეესაბამება. საქართველოს დემოკრატიულ რესპუბლიკაში გენერალ-გუბერნატორები, რომლებიც ინიშნებოდნენ საბრძოლო მოქმედებების ზონებში, ან ფრონტისპირა რაიონებში, არ წარმოადგენდნენ უმაღლესი პოლიტიკური თანამდებობის პირებს. „აფხაზეთის პოლიტიკურ და ადმინისტრაციულ ცხოვრებაში არ ვერეოდი, – წერდა თავად გ.მაზნიაშვილი, – რადგან, ჯერ ერთი, ამ საქმისათვის აფხაზეთის ეროვნულ საბჭოსთან იყო საქართველოს წარმომადგენელი, და, მეორეც, სრულებით არ ვიყავი მომზადებული პოლიტიკური მოღვაწეობისათვის, ამიტომ მთელი ჩემი ყურადღება სამხედრო საქმეზე მქონდა მიქცეული“¹⁶⁸⁵. სეპარატისტულ ისტორიოგრაფიას არ გააჩნია ერთი ფაქტიც კი, რომელიც გ.მაზნიაშვილის მიერ პოლიტიკური ძალაუფლების მითვისებას დაადასტურებდა. გენერლის შეცდომა იმაში მდგომარეობდა, რომ სახალხო საბჭოს ხელმძღვანელობა წინასწარ არ ჩააყენა საქმის კურსში 1918წ. 23 ივნისის №1 ბრძანების თაობაზე, რომლის ძალითაც აფხაზეთი სოხუმის საგენერალგუბერნატოროდ გამოაცხადა. ამან კი სახალხო საბჭოს, მისი თავმჯდომარის ვარლამ შარვაშიძის გაოცება და უკმაყოფილება გამოიწვია¹⁶⁸⁶. მიუხედავად ამისა, პოლიტიკურ ძალაუფლებას მთლიანად სახალხო საბჭო ფლობდა, არ ყოფილა შემთხვევა გ.მაზნიაშვილის მხრიდან მასზე ზემოქმედების მცდელობისა. მოსალოდნელი გაუგებრობების თავიდან ასაცილებლად 1918წ. 6 ივლისს ვ. შარვაშიძემ ნ.ჟორდანიას წინაშე სახალხო საბჭოში საგანგებო უფლებებით აღჭურვილი მთავრობის წარმომადგენლის მოვლინების საკითხი დასვა, გამოთქვა სურვილი წარმომადგენლის ფუნქციები ისიდორე რამიშვილისათვის დაეკისრებინათ¹⁶⁸⁷.

სულ მალე ი.რამიშვილი მთავრობის წარმომადგენლის რანგში სოხუმში ჩამოვიდა და აქტიურად ჩაერთო პოლიტიკურ პროცესებში. მისი ჩამოსვლა დაემთხვა სახალხო საბჭოში ქართული ჯარებისადმი დამოკიდებულების საკითხის განხილვას. 1918წ. 17 ივლისს დეპუტატებმა, რომელთა შორის იყვნენ ვ. შარვაშიძე, დ.გულია, ს.ბასარია და

1681 . Литературная Абхазия, 1991, №1, გვ. 201-202.

1682 . О. Бгажба, С. Лакоба. История Абхазии, გვ. 310-311.

1683 . იქვე, გვ. 307-308.

1684 . საქართველო, 1918, 1 თიბათვე.

1685 . გ. მაზნიაშვილი. მოგონებანი, გვ. 97.

1686 . Дж. Гамахария, Б. Гогия. დასახ. ნაშრომი, გვ. 415-418.

1687 . იქვე, გვ. 760.

სხეები, უარყვეს მღვდელ ვაგრბას მეთაურობით მოქმედი, ბანდიტებისა და მძარცველებისაგან შემდგარი

ბოლშევიკური რაზმის „კიარაზის“ წინადადებები ქართული ჯარების გაყვანის, მოსახლეობის განიარაღების შეწყვეტის, ეკატერინოდარში მყოფ ბოლშევიკებთან (ნ.ლაკობა, ე. ეშბა) დელეგაციის გაგზავნის შესახებ, რათა შეწყვეტილიყო შემოსევები ჩრდილოეთიდან და ა.შ. ბოლშევიკებს, როგორც ჩანს, დაგეგმილი ჰქონდათ ჩრდილოეთიდან შემოსევების შეწყვეტის „გარანტიის“ მიცემა; ამის შემდეგ კი უნდა მომხდარიყო ქართული ჯარების გაყვანა, რათა მოულოდნელი დარტყმით აეღოთ დაუცველი აფხაზეთი. დეპუტატები, ალბათ, მიუხედავად ბოლშევიკთა ჩანაფიქრს, ამიტომ სახალხო საბჭომ ერთხმად დაადგინა, „გულისწყრომით უარი ეთქვას“ „კიარაზის“ მოთხოვნებს¹⁶⁸⁸. იმავე სხდომაზე საბჭომ კენჭი უყარა გ.მაზნიაშვილის შტაბისადმი ნდობის საკითხს. თითქმის ერთხმად გადაწყდა (მხოლოდ ორმა შეიკავა თავი), „ხელახლა დადასტურდეს არაერთი ჩვენი გადაწყვეტილება და ითქვას საქართველოს ნაწილების აქ ყოფნის აუცილებლობის შესახებ“¹⁶⁸⁹.

1918წ. 18 ივლისს სახალხო საბჭოს სხდომაზე მკვეთრი განცხადება გააკეთა ი. რამიშვილმა. მან დაახასიათა ზოგადპოლიტიკური ვითარება, ისაუბრა დემოკრატიის მტრების წინააღმდეგ აფხაზ ხალხთან ერთად ბრძოლის აუცილებლობაზე, მიუთითა არსებულ საშიშროებაზე ვიწრონაციონალისტური და შოვინისტური ელემენტების მხრიდან, რომლებიც ბოლშევიკებთან ერთად დაუპირისპირდებოდნენ დემოკრატიას. „აფხაზი ხალხის გონება განწყობილია ქართული დემოკრატიისა და მისი წარმომადგენლების წინააღმდეგ, რომელთა მიმართ გაავრცელეს ჭორები, თითქოს აფხაზი ხალხისათვის მათ მოაქვთ დამონება და დაპყრობა, – განაცხადა ი.რამიშვილმა, – მიდის ძლიერი აგიტაცია საქართველოს მიზნების წინააღმდეგ... ვითარება გვეხატება იმდაგვარად, რომ უეჭველად საჭიროა ქართული ჯარების აქედან გაყვანა... უმჯობესია დროულად გავიყვანოთ ჯარები, ვიდრე ველოდოთ სისხლისღვრას“. ი.რამიშვილის განცხადების პათოსი არცერთმა დეპუტატმა არ გაიზიარა, ხოლო სიტყვით გამოსულმა რ.კაკუბამ და დ.მარშანიამ ქართული ჯარების აფხაზეთიდან გაყვანა დაუშვებლად მიიჩნიეს. 19 ივლისის სხდომაზე კი დ.მარშანიამ ასეთი განცხადება გააკეთა: „მოღალატური ნაბიჯები ჩვენი მხრიდან არ შეიძლება იყოს, ვინაიდან ქართული ნაწილები მოწვეულია ჩვენთვის მძიმე წუთებში დახმარების გასაწევად და საერთოდ ქართველებთან ჩვენ ყოველთვის მეგობრულად ვცხოვრობდით... არიან ადამიანები, რომელთაც სურთ წაგვიკიდონ ქართველებთან, მაგრამ ჩვენ ეს არ გვინდა“¹⁶⁹⁰.

1918წ. 20 ივლისს დეპუტატმა გ. თუმანოვმა (მღვდელი) კვლავ დასვა საკითხი აფხაზეთიდან ჯარების გაყვანის შესახებ. სახალხო საბჭოს სხდომის წევრთაგან მას მხარი მხოლოდ ი.რამიშვილმა დაუჭირა: „თუ მიგაჩნიათ, რომ მათ (ჯარებმა – ავტ.) შეასრულეს თავიანთი მისია, მაშინ ისინი წავლენ... რაც უფრო ადრე განთავისუფლდებიან აქ სამხედრო ნაწილები, მით უკეთესია საქართველოსათვის“¹⁶⁹¹. ი.რამიშვილმა დასძინა, რომ პროპაგანდას ჯარების გაყვანის შესახებ ეწვეიან მონარქისტები და თავადაზნაურობის მომხრეები. მათ შორის იყვნენ პრობოლშევიკური და პროთურქული ძალებიც.

მოყვანილი ფაქტები უარყოფენ მტკიცებას „ოკუპაცია“–„ანექსიის“ შესახებ¹⁶⁹². სახალხო საბჭო, რომელსაც ვითომ პოლიტიკური ძალაუფლება ჩამოართვა გ. მაზნიაშვილმა, მიუხედავად თავიდან არსებული მცირე გაუგებრობებისა, მხარს უჭერდა ქართული ჯარების აფხაზეთში ყოფნას, ვინაიდან ისინი წარმოადგენდნენ რეგიონში მშვიდობის, სტაბილურობის, მთლიანობისა და ავტონომიურობის მთავარ გარანტს. რაც შეეხება სახალხო საბჭოს, მას არა თუ არ დაუკარგავს ძალაუფლება, როგორც ეს

¹⁶⁸⁸ . ჯ. გამახარია. ქართულ-აფხაზურ ურთიერთობათა ისტორიიდან, გვ. 60-61.

¹⁶⁸⁹ . იქვე, გვ. 62.

¹⁶⁹⁰ . იქვე, გვ. 62-63, 65.

¹⁶⁹¹ . იქვე, გვ. 63.

¹⁶⁹² . 1918-1921 წწ. საქართველოს მიერ აფხაზეთის „ანექსია“–„ოკუპაცია“ თეორიას ს. ჩერვონნაია უაზროს, უცნაურს უწოდებს (С. М. Червонная. Абхазия 1992: Посткоммунистическая Вандей Грузии. М., 1993, გვ. 39), თუმცა არ უარყოფს, რომ იმ პერიოდში ქართულ-აფხაზური სახელმწიფოს აღორძინების რთულ და მძიმე პროცესს თან ახლდა შეცდომები, პროვოკაციები, დანაშაულობები (იქვე, გვ. 42).

მოხდა ბოლშევიკების შემოსევების დროს, არამედ ქართული ჯარების წყალობით ის აღდგა თავის უფლებებში და აფხაზეთის რეალური ბატონ-პატრონი გახდა.. სეპარატისტული ისტორიოგრაფია უძღვრია რაიმე ახსნა მოუძებნოს ზემოაღნიშნულ ფაქტებს იმის შესახებ, რომ „ოკუპანტებს“ უნდოდათ წასვლა აფხაზეთიდან, „დაპყრობილები“ კი ამას ყოველნაირად ეწინააღმდეგებოდნენ. ამიტომაც იგი ცდილობს, ეს და სხვა მსგავსი ფაქტები მკითხველებს დაუმალოს.

1918წ. ივლის-აგვისტოში აფხაზეთის სახალხო საბჭოს რეორგანიზაცია განხორციელდა. 1917წ. 8 ნოემბერს გლეხთა I ყრილობაზე არჩეული საბჭო ლეგიტიმურ ორგანოდ ვერ ჩაითვლებოდა. გარდა ამისა, იგი მხოლოდ ერთი ერის – აფხაზთა ინტერესებს გამოხატავდა. რეგიონში კი იმ დროისათვის ფუნქციონირებდნენ ქართველთა (თავ-რე ი.გოგელაშვილი), სომეხთა (თავ-რე ხ. ავდალბეკიანი), ბერძენთა (თავ-რე ი. ფაშალიდი) ეროვნული საბჭოები; 25 აგვისტოს ჩამოყალიბდა რუსების ეროვნული საბჭო; არსებობდნენ აგრეთვე ებრაული, უკრაინული, პოლონური და სხვა ეროვნული ორგანიზაციები¹⁶⁹³. ამდენად, აუცილებელი იყო მრავალეროვნული მოსახლეობის ინტერესების გამომხატველი პოლიტიკური ორგანოს ჩამოყალიბება. 1918წ. ივლისში აფხაზეთის უბნებში ჩატარდა სახალხო საბჭოს გადარჩევა მიტინგებსა და კრებებზე. 27 ივლისს სახალხო საბჭომ მიიღო გადაწყვეტილება სხვა ერების წარმომადგენელთა მოწვევის შესახებ. საბჭოს წევრები გახდნენ ი.გოგელაშვილი, ხ.ავდალბეკიანი, ი. ფაშალიდი, მოგვიანებით – ი. მიხელსონი (ესტონელი) და სხვ. 31 ივლისს აფხაზთა სახალხო საბჭომ თავის შემადგენლობაში არჩეულად სცნო 35 დეპუტატი. ახალ შემადგენლობაში ვერ მოხვდნენ ალ. შარვაშიძე, ტ.მარშანია და სხვები, რომელთა მიმართ თურქული დესანტის შემოყვანისათვის სისხლის სამართლის საქმე აღიძრა.¹⁶⁹⁴ 8 აგვისტოს დეპუტატების რ. კაკუბას, ნ. ხასაიას, ვ. ღურჯუას და ა.ინალ-იფას მონაწილეობით საბჭომ ჩამოაყალიბა დამფუძნებელი კრების არჩევნების მოსამზადებელი კომისია. 15 აგვისტოს დასრულდა სახალხო საბჭოს რეორგანიზაცია. უმრავლესობამ მოიწონა ძველის დათხოვნა და ახალი დროებითი საბჭოს ფორმირება. მის შემადგენლობაში დარჩენილი ძველი საბჭოს უმრავლესობას დაემატა სხვა ეროვნებათა საბჭოების წარმომადგენლები. თურქოფილები სამშობლოდან განდევნილად გამოცხადდნენ¹⁶⁹⁵. სახალხო საბჭოს რეორგანიზაციას ჯერ ბათუმში (თურქებთან), შემდეგ კი კრასნოდარში (თეთრგვარდიელებთან) მყოფმა ალ. შარვაშიძემ¹⁶⁹⁶ საბჭოს გარეკვა უწოდა. ამ სიცრუეს დღემდე უაპელაციოდ იმეორებს აფხაზური ისტორიოგრაფია¹⁶⁹⁷.

ბოლშევიკური და თურქული ავანტიურის ძირშივე აღკვეთამ, სახალხო საბჭოში პროქართული კურსის გამარჯვებამ, საბჭოს რეორგანიზაციამ, ახალი დემოკრატიული არჩევნების მოსამზადებელი კომისიის შექმნამ და სხვა მოვლენებმა საგონებელში ჩააგდო შოვინისტები, ასევე სეპარატისტები, რომლებიც ნებისმიერ ანტიქართულ ორიენტაციას ემხრობოდნენ. ამჯერად ყველაზე მიმზიდველი აღმოჩნდა მათთვის რუსეთში საბჭოთა ხელისუფლების წინააღმდეგ მებრძოლი „მოხალისეთა არმია“ გენერალ მ.ალექსეევის მეთაურობით. 1918წ. 15 სექტემბერს საქართველოს საგარეო საქმეთა მინისტრი ე.გუგუჩკორი სოჭიდან ნ.ჟორდანიას აცნობებდა, რომ ალექსეევიან გაგზავნილმა აფხაზთა დელეგაციამ თეთრგვარდიელ გენერალს „მთელი სულით“ რუსეთის მომხრე აფხაზების ქართველი „მოძალადეებისაგან“ დაცვა სთხოვა¹⁶⁹⁸. ცხადია,

¹⁶⁹³ Г. Дзидзария. Формирование..., გვ. 294-295; ჯ. გამახარია. ქართულ-აფხაზურ ურთიერთობათა ისტორიიდან, გვ. 67-70.

¹⁶⁹⁴ Дж. Гамахария, Б. Гогия. დასახ. ნაშრომი გვ. 763-766. არ შეესაბამება სინამდვილეს მტიციება, თითქოს ახალ საბჭოში „ჭარბობდნენ ქართველი დელეგატები“ (В. Шнирельман. Войны памяти, გვ. 263).

¹⁶⁹⁵ დ. ჩიტაია. აფხაზეთის საკითხი, გვ. 226-227.

¹⁶⁹⁶ 1918წ. 18 სექტემბერს აფხაზეთის საქმეთა მინისტრმა რ. ჩქოტუამ სახალხო საბჭოს თავმჯდომარეს გაუგზავნა კავკასიაში გერმანიის დელეგაციის მეთაურის ფონ კრესის 9 სექტემბრის წერილი. გერმანელი დიპლომატი რ. ჩქოტუას წერდა: „ვიყავი ბატონ ჟორდანიასთან და თანხმობა ვთხოვე თავად ალ. შარვაშიძის აფხაზეთში დაბრუნებაზე.“

ბატონმა ჟორდანიამ მიპასუხა შემდეგი: თუ აფხაზეთის სახალხო საბჭო შუამდგომლობას აღძრავს საქართველოს მთავრობის წინაშე თავ. ალ. შარვაშიძის აფხაზეთში დაბრუნების თაობაზე და იგი ანგარიშს წარუდგენს ეროვნულ საბჭოს თავის მოქმედებაზე, საქართველოს მთავრობა დააკმაყოფილებს აფხაზეთის სახალხო საბჭოს შუამდგომლობას“ (დ. ჩიტაია. აფხაზეთის საკითხი, გვ. 476).

¹⁶⁹⁷ С. Лакоба. Очерки политической истории Абхазии, გვ. 68; О. Бгажба, С. Лакоба. История Абхазии, გვ. 314.

¹⁶⁹⁸ Дж. Гамахария, Б. Гогия. დასახ. ნაშრომი, გვ. 84.

სოჭის ოლქის დაკავებით უკმაყოფილო მაღექსევევი ამ „თხოვნას“ (შესაძლოა, იგი მისი ინსპირირებულიც კი იყო) საქართველოზე ზეწოლისათვის გამოიყენებდა, მათ შორის უახლოეს დღეებში დაგეგმილ შეხვედრებზეც. 1918წ. 15 სექტემბერს ე. გეგეჭკორმა მთავრობის თავმჯდომარეს იმის შესახებაც მოახსენა, რომ სოჭში მოქმედი სოციალისტური პარტიები შესაძლებლად და აუცილებლად მიიხვეწენ ოლქის საქართველოსთან შეერთებას. „ჩვენი მხრიდან მიუტყვებელი შეცდომა იყო, – წერდა მინისტრი, – რომ არ გამოვიყენეთ ჩვენთვის ხელსაყრელი კონიუნქტურა, როცა ოლქის მთელი მოსახლეობა აღფრთოვანებით ხვდებოდა ჩვენს ჯარებს. ამჟამად ვითარება უარესობისაკენ შეიცვალა... ჩემი ღრმა რწმენით, უნდა გამოვიყენოთ ერთადერთი კოზირი ჩვენს ხელში – ადგილობრივი სოციალ-დემოკრატებისა და ესერების თანაგრძნობა ჩვენდამი და მოვახდინოთ ოლქის შემოერთების დეკრეტირება“¹⁶⁹⁹. ე.გეგეჭკორს სურდა, ფაქტის წინაშე დაეყენებინათ მაღექსევევი, ასევე ადენიკინი, რომელმაც შავიზღვისპირეთის გუბერნია (რომლის ნაწილიც იყო სოჭის ოლქი) მოხალისეთა არმიის სარდლობას დაუქვემდებარა. სოჭში ე.გეგეჭკორის მუშაობის შედეგი უნდა ყოფილიყო ადგილობრივი სოციალისტური პარტიების გაერთიანებული საბჭოს 1918წ. 18 სექტემბრის რეზოლუცია სოჭის ოლქის საქართველოსთან შეერთების შესახებ. იგივე გადაწყვეტილება მიიღო 20 სექტემბერს ქსოჭის მოსახლეობის საერთო კრებაზე¹⁷⁰⁰.

საქართველოს მთავრობა არ ჩქარობდა სოჭის შემოერთების დეკრეტირებას, მაგრამ ბრძოლა ოლქისათვის გრძელდებოდა. 1918წ. 25 სექტემბერს ეკატერინოდარში ეს საკითხი იხილებოდა მოხალისეთა არმიის სარდლობისა და ყუბანის წარმომადგენლებთან საქართველოს დელეგაციის შეხვედრაზე. ინიციატივა, როგორც ეტყობა, მაღექსევევისაგან მოდიოდა; 16 აგვისტოს მას „მეგობრული“ წერილით მიუმართავს გენერალ გ. მაზნიაშვილისათვის, რომელშიც „მოკავშირეობაზე“, საქართველოსთვის სურსათით დახმარებაზე, ფართო თანამშრომლობაზე იყო საუბარი; ამ და სხვა საკითხებზე მოსალაპარაკებლად გენერალი ეკატერინოდარში იწვევდა საქართველოს მთავრობის მიერ უფლებამოსილ პირებს¹⁷⁰¹. 1918წ. 25 სექტემბერს ასეთი შეხვედრა მართლაც შედგა. საქართველოს მხრიდან მასში მონაწილეობდნენ ე.გეგეჭკორი და გ.მაზნიაშვილი, თეთრგვარდიელთა მხრიდან – გენერლები მაღექსევევი, ადენიკინი, ი.რომანოვსკი, ა.დრაგომიროვი, ა.ლუკომსკი, აგრეთვე ვ.შულგინი და ვ.სტეპანოვი. ყუბანის მთავრობას ბინი და ნ.ვორობიოვი წარმოადგენდნენ¹⁷⁰². რუსები კატეგორიულად მოითხოვდნენ სოჭის ოლქისა და გაგრის დაცლას. „მოხალისეები“ აფხაზთა „დამცველების“ როლში გამოდიოდნენ. განსაკუთრებით აქტიურობდა ყუბანის მთავრობის წარმომადგენელი ნ. ვორობიოვი. მან პირველმა გაამახვილა ყურადღება გაგრაზე, რომელიც პრინციპა ოლდენბურგელმა ააშენა და ამისათვის „10 მილიონი მანეთი დახარჯა ძველი ვალუტით“; რაც შეეხება საქართველოს საზღვრებს, – განაცხადა ნ.ვორობიოვმა, – „იგი უნდა განისაზღვროს მხოლოდ აფხაზეთამდე, რადგან ცნობები გვაქვს, რომ აფხაზები არაფერს ზოგავენ, ოღონდ ისევ შევიდნენ რუსეთის შემადგენლობაში. მართალია, ბოლო ხანებში საქართველოს მთავრობა ცდილობს გააქართულოს ქალაქები, ნიშნავენ იქ კომისრებს და სხვა, მაგრამ ეს სულაც არ არის საკმარისი იმისათვის, რომ ეს ოლქები ქართულ ოლქებად ჩავთვალოთ. დღეს ამით შემოვიფარგლები“¹⁷⁰³. ქართულმა დელეგაციამ დაუშვებლად მიიჩნია უკვე გადაწყვეტილ საკითხზე – აფხაზეთზე, მათ შორის გაგრაზე საუბარი „მოხალისეთა“, როგორც ე. გეგეჭკორმა უწოდა, „კერძო ორგანიზაციასთან“ და მოითხოვა მოლაპარაკების გაგრძელება მხოლოდ სოჭის ოლქთან დაკავშირებით. ანგარიში უნდა გაეწიოს, – თქვა

¹⁶⁹⁹ იქვე, გვ. 756.

¹⁷⁰⁰ А. Ментешавили. Исторические предпосылки..., გვ. 25-26.

¹⁷⁰¹ А. И. Деникин. Очерки русской смуты. Белое движение и борьба добровольческой армии. Май-сентябрь 1918 г. Минск, Харвест, 2002, გვ. 398-399.

¹⁷⁰² გ. დოლიძე, როგორ უნდა ველაპარაკოთ რუს გენერლებს და პოლკოვნიკებს ანუ რა მოხდა ქ. ეკატერინოდარში 89 წლის წინ. თბ., 2007, გვ. 8, 31.

¹⁷⁰³ იქვე, გვ. 65; ნ. ვორობიოვი 26 სექტემბერსაც არაერთხელ შეეხო გაგრა-აფხაზეთის თემას (იქვე, გვ. 71, 73, 81), შეხვედრის დამთავრებიდან ცოტა ხანში კი „გამოაცხო“ ზემონახსენები, მეცნიერული თვალსაზრისით უსაფუძვლო ბროშურა (იქვე, გვ. 68).

მან, – ადგილობრივი დემოკრატიული ორგანიზაციებისა და მოსახლეობის დადგენილებებს სოჭის ოლქის საქართველოს საზღვრებში დატოვების შესახებ. „სოჭი, თანახმად მცხოვრებთა სურვილისა, დროებით უნდა დარჩეს საქართველოს საზღვრებში და დაუინებით მოვითხოვ ამას“,¹⁷⁰⁴ – განაცხადა ეგეგეჭკორმა. საქართველოს პოზიცია სოჭთან დაკავშირებით იყო ურყევი. 26 სექტემბერს ე. გეგეჭკორმა კვლავ დაადასტურა, რომ მას მისაღებად მიაჩნია „ფორმულა-სოჭის ოლქის დროებით დატოვება საქართველოს რესპუბლიკის საზღვრებში“.¹⁷⁰⁵ ამის შემდეგ მ. ალექსევემ მოლაპარაკების გაგრძელება და სხვა საკითხების განხილვა შეუძლებლად მიიჩნია. იმავე დღეს შეხვედრა უშედეგოდ დასრულდა. აშკარა გახდა, რომ „ერთიანი და განუყოფელი“ რუსეთისათვის მებრძოლი „მოხალისეები“ საქართველოს წინააღმდეგ მომავალშიც დიდი „ხალისით“ გამოიყენებდნენ უპრინციპო სეპარატისტებს.

შიში გამართლდა. 1918 წლის 9 ოქტომბერს „მოხალისეთა“ წაქეზებით და დახმარებით სეპარატისტთა მცირე ჯგუფმა სოხუმში პოლიტიკური გადატრიალების მოწყობა სცადა. შეთქმულებას სათავეში ედგნენ აფხაზეთის საქმეთა მინისტრი რ. ჩქოტუა¹⁷⁰⁶ და საოლქო კომისარი ი. მარღანია. მათი მითითებით, სახალხო საბჭოს სხდომაზე შეჭრილმა შეიარაღებულმა პირებმა მილიციის რაზმიდან და „აფხაზთა ასეულიდან“ ულტიმატუმის წესით საბჭოს ხელმძღვანელობის გადაყენება მოითხოვეს და აიძულეს პრეზიდიუმი, გადამდგარიყო. ამ ვითარებაში სახალხო საბჭოს თავმჯდომარე ვ. შარვაშიძე, როგორც მ. თარნავა იგონებს¹⁷⁰⁷, არ დაიბნა; ის არ დაემორჩილა მემამოხეებს და მომხდარის შესახებ აცნობა სამთავრობო ჯარების შტაბს, რომელმაც დაუყოვნებლივ აღადგინა წესრიგი. სახალხო საბჭომ ოპოზიცია სახელმწიფოს დაღატში დაადანაშაულა. იმავე დღეს – 9 ოქტომბერს ვ. შარვაშიძემ, დ. ემუხვარმა, ი. გოგელაშვილმა, ი. ფაშალიძემ და პ. გელოვანმა¹⁷⁰⁸ ამბოხების თაობაზე თბილისს აცნობეს. მათი აზრით, სახალხო საბჭოში წარმოდგენილ არცერთ ჯგუფს უკვე არ ჰქონდა ხალხის სახელით საუბრის მორალური უფლება, ამიტომ მიზანშეწონილად მიიჩნიეს ამ ორგანოს დათხოვნა და ახალი დემოკრატიული არჩევნების ჩატარება. აფხაზთა სახალხო საბჭოს წარმომადგენლები სთხოვდნენ საქართველოს მთავრობას, თავის თავზე აეღო არჩევნების მომზადება, საარჩევნო დებულების შემუშავება, რომელიც საბჭოს უნდა დაემტკიცებინა, მაგრამ „ალექსევევლთა“ ობსტრუქციის გამო ვერ მოხერხდა; მომავალში სისხლისღვრის თავიდან ასაცილებლად ისინი ითხოვდნენ აგრეთვე ამბოხების სულისჩამდგმელებისა და ხელმძღვანელების – რ. ჩქოტუას, ი. მარღანიას, ს. აშხვაწას, გ. აჯამოვის, ა. ინალ-იფას, გ. თუმანოვის, ნ. მარშანიას და სხვათა დაპატიმრებას, საქართველოს მთავრობასთან არსებული აფხაზეთის საქმეთა მინისტრის თანამდებობის გაუქმებას, სამხარეო კომისრის დანიშვნას, რომელიც აღადგენდა წესრიგს, შექმნიდა ძლიერ ადმინისტრაციულ მმართველობას; სამთავრობო ჯარების შტაბს კი უნდა მიეღო გადამწყვეტი ზომები „ალექსევევლთა“ შესაძლო მორიგი პროვოკაციების აღსაკვეთად¹⁷⁰⁹.

სოხუმიდან მიღებული ინფორმაციისა და წინადადებების საფუძველზე საქართველოს დემოკრატიული რესპუბლიკის მთავრობამ 1918 წლის 10 ოქტომბერს ადეკვატური ზომები მიიღო. დააპატიმრეს აფხაზთა სახალხო საბჭოს ექვსი მემამოხე წევრი¹⁷¹⁰, აგრეთვე რუსული ეროვნული საბჭოს თავმჯდომარე. სახალხო საბჭო, რომელიც არ იყო დემოკრატიული წესით არჩეული და, შესაბამისად, არ გამოხატავდა აფხაზეთის მრავალეროვნული მოსახლეობის ინტერესებს, მთავრობამ დაშლილად გამოაცხადა და

¹⁷⁰⁴. იქვე, გვ. 81.

¹⁷⁰⁵. იქვე, გვ. 83.

¹⁷⁰⁶. რაფიელ ჩქოტუა ადრე საკუთარ თავს ქართველად მიიჩნევდა და ორიენტაციაც ქართული ჰქონდა. როგორც დელეგატი აფხაზეთიდან, ის ესწრებოდა საქართველოს I საეკლესიო ყრილობას (1917 წ. 8-17 სექტემბერი), სადაც გამოვიდა სიტყვით, რომელმაც დიდი მოწონება დაიმსახურა (წმინდა აღმსარებელი ამბროსი და აფხაზეთი, გვ. 195).

¹⁷⁰⁷. Литературная Абхазия, 1991, №1, გვ. 202-203.

¹⁷⁰⁸. პ. გელოვანი იყო ალექსანდრე შარვაშიძის მამიდაშვილი, სოხუმის სათათბიროს თავმჯდომარე (Дж. Гамахария, Б. Гогия. დასახ. ნაშრომი, გვ. 457).

¹⁷⁰⁹. Дж. Гамахария, Б. Гогия. დასახ. ნაშრომი გვ. 84-86.

¹⁷¹⁰. დააპატიმრეს ს. აშხვაწა (თავმჯდომარეობის კანდიდატი ამბოხებული ოპოზიციისაგან), ი. მარღანია, დალანია, გ. აჯამოვი, გ. თუმანოვი, მ. შლატერი და სხვები.

ახალი არჩევნები (საყოველთაო საარჩევნო უფლების საფუძველზე) დანიშნა, შექმნა საარჩევნო კომისია ვ. შარვაშიძის, ი. რამიშვილის, ვ. ღურჯუას, ი. ფაშალიძის და გ. შანშიევის შემადგენლობით, რომელსაც თავმჯდომარის არჩევისა და ახალი წევრების კოორპაციის უფლება მიეცა (მასვე დაევა სახალხო საბჭოს ქონებისა და საქმეების დაცვა); აფხაზთა სახალხო საბჭოს არჩევნებამდე მთელი ძალაუფლება სოხუმის ოლქის კომისრად დანიშნული ბენია ჩხიკვიშვილის ხელში გადადიოდა, მის ჩამოსვლამდე კი ეს ფუნქცია სამთავრობო ჯარების შტაბის უფროსს თუხარელს უნდა შეესრულებინა; აფხაზეთის საქმეთა მინისტრის რ. ჩქოტუას უფლებამოსილება მთავრობამ ამოწურულად სცნო, ხოლო მისი ფუნქციები საქართველოს შინაგან საქმეთა მინისტრს შეუთავსა¹⁷¹¹. მიღებულ მკაცრ, მაგრამ კანონიერ ზომებს სეპარატისტები აფხაზეთის „ქართულ ოკუპაციად“, 11 ივნისის ხელშეკრულების უხეშ დარღვევად მიიჩნევენ¹⁷¹², მაგრამ არაფერს ამბობენ იმაზე, რამდენად შეესაბამებოდა აღნიშნულ ხელშეკრულებას შეიარაღებული თურქი ჯარისკაცების აფხაზეთში შემოყვანა, თეთრგვარდიელ გენერლებთან მ. ალექსეევთან და ა. დენიკინთან ალიანსი და სხვა დანაშაულებრივი ქმედობები.

აფხაზეთის ცენტრალურმა საარჩევნო კომისიამ (თავმჯდომარე ვ. შარვაშიძე) რეგიონში მოქმედი პოლიტიკური პარტიების, ასევე ცალკეული უბნების წარმომადგენლებთან ერთად შეიმუშავა არჩევნების დებულების პროექტი. 1918 წლის 17 დეკემბერს იგი მოიწონა საქართველოს მთავრობამ და დასამტკიცებლად პარლამენტს გადასცა; მთავრობამ დაადგინა „გამოქვეყნდეს მთავრობის მიმართვა, სადაც მითითებული უნდა იქნეს, რომ აფხაზეთს ენიჭება სახალხო წარმომადგენლობის უფლება და ამით შინაური ცხოვრების მოწყობა ავტონომიის საწყისეზე“¹⁷¹³.

1918 წლის 27 დეკემბერს პარლამენტმა აფხაზეთის საარჩევნო დებულება დაამტკიცა. რამდენადაც მომავალ სახალხო საბჭოს საბოლოოდ უნდა გადაეწყვიტა რეგიონის პოლიტიკური მოწყობის, ქართველთა და აფხაზთა ურთიერთობის საკითხი, არჩევნებში მონაწილეობის უფლება საქართველოს მოქალაქეებთან ერთად ენიჭებოდათ 1914 წლის 19 ივლისამდე (პირველი მსოფლიო ომის დაწყებამდე) აფხაზეთში დამკვიდრებულ ნებისმიერ მოქალაქეს (ასეთი გადაწყვეტილება სახალხო საბჭომ 1918 წლის 2 ოქტომბერს მიიღო). საბჭოში არჩევის უფლებით სარგებლობდნენ პირები, რომლებმაც აფხაზეთში ბინადრობის უფლება მოიპოვეს 1914 წლის 19 ივლისის შემდეგაც, აგრეთვე აფხაზეთში არმოსახლე საქართველოს ქვეშევრდომები¹⁷¹⁴.

აფხაზთა სახალხო საბჭოს არჩევნებისათვის მზადების პერიოდი დროში ემთხვევა საქართველოს დამფუძნებელი კრების წინასაარჩევნო პერიოდს, როცა ქვეყანას გარეშე მტრების მოგერიება ერთდროულად ორ, უნდა ვივარაუდოდ, ერთმანეთთან კოორდინირებულ ფრონტზე მოუხდა. სამხრეთ-აღმოსავლეთიდან მას სომხეთი უტევდა, ხოლო ჩრდილო-დასავლეთიდან – თეთრგვარდიელ მოხალისეთა არმია ა. დენიკინის მეთაურობით. 1918 წლის დეკემბერში ინგლისელებისაგან დაიმედებულმა საქართველომ, რომ სოჭის ოლქი ნეიტრალურ ზონად გამოცხადდებოდა, დაიწყო იქიდან ჯარების გაყვანა. შავიზღვისპირეთის ფრონტის სარდალი გენერალი კონიაშვილი ამასთან დაკავშირებით 16 დეკემბერს განმარტავდა: „სოჭის ოლქი ინგლისელებთან შეთანხმებით ნეიტრალურადაა აღიარებული. ამ შემთხვევის ძალით, ნებისმიერი არმიის (მოხალისეების – ავტ.) ან სახელმწიფოს (საქართველოს – ავტ.) შეიარაღებული ჯარის ოლქის ტერიტორიაზე შესვლა არ უნდა მოხდეს... ოლქში რჩება ქართული მართვა-გამგეობა“¹⁷¹⁵. ინგლისელებისაგან შესაბამისი მითითება მიიღო ა. დენიკინმაც; მაშინ მან ნაცად ხერხს მიმართა – სოჭის ოლქში მოაწყო ქართველთა მიერ ვითომ შევიწროებული სომხების აჯანყება, ორგანიზება გაუკეთეს ამ უკანასკნელთა წერილობით „თხოვნას“, რომ მოხალისეთა არმიამ „სოხუმის ოლქის, კერძოდ, სოფ. გუ-

¹⁷¹¹ . Дж. Гамахария, Б. Гогия. *დასახ. ნაშრომი*, გვ. 424-425.

¹⁷¹² . О. Бгажба, С. Лакоба. *История Абхазии*, გვ.323.

¹⁷¹³ . ჯ. გამახარია. *ქართულ-აფხაზურ ურთიერთობათა ისტორიიდან*, გვ. 73.

¹⁷¹⁴ . იქვე, გვ. 73-74.

¹⁷¹⁵ . А. И. Деникин. *Очерки русской смуты. Вооруженные силы юга России. Распад Российской империи. Октябрь 1918 – январь 1919*. Минск, Харвест, 2002, гв. 282.

დაუთის სომხური ეროვნების მოსახლეობა დაიცავს ძალადობისაგან ქართული ჯარების მხრიდან¹⁷¹⁶. რა თქმა უნდა, ეს იყო პროვოკაცია. აფხაზეთის სომხური (ასევე ბერძნული, ესტონური და ა.შ.) მოსახლეობა მხარს უჭერდა საქართველოს დემოკრატიულ რესპუბლიკას¹⁷¹⁷. ამიტომაც დასჭირდა ა. დენიკინს სოჭის ოლქის სომხების „თხოვნა“ აფხაზეთელი თანამოძმეების „დაცვის“ თაობაზე. აჯანყებულ და „შევიწროებულ“ სომეხთა „დაცვის“ საბაბით, ა. დენიკინმა 1919 წლის 24 იანვარს (6 თებერვალს) სოჭი დაიკავა, ხოლო მომდევნო ოთხი დღის განმავლობაში დაიკავა ტერიტორია მდ. ბზიფამდე¹⁷¹⁸.

ასეთი მოვლენების ფონზე მიმდინარეობდა წინასაარჩევნო კამპანია. 1919 წლის 13 თებერვალს აფხაზეთში პირველად მის ისტორიაში ჩატარდა დემოკრატიული, მრავალპარტიული არჩევნები. რამდენიც არ უნდა იცრუნონ სეპარატისტებმა, არჩევნები იმდენად თავისუფალი იყო, რომ მასში მონაწილეობა მიაღებინეს 1918 წლის 9-10 ოქტომბრის ამბოხების ჯერ დაპატიმრებულ, შემდეგ კი თეთრგვარდიელთა და ინგლისელთა მოთხოვნით განთავისუფლებულ მოთავეებსაც კი. აფხაზეთა სახალხო საბჭოში 40 დეპუტატი აირჩიეს, რომელთა შორის იყო 27 – სოციალ-დემოკრატი, 4 – დამოუკიდებელი სოციალისტი, 3 – ესერი, 3 – მემარჯვენე; თითო დეპუტატი გაიყვანეს სოციალისტ-ფედერალისტებმა, ეროვნულ-დემოკრატებმა და კოლონისტებმა¹⁷¹⁹.

ერთდროულად ჩატარდა საქართველოს დამფუძნებელი კრების არჩევნები (1919წ. 14-16 თებერვალი). გამარჯვებული სოციალ-დემოკრატიული პარტიის სიით აფხაზეთის საოლქო ორგანიზაციიდან ქვეყნის უმაღლესი საკანონმდებლო ორგანოს წევრები გახდნენ ვ. შარვაშიძე, დ. ემუხვარი, ვ. ღურჯუა, დ. ზახაროვი და ი.ფაშალიძე¹⁷²⁰. 1919წ. 12 მარტს დამფუძნებელი კრების პირველ სხდომაზე სხვა კოლეგებთან ერთად მათ ხელი მოაწერეს 1918 წ. 26 მაისს მიღებულ საქართველოს სახელმწიფოებრივი დამოუკიდებლობის აქტს.

ახლადარჩეული სახალხო საბჭოს პირველი სხდომა 1919წ. 18 მარტს შედგა. მან აირჩია თავმჯდომარე (დ.ემუხვარი), მოადგილე (მბერულავა) და პირველი მდივანი ვ. კოროლიოვი. 20 მარტს სახალხო საბჭომ მიიღო ისტორიული დოკუმენტი – „აქტი

¹⁷¹⁶ . იქვე, გვ. 282-283; Деникин-Юденич-Врангель. М.-Л., 1927, გვ. 96.

¹⁷¹⁷ . სეპარატისტული ისტორიოგრაფია ცრუობს, როცა საქართველოს მთავრობას სომხური, ბერძნული თუ სხვა ეროვნების მოსახლეობის დევნაში ადანაშაულებს (О.Бгажба, С.Лакоба. История Абхазии, გვ. 335-336). უტყუარი ფაქტები სრულიად საწინააღმდეგოზე მიუთითებენ. ასე, მაგალითად, 1919წ. დასაწყისში ქართული სამხედრო ნაწილების მოქმედებით უკმაყოფილო სომხური ათარის წარმომადგენლები სოხუმის ოლქის კომისარ ბ.ჩხიკვიშილის სწერდნენ: „ჩვენ ყოველთვის მეგობრულად ვიყავით მოძმე ერის დემოკრატიულ რესპუბლიკასთან. ოლქში ბოლშევიკური ანარქიის დროს ჩვენ ვმუშაობდით და ვიბრძოდით გამორულ სახალხო გვარდიასთან ერთად. თურქული დესანტის დევნაში ჩვენ ყველანიარად ვეხმარებოდით ჩვენს რაიონში მოქმედ სამხედრო ნაწილებს. საქართველოსთან სომხეთის ომშიც დაეამტკიცეთ, რომ კეთილგანწყობილი ვართ დემოკრატიული მთავრობის მიმართ. ჩვენ დრმად გეწამს, ვენდობით, მომავალშიც ვიწამებთ და მივენდობით საქართველოს დემოკრატიულ მთავრობას და ოლქში მის წარმომადგენლებს, რომლებთანაც მუდამ სოლიდარულები იყვნენ ჩვენი არჩევითი წარმომადგენლები საოლქო სომხურ ეროვნულ საბჭოში“ (ჯ.გამახარია. აფხაზეთი: ისტორიისა და პოლიტიკის საკითხები, გვ. 116). 1919წ. მარტში აფხაზეთში სომხური ეროვნული საბჭოს თავმჯდომარე და სახალხო საბჭოს წევრი ხ. ავდალბეკიანიც იმავეს სწერდა ნ.ჭორდანიას: „საქართველოს რესპუბლიკის დამოუკიდებლობის გამოცხადების პირველი დღეებიდანვე სოხუმის ოლქის სომხური მოსახლეობა მხურვალე სიმპატიებით იყო გამსჭვალული ახალგაზრდა დემოკრატიული სახელმწიფოსადმი. თავისი დამოკიდებულება მან ფაქტობრივად დააფიქსირა აფხაზეთის სახალხო საბჭოს არჩევნებში მასობრივი მონაწილეობით, ერთიანად მისცა რა ხმა სოციალ-დემოკრატიულ პარტიას“ (Дж.Гаммахария, Б.Гогия. დასახ. ნაშრომი, გვ. 91). ზუსტად იგივე ითქმის ბერძნულ მოსახლეობაზეც, რომლის ეროვნული საბჭო (თავმჯდომარე – სახალხო საბჭოს წევრი ი. ფაშალიძე) მტკიცედ უჭერდა მხარს საქართველოს დემოკრატიულ რესპუბლიკას. ამის შესახებ წერდა თვით ს.ბასარიაც (С. Басария. Абхазия..., გვ. 95). ბერძნული მოსახლეობა დევნას განიცდიდა არა ქართველების მხრიდან, არამედ ბანდიტური ორგანიზაცია „კიარაზისაგან“, რის შესახებაც მსჯელობა სახალხო საბჭოშიც (1918წ. 20 ივლისი) გაიმართა (ჯ. გამახარია. ქართულ-აფხაზურ ურთიერთობათა ისტორიიდან, გვ. 61). სეპარატისტთა უკმაყოფილებას იწვევდა სწორედ სახელმწიფოს ერთგული სომხებისა და ბერძნების აფხაზეთთან გათანაბრება პოლიტიკურ და სოციალურ-ეკონომიკურ (აგრარულ) უფლებებში (იხ. აქვე, გვ. 304-305). საქართველოს სახელმწიფოსადმი აფხაზეთის გერმანული მოსახლეობის ერთგულება გახდა საბაბი სეპარატისტების მხრიდან მათი დარბევის მცდელობისა; ამასთან დაკავშირებით, კავკასიაში გერმანიის წარმომადგენელი სთხოვდა რ. ჩქორჯუას, მიეღო ზომები მოსალოდნელი უბედურებისაგან გერმანულ კოლონისტთა დასაცავად (დ. ჩიტაია. აფხაზეთის საკითხი, გვ. 255-256).

¹⁷¹⁸ . А. Деникин. Очерки русской смуты. Октябрь 1918 – январь 1919, гв. 283.

¹⁷¹⁹ . ჯ. გამახარია. ქართულ-აფხაზურ ურთიერთობათა ისტორიიდან, გვ. 73.

¹⁷²⁰ . სიღრუვა, თითქოს ხალხმა ბოიკოტი გამოუცხადა დამფუძნებელი კრების არჩევნებს (О. Бгажба, С. Лакоба. История Абхазии, გვ. 335). მსგავსი მტკიცებისათვის საფუძველს არ იძლევა დამფუძნებელი კრების დამატებით არჩევნებში აფხაზეთის მონაწილეობის საკითხის განხილვის ჩაშლა სახალხო საბჭოს 1919წ. 25 ნოემბრის სხდომაზე (დ.ჩიტაია. აფხაზეთის საკითხი, გვ. 316-317).

აფხაზეთის ავტონომიის შესახებ“, რომლის პირველ პუნქტში ნათქვამია: „აფხაზეთი შედის საქართველოს დემოკრატიული რესპუბლიკის შემადგენლობაში, როგორც მისი ავტონომიური ერთეული, რის შესახებაც ეცნობოს საქართველოს რესპუბლიკის მთავრობას და მის დამფუძნებელ კრებას“¹⁷²¹. „აქტის“ მიხედვით, აფხაზეთის კონსტიტუციას შეიმუშავებდა დამფუძნებელი კრებისა და სახალხო საბჭოს შერეული პარიტეტული კომისია და ძალაში შევიდოდა ორივე ორგანოს მიერ მისი დამტკიცების შემდეგ.

სახალხო საბჭოს პირველმა სხდომამ მოითხოვა გაგრის უბნის დაუყოვნებლივ განთავისუფლება „მოხალისეებისაგან“ ისტორიულ საზღვრამდე – მდ.მზიმთამდე, წარდგინებით მიმართა საქართველოს მთავრობის თავმჯდომარეს და იუსტიციის მინისტრს აფხაზეთის ტერიტორიაზე ბოლშევიკურ მოძრაობაში მონაწილეობისათვის დაპატიმრებულთა ამნისტირების შესახებ¹⁷²².

„აქტით აფხაზეთის ავტონომიის შესახებ“ მოხდა რეგიონის თვითგამორკვევა. მოსახლეობის დიდი უმრავლესობის ნებით, საქართველოს ეს უძველესი მხარე, გარეშე მტრული ძალების მხრიდან მისი მიტაცების არაერთგზისი მცდელობის მიუხედავად, კვლავ საქართველოს შემადგენლობაში დაბრუნდა. ამით აფხაზეთისათვის ბრძოლის უმნიშვნელოვანესი და უმძიმესი ეტაპი წარმატებით დაგვირგვინდა.

3. პოლიტიკური ვითარება ავტონომიურ აფხაზეთში და მისი ოკუპაცია საბჭოთა რუსეთის მიერ. 1919წ. მარტი – 1921წ. მარტი

ახალ ვითარებაში, როცა რეგიონის წინაშე ავტონომიის რეალურად განხორციელების ამოცანა იდგა, მთავარი გახლდათ მტკიცე დემოკრატიული ხელისუფლების ორგანიზაცია და მისი ეფექტურობის ამაღლება. სახალხო საბჭო, როგორც არჩევითი ორგანო, სრულად მოიცავდა აფხაზეთში არსებულ პოლიტიკურ სპექტრს. მყარი უმრავლესობის მქონე მმართველ სოციალ-დემოკრატიულ პარტიას ძლიერი და გარედან მართული ოპოზიცია ჰყავდა. მათ შორის ერთ-ერთი ყველაზე რადიკალური იყო „დამოუკიდებელი სოციალისტების“ ფრაქცია (დალანია, მ.ცაგურია, ს.ჭანბა, ი.მარღანია, რ.კაკუბა, ა.დემიანოვი, რ.ჩქოტუა), რომლის ერთი ნაწილი ბოლშევიკებთან თანამშრომლობდა, მეორე – თეთრგვარდიელებთან. მათ საერთო პლატფორმას აფხაზეთში მდგომარეობის დესტაბილიზაცია, საქართველოს დემოკრატიული რესპუბლიკის დისკრედიტაცია და დამსობა წარმოადგენდა. მოგვიანებით (1919წ. ნოემბერი) სოციალ-დემოკრატებს გამოეყო „ინტერნაციონალისტთა“ ფრაქცია (კ.ბარციცი, დ.ძკუია, მ.თარნავა). ძალიან ხშირად ისინი მხარს უჭერდნენ „დამოუკიდებელ სოციალისტებს“, მონაწილეობდნენ ყველა ანტიქართულ აქციაში.

სახალხო საბჭოს ჰყავდა პრეზიდიუმი (თავმჯდომარე, მოადგილე, მდივანი) და „სენიორენ კონვენტი“ (უხუცესთა საბჭო). ისინი ერთობლივ სხდომებს ატარებდნენ, სადაც წინასწარ იხილავდნენ საბჭოს დღის წესრიგს, აგრეთვე სამეურნეო და სხვა შიდა საკითხებს. 1919წ. 20 მაისს სახალხო საბჭოს თავმჯდომარის პოსტი ვარლამ შარვაშიძემ დაიკავა. 1920წ. თებერვლამდე მისი მოადგილე იყო მ. ბერულავა, შემდგომში კი – ტ. კვარაცხელია (მომავალში სსრკ მეცნიერებათა აკადემიის წევრი). მდივნის თანამდებობა კ. აქირთავამ დაიკავა. „სენიორენ კონვენტში“ შედიოდნენ ს.ჭანბა, ვ.ანნაბაძე, მ.თარნავა, დ.ალანია, დ.ემუხვარი. სახალხო საბჭო ზოგჯერ მცირე შემადგენლობით იკრიბებოდა („მცირე სახალხო საბჭო“) და განსახილველ საკითხებს წინასწარ ამუშავებდა. მის სხდომებს ესწრებოდნენ ვ.შარვაშიძე, დ.ემუხვარი, პ.გელოვანი, ვ.ანნაბაძე, დ.ალანია, მ.ბერულავა, ი.ღორთქიფანიძე, გ.კოროლიოვი, ტ.კვარაცხელია, გ.ზუხუბაია¹⁷²³.

აფხაზეთა სახალხო საბჭო 1919წ. 8-10 აპრილს განიხილავდა მართვის ორგანოების ფორმირების საკითხს. გადაწყდა, შექმნილიყო აფხაზეთის მართვის ორგანო, რომელიც კონსტიტუციის შემუშავებამდე იხელმძღვანელებდა სახალხო საბჭოს ინსტრუქციებით.

¹⁷²¹. Дж. Гамахария, Б. Гогия. დასახ. ნაშრომი, გვ. 435.

¹⁷²². იქვე, გვ. 433-435, 772.

¹⁷²³. იქვე, გვ. 772-773.

მართვის კოლექტიური ორგანო – კომისარიატი სამი წევრისაგან შედგებოდა: შინაგან საქმეთა კომისარი, იუსტიციის, განათლებისა და ჯანდაცვის კომისარი, სახალხო მეურნეობის კომისარი. სახალხო საბჭო ირჩევდა მხოლოდ ერთ კომისარს (პასუხისმგებელს საბჭოს წინაშე), რომელსაც ევალებოდა სხვა კომისრების შერჩევა და კოლექციის შედგენა. კოლექციას ამტკიცებდა სახალხო საბჭო. 1919წ. 13 მაისს საბჭომ მიიღო გადაწყვეტილება აღმასრულებელი ორგანოს – კომისარიატის (მთავრობა) შექმნის შესახებ, თავმჯდომარედ დამტკიცდა დიმიტრი (არზაყან) ემუხვარი. აფხაზთა სახალხო საბჭოს ეწოდა აფხაზეთის სახალხო საბჭო, სოხუმის ოლქს – აფხაზეთი, უბნებს – მაზრები¹⁷²⁴.

სეპარატისტულ ძალებს, ჰკონდათ მჭიდრო ურთიერთობა ა.დენიკინის შტაბთან და მუდმივად ცდილობდნენ ვითარების დესტაბილიზაციას. „მოხალისეებთან“ თავმეფარებულ ალ. შარვაშიძეს და სხვებს დააწერინეს „თხოვნა“ „აფხაზეთის ოლქიდან“ ქართველთა განდევნისა და რუსეთთან მისი მიერთების შესახებ. ამასთან დაკავშირებით ა.დენიკინმა ჯერ კიდევ გაგრის აღებამდე, 1919წ. 1 თებერვალს ახლო აღმოსავლეთში ინგლისელთა ჯარების მთავარსარდალ მილნს და 27-ე დივიზიის მეთაურს ფორესტიე უოკერს (მას ემორჩილებოდა ინგლისელთა ჯარები ამიერკავკასიაში) გაუგზავნა მემორანდუმი, რომელშიც „აფხაზეთის დაშოშმინებისა და საქართველოსთან ჩვენი შეტაკების საბაბის მოხსნის“ მიზნით შემდეგ წინადადებებს აყენებდა: „1. გამოცხადდეს სოხუმის ოლქი ნეიტრალურად; 2. დაუყოვნებლივ გავიდნენ იქიდან ქართული ჯარები და აღმინისტრაცია; 3. წესრიგის დაცვა დაეკისროს მათ მიერ თავისუფლად არჩეულ აფხაზურ ხელისუფლებას და აფხაზეთისაგან შემდგარ სახალხო რაზმებს“¹⁷²⁵. ა.დენიკინის გეგმის მიხედვით, ქართულ ჯარებს მდ. ენგურამდე უნდა დაეხიათ. ამ ე.წ. მემორანდუმის შესახებ სახალხო საბჭოსათვის მოგვიანებით გახდა ცნობილი. 1919წ. 15 აპრილს, მან მოისმინა ი.რამიშვილის მოხსენება და მიიღო მკვეთრი რეზოლუცია. აფხაზეთის ერთადერთი უფლებამოსილი და სრულუფლებიანი წარმომადგენელია სახალხო საბჭო, რომლის მეშვეობით აფხაზეთმა მჭიდრო კავშირი დაამყარა საქართველოსთან, გახდა მისი ავტონომიური ნაწილი და დაადგინა სავსებით საერთო საზღვრები, – ნათქვამია დოკუმენტში; მემორანდუმში მოხსენიებული „აფხაზი ხალხის წარმომადგენლები“ გამოცხადდნენ თვითმარქვებად, დემოკრატიის მტრებად, კონტრრევოლუციონერებად, საკუთარი ხალხის მოღალატეებად; ა.დენიკინის მემორანდუმს საბჭომ „სინამდვილესთან შეუსაბამო“ უწოდა და სთხოვა საქართველოს მთავრობას, 15 აპრილს მიღებული რეზოლუცია მიაწოდოს მოკავშირე სახელმწიფოებს¹⁷²⁶. სახალხო საბჭოს ყველა ფრაქციამ, თვით „დამოუკიდებელმა სოციალისტებმაც“ კი დაგმეს მემორანდუმი და ა.დენიკინთან გამოცხადებული თვითმარქვები. სულ მალე გაირკვა, რომ ესენი იყვნენ ალ. შარვაშიძე და ა.ხასაია. 1919წ. 21 ივნისს სოციალ-დემოკრატიული პარტიის აფხაზეთის ორგანიზაციის გაზეთმა „ნაშე სლოვო“-მ, რომელსაც დიმიტრი გულია რედაქტორობდა, გამოაქვეყნა წერილი „აფხაზეთის იუდა“. „აფხაზეთის წარმომადგენელი, რომელიც ა. დენიკინთან გამოცხადდა დაჟინებული თხოვნით დენიკინის ჯარების მიერ აფხაზეთის დაკავების თაობაზე, აფხაზეთის მოღალატე, გამოვლენილია.

ეს არის ალექსანდრე შარვაშიძე, ვინც თავის დროზე აფხაზეთში თურქული დესანტის გადმოსხმას ცდილობდა, ის რუსი „პატრიოტი“, რომელსაც სურდა თურქებისათვის რუსეთის ყოფილი ნაწილის გადაცემა.

აი, ვისი სახელით ამართლებდა დენიკინი ევროპის წინაშე საქართველოზე, აფხაზეთზე თავის ყაჩაღურ თავდასხმას“. გაუგებარია, როდესაც თანამედროვე სეპარატისტული ისტორიოგრაფია, ხოტბას ასხამს ა.დენიკინს და მასთან გამოცხადებულ „აფხაზეთის იუდას“, კრინტს არ ძრავს სახალხო საბჭოს 1919წ. 15 აპრილის გადაწყვეტილებისა და დიმიტრი გულიას გაზეთის პუბლიკაციის შესახებ.

¹⁷²⁴ ჯ. გამახარია. ქართულ-აფხაზურ ურთიერთობათა ისტორიიდან, გვ. 82. აფხაზთა სახალხო საბჭოს სახელი გადაერქვა 1919წ. 13 მაისს და არა 1918წ. აგვისტოში, ან 1919წ. თებერვალში, როგორც ფიქრობს დ. ჩიტაია (იხ. მისი: აფხაზეთის საკითხი, გვ. 237, 239).

¹⁷²⁵ А. И. Деникин. Очерки русской смуты..., октябрь 1918г. - январь 1919г., гв. 284.

¹⁷²⁶ Дж. Гамахария, Б. Гогия. დასახ. ნაშრომი, გვ. 436-437, 774.

მიუხედავად ადენიკინის მემორანდუმისა და სეპარატისტთა „თხოვნისა“, ინგლისელებმა არაერთხელ მოითხოვეს არა აფხაზეთის, არამედ სოჭის ოლქისა და გაგრის გამოცხადება ნეიტრალურ ზონად, იქიდან „მოხალისეთა“ გაყვანა, მაგრამ თეთრგვარდიელები დათმობაზე არ მიდიოდნენ. 1919წ. თებერვალში მდ.ბზიფის გასწვრივ დაპირისპირებულ მხარეთა შორის ინგლისელთა ასეული ჩადგა. ამას დიდად არ შეუშლია ხელი ქართული ჯარებისათვის, რომლებმაც გენერალ გედევანიშვილის სარდლობით 4 აპრილს გადალახეს მდ. ბზიფი და რამდენიმე დღეში დაიკავეს ტერიტორია მდ.მზიმთამდე. მალე ოდნავ უკან დაიხიეს და მდ.მეხადირზე გამაგრდნენ¹⁷²⁷. ადენიკინი მისი ჯარების სრულ განადგურებამდე და რუსეთიდან გაქცევამდე ცდილობდა გაგრისა და ქართველთა განდევნას, მთელი აფხაზეთის ხელში ჩაგდებას. სასაზღვრო საკითხი იხილებოდა 1919წ. 23 მაისს ეგვიპტეკორისა და ნ.რამიშვილის შეხვედრაზე ინგლისელ გენერალ ბრიგსთან, რომელიც „მოხალისეთა“ პოზიციას გამოხატავდა. ქართულმა მხარემ უარყო ბრიგსის წინადადება მდ.ბზიფამდე უკანდახვევის შესახებ¹⁷²⁸. როგორც ადენიკინი ამოწმებს, 1919წ. 9 აპრილს გენერალი მილნი საქართველოსაგან მდ.ბზიფამდე ტერიტორიის დათმობას მოითხოვდა. იგივე გაიმეორა ინგლისელთა მისიამ 12 ივნისს, მაგრამ, „ეტიყობა, ბრიტანელთა ავტორიტეტი, – წერდა ადენიკინი – უკვე არ იყო საკმარისი შეტაკების არც თავიდან აცილებისათვის, არც ლიკვიდაციისათვის... ქართველები დარჩნენ მეხადირზე... სრულ საბრძოლო მზადყოფნაში იდგნენ სანაპიროზე ერთმანეთის წინააღმდეგ ორივე მხარის ჯარები, რომლებიც ყოველ წუთს რისკავდნენ იმით, რომ რაიმე გაუთვალისწინებელი შემთხვევის გამო თოფები და ქვემეხები „თავად ალაპარაკდებოდნენ“¹⁷²⁹. ხშირი იყო უნდობლობითა და ეჭვებით გამოწვეული შეტაკებები მდ.მეხადირზე. გაურკვეველი მდგომარეობა „არც მშვიდობა, არც ომი“¹⁷³⁰ ბოლომდე გაგრძელდა.

გენ. ადენიკინის მოქმედებები საქართველოს წინააღმდეგ მისი საერთო სამხედრო წარმატებების ფონზე მართლაც სახიფათო ხდებოდა. აქტიურობდა თეთრგვარდიელთა აგენტურაც სეპარატისტების სახით. 1919წ. მაისში „მოხალისეებმა“ მთიელთა რესპუბლიკა გაანადგურეს. აფხაზი სეპარატისტები ჩრდილოეთკავკასიელთა მოტყუებისა და მხარდაჭერის მოპოვების მიზნით მუდმივად ცდილობენ და თავიანთ შრომებშიც ამტკიცებენ, ვითომ აფხაზეთი ყოველთვის იყო მთიელთა რესპუბლიკის ნაწილი¹⁷³¹. ადენიკინის მიერ ამ რესპუბლიკის განადგურებასთან დაკავშირებით კი სეპარატისტებს ხმა არ ამოუღიათ 1919 წელს; დღესაც აფხაზური ისტორიოგრაფია გვერდს უვლის აღნიშნულ თემას და დაკავებულია მხოლოდ ცილისწამებებით საქართველოს წინააღმდეგ. არადა, სწორედ საქართველო იყო ის ქვეყანა, რომელიც აზერბაიჯანთან ერთად ყოველნაირად მხარში ედგა მთიელებს, ამარაგებდა მათ იარაღით, ეხმარებოდა ცოცხალი ძალით.

6. ჟორდანიას თავის მოვონებებში წერდა, რომ მთიელთათვის გულუხვ დახმარებას „ითხოვდა ჩვენი ჩრდილო საზღვრების უზრუნველყოფა: ძლიერი, დამოუკიდებელი მთა იყო ჩვენი სიმაგრე, მოსკოვის წინააღმდეგ ამართული. მის არსებობაში ვიყავით ყოველნაირად დაინტერესებული და ეს გვიკარნახებდა ჩვენს დამოკიდებულებას მასთან“¹⁷³². ორ რესპუბლიკას შორის არსებულ მეგობრულ ურთიერთობაზე თბილისში ევაკუირებული დევნილი მეჯლისის მიერ მთიელთა რესპუბლიკის შეიარაღებული ძალების უმაღლეს მთავარსარდლად ქართველი გენერლის კერესელიძის დანიშვნაც მიუთითებს. 1919წ. სექტემბრამდე ის ჩეჩნეთში იმყოფებოდა და საომარ მოქმედებებს ხელმძღვანელობდა. ამის გამო ადენიკინმა საქართველოს ეკონომიკური ბლოკადა

¹⁷²⁷. А. И. Деникин. Очерки русской смуты...., Октябрь 1918 г. - январь 1919, гв. 288-293.

¹⁷²⁸. А. Ментешавили. Исторические предпосылки..., гв. 36-41.

¹⁷²⁹. А. И. Деникин. Очерки русской смуты...., Октябрь 1918 г. - январь 1919, , гв. 296.

¹⁷³⁰. იქვე, январь 1919 – март 1920. Минск, Харвест, 2002, гв. 273; 1919წ. 18 ივნისს ე. გეგეჭკორმა სთხოვა შუამდგომლობა იტალიის მისიას და განაცხადა: „საქართველოს მთავრობა დენიკინის საზღვრებს დასთანხმდება, თუ ბზიფსა და მეხადირს შორის ნეიტრალურ ზონაში იტალიელები ჩადგებიან“ (დ. ჯოჯუა. საქართველო-იტალიის ურთიერთობა 1919-1921წწ. თბ., 1997, გვ. 100). მოგვიანებით, როცა გაირკვა, რომ იტალიის ჯარები საქართველოში ინგლისელებს არ შეცვლიდნენ, მთავრობამ გაგრის ზონის ნეიტრალიზაცია ისევ ინგლისელებს სთხოვა. მიუხედავად ამისა, ქართველებს მდ. მეხადირი არ დაუტოვებიათ.

¹⁷³¹. О. Бгажба, С. Лакоба. История Абхазии, гв. 320 და ა.შ.

¹⁷³². ნოე ჟორდანიას ჩემი წარსული (მოვონებანი). თბ., 1990, გვ. 110-111.

გამოუცხადა¹⁷³³.

თეთრგვარდიელთა აგრესიული მოქმედებებისადმი მსოფლიოს ყურადღების მიპყრობის მიზნით, 1919წ. 14 ივნისს პარიზის საერთაშორისო კონფერენციაზე საქართველოს დელეგაციის მეთაურმა ნ.ჩხეიძემ ამერიკის შეერთებული შტატების, დიდი ბრიტანეთის, იტალიისა და იაპონიის დელეგაციებს წერილობით აცნობა ადენიკინის გეგმებზე – საქართველოსათვის წაერთმია აფხაზეთის ნაწილი, „რომლის საქართველოსთან შემოერთება სანქცირებული იყო მისი ხალხის კენჭისყრით და რომლის მმართველობას საქართველოს რესპუბლიკის ფარგლებში უზრუნველყოფდა საყოველთაო კენჭისყრით არჩეული აფხაზეთის სახალხო საბჭო“¹⁷³⁴. 1919წ. ივნისის დასაწყისში თეთრგვარდიელთა აგრესიისაგან საქართველოს დაცვის მიზნით დიდ სახელმწიფოებს ნოტები გაუგზავნეს ესტონეთის, ლატვიის, ჩრდილოეთ კავკასიის, აზერბაიჯანის, ლიტვის, პოლონეთისა და საქართველოს წარმომადგენლობებმა¹⁷³⁵.

საზღვრების საკითხი გადაწყდა საქართველო-რუსეთს შორის 1920წ. 7 მაისს დადებული ისტორიული ხელშეკრულების ძალით. მაშინ საბჭოთა რუსეთმა სოხუმის ოლქი საქართველოს უდავო ტერიტორიად აღიარა, სახელმწიფოთაშორისი საზღვარი კი მდ.ფსოუზე გადიოდა¹⁷³⁶. ამის თაობაზე 1920წ. 18 მაისს დ. ემუხვარის მიერ მიწოდებული ინფორმაცია სახალხო საბჭომ სიხარულით მიიღო და დამფუძნებელ კრებას სპეციალური რეზოლუციაც გაუგზავნა¹⁷³⁷.

შოვინისტებისა და მათი დამქაშების გეგმები საზღვრებთან დაკავშირებით ჩაიშალა. ამავე დროს უნდა აღინიშნოს, რომ საქართველოს არ აკმაყოფილებდა საზღვარი მდ. მეხადირთან. პარიზის სამშვიდობო კონფერენციაზე საქართველომ 1919წ. მარტში და ივლისში წარადგინა თავისი მოთხოვნები საზღვრებთან დაკავშირებით. ისტორიულ დასაბუთებაში (შეადგინა ივ. ჯავახიშვილმა) ნაჩვენები იყო, რომ საქართველოს ეთნიკური და სახელმწიფოებრივი საზღვარი უძველესი დროიდან მდ.ყუბანამდე, XVს. შემდეგ კი მდ. მაკოფსემდე აღწევდა. საქართველო სწორედ აქ მოითხოვდა რუსეთთან სახელმწიფო საზღვრის დაფიქსირებას. ამასთანავე, თურქეთში იძულებით გადასახლებულ მთიელთა დაბრუნებისა და ჩრდილოეთ კავკასიის სახელმწიფოს შექმნის შემთხვევაში, ქართული მხარე წინააღმდეგი არ იყო საზღვრის გადასინჯვისა და ახალი მიჯნის დადგენისა მდ.მზიმთასა და მაკოფსეს შორის¹⁷³⁸. აღნიშნულ ფაქტს მალაგეს სეპარატისტული ისტორიოგრაფია და რუსეთის იმპერიის საამებლად საქართველოს „იმპერიალისტურ მისწრაფებებზე“ საუბრობს¹⁷³⁹; ამავე დროს, ვერ „ამჩნევს“ აქ საქართველო-აფხაზეთის ისტორიული საზღვრების აღდგენის მცდელობას, ზღვაზე გასასვლელის მქონე ჩრდილოკავკასიური სახელმწიფოს ჩამოყალიბებაზე, მთიელთა სამშობლოში დაბრუნებაზე ზრუნვას.

სეპარატისტული ისტორიოგრაფია თავის მკითხველებს საგულდაგულოდ უმაღლავს იმ ფაქტსაც, რომ საქართველოს დემოკრატიული რესპუბლიკის მთავრობამ 1920წ. აპრილში საერთაშორისო არენაზე გადადგა სერიოზული ნაბიჯები ქართველ და აფხაზ მუჰაჯირთა სამშობლოში დაბრუნების მიზნით¹⁷⁴⁰. რომ არა გასაბჭოება, საკითხი დადებითად იქნებოდა გადაწყვეტილი. ცნობილია, ეს პრობლემა როგორ აწუხებდა აფხაზურ მოსახლეობას, განსაკუთრებით ინტელიგენციას¹⁷⁴¹.

¹⁷³³ А. И. Деникин. Очерки русской смуты..., Январь 1919 – март 1920, гл. 266-271.

¹⁷³⁴ А. Ментешавили. Исторические предпосылки..., гл. 46.

¹⁷³⁵ იქვე, გვ. 46-47.

¹⁷³⁶ Оккупация и фактическая аннексия Грузии. Документы и материалы, Тб., 1990, гл. 75-76; თანამედროვე სეპარატისტები უკანა რიცხვით აცხადებენ, რომ 1920 წ. 7 მაისის ხელშეკრულება „ანექსირებულ“ აფხაზეთზე არ ვრცელდებოდა (О. Бгажба, С. Лакоба. История Абхазии, гл. 337), რაც საერთაშორისო სამართლებრივი ნორმების არცოდნის თუ იგნორირების მაჩვენებელია.

¹⁷³⁷ ჯ. გამახარია. ქართულ-აფხაზურ ურთიერთობათა ისტორიიდან, გვ. 80.

¹⁷³⁸ Оккупация и фактическая аннексия Грузии, гл. 64-68; ლევან თოიძე. ინტერვენციაც, ოკუპაციაც, ძალდატანებითი გასაბჭოებაც, ფაქტობრივი ანექსიაც. თბ., 1991, გვ. 211-215.

¹⁷³⁹ О. Бгажба, С. Лакоба. История Абхазии, гл. 316-321.

¹⁷⁴⁰ А. Ментешавили. Исторические предпосылки..., гл. 47-49.

¹⁷⁴¹ 1920 წ. თებერვალში აფხაზური ინტელიგენციის ყრილობამ სპეციალური რეზოლუცია მიიღო მუჰაჯირების დაბრუნების თაობაზე და მიმართა საქართველოს მთავრობას, რათა მას შესაბამისი ზომები მიეღო (ჯ. გამახარია. ქართულ-აფხაზურ ურთიერთობათა ისტორიიდან, გვ. 81). მიუხედავად იმისა, რომ საქართველოს მთავრობამ მუჰაჯირების დაბრუნების საკითხი გამარჯვებულ მოკავშირე სახელმწიფოთა უმაღლესი საბჭოს წინაშე დააყენა, ვ. შნირელმანი

აფხაზეთის ხელისუფლებას სერიოზულ პრობლემად ექცა სოხუმის რუსი ეპისკოპოსის სერგის, მოლიანად რუსული სამღვდლოების ანტისახელმწიფოებრივი საქმიანობა. ქართული ეკლესიის ავტოკეფალიის აღდგენის შემდეგ სოხუმის ეპისკოპოსი ე.წ. კავკასიის საეგზარქოსოს (შექმნა 1917წ. ივლისში) ექვემდებარებოდა. საქართველოს პირველმა საეკლესიო კრებამ (1917წ. 8-17 სექტემბერი) შექმნა ცხუმ-ბედიის ეპარქია. მთელ აფხაზეთზე ქართული ეკლესიის იურისდიქციის გავრცელებამდე იგი დროებით ჭყონდიდის ეპარქიას მიეწერა. 1917წ. ბოლოდან ამ უკანასკნელის დაქვემდებარებაში გადმოვიდნენ სამურზაყანოში მოქმედი ეკლესიები და სხვა ქართული სამრევლოები დანარჩენ აფხაზეთში.

რუს მღვდელმსახურთა ქმედობები პირდაპირ კავშირში იყო რუსეთის სამოქალაქო ომში თეთრგვარდიელთა წარმატება-წარუმატებლობასთან. ეპ. სერგი უარს ამბობდა ქართულ სამღვდლოებასთან, მათ შორის ჭყონდიდელ მიტროპოლიტ ამბროსისთან ყოველგვარ ურთიერთობაზე, ცდილობდა კავკასიის საეგზარქოსოსაგან გამოყოფას, სანამ საქართველოს ეკლესია თავის იურისდიქციას მთელ აფხაზეთზე გაავრცელებდა. აღნიშნული გეგმის ჩაშლის შემდეგ იგი სამხრეთ-აღმოსავლეთ რუსეთის დროებით უმაღლეს საეკლესიო სამმართველოს ემორჩილებოდა¹⁷⁴². ასეთი მდგომარეობა აფხაზეთში ვითარების სტაბილიზაციამდე გაგრძელდა. 1919წ. 20 მარტის ისტორიული აქტის მიღებამ და აფხაზეთის სტატუსის გარკვევამ დღის წესრიგში დააყენა სოხუმის ეპარქიის რეორგანიზაციის საკითხიც. 1919წ. 1 სექტემბერს აფხაზეთის კომისარიატმა მიიღო დეკრეტი მართლმადიდებელი ეკლესიების მართვის შესახებ. სოხუმის საკათედრო ტაძარი, მისი კრებულისა და მღვდელმთავრის სახლები აფხაზეთის საკუთრებად იქნა აღიარებული; ვაკანტურად გამოცხადდა საეპისკოპოსო კათედრა; ახალი მღვდელმთავრის არჩევამდე დაინიშნა ეპარქიის დროებითი მმართველი. ეს თანამდებობა თავიდან არქიმანდრიტ იოანე მარგიშვილს, 11 სექტემბრიდან კი ჭყონდიდელ მიტროპოლიტ ამბროსის (ხელაია) ეკავა. შესაბამისი მოსამზადებელი სამუშაოების ჩატარების შემდეგ, 1918წ. 7 ოქტომბერს აფხაზეთის საგანგებო საეკლესიო კრება გაიმართა. მან მოისმინა მიტროპოლიტ ამბროსის ბრწყინვალე მოხსენება და მისი ძირითადი დებულებების გათვალისწინებით ისტორიული გადაწყვეტილებები მიიღო. ამიერიდან ყოფილ სოხუმის ეპარქიას ცხუმ-აფხაზეთის ეპარქია ეწოდა და იგი კვლავ ქართული ეკლესიის ორგანული ნაწილი გახდა; მიტროპოლიტის თანამდებობაზე კრებამ წმ.ადმსარებელი ამბროსი ერთხმად აირჩია. საგანგებო კრების გადაწყვეტილებები 1919წ. 28 ოქტომბერს სრულიად საქართველოს საკათალიკოსო საბჭომ დაამტკიცა¹⁷⁴³.

საზგასმით უნდა აღინიშნოს, რომ ქართული ეკლესიის გაერთიანება საეკლესიო და საერო კანონების სრული დაცვით განხორციელდა. ბოლო მოელო აფხაზეთში ეკლესიის ეროვნული ნიშნით დაყოფის (ფილექიზმი) ანტიკანონიკურ პრაქტიკას, ანტისახელმწიფოებრივი მიზნებისათვის ღვთისმსახურთა გამოყენებას. ამიტომაც არ მოხლონდათ რუს შოვინისტებს, მათთან აღიანსში მყოფ სეპარატისტებს აფხაზეთში განხორციელებული საეკლესიო რეფორმა და შეეცადნენ, ეს საკითხი სახალხო საბჭოს სხდომაზე¹⁷⁴⁴, აგრეთვე საერთაშორისო დონეზე¹⁷⁴⁵ განხილვის საგნად ექციათ, მაგრამ მიზანს მაინც ვერ მიაღწიეს.

სეპარატისტები ცრუობენ, როცა წერენ, რომ საქართველოს მთავრობამ აფხაზეთის დაწესებულებებს და სასწავლებლებს თავს მოახვია ქართული ენა.¹⁷⁴⁶ ეს არ მომხდარა, როდესაც საქართველოს შინაგან საქმეთა სამინისტრომ დაამტკიცა დებულება (1918წ. 20 ივლისი) ფოსტა-ტელეგრაფის ნაციონალიზაციის (ქართულ ენაზე გადაყვანის) შესახებ¹⁷⁴⁷. რაც შეეხება 1919 წლიდან სკოლებში ქართული ენის შემოღებას, განიხილეთ

ცრუობს და აცხადებს, რომ აფხაზეთა მიმართევი საქართველოს მთავრობისადმი აღნიშნულ თემაზე „დახეტიალობდა ბიუროკრატიული არხებით“ (В. Шнирельман. Войны памяти, გვ. 265).

¹⁷⁴². წმინდა აღმსარებელი ამბროსი და აფხაზეთი. გვ. 48-50, 240-241.

¹⁷⁴³. იქვე, გვ. 51-52, 258-281.

¹⁷⁴⁴ ჯ. გამახარია. აფხაზეთი და მართლმადიდებლობა, გვ. 816-821

¹⁷⁴⁵. იქვე, გვ. 812-814; წმინდა აღმსარებელი ამბროსი და აფხაზეთი, გვ. 291-295.

¹⁷⁴⁶. О. Бгажба, С. Лакоба. История Абхазии, გვ. 336.

¹⁷⁴⁷. შს-ს 1918 წ. 20 ივლისის დებულებასთან დაკავშირებით სახალხო საბჭომ 1918 წ. 25 ივლისს იმსჯელა. მან მიზანშეწონილად მიიჩნია დაწესებულებათა ნაციონალიზაცია, მაგრამ აღნიშნა, რომ ჯერჯერობით ამის განხორციელებისათვის პირობები არ არსებობს; ამიტომაც გადაწყდა: „აფხაზეთის ტერიტორიაზე სახელმწიფო

სახალხო საბჭოს სხდომაზე (1919წ. 18 ნოემბერი) განმარტავდა: „ჩემთვის კარგადაა ცნობილი, რომ სახელმწიფო ენის სწავლა, თუ მასზე სწავლება არა, სახელმწიფო სამართლის ანაბანას წარმოადგენს“¹⁷⁴⁸. სეპარატისტებს, სამწუხაროდ, ეს არ ესმით. საქართველოს მთავრობა ნამდვილად არ ჩქარობდა სახელმწიფო დაწესებულებების ნაციონალიზაციას (საქმისწარმოება აფხაზეთში რუსულ ენაზე მიმდინარეობდა, ურიერთობა კი ცენტრალურ ხელისუფლებასთან სახელმწიფო ენაზე უნდა ყოფილიყო, თუმცა ეს მოთხოვნაც ხშირად ირღვეოდა), ქართულ ენაზე სწავლების შემოღებას, რისთვისაც მას მკაცრად აკრიტიკებდა დამფუძნებელი კრებაში წარმოდგენილი პოლიტიკური ოპოზიცია¹⁷⁴⁹.

საქართველოს მთავრობა, რომელსაც სეპარატისტული ისტორიოგრაფია დენიკინელებზე დაყრდნობით მუდმივად „შოვინიზმში ადანაშაულებს“¹⁷⁵⁰, ზრუნავდა აფხაზეთის, განსაკუთრებით აფხაზეთა კულტურული განვითარებისათვის. ნებისმიერი ხალხის ცხოვრებაში უდიდესი მოვლენაა მშობლიურ ენაზე პირველი გაზეთის გამოშვება. აფხაზ ხალხს ასეთი გაზეთი მხოლოდ „შოვინისტი“ ქართველი სოციალ-დემოკრატების „ბატონობის“ დროს ეღირსა – 1919წ. 27 თებერვალს სოხუმში აფხაზურენოვან გაზეთ „აფხნის“ პირველი ნომერი გამოვიდა, აფხაზური შრიფტი თბილისში დამზადდა¹⁷⁵¹; ისტორიაში პირველ აფხაზურ გაზეთს ხელმძღვანელობდა საქართველოს სოციალ-დემოკრატიული პარტიის წევრი დ.გულია, რომელიც მანამდე (1918წ. 1 სექტემბრიდან) სოხუმის საოსტატო სემინარიის აფხაზური ენის მასწავლებლად საშტატო თანამდებობაზე იყო (ასევე პირველად ისტორიაში) დამტკიცებული. აფხაზეთის კულტურულ ცხოვრებაში მნიშვნელოვანი მოვლენა გახლდათ 1918წ. მხატვარ ა.კ. შარვაშიძის თაოსნობით დრამატული სასწავლებლის გახსნა; 1919წ. სოხუმში დაარსდა აგრევე ლიტერატურულ-დრამატული წრე და ა.შ.¹⁷⁵².

საქართველოს მთავრობა ყურადღებით ეკიდებოდა ნებისმიერ თხოვნას აფხაზეთიდან, მით უმეტეს, თუ იგი აფხაზი ხალხის ინტერესებთან იყო დაკავშირებული. მაგალითად, 1919წ. 1 ნოემბერს ნ. რამიშვილი მთავრობას მოახსენებდა აფხაზეთის კომისარიატის თავმჯდომარის დ.ემუხვარის შუამდგომლობის თაობაზე სამხედრო სამსახურისაგან, განურჩევლად სარწმუნოებისა (მანამდე ჯარში მხოლოდ ქრისტიანი აფხაზები მიჰყავდათ), ყველა აფხაზის გათავისუფლების შესახებ. იმავეს ითხოვდა გუდაუთის მაზრის თემთა წარმომადგენლების კრება სოფ. ლიხნში 1920წ. 13 მაისს¹⁷⁵³. თხოვნა დაკმაყოფილდა.

აფხაზეთში არსებულ რთულ პოლიტიკურ ვითარებაზე საკმაოდ სრულ წარმოდგენას გვიქმნის ეროვნულ-დემოკრატიული პარტიის შეკითხვის საფუძველზე საქართველოს დამფუძნებელ კრებაში 1919წ. 2 აგვისტოს გამართული დებატები. შეკითხვის აგტორებს აინტერესებდათ ინფორმაცია აფხაზეთში „საქართველოს დამოუკიდებლობის მოწინააღმდეგე ჯგუფის მეცადინეობით“ შექმნილი განწყობილების, სახელმწიფო ენის ფუნქციონირების შესახებ და ა.შ. შეკითხვას პასუხი ნ.რამიშვილმა გასცა. „აფხაზეთის მდგომარეობა როგორც შინაური, აგრეთვე საგარეო ძალთა შეჯახების მხრივ მეტისმეტად რთულია და თავისთავად აშკარაა, რომ ამ რთულ პირობებში მთავრობის პოლიტიკა უნდა იყოს ფხიზელი და არავითარ აჩქარებას ადგილი არ უნდა ჰქონდეს.

დაწესებულებების ენად დროებით დარჩეს რუსული ენა“ (Дж. Гамахария, Б. Гогия. დასახ. ნაშრომი, გვ. 420). 1918წ. 20 ივლისს შსს-მ სახალხო საბჭოს თავმჯდომარეს აცნობა, რომ მთავრობას არ გამოუცია არანაირი განკარგულება სოხუმის ოლქის სახელმწიფო დაწესებულებების ნაციონალიზაციის შესახებ და არც აპირებს ამის გაკეთებას. სოხუმის ოლქში (ისევე, როგორც ქ. თბილისში, ზაქათალასა და ბორჩალოში) ფოსტა-ტელეგრაფი ქართულ და რუსულ ენებზე ფუნქციონირებდა (იქვე, გვ. 761-762).

¹⁷⁴⁸ Дж. Гамахария, Б. Гогия. დასახ. ნაშრომი, გვ. 454-856.

¹⁷⁴⁹ ო. ბლაჟბა და ს. ლაკობა ისეთ შთაბეჭდილებას უქმნიან მკითხველს, თითქოს 1919წ. 2 აგვისტოს დამფუძნებელი კრების წევრი, მწერალი ლეო ქიაჩელი (შენგელაია) აფხაზეთის „ნაციონალიზაციის“ პოლიტიკის წინააღმდეგ გამოვიდა (О. Бгажба, С. Лакоба. История Абхазии, გვ. 336). პირიქით, მთავრობა მან ასეთი პოლიტიკის გაუტარებლობის გამო, აგრეთვე 1918წ. რეგიონისათვის ზედმეტი უფლებების მინიჭებისათვის გააკრიტიკა (საქართველოს დამფუძნებელი კრება, სტენოგრაფიული ანგარიში. 45-ე სხდომა, 1919, 2 აგვისტო, გვ. 25).

¹⁷⁵⁰ О. Бгажба, С. Лакоба. История Абхазии, გვ. 336.

¹⁷⁵¹ ზ. პაპასქიო. ნარკვევები..., ნაკვ. II, გვ. 65.

¹⁷⁵² იქვე, გვ. 66; С. Лакоба. «Крылились дни в Сухум-кале». Сухуми, 1988 გვ. 53-55, 63; ო. ჟორდანი. დიმიტრი გულია: მასალები პედაგოგიური მოღვაწეობიდან. – ბიულეტენი. აფხაზეთის სულიერებისა და კულტურის ცენტრი, 2008 №3, გვ. 6.

¹⁷⁵³ Дж. Гамахария, Б. Гогия. დასახ. ნაშრომი, გვ. 453-454, 781.

ეჭვს გარეშე არის, რომ იქ, აფხაზეთში, არიან ისეთი ადამიანები, რომელნიც ებრძვიან ჩვენს სახელმწიფოებრიობას და ეს ელემენტები არიან, უპირველეს ყოვლისა, ის მემარჯვენეები, რომელნიც თავიდანვე ცდილობენ, რომ საქართველოსთან არავითარი კავშირი არ ჰქონოდა აფხაზეთს¹⁷⁵⁴. საქართველოს მთავრობა, – ნ.რამიშვილის თქმით, – მიზანმიმართულად ატარებდა რეგიონის მთელი მოსახლეობის აგრარულ, პოლიტიკურ და სოციალურ უფლებებში გათანაბრების დემოკრატიულ პოლიტიკას. ანტიქართული ძალები ცდილობდნენ, ეს პოლიტიკა სახელმწიფოს წინააღმდეგ აფხაზთა ასამხედრებლად გამოეყენებინათ. ნ.რამიშვილმა აღნიშნა, რომ, მიუხედავად ასეთი რთული ვითარებისა, აფხაზეთის სახალხო საბჭო, აფხაზური მოსახლეობის უმრავლესობა მხარს უჭერს საქართველოს ფარგლებში კონსტიტუციით გარანტირებულ ავტონომიურ მართვა-გამგეობას. მინისტრის გამოსვლას მხარი დაუჭირეს დამფუძნებელი კრების (ასევე აფხაზეთის სახალხო საბჭოს) წევრებმა, აფხაზმა ვ.ღურჯუამ და ბ.ჩხიკვიშილიმა. ვ.ღურჯუამ აღნიშნა, რომ აფხაზეთი, რომლის ინტერესები მჭიდროდ უკავშირდება საქართველოს ინტერესებს, დაექვემდებარება საერთო სახელმწიფო კანონებს, მაგრამ ითხოვს დამოუკიდებლობას საშინაო საკითხებში. ამის წინააღმდეგი, – თქვა მან, – ქართული დემოკრატიული ძალები არ იყვნენ და არც იქნებიან. „გაუმარჯოს დემოკრატიულად დარაზმულ ავტონომიურ აფხაზეთს, ამ საქართველოს რესპუბლიკის განუყოფელ ნაწილს“¹⁷⁵⁵, – განაცხადა ვ.ღურჯუამ.

ესერმა ლეო შენგელაიამ მიზანშეუწონლად მიიჩნია აფხაზეთში საკანონმდებლო ორგანოს და მთავრობის არსებობა, თუმცა „აფხაზეთს უნდა მიეცეს ფართო ავტონომია“¹⁷⁵⁶, – თქვა ორატორმა. სოციალისტ-ფედერალისტი ს. მდივანი, რომელიც შედარებით ღლიალობას იჩენდა მთავრობის მიმართ, საერთო შეცდომად მიიჩნევდა სეპარატისტებისათვის ილუზიების შექმნას, ხელშეკრულების დადებას (1918წ.) ყოველგვარ სამართალში გაუთვითცნობიერებელ ადამიანებთან, აფხაზთა (და არა აფხაზეთის) სახალხო საბჭოს შექმნას და ა.შ. მისი აზრით, საჭირო იყო ბრძოლის გაძლიერება თავადაზნაურობისა და რუსეთიდან ჩამოსული შოვინისტების წინააღმდეგ¹⁷⁵⁷.

მთავრობის მკაცრი კრიტიკით გამოვიდა ეროვნულ-დემოკრატიული პარტიის ლიდერი სპ. კეღია. აფხაზეთში არსებულ ვითარებას მან სახიფათო უწოდა; მთავრობის პოლიტიკით აფხაზთა უმეტესობის უკმაყოფილებას, მისი მტკიცებით, ომის შემთხვევაში (დენიკინელებთან) მტრები იოლად გამოიყენებდნენ საქართველოს წინააღმდეგ. უკმაყოფილების ერთ-ერთ მიზეზად გამოისვლელმა თურქეთის ქვეშევრდომებისათვის მიწის დარიგება დაასახელა. „საერთოდ აფხაზეთში ნიადაგი მერყევია, დიდი ანტიქართული მოძრაობაა, რომელსაც ხელმძღვანელობენ და აღრმავენ რუს-სომხის ბოლშევიკ-დენიკინელები და აფხაზთა ინტელიგენციის ერთი ნაწილი“, – განაცხადა სპ. კედიამ და პოლიტიკურ პარტიებს ერთობლივი მუშაობისაკენ მოუწოდა, რათა „ეს ჩვენი საერთო საქმე, რომელიც დღეს აფხაზეთში განსაცდელშია, შეერთებულის ძალ-ღონით, ერთმანეთის ღლიაღური გაგებით, ჩვენდა სასარგებლოდ გამოვაკეთოთ“¹⁷⁵⁸.

დამფუძნებელ კრებაში წარმოდგენილ პოლიტიკურ პარტიებს უფრო მეტად აფხაზეთის კონსტიტუციაზე მუშაობის მიმდინარეობა აღელვებდათ. ეს საკითხი, მართლაც, ყველაზე მწვავე აღმოჩნდა. სახალხო საბჭოს საკონსტიტუციო კომისიამ 1919წ. 30 მარტს თავის პირველ სხდომაზე ერთხმად მიიღო მომავალი კონსტიტუციის პირველი მუხლი: „აფხაზეთი შედის დემოკრატიული საქართველოს შემადგენლობაში, როგორც მისი ავტონომიური ერთეული“¹⁷⁵⁹. რადგანაც ეს იყო „აფხაზეთის ავტონომიის შესახებ აქტის“ პირველი პუნქტის ფაქტობრივი გამეორება, მას კამათი არ გამოუწვევია. სხვა საკითხებთან დაკავშირებით კომისიაში ერთსულოვნება არ სუფევდა, მისი მუშაობა დაძაბულად მიმდინარეობდა. 1919წ. 23 მაისს საკონსტიტუციო კომისია ორ ქვეკომისიად გაიყო და, შესაბამისად, ორი ერთმანეთისაგან განსხვავებული პროექტი

1754. საქართველოს დამფუძნებელი კრება. სტენოგრაფიული ანგარიში. 45-ე სხდომა, 1919, 2 აგვისტო, გვ. 12-16.

1755. იქვე, გვ. 16-17.

1756. იქვე, გვ. 25-27.

1757. იქვე, გვ. 28.

1758. იქვე, გვ. 29-35.

1759. Дж. Гамахрия, Б. Гогия. დასახ. ნაშრომი, გვ. 97.

მომზადდა. მესამე – შემრიგებლური პროექტი შეადგინა აფხაზეთის კომისარიატმა¹⁷⁶⁰. მათ შორის ვერცერთმა ვერ მიიღო სახალხო საბჭოს წევრთა ხმების საჭირო რაოდენობა, მაგრამ მეტი მოწონება (20 ხმა) მაინც კომისარიატის პროექტმა დაიმსახურა. 1919წ. 21 ივლისს სახალხო საბჭომ აირჩია დელეგაცია (დ. ემუხვარი, გ.კოროლიოვი, მ.უბირია, ვ.დურჯუა, მ.ცაავა, მ. გრიგოლია), რომელსაც ცენტრალურ ხელისუფლებასთან საკონსტიტუციო საკითხების განხილვა დაევალა. 1919წ. სექტემბერ-ოქტომბერში ის თბილისში იმყოფებოდა. 4 ოქტომბერს დელეგაციამ მოხსენებითი ბარათი მიაერთა მთავრობას, რომელშიც საუბარი იყო ცენტრსა და რეგიონს შორის უფლებამოსილების გამიჯვნის, კონსტიტუციის მიღების აუცილებლობაზე, აგრარულ რეფორმაზე, სოციალურ-ეკონომიკურ პრობლემებზე.

დამფუძნებელი კრების პრეზიდიუმმა, სახალხო საბჭოს თხოვნით, აფხაზეთის საკონსტიტუციო საკითხებზე სამუშაოდ გამოყო ხუთკაციანი (პ.საყვარელიძე, ს.დადიანი, გ.გვაზავა, ნანეიშვილი, მ.ხოჭოლავა) კომისია. დელეგაციისა და კომისიის ერთობლივი მუშაობა საკმაოდ ნაყოფიერი აღმოჩნდა. შეიქმნა რესპუბლიკასა და ავტონომიას შორის შეთანხმების პროექტი აფხაზეთის მმართველობის ძირითადი დებულებების შესახებ. მასში აისახა ცენტრსა და რეგიონს შორის ფაქტობრივად ჩამოყალიბებული ურთიერთობანი. სახალხო საბჭოს დელეგაციის 1919წ. 4 ოქტომბრის მოხსენებითი ბარათის საფუძველზე მთავრობამ იმავე წლის 20 დეკემბერს დაამტკიცა „აგრარული რეფორმისა და აფხაზეთში სახელმწიფო ქონების მართვის დროებითი დებულება“¹⁷⁶¹.

საქართველოს მთავრობის მოწვევით 1919წ. სექტემბრის ბოლოდან თბილისში იმყოფებოდა კიდევ ერთი დელეგაცია აფხაზეთიდან (ი.მარღანია, დ.ალანია, მ.ცაგური, მ.თარნავა), რომელიც სახალხო საბჭოს 14 სეპარატისტულად განწყობილი წევრის პოზიციას გამოხატავდა. მთავრობა, როგორც ვხედავთ, ყველა მიმდინარეობასთან მოლაპარაკებისა და შეთანხმების გზას ადგა. სეპარატისტებთან შეხვედრას მან მიუძღვნა სპეციალური სხდომა, რომელზეც დელეგაცია მოხსენებით წარდგა. ნ.ჟორდანიას თხოვნით, ეს მოხსენება წერილობით გაფორმდა და 1919წ. 29 სექტემბერს მთავრობას წარედგინა. მასში სეპარატისტებისათვის ჩვეული ტენდენციურობით იყო გაშუქებული აფხაზეთში არსებული ვითარება. გამოსავალს დელეგაციის წევრები მათ მიერ შემუშავებული კონსტიტუციის პროექტის¹⁷⁶² მიღებაში ხელდავდნენ. 1919წ. 15 ნოემბერს აფხაზეთის სახალხო საბჭომ თბილისში ოფიციალურად მივლინებული დელეგაციის მოხსენება მოისმინა. სიტყვით გამოსულმა მ.უბირიამ აღნიშნა, რომ კონსტიტუციაზე მუშაობისას თავიდანვე წარმოიშვა ორი მიმდინარეობა, რომლებიც ერთმანეთისაგან განსხვავდებიან ისტორიული მომენტისადმი, კერძოდ, აფხაზეთის პოლიტიკური და ეკონომიკური ამოცანებისადმი მიდგომებით; ერთ მიმდინარეობას, მომენტის მოთხოვნებიდან გამომდინარე, საჭიროდ მიაჩნდა აფხაზეთის რაც შეიძლება მაღე შეერთება საქართველოსთან, რაც ჩვენს ბობოქარ ეპოქაში მისი უსაფრთხოების, ხოლო მომავალში მხარის სოციალურ-ეკონომიკური და კულტურული განვითარების საწინდარი იქნებოდა. მეორე მიმდინარეობაც სცნობდა აფხაზეთის საქართველოსთან შეერთების აუცილებლობას, – დასძენდა მ. უბირია, – მაგრამ ისტორიული პერსპექტივის თვალსაზრისით უფრო მართებულად მიაჩნდა რესპუბლიკასთან რაც შეიძლება სუსტი კავშირის დამყარება, მეტი დამოუკიდებლობის მოპოვება, რაც ვითარების შეცვლის შემთხვევაში სხვა გადაწყვეტილების მიღების საშუალებას მისცემდა¹⁷⁶³. ეს ორი მიდგომა აისახა საკონსტიტუციო კომისიაში შედგენილ

¹⁷⁶⁰. სამივე პროექტი გამოქვეყნებულია. იხ.: А. Ментешавили. Исторические предпосылки..., გვ. 80-94.

¹⁷⁶¹. Дж. Гамахария, Б. Гогия. დასახ. ნაშრომი, გვ. 98-100, 451-453.

¹⁷⁶². А. Ментешавили. Исторические предпосылки..., გვ. 89-94.

¹⁷⁶³. სოციალ-დემოკრატი-ინტერნაციონალისტთა პრობოლშევიკური ფრაქციის დეკლარაციაში, რომელიც 1919 წ. 25 ნოემბერს სახალხო საბჭოს სხდომაზე მთარნავამ გააჟღერა, ნათქვამი იყო, რომ თანამედროვე კონსტიტუციის პირობებში აღიარებენ და იცავენ საქართველოს დემოკრატიულ რესპუბლიკას შიდა და გარეშე მტრებისაგან; საქართველოს დამოუკიდებლობა ფრაქციისათვის წარმოადგენდა მიზნის მიღწევის საშუალებას; მომავალში კი, როცა პოლიტიკური ვითარება შეიცვლებოდა, „ინტერნაციონალისტები“ მხარს დაუჭერდნენ საქართველოსა და აფხაზეთის მიერთებას „რუსეთის ხალხების საერთო ოჯახთან“ ისე, რომ წინასწარ არ აყენებდნენ პირობებს ამ „საერთო ოჯახში“ მათი პოლიტიკური მოწოდების ფორმების შესახებ (Дж. Гамахария, Б. Гогия. დასახ. ნაშრომი, გვ. 111). ამრიგად, კონსტიტუციის გარშემო სეპარატისტთა მიერ ატეხილი აურზაური ვითარების დესტაბილიზაციის ინტერესებს უფრო უკავშირდებოდა, ვიდრე რეალური ავტონომიის მოპოვების მიზანს. ამიტომ სიცრუვა სეპარატისტული ისტორიოგრაფიის

პროექტებში. მ. უბირიამ აღნიშნა, რომ თბილისი არ ჩქარობდა აფხაზეთის (ქვეყნის ნაწილის) კონსტიტუციის დამტკიცებას, სანამ არ იქნებოდა მიღებული ქვეყნის ძირითადი კანონი. მიუხედავად ამისა, როგორც უკვე ითქვა, მოხერხდა აფხაზეთის მმართველობის ძირითად პრინციპებზე შეთანხმება.

სახალხო საბჭოს 15 ნოემბრის სხდომაზე თბილისში მიწვეული მეორე დელეგაციის წევრებიც გამოვიდნენ. მ. თარნავას განცხადებით, მთავრობასთან ჩვენი შეთანხმების მიღწევა შეუძლებელია. ი. მარღანიამ დაუმატა, რომ, ნ. ჟორდანიას სიტყვებით, შეთანხმება შესაძლებელია, თუ მოვრიგდებით დენიკინისადმი დამოკიდებულების საკითხში.

აფხაზეთის მიმართ საქართველოს მთავრობის პოზიცია 1920წ. 6 თებერვალს სახალხო საბჭოს სხდომაზე მოხსენებით გამოსულმა ნ.რამიშვილმა განმარტა; როცა საქართველო უკვე აღიარეს დასავლეთის ქვეყნებმა, ჩვენი ამოცანაა დემოკრატიის გაღრმავება, ხალხის როლის გაფართოება, – განაცხადა მან. მომხსენებელმა უარყო ჭორები, თითქოს მთავრობას სურს შეკვეცოს აფხაზეთის ავტონომიური უფლებები, შეზღუდოს სახალხო საბჭო და ა.შ. ნ.რამიშვილმა მთავრობის სახელით საბჭოს წევრებს მოახსენა, რომ „აქ, აფხაზეთში საზოგადოებრივ-პოლიტიკური მშენებლობის ერთადერთი გზაა აფხაზეთის ავტონომიური უფლებების განმტკიცება“.¹⁷⁶⁴ ნ.რამიშვილის საკმაოდ ვრცელი და საინტერესო გამოსვლა სახალხო საბჭოს სხდომაზე მალე პროკლამაციის სახით დაიბეჭდა და ყველა აფხაზურ დასახლებულ პუნქტში გამოიკრა. სეპარატისტები იტყუებიან, თითქოს ნ.რამიშვილი საბჭოზე მუქარის შემცველი სიტყვით გამოვიდა.¹⁷⁶⁵

1920წ. 22-23 თებერვალს სოხუმში აფხაზური ინტელიგენციის ყრილობა გაიმართა (თავმჯდომარე გ. ზუხბაია, მოადგილეები – ვანჩაბაძე და დ. გულია). მის მუშაობაში სახალხო საბჭოს თავმჯდომარისა და წევრების მონაწილეობამ ყრილობა პოლიტიკურ ტრიბუნად აქცია. ერთმანეთს დაუპირისპირდნენ ქართული ორიენტაციისა და სეპარატისტულად განწყობილი აფხაზები. „ჩვენ, აფხაზები, რუსულ კულტურასთან ვართ ნაზიარები, გვართმევენ ამ კულტურას, ამ ენას და იძულებით თავს გვახვევენ ქართულ ენას. ქართველები მოვიდნენ და წაგვართვეს ჩვენი კულტურა, ქართველები ძალმომრეობით შემოიჭრნენ აფხაზეთში“¹⁷⁶⁶, – ასეთი იყო რენეგატ ი. მარღანიას პოზიცია. საკადრისი პასუხი მას, ასევე სხვა სეპარატისტებს, ჭეშმარიტმა აფხაზმა, ნამდვილმა ინტელიგენტმა ვ. შარვაშიძემ გასცა და ბოლოს ყრილობაც დატოვა. დ. აღანიას, ვ. ანჩაბაძის, მ. თარნავას, მ. უბირიას, ვ. ღურჯუას, დ.ემუხვარის გამოსვლებმა თვალნათლივ წარმოაჩინეს აფხაზურ ინტელიგენციაში არსებული უთანხმოებანი პოლიტიკური ორიენტაციის საკითხებში, რაც, თავის მხრივ, იყო მიზეზი საკონსტიტუციო უთანხმოებებისა.

აფხაზური ინტელიგენციის ყრილობამ დაადასტურა კონსტიტუციის პროექტის სასწრაფოდ შემუშავებისა და დამტკიცების აუცილებლობა. სახალხო საბჭოში გრძელდებოდა მუშაობა ამ მიმართულებით. 1920წ. 21 მაისს არჩეული საბჭოს დელეგაცია ვ. შარვაშიძის, დ. ემუხვარის, დ. ზახაროვის, გ. ზუხბაიას, მ. თარნავას და ვ. ანჩაბაძის შემადგენლობით მალე თბილისს ეწვია. 1920წ. 1 ივლისს მან მოხსენებითი ბარათი წარუდგინა დამფუძნებელი კრების პრეზიდიუმს. „ვნებათადელვის ჩასაცხრობად“ დელეგაცია ითხოვდა დამფუძნებელი კრების სესიაზე აფხაზეთის საქართველოს ავტონომიურ ერთეულად აღიარებას, მისი წარმომადგენლობითი ორგანოსა და მთავრობის კომპეტენციის საკითხების განხილვას. „ამასთან,

მტკიცება, თითქოს ოპოზიცია „ნამდვილი თვითმმართველობის და კონსტიტუციის მიღებისათვის იბრძოდა“ (О. Бгажба, С. Лакоба. История Абхазии, გვ. 334). ავტონომიისა და კონსტიტუციის საკითხებზე საქართველოს მთავრობასთან მოლაპარაკებებში მონაწილეობა, – მ.თარნავას თქმით,– მიზნად ისახავდა მხოლოდ შეთანხმების ჩაშლას და მთავრობის კრიტიკას; „ემოქმედებით რა ასე, ერთდროულად ჩვენ ვეძებდით რსფსრ-სთან ურთიერთობისა და მის შემადგენლობაში შესვლის შესაძლებლობას“, – აცხადებდა მ. თარნავა (Л. Тоидзе. К вопросу о политическом статусе Абхазии. Тб., 1996, გვ. 6). აი, როგორი „პატრიოტები“ იყვნენ ე.წ. „ინტერნაციონალისტები“, „დამოუკიდებლები“ და მათი მხარდამჭერები სახალხო საბჭოში.

¹⁷⁶⁴ . Дж. Гамахария, Б. Гогия. დასახ. ნაშრომი, გვ. 101-102.

¹⁷⁶⁵ . О. Бгажба, С. Лакоба. История Абхазии, гв. 334.

¹⁷⁶⁶ . Дж. Гамахария, Б. Гогия. დასახ. ნაშრომი, გვ. 103.

მოგახსენებთ, რომ საკონსტიტუციო კომისიაში (საქართველოსი – აგტ.) ეს საკითხები დადებითადაა გადაწყვეტილი¹⁷⁶⁷;“ – ნათქვამია 1 ივლისის ბარათში.

1920წ. 10 სექტემბერს თბილისიდან დაბრუნებულმა დელეგაციამ სახალხო საბჭოს მოახსენა თბილისში ჩატარებული მუშაობის, აფხაზეთის კონსტიტუციის ორი ვარიანტის შემუშავების შესახებ. საკონსტიტუციო კომისიამ (გ.ზუხბაია, დ.ზახაროვი, მ.წულუკიძე, გ.კოროლიოვი, მ.თარნავა) მათ საფუძველზე ერთი პროექტი შეადგინა. რამდენიმე სხდომაზე მისი დეტალური მუხლობრივი განხილვის შემდეგ, 1920წ. 16 ოქტომბერს სახალხო საბჭომ აფხაზეთის კონსტიტუციის პროექტის საკუთარი ვარიანტი დაამტკიცა. პრეამბულაში აღნიშნული იყო, რომ კონსტიტუცია შემუშავებულია 1919წ. 20 მარტის „აქტისა“ და საქართველოს კონსტიტუციის საფუძველზე. პირველი მუხლის მიხედვით, აფხაზეთი მდ. ენგურიდან ყუბანისა და თერგის ოლქების მიმდებარე კავკასიის ქედამდე შედიოდა საქართველოს დემოკრატიული რესპუბლიკის შემადგენლობაში, როგორც ავტონომიური ერთეული. როგორც ვხედავთ, სახალხო საბჭო სოლიდარული იყო საქართველოს მთავრობასთან ქვეყნის ჩრდილო-დასავლეთ საზღვრებთან დაკავშირებით (აქვე, გვ. 302).

კონსტიტუციის პროექტი ზუსტად მიჯნავდა ცენტრისა და რეგიონის ფუნქციებს; აფხაზეთის კანონის კონსტიტუციასთან შეუსაბამობის შემთხვევაში ცენტრალური ხელისუფლება 15 დღის ვადაში განსახილველად გადასცემდა მას სენატს (უმაღლეს სასამართლოს). ამ უკანასკნელის კომპეტენციას განეკუთვნებოდა აფხაზეთის გაპროტესტებული კანონის მოქმედების შეჩერება. პროექტის თანახმად, აფხაზეთის ტერიტორიაზე მხოლოდ საერთოსახელმწიფოებრივი თანამდებობის პირები ინიშნებოდნენ ცენტრალური ხელისუფლების მიერ, თანაც, შეძლებისდაგვარად, ადგილობრივ მკვიდრთაგან. აფხაზეთის მთავრობას შეეძლო რეკომენდაცია გაეწია აღნიშნულ თანამდებობებზე დასანიშნი პირებისათვის, ან, პირიქით, ეშუამდგომლა მათი განთავისუფლების თაობაზე. მოქალაქეთა უფლება-მოვალეობებისა და სამოქალაქო უფლებების გარანტიას აფხაზეთში საქართველოს კონსტიტუცია წარმოადგენდა; საქართველოს რესპუბლიკის მოქალაქეები აფხაზეთის ტერიტორიაზეც მოქალაქეობის უფლებით სარგებლობდნენ¹⁷⁶⁸.

1920წ. 4 ნოემბერს თბილისში ჩამოვიდა სახალხო საბჭოს დელეგაცია (გ. შარვაშიძე, ვ. ღურჯუა, დ. ზახაროვი, მ. უბირია, ი. ფაშალიძე, მ. ცაგურია, დ. ალანია, მ. თარნავა, მ. ბერულავა). 16 ნოემბერს ის ნ. ჟორდანიას შეხვდა. მთავრობის თავმჯდომარემ დაადასტურა, რომ აფხაზეთის ავტონომიის საკითხი ეჭვგარეშეა, კონსტიტუციის შემუშავების პრეროგატივა კი მხოლოდ დამფუძნებელ კრებას ეკუთვნის. აფხაზეთს ავტონომია უნდა მიეცეს, – განაცხადა ნ. ჟორდანიამ, – საერთო კონსტიტუციის მიღების შემდეგ. თუ ძირითადი კანონის დამტკიცება გაჭიანურდება, მაშინ გამოიცეს ჯერ დროებითი კანონი, რომელიც შემდგომში ქვეყნის კონსტიტუციის ცალკე თავი გახდება. ქვეყნის პირველი პირის ასეთი პოზიცია მისაღები იყო სახალხო საბჭოს დელეგაციისათვის.

ხელისშემშლელ ფაქტორად იქცა ის გარემოება, რომ დამფუძნებელი კრება არ დაეთანხმა პარიტეტული საკონსტიტუციო კომისიის შექმნას, როგორც ამას სახალხო საბჭოს 1919წ. 20 მარტის აქტი და დელეგაციის მანდატი ითვალისწინებდა. როცა ამის თაობაზე საბჭოს ეცნობა, მან 5 დეკემბერს დელეგაციის წევრები სოხუმში გამოიძახა მოხსენებისათვის. 6 დეკემბერს დამფუძნებელი კრების პრეზიდიუმმა განიხილა მ. ცაგურიას, დ. ალანიას და მ. თარნავას განცხადება აფხაზეთის კონსტიტუციის განხილვის წესის (განხილვა არა პარიტეტულ კომისიაში, არამედ დამფუძნებელ კრებაში სახალხო საბჭოს წევრების მონაწილეობით) მიუღებლობის გამო პროექტის განხილვაში მონაწილეობაზე უარის თქმისა და აფხაზეთში დაბრუნების შესახებ. განცხადება ცნობად იქნა მიღებული.

თბილისიდან დელეგაციის წევრების უშედეგოდ დაბრუნებამ უკიდურესად დაძაბა ვითარება სახალხო საბჭოში. გ. შარვაშიძემ 24 დეკემბერს თავისი და ასევე პრეზიდიუმის წევრების გადადგომის საკითხიც დასვა კენჭის საყრდელად, მაგრამ

¹⁷⁶⁷. იქვე, გვ. 105.

¹⁷⁶⁸. იქვე, გვ. 105-108.

გადაწყვეტილება ვერ იქნა მიღებული. სახალხო საბჭომ მხოლოდ 1921წ. 4 იანვარს განიხილა და მოიწონა საკონსტიტუციო დელეგაციის მიერ თბილისში გაწეული მუშაობა.

1920წ. 21 დეკემბერს დამფუძნებელი კრების მცირე საკონსტიტუციო კომისიამ დაამტკიცა ავტონომიური აფხაზეთის მმართველობის დებულების პროექტი, რომელსაც საფუძვლად დაედო სახალხო საბჭოს მიერ 1920წ. 16 ოქტომბერს მიღებული კონსტიტუციის პროექტი. 1921წ. 21 თებერვალს დამფუძნებელმა კრებამ საქართველოს კონსტიტუციასთან ერთად ეს დებულებაც დაამტკიცა,¹⁷⁶⁹ თუმცა უკვე გვიანი იყო – საქართველოს დემოკრატიული რესპუბლიკა ბოლშევიკური აგრესიის შედეგად სისხლისაგან იცლებოდა, წითელი არმია აფხაზეთშიც შემოიჭრა.

1918წ. გაზაფხულ-ზაფხულში განცდილი სამხედრო-პოლიტიკური მარცხის შემდეგ ისედაც უკიდურესად სუსტი კომუნისტური მოძრაობა აფხაზეთში საერთოდ გაქრა. მისი აღორძინება 1919წ. გაზაფხულიდან იწყება, რასაც ხელი შეუწყო ორმა ფაქტორმა: დენიკინის მიერ დაკავებული ეკატერინოდარიდან, განსაკუთრებით სოჭის ოლქიდან რეპრესიებს გამოქცეული ბოლშევიკების ჩამოსვლამ და სახალხო საბჭოს შუამდგომლობის (1919წ. 20 მარტი) საფუძველზე ბოლშევიკურ გამოსვლებში მონაწილეთა მიმართ ამინსტიის გამოცხადებამ. ამის შემდეგ ნ. ლაკობა 1919წ. ზაფხულამდე კოდორის მაზრის კომისრად მსახურობდა.

1919წ. აპრილში მოხერხდა დროებითი ბოლშევიკური კომიტეტის (ა.ბელიაკოვი, ს.კუხალეიშვილი, მ. მგელაძე, ი. უვანია, ი. ხიოტი და სხვ.) შექმნა; იმავე წლის აგვისტოში კომუნისტებმა დააარსეს ახალი იატაკქვეშა კომიტეტი ს.კუხალეიშვილის თავმჯდომარეობით. 1920წ. აფხაზეთის საოლქო კომიტეტს სხვადასხვა დროს ხელმძღვანელობდნენ ი.ვიგრიანოვი, ნ.სვანიძე, ნ.აქირთავა და ს.კუხალეიშვილი.

ბოლშევიკებთან მჭიდრო კავშირი ჰქონდა აფხაზეთის სახალხო საბჭოს სეპარატისტულ ნაწილს. მ.ცაგურია 1919 წლიდან იყო რუსეთის კომპარტიის წევრი. დალანიასა და ი.მარდანიასთან ერთად 1920წ. გაზაფხულზე იგი დააპატიმრეს ბოლშევიკებთან თანამშრომლობისათვის; მ. თარნავა 1920წ. ბოლოს აფხაზ ბოლშევიკებთან (ე. ეშბა, ნ. ლაკობა, კ. ინალ-იფა, მ. ლაკობა) ერთად რუსეთის კომპარტიის ცენტრალური კომიტეტის კავკასიის ბიურომ (კავბიურომ) მიაველინა თურქეთში, სადაც ახლადდაფუძნებული კომპარტიისათვის (იგი კავბიუროს ექვემდებარებოდა) დახმარება უნდა აღმოეჩინათ პროპაგანდისტულ საქმიანობაში, პირველ რიგში, კავკასიელ მუჰაჯირთა შთამომავლებს შორის.

ბოლშევიკური მოძრაობის გამოცოცხლებას ხელი შეუწყო საქართველო-რუსეთს შორის დადებული ხელშეკრულებამ (1920წ. 7 მაისი), რომელიც საქართველოში კომპარტიის ლეგალიზაციასაც ითვალისწინებდა. ამ მოძრაობას რეალურად თბილისში რუსეთის საელჩო წარმართავდა. ელჩის – ს. კიროვის მითითებით სოხუმში მოქმედებდა საგანგებო კომისია (ვ.ივანოვი, ვ.სვერდლოვი, ბ.ვოლხოვსკი, მუზიკანტსკი). მას ევალებოდა საელჩოსათვის ჯაშუშური ცნობების მიწოდება. 1920წ. ოქტომბერში საქართველოს შინაგან საქმეთა სამინისტრომ აღკვეთა აფხაზეთში ბოლშევიკთა შეიარაღებული გამოსვლა (დააპატიმრა ს.

კუხალეიშვილი, ნ. სვანიძე და სხვ.). დაგეგმილი ამბოხების მოთავეებს მჭიდრო კავშირი ჰქონდათ გაგრის ფრონტზე განლაგებულ საბჭოთა რუსეთის სამხედრო ნაწილებთან, საიდანაც მიიღეს შეიარაღება და დიდძალი ფინანსური დახმარება (20 მლნ. მან.). გაგრაში მოქმედი ე.წ. რევოლუციური კომიტეტი ჯაშუშურ მასალებს აწვდიდა საბჭოთა ჯარებს, ფრონტის დასუსტების მიზნით აგიტაცია-პროპაგანდას უწევდა ქართული ჯარის ნაწილებს. 1920წ. მაისიდან გაგრაში მოქმედ ბოლშევიკურ კომიტეტს ჰყავდა თავისი საბრძოლო რაზმი; საქართველოზე წითელი არმიის შეტევის მომენტისათვის მას შეიარაღებული აჯანყება უნდა დაეწყო; რაზმის უშუალო ამოცანას „ქართული ფრონტის ზურგის მოშლა“ და „გაგრის ქართული ფრონტის ლიკვიდაცია წარმოადგენდა“. შეიარაღებული აჯანყებისათვის მზადებას თან ახლდა მოსახლეობის იდეოლოგიური დამუშავება, „ავრცელებდნენ ხმებს აფხაზეთის საქართველოსაგან

¹⁷⁶⁹ . იქვე, გვ. 108-110, 466-469, 787.

ჩამოცილებების შესახებ, ურჩევდნენ აფხაზებს რუსეთთან შეერთებას¹⁷⁷⁰.

სახელმწიფოს მიერ მიღებული ენერგიული ზომების შედეგად აფხაზეთში 1920წ. ბოლოსათვის განადგურებულმა ბოლშევიკურმა ორგანიზაციებმა 1921წ. იანვარში კვლავ იწყეს აღორძინება. 1920წ. 2 იანვარს ს.ორჯონიკიძე და ს.კიროვი რუსეთის კომპარტიის ცეკა-ს არწმუნებდნენ საქართველოს ძალით გასაბჭოების აუცილებლობაში და წერდნენ, რომ საჭირო არ არის უშუალო თავდასხმა, არის „შესაძლებლობა დავიწყოთ მოძრაობა აფხაზეთში, აჭარაში, ბორჩალოს მაზრაში“¹⁷⁷¹. იმავე წლის 25 იანვარს საბჭოთა რუსეთის საელჩოს სამხედრო ატაშე თბილისში პ.სიტინი მოსკოვს აცნობებდა, რომ მუშაობა აფხაზეთში წარმატებით მიდის, შექმნილია აქტიური პარტიული მუშაკების კოლექტივი, სოხუმის გარნიზონში კი სამკაცრიანი რევოლუციური კომიტეტი მოქმედებდა. პ.სიტინის შეფასებით, 1920წ. ბოლოს თბილისში კონსტიტუციურ საკითხებზე მუშაობის ჩაშლამ აფხაზეთში უკმაყოფილება გამოიწვია და „ეს ქმნის ხელსაყრელ ნიადაგს ჩვენთვის“¹⁷⁷².

1921წ. 14 თებერვალს რუსეთის კომპარტიის ცკ-ს კავკასიის ბიუროს (კავბიურო) მითითებით, აფხაზეთში ბოლშევიკთა საოლქო კომიტეტი ჩამოყალიბდა მ.კარგაროდსკაიას (კავბიუროს წარმომადგენელი), ე.სვერდლოვისა და ი.ჟვანიას (თავმჯდომარე) შემადგენლობით. 18 თებერვალს შეიქმნა დროებითი რევოლუციური კომიტეტი (რეკომი), რომელშიც შევიდნენ ი. ჟვანია (თავმჯდომარე), ე. სვერდლოვი და მ.ცაგურია. მის ამოცანას ადგილობრივი რეკომებისა და მემამბოხეთა რაზმის ფორმირება წარმოადგენდა¹⁷⁷³. იმ დღეებში მ.ცაგურიამ მიიღო კავბიუროს წარმომადგენლის ა.საჯაიას წერილი, რომელშიც ის აღნიშნავდა, რომ მალე მოხდებოდა საქართველოს დემოკრატიული რესპუბლიკის დამხობა და აფხაზეთს თვითგამორკვევის უფლება მიეცემოდა; წერილის ავტორი იმედს გამოთქვამდა, რომ სახალხო საბჭოს დამოუკიდებელთა ფრაქცია ყველა ზომას მიიღებდა „აფხაზეთის მშრომელი მასების განთავისუფლებისათვის... შემიძლია წინასწარ ვთქვა, – წერდა ა. საჯაია, – რომ აფხაზეთს აქვს უფლება ისეთივე თავისუფალი განვითარებისა, როგორც მისცა საბჭოთა რუსეთმა ყოფილი რუსეთის იმპერიის ყველა მცირერიცხოვან ხალხს“¹⁷⁷⁴.

მოტანილი მასალები ადასტურებენ, რომ „რევოლუციური“ მოძრაობა აფხაზეთში ინსპირირებული იყო გარედან და იმართებოდა არააფხაზი ბოლშევიკების მიერ. მათ გაითვალისწინეს 1918 წლის გამოცდილება და თავიანთი პროპაგანდისტული საქმიანობა აფხაზეთის საქართველოსაგან „განთავისუფლებაზე“, მის ვითომ თვითგამორკვევაზე ააგეს.

1921წ. 25 თებერვალს საბჭოთა რუსეთის მე-11 არმიამ თბილისი დაიკავა, გაგრის მხრიდან შემოსულმა მე-9 არმიის ნაწილებმა კი 4 მარტს სოხუმი დაიკავეს; 6 მარტს არსებობა შეწყვიტა აფხაზეთის დროებითმა რეკომმა და ძალაუფლება კავბიუროს მიერ ე.ეშბას (თავმჯდომარე), ნ.ლაკობასა და ნ.აქირთავას შემადგენლობით შექმნილ საოკუპაციო ორგანოს – რეკომს გადაეცა. 1921წ. მარტში დასრულდა საქართველოს, მათ შორის აფხაზეთის სრული ოკუპაცია შემდგომი ანექსიით. დაიწყო ახალი ეტაპი საქართველოს, მათ შორის აფხაზეთის, ისტორიასა და ქართულ-აფხაზურ ურთიერთობებში.

1770. იქვე, გვ. 456, 785-786.

1771. საქართველოს რესპუბლიკა, 1991, 6 ივნისი.

1772. Борьба за Октябрь в Абхазии. Сб. док. и мат. 1917-1921 гг. Сухуми, 1967, გვ. 172-173.

1773. იქვე, გვ. 175-176. არ შეესაბამება სინამდვილეს, თითქოს თებერვლის შუა რიცხვებში შექმნილი რეკომის შემადგენლობაში შედიოდნენ ე. ეშბა, ნ. ლაკობა და ნ. აქირთავა (О. Бгажба, С. Лакоба. История Абхазии, გვ. 340).

1774. Борьба за Октябрь в Абхазии, გვ. 175.

თავი XVII. აფხაზეთის პოლიტიკური სტატუსი საბჭოთა საქართველოს შემადგენლობაში. 1921-1937წწ.

iZulebiT gasabWoebuli afxazeTi ruseTis kompartiis centraluri komitetis kavbiuros (mdivani g.orjonikiZe) gamgeblobis qveS moeqca. am organos mier daniSnuli afxazeTis revkomis wevrebs ar hqondaT Camoyalibebuli saboloo pozicia regionis momaval statusTan dakavSirebiT, Tumca jer kidev gasabWoebamde qarTveli da afxazi bolSevikebi moskovSi SeTanxmdnen avtonomiis uflebebiT afxazeTis saqarTvelos ssr SemadgenlobaSi Sesvlis Taobaze; am faqts e.eSbac adasturebda¹⁷⁷⁵. gasabWoebis Semdeg sxva gadawyvetileba iqna miRebuli. 1921w. martis dasawyisSi afxazeTis revkomma kavbiuros sTxova ganmarteba ramdenime sakiTxze: `a) Turqetis Sesaxeb, b) mTielTa avtonomiur respublikebs Soris (maT Soris afxazeTisa) urTierTobis Sesaxeb, g) afxazeTisa da saqarTvelos urTierTobis Sesaxeb~¹⁷⁷⁶. unda vivaraudoT, rom TurqetTan da mTielebTan (da ara sabWoTa ruseTTan) urTierTobis sakiTxis wina planze wamoweva XIX saukunis, aseve 1918 wlis zafxulis movlenebis gaTvaliswinebiT, seriozulad daafiqrebda sabWoTa ruseTis mesveurebsa da afxazeTSi mivlinebul mis warmomadgenlebs. axali winadadebis SemuSaveba moxda afxazeTis pasuxismgebel muSakTa or TaTbirze, romlebsac eswrebodnen da warmarTavdnen rkp ck-s kavbiuros rwmunebuli vinme liaki (Ляк), kavbiuros warmomadgeneli ivanicki da ruseTis IX saokupacio armiis samxedro sabWos wevri epSteini. am sami pirovnebis karnaxiT, afxazeTis revkomis mier v. leninisa da i. stalinis saxelze 1921w. 26 marts gagzavnil werilSi vkiTxulobT: `iqneba ki sabWoTa afxazeTi damoukidebeli (самостоятельная) respublika Tu administraciuli erTeuli da rogori iqneba saerTo politika afxazeTSi~¹⁷⁷⁷; werilis avtorebi regionisaTvis administraciuli erTeulis statussac ar Takilobdnen, magram mizanSewonilad miiCnevden afxazeTis gamocxadebas saerTo rusul federaciaSi Semaval damoukidebel respublikad. amrigad, `damoukideblobis~ cneba maT esmodaT sabWouri gagebiT _ uSualod Sesvla ruseTis SemadgenlobaSi. aRniSnuli winadadeba motivirebuli iyo mosaxleobis viTomda antiqarTuli ganwyobiT. aseTive Sinaarsis werilebi gaigzavna rostovSi kavbiuros saxelze da TbilisSi imave kavbiuros xelmZRvanelTan _ g. orjonikiZesTan. es ukanaskneli 27 marts daeTanxma damoukidebel respublikad afxazeTis gamocxadebis ideas, magram uari Tqva ruseTTan federirebaze im motiviT, rom dasavleTi amas CaTvliდა ruseTis mier afxazeTis aneqsiad¹⁷⁷⁸.

1921w. 28 marts baTumSi gaimarTa saokupacio organoTa _ kavbiuros, saqarTvelos kompartiis xelmZRvanelobis da afxazeTis revkomis warmomadgenelTa TaTbiri g. orjonikiZis, S.eliasas, s.qavTaraZis, m.toroSeliZis, e.eSbasa da n.lakobas monawileobiT. maT ganixiles sakiTxi afxazeTSi sabWoTa xelisuflebisa da kompartiis struqturis Sesaxeb da daadgines: `**afxazeTis sabWoebis yrilobamde** (xazgasma avt.) sabWoTa afxazeTis rfsr-sTan Tu saq. ssr-sTan federaciis sakiTxi rCeba Riad da afxazeTi cxaddeba socialistur respublikad.

partiuli organizacia **konferenciamde** (xazgasma avt.) atarebs saxels _ rkp(b)-s orgbiuro afxazeTSi da muSaobs rkp(b) ck-is kavbiuros direktivebis Sesabamisad.

saqarTvelos revkomის dekretebi unda warmoadgendnen masalas (afxazeTis) revkomisaTvis, raTa orive revkomის მომედებასი winaaRmdegoba ar iyos~¹⁷⁷⁹. TaTbiris es gadawyvetileba gaxda safuZveli 1921w. 31 marts afxazeTis sabWoTa socialisturi respublikის gamocxadebisa. xazgasmiT unda aRiniSnos, rom 1921w. afxazeTis sakiTxi erTxelac ar gamxdara sabWoTa ruseTis centraluri partiuli Tu saxelmwifo organoebის msjelobის sagani. v. leninis werilebis, aseve misi biografiuli qronikის mixedviT Tu vimsjelebT, sabWoTa imperiის pirvel pirs uSualo Sexeba afxazeTTan, afxaz bolSevikebTan, miT umetes regionის statusის dadgenasTan ar hqonia¹⁷⁸⁰. afxazeTTan dakavSirebuli yvela problema TbilisSi kavbiuros sxdomebze an g.orjonikiZesa da ruseTis erovnebaTa saqmის saxalxo komისars (minისტrs) _ i.stalinის Soris

¹⁷⁷⁵ . А. Ментешавили. Исторические предпосылки, გვ. 59.

¹⁷⁷⁶ . Б.Сагария. Образование и укрепление советской национальной государственности в Абхазии (1921-1938). Сухуми, 1981, გვ.41.

¹⁷⁷⁷ . Трудящиеся Абхазии В. И. Ленину (1918, 1921-1924 гг.). Сб. док. Составил Г. Дзидзария. Сухуми, 1970, გვ. 31.

¹⁷⁷⁸ . А. Ментешавили. Исторические предпосылки..., გვ. 59-60 იხ. აგრეთვე Г. К. Орджоникидзе. Статьи и речи, т. 1. М., 1956, გვ. 200-201.

¹⁷⁷⁹ . Дж. Гамахария, Б. Гогия. დასახ. ნაშრომი, გვ. 469.

¹⁷⁸⁰ . სეპარატისტული ისტორიოგრაფია ტყუის, როცა აფხაზეთის საბჭოთა სოციალისტური რესპუბლიკის გამოცხადებას ვ. ლენინის სახელს უკავშირებს (О. Бгажба, С. Лакоба. История Абхазии, გვ. 430-431). აფხაზეთიდან რევკომის, სხვა ორგანიზაციების თუ პირების მიერ ვ. ლენინისათვის გაგზავნილი არცერთი წერილი, მიმართვა, მისაღმება (იხ. Трудящиеся Абхазии В. И. Ленину...) მას პირადად არ მიუღია, არ განუხილავს და არც პასუხი გაუცია.

sityvieri SeTanxmebiT wydeboda.

afxazeTis damoukidebloba warmoadgenda wminda wylis fiqcias; moskovi, bunebrivia, mas ar aRiarebda. e.w. damoukidebloba mogonili iyo saqarTvelos daSoSminebis, damoukideblobis survilis samudamod Cakvlis mizniT. ruseTis yofilma samxedro ataSem saqarTvelos demokratiul respublikaSi p.sitinma, romelic sabWoTa periodSic agrZelebda TbilisSi Tavis jaSuSur saqmianobas, 1921w. 22 aprils moskovs `qarTuli Sovinizmis~ (saxelmwifoebriwi damoukideblobis) winaaRmdeg brZolis `gegma~ warudgina. sxvadasxva zomebis miRebasTan (ruseTis jarebis ganlageba upiratesad TurqeTis sazRvarTan, samegrelos avtonomizacia, rusuli mosaxleobis mxardaWera da gaaqtiureba, amierkavkasiis rkinigzis moskovisaTvis gadacema) erTad igi iTvaliswinebda ruseTis federaciis sazRvris gadatanas md. bzifamde, afxazeTSi plebiscitis Catarebas da ruseTTan mis mierTebas; es gamoiwvevda `qarTuli Sovinizmis~ dasustebas teritoriulad da materialurad~¹⁷⁸¹. afxazeTis uSualod ruseTTan SeerTebas p. sitini imitomac moiTxovda, rom sxva SemTxvevaSi igi mTielTa respublikasTan gaerTiandeboda da maSin, garTulebis dros, ruseTs Seeqmneboda `dabrcoleba zRvidan zRvamde~¹⁷⁸².

ruseTis saokupacio saxelisuflebo organom saqarTveloSi _ revkomma 1921w. 21 maiss aRiara afxazeTis ssr, magram iqve gamoTqva imedi, rom sakiTxi saqarTvelos ssr da afxazeTis ssr urTierTobis Sesaxeb sabolod gadawydeboda orive respublikis `muSaTa da glexTa sabWoebis pirvel yrilobaze~¹⁷⁸³. es aRiarebac formalur xasiaTs atarebda. saqarTvelos revkoms afxazeTis statusis sakiTxi saerTod ar ganuxilavs, maT Soris arc 21 maiss. sabWoTa afxazeTis xelmZRvanelebi e.eSba da gansakuTrebiT n.lakoba xSirad usvamdnen xazs, rom `damoukidebloba~ gamocxadda droebiT, `erTi wuTiT~, rom es iyo mxolod `abra~ da a. S.¹⁷⁸⁴ afxazeTis mSromelTa warmomadgenlebis I yrilobam (1921w. 28 maissi), ufro sworad, misma organizatorebma gaiTvaliswines es garemoeba da SekrebiT miaRebines gadawyvetileba rogorc `damoukideblobis~ mowonebis, ise yvela sabWoTa respublikis mSromelebTan, `pirvel rigSi, kulturiT, ekonomikuri da geografiuli mdgomareobiT, yofiT yvelaze axlos mdgomi sabWoTa saqarTvelos muSebTan da glexebTan~ umWidroesi kavSiris damyarebis Sesaxeb; yrilobam imedi gamoTqva, rom saqarTvelosa da afxazeTis sabWoebis I yriloba `sabolod gansazRvravda afxazeTisa da saqarTvelos Zmuri TanamSromlobis formebs~¹⁷⁸⁵. yrilobaze e.eSbam isic ganaxxada, rom `sabWoTa xelisuflebisaTvis ar arsebobs erovnuli sakiTxi~¹⁷⁸⁶.

აფხაზეთი „ერთი წუთითაც“ არ ყოფილა რეალურად დამოუკიდებელი პოლიტიკური ერთეული. რეგიონის მმართველი პარტიული და სახელმწიფო სტრუქტურების, მათი პირადი შემადგენლობის (განსაკუთრებით ხელმძღვანელების) დამტკიცება ხდებოდა ქართველი ბოლშევიკების ხელმძღვანელობით თბილისში მოქმედი კავშიურის გადაწყვეტილებით. საბჭოთა საქართველოს სახელმწიფო სტრუქტურები, ყველაზე ხშირად შინაგან საქმეთა სახალხო კომისარიატი და მისი სამმართველოები აფხაზეთის რეკომს უგზავნიდნენ თავიანთ განკარგულებებს, თანაც ქართულ ენაზე „ცნობად და სახელმძღვანელოდ“, „სისწორით შესასრულებლად“ და ა.შ. ასე, მაგალითად, საქართველოს შს სახალხო კომისარიატის ლტოლვილთა მთავარმა სამმართველომ ნ. სოკოლოვსკის ხელმოწერით 1921წ. 3 აგვისტოს ცირკულარული წერილი გაუგზავნა „საქართველოს საბჭოთა სოციალისტური რესპუბლიკის მახრებისა და ქალაქების, აფხაზეთის და აჭარის ავტონომიური რესპუბლიკების (ხაზგასმა ავტ.) რეკომების თავმჯდომარეებს“ და მოსთხოვა, „არც ერთი ლტოლვილი არ იქნეს შემოშვებული საბჭოთა საქართველოს საზღვრებში“¹⁷⁸⁷. ნ.სოკოლოვსკის მშვენივრად ესმოდა, რომ „დამოუკიდებელი“ აფხაზეთი სინამდვილეში წარმოადგენდა ავტონომიურ რესპუბლიკას საქართველოს ფარგლებში. შემდგომშიც შს სახალხო კომისარიატს არაერთხელ გამოუგზავნია სოსუმში შესასრულებლად სავალდებულო განკარგულებები¹⁷⁸⁸.

საქართველოს რეკომიც აფხაზეთს საკუთარ ტერიტორიად მიიხნევდა. 1921წ. 14 აპრილის სხდომაზე მან განიხილა ტყვარჩელის მდაროების საკითხი, 21 აპრილს 1 მილიარდი მანეთის კრედიტი გაუხსნა აფხაზეთს, 30 მაისს იმსჯელა ბზიფის

¹⁷⁸¹ . Дж. Гамахария, Б. Гогия. დასახ. ნაშრომი, გვ. 470.

¹⁷⁸² . იქვე, გვ. 471.

¹⁷⁸³ . ჯ. გამახარია. ქართულ-აფხაზურ ურთიერთობათა ისტორიიდან, გვ. 117.

¹⁷⁸⁴ . იქვე, გვ. 118.

¹⁷⁸⁵ . Укрепление советской власти в Абхазии. Сб. док. и мат. (1921-1925 гг.). Сухуми, 1957, გვ. 44-51.

¹⁷⁸⁶ . იქვე, გვ. 47.

¹⁷⁸⁷ . Дж. Гамахария, Б. Гогия. დასახ. ნაშრომი, გვ. 480.

¹⁷⁸⁸ . ჯ. გამახარია. ქართულ-აფხაზურ ურთიერთობათა ისტორიიდან, გვ. 118-119.

კონცესიების შესახებ (ეს საკითხი მრავალჯერ იქნა განხილული)¹⁷⁸⁹. იგივე საკითხი საქართველოს კომპარტიის ცკ-მ აფხაზეთის დამოუკიდებლობის „აღიარების“ დღეს – 1921წ. 21 მაისს განიხილა და დაადგინა, რომ არაა წინააღმდეგი საქართველოს „მთავრობის მიერ ამ კონცესიის დადებისა, თუ ის არის სოლიდური და სასარგებლო“¹⁷⁹⁰. საქართველოს კომპარტიის ცეკა არ მიიჩნევდა აფხაზეთს „დამოუკიდებელ“ რესპუბლიკად და თავის თეზისებში (თბილისის კომიტეტთან ერთად) აღნიშნავდა, რომ „ამიერკავკასიის დამოუკიდებელი რესპუბლიკების (საქართველო, სომხეთი, აზერბაიჯანი) ძალისხმევის გაერთიანება სამოკავშირეო ხელშეკრულების საფუძველზე, ნაკარნახევია“ საერთაშორისო და საშინაო პირობებით¹⁷⁹¹. „დამოუკიდებელ“ რესპუბლიკებს შორის, როგორც ვხედავთ, აფხაზეთი არ ჩანს.

საბჭოთა რუსეთის ცენტრალური ხელისუფლების პოლიტიკის გამტარებელი კავკასიაში – კომპარტიის ცკ-ს კავბიურო აფხაზეთს დამოუკიდებელ რესპუბლიკად არ თვლიდა. აღნიშნული ორგანოს პლენარულ სხდომებს აფხაზეთის, მთიელთა რესპუბლიკისა და დაღესტნის, როგორც ავტონომიების, წარმომადგენლები მხოლოდ სათათბირო ხმის უფლებით ესწრებოდნენ. 1921წ. 2-3 ივლისს კავბიუროს პლენუმმა „საჭიროდ ცნო ამიერკავკასიის რესპუბლიკების (საქართველო, აზერბაიჯანი, სომხეთი) დამოუკიდებლობის ცხოვრებაში გატარება“¹⁷⁹², „დამოუკიდებელ“ აფხაზეთზე კი საუბარი არ ყოფილა. მისი რეალური სტატუსი ზოგჯერ უფრო დაბალი ჩანდა, ვიდრე დაღესტნისა და მთიელთა ავტონომიური რესპუბლიკებისა, ნახიჭევანისა და ყაბარდოსი. მათგან განსხვავებით, აფხაზეთი არ შედიოდა უშუალოდ კავკასიის ეკონომიკურ კავშირში (შეიქმნა 1921წ. აგვისტოში); „დამოუკიდებელი“ აფხაზეთი ვერ მოხვდა ასევე კავბიუროს მიერ 1921წ. 16 აგვისტოს შექმნილ ეკონომიკურ ბიუროში, რომელიც საქართველოს, სომხეთსა და აზერბაიჯანს აერთიანებდა¹⁷⁹³. აფხაზეთის დაბალ სტატუსზე მიუთითებს ვ.ლენინის 1921წ. 14 აპრილის წერილი კავკასიელი კომუნისტებისადმი, რომლის ადრესატები იყვნენ აზერბაიჯანის, საქართველოს, სომხეთის, დაღესტნისა და მთიელთა რესპუბლიკების ბოლშევიკური ორგანიზაციები¹⁷⁹⁴, მაგრამ არა აფხაზეთი. ის არ მოიხსენიება ვ. ლენინის მიერ 1921წ. 28 ნოემბერს დაწერილ რკპ(ბ) ცკ-ს პოლიტბიუროს დადგენილების პროექტში ამიერკავკასიის რესპუბლიკების ფედერაციის შესახებ. მასში მხოლოდ საქართველოზე, აზერბაიჯანსა და სომხეთზეა საუბარი¹⁷⁹⁵.

„დამოუკიდებელი“ აფხაზეთი ვ.ლენინს ორივეჯერ იმიტომ „გამორჩა“, რომ ოფიციალური მოსკოვი, როგორც უკვე ითქვა, მას არ აღიარებდა და საქართველოს ფარგლებში გულისხმობდა. ეს ფაქტი ვ.ლენინმა კიდევ ერთხელ დაადასტურა 1921წ. 1 სექტემბერს, როცა მას წარუდგინეს საქართველოსა და აფხაზეთის მთავრობების მიერ ბზიფის ხე-ტყის დამუშავების თაობაზე დადებული საკონცესიო ხელშეკრულების ტექსტი. ამასთან დაკავშირებით „ბელადმა“ მთავრობის საქმეთა მმართველის თანაშემწეს ვ.სმოლიანინოვს დაავალა, გაერკვია, დაიცვა თუ არა საქართველოს მთავრობამ (აფხაზეთსა და მის მთავრობას ამჯერადაც არ ახსენებდა) ის პირობა, რომ საკონცესიო ხელშეკრულებების დადება რსფსრ-ს მთავრობასთან შეთანხმების გარეშე არ შეიძლება¹⁷⁹⁶.

საბჭოთა რუსეთი ამიერკავკასიაში, მართალია, ფორმალურად, მაგრამ მაინც ცნობდა მხოლოდ სამ დამოუკიდებელ რესპუბლიკას: საქართველოს, აზერბაიჯანს და სომხეთს. სამივე რესპუბლიკასთან რუსეთმა ხელი მოაწერა სამოკავშირეო ხელშეკრულებებს (საქართველოსთან ასეთი ხელშეკრულება 1921წ. 21 მაისს დაიდო)¹⁷⁹⁷, გაცვალა წარმომადგენლობები. აფხაზეთი ასეთ „პატივს“ მოკლებული იყო. არ არსებობს რკპ(ბ) ცკ-ს,

1789 . იქვე, გვ. 120.

1790 . იქვე, გვ. 121.

1791 . Правда Грузии, 1921, 22 ноября.

1792 . ჯ. გამახარია. ქართულ-აფხაზურ ურთიერთობათა ისტორიიდან, გვ. 121.

1793 . იქვე, გვ. 121-122.

1794 . В. И. Ленин. Полн. собр. соч., т. 43, გვ. 198-200.

1795 . იქვე, ტ. 44, გვ. 255.

1796 . В. И. Ленин. Биографическая хроника, т. XI. М., 1980, გვ. 270.

1797 . მ. ვაჩნაძე, ვ. გურული. რუსეთთან ერთად და ურუსეთოდ. თბ., 2007, გვ. 59-60.

რუსეთის სახალხო კომისართა საბჭოს (მთავრობის), მუშათა, ჯარისკაცთა და გლეხთა საბჭოების ყრილობის (უმაღლესი საკანონმდებლო ორგანოს), ან ცაკის – საბჭოების ცენტრალური აღმასრულებელი კომიტეტის (ყრილობებს შორის მოქმედი უმაღლესი საკანონმდებლო ორგანო) თუნდაც ერთი დოკუმენტი, სადაც აფხაზეთი „დამოუკიდებელ“ რესპუბლიკად (ან საერთოდ) მოიხსენიება. რაც შეეხება ისეთ სპეციალურ ორგანოს, როგორც იყო რუსეთის ეროვნებათა საქმის სახალხო კომისარიატი, ის აფხაზეთს საქართველოს ავტონომიურ ნაწილად განიხილავდა. ამ უწყების ხელმძღვანელი ი.სტალინი 1921წ. 1 სექტემბერს სრულიად რუსეთის ცაკ-ის მდივანს ა.ენუქიძეს სწერდა: „აფხაზეთი არის დამოუკიდებელი საქართველოს ნაწილი, ამის გამო დამოუკიდებელი წარმომადგენლობები რუსეთში არ ჰყავს და არც უნდა ჰყავდეს. ამიტომ კრედიტის მიღება რსფსრ-დან მას არ შეუძლია“¹⁷⁹⁸. ი.სტალინი, როგორც რუსეთის მუშურ-გლეხური ინსპექციის თავმჯდომარე (მას მთავრობაში ორი უწყების ხელმძღვანელის პოსტი ეჭირა), 1921წ. 13 სექტემბერს იმავე ა. ენუქიძეს აცნობებდა, რომ საქართველოს ფინანსთა სახალხო კომისარიატის თანხმობის გარეშე აფხაზეთისათვის ფულის გამოყოფა დაუშვებელია¹⁷⁹⁹.

საუბარიც კი ზედმეტია იმაზე, რომ აფხაზეთი ოდესმე ყოფილა საერთაშორისო სამართლის სუბიექტი. ამ დროს საქართველო, სომხეთი და აზერბაიჯანი ფორმალურად ჯერ კიდევ რჩებოდნენ საერთაშორისო სამართლის სუბიექტებად. 1921წ. 13 ოქტომბერს მათ ხელიც მოაწერეს ყარსის ხელშეკრულებას თურქეთთან. აფხაზეთი, ცხადია, მსგავს დოკუმენტებს ხელს არ აწერდა.

amrigad, savsebiT naTelia, rom afxazeTi sabWoTa gagebiTac ki ar warmoadgenda damoukidebel (uSualod moskovs daqvemdebarebul) politikur erTeuls. 1921 welsac is rCeboda saqarTvelos gansakuTrebuli statusis mqone nawilad da formalurad, droebiT, `erTi wuTiT~ sabWoTa socialistur respublikad iwodeboda. imave wels daisva sakiTxi da daiwyo praqtikuli nabijebis gadadgma arsebuli formalobis aRmosafxvrelad, rusuli aneqsiis Sedegad centrsa (Tbilissa) da regions (soxums) Soris droebiT warmoaqmnili samarTlebrivi vakuumis Sesavsebad.

1921w. 5 ivliss kavbiurom miiRo gadawyvetileba, gaweul iqnes partiuli muSaoba im mimarTulebiT, rom avtonomiuri respublikis saxiT afxazeTi Sevides saqarTvelos SemadgenlobaSi¹⁸⁰⁰. imave wlis 23 ivliss afxazeTis pasuxismgebel muSakTa TaTbirze n.lakobam ganacxada: `sabWoTa saqarTvelo an afxazeTi damoukideblebi arian sameurneo da ekonomikuri TvalsazrisiT, magram politikurad yvela isini centr emorCilebian kompartiis meSveobiT saqarTvelos kompartiis ck-sa da rkp ck-s kavbiuros saxiT, amitom savsebiT sul erTia, visTanac unda moaxdinos afxazeTma federireba~; n.lakoba saubroba saqarTvelos ruseTTan mierTebis SeuZleblobaze da saqarTvelosTan federirebis aucileblobaze, gamomdinare eTnografiuli, istoriuli da yofacxovrebiTi pirobebidan. TaTbirma Tavis rezoluciaSi aRniSna, rom saqarTvelos revkomis deklaracia damoukideblobis Sesaxeb (1921w. 21 maisi) aZlevs afxaz xalxs `maqsimaluri avtonomiuri ufllebebis garantias~, sruli damoukidebloba ki `praqtikulad ganuxorcielebelia~; amitom TaTbirma axlo momavalSi saqarTvelosTan federaciuli kavSiris damyarebis rwmena gamoTqva¹⁸⁰¹. igive gadawyvetileba miiRo pasuxismgebeli muSakebis 1921w. 15 oqtombris TaTbirmac¹⁸⁰². aseTive iyo `mSromelTa~ (maTi saxeliT spekulirebden bolSevikebi), gansakuTrebiT samurzayanoelTa survili¹⁸⁰³, rom araferi vTqvaT afxazeTis sxva raionebSi mcxovrebtTa umravlesobazec _ ZiriTadad qarTvelobaze¹⁸⁰⁴.

1921w. 1 noembers kavbiurom saWirod miiCnia afxazeT-saqarTvelos momavali xelSekrulebis proeqtis SemuSaveba, risTvisac Seiqmna komisia e.eSbas, S.elivasa da saqarTveloSi ruseTis

¹⁷⁹⁸ . А. Ментешавили. Исторические предпосылки..., გვ. 67.

¹⁷⁹⁹ . იქვე; აფხაზეთს აფინანსებდა საქართველოს რევკომი; აფხაზეთის რევკომი კი ვალდებული იყო, წარედგინა მისთვის ხარჯთაღრიცხვა და შესაბამისი ანგარიშები; საქართველოს ბიუჯეტის შეგებაში აფხაზეთი 1921 წელსაც მონაწილეობდა (ჯ. გამახარია. ქართულ-აფხაზურ ურთიერთობათა ისტორიიდან, გვ. 118-120).

¹⁸⁰⁰ . ჯ. გამახარია. ქართულ-აფხაზურ ურთიერთობათა ისტორიიდან, გვ. 123.

¹⁸⁰¹ . იქვე, გვ. 123-124; Дж. Гамахария, Б. Гогия. დასახ. ნაშრომი, გვ. 475.

¹⁸⁰² . Дж. Гамахария, Б. Гогия. დასახ. ნაშრომი, გვ. 481.

¹⁸⁰³ . სოციალ-ფედერალისტი, 1921, 20 ივლისი.

¹⁸⁰⁴ . კავბიუროს მოთხოვნით, აფხაზეთში რკპ(ბ)-ს ორგბიუროს მიერ მოსახლეობის ეროვნული შემადგენლობის თაობაზე თბილისში გაგზავნილი ცნობის მიხედვით, აფხაზეთის მთელი მოსახლეობის (181382 კაცი) 38,5%-ს ქართველები შეადგენდნენ, მთიელები და აფხაზები – 25%-ს, აზიური ხალხები – 11,1%-ს, რუსები – 9,9%-ს, ევროპელი ხალხები – 7,6%-ს, სომხები – 7,5%-ს, ებრაელები – 0,3%-ს (ჯ. გამახარია. ქართულ-აფხაზურ ურთიერთობათა ისტორიიდან, გვ. 124).

warmomadgenlis _ legranis (komisiis Tav-re) monawileobiT. aTdRian vadaSi mas unda daesrulebina xelSekrulebis proeqtis SemuSaveba. 14 noembers e.eSbam amierkavkasiis federaciaSi afxazeTis uSualod (da ara saqarTvelos meSveobiT) Sesvlis winadadeba wamoayena (SesaZloa, wamoayenebines)¹⁸⁰⁵. kavbiuros 1921 wlis 16 noembris gadawyvetileba iyo Taviseburi pasuxi e. eSbas axal `iniciativaze~:

1. ekonomikurad da politikurad mizanSeuwonlad CaiTvalos damoukidebeli afxazeTis arseboba.

2. winadadeba mieces amxanag eSbas, warmoadginos Tavisi saboloo daskvna saxelSekrulebo sawyisebze afxazeTis saqarTvelos federaciis SemadgenlobaSi an avtonomiuri olqis sawyisebze rsfsr-Si Sesvlis Sesaxeb~¹⁸⁰⁶.

kavbiuros es dadgenileba mniSvnelovania imiT,rom masSi gansazRvrulia afxazeTis statusi sabWoTa ruseTis kriteriumebis mixedviT _ avtonomiuri olqi. ufro maRali statusi mas eZleoda imisaTvis, rom moskovis xelSi yofiliyo damoukideblobisaken saqarTvelos swrafvis Semaferxebeli berketi.

sabWoTa saqarTvelos iurisdicqis afxazeTze srulad gavrcelbis gzaze didi mniSvneloba hqonda kavbiuros 1921w. 21 noembris gadawyvetilebas afxazeTsi rkp-s orgbiuros organizaciulad saqarTvelos kompartiis ck-sTan dakavSirebisa da am ukanasknelis SemadgenlobaSi e.eSbas Seyvanis Sesaxeb¹⁸⁰⁷.

1921w. 16 dekembers saqarTvelom da afxazeTma xeli moaweres sakavSiro xelSekrulebas¹⁸⁰⁸. dokumentis meoTxe punqti pirdapir miuTiTebda, rom afxazeTi gaxda kavSiris ara sruluflebiani wevri, aramed saqarTvelos Semadgeneli nawili. masSi naTqvamia: `yvela samxareo gaerTianebsaSi, kerZod, amierkavkasiis respublikebis federaciaSi afxazeTi Sedis saqarTvelos meSveobTT, romelic aZlevs mas Tavisi adgilebis erT mesameds~¹⁸⁰⁹.

afxazeTis sabWoebis pirvelma yrilobam 1922w. 17 Tebervals moiwona xelSekruleba saqarTvelosTan. afxazeTis sss-ს სსრ-ს სსრ-ს SemadgenlobaSi daadastura sruliad saqarTvelos sabWoebis I yrilobaze (1922w. 25 II _ 3 III) miRebulma konstituciam, romelSic vkiTxulobT: `saqarTvelos socialistur sabWoTa respublikaSi Tavisufali TviTgamorkvevis safuZvelze Sedian: aWaris avtonomiuri socialisturi sabWoTa respublika, samxreT oseTis avtonomiuri olqi da afxazeTis socialisturi sabWoTa respublika; ukanaskneli ukavSirdeba saqarTvelos socialistur sabWoTa respublikas _ am respublikaTa Soris dadebul, gansakuTrebul sakavSiro xelSekrulebis safuZvelze~¹⁸¹⁰. miuxedavad aseTi mkafio Canawerisa saqarTvelos konstituciaSi, separatistuli istoriografia amtkicebs, TiTqos afxazeTis sss ar Sedioda saqarTvelos SemadgenlobaSi¹⁸¹¹, magram ar ambobs (da verc ityvis), romeli respublikis Tu qveynis nawils warmoadgenda igi. afxazeTi ar Sedioda amierkavkasiis federaciis SemadgenlobaSi; is ar aris moxseniebuli amierkavkasiis respublikebis sakavSiro xelSekrulebaSi (1922w. 12 marti)¹⁸¹², agreTve amierkavkasiis federaciis konstituciaSi (1922w. 13 dekemberi)¹⁸¹³. vinaidan afxazeTi amierkavkasiis federaciis subieqti ki ar iyo, cxadia, is ver gaxdeboda sss kavSiris dafuZnebis Sesaxeb xelSekrulebis (1922w. 30 dekemberi)¹⁸¹⁴ uSualo monawile. sicrua, TiTqos am dokumentis xeli moawera `afxazeTis sss-ს warmomadgenelma n.aqirTavam~¹⁸¹⁵. sinamdvileSi, aRniSnul xelSekrulebas xeli moaweres mxolod ruseTis federaciis, ukrainis, belorusiisa da amierkavkasiis federaciis warmomadgenlebma. amierkavkasiis saxeliT dokumentis xels awerda 22 kaci, maT Soris iyo ara n. aqirTava, aramed n. lakoba¹⁸¹⁶.

faqtobrivad da iuridiulad afxazeTis sss warmoadgenda avtonomiur res-publikas. am statusiT moixsenieba igi saqarTvelos kompartiis ck-s 1922w. 27 Te-bervlis dadgenilebaSi centralur aRmasrulebel komitetSi adgilebis gada-nawilebis Sesaxeb: `mieces: centrs 35, afxazeTis, aWaris avtonomiur

¹⁸⁰⁵. 1921წ. 14 ნოემბერს საქ. კომპარტიის ცკ-ს პლენუმმა მოიწონა რკპ(ბ) ცკ-ს კავბიუროს გადაწყვეტილება ამიერკავკასიის რესპუბლიკების ფედერაციის შექმნის შესახებ (Очерки истории коммунистической партии Грузии, ч. II. Тб., 1983, გვ. 28), მაგრამ ამ იდეას ბევრი მოწინააღმდეგეც (ბ. მღვიანი და სხვ.) ჰყავდა. ისინი „ნაციონალ-უკლონისტებად“ მონათლეს. როგორც ჩანს, ემუშაბ გადაწყვეტა, ესარგებლა ამ ვითარებით. არც ის არის გამორიცხული, რომ „ნაციონალ-უკლონისტების“ დასაშინებლად მას დაეეგალა მსგავსი წინადადების წამოყენება.

¹⁸⁰⁶. ჯ. გამახარია. ქართულ-აფხაზურ ურთიერთობათა ისტორიიდან, გვ. 125; Л. Тондзе. К вопросу о политическом статусе Абхазии, გვ. 16-17.

¹⁸⁰⁷. Дж. Гамахария, Б. Гогия. დასახ. ნაშრომი, გვ. 482.

¹⁸⁰⁸. ხელშეკრულებას საქართველოს სახელთ ხელი მოაწერა ს. ქავთარაძემ, აფხაზეთის სახელთ – ე. ემუშა და ს. კარტოზიამ.

¹⁸⁰⁹. Дж. Гамахария, Б. Гогия. დასახ. ნაშრომი, გვ. 483-484.

¹⁸¹⁰. საქართველოს სსრ კონსტიტუციური აქტების კრებული (1921-1978). თბ., 1983, გვ. 73.

¹⁸¹¹. О. Бгажба, С. Лакоба. История Абхазии, გვ. 342

¹⁸¹². Образование Союза Советских Социалистических Республик. Сб. док. М., 1972, გვ. 257-259.

¹⁸¹³. იქვე გვ. 349-359.

¹⁸¹⁴. იქვე გვ. 381-386.

¹⁸¹⁵. О. Бгажба, С. Лакоба. История Абхазии, გვ. 342.

¹⁸¹⁶. Правда, 1922, 31 декабря.

respublikebs sam-sami adgili¹⁸¹⁷. afxazeTis partiuli da saxelmwifo struqturbi saqarTvelos Sesabamisi struqturbebs Semadgenelni da mis winaSe angariSvaldebulli gaxdnen¹⁸¹⁸.

maleve daiwoy winaswari msjelobebi konstituciidan cnebis `saxelSekrulebo respublika~ amoRebis Sesaxeb. amis Taobaze saqarTvelos kompartiis ck-s mdivans beso lominaZes usaubria nestor lakobasTan. saqarTvelos kompartiis III yrilobas 1924w. 8 maiss n.lakoba moaxsenebda: `axla lominaZe micxadebs, rom erT weliwadSi amovSiT sityvas `saxelSekrulebo respublika~... Cven ubralod vambobT, rom varT saxelSekrulebo respublika, da me myofnis gambadaoba, ganvacxado, rom afxazeTis glexoba or weliwadSi am sityvebsac amoSlis~; gaixsena ra, Tu rogor upirispirebda mefis xelisufleba `kulturul qarTvel ers afxazur erovnebas (народность)~, n.lakoba agrZelebda: `afxazebs istoriuli TvalTaxedviT rom miudget, ra Tqma unda, araviTari rolis TamaSi kacabriobis istoriaSi ar SeeZloT, Tundac imitom, rom am xalxs... ara aqvs arc Tavisi istoria, arc Tavisi damwerloba, arc Tavisi literatura~¹⁸¹⁹. afxazeTs saqarTvelos avtonomiad miiCnevda regionis `damoukideblobis~ gamocxadebaze sanqciis mimcemi g. orjonikiZec. 1923w. 21 dekembers afxazeTis sabWoebis meore yrilobaze man ganaxada: `afxazebma unda icodnen, rom afxazeTi avtonomiuri respublikaa da Tanasworia Cvens kavSirSi~¹⁸²⁰. amis Sesaxeb dRemde araferi `icis~ mxolod separatistulma istoriografiam. g. orjonikiZem 1924w. 5 seqtembers Tbilisis sabWos sxdomaze gamosvlisas afxazeTi kvlav avtonomiur respublikad moixsenia¹⁸²¹. igive gaimeora man rkp(b) ck-s 1924w. plenumze: `Cvenma avtonomurma respublikebma da olqebma (aWara, afxazeTi, samxreT oseTi) da araqarTveli mosaxleobis raonebSi ar isargebles ajanyebiT (1924w. _ avt.) separatistuli miznebisTvis~¹⁸²². aseTi iyo (avtonomia) afxazeTis namdvili statusi. afxazeTis istoriis falsifikatorebi arc sss kavSiris 1924w. konstitucias uweven angariSs; masSi ki SaviT TeTrze veria: `avtonomiuri respublikebi aWara da afxazeTi da avtonomiuri olqebi samxreT oseTi, mTiani yarabaxi da naxiWevani erovnebaTa sabWoSi TiTo warmomadgenels agzavnian~¹⁸²³. gamodis, rom `damoukidebel~ afxazeTs realurad iseTive statusi hqonda, rogorc avtonomiur olqebis¹⁸²⁴.

afxazeTis sabWoebis III yrilobam (1925w. 26 marti _ 1 aprili) 1925 wlis 1 aprils yovelgvari ganxilvis gareSe daamtka konstitucia, romelic faqtobrivad imeorebda saqarTvelos 1922 wlis konstitucias. am mizezis gamo is ewinaaRmdegeboda saqarTvelos, amierkavkasiisa da sss kavSiris konstituciebs, saqarTvelosTan dadebul xelSekrulebas. soxumSi miRebuli konstitucii mixedviT, afxazeTi cxaddeboda suverenul respublikad; masSi deklarirebuli iyo amierkavkasiis federaciidan da sss kavSiridan Tavisufali gasvlis ufleba; saxelmwifo enad rusuli dgindeboda¹⁸²⁵. marTali gaxldaT n. lakoba, roca dokumentis sul male man `konstituciuri sisulele~, sulelurad dawerili konstitucia uwoda¹⁸²⁶, Tumca Tavad brZandeboda misi mTavari Semoqmedi. ZiriTadi `sisulele~ imaSi mdgomareobda, rom konstituciaSi ignorirebuli iyo gansakuTrebuli xelSekrulebis safuZvelze afxazeTis saqarTvelos SemadgenlobaSi yofnisa da mxolod misi meSveobiT (da ara nebayoflobiT) amierkavkasiis federaciaSi, am ukanasknelis meSveobiT ki sss kavSirSi gaerTianebis faqti. gamomdinare aqedan, is veranairad ver iqneboda suverenuli respublika, ver gavidoda amierkavkasiisa da sabWoTa kavSiris Semadgenlobidan, vinaidan ar gaxldaT maTi subieqti; saxelmwifo enad ara afxazuris, aramed ucxo enis gamocxadebac sulac ar miuTiTebda afxazeTis suverenitetze.

1925 wlis konstitucia ar gamoqveynebula¹⁸²⁷, Sesabamisd, ZalaSi ar Sesula. ufro metic, sabWoebis III yrilobis biuletenSi, romelic afxazeTis centralurma aRmasrulebelma komitetma (caki) gamosca, naTqvamia: `yrilobam gadawyvita, dasruldes muSaoba yrilobisaTvis wardgenil proeqtze, moyvanil iqnes

1817 . ზ. პაპასქირი. ნარკვევები..., ნაკვ. II, გვ. 98.

1818 . იქვე, გვ. 98-99.

1819 . Л. Тондзе. К вопросу о политическом статусе Абхазии, გვ. 29-30. ავტორი უთითებს პირველწყაროს: პოლიტიკური პარტიების არქივი (ქ. თბილისი), ფ. 14, აღწ. 2, ს. 1, ფ. 230-235.

1820 . Съезды Советов Абхазии. Сб. док. и мат. 1922-1923. Сухуми, 1959, გვ. 153.

1821 . ზ. პაპასქირი. ნარკვევები..., ნაკვ. II, გვ. 99.

1822 . საქართველოს რესპუბლიკა, 1991, 19 თებერვალი (პლენუმის ოქმების პუბლიკაცია ზ. გამსახურდიას წინასიტყვაობით).

1823 . Дж. Гамахария, Б. Гогия. დასახ. ნაშრომი, გვ. 489.

1824 . სსრ კავშირის 1924 წ. კონსტიტუციის (IV, 15) მიხედვით, რუსეთის ფედერაციის ავტონომიური რესპუბლიკები ეროვნებათა საბჭოში ავზავნიდნენ ხუთ-ხუთ წარმომადგენელს (ქ. ი. ხუთჯერ მეტს, ვიდრე „დამოუკიდებელი“ აფხაზეთი), ხოლო ავტონომიური ოლქები – თითოს (როგორც აფხაზეთი).

1825 . Дж. Гамахария, Б. Гогия. დასახ. ნაშრომი, გვ. 489-490.

1826 . Н. А. Лакоба. Статьи и речи. Сухуми, 1987, გვ. 177; Дж. Гамахария, Б. Гогия. დასახ. ნაშრომი, გვ. 491.

1827 . პირველად გამოქვეყნდა კრებულში: Съезды Советов союзных и автономных советских социалистических республик Закавказья. Сборник документов (1923-1937 гг.), т. 6, М., 1964, გვ. 686-700.

igi SesabamisobaSi saqarTvelos ssr da amierkavkasiis sfsr konstituciebtan~¹⁸²⁸. amrigad, afxazeTis cakma 1925w. 1 aprils namdvilad miRebuli konstitucia, romelic arsad ganxilula da ar gamoqveynebulა, aRiara mxolod proeqtad. am faqts malavs separatistuli istoriografia.

ruseTis kompartii amierkavkasiis samxareo komitetma 1925w. 6 seqtembers afxazeTis konstituciasTan dakavSirebiT daamtka samxareo cak-is komisiis winadadebebi da daadgina: `1. aucileblad saWirod iqnas cnobili, rom afxazeTis ssr-sa da saqarTvelos ssr-s Soris urTierToba gaformdes konstituciuri wesiT da gadaisinjos afxazeTis sabWoebis III yrilobaze miRebuli konstitucia.

2. winadadeba mieces partiis afxazeTis saolqo komitets da saxalxo komisarTa sabWos erovnuli sakiTxis daregulirebis mizniT amierkavkasiis cakisa da saqarTvelos cakis arsebuli dekretების safuZvelze SeimuSaos proeqti enebis gamoyenebis Sesaxeb da warudginos saqarTvelos kompartii ck-s.

3. sabWoTa da profesiuli organoebis arCevisas mxedvelobaSi iqnes miRebuli raionisa da mazris erovnuli Semadgenloba~¹⁸²⁹.

afxazeTis konstituciis sakiTxi 1925w. 6 da 31 ivliss ganixiles saqarTvelos kompartii centralur komitetSi¹⁸³⁰. imave wlis 11 seqtembers saqarTvelos kompartii afxazeTis saolqo komitetის ბიუმო ცაკ-s da mTavrobas daavala afxazeTis konstituciis im muxlebis gadasinjva, romlebic saqarTvelosTan urTierTobas exebodnen, agreTve konstituciis axali proeqtis momzadeba. sakonstitucio komisiამ n. lakobas xelmZRvanelobiT mokle vadaSi moamzada afxazeTis konstituciaSi Sesatani cvlilebebis proeqti da 1925w. 27 seqtembers saqarTvelos kompartii ck-s samdivnos warudgina dasamtkiceblad. samdivnom proeqti moiwona. cvlilebebi Seexeboda `suverenitetisa~ da saxelmwifo enis (enebis) sakiTxebs. axali proeqტი afxazeTis xelisuflebis damoukidebloba izRudeboda ara mxolod amierkavkasiisa da ssr kavSiris konstituciebiT (pirvandeli variantი), aramed saqarTvelosTan saxelSekrulebo urTierTobebiTac. saxelmwifo enebad cxaddeboda afxazuri, qarTული da rusuli¹⁸³¹.

aRniSnulma cvlilebebma asaxva hpoves afxazeTis 1926w. konstituciaSi. mis miRebas win uZRvoda saqarTvelos konstituciis damtkiceba 1926w. 11-16 ivniss soxumSi gamarTul sruliad saqarTvelos cakის III sesiaze. saqarTvelos mTavrobის ანგარიSi sesias S.eliavam warudgina. rogorc `didi eris~ warmomadgenelma, man dagmo saqarTvelos demokratiuli respublikის მენSevikuri mTavroba, romelic, oratorის მტკიებიT, afxazeTs ganxilavდა არა ავტონომიურ რესპუბლიკად, არამედ qveynis provinciად. isაუბრა რა ბოლSevikuri erovnuli პოლიტიკის `მიRwevebe~, S.eliavam განაცხადა: `bunებრვია, აფხაზეTic, რომელიც ერTგვარ ხელსეკრულების პირობებSi Sedis saqarTvelos SemadgenlobaSi, Tavis Tavs ამ დიდი კავSiris ნაწილად გრZნობს¹⁸³².~

afxazeTis mTavrobის ანგარიSiT saqarTvelos cakის sesiaze n.lakoba wardga. rogorc `mcire eris~ warmomadgenელი, is sxva ereბის ინტერესების დაცვაზე და saqarTvelosTan კავSირზე საუბრობდა. `afxazeTis რესპუბლიკა, _ Tqva n.lakobam, _ ზოგიერთს ესმის ისე, რომ Tu რესპუბლიკას აფხაზეTისას უდობენ, ეს იმას ნიშნავს, რომ რესპუბლიკა მხოლოდ აფხაზებისათვის არის. ასეტი სხედულება არ Seesabამება საკმის ნამდვილ მდგომარეობას აფხაზეTსი. აკ უმTავრესი ერები Tავისი რიხვით და xვედრითი woniT, არიან აფხაზები, qarTველები, სომხები, რუსები და ბერZნები~. მომხსენებელმა ყურადReბა გაამახვილა პოლიტიკურ მოწინააღმდეგეზე: `აი, რას ემყარებიან ისინი: აფხაზეტი მოინდომებს _ ვაჲა saqarTvelოდან, მოინდომებს _ დარცება saqarTvelოSi, _ დასZენდა n.lakoba. _ იმისათვის, რომ ამის Sesaxeb არ იყოს oდესმე რაიმე გაუგებრობა, საWiროა, სრულიად გადაწერიT განაცხადოT, რომ აფხაზეTს saqarTvelოდან ვაჲლა არ შეუZლია, არ აკვს განჯრახვა და არც სურს ეს. მაგრამ საბოლოო saqarTvelosTan ერTად აფხაზეტი ვაჲა ტუგინდ საიკიოSi~¹⁸³³.

sesiaze სიტყვით გამოვიდა soxumSi Camოსული რკპ(ბ)-ს კავკასიის სამხარეო კომიტეტის პირველი მდივანი მამია ორახელასვილი (14 ივნისი). მან ასევე დამო afxazeTის `მცავრელი~ saqarTvelos demokratiული რესპუბლიკა; განაცხადა, რომ `afxazeTის რესპუბლიკას უმTავრესად, Tu SeiZლება ასე იTყვას, საუარმოდ ხასიატი აკვს. ის მოუდებუღია Seqმნას და გამოასვროს სავსებით აფხაზეTის მსრომელთა კულტურა~ (ანუ დაამყაროს ფაქტობრივი ტანასვობა, როგორც იმ პერიოდში ყადაგებდა კომპარტია)¹⁸³⁴; m.ორახელასვილი აკრიტიკებდა აფხაზეTის რესპუბლიკის Seqმნის მოწინააღმდეგეებს, ასევე იმ პირებს, ვინც, ტიტყოს, Seეგუა

¹⁸²⁸. Съезды советов..., ტ. VI, გვ. 673. წყაროდ მოთხოუბუღია „Бюллетень III Всеабхазского съезда советов. Изд. АБЦИК, 1925, გვ. 10-11.

¹⁸²⁹. Л. Тондзе. К вопросу о политическом статусе Абхазии, გვ. 25.

¹⁸³⁰ История Абхазской АССР. Сухуми, 1983, გვ. 197.

¹⁸³¹. Л. Тондзе. К вопросу о политическом статусе Абхазии, გვ. 25

¹⁸³². კომუნისტო, 1926, 13 ივნისი.

¹⁸³³. კომუნისტო, 926 წ. 15 ივნისი.

¹⁸³⁴. И. В. Сталин. Соч., т. 5. М., 1953, გვ. 24, 35-36, 38, 188-189 და ა. შ.

aseTi respublikis Seqmnis faqts, magram, oratoris TqmiT, qarTuli umravlesobisaTvis¹⁸³⁵ gabatonebuli mdgomareobis uzrunvelyofas moiTxovda. umciresobaSi afxazTa yofnas `rodi aqvs gadamwyveti mniSvneloba, _ acxadebda m.oraxelaSvili. _ Cven rom gvindodes afxazeTis gadaqceva saqarTvelos respublikis meore gamocemad, es sasacilo iqneboda. Cven saqarTvelos respublikis dublikati ar Segviqmnia da arc vfiqrobT mis Seqmnas. amitom, cxadia, Cven ar SegviZlia sakiTxis ase dayeneba, rom raki afxazeTSi qarTuli mosaxleoba umravlesobas warmoadgens, amitom Zalaufleba, pirveloba da politikuri xelisuflebis yvela upiratesoba mosaxleobis qarTul nawils unda ekuTvnodes~¹⁸³⁶.

შ. ელიავას, ნ. ლაკობასა და მ. ორახელაშვილის გამოსვლებში მკაცრად იყო დაცული XXს. 20-30-იან წლებში კომპარტიის ე.წ. ეროვნული პოლიტიკის ძირითადი მოთხოვნები დიდმპყრობელურ შოვინიზმთან და „წვრილბურჟუაზიულ“ ნაციონალიზმთან ბრძოლის აუცილებლობის შესახებ¹⁸³⁷. ამ ფარისევლური პოლიტიკის შესაბამისად, ქართველ ბოლშევიკებს ევალებოდათ „ქართული შოვინიზმის“ დაგმობა და აფხაზების დაცვა¹⁸³⁸; აფხაზ ბოლშევიკებს კი უნდა ესაუბრათ ნაციონალისტურ გადახრებზე აფხაზეთში და საქართველოსთან მჭიდრო კავშირის აუცილებლობაზე. ასეც მოიქცნენ ძირითადი გამომსვლელები საქართველოს ცაკის III ყრილობაზე, მაგრამ რეალურად არსებული პრობლემების მოგვარება მსგავს გამოსვლებს, ცხადია, არ შეეძლო.

შეუძლებელია, გვერდი ავუაროთ სესიის 13 ივნისის სხდომაზე აფხაზი გლეხის, ვინმე მათუას გამოსვლას. მან ილაპარაკა 1877წ. თურქეთში გადასახლებულთა გაჭირვებულ მდგომარეობაზე და სთხოვა მთავრობას, „მიიღოს ზომები მუჰაჯირების სამშობლოში დასაბრუნებლად“¹⁸³⁹. თავის დროზე საქართველოს დემოკრატიული რესპუბლიკა ძალიან ახლოს იყო აღნიშნული პრობლემის გადაჭრასთან (აქვე, გვ. 302), მაგრამ მაქსიმუმი, რისი გაკეთებაც მოსკოვის დიქტატს დაქვემდებარებულ საბჭოთა საქართველოს შეეძლო, იყო ცაკის სესიაზე მათუას გამოსვლის ორგანიზება (ან წინააღმდეგობის არგაწვევა) და ამის შესახებ გაზეთში მოკლე ინფორმაციის გამოქვეყნება.

საქართველოს ცაკის III სესიამ სოხუმში მიიღო საქართველოს სსრ-ის ახალი კონსტიტუცია; მისი V თავი – „მოკავშირე აფხაზეთის სოციალისტური საბჭოთა რესპუბლიკა“ მთლიანად ეძღვნებოდა საქართველოს სსრ და აფხაზეთის სსრ შორის ურთიერთობის კონსტიტუციური წესით დარეგულირებას¹⁸⁴⁰. საქართველოს ძირითადი კანონის ეს ნაწილი (V თავი) უცვლელად შევიდა საბჭოთა აფხაზეთის ფაქტობრივად პირველ კონსტიტუციაში და შეადგინა მისი მეორე თავი. 1926წ. 27 ოქტომბერს იგი მიიღო აფხაზეთის მუშათა, გლეხთა და წითელარმიელთა საბჭოების ცენტრალური აღმასრულებელი კომიტეტის (ცაკი) III სესიამ¹⁸⁴¹ და საბოლოოდ დაამტკიცა აფხაზეთის საბჭოების IV ყრილობამ (1927წ. 5-10 მარტი). კონსტიტუციაში ორჯერ არის დაფიქსირებული (მუხლები 2 და 17), რომ აფხაზეთის სსრ „განსაკუთრებული ხელშეკრულების ძალით შედის“ საქართველოს შემადგენლობაში, ხოლო მისი მეშვეობით – ამიერკავკასიის ფედერაციაში. სახელმწიფო ენად აღიარებულია აფხაზური, ქართული და რუსული (მუხლი 8); თბილისსა და სოხუმს შორის უფლებამოსილებას მიჯნავდა 21-ე მუხლი. აფხაზეთის შინაგან საქმეთა, იუსტიციის, განათლების, ჯანდაცვის, მიწათმოქმედების და სოციალური უზრუნველყოფის სახალხო კომისარიატები (სამინისტროები) მოქმედებდნენ საქართველოს სათანადო

¹⁸³⁵. 1926 წლის აღწერის მონაცემებით, აფხაზეთის მთელი მოსახლეობა შეადგენდა 212 ათას კაცს, მათ შორის ყველაზე მეტი იყო ქართველი – 68 ათასი, შემდეგ მოდიოდა აფხაზი – 55,9 ათასი, სომეხი – 34,7 ათასი, რუსი – 20,4 ათასი, ბერძენი – 27 ათასი, სხვები – 6 ათასი (Г. Лежава. Изменение классово-национальной структуры населения Абхазии (конец XIX – 70-е годы XX в.). Сухуми, 1889, გვ. 26).

¹⁸³⁶. კომუნისტი, 1926, 16 ივნისი.

¹⁸³⁷. И. В. Сталин. Соч., т. 5. М., 1953, გვ. 27-28, 40, 187-190 და ა. შ.

¹⁸³⁸. 1923 წ. მარტში ი. სტალინი წერდა: „ქართული შოვინიზმის“ შესახებ, „რომელიც მიმართულია სომხების, ოსების და აფხაზების წინააღმდეგ“ (И. В. Сталин. Соч., т. 5. გვ. 189). ეს იყო ბოლშევიკური სიცრუე და ცილისწამება, მაგრამ, მიუხედავად ამისა, ქართველ კომუნისტებს მაინც უნდა „ეპრობოდათ“ ამ მოგონილი შოვინიზმის წინააღმდეგ.

¹⁸³⁹. კომუნისტი, 1926, 16 ივნისი.

¹⁸⁴⁰. საქართველოს სსრ კონსტიტუციური აქტების კრებული, გვ. 117-120. კონსტიტუცია საბოლოოდ დაამტკიცა საქართველოს სსრ საბჭოების IV ყრილობამ (1927 წ. 28 მარტი – 3 აპრილი).

¹⁸⁴¹. აფხაზეთის კონსტიტუცია გამოქვეყნდა და ძალაში შევიდა 1926 წელს. იხ. Основной закон (Конституция) Советской Социалистической Республики Абхазии. Сухуми, 1926.

კომისარიატებისაგან დამოუკიდებლად; სახალხო მეურნეობის უმაღლესი საბჭო ორმაგ დაქვემდებარებაში იმყოფებოდა; აფხაზეთის მთავრობის შემადგენლობაში გადამწყვეტი ან სათათბირო ხმის უფლებით (ამის შესახებ გადაწყვეტილებას აფხაზეთის ცაკი იღებდა) შედიოდნენ ფინანსთა, შრომის და მუშათა და გლეხთა ინსპექციის სახალხო კომისარიატის რწმუნებულები, რომლებიც საქართველოს შესაბამისი კომისარიატების ორგანოებს წარმოადგენდნენ, მაგრამ პერიოდულად ანგარიშს უდგენდნენ აფხაზეთის ცაკს და მთავრობას; საქართველოს მთელ ტერიტორიაზე გასაერთოებლად გამოცემულ საქართველოს ცაკის კოდექსებს, დეკრეტებს და დადგენილებებს სავალდებულო ძალა ჰქონდათ აფხაზეთის სსრ ტერიტორიაზე; კონსტიტუციასთან შეუსაბამო აფხაზეთის საბჭოების ყრილობების, ცაკის სესიებისა და მთავრობის დადგენილებებს აუქმებდა საქართველოს საბჭოების ყრილობა ან ცაკი; 125-ე მუხლის მიხედვით, აფხაზეთის სსრ ბიუჯეტი მისი დამტკიცების შემდეგ ხდებოდა საქართველოს ბიუჯეტის ნაწილი.

ერთი შეხედვით, თბილისსა და სოხუმს შორის უფლებამოსილება საკმაოდ მკაფიოდ გაიმიჯნა. სინამდვილეში, საბჭოთა კონსტიტუციები ფორმალურ ხასიათს ატარებდნენ; რეალური ძალაუფლება პარტიული ორგანოების ხელში იყო თავმოყრილი. საქართველოს კომპარტიის ცკ-ს ნებისმიერი გადაწყვეტილება ნებისმიერ სფეროში სავალდებულო გახლდათ აფხაზეთის ორგანიზაციისათვის. გარდა ამისა, აფხაზეთისათვის, ცხადია, სავალდებულო იყო ამიერკავკასიის და სსრ კავშირის პარტიული თუ სახელმწიფო ორგანოების ყველა გადაწყვეტილება.

ამრიგად, აფხაზეთის სსრ-ს განსაკუთრებულ გამგებლობას არ განეკუთვნებოდა სახელმწიფოებრივი ცხოვრების არცერთი სფერო მაშინ, როცა საქართველოს დემოკრატიულ რესპუბლიკაში მას ბევრად მეტი უფლებები ჰქონდა. 1921წ. 21 თებერვალს დამფუძნებელი კრების მიერ დამტკიცებული დებულების მიხედვით ავტონომიური აფხაზეთის სრულ გამგებლობაში რჩებოდა სახალხო განათლება, მათ შორის უმაღლესი, კულტურული მშენებლობა, სამომრიგებლო სასამართლო, საზოგადოებრივი უსაფრთხოებისა და წესრიგის დაცვა, ჯანდაცვა და ა.შ.¹⁸⁴²

ბუნებრივად ისმის კითხვა: რა მიზნით შეიქმნა (თუნდაც დროებით) აფხაზეთის სსრ, უფრო სწორად, რატომ ეწოდა აფხაზეთის ავტონომიას საბჭოთა სოციალისტური რესპუბლიკა? ოფიციალური ვერსიით, რომელიც დაფიქსირებულია ადგილობრივი პარტიული თუ საბჭოთა ორგანოების მასალებში, ხელმძღვანელი პირების გამოსვლებში, აფხაზეთის „დამოუკიდებლობის“ დროებითი გამოცხადება მიზნად ისახავდა საბჭოთა ხელისუფლების იდეის განმტკიცებას, აგრეთვე მენშევიკების მიერ ქართველებსა და აფხაზებს შორის ვითომ დათესილი ეროვნული შუღლის აღმოფხვრას¹⁸⁴³. პირდაპირ უნდა ითქვას, რომ რეგიონის ფორმალური დამოუკიდებლობის გამოცხადებით აფხაზეთა შორის ადრე არაპოპულარული საბჭოთა იდეის განმტკიცების მიზანი ნამდვილად იქნა მიღწეული. ამიერიდან საბჭოთა ხელისუფლების დაცვა აფხაზეთში უნდა გაიგივებულიყო „დამოუკიდებლობის“ დაცვასთან; ამიტომ სეპარატისტული ისტორიოგრაფია დღემდე ხოტბას ასხამს კაცობრიობის ისტორიაში ამ ერთ-ერთ ყველაზე ანტიადამიანურ პოლიტიკურ რეჟიმს¹⁸⁴⁴, რომელიც არავის ანიჭებდა ნამდვილ დამოუკიდებლობას, პირიქით, ძალით იპყრობდა და საბჭოურ იმპერიას უერთებდა ადრე დამოუკიდებელ სახელმწიფოებს. სეპარატისტებს „არ მოსწონთ“ მხოლოდ სსრ კავშირის უმაღლეს პარტიულ და საბჭოთა თანამდებობებზე მყოფი ქართველები, განსაკუთრებით, ვითომდა აფხაზეთის „საზიანოდ“ საქართველოზე „მზრუნველი“ ისტალინი და ლ. ბერია¹⁸⁴⁵. რაც შეეხება ქართველთა და აფხაზეთა შორის ეროვნული შუღლის აღმოფხვრას, რეალურად ასეთი მიზანი საბჭოთა ხელისუფლებას

¹⁸⁴² 1919 წ. შემოდგომაზე აფხაზეთის სახალხო საბჭოს დელეგაციასა და დამფუძნებელი კრების წარმომადგენლებს შორის მიღწეული შეთანხმებით, რომელიც გასაბჭოებამდე მოქმედებდა, აფხაზეთის სრულ გამგებლობას განეკუთვნებოდა ყველა სფერო, გარდა საგარეო პოლიტიკისა, ჯარისა, საზღვაო პორტებისა, საბაჟოსი, საფინანსო და სასამართლო სისტემებისა, ფოსტა-ტელეგრაფისა, რკინიგზისა და საერთოსახელმწიფოებრივი მნიშვნელობის გზატკეცილებისა (Дж. Гамахария, Б. Гогия. დასახ. ნაშრომი, გვ. 451-453, 466-469).

¹⁸⁴³ ჯ. გამახარია. ქართულ-აფხაზურ ურთიერთობათა ისტორიიდან, გვ. 116-118.

¹⁸⁴⁴ იხ. С. Лакоба. Очерки политической истории Абхазии; О. Бгажба, С. Лакоба. История Абхазии და ა.შ.

¹⁸⁴⁵ ამ საკითხში სეპარატისტთა შეხედულებების კრიტიკა იხ.: ზ. პაპასჭირი. ნარკვევები..., ნაკვ. II, გვ. 120-131.

არც დაუსახავს. პირიქით, აფხაზეთის სსრ-ს გამოცხადებით მეფის რუსეთის (და არა მენშევიკების) მიერ დათესილი შუღლი და უნდობლობა კიდევ უფრო გაღრმავდა, რის შესახებაც გაზ. „სოციალისტ-ფედერალისტმა“ 1921წ. ივნის-ივლისში რამდენიმე უაღრესად მწვავე წერილი გამოაქვეყნა¹⁸⁴⁶. „დამოუკიდებელ“ აფხაზეთში, ისევე როგორც თავის დროზე მეფის რუსეთში, გაძლიერდა ანტიქართული პროპაგანდა, ქართველთა დევნა-შევიწროება¹⁸⁴⁷. აფხაზეთის მოსახლეობის ქართული უმრავლესობა ამასთან დაკავშირებით ხმამაღლა გამოხატავდა უკმაყოფილებას. ხმა აღიმაღლა საქართველოს ინტელიგენციამაც. ვახტანგ კოტეტიშვილი აღშფოთებული წერდა იმის შესახებ, თუ როგორ იკრძალებოდა „დამოუკიდებელ“ აფხაზეთში, „ემბა-ლაკობას მამულში“ ყოველივე ქართული, როგორ იზავებოდა მოსახლეობის უმრავლესობა; ეს ყოველივე, მისი აზრით, სულაც არ უწყობდა ხელს აფხაზეთა ეროვნულ აღორძინებას, როგორც ზოგიერთები ფიქრობდნენ; პირიქით, მიმდინარეობდა რეგიონის რუსიფიკაცია. ვაკოტეტიშვილმა საქართველოს რეგომს მოუწოდა, ბოლო მოუღოს ანტიქართულ პოლიტიკას, გააუქმოს სადღაც „კაბინეტებში“ მიღებული დეკლარაცია აფხაზეთის დამოუკიდებლობის შესახებ და აღადგინოს რესპუბლიკის ტერიტორიული მთლიანობა¹⁸⁴⁸.

აფხაზეთში ქართველთა შევიწროების მიზანმიმართული პოლიტიკა ცხუმ-აფხაზეთის ეპარქიისა და მისი ხელმძღვანელის – მიტროპოლიტ ამბროსის (ხელაია) დევნაშიც გამოიხატა. საბჭოთა ხელისუფლების ერთ-ერთი პირველი აქტით სოხუმის საკათედრო ტაძარი გადაეცა რუსულ სამღვდელეობას, რომელიც ქართულ ავტოკეფალურ ეკლესიას ჯერ კიდევ არ ექვემდებარებოდა; ეპარქიას ჩამოართვეს სამღვდელმთავრო სახლი; მიტროპოლიტ ამბროსის მოუწია „ხუთი თვის განმავლობაში ხან ვისთან და ხან ვისთან თავის შეფარება“, დაანგრეს კარის ეკლესია, სანახევროდ გაანადგურეს არქივი, მღვდელმსახურთ ჩამოართვეს საცხოვრებელი სახლები. „ყოველი ეს მოხდა ახალი მთავრობის დამყარების პირველ თვესვე“¹⁸⁴⁹, – ბრძანებდა წმ. აღმსარებელი ამბროსი.

დაპირისპირებამ ეროვნულ ნიადაგზე სახიფათო მასშტაბებს მიადწია; ამ თემაზე ღიად საუბრობდა ნ. ლაკობაც. სოხუმში გამართულ საქართველოს ცაკის III სესიაზე მის მიერ გაკეთებული განცხადებით, ქართველები, სომხები და ბერძნები არ ეთანხმებიან იმას, რომ აფხაზეთის მთელი მმართველობა იყოს მხოლოდ აფხაზეთა ხელში¹⁸⁵⁰. საქართველოს კომპარტიის აფხაზეთის საოლქო კომიტეტის 1926წ. 1 ივნისის პლენუმზეც ითქვა იმის შესახებ, რომ ეროვნებათა არათანასწორუფლებიანობამ, გაუმართლებელმა პრივილეგიებმა აფხაზეთისათვის (სამხედრო სამსახურიდან განთავისუფლება, მიწით პირველ რიგში დაკმაყოფილება, უპირატესობა ხელმძღვანელ თანამდებობებზე კადრების შერჩევისას და ა.შ.) გამოიწვიეს მოსახლეობის იძულებითი ასიმილაცია (გააფხაზება)¹⁸⁵¹.

იქმნება შთაბეჭდილება, რომ აფხაზეთის „დამოუკიდებლობის“ გამოცხადების ერთ-ერთი მთავარი მიზანი სწორედ ეროვნული შუღლის გაღვივება და ამ მოტივით საქართველოსაგან მისი ჩამოცილების გეგმის განხორციელება იყო, რასაც ცალსახად ადასტურებს პ. სიტინის ზემოთმოტანილი მოხსენებაც. ისიც ცხადია, რომ გასაბჭოებამდე ბოლშევიკები აფხაზეთში ავრცელებდნენ ხმებს საქართველოსაგან მისი გამოყოფის შესახებ, მოუწოდებდნენ აფხაზეთს რუსეთთან მიერთებისაკენ¹⁸⁵². აფხაზეთის „დამოუკიდებლობა“ წარმოადგენდა მხოლოდ პირველ ნაბიჯს ამ მოწოდებებისა თუ დაპირებების რეალიზაციის გზაზე, მიზნის მიღწევის ერთგვარ შუალედურ მოდელს, პოლიტიკური მოწყობის გარდამავალ ფორმას იმ ეტაპისათვის, როცა რუსულმა საოკუპაციო ხელისუფლებამ რეგიონი ნაძალადევად გასაბჭოებული

1846. Дж. Гамахария, Б. Гогия. დასახ. ნაშრომი, გვ. 474-480.

1847. ვრცლად ამის შესახებ იხ.: ზ. პაპასჭირი. ნარკვევები..., ნაკვ. II, გვ. 109-118.

1848. სოციალისტ-ფედერალისტი, 1926 წ. 26 ივლისი (იხ. აგრეთვე Дж. Гамахария, Б. Гогия. დასახ. ნაშრომი, გვ. 478-480).

1849. წმ. აღმსარებელი ამბროსი და აფხაზეთი, გვ. 351.

1850. Трудовая Абхазия, 1926, 19 ივნისი; იხ. აგრეთვე: კომუნისტი, 1926, 15 ივნისი. აფხაზეთის ხელისუფლებაში 14 ხელმძღვანელი პირიდან 1927 წ. იყო 9 აფხაზი, 3 ქართველი, თითო სომეხი და რუსი. 1929 წლისათვის სურათი ოდნავ შეიცვალა: 7 აფხაზი, 5 ქართველი, თითო რუსი და ბერძენი (Дж. Гамахария, Б. Гогия. დასახ. ნაშრომი, გვ. 801).

1851. Дж. Гамахария, Б. Гогия. დასახ. ნაშრომი, გვ. 122.

1852. იქვე, გვ. 465.

საქართველოს იურისდიქციის მიღმა დააფიქსირა და ღიად დატოვა მისი შემდგომი ბედის (რუსეთთან თუ საქართველოსთან შეერთების) საკითხი¹⁸⁵³. აფხაზეთის საქართველოსაგან მოწყვეტის მცდელობა ქართულმა საზოგადოებამ ჩაშალა; ამ ვერაგულ ჩანაფიქრს, როგორც ზემოთ ითქვა, წინ აღუდგა ინტელიგენცია. ზედმეტი გართულებების თავიდან აცილების მიზნით, ი. სტალინი და გ. ორჯონიკიძე, ეტყობა, არ წავიდნენ მორიგ მიმე დანაშაულზე, სამაგიეროდ მარჯვედ გაითამაშეს აფხაზეთის კარტი ურჩი საქართველოს დასასჯელად. აფხაზეთის დროებით „დამოუკიდებლობას“ რუსეთი იყენებდა საქართველოზე ზეწოლისათვის და აიძულებდა მას შეგუებოდა საბჭოთა წყობას, წინააღმდეგ შემთხვევაში დაკარგავდა მხოლოდ „დროებით ჩამორთმეულ“ ტერიტორიას; აფხაზეთს კი ამ დროს მოჩვენებითი დამოუკიდებლობის უფლება საბჭოთა რუსეთისადმი გარკვევითი ერთგულებით უნდა დაემსახურებინა, თუ არ სურდა კვლავ საქართველოსთან მიერთება.

საქართველოში საბჭოთა ხელისუფლების განმტკიცების კვალობაზე, როცა იმპერიის მესვეურთა აზრით, მოიხსნა მისი დამოუკიდებლობის აღდგენის საფრთხე, აფხაზეთის სსრ-ს შემაკავებელი ფუნქცია ამოწურულად ჩაითვალა. გარდა ამისა, 20-30-ან წლებში მიმდინარეობდა რუსეთის შემადგენლობაში შემაგალი ავტონომიების რეორგანიზაცია. აფხაზეთზე ბევრად მრავალრიცხოვანი ერები ავტონომიური ოლქების, საუკეთესო შემთხვევაში ავტონომიური რესპუბლიკების სტატუსს ინარჩუნებდნენ, ან ღებულობდნენ. სსრ კავშირის კონსტიტუციით, აფხაზეთიც ავტონომიურ რესპუბლიკას წარმოადგენდა, საქართველოს კონსტიტუციით კი – საბჭოთა სოციალისტურ რესპუბლიკას. მისი მაგალითი, შესაძლოა, გადამდებიც გამხდარიყო სხვა ავტონომიებისათვის და საფრთხე შეექმნა რუსეთის მთლიანობისათვის. მხედველობაშია მისაღები ის გარემოებაც, რომ აფხაზეთ-საქართველოს 1921წ. 16 დეკემბრის ხელშეკრულება უკვე არ შეესაბამებოდა კონსტიტუციური გზით რეგულირებად რეალურ ურთიერთობებს.

ამ ვითარებაში სავსებით კანონზომიერად უნდა მივიჩნიოთ აფხაზეთის სამართლებრივი სტატუსის სსრ კავშირის კონსტიტუციასთან შესაბამისობაში მოყვანა. ამის აუცილებლობას გულისხმობდა, ალბათ, ნ.ლაკობა, როცა 1929წ. 4 ივლისს საქართველოს კომპარტიის VI ყრილობაზე განაცხადა: „კონსტიტუციური ურთიერთობა აფხაზეთსა და საქართველოს შორის ისეთნაირადაა ფორმირებული, რომ თვით აფხაზეთს მოუწევს რაღაცეების გასწორება თავის კონსტიტუციაში; საუბარი იმაზე, რომ აფხაზეთი უკმაყოფილოა საქართველოთი, სრული სისულელეა“¹⁸⁵⁴. მისი თქმით, საქართველოსა და აფხაზეთის მშრომელების პოლიტიკური თანასწორობა დიდი ხნის უზრუნველყოფილია, მემკვიდრეობით მიღებული ეკონომიკური და კულტურული უთანასწორობის აღმოსაფხვრელად კი საქართველო ყველაფერს აკეთებდა. ეს იყო მინიშნება იმაზე, რომ აფხაზეთის რესპუბლიკამ თავისი მისია შეასრულა. 1930წ. 17 აპრილს აფხაზეთის ცაკ-ის III სესიამ განიხილა აფხაზეთ-საქართველოს შორის სახელშეკრულებო ურთიერთობის გადასინჯვის საკითხი. სესიისათვის აფხაზეთის მთავრობის მიერ მომზადებულ ცნობაში ნათქვამია: „იმასთან დაკავშირებით, რომ 1921წ. 16 დეკემბრის ხელშეკრულებამ დაკარგა რეალური მნიშვნელობა და, შესაბამისად, იგი შეიძლება განვიხილოთ მხოლოდ როგორც შეთანხმება აფხაზეთის სსრ და საქართველოს სსრ გაერთიანების შესახებ, ხოლო ამ რესპუბლიკების ნამდვილი ურთიერთობები ზუსტადაა განსაზღვრული მათ კონსტიტუციებში, – აუცილებელია ვაღიაროთ, რომ აფხაზეთის სსრ სახელწოდებას „სახელშეკრულებო რესპუბლიკა“ რეალური შინაარსი არ გააჩნია“¹⁸⁵⁵. მართლაც, ხელშეკრულების თანახმად, აფხაზეთის თუ საქართველოს კომპეტენციას მიკუთვნებული უფლებამოსილებები ამიერკავკასიის და სსრ კავშირის გამგებლობაში გადავიდა; ხელშეკრულება წინააღმდეგობაში მოდიოდა საქართველოსა და აფხაზეთის

¹⁸⁵³. დაახლოებით იგივე ვითარება შეიქმნა უფრო ადრე ნახიჭევანის გარშემოც, რომელსაც ვერ იყოფდნენ აზერბაიჯანი და სომხეთი. 1920 წ. ივლისში გამოცხადდა ნახიჭევანის სსრ, მაგრამ 1923 წ. თებერვალში ის შევიდა აზერბაიჯანის შემადგენლობაში ავტონომიური მხარის სტატუსით, 1924 წლიდან კი – ავტონომიური რესპუბლიკა (A. Ментешавილი. Исторические предпосылки, გვ. 68).

¹⁸⁵⁴. Л. Тондзе. К вопросу о политическом статусе Абхазии, გვ. 26.

¹⁸⁵⁵. იქვე, გვ. 27.

კონსტიტუციებთანაც. ამიტომაც დაკარგა მან რეალური შინაარსი. სესიამ ეს გაითვალისწინა და კონსტიტუციიდან ამოიღო სახელწოდება „სახელშეკრულებო რესპუბლიკა“ და იგი „ავტონომიური რესპუბლიკა“-თი შეცვალა¹⁸⁵⁶. ამასთანავე, 1926წ. კონსტიტუციით განსაზღვრულ უფლებამოსილებათა გადასინჯვა არ მომხდარა.

კონსტიტუციაში შევიდა კიდევ ერთი ახალი ცვლილება – ცაკ-ს შეერწყა სახალხო კომისართა საბჭო. 1931წ. 11 თებერვალს ეს ცვლილებები დაამტკიცა აფხაზეთის საბჭოების VI ყრილობამ, რომელსაც ბაგაფში თავმჯდომარეობდა¹⁸⁵⁷. ამიერიდან გაუქმებულად ჩაითვადა 1921წ. 16 დეკემბრის ხელშეკრულება. ყრილობაზე სიტყვით გამოსულმა ნ.ლაკობამ აღნიშნა: „საქართველოსა და აფხაზეთის მშრომელებს შორის ურთიერთობის საკითხი მთლიანად გადაწყვეტილია“¹⁸⁵⁸. მან გააკრიტიკა აფხაზეთის ენისა და ლიტერატურის ინსტიტუტი, რომელიც, მისი აზრით, არ ითვალისწინებდა აფხაზეთის ენის შესაძლებლობებს და ცდილობდა ამ ენაზე „უთარგმნელის თარგმნას“, აგრეთვე იმის „დამტკიცებას, რომ აფხაზეთი ლიტერატურა ჯერ კიდევ ადამზე ადრე არსებობდა. ისტორიაში ის არ არსებულა და დაუსვით წერტილი“¹⁸⁵⁹. ასეთი იყო ნ. ლაკობას ოფიციალური პოზიცია.

1931წ. 14 თებერვალს საქართველოს საბჭოების VI ყრილობამ მოისმინა საქართველოსა ცაკის მდივნის ს. თოდრიას მოხსენება საქართველოს კონსტიტუციაში ცვლილებების შეტანის შესახებ. მან დაადასტურა აფხაზეთის საბჭოების VI ყრილობის გადაწყვეტილება - აფხაზეთი ავტონომიური რესპუბლიკის სტატუსით შედიოდა საქართველოს შემადგენლობაში. 1921წ. 16 დეკემბრის ხელშეკრულება კი ძალადაკარგულად გამოცხადდა¹⁸⁶⁰.

აფხაზეთისა და საქართველოს საბჭოების VI ყრილობების საკონსტიტუციო გადაწყვეტილებებს გუდაუთის რაიონში სეპარატისტთა გამოსვლები მოჰყვა, რომლებშიც ნ.ლაკობას დედაც მონაწილეობდა. არ არის გამორიცხული, რომ ამ გამოსვლების უკან ნ.ლაკობა იდგა¹⁸⁶¹. მისი სიტყვა და საქმე ხშირად ერთმანეთს არ ემთხვეოდნენ. ერთი მხრივ, ნ.ლაკობა საქართველოსთან ერთიანობას ქადაგებდა, მეორე მხრივ, ეთნოკრატიულ, კლანურ რეჟიმზე დაყრდნობით, სეპარატისტულ და შოვინისტურ პოლიტიკას ატარებდა¹⁸⁶².

აფხაზეთის სსრ-ის ავტონომიურ რესპუბლიკად გარდაქმნამ, სერიოზული დარტყმა მიაყენა სეპარატისტებს, გამოაშკარავა ე.წ. „ლენინური ეროვნული პოლიტიკის“ სიყალბე; მითი იმის შესახებ, თითქოს კომუნისტურმა რეჟიმმა საქართველოს დემოკრატიული რესპუბლიკის მიერ „დაჩაგრულ“ და ამ „ჩაგვრის“ წინააღმდეგ გამირულად მებრძოლ აფხაზ ხალხს უბოძა სახელმწიფოებრივი დამოუკიდებლობა, საპნის ბუშტივით გასკდა¹⁸⁶³.

შორს არის სინამდვილისაგან მტკიცება, თითქოს 1931წ. შეიღახა „აფხაზეთის სუვერენული უფლებები“¹⁸⁶⁴. არც 1921წ. ხელშეკრულებაში, არც 1926წ. კონსტიტუციაში არაფერია ნათქვამი აფხაზეთის სუვერენიტეტის შესახებ. სეპარატისტებს არ სურთ, თვალი გაუსწორონ სიმართლეს და აღიარონ, რომ 1931წ. აფხაზეთის კონსტიტუცია სრულ შესაბამისობაში იქნა მოყვანილი სსრ კავშირის მოქმედ (1924 წლიდან) კონსტიტუციასთან, სადაც აფხაზეთი ავტონომიური რესპუბლიკის სტატუსით არის დაფიქსირებული.

ცვლილებები აფხაზეთის კონსტიტუციაში განხორციელდა სახელმწიფოებრივი მოწყობის იმ პოლიტიკის კონტექსტში, რომელსაც XXს. 30-იან წლებში საბჭოთა რეჟიმი

¹⁸⁵⁶. არ არსებობს მონაცემები, რომლებიც დაადასტურებენ სეპარატისტული ისტორიოგრაფიის მტკიცებას იმის შესახებ, თითქოს ი.სტალინი მზად იყო, უარი ეთქვა აფხაზეთში კოლექტივიზაციის ჩატარებაზე თუ რესპუბლიკა ავტონომიის სტატუსით საქართველოს შემადგენლობაში შევიდოდა (О. Бгажба, С. Лакоба. История Абхазии, გვ. 343).

¹⁸⁵⁷. Дж. Гамахария, Б. Гогия. დასახ. ნაშრომი, გვ. 125, 503-504.

¹⁸⁵⁸. იქვე, გვ. 503.

¹⁸⁵⁹. იქვე.

¹⁸⁶⁰. კომუნისტი, 1931, 20 თებერვალი; Съезды Советов..., т. VI, გვ. 557-561.

¹⁸⁶¹. О. Бгажба, С. Лакоба. История Абхазии, გვ. 347.

¹⁸⁶². ვრცლად ამის შესახებ იხ.: ზ. პაპასქირი. ნარკვევები..., ნაკვ. II, გვ. 110-113, 117, 122-123; ჯ. ანჩაბაძე. ქართულ-აფხაზეთი ურთიერთობების ისტორიიდან. თბ., 2005, გვ. 76.

¹⁸⁶³. ზ. პაპასქირი. ნარკვევები..., ნაკვ. II, გვ. 118.

¹⁸⁶⁴. О. Бгажба, С. Лакоба. История Абхазии, გვ. 344.

ატარებდა. კერძოდ, მიმდინარეობდა ხელისუფლების ცენტრალიზაციის, სსრ კავშირის უნიტარიზაციის, კანონმდებლობის, პირველ რიგში, მოკავშირე და ავტონომიური რესპუბლიკების კონსტიტუციების უნიფიცირების პროცესი, რომელიც გამონაკლისს აფხაზეთისათვის ვერ დაუშვებდა. აღნიშნულმა პროცესმა მოითხოვა აფხაზეთის ასსრ კონსტიტუციის ახალი რედაქციის მომზადება. აფხაზეთის საბჭოების VII ყრილობამ (1935წ. 2-7 იანვარი) 1935 წლის 7 იანვარს დაამტკიცა კონსტიტუცია,¹⁸⁶⁵ რომელმაც განსაზღვრა ავტონომიის სამართლებრივი მდგომარეობა. თუ 1926წ. კონსტიტუცია ფორმალურად მაინც მიჯნავდა უფლებამოსილებას თბილისსა და სოხუმს შორის, 1935წ. კონსტიტუციამ სრული ცენტრალიზაცია დააფიქსირა – ავტონომიური რესპუბლიკის ყველა სახალხო კომისარიატი საქართველოს სათანადო უწყებებს დაექვემდებარა (მუხლი 42)¹⁸⁶⁶. საქართველოს კონსტიტუციაშიც (მუხლი 78) შევიდა შესაბამისი დამატება, რომელიც სხვა ცვლილებებთან ერთად საბჭოების VII ყრილობამ (1935წ. 10-14 იანვარი) დაამტკიცა¹⁸⁶⁷.

აფხაზეთის საბჭოების VII ყრილობამ ცაკის თავმჯდომარის ნ.ლაკობას მოხსენების საფუძველზე მიღებულ რეზოლუციაში აღნიშნა, რომ საკონსტიტუციო ნორმა სამი სახელმწიფო ენის შესახებ ცხოვრებაში რეალურად არ ტარდება¹⁸⁶⁸. ყრილობამ სოფლებში საქმისწარმოების მშობლიურ ენაზე გადაყვანა მოითხოვა¹⁸⁶⁹.

სსრ კავშირის უნიტარიზაციისა და ქვეყანაში ტოტალიტარული პოლიტიკური სისტემის ჩამოყალიბების პროცესი 1936 წლის 5 დეკემბერს საკავშირო საბჭოების VIII საგანგებო ყრილობაზე „სტალინური კონსტიტუციის“ მიღებით ძირითადად დასრულდა¹⁸⁷⁰. გაუქმდა (1936წ.) ამიერკავკასიის ფედერაცია და საქართველო უშუალოდ შევიდა სსრ კავშირის შემადგენლობაში. რესპუბლიკის ახალი კონსტიტუცია საქართველოს საბჭოების VIII საგანგებო ყრილობამ (1936წ. 15 ნოემბერი, 1937წ. 10-13 თებერვალი) 1937წ. 13 თებერვალს მიიღო. საქართველოს კონსტიტუციის საფუძველზე აფხაზეთის საბჭოების VIII საგანგებო ყრილობამ (1936წ. 12-13 ნოემბერი, 1937წ. 30 ივლისი – 2 აგვისტო) მოისმინა ცაკის თავმჯდომარის ა.აგრბას მოხსენება და 1937წ. 2 აგვისტოს მიიღო ავტონომიური რესპუბლიკის ახალი კონსტიტუცია¹⁸⁷¹, საიდანაც გაქრა 1935 წლის კონსტიტუციაშიც შენარჩუნებული სახელმწიფოებრიობის ისეთი ატრიბუტებიც კი, როგორცაა საკუთარი ღერბი და დროშა (მუხლები 83-84); სახელმწიფოებრივი ცხოვრების არცერთი სფერო ფორმალურადაც არ დარჩენილა არც საქართველოს და არც აფხაზეთის გამგებლობაში.

1937წ. მიღებული კონსტიტუციების შესაბამისად, საქართველოსა და აფხაზეთის ისედაც სუსტმა საბჭოურმა სახელმწიფოებრიობამ რეალური შინაარსი თითქმის დაკარგა. მოკავშირე და ავტონომიური რესპუბლიკები მკაცრად ცენტრალიზებული ტოტალიტარული სახელმწიფოს – სსრ კავშირის უუფლებო ნაწილებად იქცნენ.

¹⁸⁶⁵. Съезды Советов... т. 6, გვ. 766-787.

¹⁸⁶⁶. იქვე გვ. 766-773.

¹⁸⁶⁷. სრულიად საქართველოს საბჭოთა VII ყრილობა (სტენოგრაფიული ანგარიში). თბ, 1935, გვ. 248.

¹⁸⁶⁸. ნ. ლაკობამ თავის მოხსენებაში აღნიშნა, რომ საქმისწარმოება მშობლიურ (ქართულ) ენაზე გადავიდა მხოლოდ გალის რაიონში. – Советская Абхазия, 1935, 16 января.

¹⁸⁶⁹. Советская Абхазия, 1935, 14 января; Съезды Советов..., т. 6, გვ. 764-765.

¹⁸⁷⁰. კომუნისტური რეჟიმი ახალი კონსტიტუციის მიღებას სსრ კავშირში სოციალისტური საზოგადოების შექმნით ასაბუთებდა.

¹⁸⁷¹. Советская Абхазия, 1937, 4 августа.

თავი XVIII. აფხაზეთი საბჭოთა სოციალიზმის ეპოქაში. 1938–1990წწ.

აფხაზეთის 1937 წ. კონსტიტუციის საფუძველზე, რომელმაც განსაზღვრა ავტონომიური რესპუბლიკის პოლიტიკური ორგანიზაციისა და სოციალურ-ეკონომიკური სისტემის საწყისები, მოხდა ხელისუფლებისა და მმართველობის ორგანოების ფორმირება. 1938 წლის 12 ივნისს გაიმართა უმაღლესი საბჭოს არჩევნები. საბჭოს პირველმა სესიამ 1938 წლის 12-14 ივლისს აირჩია უმაღლესი საბჭოს პრეზიდიუმისა (თავ-რე – მ. დელბა, მოადგილე – ი. ზარანდია) და აფხაზეთის სახალხო კომისართა საბჭოს (თავ-რე – ა. რაფავა, მოადგილე – ი. ტანია) ახალი შემადგენლობა.¹⁸⁷²

აფხაზეთში საბჭოური სოციალისტური წყობილების გენეზისისა და სოციალიზმის საფუძვლების მშენებლობის პროცესი მიმდინარეობდა საერთოიმპერიული კანონზომიერების ფარგლებში და საერთოსაკავშირო გენერალური მიმართულებების (ინდუსტრიალიზაცია, კოლექტივიზაცია, კულტურული რევოლუცია,¹⁸⁷³ ახალი სოციალისტური მმართველობითი და გამანაწილებელი სისტემის ფორმირება, კომუნისტური იდეოლოგიური ორიენტაციის ინტელექტუალური ელიტის შექმნა და ა.შ.) რეგიონალური პროექციის საფუძველზე.

აფხაზეთში „სოციალიზმის მშენებლობის“ საფუძვლების დასრულებისა და განვითარების ახალ ეტაპზე გადასვლის გამოცხადება, ისევე როგორც მთელ საბჭოთა კავშირში, ცხადია, ატარებდა უპირატესად იდეოლოგიურ, დოქტრინალურ ხასიათს. ამასთან უნდა აღინიშნოს, რომ ამგვარი დასკვნა ემყარებოდა სავსებით რეალურ ობიექტურ საფუძვლებსაც. მათ განეკუთვნება: სამრეწველო ინდუსტრიის საფუძვლების შექმნა და ტოტალური აგრარული რეფორმა, აფხაზეთის სოციალური სტრუქტურის რადიკალური შეცვლა (30-იანი წლების დასასრულისათვის სოციალიზმის საყრდენად მიჩნეული ფენების ხვედრითი წილი შეადგენდა მოსახლეობის 80 %-ზე მეტს – მუშები 21 %-ს, გლეხობა – 60–61 %-ს), ახალი სოციალისტური ინტელიგენციისა და კულტურულ-საგანმანათლებლო ქსელების ფორმირება. მნიშვნელოვანი ცვლილებები მოხდა აგრეთვე საზოგადოებრივ ფსიქოლოგიაში. აქტიურ ცხოვრებისეულ მოღვაწეობაში ჩაება თაობა, რომელიც აღიზარდა 20–30-იან წლებში და რომლისთვისაც სოციალიზმამდელი პერიოდი (მათ შორის 1918–1921 წლებში საქართველოს დემოკრატიულ რესპუბლიკაში ქართველ ხალხთან ერთად დემოკრატიული და ავტონომიური პრინციპების საფუძველზე თანაცხოვრებისა და თანაგანვითარების ტრადიცია) უკვე ისტორიის კუთვნილება იყო. ამის გამო პროგრესულ-კონსერვატიული ანტისოციალისტური მოძრაობის ობიექტური შესაძლებლობა პრაქტიკულად გამოირიცხა.

სოციალისტური რეჟიმი აფხაზეთში შევიდა პოლიტიკური სტაბილიზაციის ფაზაში. სწორედ ამ დროს რეგიონს გადაუარა მასობრივი სახელმწიფო ტერორისა და პოლიტიკური რეპრესიების ტალღამ, რომელმაც ქართველი, აფხაზი და სხვა ეროვნების ასეულობით მოქალაქის სიცოცხლე შეიწირა. უსაფუძვლო რეპრესიებს დაექვემდებარა სამეცნიერო და შემოქმედებითი ინტელიგენციის მნიშვნელოვანი ნაწილი. ოფიციალური მონაცემებით, 1937 წლის ივლისიდან 1938 წლის ოქტომბრამდე აფხაზეთში რეპრესირებულ იქნა 2186 ადამიანი, მათ შორის 794 – სასჯელის უმაღლესი ზომით.¹⁸⁷⁴ განსაკუთრებით გახმაურდა პროცესები ისეთ საქმეებზე, როგორიცაა „აფხაზეთში ანტისაბჭოთა ნაციონალისტური ორგანიზაციის შესახებ“ და „აფხაზეთში კონტრრევოლუციური, დივერსიულ-მაგნებლური, საჯაშუშო და ტროცკისტულ-ტერორისტული ორგანიზაციის შესახებ“. უფრო ადრე, 1936 წელს პოლიტიკური რეპრესიების მსხვერპლნი გახდნენ აფხაზეთში კომუნისტური მოძრაობის ვეტერანები და, ამავე დროს, სეპარატისტული სოციალიზმის ცნობილი იდეოლოგები ნ.ლაკობა და ნ.აქირთავა.

¹⁸⁷² . საბჭოთა აფხაზეთი, 1938, 14-16 ივლისი.

¹⁸⁷³ . გ. გასვიანი. აფხაზეთი XIXს. ბოლოსა და XX საუკუნეებში. თბ., 2004, გვ. 388-401.

¹⁸⁷⁴ . , 1991, გვ. 348.

პოლიტიკური რეპრესიები აფხაზეთში წარმოადგენდა დანარჩენ საქართველოსა და მთელ საბჭოთა იმპერიაში მიმდინარე სახელმწიფო ტერორის საერთო პროცესის ნაწილს. ეს იყო საერთო ტრაგედია, რომელიც იმპერიაში ინკორპორირებულ უკლუბლივ ყველა ხალხს დაატეხა თავს ბოლშევიკურ-რადიკალურ მარქსისტულ-ლენინურ იდეოლოგიურ პრინციპებზე დაფუძნებულმა კომუნისტურმა სისტემამ და ტოტალიტარული სახელმწიფოს რეპრესიულმა ინსტიტუტებმა. ეს იყო უმკაცრესი პოლიტიკური დიქტატის, სახელმწიფო ტერორისა და სანქცირებული ძალადობის გზით საზოგადოების, მათ შორის ცალკეულ ეთნოსთა კულტურის, განვითარების ბლოკირების უნივერსალური სტრატეგია. ამ პროცესში აფხაზმა ეთნოსმა ისეთივე რეპრესიული ზეწოლა განიცადა, როგორც გაცილებით დიდი მასშტაბით განიცადა ქართველმა ერმა და საბჭოთა კავშირის შემადგენლობაში შემავალმა სხვა ერებმა.

ამიტომ 30-იანი წლების მეორე ნახევრის პოლიტიკური რეპრესიების პრობლემატიკის ფარგლებში რომელიმე ხალხისთვის შეღავათებისა „მინიჭების“ ხაზგასმა ისევე უსაფუძლოა, როგორც, ვთქვათ, კონკრეტულად აფხაზი ხალხის უფლებათა განსაკუთრებული შეღავათების ან რეპრესიების სპეციფიკური ანტიაფხაზური ეთნოდივერსიული შემადგენლის თეორიული კონსტრუირება, როგორც ამას ცდილობს აფხაზური ისტორიოგრაფია. რეპრესიებმა უდიდესი ზიანი მიაყენა „სტალინის სამშობლოსაც“ მოსახლეობის ნაწილის ფიზიკური განადგურებისა და ციმბირში გადასახლების, ქართული არისტოკრატიისა და ინტელექტუალური ელიტის ლიკვიდაციის სახით.

აფხაზეთი წარმოადგენდა საქართველოსა და მთლიანად საბჭოთა კავშირის ტოტალიტარული სახელმწიფოებრივი სტრუქტურისა და მბრძანებლურ-ადმინისტრაციული სისტემის ორგანულ ნაწილს, მის რეგიონალურ ვარიანტს. ამიტომ ავტონომიური რესპუბლიკის პარტიულ-პოლიტიკური, სოციალურ-ეკონომიკური და კულტურული განვითარება წარიმართა საერთოდ საბჭოთა კავშირის ტოტალიტარული იდეოლოგიის დამკვიდრების, კომუნისტური პარტიის დიქტატურის განმტკიცების, დემოკრატიისა და ადამიანის უფლებების დაცვის მექანიზმების არ არსებობის, სოციალისტური კულტურული მშენებლობის („ფორმით ეროვნული, შინაარსით სოციალისტური კულტურის“) უნივერსალური პროცესის ფარგლებში.

განვითარების უნივერსალური ხაზის გარდა აფხაზეთის ავტონომიურ რესპუბლიკაში, განსაკუთრებით XX საუკუნის 40-იანი წლების მეორე ნახევრიდან გამოიკვეთა მეორე პარალელური ტენდენცია, რომელმაც არსებითი გავლენა მოახდინა რეგიონის საზოგადოებრივ-პოლიტიკურ განვითარებაზე და მნიშვნელოვანწილად განაპირობა კიდევ გასული საუკუნის დასასრულის დესტრუქციული პროცესები. ამ პარალელური პროცესის შინაგანი სტრუქტურა სამი საბაზისო იდეოლოგიური სისტემის – სახელმწიფოებრივი დამოუკიდებლობის ქართული იდეის, რუსული საბჭოთა იმპერიალიზმისა და აფხაზური სეპარატიზმის „თანაარსებობა-თანაგანვითარებასა“ და მათ ბაზაზე ჩამოყალიბებული საზოგადოებრივ-პოლიტიკური სუბსტრუქტურების სტრატეგიულ დაპირისპირებაში მდგომარეობს.

XXს. 40-იანი წლებიდან აფხაზეთი წარმოადგენდა ამ სამი იდეოლოგიური სისტემის, სამი მსოფლმხედველობრივი სამყაროს კონფლიქტის ველს. აფხაზეთის საზოგადოებრივი და კულტურული გარემო, მისი პოლიტიკური სივრცე ერთგვარად გაჯერებული იყო სახელმწიფოებრივი დამოუკიდებლობის ქართული იდეის, რუსული იმპერიალიზმისა და აფხაზური სეპარატიზმის პერმანენტული შეჯახების სხვადასხვა ეტაპებით. თითოეულ ამ სისტემას ჰქონდა საკუთარი სპეციფიკური ინტერესები, მიზნები, ისტორიულ-კულტურული კონცეფციები და, რაც მთავარია, აფხაზეთის ტერიტორიულ-პოლიტიკური და სამართლებრივი იდენტიფიკაციის საკუთარი მოდელები.

აქვე უნდა ითქვას ისიც, რომ აფხაზეთის პოლიტიკურ-იდეოლოგიური სივრცის ეს სამწვერიანი პლურალიზმი უმრავლეს შემთხვევაში მაინც პირობითი იყო და ბიპოლარიზმის ფორმატს ატარებდა, რადგანაც რუსულ-საბჭოთა იმპერიალიზმი და აფხაზური სეპარატიზმი მაინც ერთიანი ფრონტით გამოდიოდნენ საქართველოს წი-

ნაადმდეგ და აფხაზეთის სინამდვილეში ქმნიდნენ ქართული იდეის საპირისპირო ალტერნატივას.

აფხაზეთის საზოგადოებრივ-პოლიტიკურ სინამდვილეში სამპოლუსიანი იდეოლოგიური „სამკუთხედის“ შიგნით სერიოზული სტრუქტურული კრიზისი დაკავშირებულია XX საუკუნის 30-იანი წლების ბოლოსა და 40-იან წლებში კულტურულ-საგანმანათლებლო სფეროში გატარებული რეფორმების პოლიტიკასთან.

აფხაზეთი ისტორიოგრაფია და სეპარატიზმის იდეოლოგია რიგი სხვა „კორპორაციები“ აღნიშნული რეფორმების (აფხაზეთი დამწერლობის გრაფიკული სისტემის რეფორმა და ზოგადსაგანმანათლებლო სკოლის რეფორმა) კრიტიკული ანალიზის დროს ავითარებენ კატეგორიულ თეზისს ამ რეფორმების „თბილისური წარმომავლობის“ და ანტიაფხაზეთი ქართულ-იმპერიული მიზანდასახულობის შესახებ. საფუძვლიანი არგუმენტაციისა და ობიექტური შეფასებების გარეშე ისინი ცდილობენ, რეფორმები განიხილონ საბჭოთა კავშირის მასშტაბით განხორციელებული ანალოგიური რეფორმისაგან მოწყვეტით, ერთგვარად ჩაკეტილი აბსტრაქტული მოდელის ფარგლებში, სურთ წარმოაჩინონ ისინი საქართველოს ლოკალური ინიციატივად და ქართველ ხალხს დააბრალონ აფხაზი ერის თვითმყოფადობის მოშლის მცდელობა.

შესაბამისი წყაროთმცოდნეობითი მასალის ანალიზი და საბჭოთა კავშირის მასშტაბით კულტურული მშენებლობის სფეროში გატარებული ზოგადი პოლიტიკის ცალკეული სპეციფიკური ასპექტების გათვალისწინება ზემოხსენებული კონცეფციის არათუ კონსტრუქციული კრიტიკის, არამედ მისი სრული მოხსნის საშუალებას იძლევა.

30-იანი წლების მეორე ნახევარში, საბჭოთა სახელმწიფოში განხორციელებული „13-ური რევოლუციისა“ და „ლენინური ეროვნულ-კულტურული პოლიტიკის“ გატარების საერთო პროცესის ფარგლებში, კრემლმა მიიღო ერთი სპეციალური გადაწყვეტილება საბჭოთა იმპერიის ოთხსაფეხურიანი ფედერალური სისტემის მესამე და მეოთხე საფეხურების სუბიექტების – ავტონომიური რესპუბლიკების „სატიტულო მცირე ერების“ ანბანის შესაბამისი მოკავშირე რესპუბლიკის სახელმწიფო ენის დამწერლობის გრაფიკულ სისტემაზე გადაყვანის შესახებ¹⁸⁷⁵. ფორმალურად ეს ანბანური რეფორმა არ ტოვებდა იმპერიულ-ასიმილაციურ მიზანდასახულობის შთაბეჭდილებას და არ ჩანდა „მცირე ერებზე“ კულტურულ-ცივილიზაციური დარტყმის გამოვლინებად – „მცირე ერების“ დამწერლობა გადაჰყავდათ იმ მოკავშირე რესპუბლიკების სახელმწიფო ენის გრაფიკაზე, რომლის შემადგენლობაშიც ამ ერების ავტონომიური წარმონაქმნები შედიოდნენ. ამიტომ დამწერლობის სისტემა მოდიოდა გარკვეულ ჰარმონიზაციაში ტერიტორიულ-ადმინისტრაციულ სისტემასთან და მოკავშირე რესპუბლიკებზე ავტონომიური ერთეულების უშუალო დაქვემდებარების ზოგად პოლიტიკურ მოდელთან. თანაც ეს რეფორმა ხორციელდებოდა ოფიციალურად, ორგანული კანონმდებლობისა და კონსტიტუციური სისტემის ფარგლებში.

მაგრამ სულ სხვა ანალიტიკურ სიბრტყეში მოიაზრება რეფორმის ლატენტური მხარე, რომელიც რეალურად იმპერიულ-ასიმილაციურ ხასიათს ატარებდა, ოღონდ რუსიფიკაციის კონტექსტში. საქმე ისაა, რომ საბჭოთა კავშირის შემადგენლობაში შემავალ მოკავშირე რესპუბლიკებს შორის იმ პერიოდში მხოლოდ ოთხის – რსფსრ, აზერბაიჯანის სსრ, უზბეკეთის სსრ და საქართველოს სსრ – ტერიტორიულ-ადმინისტრაციულ სტრუქტურას გააჩნდა ავტონომიური წარმონაქმნები, ხოლო მათგან მხოლოდ საქართველოს სსრ-ს სახელმწიფო ენას – ქართულ ენას ჰქონდა საკუთრივ ორიგინალური ანბანი, დანარჩენი რესპუბლიკების სახელმწიფო ენების დამწერლობა კი გაწყობილი იყო სლავურ-რუსულ ანბანზე, ე.წ. „კირილიცაზე“.

ამდენად, ცხადზე უცხადესია, რომ 30-იანი წლების მეორე ნახევრის „საანბნო რევოლუციის“ ძირითადი მიზანი იყო „მცირე ერების“ დამწერლობათა სისტემების

¹⁸⁷⁵ . ზ. პაპასკირი. მითი ქართველთა მხრიდან აფხაზი ხალხის ეთნოკულტურული ინდივიდუალობის მოშლის ე.წ. „მცდელობის“ შესახებ XX საუკუნის 30-იანი წლების მიწურულსა და 40-იან წლებში. – საისტორიო ძიებანი, VI. თბ., 2003, გვ. 134.

გადაყვანა რუსულ-სლავურ გრაფიკულ სისტემაზე და უნიფიკაციის ამგვარი მოდელის ფარგლებში (ეს პროცესი წარიმართა 1938–1941 წლებში ლათინური შრიფტის „კირილიცაზე“ მასობრივი გადაყვანით) მათი კულტურულ-ინსტიტუციონალური რუსიფიკაციის ქმედითი ბაზისის შექმნა. აფხაზური დამწერლობის რეფორმა, უფრო კონკრეტულად რომ ვთქვათ, დამწერლობის ლათინური შრიფტის¹⁸⁷⁶ გადაყვანა ქართულ გრაფიკულ სისტემაზე განხორციელდა „საანბანო რევოლუციის“ იმპერიული მოდელის ფარგლებს გარეთ, უფრო მეტიც, მისი ერთგვარი ალტერნაციის კონტექსტში. მაგრამ ამისი მიზეზი უნდა ვეძებოთ არა ი. სტალინის და ლ. ბერიას ეთნიკურ ქართველობაში, არც პიროვნების კულტისა და საბჭოთა რეჟიმის ტოტალიტარულ-რეპრესიული პოლიტიკის სპეციფიკურად ანტიაფხაზურ მიმართულებაში და განსაკუთრებით არც ქართველების მხრიდან აფხაზური ეთნოკულტურული თვითობის დესტრუქციის მცდელობაში, არამედ იმ სრულიად უდავო ლინგვისტორიულ გარემოებაში, რომ ავტონომიების მქონე მოკავშირე რესპუბლიკების სახელმწიფო ენებიდან მხოლოდ ქართული გამოირჩეოდა „კირილიციგან“ დიამეტრალურად განსხვავებული ანბანური დამწერლობით. ცხადია, იმპერიული ცენტრი თავის გადაწყვეტილებაში ვერ მოახდენდა ამ ქართული სპეციფიკის ნეიტრალიზებას და საქართველოსთვის ცალკე გადაწყვეტილებას ვერ მიიღებდა.¹⁸⁷⁷

უაღრესად საინტერესოა აფხაზეთში დამწერლობის სისტემის რეფორმის პროცესუალური მხარე. რეფორმის მომზადება დაიწყო 1937 წლის მაისში, როდესაც საქართველოს კპ(ბ) აფხაზეთის ორგანიზაციის XV კონფერენციამ მიიღო გადაწყვეტილება აფხაზური დამწერლობის ლათინური შრიფტის ქართულზე გარდაქმნის მიზანშეწონილობის შესახებ. ამის შემდეგ შეიქმნა რეფორმის მოსამზადებელი კომისია საქართველოს კპ(ბ) ცკ-ის მდივნის პ. შარიას თავმჯდომარეობით. კომისიის შემადგენლობაში აფხაზი ინტელიგენციის ცნობილი წარმომადგენლები შევიდნენ: დ. გულია, ა. ჭოჭუა, მ. დელბა, ა. ხაშბა, დ. ჩაგავა, მ. ხაშბა.¹⁸⁷⁸ საგულისხმოა, რომ რეფორმის მხარდამჭერი საზოგადოებრივი აზრის ფორმირების კამპანიაში აქტიური მონაწილეობა მიიღეს სწორედ აფხაზი ინტელიგენციისა და ნომენკლატურული ელიტის წარმომადგენლებმა. განსაკუთრებულ ყურადღებას იქცევს აფხაზური ლიტერატურის პატრიარქის დ. გულიას მოსაზრებანი აფხაზური დამწერლობის ქართულ გრაფიკაზე გადაყვანის მიზანშეწონილობის შესახებ. თავის წერილში ის აღნიშნავდა: „ეს ღონისძიება, რასაკვირველია, ხელს შეუწყობს მთელი აფხაზური კულტურის განმტკიცებას და ზრდას, რადგანაც ქართული ანბანი არის ყველაზე შესაფერისი აფხაზური ენის ბგერების უფრო მთლიანი და სრულყოფილი გადმოცემისათვის“.¹⁸⁷⁹

ეს არის რეფორმის ეთნოკულტურული და ეთნოლინგვისტური ოპტიმიზაციის და ყოველგვარი პოლიტიკური ზეწოლისაგან თავისუფალი არგუმენტაციის კლასიკური მაგალითი, თანაც გამოთქმული აფხაზური ლიტერატურის კლასიკოსის მიერ. მართლაც, რა დიდი დისკუსია უნდა სჭირდებოდეს იმის მტკიცებას, რომ აფხაზური ენისთვის, ორთოგრაფიისთვის და სხვა იბერიულ-კავკასიური ენების მაკროლოჯიის ფარგლებში მონათესავე ქართული ენის გრაფიკული სისტემა უფრო ოპტიმალურია, ვიდრე რუსულ-სლავური „კირილიცა“ ან ლათინური? ამის შესახებ მიუთითებდნენ XIX საუკუნის რუსი მოღვაწეებიც, მათ შორის „აფხაზური კირილიცის“ შემქმნელი პ. უსლარი.

¹⁸⁷⁶ . ჯერ კიდევ 1862-1865 წლებში გენერალ-ნუმიზმატ ი. ბართოლომეის და განსაკუთრებით პ. უსლარის მიერ რუსული შრიფტის საფუძველზე შექმნილმა და 1892 წელს კმაჭავარიანისა და დ. გულიას მიერ მოდიფიცირებულმა აფხაზურმა დამწერლობამ „ლათინიზაციის“ ორი ეტაპი გაიარა: 1926 წელს შემოღებულ იქნა ნ. შარიას მიერ შედგენილი ლათინური შრიფტი (ე.წ. „ანალიზურ-იაფეტიდოლოგიური“), ხოლო 1928 წელს – ნ. იაკოვლევის მიერ შექმნილი ლათინური გრაფიკა, რომელიც 1938 წლამდე მოქმედებდა.

¹⁸⁷⁷ . ამ კონტექსტში საყურადღებოა, რომ სომხეთში, რომლის შემადგენლობაში არ შედიოდა არცერთი ავტონომია, ამავე პერიოდში ქართული დამწერლობა გადაყვანილ იქნა სომხურ გრაფიკაზე.

¹⁸⁷⁸ . , 1991, გვ. 348.

¹⁸⁷⁹ . , 1937, . 11 .

1937 წლის 4-5 დეკემბერს ქ. სოხუმში, ნ. მარის სახელობის კვლევით ინსტიტუტში გაიმართა სპეციალური თათბირი აფხაზი, ქართველი და რუსი მეცნიერების მონაწილეობით. თათბირზე წარმოდგენილ იქნა ანბანური რეფორმის ოთხი პროექტი (აკაკი შანიძის, სიმონ ჯანაშიას, დიმიტრი გულიასა და დ.გულია-ა.ჭოჭუა-მ.ხაშბას ერთობლივი პროექტი), რომელთა შესწავლისა და შეჯერების საფუძველზე სპეციალურმა კომისიამ¹⁸⁸⁰ 5 დეკემბრის დასკვნით სხდომაზე მიიღო ინტეგრირებული პროექტი.¹⁸⁸¹

როგორც თათბირის საოქმო აღწერილობა მეტყველებს, აფხაზური დამწერლობის ქართულ გრაფიკაზე გადაყვანის საკითხი ფაქტობრივად სერიოზული დისკუსიის გარეშე იქნა განხილული. უფრო მეტიც, აფხაზ მეცნიერებსა და საზოგადო მოღვაწეებს „სიტყვა არ დასცდენიათ აფხაზური დამწერლობის ქართულ ანბანზე გადაყვანის იდეის საწინააღმდეგოდ“.¹⁸⁸² საყურადღებოა ცნობილი აფხაზი მოღვაწის ხ.ბლაჟბას მიერ ახალი აფხაზური ანბანის შეფასება. ის წერდა: „ეს ანბანი სრულყოფილად გამოხატავდა აფხაზური სალიტერატურო ენის მთელ, სრულ ბგერით შედგენილობას“.¹⁸⁸³

აფხაზური დამწერლობის რეფორმის პროცესი დასრულდა 1938 წლის თებერვალში, როდესაც პ.შარიას კომისიისა და 1937 წლის 4-5 დეკემბრის სამუშაო თათბირის ერთობლივი დასკვნის საფუძველზე, აფხაზეთის ავტონომიური რესპუბლიკის ცენტრალურმა აღმასრულებელმა კომიტეტმა მიიღო დადგენილება აფხაზური დამწერლობის ქართულ გრაფიკულ სისტემაზე გადაყვანის შესახებ.

სეპარატისტთა მოსაზრება, თითქოს 1937-1938წწ. აფხაზური დამწერლობის გრაფიკული სისტემის რეფორმა წარმოადგენდა აფხაზური კულტურისა და ეთნოიდენტურობის წინააღმდეგ მიმართულ პროქართულ პოლიტიკურ აქციას, აბსოლუტურად უსაფუძვლო და არაარგუმენტირებადია. ამ პროცესის სხვადასხვა შემადგენელი ასპექტების ანალიზი, შემდგომ კი მათი ურთიერთდაკავშირება და ერთიან მთლიანობაში კონცეპტუალიზაცია შემდეგი დასკვნების გაკეთების საშუალებას გვაძლევს:

1) 1937-1938 წლების რეფორმა წარმოადგენდა აფხაზური დამწერლობის ევოლუციის გარკვეულ ეტაპს („უსლარის ანბანის“, „ბართოლომეის კომისიის ანბანის“, „მაჭავარიან - გულიას ანბანის“, ნ.მარისა და ნ.იაკოვლევის „ლათინური ანბანების“ ეტაპების შემდგომ სტადიას), მისი გრაფიკული ტიპოლოგიის ქართული ციკლის დასაწყისს. ცნობილია, რომ ეს ციკლი აღმოჩნდა საკმაოდ მოკლევადიანი და 1954 წლამდე იარსება;

2) 1937-1938 წლების რეფორმა არ ყოფილა საქართველოს რესპუბლიკური პარტიულ-საბჭოთა ხელმძღვანელობისა და ქართული ინტელექტუალური ელიტის ლოკალური ინიციატივა. ის წარმოადგენდა 30-იანი წლების მეორე ნახევარში საბჭოთა კავშირის მასშტაბით ჩამოყალიბებული კულტურული კონიუნქტურის, კონკრეტულად კი „ავტონომიური ერების“ დამწერლობის შესაბამისი მოკავშირე რესპუბლიკების სახელმწიფო ენის დამწერლობასთან უნიფიკაციის პროცესის ორგანულ შემადგენელ ნაწილს;

3) რეფორმა, პროცესუალური თვალსაზრისით, მომზადდა და განხორციელდა თანაბარზომიერი დიალოგისა და კონსენსუსის ფორმატში, აფხაზურ ინტელექტუალურ ელიტასთან სოლიდარიზმისა და სამეცნიერო კონსულტაციების რეჟიმში.

4) რეფორმას არ ჰქონია (და ვერც ექნებოდა) აფხაზური დამწერლობის ინტრაგენული ინფილტრაციის ხასიათი იმ ელემენტარული ჭეშმარიტებიდან გამომდინარე, რომ აფხაზურ ენას (ისევე როგორც მსოფლიოს უმრავლესი ხალხების ენებს) არ გააჩნია თავისი ორიგინალური გრაფიკული სისტემა და საჭიროებს დამწერ-

¹⁸⁸⁰ . კომისიის (თავმჯდომარე დ. გულია), 7 წევრიდან ხუთი აფხაზი იყო.

¹⁸⁸¹ . თ.გვანცელაძე. აფხაზური დამწერლობის ქართულ გრაფიკაზე გადაყვანის ისტორიისათვის. - ბეგია, №6-7, თბ., 2000, გვ. 89.

¹⁸⁸² . თ.გვანცელაძე. აფხაზური დამწერლობის..., გვ. 88-89; ზ. პაპასქირი. მითი ქართველთა მხრიდან..., გვ. 9.

¹⁸⁸³ . . . I . . . , 1987, გვ. 28.

ლობითი გრაფიკის „სესხებას“. რეფორმამ აფხაზური დამწერლობის შრიფტი კი არ გააუქმა (არარსებული ვერ გაუქმდებოდა), არამედ მის რეციპიენტულ არსში ლათინური გრაფიკული „დონორი“ ქართულით ჩაანაცვლა. ამიტომ საუბარი ეთნოიდენტურობის ლიკვიდაციის მცდელობაზე მაშინ, როდესაც დამწერლობის გრაფიკული თვითიდენტურობა არ არსებობს, უბრალოდ არამეცნიერულია. მით უფრო, რომ ქართული გრაფიკის გაცილებით მეტი შესაფერისობა აფხაზური დამწერლობისათვის ლათინურთან და რუსულ-სლავურთან შედარებით სრულიად უდავო ლინგვისტური ფაქტია, რასაც თითქმის მთელი კავკასიოლოგია, თვით აფხაზური დამწერლობის რუსული შრიფტის შემქმნელი კოლონიზატორებიც კი აღიარებდნენ XIX საუკუნეში. არაფერს ვამბობთ იმის თაობაზე, რომ აფხაზეთში საუკუნეების მანძილზე სწორედ ქართული მწიგნობრობა ბატონობდა.

რაც შეეხება 1945 წლის სასკოლო რეფორმას, ყველაზე ოპტიმალური გზა მისი მიუკერძოებელი ანალიზური სქემის შექმნისათვის აქაც მდგომარეობს მის განხილვაში ზოგადსაკავშირო საგანმანათლებლო-სასკოლო პოლიტიკის კონტექსტში. ამ გლობალური მაკროპედაგოგიკური „ფონის“ შექმნაში დიდი მნიშვნელობა აქვს საკ. კპ(ბ) ცკ-ის ორგბიუროს 1938 წლის 24 იანვრის გადაწყვეტილებას, რომელიც წარმოადგენს საბჭოთა კავშირში საგანმანათლებლო სექტორის გარდაქმნის იმპერატიულ რეკომენდაციას. კერძოდ, დადგენილებაში აღნიშნულია: „ა) გარდაიქმნას განსაკუთრებული ეროვნული სკოლები (გერმანული, ფინური, პოლონური, ლატვიური, ესტონური, ბერძნული, იჟორული და ა.შ.) ჩვეულებრივი ტიპის საბჭოთა სკოლებად, ასევე გაუქმდეს ჩვეულებრივ საბჭოთა სკოლებთან არსებული განსაკუთრებული ეროვნული განყოფილებები; ბ) ...აუცილებელია განსაკუთრებული ეროვნული სკოლების რეორგანიზაცია მოხდეს ჩვეულებრივი ტიპის საბჭოთა სახელმძღვანელოებსა და სასწავლო პროგრამებზე მათი გადაყვანის გზით, შესაბამისი რესპუბლიკის ენაზე ან რუსულ ენაზე სწავლების შემოღებით...“¹⁸⁸⁴

როგორც ვხედავთ, 1945–1946 სასწავლო წლიდან აფხაზეთში ინიცირებული სასკოლო რეფორმის (7 წლის დაგვიანებით მისი განხორციელების დაწყება საქართველოს მაშინდელი ხელმძღვანელობის მხრიდან საკითხისადმი ფრთხილ მიდგომაზე მიუთითებს) საწყისი აღმასრულებელი არხი ისევე და ისევე მოსკოვის დირექტივა იყო და ეს ხორციელდებოდა მთელ საბჭოთა კავშირში. აფხაზური სასკოლო სისტემა, თავისი სპეციფიკური ნიშნების გამო, მთლიანად ექცეოდა 1938 წლის 24 იანვრის იმპერატიული დადგენილების რეალიზაციის არეში. სპეციფიკა კი სწორედ ე.წ. „აფხაზური სკოლის“ რელატიურ ხასიათში მდგომარეობს, რადგანაც აფხაზურ ენაზე მხოლოდ I–IV კლასებში სწავლებისა და V–X კლასებში სწავლების რუსულ ენაზე მიმდინარეობის გამო, ის არსებითად რუსულ სკოლას და აფხაზი ერის რუსიფიკაციის ინსტიტუტს წარმოადგენდა (სამწუხაროდ, ამჟამადაც ასეა). ასეთი ბინარული სტრუქტურის გამო „აფხაზური სკოლა“ აკმაყოფილებდა ზემოხსენებული დადგენილების პირველ პუნქტში მითითებულ „განსაკუთრებული ეროვნული სკოლის“ სტატუსსაც და „ჩვეულებრივ საბჭოთა სკოლებთან არსებული ეროვნული განყოფილების“ სტატუსსაც, რადგანაც აფხაზურ ენაზე მხოლოდ I–IV კლასებში სწავლება აფხაზურ სექტორს მართლაც სკოლის ცალკე განყოფილებად აქცევდა. აი, რატომ მოექცა „აფხაზური სკოლა“ საბჭოთა ცენტრის დადგენილების მოქმედების არეალში.

ამასთან, 1945 წლის სასკოლო რეფორმის არსის გასარკვევად დიდი მნიშვნელობა აქვს 1938 წლის 24 იანვრის იმპერატიული დადგენილების ბ პუნქტის ანალიზს. მასში დაგეგმილი რეფორმის ფორმალური პროცედურა ისეა წარმოდგენილი, რომ აფხაზეთის შემთხვევაში სწავლება უნდა შემოღებულიყო მხოლოდ ქართულ ან რუსულ ენაზე, ყოველგვარი სხვა ალტერნატივის გამორიცხვით. მაშასადამე, რეფორმას, აღნიშნული თვალსაზრისით, ხელი უნდა შეეწყო აფხაზი ხალხის დერუსიფიკაციისა და ქართულ კულტურულ-საგანმანათლებლო სივრცეში რეინტეგრაციისათვის.

¹⁸⁸⁴ . ციტირებულია: ზ. პაპასჭირი. მითი ქართველთა მხრიდან..., გვ. 19.

რასაკვირველია, ეროვნული სკოლის არარსებობა იყო და არის აფხაზი ხალხის ტრაგედია, გამოწვეული რუსულ-იმპერიული დიდმპყრობელური შოვინიზმით. შეუძლებელია კულტუროსანი ადამიანის შემეცნებაში, მით უმეტეს, კულტუროსანი ქართველის გონებაში არ წარმოშვას ერთგვარი უკმარისობისა და ზნეობრივი სოლიდარობის გრძნობა იმ გარემოებამ, რომ თვითმყოფადი ტრადიციების, ადათ-წესების, ეპოსის და სხვა სულიერ-კულტურული ინსტიტუტების მქონე აფხაზ ხალხს არ გააჩნდა ეროვნული სკოლა – კულტურული და საგანმანათლებლო სოციალიზაციის ეს ფუნდამენტური არხი. მაგრამ ფაქტი ფაქტად რჩება, ხოლო ამ ფაქტის მიზეზი საბჭოთა-რუსული იმპერიალიზმის პრაქტიკაში დევს.

1945 წლის სასკოლო რეფორმის ინიციატივა მოდიოდა საკუთრივ აფხაზური პედაგოგიური კორპუსისაგან. 1944 წლის 28 აგვისტოთი თარიღდება ცნობილი აფხაზი პედაგოგის, მოქვის საშუალო სკოლის დირექტორის ბ. კაციას წერილი პარტიის აფხაზეთის საოლქო კომიტეტისადმი, რომელშიც სათანადო არგუმენტების მოხმობის საფუძველზე ავტორი გადაჭრით წერდა: „მე მიმაჩნია, რომ აფხაზურ სკოლებში სწავლება უნდა გადავიდეს ქართულ ენაზე, ხოლო აფხაზური ენა დარჩეს, როგორც საგანი“¹⁸⁸⁵

ანალოგიური ხასიათის საინიციატივო მიმართვები საქართველოსა და აფხაზეთის უმაღლესი პარტიული და საბჭოთა ინსტანციების მისამართით გააკეთეს: ნ.გერიამ (აფხაზეთის ასსრ განათლების სახალხო კომისარიატის მოადგილემ), სახალხო განათლების ოჩამჩირის რაიონული განყოფილების უფროსმა ა. მარღანიამ და პედაგოგმა ს. აშვანბამ (1944 წლის 3 ოქტომბერს), ბედიის პირველი აფხაზური სკოლის დირექტორმა მ. ბუაყამ (1944 წლის 30 დეკემბერს),¹⁸⁸⁶ ასევე აფხაზური ელიტის სხვა წარმომადგენლებმა. ბ. საღარაის მტკიცება, თითქოს სხენებუნი პედაგოგები წინასწარ „დაამუშავეს“ საოლქო კომიტეტის თათბირზე, აბსოლუტურად უსაფუძვლოა¹⁸⁸⁷, რადგანაც მან ვერ მიაკვლია ამ თათბირის შესახებ არათუ საოქმოდ აღწერილობას, არამედ რაიმე ხელშესახებ რეპრეზენტატულ მასალას.

1945 წლის 9 იანვარს საქართველოს კომპარტიის აფხაზეთის საოლქო კომიტეტმა შექმნა სასკოლო რეფორმის მოსამზადებელი სპეციალური კომისია მინისტრთა საბჭოს თავმჯდომარის მ.დვებლას მეთაურობით. ორთვიანი ინტენსიური მუშაობის შემდეგ, 12 მარტს კომისიამ საოლქო კომიტეტში სათანადო დასკვნა წარადგინა.¹⁸⁸⁸ დასკვნაში განსაკუთრებული ყურადღება გამახვილდა სასკოლო რეფორმის განმაპირობებელ ისეთ მიზეზობრივ ფაქტორებზე, როგორცაა აფხაზი მოსახლეობის მნიშვნელოვანი ნაწილის მიერ ქართული ენის ცოდნა, ქართული და აფხაზური ენების ლექსიკური სიახლოვე და ერთიანი ანბანური სისტემა. ცხადია, აფხაზური სკოლის ინსტიტუციური და საგნობრივი რუსიფიკაციის დაუშვებლობის არგუმენტი დასკვნაში ღიად ვერ დაფიქსირდებოდა, არადა, სწორედ ეს იყო რეფორმის ფაქტობრივი და, ასე ვთქვათ, ანონიმური მიზანდასახულობა.

კომისიის დასკვნის საფუძველზე, 1945წ. 13 მარტს საქართველოს კომპარტიის აფხაზეთის საოლქო კომიტეტმა მიიღო დადგენილება „აფხაზეთის ასსრ-ს სკოლებში სასწავლო-აღმზრდელობითი მუშაობის ხარისხის გაუმჯობესების ღონისძიებათა შესახებ“, რომელიც ითვალისწინებდა 1945-46 სასწავლო წლიდან აფხაზურ სკოლებში სწავლების ქართულ ენაზე გადაყვანას. იმავე წლის 13 ივნისს ეს დადგენილება დაამტკიცა საქართველოს კომპარტიის(ბ) ცენტრალური კომიტეტის ბიურომ.¹⁸⁸⁹ რეფორმა მართლაც 1945-46 სასწავლო წლის დასაწყისიდან განხორციელდა. 1947წ. თებერვალში აფხაზი ინტელიგენციის ერთმა ჯგუფმა (კ. შაყრილი, გ. ძიძარია და ბ. შინჭუბა) მოსკოვში გაგზავნა (ცენტრალური კომიტეტის მდივნის ა. კუზნეცოვის აპარატში) სასკოლო რეფორმის საწინააღმდეგო საპროტესტო

¹⁸⁸⁵ . В. Пачулия. Советы Абхазской АССР в период великой отечественной войны (1941-1945гг). Сухуми 1990, გვ. 115.

¹⁸⁸⁶ . იქვე.

¹⁸⁸⁷ . აფხანი ყაფში, 1989, 2 აგვისტო.

¹⁸⁸⁸ . , 1991, გვ. 360.

¹⁸⁸⁹ . იქვე, გვ. 361.

წერილი¹⁸⁹⁰. მაგრამ მასში მოყვანილი ფაქტები, ისევე როგორც წერილის ზოგადი ტენდენცია, არ შეესაბამებოდა სინამდვილეს.

აფხაზურ სკოლებში სწავლების გადაყვანამ რუსულიდან ქართულ ენაზე ხელი შეუწყო აფხაზური ენის განვითარებას. ქართულ სკოლებში მისი სწავლება სავალდებულო გახდა. ბ. შინქუბა თავის ერთ-ერთ ნაშრომში წერდა: „იმ წელს (1945 – ავტ.) დაგბრუნდი სოხუმში, მუშაობა დავიწყე აფხაზურ ინსტიტუტში. ვამუშავებდი აფხაზური ენის სიტყვის აგებულების საკითხს, ვაკეთებდი შენიშვნებს აფხაზურ ენაში მახვილის შესახებ. შეგუდექი აფხაზური ზეპირსიტყვიერების მუდმივად ჩაწერას. მონაწილეობა მივიღე აფხაზური ლიტერატურის ქრესტომათიის შედგენაში, დავწერე და ახლაც გამოიცემა აფხაზური ენის გრამატიკა II და III კლასებისათვის.“¹⁸⁹¹ მეორე მსოფლიო ომის წლებში გამოიცა პოეტური კრებულები აფხაზურ ენაზე: „სამშობლოსათვის“ (1941წ.), „წინ, დასავლეთისაკენ“ (1942წ.), „სიმღერები სამშობლოზე“ (1943წ.). გარდა ამისა, 1938 – 1954 წლებში აფხაზურ ენაზე გამოქვეყნდა აფხაზ პოეტთა – ბ. შინქუბას, ა. ლასურიას, ა. ჯონუას, ჭ. ჯონუას და სხვათა კრებულები.¹⁸⁹²

მოტანილი მასალა სავსებით საკმარისია იმ ელემენტარული ჭეშმარიტების სამტკიცებლად, რომ აფხაზური ენა და ლიტერატურა არათუ შევიწროებას, არამედ ქართული კულტურული ძალების, ასევე ხელისუფლების მხარდაჭერითა და დახმარებით აშკარა აღმავლობას განიცდიდა.

ცალკე განხილვის სფეროა XX საუკუნის 40-იან წლებში აფხაზეთის ონომასტიკონში, კონკრეტულად კი ტოპონიმოკაში მომხდარი ცვლილებები. ეს საკითხიც სეპარატისტთა მხრიდან მუდმივი სპეკულაციის საგანს წარმოადგენდა საბჭოთა პერიოდში და წარმოადგენს დღესაც.

1940 წლის 14 დეკემბერს აფხაზეთის ასსრ უმაღლესი საბჭოს პრეზიდიუმთან შეიქმნა „დასახლებული პუნქტების სახელწოდებათა ტრანსკრიფციის კომისია“ მ.ხაშბას თავმჯდომარეობით¹⁸⁹³. კომისიის წევრები იყვნენ და ტოპონიმ-ჰიდრონიმების შეცვლის პროცესში აქტიურად მონაწილეობდნენ აფხაზური ინტელიგენციის თვალსაჩინო მესვეურები – დ. გულია და ა. ჭოჭუა (აფხაზეთის სამეცნიერო-კვლევითი ინსტიტუტის დირექტორი). კომისიის წარდგინებათა საფუძველზე 1940–1944 წლებში ავტონომიური რესპუბლიკის უმაღლესმა საბჭომ განახორციელა დასახლებული პუნქტების სახელწოდებათა გარდაქმნის სრულმასშტაბიანი აქცია.

ტრანსკრიფციათა ძირითადი ქრონოლოგიური და ონომასტიკური ნუსხა ასეთია (პირველად მითითებულია ძველი, მეორედ კი – ახალი სახელწოდებანი): 1943 წლის 10 მაისს – ვოლოდაროვსკის, გრადენბერგისა და ნეიდორფის ნაცვლად – ახალი სოფელი (სოხუმის რაიონი);¹⁸⁹⁴ 1943 წლის 8 სექტემბერს – ანასტასიევკის, ვლადიმიროვკისა და ოლგინსკოვს ნაცვლად – შესაბამისად, განახლება, კოდორი და ოქტომბერი (გულრიფშის რაიონი); 1943 წლის 21 ოქტომბერს – პილენკოვოს ნაცვლად – განთიადი (გაგრის ზონა); 1943 წლის 23 დეკემბერს – ბეშკარდაშის, ეკატერინოვკასა და მიხაილოვკას ნაცვლად – შესაბამისად, მთის-უბანი, კელასური და შრომა (სოხუმის რაიონი); 1944 წლის 12 იანვარს – ქრისტოფოროვოს ნაცვლად – ბაღნარი (გაგრის ზონა), კონსტანტინოვკასა და ანდრეევკას ნაცვლად – შესაბამისად, ოდიში და ახალშენი (სოხუმის რაიონი) და ზახაროვკას ნაცვლად – ხევი (გულრიფშის რაიონი); 1944 წლის 12 ივნისს – ერმოლოვსკისა და სალმეს ნაცვლად – ლესელიძე (გაგრის ზონა).¹⁸⁹⁵

როგორც ვხედავთ, 1940–1944 წლების ცვლილებებს ჰქონდა აფხაზეთის რუსულ-თურქული (და არა აფხაზური) ონომასტიკის დაშლის მიზანდასახულობა.

¹⁸⁹⁰ . აფხაზეთის ლაბორინთი, 1999, გვ. 25-26.

¹⁸⁹¹ . ბ. შინქუბა წლების ნაკვალევი. წიგნიდან – თხზულებანი ოთხ ტომად, ტ. III. სოხუმი, 1989, გვ. 540 (აფხაზურ ენაზე). აქ და სხვა შემთხვევებში აფხაზური ენიდან თარგმნილი მასალა მოგვაწოდა პროფ. თ. გვანცელაძემ, რისთვისაც მას მადლობას მოვასხენებთ.

¹⁸⁹² . აფხაზური ლიტერატურის ისტორია, წიგნი I. სოხუმი, 1986 (აფხაზურ ენაზე).

¹⁸⁹³ . . . დასახ. ნაშრ., გვ. 15.

¹⁸⁹⁴ . . . , 1985, გვ. 45.

¹⁸⁹⁵ . . . დასახ. ნაშრომი, გვ. 16-17.

გაუგებარია, რატომ უნდა გამოეწვია აფხაზი ხალხის ღირსების, ისტორიისა და კულტურის შელახვა რუსული და თურქული ტოპონიმების შეცვლას. ეს ტოპონიმები ხომ ნამდვილად არ იყო უძველესი ისტორიულ-გეოგრაფიული სახელწოდებები და წარმოადგენდნენ აფხაზეთის რუსული კოლონიზაციისა და ეთნოდემოგრაფიული ინფილტრაციის შედეგს.

აფხაზეთის საქართველოსაგან გამოყოფის იდეა და მისი იურიდიული, ეკონომიკური და პოლიტიკური ასპექტების დამუშავების მცდელობა ოფიციალურად პირველად დაფიქსირდა XX საუკუნის 40-იანი წლების მეორე ნახევარში, როცა საბჭოთა კავშირის უმაღლეს ხელმძღვანელობაში შეიქმნა აფხაზეთისა და სოჭის ოლქის კურორტების გაერთიანების და ამის ბაზაზე მოსკოვისადმი უშუალო დაქვემდებარებით ერთიანი შავიზღვისპირა საკურორტო ოლქის შექმნის პროექტი. აფხაზეთის გეოგრაფიული ნომენკლატურისა და საკურორტო ინდუსტრიის განვითარების იმდროინდელი დონის გათვალისწინებით, ეს იყო საქართველოს ტერიტორიული დეკონსტრუქციის გეგმა.

აფხაზეთში საკურორტო ინფრასტრუქტურის ქსელი მოიცავდა შავი ზღვის სანაპირო ზოლს მდ.ფსოუდან მდ.კოდორამდე, რომლის შეერთებით სოჭის ოლქის საკურორტო ქსელთან უნდა ჩამოყალიბებულიყო განსაკუთრებული საკურორტო ოლქი, თანაც იმპერიული ცენტრის პირდაპირი იურისდიქციის ქვეშ, რეგიონალური კომუნისტური ადმინისტრაციის სახელისუფლებო პრეროგატივების გამოთიშვით. პროექტი წარმოადგენდა საქართველოს მიმართ რუსულ-საბჭოთა იმპერიალიზმის თვისობრივად ახალ ფორმას, რადგანაც მისი ტერიტორიის ნაწილის ანექსიის და ერთიანი პოლიტიკური სივრცის დაშლის მოტივაციად საკურორტო ინდუსტრიის გაუმჯობესების იდეას ავითარებდა. თუ შეიძლება ასე ითქვას, „საკურორტო იდეოლოგია“ ნამდვილად ახალი და ორიგინალური ფენომენი იყო საბჭოთა კოლონიალიზმის იდეოლოგიურ არსენალში. ამავე დროს, პროექტს ანტიაფხაზური მიმართულებაც ჰქონდა, რამეთუ მის რეალიზაციას უნდა მოჰყოლოდა რეგიონში ავტონომიური სახელისუფლებო ინსტიტუტების გაუქმება და საბჭოთა ცენტრს დაქვემდებარებული საკურორტო ადმინისტრაციის ჩამოყალიბება, ე.ი. აფხაზეთის ავტონომიის ლიკვიდაცია.

„საკურორტო რესპუბლიკის“ შექმნის იმპერიული იდეა პირველად გააუღერა საკავშირო კპ(ბ) ცკ-ს მდივანმა მ. სუსლოვმა 1945 წელს, როგორც ამას აღნიშნავს თავის მემუარებში აკ. მგელაძე, 1943–1951 წლებში საქართველოს კპ(ბ) აფხაზეთის საოლქო და სოხუმის საქალაქო კომიტეტების პირველი მდივანი.¹⁸⁹⁶ თუმცა, როგორც ჩანს, მ.სუსლოვის ამ ავანტიურისტულ აქციას საკითხის წამოჭრისა და ვითარების წინასწარი ზონდირების ფუნქცია უნდა ჰქონოდა მხოლოდ.

გაცილებით მასშტაბურად დადგა ინტეგრირებული საკურორტო ოლქის ფორმირების საკითხი 1948 წელს, რადგანაც მისი განხილვის ინიციატივა წამოვიდა უკვე ი.სტალინის უშუალო გარემოცვის, კერძოდ, ცკ-ს განსაკუთრებული განყოფილების უფროსისა და სტალინის პირადი მდივნის ა.პოსკრებიშევის მხრიდან.

1948 წლის შემოდგომაზე, აფხაზეთში ი.სტალინის დასვენების დროს, ერთ-ერთ არაოფიციალურ სადილზე, რომელსაც ესწრებოდნენ საქართველოს კპ(ბ) ცკ-სა და აფხაზეთის საოლქო კომიტეტის პირველი მდივნები კჩარკვიანი და ა.მგელაძე, ასევე საქართველოს უშიშროების მინისტრი დ. რაფავა, ა. პოსკრებიშევა კვლავ წამოჭრა აღნიშნული საკითხი. „რას ფიქრობენ აფხაზი და ქართველი ამხანაგები, – აღნიშნა მან, – თუ სოხუმს, ახალ ათონს, გუდაუთასა და გაგრას გავაერთიანებთ და ერთიან საკურორტო ოლქს შევქმნით, მომარაგება უკეთესი იქნება...“¹⁸⁹⁷ ამაზე ა.მგელაძემ და კჩარკვიანმა უპასუხეს, რომ ეს ნიშნავს აფხაზეთის ავტონომიის გაუქმებას და საქართველოსაგან მის მოგლეჯას.¹⁸⁹⁸

თავი რომ დავანებოთ ტიპური კომუნისტი ფუნქციონერისათვის დამახასიათებელ უკიდურეს ცინიზმს, როდესაც ის ყოველგვარი მორალური და სამართლებრივი

1896
1897 . იქვე.
1898 . იქვე.

კრიტერიუმების მიღმა მყოფი კაცი აყენებს საკითხს გარკვეული მატერიალურ-ტექნიკური მომარაგების მოტივაციით ქვეყნისაგან ძირძველი ისტორიული კუთხის ჩამორთმევის შესახებ, საკურორტო ოლქის შექმნის იდეის წამოჭრა უკვე სერიოზული რისკის ფაქტორის ტოლფასი იყო: ცხადი გახდა, რომ პროექტის დამუშავება და ოფიციალური ობიექტივაციისათვის მისი მომზადება ხორციელდებოდა უმაღლესი პარტიული და სახელმწიფო ინსტანციების და, შესაძლოა, თვით ი.სტალინის დონეზე.

საკურორტო ოლქის შექმნის პროექტი არ განხორციელდებულა. სამწუხაროდ, ა.მგელაძის მემუარები, რომლებიც წარმოადგენს მკვლევართა ხელთ არსებულ ერთადერთ წყაროს, საკითხს პროექტის ჩაგდების მიზეზების შესახებ ფაქტობრივად ღიად ტოვებს. ამ მიზეზების ანალიზი უადრესად ძნელია ნებისმიერ კონცეპტუალურ კონსტრუქციაში. ა.პოსკრებიშევთან საუბრის დროს ა. მგელაძის მინიშნების – პროექტის რეალიზაციის შემთხვევაში საქართველოში მოსალოდნელი საპროტესტო მოძრაობის შესახებ – მიზეზად დასახელება დამაჯერებელი ვერ იქნება. თუ გავითვალისწინებთ საბჭოთა კავშირის ტოტალიტარიზმის არსს და გადაწყვეტილებათა მიღების მექანიზმს, ასევე სწორედ 1948 წლისათვის რეპრესიების ახალი ტალღის დასაწყისს.

მთავარი ფაქტორები, რომლებმაც განაპირობეს პროექტის ჩაშლა, შეიძლება ყოფილიყო ომის შედეგად დანგრეული სახალხო მეურნეობის აღდგენის პირობებში ამ გრანდიოზული ინფრასტრუქტურული საკურორტო გეგმის ფინანსურ-ეკონომიკური სიძვირე, ასევე რადიკალური შეუსაბამობა საბჭოთა ფედერალიზმის კონსტიტუციურ სისტემასთან, რომელშიც არ იყო გათვალისწინებული ტერიტორიულ-ადმინისტრაციული სტრუქტურირება კურორტოლოგიის (?) პრინციპების საფუძველზე. მოვლენათა ლოგიკის გათვალისწინებით, შესაძლოა მძლავრი იმპულსი საკურორტო ოლქის პროექტის ცენტრში ჯერ დამუხრუჭების, შემდეგ კი ჩაშლის პროცესში ყოფილიყო ლ.ბერიას პოლიტიკური კლანის ზეწოლა.

მიუხედავად საბჭოთა ტოტალიტარული რეჟიმის მოღვაწეობის და კონკრეტულად ლ. ბერიას რეპრესიული პოლიტიკის კრიტიკისა, სამართლიანობა მოითხოვს აღინიშნოს, რომ გასული საუკუნის 40-იან წლებისა და 50-იანი წლების დასაწყისის კონკრეტულ-ისტორიულ სიტუაციაში საბჭოთა იმპერიის უმაღლეს იერარქიაში ლ.ბერიას პოლიტიკური კლანის ფაქტობრივმა ბატონობამ უზრუნველყო ქართული ინტერესების რეგულირება აფხაზეთში, რითაც მათი დამცავი მექანიზმის და აფხაზეთის საქართველოსაგან გამოყოფის პრევენციის როლი შეასრულა.

ლ. ბერიას პოლიტიკურ ფიგურაში, ტიპური საბჭოთა ჯალათისა და რეპრესიული სტრუქტურის ორგანიზატორის თვისობრივ მახასიათებლებთან ერთად, აშკარად შეიმჩნევა ქართული რეგიონალურ-ლოკალური ეგოცენტრიზმის ნიშნებიც. მისი პოლიტიკური კლანის მიერ 1938–1953 წლებში აფხაზეთში გატარებული პოლიტიკა, ამ პოლიტიკის ოფიციალური საბჭოთა შემადგენელი ელემენტების პარალელურად, შეიცავდა კულტურული და დემოგრაფიული პროცესების ქართული ინტერესების შესაბამისად პროგრამირების ლატენტურ სტრატეგიას. აქ არ შეიძლება არ გავიხსენოთ დასავლეთ საქართველოს მიწისძვრით დაზარებული რაიონებიდან უსახლკაროდ დარჩენილი ოჯახების ორგანიზებული ჩასახლება აფხაზეთში XX საუკუნის 40-იან წლებში¹⁸⁹⁹. ეს იყო არა აფხაზეთის გაქართველების მიზანმიმართული აქცია, არამედ სახელმწიფო დონეზე გატარებული ღონისძიება, რომელმაც უზრუნველყო რეგიონის მკვიდრი მოსახლეობის (ქართველებისა და აფხაზების) ეროვნულ-კულტურული განვითარება.

1953 წლის მარტში ი. სტალინის გარდაცვალების შემდეგ საბჭოთა კავშირის უმაღლეს ხელმძღვანელობაში ძალაუფლებისათვის მძაფრი ბრძოლის შედეგად დაწყებულმა პოლიტიკურმა კრიზისმა გარკვეული გავლენა მოახდინა აფხაზეთის საზოგადოებრივ-პოლიტიკურ ვითარებაზე და არსებითად განსაზღვრა კიდევ შემდგომი დესტრუქციული პროცესების მიმართულება. იმავე წლის შემოდგომაზე განხორციელდა რეგიონალური ნომენკლატურის შეცვლა. მოსკოვის კარნახით,

¹⁸⁹⁹ . ვრცლად იხ.: ზ.პაპასქირი. ნარკვევები..., ნაკვ. II, გვ. 148-153.

საქართველოს კპ ცკ-ის „რეკომენდაციით“ საქართველოს კპ აფხაზეთის საოლქო კომიტეტის 1953 წლის 2 ოქტომბრის პლენუმის გადაწყვეტილებით, საოლქო კომიტეტის პირველი მდივნის თანამდებობაზე გ. ქარჩავა შეცვალა გ. გეგეშიძემ; იმავე დღეს აფხაზეთის უმაღლესი საბჭოს პრეზიდიუმმა ავტონომიური რესპუბლიკის მინისტრთა საბჭოს თავმჯდომარეობიდან გადააყენა მ. დელბა და დანიშნა ა. ლაბახუა.¹⁹⁰⁰ 1953 წლის მეორე ნახევარში მოხდა რუსულენოვანი აფხაზური და სომხური სკოლების აღდგენა. 1954 წლის მარტ-აპრილში აფხაზური დამწერლობა ქართული გრაფიკული სისტემიდან გადაიყვანეს არა ლათინურზე, როგორც ეს იყო 1938 წლამდე, არამედ რუსულ-სლავურ „კირილიცაზე“, რითაც შეიქმნა აფხაზთა რუსიფიკაციის მძლავრი კულტუროლოგიური მექანიზმი.

1954 წლის იანვარში მიღებულ იქნა სპეციალური დადგენილება საქართველოს სკოლებში რუსული ენისა და ლიტერატურის სწავლების გაუმჯობესების შესახებ. იგი მოითხოვდა თბილისში რუსული პედაგოგიის ინსტიტუტის დაარსებას, ამავე დროს, აფხაზეთის ასსრ-სა და სამხრეთ ოსეთის აო-ს სკოლებში რუსული ენის გაფართოებულ სწავლებას.¹⁹⁰¹ საგულისხმოა, რომ დადგენილება არ ითვალისწინებდა აფხაზურ და ოსურ ენებზე სწავლების აღდგენას ან თავიდან შემოღებას, რაც იმის მანიშნებელია, რომ აღნიშნულ ენებზე სწავლება არასოდეს გაუქმებულა.

თუმცა, აღსანიშნავია ასევე პოზიტიური კულტურულ-საგანმანათლებლო ინოვაციებიც, რომლებიც გამიზნული იყო აფხაზი ერის კანონზომიერი კულტურული და სულიერი მოთხოვნილებების დაკმაყოფილებისათვის. მაგალითად, 1953 წლიდან სოხუმის აგორკის სახელობის პედაგოგიურ ინსტიტუტში შეიქმნა აფხაზური ენისა და ლიტერატურის კათედრა, გაიხსნა ფილოლოგიური ფაკულტეტის აფხაზური სექტორი.¹⁹⁰²

იმპერიული ცენტრი დაადგა აფხაზეთში ქართული და აფხაზურ-სეპარატისტული ინტერესების პერმანენტული შეჯახებებისა და მათი მედიატორული რეგულირების, ესე იგი მართვადი დაძაბულობის სტრატეგიას. სეპარატისტულ „ეროვნულ“ იდეას და კომუნისტური ვარიანტის ეთნონაციონალიზმს სჭირდებოდა სეპარატიზმის მატარებელი სოციალური კასტა. სეპარატისტული სოციალური კორპორატივიზმის სპეციფიკურ გამოვლინებას წარმოადგენდა აფხაზური ეთნოკრატიის ჩამოყალიბება.

აფხაზური ეთნოკრატია არის პრივილეგირებული ეთნიკურ-პოლიტიკური კლასი, გარკვეულ-წილად კასტური პრინციპით ორგანიზებული ჩაკეტილი ეთნოკორპორაცია, აფხაზი ეთნოსის პოლიტიკური ძალაუფლების რეალიზაცია ისეთი ნომენკლატურის შექმნის გზით, რომლის ფორმირების უმთავრეს კრიტერიუმს წარმოადგენდა ინდივიდის აფხაზური ეთნიკური წარმომავლობა.

50-იანი წლების შუა ხანებიდან დაწყებული, უკვე 80-იანი წლების ბოლოსათვის აფხაზეთის ავტონომიურ რესპუბლიკაში კრემლიდან მართვადი პროცესის ფარგლებში განვითარებულმა ეთნოკრატიულმა პოლიტიკამ გამოიწვია სტაბილური ეთნიკური ნომენკლატურის შექმნა, თითქმის ყველა დონეზე დივერსიფიცირებული სტრუქტურით – ეთნიკური პარტოკრატით, ეთნიკური ბიუროკრატით, ეთნიკური სამეურნეო-კორპორაციული ელიტით, ეთნიკური სამეცნიერო-შემოქმედებითი ბიუროკრატით და სხვა სოციალურ-იერარქიული „სტრატეგით“.

თავისი ინსტიტუციური დიზაინითა და შიდაპოლიტიკური ანთროპოლოგიით აფხაზური ეთნოკრატია გამოირჩევა არაერთგვაროვნებით, რაც გამოიხატა მისი ე.წ. „გუდაუთური“ და „ოჩამჩირული“ სექტორების თანაარსებობაში. ამას, თავის მხრივ, ისტორიული ძირები აქვს. ამ შემთხვევაში მნიშვნელობა არა აქვს იმას, თუ რა ისტორიულმა ფაქტორებმა განაპირობეს ეს ჰეტეროგენობა და შინაგანი დუალიზმი, მაგრამ ფაქტია, რომ აფხაზი ეთნოსი იყოფა ორ სუბეთნოსად – გუდაუთის, იგივე ჩრდილო-დასავლეთის და ოჩამჩირის, იგივე სამხრეთ-აღმოსავლეთის, – რაც „ბზიფელი აფხაზებისა“ და „აბჟუის აფხაზების“ ისტორიული დუალიზმის გაგრძელებაა. დღემდე შენარჩუნებულია განსხვავება სუბეთნოსებს შორის

¹⁹⁰⁰ . საბჭოთა აფხაზეთი, 1953, 4 ოქტომბერი.

¹⁹⁰¹ . აფსნი ყაფშ, 1954, 8 იანვარი.

¹⁹⁰² . , 1991, გვ. 368-369.

დიალექტსა და კულტურულ-საყოფაცხოვრებო სფეროში. ეთნოკრატიამ უზრუნველყო შემდეგი სამი იმპერიული ფუნქციის რეალიზაცია:

ფუნქცია პირველი – ეთნოკრატია უზრუნველყოფდა რაოდენობრივად მცირე აფხაზი ეთნოსის პრივილეგირებულ სტატუსს და პოლიტიკურ ბატონობას ავტონომიურ რესპუბლიკაში. იმის გამო, რომ აფხაზთა ეთნოკრატიული სტატუსი მათი რაოდენობრივი და ხარისხობრივ-კულტურული მახასიათებლების არაეკვივალენტური იყო, აპრიორულად არსებობდა ქართველთა და სხვა ეროვნების წარმომადგენელთა უკმაყოფილების საფუძველი. ამით ეთნოკრატიული მეტოდი თავის თავში შეიცავდა კონფლიქტური სიტუაციის იმანენტურ წყაროებს, რომელთა გაღვივების შემთხვევაში კრემლი უზრუნველყოფდა „გათიშე და იბატონე“-ს იმპერიული მექანიზმის ამოქმედებას.

ფუნქცია მეორე – აფხაზური ეთნოკრატია წარმოადგენდა ჩაკეტილ, კასტურ სისტემას. მისი კორპორაციული არატრანსპარენტულობა, ერთგვარი დისტანცირება ქართული ელიტისაგან და საერთო-ქართული პრობლემებისაგან სტიმულს აძლევდა ეთნოკრატიის პოლიტიკურ ავტარკიას. ავტარკიიდან სეპარატიზმამდე კი ერთი ნაბიჯიღა რჩება.

ფუნქცია მესამე – აფხაზური ეთნოკრატია იყო სეპარატიზმის მთავარი წყარო, მისი იდეური და ორგანიზაციული ბირთვი, სეპარატისტული პოლიტიკური კონიუნქტურის ერთგვარი მატრიცა. ის წარმოადგენდა სეპარატისტული მოძრაობის წარმმართველ ძალასაც და მოსკოვთან მის დამაკავშირებელ პირდაპირ არხსაც. თეორიულად აფხაზური ეთნოკრატიის ეს ფუნქცია შეიძლება შეფასდეს, როგორც შიდა კოლონიალიზმი და ამ ფორმით საბჭოთა კოლონიალიზმის რეგიონალური მიკროვარიანტი. საკმარისია აღინიშნოს, რომ შემდგომში ძირითადი სეპარატისტული პარტიები თუ გაერთიანებანი აფხაზური ეთნოკრატიის სხვადასხვა დაჯგუფებების წიაღში წარმოიშვნენ.

ეს ფუნქციური ტრიალიზმი სრულიად ლოგიკურად და არაორაზროვნად მიუთითებს კრემლის მიზნებზე – თუ რატომ დაადგა ის წინასწარ დაგეგმილი და დაპროგრამებული მართვადი პოლიტიკის გზით აფხაზეთში პრივილეგირებული ეთნოკორპორაციული ელიტის შექმნის კურსს: იმიტომ, რომ შესაბამის ვითარებაში გამოეყენებინა აფხაზური ეთნოკრატია საკუთარი იმპეროკრატიული ამბიციების დაკმაყოფილებისათვის, ტრადიციული იმპერიული მექანიზმის „გათიშე და იბატონე“-ს ამოქმედებისა და საქართველოს ეროვნულ-განმათავისუფლებელი მოძრაობის შეკავება-დამარცხებისათვის, ან, ყოველი შემთხვევისათვის, მისი სტაბილური განეიტრალებისათვის.

როგორც უკვე აღინიშნა, აფხაზური ეთნოკრატიის ჩამოყალიბება დაიწყო საბჭოთა კავშირის უმაღლეს ხელისუფლებაში ნ. ხრუშჩოვის მოსვლისა და პარტიულ-პოლიტიკური ელიტის პოსტსტალინურ გენერაციაში პროაფხაზური ლობის წარმოქმნის შედეგად. სწორედ ამ პერიოდში იღებს სათავეს ავტონომიურ რესპუბლიკაში ეთნოკრატიული მოდელის პარტიულ-სახელმწიფო, ადმინისტრაციული, ეკონომიკური და საგანმანათლებლო სტრუქტურების ფორმირების ეტაპობრივი პროცესი.

აფხაზური ეთნოკრატიისა და სეპარატისტული პოლიტიკური კონიუნქტურის ფორმირების ყოველი სტადია წინასწარ იყო დაგეგმილი და მათ იმპერიული ცენტრიდან ინსპირირებული აფხაზური გამოსვლების მიმართ გამოვლენილი „იძულებითი“ ოპერატიული რეაქციის ფორმა ჰქონდათ. ასე იყო 1957, 1967, 1977–1978 და 1988–1989 წლებში, რაც ერთობლიობაში წარმოადგენს აფხაზური სეპარატიზმის გენეზისის სტადიალურ ქრონოლოგიას – ოფიციალური მოსკოვიდან ინსპირირებული სეპარატისტული პოლიტიკური მოთხოვნებისა და ინიციატივების ცალკეული ტალღების სახით, რომელთა დროსაც ავტონომიური რესპუბლიკის აფხაზურ უმცირესობას ეძლეოდა გარკვეული პრივილეგიები და ეთნიკური პრეფერენციები საზოგადოებრივ-პოლიტიკური ცხოვრების სხვადასხვა სფეროში. პირველი ასეთი დესტრუქციული გამოსვლა მოხდა 1957 წელს. კრიზისული ვითარების წარმოქმნის საბაზად დესტრუქციულმა ძალებმა გამოიყენეს ქართველი მეცნიერის პინგოროვას

წიგნის „გიორგი მერჩულე“ – გამოქვეყნება (1954 წელს) და აფხაზეთის ისტორიის კარდინალურ საკითხებზე მასში წამოყენებული დებულებების განხილვა ქართული აკადემიური ისტორიოგრაფიის წრეებში (1956წ.). ამასთან დაკავშირებით, გარკვეულმა ძალებმა აავორეს ანტიქართული საპროტესტო მოძრაობა და მასში ჩააბეს ავტონომიური რესპუბლიკის აფხაზი მოსახლეობის ნაწილი. ამ მოძრაობის კატალიზატორად იქცა სკკპ ცკ-ს 1956 წლის 10 ივლისის ზემოთხსენებული დადგენილება (აქვე, გვ. 33).

1957 წლის 11–13 აპრილს სოხუმში გაიმართა 200 კაციანი საპროტესტო აქცია პარტიის აფხაზეთის საოლქო კომიტეტის შენობასთან. მღელვარებას ჰქონდა ადგილი ა.გორკის სახელობის სოხუმის პედაგოგიურ ინსტიტუტში. აფხაზი ინტელიგენციის ცალკეული ჯგუფები გავიდნენ სოფლებში, მოძრაობის მასობრივი ბაზის შექმნისა და ორგანიზებული პროტესტის გამოწვევისათვის. განდა პოლიტიკური ლოზუნგებიც. აფხაზი სამეცნიერო და შემოქმედებითი ინტელიგენციის სხვადასხვა ჯგუფებმა სკკპ ცკ-ისა და პირადად ნ.ხრუშჩოვის სახელზე გააგზავნეს რამდენიმე წერილი–პეტიცია. ისინი მოითხოვდნენ სკკპ ცენტრალური კომიტეტის 1956 წლის 10 ივლისის გადაწყვეტილების ბოლომდე შესრულებას, შიდარესპუბლიკური მიგრაციის შეწყვეტას და აფხაზეთის ავტონომიური რესპუბლიკის რსფსრ-ს იურისდიქციაში გადასვლას.¹⁹⁰³

კითარების ნორმალიზაცია მხოლოდ საქართველოს ხელმძღვანელობის ჩარევის შემდეგ გახდა შესაძლებელი. საქართველოს კომპარტიის ცკ-ის ბიუროს 1957 წლის 12 აპრილის და საქართველოს კომპარტიის აფხაზეთის საოლქო კომიტეტის ბიუროს 15–16 აპრილის გადაწყვეტილებებმა დროებით, კონფლიქტური არსენალის აღმინისტრაციული კონსერვაციით განმუხტა დაძაბული საზოგადოებრივ-პოლიტიკური სიტუაცია.

აბსოლუტურად მცდარია და სერიოზულ კორექციას საჭიროებს მოსაზრება, რომელიც 1957 წლის სეპარატისტული აქციის წანამძღვრების შეფასებისას ამ აქციის მთავარ მიზეზად თვლის პინგოროყვას ნაშრომის გამოცემას, რომელიც თითქოსდა აფხაზთა გენოციდისა და ასიმილაციის მეცნიერულ-იდეოლოგიური არგუმენტაციის მიზანდასახულობით გამოიცა. სინამდვილეში 1957 წლის საპროტესტო აქცია წარმოადგენს აფხაზური ეთნოკრატიის პირველ ორგანიზებულ გამოსვლას საქართველოს ტერიტორიული მთლიანობის წინააღმდეგ, აფხაზური სეპარატიზმის პოლიტიკური პროექტის პირველ ოფიციალურ დემონსტრაციას, რომლის დროსაც ამ დესტრუქციულმა ფენომენმა გამოხატა თავისი პროიმპერიული და ანტიქართული თვითიდენტურობა. ამას ნათლად ადასტურებს აქციის სრულიად მიზანმიმართული პოლიტიკური პლასტი – რუსეთის ფედერაციის შემადგენლობაში შესვლა ავტონომიური რესპუბლიკის სახით, ამ პოლიტიკური ლოზუნგის რეალიზაციის მიზნით პეტიციების გაგზავნა საბჭოთა კავშირის ცენტრალურ სტრუქტურებში, ლიხნისა და მოქვის თავყრილობების მოწვევის მცდელობა სეპარატისტული ლოზუნგისათვის საერთო-სახალხო პლებისციტარული საწყისების მისანიჭებლად.

1964 წელს საბჭოთა კავშირის უმაღლეს სახელისუფლებო ეშელონებში და უშუალოდ ნ. ხრუშჩოვის უახლოესი გარემოცვის წრეში შეიქმნა აფხაზეთის საქართველოსაგან გამოყოფისა და რსფსრ-ს შემადგენლობაში ავტონომიის სტატუსით ინკორპორაციის გეგმა. ამ გეგმის შესახებ ირიბი ცნობა საქართველოს კომპარტიის ცკ-ს პირველ მდივანს ვ.მუჟავანაძეს მიაწოდა საქართველოს კომპარტიის აფხაზეთის საოლქო კომიტეტის მაშინდელმა პირველმა მდივანმა მ.ბლაჟბამ. დაგეგმილ ტერიტორიულ-ადმინისტრაციულ ცვლილებას უშუალოდ ნ.ხრუშჩოვი ლობივდა.

როგორც დ.სტურუა (საქართველოს კომპარტიის ცკ-ს მდივანი იდეოლოგიის დარგში) თავის მემუარებში წერს, 1964 წლის აგვისტოში ვ.მუჟავანაძის კაბინეტში შეხვედრისას მ. ბლაჟბამ აღნიშნა, რომ ის ხრუშჩოვმა მიიწვია ბიჭვინთის სახელმწიფო აგარაკზე და უბრძანა, დაეწერა მოხსენებითი ბარათი აფხაზეთის რსფსრ-ში შესვლის

თხოვნით.¹⁹⁰⁴ როგორც ჩანს, გეგმა რეალურად არსებობდა, თუ გავითვალისწინებთ სულ ცოტა ორ მომენტს; ჯერ ერთი, აფხაზური სეპარატიზმის წახალისება და საქართველოსაგან აფხაზეთის სეცესია ყოველთვის ფიგურირებდა საბჭოთა კავშირის ელიტური ჯგუფების იმპერიულ სტრატეგიაში, რადგანაც ეს იდეა გრძელვადიანი სტრატეგიული დაგეგმვის ობიექტი იყო 1921 წლიდან მოყოლებული; მეორე, 1954 წელს ნ.ხრუშჩოვმა სრულიად უმტკივნეულოდ, პარტოკრატიული სისტემისათვის დამახასიათებელი მონოპოლიური გადაწყვეტილებით განახორციელა ანალოგიური ცვლილება ყირიმის რსფსრ-დან უკრაინის შემადგენლობაში გადაყვანით. სხვა საკითხია ამ ცვლილების სამართლიანობა თუ ისტორიული ასპექტები. ფაქტია, რომ საბჭოთა ხელმძღვანელობას უკვე ჰქონდა „ზემოდან“ ტერიტორიულ-ადმინისტრაციული სტრუქტურის შეცვლის პრეცედენტი და ფაქტობრივად ამგვარი ცვლილების განხორციელების უმტკივნეულო (საპროტესტო მოძრაობის თვალსაზრისით) პრაქტიკა.

რატომ ჩავარდა აფხაზეთის საქართველოსგან მოწყვეტის მორიგი იმპერიული (ნ.ხრუშჩოვისეული) გეგმა? ის გარემოება, რომ მ.ბლაჟბამ გამოიჩინა ტრადიციული აფხაზური პატრიოტიზმი, ღრმად გააცნობიერა იმპერიული გეგმის რეალიზაციის გარდაუვალი ტრაგიკული შედეგები, პირველ რიგში, თვით აფხაზი ხალხისა და მისი კულტურისათვის და მოხსენებითი ბარათის დაწერის ნაცვლად სასწრაფოდ გაემგზავრა თბილისში საქართველოს რესპუბლიკური ხელმძღვანელობის ინფორმირებისათვის, თავისთავად მნიშვნელოვანი ფაქტია. ეს ფაქტი თვით მ.ბლაჟბას წარმოაჩინს, როგორც საღად მოაზროვნე, პროგრესული ორიენტაციის ფუნქციონერს. მაგრამ არც მ.ბლაჟბას უარს (მოეხდინა აფხაზეთის საქართველოსაგან გამოყოფის წერილობითი ინიცირება), და არც საქართველოს პარტიულ-პოლიტიკური ელიტის ლოკალურ პროტესტს, ცხადია, არ შეეძლო გეგმის განხორციელების ბლოკირება. საბჭოთა კავშირის ხელმძღვანელობას ნებისმიერ მომენტში შეეძლო სხვადასხვა რესურსების გამოყენებით საპროტესტო მოძრაობის პარალიზება.

შეიძლება ვივარაუდოთ, რომ აფხაზეთის ავტონომიური რესპუბლიკის რუსეთთან შეერთების მზაკვრული გეგმის განხორციელება ჩაშალა 1964 წლის ოქტომბრის კრემლის „სასახლის გადატრიალებაში“ და ბრეჟნევი-სემიჩასტნი-შელეპინ-სუსლოვის ჯგუფის მიერ ნ.ხრუშჩოვის გადაყენებამ.

აფხაზეთში არსებული სიტუაციის ფორმატში არცთუ ისე უმნიშვნელო ადგილი ეჭირა, ასე ვთქვათ, შიდაელიტურ კრიზისს – აფხაზური ეროვნული ბიუროკრატიის ეთნოცენტრისტული „მოსკოვური“ ფრთისა და ზომიერ-ცენტრისტული „პროქართულ-პროაფხაზური“ ფრთის დაპირისპირებას. ეს დაპირისპირება მეტ-ნაკლებად შეესაბამებოდა აფხაზური ეთნოკრატიის დაყოფას „გუდაუთურ“ და „ოჩამჩირულ“ ნაწილებად, ან უფრო ფართო ასპექტში – აფხაზი ეთნოსის დაყოფას ჩრდილო-დასავლურ და სამხრეთ-აღმოსავლურ სუბეთნოსებად.

ქართლოცენტრისტული და სეპარატისტული ტენდენციების დაპირისპირების ფორმით აფხაზურ ნომენკლატურაში შიდაელიტური კრიზისის კონკრეტული გამოვლენა იყო 1964–1965 წლებში განვითარებული მოვლენები საკადრო პოლიტიკის სფეროში. 1964 წლის დეკემბერში საქართველოს კომპარტიის ცკ-ში გაიგზავნა ანონიმური წერილი, რომელიც შეიცავდა აფხაზეთის საოლქო კომიტეტის პირველი მდივნის მ.ბლაჟბას ნეგატიურ დახასიათებას, ცხადია, დაკავებული თანამდებობიდან მისი გადაყენების ქვეტექსტური მოთხოვნით. ავტორები მ. ბლაჟბას ადანაშაულებდნენ პარტიული და სახელმწიფო დისციპლინის შესუსტებაში, კადრების არასწორ შერჩევაში, მექრთამეობაში, ზნეობრივ გახრწნილობაში, დამნაშავეთა მფარველობაში და ა.შ.¹⁹⁰⁵

ეს ფაქტი აშკარად მიუთითებს ავტონომიური რესპუბლიკის მმართველ ემელონებში შიდაელიტური კრიზისის არსებობაზე ელიტა-კონტრელიტის

1904
3-4.
1905 . იქვე, გვ. 21.

დიქტომიის ფორმატში. ამ შემთხვევაში ელიტას ქმნიდნენ მ. ბლაჟუბა და მისი პროქართულ-პროაფხაზური ჯგუფი, ხოლო კონტრელიტას – ავტონომიური რესპუბლიკის პარტიულ და სახელმწიფო აპარატში მოკალათებული ულტრანაციონალისტური „პრომოსკოვური“ დაჯგუფება, რომელსაც მეთაურობდა მინისტრთა საბჭოს თავმჯდომარის მოადგილე ასლან ოთირბა. როგორც ჩანს, „ოთირბას იატაკქვეშა კომიტეტს“ ჰყავდა მხარდამჭერები აფხაზი ინტელიგენციის წრეებში, პარტიული, სახელმწიფო და საზოგადოებრივი ორგანიზაციების ხელმძღვანელ ფენებში. თვით ა.ოთირბას ფსიქოლოგიური პორტრეტი ხასიათდება აშკარად გამოხატული ანტიქართული პათოსით, ის გამოირჩეოდა სეპარატისტული და რადიკალურად ეთნონაციონალისტური განწყობილებით.

მ.ბლაჟუბას დაბალანსებული პოლიტიკა იწვევდა სეპარატისტების უკმაყოფილებას. ამიტომ ისინი ცდილობდნენ, მიეღწიათ მ.ბლაჟუბას გადაყენებისა და მის ადგილას ა.ოთირბას დანიშნისათვის. კარიერისტული და ვიწროუწყებრივი ინტერესების გარდა, აქ იკვეთება სეპარატისტულ-კორპორატიული მიზანდასახულობა და სწორედ ეს იყო მთავარი – რეგიონალურ ელიტაში „ბლაჟუბას გუნდის“ „ოთირბას ჯგუფით“ ჩანაცვლების შემთხვევაში ავტონომიურ რესპუბლიკაში ირღვეოდა ისედაც მყიფე ბალანსი და სტრატეგიული პოლიტიკური უპირატესობა გადადიოდა სეპარატისტულ-რევანშისტული კოალიციის ხელში, რაც, თავის მხრივ, რადიკალურად ცვლიდა რეგიონალური პოლიტიკური პროცესის სტრუქტურას ანტიქართული და პრომოსკოვური მიმართულების გააქტიურების თვალსაზრისით.

1964 წლის დეკემბრის ანონიმური წერილი მიზნად ისახავდა მ.ბლაჟუბასა და მისი გუნდის დისკრედიტაციას საქართველოს პარტიული ელიტის წინაშე და ამ ფორმით „ოთირბას გუნდით“ მისი ჩანაცვლების არგუმენტირებას. როგორც დ. სტურუა მითითებს, ა.ოთირბა არც კი მალავდა ამგვარ მიზანსწრაფვას.¹⁹⁰⁶

საქართველოს კომპარტიის ცკ-მ ანონიმური წერილი განიხილა 1964 წლის 24 დეკემბრის პრეზიდიუმის სხდომაზე და მიიღო გადაწყვეტილება, დაეტოვებინა მ. ბლაჟუბა საოლქო კომიტეტის პირველი მდივნის თანამდებობაზე, წერილში მითითებული ნაკლოვანებებისა და შეცდომების აღმოფხვრის მოთხოვნით.¹⁹⁰⁷ ამით საქართველოს რესპუბლიკურმა ხელმძღვა-ნებლობამ დროებით შეძლო აფხაზეთში სეპარატისტული „საკადრო რევოლუციის“ ბლოკირება და რეგიონალურ ელიტაში მ.ბლაჟუბას პროქართული-პროაფხაზური ჯგუფის შენარჩუნება. მაგრამ 1965 წელს, უკვე სკკპ ცკ-ს აშკარა ადმინისტრაციული ზეწოლით, მ.ბლაჟუბა გაათავისუფლეს საოლქო კომიტეტის პირველი მდივნის თანამდებობიდან. ამ საკადრო პერტურბაციის დროს ვ.მჭავანაძემ მაინც მოახერხა ხელი შეეშალა „ოთირბას ჯგუფის“ თანამდებობრივი აღმასვლისათვის. სეპარატისტული პროცესის მთავარი ფიგურანტის ა.ოთირბას ნაცვლად საოლქო კომიტეტის პირველი მდივანი გახდა ვ.კობახია. მართალია, ვ.კობახია არ გამოირჩეოდა აშკარად გამოხატული პროქართული სიმპათიებით, მაგრამ არც სეპარატისტულ-ულტრანაციონალისტურ პლატფორმაზე იდგა (ყოველ შემთხვევაში, იმ პერიოდში). ის, ისევე როგორც საოლქო კომიტეტის მდივანი იდეოლოგიის დარგში მ.ხვარჭია, კომუნისტ-ინტერნაციონალისტის იმიჯს ფლობდა, „პროქართულ-პროაფხაზურ“ და „პრომოსკოვურ“ ორიენტაციებს შორის შუალედური მდგომარეობითა და ზომიერ-ცენტრისტული ტაქტიკით. 1967 წელს სეპარატისტულმა რევანშისტულმა კოალიციამ კვლავ ჩართო მოქმედებაში 1957 წლის მოდელი – ისტორიოგრაფიული კონფლიქტის ინიცირებით ფართო-მასშტაბიანი საზოგადოებრივ-პოლიტიკური კონფლიქტის გაჩაღება. ამჯერად კრიზისის ისტორიოგრაფიული საბაბი გახდა 1966 წელს აკადემიკოს ნ. ბერძენიშვილის თხზულებათა მესამე ტომის გამოცემა, რომელშიც შევიდა 1951 წლის წერილი „მცირე შენიშვნა დიდ საკითხზე“. მასში ნ. ბერძენიშვილმა გამოთქვა მოსაზრება ქართული სახელმწიფოს მშენებლობაში აქტიურად მონაწილე ძველი აფხაზების იბერ-ლახებთან ნათესაობის შესახებ (აქვე, გვ. 70). აფხაზურ ეთნოკრატისა და მასთან ასოცირებულ გარკვეულ წრეებში ეს კონცეფცია აღქმულ იქნა, როგორც აფხაზთა ეთნოგენეტიკური ქართველობის

1906 . იქვე.
1907 . იქვე, გვ. 22.

მტკიცება და, აქედან გამომდინარე, აფხაზთა ეთნოგენეზისის საკითხში ნ. ბერძენიშვილის მიერ პ. ინგოროყვას თეორიის გაზიარება. სამეცნიერო პოლემიკაში ჩაერთო აფხაზი მოსახლეობის ფაქტობრივად ყველა ფენა, რაც ფართომასშტაბიან საპროტესტო მოძრაობაში გადაიზარდა.

1967 წლის 7–9 აპრილს სოხუმის საზაფხულო თეატრში შეკრებილ ათასკაციან თავყრილობაზე ჩამოყალიბდა შვიდწევრიანი დელეგაცია, რომელსაც დაევადა აფხაზი მოსახლეობის მოთხოვნების ოფიციალური წარდგენა საბჭოთა კავშირის ხელმძღვანელობისათვის. დელეგაციის შემადგენლობაში იყვნენ ტ. შაყრილი, ჯ. ახუბა, ა. აგრბა, ხ. ჩარაგუა, ო. შამბა, ო. დამენია და ა. ზუსბა.¹⁹⁰⁸ მათ მიერ აპრილის შუა რიცხვებში ცენტრალურ საკავშირო პარტიულ და სახელმწიფო სტრუქტურებში წარდგენილი დოკუმენტი თავისი პათოსით, შინაარსითა და მიზანდასახულობით პირწმინდად სეპარა-ტისტულ ხასიათს ატარებდა. პრემბულაში აღნიშნული იყო აფხაზთა ვითომ დენა-შევიწროების, ხელმძღვანელ თანამდებობებზე არდაშვების, ასიმილაციის, აფხაზეთის ეკონომიკური, პოლიტიკური და კულტურული განვითარების ხელოვნურად დამუხრუჭების შესახებ, განსაკუთრებულ ყურადღებას იმსახურებს დოკუმენტის ავტორთა მოთხოვნები თურქეთიდან 200 ათასი მუჰაჯირის რეპატრიაციის, ანტიქართული ტოპონიმიკური ცვლილებების გატარებისა და აფხაზეთის ავტონომიური რესპუბლიკის სტატუსის მოკავშირე რესპუბლიკის სტატუსამდე ამადღების შესახებ (რაც, რასაკვირველია, ნიშნავდა გამოყოფას საქართველოსაგან).¹⁹⁰⁹

ყურადღებას იქცევს ასევე 1967წ. საპროტესტო მოძრაობის პოლიტიკური ან-თროპოლოგია. დელეგაციის წევრებთან და ინტელიგენციის წარმომადგენლებთან, რომლებიც ქმნიდნენ მოძრაობის არაინსტიტუციურ სეგმენტს, ალიანსში იყო ეთნოკრატიის სეპარატისტული ფრთა, უკვე ნახსენები ა.ოთირბასა და კულტურის მინისტრის რ. კვარჭელიას მეთაურობით. ამიტომ 1967წ. საპროტესტო მოძრაობა წარმოდგენდა აფხაზური ეთნოკრატიისა და სეპარატისტული ინტელიგენციის ალიანსის ბაზაზე ორგანიზებული სამოქალაქო პუტჩის მცდელობა საქართველოსაგან აფხაზეთის გამოყოფის მიზნით.

1967 წლის 14 აპრილს საქართველოს კომპარტიის ცკ-ს ბიურომ მიიღო ხუთპუნ-ქტიანი დადგენილება, რომელიც ითვალისწინებდა ზოგიერთ პრაქტიკულ ღონ-ისძიებას აფხაზეთში შექმნილი ფეთქებადსაშიში ვითარების განმუხტვისათვის. კერძოდ, აღინიშნა, რომ ნ.ბერძენიშვილის თხზულებათა მესამე ტომის გამოცემის დროს დაშვებულ იქნა გარკვეული ხარვეზები და ზოგიერთი ფორმულირება საჭი-როებს კორექტირებას.¹⁹¹⁰

მიზანშეწონილად იქნა ჩათვლილი აფხაზეთის ზოგიერთი დასახლებული პუნქტის სახელწოდების შეცვლა (გაგრის ზონის სოფ. ნაკადულს ეწოდა მეხადირი, გულრიფშის რაიონის სოფ. ნეძონას – ხიზარუხა და გუდაუთის რაიონის სოფლებს ბამბუკოვანს, გოგირდწყალს და შუამთას – შესაბამისად აკალამრა, არსაული და ჩირგოსტა).¹⁹¹¹ საქართველოს კომპარტიის ცკ-ს სამდივნოს დაევადა აფხაზეთის ეკონომიკისა და კულტურის განვითარებასთან დაკავშირებული ცალკეული ღონისძიებების დაგეგმვა და განხორციელება.

1967 წლის 18 აპრილს გაიმართა აფხაზეთის პარტიულ-საბჭოთა აქტივის გაფარ-თოებული კრება. მიღებულ რეზოლუციაში 7–9 აპრილის თავყრილობა შეფასდა პროვოკაციად, რომელიც ხელს უშლიდა ორი მოძმე ერის ურთიერთობის ნორმალიზაციას.¹⁹¹²

სიტუაციის დებლოკირება მოხდა უკვე ივნის-ივლისისათვის. სეპარატისტთა სამო-ქალაქო პუტჩის მცდელობა კრახით დასრულდა, თუმცა მას უკვალოდ არ ჩაუვლია. საპროტესტო გამოსვლების გარკვეული უარყოფითი შედეგები უკავშირდება ზოგიერთ

1908 . . . დასახ. ნაშრომი, გვ. 133.

1909 . . . იქვე გვ. 133.

1910 . . . დასახ. ნაშრომი, გვ. 34.

1911 . . . იქვე გვ. 35.

1912 . . . დასახ. ნაშრომი, გვ. 150.

ნომენკლატურულ ცვლილებას, რომელსაც ანტიქართული ხასიათი ჰქონდა. 1967 წლის 21 მაისს საქართველოს კპ აფხაზეთის საოლქო კომიტეტის პლენუმმა დემონსტრაციულად გამოიყვანა საოლქო კომიტეტის ბიუროს შემადგენლობიდან და გაათავისუფლა დაკავებული თანამდებობებიდან საოლქო კომიტეტის მეორე მდივანი დ. გოგონია და მინისტრთა საბჭოს თავმჯდომარე მ. ჩიქოვანი.¹⁹¹³

მორიგი ანტიქართული საპროტესტო გამოსვლის საბაზად სეპარატისტულმა ეთნოკრატამ გამოიყენა მთელ საბჭოთა კავშირში კონსტიტუციური სისტემის ფორმალურ-იურიდიული შეცვლის პროცესი. საკავშირო კონსტიტუციის ახალი რედაქციის შექმნის პარალელურად, ცხადია, უნდა შეცვლილიყო საქართველოს რესპუბლიკური და აფხაზეთისა და აჭარის ავტონომიური კონსტიტუციებიც. სკკპ ცკ-ს 1977 წლის 3 ივნისის გადაწყვეტილების საფუძველზე, საქართველოს კომპარტიის ცკ-ს ბიურომ 13 ივნისს მიიღო დადგენილება საქართველოსა და მისი ავტონომიური რესპუბლიკების ახალი კონსტიტუციების მოსამზადებელი სამუშაოების ორგანიზაციის შესახებ.¹⁹¹⁴

1977 წლის 10 დეკემბერს აფხაზური ელიტის 130 წარმომადგენელმა სპეციალური წერილით მიმართა იმპერიის ცენტრალურ ინსტანციებს – სკკპ ცკ-ს პოლიტბიუროს, პირადად ლ. ბრეჟნევს და რსფსრ-ს უმაღლესი საბჭოს პრეზიდიუმის თავმჯდომარეს მ. იასნოვს. წერილი გამოირჩეოდა საქართველოსა და ქართველი ერის მიმართ უსაზღვრო სიძულვილით, ხოლო საქართველოს პარტიულ-საბჭოთა ხელმძღვანელობა გამოცხადებული იყო „ბერიას საქმის“ გამგრძელებლად, აფხაზეთის სოციალურ-ეკონომიკური და კულტურული შევიწროებისა და ასიმილაციის პოლიტიკის გამტარებლად. წერილში ცენტრალური ადგილი ეჭირა სეპარატისტულ მოთხოვნას – მიმდინარე კონსტიტუციური ცვლილების ფარგლებში აფხაზეთის გამოყოფას საქართველოსაგან და მის გადასვლას რსფსრ-ს ტერიტორიულ-სამართლებრივ სივრცეში კრასნოდარის მხარის შემადგენლობაში. წერილის ავტორები მოითხოვდნენ სპეციალური სამთავრობო კომისიის შექმნას საკავშირო დონეზე.¹⁹¹⁵

სკკპ ცკ-დან აღნიშნული დეკლარაცია გადააგზავნეს აფხაზეთის საოლქო კომიტეტში შესაბამისი რეაგირებისათვის. პირველადი რეაგირება მართლაც ოპერატიული და ობიექტური გამოდგა როგორც საოლქო კომიტეტის, ისე საქართველოს რესპუბლიკური ხელმძღვანელობის მხრიდან. 1978 წლის 22 და 24 თებერვლის სხდომებზე საოლქო კომიტეტის ბიურომ და საქართველოს კპ ცკ-ს ბიურომ წერილის ავტორების პოზიცია შეაფასეს, როგორც „აღმაშფოთებელი და უპრინციპო“.¹⁹¹⁶ მაგრამ ეს რადიკალურად ანტისეპარატისტული ხაზი არ მოეწონათ იმპერიულ ცენტრში. 1978 წლის 3 მაისს სკკპ ცკ-ს სამდივნომ სპეციალურ სხდომაზე განიხილა აფხაზეთში არსებული ვითარება.¹⁹¹⁷ მიღებულ იქნა გადაწყვეტილება ავტონომიის პარტიული ხელმძღვანელობის შეცვლის შესახებ. საოლქო კომიტეტის პირველ მდივნად ვ. ხინთბას ნაცვლად დაინიშნა ბ. ადღეიბა. ადგილზე ვითარების შესწავლისა და შესაბამისი გადაწყვეტილებების მისაღებად მიზანშეწონილად ჩაითვალა სპეციალური ჯგუფის აფხაზეთში ჩასვლა სკკპ ცკ-ს მდივნის ი. კაპიტონოვის მეთაურობით.

ი. კაპიტონოვი და საქართველოს კპ ცკ-ს პირველი მდივანი ე. შევარდნაძე სოხუმში 19 მაისს ჩამოვიდნენ. სწორედ ი. კაპიტონოვის ჯგუფის ჩამოსვლას მოჰყვა სეპარატისტული პუტჩის აქტივიზაციის განსაკუთრებულად მაქსიმალური ტალღა, აფხაზთა ანტიკონსტიტუციური მოთხოვნების რადიკალიზაცია, ესკალაციის მასშტაბური გაფართოება და ზოგიერთ შემთხვევაში სიტუაციის უმართაობის პრეცედენტის შექმნა. სოხუმში, გავრასა და გუდაუთაში ადგილი ჰქონდა საზოგადოებრივი წესრიგისა და სახელმწიფო დისციპლინის მასობრივ დარღვევებს. სეპარატისტებმა მიმართეს საბოტაჟის ტაქტიკას – მოაწყვეს მასობრივი გაფიცვები ტრანსპორტსა და სავაჭრო ქსელის ობიექტებში.

1913 . ზ . პაპასკირი. ნარკვევები..., ნაკვეთი II, გვ. 173.

1914 . . . დასახ. ნაშრომი, გვ. 47.

1915 . . . დასახ. ნაშრომი, გვ. 151.

1916 . იქვე.

1917 . იქვე, გვ. 152.

1978 წლის 21 მაისს, აფხაზეთის პარტიულ-საბჭოთა აქტივის კრებაზე ი. კაპიტონოვმა ცალსახად დააფიქსირა იმპერიული ცენტრის პოზიცია: საპროტესტო მოძრაობის მოთხოვნები ანტიკონსტიტუციურია და აფხაზეთის გამოყოფა საქართველოსაგან ამ ეტაპზე გამორიცხულია. მან, კერძოდ, აღნიშნა: „ჩვენ მზად ვართ, განვიხილოთ უნივერსიტეტისა და ტელევიზიის საკითხი, მაგრამ აფხაზეთის გადასვლა რსფსრ-ს შემადგენლობაში გამორიცხულია. ასევე გამორიცხულია ახალ კონსტიტუციაში ასეთი გადასვლის უფლების შესახებ სპეციალური მუხლის შეტანა“.¹⁹¹⁸

დაძაბულობის ესკალაციის უმაღლეს პუნქტს წარმოადგენდა 22 მაისს მთავრობის სახლის წინ ორგანიზებულ მრავალათასიან მიტინგზე სეპარატისტების მიერ მოწოდებული ობსტრუქცია. ი. კაპიტონოვის გამოსვლას, რომელშიც მან გაიმეორა აქტივის კრებაზე წინა დღეს გამოთქმული დებულებები, მოჰყვა საპროტესტო შეძახილები, ხოლო ე. შევარდნაძეს საერთოდ არ მისცეს გამოსვლის უფლება, რის შემდეგაც მათ სასწრაფოდ დატოვეს იქაურობა.

შექმნილ სიტუაციაში საქართველოს პარტიულმა ნომენკლატურამ და პირადად ე. შევარდნაძემ გამოიჩინეს აბსოლუტური უპრინციპობა, მოახდინეს საქართველოს ეროვნულ-სახელმწიფოებრივი ინტერესების იგნორირება, დაადგინეს რა სეპარატისტების მიმართ ყოველად გაუმართლებელი დათმობების ტაქტიკას მაშინ, როდესაც, 1957 და 1967 წლებისგან განსხვავებით, ამ პერიოდში იმპერიული ცენტრი ფაქტობრივად არ იყო დაინტერესებული ამ ეტაპზე მაინც არსებული ბალანსის დარღვევასა და აფხაზეთი ეთნოკრატიის ცენტრიდანული მოძრაობის სტიმულირებაში. უფრო მეტიც, როგორც ინფორმაციის კულუარული წყაროები ცხადყოფენ, 1978 წლის 22 მაისს ი. კაპიტონოვმა წამოაყენა ცენტრიდან სეპარატისტული მიტინგის ძალისმიერი ბლოკირების სანქციის გამოთხოვის იდეა, რაც კატეგორიულად უარყო ე. შევარდნაძემ.

კომპრომისული ტაქტიკის იმპერატიული ბაზა გახდა საქართველოს კპ ცკ-ს 1978 წლის 24 მაისის გადაწყვეტილება „აფხაზეთის ასსრ-ს ეკონომიკური და კულტურული განვითარების, ავტონომიური რესპუბლიკის მშრომელებში ორგანიზაციული და იდეურ-აღმზრდელობითი მუშაობის გაძლიერების ღონისძიებათა შესახებ“.¹⁹¹⁹ სწორედ ამ გადაწყვეტილების რეალიზაციის ფარგლებში მოხდა აფხაზეთი ტელევიზიის გახსნა, ა. გორკის სახელობის სოხუმის პედინსტიტუტის გარდაქმნა აფხაზეთის სახელმწიფო უნივერსიტეტად და სხვ.

ე. შევარდნაძემ აფხაზეთი ეთნოკრატიის ინტერესების შესაბამისად განახორციელა ნომენკლატურული ცვლილებები აფხაზეთის პარტიულ-სახელმწიფო ელიტაში. უმაღლესი საბჭოს პრეზიდიუმის თავმჯდომარედ დაინიშნა ვ. კობახია, რაც იყო აშკარა კაპიტულაცია ეთნოკრატიის გუდაუთური კლანის წინაშე. გაგრის საქალაქო კომიტეტის პირველ მდივნად, გ. კვანტალიანის ნაცვლად, ჯერ დაინიშნა ქართველი გ. ნაჭყებია, მაგრამ სულ ცოტა ხანში მის ნაცვლად დანიშნეს სეპარატისტულად განწყობილი ა. გვარამია, რის შემდეგაც ე. შევარდნაძემ თქვა, რომ „გამოასწორა შეცდომა“.¹⁹²⁰ საერთოდ, ე. შევარდნაძის საკადრო პოლიტიკას სავალალო შედეგები მოჰყვა, განსაკუთრებით რეგიონალურ ელიტაში სეპარატისტული ელემენტების წინ წამოწევისა და მათი კლანურ-კორპორაციული თვითდამკვიდრების თვალსაზრისით. განხორციელებილი საკადრო ცვლილებებით ავტონომიურ რესპუბლიკაში დაიწყო ეთნოკრატიული მოდელის საბოლოო ფორმირება და აფხაზეთი ეთნოკრატიის, როგორც ელიტარული პოლიტიკური კლასის, ჩამოყალიბება. მიუხედავად დისკრეტული შიდაკორპორაციული სტრუქტურისა (პარტიული ელიტა, სახელმწიფო ჩინოვნიკები, მინისტრები, სამეურნეო ელიტა და დირექტორთა კორპუსი, სახელისუფლებო სტრუქტურებში ინტეგრირებული სამეცნიერო და შემოქმედებითი ინტელიგენციის ნაწილი), ეთნოკრატიამ შეიძინა ერთიანი მმართველი კლასის ფუნქციები და ანტიქართული სეპარატისტული იდეური პლატფორმა. ყურადღებას იქცევს ეთნოკრატიული რეჟიმის იმდროინდელი ფაქტოლოგიური სტატისტიკა,

¹⁹¹⁸ . იქვე.

¹⁹¹⁹ . კომუნისტი, 1978, 26 მაისი.

¹⁹²⁰ . . . დასახ. ნაშრომი, გვ. 159.

რომელიც მოჰყავს ღ. მარშანიას: აფხაზეთის ავტონომიური რესპუბლიკიდან არჩეული 15 სსრკ-ს სახალხო დეპუტატიდან რვა იყო აფხაზი... აფხაზეთის ასსრ უმაღლესი საბჭოს 140 დეპუტატიდან 57 (40,7 %) იყო აფხაზი, 53 (37,9 %) – ქართველი, 30 (21,4 %) — დანარჩენი ეროვნების წარმომადგენელი. საქალაქო და სასოფლო საბჭოების შემადგენლობის მესამედს და მინისტრთა საბჭოსა და საოლქო კომიტეტის აპარატის ნახევარს შეადგენდნენ აფხაზები. 12 მინისტრიდან რვა და სახელმწიფო კომიტეტის რვა თავმჯდომარიდან ხუთი იყო აფხაზი. ქალაქისა და რაიონების რვა პროკურორიდან ხუთი იყო აფხაზი“.¹⁹²¹

1985 წლის მარტში საბჭოთა კავშირის უმაღლეს ხელისუფლებაში მოხდა ფორმალურად მორიგი, მაგრამ თავისი შინაარსითა და პოლიტიკური ტრანსფორმაციის ხარისხით რადიკალური ცვლილებები. ხელისუფლების სათავეში მოვიდა „გორბაჩოვის გუნდი“, რომელმაც გამოაცხადა ქვეყნის სოციალურ-ეკონომიკური განვითარების დაჩქარებისა და გარდაქმნის („პერესტროიკის“) კურსი. მისმა პირველმა ორნახევარმა წელიწადმა აჩვენა, რომ ტოტალიტარული სისტემა მისი სრული დემონტაჟის გარეშე არ ექვემდებარებოდა რეფორმებს. 1987 წლის ოქტომბრიდან მ. გორბაჩოვი იძულებული გახდა გამოეცხადებინა გადასვლა „პერესტროიკის“ მეორე ეტაპზე – დემოკრატიისა და საჯაროობის პოლიტიკაზე, რამაც სტიმული მისცა რეჟიმის მიმართ ოპოზიციური მოძრაობების გააქტიურებას, რამაც ძირი გამოუთხარა და საფუძვლიანად შეარყია კომუნისტური რეჟიმი. სწორედ ამ ეტაპზე მოხდა საქართველოს დისიდენტური და ეროვნულ-განმათავისუფლებელი მოძრაობის ლეგალიზაცია და საქართველოს დამოუკიდებლობის იდეის ოფიციალური დაყენება დღის წესრიგში.

საზგასმით უნდა ითქვას, რომ საქართველოს ეროვნული მოძრაობის არცერთ პოლიტიკურ ძალას ეჭვის ქვეშ არ დაუყენებია აფხაზეთის ავტონომიის მიზანშეწონილობის საკითხი. რაც შეეხება აფხაზთა უფლებების ხელყოფის პროგრამას, აქაც უნდა აღინიშნოს ერთი კონცეპტუალური მომენტის შესახებ: ქართული ეროვნულ-განმათავისუფლებელი მოძრაობის თეორიულ-კონცეპტუალურ კონსტრუქციებში არასოდეს არ დასმულა ოფიციალურად აფხაზთა უფლებების დესტრუქციის მოთხოვნა. პირიქით, იმდენად, რამდენადაც ეს მოძრაობა აფხაზურ სეპარატიზმს განიხილავდა რუსეთის იმპერიალისტური პოლიტიკის რეგიონალური მექანიზმის კონტექსტში, აფხაზთა ისტორიულ-კულტურული და პოლიტიკური უფლებების გარანტირება ერთიან ქართულ სივრცეში და ამ გზით „აფხაზეთის აფხაზიზაცია“ სწორედ ქართულ ეროვნულ-სტრატეგიულ ინტერესებთან იყო თანხვედრილი. „აფხაზეთის აფხაზიზაცია“ გულისხმობდა პარალელურ დერუსიფიკაციას ან, ყოველ შემთხვევაში, რუსეთის იდეოლოგიურ-კულტურული ზეგავლენის მინიმიზაციას. ამიტომ აფხაზეთის „ნაციონალიზაცია“ უზრუნველყოფდა მის ამოგდებას იმპერიული ვერტიკალიდან და აფხაზური ეთნოკრატიის დისტანცირებას საბჭოთა რუსული იმპერიის ცენტრალური ისტებლიშმენტისაგან. ამდენად, საქართველოს დამოუკიდებლობა და ქართული ეროვნული პროექტის რეალიზაცია აპრიორი გამორიცხავდა აფხაზთა უფლებების დისკრიმინაციას და მათ დენაციონალიზაციას.

„პერესტროიკის“ მიერ შექმნილი პლურალიზმისა და საჯაროობის პირობებში აფხაზური სეპარატიზმის პირველ ოფიციალურ გამოვლინებას წარმოადგენდა ეგრეთ წოდებული „სამოცის წერილი“ – აფხაზური მეცნიერებისა და კულტურის სამოცი თვალსაჩინო წარმომადგენლის 1988 წლის 17 ივნისის მიმართვა სკკპ XIX საკავშირო კონფერენციისადმი.¹⁹²² ეს ე.წ. „აფხაზური წერილი“ გამოირჩეოდა რადიკალური ანტიქართული პათოსით, უსაფუძვლო თავდასხმებით ქართველ ხალხზე და საქართველოს ხელმძღვანელობაზე. დოკუმენტის ცენტრალური იდეა იყო საქართველოსაგან აფხაზეთის გამოყოფის ანტიკონსტიტუციური მოთხოვნა. მართალია, წერილი არც კი გამხდარა პარტკონფერენციაზე პრეზენტაციისა და განხილვის საგანი, მაგრამ მისმა გამოქვეყნებამ მაინც დაძაბა საზოგადოებრივი ატმოსფერო ავტონომიურ რესპუბლიკაში.

1921 . . .

1922 . . .

. . . 1995, გვ. 11-12.

. . . გვ. 414.

1989 წლის 18 მარტს გუდაუთის რაიონის სოფელ ღიხნში გაიმართა ავტონომიური რესპუბლიკის აფხაზი მოსახლეობის მრავალათასიანი თავყრილობა, რომელმაც მიიღო ეგრეთ წოდებული „ღიხნის დეკლარაცია“ – მიმართვა საბჭოთა კავშირის ხელმძღვანელი ორგანოებისადმი საქართველოსაგან აფხაზეთის გამოყოფისა და საბჭოთა კავშირის შემადგენლობაში მოკავშირე რესპუბლიკის სტატუსით შესვლის შესახებ. მიმართვას ხელს აწერდნენ ავტონომიური რესპუბლიკის ოფიციალური ინსტანციების ხელმძღვანელი პირები, მათ შორის საქართველოს კომპარტიის აფხაზეთის საოლქო კომიტეტის პირველი მდივანი ბ. ადღეიბა.

გაოცებას იწვევს აფხაზური ისტორიოგრაფიისა და პოლიტიკური პუბლიცისტიკის აშკარად არაობიექტური და არააკადემიური „კონცეფცია“, რომელშიც ღიხნის თავყრილობა სახელდებულია „საერთოაფხაზურ პლებისციტად“ (?), ხოლო მის მიერ მიღებული მიმართვა ცენტრალური იმპერიული ინსტანციებისადმი – „აფხაზი ხალხის ეროვნული მოძრაობის აქტად“¹⁹²³ (?).

სამართლებრივ ცნობიერებაში არ არსებობს რაიმე ოფიციალური აქტის გარეშე ორგანიზებული შეკრების პლებისციტად განსაზღვრის, ხოლო მასზე მიღებული დოკუმენტებისათვის დეკლარაციად წოდების პრეცედენტი. ღიხნის თავყრილობა, ცხადია, ვერ ჩაითვლება პლებისციტარულ-რეფერენდუმული საწყისების მქონე ოფიციალურ კრებად. ეს იყო მოსახლეობის ნაწილის მიერ სტიქიურად, კონსტიტუციური სისტემის ფარგლებში აუცილებელი ფორმალურ-იურიდიული პროცედურების გვერდის ავლით ორგანიზებული არაფორმალური შეკრება. მის მიერ მიღებულ მიმართვას არ ჰქონდა აფხაზეთის ავტონომიური რესპუბლიკის მრავალეროვანი მოსახლეობის ნების გამოხატვის ფუნქცია და, შესაბამისად, არ წარმოადგენდა სახალხო სუვერენიტეტის გამოვლინებას. თავისთავად კი აფხაზური ეთნიკური ნაციონალიზმისა და სეპარატიზმის ეს „დეკლარაცია“ იყო ანტიკონსტიტუციური, უკანონო და რადიკალურ-კონფრონტაციული, რადგანაც მან სტიმული მისცა დაძაბულობის ესკალაციას როგორც თბილისში, ისე საკუთრივ აფხაზეთშიც.

„ღიხნის დეკლარაციამ“ განსაკუთრებით გაამწვავა საზოგადოებრივ-პოლიტიკური სიტუაცია აფხაზეთში, სტიმული მისცა ფართომასშტაბიან დესტაბილიზაციას და საქართველოს ეროვნული მოძრაობის აფხაზეთის სექტორის გააქტიურებას. ამგვარი გააქტიურების საწყისად უნდა მივიჩნიოთ ქართული ეროვნული პარტიების მიერ ორგანიზებული პირველი მასობრივი ანტისაბჭოთა აქცია სოხუმში 1988 წლის 3 დეკემბერს. ამ მიტინგზე ქართული ეროვნული თვალსაზრისი და აფხაზ ხალხთან ერთად დამოუკიდებელი ქართული სახელმწიფოებრიობის მშენებლობის მზადყოფნა დააფიქსირეს ეროვნული მოძრაობის თვალსაჩინო ლიდერებმა მ. კოსტავამ, ზ. ჭავჭავაძემ და ქართული ეროვნული მოძრაობის აფხაზეთის სექტორის ლიდერებმა ვ. ვეკუამ, ნ. მგალობლიშვილმა და სხვებმა. 25 მარტს სოხუმსა და გალში გაიმართა ქართული მოსახლეობის გრანდიოზული საპროტესტო მიტინგები. 1 აპრილს დაბა ღესელიძეში ჩატარდა ანტიიმპერიალისტური მიტინგი, რომლის მონაწილეთა ერთი ჯგუფი დარბეულ იქნა აფხაზთა ეგზალტირებული მასის მიერ ბზიფსა და ახალ ათონთან; იყვნენ დაჭრილებიც. ამ ვერაგული აქციის საპასუხოდ, 2 აპრილს სოხუმში გაიმართა ქართული მოსახლეობის მიტინგები და მანიფესტაციები, რამაც შექმნა სიტუაციის უკიდურესად ესკალაციისა და გარკვეულწილად მისი უმართაობის საფრთხე.

ამ ვითარებაში საქართველოს ეროვნულმა მოძრაობამ მიზანშეწონილად მიიჩნია საპროტესტო აქციების აფხაზეთიდან დედაქალაქში გადატანა. ასე დაიწყო თბილისის 1989 წლის 4-9 აპრილის აქცია. იგი აფხაზეთის კრიზისზე სრულიად ბუნებრივი და კანონზომიერი რეაქციის დაფიქსირებით დაიწყო, მაღე გადაიზარდა საქართველოს პოლიტიკური დამოუკიდებლობისა და დოკუპაციის მოთხოვნის მქონე საპროტესტო მოძრაობად, რასაც შედეგად მოჰყვა ცხრა აპრილის ტრაგედია – სსრ კავშირის უმაღლეს ხელისუფალთა გადაწყვეტილებით, თავდაცვისა და შინაგან საქმეთა

¹⁹²³ . იქვე, გვ. 372-373.

სამინისტროების სპეცნაწილების მიერ მშვიდობიანი მიტინგისა და შიმშილობის აქციის ძალისმიერი დარბევა. ამ ბარბაროსულ აქციას მოჰყვა 19 ქართველის დაღუპვა და რამდენიმე ათასის მოწამვლა ქიმიური ნივთიერებებით.

აფხაზეთში დესტაბილიზაციის ღერძული ზონა გახდა კულტურულ-საგანმანათლებლო სივრცე, კონკრეტულად, აფხაზეთის სახელმწიფო უნივერსიტეტი. მისი ქართული სექტორი წარმოადგენდა აფხაზეთში ქართული კულტურისა და განათლების, ასევე საქართველოს ეროვნული მოძრაობის მთავარ კერას და, აქედან გამომდინარე, აფხაზური სეპარატიზმის მიმართ წინააღმდეგობის მოძრაობის ბირთვს.

სრულიად ბუნებრივია, რომ ლიხნის დესტრუქციული პარაპოლიტიკური „დეკლარაცია“ გაცილებით მტკივნეულად სწორედ უნივერსიტეტში აღიქვას. მით უმეტეს, რომ „დეკლარაციის“ ხელმძღვანელთა შორის ფიგურირებდა უნივერსიტეტის რექტორი ა. გვარამია, რომლის შიდასაუნივერსიტეტო პოლიტიკა ქართული სექტორის დისკრიმინაციული შეხედვის თვალსაზრისით ისედაც იწვევდა უკმაყოფილებას. ყოველივე ამას მოჰყვა უნივერსიტეტიდან ქართული სექტორის გამოყოფა და მის ბაზაზე თბილისის უნივერსიტეტის სოხუმის ფილიალის ჩამოყალიბება, საქართველოს მინისტრთა საბჭოს 1989 წლის 14 მაისის განკარგულების საფუძველზე. ეს გახდა საბაბი 1989 წლის 15–16 ივლისს სამოქალაქო მღელვარების შეიარაღებულ შეტაკებებში გადაზრდისა, რომლის დროსაც აფხაზების შეიარაღებულმა ეგზალტირებულმა ბრბომ თავდასხმა განახორციელა ქ. სოხუმის №1 საშუალო სკოლაში განთავსებული ფილიალის მიმღებ კომისიაზე და რუსთაველის პარკში შეკრებილ ქართულ საზოგადოებრიობაზე. პირველი ქართულ-აფხაზური შეიარაღებული კონფლიქტის დროს დაიღუპა 16 და დაიჭრა 140-მდე მოქალაქე, ძირითადად ეთნიკური ქართველი.¹⁹²⁴ დაღუპულთა შორის იყო აფხაზეთში ქართული ეროვნული მოძრაობის ლიდერი, „სრულიად საქართველოს ილია ჭავჭავაძის საზოგადოების“ აფხაზეთის რეგიონალური ორგანიზაციის ერთ-ერთი ხელმძღვანელი ვლადიმერ (გოვა) ვეკუა. ასევე მძიმე დანაკლისი განიცადა ქართულმა ეროვნულმა მოძრაობამ იმავე წლის შემოდგომაზე ამ მოძრაობის მეორე აღიარებული ლიდერის იოსებ (სოსო) ადამიას ავტოკატასტროფაში ტრაგიკული დაღუპვით.

1990 წლის 3 აპრილს საბჭოთა კავშირის უმაღლესმა საბჭომ მიიღო კანონი¹⁹²⁵, რომლის თანახმადაც მოკავშირე რესპუბლიკების მიერ 1922 წლის საკავშირო ხელშეკრულების დენონსაციისა და სსრკ-ს შემადგენლობიდან გასვლის შეთხვევაში, ავტონომიურ რესპუბლიკებს უფლება ჰქონდათ, რეფერენდუმის შედეგების საფუძველზე მიეღოთ გადაწყვეტილება, დარჩენილიყვნენ საბჭოთა კავშირის შემადგენლობაში ცენტრთან ახალი სამოკავშირეო ხელშეკრულების დადების ბაზაზე.

ძნელი მისახვედრი არაა ის ფაქტი, რომ კანონი ქმნიდა საბჭოთა იმპერიიდან გამოსვლის მსურველი ეროვნული რესპუბლიკების კონსტიტუციურ-სამართლებრივი სივრცისა და ტერიტორიული მთლიანობის დაშლის იურიდიულ მექანიზმს. აქედან გამომდინარე, მოკავშირე რესპუბლიკების ეროვნულ-განმათავისუფლებელი მოძრაობები ამ მექანიზმის შესაძლო ამოქმედების შიშით უნდა დამდგარიყვნენ სრული დამოუკიდებლობის უარყოფის პლატფორმაზე, რადგანაც საბჭოთა კავშირის შემადგენლობიდან მათი გასვლა ერთ სიბრტყეში იყო დაყენებული მოკავშირე რესპუბლიკების შემადგენლობიდან ავტონომიური რესპუბლიკების შესაძლო გასვლასთან. ავტონომიური რესპუბლიკების სუვერენიზაციითა და მათი ეთნიკური ნომენკლატურის ლეგიტიმაციით მოკავშირე რესპუბლიკების დამოუკიდებლობის შეკავება – ეს იყო ცენტრის სტრატეგიული გათვლა და 1990 წლის აპრილის კანონით შექმნილი მაკროფორმატი მთელი იმპერიის მასშტაბით.

რაც შეეხება მიკროფორმატს კონკრეტულად აფხაზეთის შემთხვევაში, უნდა ითქვას, რომ 1990 წლის აპრილის კანონმა შექმნა საქართველოს იმდროინდელ პარტიულ-სახელმწიფო ელიტასა და აფხაზურ ეთნოკრატებს შორის „კანონთა ომის“, ანუ კონსტიტუციურ-სამართლებრივი დისბალანსის ატმოსფერო.

¹⁹²⁴ .

¹⁹²⁵ . Известия, 1990, 5 апреля.

. 1992-1993. წწწ. კა.წიკიპედია.ორგ/წიკი/.

1990 წლის 9 მარტს, საქართველოს ეროვნული მოძრაობის პოზიტიური ზეწოლით და ინიცირებით, საქართველოს სსრ უმაღლესი საბჭოს მე-13 რიგგარეშე სესიამ მიიღო უადრესად მნიშვნელოვანი ისტორიული დოკუმენტი – დადგენილება „საქართველოს სახელმწიფო სუვერენიტეტის დაცვის გარანტიების შესახებ“¹⁹²⁶. დადგენილება ოფიციალურად ადასტურებდა საქართველოსა და საბჭოთა რუსეთის 1920 წლის 7 მაისის ხელშეკრულების რუსეთის მხრიდან 1921 წლის თებერვალ-მარტის ომის შედეგად დარღვევის ფაქტს. აქედან გამომდინარე, უკანონოდ და იურიდიული ძალის არმქონედ ჩაითვალა ყველა ის ხელშეკრულება, რომელთა ძალითაც საქართველო შეყვანილ იქნა საბჭოთა იმპერიის შემადგენლობაში და განხორციელდა დამოუკიდებელი საქართველოს ოკუპაციის, სოვეტიზაციისა და ანექსიის ეტაპობრივი პროცესი.

დიდი მნიშვნელობა ჰქონდათ საქართველოს ეროვნული მოძრაობისა და მისი აფხაზეთის სექტორის პოლიტიკური სტრუქტურირების ღონისძიებებს. 1990 წ. 13–15 მარტს თბილისში ჩატარებული ეროვნულ-განმათავისუფლებელი მოძრაობის კონფერენციაზე შეიქმნა მთავარი მაკორდინირებელი სტრუქტურა – ეროვნული ფორუმი. პარალელურად ანალოგიური სტრუქტურა ჩამოყალიბდა აფხაზეთში. კერძოდ, 1990 წ. მარტში ილია ჭავჭავაძის საზოგადოების, ეროვნულ-დემოკრატიული პარტიის, მონარქისტულ-კონსერვატიული პარტიის, რუსთაველის საზოგადოების, ქრისტიანულ-დემოკრატიული კავშირის, ეროვნული დამოუკიდებლობის პარტიის, საქართველოს ჰელსინკის კავშირი – ეროვნული აღორძინების, მერაბ კოსტავას საზოგადოების და სადროშო „ღემი“-ს კოალიციის ბაზაზე შეიქმნა ცხუმ-აფხაზეთის ეროვნული კომიტეტი (ცაეკ).

სამწუხაროდ, ეროვნულ პარტიებს შორის კონფრონტაციის „თბილისური ფორმატი“ მალევე გადატანილ იქნა აფხაზეთშიც. ცნობილია, რომ 1990 წლის 7 მაისს საქართველოს ეროვნული ფორუმი დაიშალა „მრგვალ მაგიდად“ და კონგრესისტული ორიენტაციის პოლიტიკური ძალების ცენტრად. ამისი ანალოგიით აფხაზეთშიც მოხდა პოლიტიკური განხეთქილება: ჰელსინკის კავშირის, წმიდა ილია მართლის საზოგადოების, მერაბ კოსტავას საზოგადოების და მონარქისტულ-კონსერვატიული პარტიის აფხაზეთის რეგიონალურმა ფილიალებმა დატოვეს ცაეკი და დააფუძნეს „მრგვალი მაგიდის“ აფხაზეთის რეგიონალური ორგანიზაცია.

1990 წლის 25 აგვისტოს გამოცხადდა, რომ აფხაზეთის ასსრ-ს უმაღლესმა საბჭომ (მომხსენებელი ვ. კობახია) მიიღო ორი აქტი: „დეკლარაცია აფხაზეთის ასსრ სახელმწიფოებრივი სუვერენიტეტის შესახებ“ და დადგენილება „აფხაზეთის სახელმწიფოებრიობის დაცვის სამართლებრივი გარანტიების შესახებ“.¹⁹²⁷ აღნიშნული დოკუმენტები ეწინააღმდეგებოდნენ საქართველოს კონსტიტუციას და თვით აფხაზეთის 1978 წლის 6 ივნისის კონსტიტუციას.

საქართველოს სსრ უმაღლესი საბჭოს პრეზიდიუმმა 1990 წ. 26 აგვისტოს¹⁹²⁸ დადგენილებით გაუქმებულად და იურიდიული ძალის არმქონედ გამოაცხადა ზემოხსენებული აქტები, რომლებიც არღვევდნენ საქართველოს ტერიტორიულ მთლიანობას. სულ მალე გაირკვა, რომ 1990 წ. 25 აგვისტოს სესია იყო ფალსიფიცირებული; სინამდვილეში იგი წარმოადგენდა დეპუტატთა ჯგუფის (ნახევარზე ნაკლების) კრებას. 1990 წ. 31 აგვისტოს მოწვეულმა აფხაზეთის ასსრ უმაღლესი საბჭოს საგანგებო სესიამ (მომხსენებელი ვ. ყოლბაია) გააუქმა 25 აგვისტოს ქვორუმის გარეშე და პროცედურული ნორმების დარღვევით მიღებული აქტები. ინფორმაცია ამის შესახებ ფართოდ გავრცელდა მთელ სსრ კავშირში, რითაც დიდი პოლიტიკური და მორალური დარტყმა იგემეს სეპარატისტებმა.¹⁹²⁹

1990 წლის შემოდგომისათვის მოვლენათა მსვლელობამ აფხაზეთში წარმოშვა სერიოზული პოლიტიკურ-კონსტიტუციური კონფლიქტის გაჩაღების წანამდღვრები. გამოიკვეთა სეპარატისტებისა და იმპერიული ცენტრის ალიანსის მხრიდან

¹⁹²⁶ . კომუნისტი, 1990, 10 მარტი.

¹⁹²⁷ . Советская , 1990, 28

¹⁹²⁸ . კომუნისტი, 1990, 27 აგვისტო.

¹⁹²⁹ . ჯ. გამახარია. აფხაზეთი..., გვ. 8.

საქართველოს ტერიტორიულ სუვერენიტეტზე მორიგი შეტევის რეალური ტენდენცია. პოლიტიკურ-სიტუაციური ფორმატის ამგვარი სცენარის ბლოკირება იმ ეტაპზე უზრუნველყო 1990 წლის ოქტომბრის ეროვნულმა საპარლამენტო რევოლუციამ საქართველოში.

თავი XIX. აფხაზეთი საქართველოს სახელმწიფოებრივი დამოუკიდებლობის აღდგენის პირველ წლებში (1990–1992წწ.).

1990წ. 28 ოქტომბერს ჩატარებულ არასაბჭოურ და პლურალისტურ საპარლამენტო არჩევნებში ბლოკმა – „მრგვალი მაგიდა-თავისუფალი საქართველო“ მიიღო ამომრჩეველთა ხმების 57 % და შექმნა მყარი საკანონმდებლო უმრავლესობა.

ახლადარჩეული უზენაესი საბჭოს პირველმა სესიამ, 1990წ. 14 ნოემბერს თავმჯდომარედ აირჩია ზვიად გამსახურდია, მიიღო კანონი გარდამავალი პერიოდის შესახებ, რომელიც ითვალისწინებდა ღონისძიებათა კომპლექსს საქართველოს დამოუკიდებლობის დე-იურე და დე-ფაქტო აღდგენის უზრუნველსაყოფად.

ამდენად, 1990 წლის ოქტომბრის საპარლამენტო რევოლუციის შედეგად საქართველოს ეროვნული მოძრაობა გახდა ოფიციალური სახელმწიფო ხელისუფლება, კონსტიტუციური სისტემის უმაღლესი სუბიექტი. მაგრამ იმის გამო, რომ საბჭოთა კავშირი კიდევ განაგრძობდა არსებობას და საქართველოც დე-ფაქტო მის შემადგენლობაში შედიოდა, საქართველოს ეროვნული ხელისუფლება იმავდროულად წარმოადგენდა ეროვნული მოძრაობის მაკოორდინირებელ სტრუქტურას და იმპერიული ცენტრის მიმართ ეროვნული დაუმორჩილებლობის ინსტიტუტს.

შექმნილი სპეციფიკური ვითარებიდან გამომდინარე, საქართველოს ეროვნული ხელისუფლების ინსტიტუციონალური დუალიზმის გათვალისწინებას უადრესად დიდი მნიშვნელობა აქვს პრაქტიკული პოლიტიკის სფეროში მის მიერ გადადგმული ზოგიერთი არაორდინალური ნაბიჯის ობიექტური გაცნობიერებისათვის.

საქართველოს ეროვნული მთავრობისა და პრეზიდენტ ზ. გამსახურდიას¹⁹³⁰ პოლიტიკა აფხაზეთში მთლიანად და სავსებით გამომდინარეობდა ქვეყნის ტერიტორიული ერთიანობის ფუძემდებლური კონცეფციიდან. საქართველოს ახალ პოლიტიკურ ელიტას შესანიშნავად ესმოდა აფხაზეთის კრიზისის პოზიტიურად გადაწყვეტის დიდი, ზოგიერთი თვალსაზრისით კი განმსაზღვრელი მნიშვნელობა დამოუკიდებელი ქართული სახელმწიფოებრიობის ფორმირების პროცესში. ამასთან, აფხაზეთსა და მის გარშემო შექმნილი ვითარების გათვალისწინებით, განსაკუთრებით კი კრემლის მიერ აფხაზეთი სეპარატიზმის მხარდაჭერისა და ეთნოკრიზისის ინსპირირების რეალური პერსპექტივისადმი ანგარიშის გაწევის გამო, ეს პოლიტიკა ხასიათდებოდა აფხაზეთ ეთნოკრატიასთან იძულებითი, ასე ვთქვათ, ფორს-მაჟორული კომპრომისის ტაქტიკის გამოყენების ტენდენციით. კომპრომისის ტაქტიკა, რომელიც ემყარებოდა საქართველოს სახელმწიფოს შემადგენლობაში აფხაზეთა სპეციფიკური პოლიტიკური უფლებების გარანტირებას, არ იყო ზ. გამსახურდიას ხელისუფლების თვითმიზნური პოლიტოგემა: კომპრომისის გავრცელების ველს და დისკუსიას არ ექვემდებარებოდა საქართველოს ტერიტორიული მთლიანობა, ტერიტორიულ-ადმინისტრაციული უნიტარიზმი და სუვერენიტეტის სივრცის ხელშეუხებლობა მდ. ფსოუმდე.

1990 წლის დეკემბრის დასაწყისში წარუმატებულად დასრულდა ბ. ადღეიბასა და მისი „ოჩამჩირული დაჯგუფების“ პოლიტიკურ პროცესში დამკვიდრების მცდელობა, რასაც საწყის ეტაპზე მხარს უჭერდა ზ. გამსახურდია¹⁹³¹.

1991 წელს აფხაზეთში ინტენსიურად წარიმართა იმპერიულ ცენტრს დაქვემდებარებული სეპარატისტული პოლიტიკური კონიუნქტურის ფორმირების პროცესი – სეპარატისტული ორიენტაციის პოლიტიკური პარტიების, ჯგუფებისა და გაერთიანებების ჩამოყალიბება. ამ პროცესის ლოგიკური შედეგი იყო იმპერიულ ცენტრს დაქვემდებარებული და მისი მხრიდან სამხედრო-პოლიტიკურ-ეკონომიკურ

¹⁹³⁰ . 1991 წლის 9 აპრილს, 31 მარტის რეფერენდუმის შედეგების საფუძველზე, საქართველოს უზენაესმა საბჭომ მიიღო დამოუკიდებლობის აღდგენის აქტი, ხოლო 26 მაისის საქართველოს ისტორიაში პირველ პლურალისტურ საპრეზიდენტო არჩევნებში გაიმარჯვა ზვიად გამსახურდიამ.

¹⁹³¹ . დაწერილებით ის: გ. ჭანია კონფლიქტი აფხაზეთში: ისტორიული კანონზომიერება თუ საბედისწერო შეცდომა?! თბ., 2003, გვ. 142-156..

პროტექციაზე ორიენტირებული სეპარატისტული პოლიტიკური სივრცის, იგივე „ომის რეზერვუარის“ შექმნა¹⁹³²

აფხაზური ეთნოკრატის ცენტრალური პოლიტიკური პარტია და სეპარატიზმის ინსტიტუციონალური ბირთვი გახდა სახალხო ფორუმი „აიდგილარა“ („თანადგომა“), რომელიც 1988წ. 13 დეკემბრის დამფუძნებელ ყრილობაზე შეიქმნა. მისი პირველი თავმჯდომარე იყო აფხაზი პოეტი ა. გოგუა. „აიდგილარას“ მეორე (რიგგარეშე) ყრილობაზე 1990წ. 3 თებერვალს ფორუმის ლიდერი გახდა ს. შამბა. თავისი ეკლექტიკური თეორიული დებულებების გამო პრაქტიკულად შეუძლებელია ამ ორგანიზაციის პოლიტიკური კონცეფციის დახასიათება პოლიტოლოგიის ნორმატიული სქემების ფარგლებში. შეუძლებელია ასევე მისი მიკუთვნება ამა თუ იმ პოლიტიკურ-პარტიული „არეოპაგისთვის“ – მემარჯვენე, მემარცხენე, ცენტრისტული, მემარჯვენე-ცენტრისტული თუ მემარცხენე-ცენტრისტული. ერთადერთი რამ, რაშიც შეიძლება ცალსახად და არაორაზროვნად დახასიათდეს „აიდგილარას“ პოლიტიკური რენომე – ეს არის ანტიქართული სეპარატისტული იდეოლოგია: საქართველო არის „მცირე იმპერია“; მას ახასიათებს იმპერიული მენტალიტეტი; აფხაზეთის გამოყოფა საქართველოსგან არის „აფხაზი ხალხის თვითგამორკვევის უმაღლესი ფორმა“ და მისი უსაფრთხოების გარანტია.

„აიდგილარა“ იმთავითვე მოითხოვდა აფხაზეთის სუვერენიზაციას. 1989–1991წწ. პირობებში ამ სტატუსის უზრუნველყოფის ერთადერთ საშუალებად მას მიაჩნდა „საბჭოთა კავშირის ეროვნულ-სახელმწიფოებრივი მოწყობის ოთხსაფეხურიანი სტრუქტურის გაუქმება და ფედერაციის მშენებლობა ჰორიზონტალური პრინციპით“¹⁹³³. საქართველოს შემთხვევაში ფედერალური ჰორიზონტალიზმი, გულისხმობდა აფხაზეთისა და სამხრეთ ოსეთის ავტონომიების სტატუსის გაფართოებას მოკავშირე რესპუბლიკების სტატუსის დონეზე და უშუალო დაქვემდებარებას მოსკოვისადმი. 1992 წლიდან „აიდგილარას“ სეპარატისტული საქმიანობა განსაკუთრებით გააქტიურდა, ხოლო აფხაზეთის ომის შემდეგ მან შეასრულა სეპარატისტული კვაზისახელმწიფოს პოლიტიკური ლიდერებისა და ისტებლიშმენტის ინკუბაციის ფუნქცია.

1991წ. შეიქმნა მემარცხენე-ცენტრისტული ორიენტაციის აფხაზეთის სახალხო პარტია, რომელსაც სათავეში ჩაუდგა ი. ლაკობა¹⁹³⁴. ფაქტობრივად ეს პარტია იყო (და არის) ანალოგიური სახელწოდების რუსეთის პარტიის ფილიალი¹⁹³⁵. შექმნის დღიდანვე აფხაზეთის სახალხო პარტია ავითარებდა გარკვეულწილად კრიტიკულ-ოპოზიციურ ხაზს „აიდგილარას“ მიმართ, მაგრამ საქართველოს ცენტრალურ ხელისუფლებასთან დამოკიდებულებისა და ე.წ. აფხაზეთის დამოუკიდებლობის საკითხებში ისინი გამოდიოდნენ ერთიანი პოზიციითა და ინტეგრალური სეპარატისტული პლატფორმით.

სეპარატისტული პოლიტიკური კონიუნქტურის ჩამოყალიბებაში მნიშვნელოვანი როლი შეასრულეს აფხაზეთში მცხოვრები არაქართულ-არააფხაზური ეთნიკური თემების კონსოლიდაციის მიზნით შექმნილმა პარაპოლიტიკურმა გაერთიანებებმა.

1991 წლის 23 აპრილს შეიქმნა „სლავური სახლი – რუსული კულტურის საზოგადოება აფხაზეთში“, რომლის გამგეობის თავმჯდომარე გახდა ვ. ლოგინოვი. ოფიციალურად დეკლარირებული საქველმოქმედო კულტურული პროექტების მიუხედავად, „სლავური სახლი“ იყო მკაცრად იდეოლოგიზებული პოლიტიკური ორგანიზაცია, რომლის ფუნქციას აფხაზეთში რუსეთის იმპერიული პოლიტიკის გატარება წარმოადგენდა. ეს ფუნქცია მას უნდა განეხორციელებინა საბჭოთა და რუსეთის სპეცსამსახურებთან პირდაპირი კავშირებით, აფხაზეთში მოქმედი ყველა არააფხაზური ჯგუფის კონსოლიდაციით ანტიქართულ პლატფორმაზე.

¹⁹³² . ამ საკითხის დაწერილებითი ანალიზი საინტერესოა იმდენად, რამდენადაც ომის შემდგომი სეპარატისტული კვაზისახელმწიფოს მმართველი ნომენკლატურა სწორედ „ომის პარტიის“ ბაზაზე ჩამოყალიბდა უპირატესწილად.

¹⁹³³ . („...“), 1, 1989, 25

¹⁹³⁴ წ.წ. ნოვოპოლ.რუ/არტიკლე 1283. პტმლ.

¹⁹³⁵ . „დამოუკიდებელი“ აფხაზეთის ერთ-ერთი პარტიის ლიდერი ი. ლაკობა 2003 წ. მონაწილეობდა რუსეთის სახელმწიფო სათათბიროს არჩევნებში, რუსეთის სახალხო პარტიის სიით (სიც).

„სლაგური სახლის“ საქმიანობის კონტექსტში ყურადღებას იქცევს ერთი ნიშანდობლივი მომენტი: მთელ საბჭოთა კავშირში (განსაკუთრებით ბალტიისპირეთსა და რუსეთის ფედერაციის მუსულმანურ ანკლავებში) ანალოგიური ფორმალური სტატუსის მქონე სტრუქტურები „მოდვაწეობდნენ“ რუსულ-სლაგური მოძრაობის უფლებადაცვითი ფორმატით, რუსული დიასპორის კულტურულ მოთხოვნებთან რეალიზაციისთვის. ეს გარემოება ობიექტურად განაპირობებდა მათ ოპოზიციას „სატიტულო“ ერების (ესტონელების, ლიტველების, ბაშკირების, თათრების და სხვ.) წარმომადგენლებთან. აფხაზეთში ამგვარი ოპოზიციურობის ნატამალიც არ იგრძნობოდა და „სლაგური სახლი“ „აიდგილარას“ ოპონენტის კი არა, არამედ აშკარა მხარდამჭერისა და ერთგვარი „გონებრივი ცენტრის“ ფუნქციას ასრულებდა.

„სლაგური სახლი“ მოგვიანებით სამხედრო დახმარებასაც უწევდა აფხაზ სეპარატისტებს და მათ რუსულ-კაზაკური ფორმირების ჩამოყალიბებაში უწევდა ხელს. ასე, მაგალითად, 1992 წლის 14 ივნისს „სლაგური სახლის“ ეგიდით გამართულ აფხაზეთის კაზაკთა ყრილობაზე შეიქმნა გასამხედროებელი ორგანიზაცია „სათვისტომო“, რომლის ატამანად აირჩიეს ვინმე ვ. შმალი¹⁹³⁶.

ეთნოპოლიტიკური ნიშნით და რუსულ-იმპერიული ინტერესების საფუძველზე შეიქმნა სომხური გაერთიანება „კრუნქი“. ის მთლიანად მოექცა აფხაზური ეთნოკრატიისა და „სლაგური სახლის“ გავლენის ქვეშ. „კრუნქის“ ლიდერი ა. ტაპოლიანი სეპარატისტული ნომენკლატურის აქტიური წევრი გახდა, ხოლო სომხური მოსახლეობის რეკრუტირების ბაზაზე შექმნილი ე.წ. „ბაგრაშიანის ბატალიონი“ გამოირჩეოდა განსაკუთრებული სისასტიკით ქართველი მოსახლეობის მიმართ, იყო ეთნიკური წმენდის, გენოციდისა და ჰუმანიტარული კატასტროფის ერთ-ერთი აქტიური „შემოქმედი“.

ასე ჩამოყალიბდა აფხაზეთში პოლიტიკური სივრცის იმპერიულ ცენტრზე ორიენტირებული და მთლიანად მისი პროტექციის ქვეშ მყოფი სეპარატისტული სეგმენტი, როგორც ინტეგრირებული „ომის პარტია“.

მაგრამ 1991 წლის კონკრეტულ-ისტორიულ სიტუაციაში, ზ. გამსახურდიას ხელისუფლების სტაბილური ეროვნულ-სახელმწიფოებრივი პოზიციისა და მასობრივი მხარდაჭერის პირობებში, ვ. არძინბას კლანი ვერ ბედავდა აშკარა სეპარატისტული პოლიტიკის წარმოებას. ვ. არძინბა და მისი გარემოცვა, მიუხედავად ანტიქართული ორიენტაციისა, იძულებულნი იყვნენ მიეღოთ არსებული „თამაშის წესები“ და თავი შეეკავებინათ აქტიური სეპარატისტული პოლიტიკური აქციებისაგან.

თუ არ ჩავთვლით 1991 წლის 17 მარტს აფხაზეთის ტერიტორიაზე სსრკ-ს შენარჩუნების თაობაზე მასობრივი გაყალბებისა და კენჭისყრის პროცესიდან გალის რ-ნის გამოთიშვის გზით ჩატარებულ „რეფერენდუმს“, ამასთანავე 1991 წლის აპრილი-ივნისში ვ. არძინბას უკანონო მონაწილეობას საბჭოთა კავშირის პრეზიდენტის მ. გორბაჩოვის მიერ ახალი სამოკავშირეო ხელშეკრულების დასადავად „9+1“ ფორმატით ინიცირებულ ე.წ. „ნოვო ოგარიოვოს პროცესში“, თბილისის გადატრიალებამდე ვ. არძინბას არ (თუ ვერ) მიუღია არცერთი სეცესიონისტური იურიდიული აქტი. ოფიციალურ თბილისსა და სოხუმს შორის ურთიერთობა მიმდინარეობდა „კანონთა ომის“ ან, ვთქვათ, „ცივი ომის“ ფორმატში, თანაც არსებული კონსტიტუციური სისტემის ფარგლებში.

საქართველოში რუსეთის სამხედრო ყოფნის, იმპერიული ცენტრის მიერ აფხაზეთში ეთნოკონფლიქტის ინსპირირების რეალური ბერკეტების ფლობის გამო ზ. გამსახურდიამ კომპრომისული ტაქტიკა განაგრძო მას შემდეგაც, რაც 1991 წ. 31 მარტის დამოუკიდებლობის რეფერენდუმმა, იმავე წლის 9 აპრილის საქართველოს სახელმწიფოებრივი დამოუკიდებლობის აღდგენის დეკლარაციამ და 26 მაისის საპრეზიდენტო არჩევნებმა სერიოზული დარტყმა მიაყენეს სეპარატისტულ მოძრაობას აფხაზეთში. ამაზე ნათლად მეტყველებს რეფერენდუმისა და საპრეზიდენტო არჩევნების ოფიციალური სტატისტიკაც. მიუხედავად „აიდგილარას“ და სხვა სეპარატისტული ორგანიზაციების, თვით ვ. არძინბას რეჟიმის მხრიდან ბოიკოტის გა-

¹⁹³⁶ . ს. ჩერვონაია. დასახ. ნაშრომი, გვ. 113.

მოცხადებისა, რეფერენდუმში მონაწილეობა მიიღო ამომრჩეველთა საერთო რაოდენობის (347175) 61,27%-მა. საქართველოს დამოუკიდებლობას ხმა მისცა 97,73%-მა, ანუ ამომრჩეველთა საერთო რაოდენობის 60%-მა. თითქმის იგივე მაჩვენებელი განმეორდა საპრეზიდენტო არჩევნებშიც.¹⁹³⁷

თავის საინაუგურაციო გამოსვლაში, 1991 წლის 7 ივნისს, ზ. გამსახურდიამ კიდევ ერთხელ დააფიქსირა დამოუკიდებელი საქართველოს ურყევი ნება – დაეცვა აფხაზთა ეროვნული უფლებების ხელშეუხებლობა პოლიტიკური ავტონომიის კონსტიტუციური გარანტიების საფუძველზე.¹⁹³⁸

1991 წლის ივნის-ივლისში ოფიციალურ თბილისსა და ვ. არძინბას გარემოცვას შორის გამართული ინტენსიური კონსულტაციების შედეგად შემუშავდა კომპრომისული კონსტიტუციური შეთანხმებების პაკეტი, რომელიც შეიცავდა ახალ საარჩევნო კოდექსს და კონსტიტუციური ცვლილებების პაკეტს, რომლის საკანონმდებლო რეალიზაცია განხორციელდა 1991 წლის ივლის-აგვისტოში.

9 ივლისს აფხაზეთის უმაღლესი საბჭოს სესიამ მიიღო ახალი საარჩევნო კოდექსი – კანონი „აფხაზეთის ასსრ უმაღლესი საბჭოს დეპუტატთა არჩევნების შესახებ“.¹⁹³⁹ კანონი ითვალისწინებდა ამომრჩეველთა თანაბარი რაოდენობის ძირითადი პრინციპების დაცვით ერთმანდატიანი საარჩევნო ოლქების დემარკაციას ეთნიკურ ზონებად და ავტონომიური პარლამენტის დაკომპლექტებას ეთნიკური კვორტების პრინციპით. უმაღლესი საბჭოს 1991 წ. 27 აგვისტოს გადაწყვეტილებით, აფხაზეთი ეთნიკური ზონა წარმოდგენილი იყო 28 ერთმანდატიანი ოლქით მოსახლეობის საერთო რაოდენობის 17,3 %-ის პირობებში, ქართული – 26-ით მოსახლეობის საერთო რაოდენობის 47,7 %-ის შემთხვევაში, ხოლო სხვა დანარჩენი ეროვნებების – 11. აქედან გამომდინარე, 65 წევრიდან პარლამენტში აფხაზებს ეძლეოდათ 28 სადეპუტატო მანდატი, ქართველებს – 26 და დანარჩენი ეროვნების წარმომადგენლებს – 11. წარმომადგენლობითი პროპორცია 28+26+11 ცალსახად არ შეესაბამებოდა აფხაზეთის მოსახლეობის ეთნოდემოგრაფიულ სტრუქტურას და ეთნიკური თემების რაოდენობრივ-პროცენტულ თანაფარდობას.¹⁹⁴⁰

27 აგვისტოს მიღებულ იქნა კონსტიტუციურ ცვლილებათა პაკეტი. კანონით „აფხაზეთის ასსრ კონსტიტუციაში ცვლილების შეტანის შესახებ“ კონსტიტუციის 98-ე მუხლი ჩამოყალიბდა ასეთი რედაქციით: „კანონები და სხვა აქტები აფხაზეთის ასსრ სამართლებრივი სტატუსის საკითხებზე მიიღება აფხაზეთის ასსრ უზენაესი საბჭოს დეპუტატთა საერთო რაოდენობის ორი მესამედი ხმებით...“¹⁹⁴¹

იმავე დღეს მიღებულ იქნა კანონის „აფხაზეთის ასსრ საყოველთაო-სახალხო კენჭისყრის (რეფერენდუმის) შესახებ“ ახალი რედაქცია, რომლის მეხუთე მუხელში დაფიქსირდა, რომ საკონსტიტუციო ცვლილებების შესახებ რეფერენდუმის დასანიშნად საჭირო იყო დეპუტატთა საერთო რაოდენობის ორი მესამედის თანხმობა.¹⁹⁴²

1991 წლის კომპრომისის საკანონმდებლო მოდელის როგორც მაშინდელი, ისე დღევანდელი კრიტიკოსები მას ცალსახად ნეგატიურ შეფასებას აძლევენ, მიიჩნევენ ზ. გამსახურდიას სერიოზულ შეცდომად და ავტონომიურ რესპუბლიკაში 1992-1993 წლებში დატრიალებული ტრაგედიის ერთერთ მიზეზად. ამასთან, ისინი ეყრდნობიან შიშველ აბსტრაქტულ სქემებს და არა პოლიტოლოგიისა და კონსენსუსური პოლიტიკური დიალოგის კანონზომიერებებს. ოპონენტები ცდილობენ საპარლამენტო ეთნოკვოტირების სპეციფიკას მოუძებნონ ზედაპირული საერთაშორისო „ანალოგიები“, მაგალითად, სამხრეთ აფრიკის რესპუბლიკაში ათწლეულების განმავლობაში მოქმედი აპარტეიდული სისტემის სახით. ასე გაჩნდა ისტორიოგრაფიასა და პოლიტიკური პუბლიცისტიკის ერთ ნაწილში 1991 წლის 9

¹⁹³⁷ . ჯ. გამახარია. ზვიად გამსახურდიას პოლიტიკა აფხაზეთში (1990–1993 წწ.), თბ., 2004, გვ. 7.

¹⁹³⁸ . საქართველოს რესპუბლიკა, 1991, 8 ივნისი.

¹⁹³⁹ . აფხაზეთის ხმა, 1991, 18 ივლისი.

¹⁹⁴⁰ . იხ. ამის შესახებ: ზ. პაპასჭირი. ნარკვევები..., ნაკვ. II, გვ. 314-322.

¹⁹⁴¹ . რეგიონალური კონფლიქტები საქართველოში – სამხრეთ ოსეთის ავტონომიური ოლქი, აფხაზეთის ასსრ (1989-2001). პოლიტიკურ-სამართლებრივი აქტების კრებული. შემდგენელი და მთ. რედაქტორი თ. დიასამიძე. თბ., 2002, გვ. 51.

¹⁹⁴² . იქვე.

ივლისის საარჩევნო კანონის „აპარტიდულ“ კანონად, ხოლო მის საფუძველზე აფხაზეთში ჩამოყალიბებული პარტიულ-პოლიტიკური სისტემის „აპარტიდად“ სახელდების კონიუნქტურული ტენდენცია.

გაოცებას იწვევს „აპარტიდისტების“ უაღრესად ვულგარული და ანტიმეცნიერული პარალელიზმი, მათ მიერ სამხრეთ აფრიკის რესპუბლიკაში არსებული აპარტიდული რეჟიმის სუბსტრატული მახასიათებლების – თეთრკანიანთა და ფერადკანიანთა სრული გამიჯნვა, რასობრივი და ეთნიკური სეგრეგაციის სახელმწიფო პრაქტიკა და ა.შ. – გაუთვალისწინებლობა.

ისმის კითხვა: აფხაზეთის ქართული მოსახლეობის რომელი „რეზერვატი“, „ლოკაცია“ თუ „ბანტუსტანი“ იქმნებოდა 1991 წლის საარჩევნო კანონით? ან რომელი სამთავრობო თუ საზოგადოებრივი დაწესებულების ცალ-ცალკე, აფხაზთა და ქართველთა ეთნოკორპორაციული გამხოლოების საფუძველზე ჩამოყალიბებას უწყობდა ის ხელს?

მაინც როგორ აზრობრივ კონსტრუქციაში შეიძლება ავხსნათ 1991 წ. კომპრომისი და რა ფაქტორების ანალიზზე დაყრდნობით შეიძლება უკუვაგდოთ „აპარტიდისტების“ არაადეკვატური, ხშირ შემთხვევაში პიროვნულად ზ. გამსახურდიასადმი პათოლოგიური სიძულვილით ნასაზრდოები იაფფასიანი და აშკარად რედუცირებული ინტერპრეტაციები? უწინარეს ყოვლისა, აუცილებელია ანალიზის მეთოდოლოგიური პლასტის ოპტიმიზაცია. „აპარტიდისტები“ პრობლემას უდგებიან კონიუნქტურული და ნაწილობრივ მორალური პოზიციებიდან, აქაოდა როგორ შეიძლებოდა ქართული 47,7%-იანი მოსახლეობის საპარლამენტო წარმომადგენლობა განსაზღვრულიყო 26, ხოლო 17,3%-იანი აფხაზი მოსახლეობისა – 28 დეპუტატით. ისინი მიზანმიმართულად ახდენენ კომპრომისის ქართული სეგმენტის (ფორმულის 28+26+11) აბსოლუტიზაციას, თითქოს კომპრო-მისის შემსვედრი აფხაზური სეგმენტი (საკონსტიტუციო ცვლილებები) სულაც არ ყოფილიყოს. არადა, ამ შემთხვევაში საჭირო და აუცილებელია სწორედ რეალპოლიტიკური მიდგომა, საკითხის ანალიზი კონსენსუსის, კომპრომისული დიალოგის, ინტერესთა ურთიერთბადანსის პოლიტიკურ-ტექნოკრატიულ სქემებში.

რასაკვირველია, ეთნოკვოტირების პრინციპი და აფხაზეთის უმაღლესი საბჭოს ეთნიკური შემადგენლობის შეუსაბამობა ავტონომიური რესპუბლიკის ეთნოდემოგრაფიულ სტრუქტურასთან იყო საპარლამენტო პრაქტიკისთვის არატრადიციული, არასასიამოვნო და გარკვეულწილად არაპოპულარული ფაქტი. ამ თვალსაზრისით, კომპრომისს ჰქონდა ნეგატიური ასპექტები (რაზეც არაერთხელ მიუთითებდა ზ. გამსახურდიაც), მაგრამ ნებისმიერი კომპრომისის არსიც ხომ ამაშია.

ეთნოკვოტირების ფორმულა (28+26+11), 1991 წ. 9 ივლისს მიღებული საარჩევნო კანონის უხეში დარღვევით ერთმანდატიან ქართულ ოლქებში ამომრჩეველთა რაოდენობის 4–5-ჯერ და მეტად აღმატება აფხაზური ოლქების ანალოგიურ მაჩვენებელზე ეწინააღმდეგებოდა არა მხოლოდ საპარლამენტო არჩევნების ტრადიციულ პრაქტიკას, არამედ საერთაშორისო ჰუმანიტარული სამართლის¹⁹⁴³ პრინციპებს ეროვნული წარმომავლობის მიუხედავად ადამიანთა პოლიტიკური თანასწორობის შესახებ.

მაგრამ ეს იყო დროებითი, იძულებითი კომპრომისი, გამოწვეული გლობალური სიტუაციის სპეციფიკითა და საქართველოზე ზემოქმედი მადესტაბილიზებელი ტენდენციებით. ამ ფაქტორებს შორის აღსანიშნავია: იმპერიული ცენტრის ძლიერება, მის მიერ უკვე გახსნილი პირველი ანტიქართული ფრონტი შიდა ქართლში და აფხაზეთში ეთნოკონფლიქტის ინსპირირების პერსპექტივა. ცხადია, რომ ასეთ პირობებში საქართველოს ცენტრალური ხელისუფლების კომპრომისი მიზნად ისახავდა დაძაბულობის განმუხტვას და ქვეყნის დაცვას ომისა და სახელმწიფოებრივი დაშლისაგან.

ამ თვალსაზრისით აღსანიშნავია ერთი გარემოება: აფხაზეთის უმაღლესი საბჭოს არჩევნების შესახებ საქართველოს უზენაესი საბჭოს 1991 წ. 27 თებერვლის

¹⁹⁴³ . 1948 წლის ადამიანის უფლებათა საყოველთაო დეკლარაციის, 1966 წლის ადამიანის უფლებათა ენევის ფაკულტა-ტური ოქმის, 1966 წლის ადამიანის სამოქალაქო და პოლიტიკური უფლებების ევროპული კონვენციის და სხვ.

დადგენილების შესაბამისად, იმავე წლის 1 ოქტომბერს მთავრდებოდა აფხაზეთის 1986 წლის მოწვევის უმაღლესი საბჭოს გადარჩევისათვის დადგენილი ახალი ვადა¹⁹⁴⁴ და ამ დრომდე არჩევნების ჩაუტარებლობის შემთხვევაში კრემლს შეიძლებოდა შემოეღო პირდაპირი საპრეზიდენტო მმართველობის რეჟიმი. ამიტომ საარჩევნო კანონმდებლობის საკითხზე მოლაპარაკების ჩაშლითა და კანონის ოპტიმალურ ვადებში არმდებოდა საქართველოს ხელისუფლება იურიდიულ საბაზს აძლევდა კრემლს აფხაზეთზე პირდაპირი იურისდიქციის დაწესებისათვის.

რაც შეეხება კომპრომისული კონსტიტუციური პაკეტის შინაგან ანატომიას, ის შეიცავდა აფხაზეთში ქართული ინტერესების რეალიზაციის მთელ კომპლექსს. აფხაზეთის სამართლებრივი სტატუსის საკითხებზე (როგორც პარლამენტის შიგნით, ასევე რეფერენდუმულ-პლებისციტარულ დონეზე) გადაწყვეტილების მისაღებად აუცილებელი იყო კვალიფიცირებული უმრავლესობა, რომელსაც არათუ აფხაზეთი დეპუტაცია, არამედ მასთან ინტეგრირებული სხვა ეროვნებათა დეპუტატებიც ვერ ქმნიდნენ ერთად აღებულნი. მაშასადამე, აფხაზეთის პარლამენტში ეთნიკური აფხაზების უმნიშვნელო უმრავლესობა და საერთოდ ნებისმიერი კოალიცია ქართული ეთნიკური დეპუტაციის გარეშე არ წარმოადგენდა „კონსტიტუციურ უმრავლესობას“, რადგანაც კონსტიტუციური ცვლილებების მისაღებად საჭირო იყო ქართული ფრაქციის თანხმობა.

პოლიტიკური თვალსაზრისით ეს იმას ნიშნავდა, რომ საქართველოს პრეზიდენტს შესაძლებლობა ჰქონდა გაეუქმებინა საქართველოს შემადგენლობიდან აფხაზეთის გამოყოფის, ან ამგვარი გამოყოფის ეტაპობრივ-პროცესუალური უზრუნველყოფის ნებისმიერი უკანონო გადაწყვეტილება. ეს მომენტი – საქართველოს ტერიტორიული მთლიანობის დაშლის ბლოკირების მექანიზმი, პრეზიდენტის დე-ფაქტო და დე-იურე ვეტო აფხაზეთის შესაძლო სეცესიაზე – უნდა მივიჩნიოთ 1991 წ. კომპრომისის უმთავრეს მახასიათებლად. კომპრომისული პაკეტი ასევე ითვალისწინებდა ქართულ-აფხაზეთ თანხმობას სამთავრობო სტრუქტურების ჩამოყალიბებისათვის. ქართული სექტორის ნომენკლატურული პრეფერენცია გარანტირებული იყო პარლამენტის პირველი ვიცე-სპიკერისა და მინისტრთა საბჭოს თავმჯდომარის ეთნიკური ქართველობით.

ავტონომიური რესპუბლიკის ისტებლიშმენტს უნდა ემუშავა „ორმხრივი კონსენსუსის“ წესებით, ე.ი. ნებისმიერი მნიშვნელოვანი გადაწყვეტილების მისაღებად აუცილებელი იყო მოსახლეობის ორი ძირითადი ეთნიკური (ქართულ-აფხაზეთი) ზონის კოოპერაცია და კონსტრუქციული თანამშრომლობა. მაგალითად, მინისტრების დამტკიცებას პარლამენტში კვალიფიცირებული უმრავლესობა, შესაბამისად, შეთანხმება სჭირდებოდა.

1991 წლის კომპრომისის მთავარი მიზანი აფხაზეთი ეთნოკრატის ინტეგრაციული ვექტორის რადიკალური შემობრუნება, რუსული ორიენტაციის განეიტრალება და ქართულ სივრცეში მისი რეინტეგრაციის დაწყება იყო. ამ თვალსაზრისით კომპრომისი მიზნად ისახავდა სეპარატისტული პოლიტიკური ენერჯის ეფექტურ მართვას და მისთვის შიდასახელმწიფოებრივი დინების მიცემას. ოსების ავტონომიის ლიკვიდაციისა და აჭარის ავტონომიის გაუქმების რეფერენდუმული საწყისების მზადების პარალელურად 1991 წლის კომპრომისული პაკეტის დადების ფონზე აფხაზეთმა მართლაც ირწმუნეს, რომ საქართველოს ეროვნული ხელისუფლების ანტიავტონომისტური კურსი მათ არ შეეხებათ და თბილისთან შეიძლება დიალოგი გარკვეულ პოზიტიურ პლატფორმაზე.

ფორმულა 28+26+11 აფხაზეთში ნერგავდა მკვიდრი (28+26) და არამკვიდრი (11) ეთნოსების ცნებას. აქედან გამომდინარე, აფხაზეთი ეთნოკრატია ქართველებს ცნობდა აფხაზეთის მკვიდრ ეთნოსად, შესაბამისი სახელმწიფოებრივ-უფლებრივი გარანტიებით, და პირიქით. აფხაზეთის კონსტიტუციაში შევიდა ცვლილებები - „საქართველოს სსრ-ს“ ნაცვლად ჩაიწერა „საქართველოს რესპუბლიკა“, რითაც აფხაზეთმა მხარემ აღიარა საქართველოში საბჭოთა სიმბოლიკის ლიკვიდაციის ფაქტი, აფხაზეთის ასსრ კი დამოუკიდებლობაადგენილი საქართველოს

¹⁹⁴⁴ . ჯ. გამახარია. ზვიად გამსახურდიას პოლიტიკა აფხაზეთში, გვ. 4.

რესპუბლიკის ნაწილად დაფიქსირდა. აფხაზეთის პოლიტიკურ-სამართლებრივი სტატუსის შესახებ კანონი ძალაში შედიოდა მხოლოდ საქართველოს ცენტრალური და აფხაზეთის ავტონომიური პარლამენტების მიერ მისი მიღების მომენტიდან. ამით ფაქტობრივად გამოირიცხა სტატუსის თაობაზე ცალმხრივი კანონიერი გადაწყვეტილების მიღების შესაძლებლობა.

მთავარი მაინც ის იყო, რომ აფხაზეთმა ეთნოკრატიამ ცნო საქართველოს ტერიტორიული მთლიანობა, ყოველგვარი შუამავალი მისიებისა და მოსკოვის მედიატორობის გარეშე ოფიციალურ თბილისთან დადო პოლიტიკური შეთანხმება ერთიან სახელმწიფოებრივ სივრცეში ყოფნის შესახებ, თანაც საქართველოს ფედერალიზაციის თუ კონფედერალიზაციის მოთხოვნის გარეშე. ამით აფხაზეთმა ეთნოკრატიამ როგორც საკუთარი პოლიტიკური უფლებების, ისე აფხაზეთში მთელი პოლიტიკური პროცესის წყაროდ და სუბიექტად დამოუკიდებელი საქართველოს ეროვნული ხელისუფლება ცნო. პირდაპირ თუ ირიბად, აფხაზეთმა აღიარეს, რომ ავტონომიის სტატუსის საფუძველი არის არა ცალკე აფხაზი ერის თვითგამორკვევა ან რომელიმე საკავშირო-იმპერიული აქტი, არამედ საქართველოს ხელისუფლების პოლიტიკური ნება და მასთან შეთანხმება.

დაბოლოს, კიდევ ერთი სადისკუსიო საკითხის შესახებ: აბსოლუტურად მცდარია მოსაზრება ეთნოკოტირების მოდელის უპრეცედენტობის შესახებ, თითქოს ეს იყო ექსკლუზიურად ზ. გამსახურდიას ხელისუფლების გამოგონება.

აფხაზეთის ისტორიაში პირველ პარლამენტში, ე.ი. 1919 წლის 13 თებერვალს არჩეულ აფხაზეთის სახალხო საბჭოში 40 წევრიდან 17 ეთნიკური აფხაზი იყო, 15 – ქართველი და 8 – სხვა ეროვნების წარმომადგენელი.

აფხაზეთის ბოლო საბჭოთა პარლამენტში, 1986 – 1991 წწ. მოწვევის უმაღლეს საბჭოში კი ასეთი პროპორციის ეთნოსტრუქტურა იყო: 140 წევრიდან – 57 აფხაზი, 54 ქართველი და 29 სხვა ეროვნების წარმომადგენელი. ასე რომ, წმინდა რაოდენობრივი მაჩვენებლებით ეთნიკურ აფხაზთა წარმომადგენლობითი პრეფერენციის პრინციპი არსებობდა ავტონომიური პარლამენტარიზმის ისტორიის თითქმის ყოველ ეტაპზე. ის გარემოება, რომ ეთნოკოტირება ფაქტობრივი და არა იურიდიულად სანქცირებული იყო, რასაკვირველია, ამ შემთხვევაში არაფერს ცვლის.

რაც შეეხება საერთაშორისო პრაქტიკას, პოლიტიკურ-ეთნიკური ან პოლიტიკურ-კონფესიური კოტირების პრინციპი საფუძველად უდევს ზოგიერთი სახელმწიფოს კონსტიტუციურ სისტემას, როგორც პოსტკონფლიქტური დარეგულირების ან ანტიკონფლიქტური პრევენციის საშუალება. მაგალითად, იტალიის ტრენტინო-აღტო-ადიჯეს პროვინციაში, ტიროლში გარანტირებულია გერმანელთა ეთნიკური უმცირესობის პოლიტიკური და წარმომადგენლობითი პრეფერენციები, რათა მათ არ გამოთქვან ავსტრიასთან შეერთების სურვილი. ლიბანის 1943 წ. „ეროვნული პაქტის“ თანახმად, სახელმწიფოში, რომლის მოსახლეობის აბსოლუტურ უმრავლესობას მუსლიმანები წარმოადგენენ, პრეზიდენტი უნდა იყოს მარონიტი-ქრისტიანი. კოტირებულია ასევე პრემიერ-მინისტრის, პარლამენტის სპიკერის, საგარეო საქმეთა მინისტრისა და სხვა თანამდებობები. XX ს. 70-იან წლებში ლიბანის სამოქალაქო ომი გამოიწვია ამ კოტირებული ბალანსის დაშლამ, რისი მიზეზიც გახდა ქვეყანაში პალესტინური სტრუქტურების ინფილტრაცია. ეთნოპოლიტიკური კოტირების პრინციპის რეალიზაციის მაგალითებად შეიძლება მივიჩნიოთ ასევე კვიპროსის პოლიტიკური სისტემა 1974 წ. კრიზისამდე და შვეიცარიის ზოგიერთი კანტონის ადმინისტრაციული სტრუქტურა.

1991 წლის ივლის-აგვისტოს კომპრომისმა აფხაზეთში შექმნა ეთნოკონსტიტუციური წონასწორობისა და პოლიტიკური ბალანსის მდგომარეობა. ასეთ ბალანსს ქმნიდა ქართული და აფხაზეთი მხარეების არა რაოდენობრივი, არამედ ხარისხობრივი (და ეს იყო მთავარი) ურთიერთთანაფარდობის სისტემა – ეთნოკოტირებული უზენაესი საბჭო, კონსტიტუციური ცვლილებებისათვის და მთავრობის ჩამოსაყალიბებლად. კვალიფიციური უმრავლესობის აუცილებლობა, საქართველოს პრეზიდენტის დე-ფაქტო და დე-იურე ვეტო აფხაზეთის შესაძლო სეცესიაზე, ქართველი ეროვნების პირველი ვიცე-სპიკერი და პრემიერ-მინისტრი.

1991 წლის კომპრომისული კონსტიტუციური პაკეტი, ცხადია, მიზნად ისახავდა აფხაზეთში სამხედრო კონფლიქტის თავიდან აცილებას, მოსალოდნელი კონფრონტაციის ლოკალიზებას საპარლამენტო-კონსტიტუციურ ჩარჩოებში და რეალური, ასე ვთქვათ, „ცხელი ომის“ მოქცევას „ცივი ომის“ თუ „ცივი მშვიდობის“ ფორმატში.

სწორედ ამგვარ ტენდენციას ჰქონდა ადგილი 1991 წლის შემოდგომაზე. ზ. გამსახურდიამ იურიდიული ძალის არმქონედ ცნო აფხაზეთის უზენაესი საბჭოსა და მთავრობის ზოგიერთი ანტიკონსტიტუციური აქტი – აფხაზეთის საბაჟო სამსახურის შექმნის შესახებ (1991 წლის 27 სექტემბერი), აფხაზეთის სუვერენიტეტის ეკონომიკური საფუძვლების უზრუნველყოფის შესახებ (1991 წლის 27 სექტემბერი), აფხაზეთის ტერიტორიაზე განლაგებული საკავშირო და საკავშირო-რესპუბლიკური დაქვემდებარების საწარმოთა და ორგანიზაციათა აფხაზეთის იურისდიქციაში გადასვლის ღონისძიებათა შესახებ (1991 წლის 22 ოქტომბერი) და სხვა აქტები¹⁹⁴⁵.

ახალი საარჩევნო კოდექსის საფუძველზე აფხაზეთის უმაღლესი საბჭოს არჩევნები ჩატარდა 1991 წლის 29 სექტემბერს (ზოგიერთ ოლქში მეორე ტური თუ ხელახალი არჩევნები გაიმართა 13 ოქტომბერსა და 1 დეკემბერს). კომპრომისული კონსტიტუციური პაკეტის საფუძველზე პოლიტიკური ბალანსის სისტემის ფორმირების პროცესი შეწყვიტა 1991–1992 წ.წ. დეკემბერ-იანვრის სახელმწიფო გადატრიალებამ საქართველოში.

1991 წლის 18–21 აგვისტოს მოსკოვის პუტჩის დროს ზ. გამსახურდიამ აირჩია პოზიტიური ნეიტრალიტეტის ტაქტიკა, რაც შექმნილ პირობებში ყველაზე ადეკვატურად პასუხობდა საქართველოს ეროვნულ-სახელმწიფოებრივ ინტერესებს. პუტჩისტთა ჯგუფის მიერ პრეზიდენტ მ. გორბაჩოვის გადაყენების მცდელობა, უკანონო „საგანგებო სიტუაციათა სახელმწიფო კომიტეტის“ მიერ ძალაუფლების ხელში აღება და საგანგებო მდგომარეობის გამოცხადება წარმოადგენდა ანტიკონსტიტუციურ სახელმწიფო გადატრიალებას. მაგრამ საქართველოს ანტიიმპერიული ინტერესების კონტექსტში ფაქტობრივად შეუძლებელია აგვისტოს პუტჩის დახასიათება ტოტალიტარიზმ-დემოკრატიის დიქტომიის კონცეფციაში, რადგანაც ორივე დაპირისპირებული ბლოკი თითქმის იდენტური ნეგატიურობით უყურებდა საქართველოს დამოუკიდებლობის იდეას. ამიტომ საქართველოს ინტერესების თვალსაზრისით ეს იყო „სასახლის გადატრიალების“ წარუმატებელი მცდელობა, ერთგვარი შიდასახელისუფლებო ფრონდა. მას შედეგად მოჰყვა არა პოსტტოტალიტარული ტრანზიტი და დემოკრატიაზე გადასვლა, არამედ იმპერიის უმაღლეს იერარქიაში ნომენკლატურული ცირკულაცია – „გორბაჩოვური ცენტრის“ ჩანაცვლება „ელცინური ცენტრით“.

ზ. გამსახურდიამ ობიექტურად შეაფასა აგვისტოს პუტჩის ეს ლატენტური არსი და პოზიტიური ნეიტრალიტეტის ტაქტიკა აირჩია, ანუ ერთი იმპეროკრატიული დაჯგუფების მხარდაჭერით საქართველო მეორე იმპეროკრატიული დაჯგუფების მხრიდან შესაძლო სამხედრო დარტყმის საშიშროების ქვეშ არ დააყენა. მიუხედავად ამისა, ან შესაძლოა სწორედ ამიტომ, მოსკოვის პუტჩმა სტიმული მისცა უაღრესად დესტრუქციული პროცესების განვითარებას საქართველოში.

პუტჩის დროს ზ. გამსახურდიას მიერ გატარებული პოზიტიური ნეიტრალიტეტის ტაქტიკამ გამოიწვია ბ. ელცინისა და მისი ნომენკლატურის ნეგატიური დამოკიდებულება საქართველოს ხელისუფლების მიმართ. ეს დამოკიდებულება კიდევ უფრო გამძაფრდა საქართველოს მიერ „დემოკრატიული“ რუსეთის პატრონაჟის ქვეშ ფორმირებად ნეოიმპერიულ სტრუქტურაში – დსთ-ში ინტეგრირებაზე უარის თქმის ფონზე.

მოსკოვის პუტჩის დროს განვითარებულმა მოვლენებმა საკუთრივ საქართველოში გამოიწვიეს დესტრუქციული ანტისახელმწიფოებრივი მოძრაობის გააქტიურება. ჩამოყალიბდა ქართული პუტჩის სოციოპოლიტიკური ინფრასტრუქტურა – ეროვნული გვარდიის არაკონტროლირებადი ნაწილის, ეროვნული მოძრაობის ოპოზიციური შეიარაღებული ჯგუფების, ფსევდოლიბერალურ ფასეულობებზე ორიენტირებული

¹⁹⁴⁵ . რეგიონული კონფლიქტები..., გვ. 49-50, 54.

ინტელიგენციის გარკვეული ნაწილის, კრიმინალური პარამილიტარული დაჯგუფებებისა და ყოფილი პარტოკრატის რევანშისტული ანტიეროვნული კოალიციის სახით. ბ. ელცინის გარემოცვამ განახორციელა ამ რევანშისტული კოალიციური კონგლომერატის პოლიტიკურ-დიპლომატიური, ფინანსური და სამხედრო მხარდაჭერა.

სახელმწიფო გადატრიალებას შედეგად მოჰყვა პრეზიდენტ ზ.გამსახურდიას ხელისუფლების დამხობა¹⁹⁴⁶, უზენაესი საბჭოს დათხოვნა და კონსტიტუციის მოქმედების შეჩერება. 1992წ. 2 იანვარს შეიქმნა სამხედრო საბჭო ტრიუმვირატის – თ. სიგუას (პრემიერ-მინისტრი), ჯ. იოსელიანის (პარამილიტარული „მხედრიონის“ ლიდერი) და თ. კიტოვანის (გვარდიის უკონტროლო ნაწილის სარდალი) შემადგენლობით. უკანონო რეჟიმის ერთგვარი მოდიფიკაცია მოხდა: 7 მარტის შემდეგ, როცა საქართველოში ჩამოვიდა საბჭოთა კავშირის ყოფილი საგარეო საქმეთა მინისტრი ე. შვეარდნაძე. 10 მარტს მისი თავმჯდომარეობით საქმიანობას შეუდგა სახელმწიფო საბჭო.

თბილისის გადატრიალებამ აფხაზეთის პოლიტიკურ სივრცეში თვისობრივად ახალი ვითარება შექმნა რეგიონალური პოლიტიკური პროცესის სტრუქტურების და მექანიზმების გადაჯგუფების თვალსაზრისით. დაიშალა 1991წ. კომპრომისის მოდელი და დაინგრა მასზე დაფუძნებული ბალანსირებული პარტიულ-პოლიტიკური სისტემა. ამ სისტემის აფხაზეთი სექტორი უკვე ღიად დაადგა სეცესიონისტურ პლატფორმას და სეპარატიზმის გზას. გადატრიალებამ მოშალა აფხაზეთის სეცესიის ბლოკირების მთავარი პოლიტიკური ღერძი – საქართველოს პრეზიდენტის ინსტიტუტი, რომელსაც ამ საკითხში ვეტოს კონსტიტუციური პრეროგატივა ჰქონდა.

გადატრიალებამ მოშალა აგრეთვე აფხაზეთის სეცესიის აღკვეთის კონსტიტუციურ-სამართლებრივი მექანიზმიც: საქართველოს სამხედრო საბჭომ 1992 წლის 2 იანვარს შეაჩერა ქვეყნის კონსტიტუციის მოქმედება, ხოლო 21 თებერვალს ფორმალურად აღადგინა საქართველოს დემოკრატიული რესპუბლიკის 1921წ. კონსტიტუცია. რეალურად შექმნილმა სამართლებრივმა ვაკუუმმა ვ. არძინბას ანტიქართულ ჯგუფს სეცესიის ან კონფედერაციულ საწყისებზე ქართულ-აფხაზეთი სახელშეკრულებო ორსუბიექტიანი გაერთიანების შექმნის დამატებითი იურიდიული არგუმენტაციის შესაძლებლობა მისცა – თითქოს სამართლებრივი ვაკუუმის გამო აფხაზეთი იძულებული გახდა პროცესი დაეწყო „ნულოვანი ვარიანტიდან“ და განეხორციელებინა იძულებითი ფორსმაჟორული სუვერენიზაცია. ამიტომ გარკვეული მიზეზ-შედეგობრივი კავშირი სამხედრო საბჭოს მიერ 1921 წ. კონსტიტუციის აღდგენასა და სეპარატიზტების მიერ 1992წ. 23 ივლისს მიღებულ აქტს შორის (რაზეც ქვემოთ გვექნება საუბარი) სრულიად ნათელია.

სამხედრო საბჭოსა და სახელმწიფო საბჭოს მიერ დასავლეთ საქართველოში 1992წ. თებერვალ-მარტსა და ივლისში ჩატარებულმა ექსპედიციებმა ნეგატიური როლი შეასრულეს. მათ გამოიწვიეს მერიდიონალური შიდაქართული გეო-პოლიტიკური განხეთქილება¹⁹⁴⁷ (საბედნიეროდ, დროებითი) და აფხაზეთსა და სახელმწიფო საბჭოს მიერ კონტროლირებად ტერიტორიებს შორის შექმნეს ერთგვარი ბუფერული ზონა. ამ გარემოებამ აფხაზეთის ქართული მოსახლეობისათვის (ისევე როგორც შემდგომში ქართული შეიარაღებული ძალებისათვის) ერთბაშად მოშალა „სამეგრელოს ზურგი“ და ის ფაქტობრივად ანკლავურ მდგომარეობაში ჩააყენა.

თუ ზ.გამსახურდიას პრეზიდენტობის დროს პოლიტიკური ვითარება აფხაზეთში ხასიათდებოდა „ცივი ომის“ („კანონთა ომის“) თუ „ცივი მშვიდობის“ ფაზების

¹⁹⁴⁶ . აფხაზეთის ახლადარჩეული უმაღლესი საბჭოს პირველი სესია გაიხსნა ზუსტად იმ დღეს, როდესაც კანონიერმა პრეზიდენტმა იძულებით დატოვა საქართველოს ტერიტორია - 1992 წლის 6 იანვარს.

¹⁹⁴⁷ . დროებითი მერიდიონალური შიდაქართული გეოპოლიტიკური განხეთქილების შედეგი ისიც იყო, რომ სამხედრო რეჟიმის რეპრესიული პოლიტიკით სარგებლობდა რუსეთის იმპერია. მაგალითად, 1993 წლის შემოდგომაზე პრეზიდენტ ბ. ელცინის გარემოცვაში არსებობდა საქართველოს ტერიტორიული დაშლის პროექტი: ზ. გამსახურდიას უნდა შეექმნა საქართველოსა და აფხაზეთს შორის ბუფერული დასავლურქართული სახელმწიფო და თავისი იურისდიქცია შემოესაზღვრა მხოლოდ ამ ტერიტორიით. მხოლოდ ამ შემთხვევაში მიიღებდა ის რუსეთიდან სამხედრო და ფინანსურ გარანტიებს. ცხადია, პრეზიდენტმა ზ. გამსახურდიამ კატეგორიულად უარყო ეს გეგმა.

პერმანენტული ურთიერთმონაცვლეობით, თბილისის გადატრიალების დროიდან ვ. არძინბას პოლიტიკური კლანი საბოლოოდ დაადგა გამოყოფის სტრატეგიას. სწორედ ამ დროიდან დაიწყო აფხაზეთის საქართველოსაგან გამოყოფის და მისი სუვერენიზაციის პოლიტიკური, სამხედრო და სამართლებრივი საფუძვლების უზრუნველყოფის მცდელობანი. 1991წ. 29 დეკემბერს ვ. არძინბამ მიიღო დადგენილება აფხაზეთის ტერიტორიაზე დისლოცირებული საჯარისო ნაწილებისა და საჯარისო დაწესებულებათა აფხაზეთის უზენაესი საბჭოს თავმჯდომარის იურისდიქციაში გადასვლის შესახებ.¹⁹⁴⁸ დადგენილების თანახმად, აფხაზეთის უმაღლესი საბჭოს თავმჯდომარესთან შეიქმნა ე.წ. „დროებითი სამხედრო საბჭო“, რომელიც თავისი სტრუქტურით და დანიშნულებით წარმოადგენდა სეპარატისტული რეჟიმის მომავალი სამხედრო სისტემის მაკორდინირებელ ორგანოს.

1992წ. 31 მარტის დადგენილებით „აფხაზეთის შინაგანი ჯარების პოლკის შექმნის შესახებ“ ჩამოყალიბდა აფხაზეთი მონოეთნიკური გვარდია. 30 აპრილის დადგენილებით, ვ. არძინბამ გამოაცხადა 1965–1974წწ. დაბადებულ მოქალაქეთა სამხედრო სამსახურში გაწვევა.¹⁹⁴⁹ საგულისხმოა, რომ აფხაზეთი მონოეთნიკური საჯარისო ფორმირების შექმნა მოხდა საქართველოს სამხედრო საბჭოს შეიარაღებული ფორმირებებისაგან აფხაზეთის „დაცვის“ საბაბით და ეს მაშინ, როდესაც სამხედრო საბჭომ მიზანმიმართულად დაშალა აფხაზეთში ზ. გამსახურდიას მიერ ჩამოყალიბებული ქართული ეროვნული გვარდიის ოთხივე ბატალიონი – გაგრის, სოხუმის, გულრიფშისა და გალისა.

ვ. არძინბამ დაარღვია ასევე 1991 წლის კომპრომისული პაკეტი და ქართულ მხარესთან შეთანხმების გარეშე თანამდებობიდან გადააყენა ქართველი ეროვნების მინისტრები და რეგლამენტის დარღვევით ისინი ჩაანაცვლა სეპარატისტული ორიენტაციის ეთნიკური აფხაზებით.

დანაშაულებრივ სეცესიონისტურ აქციათა ეს სერია ვ. არძინბას კლანმა განახორციელა აბსოლუტურად მიზანმიმართულად, თბილისის მხრიდან ეფექტური კონტროლშემების გარეშე. სამწუხაროდ, ვერც ქართულ და ვერც ზომიერ-ლიბერალურ აფხაზეთურ წრეებში ვერ გაიმარჯვა ბლოკური სტრატეგიის ტრადიციამ. შექმნილ პოლიტიკურ კონიუნქტურაში ცენტრიზმი, როგორც უკიდურესი ქართული და აფხაზეთი ულტრარადიკალური ფლანგების გაწონასწორების სტრატეგია, დამარცხდა.

1992 წლის 5 მაისს აფხაზეთის უმაღლესი საბჭო ფაქტობრივად გაითიშა ეთნოპოლიტიკური ნიშნით. უკვე არ ტარდებოდა ერთობლივი სხდომები. მანამდე, 1992 წლის მარტში „აიდგილარას“, „აფხაზეთის სახალხო პარტიის“, „სლავეური სახლისა“ და სომხური „კრუნქის“ გაერთიანების ბაზაზე ჩამოყალიბდა სეპარატისტული ცენტრი – ბლოკი „სოიუზი“, რომელიც წარმოადგენდა ანტიქართული, პროიმპერიული და კონტრდემოკრატიული ძალების კოალიციას. ქართულ-აფხაზეთი კოალიციური ცენტრი კი ვერ შეიქმნა. დამხობილი ეროვნული ხელისუფლების ძალებს, გასაგები მიზეზების გამო, ვერ აღმოაჩნდათ საკმარისი რესურსები ქართულ-აფხაზეთი ცენტრისტული კოალიციის შესაქმნელად, დარღვეული პოლიტიკური ბალანსისა და 1991 წლის კომპრომისული მოდელის აღსადგენად, რაც შექმნილ სიტუაციაში ომის ერთადერთ რაციონალურ ალტერნატივას წარმოადგენდა.

1992 წლის 24 ივნისს შევარდნაძე-ელცინის დაგომისის შეხვედრაზე, გარდა ქართულ-ოსური კონფლიქტის მოწესრიგების პრინციპებისა, განიხილეს რუსეთ-საქართველოს ურთიერთობათა საერთო კომპლექსი. მიღებულ „კომუნიკეში“, სხვათა შორის, აღინიშნა: „საქართველოსა და რუსეთის სამართალდამცავი ორგანოები აღკვეთენ მათი იურისდიქციის ქვეშ მყოფ ტერიტორიებზე უკანონო სამხედრო, ნახევრად სამხედრო და თვითნებურად შექმნილი რაზმებისა და ჯგუფების მოღვაწეობას...“¹⁹⁵⁰ ღრმა საექსპერტო ატრიბუცია არ სჭირდება იმის მტკიცებას, რომ დაგომისის შეხვედრაზე ე. შევარდნაძემ ბ. ელცინისაგან მიიღო აფხაზეთის ავტონომიური

¹⁹⁴⁸ . რეგიონული კონფლიქტები..., გვ. 268.

¹⁹⁴⁹ . აფხაზეთის ხმა, 1992, 12 მაისი.

¹⁹⁵⁰ . საქართველოს რესპუბლიკა, 1992, 27 ივნისი.

რესპუბლიკის ტერიტორიაზე სამხედრო ოპერაციის ჩატარების სანქცია, როგორც ჩანს, რუსეთის ფედერაციის მხრიდან ნეიტრალიტეტის გარანტიით.

1992 წლის 18 ივლისს სოჭში, „ბონაროვ რუჩეის“ სახელმწიფო აგარაკზე გაიმართა ბ. ელცინის არაოფიციალური საიდუმლო შეხვედრა ვ. არძინბასთან და აფხაზური ელიტის ზოგიერთ სხვა წარმომადგენლებთან.¹⁹⁵¹ მოვლენათა ლოგიკის თანახმად და შეხვედრიდან სულ რაღაც ხუთიოდე დღეში აფხაზთა მიერ სეპარატისტული კანონმდებლობის მიღების თვალსაზრისით ეჭვს არ უნდა იწვევდეს ის გარემოება, რომ კონფიდენციალურ შეხვედრაზე სეპარატისტებმა მიიღეს ომის ინიცირების სანქცია, ოღონდ ამჯერად რუსეთის მხრიდან სამხედრო ჩარევის გარანტიით.

ამავე პერიოდში სახელმწიფო საბჭომ გადადგა კომპრომისული ნაბიჯი და წამოაყენა ერთიანი ქართულ-აფხაზური ინტეგრირებული სამხედრო შენაერთის შექმნის წინადადება. პროექტის თანახმად, რომელიც სოხუმში ჩაიტანეს თავდაცვის მინისტრმა თ. კიტოვანმა და მისმა პირველმა მოადგილემ ლ. შარაშენიძემ, აფხაზური გვარდიისა და შინაგანი ჯარის ქართული ბატალიონის ინტეგრაციის ბაზაზე უნდა შექმნილიყო ერთიანი ქვედანაყოფი დუალისტური დაქვემდებარების (აფხაზეთის უზენაესი საბჭოსა და საქართველოს თავდაცვის სამინისტროს ორმაგ დაქვემდებარებაში) სტატუსით. მაგრამ აღნიშნული პროექტი ჩააგდეს სახელმწიფო საბჭოს მხარდამჭერი ქართული ორგანიზაციებისაგან შემდგარ „ეროვნული ერთიანობის საბჭოში“, მიიჩნიეს რა ის „სეპარატისტების წინაშე ცენტრალური ხელისუფლების ერთგვარ კაპიტულაციად“.¹⁹⁵²

1992წ. 26 ივნისს ვ. არძინბამ გამართა ძალოვანი უწყებების აფხაზური ბირთვის შემადგენლობით მოწვეული თათბირი,¹⁹⁵³ სადაც გადაწყდა, რომ ადრე მიღებული აფხაზი ხალხის ეროვნულ უფლებათა ვითომ დამრღვევი აქტებისა და დადგენილების გაუქმების შემთხვევაში შესაძლო ექსცესების თავიდან ასაცილებლად საჭიროა გარკვეული ღონისძიებების გატარება, კერძოდ: აფხაზური გვარდიის დაკანონება, სამხედრო და მილიციის ნაწილების მზადყოფნაში მოყვანა, საკვანძო ობიექტების კონტროლის ქვეშ აყვანა და ა.შ. ეს იყო ომის ინფრასტრუქტურის შექმნის პირდაპირი გზა.

1992 წლის 23 ივლისს აფხაზეთის უზენაესი საბჭოს აფხაზურმა ფრაქციამ, ყოველგვარი პროცესუალური ნორმებისა და რეგლამენტის აშკარა დარღვევით მიიღო დადგენილება აფხაზეთის ტერიტორიაზე 1978 წლის კონსტიტუციის გაუქმებისა და 1925 წლის კონსტიტუციის აღდგენის შესახებ.¹⁹⁵⁴ დადგენილება მიღებულ იქნა 1991 წლის კანონმდებლობის გვერდის ავლითა და იგნორირებით. 1978 წლის კონსტიტუციის მოქმედების უკანონოდ, ცალმხრივი წესით შეჩერება, წმინდა იურიდიული თვალსაზრისით, ნიშნავდა ამ კონსტიტუციით გათვალისწინებული ავტონომიური სტატუსის იმავე წესით გაუქმებას და აფხაზეთის უმაღლესი საბჭოს თვითლიკვიდაციას.

1925 წლის კონსტიტუციის აღდგენა ფაქტობრივად საქართველოსაგან აფხაზეთის გამოყოფის დეკლარირებას წარმოადგენდა, თუმცა ისიც ცნობილია, რომ ეს კონსტიტუცია თავიდანვე მკვედრად შობილი იყო. მიუხედავად იმისა, რომ დადგენილების მიღების პარალელურად უზენაესი საბჭოს აფხაზურმა ნაწილმა შექმნა სამუშაო ჯგუფი ერთიანი ორსუბიექტიანი ქართულ-აფხაზური ფედერაციული სახელმწიფოს პროექტის შესამუშავებლად, 23 ივლისის აქტი უნდა შეფასდეს, როგორც რეგიონალური პოლიტიკური გადატრიალება, ან უფრო კონკრეტულად, საქართველოს შემადგენლობიდან აფხაზეთის ანტიკონსტიტუციური გზით გამოსვლის მცდელობა.

„კონსტიტუციურ რევოლუციასთან“ დაკავშირებით, 1992წ. 28–30 ივლისს აფხაზეთის პარლამენტის ქართულმა ფრაქციამ „დემოკრატიული აფხაზეთი“ გამართა

1951 . . . ? , 2001, გვ. 25.
1952 . ბ. პაპასჭირი. ნარკვევები..., ნაკვ. II, გვ. 355.
1953 . აფხაზეთის ლაბირინთი. თბ., 1999, გვ. 32.
1954 . . . , გვ. 415.

კონტრსესია, გააუქმა 23 ივლისის უკანონო აქტი და მიიღო გადაწყვეტილება აფხაზეთისათვის სახელწოდება „აფხაზეთის ავტონომიური რესპუბლიკის“ მინიჭების შესახებ¹⁹⁵⁵.

თავი XX. აფხაზეთი 1992-2007 წლებში

¹⁹⁵⁵ . დემოკრატიული აფხაზეთი, 1992, 2 აგვისტო.

1. ომი აფხაზეთში. 1992 – 1993წწ.

1992 წლის 14 აგვისტოს, რკინიგზის ტრანსპორტზე საგანგებო წესების შემოღების შესახებ სახელმწიფო საბჭოს 1992 წლის 10 აგვისტოს დადგენილების, საქართველოს სახელმწიფო საბჭოს პრეზიდიუმის (ე. შვეარდნაძე, ჯ. იოსელიანი, თ. სიგუა, თ. კიტოვანი, ვ. გოგუაძე) 1992 წლის 11 აგვისტოს გადაწყვეტილების საფუძველზე და თავდაცვის სამინისტროს გენერალური შტაბის ოპერატიული დეპარტამენტის მიერ მომზადებული სპეციალური გეგმის (კოდური სახელწოდებით „მახვილი“) თანახმად, საქართველოს შეიარაღებული ძალების ნაწილები გადაადგილდნენ აფხაზეთის ავტონომიური რესპუბლიკის ტერიტორიაზე. შეზღუდული კონტინგენტის ჯავშანკოლონას აფხაზი ბოვეიკებისაგან შემდგარმა ჯგუფმა ცეცხლი გაუხსნა ოჩამჩირის რაიონის სოფ. ოხურეისთან, რასაც მოჰყვა პირველი მსხვერპლი. სერიოზული ბრძოლა გაიმართა გულრიფშის რაიონის დაბა აგუძერასთან, სადაც ე.წ. „აფხაზეთის შინაგანი ჯარის განსაკუთრებული პოლკის“ ბატალიონმა გარკვეული წინააღმდეგობა გაუწია ქართულ ჯარს და ერთი ჯავშანმანქანა ააფეთქა.¹⁹⁵⁶

ასე დაიწყო აფხაზეთის ომი.

მიუხედავად ყველაფრისა, საქართველოს ხელისუფლების გადაწყვეტილებით 1992 წლის 14 აგვისტოს აფხაზეთის ავტონომიური რესპუბლიკის ტერიტორიაზე შეიარაღებული ძალების შეზღუდული კონტინგენტის შეყვანა არ წარმოადგენდა ინტერვენციონისტულ და, მით უმეტეს, საოკუპაციო აქციას. ნებისმიერ შემთხვევაში, ფორმალურ-იურიდიული ასპექტით, ის უნდა დაკვალიფიცირდეს, როგორც ჯარების გადაადგილება, ან რედისლოკაცია საკუთარი სახელმწიფოს ტერიტორიული უზენაესობისა და იურისდიქციის სივრცის ფარგლებში.

ამავე დროს, პოზიტიური საერთაშორისო სამართლის თვალსაზრისით ეს აქცია შეიძლება დახასიათდეს, როგორც განსაზღვრული შიდასახელმწიფოებრივი რეპრესალია, ერთგვარი სამხედრო სანქცია, რომელსაც მიმართა საქართველოს ხელისუფლებამ აფხაზეთის ავტონომიური ერთეულის ხელმძღვანელობის ცალმხრივი უკანონო ქმედობის (23 ივლისის სეპარატისტული გადაწყვეტილების) საპასუხოდ, ამ ქმედობის ფაქტობრივი შედეგის (ე.ი. სახელმწიფოებრივი დაშლის) შეკავებისათვის.

სხვა საკითხია, რომ 14 აგვისტოს აქციის ამგვარი ოფიციალური ინტერპრეტაცია ე. შვეარდნაძემ არ გააკეთა და ის სატრანსპორტო მაგისტრალის აფხაზეთის მონაკვეთის დებლოკირების აუცილებლობამდე დაიყვანა, რამაც აპრიორი გამოიწვია საქართველოს დამარცხება საინფორმაციო-ფსიქოლოგიურ ომში.

რაც შეეხება „სატრანსპორტო ვერსიას“, ცხადია, მას უკავია გარკვეული ადგილი აფხაზეთის ომის გამომწვევ მიზეზთა კომპლექსში. აფხაზეთის ტერიტორიაზე მართლაც იძარცვებოდა საქართველოსა და სომხეთ-აზერბაიჯანისათვის განკუთვნილი სარკინიგზო შემადგენლობანი. ამის საფუძველზე ომის დაწყების ვერსია მართლაც ფიგურირებს მიზეზთა იერარქიაში, მაგრამ არა ცენტრალური მიზეზის ხარისხში. ამ იერარქიაში შეგნებულად გამოტოვებულია აფხაზეთში ომის ინიცირების კიდევ ერთი არსებითი მიზეზი – პრეზიდენტ ზ. გამსახურდიას მხარდამჭერი კონსტიტუციონალისტური მოძრაობის პოლიტიკური და ფიზიკური ლიკვიდაცია, რომლის ძირითადი ცენტრები მაშინ სწორედ აფხაზეთში მოქმედებდნენ. შემდგომში კონფლიქტის დინამიკამ სულ სხვა მიმართულება შეიძინა და მოწინააღმდეგე ძალები რუსული აგრესიის წინააღმდეგ ერთიან ქართულ ფრონტში გააერთიანა.

ომის მიზეზთა შორის გარკვეულ ყურადღებას იმსახურებს შიდაელიტური კრიზისიც. ფაქტია, რომ საქართველოს სახელმწიფო საბჭოში არსებობდა ღია თუ ფარული დაპირისპირება ე. შვეარდნაძის პარტოკრატიულ-ნომენკლატურულ, ჯ. იოსელიანის პარამილიტარულ და სიგუა-კიტოვანის ულტრარადიკალურ კორპორაციულ კლანებს შორის. ამ შიდაელიტურ კორპორატიზმში ე. შვეარდნაძის სამო-

¹⁹⁵⁶ . გ. გასვიანი. თ. გასვიანი. აფხაზეთის ომი. თბ., 2005, გვ. 161.

ქალაქო სექტორი ფაქტობრივად ვერ აკონტროლებდა კიტოვან-ოსედიანის სამხედრო ბლოკს და, შესაბამისად, ვერ ანეიტრალებდა ამ „ომის პარტიის“ მილიტარისტულ ინიციატივებს, მათ შორის აფხაზეთში ჯარის შეყვანის გეგმებს.

მაგრამ ეს არ არის ომის ძირითადი მიზეზი, თვით ე. შევარდნაძე და მისი აპოლოგეტიკით გამორჩეული ბევრი მოღვაწე მოხერხებულად სარგებლობდნენ შიდაელიტური კონფლიქტის ფაქტით და აფხაზეთში ჯარის შეყვანას თ. კიტოვანის ლამის პირად ინიციატივად ასაღებდნენ (თანაც თ. კიტოვანისა და ჯ. იოსელიანის ხელისუფლებიდან ჩამოცილების შემდეგ). ეს „კონცეფცია“ არ შეესაბამება სინამდვილეს. ნებისმიერ შემთხვევაში, მთელი პასუხისმგებლობა აფხაზეთის ომის ინიცირებისა და მისი ნეგატიური შედეგებისათვის ეკისრებათ ე. შევარდნაძეს და მის იმდროინდელ ელიტარულ გარემოცვას ვ. არძინბას კლანთან და რუსეთის უმაღლეს ხელმძღვანელობასთან ერთად.

ავტონომიურ რესპუბლიკაში ქართული ჯარების კონტინგენტის გადაადგილების პარალელურად იმავე 14 აგვისტოს სეპარატისტული უმაღლესი საბჭოს პრეზიდიუმმა მიიღო დადგენილება, რომელშიც მომხდარი შეაფასა „საქართველოს სახელმწიფო საბჭოს ჯარების მიერ სუვერენული აფხაზეთის ტერიტორიის ოკუპაციად“ (?) და გამოაცხადა სამხედრო მობილიზაცია 17-დან 45 წლამდე ასაკის მოსახლეობას შორის. ამავე დროს, სეპარატისტებმა შექმნეს ე.წ. თავდაცვის სახელმწიფო კომიტეტი ვ. არძინბას თავმჯდომარეობით, რომელიც 1993 წლის 8 იანვრიდან გახდა ე.წ. შეიარაღებული ძალების უმაღლესი მთავარსარდალი.¹⁹⁵⁷

1992 წლის 15 აგვისტოს გაგრის ზონის დაბა განთიადში გადასხდა საქართველოს შეიარაღებული ძალების საზღვაო დესანტი, რომელმაც კონტროლი დაამყარა განთიად-ლესელიძის ზონასა და საქართველო-რუსეთის სახელმწიფო საზღვარზე მდ. ფსოუზე. ეს იყო დროული და სტრატეგიული თვალსაზრისით უაღრესად მნიშვნელოვანი სამხედრო ოპერაცია. საქართველო-რუსეთის სახელმწიფო საზღვარზე კონტროლის დამყარებით უზრუნველყოფილი იყო მდ. ფსოუს მხრიდან რუსეთისა და კავკასიის მთიელ ხალხთა კონფედერაციის საჯარისო შენაერთების პირდაპირი ინტერვენციის ბლოკირება. ამის შემდეგ აფხაზეთურ ფორმირებებთან წარმოებული ოთხდღიანი ბრძოლების შედეგად ქართული დესანტი 19 აგვისტოს ქ. გაგრაში შევიდა და დაამყარა კონტროლი გაგრის რაიონსა და სტრატეგიულად მნიშვნელოვან გაგრის ქედზე.

ომის დაწყების მეორე დღეს, 15 აგვისტოს სოხუმში ჩავიდნენ საქართველოს პრემიერ-მინისტრი თ. სიგუა და სახელმწიფო საბჭოს პრეზიდიუმის წევრი ჯ. იოსელიანი. მათგან და აფხაზეთის ქართველ ხელისუფალთაგან (თ. ნადარეიშვილი, ვ. ყოლბაია, ა. იოსელიანი, ნ. მესხია) შემდგარმა ჯგუფმა მოლაპარაკება გამართა აფხაზეთი მხარის დელეგაციასთან, რომელსაც მეთაურობდა მინისტრთა საბჭოს თავმჯდომარის პირველი მოადგილე ს. ბაგაფში.

მოლაპარაკებების დასაწყისშივე ქართულმა მხარემ მოითხოვა, რომ შესვედრაში ჩართულიყო ვ. არძინბა, მაგრამ ამოდ.¹⁹⁵⁸ მძიმე დისკუსიის შემდეგ მიღებულ იქნა წინასწარი პროექტი, რომელიც ითვალისწინებდა ქ. სოხუმის დემილიტარიზაციას (სამი დღის განმავლობაში ქართული ნაწილებისა და სამხედრო ტექნიკის განლაგებას სოფ. ბაღმარანთან, ხოლო აფხაზეთისა – მდ. გუმისთაზე) და პარიტეტულ საწყისებზე 400-კაციანი ქართულ-აფხაზეთი შენაერთის ჩამოყალიბებას ფსოუდან ენგურამდე საკომუნიკაციო მაგისტრალების დასაცავად. სიტუაციის განმუხტვისა და სამხედრო ესკალაციის თავიდან აცილების ეს შანსი აფხაზეთი მხარის მეცადინეობით ჩაიშალა, რადგანაც ს. ბაგაფშიმა, ვ. არძინბასთან კონსულტაციის მომიზეზებით, პროექტს ხელი არ მოაწერა.¹⁹⁵⁹

18 აგვისტოს ქართული ეროვნული გვარდიისა და მხედრიონის ნაწილები ქ. სოხუმში შევიდნენ. ვ. არძინბას დაჯგუფება და სეპარატისტული ხელისუფლების

1957
1958 . აფხაზეთის ლაბირინთი, გვ. 125.
1959 . იქვე.

. წყ. აბკაზეტი.ნაროდ.რუ/პაგეს/2/161.3ტმ/

ორგანოები გუდაუთაში გადავიდნენ, ხოლო აფხაზურმა ფორმირებებმა მდ. გუმისთის მარჯვენა ნაპირზე დაიკავეს პოზიციები.

ე. შევარდნაძემ და შეიარაღებული ძალების ხელმძღვანელობამ ომის დასაწყისშივე დაუშვეს სტრატეგიული შეცდომები და დანაშაულებრივი ინფანტილიზმი გამოიჩინეს. ჯერ ერთი, ქართული ნაწილები მთელი სამი-ოთხი დღის განმავლობაში შეჩერებულნი იყვნენ ქ. სოხუმის შესასვლელთან, რამაც ვ. არძინბას დაჯგუფებას სოხუმიდან გუდაუთაში თავისუფალი ევაკუაციის საშუალება მისცა; მეორე, სოხუმის დაკავებისა და მდ. გუმისთის მარცხენა ნაპირზე გამაგრების შემდეგ ქართულ ფორმირებებს თავისუფლად შეეძლოთ ეშერის ქედის დაკავება და იქიდან ახალი ათონი-გუდაუთის ხაზზე გასვლა. ეს ნაბიჯი არ გადაიდგა, რაც მიუთითებს ე. შევარდნაძის აბსოლუტურ არაკომპეტენტურობაზე სამხედრო-სტრატეგიულ საკითხებში. ქართული შეიარაღებული ძალების გუდაუთისაკენ წინსვლით, უკიდურეს შემთხვევაში, მოხდებოდა სეპარატისტული კლანის იზოლაცია და აფხაზური მცირერიცხოვანი საჯარისო ფორმირებების ინტერნირება, როგორც ამას ითვალისწინებს ომის ზოგადი ლოგიკა და სიტუაციური ფორმატი. ე. შევარდნაძის ეს გადაწყვეტილება, ისევე როგორც იმ პერიოდში მის მიერ წარმოებული პოლიტიკის ზოგადი ტენდენცია – როცა საჭირო იყო მოლაპარაკება და მშვიდობიანი პოლიტიკა – ჯარების შეყვანა, ხოლო ჯარების შეყვანის შემდეგ, როცა საჭიროა საქმის ბოლომდე მიყვანა – პირიქით – ჰუმანისტური და პაციფისტური ლოზუნგომანია – აშკარად მიუთითებს ქვეყნის მაშინდელი ხელმძღვანელობის სრულ უსუსურობაზე, ომის ხელგონური გაჭიანურების და იმანენტური ესკალაციის რუსული სტრატეგიის რეალიზაციაზე.

ქართული შენაერთების ახალი ათონი-გუდაუთის ხაზის მიმართულებით შეტევის ბლოკირებამ აფხაზურ მხარეს შესაძლებლობა მისცა, გამაგრებულიყო მდ. გუმისთის მარჯვენა ნაპირზე და შეექმნა იქ მეტ-ნაკლებად სტაბილური ფრონტის ხაზი, ე.წ. დასავლეთის ფრონტის, იგივე „გუმისთის თავდაცვითი საზღვრის“ სახით.

აფხაზეთის ომის პირველი დღებიდანვე სრულიად განსაკუთრებული ნეგატიური როლი შეასრულა რუსეთის იმპერიული პოლიტიკის „ახალმა მოთამაშემ“ – კავკასიის მთიელ ხალხთა კონფედერაციამ (კმხკ).

1992 წ. 18 აგვისტოს კმხკ-ს პრეზიდენტმა მ. შანიბოვმა და პარლამენტის სპიკერმა ი. სოსლანბეკოვმა გამოსცეს შემდეგი ბრძანებულება: „1. კონფედერაციის ყველა შტაბმა განახორციელოს მოხალისეთა გადასროლა აფხაზეთის ტერიტორიაზე აგრესორისათვის შეიარაღებული წინააღმდეგობის გასაწყვეად... 3. ქ. თბილისი გამოცხადდეს უბედურების ზონად; 4. კონფედერაციის ტერიტორიაზე მყოფი ყველა ქართველი ეროვნების ადამიანი გამოცხადდეს მძევლად; 5. დაკავებულ იქნეს საქართველოსადმი კუთვნილი ყველა ტვირთი და აღიკვეთოს მისი დანიშნულების ადგილზე გადაზიდვა.“¹⁹⁶⁰

ამ დროიდან დაიწყო ჩრდილოეთ კავკასიიდან მოხალისეთა ძალების შემოსვლა და კონცენტრაცია აფხაზეთის ტერიტორიის იმ ნაწილში, რომელსაც გუდაუთის დაჯგუფება აკონტროლებდა. ვოლონტიორთა ჯგუფების ბაზაზე ერთიანი სამხედრო სტრუქტურის ჩამოყალიბების მიზნით შეიქმნა პირველი და მეორე განსაკუთრებული ბატალიონები, ასევე მესამე სარეზერვო ბატალიონი. კმხკ-ს მიერ კონტროლირებადი ვოლონტიორთა კორპუსის ჯამური რაოდენობა აღწევდა 1700–2100 ადამიანს. კონფედერატების პირველი ძირითადი დამრტყმელი ძალა – 286 მეზობლისაგან შემდგარი ე.წ. „აფხაზეთის ბატალიონი“ ჩეჩენი ეროვნების საველე მეთაურის შ. ბასაევის მეთაურობით უკვე 22 აგვისტოს ჩაება საბრძოლო მოქმედებებში მდ. გუმისთის მარჯვენა ნაპირის სტრატეგიულ ხაზზე.

პროაფხაზურ ვოლონტიორულ მოძრაობაში კმხკ-ს გარდა აქტიურად მონაწილეობდა კაზაკობა და სამხრეთ რუსეთიდან და პოსტსაბჭოთა სივრცის რუსულენოვანი მოსახლეობისაგან რეკრუტირებული მოხალისეთა რაზმები. ამ პროცესში სრულიად აშკარაა რუსეთის ცენტრალური ხელისუფლების, რეგიონალური

¹⁹⁶⁰ . გ. გასვიანი, თ. გასვიანი. დასახ. ნაშრომი, გვ. 173.

ელიტებისა და სპეცსამსახურების მათგანიზებული როლი. კახაკებისა და პოსტსაბჭოთა სივრცის რუსული რეგიონებიდან (განსაკუთრებით დნესტრისპირეთიდან) ორგანიზებული ვოლონტიორული რაზმებისაგან ჩამოყალიბდა ე. წ. „სლავატი“ („სლავური ბატალიონი“), რომელიც აქტიურ მონაწილეობას დებულობდა საომარ მოქმედებებში.

აფხაზეთის ომის მაგისტრალურ ფაქტორს წარმოადგენს მასში რუსეთის ფედერაციის მონაწილეობა, თანაც მონაწილეობა არა დისტანციურ-მინიმალური ფორმატით, ან კიდევ პროაფხაზეთი დაინტერესებული მხარის სტატუსით, არამედ უშუალო მეომარი მხარის ფორმით. სწორედ ეს მომენტი განსაზღვრავს აფხაზეთის კონფლიქტის დეტერმინაციას დე-ფაქტო რუსეთ-საქართველოს ომად.

აფხაზეთის ომში რუსეთის უშუალო მონაწილეობა ორი ძირითადი მიმართულებით – სამხედრო-სტრატეგიული და პოლიტიკურ-დიპლომატიური მიმართულებით წარიმართა. სამხედრო-სტრატეგიულ სფეროში რუსეთის მონაწილეობა პოსტულირდება შემდეგი სფეროებით:

– საომარ მოქმედებებში რუსეთის შეიარაღებული ძალების რეგულარული ნაწილების მონაწილეობა. ესენია – განსაკუთრებული დანიშნულების ფსკოვის დივიზია, 345-ე საჰაერო-სადესანტო პოლკი, 643-ე საზენიტო-სარაკეტო პოლკი, ბომბორის ავიაბაზაზე დისლოცირებული სამხედრო-საჰაერო ძალების ესკადრილია, სამხედრო-საჰაერო ძალების 529-ე საავიაციო პოლკი, შავი ზღვის სამხედრო ფლოტი, ქვემო ეშერასა და ოჩამჩირეში დისლოცირებული ბატალიონები, სპეცსამსახურების ნაწილები;

– სეპარატისტთა და ვოლონტიორთა საჯარისო შენაერთების მომარაგება შეიარაღებით, სამხედრო ტექნიკითა და მასალებით (რუსეთის სპეცსამსახურების ხაზით ვ. არძინბას მრჩველის მ. დემიანოვის მონაცემებით, ომის დასაწყისშივე რუსეთის შეიარაღებული ძალების 643-ე საზენიტო-სარაკეტო პოლკმა სეპარატისტებს გადასცა 984 ავტომატი, 267 პისტოლეტი, 18 ტყვიამფრქვევი, 500-ზე მეტი ხელყუმბარა, 600 სასიგნალო რაკეტა, ნახევარ მილიონზე მეტი ტყვია, სამხედრო-სატვირთო მანქანები, სამხედრო-საინჟინრო ტექნიკა და სხვ);¹⁹⁶¹

– სეპარატისტების სამხედრო-საექსპერტო დახმარება საჯარისო შენაერთების სტრატეგიული მართვის უზრუნველყოფითა და რუსეთის გენერალიტეტისა (გ. კონდრატიევი, რ. ჩინდაროვი, ა. კვაშინი, ი. სიგუტკინი და სხვ.) და ოფიცერთა კორპუსის მიერ მნიშვნელოვანი სამხედრო ოპერაციების დაგეგმვით;

– რუსეთის ტერიტორიაზე მოხალისეთა ჯგუფების ორგანიზაცია და მათი გადასროლა კონფლიქტის ზონაში;

– რუსეთის სამხედრო-საჰაერო და საზღვაო ძალების მიერ ქართული ჯარის პოზიციებისა და ქართველებით დასახლებული ზონების მასირებული დაბომბვები.

– რუსეთის უმაღლესი ხელმძღვანელობის მხრიდან (მაგ., ვიცე-პრეზიდენტი ა. რუცკოი, პარლამენტის სპიკერი რ. ხასბულატოვი) საქართველოს ხელისუფლებისადმი პერმამენტული დამუქრება თბილისისა და სხვა ადგილებზე საჰაერო თავდასხმით და ამით ქართული ჯარის მნიშვნელოვანი ოპერაციების ბლოკირება.

აფხაზეთის ომში რუსეთის მონაწილეობის პოლიტიკურ-დიპლომატიური ფორმატი გულისხმობს რუსეთის მზაკვრულ პოლიტიკას – საქართველოს ხელისუფლებაზე პოლიტიკური ზეწოლითა და მოლაპარაკებათა პროცესში ცრუ გარანტიების შეთავაზებით ომში საქართველოს დამარცხების დიპლომატიურ-სახელშეკრულებო ბაზისის უზრუნველყოფას (რასაკვირველია, ამ შემთხვევაში დიდი როლი შეასრულა ე. შევარდნაძის მუდმივმა თვითმოტყუებამ, მისმა უადრესად კაპიტულანტურმა დიპლომატიურმა თამაშმა).

აფხაზეთის ომის საწყის ფაზაში სტრატეგიული სიტუაცია საქართველოსთვის საკმაოდ ხელსაყრელი იყო. აფხაზეთის ტერიტორიის უმეტეს ნაწილს ქართული სამოქალაქო ხელისუფლება და შეიარაღებული ძალები აკონტროლებდნენ. გუდაუთის დაჯგუფების მიერ კონტროლირებადი ტერიტორიები და შესაბამისად სეპარა-

¹⁹⁶¹ . აფხაზეთის ლაბირინთი, გვ. 208.

ტისტული სამხედრო ძალების კონცენტრაციის ცენტრები – გუდაუთა-ახალი ათონის ხაზი და ტყვარჩელის ზონა იმყოფებოდნენ ანკლავურ მდგომარეობაში.

ქ. სოხუმსა და ქართული საჯარისო ფორმირებების მიერ კონტროლირებად ტერიტორიაზე ხელისუფლების განხორციელების მიზნით, 1992 წ. 31 აგვისტოს შეიქმნა „სტაბილიზაციის დროებითი საკოორდინაციო საბჭო“ გ. ლომინაძის თავმჯდომარეობით.¹⁹⁶² მაგრამ სტრატეგიული ვითარება რადიკალურად შეიცვალა სულ მცირე ხანში. 1992 წ. 3 სექტემბერს მოსკოვში ხელმოწერილ იქნა ორმხრივი შეთანხმება საქართველოს ტერიტორიული მთლიანობის ფარგლებში კონფლიქტის მოწესრიგების შესახებ. მაგრამ აფხაზურმა მხარემ, ისარგებლა შეთანხმების შედეგად ქართული მხარის ყურადღების მოდუნებით და მოამზადა გაგრის ზონის ხელში ჩაგდების ოპერაცია.

1992 წლის 1 ოქტომბერს რუსულ-აფხაზურ-კონფედერატულმა კოალიციამ დაიწყო მასირებული შეტევა გაგრის ზონის მიმართულებით. საგულისხმოა, რომ შეტევის დაწყებამდე ცოტა ხნით ადრე რუსულმა სამშვიდობო ძალებმა, რომლებიც აქ განლაგებულნი იყვნენ 3 სექტემბრის შეთანხმების თანახმად, დატოვეს სადამკვირვებლო წერტილები და დისლოკაციის ადგილზე დაბრუნდნენ(?). 1 ოქტომბრის საღამოსთვის მტერმა დაიკავა სოფ. კოლხიდა, ხოლო 2 ოქტომბერს – ქ. გაგრა.

გაგრის ოპერაციაში აფხაზურ და კონფედერატულ (შ. ბასაევის „აფხაზური ბატალიონი“) დაჯგუფებებთან ერთად აქტიურად მონაწილეობდნენ რუსეთის არმიის რეგულარული შენაერთები, კონკრეტულად კი – 643-ე საზენიტო-სარაკეტო პოლკი. ამავე დროს, რუსეთის სამხედრო-საზღვაო ხომალდებმა უზრუნველყვეს გაგრის ზონაში მებრძოლი ქართული დაჯგუფებისათვის (ძირითადად „მხედრიონისა“ და „თეთრი არწივის“ ქვედანაყოფებისათვის) დესანტის გადასხმით დახმარების გაწევის ბლოკირება.

ოპერაციის მიმდინარეობის დროს მოწინააღმდეგე მხარეს საბრძოლო იარაღით, საწვავითა და სურსათ-სანოვაგით ამარაგებდნენ გუდაუთის რუსული სამხედრო ბაზა და ზღვიდან რუსული ტანკერი ბენზინმზიდი.

არსებობს მნიშვნელოვანი დოკუმენტური ცნობა – ერთ-ერთი რუსული სამხედრო ხომალდის მეთაურის, პირველი რანგის კაპიტნის ვ. ფომინის პატაკი, რომელიც ცხადყოფს რუსეთის სამხედრო ფლოტის უშუალო მონაწილეობას გაგრის ოპერაციაში¹⁹⁶³. წყაროს რეპრეზენტატული მონაცემებით, რუსეთის მხრიდან ამ ოპერაციას სარდლობდა გენერალ-პოლკოვნიკი გ. კონდრატიევი. არსებობს ინფორმაცია, რომ გაგრის ოპერაციას საერთო ხელმძღვანელობას ფაქტობრივად უწევდა რუსეთის შეიარაღებული ძალების გენერალური შტაბის უფროსი გენერალ-პოლკოვნიკი მ. კოლესნიკოვი.

გაგრის ოპერაციამდე რამდენიმე დღით ადრე ომში ჩაება ქვემო ეშერაში დისლოცირებული რუსული სამხედრო ნაწილი. 22 სექტემბერს ამ ნაწილიდან ქვეითთა საბრძოლო მანქანამ ცეცხლი გაუხსნა ქართული ჯარის პოზიციებს და საცეცხლე წერტილების ჩაქრობის შემდეგ შეტევაზე გადავიდა – რუსებმა თავიანთ კონტროლს დაუქვემდებარეს სტრატეგიულად მნიშვნელოვანი ობიექტები: სოხუმის ნავთობბაზა და წისკვილკომბინატი.

გაგრის დატოვების შემდეგ ჩრდილოეთის მიმართულებით გადანაცვლებული ფორმირებებისაგან გ. ყარყარაშვილმა სცადა ჯარების ერთიანი ჯგუფის შექმნა. სამწუხაროდ, გაგრის დაკარგვით გამოწვეულ ქაოსსა და დეზორგანიზაციაში, ასევე უმაღლესი სარდლობის მხრიდან სრული განუკითხაობის პირობებში ეს ვერ მოხერხდა. 6 ოქტომბერს რუსულ-აფხაზურ-კონფედერატულმა კოალიციამ დაიკავა ლესელიძე, განთიადი და გავიდა საქართველო-რუსეთის საზღვარზე.

¹⁹⁶² . ზ. პაპასქირი. ნარკვევები..., ნაკვ. II, გვ. 375.

¹⁹⁶³ . „В 17.00 2 октября первый заместитель Министра Обороны России генерал-полковник Кондратьев Г.Г. поставил боевую задачу СКР „Безукоризненный“: 1. Не допустить высадки морского десанта грузинской стороны в районе Ницунда – Гагры вплоть до применения оружия; 2. Осуществить ПВО АЭ Гудаута; 3. Установить факт подпитки Гагрской группировки грузинской стороны войсками и оружием путём переброски их морем из Туапсе, Сочи в Гагры в прибрежной полосе...“¹

1992 წლის 1–6 ოქტომბრის მარცხმა უადრესად ნეგატიური როლი შეასრულა აფხაზეთის ომის მსვლელობაში. საქართველომ დაკარგა კონტროლი სტრატეგიულად მნიშვნელოვან გაგრის ზონაზე. გუდაუთა-ახალი ათონის დაჯგუფების ანკლავური მდგომარეობის დებლოკირებით და რუსეთთან საზღვარზე კონტროლის დამყარებით სეპარატისტებმა მიიღეს თავიანთ მთავარ მხარდამჭერებთან უშუალო საკომუნიკაციო კავშირის დამყარების შესაძლებლობა.

გაგრასა და მის ზონაში რუსულ-აფხაზურ-კონფედერატულმა ძალებმა განახორციელეს ქართული მოსახლეობის მასობრივი გენოციდი და ხოცვა-ჟლეტა, ასევე საერთაშორისო კონვენციებით დასჯადი სხვა დანაშაულობანი ადამიანურობის წინააღმდეგ.

გაგრის ტრაგედიის შემდეგ გარკვეული ცვლილებები მოხდა აფხაზეთის ქართული ხელისუფლების პოლიტიკურ და სამხედრო სტრუქტურაში. „დროებითი საკოორდინაციო საბჭოს“ ნაცვლად შეიქმნა აფხაზეთის საქმეებში სახელმწიფო მინისტრის პოსტი, რომელზეც დაინიშნა გ. ხაინდრავა. 1992 წლის 26 ნოემბერს, საქართველოს პარლამენტის დადგენილებით შეიქმნა აფხაზეთის მთავრობა – მინისტრთა კაბინეტი თ. ნადარეიშვილის თავმჯდომარეობით.¹⁹⁶⁴

ქ. სოხუმის, გულრიფშისა და ოჩამჩირის რაიონების ქართული მოსახლეობისაგან შემდგარმა სახალხო ლაშქარმა მიიღო ოფიციალურად სტრუქტურირებული სამხედრო შენაერთების ფორმა. ჩამოყალიბდა საქართველოს თავდაცვის სამინისტროს მეორე საარმიო კორპუსის (სარდალი – გენერალ-მაიორი პ. დათუაშვილი) 23-ე (მეთაური გ. ადამია) და 24-ე (მეთაური ზ. უჩაძე, შემდგომ – ბ. თოხაძე) მექანიზებული ბრიგადები.

გაგრის სამხედრო ოპერაციის წარმატებას არ მოჰყოლია რუსულ-აფხაზურ-კონფედერატული კოალიციის მიერ არსებითი უპირატესობის მოპოვება სხვა ფრონტებზე. ამ ეტაპზე ქართულმა შეიარაღებულმა ძალებმა და სახალხო ლაშქარმა შეძლეს ფრონტების სტაბილიზაცია სხვადასხვა უბანზე, ტყვარჩელის სტრატეგიული ბლოკადის შენარჩუნება. 1992 წლის 26 ოქტომბერს მტრის ძალების განადგურებითა და უკანდახევით დასრულდა მათ მიერ დაგეგმილი ოჩამჩირის ადების ოპერაცია. სამწუხაროდ, ქართული შენაერთების მიერ ტყვარჩელის დაუფლების ოპერაციის დაბლოკვა იყო საქართველოს პოლიტიკური ხელმძღვანელობისა და უმაღლესი სამხედრო სარდლობის სტრატეგიული შეცდომა, რადგანაც ხელიდან იქნა გაშვებული მოწინააღმდეგის ტყვარჩელის დაჯგუფების ნეიტრალიზაციისა და 80კმ-იანი ე.წ. „აღმოსავლეთის ფრონტის“ ლიკვიდაციის რეალური შანსი.

1992 წ. 3 ნოემბერს ქართულმა ნაწილებმა წარმატებით მოიგერიეს რუსულ-აფხაზური ძალების შეტევა გუმიხის ფრონტის შრომის უბანზე.¹⁹⁶⁵ აღნიშნული წარუმატებლობების კომპენსირების სახით მოწინააღმდეგემ გაააქტიურა „დისტანციური ომის“ ტაქტიკა – 1992 წ. ნოემბერ-დეკემბრიდან დაიწყო ქ. სოხუმისა და საქართველოს ხელისუფლების მიერ კონტროლირებადი სხვა დასახლებული პუნქტების ინტენსიური დაბომბვა როგორც ჰაერიდან, ისევე ზაღპური ცეცხლის რეაქტიული არტილერიით. 9 დეკემბერს რუსეთის ავიაციამ დაბომბა სოხუმის საცხოვრებელი უბნები და ხალხმრავალი ბაზარი, რასაც 13 მშვიდობიანი მოქალაქის სიცოცხლე შეეწირა. 11 დეკემბერს რუსეთის ავიაციამ საჰაერო იერიში მიიტანა ოჩამჩირის რაიონის სოფ. ახალდაბაზე, რის შედეგადაც 11 მშვიდობიანი მოქალაქე დაიღუპა და 60-ზე მეტი დაიჭრა.¹⁹⁶⁶

აფხაზეთის ომის პირველი ეტაპის განმავლობაში ქართული მხარის სტრატეგიული უპირატესობის მთავარ განმსაზღვრელ ფაქტორს წარმოადგენდა საომარი ოპერაციებით მოცული გეოსტრატეგიული სივრცის დისკრეტული ხასიათი: საქართველოს შეიარაღებული ძალებისა და აფხაზეთის ქართული სამოქალაქო ხელისუფლების კონტროლქვეშ იმყოფებოდა აფხაზეთის ტერიტორიის უმეტესი ნაწილი ქალაქ სოხუმთან ერთად. მოწინააღმდეგის ტყვარჩელის დაჯგუფება იმყოფებოდა

¹⁹⁶⁴ . ზ. პაპასჭირი. ნარკვევები..., ნაკვ. II, გვ. 389.

¹⁹⁶⁵ , გვ. 380.

¹⁹⁶⁶ . გ. გასვიანი, თ. გასვიანი. დასახ. ნაშრომი, გვ. 180.

ბლოკადაში, ხოლო ბლოკადური ჯაჭვი შეკრული იყო გუმისთის ფრონტის ხაზით, რადგანაც ქართული ძალების სოხუმ-გულრიფშის დაჯგუფება უზრუნველყოფდა აფხაზეთის ორი ისტორიული ნაწილისა და სეპარატისტთა სამხედრო ძალების ორი ცენტრის – ბზიფ-გუდაუთისა და აბჟუა-ტყვარჩელის ცენტრების – ერთმანეთისაგან გამიჯვნას.

1993 წლის პირველ თვეებში მოწინააღმდეგემ ორჯერ სცადა ბლოკადური ჯაჭვის ლიკვიდაცია და გუმისთის ფრონტის გარღვევით სოხუმის დაკავება. 1993 წლის 2 იანვარს რუსულ-აფხაზურმა ძალებმა გუმისთის პოზიციიდან „გრადის“ ტიპის სარაკეტო დანადგარებიდან მასირებული ცეცხლი გაუხსნეს სოხუმის საცხოვრებელ უბნებს, რათა პანიკა და შიში დაეთესათ მებრძოლებსა და მშვიდობიან მოსახლეობაში. 4–5 იანვარს მოწინააღმდეგემ დაიწყო შეტევა რუსული ჯავშანტექნიკის გამოყენებით, გუმისთის ფრონტის ახადარის უბანზე. ერთხანს რუსულ-აფხაზურ-კონფედერატულმა ჯგუფებმა შეძლეს მდინარის ფორსირება და მარცხენა ნაპირზე მცირე პლაცდარმის შექმნა, მაგრამ არტილერიის კონტრდარტყმებისა და გუმისთის ფრონტის ნაწილების კონტრშეტევის შედეგად მტერი განადგურებულ იქნა. მოწინააღმდეგემ დახოცილთა სახით 90-მდე მებრძოლი, ასევე ხუთი ჯავშანმანქანა დაკარგა.¹⁹⁶⁷

„ახადარის ოპერაციის“ ჩავარდნამ და დიდძალმა ადამიანურმა დანაკარგებმა გამოიწვია სერიოზული დაპირისპირების პროვოცირება გუდაუთის დაჯგუფების ზედა ეშელონებში. ვ. არძინბას ღიად დაუპირისპირდა აფხაზ ფუნქციონერთა ერთი ჯგუფი, მაგრამ ამ ეტაპზე ვ. არძინბამ შეძლო კრიზისის ნეიტრალიზაცია და თავიდან აიცილა სეპარატისტული რეჟიმის შიდა დესტაბილიზაცია.

რუსულ-აფხაზურ-კონფედერატული კოალიციის მეორე და გაცილებით მასშტაბური შეტევითი ოპერაცია გუმისთის ფრონტზე მოხდა 1993 წლის 14–16 მარტს. რუსული ავიაციის და სეპარატისტთა მიმღე არტილერიის მიერ სოხუმისა და ქართული არმიის პოზიციების მასირებული დაბომბვის შემდეგ აფხაზების, კონფედერატებისა და „სლაუბატის“ გაერთიანებული ძალები შეტევაზე გადმოვიდნენ. სისხლისმღვრელი ბრძოლების შემდეგ მოწინააღმდეგემ შეძლო ქართული შენაერთების პოზიციის გარღვევა გუმისთის ფრონტის ცენტრალურ და სამხრეთ უბნებზე და ქართული ნაწილების მიერ დაკავებული ტერიტორიის სიდრმეში შემოაღწია, მაგრამ სწორედ აქ მოექცა ის ალყაში და ქართული მიმღე არტილერიის მიერ პროფესიონალურად და ოპერატიულად განხორციელებული მასირებული ცეცხლისაგან წარმოქმნილ „ქაბში“. სეპარატისტთა და კონფედერატთა დანაკარგები მართლაც რომ ყველაზე დიდი იყო ომის დაწყებიდან როგორც ცოცხალი ძალის, ისე სამხედრო ტექნიკის მხრივ.

ქართული არმიის კონტრშეტევა 17 მარტს დასრულდა გუმისთის ფრონტზე შეტევამდე არსებული სტრატეგიული სიტუაციის აღდგენით. ე. შევარდნაძისა და უმაღლესი სამხედრო სარდლობის ბრძანებით ქართული შენაერთები შეაჩერეს ფრონტის ხაზზე, მიუხედავად იმისა, რომ სწორედ მარტის ოპერაციის დროს არსებობდა ფაქტობრივად ერთადერთი ყველაზე რეალური შანსი მდ. გუმისთის მარჯვენა ნაპირზე გასვლისა და მოწინააღმდეგის გუდაუთა-ახალი ათონის დაჯგუფების ლიკვიდაციისა.

ამრიგად, 1993 წ. იანვრისა და მარტის ბრძოლებს აფხაზეთის ომის საერთო სტრატეგიულ ფორმატში არსებითი ცვლილებები არ შეუტანია. საქართველოს შეიარაღებულმა ძალებმა მყარი და გონივრული თავდაცვის, მტრის შემტევი დაჯგუფებების ეფექტური დეზორგანიზაციისა და, რაც ყველაზე არსებითია, გუმისთის ფრონტის ცენტრსა და ფლანგებზე ძლიერი საარტილერიო კონტრდარტყმებით ჩაშალეს მოწინააღმდეგის მცდელობა – დაეკავებინა სოხუმი და მიეღწია სტრატეგიული უპირატესობისათვის.

საქართველოს პარლამენტმა ე. შევარდნაძეს მოსთხოვა, ოფიციალურად დაესვა საერთაშორისო დონეზე საკითხი რუსეთის აგრესიის შესახებ. 1993 წ. 24 აპრილის დადგენილებაში აღინიშნა: „საქართველოს სახელმწიფოს მეთაურმა მიმართოს

¹⁹⁶⁷ . აფხაზეთის ხმა, 1993, 14 იანვარი.

რუსეთის ფედერაციის პრეზიდენტს – აფხაზეთიდან რუსეთის ჯარის გაყვანის თაობაზე... ამ მოთხოვნის შეუსრულებლობის შემთხვევაში, აფხაზეთის კონფლიქტის ზონა მდ. გუმისთის ჩრდილო-დასავლეთით რუსეთ-საქართველოს საზღვრამდე, ჩაითვალოს რუსეთის ფედერაციის მიერ ოკუპირებულ ტერიტორიად და საქართველოს სახელმწიფოს მეთაურმა, საგარეო საქმეთა სამინისტრომ, საქართველოს რესპუბლიკის წარმომადგენელმა გაერთიანებული ერების ორგანიზაციაში შესაბამისი საკითხი დასვან – გაერო-ს უშიშროების საბჭოსა და სხვა საერთაშორისო ორგანიზაციებში – საერთაშორისო სამართლით გათვალისწინებული მექანიზმების ამოქმედებისათვის“.¹⁹⁶⁸ საქართველოს პარლამენტის ეს დადგენილება ქაღალდზე დარჩა.

1993 წლის 29 აპრილს შეიქმნა ერთიანი სამხედრო-პოლიტიკური ორგანო – აფხაზეთის თავდაცვის საბჭო, რომლის შემადგენლობაში შევიდნენ: თ. ნადარეიშვილი (თავმჯდომარე), გ. გაბისკირია (ქ. სოხუმის მერი), დ. გულუა (აფხაზეთის შინაგან საქმეთა მინისტრი), ი. კეშელავა (აფხაზეთის საინფორმაციო-სა-დაზვერვო სამსახურის უფროსი), ვ. ქვარაია (მეორე საარმიო კორპუსის მეთაური), ზ. უჩაძე (24-ე ბრიგადის მეთაური), გ. ადამია (23-ე ბრიგადის მეთაური), ლ. მარშანია და რ. სიჭინავა (აფხაზეთის არ მინისტრთა საბჭოს თავმჯდომარის პირველი მოადგილეები)¹⁹⁶⁹.

მაგრამ მიმდინარე პროცესებზე ოპერატიული რეაგირების ნაცვლად და საქართველოს სახელმწიფოებრივი ინტერესების საწინააღმდეგოდ ე. შევარდნაძემ კიდევ უფრო გაააქტიურა სტრატეგიულად წამგებიანი კაპიტულანტური დიპლომატიური თამაში. 1993 წლის 14 მაისს მოსკოვში ხელმოწერილ იქნა რუსეთ-საქართველოს შეთანხმება ცეცხლის შეწყვეტისა და კონფლიქტის მშვიდობიანი მოწესრიგების საფუძვლების შესახებ. შეთანხმებას, რომელმაც კვლავ მოადუნა ქართული მხარის ყურადღება და საომარი სიფხიზლე, შედეგად მოჰყვა ტრაგიკული სტრატეგიული შედეგები.

ერთ-ერთი მნიშვნელოვანი მათ შორის იყო ტყვარჩელის ბლოკადის მოხსნა და მოწინააღმდეგის ტყვარჩელის დაჯგუფების სტრატეგიული ტრომბის დებლოკირება. ამ აქციაზე საქართველოს ხელისუფლების ყოვლად გაუმართლებელი და დანაშაულებრივი თანხმობა სწორედ 14 მაისის კაპიტულანტური შეთანხმებით გათვალისწინებული ე.წ. ჰუმანიტარული დერეფნის ორგანიზების ფარგლებში მოხდა.

1993 წლის 16 ივნისს საქართველოს ხელისუფლების თანხმობით, რუსეთის საგანგებო სიტუაციების სამინისტრომ განახორციელა „ჰუმანიტარული“ დახმარების ოპერაცია: სადესანტო-სატრანსპორტო ხომალდებმა სოჭიდან ზღვით სოხუმში ჩაიტანეს „კამაზის“ ტიპის 30 სატრანსპორტო ტრაილერი, სოხუმიდან კი კოლონა ყოველგვარი შეფერხებისა და მონიტორინგის გარეშე (?) ტყვარჩელში ჩავიდა. ეს იყო უპრეცედენტო და მსოფლიო პრაქტიკაში ანალოგის არმქონე აქცია, რადგანაც ბლოკირებული ტყვარჩელისათვის აუცილებელ სურსათთან და მედიკამენტებთან ერთად, აფხაზეთის ე. წ. აღმოსავლეთის ფრონტის საჭიროებისათვის ტრანსპორტირებულ იქნა დიდი რაოდენობის ტყვია-წამალი, საბრძოლო მასალა და, შესაძლოა, ცოცხალი ძალაც.

1993 წლის შუა ხანებისათვის აფხაზეთის ომში შექმნილმა ოპერატიულ-სტრატეგიულმა ვითარებამ, იანვრისა და მარტის შეტევითი ოპერაციების დიდი დანაკარგებით ჩავარდნამ რუსულ-აფხაზურ-კონფედერატული კოალიცია დააყენა სამხედრო ოპერაციების დაგეგმვის სტრატეგიის შეცვლის აუცილებლობის წინაშე. კერძოდ, ისინი დარწმუნდნენ, რომ გუმისთის ფრონტის გარღვევა ერთი სტრატეგიული მიმართულებით შეტევის ფორმით, თანაც ქართული მხარის სოხუმი-გულრიფშის დაჯგუფების ხელში არსებული სტრატეგიულ-ტექნიკური არსენალის პირობებში, პრაქტიკულად შეუძლებელი იყო.

მოწინააღმდეგის სამხედრო სარდლობამ შეიმუშავა თვისობრივად ახალი სტრატეგია, რომელიც ითვალისწინებდა კომბინირებულ ტაქტიკურ ფორმატს – ერთდროულ

¹⁹⁶⁸ . საქართველოს პარლამენტის უწყებანი, 1993, №5-8, გვ. 135-136.

¹⁹⁶⁹ . აფხაზეთის საკითხი ოფიციალურ დოკუმენტებში, I. თბ., 2000, გვ. 171.

შეტევას ერთბაშად ორივე ფრონტის ყველა უბანზე, თანაც წინასწარი მადეზორიენტირებული სამხედრო მანევრებით, რომელთა მიზანი იყო ქართული მხარის ყურადღების გადატანა და კონცენტრაცია სწორედ ამ არაძირითად დარტყმაზე. აფხაზური ისტორიოგრაფიის მოსაზრება, თითქოს ეს ახალი სამხედრო სტრატეგია მომზადდა აფხაზეთის სამხედრო სარდლობის მიერ, რბილად რომ ვთქვათ, სიმართლეს არ შეეფერება. ახალი გეგმა მთლიანად დამუშავდა რუსეთის შეიარაღებული ძალების გენერალური შტაბის შესაბამის სტრუქტურებში, ხოლო მისი პრაქტიკული რეალიზაცია უშუალო საომარ ოპერაციებში – განხორციელდა რუსეთის გენერალიტეტისა და ოფიცერთა სპეციალური ჯგუფების ოპერატიულ-ტაქტიკური და სამხედრო-საექსპერტო დახმარებით.

აღნიშნული სტრატეგიის ფარგლებში, რუსეთის თავდაცვის სამინისტროს გენერალურმა შტაბმა შეიმუშავა სოხუმის აღების სპეციალური საიდუმლო გეგმა, რომელიც შედგებოდა ოთხი პუნქტისაგან: „1) ტყვარჩელის დაჯგუფების მიერ ოჩამჩირის რაიონის ავტოტრასის ხელში ჩაგდება; 2) ოჩამჩირეში საზღვაო დესანტის გადასხმა ტამიშთან და მისი შეერთება ტყვარჩელის დაჯგუფებასთან; 3) პარალელურად შეტევის განხორციელება გუმისთიდან და სოხუმის ირგვლივ სტრატეგიული სიმაღლეების ხელში ჩაგდება; 4) საბოლოო ჯამში, სოხუმის რკალში მოქცევა და აღება“.¹⁹⁷⁰ სტრატეგიული ატრიბუციის თვალსაზრისით ცხადია, რომ გეგმა მიზნად ისახავდა საომარი მოქმედებების თეატრის დაყოფას ორ საოპერაციო ზონად, რომელთაგან ერთში უნდა განხორციელებულიყო მთავარი დარტყმა, ხოლო მეორეს უნდა ჰქონოდა ქართული მხარის დეზორიენტაციისა და ყურადღების გადატანის ფუნქცია.

1993 წ. 2 ივლისს სოფ. ტამიშთან რუსეთის სამხედრო-საზღვაო ფლოტის სადესანტო ხომალდებიდან გადმოსხდა რუსულ-აფხაზური დესანტი 300 მეტრძოლის შემადგენლობით და თითო-თითო ერთეული ტანკით, ჯავშანტრანსპორტიორითა და „გრადის“ ტიპის სარაკეტო დანადგარით.¹⁹⁷¹ სოფ. ლაბრასთან და ტამიშთან დისლოცირებულმა ქართულმა შენაერთებმა შეტევის მოულოდნელობის გამო ვერ შეძლეს დესანტის ბლოკირება, რომელმაც ტამიშთან მცირე პლაცდარმის შექმნის შემდეგ მოახერხა „აღმოსავლეთის ფრონტის“ ნაწილებთან შეერთება და გაერთიანებული ძალებით ოჩამჩირე-სოხუმის ავტომაგისტრალის გარკვეული მონაკვეთის გაკონტროლება.

როგორც ჩანს, ტამიშის დესანტს ჰქონდა ყურადღების გადატანის ფუნქცია, რადგანაც იმავე 2 ივლისს რუსულ-აფხაზურ-კონფედერატულმა ფორმირებებმა დაიწყეს მასი-რეზული შეტევა გუმისთის ფრონტის მარცხენა სექტორზე. მათ ისარგებლეს ტამიშის დესანტის მიერ ოჩამჩირე-სოხუმის ავტომაგისტრალის მნიშვნელოვანი მონაკვეთის ხელში ჩაგდებით და ქართული შეიარაღებული ძალების სოხუმი-გულრიფშის დაჯგუფების ბლოკირებით. მოწინააღმდეგემ შეძლო მდ. გუმისთის ფორსირება, ფრონტის გარღვევა და სოხუმის ჩრდილოეთით სოფლების – კამანის, ახალშენისა და გუმას დაკავებით მძლავრი პლაცდარმის შექმნა სოფ. შრომის ასაღებად. 9 ივლისს რუსულ-აფხაზურმა ძალებმა კონტროლი დაამყარეს სოფ. შრომაზე და ცუგუროვკისა და ახბიუკის სტრატეგიულად მნიშვნელოვან სიმაღლეებზე.

ქართულმა შენაერთებმა და სახალხო ლაშქარმა, გმირული ბრძოლების და შეთანხმებული ოპერატიულ-ტაქტიკური ღონისძიებების, განსაკუთრებულად კი მძიმე არტილერიის პრაქტიკულად უშეცდომო მოქმედებების შედეგად წარმატებით დაასრულეს ტამიშის დესანტის ლიკვიდაციის ოპერაცია: დესანტისა და მასთან გაერთიანებული აღმოსავლეთის ფრონტის ფორმირებები თითქმის მთლიანად იქნა განადგურებული და მხოლოდ უმნიშვნელო ნაწილმა მოახერხა შეერთება ტყვარჩელის დაჯგუფებასთან.

მიუხედავად ამისა, ივლისის ოპერაციის შედეგად ფრონტებზე შექმნილი სტრატეგიული სიტუაცია არახელსაყრელი იყო ქართული მხარისათვის. გუმისთის ფრონტზე

¹⁹⁷⁰ . აფხაზეთის ლაბირინთი, გვ. 150.

¹⁹⁷¹ . გ. გასვიანი, თ. გასვიანი დასახ. ნაშრომი, გვ. 191.

მოწინააღმდეგემ შეძლო სტრატეგიული უპირატესობის მოპოვება – ფრონტი ფაქტობრივად შუაზე გაიხლიჩა, სეპარატისტებმა კონტროლი დაამყარეს შრომა-სოხუმის სტრატეგიულად მნიშვნელოვან ტრასაზე, ასევე ცუგუროვკისა და ახბიუკის სიმაღლეებზე. აღმოსავლეთის ფრონტზე კი, ოჩამჩირის რაიონის ზოგიერთ სოფელზე კონტროლის დამყარებით, აფხაზურმა ფორმირებებმა შექმნეს ცენტრალურ ავტონომიის ტრალთან მაქსიმალურად მიახლოებული საოპერაციო ზონა, რომლიდანაც გაცილებით ადვილი იყო ოჩამჩირე-სოხუმის სტრატეგიული კომუნიკაციის ბლოკირება დიდ სიგრძეზე – სოფ. ლაბრიდან მდ. კოდორის ხიდამდე.

რუსულ-აფხაზური ძალების 2–9 ივლისის შეტევის შედეგების ლიკვიდაცია მოითხოვდა გადაუდებელი სამხედრო-სტრატეგიული ხასიათის ღონისძიებების გატარებას ქვეყნის თავდაცვისუნარიანობის სფეროში არსებული სტრატეგიული რესურსების თავმოყრის, საყოველთაო მობილიზაციის გამოცხადების, არსებული მორალურ-ფსიქოლოგიური კრიზისის განეიტრალების, შეიარაღებული ძალების მართვის სტრუქტურის გაუმჯობესების, ცალკეული ნაწილებისა და შენაერთების მოქმედებათა ოპერატიული კოორდინაციისა და სხვ. თვალსაზრისით.

ყოველივე ამის ნაცვლად, ე. შევარდნაძემ და მისმა გარემოცვამ ომის ფრონტებზე ივლისამდე არსებული ბალანსირებული სტრატეგიული სიტუაციის აღდგენის გარეშე (არადა, ამისათვის ადამიანური და ტექნიკური რესურსები ჯერ კიდევ არსებობდა), გააგრძელა კაპიტულანტური დიპლომატიური თამაში რუსეთთან და მის კონტროლქვეშ მყოფ სეპარატისტებთან.

1993 წ. 27 ივლისს, წინა დღეებში რუსეთის ფლოტისა და ავიაციის მიერ სოხუმისა და სოფ. დრანდის დაბომბვის (21 ივლისს), ასევე რუსულ-აფხაზური ძალების მიერ ტამიშის მიდამოებთან განხორციელებული შეტევების (23–24 ივლისს) ფონზე, ქ. სოჭში ხელმოწერილ იქნა სამხრეთი (რუსულ-ქართულ-აფხაზური) შეთანხმება აფხაზეთში ცეცხლის შეწყვეტის შესახებ.¹⁹⁷² თავისთავად ის წარმოადგენდა ჩვეულებრივ სამშვიდობო აქტს, რომელიც ითვალისწინებდა ცეცხლის შეწყვეტას, მეომარ მხარეთა დაშორიშორებას, ქ. სოხუმისა და სხვა ზონების დემილიტარიზაციას, სამშვიდობო პროცესის მართვისა და მონიტორინგის ეფექტური საკონტროლო მექანიზმის შექმნას. მაგრამ ეს არის სოჭის ხელშეკრულების აბსტრაქტული კონფლიქტოლოგიური ატრიბუცია.

რეალურად კი შეუძლებელია 27 ივლისის ხელშეკრულების განხილვა აფხაზეთში არსებული სამხედრო-სტრატეგიული და ოპერატიული სიტუაციის კონტექსტის ფარგლებს გარეთ. კერძოდ, როგორც უკვე ვნახეთ, 1993 წ. 2–9 ივლისის რუსულ-აფხაზურმა შეტევამ ფაქტობრივად უზრუნველყო რუსეთის თავდაცვის სამინისტროს გენშტაბში შემუშავებული სოხუმის აღების 4-პუნქტიანი ოპერატიული გეგმის სამი პუნქტის რეალიზაცია. რჩებოდა მხოლოდ ბოლო პუნქტის – უშუალოდ სოხუმის დაუფლების – განხორციელება, რასაც აბრკოლებდა საქართველოს შეიარაღებული ძალების სოხუმი-გულრიფშის დაჯგუფება და მის ხელში არსებული სტრატეგიულ-ტექნიკური არსენალი. მაშასადამე, საჭირო იყო ამ დაჯგუფების დაშლა, მისი ძირითადი ნაწილის გაყვანა აფხაზეთიდან და მძიმე საბრძოლო ტექნიკის გატანა. სწორედ ამას ითვალისწინებდა სოჭის ხელშეკრულება: თავისი ფორმალური სამშვიდობო პათეტიკის მიუხედავად, სოჭის ხელშეკრულების სიდრმისეულ სტრატეგიულ ატრიბუციას პრაქტიკულად ერთადერთ დასკვნამდე მივყავართ – ის ითვალისწინებდა საქართველოს ჯარების გაყვანას აფხაზეთიდან.

ამდენად, სოჭის 27 ივლისის ხელშეკრულება ფაქტობრივად იყო არა ორდინალური სამშვიდობო ფორმატის შეთანხმება, არამედ რუსულ-აფხაზური კოალიციის მიერ სოხუმის აღების ოპერატიული გეგმის ორგანული ნაწილი.

1993 წ. აგვისტოსა და სექტემბრის პირველ ნახევარში, სოჭის ხელშეკრულების პირობების შესრულების ფორმატით, ე. შევარდნაძემ განახორციელა სტრატეგიულად კაპიტულანტურ ღონისძიებათა მთელი კომპლექსი: გუმისთისა და ოჩამჩირის ფრონტების დაშლა, გუმისთის ხაზზე მხოლოდ ორი (?) ქართული სამეთვალყურეო

¹⁹⁷² . რეგიონული კონფლიქტები..., გვ. 111-112.

პუნქტის დატოვება, ქართული სამხედრო შენაერთებისა და ბატალიონების, მათ შორის სოხუმის დაცვის ღერძული სამხედრო სტრუქტურის – თავდაცვის სამინისტროს 23-ე მექანიზებული ბრიგადის, ასევე მოსახლეობის ვოლონტიორული კორპუსების დაშლა, მიიმე სამხედრო ტექნიკის (ტანკები, ქვეითთა საბრძოლო მანქანები, ჯავშანტრანსპორტიორები, არტილერია, საზენიტო დანადგარები და სხვ.) გატანა კონფლიქტის ზონიდან (რუსეთის სამხედრო-სატრანსპორტო საშუალებებისათვის გარკვეული თანხის გადახდით (sic).

ასე განახორციელა საქართველოს მაშინდელმა ხელისუფლებამ სოხუმის დაცვის სამხედრო ინფრასტრუქტურის დემონტაჟი. ე. შევარდნაძისა და მისი გუნდის ზოგიერთი წარმომადგენლის აპელირება რუსეთის, როგორც სოჭის ხელშეკრულების მთავარი ფორმალურ-იურიდიული გარანტის მიერ ნაკისრი ვალდებულებების უკვე მერამდენედ შეუსრულებლობაზე, რაც, რასაკვირველია, ფაქტია, ამ შემთხვევაში არ ცვლის საქმის ვითარებას და ვერც ხელისუფლების დანაშაულებრივ სამხედრო-ლიბლომატიურ პოლიტიკას ამართლებს.

მთელი ამ ხნის მანძილზე იძულებით ექსორიაში მყოფი საქართველოს პრეზიდენტი ზვიად გამსახურდია მაქსიმალურად ცდილობდა პროცესებზე გარკვეული ზემოქმედების მოხდენას. ის საქართველოს შეიარაღებული ძალების ერთიანი მართვისა და კოორდინაციის ოპტიმალურ ვარიანტს სთავაზობდა თვით ოფიციალურ ხელისუფლებას დაქვემდებარებულ ქართულ შენაერთებსაც. ამ კურსის გამოსატყულება მისი მიმართვა აფხაზეთში დისლოცირებული ქართველი მეომრებისადმი (1993 წ. 7 ივნისს).

განსაკუთრებულ ყურადღებას იმსახურებს ზვიად გამსახურდიას 1993 წლის 20 ივლისის მიმართვა „ქართველ ერს და აფხაზეთში დისლოცირებულ ყველა ქართველ მეომარს“ მიმართვაში ზ. გამსახურდიამ აღნიშნა, რომ მზადდებოდა ახალი სამმხრივი შეთანხმება აფხაზეთის დემილიტარიზაციის, სოხუმიდან ქართული ჯარების, მიიმე ტექნიკისა და არტილერიის გატანის და აფხაზეთში ე.წ. „ცხინვალის ვარიანტის“ (ე.ი. ქართული საჯარისო ნაწილების მიერ რეგიონის დატოვებისა და იქ რუსეთის „სამშვიდობო“ კონტინგენტის დისლოკაციის) გადატანის პერსპექტივით. ყოველივე ამის ფონზე, მან მოუწოდა აფხაზეთში დისლოცირებულ ყველა ქართული შენაერთის სამეთაურო და პირად შემადგენლობას, არ დამორჩილებოდნენ მომავალი ხელშეკრულების შესრულების მოთხოვნებს, ვინაიდან ამას „ქართული მოსახლეობის არნახელი გენოციდი და დეპორტაცია“ მოჰყვებოდა; ამიტომ უნდა გაეგრძელებინათ ბრძოლა საქართველოს ტერიტორიული მთლიანობის აღდგენისათვის.¹⁹⁷³ ზვიად გამსახურდიას ეს პატრიოტული და, სამწუხაროდ, წინასწარმეტყველური განცხადება გაკეთდა სოჭის ავბედით ხელშეკრულებამდე ერთი კვირით ადრე და ამ ხელშეკრულების ძალით სოხუმისა და მთელი აფხაზეთის დაცვამდე სამოცდაათი დღით ადრე.

1993 წ. 16 სექტემბერს მოწინააღმდეგე მხარემ დაარღვია შეთანხმება ცეცხლის შეწყვეტის შესახებ და დაიწყო შეტევა ოჩამჩირის ფრონტზე. ტყვარჩელის დაჯგუფების შენაერთებმა გადაკეტეს ოჩამჩირე-გულრიფშის რაიონების ადმინისტრაციულ საზღვართან, მდ. კოდორზე არსებული საავტომობილო და სარკინიგზო ხიდები. სოხუმის დამცველებისათვის სამხედრო დახმარების ჩასაშლელად ორგანიზებული სტრატეგიული ტრომბის პარალელურად, მტრის ძალებმა დაიწყეს მიმდებარე სოფლების (ვარჩე, ყორასი, დრანდა, ბაბუშარა) და სოხუმის აეროპორტის დაბომბვა.

17 სექტემბერს მოწინააღმდეგე გადმოვიდა შეტევაზე გუმისთის ფრონტზე. ყურადღებას იქცევს შეტევის ოპერატიული მხარე. თუ ადრე მტრის შეტევების ოპერატიული სტრუქტურა იყო ერთიანი, ამჯერად მან მიიღო ეშელონიზებული ფორმა: პირველ ეშელონს ქმნიდნენ რუსეთის რეგულარული არმიის სპეცნაწილები და კონფედერატთა რაზმები; მეორე ეშელონს – აფხაზეთი ბატალიონები. გარდა ამისა, გამოყოფილი იყო მესამე, სარეზერვო ეშელონი რუსეთის არმიის ნაწილების სახით,

¹⁹⁷³ . ჯ. გამახარია. საქართველოს დევნილი ხელისუფლება და აფხაზეთის ომი. თბ., 1998, გვ. 59.

რომელიც მოიცავდა ქვეითთა, სატანკო და საარტილერიო რეზერვებს. სარეზერვო ეშელონის ამოქმედება გათვალისწინებული იყო პირველი და მეორე ეშელონების წარუმატებლობის შემთხვევაში. საბოლოო ჯამში, რუსულ-აფხაზურ-კონფედერატული კოალიციის შეტევის ოპერატიულმა სიღრმემ შეადგინა რამდენიმე კილომეტრი. ყოველივე ამის საწინააღმდეგოდ ქართულმა მხარემ შეძლო შედარებით ნაკლები რაოდენობის ცოცხალი ძალის მობილიზაცია, ძირითადად ადგილობრივი მოსახლეობისაგან, თანაც თითქმის ყოველგვარი მძიმე ტექნიკის გარეშე. ამავე დროს, ფაქტობრივად ვერ მოხერხდა თავდაცვის ეშელონიზებული ტაქტიკური ზონის აღდგენა – ქართული მხარის მიერ სოჭის ხელშეკრულების შესრულების მასშტაბებმა გამორიცხა ამის შესაძლებლობა.

მოწინააღმდეგემ შეტევის პირველსავე დღეს შეძლო მდ. გუმისთაზე ორივე ხიდის აღება და ავიაციისა და არტილერიის მხარდაჭერით კონტროლი დაამყარა სოხუმის მიმდებარე სოფლებზე – თავისუფლებაზე, ბირცხასა და ოდიშზე.¹⁹⁷⁴

სოხუმის ირგვლივ სტრატეგიული წრის შეკვრაში დიდი როლი შეასრულა რუსეთის შავი ზღვის ფლოტმა. უკვე 16–17 სექტემბრიდან რუსულმა ხომალდებმა სოხუმ-გულრიფშის აკვატორიაში ქართული არმიის პოზიციებისა და აეროპორტის პერმამენტულ დაბომბვასთან ერთად, უზრუნველყვეს ქართული კომუნიკაციების ბლოკირება.

21 სექტემბერს ადღერში გაიმართა ე. შევარდნაძის, თავდაცვის მინისტრის გ. ყარყარაშვილისა და საინფორმაციო-სადაზვერვო სამსახურის უფროსის ი. ბათიაშვილის შეხვედრა რუსეთის თავდაცვის მინისტრთან პ. გრაჩოვთან. შეხვედრაზე საქართველოს მხარემ მოითხოვა რუსეთის მიერ სოჭის შეთანხმების ფარგლებში ნაკისრი ვალდებულებების შესრულება, ე.ი. მოწინააღმდეგე მხარის შეტევის სამხედრო ბლოკირება ან, ყოველ შემთხვევაში, ნეიტრალიტეტის დაცვა. მაგრამ რუსეთმა აქაც გამოავლინა თავისი მზაკურული იმპერიული სახე. „გრაჩოვმა, – აღნიშნავს ე. შევარდნაძე, – მთელი პრინციპულობით დააყენა საკითხი: „აფხაზეთის პრობლემას მოგიხსნით, საჭიროა მხოლოდ ორი სრულფასოვანი დივიზია შემოვიყვანოთ.“¹⁹⁷⁵

როგორც ჩანს, რუსეთი თავისი სახელშეკრულებო ვალდებულებების შესრულების პირობად აყენებდა არა საკუთრივ სოჭის ხელშეკრულების ძალით სანქცირებულ ჩარევას, რისთვისაც აბსოლუტურად საკმარისი რესურსები არსებობდა აფხაზეთში რუსეთის ჯარების ოპერატიული ჯგუფის (სარდალი – გენერალ-ლეიტენანტი ჩინდაროვი) სახით, არამედ დამატებითი სამხედრო ხელშეკრულების საფუძველზე ორი სპეცდივიზიის დისლოკაციას, რაც საქართველოს ტერიტორიის გარკვეული ნაწილის ფაქტობრივ ოკუპაციას გულისხმობდა (თანაც, უკეთეს შემთხვევაში, აფხაზეთის ომის გუმისთის ფრონტზე ვადაგაურკვეველი დაკონსერვებით). შეთანხმების მიღწევა ვერ მოხერხდა.

1993 წ. 24 სექტემბერს საქართველოში დაბრუნდა დევნილი პრეზიდენტი ზ. გამსახურდია¹⁹⁷⁶. იმავე დღეს მან გამოაცხადა, რომ შეუდგება შეიარაღებული ძალების მთავარსარდლის მოვალეობის შესრულებას, მაგრამ, გასაგები მიზეზების გამო, დაგეგმილი სტრატეგიული ღონისძიებების (ჯარების მართვის ერთიანი სისტემის შექმნა და სამობილიზაციო შტაბების ორგანიზაცია) განხორციელება ვერ მოხერხდა. 23 სექტემბერს რუსულ-აფხაზურ-კონფედერატულმა რაზმებმა დაიკავეს სოფ. ანადარა. 25 სექტემბრისათვის მათ დაამყარეს კონტროლი ეშბას ქუჩასა და რკინიგზის სადგურზე. დაიწყო სისხლისმღვრელი ქუჩის ბრძოლები. მძიმე ტექნიკისა და მძლავრი საბრძოლო იარაღის უქონლობის პირობებში, სოხუმის დამცველები გმირულ წინააღმდეგობას უწევდნენ მოწინააღმდეგის კბილებამდე შეიარაღებულ შენაერთებს. 10–11 დღიანი გმირული ბრძოლების შემდეგ, როდესაც ყველა შესაძლებელი რესურსი ამოიწურა, სოხუმის დამცველების წინააღმდეგობა გატეხილ იქნა: 27 სექტემბერს მოწინააღმდეგემ აიღო მთავრობის სასახლის შენობა და კონტროლი დაამყარა სოხუმზე. 28–30 სექტემბერს რუსულ-აფხაზურ-კონფედერატულმა

¹⁹⁷⁴ . გ. გასვიანი, თ. გასვიანი. დასახ. ნაშრომი, გვ. 198.

¹⁹⁷⁵ . ე. შევარდნაძე. ფიქრები წარსულსა და მომავალზე, თბ., 2005, გვ. 177.

¹⁹⁷⁶ . ჯ. გამახარია. საქართველოდან დევნილი..., გვ. 15.

კოალიციამ გააგრძელა შეტევა სამხრეთ-აღმოსავლეთის მიმართულებით და 30 სექტემბერს გავიდა მდ. ენგურზე, გალისა და ზუგდიდის რაიონების ადმინისტრაციულ საზღვარზე. აფხაზეთის ომი, როგორც ასეთი, ე.ი. როგორც საკუთრივ საომარი მოქმედებების ერთობლიობა, დასრულდა საქართველოს დამარცხებითა და სახელმწიფოებრივი კატასტროფით.

საქართველოს შეიარაღებული ძალების აფხაზეთიდან ევაკუაციის შემდეგ რუსულ-აფხაზურ-სომხურ-კონფედერატულმა შენაერთებმა განახორციელეს ქართული მოსახლეობის მასობრივი მკვლელობები, წამების და ძალადობის ბარბაროსული აქტები, ქართველების კუთვნილი სახლებისა და სხვა უძრავი ქონების განადგურებამიტაცება. ყოველგვარი საერთაშორისო ნორმებისა და ელემენტარული ადამიანური პრინციპების უგულვებელყოფით მომხდურებმა ფიზიკურად გაანადგურეს აფხაზეთის მინისტრთა საბჭოს თავმჯდომარე ჟ. შარტავა, ქ. სოხუმის მერი გ. გაბესკირია, მრეწველობის მინისტრი რ. ეშბა, მთავრობის სხვა წევრები და მათი თანმხლები პირები.

ფართომასშტაბიანი ჰუმანიტარული კატასტროფა მოჰყვა კოდორის ხეობით (მერხეული-წებელდა-ლათა-აჟარა-გენწვიში-ჩხალთა-საკენი-ჭუბურის მიმართულებით ე.წ. „გოლგოთის გზით“) კონფლიქტის ზონიდან ქართული მოსახლეობის ევაკუაციას. მოსახლეობის მნიშვნელოვანი ნაწილი, მათ შორის 400-მდე ბავშვი დაიღუპა სიცივისა და შიმშილისაგან ჭუბურის უღელტეხილზე.

რუსულ-აფხაზურ-კონფედერატული კოალიციის მიერ ოკუპირებულ ტერიტორიაზე დაიწყო ქართული მოსახლეობის ტოტალური ეთნიკური წმენდისა და გენოციდის პოლიტიკის გატარება, რაც საერთაშორისო ჰუმანიტარული სამართლის ნებისმიერ აქტში კვალიფიცირდება, როგორც სამხედრო დანაშაული და დანაშაული ადამიანურობის წინააღმდეგ. აღსანიშნავია, რომ ეთნოციდის მსხვერპლთა აბსოლუტურ უმრავლესობას წარმოადგენს არაკომბატანტი მშვიდობიანი მოსახლეობა.

ომისა და შემდგომი ეთნოწმენდა-გენოციდის შედეგად, ზოგიერთი მონაცემით, დაიღუპა 30 ათასი ეთნიკური ქართველი, სხვადასხვა ეროვნების 300 ათასზე მეტი ადამიანი (უპირატესად ქართველობა) გახდა აფხაზეთიდან ღტოლვილი და იძულებით ადგილნაცვალი პირი. ეს არის აფხაზეთის ომის ყველაზე კატასტროფული შედეგი – რეგიონში ეთნო-დემოგრაფიული ბალანსის რადიკალური ტრანსფორმაცია და საქართველოს სუვერენიტეტისა და ტერიტორიული უზენაესობის უზრუნველყოფის მთავარი გარანტის – ქართული ეთნიკური უმრავლესობის – არარსებობა. ომმა სერიოზული ზარალი მიაყენა აფხაზი ეთნოსის გენოფონდსაც. დაუზუსტებელი სტატისტიკური მონაცემებით, დაიღუპა ოთხი ათასამდე აფხაზი და 20 ათასზე მეტი ღტოლვილად იქცა.

ომმა უადრესად ნეგატიური ფონი შექმნა ეთნოფსიქოლოგიური თვალსაზრისით. დაირღვა აფხაზი და ქართველი ხალხების მრავალსაუკუნოვანი მშვიდობიანი თანაარსებობის ფორმები და მეგობრულ-ნათესაური კავშირები, რომელთა აღდგენას, ალბათ, გარკვეული დრო დასჭირდება. ამავე დროს სერიოზული ზიანი მიაღება იბერიულ-კავკასიურ ცნობიერებას და ერთიანი კავკასიის იდეას.

2. აფხაზეთი ომისშემდგომი წლებში. 1993-2007 წწ.

აფხაზეთის ომში საქართველოს დამარცხებას, შეიარაღებული ძალებისა და ქართული მოსახლეობის მიერ ავტონომიური რესპუბლიკის ტერიტორიის დატოვებას შედეგად მოჰყვა რეგიონზე საქართველოს იურისდიქციის შეწყვეტა. ამიტომ პოსტკონფლიქტური აფხაზეთი, რეგიონალური პოლიტიკური პროცესის თვალსაზრისით, წარმოადგენს სეპარატისტული რეჟიმის კონტროლის ქვეშ მყოფ პოლიტიკურ სივრცეს. ის არის საქართველოს ცენტრალური ხელისუფლების პოლიტიკური სუვერენიტეტისა და იურისდიქციის ფარგლებს გარეთ მყოფი სეცესიური ლოკალური ზონა, რომელიც რუსეთის სამხედრო-სტრატეგიული მხარდაჭერის საფუძველზე ცალსახად უარყოფს ოფიციალური თბილისის უზენაესობის აღდგენის ნებისმიერ გამოვლინებას.

აფხაზეთის სეცესია საქართველოსაგან არ განხორციელებულა თვითგამორკვევის საერთაშორისო-სამართლებრივი მექანიზმების ან დეკლუაციის პლებისციტარული შიდაკონსტიტუციური პროცესის საფუძველზე¹⁹⁷⁷. ის მოხდა საქართველოს ცენტრალური ხელისუფლების წინააღმდეგ აფხაზი სეპარატისტების ანტიკონსტიტუციური ამბოხებისა და სამხედრო დაუმორჩილებლობის გზით, კონკრეტულად – რუსეთ-საქართველოს ომში უშუალო მონაწილეობის სახით. ამიტომ აფხაზეთის „დამოუკიდებლობა“ საქართველოს სახელმწიფოს წინააღმდეგ მიმართული უდავო საერთაშორისო დელიქტია, რის გამოც მისი ოფიციალური სტატუსირება თანამედროვე საერთაშორისო სისტემაში გამორიცხებულია. საერთაშორისო სამართალი არ ცნობს (და არც არასოდეს აღიარებს) საქართველოსაგან აფხაზეთის გამოყოფას, როგორც ფაქტს და არც ამ გამოყოფის პროდუქტს – აფხაზეთის სახელმწიფოს, როგორც საერთაშორისო სამართლის სუბიექტს.

მაგრამ მიუხედავად ოფიციალური სამართლებრივი ცნობიერებისა, ფაქტია, რომ საქართველომ დროებით დაკარგა კონტროლი აფხაზეთზე. მისი დაბრუნების, ტერიტორიული მთლიანობის პრობლემის გადაწყვეტის გარეშე კითხვის ნიშნის ქვეშ დგას საქართველოს ეროვნულ-სახელმწიფოებრივი ქმნადობის გლობალური საკითხი.

აფხაზეთის დროებითი დაკარგვის ისტორიულ-გეოპოლიტიკური შედეგები, მოკლედ, ასეთი პრობლემური ნუსხის ფორმას იღებს:

- დაკარგულია საქართველოს სახელმწიფო ტერიტორიის 13 % (69,5 ათასი კმ²-ისა და 8,7 ათასი კმ² შეფარდებით);

- დაკარგულია საქართველოს საზღვაო საზღვრის და, აქედან გამომდინარე, შავ ზღვასა და ბოსფორ-დარდანელისა და ატლანტიკა-მედიტერანული აუზის გლობალური მნიშვნელობის სატრანზიტო კომუნიკაციებზე გასასვლელის დაახლოებით 65–67 %;

- რესურსულ-სანედლეულო თვალსაზრისით დაკარგულია შავი ზღვის შეღვის დაახლოებით 65–67 %;

- დაკარგულია პირდაპირი სახმელეთო გასასვლელი რუსეთ-უკრაინის სექტორზე და იქიდან ევროპაზე, რის შედეგადაც საქართველო იმყოფება ნახევარანკლავის მდგომარეობაში;

- მოხდა საქართველოს ტერიტორიისა და საზღვრების „ამოძრავება“ ჩრდილო-დასავლეთიდან სამხრეთ-აღმოსავლეთის მიმართულებით, რის გამოც შემცირდა მანძილი საზღვრის საწყისი წერტილიდან საქართველოს შიდა სიღრმეებამდე, სტრატეგიული დანიშნულების ქალაქებამდე და სხვა ობიექტებამდე (ამას ემატება ანალოგიური პრობლემა შიდა ქართლში, რის გამოც არსებობს ქვეყნის ცენტრალური საკომუნიკაციო არტერიების „გადაჭრის“ საფრთხე);

- აფხაზეთი გადაქცეულია რუსეთის ფაქტობრივ პოლიტიკურ და სამხედრო კოლონიად;

- საქართველოს ჩრდილო-დასავლეთ ნაწილში შექმნილია ქართული მოსახლეობის ვაკუუმი, რაც ნებისმიერ შემთხვევაში და, მით უმეტეს, ამ ვაკუუმის სხვა ეთნიკური მასივით ჩანაცვლების შემთხვევაში, ეთნოდემოგრაფიული კატასტროფის ტოლფასია,

- დაკარგულია საქართველოს სამოციქულო ეკლესიის და მისი საპატრიარქოს კანონიკური იურისდიქციის გარკვეული ტერიტორიული ნაწილი. ამასთან, არსებობს მოსკოვის პატრიარქატს დაქვემდებარებულ პროზელიტურ ეპარქიად მისი გადაქცევის პერსპექტივა, რაც საფრთხეს უქმნის საქართველოს სულიერ სუვერენიტეტს;

- აფხაზეთში მიმდინარეობს „კულტურული გენოციდი“ (ისტორიულ-კულტურული მემკვიდრეობის მიზანმიმართული განადგურება) საქართველოს წინააღმდეგ.

- დაკარგულია ქართველი ერის ეთნოგენეზის ისტორიული არეალის ჩრდილო-დასავლეთი სექტორი. ამის შედეგად საგრძნობლად შეიზღუდა ერის „სასიცოცხლო სივრცე“, მისი კულტურულ-გონითი აქტიურობის ველი;

¹⁹⁷⁷ . პირველის კლასიკური მაგალითია, ვთქვათ, საქართველოს დამოუკიდებლობის დეკლარირება რეფერენდუმის შედეგების საფუძველზე, მეორისა – სლოვაკეთის გამოყოფა ჩეხოსლოვაკიისაგან 1992 წლის 1 იანვარს.

– აფხაზეთის პრობლემის მოწესრიგების ფორმატში, ფორსმაჟორულ რეჟიმში საქართველო იძულებულია დროებით დათმოს თავისი სუვერენიტეტის ნაწილი რუსეთის სასარგებლოდ;

– აფხაზეთის დროებით დაკარგვაში რუსეთის წარმმართველი როლის გამო, საქართველო იძულებულია უარი თქვას გეოპოლიტიკურ-გეოსტრატეგიულ ნეიტრალიტეტზე და უსაფრთხოების საერთაშორისო გარანტიები მიიღოს ევროატლანტიკური სამხედრო სისტემის ფარგლებში, ევრაზიის სამხრეთ-დასავლეთ ზონაში ამ სისტემის ერთ-ერთ პლაცდარმად გადაქცევის პერსპექტივით.

მიუხედავად აუღიარებელი ფორმარულ-იურიდიული მდგომარეობისა და საერთაშორისო სუბიექტუნარიანობის არქონისა, ფაქტია, რომ სეპარატისტული რეჟიმი არსებობს და დე-ფაქტო აკონტროლებს საქართველოს ტერიტორიის 13 %-ს. მას არ გააჩნია ლეგიტიმაციის საერთაშორისო და ზოგადსახელმწიფოებრივი (საქართველოს კანონმდებლობის თვალსაზრისით) საფუძვლები, მაგრამ ამის პარალელურად რეჟიმი ფლობს ლეგიტიმაციის შიდა ლოკალურ წყაროებს და სახელმწიფოებრივი ატრიბუტიკისათვის დამახასიათებელ ნიშნებს – ე. წ. კონსტიტუცია, გერბი, ჰიმნი, დროშა, საარჩევნო კანონმდებლობა და მცირე ელექტორატი, ხელისუფლებისა და მართვის ორგანოების სისტემა, პარტიულ-პოლიტიკური სპექტრი, სეპარატისტული კვაზისახელმწიფოს 14–15 წლიანი პოლიტიკური პრაქტიკა და ა.შ.

საქართველოს შემადგენლობიდან დე-ფაქტო გამოსვლის პირობებში, რუსეთის სამხედრო-პოლიტიკური და საექსპერტო-პოლიტექნოლოგიური დახმარების საფუძველზე ვ. არძინბას კლანმა განახორციელა სეპარატისტული რეჟიმის ინსტიტუციონალიზაცია. მიღებულ იქნა რიგი უკანონო აქტებისა, რომლებმაც განსაზღვრეს სეპარატისტული აფხაზეთის მმართველობის ფორმა, შექმნეს დე-ფაქტო სახელმწიფო ინსტიტუტები და ამით მოახდინეს კვაზისახელმწიფოს ფორმირება. ამ უკანონო აქტებს შორის აღსანიშნავია – 1994 წ. 26 ნოემბერს ე.წ. „პირველი პარლამენტის“ მიერ მიღებული „აფხაზეთის რესპუბლიკის კონსტიტუცია“; 1996 წლის 26 ნოემბრის საპარლამენტო და 1998 წ. 14 მარტის ადგილობრივი თვითმმართველობის არჩევნები; 1999 წ. 3 ოქტომბრის უკანონო რეფერენდუმი „აფხაზეთის დამოუკიდებლობის საკითხზე“ და 1999 წ. 12 ოქტომბრის ე.წ. „აფხაზეთის სახელმწიფოებრივი დამოუკიდებლობის აქტი“.

პოლიტოლოგიური შეფასების თვალსაზრისით უნდა აღინიშნოს, რომ სეპარატისტული რეჟიმის პოლიტიკური ინფრასტრუქტურა თავის თავში აერთიანებს ავტორიტარიზმის, სამხედრო დიქტატურის, აფხაზური ეთნოკრატიზმის, ნომენკლატურული რესტავრაციის, რუსეთის ფაქტობრივი პროტექტორატისა და კრიმინალიტეტის ნიშნებს.

სეპარატისტულ აფხაზეთში ოპოზიციური პოლიტიკური ქსელის ყველაზე გავლენიანი ძალები არიან: პარამილიტარული გასამხედროებული პოლიტიკური მოძრაობა „ამცახარა“; პარტია „ერთიანი აფხაზეთი“; საზოგადოებრივ-პოლიტიკური მოძრაობა „აითაირა“ („აღორძინება“); ინტერპარტიული „სახალხო ერთიანობის ოპოზიციური ფორუმი“, რომელიც შეიქმნა სოციალ-დემოკრატიული, რესპუბლიკური და სახალხო პარტიების კოალიციის ბაზაზე; აფხაზეთის კომუნისტური პარტია.

სეპარატისტული რეჟიმი განიცდის ქრონიკულ შიდაპოლიტიკურ კრიზისს, რომლის არსებითი მიზეზია აფხაზური ეთნოკრატიის სხვადასხვა შიდაელიტური ჯგუფებისა და დაჯგუფებების ურთიერთდაპირისპირება. კრიზისის კულმინაციას წარმოადგენდა 2004–2005 წლების ოქტომბერ–იანვრის საპრეზიდენტო არჩევნები, რომლებიც ს. ბაგაფშისა და რ. ხაჯიმბას პოლიტიკური კლანების დაპირისპირების ფორმით გამოვლინდა. აფხაზეთი სამოქალაქო ომის ზღვარზე იდგა, მაგრამ რუსეთის აშკარა ჩარევამ დროებით შეინარჩუნა მყიფე პოლიტიკური წონასწორობა.

სეპარატისტული კონიუნქტურის არსებითი ნიშანია რუსეთის დე-ფაქტო პროტექტორატი. ფაქტობრივად მოქმედებს გარეგანი მმართველობის რეჟიმი, რომლის დროსაც რუსეთი მთლიანად აკონტროლებს აფხაზეთში მიმდინარე პოლიტიკურ პროცესებს. სახეზეა რუსეთის მიერ აფხაზეთის პროტექტორული მმართველობა, პოლიტიკური კოლონიზაციის აშკარა ნიშნები.

აფხაზეთში კონფლიქტის დარეგულირების მიზნით ქართულ-აფხაზური მოლაპარაკებების პროცესი მიმდინარეობს 1993წ. ნოემბრიდან გაერო-ს ეგიდით, ეუთო-ს მონაწილეობითა და რუსეთის „შუამავლობით“.

დამოუკიდებელ სახელმწიფოთა თანამეგობრობის „სამშვიდობო“ მისიამ აფხაზეთში, რომელსაც რუსეთი ახორციელებს, უზრუნველყო მხოლოდ კონფლიქტის სამხედრო ფაზის შეწყვეტა და ძალის გამოუყენებლობის რეჟიმის შენარჩუნება. კონფლიქტის მოწესრიგების სახელშეკრულებო ბაზის ძირითადი მოთხოვნები კი – პოლიტიკური სტატუსის განსაზღვრა, ლტოლვილთა დაბრუნება და უსაფრთხოება, საქართველოს ტერიტორიული მთლიანობის დე-ფაქტო აღდგენა – ბლოკირებულია და ფაქტობრივად გაყინულია 1993 წ. სექტემბრის მდგომარეობით. სახეზეა ჰუმანიტარული კატასტროფა რუსი „სამშვიდობოების“ უშუალო პასუხისმგებლობის ზონაში (გალის რაიონში), სადაც სამი ათასზე მეტი მშვიდობიანი მოქალაქე დაიღუპა.

ერთი სიტყვით, რუსეთის „სამშვიდობო“ კონტინგენტი წარმოადგენს დე-ფაქტო გეოსტრატეგიულ ანკლავს, ხოლო „სამშვიდობო მისია“ არ უზრუნველყოფს კონფლიქტის სრულმასშტაბიან მოწესრიგებას. ის წარმოადგენს რეგიონში რუსეთის სტრატეგიული ყოფნის გახანგრძლივებისა და მდინარე ენგურზე საზღვრის დაფიქსირებით აფხაზური სეპარატიზმის ტერიტორიულ-პოლიტიკურ გარანტიას. უფრო მეტიც, ახორციელებს რა აფხაზეთის დე-იურე მითვისების პოლიტიკას, რუსეთმა უკანონო პასპორტიზაციის გზით საკუთარ მოქალაქეებად გამოაცხადა რეგიონში დარჩენილი მოსახლეობა და ყოველგვარი საერთაშორისო სამართლებრივი ნორმების იგნორირებით იხეშებს მისი „დამცველის“ ფუნქციას. აფხაზეთის მოსახლეობის უკანონო პასპორტიზაციის შედეგად რუსეთმა დაკარგა მორალური უფლება იყოს ნეიტრალური შუამავალი „საკუთარ მოქალაქეებსა“ და ქართულ მხარეს შორის.

რუსეთი მიზანმიმართულად ბლოკავს კონფლიქტის პოზიტიური მოწესრიგების ხელშემწყობ საერთაშორისო აქტებს. ეუთო-მ რამდენჯერმე მიიღო აფხაზეთში გენოციდისა და ეთნიკური წმენდის აღიარებისა და დაგმობის აქტები. მაგალითად, 1994 წლის 6 დეკემბრის ბუდაპეშტის სამიტის და 1996 წ. 3 დეკემბრის ლისაბონის სამიტის დასკვნითმა აქტებმა სრულიად არაორაზროვნად დააფიქსირეს აფხაზეთში ქართული მოსახლეობის გენოციდისა და ეთნოწმენდის ფაქტი¹⁹⁷⁸. დიდი მნიშვნელობა ჰქონდა ეუთო-ს სტამბოლის 1999 წ. 17–18 ნოემბრის სამიტს, რომელზეც ეთნოწმენდა-გენოციდის აღიარების დეკლარაციასთან ერთად მიღებულ იქნა საქართველო-რუსეთის შეთანხმება ვაზიანიდან და გუდაუთიდან რუსეთის სამხედრო ბაზების გაყვანის თაობაზე.¹⁹⁷⁹

2003 წ. 22–23 ნოემბრის „ვარდების რევოლუციისა“ და ე. შევარდნაძის რეჟიმის მშვიდობიანი მეთოდებით დამხობის შედეგად საქართველოს სათავეში მოსულმა ხელისუფლებამ პრეზიდენტ მიხეილ სააკაშვილის ხელმძღვანელობით კურსი აიღო აფხაზეთის კონფლიქტის ტრანსფორმაციისაკენ, რომლის სტრატეგიის არსებითი მახასიათებლებია: საქართველოს ეკონომიკურ-ფინანსური გაჯანსაღება; სამხედრო მშენებლობის რადიკალური სრულყოფა და ნატოს სტანდარტების შესაბამისი მობილური შეიარაღებული ძალების შექმნა; სამშვიდობო პროცესში სახალხო დიპლომატიის აქტივიზაცია; საკითხის დასმა სამშვიდობო ოპერაციის ფორმატის შეცვლის, რუსეთის საარმიო კონტინგენტის საერთაშორისო ძალებით ჩანაცვლების თაობაზე; კონფლიქტის ზონის მიმდებარე ტერიტორიაზე კონსტიტუციური წესრიგის ოპტიმიზაცია, არაფორმალური კრიმინალური ანკლავების ლიკვიდაცია და ა.შ. ტრანსფორმაციის სტრატეგიის გამოვლინება იყო 2006წ. ივლისის მოვლენები კოდორის (დალის) ხეობის ზემო ნაწილში, რომელსაც უადრესად დიდი სტრატეგიული მნიშვნელობა აქვს. ეს სუბრეგიონი წარმოადგენს სოხუმისა და აფხაზეთის ცენტრალური ზონისაკენ, ასევე ტყვარჩელისაკენ მიმავალი სტრატეგიული კომუნიკაციების მაინტეგრირებელ არეალს, გარდა ამისა, სეპარატისტული რეჟიმის

¹⁹⁷⁸ . აფხაზეთის საკითხი ოფიციალურ დოკუმენტებში (1989-1999), ნაწ. I, გვ. 408–410; ნაწ. II, გვ. 126.

¹⁹⁷⁹ . იქვე, ნაწ. II, გვ. 333.

მიერ კონტროლირებადი ტერიტორიების „ზემოდან კონტროლის“ დერძულ ზონას და დასავლეთ საქართველო-ჭუბური-საკენის ხაზით მათი შესაძლო სტრატეგიული შევიწროების მთავარ დერეფანს.

სოსუმის დაცემის შემდეგ სომხურ-აფხაზური ფორმირებები რუსეთის ავიაციის დახმარებით უტევდნენ კოდორის ხეობის ზემო ნაწილს. განსაკუთრებული ინტენსივობით გამოირჩეოდა 1993წ. ორი ოქტომბრის, ოთხი ოქტომბრის, 23–27 ნოემბრისა და 1994წ. 26 მაისის შემოტევები.¹⁹⁸⁰ მაგრამ ადგილობრივი მოსახლეობის გმირული წინააღმდეგობის ფასად რეგიონზე შენარჩუნებულ იქნა საქართველოს იურისდიქცია. 2006წ. ივლისში საქართველოს შინაგან საქმეთა სამინისტროს სპეცქვედანაყოფებმა თავდაცვის სამინისტროს ხელშეწყობით კოდორის ხეობის ზემო ნაწილში განახორციელეს ძალისმიერი ანტიკრიმინალური ოპერაცია, რომლის შედეგადაც საქართველოს მიერ კონტროლირებად აფხაზეთის მთიანეთს ეწოდა ოფიციალური სახელი „ზემო აფხაზეთი“ და იქ განთავსდა ავტონომიური რესპუბლიკის ლეგიტიმური მთავრობა (თავმჯდომარე მ. აკიშბაია) და ადმინისტრაციული სტრუქტურები. აფხაზეთის უმაღლესი საბჭო (თავმჯდომარე თ. მჟავია) ფუნქციონირებას კვლავ თბილისში აგრძელებს.

აფხაზეთის „განთავისუფლებას“ სიკეთე აფხაზებისათვის არ მოუტანია: ეკონომიკა მოშლილია, მოსახლეობის უმრავლესობა უმუშევარი და სოციალურად დაუცველია, გაბატონებულია ანტიქართულ-აპარტიდული ფსიქოზი; ეთნოსი რომელმაც საქართველოს შემადგენლობაში არნახულ კულტურულ აღმავლობას მიაღწია, დღეს გადაშენების საფრთხის წინაშე დგას. ომისშემდგომ მიღებულმა „კონსტიტუციამ“ ქართულ ენას ყოველგვარი იურიდიული უფლებები გაუუქმა, მაგრამ ამით აფხაზური ენის მდგომარეობა არ გაუმჯობესებულა – ოფიციალური საქმისწარმოება მხოლოდ რუსულ ენაზე მიმდინარეობს, მასმედიაც ძირითადად რუსულად მუშაობს, „აფხაზური სკოლების“ V-XI კლასებში სწავლების ენა კვლავაც რუსულია, რაც მასობრივი დენაციონალიზაციის საფრთხის წინაშე აყენებს აფხაზ ეთნოსს.

აფხაზეთიდან იძულებით გადაადგილებულ პირთა წინაშე, რომლებიც რეგიონის კანონიერი მოსახლეობის დიდ უმრავლესობას შეადგენენ, სხვა პრობლემები და ამოცანები დგას, რომელთა შორის უმთავრესია საკუთარ სახლებში უსაფრთხო და უპირობო დაბრუნება, აფხაზეთზე საქართველოს იურისდიქციის აღდგენა, აფხაზ ხალხთან შერიგება.

¹⁹⁸⁰ . გ. გასვიანი, თ. გასვიანი დასახ. ნაშრომი, გვ. 215.

თავი XXI. ჩრდილო-დასავლეთ საქართველო უცხოენოვან რუკებზე

არსებობს უამრავი ძველი ისტორიულ-გეოგრაფიული და პოლიტიკური რუკა, რომლებიც ასახავენ შესაბამისი ეპოქის ან ადრინდელი ხანის საერთაშორისო პოლიტიკურ ვითარებას. რუკების შექმნას თავის დროზე განაპირობებდა ევროპის ქვეყნების კოლონიური პოლიტიკა, ასევე საზღვაო და სახმელეთო ვაჭრობის განვითარება, ახალი ბაზრების ძიების აუცილებლობა. თავისი გეოპოლიტიკური მდგომარეობის გამო კარტოგრაფთა ინტერესის სფეროში საქართველოც მოექცა. მისი პოლიტიკური საზღვრები დაფიქსირებული იყო ანტიკური პერიოდიდან. მაგალითად, ჰეროდოტეს (ძვ.წ. V ს.) მიხედვით, უძველესი ქართული სახელმწიფოს, კოლხეთის ჩრდილო-დასავლეთი საზღვრები მეოტის (აზოვის) ზღვამდე აღწევდა (იხ. პომპონიუს მელას რუკა).

ძველ ევროპულ სამეფო პოლიტიკურ რუკებზე საქართველოს ჩრდილო-დასავლეთი საზღვარი ყოველთვის მოხაზულია ჯიქეთ-აფხაზეთითურთ, ან მხოლოდ აფხაზეთითურთ. სწორედ ასეთ საქართველოს იცნობდნენ საფრანგეთის, ინგლისის, პორტუგალიის, იტალიის, რუსეთისა და სხვა სახელმწიფოები.

შუა საუკუნეებისა და გვიანდელი ეპოქის ევროპელი კარტოგრაფები მეზღვაურებისა და მოგზაურების მიერ შედგენილი ინფორმაციებისა თუ ახალი პორტოლანების დახმარებით გადაამოწმებდნენ ხოლმე სახელმწიფოთაშორისი საზღვრების მდგომარეობას და, საჭიროების შემთხვევაში, რუკებში კორექტივები შეჰქონდათ.

პოლიტიკური რუკების ნაწილზე მითითებულია სახელმწიფოთაშორისი საზღვრები, ნაწილზე კი საზღვრები დაფიქსირებული არ არის, მხოლოდ გეოგრაფიული ნომენკლატურაა დატანილი. ასეთ შემთხვევაშიც ჩანს, რომ აფხაზეთი ყოველთვის იყო საქართველოს ნაწილი. კავკასიონის მთაგრეხილი თავიდანვე იყო საქართველოს ბუნებრივი, აქედან კი პოლიტიკური საზღვარი ჩრდილოეთის მხრიდან. მაგალითად, დიეგო ჰომეის რუკაზე (1559წ.), რომელზეც აწერია *მენგრელია* (ანუ სამეგრელო, დაახლ. დღევანდელ გელენჯიკთან), მხარის ჰიდროტოპონიმიცა წარმოდგენილია ქართველური ენა-კილოებიდან ბერძნულ-ლათინურ და სხვა ევროპულ ენებზე ევროპელი კარტოგრაფების მიერ თარგმნილი ფორმებით. ევროპელმა ავტორებმა ასევე ბლომად ჩაიწერეს და შემოგვინახეს ქართველური სახელწოდებები. აფსუურ-აფხაზეთი და თურქული გეოგრაფიული ნომენკლატურა მხარეში ჩნდება გვიან შუა საუკუნეებში, რუსული კი – XIX საუკუნეში.

წარმოდგენილი ევროპული და რუსული კარტოგრაფიული მასალა (იხ. აგრეთვე ბ.კერის „ქართული პროვინციების...“ – 1732წ.) უდაოდ მიუთითებს, რომ არა მხოლოდ ჯიქეთ-აფხაზეთი, არამედ მთელი აღმოსავლეთ შავიზღვისპირეთი მდ.ყუბანამდე და აზოვის ზღვამდე უძველესი ხანიდან იყო საქართველოს განუყოფელი ნაწილი. ამ ფაქტს არ ცნობენ სეპარატისტები, მათი მფარველები, მაგრამ ოპონენტებს შესაბამისი კარტოგრაფიული და სხვა დოკუმენტური საბუთები ვერ მოაქვთ ასეთი მასალების არარსებობის გამო.

პირთა საძიებელი*

აბაევი ვ. 168
აბაზა-ფაშა 156
აბაშიძე ირ. 282
აბდუშელიშვილი მ. 173, 176
აბო თბილელი 92, 185
აბრამიშვილი გ. 118
აბრამიშვილი რ. 24
აბულასან იობის ძე 117, 128
აბულაძე ი. 189
აბულაძე ც. 146, 182, 188
აბულ-კასიმი 101, 102
აბუსაჯისძე 101
აბუხბა 288
აგათანგელოსი 73
აგათია სქოლასტიკოსი 61, 82
აგაფოლორი (პრეობრაჟენსკი, სოხ.ეპ.) 269
აგნეზი ბ. – რუკა №6
აგრბა ა. 322
აგრბა ა. 336
აგრბა ვ. 285, 293
ადამია გ. 357, 359
ადამია ხ. 77
ადამია ი. 196
ადლეიბა ბ. 337, 340, 343
ადრიანე 58
აგაე ამირსპასალარი 125, 126
აგალიშვილი გ. 225
ავგუსტუსი გაიუს ოქტავიანე 4
ავღალბეკიანი ხ. 294, 295, 298
აეიტაბილე პ. 153
აეიძბა ა. 106
აეიძბა ს. 270
აიეტი 28, 29, 53
აიხვალდი ედ. 235-238
აკაბა ნ. 3
აკიშბაია მ. 367
აკიშბაია ო. 75
ალადაშვილი ნ. 105, 125
ალანია დ. 297, 299, 305, 307, 308
ალასანია გ. 63, 72, 147
ალენი პ. 186
ალექსანდრე 133
ალექსანდრე ბაგრატის ძე 138
ალექსანდრე ბატონიშვილი 205
ალექსანდრე მაკედონელი 80
ალექსანდრე I (დიდი) 135, 137
ალექსანდრე I (რუს.) 232, 233
ალექსანდრე II (რუს.) 249-251, 253, 260, 264
ალექსანდრე III (იმერ.) 155, 157
ალექსანდრე ოქროპირიძე. იხ. წმ. მღვდელმთავარი ალექსანდრე
ალექსანდრე უფლისწული 133
ალექსანდრე (ხოვანსკი, სოხ. ეპ.) 269
ალექსეევა ე. 34
ალექსეევა ტ. 176
ალექსეევი ვ. 173, 177
ალექსეევი მ. 295-297
ალექსი (ეჭხარქ.) 269, 275
ალექსიძე ხ. 106, 113, 118, 155
ალი-არსან ბეგი 199
ალ-კალკაშანდი 133
ალ-მუჰიბი 132, 133
ალ-უმარი 133
ალი-ფაშა 253
ამანელისძე 121
ამბროსი (ხელაია). იხ. წმ. აღმსარებელი ამბროსი
ამბროჯიო დი პიეტრო 142
ამბროჯიო დე პოცო 142-143

* შეადგინეს რუსუდან ხარეზავამ, საღომე გამახარიამ და სოფიო გამახარიამ

ამიანე მარცვლინუსი 45, 48, 49
ამირანაშვილი შ. 111
ამინბა გ. 123
ამფისტე (ამფისტოსი, ამფისტრატოსი) 4, 48, 49
ანა დედოფალი 181, 184, 189
ანანია შირაკაცი 93
ანასტასი აპოკრიფიარი 75, 85
ანასტასი II (არტემი) 86
ანდრია პირველწოდებული 76, 128, 170
ანდრია (უხტომსკი, სოხ.ეპ.) 279
ანთელავა ი. 121, 152, 154, 156, 169, 199, 203, 206, 207
ანთელავა ნ. 65
ანონიმი (Vს.) 45, 49, 59, 62, 73, 139
ანონიმი (XIIIს.) 74
ანუა იური (გიორგი) 77
ანუა ტ. 284
ანქილუე 58
ანნაბაძე ვ. 299, 303, 306, 307
ანნაბაძე ზ. 34, 39, 42, 45, 46, 50, 51, 61, 62, 69, 70, 74, 83, 88, 92, 94, 96, 121, 122, 124, 138, 141, 154, 258
ანნაბაძე ლ. 214
ანნაბაძე (დადიანი) მამო 274, 281
ანნაბაძე პ. 284
ანნაბაძე ხ. 214
ანნაბაძე ჯ. 321
აპიანე 28, 48, 54
აპოლონიოს როდოსელი 28, 29
არაბული ა. 169
არახამია გ. 119
არბოლიშვილი ლ. 46, 48, 54, 57
არდაშელია ც. 281
არიანე ფლავიუსი 29, 45, 46, 56, 58, 59, 60, 62, 67, 72, 73, 75
არისტაკეს ლასტივერტი – 119
არისტარხი 54
არისტოტელე 29, 46
არსენი (იზიტოვი, სომ. ეპ) 268, 269, 275
არტემიდორე 48, 75
არჩილ სტეფანოზის ძე 85-88, 91
არჩილ II 158, 159
არძინბა ვ. 345, 350-352, 354, 356, 358, 366
ასათიანი ლ. 151
ასათიანი ნ. 129, 170, 190
აუტლევი პ. 28
აფაქიძე ა. 25
აფაქიძე ჯ. 18, 24, 25
აფსირტე 28
აფხაზაეა ნ. 71
აფხაზი ივ. 231
აფხაზოსი 65
აქირთაეა კ. 299
აქირთაეა ნ. 308, 309, 315, 323
აქსიანოვა გ. 173
აქურთაეა ბაზუხ... 214
აშვამბა ხ. 328
აშხეაწაა ს. 32, 68, 281, 286, 297
ახუგბა თ. 3
ახალაძე ლ. 87, 95, 96, 97, 99, 100, 102, 105, 106, 108-110, 117, 119, 121, 127, 128, 193
ახვლედიანი გ. 36, 69, 70
ახუბა ჯ. 336
აჯამოვი ა. 273
აჯამოვი გ. 286, 288, 297
აჯინჯალი ე. 3, 84, 85, 104
ბაგაფში ხ. 354, 366
ბაგაფში 321
ბაგრატ I (აფხ.) 97, 100, 101, 119
ბაგრატ I (კურაპალატი) 98
ბაგრატ II – 106, 108, 117
ბაგრატ II (იმერ.) 149
ბაგრატ III 92, 97, 108, 117-121, 128
ბაგრატ III (იმერ.) 148
ბაგრატ IV 122, 123, 126-128
ბაგრატ VI 137, 138
ბაგრატ გიორგის ძე 107
ბაგრატ დემეტრეს ძე 99

ბაგრატ კონსტანტინეს ძე 104
 ბაგრატ მიქელის ძე 131
 ბაგრები 137
 ბაგრაციონი აშოტი 98, 99
 ბაგრაციონი ვახუშტი 6, 63-65,
 91, 93, 94, 97, 98, 104, 120, 121,
 130, 133, 135, 136, 137, 146, 147,
 155-159, 162, 167, 169, 194, 198,
 200, 202
 ბაგრაციონი თეიმურაზ 65
 ბათიაშვილი ი. 363
 ბაკურაძე ნ. 173
 ბალარდი მ. 142-144
 ბარამიძე მ. 9, 13, 15, 17, 20, 21-26
 ბართოლომეი ი. 257, 258, 325, 327
 ბარიატინსკი ა. 248, 250
 ბარნაველი თ. 121
 ბარციჯ კ. 288, 299
 ბასაგვი შ. 355, 356
 ბასარია ს. 32, 68, 270, 285, 286,
 289, 292, 293, 298
 ბასილის ძე გიორგი 2, 127
 ბასილისძე დემეტრე 128
 ბასილისძე თევდორე 128
 ბასილისძე მერკილე 128
 ბაქრაძე დ. 65, 66, 94
 ბაღათურია ნ. 186
 ბახია 239
 ბახტაძე მ. 120, 121
 ბებია ი. 196
 ბებუთოვი ვ. 239
 ბელიაკოვი ა. 308
 ბელოკუროვი ს. 151, 152, 155, 156,
 169
 ბელოცერკოვსკაია ვ. 116
 ბენინკაზი ან. 139
 ბერაძე თ. 29, 30, 38, 55, 78, 80,
 82, 83, 85, 86, 95, 129, 131, 132, 134,
 137, 140, 141, 143, 144, 146-148, 156,
 159, 164, 165, რუკა №13
 ბერია დ. 319, 325, 331, 337
 ბერიძე ვ. 111-115, 121
 ბერნარდო მორო 131
 ბერტოლდ ვოლი 142
 ბერულავა კ. 134
 ბერულავა მ. 299, 307
 ბერულავა ნ. 38, 47, 53-55, 72
 ბერძენიშვილი ი. 113
 ბერძენიშვილი ნ. 9, 60, 68-70, 89,
 161, 163, 168, 214, 215, 336
 ბესარიონ ჭყონდიდელი 208, 215
 ბესსა 81
 ბიანკო 139
 ბიჩი 296
 ბლაისშტაინერი დ. 69
 ბლარამბერგი ი. 194
 ბლიევი მ. 223
 ბოგვერაძე ა. 80
 ბუანია ვ. 9, 13, 15
 ბრაგვაძე ზ. 89
 ბრეგაძე ბ. 91
 ბრეჟნევი დ. 335, 337
 ბრიგსი 301
 ბრონევსკი ს. 45, 188
 ბროსე მ. 28, 66, 164
 ბრუნი თ. 139, 161, 162
 ბუავა მ. 328
 ბუდბერგი ა. 210, 211
 ბუკია მ. 196
 ბუნაკი ვ. 173, 177
 ბურანკოვი 43
 ბურჭულაძე ე. 247
 ბურჯანაძე შ. 164, 166, 197-199,

ბლაქა მ. 334, 335
 ბლაქა ო. 3, 12, 23, 24, 26, 28, 32, 46, 53, 79, 81, 88, 94-96, 100, 103, 106, 110, 121, 122, 124, 125, 212, 214, 217, 265, 275, 283, 286, 287, 289, 291-293, 295, 297, 298, 301-304, 306, 309, 311, 315, 319, 321, 322, 339, 340, 352, 358
 ბლაქა ხ. 69, 109, 110, 168, 326
 გაბაშვილი ბესარიონ 204
 გაბელავა მ. 289
 გაბისქირია გ. 359, 364
 გაბრიელ ეპისკოპოსი იხ: წმ. მღვდელმთავარი გაბრიელი
 გაბუნია 239
 გაბუნია ა. 274
 გაბუნია გ. 118
 გამახარია ჯ. 33, 43, 45, 48, 49, 57, 59, 64-66, 68, 71-73, 76, 77, 81, 84, 87, 90, 94-96, 104, 107, 109, 127, 139, 140, 148, 149, 155, 170, 171-186, 193, 201, 202, 204, 205, 242, 243, 246, 247, 251, 252, 253, 256, 261, 264, 265, 267-269, 271, 278, 281, 283, 284-295, 297-300, 302-308, 310-316, 319-321, 342, 345, 347, 362, 363, რუკა №№7-10, 13-15
 გამბა ფ. 232
 გამსახურდია ზ. 41, 315, 343, 345-351, 353, 362, 363
 გამყრელიძე ალ. 57
 გამყრელიძე გ. 54
 გამყრელიძე თ. 28, 30, 66, 71, 186, 188
 გასვიანი გ. 45, 47, 62, 68, 70, 71, 74, 82, 176, 242, 323, 353, 355, 358, 360, 363, 367
 გასვიანი თ. 353, 355, 358, 360, 363, 367
 გასტალდი ჯაკ. 4, 186, რუკა №11
 გეგია ივ. 268, 273, 281, 287
 გეგია იოანე 257
 გეგენავა გაბრიელი 169
 გეგეშიძე გ. 331
 გეგეშკორი ე. 287, 295, 296, 300
 გეგორკიანი მ. 59
 გეიშანი ვ. 254-256, 260
 გელასი კესარიელი 76, 77
 გელასი კვიზირელი 76
 გელაშვილი გ. 235
 გელბი ი. 35
 გელენავა ი. 272, 274
 გელოვანი პ. 297, 299
 გელცერი პ. 67
 გენადი (პავლინსკი, სოხ. ეპ.) 269
 გენსელიუსი – რუკა №14
 გერბერშტაინი ს. 63
 გერია ნ. 328
 გერმანე (გოგელაშვილი, აფხ. ეპ.) 246
 გერშელმანი თ. 68, 263, 270
 გესე კ. 241
 გენი ასლანბეი 199
 გვაზავა გ. 287-305
 გვანცელაძე თ. 31, 65, 71, 74-76, 109, 169, 185, 186, 192, 193, 195, 196, 257, 265, 326, 327, 329, რუკა №13
 გვარამია ა. 341
 გვარამია ა. 338
 გიბალი პ. 225
 გიგინეიშვილი ბ. 47
 გილიაროვა ო. 173
 გიორგაძე ბ. 151-154
 გიორგაძე გ. 291
 გიორგაძე გრ. 35-37
 გიორგი I (აფხ.) 97-100, 119
 გიორგი I 122
 გიორგი II (აფხ.) 97, 104-109, 117, 119-121, 128
 გიორგი II 123, 126, 128
 გიორგი III 106, 124
 გიორგი IV ლაშა 123-126
 გიორგი V ბრწყინვალე 131, 134
 გიორგი VII 134, 135
 გიორგი VIII 136, 137
 გიორგი ალექსანდრეს ძე 134
 გიორგი გალატოზი 128
 გიორგი კედრენე 73
 გიორგი მგერელი 140
 გიორგი მთავარეპისკოპოსი 121, 127
 გიორგი მთაწმინდელი 122, 123, 191
 გიორგი მწერალი 150
 გიორგი მცირე 123
 გიორგი რუსი 124

გიორგი სინგლოზი 73
 გიორგი 128
 გიორგი 198
 გიორგი (მთავარეპ.) 127
 გლოველი შ. 92, 93, 109
 გობეჯიშვილი გ. 25
 გოგებაშვილი ი. 262, 274, 279, 282
 გოგელაშვილი ი. 285, 294, 295, 297
 გოგია ბ. 33, 43, 45-48, 49-51, 57, 59, 62, 64-68, 71-73, 90, 94, 95, 107, 139, 140, 148, 155, 170, 186, 193, 251, 252, 265, 274, 278, 285-300, 302-308, 310-316, 319-321, რუკა №№1-15
 გოგიძე ს. 3
 გოგოლაძე დ. 71, 74
 გოგოხია დ. 337
 გოგუა ა. 344
 გოგუაძე ვ. 353
 გოზალიშვილი გ. 54
 გოლენკო კ. 39
 გოლიცინი გ. 269, 275
 გოლოვინი ე. 243
 გოლუბცოვი გ. 284
 გონგლიბაისძე მიქაელ 127
 გონგლიბაისძე ნიკოლოზ 127
 გონგლიბაისძე სოფრონ 127
 გორბაჩოვი მ. 339, 345, 349
 გორდეზიანი რ. 30
 გორკი მ. 248
 გორნაკოვი პ. 227, 228, 230-237
 გრანჟიე ლ. 163, 165
 გრანოვი პ. 363
 გრაცკი 273
 გრიგოლ გალატოხუხუცესი 128
 გრიგოლ (ფლორუპიანოძე, აფხ. კათ.) 167, 171, 201
 გრიგოლ ხანძთელი 41, 99, 109
 გრიგოლი (მაგისტროსი) 85
 გრიგოლი (ვაიშელი) 201, 215
 გრიგოლი (IXს.) 98
 გრიგოლია გ. 9, 22
 გრიგოლია კ. 152, 155, 156
 გრიგოლია გ. 305
 გრიგორასი ნ. 73
 გროვე 255
 გროზნი ბ. 73
 გრძელიშვილი ი. 24
 გრძელიძე რ. 285, 286
 გუარამ მამფალი 101
 გუბაზ I 179
 გუბაზ II 80-82, 179
 გუბაზ ტაოელი 124
 გუდოვიჩი ი. 210-213
 გულია დ. 31, 32, 36, 45, 46, 49, 51, 62, 68, 69, 72, 94, 110, 273, 278, 282, 288, 293, 300, 304, 306, 325, 326, 329
 გულუა გ. 359
 გუნბა მ. 3, 94, 107, 110, 118, 121, 122, 124, 125
 გურგენი 106, 117, 120
 გურიელი მამია 137
 გურიელი მამია I 147
 გურიელი სიმონ 154
 გურანდუხტი (VIIIს.) 88
 გურანდუხტი (XIს.) 106, 107
 გურგენისძე გ. 121, 127, 128
 გურული ვ. 313
 დადიანი ანტონი (ეპ.) 242
 დადიანი ბედან I 137
 დადიანი ბედან II 129, 130
 დადიანი ბეჟანი 198
 დადიანი გიორგი 128
 დადიანი გიორგი I 130, 131
 დადიანი გიორგი 203
 დადიანი გიორგი 147, 148
 დადიანი გიორგი (გრიგოლის ძე) 225, 226
 დადიანი გიორგი 248
 დადიანი გრიგოლ 204-207
 დადიანი დავიდ 245

დადიანი ვამეყ I 144
დადიანი ვამეყ II 133, 134, 138
დადიანი იოსები 154
დადიანი კაცია II 201, 203
დადიანი ლევან I 147, 148
დადიანი ლევან II 151-158, 161, 162, 169, 170
დადიანი ლევან III 158
დადიანი ლევან IV-158
დადიანი ლევან V 207, 208, 215, 216, 220-225, 230, 231, 234, 236, 238, 239, 243, 245
დადიანი ლიპარიტ I 144
დადიანი ლიპარიტ II 135, 137, 138
დადიანი ლიპარიტ 157
დადიანი მამია I 131, 132
დადიანი მამია II 135
დადიანი მამია III 147, 192
დადიანი მამია IV 147, 148
დადიანი მანუჩარ 128, 151, 152, 157
დადიანი მანუჩარ 204
დადიანი ნიკო 157, 201, 203-205, 207, 212, 213, 215, 220-222, 224, 229-234
დადიანი ნიკოლოზი 238-239
დადიანი ნინო 209, 212, 213, 215, 217, 219
დადიანი ს.305
დადიანი ქ. 234
დადიანი შამადავლე 144, 145, 149
დადიანი შ. 274
დადიანი ცოტნე 125, 126, 128, 129
დავით III (ტაოელი) 117, 118
დავით IV აღმაშენებელი 124-127
დავით VII ლაშას ძე 129
დავით IX 135
დავით გიორგის ძე (იმერ.) 204, 205
დავით VI ნარინი 126, 129, 130, 133
დავით სოსლანი 124
დავითი (ნემსაძე, აფხ. კათ.) 149, 167-171
დავითი (არგვეთი) 87
დავითი (წერეთელი, მიტრ.) 242
დავითი (ქორეკ.) 120
დავლიანიძე-ტატიშვილი ლ. 119
დათუაშვილი პ. 357
დალაქიშვილი ს. 173
დამენია ო. 336
დანიელი (მათავარეკ.) 128, 130
დარსალია დ. 3
დბარი დ. 3, 85
დე ვილჰელმი დ. 186
დე ვიტი ფრ. 186
დებეცი გ. 174
დებოევი ვ. 223
დელბა მ. 323, 326, 331
დემეტრე I 99
დემეტრე II (აფხ.) 98-100, 109
დემეტრე III (აფხ.) 107-108
დემეტრე (უფლისწული) 122
დემიანოვი ა. 298
დემიანოვი მ. 356
დენიკინი ა. 295-298, 300, 301, 308
დიაკონოვი ი. 28, 33, 34
დიასამიძე ბ. 77, 81, 84
დიასამიძე თ. 346
დიაჩკოვ-ტარასოვი ა. 43, 46, 67, 167, 168, 234, 239, 241, 245, 259, 261
დიაჩკოვ-ტარასოვი ნ. 67, 259
დილი შ. 91
დიმიტრი (სპეროვსკი, სოხ. ეპ.) 279

დიოდორე სიცილიელი 29, 30
 დიონისე პერიეგეტი 40, 45
 დირი ა. 188
 დიუბუა დე მონპერე ფრედერიკ 29, 39, 45, 65, 194, რუკა №2
 დიუვალი პ. რუკა №12
 დიულნერტი ანჯ. რუკა №5
 დოლიძე გ. 296
 დოლიძე ი. 147, 164
 დომიციანე 56
 დომნუსი 77
 დონდუკოვ-კორსაკოვი ა. 264
 დოსითეოსი (იერუს. პატრ.) 84, 154, 158, 170
 დოტი 216
 დოცენკო 288
 დრაგომიროვი ა. 296
 დუბროვინი ნ. 227, 229-233, 235-237
 დუბეცკი ი. 233, 235-237
 დუკა 135
 დუმბაძე მ. 204, 206, 245
 დუნაევსკაია ი. 33, 34
 დურნოვო ნ. 284
 ეგნატაშვილი (ბერი) 145, 155
 ეგროსი 63, 65, 70, 75, 87, 181
 ედუარდ მეფე 132
 ევანგელე სიცილიელი 76
 ევდემონ (ჩხეტიძე, აფხ. კათ.) 149
 ეემელოს კორინთელი 29
 ეესტათი ანტიოქელი 73
 ეესტათი კესარიელი 62
 ეესტათი ნეტარი 87
 ეზუხაია ბ. 284
 ეკატერინე II (რუს.) 204
 ელიავა გ. 163, 165
 ელიავა შ. 310, 314, 317
 ელცინი ბ. 349, 351, 352
 ელჰაჯ ომერი 197
 ემიდიო დორტელი დე ასკოლი 155
 ემუსვარი ბ. 258
 ემუსვარი დიმიტრი (არზაყანი) 288, 297-300, 302, 304, 305, 307
 ემუსვარი გ. 292
 ემუსვარი მ. 284, 287
 ენუქიძე ა. 313
 ეპიფანე კვიპრელი 73, 74, 76
 ეპიფანე კონსტანტინოპოლელი 76, 92, 93
 ეპშტეინი 310
 ერეკლე (იმპ.) იხ. ჰერაკლე
 ერეკლე II 200, 205
 ერისთავი გ. 249
 ერმოლოვი ა. 223, 226, 227, 229, 233, 234, 237, 238
 ესაძე ს. 216, 223, 246, 248, 250, 256
 ესვანჯია ვ. 288
 ფერემ მაწვერელი 41
 ფერემ მცირე 76
 ექვთიმე ათონელი 74, 76, 191
 ექვთიმე I ხაყვარელიძე (აფხაზ. კათ.) 150
 ეშბა გ. 273, 282
 ეშბა ე. 286, 288, 292, 293, 308-311, 314
 ეშბა თ. 273, 282
 ეშბა რ. 364
 ეშბა ს. 257
 ვალერიუს ფლავიუსი 45
 ვარამ მსახურთუხუცესი 125
 ვარდან არეველცი 94
 ვარდან ფილიპიკოსი 85
 ვარსიმაშვილი ი. 115
 ვარსქენი 41
 ვასილისკო 77
 ვანე პროტოსპათარი და იპატოსი 123
 ვანნაძე მ. 313
 ვაჭრიძე გ. 217
 ვახტანგ გორგასალი 77, 80, 94, 189
 ვახტანგ V (შაჰნავაზი) 158, 159
 ვახტანგ VI 198

ვედენსკი ა. 262
 ვეიდენბაუმი ე. 226, 227, 258
 ვეკუა ვ. 340, 341
 ვეკუა ნ. 273, 281
 ვეილიამინოვი ა. 225, 227-229, 233, 235
 ვერეშაგინი ა. 258, 259, 263
 ვესკონტე პეტრუს 139
 ვიგრიანოვი ი. 308
 ვიტზენი ნ. 194
 ვოლკოვა ნ. 34, 35, 188
 ვოლხოვსკი ბ. 308
 ვორობიოვი ნ. 68, 296
 ვორონოვი ა. 173
 ვორონოვი ი. 9, 12, 24, 46, 116, 121, 162
 ვორონოვი ლ. 68, 279
 ვორონცოვი მ. 246
 ვორონცოვ-დაშკოვი ი. 275, 278
 ვოსტორგოვი ი. 275, 279
 ზავადსკი მ. 257
 ზაიდლიცი ნ. 265
 ზამიატინი ს. 9, 10, 13
 ზანთარაია ხ. 266.
 ზარანდია ი. 323
 ზარიძე გ. 266
 ზაქარაია პ. 115
 ზაქარია მიტილენელი 72
 ზაქარია მხარგრძელი 125
 ზახარიევი პ. 151, 152
 ზახაროვა ბ. 285
 ზახაროვი დ. 285, 298, 307
 ზებედე (დიაკე) 150
 ზევეკინი ე. 141
 ზენუბია ედგინ... 214
 ზეფისშვილი ლევან 214
 ზეფისშვილი ნარსოუ 214
 ზისერმანი ა. 248-250
 ზუხბა ა. 336
 ზუხბა ს. 169
 ზუხბაია ე. 299, 306, 307
 ზუხბაია ე. 164, 266, 268
 თავდგირიძე ე. 283
 თავდგირიძე ნ. 276, 285
 თაიარ-ფაშა 208-211
 თაკალანძე ნ. 239, 247
 თამარ მეფე 123-125
 თამარაშვილი მ. 33, 137, 152, 155, 158, 162, 163, 165, 166, 169, 171
 თამარი (დედოფალი) 158
 თარგამოსი 74, 181
 თარნავა მ. 283, 286, 290, 293, 296, 299, 305-308
 თაყაიშვილი ე. 109, 134, 167, 171
 თევდორე ტირონი 77
 თეიმურაზ I 155
 თემურ ლენგი 133-135
 თეოდორე კვირელი 79
 თეოდოსი („მწუხარე“) 107, 108, 118
 თეოდოსი II (აფხ.) 98, 100
 თეოდოსი 77
 თეოდოსი განგრელი 6, 75, 85
 თერდეტი 81
 თეოფანე ჟამთააღმწერელი 86, 87
 თეოფილაქტე ანტიოქელი 84
 თოგოშვილი გ. 103
 თოდრია ს. 321
 თოდუა თ. 54, 56, 78
 თოძე ლ. 302, 306, 314-317, 321
 თომა (სომეხი) 103
 თოფნიშვილი რ. 42, 45
 თოსაძე ბ. 357
 თუმანიშვილი დ. 113, 116
 თუმანოვი გ. 294, 297
 იაზიკოვი 200
 იაკობსონი ა. 113

იაკობ ხუცესი 41
 იაკოვლევი ნ. 325, 327
 იაკუბ-ხანი 138
 იანსონი ი. 186
 იასნოვი მ. 337
 იასონი (იაზონი) 28
 იაფეტი 73
 იაჰია დე კრემონა 131
 იგნატიევი ნ. 253
 იდეხი ევ. რუკა №10
 ივანე ახალციხელი 125
 ივანიცკი 310
 ივანოვი ვ. 308
 ივანოვი ვიან. 30, 34
 იზიასლაე II 64
 ილია II (კათ-პატრ.) 77
 იმნაიშვილი ი. 94
 ინალისშვილი ნარჩოუ ... 214
 ინალ-იფა ა. 284, 295, 297
 ინალ-იფა (ინალისშვილი)
 გიორგი 224, 230, 231
 ინალიფა (ინალისშვილი)
 არუქელ 224
 ინალ-იფა კ. (XIX ს.) 258
 ინალ-იფა კ. 308
 ინალ-იფა (ინალიშვილი)
 ნარჩოუ 224, 230, 231, 235
 ინალ-იფა სარაღუფ 242
 ინალ-იფა შ. 34, 52, 53, 61, 72,
 94, 118, 121, 124, 168, 199, 257, 270
 ინანიშვილი გ. 24
 ინაძე მ. 37, 39, 42, 45-50, 52-55, 57,
 58, 62, 63, 70-72
 ინგლორევი პ. 44-46, 50, 51, 62,
 68-70, 74, 83-88, 91-93, 95, 96, 134,
 164, 333, 334, 336
 ინტერიანო ჯ. 147
 იოანე ანტიოქელი 174
 იოანე ბუდიელი 127
 იოანე დრასხანაკერტელი 95, 103,
 113
 იოანე ზონარა 73
 იოანე თომას ძე 82
 იოანე მინჩხი 109
 იოანე მწიგნობართუხუცესი 123
 იოანე საბანისძე 92, 93, 185
 იოანე ოქროპირი 76, 79
 იოანე ჭყონდიდელი 123
 იოანე (VIII ს.) 88, 91
 იოანე (კათ.) 84
 იოანე 191
 იოანე (სომეხი) 103
 იოანისიანი ა. 211
 იოვაკიმე (აფხ. კათ.) 149
 იონა (ეგზარქ.) 242
 იორდანიშვილი ს. 155
 იოსებ ფლავიუსი 56
 იოსელიანი ა. 354
 იოსელიანი იოანე 214, 237
 იოსელიანი ჯ. 350, 353, 354
 იპოლიტე რომაელი 62, 63
 ირინე 92
 ირინეი 76
 ისამი 87
 ისამბერი მ. 65
 იტალინსკი 207
 იუირუკ ბაირახდარი 209
 იულიანე 58
 იულიუს კეისარი 54
 იუსტინიანე II 86
 კავადი 80
 კავკასოს 181
 კაკაბაძე ს. 30, 163, 164, 116, 167

კაკუბა რ. 291, 294, 295, 299
 კალანდაძე ა. 9, 25
 კალანდაძე კ. 12
 კალანდია გ. 127
 კალისტო III 136
 კამენჭუბერი ა. 34
 კანდელაკი კ. 278
 კაპანაძე დ. 39, 126, 144
 კარგაროდსკაია მ. 309
 კარპოვი ს. 140
 კარტოზია ს. 314
 კარცოვი ა. 251, 254
 კაპიტონოვი ი. 338
 კასტელი ქრ. 45, 151, 153, 154, 156, 157, 160-162, 164, 165, 170
 კასტორი 4, 48
 კაცია ა. 116, 121
 კაცია ბ. 328
 კაცია რ. 141, 162
 კაჭარავა დ. 45, 59
 კაჭარავა ი. 225
 კახაძე თ. 186, 189, 190
 კახაბერ კახაბერისძე 129
 კედია სპ. 305
 კეკელიძე კ. 74, 92, 93
 კერესელიძე იოანე 268
 კერესელიძე 301
 კერი გ. 368, რუკა №15
 კეშელავა ი. 359
 კეჭაყმაძე ნ. 29, 45, 58, 60, 62
 კვანტალიანი გ. 338
 კვარაცხელია ნ. 3
 კვარაცხელია ტ. 299
 კვარტელია რ. 336
 კვარტია ვ. 329
 კვაშინი ა. 356
 კვაჭანტირაძე ე. 94, 119
 კვეზერელი-კოპაძე ნ. 49
 კვინტუს კურციუს რუფუსი 49
 კვირიკე (ქორეპ.) 101, 102
 კვირიკე II 107
 კვირკველია დ. 45, 59
 კვიწინია პ. 173
 კიკნაძე ვ. 132
 კინაპინა ნ. 227
 კირზოდლე მ. 135
 კირიონ I (კათ.) 113
 კირიონ ეპისკოპოსი. იხ. წმ. მღვდელმთაწამე კირიონ II
 კიროვი ს. 308, 309
 კისლინგი 46, 69
 კიტოვანი თ. 350, 352-354
 კლავდიოს პტოლემეაოსი 45, 48, 56, 59, 62, 67, 73, რუკა №3
 კლაპროტი ი. 64., 65
 კლემენტი რომაელი 76
 კლიბანოვი ა. 256
 კლიმენტი პალმოსი 76
 კობახია ვ. 336, 338, 342
 კობიძე დ. 70, 119
 კოვენსი ი. რუკა №10
 კოზენკოვი ვ. 20
 კოკიევი გ. 43
 კოკოვი ჯ. 188, 189
 კოლესნიკოვი მ. 357
 კონდრატევი გ. 357
 კონიარი 252
 კონიაშვილი 298
 კონრადინი 216
 კონჯარია ვ. 195
 კონსტანტინე დავით ნარინის ძე 128-131
 კონსტანტინე I 77
 კონსტანტინე II 137, 138
 კონსტანტინე II (აფხ.) 103
 კონსტანტინე III (აფხ.) 95, 97, 101-104, 106, 109, 119, 120
 კონსტანტინე (უფლისწული) 134, 135

კონსტანტინე (არგვეთი) 87
 კორობკოვი ნ. 9
 კოროლიოვი ვ. 299, 305, 307
 კოსტავა მ. 340, 342
 კონიევი რ. 173
 კოხი კ. 167
 კრავენკო პ. 260
 კრეკასი - იხ. ტელხიუსი
 კრილოვი ა. 344
 კრუპნოვი ე. 20, 28, 177
 კუდავა ბ. 81, 83, 84, 96, 120
 კუდრიავცევი კ. 28, 45, 118, 121, 141, 217
 კუხნეცოვი ა. 329
 კურნატოვსკი ი. 224, 225
 კუტიევი 222
 კუფტინი ბ. 9, 15, 18, 45
 კუშნარიოვა კ. 26
 კუნალეიშვილი ს. 308
 ლაბახუა ა. 331
 ლადარია ი. 173
 ლადარია ნ. 278
 ლაფროვი დ. 28, 188
 ლაკერბაია ე. 285
 ლაკერბაია თულაფსუ... 214
 ლაკერბაია ი. 273
 ლაკვარი ურუსი 234
 ლაკობა ი. 344
 ლაკობა მ. 308
 ლაკობა ნ. 285, 293, 308-311, 313, 315-317, 320-323
 ლაკობა ს. 3, 12, 23, 24, 26, 28, 32, 46, 53, 79, 81, 88, 94-96, 100-103, 106, 110, 116, 121, 122, 124, 125, 152, 171, 212, 214, 217, 244, 263, 265, 275, 276, 283, 286, 287, 289, 291-293, 295, 297, 298, 301-304, 306, 309, 311, 315, 319, 321, 322, 339, 340, 352
 ლაკობა გიდა 235
 ლაკობა თლაფს 224
 ლაკობა ჯამლეთ 224
 ლამბერტი არქ. 45, 151-154, 156, 157, 160, 161, 163-165, 169, 171, 186, 194, რუკა №13
 ლასურია ა. 329
 ლატიშევი ვ. 222, 73, 94
 ლებარნიკოსი 85
 ლეგრანი 314
 ლეფინი მ. 174
 ლეიბა 203
 ლეთოდანი დ. 62, 79, 81, 184
 ლენგი დ. 144
 ლენინი ვ. 310-312
 ლეონ I (აფხ.) 86-89, 91
 ლეონ II (აფხ.) 91-96, 98, 100
 ლეონ III (აფხ.) 97, 107, 108, 119, 120
 ლეონ გრამატიკოსი 73
 ლეონ დიდი 80
 ლეონ (ლევ) III ისაერიელი (ლევონ სპათარი) 84-87
 ლეონიძე გ. 155
 ლეონიძე (ოქროპირიძე) 278
 ლეონტი მროველი 74, 76, 91, 181, 184, 189
 ლეჟავა გ. 317, 333, 336-338
 ლიაკი 310
 ლინდენფელდი 237
 ლინიძე სოლომონ 204
 ლიპარტიანი გიორგი 151, 152
 ლიპარტიანი ვამეყ III 157, 158
 ლიტვინოვი პ. 207, 208
 ლოგინოვი ვ. 344
 ლოლაშვილი ი. 123
 ლოლუა ძუკუ 274
 ლომთაძე ე. 186, 190
 ლომთათიძე ქ. 36, 174, 179, 180, 186, 187, 192
 ლომინაძე ბ. 149, 170
 ლომინაძე ბესო 315
 ლომინაძე გ. 356
 ლომინაძე რ. 205
 ლომოური ნ. 37-41, 45, 47, 48, 51, 58, 59, 61-63, 70-72, 78, 79, 89, 91, 119, 168
 ლომსაძე გაბრიელ 150

ლოპატინსკი ლ. 188
ლორთქიფანიძე გ. 57
ლორთქიფანიძე ი. 299
ლორთქიფანიძე მ. 31, 38, 70, 91,
92, 94-100, 103, 105, 109, 117, 159
ლორთქიფანიძე ო. 29, 31, 38, 39,
43, 55
ლუდოვიკო ბოლონიელი 136
ლუდოვიკო IX 129
ლუდოვიკო XIV 201
ლუკა ჯ. 151, 152, 156, 160, 161, 163,
169
ლუკინი ა. 9
ლუკომსკი ა. 296
ლულიე ლ. 188
მავესკი ვ. 260
მაზნიაშვილი გ. 291-294, 296
მათუა 318
მაიერი ედ. 33
მაკარიოსი (იერუს.პატრ.) 84, 151,
162, 170
მაღასა 58
მაღაქია I (აბაშიძე, აფხ. კათ.) 149
მაღაქია II (გურიელი, აფხ. კათ.)
154
მაღენი გ. 129
მამაცაშვილი ლ. 167
მამისთვალაშვილი ლ. 141
მანდვეილი ჯ. 186
მანუელ პორფიროგენეტი 74
მარანესკი 236
მარგიშვილი იოანე (ეპ.) 303
მარი ნ. 31, 32, 46, 50, 51, 62, 66-69,
76, 90, 152, 178, 179, 186-188, 261,
283, 325, 327
მარინე, მარიანე - იხ. მირი
მარისი 128
მარკვარტი ქ. 68
მარკოვინი ვ. 34
მარუხბა ი. 3
მარუშიანი ზვიად 107
მარუშისძე იოანე 117, 118
მარღანია ა. 328
მარღანია ასლანბეგ 214
მარღანია ბეჟანი 214
მარღანია დ. 278
მარღანია თლაფს 238
მარღანია ი. 296, 297, 299, 305,
306
მარღანია კაც 224, 235, 236, 238
მარღანია ლევანი 214
მარღანია ნ. 284, 287
მარღანია როსტომი 214
მარღანია ტ. 258
მარღანია ხიტუ 214
მარღანია ჯამბულატ 214
მარშანია დ. 294
მარშანია ზერეფსუ 222, 223
მარშანია თაფლასთან 254
მარშანია კ. 273, 282
მარშანია კვაჯი 254
მარშანია ლევანი 255
მარშანია ლორიკი 339, 359
მარშანია მ. 258
მარშანია მისოუსტ 222, 223
მარშანია ნ. 297
მარშანია რეზიანუმ 213, 214,
219, 221, 224, 228
მარშანია სარალუფ 222, 223, 231,
235
მარშანია ტ. 289, 295
მარშანია ფსუბეი 254
მარშანია ყალიბეგ 235

მარშანია შირინბეი 254
 მარშანია ხინკურას 235
 მასისტოს სირომიტრესის ძე 41
 მაქსიმე აღმსარებელი 84, 85
 მაქსიმე II (აბაშიძე, აფხ. კათ.) 204
 მაქსიმე ქუთათელი 200
 მაჭავარიანი დავითი (დეკ.) 268
 მაჭავარიანი კ. 66, 67, 199, 200, 268, 270, 273, 282, 325, 327
 მაჭავარიანი ნ. 195
 მაჭარაძე გ. 200
 მაჯოლო ჯაკ. რუკა №8
 მგალობლიშვილი ნ. 340
 მგალობლიშვილი მ. 63, 232
 მგელაძე ა. 330, 331
 მგელაძე მ. 308
 მდივანი ბ. 314
 მდივანი ს. 304
 მეგრულიძე შ. 261
 მედეა 28, 29, 45
 მედინი-ბუიშკიანი მ. 64, 69
 მელიქიშვილი გ. 29, 31-33, 36, 44, 46, 47, 49, 52-54, 56, 58, 60-62, 70, 78, 79
 მელიქიშვილი დ. 41
 მენთეშაშვილი ა. 288, 290, 291, 295, 301, 302, 304-306, 310, 320
 მერეტუკოვი კ. 75
 მერკატორი 186
 მერლინი ს. 221
 მერჩულე გიორგი 41, 45, 50, 51, 52, 68-70, 74, 91, 92, 95, 99, 133, 134
 მესხი ს. 362
 მესხი კ. 287
 მესხია ნ. 354
 მეტრეველი ე. 123, 130, 226
 მეტრეველი რ. 118
 მეფარიშვილი ლ. 158
 მეფისაშვილი რ. 101, 113
 მეჰმედ II 135
 მეჰმედ რაშიდი 197
 მიბჩუანი თ. 46, 47, 62, 68, 71, 74, 79, 82, 274
 მითრიდატე VI პონტოელი 50, 51, 53, 54, 61
 მითრიდატე უმცროსი 53
 მიკლაშევესკია ე. 173
 მიღერი გ. 137
 მილიუტინი დ. 250
 მილნი 300
 მიმინოშვილი ივ. 274
 მირი (მარინე, მარიანე) 85-88
 მირნელი მ. 282
 მიქაელ საბამინდელი 109
 მიქაელი (იერუს. პატრ.) 149
 მიქაელი 128
 მიქამბია შალამათი... 214
 მიქელაძე თ. 15, 17, 18, 20, 38, 51
 მიქელი დავით ნარინის ძე 130, 131
 მიხაილოვსკი-დანილევსკი ა. 216
 მიხელსონი ი. 295
 მიხინი 229, 234, 235
 მოაფერნე 53
 მოგილიანსკი პ. 226-228
 მოიზი 217
 მორტიერი კორნ. რუკა №10
 მოსე ხორენაცი 93
 მუჟანაძე გ. 334, 336
 მუჟია თ. 367
 მუხიკანტსკი 308
 მურავიოვი ნ. 244
 მურვან ყრუ 86-88
 მურზაკეიჩი ნ. 141
 მურომცვევი ს. 278
 მუსხელიშვილი დ. 36, 52, 71, 74, 75, 83
 ნაბედი 81
 ნადარეიშვილი თ. 354, 357, 359
 ნადროვი სოლომონი 237
 ნამიტოკი ა. 69
 ნანეიშვილი 305

ნასრი გუარამისძე 101
 ნაფოტაძე საბა 150
 ნაჭყებია გ. 338
 ნაჭყებია ი. 208
 ნახორავანი 82
 ნებიერიძე ლ. 12
 ნეპლიუკვი ი. 198
 ნერონი 56
 ნიანია ნოველისიმოსი 128
 ნიკეტა ხონიატე 74
 ნიკიფორე (მიტრ.) 155
 ნიკოლოზ I (რუს.) 240
 ნიკოლოზ II (რუს.) 266, 275
 ნიკოლოზ ბედიელი 130
 ნიკოლოზ მისტიკოსი 104, 105
 ნიკოლოზ პასეკი 142
 ნიკონორ ალექსანდრიელი 28
 ნინო კაბადოკიელი 76, 77
 ნინუა დ. 248
 ნოღია ა. 269
 ნორაკიძე გ. 274
 ნორაკიძე სპ. 268
 ნუცუბიძე ლიკა (თენა) 3
 ოდისეესი 29
 ოდიშელი ჯ. 155
 ოფიდიუს ნაზონი 29
 ოთირბა ა. 335
 ოთირბა გ. 3
 ოკუჯავა კ. 156, 157, 164
 ოლდენბურგელი ა. (პრინცი) 266, 274
 ოლონეცკი ა. 260, 262
 ონიანი ა. 180
 ორახელაშვილი მ. 317
 ორბელი ი. 46, 61
 ორბელიანი დ. 215
 ორბელიანი ს-ს. 30, 35, 42, 49, 74, 75, 191, 194, 201, 202
 ორბელიანი სტ. 119
 ორენტიოსი 76
 ორჯონიკიძე ა. 13
 ორჯონიკიძე ს. 309-311, 315, 320
 ოსიძე ე. 186
 ოფსიტე 28
 ოფსიტე 81
 პავლე ალეპოელი 156, 170, 190
 პაიჭაძე გ. 188, 198, 214
 პაიჭაძე დ. 137
 პალასი სიმეონ 64
 პალეფატე აბილოსელი 40, 50
 პალმერსტონი პ. 247
 პანკრატოვი ნ. 242
 პაპასკირი ზ. 43, 68, 69, 91, 92, 94, 96, 100, 109, 117, 118, 119, 122, 141, 184, 214, 269, 271, 276, 277, 304, 315, 319, 321, 322, 325, 327, 331, 337, 346, 352, 356, 357
 პასკევიჩი ი. 238-241
 პატეიფა ნ. 278
 პატკანოვი კ. 66, 90
 პაფნოტი (ხოზიაშვილი, არქ.) 205
 პახომოვი ა. 203, 210
 პენსკო ნ. 141
 პესკინა მ. 173
 პესტელი პ. 240
 პეტრე I (რუს.) 197
 პეტრე (დრუგოვი, სოხ. ეპ.) 269
 პეტრიკ პატრიკი 122, 123
 პეტრუს გერალდი 131, 132, 142
 პითოდორისი 56
 პილენკო დ. 259
 პინელი ჯ. 135
 პლატონი (ეგზარქ.) 284
 პლინიუს უფროსი 45, 48, 49, 54, 56-59, 63, 67, 72, 75
 პლუტარქე 89
 პობედონოსცევი კ. 269
 პოლემონ I 56

პოლემონ II 56
 პოლიდეკე (პოლუქსი) 4, 48
 პოლიგანოვი ნ. 285
 პოლუქსი - იხ. პოლიდეკე
 პომპეუსი 54, 61
 პომპონიუს მელა 45, 48, 50, 56, 57,
 75, 368, რუკა №1
 პოსკრებიშევი ა. 330, 331
 პოტოცკი ჟან 64
 პროგულბიცკი ვ. 275
 პროკოპი კესარიელი 36, 37, 50,
 51, 62, 65, 67, 73, 77, 79
 პრომეთეოსი 58
 პუტო 161, 169
 პუშკინი ა. 223
 უამთაღაღურელი 125, 126, 129
 უან გეორგ და რეჯობუსი 142
 უან პოლ ფრანცისკელი 142
 უვანია დ. 3
 უვანია ი. 308, 309
 უობერი ა. 208
 უორდანია თ. 66
 უორდანია ნ. 287, 295, 298, 301,
 305-307
 უორდანია ო. 266, 304
 უორდანია სიმონ 237
 უუანისქე ანტონი 127, 150
 უუანისქე კირილე 127
 უუზე პ. 151, 162, 170
 რაბია (აფხ.) 137
 რაევი ბ. 116
 რაეესკი ნ. 244
 რაკოცი 232
 რამიშვილი ა. 24
 რამიშვილი ნ. 301, 304
 რამიშვილი იხ. 293, 294, 297,
 300
 რანსიმენი 135
 რატინი ზ. 71, 75
 რაფავა ა. 323
 რაფავა დ. 330
 რაჭველიშვილი ქრ. 288
 რეკასი - იხ. ტელხიუსი
 რესმაგა 58
 რეხვიაშვილი მ. 204
 რიკოფი ი. 207, 209, 213
 რიუფი კ. 54
 რიშელიე ვ. 210
 რიჩარდი ვ. 131
 რობერტ შინტელსხანი 142
 როგავა გიორგი 195
 როგავა გ. 238, 242, 243, 270
 როზენი გ. 241, 243
 რომანოვი მიხეილ 250, 251, 253
 რომანოვი ნ. ნ. 284
 რომანოვსკი ი. 296
 როსტომბევი 198
 როშა 128
 რტიშევი ნ. 219-222
 რუბრუქუსი ვ. 129
 რუსთაველი შოთა 30, 41
 რუფინუს ავიენიუსი 73
 რუსუდან მეფე 125, 126, 128
 რუცკოი ა. 356
 რჩეულიშვილი ლ. 113, 115
 სააკაშვილი მ. 367
 საგდუსტი 128
 საგლაკი 53
 საითიძე ვ. 278
 სალამატინა ნ. 173
 სალია მ. 194
 სამხარაძე ა. 282
 სანაძე მ. 30, 85, 86, 95

სანიკიძე ლ. 28, 53
სანსონი გ. რუკა №9
სანულო მ. რუკა №4
სარია შ. 216
სარჯველაძე ზ. 42
საღარია ბ. 310, 328
საყვარელიძე პ. 287, 305
სახოკია თ. 266, 268, 273, 274, 279, 281
საჯაია ა. 309
სებასტიანი 211
სევეროვი ნ. 114
სეიდ სულეიმან-ფაშა 221
სელეჩნიოვი მ. 64, 154, 158, 170, 171, 239
სემი 73
სერაფიმე (ჩინაგოვი, სოხ. ეპ.) 269, 275
სერგი (პეტროვი, სოხ. ეპ.) 279, 302, 303
სერგი ბარნუკის ძე 85, 95
სესოსტრისი 41
სვანიძე მ. 135
სვანიძე ნ. 308
სვერდლოვი ვ. 308, 309
სვიატოპოლკ მირსკი დ. 251, 252, 258
სვიმეონ გალატოზუხუცესი 128
სვიმეონ ჭყონდიდელი-მწიგნობართუხუცესი 127
სვიმონ კანანელი 76, 77, 270
სიგუა თ. 350, 353
სიგუტკინი ი. 356
სილოგავა ვ. 99, 105, 106, 108, 117, 121, 123, 126
სიმონოვიჩი თ. 216, 217, 219
სიტინი პ. 309, 311
სიჭინავა რ. 359
სკეპარნა 81
სკიმნოს ქიოსელი 40
სკირნევსკი თ. 211, 212
სმირი გ. 238
სმირნოვი ნ. 244
სობინინი (საბინინი) გ. 92
სოკოლოვსკი ნ. 312
სოლერი 139
სოლინუხი 48
სოლოვიოვა ვ. 173
სოლოვიოვი ლ. 9, 13, 15, 24, 34
სოლომონ I 200, 201, 204
სოლომონ II 204-206, 216
სონდულაშვილი ა. 71
სოსელია ო. 153
სოსლანბეკოვი ი. 355
სოტერიქე 82
სოფრონ ბედიელი 130
სპადავა 58
სპენსერი ე. 167
სტალინი ი. 42, 310, 311, 313, 317-321, 324, 325, 330, 331
სტეფანე ბიზანტიელი 43, 45, 62
სტეფანე სანანოისძე 109
სტეფანოზ III 85, 86, 91, 93
სტრაბონი 43-45, 48, 49, 51-54, 56, 58, 67, 75
სტრატანოვსკი გ. 43
სტრატოფილე 77
სტურუა დ. 334-337
სულიაშვილი დ. 288
სუმბატ ბაგრატუნი 101, 103
სუმბატ დავითისძე 92, 97, 119
სუსლოვი მ. 330, 335
ტაბატაძე კ. 119
ტაბალუა ი. 151-153, 157, 161, 163, 169, 197, 201
ტაბიძე მ. 257
ტაღიერანი 211
ტანია ი. 323
ტატიშჩევი ვ. 64, 167
ტელხიუსი (ტელხოსი, რეკასი, კრეკასი) 48-50
ტინინე 100
ტოლიაშვილი კ. 270
ტოლსტოი მ. 254

ტოლჩონოვი 155
 ტორმასოვი ა. 214-217
 ტორნაუ თ. 199
 ტოროშელიძე მ. 310
 ტოტლეპენი 200
 ტრაიანე 62
 ტრაფში მ. 116
 ტრიროგოვი ვ. 257
 ტროგუს იუსტინუსი 49
 ტროფიმოვა ვ. 174
 ტურჩანინოვი გ. 28
 ტუღუში ა. 75, 202
 უბირია მ. 305-307
 უვაროვა პ. 94, 141
 უზუნჰასანი 137
 ურბან VIII 153, 155
 ურიდია მ. 81
 ურუშაძე ა. 28, 29, 40, 47, 89
 უსლარი პ. 28, 256-258, 325, 326
 უტჩენკო ს. 43
 უშაკოვი პ. 46, 47
 უჩაძე ზ. 357, 359
 უხტანესი 89, 106, 107
 ფადეევი ა. 32, 141, 168, 223, 239
 ფალდა (ქორეპ.) 107
 ფავსტოს ბუზანდი 59
 ფანასკერტელი ზ. 35
 ფანწულიძე ი. 215
 ფარდავლა თორელი 126
 ფარასმანი 86
 ფარნავაზი 53, 75, 93
 ფარნაქე 54
 ფარსმანი 58
 ფაღავა მ. 239
 ფაშალიძი ი. 294, 295, 297, 298, 307
 ფანულია ვ. 116
 ფანულია ვ. 328-330
 ფეშანგი 155, 161
 ფილიპიკი 86
 ფილიპონი გ. 235, 249
 ფირცხალავა ს. 283, 284
 ფიფია გ. 72
 ფონ-კრესი 295
 ფონ-ლოსოვი 290
 ფორესტიე უოკერი 300
 ფორმოზოვი ა. 14
 ფსამეტიხები 28
 ფსევდო სკილაკს კარიანდელი 39, 40, 45, 48, 52, 75,
 ფსევდო შაპუხ ბაგრატიონი 95
 ფსელოსი მის. 28
 ფუთურიძე გ. 151
 ფუთურიძე ვ. 185
 ფურელი რ. 173
 ფუტკარაძე ტ. 30, 43, 45, 71, 90, 180, 186, 190
 ფხაკაძე გ. 13, 15-17
 ქავთარაძე იოანე 237
 ქავთარაძე ს. 310
 ქაში 73
 ქარდავა ხ. 3
 ქარნავა გ. 331
 ქარცივაძე ნ. 287
 ქაშიბაძე ვ. 173
 ქეზულაძე რ. 126
 ქელბაქიანი დ. 281
 ქვარაია ვ. 359
 ქირთბაია ნ. 273, 282
 ქირია ც. 216
 ქორთუა ნ. 207, 208, 210, 211, 213, 215, 216, 219, 221
 ქორიძე დ. 24, 25
 ქორიძე თ. 96
 ქორქია ლ. 9
 ქონლავა გიორგი 121, 127
 ქრისტოფორო დე კანევალე 145

ქურციკი გ. 257
 ქუჩა ჩელები ზადე 198
 ქუჯი 53, 75
 ლურჯუა ვ. 295, 297, 298, 304, 305, 307
 ყარაბეი 169
 ყარყარაშვილი გ. 357, 363
 ყაუხნიშვილი თ. 28-30, 40, 41, 43, 45-49, 51-55, 56-58, 61, 75, 122
 ყაუხნიშვილი ს. 30, 50, 55, 62, 63, 69, 70, 81, 82, 87, 181, 184, 186, 263
 ყიფშიძე ი. 186
 ყოლბაია ვ. 342, 354
 ყორანაშვილი გ. 28
 ყუბანეიშვილი ს. 185
 შავლიანი ადარნასე 101
 შავლიანი იოანე 101
 შაღვა ახალციხელი 125, 126
 შამბა თ. 336
 შამბა ს. 3, 126, 344
 შანიბოვი მ. 355
 შანიძე ა. 94, 326
 შანშე მანდატურთუხუცესი 125
 შანშივეი გ. 297
 შარაპოვი ს. 263
 შარაშენიძე ლ. 352
 შარდენი ჟან. 63, 152, 158, 163, 172, 194
 შარვაშიძე ა.გ. 274, 276, 284, 285-287, 295, 300
 შარვაშიძე ა.კ. 304
 შარვაშიძე ალი-ბეი (ალექსანდრე) 213, 219, 224, 230, 231, 238, 241
 შარვაშიძე არზაყანი 157, 158
 შარვაშიძე ასლან-ბეი 209, 212, 215-217, 219, 221, 229-232, 234, 235, 237
 შარვაშიძე ბაგრატ (საუსტან) 158
 შარვაშიძე ბათალ-ბეი 213, 216, 228, 230
 შარვაშიძე ბეჟან 212, 213
 შარვაშიძე ბესლაკო 156
 შარვაშიძე ბექირ-ბეი 200, 203, 219, 223
 შარვაშიძე გ.დ. 278
 შარვაშიძე გ.კ. 284
 შარვაშიძე გ.მ. 109, 155, 251, 275, 283
 შარვაშიძე გ. (საფარ-ბეი) 209, 210, 212-222, 224-227, 230, 245
 შარვაშიძე გრიგოლ 258
 შარვაშიძე დარდინ 126
 შარვაშიძე დიმ. 227, 229-234
 შარვაშიძე ვარლამ 285, 292, 293, 296-299, 307, 308
 შარვაშიძე ზეგნაყ 159
 შარვაშიძე ზურაბ 199-201, 203
 შარვაშიძე თაიარ-ბეი 228, 230
 შარვაშიძე (დადიანი) თამარი 209, 226-230, 233-235, 237, 239, 242
 შარვაშიძე თულა 214
 შარვაშიძე ივ. 274
 შარვაშიძე (დადიანი) კესარია 224
 შარვაშიძე კონსტ. 234, 258, 274
 შარვაშიძე ლ. 201, 208, 220, 221
 შარვაშიძე მანუჩარი 199-200
 შარვაშიძე მანუჩარ (სამურზაყ.) 208, 209, 215, 216, 219-221, 234
 შარვაშიძე მიხეილი 233-239, 241, 242, 244-248, 250-252
 შარვაშიძე ოთალო ჭაჭას ძე 121, 122

შარვაშიძე პრ. 272
 შარვაშიძე როსტომი 159
 შარვაშიძე როსტომ-ბეი 228, 230, 234, 235
 შარვაშიძე სეტემან 153, 156
 შარვაშიძე სოლომონ 156–158
 შარვაშიძე სორეს (სავარეს) 158
 შარვაშიძე სოსლან-ბეი 219, 223
 შარვაშიძე ქელეშ-ბეი 200, 201, 203-213
 შარვაშიძე ქუნუქ-ბეი 215
 შარვაშიძე ყვაპუ 159, 167, 171
 შარვაშიძე შერვან 199, 200
 შარვაშიძე წეთანურია (დარეჯან) 152, 153
 შარვაშიძე ხუტუნია 220
 შარვაშიძე ჯიქეშია 159, 199
 შარვაშიძე ჯოტო 292
 შარვაშიძე ხასან-ბეი 213, 216, 224, 226-229, 237-239, 241
 შარია გრ. 281
 შარია პ. 326
 შარტავა ქ. 364
 შატილოვი პ. 251, 252
 შაყრილი კ. 33, 195, 329
 შაყრილი ტ. 336
 შეგარდნაძე ე. 338, 350, 351, 353-356, 359, 361, 363, 367
 შენგელია დგო (ქიანელი) 303
 შენგელია ნ. 197-199
 შენგელია ვ. 186
 შერბატოვი ა. 240
 შერვაშიძე ლ. 106, 113, 133
 შერვაშიძე მ. 282
 შერიპოვი ასლან-ბეკ 286, 292
 შეროზია რ. 186, 190, 257
 შინქუბა ბ. 329
 შლატერი ნ. 297
 შმალი ვ. 345
 შმერლინგი რ. 96, 116
 შნირელმანი ვ. 28, 32, 38, 68, 286, 291, 295, 302
 შოპენი ივ. 65
 შოშიაშვილი ნ. 94, 99, 103, 117, 119
 შულგინი ვ. 296
 შურტა 107
 შუშანიკი 241
 ჩაბალუხა თემურყვა 214
 ჩაბალუხა ვომერი 214
 ჩაგაეა დ. 326
 ჩაკრაბორტი რ. 173
 ჩარაგუა ხ. 336
 ჩარკვიანი კ. 330
 ჩელეხი ევლია 151, 156, 160-162, 168
 ჩელეხი ქათიბ 63, 192, 194, 198
 ჩერვონნაია ხ. 294, 345
 ჩერნიაუსკი ვ. 66, 139, 176
 ჩიგოშვილი თ. 21, 22
 ჩინდაროვი რ. 356, 363
 ჩირიკბა ვ. 3, 186
 ჩიტაია დ. 266, 285, 290, 292, 295, 298, 300
 ჩიტაია გ. 51, 64, 69
 ჩიქობავა არნ. 31, 69, 75, 182, 196
 ჩიქოვანი მ. 337
 ჩიჯავაძე დ. 157
 ჩოჩიევი ვ. 197
 ჩოლოყაშვილი დ. 274
 ჩუბინაშვილი გ. 105, 106, 112-114, 118
 ჩუბინაშვილი დ. 35, 49
 ჩუკბარი ა. 274, 283, 284
 ჩუხუა მ. 28, 30, 180
 ჩქოტუა დავით 274
 ჩქოტუა მანუჩარი 238
 ჩქოტუა რაფიელი 287, 295-299
 ჩხატარაიშვილი ქ. 117, 197-199, 201
 ჩხენკელი აკ. 278, 285-287
 ჩხენკელი იოანე (მღვდ.) 268
 ჩხეტია შ. 254

ჩხეტიძე გერმანე 127, 150
 ჩხიკვიშვილი ბენია 285, 288, 297, 298, 304
 ცაავა მ. 288, 305
 ცაგარეიშვილი ე. 103, 119, 185
 ცაგარელი ა. 200
 ცაგურია ბ. 287
 ცაგურია მ. 288, 299, 305, 307, 308
 ცამბა ელიგვი 235
 ცარიოვა 285
 ცინცაძე ზ. 245, 273
 ცინცაძე ი. 155
 ცინცაძე ნ. 150
 ციციანოვი პ. 205, 207
 ციციშვილი ი. 111
 ცქიტიშვილი გ. 121
 ცხადაია პ. 75
 ძამპი მ. 158, 165, 171
 ძაფშბა თ. 3
 ძიძარია გ. 203, 206, 208, 212, 216, 225, 244, 245, 250-255, 259, 260, 261, 266, 282, 285, 295, 310, 329
 ძიძარია კ. 288
 ძიძარია ო. 194, 195
 ძიძიგური დ. 25
 ძიძიგური შ. 30
 ძეგია დ. 299
 წათე I 80
 წათე II 82
 წერეთელი დ. 9–11
 წესუბია შერამეტ... 214
 წვინარია ი. 13, 15, 24
 წიგწივაძე 285
 წმ. აღმსარებელი ამბროსი 66, 67, 75, 268, 269, 279, 284, 285, 292, 296, 303, 320
 წმ. მღვდელმთავარი ალექსანდრე 246, 254, 256
 წმ. მღვდელმთავარი გაბრიელი 256, 260, 267, 269, 270, 282
 წმ. მღვდელმთავარე კირიონ II 260, 266, 278, 279, 285
 წულუკიძე მ. 307
 წურწუშია ზ. 204
 ჭავჭავაძე დ. 254, 256
 ჭავჭავაძე ზ. 340
 ჭავჭავაძე ი. 66, 274, 341, 342
 ჭანბა ს. 283, 285, 299
 ჭანია ვ. 343
 ჭანტურია რ. 75, 257, 264
 ჭარაია პ. 262, 273, 281
 ჭედია ნ. 273
 ჭიჭინაძე თ. 159, 167
 ჭოჭუა ა. 273, 282, 289, 326, 329
 ჭუმბურიძე დ. 264
 ჭყონია ა. 151
 ხაზარაძე ნ. 35, 50, 51
 ხაინდრავა ვ. 357
 ხან-გიორგი 188
 ხარებავა რ. 287
 ხასია ა. 300
 ხასია ნ. 295
 ხასბულატოვი რ. 356
 ხაშბა ა. 326
 ხაშბა მ. 326, 329
 ხაჩიძე დ. 109
 ხახანაშვილი ა. 33, 67
 ხახუტაიშვილი დ. 24
 ხაჯინბა რ. 366
 ხვარცკია მ. 336
 ხვინგია ა. 273
 ხვისტანი რ. 113, 116
 ხითი ბ. 173
 ხიმშიაშვილი დ. 115
 ხინთბა ვ. 337
 ხიოტი ი. 308
 ხონელია რ. 107
 ხორავა ბ. 43, 127, 147, 148, 157,
 158, 165, 172, 193, 199, 200, 201, 205, 218, 226, 241-245, 249-251, 254-256
 ხომუტოვი 229
 ხოტელაშვილი მ. 113

ხოშტარია ნ. 24
 ხოშტარია-ბროსე ე. 68, 69, 71, 81
 ხოჭოლავა მ. 305
 ხრეშკოვა ლ. 96, 116, 125, 126
 ხრეშნოვი ნ. 333-335
 ხუნდაძე ა. 281
 ხუნდაძე ტრ. 271
 ჯაიანი მ. 167
 ჯალალ-ედ-დინი 125
 ჯაგახიშვილი ივ. 30, 32, 33, 36,
 44-46, 50-52, 60, 67, 104, 117, 118,
 138, 184, 302
 ჯანაშვილი მ. 30
 ჯანაშია ნიკო 257, 264, 273, 281,
 284
 ჯანაშია ნიკო (ლაშა) 93
 ჯანაშია ს. 32, 33, 36, 37, 45, 46,
 58, 60-62, 68, 71, 78, 83, 85, 92,
 105, 109, 113, 152, 168, 186, 188, 189,
 251, 326
 ჯანბერიძე გ. 173, 175, 177
 ჯანგველაძე ზ. 114
 ჯანდიერი ლ. 275
 ჯაფარიძე ანანია 76, 77, 81, 84,
 90, 96
 ჯაფარიძე გ. 91, 119
 ჯაფარიძე დ. 354
 ჯაფარიძე ო. 9, 11, 12, 17, 20, 21,
 25, 30, 34, 71
 ჯაყელი აღბულა 136
 ჯაყელი სარგის 126
 ჯაყელი ყვარყვარე 126
 ჯაყელი ყვარყვარე II 136, 137
 ჯაყელი ყვარყვარე III 138
 ჯიბლაძე ლ. 15, 17
 ჯიქია ს. 198
 ჯონუა ა. 329
 ჯონუა ჭ. 329
 ჯორბენაძე ბ. 192
 ჯოჯუა დ. 301
 ჯოჯუა ვ. 75
 ჯუანშერი 88, 91
 ჯუანშერი (მემბტ.) 91, 183, 185,
 189
 ჯუდიხე ჯუხეპე 154, 163
 ჯუღელი ანთ. 263, 266, 268, 273,
 281
 ჯუღელი ვ. 289, 292
 ჰაგბა ე. 3
 პაიდარ-ფაშა 148
 პეიდი უ. 142
 პეკათე მილეოელი 39, 40, 45
 პელანიკე მიტილენელი 39, 40,
 43, 45, 50, 51
 პერაკლე (ერეკლე) 83, 84
 პერაკლიდე ლემბუსი 45, 46
 პეროდე აგრიპა 56
 პეროდორე პერაკლეელი 41
 პეროდორტე 30, 39, 40, 43, 51, 52,
 368
 პეფესტო 58
 პიუიტი ჯ. 94, 186
 პოლუდალ-ალეში 185
 პომეში დიეგო. რუკა №7
 პომეროსი 29, 30
 პონდიუსი 186

კომპიუტერული უზრუნველყოფა

სიმონ გოგიძე
ხათუნა გოგიძე